

**MAJEPACU JŪMENIJICU  
YÁVAIYE MAMAENE  
COYŪITUCUBO**







©Wycliffe Bible Translators, 2009

El Nuevo Testamento  
en el idioma cubeo de Colombia

Segunda edición  
©Wycliffe Bible Translators, 2009

Primera edición, ©Sociedad Bíblica Internacional, 1989

**Licencia Creative Commons**

-  Usted es libre de copiar, distribuir y comunicar públicamente la obra bajo las condiciones siguientes:
-  Reconocimiento. Debe reconocer los créditos de la Liga Bíblica (pero no de una manera que sugiera que tiene su apoyo o apoyan el uso que hace de su obra).
-  No comercial. No puede utilizar esta obra para fines comerciales.
-  Sin obras derivadas. No se puede alterar, transformar o generar una obra derivada a partir de esta obra.
- ▶ Al reutilizar o distribuir la obra, tiene que dejar bien claro los términos de la licencia de esta obra.
  - ▶ Alguna de estas condiciones puede no aplicarse si se obtiene el permiso del titular de los derechos de autor
  - ▶ Nada en esta licencia menoscaba o restringe los derechos morales del autor.

<http://creativecommons.org/licenses/by-nc-nd/3.0>

# Índice

San Mateo .....	Mt.....	1
San Marcos.....	Mc .....	67
San Lucas .....	Lc .....	105
San Juan.....	Jn .....	169
Hechos.....	Hch.....	219
Romanos.....	Ro.....	282
1 Corintios.....	1 Co.....	315
2 Corintios.....	2 Co.....	348
Gálatas .....	Gl .....	371
Efesios .....	Ef.....	383
Filipenses .....	Flp.....	395
Colosenses.....	Col.....	403
1 Tesalonicenses.....	1 Ts .....	411
2 Tesalonicenses.....	2 Ts .....	417
1 Timoteo .....	1 Ti.....	421
2 Timoteo .....	2 Ti.....	429
Tito.....	Tit.....	435
Filemón .....	Flm.....	439
Hebreos .....	Heb.....	441
Santiago .....	Stg.....	473
1 San Pedro .....	1 P.....	481
2 San Pedro .....	2 P.....	490
1 San Juan.....	1 Jn .....	496
2 San Juan.....	2 Jn .....	503
3 San Juan.....	3 Jn .....	505
San Judas .....	Jud .....	507
Apocalipsis .....	Ap.....	510
Ñaradaviva yávaicamuaque .....		542



# San Mateo

Mamabuinore coyuiyebu Mateo bácu ùi toivaiye báquede Jesucristorã. Mateo bácu barejaquémavu judíovacacu, Galilea ámicurijoborócacu, aru Jesús ùi yávaiye méne beorí coyucójeimaracacu. Leví ámicucu barejaquémavu Mateo bácu, ñai jabovare tãutũra ícaipõecu bácu, Roma ámicurõ jaborõre memenu mácu, Jesús ùi órejaquiyi jipocare ù mácure. Majidivũ ne dápiayepe iye coyuiyede Jesucristorã toivarejaquemavu ù mácu cucu bácu Israel bácu páramena ne curijoborõ. Põecu cubebi majicu ye uju ùi toivaiju bácarõre diede, ubenita obedivũ majidivũ ne dápiayepe ániuju bácarõre 70 d.C. jipocare.

Mateo bácu jáðovarejaquemavu Jesúre yópe jabocupe. Toivarejaquemavu judíovare, ne majinajiyepe ayũ Jesúre Jũmenijicui daroimũ macuyãre, yópe ùi coyucójeiye báquepedeca úre coyucaipõeva mácvãre aru ne toivaiye báquepedeca Majepacu Jũmenijicui yávaiye javequede coyuitucubore. Coyurejaquemavu 1:1 David bácu aru Abraham mácu Jesús ùi jipocacavu bácvãre, dápiare ðacuyũ Jũmenijicu “Yópe ðarãjare”, ùi aipe báquepedeca na mácvãque (Gn 15:18, 2 S 7:8-16). Jáðovarejaquemavu Jesúre yópe bueipõecupe máre. Cũinãpũrũpe paiye Jesús ùi coyuiye báquede toivarejaquemavu Mateo bácu: (1) Jũmenijicui jaboteinore coyũno (caps. 5-7); (2) Jesús ùi yávaiye méne beorí coyucójeimarare cõjeiyede coyũno (cap. 10); (3) jári dápiari ne ðarãjiyepẽ ainore coyũno (cap. 13); (4) aipe ðaiye jaurõre Jesúre ju aipõevare coyũno (cap. 18); aru (5) ijãravũ cũiyede aru Jũmenijicui jaboteino buiyede coyũno (caps. 13-24).

---

## Jesucristo ùi jipocacavu bácvãre coyũno (Lc 3.23-38)

**1** <sup>1</sup>Yũ toivaquijivũ ne ámiãre ina Jesucristo ùi jipocacavu bácvãre, ùi jipoca põeteivũ bácvãre. Útame ñai jabocu bácu David bácu páramecu, aru Abraham mácu páramecu máre.

<sup>2</sup>Abraham mácu Isaac bácu pacu barejaquémavu. Isaac bácu Jacob bácu pacu barejaquémavu. Jacob bácu Judájã mácvã népacu barejaquémavu. <sup>3</sup>Judá bácu Fares bácu aru Zara bácu népacu barejaquémavu. Aru Tamar bácu népaco barejaquémavu. Fares bácu Esrom mácu pacu barejaquémavu. Esrom mácu Aram mácu pacu barejaquémavu.

<sup>4</sup>Aram mácu Aminadab bácu pacu barejaquémavu. Aminadab bácu Naasón mácu pacu barejaquémavu. Naasón mácu Salmón mácu pacu barejaquémavu. <sup>5</sup>Salmón mácu Booz bácu pacu barejaquémavu. Aru

Rahab bácu jípaco barejaquémavu. Booz bácu Obed bácu pacu barejaquémavu. Aru Rut bácu jípaco barejaquémavu. Obed bácu Isaí bácu pacu barejaquémavu. <sup>6</sup>Isaí bácu David bácu pacu barejaquémavu. Ñai David bácu Israecavu bácvã ne jabocu barejaquémavu. David bácu Salomón mácu pacu barejaquémavu. Aru Urías bácu márepaco jípaco barejaquémavu.

<sup>7</sup>Salomón mácu Roboam mácu pacu barejaquémavu. Roboam mácu Abías bácu pacu barejaquémavu. Abías bácu Asa bácu pacu barejaquémavu. <sup>8</sup>Asa bácu Josafat bácu pacu barejaquémavu. Josafat bácu Joram mácu pacu barejaquémavu. Joram mácu Uzías bácu ñecu marejaquémavu. <sup>9</sup>Uzías bácu Jotam mácu pacu barejaquémavu. Jotam mácu Acáz bácu pacu barejaquémavu. Acáz bácu Ezequías bácu pacu barejaquémavu. <sup>10</sup>Ezequías bácu Manasés bácu pacu barejaquémavu. Manasés bácu Amón

mácui pacu barejaquémavu. Amón mácu Josías bácu pacu barejaquémavu. <sup>11</sup>Josías bácu Jeconíajā mácavu néñecu marejaquémavu. Dinumhare, ne curinumhare, ina Babilonia amicurōcavu bácvu ne buorī nūvaimara marejaquémavu maja Israecavu maje jipocacavu bácvu. Na mácvure nūvarejaquemavu pū Babilonia amicurōita.

<sup>12</sup>Na mácvure ne buorī nūvariburu yóboi, Jeconías bácu Salatiel bácu pacu barejaquémavu. Salatiel bácu Zorobabel bácu pacu barejaquémavu. <sup>13</sup>Zorobabel bácu Abiud bácu pacu barejaquémavu. Abiud bácu Eliaquim mácu pacu barejaquémavu. Eliaquim mácu Azor bácu pacu barejaquémavu. <sup>14</sup>Azor bácu Sadoc bácu pacu barejaquémavu. Sadoc bácu Aquim mácu pacu barejaquémavu. Aquim mácu Eliud bácu pacu barejaquémavu. <sup>15</sup>Eliud bácu Eleazar bácu pacu barejaquémavu. Eleazar bácu Matán mácu pacu barejaquémavu. Matán mácu Jacob bácu pacu barejaquémavu. <sup>16</sup>Jacob bácu Joséi pacu barejameda. Nai José Maríai márepacu barejameda. Aru María Jesúi paco barejácoða. Nai Jesús Jūmenijicu ũi epeimū, Cristo, barejameda.

<sup>17</sup>Que baru Abraham mácu curinumure, pū David bácu curinumūita, catorce paiyajuboa bácvu curejaquemavu. Aru David bácu curinumure, pū ina Babilonia amicurōcavu bácvu ne buorī nūvaiyeta maja Israecavu maje jipocacavu bácvure Babiloniaita, apavu catorce paiyajuboa bácvu curejaquemavu. Aru maja Israecavu maje jipocacavu bácvure ne buorī nūvaiyede, pū nai Cristoi pōteiyeta, apavu catorce paiyajuboa bácvu curejaquemavu.

### Jesucristo ũi pōeteino

(Lc 1.27, 31, 2.1-7, 21)

<sup>18</sup>Yópe barejávūya Jesucristo ũi pōeteino mácarō. Jípaco bacodó María amicūco barejácoða. Joséi márepaco bacodó barejácoða. Óre ũi nomicūbedata

cāreja, javeta ō micatedejaquemavu nai Espíritu Santo ũi paruéque.

<sup>19</sup>José boropatebecu barejameda Jūmenijicu jáinore. Que baru María ōi juedojícure eaiyede coreóvarī, judíoiva ne daicōjeiyepedeca daiyurī, óre jarūvacayū barejameda. Ūbenita Josécapūravu ye jarūvaiyūbedejameda óre pōeva ne jáiyede, “Cuyoje tede daquijichūvu yū óre” ayū. Que baru óre pōeva ne jámene jarūvaiyūrīdurejameda nai José. <sup>20</sup>Ūi nópe dápiarīburu yóboi, cūinácu ángele, Jūmenijicu darioimū, earejameda vuorūmūi José yebai. Aru yópe arī, coyurejameda ũre:

—Mū, José, David bácu pāramecu, jidūbecuva Maríare nomicūjacu mū. Espíritu Santo ũi juedojímo mácotame ō. <sup>21</sup>Ūmū juedojícure cūvacodome ō. Ū macuyúme meadacuyū ũi pōevare, ne ámeina teiyede jarūvarī. Que baru ũ macuyú Jesús amicūcuyūme ũ, arejameda nai ángele Joséde.

<sup>22</sup>Caiye iye nópe vaidéjavūya cūinátrū Jūmenijicu ũi coyūcōjeiye báquepedeca cūinácu ũi yávaiyede coyūcaipōecu bácvure. Yópe arī, toivaicōjenejaquemavu ũ mácvure Jūmenijicu:

<sup>23</sup>Nomió ũmucubecova juedoearī juedocūvacodome ō. Emanuel amicūcuyūme ũ macuyú, arejaquemavu nai Jūmenijicu yávaiyede coyūcaipōecu bácvu. Emanuel aiyūrō, “Jūmenijicu majaque cubi”, aiyūrōtamu. <sup>24</sup>Que teni José coedarī, ángele ũi aye báquepe darejameda. Maríare nūvarejameda ũi cūrami. <sup>25</sup>Ūbenita óque cūbedejameda cāreja, pū ōi mácvure juedocūvarīburu yóboita. Aru ōi juedocūvaede, “Jesús bájacu mū” arī, amidorejameda José.

### Abíacovare bueipōeva

Jesúre ne járanūino

**2** <sup>1</sup>Belén amicuriimaroi, Judea amicurijoborōi, pōtedejameda Jesús. Ūi pōteiyede dijaborōcavu ne jabocu Herodes amicūcu barejameda. Ū curejameda Jerusalén amicuriimaroi.

Dinũmre aviá dainocavũ, abiacovare bueipõeva, earejaimada Herodes yebai.

<sup>2</sup>Earĩ, yópe arĩ, jēniari járejaimada:

—¿Muja judíova muje jabocu bacuyá, ári põetecuba ũ? Cũinácu abiacoru ũi põeteiyede jádovañure jári, daivubu ñuja, jínajivu mearore úre, arejaimada ina abiacovare bueipõeva.

<sup>3</sup>Apevu diede ne coyuiyede jápiarĩ, ãmei cãrijiñũ marejámeđa ñai jabocu. Ũi jabocu bae boje, apecu jabocu ũi põeteiyede jápaiyubedejaquemavu. Aru obedivu Jerusalécvũ máre cãrijiñũ barejáimada. <sup>4</sup>Cãrijiñũ, úre memecaivure órejaicõjenezameđa Herodes apevu sacerdotevare jaboteipõevare aru Jũmenijicui yávaiye báquede bueipõevare máre. Ne eaiyede, yópe arĩ, jēniari járejameđa ñai jabocu:

—¿Ári põeteyuba Jũmenijicui epeimũ ijãrvui, ñai Cristo? arejameđa náre.

<sup>5</sup>Yópe arĩ, coyurejaimada úre:

—Belén ãmicuriĩmaroi, Judeacarõi, põetecuyume Jũmenijicui epeimũ, ñai Cristo. Yopedeca toivaicõjenezajuemavu Jũmenijicui yávaiyede coyũcaipõecu bácvure:

<sup>6</sup>Judea ãmicurijoborõcarõ ĩmaro, Belén ãmicuriĩmaroi, põetecuyume ñai, Israecavũ ne jabocu bacuyá, náre jipocatecuyũ. Que baru diĩmaro quĩjinoavacari, parũrõ maquiyébu, arĩ coyurejaquemavu Jũmenijicui yávaiyede coyũcaipõecu bácvure, arejaimada ina judíovai jabova Herodede.

<sup>7</sup>Ne coyurĩburu yóboi, úre memecaivure yavenina órejaicõjenezameđa Herodes ina abiacovare bueipõevare, põeva ne jápiabenoĩ. Náque boroteni, coreóvarĩ majidejameđa aipiye bajure abiacoru ũi járorõ mácarõre. <sup>8</sup>Majicũ bácvũ, náre jarorejameđa pu Belén ãmicuriĩmaroĩta. Yópe daicõjenezameđa náre:

—Vorãñjara muja juedojĩcvure. Vorĩ eaiyvũ bácvũ, coyurãdajarã yure cojedeca. Yũ máre nucuyumu ũi yebai, mearore jĩcuyũ úre, arejameđa borocucu ñai Herodes.

<sup>9</sup>Jápiavũ bácvũ ũi coyuiyede, ina abiacovare bueipõeva mái nurejaimada, yópe ñai jabocu ũi aiye báquepedeca. Que teni abiacoru, ne jáimũ mácu aviá dainocapũrvui, náre jipocateni nurejameđa pu ũi eaiyede juedojĩcui curiñamine. Aru diñami pũenoĩ mautedejameđa. <sup>10</sup>Ne jáiyede abiacoru mauteyure cuibeda diñami pũenoĩ, urarõ torojurejaimada ne ũmei. <sup>11</sup>Diñami cũrami jĩvui ne ecoiyede, járejaimada juedojĩcvure jĩpaco Maríaque. Nuatutarĩ ũi yebai, jídejameđa mearore úre. Que teni ne cvue ĩmaritõcuare voarĩ, úrure, olĩbano ãmicue mumijuede, aru mirra ãmicue mumijuede máre jídejameđa úre. <sup>12</sup>No yóboi, vuorũmũ, Jũmenijicui copainuicõjemenezameđa náre Herodes yebai. Que baru ma apemamata copainurejaimada ne curõita.

#### Jesúĩ bucũva Egiptoĩ ne dupini nũino

<sup>13</sup>Ina abiacovare bueipõeva ne nũriburu yóboi, cũinácu ángele, Jũmenijicui daroimũ, cvetedejameđa Joséde vuorũmũ. Yópe arĩ, coyurejameđa úre:

—Coedarĩ, nacajari, nũvajacu juedojĩcvure, jípacore máre, Egipto ãmicurijoborõita. Dupini nũjara muja. Juedojĩcvure vorĩ, boarĩ jarũvaicõjecuyume Herodes. Que baru mautejarã muja nore pu “Nũjara”, ji aiyeta cojedeca, arejameđa ñai ángele Joséde.

<sup>14</sup>Coedarĩ, juedojĩcvure, jípacore máre, nũvarejameđa José. Diñamimareca Egipto ãmicurijoborõita dupini nũrejaimada na. <sup>15</sup>Aru nore, Herodes ũi yaiyéde cãreja, mautedejaimada na. Caiye iye nópe vaidéjavũya cũináturu Jũmenijicui ũi coyuiicõjeiye báquepedeca cũinácu ũi yávaiyede coyũcaipõecu bácvure. Yópe arĩ, toivaicõjenezajuemavu ũi mácvure Jũmenijicui: “Jĩmacure cutucacu yũ, ũi etaquiyepe ayũ Egipto ãmicurijoborõre jocarĩ”, arejaquemavu Jũmenijicui.

#### Herodes ũmũ juedojĩnare ũi boarĩ jarũvaicõjeino

(Mr 1.24; Lc 2.39; Jn 1.45)

<sup>16</sup>Ina abiacovare bueipõeva, ne copainumene Herodes yebai yópe ũi

cōjeino mácarōpe, Herodecapūravu jorojinejameđa, ne ju abe boje ũre. Ne juvojaiyede coreóvayu bácu, jorojĩñ, churaravare boarí jaruvaicōjenejameđa caivu ina ũmu juedojiná pũcajuja cuvabevure cáreja. Yópe ũi corevaiyepene ina abiacovare buaipōeva ne coyuiyepene báquepe, mamarumure ne jáiye báquede abiacovure, Herodes boarí jaruvaicōjenejameđa caivu ina ũmu juedojinare, Belén ámicurĩĩmaro curivure aru no ĩmaro joabeno curivure máre. <sup>17</sup>Yópe Raquel báco òi oiye báquepe, nopedeca ina Belécavu máre orejaimađa. Caiye iye nópe vaidéjavũya cūináturu Jūmenijicu ũi coyucōjeiye báquepedeca ũi yávaiyede coyucaipōescu bácu Jeremías bácu. Yópe arí, toivaicōjenejaquemavu ũi mácu Jūmenijicu:

<sup>18</sup> Ramá ámicurĩĩmaro

jápurateavũya urarō ne chĩori oiye. Ico Raquedecabe odo mamara mácvure boje. Nárecabu yaivu bácvu. Que baru orí dajocabebico ò, arejaquemavu Jūmenijicu yávaiyede coyucaipōescu bácu.

<sup>19</sup> Apenũmua vaiyede, Herodes bácu ũi yainĩburu yóboi, José ũi cuede Egipto ámicurĩĩborōi, bediōva cojedeca vuorũmũi cuetedejameđa ũre cūinácu ángele, Jūmenijicu daroimu. Yópe arí, coyurejameđa ũre:

<sup>20</sup>—Coedarí, nacajari, nũvajacu juedocure, jípacore máre. Muje joborō, Israel ámicurĩĩborōi, nũjara cojedeca. Ñai boaiyucu bácu juedocure jave yaibí, arejameđa ñai ángele Joséde.

<sup>21</sup> José coedarí, nũvarejameđa juedocure jípacoque. Aru copainurejaimađa Israel ámicurĩĩborōita. <sup>22</sup> Israecarō Judea ámicurĩĩborōi nũjurorivu barejáimada na. Ũbenita Herodes bácu mácu, Arquelao ámicucu, Judeacavure jaboteyu barejámeđa jípacu bácu yóboi. Aru die borore jápiarí, jiducu, Josécapūravu cuiyubedejameđa noi. Bediōva cojedeca vuorũmũi, Joséde

nore nũicōjemenejameđa Jūmenijicu. Que baru apeno Israecarō, Galilea ámicurĩĩborōi, nũrejaimađa Joséjá. <sup>23</sup> Nazaret ámicurĩĩmaro nũri, earí, curejaimađa na. Nópe vaidéjavũya cūináturu Jūmenijicu coyucōjeiye báquepedeca ina ũi yávaiyede coyucaipōeva mácvure. Yópe arí, “Ñai Cristo Nazarecacu bacuyũme”, arejaquemavu na mácvu.

#### Juan Bautista ũi coyũino Jūmenijicu yávaiyede pōescubeno

(Mt 4.17, 7.19, 12.34, 23.33; Mr 1.1-8, 15; Lc 3.1-9, 15-17; Jn 1.19-28, 8.33)

**3** <sup>1</sup> Obediũmua yóboi, Juan Bautista coyurí búrejameđa Jūmenijicu yávaiyede. Judea ámicurĩĩborōcarō pōescubeno, pōeva vaivure coyure curejameđa nore. <sup>2</sup> Yópe arí, coyurejameđa:

—Chĩori dápiarí muje ámeina teiyede, oatũvajarā muje ðaiyede. Muje nópe ðaiyede, maumena mũjare jabotecuyume Jūmenijicu, arejameđa, coyũyu náre.

<sup>3</sup> Nai Juan Bautista barejaquemavu Jūmenijicu yávaiyede coyucaipōescu bácu Isaías ũi coyũimu mácu. Javede yópe arí, Isaías bácu coyucōjenejaquemavu Jūmenijicu Juan Bautista bacuyũra:

Jūmenijicure coyucaipōescu coðoboboyure jápiarãjarama pōescubeno: “Meađajarā muje ũmene copu etaburí maje jabocure, nopedeca muje meađaiyepene daimare ñai ũmu, muje pueðaimu, ũi daquiye jipocai. Que ðarí dajocajarā muje ámeina teiyede Jūmenijicu daroimu macuyú ũi daquiye jipocai, Jūmenijicu copu etaquiyepe ayu mũjare”, arejaquemavu Isaías bácu, coyũyu Juan Bautista bacuyũra.

<sup>4</sup> Juan Bautista dorejameđa camello ámicucu poda que ðaicajede ũi cuitótecaje. Aru ũi jarióicava máre áimacajequé ðaicava marejavũya.



Ë ãre curejameða mujuñuvare aru mumicorore máre, yópe apevu nócvav çave çuvabevure. <sup>5</sup>Obedivü pöeva, Jerusalén ãmicuriĩmarocavü, Judea ãmicurijoboröcavü, aru Jordán ãmicuriya jia êcaruacavü máre jápiarãnurejaimaða Juan Bautista yebai. <sup>6</sup>Aru jiai, Jordán ãmicuriyai, na coapa “Ãmecübu yu” ne arĩburu yóboi Jũmenijicure, ne chĩori dápiaye boje ne ãmeina teiyede, jáðovarejameða Jũmenijicuque.

<sup>7</sup>Obedivü judfövai jabova, fariseo ãmicuriyajubocavü aru saduceo ãmicuriyajubocavü máre, jáðovaranurejaimaða Jũmenijicuque jiai. Æbenita na eaivure jári, yópe arejameða Juan Bautista:

—iMuja jujovaiuvbu, muje ðaiye boje mearape! iAru ðdavape paivübu muja, muje ãmeðaiye boje apevure! Jũmenijicui jorojĩquijãravü eaiyede, jáve dupini buojabenamu muja.

<sup>8</sup>Ðajarã muja yópe pöeva chĩoivü ne ãmeina teiyede, oatuvaiuvü ne ðaiyepe. <sup>9</sup>Yópe arĩ, “Majeñecu Abraham mácu meacu barejaquemavü. Jũmenijicu yóvarejaquemavü ã mácvure. Que baru meara bajutamu maja Jũmenijicui jáinore. Aru ãi jorojĩquinore dupini buojarãjaramu maja”, arĩ dápiabejarã muja. Jáve çoyuyübu mujare: Muja oatuvabevü baru, Jũmenijicui jorojĩquijãravü eaiyede dupini buojabenamu muja. Jápiajarã. Jũmenijicu ucü baru, buojaibi oatuvayü iboá çuraboare Abraham mácuĩ páramena márajivure ðacuyü, ne ðarãjiyepe ayü yópe ãi uröpe. <sup>10</sup>Yópe jiore memeipöescu ãi jáiyede jocucua jëidua mearua çubecure ãi jioi, ãi jaruvajuroepe dicuáre toaboi, nopedeca Jũmenijicu jáñu mujare mearo ðabevure, jaruvacuyüme mujare toabo cüiméboi.

<sup>11</sup>Yu jáve mujare jáðovaiuv Jũmenijicure ocoque, muje chĩori dápiaye boje muje ãmeina teiyede. Æbenita dacuyüme ji yóboi cüinácu, ji pueno parucu. Æ macuyüme jáðovañu mujare Jũmenijicuque Espiritu

Santoque, ãi çuquiyepe ayü mujaque aru ãi cadatequiyepe ayü mujare máre. Aru ã macuyüme jáðovañu mujare Jũmenijicuque toaque máre, muje meara tenajiyeye ayü yópe pöeva ne meadaiyepe táure toaque, aru ãi ñájine ðaquiyepe ayü mujare, meara tebedu. Que baru caivü pueno meacu bajube ã. Yúcapüravü pare ãi cãchinocacübu. Que baru ãre cadateni buojabevü yu. Pü oarĩ buojabevü yu nuvcayü ãre ãi curaidoare. <sup>12</sup>Yópe oteiyede memeipöescu ãi veoiyepe jaraboque, oteiyede epecuyü ãi epeiñami, aru oteiyede cajeáre juacuyü, nopedeca Jũmenijicu ãre ju aivure epecuyüme ãi jaboteinoi aru ãre ju abevure jaruvacuyüme toabo cüiméboi, arĩ buedejameða Juan Bautista.

#### Juan Bautista ãi jáðovaino Jesúre Jũmenijicuque

(Mt 12.18, 17.5; Mr 1.9-11; Lc 3.21-22, 9.35)

<sup>13</sup>Dinũmure Jesús nurejameða, etacuyü Galilea ãmicurijoboröre jocarĩ, pü Juan Bautista yebaita, Jordán ãmicuriya jiai, ãi jáðovaquiyepe ayü ãre Jũmenijicuque. <sup>14</sup>Juan Bautistacapüravü ãre jáðovaiyübedejameða. Que baru arejameða Jesúre:

—Yure javü mi jáðovaino ocoi Jũmenijicuque, ji ãmeina teiye boje. Murecabu meacu baju. Que baru mure javbevü ji jáðovaino ocoi Jũmenijicuque, arejameða Jesúre Juan Bautista.

<sup>15</sup>Æbenita Jesúcapüravü arejameða: —Yópe Jũmenijicui ðaicöjeiyepe ðaiye javü majare. Que baru mure javü mi jáðovaino yure ocoi Jũmenijicuque, arejameða ãre Jesús.

Que baru Juan Bautista jáðovarejameða Jesúre Jũmenijicuque no jiai. <sup>16</sup>Ëi jáðovariburu yójiñboi, maumena marejameða Jesús jiare jocarĩ. Dinũmũmiareca vorĩ nurejavãya cavarö mearo Jũmenijicui çurö. Aru Jũmenijicui Espiritu jurecope êmeni tubacodaðore ãi puenora járejameða Jesús. <sup>17</sup>Aru ina çurivü noi jápiarejaimaða apeno yávinore, cavarö

mearo Jūmenijicui curōque aiyede yópe: “Ñainecabe jímacu, jí umu. Me torojuvu yu úre”, arejamedá Jesúre Jūmenijicu.

**Abujuvai jabocu úi Jesúre  
jujovariđuino**

(Mr 1.12-13; Lc 4.1-13; He 2.18, 4.15)

**4** <sup>1</sup>Dinumure ñai Espiritu Santo nuvarejamedá Jesúre pōecubenoí, ñai abujuvai jabocu úi jujovariđuquiyepa ayu úre. <sup>2</sup>Aru cuarenta paijāravua, cuarenta paiñamia yéde amenejamedá Jesús. Que baru no yóboi ávúé ijidejavūya úre. <sup>3</sup>Ñai jujovayu, Satanás āmicucu, earí, Jesús āuyaiyure coreóvarí, arejamedá úre:

—Jāveneca Jūmenijicui mácu baru, āiye dajacu iboá cūraboare, arejamedá.

<sup>4</sup>Ūbenita Jesús arejamedá ñai abujuvai jabocure:

—Mí aiyepe đabevu yu. Jūmenijicui yāvaiye úi toivaicōjeiye báque coyuvu yópe: “Pōeva cubenama ne āiye matuiyeda. Qué Nora curājarama caiye Jūmenijicui yāvaiyeque máre”, arejamedá Jesús.

<sup>5</sup>Que aríburu yóboi, ñai abujuvai jabocu nuvarejamedá Jesúre Jerusalén āmicuriímaroi. Úre muri nure đarejamedá Jūmenijicui cūrami puenora.

<sup>6</sup>Aru arejamedá úre:

—Jāve Jūmenijicui mácu baru, turí nujacu yore jocarí, pu joboróita. Que baru Jūmenijicui yāvaiye úi toivaicōjeiye báque coyuvu mi borore yópe: “Jūmenijicu jarocuyume úi ángelevare, ne coreñaiyepa ayu mure. Jāmúorajarama mure ne puruáque mi ijíe tebequiyepa aivu mi cubobare cūraboque”, arí toivarejaquemavu. Que baru mi turí nuru, yu jāñu buojacuyumu Jūmenijicu đayure yópe úi aiye báquepedeca, arejamedá Jesúre ñai abujuvai jabocu.

<sup>7</sup>Aru Jesúcapūravu arejamedá úre:

—Mí aiyepe đabevu yu. Jūmenijicui yāvaiye úi toivaicōjeiye báque coyuvu yópe: “Jujovabeyacu mi jabocu Jūmenijicure. Jāđovaicōjemejacu úi parúede”, arí toivarejaquemavu. Que

baru yéde đabevu yu, jāđovaicōjeyurocu úi parúede. Majivu yu parucure, arejamedá Jesús.

<sup>8</sup>Aru bediōva cojedeca ñai abujuvai jabocucapūravu nuvarejamedá Jesúre. Cūracú ūmujuricú puenoi jāđovarejamedá caiye ijāravucarōa ĩmaroare aru caiye die cūve méne máre. Aru arejamedá úre:

<sup>9</sup>—Caiye iye jabocubu yu. Que baru jíquijivu mure caiye iyede, mi ñuatutarí mearore jídu yure, arejamedá Jesúre ñai abujuvai jabocu.

<sup>10</sup>Dinumure Jesúcapūravu arejamedá úre:

—Mí aiyepe đabevu yu. Aru mu, Satanás, maumena nujacu mu yure jocarí. Jūmenijicui yāvaiye úi toivaicōjeiye báque coyuvu yópe: “Mearore jíjacu mi jabocu Jūmenijicure aru úre cūinácura memecajacu yópe úi urōpe”, arejamedá Jesús.

<sup>11</sup>Que baru ñai abujuvai jabocu nurejamedá Jesúre jocarí. Aru ángeleva coreni cadatedejaimada úre.

**Jesús Galileai úi bueni buino**

(Mt 3.2, 14.3; Mr 1.14-15, 6.17; Lc 3.19-20, 4.14-15; Jn 2.12)

<sup>12</sup>Dinumure Herodes āmicucu jabocu buicōjenejamedá Juan Bautistare. Die borore jápiayu bācu Jesús, nurejamedá Galilea āmicurijoborói. <sup>13</sup>Nazaret āmicuriímarore dajocarí, nuri apeno joborói, Zabulón aru Neftalí āmicuriyajuboa pōeyajubocavu ne curijoborói, nurejamedá Jesús. Capernaum āmicuriímaroi cucunurejamedá, macajitabu urabu écarui. <sup>14</sup>Nópe vaidéjavūya cūináturu Jūmenijicu úi coyucōjeiye báquepedeca úi yāvaiyede coyucaipōecu bācure, Isafas āmicucure. Yópe arí, toivaicōjenejaquemavu ū mácure Jūmenijicu:

<sup>15</sup>Zabulón aru Neftalí āmicurijoborói, Jordán āmicuriya apeduve, jia uradacapūravui, Galilea āmicuró, judiōva ānevú ne curótamu.

<sup>16</sup>Ina pōeva ñeminoi dobarivu

bácvav ɱrarō mearo miadárore jáđama. Ina pōeva bótainope painoi dobarivv bácvavure, ne ũme yaijuroede, miadáe tuivv náre, arejaquemavv Jūmenijicui yávaiyede coyucaipōecu bácv.

Nópe ũi coyuiyede, yópe aiývurejaquemavv: Ina judíoava āmev Jūmenijicui yávaiyede jávene majibedejaquemavv aru járavv cūiméjāravv baquinóre cuvabedejaquemavv Cristoi daquiye jipocai.

<sup>17</sup>Dinumumiata bueni bárejamedá Jesús. Yópe arí, coyvure curejamedá: —Chīori dápiarí mŭje āmeina teiyede, oatvjavará mŭje đaiyede. Mŭje nópe đaiyede, maumena mŭjare jabotecvŭme Jūmenijicui, are nŭrejamedá Jesús.

**Jesús ũi “Dajarā” aino yóvaicvavivv moa boaipōevare**

(Mt 9.35; Mr 1.16-20, 39; Lc 5.1-11)

<sup>18</sup>Que teniburu yóboi, Jesús cuyv macajitavv ɱrabv Galilea āmicurijitavv ěcarui, járejamedá pvcará ũmuvare, Simóre aru Andrés ĩmacumaquevure. Moa boarí bojedaipevare marejáimada na. Que baru đvavivv barejáimada ne pápicv ɱracvure dibv macajitavv. <sup>19</sup>Ne que teiyede, Jesús arejamedá náre:

—Dajarā yúque. Epequijivv mŭjare, mŭje davarājiyepere pōevare ji yebai, yópe mŭje moare davaiyepere pápicvque, ji meadaquiyepe náre, arejamedá Jesús.

<sup>20</sup>Que avvure jápiarí, đajocarejaimada ne pápicvare, nŭrajivv Jesúque. <sup>21</sup>Aru cuyv cāreja, jipocai járejamedá apev pvcará ũmuvare, Zebedeoi mārare, Santiago aru ĩmacv Juan. ĩmarejaimada népacvque ne jiadocūi, meadaivv ne pápicvare. Jārina, cuturejamedá náre. <sup>22</sup>Quénora cūiná đajocarejaimada dicŭre aru népacvure máre, nŭrajivv Jesúque.

**Jesús ũi bueino obedivv pōevare**  
(Lc 6.17-19)

<sup>23</sup>Jesús bueyv barejáme Jūmenijicui yávaiyede caino Galilea

āmicurijoborōi judíoavi cójijiñamiai. Coyvure barejáme iye yávaiye méne Jūmenijicui jaboteiyede pōevare. Aru meadayv barejáme pōevare caiye duica ijíe coapa aru caino ĩjinore máre. <sup>24</sup>Que baru caivv pōeva Siria āmicurijoborōcavv jápiarejaquemavv Jesúi borore. Aru obedivv pōeva név v ĩjimarare meadarānŭvarejaima Jesús yebai. Ina duica ijíede cvvarivvure, ijíede nājivvure, ĩjinore cvrivvure, abujvva ĩmamarare, bidivvure aburi ne ĩjjecamvure etaiyeque, aru nacajaiye majibevvure máre meadarejame Jesús. <sup>25</sup>Aru obedivv pōeva nŭrejaima ũi yóboi, Galilea āmicurijoborōcavv, Decápolis āmicurōcavv, Jerusalén āmicurīmarocavv, Judea āmicurijoborōcavv, aru Jordán āmicuriya ĩa apedvvecavv máre.

**Jesús ũi bueino obedivv pōevare cŭracūi**

(Lc 6.20-23; Hch 7.52; 1 P 3.14, 4.14)

**5** <sup>1</sup>Jesús jáñv ina obedivv pōevare, mŭri nŭrejamedá cŭracūi. Noi ũi dobacvŭiyede, buecvŭv ũi bueimarare, ina pōeva nŭrejaimada ũi yebai. <sup>2</sup>Náre yópe arí bueni bárejamedá Jesús, ne majinajiyepere avv aipe ārojarivvure ina pōevare, Jūmenijicui jaboteimara mārājivvure. Yópe arejamedá:

<sup>3</sup>—Torojŭrājarama ina cōmaje ārojarivv ne ũmei, ne coreóvayie boje ne baju āmeina teivv. Jūmenijicui ũi cadatebedu náre, buojabema đavv meare. Nárecavu Jūmenijicui jaboteimara. <sup>4</sup>Torojŭrājarama ina chíoivv ne baju āmeina teiye boje, aru ĩjāravvcavv ne āmeina đaiye boje máre. Nárecavu Jūmenijicui torojure đaquimara. <sup>5</sup>Torojŭrājarama ina “¿Meara márica ñŭja?” abevv, ne coreóvayie boje Jūmenijicui ĩyvure caiye náre javéde, ne cvvarājiyepere avv méne, aru ne đarājiyepere avv mearore. Mamājavv edaquijāravv baquinóre, nárecavu Jūmenijicui mearore ĩjacuimara. <sup>6</sup>Torojŭrājarama ina teiyurivv boropatebevure Jūmenijicui

jáinore, yópe áuyaiñv ne áiyuere aru náre cüñóiyede ne úciyuere. Nárecabu Jümenijicui boropatebende ñaquimara. <sup>7</sup>Torojurájarama ina cõmaje ároje jáivv arevure, ne coreóvayie boje Jümenijicui náre cõmaje ároje jámenu, na máre ñájijmrorivure ne ámeina teiye boje. Nárecabu Jümenijicui cõmaje ároje jáquimara. <sup>8</sup>Torojurájarama ina pñacũmea cũbevũ, ne ñaiyue boje caiyede yópe Jümenijicui urõpe, ne baju urõpe ñaiyubevũva. Nárecabu Jümenijicure járajivv. <sup>9</sup>Torojurájarama ina cãrijimene ñaiyv arevure, ne baju cãrijimevũva cue boje Jümenijicũque. Nárecabu Jümenijicui “Jímaramu”, ñi aquimara. <sup>10</sup>Torojurájarama ina põeva arevũ ne ñájine ñaimara, ne ñaiye boje mearore yópe Jümenijicui urõpe ñajocabevũva. Nárecabu Jümenijicui jaboteimara. <sup>11</sup>Torojurájaramu mña põeva Jümenijicure ju abevũ ne jaraiyede mñjare, ne ñájine ñaiyede mñjare, aru ne borocũñi ámeina coyuiyede mñjara máre, mñje yóvayie boje yure. <sup>12</sup>Me torojurájaramu mña. Que teni boje urarõre cõvarájaramu mña cavarõ mearo Jümenijicui cõrõ. Nopedeca ina javecavũ bácavũ, Jümenijicure ju abevũ bácavũ máre, ñájine ñarejaquemavũ ina Jümenijicui yávaiyede coyũcaipõeva mácavũre, mñje jipocavũ bácavũre, arejameña Jesús.

**“Yuquirare” aru “põibure” jári dápiaiñ ne ñarãjiyepe aino**  
(*Mr 4.21, 9.50; Lc 8.16, 11.33, 14.34-35; Jn 8.12, 9.5; 1 P 2.12*)

<sup>13</sup>Bediõva Jesús, yópe arñ, buedejameña náre:

—Mñjarecabu yópe yuquirape paivũ ijãravũ. Meaãivvũbu maje áiyede yuquiraque. Nopedeca mña meara ñaiyvũ põevare. Yuquira maje áiyede meãivvũ. Ñbenita yuquira ejué bñjaru, áiyede meãarñi bñjocabevũ. Quédata põeva jarũvadama diede mára, ñimai cuivv ne cõrarãjiyepe aivv diena.

<sup>14</sup>Mñjarecabu yópe miãárope paivv ijãravũ. Cüñáro imaro cõracũ pñeno

cõrõ maru, ye yaveni bñojaino ámevũ. Que baru caivv põeva járajarama ñiimarore. <sup>15</sup>Põecũ pñõibure pñõiriburu yóboi, ñõmemi ñibure pñebũ cãchinoi. Quénora ñõimi ñibure jocũve pñenora. Que baru caivv ñiñami cõrami cõrivv járajarama me. <sup>16</sup>Nopedecabu mñje cue põeva ne jáinore. Ména cñjarã mña ijãravũ, yócvũ ne járajayepe aivv mñje mearore ñaiyede. Diede jári, coreóvarájarama aipe árojacũre majepacu cavarõ mearocacũre. Aru “Meacũbu mñ”, arájarama ñre, arejameña Jesús.

**Jesús ñi bueino Jümenijicui jaboteiyede aru ñi ñaicõjeiyede**  
(*Lc 16.17*)

<sup>17</sup>Cojedeca Jesús, yópe arñ, buedejameña náre:

—“Jarũvacũdayũbe”, arñ dápiabejarã yũre iye ñaicõjeiyede Jümenijicui coyuiye báquede Moisés bácure, aru ina Jümenijicui yávaiyede coyũcaipõeva mácavũ ne coyuiye báquede máre. Diede jarũvacũdabevũ yũ. Quénora mñjare jáñovacũdayũbu aipe aiyũrõre, aru aipe ñaiye jãrõre caiye diede jãubevũva.

<sup>18</sup>Que baru jáve coyũyũbu mñjare: Cüñãjãravũ yo cavarõ aru yo joborõ máre cüñiquiyebu. Ñbenita caiye iye Jümenijicui yávayie, ñi toivaicõjeiye báque, ye cüiméquiye. Quénora caiye vaiquiyebu yópe Jümenijicui toivaicõjeiye báquepedeca ñi yávaiyede. <sup>19</sup>Caiye iye Jümenijicui yávayie, ñi toivaicõjeiye báque, jãvũ majare. Que baru caivv põevare ju are ñaiye jãvũ caiye diede.

Ñbenina yávabecũbe Jümenijicui. Ácũ pñecũ apeñe ñi yávaiyede ju abede ñabecũ baru, aru arevure máre bueyv baru ne ju abede ñabenajiyere ayũ, ñrecabe jaboteimũ ámeçyũ cavarõ mearo Jümenijicui cõrõ. Ñbenita ácũ pñecũ caiye Jümenijicui yávaiyede ju are ñayũ baru, aru arevure máre bueyv baru ne ju are ñarãjiyepe ayũ, ñrecabe Jümenijicui jaboteimũ me pueãaimũ macyũ cavarõ mearo Jümenijicui cõrõ.

<sup>20</sup>Que baru соууубу мујаре: Мearore даиye јавуу мујаре ina Јүменijици иуаиye бaquede бueипöeva рuено aru ina фарисеова рuено маре. Ne рuено Јүменijици урöпе дари, мearore дабеву baru муја, ye Јүменijици јаботеимара аменajараму муја, aru cavarö мearo үи сурöи cubenajараму муја, arejameда Jesús.

**Jesús үи бueino пöeva ne jaraiyede**  
(Lc 12.57-59)

<sup>21</sup>Yöpe арi, бuedejameда Jesús:

—Jápiadavү муја ina јавecаву јápiavу бáцавуре иye соуиye бáquede yöpe арi: “Pöevare боарi јарүвeбарä муја. Ácү пöесү аpecүре боарi јарүвayү baru, үrecabe нáјиcүу”, arejaquemavү.  
<sup>22</sup>Үbenita уácapүраву соууубу мујаре yöpe: Ácү пöесү јарayү baru аpecүре, үrecabe нáјиcүу. Ácү пöесү “Áрүmecүбу му” ayү baru аpecүре, үrecabe нáјиcүу. Aru ácү пöесү “Jүменijицүре coreóvabecүбу му” ayү baru аpecүре, үrecabe нáјиcүу toabo cүимéboи. Pöeva нöpe амеина уávaиву аpecүре амеина даивубу, yöpe ne боарi јарүвajүрöepe үре.

<sup>23-24</sup>Que baru му нүваñн maru mi Jүменijицүре јícaquiyede үи сүрамi, aru нore eari, дápiayү baru аpecү чhиöñнre mi амеина даиye боje үре, epeni дajocajacү mi Jүменijицүре јícaquiyede иva үре јícaiyede јuaiva јipocai. Нүjacү ñai mi амеина теимү yebai, јëниacүу үи аруmetequiyepe ayү иye mi амеина теиye бáquede үре copн. Mi cärijimene дарибуру yöboи үqүe, copainuri Jүменijици сүрамi, mi јícaquiyede јíjacү үре.

<sup>25</sup>Аpecү үи аmecorору муре, aru үи нүvaiyүру муре јabova ne амеина теивуре јëниари јáñнami, maumena “Meadaräjarevү” ajacү үре, үи нүvamequiyepe ayү муре јabova ne амеина теивуре јëниари јáпöecүре, aru үи јëни јíbequiyepe ayү муре чurараваре, aru ne јарүvabenajiyepe айвү муре амеина теивуре јëни јacoiñнami јívнi.

<sup>26</sup>Jäve соууубу муре: Ne буору

муре амеина теивуре јëни јacoiñнami, etabecүуmu му caiye иye mi боjесүbe даiyede боjedayuta, arejameда náre Jesús.

**Jesús үи бueino пöeva ne амеина даiyede аpecү нëmareбүcүvaque**  
(Mt 18.8-9; Mr 9.43, 47)

<sup>27</sup>Bediöva Jesús бuedejameда, yöpe арi:

—Jápiadavү муја ina јавecаву јápiavу бáцавуре иye соуиye бáquede yöpe арi: “Амеина дабeјарä муја аpecү нëmareбүcүvaque”, arejaquemavү.

<sup>28</sup>Үbenita уácapүраву соууубу мујаре yöpe: Ácү пöесү јáñн maru номiöре, јëiyүри дápiayү baru öре, үrecabe амеина даyү öqүe үи que дápiaiye боje.

<sup>29</sup>Que baru му амеина теyү baru mi јáiyede yacorү meapүравүcарүque, ñni јарүvajacү didүре. Meaquiyebu бíjarу муре cүináру yacorү, Jүменijици јарүvabequiyepe ayү mi baju caibajure toabo cүимéboи.  
<sup>30</sup>Aru му амеина теyү baru mi даiyede рүгү meapүравүcарүque, бурarí јарүvajacү дiрүгүре. Meaquiyebu бíjarу муре cүinápүру, Jүменijици јарүvabequiyepe ayү mi baju caibajure toabo cүимéboи, arejameда náre Jesús.

**Jesús үи бueino nomi јарүvainore**  
(Mt 19.7, 9; Mr 10.4, 11-12;  
Lc 16.18; 1 Co 7.10-11)

<sup>31</sup>Bediöva Jesús бuedejameда, yöpe арi:

—Jápiadavү муја ina јавecаву јápiavу бáцавуре иye соуиye бáquede yöpe арi: “Ácү пöесү јарүvayү baru јímarepacore, öре јíjacүри cүináyoca ‘Mүре јарүvayүбу yн’ айycare”, arejaquemavү.  
<sup>32</sup>Үbenita уácapүраву соууубу мујаре yöpe: Ácү пöесү јарүvayү baru јímarepacore амеина дабecoreca аpecүque, үrecabe амеина даre даcyү öре, үи јарүварiбуру yöboи cүco baru аpecүque. Aru ácү пöесү рүгүбуoyү аpecү үи јарүvaimo mácoque, үrecabe амеина даyү öqүe öи мамарүmүcacүре јарүварi, arejameда Jesús.

Nópe ayu, “Nomi jaruvainore ubevu yu”, aiyucu barejaquemavu Jesús.

**Jesús ñi bueino pöeva “Jäve ðacuyumu” ne aiyede**  
(Mt 23.22; Stg 5.12)

<sup>33</sup>Yópe arí, buedejameda Jesús:  
—Jápiadavü müja ina javecavu jápiaivu bácvure iye coyuiye báquede yópe arí: “Borocurí, ‘Jäve ðacuyumu yu ji coyuiyepe’, abejarä müja. Quénora ðacajarä Jümenijicure caiyede yópe müje coyuiye báquedeca úre”, arejaquemavu. <sup>34</sup>Ûbenita yúcapüravu coyuyubu müjare yópe: Müje yávaiyede ye jëniamejara apecure, ñi jáðovaquiyepa aivu müje coyuiye jávene. Cavarõ mearotamu Jümenijicui dobarõ mearo curõ. Que baru jëniamejara cavarõ mearocacure, ñi jáðovaquiyepa aivu müje coyuiye jávene. <sup>35</sup>Ijáravutamu yópe Jümenijicui cuboba tuoinope, ñi cuedaiye báque boje ijárvure aru ñi purucvae boje caiyede. Que baru jëniamejara ijárvucacure, ñi jáðovaquiyepa aivu müje coyuiye jávene. Jerusalén ámicurímarotamu Jümenijicu, ñai jabocu parucu baju, ñi ímaro. Que baru jëniamejara Jerusalécacure, ñi jáðovaquiyepa aivu müje coyuiye jávene. <sup>36</sup>Müja oarí ðabevu cüináme müje poðamene boede aru ñemiéne máre. Jümenijicu cüinárecabe oarí ðayu diede. Que baru jáðovamejara müje coyuiye jávene mi jipobuque. <sup>37</sup>Que baru müje yávaiyede ju ajarä aru bi ajarä quénora. Aprejéne coyüivu baru, ámeina ðajebu. Ina borocurí yávaiyure jëniaiye javu apecure, ñi jáðovariduyepa aivu ne coyuiye jávene. Ûbenita müja jávene yávaiyure jaubevu diede, arejameda Jesús.

**Jesús ñi bueino pöeva ne ñájine ðaiyuede ne mauvare**  
(Lc 8.29-30)

<sup>38</sup>Bedióva yópe arí, buedejameda Jesús:  
—Jápiadavü müja ina javecavu jápiaivu bácvure iye coyuiye báquede

yópe arí: “Ácu pöecu ñi ámedaru apescu yacorure, ñi yacorure máre ámedajarä müja. Aru ácu pöecu ñi ámedaru apescu cõpiyore, ñi cõpiyore máre ámedajarä müja”, arejaquemavu. <sup>39</sup>Ûbenita yúcapüravu coyuyubu müjare yópe: Maucuvabejarä ina müjare ámedaivure. Quénora cüinácu pöecu ñi pëvaru müje mearpüravucaviobure, copedini pëvaicõjeyara müje cãcopüravucaviobure máre. <sup>40</sup>Aru cüinácu pöecu ñi nuvaicõjenu müjare jabova ne ámeina teivure jëniari jáñami, aru ñi ámecororu müjare, jabocu ñi jícõjequiyepa ayu müjare müje camisare ñai pöecure, ñi nuvaicõjequiyepa jipocai, úre jjárä dicajede aru müje puenocacajede máre. <sup>41</sup>Cüinácu churara ñi nuvaicõjenu müjare ñi cavede cüinákilometro, yópe Romacavu ne jabova ne cõjeinope, nuvacajarä diede pucakilometros, diede ðaiyubevuvacari. <sup>42</sup>Ñai müjare jëniañure jjárä ñi jëniaiyede, bojedabecureca müjare. Aru ñai müjenore “Jjárä cãreja” ñi aru, ju arí jjárä müjare ñi jëniaiyede máre, jacopaiyovabecureca müjare müje jíye báquede úre, arejameda Jesús.

**Jesús ñi bueino maje urõre maje mauvare**  
(Lc 6.27-28, 32-36)

<sup>43</sup>Jesús buedejameda cojedeca:  
—Jápiadavü müja ina javecavu jápiaivu bácvure iye coyuiye báquede yópe arí: “Ûjarä müjevure aru ubejarä müje mauvare”, arejaquemavu. <sup>44</sup>Ûbenita yúcapüravu coyuyubu müjare yópe: Ûjarä müje mauvare. Ina müjare ñájine ðaivure jëniacajarä Jümenijicuque, ñi mearo ðacaquiyepa aivu náre. <sup>45</sup>Que ðaivu baru, majepacu cavarõ mearocacu ñi mára marajáramu müja. Úpe paivu barajáramu müja, müje mearõ ðaiyede mearare aru ámenare máre. Úrecabe aviäre bóre ðayu ina mearare aru ina ámenare máre, aru ocare ðayu ina boropatebevure aru ina boropateivure máre. <sup>46</sup>Müja, Jümenijicui pöeva, müje aru náre ina urivure müjare, Jümenijicu

ye bojedabecuyume ména pōevare ne que ðaiyede. Ina máre, jabovare tātura ícaipōeva, ámeina ðaivuvacari, nópe ðadama. <sup>47</sup> Múja, Jūmenijicui pōeva, jacoyuivú baru mujevú quévura, mearore ðavevú múja. Ina máre, judíova ámevú, ámeina ðaivuvacari, nópe ðadama. <sup>48</sup> Que baru mujacápūravú, cōmaje āroje jári, mearore ðajarā apévure jaubevva, yópe majepacú cavarō mearocacú ũi ðaiyepe, arejameða Jesús.

**Jesús ũi bueino aipe ðaiye jaurōre pōevare, ne cadatenajiyeye cōmaje ārojarivure aino**  
(Mt 23.5)

**6** <sup>1</sup> Bedíova cojedeca Jesús, yópe arí, buedejameða:

—Me jájara múja muje ðaiyede mearore, cadatenajivú ina cōmaje ārojarivure. Náre cadatedu, jáicōjenajivú apévure muje ðaiyede mearore. meamejebu. Nópe ðaru, majepacú cavarō mearocacú ye bojedabecuyume mujare.

<sup>2</sup> Que baru cainumua muje jícaiyede cadatenajivú ina cōmaje ārojarivure, jíbejarā caivú ne jáinoi, yópe ina mujovaivú ne jíyepe. Nácapūravú jíyaima maje cójijiñamiai aru máí máre, jáicōjenajivú apévure, ne mearo yávarājiyepe aivú nára. Jáve soyuyubu mujare: Nácapūravú javede cuvama ne boje caiyede. Apevú pōeva ne mearore jíye náre, diebu ne boje matuiye. Majepacú cavarō mearocacú ye bojedabecuyume náre.

<sup>3</sup> Ūbenita mujacápūravú, muje jícaiyede cadatenajivú ina cōmaje ārojarivure, ñamene soyubejarā muje ðaiyede.

<sup>4</sup> Quénora cainumua jíjarā yavenina, apévú ne coreóvabenajiyeye aivú. Nópe ðaru, majepacú cavarō mearocacú, ñai jáñu muje ðaiyede yavenina, bojedacuyume mujare ména, arejameða Jesús.

**Jesús ũi bueino aipe ðaiye jaurōre pōevare, ne jēniarajiyeye Jūmenijicúque aino**  
(Mr 11.25-26; Lc 11.2-4, 18.10-14)

<sup>5</sup> Yópe arí, buedejameða Jesús:

—Cainumua muje jēniaiyede majepacú Jūmenijicúque, ðabejarā yópe ina mujovaivú ne ðaiyepe. Nácapūravú jēniadama Jūmenijicúque, núrivú maje cójijiñamiai aru tãibuai máre, jáicōjenajivú apévure, ne ména yávarājiyepe aivú nára. Jáve soyuyubu mujare: Nácapūravú javede cuvama ne boje caiyede. Apevú pōeva ne mearore jíye náre, diebu ne boje matuiye. Majepacú cavarō mearocacú ye bojedabecuyume náre. <sup>6</sup> Ūbenita mujacápūravú, muje jēniaiyede Jūmenijicúque, ecorí muje cāramiai, jedevacobede bieniburu, apévú ne jámenoi, jēniajara majepacúque múja coapa. Nópe ðaru, majepacú cavarō mearocacú, ñai jáñu muje ðaiyede yavenina, bojedacuyume mujare ména.

<sup>7</sup> Múje jēniaiyede majepacú Jūmenijicúque, cúpecare numejara cūináromia borore muje soyuiyede. Nópe ðadama ina judíova ámevú, Jūmenijicure coreóvabevú, “Ūrarō ñuje soyuru Jūmenijicure, jápiaquijichubi ñujare”, ne ūbenina arí dápiaiye boje.

<sup>8</sup> Ne ðaiyepe ðabejarā múja. Múje jēniarajiyeye jípoai javeta coreóvaibi majepacú cavarō mearocacú aipe jaurōre mujare. <sup>9</sup> Que baru yópe arí, jēniajara majepacú Jūmenijicúque:

Mú, ñujepacú, cavarō mearocacú, meacú bajubu mú. Que baru caivú pōeva mure pueðarí mearore jíjarāri. <sup>10</sup> Búre ðajacú mú mi jabotequiyede pōevare. Caivú ijāravacavú ðajarāri mearore yópe mí urōpe, yópe ina cavarō mearocavú ne ðaiyepe mí urōpe cainumua. <sup>11</sup> Jíjacú ñujare járavva coapa ñuje áiyeva. <sup>12</sup> Aru ārumetejacú ñuje ámeina teiyede, yópe ñuja máre ñuje ārumeteiyeye caiye apévú ne ámeina ðaiyede ñujaque. <sup>13</sup> Ñai abujuvai jabocú ũi mujovajuroede ñujare vainí tuicōjemejacú ñujare, ñuje ðabenajiyeye ámenore. Quénora ñujare ámeðare ðaicōjemejacú ñai abujuvai

jabocure, arejameđa Jesús, náre  
bueyu Jümenijicuque jëniayede.

<sup>14</sup>Aru yópe arí, coyure nurejameđa  
Jesús:

—Mujacapuravui árumetedu pöevare ne  
ámeina teiye báquede mujare, majepacu  
cavarō mearocasucapuravui máre  
árumetecuyume muxe ámeina teiyede.

<sup>15</sup>Ûbenita mujacapuravui árumetebedu  
pöevare ne ámeina teiye báquede mujare,  
majepacu cavarō mearocasucapuravui  
máre árumetebecube muxe ámeina  
teiyede, arejameđa Jesús.

**Jesús üi bueino aipe ðaiye jauröre  
pöevare ámevva áiyede ne  
jëniarajiyepa Jümenijicuque aino**

<sup>16</sup>Yópe arí, buedejameđa Jesús:

—Muxe ámene áiyede jëniarajivui  
Jümenijicuque, chiore cubejarā pöeva  
ne jáinore, ne coreóvarājiyepa aivui muxe  
ámevure áiyede, muxe jëniarajiyepa  
aivui Jümenijicuque. Nópe ðaðama  
ina jajovaiyu. Nácapuravui chiore  
cuyama, jáicōjenajivui apévure ne  
ména yávarājiyepa aivui nára, ne áiyede  
áme boje. Jáve coyuyubu mujare:  
Nácapuravui javede cuvama ne boje  
caiyede. Apevu pöeva ne mearore jíye  
náre, diebu ne boje matuiye. Majepacu  
cavarō mearocacu ye bojedabecuyume  
náre. <sup>17</sup>Ûbenita mujacapuravui, muxe  
áiyede ámene jëniarajivui Jümenijicuque,  
chiore cubejarā. Quénona vaivéni muxe  
poðare, cüitútujara muxe jivare. <sup>18</sup>Muxe  
nópe ðaru, apévui pöeva coreóvabenama  
muxe ámevure áiyede. Quénona  
majepacu cavarō mearocacu cünácura  
coreóvacuyume muxe ámevure áiyede.  
Aru ñai jáñu muxe ðaiyede yavenina,  
bojedacuyume mujare ména, arejameđa  
Jesús.

**Jesús üi bueino maje cuvarájiyede  
mearo bajure cavarō mearoita**  
(Lc 12.33-34; Stg 5.2-3)

<sup>19</sup>Cojedeca yópe arí, buedejameđa  
Jesús:

—Vobejarā muxe urarō muxe cuvae  
méne ijáravui. Diede bocomiva áinomui,

cura etainomu, aru ñavacurivui ecorí  
ñavainomu. <sup>20</sup>Ûbenita vojarā muxe  
urarō muxe cuvae méne cavarō mearo  
Jümenijicui curōi, bocomiva ne ámenoi,  
cura etabenoi, aru ñavacurivui ne ímenoi  
máre. <sup>21</sup>Que baru muxe cuvae curöre  
dápiarājaramu muxe úmeque máre,  
arejameđa Jesús.

**Jesús üi bueino pöeva ne ðainore ne  
dápiainope**  
(Lc 11.34-36)

<sup>22</sup>Cojedeca Jesús buedejameđa náre,  
úque curivure:

—Pöeva ne yacorua, pëoinope, járe  
ðaiyu náre, ne memenajiyepa aino aru  
ne majinajiyepa aino ári ne nuiyede.  
Pöeva ne yacorua ijetedu náre, ye  
ne memeyede aru ne nuiyede máre  
majibenama. Aru pöeva ne úme,  
yacoruape paino, pëore ðaiyu ne  
dápiayede. <sup>23</sup>Que teni pöecu cainumua  
dápiayu baru ijáravuquede, ijetede ðaibi  
üi úmene, üi dápiabe boje cavarō mearo  
Jümenijicui curōquede. Aru ñai pöecu  
üi úme bíjacuyume. Que baru pöeva  
ne jámenu ne yacoruaque ámenotamu.  
Ûbenita püeno ámenotamu ne úme  
ñemino maru, arí buedejameđa Jesús.

**Jesús üi bueino táuturare uröre aru  
ubenore Jümenijicure**  
(Lc 16.13)

<sup>24</sup>Yópe arí, buedejameđa Jesús  
cojedeca:

—Jümenijicure aru táuturare máre  
árumejara muxe. Cünácui pöecu  
Jümenijicure árucu baru, pare árumemi  
táuturare. Aru táuturare pare árucu  
baru, árumemi Jümenijicure. Que baru  
ñai táuturare ucui baru, Jümenijicure  
ubecuyume, arejameđa Jesús.

**Jesús üi bueino Jümenijicui coreiyede  
üi pöevare**  
(Lc 12.22-31; 1 P 5.7)

<sup>25</sup>Bedióva yópe arí, buedejameđa  
Jesús:

—Que baru coyuyubu mujare: Muxe  
áruvui baru Jümenijicure, cárijimejara



muja apurivü muje ārājijede, muje ūcurajijede máre. Aru cārījimejara muja muje bajure, muje dorājijede máre. Jūmenijicui apure daiye boje mujare, jāve muje āiyede máre cūvare đacuyume. Aru ūi cue daiye boje muje bajuáre, jāve muje doiyede máre cūvare đacuyume. <sup>26</sup>Jārījide apa muja ina mǫjinaré. Majepacu cavarō mearocacu jíbi náre ne āiyeva, na otebevureca, aru oteiyede imevureca, aru diede máre epebevureca oteiyede epeiñama jívui. Aru caivu mǫjina obedivü pñeno bojecurivutamu muja, Jūmenijicui pñeno ūe boje mujare. Que baru mujare jauéde jícyume ū. <sup>27</sup>Aru mujacacu cārījijū maru, cūináora cūre đarí majibebi ūi cuede ijāravui. Que baru cārījijie meamevü mujare. <sup>28</sup>Que baru, ¿aipe teni cārījivurū muja muje dorājijede? Jārījide apa muja iye cōvūare, đacarōre. Die bucuiyavū, mememevacari, aru ne cuitótcajeare máre naremevacari. <sup>29</sup>Ūbenita coyuyubu mujare: Iye cōvūa métamu, caiye icajea ñai jabocu bācu Salomón mácu cuitótcajea bojecuricajea pñeno. <sup>30</sup>¡Muja pare quíjino ju aivubu Jūmenijicure! Jūmenijicu nópe mearo đaiibi iye cōriáre, caride dái cuede aru javenare pōeva ne juarājijede. Nopedeca Jūmenijicu jícyume mujare muje cuitótcajea meacajeare caiye iye cōvūa pñeno. <sup>31</sup>Que baru cārījimejara muja yéde muje ārājijede, muje ūcurajijede, aru muje dorājijede máre. <sup>32</sup>Ina judíova āmevü, Jūmenijicure ju abevü, cārījini vođama caiye iyede, ne ārājijede, ne ūcurajijede, aru ne dorājijede máre. Aru majepacu cavarō mearocacu majibi caiye iye mujare jauéde. <sup>33</sup>Ūbenita vojarā muja iye Jūmenijicui jaboteinoquede, muje daiyue boje mearore yópe ūi đaicōjeiyere. Aru Jūmenijicu jícyume muje ārājijede, muje ūcurajijede, aru cuitótcajeare máre. <sup>34</sup>Que baru cārījimejara iye vaiquiyede mujare javenare. Caijāravūa coapa pōeva ñájijñama āmenore. Que baru đápijarā carí jāravūque āmenore, apejāravū edaquijāravūque āmenore

đápiabevūva, arí buedejameđa náre Jesús.

**Jesús ūi pōevare apevure  
āmeoroicōjemeno**  
(Mr 4.24; Lc 6.37-38, 41-42)

**7** <sup>1</sup>Jesús, yópe arí, buedejameđa náre cojedeca:  
—“Āmenatamu” arí, āmeorobejarā muja apevure. Muje nópe aru, majepacu Jūmenijicu āmeororí, “Āmenatamu muja” acuyume mujare. <sup>2</sup>Yópe muje āmeoroiyere apevure, nopedeca mujare āmeorocuyume Jūmenijicu. Nópe muje apevure jíyepedeca, jícyume mujare Jūmenijicu. <sup>3</sup>Ūrarō āmeina teino muje cūvaru, āmeoroiyere jaubevü apevü quíjino āmeina teivure. Nópe daiye yópe bájebu: Me jáivubu muja mujecu ūi docujie cūrōre ūi yacorui. Ūbenita jámevü muja muje ūrarō docucūrōre muje yacorui. <sup>4</sup>Aru jámevūvacari muja ūrarō docucūrōre muje yacorui, mujecure “¿Mi docujiene inaji mi cūvaede mi yacorui?” arí buojabevü muja. <sup>5</sup>¡Jūjovavutamu muja! Mamarumu ijara muja muje ūrarō docucūrōre muje yacorure. No yóboi mearo jáivuta, ijara mujecu ūi docujiene ūi cūvaede ūi yacorui. <sup>6</sup>Jūmenijicui yávaiye pñeno me bajure coyubejarā ina pōeva āmenare, diede jápiarí eabevure. Nópe đaru, yópe pōeva ne jíjūroepebu jiarūare yavimivare. Jiarūa méne aru āmene máre coreóvabeni, copedini cūñaima náre jívure. Nopedeca ina pōeva āmena, Jūmenijicui yávaiyede jápiayubevü, āmedarājarama mujare diede coyuridivure náre. Aru ji yávaiye méne, pñeno bojecuede pōevare ne ūmei, buebejarā ina pōeva āmenare, diede jápiarí eabevure. Nópe đaru, yópe pōeva ne đuvajūroepebu cūrajiboa bojecurijiboa perla āmicurijiboare vāriva ne jipocai. Nijiboare coreóvabeni, curadaima nijiboare jobo jívui. Nopedeca ina pōeva āmena, ji yávaiye méne jápiayubevü, āmedarājarama mujare diede buenidivure náre, arí buedejameđa Jesús.

**Jesús ùi bueino aipe jèniaiye jaúrõre  
Jūmenijicūque aru aipe ðaiye jaúrõre  
apevure**

(Lc 6.31, 11.9-13; Jn 14.13-14, 15.7,  
16.23-24; 1 Jn 3.21-22, 5.14-15)

<sup>7</sup>Jesús coyurejameða náre yópe:

—Jèniare nūjara Jūmenijicūque, aru jícuyume mūje jèniainore úque. Vore nūjara úre, aru earājaramu. Mūje órejare nūiyede jedevacobei, Jūmenijicu voacacuyume mūjare. <sup>8</sup>Que baru caivu jèniaivu Jūmenijicūque cavama ne jèniainore. Caivu voivu eadama ne voimure. Aru caivu órejauvure jedevacobei voaibi náre Jūmenijicu, arí buedejameða Jesús.

<sup>9</sup>Aru cojedeca Jesús, yópe arí, buedejameða náre:

—¿Mūja juedocuarivu, mūjemacu úi jèniaru mūjare páubore, jíje bárica mūja úre cūrabore? <sup>10</sup>¿Aru mūjemacu úi jèniaru mūjare moacure, jíje bárica mūja úre áðare? ¡Que ámevu! <sup>11</sup>Que baru mūja ámena méne cavaede jíni majiépedeca mūjemarare, majepacu cavarõ mearocacu pueno méne cavaede jíni majibi mūja jèniaivu úre.

<sup>12</sup>Que baru ðajarā ajevure yópe mūje ñere ðaivu mūjaque me. Nopedeca ðaicójenejaquemavu Jūmenijicu pòevare úi coyūye báquede úi yávaiyede Moisés bácore aru ina Jūmenijicu yávaiyede coyūcaipòeva mácavure máre, arejameða Jesús.

**Jesús ùi bueino jedevacobe  
quíjicobede  
(Lc 13.24)**

<sup>13</sup>Yópe arí, náre buede nūrejameða Jesús:

—Ecojarā Jūmenijicu jaboteinoi, yópe mūje ecoiyepede jedevacobe quíjicobei. Yópe jedevacobe uracobepe aru urama maiyójabe ne cuimape, obedivu pòeva nūivubu, ne bījarājiyede toabo cūiméboi. <sup>14</sup>Ubenita yópe jedevacobe quíjicobepe aru quíjima maiyójae ne cuima, obebejīna nūivubu, ne meadarājiyede cavarõ mearo Jūmenijicu curõi, arejameða Jesús.

**Jesús ùi bueino maje majinore  
jocūca jèidūare  
(Mt 3.10, 12.33; Lc 3.9, 6.43-44)**

<sup>15</sup>Cojedeca Jesús buedejameða náre, ne majinajiyepede ayu aipe árojarivure bueipòevare:

—Me jájara ina Jūmenijicu yávaiyede coyūcaipòevape teivu, ùbenina ne buenajiyepede aivu borocuede. Námu yópe áimara jíjecūrivu lobova ámicūrivupe paivu. Ovejavape teni ina lobova eodama ne yebai, boarājivu náre. Nopedeca ina borocuede bueivu, Jūmenijicure ju aivupe yávaðama, ecorājivu mūje yebai. Ubenita ámeðaiyūrivubu mūjare mūje úmei.

<sup>16</sup>Náre coreóvarājaramu mūja ne ðaiyeque, yópe maje coreóvaiyepede jocūcure ðicu jèidūaque. Míuñna jēmevu úyaiboare. Nopedeca jēmevu higo ámicūridūa miuñūare. <sup>17</sup>Jocūcu meacu cūvavu jèidūa mearūare. Ubenita jocūcu ámeacu, ámeðūare cūvavu. <sup>18</sup>Jocūcu meacu cubevu jēiye ámene jícu. Aru jocūcu ámeacu cubevu jēiye méne jícu.

<sup>19</sup>Caíye jocūca jèidūa mearūa cubedu, jiore memeipòescu coení jaruvajebu toaboi. Nopedeca Jūmenijicu ina borocuede bueivure nājine ðacuyume.

<sup>20</sup>Nopedeca coreóvarājaramu mūja ina borocuede bueivure aru ina yávaiyede jāvene bueivure máre ne ðaiyeque, arejameða Jesús.

**Jesús ùi bueino caivu ne  
ecobenajinore Jūmenijicu  
jaboteinore  
(Lc 13.25-27)**

<sup>21</sup>Bediõva buede nūrejameða Jesús:

—Caivu ina yure aivu “mū, nūje jabocu”, ubenita ðabevūvacari yópe jípacu, cavarõ mearocacu, úi urõpe, ecobenama úi jaboteinore. Quévura ina úi urõpe ðaivu ecorājarama nore. <sup>22</sup>Ánijāravu daquijāravu baquinóre obedivu pòeva, yópe arí, coyūrajarama yure: “Mū, nūje jabocu, nūjarecabu Jūmenijicu yávaiyede coyūcaivu bācavu, aru jaruvavu bācavu abujavare,

aru ure pöeva ne ðarí majibede máre ðaivu bácavu mi ámiái, mi paruéque”, arājarama. <sup>23</sup>Dinumu maquinóre náre coyucuyumu yu: “Jívu ámevu muja. ¡Que baru caivu muja ámeina teivu nujara yure jocarí!” acuyumu, arejameða Jesús, náre ecoicōjemecu Jāmenijicui jaboteinore.

**Jesús ũi coyũino pũcaðāmia cũramia ðaivu bācavure**

(Mr 1.22; Lc 4.32, 6.47-49)

<sup>24</sup>Cojedeca Jesús, yópe arí, buedejameða náre:

—Ina jápiaivu yure aru ðaivu ji cōjeiyere ðaivubu yópe ñai cũramine ðayure jājaroi. <sup>25</sup>Ocarí, jia yaborí, oco eaquemavu ðĩnamine. Ũrarō japuquemavu ũmevũ. Ũbenita cūjibetequemavu ðĩnami, jājaroi núe boje. <sup>26</sup>Ũbenita ina jápiaivũvacari yure, ðabevũ baru ji cōjeiyere ðaivubu yópe ñai cũramine ðayure jājamenoi. <sup>27</sup>Ocarí, jia yaborí, oco eaquemavu ðĩnamine. Ũrarō japuquemavu ũmevũ. Aru tuquemavu ðĩnami. Ũrarō bĵaino matequémavu, arí buedejameða Jesús.

Ũi nópe aiyede, yópe aiyucu barejaquémavu Jesús: Ina ðaivu yópe ũi urōpe bĵabenajarama, ũbenita ina ðabevũ yópe ũi urōpe bĵarājarama.

<sup>28-29</sup>Aru Jesús ũi buení buojaiyede, ina obedivu pöeva, ũi coyũiyede jápiaivu bácavu ũrarō dápiarí cuenumarejaimaða, ũi bueiye boje náre yópe parũcure ina Jāmenijicui yávaie báquede bueipöeva pueno.

**Jesús ũi meaðaino pojeyure**

(Mr 1.40-45; Lc 5.12-16)

**8** <sup>1</sup>Jesús ěmeñũ mácure dicũ cũracure jocarí, obedivu pöeva nũrejaimaða ũi yóboi. <sup>2</sup>Aru nũrejameða Jesús yebai cūinācu pojeyu. Nũatutarí, arejameða ũre:

—Mu, ji jabocu, ũcu baru, meaðajacu ji pojeiyede. Bũojaivu mu meaðayu yure, arejameða.

<sup>3</sup>Dinũmũre Jesús, ũi pũgũque jabióvarí tuoyũ, arejameða ũre:

—Ũvu yu. Caride meatejacu mu, arejameða Jesús.

Aru maumejiena Jesús ũi que aiyede, meatedejameða. <sup>4</sup>Jesús coyũicōjemecu apevure arejameða:

—Cūiná, nuri Jerusalén āmicũriĩmaroi, jáðovajacu sacerdotede. Aru jĵjacu mi meateiye boje, yópe Jūmenijicui ðaicōjeiyede ũi coyũie báquepe Moisés bācure, pöeva ne coreóvarĵiyepe ayũ mi meateinore, arejameða ũre Jesús.

**Jesús ũi meaðaino churaravai jabocu yebacacure**

(Mt 22.13, 25.30; Lc 7.1-10, 13.28-29)

<sup>5</sup>Jesús ũi ecoiyede Capernaum āmicũriĩmaroi, cūinācu ũmu, cien paivu churaravai jabocu, nũrejame ũi yebai. Yópe arí, jēniañũ marejame, ũi caðatequiyere ayũ:

<sup>6</sup>—Mu, ji jabocu, cūinācu ji yebacacu cūbi cũrami, parayũ, nacajaiye majibecu. Aru pare nājĩñũme ũ, arejame Jesũre ñai jabocu.

<sup>7</sup>Aru Jesús arejame:

—Yũvacari ũre meaðacudaquijivu, arejame Jesús.

<sup>8</sup>Ũbenita ñai jabocu arejame Jesũre:

—Mu, ji jabocu, meacubu mu. Ũbenita yũcarũravũ āmecũtamũ. Que baru ðarí ecobejacu ji cũrami. Quénora coyũjacu mi cōjeinore. Aru ji yebacacu meatecuyume. <sup>9</sup>Yurecabu cũcu ne cōjeiyequẽ ina ji jabova. Aru cũvanũ churaravare, ji cōjeimarare. Nācacu cūinācure “Nũjacu” ji arĩburu, nuimi ũ. Aru “Dajacu” ji arĩburu, ðaibi ũ. Aru ji ðaicōjenu apejiene ji yebacacure, ðaibi ũ, arejame Jesũre.

Ũi que aiyede, “Ĵiède cōjeipöecubu mu” aiyucu barejaquémavu Jesũre.

<sup>10</sup>Que ayure jápiarí, pare dápiarejame Jesús. Aru jári ina nuivure ũi yóboi, arejame:

—Jāve coyũyubu mujare: Eabevũ cāreja majacacure, Israecacure, me ju ayure yure yópe ñai churaravai jabocure.

<sup>11</sup>Coyũyubu mujare: Darājarama pöeva cainoa joborōacavũ, yure ju airöeva. Dobarājarama tuoiva yebai, ārajivu

Jūmenijicui jaboteinoi ũi pōevaque, Abrahāque, Isaaque, aru Jacoque máre. <sup>12</sup>Ūbenita obedivũ mujacavũ, judíoiva, ina cǔjũrorivũ bācavũ noi, jarũvaimara marajárama ñeminoita, ne jũ abe boje yũre, ne coatenajiyepẽ ayũ yũre jarũvarĩ. Chioivũ orĩ mautenajarama nore. Aru jararĩ cõpi cǔrajarama na, arejame Jesús.

<sup>13</sup>Dinũmũ ñai jabocũre arejame Jesús: —Copainũjacũ mũ mi cǔrami. Jave ñacavũ yũ yópe mi jēniaiyepẽ. Jave mi yebacacũre meadavũ yũ, mi jũ aiyẽ boje yũre, arejame Jesús.

Aru dinũmũmareca meatedejameda ũ.

**Jesús ũi meadaino Simón Pedroi vácõre**  
(Mr 1.29-31; Lc 4.38-39)

<sup>14</sup>Jesús nũrejameda Simón Pedroi cǔrami. Ecoyũ bācũ noi, járejameda Pedroi vácõre, moimo paradõre. <sup>15</sup>Ōi yebai nuri, óre tuorejameda Jesús ũi pũrũque. Aru dajõcarejavũya moino óre. Dinũmũmia nacajari, āiyede meadarĩ jídejacoda ina noi curivũre.

**Jesús ũi meadaino obedivũ ijimarare**  
(Mr 1.32-34; Lc 4.40-41)

<sup>16</sup>Dinainũmica ñamijie baji, jabũvõvairavũ vaiyede, ina ĩmarocavũ nũvarejaimada Jesús yebai obedivũ abujuva ne ĩmamarare. Ina abujuvare yávarĩ jaetovarejameda Jesús. Aru caivũ ina ijimarare máre meadarejameda.

<sup>17</sup>Caiey iye nópe vaidéjavũya cūináturu Jūmenijicui coyũicõjeiye báquepedeca ũi yávaiyede coyũcaipõescu bācũ, Isaías āmicũcũ, ũi aiyẽ báquede Jūmenijicui epequimũra: “Ūrecabe maja parũbevũre meadavũ, aru majare ijidé jarũvayũ”, arejaquemavũ Isaías bācũ Jesurã.

**Apevũ Jesúque ne nũiyurĩduino**  
(Lc 9.57-62)

<sup>18</sup>Jesús ina obedivũ põevare jáñũ ũi yebai, jataicõjenezame ũi bueimare.

—Járica, macajitabũ urabũ apedũvei nũrevũ, arejame Jesús.

<sup>19</sup>Dinũmũ cūinácũ Jūmenijicui yávaiyẽ báquede bueipõescu ũi yebai nuri, arejame:

—Mũ, bueipõescu, máque nũquijivũ yũ caino mi nũinoita, arejame Jesurẽ.

<sup>20</sup>Aru Jesús arejame ũre:

—Macayavimiva cũvama ne cobeá. Aru mĩjina cũvama ne juaibõa. Ūbenita yũ, Jūmenijicui darõimũ mácũ ũmũpe, ji curõ cũvabevũ, arejame Jesús.

<sup>21</sup>Apecũ, ũi bueimũ, arejame ũre:

—Mũ, ji jabocũ, mamarũmũre jarũvaquijivũ cāreja jípacũre cǔracõbei, ũi yaiyede. No yóboi máque nũquijivũ, arejame Jesurẽ.

<sup>22</sup>Ūbenita Jesúsapũravũ arejame:

—Dajacũ yáque. Ina yavũ bācavũpe pavũ, ne járiabe boje Jūmenijicui jaboteinoque yávaiyede, jarũvajarãri ina yavũ bācavũre, arejame Jesús.

**Jesús ũmevũre ũi bĩjaroino**  
(Mr 4.35-41; Lc 8.22-25)

<sup>23</sup>Jesús jatuyũ jiadocũi, ñũjare ũi bueimara máre jatũrejarã. <sup>24</sup>No macajitabũ urabũre jataivũre japũrejavũ ũmevũ parurõ baju. Aru pācaibõa coiyede jiadocũi, buidéjavũ dicũre oco. <sup>25</sup>Ūbenita Jesús cāñũ marejáme. Que baru ũi yebai nuri, yópe arĩ, coedavarejarã ũre:

—iMũ, ñũje jabocũ, meadajacũ ñũjare! iCoivũbu maja! iBĩjarãjivũbu maja! arejarã ñũja.

<sup>26</sup>Aru Jesús arejame ñũjare:

—¿Aipe teni jidũrivũrũ mũja? ¿Aipe teni “Jesús meadacũyũme ñũjare”, abevũrũ mũja? arejame ñũjare Jesús.

Dinũmũre nacajari, jararejame ũmevũre. Iboá urabõa pācaibõa bĩjarejavũ. Aru cārijimene ñarejame ũ.

<sup>27</sup>Cuecumari, urarõ dápiarejarã. Aru arejarã ñũje bajumia:

—¿Yécũba ñai, yópe cõjeñũ ũmevũre aru macajitabũre máre jũ aimũ? arejarã ñũja.

**Jesús ũi meadaino ũmũva abujuva ne ĩmamarare**

(Mr 5.1-20; Lc 8.26-39)

<sup>28</sup>No macajitabũ urabũre jatarĩ nuri, apedũvei Gadara āmicũrõi earejarã ñũja. Nũje maiyede jiadocũre jocarĩ, pũcarã ũmũva, abujuva ne ĩmamarã, Jesurẽ copũ nũrejaima.

Cūracobeai, pōeva ne yaivū bācavūre jarūvainoi, curivū barejaquémavū na. Ne pare jijecue boje, pōeva ye oabedejaquemavū vaivū nore. <sup>29</sup> Aru bujje cođoborejaima:

—Mu, Jesús, Jūmenijicui mácu, *zyéde ucūrū ñujaque?* *¿Ñujare ñájine đacuyurū Jūmenijicui abujuvare ñájiovaquijāravū jipocamia?* arejaima.

<sup>30</sup> Joabenoí āivū barejáima obedivū oteivāri. <sup>31</sup> Aru jēniarejaima ina abujuva Jesúre:

—Ñujare jaetovayū baru, coicōjējacu ina oteivāri. arejaima.

<sup>32</sup>—Corāñujara nára, arejame Jesús.

Aru etarī, corejaima ina oteivāri. Cúyarī nūri, tūrejaima cūracū ēmeinoi, macajitabū urabūi. Turī, corī, bijarejaima na. <sup>33</sup> Aru ina oteivāri mácavūre coreipōeva cúyarī nūrejaima, coyurājivū uraimarocavūre caiye iye vaiye báquede ina pūcarā abujuva ne ímarara mácavūre. <sup>34</sup> Caivū no ímarocavū copū nūrejaima Jesúre. Aru ūre járī, “Nujacu mu” arī parūrōque, etaicōjenejaima ūre ne curōre jocarī.

### Jesús ūi cure đaino nacajaiye majibecure

(Mr 2.1-12; Lc 5.17-26)

**9** <sup>1</sup> No yóboi Jesújā jiadocūi jaturī, macajitabū urabūre jatarī, earejaimada ūi ímarore. <sup>2</sup> Apevū ūmūva nūvarejaimada ūi yebai cūinácu ūmū, nacajaiye majibecure, ūi parainoque. Coreóvayū bācu Jesús náre ju aivūre ūre, arejamedā ñai nacajaiye majibecure:

—Mu, jī ūmū, chíomejacu. Mí āmeina teiyede jarūvarī, diede ārūmeteivū yū, arejamedā Jesús.

<sup>3</sup> Apevū Jūmenijicui yāvaiye báquede bueipōevacavū nore curivū, “Ñai ūmū Jūmenijicui ūbenore đai. Jūmenijicupe pāyū teibi ū”, arī dāpiarejaimada na ne ūmei. <sup>4</sup> Ūbenita Jesús járī, coreóvarī ne dāpiayede ūre, jēniari járejamedā náre: —*¿Aipe teni āmeno dāpiaivurū muja?* <sup>5</sup> Maiyójabevū yópe aru apecure, “Mí āmeina teiyede jarūvarī, diede ārūmeteivū yū”, jī parūede jáđovame

boje, jī que coyūiyede. Ūbenita maiyójarótamu nacajari cuicōjenu nacajaiye majibecure. Ūre cure đayū baru, jáđovaquijivū jī parūede. “Mí āmeina teiyede jarūvaivū” jī aiyede, coreóvabevū muja Jūmenijicui ārūmeteino diede. Ūbenita ñai cūvacū Jūmenijicui majie parūede, ūrame yópe đarī jáđovaiye majicu. Quécūra Jūmenijicūvacari meadarī majibi ijimarare. <sup>6</sup> Que baru muje majinajiyepē ayū Jūmenijicui daroimū mácu ūmūpe, yū, parūede cūvacure ijāravūre, jarūvacayū āmeina teiyede, yópe đaquijivū yū, arejamedā Jesús.

Dinūmū arejamedā nacajaiye majibecure:

—Nacajari, mi parainore ĩni, nujacu mi cūrami, arejamedā ūre Jesús.

<sup>7</sup> Dinūmū, yópe Jesús ūi đaicōjeiyepedeca đarejamedā. <sup>8</sup> Ina obedivū pōeva diede járī, cūcumari, mearore jídejaimada Jūmenijicure, ūi nópe parūre đaiye boje ūmūre.

### Jesús ūi “Dajacu” aino Mateore

(Mt 12.7; Mr 2.13-17; Lc 5.27-32, 15.1-2)

<sup>9</sup> Jesús ūi vaiyede járejame yūre, Mateore, dobacure jī memeitucubūi, pōeva ne Roma āmicūrō jaboteino bojedainoi. Aru arejame yūre, “Dajacu yáque”. Que baru nacajari, nūrejacacu ūque. <sup>10</sup> No yóboi, Jesús ūi ācūniyede jī cūrami, obedivū jabovare tātūra ícaipōeva, āmeno đaipōeva, aru ūi bueimara máre dobarejaima, ārājivū ūque. <sup>11</sup> Apevū judfova, đaicōjeiyede đaiye cōmajivū, fariseo āmicūriyajubocavū, cūrejaima nore. Ina fariseovacavū, Jūmenijicui yāvaiye báquede bueipōeva, Jesús āñūre járejaima ina jabovare tātūra ícaipōeva aru āmeno đaipōeva. Aru arejaima ūi bueimarare:

—*¿Aipe teni āñūma jabovare tātūra ícaipōeva aru āmeno đaipōeva máre?* jēniari járejaima ñujare.

<sup>12</sup> Que aivūre jápiarī, Jesús arejame:

—Meara pōevare juoipōecūi cadateiye jaūbevū. Quénora ijimarare ūi cadateiye

jañvñ. <sup>13</sup>Buejarā mña, coreóvarājivñ me cūinácñ Jāmenijicñ yávaiyede соуñсаирōесñ básñ toivaiye báquede. Yópe arī, toivaicōjenejaquemavñ Jāmenijicñ ñ mácsre: “Ûvñ yñ mñje cōmaje āroje járajeyere ayñ arevñre, mñje yñre jícaiyere pñeno”, arī toivaicōjenejaquemavñ. Dabedejacacñ yñ ijāravñ, cutucñyñ mearare ne baju dāpiainore. Quénora darejacacñ yñ, meadacñyñ āmenare, ne chīorajeyere ayñ ne āmeina teiyede, Jāmenijicñ āřmetequiyere ayñ diede, arejame Jesús.

**Pōeva āmevñva āiyede ne jēniaino  
Jāmenijicñque**  
(Mr 2.18-22; Lc 5.33-39)

<sup>14</sup>Dinñmñ Juan Bautistai bueimara, Jesús yebai nuri, jēniari járejaima ũre judíoiva ne đarī cōmajiyede, ne jēniayede Jāmenijicñque āmevñva āiyede:

—¿Aipe teni ñña aru ina fariseova máre āmevñba āiyede, ũbenita mi bueimara āmevñ āmema āiyede? arejaima.

<sup>15</sup>Jesús jēvari coyurī, arejame náre:

—Ina pñrubñoyñ ñi cutuimara ne torojñve tenajiyere ayñ ñi pñrubñoyede, ye chīomenama ñi cñede cāreja náque. Que baru āmevñ āmema āiyede. Nopedeca ji bueimara torojñrivñ ji cñede náque, āmevñ āmema āiyede. Ûbenita ji mauva ne nñvarajiyede yñre, ji bueimara chīoivñ āmenajarama āiyede, arejame Jesús.

<sup>16</sup>Cojedeca Jesús buedejame náre:

—Pōeva jēomema cuitótecaje mamacaje joabecajei javecarōre. Nópe đaru, no jēoicajeva mamacaje jađevajebu javecarōre. Que đaru, pñeno baju járojebu codeicobe. Quédeca ñame buojabema jñ aivñ ji bueiye mamaene aru javeque bueiyyede máre. <sup>17</sup>Pōeva yuabema vino ũyaicorore mamacorore āimacaje curubñ javcacurubñque. Que đaru, codeóvajebu dicurubñre. Yurī bñjajebu dicoro. Aru bñjajebu dicurubñ máre. Ûbenita ne yuaru mamacorore

mamacurubñque, bñjabebe dicoro aru dicurubñ máre. Quédeca ñame buojabema đaiyvñ yópe ji bueiye mamaere, đare nñivñ baru yópe ne jave đaiye báquepe, náre arī buedejame Jesús.

**Jesús ñi nacovaino Jairoi máco  
bácore aru ñi meadaino nomió  
ñájñnore jiveque**  
(Mr 5.21-43; Lc 8.40-56)

<sup>18</sup>Jesús ñi coyuiyede náre, cūinácñ maja judíoiva maje jabovacacñ darī, puedarī, ñuatutarejame Jesús jipocai. Que teni yópe arejame:

—Carijñe yaibíco jñmaco. Ûbenita yúque darī, tñojacñ óre mi pññque, ñi arñcojeyere ayñ, arejame Jesúsre.

<sup>19</sup>Ûi que aiyede, Jesús nacajari, nñrejame ũque, ñña ñi bueimaraque. <sup>20</sup>Ññje vaiváři nñiyede, obedivñ pōeva jēneboi cñrejaquemavñ cūinácñ nomió, ijimo doce paiñña baju jive yuiyede. Jesús yóboi nuri, jēni járejaquemavñ ñi doicaje tñrñvarā. <sup>21</sup>Yópe arī dāpiarejaquemavñ ñ: “Yñ jēni jádo maru ñi doicajede, quénora ũmedacođomu yñ”, arejaquemavñ ñ. <sup>22</sup>Ûbenita Jesús copedini, óre jáři, arejame:

—Mñ, ji ũmo, torojñjaco. “Û meadaiye majibi yñre”, arī dāpiarebu mñ. Que baru mi que arī dāpiayere boje, meadaiyvñ mñre, arejame óre Jesús.

Aru dinñmñmareca ico nomió, ijimo máco, meatedejaquemavñ.

<sup>23</sup>Jesús eayñ ñai judíoivai jabocñi cñrami, pedu jaruivñre aru obedivñ pōeva bujñé oivñre járejame. <sup>24</sup>Náre etaicōjēññ arejame:

—Etajarā mña. Ico juedoco yayió āmemico. Quénora cāđotame, arejame Jesús.

Náre nópe arejame Jesús, ñi majié boje ñi nacovaquinore óre yainore jarñvarī. Ûi que aiyede, yuridejaima ũre. <sup>25</sup>Ûi etavarīburu yóboi ina pōevare, ecorejame Jesús juedoco bácoi curitucubñi. Ó mácoi pññre jēnejameđa. Aru nacajarejacođa ñ, arñco cojedeca. <sup>26</sup>Aru ñi que đaiye

borore jápiarejaimađa caivu pöeva dijoboröcavu.

**Jesús ũi meadaino pucarã  
ũmũva jári eabevure**

<sup>27</sup> Jesús ũi dajocarĩ nũiyede nore jocarĩ, pucarã ũmũva, jári eabevũ, darejaima ũi yóboi. Bujié, yópe arĩ, codoboborejaima:

—Mu, David báciai pãramecu, Jũmenijicui daroimũ mácu, ñũje jabocu bacuyú, ñũjare cõmaje ãroje jájacu mu, codoboborĩ are nũrejaima na.

<sup>28</sup> Jesús ũi ecoiyede cũrami, ina pucarã jári eabevũ darejaima ũi yebai. Aru jẽniari járejame náre:

—¿Dãpiaivurũ muja yure meadaiye majicure? arejame.

—Jũju, ñũje jabocu, majivu ñũja mure meadaiye majicure, arejaima na.

<sup>29</sup> Dinũmu ne yacoruarã tuorĩ, arejame:

—Meatejarã muja. Yópe muje ju aiyepe đacaivu yũ mujare, arejame Jesús.

<sup>30</sup> Que đayũre, járejaima ina jári eabevũ báciavu. Parurõreca Jesús arevure coyũicõjemenidurejame náre:

—Ñamene coyũbejarã iye ji meadaiyede mujare, arĩdurejame.

<sup>31</sup> Ŭbenita cũinã, etaivu báciavu diñamine jocarĩ, coyũrejaimađa caivu dijoboröcavure Jesús ũi meadaiye bãquede náre.

**Jesús ũi meadaino yávaiye  
majibecure**

(Mt 10.25, 12.24; Mr 3.22; Lc 11.15)

<sup>32</sup> Ina pucarã jári eabevũ báciavu ne eta iyede, cũinácũ ũmũ, yávaiye majibecure, davarejaima arevũ Jesús yebai. Ñai ũmũ abujucu ũi imamu marejaquémavu. <sup>33</sup> Jesús ũi jaetovarĩburu yóboi ñai abujucure, yávaiye majidejame ñai abujucu ũi imamu mácu. Caivu ina obedivu pöeva Jesús ũi nópe đaiyede jáivu báciavu, cuecumari, urarõ dãpiarĩ aivu barejáima:

—Javede pu cari járavuita ye jámevu ñũja iyepa paiye đaiyede yore, ñũje joborõ, Israel ãmicurijoborõ, arejaima.

<sup>34</sup> Ŭbenita ina fariseova yópe are curejaima Jesurã:

—Abujuvai jabocui paruéque jarũvaibi abujuvare, arejaima ũbenina.

**Jesús ũi cõmaje ãroje jáino pöevare**  
(Mt 4.23; Mr 1.39, 6.34; Lc 4.44, 10.2)

<sup>35</sup> Jesús buede nũrejame cainoa imaroai aru imajinoai máre. Judiova ne cójijiñamiai bueni, coyũyu barejáme iye yávaiye méne Jũmenijicui jaboteiyede pöevare. Aru meadayũ barejáme caiye duica ijie coapa aru caino ijinore máre.

<sup>36</sup> Ŭi jáiyede pöeva chõivure ne ñãjiye boje aru ne baju cadateiye majibe boje, cõmaje ãroje járejame náre, yópe ovejava náre coreipöecu cubevũpe paivure. <sup>37</sup> Que baru ñũja ũi bueimarare arejame Jesús:

—Obedivu pöeva curivũbu, Jũmenijicui yávaiye méne majibevũ cãreja, muje buenajimara iye yávaiye méne, ũi meadaquiyepe aivu náre. Ŭbenita obebevu memecaivũbu Jũmenijicure. <sup>38</sup> Que baru jẽniajara éque, ũi bueicõjequiyepe aivu arevure ũi yávaiye méne ina diede coreóvabevure cãreja, arejame ñũjare Jesús.

**Jesús ũi beoino ũi yávaiye méne  
coyũicõjeimarava**  
(Mr 3.13-19; Lc 6.12-16)

**10** <sup>1</sup> No yóboi Jesús órejurejame doce paivu ñũjare ũi bueimarare. Aru parure đarejame ñũjare, ñũje jaetovarãjiyepe ayũ abujuvare aru ñũje meadarãjiyepe ayũ caiye duica ijie coapa aru caino ijinore máre. <sup>2-4</sup> Ñũjare beorĩ epedejame ũi yávaiye méne beorĩ coyũicõjeimarare: Mamarũmu Simón, ũi ãmidoimũ mácu Pedro, aru Andrés, Simón Pedroi yócu; aru Zebedeoi mácu Santiago, aru Santiagoi yócu Juan; Felipe aru Bartolomé; Tomás aru yũ, Mateo, jabovare tãtura ícaipöecu bácia; Santiago, Alfeoi mácu, aru Tadeo; Simón, ãmicũcu Celote, aru Judas Iscariote máre. Ñai marejáme jẽni jícuyũ Jesúre ũi mavare. Ñũja marejacará Jesús ũi yávaiye méne beorĩ coyũicõjeimara.

**Jesús ùi jaroino ùi bueimarare**  
(Mt 11.24; Mr 6.7-13; Lc 9.1-6, 10.4-12; Hch 13.51; 1 Co 9.14; 1 Ti 5.18)

<sup>5</sup>Ñija doce paivure jarocuyu barejáme Jesús, ñije coyuräjijeyere ayu Jümenijicui jaboteinoquede yávaiye méne. Yópe arí, majicarejame ñijare ùi jaroquiye jipocai:

—Judíova ãnevũ ne joborðai nũmejara. Aru Samaria ãmicurijoborðque ïmaroare ecobejarã muja. <sup>6</sup>Quénora coyurãñujara muja majevure, ina judíova, Israel bácuĩ pãramenare. Jümenijicui yávaiyede jápiabeni, ùi urõpe ðabeni, ùre jaboteicõjemema na. Que baru ovejava mamateivure paivubu na. <sup>7</sup>Muje nuiyede yópe arí: “Jümenijicu jabotecuyume pøevare maumejiena”, arí coyujarã náre. Meadajarã ijimarare. Nacovajara yaivu bácvure yainore jaruvarí. Meadajarã pojevure. Aru jaetovajarã abujuvare ne ïmamarare jocarí. <sup>8</sup>Bojecubeda jívu yu muje paruéva, muje meadaräjijeyere ayu pøevare. Que baru meadajarã náre bojecubeda. <sup>9</sup>Nũvamejara tãuturare muje jãrióicãvai. Úrure, platare, aru cobrede máre nũvamejara. <sup>10</sup>Curubvare máre, muje curãnrí cave nũvajuroricurubvare, nũvamejara muja. Aru pũcacajea muje cuitótecajeare, curaidoare, aru tuturiteiyoare máre nũvamejara muja. Memecaiþøevure bojedaiye javũ ùi memeinore. Que baru ina muje meadaimara márajivure jíye javũ mujare javéde.

<sup>11</sup>’Ïmaroi muje eaiyede, vorí eajarã cüinãcu pøevure, ne pueðaimvure, jápaiyucvure muje coyuiyede. Úque cujarã muja ùi cürami pu dajocarí nũvũta nore jocarí. <sup>12</sup>Muje ecoiyede cürami, diñamicavure jacoyujarã muja, jëniacavũ Jümenijicvure ùi mearo ðacaquiyepe aivu náre. <sup>13</sup>Na meara maru, náre mearo ðacacuyume Jümenijicu yópe muje jëniaiyepe. Æbenita na ãmena maru, náre mearo ðacabecuyume ù. <sup>14</sup>Apecũ ùi copũ

etabedu mujare, aru muje coyuiyede jápaiyubedu máre, pupejarã jobore mujare jëiyede muje cuboba cãchinoi ùi jáiyede, muje etaiyede ùi cüramine jocarí, no ïmarore jocarí máre. <sup>15</sup>Jãve coyuyubu mujare: Ina Sodomacavũ bácvũ aru ina Gomorracavũ bácvũ máre pare ãmeina ðaivũ barejaquémavũ. Æbenita diïmarocavũ mujare copũ etabevũ ñãjinajarama nõcvũ bácvũ pũeno baju, Jümenijicui ñãjiovaquijãravũ baquinõre pøevare, ne ãmeina teiye boje, arejame Jesús, ñijare jaroym.

**Jesús ùi coyũino ùre ju aivũ ne ñãjiyede**

(Mt 9.34, 12.24, 24.9, 13; Mr 3.22, 13.9-13; Lc 6.40, 10.3, 11.15, 12.11-12, 21.12-17; Jn 13.16, 15.20)

<sup>16</sup>Jesús coyure nũrejame ñijare, yópe arí:

—Jájara. Jaroivũ yu mujare ijãravucavũ jëneboi, yópe ovejava nuiyere ãimara jjecurivũ jëneboi. Ávaivubu maja judíova: Áða me majibi, aru jureco jjecubebico. Que baru ãðape me majijarã, aru jurecope jjecubejarã pøevaque, muje coyuiyede náre. <sup>17</sup>Me jájara muja. Mujare jëni nũvarajarama jabova ne ãmeina teivure jëniari jáiñami. Jara popenajarama mujare maja judíova maje cõjijiñamiai. <sup>18</sup>Aru mujare nũvarajarama cõjeipøeva ne jipocai aru jabova ne jipocai máre, yure muje ju aive boje, muje coyuräjijeyere aivũ ji borore náre aru ina judíova ãnevure máre. <sup>19</sup>Ne jëni nũvaiyede mujare ãmeina teivure jëniari jáiñami, “¿Aipe coyurãjidi náre?” arí cãrijimejara muja. Dinũmũ maquinómareca majinajaramu muje coyuräjijeyere javéde. <sup>20</sup>Coyujarã muja yópe majepacui Espíritu ùi dãpiare ðaquiyepe aivũ dinũmũ maquinõre.

<sup>21</sup>Mujare, yure ju aivure, ina yure ju bevũ ùbenajarama. Que baru ùmũ jëni jicuyume jíbcvure o ïmacvure máre, jabova ne boarí jarũvaicõjenajijeyere ayu ùre. Aru nopedecca jípacu jëni



jícnyume mamacure. Aru nopedeca némará ju abeni nébucavare maucavari boarájarama náre. <sup>22</sup>Caivu mujare, yure muje ju aiye boje, jorojini járajarama cainoa joboróacavu. Ubenita nai ju ayu yure úi yainumuita, ú macuyáme ji meadaimu. <sup>23</sup>Cúináro ímarocavu ne nájine ðaiyede mujare, dupini mujara muja apeno ímaroi. Jáve soyuyubu mujare: Yu, Jümenijicui daroimu mácu úmure, copaidacuyumu muje soyuri bubarájiye jipocamia ji yávaiye méne cainoa maje ímaroa, Israeque ímaroi.

<sup>24</sup>Ina bueimara ñame majibema náre bueipóescu püeno. Aru ina memecaivu ñame parúbema ne jabocu püeno. <sup>25</sup>Nai bueimure vaiye jauvu caiye iye úre bueipóescui vaiye báquede. Aru ñai memecayure vaiye jauvu caiye iye úi jabocui vaiye báquede. Póeva ámeina yávaivu baru cürami upacure, püeno baju ámeina yávarájarama úi cüramicavure. Quédecabu ina yure ju abevu “Abujuvai jabocubu mu” aiyuri yure, ámidoivu Beelzebúre. Que baru mujare majicayubu: Püeno baju ámeina yávari nájine ðarájarama mujare, arejame ñujare Jesús.

**Jesús úi soyüino póeva ne jidurájimure**  
(Mr 4.22; Lc 8.17, 12.2-7)

<sup>26</sup>Ñujare soyure nurejame Jesús: —Póevareca jidubejará muja. Caiye yaveiye báque jároquiyebu. Aru dupióvaiye báquede máre majinajarama caivu póeva. <sup>27</sup>Caiye ji soyuiyede mujare ñeminoi, póeva ne járiabede, soyujará póevare miadároi, ne járiaiyede. Aru caiye muje járiaiyede, póeva ne jüjuvaiyede, soyujará obedivu póevare ne cójijinoai. <sup>28</sup>Jidubejará ina boarí jaruvavure muje bajure, ubenita muje úmene boarí jaruvavu oabevure. Quéhora jidujará Jümenijicure, ñaine muje bajure aru muje úmene máre, bíjarorí majicure toabo cúiméboi.

<sup>29</sup>Yócavu bojedáivu pucáina mójina quíjinare cúinátrava táuturatrava bojecubetravaque. Ubenita cúinájicu

nácacu turíburu joboróita úi yaidú, majepacu Jümenijicu tuicójeimi úre. Jümenijicu úi tuicójemenu cúinájicu nácacure joboróita, tubecuyume. <sup>30</sup>Aru caiye iye poðamea cuede muje jipobui majibi majepacu Jümenijicu. <sup>31</sup>Que baru jidubejará. Muja bojecurivutamu caivu mójina obedivu püeno. Que baru Jümenijicui cójemenu, ámeno vaibéquiye bu mujare, arejame ñujare Jesús.

**Jesús ju aivure aru ju abevure soyüino**

(Lc 12.8-9; 2 Ti 2.12)

<sup>32</sup>Yópe arí, soyure nurejame Jesús: —Caivu ina ju aivure yure póeva ne jáiyede, yu máre náre ju acuyumu jipacu, cavaró mearocacu, úi jáinoi. <sup>33</sup>Ubenita caivu ina ju abevure yure póeva ne jáiyede, yu máre náre ju abecubu jipacu, cavaró mearocacu, úi jáinoi, arejame Jesús.

**Jesús úi coatede ðaino póevare**

(Mt 16.24-25; Mr 8.34-35; Lc 9.23-24, 12.51-53, 14.26-27, 17.33; Jn 12.24-25)

<sup>34</sup>Cojedeca Jesús, yópe arí, buedejame ñujare:

—Dápiabejará muja yu dayu bácuere, cárijimene ðacuyu íjaravacavure. Dabedejacacu yu íjaravui, cárijimene ðacuyu mujare. Quéhora darejacacu yu, póevare coatede ðacuyu, apenvu yure ne ju aiye boje ubenita apenvu yure ne ju abe boje. <sup>35</sup>Ji daiye báque boje, mamacu maucnvacuyume jíracure, aru mamaco maucnvacóome jíracore, aru mamacui márepaco maucnvacóome ói vácore máre. <sup>36</sup>Que baru póescu úi cüramicavuvacaribu úi mauva márájuv.

<sup>37</sup>Ácu póescu jíracure o jíracore ucu baru ji püeno, ú buojabebi jícu bacuyú. Ácu póescu mamacure o mamacore ucu baru ji püeno, ú buojabebi jícu bacuyú. <sup>38</sup>Ácu póescu daiyucu yúque, ðajocajacurí póeva ne mearo jáiyede úre, cuyebecurí yure yóvaiyede, aru jidubejacurí úi nájiquiyede. Nópe ðabecu baru, ú buojabebi jícu bacuyú. <sup>39</sup>Ñai

põescu ñi baju urõpe ðarĩ, meaðaiyucu baru ñi bajure, coatecuyume ñi bajure Jñmenijicure jaruvarĩ, yõpe yaiyú bácure ñi ùmei. Ùbenita ñai põescu, “Ye baju ãmevũ, ji yaidú Cristore boje” ayũ, ñi baju urõpe ðabecũva quénora ji urõpe ðarĩ, úrecabe ji meadaquimũ, cuscuyũ Jñmenijicũque cainũmũ, ñujare arĩ buedejame Jesús.

**Põeva bojedaimara ne baju ðaiyepe**  
(Mr 9.37, 41; Lc 9.48, 10.16; Jn 13.20)

<sup>40</sup> Jesús buedejame ñujare cojedeca: —Ñai põescu copũ etayu baru mujare muje coyũrãnuiyede ji yávaiye méne, yure máre copũ etaibi ñi. Aru ñai põescu copũ etayu baru yure, copũ etaibi ñai yure daroyure máre. <sup>41</sup> Ñame copũ etaivũ cüinácu Jñmenijicũ yávaiyede coyũcaipõecure, Jñmenijicũ bojedacuyume náre yõpe ñi bojedaiyepedeca ñai ñi yávaiyede coyũcaipõecure. Aru ñame copũ etaivũ cüinácu ñũm meacure, Jñmenijicũ bojedacuyume náre yõpe ñi bojedaiyepedeca ñai ñũm meacure. <sup>42</sup> Jãve coyũyũbu mujare: Ñai põescu jýyũ cüináru jorogure ocoque, caðatecuyũ cüinácu ji bueimaracacure, parubecureca ñi yóvaiye boje yure, jãve bñabecuyume ñi Jñmenijicũ bojedaiyede úre, arĩ buedejame Jesús.

**Juan Bautista ñi jaroimara Jesús**  
**yebai**

(Mt 17.10-13; Mr 9.11-13;  
Lc 7.18-35, 16.16)

**11** <sup>1</sup> Jesús ñuja doce paivũ ñi bueimarare majicarĩ bũojayũ báciu, nore jocarĩ nurejame dijaborõcaĩmaroai, põevare buescuyũ aru coyuscuyũ ñi yávaiye méne.

<sup>2</sup> Dinũmũre Juan Bautista ñai jabocu Herodes ñi buoimũ marejãmeda. Cũrejãmeda ãmeina teivũre jñni jacoĩnami jívũni. Noi cuscũ, jápiarejãmeda Cristo ñi ðaiye borore. Que baru jarorejãmeda apevũ ñi bueimarare Jesús yebai. <sup>3</sup> Jñniari jáicõjenezãmeda náre yõpe:

—¿Jãveneca máru Juan Bautista “Ji yóboi dacuyume apecũ coyũipõescu” arĩ, ñi buevacamũ? ¿Ëi que arĩ buevacamũ ãmenu, coreñajidi ñuja apecure? aicõjenezãmeda náre Juan Bautista.

<sup>4</sup> Ne que arĩburu yóboi, Jesús ju ayũ arejame náre:

—Nuri coyũjarã Juan Bautistare muje jáiyede aru muje jápiayede caride:

<sup>5</sup> Ina jári eabevũ bácavũ jári eadama aru ina cuiye majibevũ bácavũ cuyama caride. Ina pojeivũ bácavũ meama aru ina jápiabevũ bácavũ jápiadama caride. Ina yaivũ bácavũ nacovaimara yainore jaruvarĩ apũma cojedeca caride. Aru cõmaje ãrojarivũre coyũyũbu iye yávaiye méne, Jñmenijicũ meaðaiyede põevare. <sup>6</sup> Aru torojubi ñai ju arĩ ðajocabescu yure, arejame náre Jesús.

<sup>7</sup> Ina daroimara ne nuriburu yóboi, Jesús Juan Bautistai borore yávarĩ búyũ arejame ina obedivũ põevare noi cõrivũre:

—Jãve járanũmeteavũ muja cõriãre ñmevũ japuiyede põescubenoĩ. <sup>8</sup> Aru jãve járanũmeteavũ muja põescu cuitótecaje meacajede doyure máre põescubenoĩ. Majivũ muja ina doivũre cuitótecaje meacajeare cõrivũre cainũmũ jabovai cõramiai. <sup>9</sup> Quénora jãve járanũvũ muja cüinácu Jñmenijicũ yávaiyede coyũcaipõecure. Jãve coyũyũbu mujare: Jáquemavũ muja Jñmenijicũ yávaiyede coyũcaipõecure pueno meacu bajure. <sup>10</sup> Juan Bautistabe ñai Jñmenijicũ toivaicõjeimũ mácu úre coyũcaipõescu bácure:

Jarõivũ yure coyũcaipõecure mi jipocai, ñi meaðaiyepere ayũ põevare, ne copũ etarãjiyepere ayũ mũre, nopedeca põeva ne meaðaiyepere cuimare ñai ñũm, ne pueðaimũ, ñi ðaquiye jipocai, arĩ coyũicõjenezãquemavũ Jñmenijicũ.

<sup>11</sup> Jãve coyũyũbu mujare: Cũbebi apecũ Jñmenijicũ yávaiyede coyũcaipõescu meacu baju Juan Bautista pueno, ina ijãravũre põeteivũ jñneboi. Ùbenita caivũ Jñmenijicũ jaboteimara ñi mearo ðacaimaramu Juan

Bautista pueno. Aru nácacu ũbeni cücü máre Jūmenijicui mearo đacaimume Juan Bautista pueno, arejame Jesús.

<sup>12</sup>Aru yópe arĩ, buede nurejame:

—Ānijāravu bācarō Juan Bautista Jūmenijicui yāvaiyede ũi coyurĩ buijāravumata pu caride máre, obedivu pōeva parurō đadama, ecoiyurivu Jūmenijicui jaboteinore. Aru pōeva Jūmenijicure ju abevu parurō đadamatedama, cūinē đaiyurivu ũi jaboteinore. <sup>13</sup>Juan Bautista ũi curinūmure curejaquemavu Jūmenijicui đaicōjeiye Moisés bācure toivaicōjeni bueiye báque aru ina Jūmenijicui yāvaiyede coyucaipōeva mácavu toivarĩ bueiye báque Jūmenijicui jabotecuyure ũi pōevare. <sup>14</sup>Aru ji coyuiyede muje ju aiyuru, coyuyubu mujare: Juan Bautistarecabe ñai Jūmenijicui yāvaiyede coyucaipōecu Elíape páyu dacuyu Jūmenijicui epequimū ũi daquiye jipocamia. <sup>15</sup>Me jápiajarā muja iye ji bueiyede, arejame Jesús.

<sup>16</sup>Aru yópe arĩ, buede nurejame:

—¿Yéque jēvari coyuji ina pōeva ijāravucavure? ¿Aipe ārōjari na? Juedova tãibui dobarivupebu, yajurājivū nácavūque. Aru yópe aivupebu: <sup>17</sup>“Japuvū ñuja yurriainore. Ūbenita upabetevu muja. Yurriavu ñuja chĩore đaiyede. Ūbenita obetevu muja”. Aru nópe ijāravucavu máre cãrijijāma na. <sup>18</sup>Que baru Juan Bautista ũi daiyede, ũi āmenĩ aru ũcumeni teiyede, “Abujucure cuvabi”, ũra ũbenina aivubu muja. <sup>19</sup>Aru Jūmenijicui daroimū mácū ũmure, ji daiyede, āri aru ũcuri teiyede yópe caivu apevure, “Ñai ũmū ũrarō āri ũi vainĩ tuiyeta, aru ũrarō ũcuri ũi pacoteiyeta, yóvaibi āmenare aru jabovare tãutura ĩcaipōevare máre”, yurā ũbenina aivubu muja. Que baru muja máre, ijāravucavupedeca cãrijivubu. Ūbenita Jūmenijicui majiēde pōeva jáđama ũre ju aivūque, arejame Jesús.

**Apeĩmaroacavu ne ju abeno  
Jūmenijicure**

(Mt 10.15; Lc 10.12-15)

<sup>20</sup>Apeĩmaroai ũre pōeva ne đarĩ majibede đarejame Jesús. Ūbenita

nócavu chĩomeni ne āmeina teiyede, oatvabedejaima ne đaiyede. Que baru Jesús, yópe arĩ, jijatani búrejame ina ĩmaroacavure:

<sup>21</sup>—iMuja, judíova, Corazícavu, āmeno ñájinajaramu muja! iAru muja, judíova, Betsaidacavu máre, āmeno ñájinajaramu muja! Pōecu ũi đaru pōeva ne đarĩ majibede yópe ji đaiyepe muje jáiyede, judíova āmevu Tirocavu aru Sidócavu máre ne jáiyede, nócavu jave chĩori ne āmeina teiyede, oatvajeju ne đaiyede. Āmenicajeare dorĩ, ũapenare tuorĩ ne jipobui, jáđovajeju ne chĩori dápiaiye. <sup>22</sup>Ūbenita yu coyuyubu mujare: Muja ñájinajaramu Tirocavu aru Sidócavu pueno baju, Jūmenijicui ñájiyoaquiijāravu baquinóre pōevare, ne āmeina teiye boje. <sup>23</sup>Aru muja, judíova, Capernaucavu, jáve nūmenajaramu muja cavarō mearo Jūmenijicui curōi. Quénora muja nurajaramu toabo cūiméboi. Ina Sodomacavu bācavu āmena bajuvacari, jáivu bācavu baru pōeva ne đarĩ majibede, yópe ji đaiye bāquepe Capernaui, chĩori ne āmeina teiyede, oatvajeju ne đaiyede. Aru na mácavure bíjare đabejeju Jūmenijicui. <sup>24</sup>Ūbenita yu coyuyubu mujare: Ina Sodomacavu bācavu pare āmeina teivureca, ne pueno ñájinajaramu muja, Jūmenijicui ñájiyoaquiijāravu baquinóre pōevare, ne āmeina teiye boje, arejame Jesús.

**Jesús ũi jabuóvare đaiyue pōevare**

(Lc 10.21-22; Jn 1.18, 3.35, 10.15)

<sup>25</sup>Dinūmūmareca Jesús, yópe arĩ, coyurejame Jūmenijicure:

—Mu, jipacu, cavarō mearocavu ne jabocu aru ijāravucavu ne jabocu máre, mearore jívū mure, mi jáđovame boje caiye iye ji coyuiyede ina majidivure aru mi jáđovaiye boje caiye iyede ina majibevure. <sup>26</sup>Mu, jipacu, mearore jívū mure mi nópe đaiye boje, arejame Jesús.

<sup>27</sup>Jūmenijicure coyurĩ buojari, Jesús arejame ñujare, ũque curivure:

—Jipacu Jūmenijicu yure majide đaiibi caiyede, aru parure đaiibi máre.

Ñame majibema yure, quénora majibi jipacáva. Ñame majibema jipacure quénora majivu yu, aru na máre ina ji majide ñaimara. <sup>28</sup>Caivu mña uetuivu mñe ñariduiye boje yópe Jñmenijicui ñaicójeiyepe, ñajarã ji yebai. Jabuóvare ñaquijivu mñjare diede jocarí, mñje cãrijimenajiyepa ayu. <sup>29</sup>Ju ajarã yure aru ji coyuiyede máre. Buejarã yáque ji bueiyepe. Majicaicójejara mñjare yure, ñarãjivu ji ñaiyepa. Yu cõmaje ñroje jãñumu põevare. “¿Meacu bárica yu?” arí ñápiabevu. Que baru yu jabuóvare ñaquijivu mñjare mñje ñmene. <sup>30</sup>Ju arí yure, ji coyuiyede máre, maiyójabevu mñjare. Mñje ñaiye majibede ñaicójemevu mñjare, arejame Jesús.

**Jesúí bueimara ne puyoino oteiyepe  
jabuóvairavui**

(Mt 9.13; Mr 2.23-28; Lc 6.1-5)

**12** <sup>1</sup>Apejaravu, judíovai jabuóvairavuvu sábadoi, ñña Jesúsã vaidéjaraã oteiye curõí. Ñña ñi bueimare ñvúé ijidejavú. Que baru die oteiyepe jëni puyorí ñrejaraã ñña. <sup>2</sup>Aru apevu fariseovacavu ññje nópe ñaiyede jãri, arejaima Jesúsre:

—Jãjacu. Mi bueimara maja judíovai mñje ñaicójemeno ñarí, ñmeno ñaivubu jabuóvairavure, arejaima.

<sup>3</sup>Ubenita Jesús, ñi ñápiaye boje ñña ñmeno ñabevure, arejame náre:

—¿Jãve ñrumetenaru mña yo David bácu ñaino mácarõre ñvúé ijidé ñre aru ñque curivure máre? <sup>4</sup>U mácu ecorejaquemavu Jñmenijicui cñrami. Aru ñrejaquemavu páure, Jñmenijicure jýe báquede, ina sacerdoteva ne ñiyede, sacerdote ñmecu bácvacari. Aru jídejaquemavu ñque curivure máre, sacerdoteva ñmavu bácvareca. Ubenita Jñmenijicu ñájine ñabedejaquemavu na mácvare. <sup>5</sup>¿Aru jãve ñrumetenaru mña Jñmenijicui ñaicójeiyepe sacerdotevare ñi toivaicójeiye báquede Moisés bácu? Ina sacerdoteva memevuvacari Jñmenijicui cñrami jabuóvairavure, ñmeno ñabema na. <sup>6</sup>Yu coyuyubu mñjare: Ji cuede

mñje jñeboi mearotamu mñjare, mñje Jñmenijicui cñramine cñvae pñeno. <sup>7</sup>Mña ji bueimara “Ñmeno ñaivubu” abejebu, majidivu bácvavu baru aipe aiyurõre iye Jñmenijicui yáviyede toivaicójeiye báquede: “Uvu yu mñje cõmaje ñroje jãrajiyepa ayu apevure, mñje yure jícaiye pñeno”, arí toivaicójejemaquemu Jñmenijicu. <sup>8</sup>Yu, Jñmenijicui ñaroimvu mácu ñmure, jabocubu yu. Que baru ñaicójei buoiaivu yu põevare ne ñaiyede cãjaravure aru jabuóvairavure máre, arejame Jesús.

**Jesús ñi meadaino ñmu ñmuve  
jiacubecure**

(Mr 3.1-6; Lc 6.6-11, 14.5)

<sup>9</sup>Nore jocarí ñrejaraã ñña, Jesúsã. Aru cñnãdami judíovai cõjjiñami ecorejaraã. Noi cñrejame cñnãcu ñmu, ñmuve cñnãpüravu jiacubecu. <sup>10</sup>Apevu fariseovacavu jñiari jãrejaima Jesúsre:

—¿Mi ñápiaru, meadãicójeini Jñmenijicu jabuóvairavuvu sábadoi? arejaima na.

Nópe arejaima, boro coyurí ñaiyuridivuvu ñre.

<sup>11</sup>Jesús arejame náre:

—¿Ácu mñjacacu ñi oveja turu cobe jívui, cñnã jñi ñmeje bárica ñre judíovai jabuóvairavuvu, mñjare memecójemejãrvure? ¡Põecu bojecucutame oveja pñeno! <sup>12</sup>Que baru Jñmenijicu mearore ñaicójeimi põevare jabuóvairavuvu sábadoi. Aru yu meadayu baru ñai ñmure caride, mearo ñajebu yu, arejame Jesús.

<sup>13</sup>Nópe ayuva, ñai ñmu ñmuve jiacubecure arejame:

—Jabióvacu mi ñmuvede, arejame.

U jabióviyede, meatedejavú ñi ñmuve, yópe aperiuvucañmuvepe. <sup>14</sup>Que teni ina fariseova etãivu bácvavu cõjjiidejaima. “Boarí jaruvãjavuvu”, arí ñápiavuvu barejaima Jesúsre.

**Isaiás bácu coyucaimu Jesús**

<sup>15</sup>Jesús coreóvayu ina fariseova ne boarí jaruvãvuvu ñre, náre ñajocarí

nurejame nore jocarí. Obedivu pöeva cujurejaima ñi yóboi. Aru caivu nácavu ijimarare meadarejame Jesús. <sup>16</sup> Yávaicōjemenidurejame náre aprevure, ne coreóvabenajiyere ayu ñi ðaiyede. <sup>17</sup> Caiye iye nópe vaidéjavū cūináturu Jūmenijicui coyucōjeiye báqueredeca ñai Isafas āmicucu ñi yávaiyede coyucaipōcesu bācure. Yópe arí, toivaicōjenejaquemavu ñi māscre Jūmenijicu:

<sup>18</sup> Jápiajarā. Ñaime yure memecayu, ji beoimū mácu. Úrecabe ji umū. Úque torojuvu yu ji ũmei. Úre darocuyumu ji Espíriture, ñi cōjequiyere ayu yure memecayu ñi dápiayede, ñi coyuiyede, aru ñi ðaiyede máre. Que baru coyucuyume yure memecayu judíova āmevure aipe ðarí buojaivure, boropatebenajivuva ji jáinore. <sup>19</sup> Úrecabe ādamatebecu, coðobobobecu mái, aru órejabecu ímaroacarō tāibui. <sup>20</sup> Napiñu cadatecuyume ina parubevure. Aru cōmaje āroje jáñu meadacuyume ina ijimara yaijurorivure. Nópe ðacuyume pu ñi vainí turíburu yóboita āmenore jaravari, ñi jaboteiyeta. <sup>21</sup> Úrecabe pöevare meadarí buojayu. Que baru úre napini corenajarama ina judíova āmevu, ñi meadaquiyere aivu náre, arí toivaicōjenejaquemavu Isafas bācure Jūmenijicu.

**“Abujuvai jabocui paruéde cuvabi ũ” arí, ne boro coyurí adaríduino Jesúre**  
(Mt 9.34, 10.25; Mr 3.20-30, 9.40; Lc 11.14-23, 12.10)

<sup>22</sup> Dinumure apavu davarejaima cūinácu ũmure, abujucu ñi ímatmure, Jesús yebai. Ñai ũmu jári eabecu aru yávaiye majibecu barejáme. Aru úre meadarejame Jesús. <sup>23</sup> ũi que ðaiyede, caivu ina pöeva, nócavu, cuedumari arejaima:

—¿David bācui pāramecu, Jūmenijicui epeimū mácu maje jabocu bacuyú bārīca ñai? jēniari járejaima ne bajumia.

<sup>24</sup> ũbenita ina fariseova, jápiaivu pöeva nópe ne coyuiyede, yópe arejaima:

—Ñai ũmu cuvabi Beelzebúre. Que baru abujuvai jabocui paruéque jaetovaibi abujuvare, arejaima na.

<sup>25</sup> Jesús coreóvayu ne dápiayede, arejame náre:

—Cūináro jaborōcavu ādamateivu baru ne bajumia, ina jaborōcavu cūinájarama na. Aru nopedeca cūináro ímarocavu o cūinádami cūramicavu máre ādamateivu baru ne bajumia, dīímarocavu o dīñamicavu máre cūinájarama na. <sup>26</sup> Aru nopedeca bájebu ñai abujuvai jabocu, jaetovayu baru abujuvai jabocure. Ádamateyu bájebu ñi bajuma. Aru jaetovayu baru abujuvare, joe parucu cubejebu ũ. <sup>27</sup> ¿Ji jaetovaru abujuvare ne jabocui paruéque, ñamei paruéque jaetovaidi mujacavu abujuvare? Que baru mujacavu, abujuvare jaetovaiyu, jáðovadama mujare muje borocuede yure ũbenita. <sup>28</sup> ũbenita Jūmenijicui Espiritu Santo ñi paruéque jaetovayubu yu abujuvare. Que baru jáðovaiyu yu Jūmenijicu jaboteyure mujare.

<sup>29</sup> ũbenita buojaino āmevu ecoivu ñai ũmu parucui cūramine, ñavarajivu ñi cuvade. Mamarumure úre buorí, que ðaivu bācavuta buojaivu ñavaiyu ñi cuvade, arejame Jesús.

Nópe ayu, Jesús yópe aiycu barejaquemavu: ũvacari parubi abujuvai jabocu pueno, ñi jaetovaiye boje abujuvare pöevare jocarí.

<sup>30</sup> Aru Jesús arejame:

—Ñai yóvabecu maucuvabi yure. Aru ñai aprevure yóvare ðabebi yure, náre maucuvare ðaibi yure.

<sup>31</sup> 'Que baru coyuyubu mujare:

Jūmenijicu ārumetecuyume caiye iye muje āmeina teiyede, aru caiye iye úre āmeina yávaiyede máre. ũbenita ácu pōcesu ñi yávaru āmeina ñai Espiritu Santore, aipinmū Jūmenijicu ārumetebecube ñi āmeina teiyede. Quédata boropatecuyume, bíjacuyu Jūmenijicure jocarí cainmua. <sup>32</sup> Que

baru caivu ina ámeina yávaivure yure, Jūmenijicui daroimu mácure ũmure, Jūmenijicu árumetecuyume ne ámeina teiyede. Ũbenita ina ámeina yávaivure ñaine, Espíritu Santore, Jūmenijicu árumetebecube ne ámeina teiyede, ijáravure aru daquijáravu baquinóre máre, arejame Jesús.

**Jesús ũi bueino maje majinore  
jocucu jéidure**

(Mt 3.7, 7.20, 15.18, 23.33;  
Lc 3.7, 6.43-45)

<sup>33</sup>Cojedeca Jesús, yópe arí, buedejame:

—Jocucu meacu cuvavu jéidua mearure. Ũbenita jocucu ámeçu, ámedure cuvavu. Que baru coreóvaivubu iye jocucure dicuá jéiyeque. Nopedeca muja coreóvarí buojaivubu yure ji daiyeque. <sup>34</sup>iMuja, jujovaiçu, ádavape paivubu muja! Mujarecabu dápiavü ámene. Que baru áme matuiyede yávaivubu muja. Aru méne yávarí buojabevu muja. <sup>35</sup>Ñai pōescu meacu yávayube méne, ũi ũmei mearo çe boje. Aru ñai pōescu ámeçu yávayube ámene, ũi ũmei ámeno çe boje. Que baru pōescu yávaibi ũi jijecamuque ũre cuede ũi ũmei. <sup>36</sup>Coyuyubu mujare: Ánijáravu daquijáravu baquinó Jūmenijicui ñájiovaquijáravu baquinóre pōevare, ne ámeina teiye boje, caivu ũbenita yávaivü bávavure ñájine đacuyume Jūmenijicu, ne nópe yávaiye báque boje. <sup>37</sup>Muje yávaiyeque jáđovaiivubu aipe muje dápiayede. Que baru Jūmenijicu bojedacuyume mujare yópe muje yávaiyere. Muje ména yávaru, mujare boropatebevure jácuyume Jūmenijicu. Ũbenita muje ámeina yávaru, mujare boropateivure jácuyume ũ, arí buedejame Jesús.

**Pōeva ne đarí majibenore Jesúre  
đaicōjeniduíno**  
(Mt 16.1, 4; Mr 8.11-12; Lc 11.16, 29-32)

<sup>38</sup>Dinūmure apevu ina Jūmenijicui yávaiye báquede bueipōevacavu

aru apevu fariseovacavu máre yópe aríđurejaima Jesúre:

—Mu, bueipōescu, Jūmenijicui majiéque đarí jáđovajacu pōeva ne đarí majibenore, aríđurejaima.

<sup>39</sup>Ũbenita Jesúcapūravu yópe arejame náre:

—Ámena bajutamü muja. Jūmenijicure dajocaiyurivubu muja yópe nomió ámeço ũi dajocaiyere jímarepacure jocarí. Que baru jēniariduiivubu ji jádovaquiyere aivu Jūmenijicui majiéque đainore, pōeva ne đarí majibenore. Ũbenita jámenamu apenore Jūmenijicui đainore mujare, quénora yo Jonás mácure vaino mácarōre.

<sup>40</sup>Yópe Jonás mácui çe báquepe moacu uracui yapibu jívui yóbecurijáravua aru yóbecuríñamia máre, nopedeca yu, Jūmenijicui daroimu mácu ũmure, cucuyumu joboró jívui yóbecurijáravua aru yóbecuríñamia máre.

<sup>41</sup>Aru Jūmenijicui ñájiovaquijáravu baquinóre pōevare, ne ámeina teiye boje, ina ũmva mácavu, Nínivecavu bávavu, nacajarajarama muja ijáravucavūque, aru ámechorājarama mujare, yure muje ju abe boje. Aru ina Nínivecavu bávavu chíori ne ámeina teiye báquede oatvarejaquemavu, jápiavü bávavu Jonás mácui coyuiyede Jūmenijicui yávaiyede. Ũbenita Jonás mácui majié pueno baju bueyubu yu. <sup>42</sup>Aru Jūmenijicui ñájiovaquijáravu baquinóre pōevare, ne ámeina teiye boje, ico jaboco, aviá daino cācopūravucaco báco, nacajacođome muja ijáravucavūque aru ámechorođome mujare, yure muje ju abe boje. Ő máco darejaquemavu joaró joborōre jocarí, jápiacođo ñai Salomón mácui coyuiye báquede ũi majiéque. Ũbenita Salomón mácui majié pueno baju bueyubu yu, arejame Jesús.

**Jesús ũi coyuíno abujucui copainore**  
(Lc 11.24-26)

<sup>43</sup>Bediōva cojedeca Jesús, yópe arí, buedejame:

—Abujucu etayu bácu ũmure jocarí, voibi ũi jabuóvaino penenoi, pōescubenoí.

44 Ûbenita jabuóvaino eabecu baru, copaiyubi ñai ùmu, ùi etaimu máscrecata. Aru copaini dayu, eaibi ñai ùmu meacure, yópe cūrami oeni meadaiñamipe páyure. 45 Que teni nuñu, nuvaimi apevu siete paivu abujuva ùi pueno ámenare. Aru ne ecoiyede ñai ùmure, ámedadama úre pueno baju. Nopedeca vaiquiyebu ijāravacavu ámenare. Ñájinajarama yóbocajārvavare ne mamarumū ñájiye báque pueno, arejame Jesús.

**Jesús ù jina ne voino úre**

(Mr 3.31-35; Lc 8.19-21)

46 Jesús ùi coyuiyede ina pōevare, jípacu aru ùi yóva máre úque boroteiyurivu edarejaimada ùi curói. Ûbenita jedevamia mautedejaimada na. 47 Aru cūinácū nore cucū arejame Jesúsre:

—Mipaco aru míyova máre, mure járadaivu, jedevai núma, arejame.

48 Ûbenita Jesúcapūravu arejame úre coyuyú bácure:

—¿Namema jípacu aru jíyova? jēniari járejame ù.

49 Aru ùi purure jabióvarí jáđovacuñu ñujare, ùi bueimarare, arejame:

—Yuibu jípacope paivu aru jíyovape paivu máre. 50 Que baru caivu ina ñaivu jípacu, cavarō mearocacu, ùi nrōpe, nárecabu jíyocupe páyū, jíyocope páđo, aru jípacope páđo máre, arejame Jesús.

**“Oteipōecure” jári dápiarí ne ñarājiyepe aino**

(Mr 4.1-9; Lc 5.1-3, 8.4-8)

**13** 1 Dijāravumareca cūramine etarí, macajitabu nrabu écarui nuri, dobarejame Jesús. 2 Obedivu pōeva cójjidejaima ùi yebai. Que baru jíadocū écaru joabenoí curicūre jári, jaturí, dobarejame dicūra, buesuyú pōevare. Aru caivu ina pōeva cūrejaima macajitabu nrabu écarui. 3 Jesús buedejame ñujare jári dápiarí ñuje ñarājiyepe ayu caijē apejēne. Yópe arí, buedejame:

—Yui oteipōecu otescunquemavu. 4 Ûi oteiyede, ape oteiyete tuquemavu ma

écarui. Aru mǐjina darí, āradaquemavu caiye iye oteiyede. 5 Ape oteiyete tuquemavu joborō edubenoí, cūraboa puenoí. Nore joborō yaurijē cubeniburu, maumejiena píarí etaquemavu. 6 Ûbenita aviá ùi boiyede, équemavu. Aru nuomua ùmujurimua cubeni, yaiquémavu. 7 Ape oteiyete tuquemavu miucua jēneboí. Aru yóboi miucua bucuní, chíquemavu iye oteiyede. 8 Aru ape oteiyete tuquemavu mearo joborói. Aru die jēquemavu, apeñu jēiñu cien paivua, apeñu jēiñu sesenta paivua, aru apeñu jēiñu treinta paivua, caiye oteiyabea coapa. 9 Me jápiajarā muja iye ji bueiyede, arejame Jesús.

**Aipe aiyurōre Jesús ùi jári dápiarí ne ñarājiyepe aino**

(Mt 25.29; Mr 4.10-12, 25; Lc 8.9-10, 18, 10.23-24, 19.26)

10 Dinumure ñuja, ùi bueimara, ùi yebai nuri, jēniari járejacarā Jesúsre:

—¿Aipe teni bueyurū mu jári dápiarí ñuje ñarājiyepe ayu mi coyuiyeque? arejacarā.

11 Aru Jesús coyurejame ñujare, yópe arí:

—Mujare coyurí majide dayubu iye Jūmenijicu ùi coyucōjeme máquede. Û jaboteibi mujare, ùi pōevare. Ûbenita ina apevu, iyede majibevure, quéda jári dápiarí ne ñarājiyepe ayu, bueyubu yu náre. 12 Nopedeca ina jápiaivure Jūmenijicui yávaiyede, Jūmenijicu pueno baju majide ñacuyume náre. Ûbenita ina jápiabevure Jūmenijicui yávaiyede, iye ne quíjino majiéde, Jūmenijicu náre ícuyume. 13 Jáivnvacari ji ñaiyede, coreóvayubema yure. Aru jápiaivnvacari ji coyuiyede, ju aiyubema yure. Yéde majibema na ji yávaiyede. Que baru jári dápiarí ne ñarājiyeque coyuyubu yu náre. 14 Ne ñaiye nópe vaidéjaquemavu cūináturu Jūmenijicui coyucōjeiye báquepedeca ñai Isaías ámicucu ùi yávaiyede coyucaipōecu bácure. Yópe arí, toivaicōjenejaquemavu ùi mácure:

Jāve jápiarídurājaramu muja.

Ûbenita yē jápiarí eabenajaramu.

Jāve jārīdurājarāmu mūja.  
 Ūbenita ye jāri eabenajaramu.  
 15 Mūja coreóvaivūbevu, mūje  
 yávaiyede jāvene jāpiarī eaiyūbe  
 boje. Mūja jāpiabevū, mūje  
 yávaiyede jāvene jāpiaiyūbe boje.  
 Mūja bieivū mūje yacorūare, mūje  
 jāvene jāiyūbe boje. Yūre jāri  
 coreóvaivū baru mūje yacorūaque,  
 ju ajebu mūja. Yūre jāpiaivū baru  
 mūje cāmucobeaque, ju ajebu  
 mūja. Yūre jāpiarī adaivū baru  
 mūje ūmeque, ju ajebu mūja.  
 Que daivure, meadajebu yu  
 mūjare, toivaicōjenejaquemavū  
 Jūmenijicū Isaiás bācure.

16 Ūbenita torojūrājarāmu mūja, ji  
 bueimara. Ji daiyede jāri coreóvaivūbu  
 mūje jāiyede. Aru ji coyūiyede jāpiarī,  
 ju aivūbu diede. Que baru Jūmenijicū  
 mearo đacaimaramu mūja. 17 Jāve  
 coyūyūbu mūjare: Obedivū Jūmenijicū  
 yávaiyede coyūcaipōeva aru meara  
 pōeva máre jāiyūrīduquemavū caiye iye  
 mūje jāiyede. Ūbenita jāmetequemavū.  
 Aru jāpiaiyūrīduquemavū caiye iye mūje  
 jāpiaiyede. Ūbenita jāpiabetequemavū,  
 arī coyūrejame űjare Jesús.

**Jesús űi coyūino aipe aiyūrōre  
 “oteipōecure” jāri dāpiarī ne  
 đarājiyepe aino**  
*(Mr 4.13-20; Lc 8.11-15)*

18 Yōpe arī, Jesús coyūrejame űjā űi  
 bueimarare:  
 —Yo jāri dāpiarī mūje đarājiyepe  
 ayū ji aino mácarō yōpe coyūiyūrōmu  
 mūjare: Iye oteiye Jūmenijicū yávaiyepe  
 paiyebu űi jaboteinoque yávaiye. Aru  
 űai oteipōecu Jūmenijicū yávaiyede  
 bueipōecupe páyūbe. 19 Aru inamu ma  
 ēcarūi oteiye turīduiye báquepe paivū.  
 Náre coyūiyede Jūmenijicū yávaiyede  
 jāpiađama, űbenita coreóvarī eabevūva.  
 Que baru ne jāpiarīburu yóboi, űai  
 abujuvai jabocu darī, ārūmetede đabi  
 Jūmenijicū yávaiyede, ne jāpiaiyē  
 báquede. 20 Aru inamu joborō edubenoī,  
 cūraboā pūenoī, oteiye turīduiye  
 báquepe paivū. Jūmenijicū yávaiyede

jāpiarī, torojūma me. 21 Ūbenita diede  
 ju arīduyama na. Que baru quījino  
 yóboi, pōeva ne cārijovaru aru űājine  
 đaru náre, ne ju aiye boje, maumena  
 đajocađama ne ju aiyede Jūmenijicū  
 yávaiyede. Que teni ju abema na.  
 22 Aru inamu miucūa jēneboi oteiye  
 turīduiye báquepe paivū. Na máre  
 jāpiaivū Jūmenijicū yávaiyede, űbenita  
 cārijijīnāma ijāravūquede. Aru torojūma  
 tāutūraque. Que baru dāpiađama caiye  
 diede. Ūbenita dāpiabema Jūmenijicū  
 yávaiyede. Que baru Jūmenijicū  
 cadatebebi náre űi yávaiyeque yōpe űi  
 urōpe. 23 Ūbenita inamu mearo joborōi  
 oteiye tuiye báquepe paivū. Jūmenijicū  
 yávaiyede jāpiađama. Aru diede jāpiarī  
 coreóvadama. Nárecabu ju are đaivū  
 apevū pōevare, apevū cien paivūre,  
 aru apevū sesenta paivūre, aru apevū  
 treinta paivūre, arī buedejame Jesús  
 űjā űi bueimarare.

**“Āmecōria oteiye jēneboi” jāri  
 dāpiarī ne đarājiyepe aino**

24 Apeno jāri dāpiarī űjē đarājiyepe  
 ainoque buedejame Jesús:  
 —Jūmenijicū jaboteino yōpe painomu.  
 Cūinácū űmu űi oteiye méne, trigo  
 āmicūede, otequemavū jioi. 25 Ūbenita  
 űami, pōeva ne cāiyede, űi maucu  
 dupini darī, otequemavū āmecōriare  
 űi oteiye jēneboi. Aru que đarī buojarī,  
 űuquemavū űai űi maucu. 26 Que baru  
 oteiye me pīarī bucūiyede, āmecōria  
 máre pīarī bucūquemavū. 27 Dinūmure  
 űai jio upacu űre memecaivū űi yebai  
 nurī, aquemavū: “Mū, űjē jabocu,  
 ¿otebetecurū oteiye méne jioi? Jājacu.  
 Mī oteiyeque āmecōria máre cuvū”,  
 arī coyūquemavū. 28 űai jio upacu  
 náre coyūyū: “Ji maucu que đayūme”,  
 aquemavū. Ūre memecaivū jēniari  
 jāquemavū: “¿Iye āmecōriare ĩnajidi  
 űjā?” aquemavū. 29 Ūbenita űai jio  
 upacu aquemavū: “Bítamu. Mūje űyede  
 āmene, méne máre ĩnajichūvū mūja.  
 30 Bucūicōjevara caiyede, oteiye méne  
 aru āmecōriare máre, pu jējāravū  
 eaiyeta. Jējāravū eaiyede, yōpe



coyucnyumtu yu ji oteiyede ícaipõevare: ‘Mamarumũ ijara mũja iye ãmecõriare. Ìni, tóroa ñarĩ, ditoroa coapa buorĩ, juajarã mũja. Ëbenita iye oteiyede méne trigo ãmicuẽde ñiniburu, epejarã ji epeiñami jívui’, coyucnyumtu náre”, aquemavũ ñai jio upacu, arĩ buedejame Jesús.

**“Oteiyabe mostazare” jári dápiarĩ ne ñarãjiyeye aino**

(Mr 4.30-32; Lc 13.18-19)

<sup>31</sup> Apeno jári dápiarĩ ñuje ñarãjiyeye ainoque buedejame Jesús:

—Coyucijivũ mũjare aipe ãrojarore yo Jũmenijicui jaboteinore. Yópe mostaza ãmicuriyabe oteiyabepebu. Cũinácũ ãmu diyabede ñni, oteibi ãi jioi. <sup>32</sup> Diyabedecabu oteiyabe quĩjiyabe caiye oteiyede pueno. Ëbenita ãi oteniburu yóboi, bucũrĩ mũivũ uracu ape oteiyede pueno. Aru dicũ cavabua uracavabua mũivũ, dicũ taino cãchinois mĩjina ne juaiboa ñadama, arejame Jesús.

Nopedeca mamarumũre Jũmenijicui jaboteino quĩjinotamu, põeva obebevu ne cue boje noi. Ëbenita Jũmenijicui yávaiye méne coyurĩburu yóboi, urarõtamu no Jũmenijicui jaboteino, obedivũ põeva ne cue boje noi.

**“Páure bucure ñaiyede” jári dápiarĩ ne ñarãjiyeye aino**

(Lc 13.20-21)

<sup>33</sup> Bediõva diede buedejame Jesús apeno jári dápiarĩ ñuje ñarãjiyeye ainoque, yópe arĩ:

—Jũmenijicui jaboteino yópebu nomió õi páure bucure ñaiyeye. Diede ñarĩ jívaiyepubu yóbecuricubua páu ñaicurubua. Aru caino jívai bore bucuvainopebu, arejame Jesús.

**Aipe teni Jesús ãi bueno jári dápiarĩ ne ñarãjiyeye aiyede**

(Mr 4.33-34)

<sup>34</sup> Caiye iye jári dápiarĩ ne ñarãjiyeye aiyede coyurejame Jesús ina obedivũ põevare. Coyure curejame cainumua jári dápiarĩ ne ñarãjiyeye aiyequẽ ãi

bueinore. <sup>35</sup> Nópe vaidéjavũ cũináturu Jũmenijicui coyucõjeiyede báquepedeca cũinácũ ãi yávaiyede coyucãipõescu bácuere. Yópe arĩ, toivaicõjenejaquemavũ ãi mácuere Jũmenijicui:

Jári dápiarĩ ne ñarãjiyeye ainoque coyucnyumtu yu põevare. Iye yávaiye jáðovame máquede Jũmenijicui jãravure cuẽðaquiye jipocamata coyucnyumtu yu náre, arĩ toivaicõjenejaquemavũ.

**Jesús ãi coyucino aipe aiyurõre “ãmecõria oteiyede jẽneboi” jári dápiarĩ ne ñarãjiyeye aino**

<sup>36</sup> Dinumũ ina obedivũ põevare ñajocarĩ, cũrami ecorejame Jesús. Aru noi ñuja, ãi bueimara, ãi yebai nurĩ, yópe arejagarã ãre:

—Mu, bueipõescu, coyucacu ñujare aipe aiyurõre yo jári dápiarĩ ñuje ñarãjiyeye ayu mi aino mácarõre, ãmecõria oteiyede jẽneboi, arejagarã.

<sup>37</sup> Yópe arĩ, coyurejame ñujare Jesús:

—Ñai jio upacu oteiyede méne oteicõjeñupe páyubu yu, Jũmenijicui ñaroimũ mácu ãmũpe. <sup>38</sup> Ëi jio ijãravure painomu. Iye trigo ãmicue oteiyebu Jũmenijicui jaboteimarape paivũ. Aru iye ãmecõriamũ abujuvai jabocui jaboteimarape paivũ. <sup>39</sup> Ñai jio upacui maucube, ãmecõriare oteyũ, abujuvai jabocupe páyũ. No jãravũ oteiyede jẽijãravũ ijãravũ cũiquĩjãravure painomu. Aru ina oteiyede ícaipõevamũ ángelevape paivũ. <sup>40</sup> Yópe ne ñni juaiyepede toaque iye ãmecõriare, nopedecca vaiquĩyebu ijãravũ cũiyede.

<sup>41</sup> Yu, Jũmenijicui ñaroimũ mácu ãmũpe, ñarocnyumtu ji ángelevare ji jaboteimara yebai. Ina ángeleva ñajarama caivũ ina ji jaboteimara jẽneboi ãmeina ñaivure aru apẽvure ãmeina ñare ñaivure máre. <sup>42</sup> Náre ñni jarorãjarama toabo cũimẽboi. Chõiovũ orĩ curãjarama nore. Aru jararĩ cõpi curãjarama na. <sup>43</sup> Dinumũ maquinõre ina põeva meara, ina ñaivũ yópe Jũmenijicui urõpe, curãjarama majeracu Jũmenijicui jaboteinoi, miadãre ñaivure

yópe aviá ùi boiyepe. Me jápiajarā mña iye ji bueiyepe, arejame Jesús.

**“Bojecue yaveiyede” jári  
dápiarī ne ðarājiyepe aino**

<sup>44</sup> Apeno jári dápiarī ñuje ðarājiyepe ainoque buedejame Jesús:

—Jūmenijicui jaboteinomu yópe bojecuede yaveiye báquepe jioi. Cūinácu ũmu memañu, ùi ũiyede joborō jívui eayu baru bojecuede yaveiye báquede noi, epeni yaveyube diede cojedeca. Aru jiore copainuri, caiye ùi cūvaede jíni bojedari, no jiore bojedayube, cuvacyu iye bojecuede, arejame Jesús.

**“Perla āmicurijībo cūrajībo  
pare bojecurijībore” jári  
dápiarī ne ðarājiyepe aino**

<sup>45</sup> Apeno jári dápiarī ñuje ðarājiyepe ainoque buedejame Jesús:

—Jūmenijicui jaboteinomu yópe bojedaiþōecui voiyepe cūrajībo perla āmicurijībo bojecurijīboare. <sup>46</sup> Ñai ũmu eayu baru cūinájībo perla āmicurijībo cūrajībore, bojecurijībo caiboa apeboa pñeno, caiye ùi cūvaede jíni bojedacunuñume, ñni bojedacuyu nijībore, arejame Jesús.

**“Pápicu uracure” jári dápiarī  
ne ðarājiyepe aino**

<sup>47</sup> Apeno jári dápiarī ñuje ðarājiyepe ainoque buedejame Jesús:

—Jūmenijicui jaboteinomu yópe pápicu uracu ne jaboáicu jia uradaí, obedivu moa ne coiyepe dicui. <sup>48</sup> Dicu buiyepe, ina moa boaiþōeva dicure nvari, jababorī écaruita, noi dobarī, jári beorī adaivubu caivu ina moa mearare ne pñeá jívui. Aru caivu ina āmenare jaruvaivubu na. <sup>49</sup> Nopedeca vaiquíyebu ijāravu cūiyede. Ina ángeleva darī, jári beorī ñajarama ina þōeva āmenare ina meara jēneboi. <sup>50</sup> Ina āmenare jararājarama toabo cūiméboi. Chōivū orī curājarama nore. Aru jararī cōpi cūrajarama na, arejame Jesús.

**Bueiye mamae aru javeque máre**

<sup>51</sup> Yópe arī, jēniari járejame ñujare Jesús:

—¿Caiye iye ji coyuiyede mñjare jápiarī eaivurū mña? arejame ñujare.

Aru arejacarā úre:

—Jápiarī eaivubu ñuja, arejacarā.

<sup>52</sup> Que arī, Jesús arejame ñujare:

—Caivu ina Jūmenijicui yávaiye báquede bueiþōeva bueivū baru Jūmenijicui jaboteiyede ùi þōevare yópe ji coyuiyepe, bueni buojarājarama Jūmenijicui yávaiye báque javede aru Jūmenijicui yávaiye mamaene máre, cadatenajivū ina jápiaivure, ne majinajiyeye aivu aipe ðaiye jaurōre. Nopedeca cūrami upacu davaibi ùi cuvae javequede aru mamaene máre ùi epeiye báquede ùi cūrami jívui, cadatecuyū ðinamicavure ne ðaiyede, arejame Jesús.

**Jesús Nazarei ùi nuino**

(Mr 6.1-6; Lc 4.16-30; Jn 4.44)

<sup>53</sup> Caiye iye jári dápiarī ne ðarājiyepe aiyede coyurīburu yóboi, nñrejame Jesús nore jocarī. <sup>54</sup> Copainñrejame ùi joborōi. Aru judíovai cōjjiñami buedejame þōevare. Úre jápiaivu cuēcumari arejaima:

—¿Ároqueba caiye iye ùi majié aru iye ùi ðaiye þōeva ne ðarī majibede? <sup>55</sup> ¿Ñai āmeni jocure memeiþōecui mácu? ¿Ico María āmicuco āmeni jípaco? ¿Ūi yóva āmeni Santiago, José, Simón, aru Judas máre? <sup>56</sup> ¿Aru ùi yórōmiva máre cubedi majaque yui? Que baru, ¿ároqueba caiye iye ùi ðaiye ñai ũmu, majape páyu? jēniari járejaima na.

<sup>57</sup> Que arī, āmeina járejaima úre. Ūbenita Jesúsapūravū náre arejame, ne jū abe boje úre:

—Cubebi Jūmenijicui yávaiyede coyucaipōecu ne pueðaimū ùi joborōcavū aru ùi cūramicavū máre, arejame.

<sup>58</sup> Aru obebejie þōeva ne ðarī majibede ðarejame nore, ne jū abe boje úre.

**Juan Bautista bácu ùi yaino**

(Mr 6.14-29; Lc 3.19-20, 9.7-9)

**14** <sup>1</sup> Dinmū ñai Herodes, ñuja Galilea āmicurijīborōcavū ñuje

jabocu, jápiarejameđa Jesúí borore.

<sup>2</sup>Jápiayú, úre memecaivure arejameđa:

—Ñaime Juan Bautista. Nacajacube yainore jaruvarí. Que baru yópe parucube ú, úbenina arejameđa.

<sup>3</sup>Nópe dápiarejameđa Herodes, Juan Bautista bácu arucure cäreja, úi yaiquiye jipocai, Herodes úi buoicójeiye báque boje úre. Aru buoicójenejameđa, jacocuyú ámeina teivure jëni jacoñiami, yópe Herodei márepaco Herodíai urópe. Nópe urejacoda, ói jorojíye boje úi ámecoroíye báquede Herodede, úi cuvae boje óre, ímacu Felipei márepacore. <sup>4</sup>Javede Juan Bautista bácu ávarejameđa Herodede: “Jümenijicui ðaicójeiye Moisés bácu úi coyuiye báque cuvaicójemevú mure apecui márepacore”, ávarejameđa úre.

<sup>5</sup>Herodecapuravu Juan Bautista bácu boarí jaruvaiyucvacari, jidurejameđa ina obedivú pöevare, “Jümenijicui yávaiyede coyucapöecube Juan Bautista”, arí dápiaivure. <sup>6</sup>Úbenita cüinájaravu úi árurijáravu eaiyede, Herodei pöetejáravu bácaróre, torojuve teino ðarejameđa ú. Dijáravure Herodíai máco nuri, uparejacoda caivu ina Herodei cutuimara ne jáiyede. Que teni Herodede pare coyurejacoda ó. <sup>7</sup>Que baru parúque arejameđa óre:

—Jíquijivú mure yéde mi uróre. Yure ñájine ðajacurí Jümenijicu, ji ðabedu yópe ji ainope, arejameđa.

<sup>8</sup>Jípaco jëniaicójenejacoda óre. Aru ico nomió bojuyó arejacoda Herodede:

—Jíjacu yure carijie Juan Bautistai jipobure jororúque, arejacoda ó.

<sup>9</sup>Ói jëniainore jápiarí, chíorejameđa ñai jabocu. Úbenita úi aiye báque boje parúque úi cutuimara ne jápiayede, jícaicójenejameđa óre. <sup>10</sup>Boaipöecure jarorejameđa ámeina teivure jëni jacoñiami jívuí, úi burarí jaruvaquiyepé ayu Juan Bautistai jipobure. <sup>11</sup>Burarí buojarí, jororúque núvari, jídejameđa ico nomió bojuyore. Aru jídejacoda jípacore, ói majicojiyepé ado Juan Bautista bácu jáve yaiyá bácu.

<sup>12</sup>Aru Juan Bautista bácuí bueimara

núvarejaimada úi baju bácaróre, jaruvarájivú cüracobe jívuí. Que teniburu yóboi, coyuránurejaimada Jesúre die borore.

**Jesús úi áre ðaino cüinápurupe paimil baju úmúvare**

(Mr 6.30-44; Lc 9.10-17; Jn 6.1-14)

<sup>13</sup>Jesús diede jápiayú bácu, nore jocarí núrejame jíadocúí, ina pöeva obedivure ðajocarí, pu pöecubenoita. Úbenita núñure majidejaimada na. Aru mái úi yóboi núrejaima na, obedivú ímaroacavú. <sup>14</sup>Úi jataiyede, écarúí marí, ina obedivú pöevare cómaje ároje járejame Jesús. Nácavú ijimarare meadarejame ú. <sup>15</sup>Nainúta ñuja úi bueimara úi yebai nuri, coyurejagará úre:

—Nainútamu majare yui pöecubenoí.

Pöeva ne árajiyede bojedaránúicójejacu mu. Noi ímajinoai jarorí, náre “Áranujara” ajacu mu, arí durejagará Jesúre.

<sup>16</sup>Ñujare arejame:

—Ne árajiyede bojedaránúiye jaubevú náre. Jíjará muja ne árajiyede, arejame ñujare.

<sup>17</sup>Úre arejagará:

—Páuboa cüinápurupe paiboa aru moa pucará cuvavú ñuja, arejagará Jesúre.

<sup>18</sup>—Diede davajará ji yebai, arejame Jesús.

<sup>19</sup>Dinúmare córiá pñenora pöevare dobaicójenejame Jesús. Aru die páuboa cüinápurupe paiboa aru moa pucaräre jëni, cavaróí jáñú, torojuede jídejame Jümenijicure. Úi cotúvaríburu yóboi páuboa, ñuja úi bueimara jídejagará diede ina pöevare, yópe Jesús úi jícójeiye báquedecada ñujare. <sup>20</sup>Aru caivu ári, yapidejaima na. Ári bubaríburu yóboi, iye cotúvaiye báquede, ne ári oabede, íni, meadará, pñebua doce paibua, judíovai pñebua, buivárejagará ñuja. <sup>21</sup>Aru ina áivu bácvú úmava cüinápurupe paimil baju barejáima. Apevú, nomiva aru jueðova máre, árejaima na.

**Jesús úi cuino oco pñenora**

(Mr 6.45-52; Jn 6.16-21)

<sup>22</sup>Dinúmu Jesús jatuicójenejame ñuja úi bueimarare jíadocúí, ñuje nurajiyepé

ayu ñi jipocai macajitabu urabu apeduvei. Que teni copaicōjenezamedā ina pōevare ne cūramiai. <sup>23</sup>Ne nūriburu yóboi, Jūmenijicure coyucunūrejamedā cūinácuva cūracūi. Noi ñi coyuiyede Jūmenijicuque, ñami marejávūya. <sup>24</sup>Dicū, ñuje jiadocū, macajitabu urabu coricai curejavū. Pācaiboa uraboa jarururejavū dicūre. Aru ũmevu cobarejavū ñujare.

<sup>25</sup>Aru jāravucapūravui aviá ñi daquiye jipocai, Jesús curi macajitabu urabu puenora darejame ñuje yebai.

<sup>26</sup>Ūbenita ñuja jáivu ũ cuyre macajitabu urabu puenora, jidurivu baju cođoboborejara:

—iPōe decocu bácútame! arí cođoboborejara ñuja, jidurivu.

<sup>27</sup>Ūbenita maumena ñujare coyurí, arejame Jesús:

—Paréque dápijarā. Yútamu Jesús. Jidubejarā muja, arejame ũ.

<sup>28</sup>Dinūmuma Pedro arejame ũre:

—Mū, ji jabocu, jáve mū maru, yure daicōjejacu mi yebai, oco puenora, arejame ũ.

<sup>29</sup>Aru Jesús arejame ũre:

—Dajacu, arejame.

Que jápiayu, Pedro etarejame dicūre jocarí. Aru vaivárejame oco puenora, nūriducuyu Jesús yebai. <sup>30</sup>Ūbenita ũmevu pare japuiyede jári, jidurejamedā ũ. Jidacu, corí búrejame. Que baru cođoboborejame:

—iMū, ji jabocu, cađatejacu yure! arejame.

<sup>31</sup>Maumejiena Jesús jabióvarejame Pedre ũi purui. Aru arejame ũre:

—¿Aipe teni jiducurū mu? ¿Aipe teni “Jesús meadacuyame yure”, abecurū mu? arejame Pedre.

<sup>32</sup>Ne jatuiyede dicū jiadocūi, ũmevu bíjarejavū. <sup>33</sup>Aru ñuja dicūi curivu mearore jídejarā Jesúsre.

—Jāve mútamu Jūmenijicui mácu, arejara ũre.

**Jesús ũi meadaino Genesarecavu**

**ijimarare**

(Mr 6.53-56)

<sup>34</sup>Jataríburu yóboi, earejara Genesaret āmicurijoboroi. <sup>35</sup>Aru dicūre

jocarí etaivu bācavure, obedivu pōeva coreóvarejaima Jesúsre. Que baru ñi borore jarorejaimada caino ne ĩmaroi, ne davarājiyepe aivu ijimarare. <sup>36</sup>Ūre jēniarejaima, jēni járajivu ũi cuitótecaje turavarā. Aru caivu jēni jáivu meateivu barejāima na, ijimara māvavu.

**Iye pōevare āmeina tede ñaiye**

(Mt 12.34; Mr 7.1-23; Lc 6.39)

**15** <sup>1</sup>Dinūmū fariseovacavu apavu Jūmenijicui yávaiye báquede buepōevaque, Jerusalén āmicurímarore jocarí daivu bācavu, járadarejaima Jesúsre. Aru ũre yópe arí, jēniari járejaima:

<sup>2</sup>—¿Aipe teni mi buemara ne puruáre cojabedi ne ārajiye jipocai, Jūmenijicui me jáquiyepe aivu náre? Yópe ne āiyede, majeñecuva māvavu ne ñaicōjeiye báquede vainí tūyama na, arejaima.

<sup>3</sup>Jesús náre yópe arí, coyurejame:

—¿Muja máre, aipe teni vainí tuivurū Jūmenijicui ñaicōjeiye, ñarājivu yópe mujeñecuva māvavu ne ñaicōjeiye báquere? <sup>4</sup>Jūmenijicu yópe aicōjenezajuemavu: “Mipacure aru mipacore máre urí, ju ajarā. Ūbenita ñaine āmeno coyuyure jípacure o jípacore máre, muje jabova boarí jaruvajarāri ũre”, arejaquemavu Jūmenijicu, ũi ue boje pōeva ne cađatequiyepe ayu nébucavare.

<sup>5</sup>Ūbenita muja bueivubu yópe: “Cūinácū pōecu jípacore o jípacore ayu baru, ‘Mure cađateyu buojabevu. Ji tāuturare, muje jacorupjuroede, javeita jícacu yu Jūmenijicure’, ayu bájebu ũ. <sup>6</sup>Ñai pōecure cađateiye jaubevu ũi bucavare”, aivubu muja. Que baru muje ñaiye boje yópe mujeñecuva māvavu ne ñaicōjeiye báquere, Jūmenijicui yávaiyede bojecubede ñaivubu muja. <sup>7</sup>Muja, jujovaiyu, jáve Jūmenijicu, yópe arí, coyucaicōjenezajuemavu ũi yávaiyede Isaías bācure mujara:

<sup>8</sup>Ina pōeva yure ju adama ne jijecamuque. Ūbenita ñabema yópe ji urōpe. <sup>9</sup>Bojecubenoque

mearore jíniduyama yure.  
Bueniduyama pōeva ne  
bueinore Jūmenijicui yávaiyepe,  
arejaquemavū.

Que arejame Jesús ina fariseovare  
aru ina Jūmenijicui yávaiye báquede  
bueipōevare.

<sup>10</sup> Jesús órejarejame ina pōevare ũi  
yebai. Aru arejame náre:

—Caivu yure jápiaivū dápiajarā.

<sup>11</sup> Caiye iye ecoiye pōeva ne jijecamui  
jedevaque āmeina tede dābevū náre.  
Ūbenita caiye iye etaiye pōeva ne  
jijecamure jocarī ne ũmeque āmeina  
tede dāivū náre, arejame Jesús.

<sup>12</sup> Dinumure ñuja, ũi bueimara, ũi  
yebai nurī, arejarcā Jesúre:

—Ina fariseova jorojñāma mure, ne  
jápiayede mi coyuiyede, arejarcā ũre.

<sup>13</sup> Yópe arī, coyurejame ñujare:

—Yópe jio upacui ĩni jaruvaiyepe  
caiye āmene bucuiyede ũi jioi, ũi oteiye  
báque āmene, nopedeca jipacu, cavarō  
mearocacu, ĩni jaruvacuyme ũre jocarī  
caivu ina ũre coyucaipōevape teivure  
ubenina. <sup>14</sup> Náre cārījovaicōjemejara  
muja. Námu jári eabevure paivū  
jipocateiyurivū apévure, ũbenita jāve  
ñamene cadateni majibevū. Cūinácu  
jári eabecu buojabebi nuñ māi apecu  
jári eabecuque. Que baru caipucarā jári  
eabevū baru, tujebu na cobei, arejame  
Jesús.

<sup>15</sup> Pedrocāpūravū arejame ũre:

—Coyujacu ñujare aipe aiyūrōre yo  
jári dāpiarī ñuje darājiyepe ainore,  
arejame ũ.

<sup>16</sup> Aru arejame:

—¿Muja máre jápiarī coreóvabenaarū?

<sup>17</sup> ¿Coreóvabenaarū caiye iye ecoiyede  
pōeva ne jijecamui jedevaque, ne  
yapibui earī etaiyede ne bajure jocarī?

<sup>18</sup> Ūbenita caiye iye etaiye pōeva ne  
jijecamure jocarī ne ũmeque, diedecabu,  
ne dāpiaye, āmeina tede dāive  
náre. <sup>19</sup> Ne ũmei āmeina dāpiadama  
apévure. Boarī jaruvadama pōevare.  
Nomicurivuvacarī apocoque suma.  
O nomiva máre ũmucurivuvacarī  
apecuque suma. Nomicubevū, aru

ũmucubevū máre, dađama caiyede  
āmeina dāiyede apévūque. Ñavadama  
apévū ne cūvaede. Borocuma apévui  
borore. Aru coyuyama āmenore apévui  
borore caivu ne jápiayede. <sup>20</sup> Caiye iye  
āmene etaiye pōeva ne ũme jívūquede,  
āmeume cure dāivū náre. Ūbenita ne  
āiyede ne puruáre cojabevūva, dābevū  
yópe mujeñecuva mácavū ne dāicōjeiye  
báquepe, āmeina tede dābevū náre,  
arejame Jesús.

**Cūináco nomió, judíoiva āmevucaco,  
ó i ju aino Jesúre**  
(Mr 7.24-30)

<sup>21</sup> Dīmarore jocarī, Jesús nurējame  
apejaborōi, Tiro aru Sidón āmicurīmaroa  
yebai. <sup>22</sup> Aru cūináco nócano, judíoiva  
āmevucaco, Canaán āmicurīyajubocaco,  
ũi yebai darī, yópe arī, codoboborejaco:

—Mu, ji jabocu, David bácuī pāramecu,  
judíoiva jabocu bacuyá, cōmaje āroje  
jájacu yure. Jímacobe abujucu ũi ĩmamo.  
Pare ñájiñome ō, arejaco ō.

<sup>23</sup> Ūbenita Jesúcapūravū bi ayū,  
yéde coyubedejame óre. Aru ñuja ũi  
bueimaracāpūravū Jesús yebai nurī, ũre  
jaroicōjenidurejarcā óre.

—Maje yóboi codoboborī daibico  
ō. Que baru óre copainure dajacu mu,  
arīdurejarcā.

<sup>24</sup> Jesús arejame:

—Jipacu Jūmenijicu daroibi yure, ji  
cadatequiyepe ayū ñuja Israecavure  
quévura. Námu yópe ovejava  
mamateivure paivū, náre coreipōecu  
cuvabevure, arejame Jesús.

<sup>25</sup> Ūbenita ō darī, ñuatatarī ũi jipocai,  
puedacodo ũre, arejaco:

—Mu, ji jabocu, cadatejacu yure,  
arejaco.

<sup>26</sup> Jesúcapūravū arejame óre:

—Meamevū ĩnu juédova ne āiyede,  
jínajivū yavimivare, arejame ũ.

Que arī, aiyucu barejaquemavū  
judíoivare Jūmenijicui mārāpe aru  
judíoiva āmevure yavimivare.

<sup>27</sup> Aru ócapūravū arejaco:

—Mu, ji jabocu, jāve coyūivū mu.  
Ūbenita yavimiva máre ađama náre

upacü jivü ne äri jarüvayie tuiye báquede tuoivare jocarí, arejaco Jesúre.

<sup>28</sup> Jesús arejame:

—Mü, ji ümo, urarõ ju adobu yure.

Que baru ðacaivü müre yópe mi ürópe, arejame óre Jesús.

Aru cüiná meatedejaquemavü õi máco.

#### Jesús üi meadaino obedivü ijimarare

<sup>29</sup> Jesús nürejame nore jocarí.

Vaidéjame macajitabü urabü Galilea ämicurijitabü écarü. Aru cüracü uracüü müri nuriburu yóboi, dicü pñenoí dobarejame ü. <sup>30</sup>Noi dobacure, obedivü pöeva darejaima üi yebai. Davarejaima cuiye majibevüre, jári eabevüre, purü ijimarare, yávayie majibevüre, aru apévure máre. Náre jüarejaima Jesúü cuboba yebai. Aru náre meadarejame ü. <sup>31</sup>Que teni caivü ina obedivü pöeva cuicumarejaima ne jáiyede ina yávayie majibevü bácvü yávaivüre, ina ijimara mácvü meadaimarare, ina cuiye majibevü bácvü vaiváivüre, aru ina jári eabevü bácvü jáivüre. Aru caivü ina pöeva mearore jídejaima Jümenijicure, maja Israecavü maje mearore jímure.

#### Jesús üi äre ðaino yóvaicuvaimil baju

ümüvare

(Mt 8.1-10)

<sup>32</sup> Dinümü Jesús órejarejame ñüja üi bueimarare üi yebai. Aru arejame:

—Cómaje äroje jáivü yu ina pöevare. Ina obedivü cüma yúque yóbecurijárvava. Aru äiyede cuvabema. Apevü ne cüramía joarótamu. Que baru copaicójeiyubevü yu náre. Máí müri, mamaðajebu, ne ävüé ñájiye boje, arejame Jesús.

<sup>33</sup> Ñüjacapüravü jëniari járejacarä úre:

—¿Äri earäjidica ñüja äiyede yui pöescubenoí, jínajivü caivü ina obedivü pöevare? arejacarä ñüja.

<sup>34</sup> Jesúcapüravü jëniari járejame ñüjare:

—¿Aipino páuboare cüvaräru müja? arejame ü.

Aru arejacarä:

—Siete paiboabu. Aru obebejina moajinare máre cuvavü, arejacarä.

<sup>35</sup>Que aiyede, ina pöevare dobaicójenejame joboröi. <sup>36</sup>Diboá páuboa siete paiboare ini, aru ina moajinare máre ini, torojuede jídejame Jümenijicure. Üi cotüvaríburu yóboi páuboare, ñüja üi bueimara jídejacarä diede ina pöevare, yópe Jesús üi jícójeiyé báquepedeca ñüjare. <sup>37</sup>Que ðaiyede, äri yapidejaima caivü. Aru äri bubaríburu yóboi, iye cotüvayie báque páu aru moa máre, pöeva ne äri oabede ini, meadarí, pueá siete paipuea, judíova änevü ne pueäre, buivárejacarä ñüja. <sup>38</sup>Ina äivu bácvü ümüva yóvaicuvaimil baju barejáima na. Aru apevü, nomíva aru juédova máre, ärejaima na. <sup>39</sup>Jesús üi copaicójeniburu yóboi ina pöevare ne cüramiai, jádocüü jaturí, nürejacarä úque apejoboröi, Magadán ämicurijoboröita.

#### Fariseovacavü aru saduceovacavü ne jëniaino pöeva ne ðarí majibede

(Mt 12.38-39; Mr 8.11-13;

Lc 11.16, 29, 12.54-56)

**16** <sup>1</sup>Apevü fariseovacavü aru saduceovacavü máre jüjovaiyürädjarejaima Jesús yebai. Jëniarejaima üi jádovaquiyepe äivu náre pöeva ne ðarí majibede, cavarõ mearo Jümenijicüi curóquede. <sup>2</sup>Jesús, yópe arí, coyürejame náre:

—Aviá üi doiyede, “Ocopenibobu jüaripenibo. Que baru javena meajárvavü baquiyébu”, aiyavü müja. <sup>3</sup>Aru aviá üi cóaiyede, “Ocopenibobu jüaripenibo. Que baru cari járvavü ocaquiyebu”, aiyavü müja. Cavaróquede coreóvaivüvacari, übenita pare coreóvabevübu müja jjaravüi vaiyede. <sup>4</sup>Müja ämena bajutamü, dajocaiyürivü Jümenijicure yópe nomió ämeço õi dajocaiyepé jímarepacure jocarí. Müjarecabu jëniaridüivü jádovaiye pöeva ne ðarí majibede. Übenita jámenamu müja apenore Jümenijicüi ðainore müjare, quénora yo Jonás mácure vaino mácaróre, arejame Jesús.

Que arí, náre dajocarí nürejame ü.

#### Fariseova ne ämeno dápiyaiye

(Mt 14.17-21, 15.34-38; Mr

8.14-21; Lc 12.1)

<sup>5</sup>Jataivü bácvü macajitabü urabü apeduveita, ñüja Jesúü bueimara

coreóvarejacadā ārumeteivū bācavū páure. <sup>6</sup>Jesús arejame ñujare:

—Me ñajará. Me jājara ina fariseova aru ina saduceova máre ne páure bucúovare ñaiyede, arejame ũ.

<sup>7</sup>Que teni yávarejacadā ñuje bajumia:

—Ū yópe aibi, maje páure cāvabe boje, arejacadā.

<sup>8</sup>Ūbenita Jesús coreóvarejaquemavū ñuje yávainore. Que baru arejame:

—¿Aipe teni yūre jū abenaru mūja?

¿Aipe teni coyūivurū mūja, “Páure cāvabevū maja” aivū? <sup>9</sup>¿Coreóvabenaru mūja? ¿Aru ārumenaru mūja? ¿Ji cotūvacaiye báquede cūinárurūpe paiboa páuboare ina cūinárurūpe paimil baju ũmūvare, doce paibua puebua baju cotūvaiye báqueque ímetecarāru mūja? <sup>10</sup>¿Aru ji cotūvacaiye báquede siete paiboare ina yóvaicūvaimil baju ũmūvare, siete paipuea baju cotūvaiye báqueque ímetecarāru mūja? <sup>11</sup>Que baru mūjare jauéde, mūje ārajiyede, jíyū majivū yū. Ūbenita, “Me jājara ina fariseova aru ina saduceova máre ne páure bucúovare ñaiyede” ji ainore, coyūbetevū yū páure. Qué Nora coyūyūbu yū ne dápiayede. Que baru me jājara, mūje dápiabenajiyere aivū yópe ne dápiayere, arejame ñujare Jesús.

<sup>12</sup>Dinūmū coreóvarejacadā coyūyūre ina fariseova aru ina saduceova máre ne bueiyede. Yópe páure bucūre ñaiye jīvaiyere, caiye iye páu ñaiyede, nopedeca ne bueiye jāve āmeque jūjovadāma obedivū pōevare, arejame Jesús.

**Pedro ũi “Cristobu mū” aino**

(Mt 14.1-2, 18.18; Mr 6.14-15, 8.27-30;

Lc 9.7-8, 18-21; Jn 6.68-69, 20.23)

<sup>13</sup>Jesús, ũi eaiyede Cesarea de Filipo āmicarōi, ñuja ũi bueimare jēniari jārejame:

—¿Aipe aidi pōeva yūre, Jūmenijicūi daroimū mácure ũmūpe? arejame ũ.

<sup>14</sup>Ūre arejacadā:

—Apevū adāma, “Juan Bautistabe”. Aru apevū adāma, “Elíabe”. Aru apevū

adāma, “Jeremíame”. Aru apevū adāma, “Cūinācu Jūmenijicūi yávaiyede coyūcaipōescube ũ”, arejacadā ũre.

<sup>15</sup>Aru arejame ñujare:

—¿Ūbenita aipe aivurū mūja yūre? arejame Jesús.

<sup>16</sup>Aru Simón Pedro arejame ũre:

—Mū Jūmenijicūi daroimū mácūbu, ñujare jabotecuyū. Cristobu mū. Jūmenijicūi apūcūi mácūbu mū, arejame Pedro Jesúre.

<sup>17</sup>Aru Jesúcapūravū, yópe arī, coyūrejame Pedrorre:

—Mū, Simón, Jonái mácu, torojūcuyūmū mū. Jūmenijicūi mearo ñacaimūmū mū. Pōescu cūbebi coreóvare ñayū mūre diede. Qué Nora jipacu, cavarō mearocacūrecabe coreóvare ñayū mūre diede. <sup>18</sup>Coyūyūbu mūre: Mí āmiāmu Pedro. No āmiā cūravacarō aiyūrōmu. Mí coyūiyebu yūre yópe cūrava ũrava parūrivape paie cūrami cāchinoi. Caivū jū aivūre yūre, aru caivū jū arājivūre yūre máre, coyūiyē javū yūre mi coyūiyere paie. Aru caivū ina yaibénajarama ne ũmei. Que baru coatebenajarama Jūmenijicūre jarūvarī. <sup>19</sup>Yópe ñai cūvacū cūramine voainore, llavede, ũi ecoicōjeiyere pōevare ñāmine, nopedeca coyūicōjeivū mūre ji yávaiye méne pōevare, ne ecorājiyere ayū Jūmenijicūi jaboteinore, diede ne jū aru. Mí jacopūbemarare ijārvūi jacopūbecuyūme Jūmenijicūi cavarō mearo ũi cūrōi. Aru mí jacopūimarare ijārvūi jacopūcuyūme Jūmenijicūi cavarō mearo ũi cūrōi, arejame Jesús.

<sup>20</sup>Aru parúéque ñujare “Jesúbe ñai Cristo, Jūmenijicūi daroimū mácu”, arī coyūicōjemenejame apevūre.

**Jesús ũi coyūino ũi yaiquínore**

(Mt 10.38-39, 25.31; Mr 8.31-9.1; Lc 9.22-

27, 14.27, 17.33; Jn 12.24-25; Ro 2.6)

<sup>21</sup>Dinūmūmata Jesús jáðovari

būrejame ñuja ũi bueimare ñājicūnūcuyūre Jerusalén āmicūriīmaroi. Yópe arī, buedejame ñujare:

—Javū yūre ũrarō ji ñājiquino. Ina judfōva bucūva, aru sacerdotevare

jaboteipõeva, aru Jümenijicui yávaiye báquede bueipõeva máre yüre ñájjine ðarãjarama. Yüre boarí jaruvarãjarama. Aru yóbecurijãravua yóboi nacajacuyumu yu yainore jaruvarí, arí coyurejame ñujare.

<sup>22</sup>Pedro úre ñuwarejame apevu ñujare jocarí. Aru yópe arí, jararídurejame Jesúre: —iMu, ji jabocu, mi que aiyepé vaicõjemejacurí mure Jümenijicu! arejame Pedro.

<sup>23</sup>Ûbenita Jesús copedini, arejame Pedrorre:

—Mu, Satanás, jujovarídubecacu yüre. Ñujacu mu yüre jocarí. Murecabu maucuvacu yüre mi nópe aiyepé. Dápiavü mu põevape. Aru dápiabevü mu Jümenijicu jiede, arejame Jesús.

<sup>24</sup>No yóboi Jesús, yópe arí, coyurejame ñuja úi bueimarare:

—Ácu põescu daiyucu yúque, dajocajacurí põeva ne mearo jáiyede úre, cuyebecacurí yüre yóvaiyede, aru jidubecacurí úi ñájjiquyede. Nópe ðabecu baru, ñ buojabebi jícu bacuyú. <sup>25</sup>Nai põecu úi baju urõpe ðarí, meadaiyucu baru úi bajure, coatecuyume úi bajure Jümenijicure jaruvarí, yópe yaiyú bácupe úi úmei. Ûbenita ñai põescu, “Ye baju ámevü, ji yaidú Cristore boje” ayü, úi baju urõpe ðabecuna quénora ji urõpe ðarí, úrecabe ji meadaquimü, cuscuyü Jümenijicúque cainüma. <sup>26</sup>Nai põescu cuvacu baru caiye ijãravuquede, ùbenita bíjauü baru úi úmene, ñájjicuyume cainüma toabo cüiméboi. <sup>27</sup>Que teni yu, Jümenijicui daroimü mácu ùmure, meacu baju dacuyumu jipacuí mearoque aru ji ángelevaque, bojedacuyü caivü põevare yópe ne ðaiyepé. <sup>28</sup>Jãve coyuyübu mujare: Apevu curivü yui, ne yainájjie jipocai jãrajarama yüre, Jümenijicui daroimü mácu ùmure, jaboteyure, arejame ñujare Jesús.

#### Jesús úi baju oatuvaino

(Mt 3.17, 11.14, 12.18; Mr 1.11, 9.2-13; Lc 3.22, 9.28-36; 2 P 1.17-18)

**17** <sup>1</sup>Seis paijãravua yóboi, Jesús ñuwarejame Pedrorre, aru

Santiagore, ímacü Jüare máre. Jipocatedejameða náre cüracü ùmujuricü puenoi, apevure jocarí.

<sup>2</sup>Aru na járejaimada úi oatuvaiye me bajure. Úi jiva põorejavüya, yópe avia úi põoiyepé. Úi cuitótecaje máre põorejavüya, pare boricaje yópe miadárope. <sup>3</sup>Aru járorejaimada Elías Moisémaque. Núrejaimada boroteivü Jesúque. <sup>4</sup>Aru Pedro arejameða Jesúre:

—Mu, ji jabocu, mearotamu ñuje curu yui. Mi uru, ðacaquijivü yu yóbecuríñamia cüramia quijíñamia maquiyéde. Cüinádami míñami maquinóre, aru apeðami maquinóre Moiséde, aru apeðami maquinóre Elíare ðacaquijivü yu, arejameða Pedro.

<sup>5</sup>Úi coyuiyedeca, oopenibo miadáripénibo émeni, taorejavüya náre. Aru jápiarejaimada apeno yávainore, oopenibo etaiyede: “Ñaime jímacü, ji umü. Me torojvü yu úre. Que baru jápiajará úi coyuiyede”, arejaquemavü Jümenijicu.

<sup>6</sup>Ina yóbecurá Jesúí bueimara ne jápaiyede diede, jidurí, mori turejaimada joborói. <sup>7</sup>Ûbenita Jesús ne yebai nuri, náre tuorí, arejameða:

—Nacajajara muja. Jidubekarã, arejameða Jesús.

<sup>8</sup>Ne jáiyede, járejaimada Jesúre cüinácüra. <sup>9</sup>Aru émeni daiyede dicü cüracüre jocarí, Jesús apevure coyucõjemenejameða náre ne jáino mácaróre. Yópe arejameða:

—Me jápiajará muja. Coyubekarã apevure no muje jáino mácaróre cüracü ùmujuricü puenoi pu ji nacajariburu yóboita yainore jaruvarí. Yúbu Jümenijicui daroimü mácu ùmure, arejameða náre Jesús.

<sup>10</sup>Aru ina úi bueimara, coreóvaivü úre Jümenijicui daroimü mácu ùre, úre jëniari járejaimada:

—¿Aipe teni aivüba ina Jümenijicui yávaiye báquede bueipõeva, “Mamarümü Elías dacuyume, ñai Jümenijicui daroimü úi daquiyé jipocai”? arejaimada na.

<sup>11</sup>Aru Jesús arejameða náre:



—Jāve Elíarecabe meadacudacuyū caiyede, Jūmenijicūi daroimū ūi daquiye jipocai. <sup>12</sup>Jave dāme Elías, ayūbu yū mūjare. Ūbenita pōeva ūre coreóvabeteima na. Quénora ne urōpe dāima ūre. Quédecabu yūre, Jūmenijicūi daroimū mácure ūmūpe. Yūre máre pōeva nájine darājarama, arejameđa Jesús.

<sup>13</sup>Dinumūre ina ūi bueimara coreóvarejaimađa ūi coyūiyede náre Juan Bautista bācure.

**Jesús ūi meadaino juedocure,  
abujuca ūi imamure**  
(Mt 21.21; Mr 9.14-29, 11.23;  
Lc 9.37-43; 1 Co 13.2)

<sup>14</sup>Jesúja ne eaiyede obedivū pōeva yebai, cūinācu ūmū nūrejame Jesús yebai. Nūatutarī ūi jipocai, pueđacuyū ūre, arejame:

<sup>15</sup>—Mū, ji jabocu, cōmaje āroje jājacu jīmacure. Bidini, aru aburi etarī ūi jījecamure, pare nájimi ū. Apenūma tuibi toaboi. Aru apenūma jiai turī coibi ū. <sup>16</sup>Ūre đavavu yū mi bueimara yebai, ūbenita meadaiye majibetema na, arejame Jesúre.

<sup>17</sup>Jesús arejame:

—Mūja, ijāravucavu, Jūmenijicure ju abevū aru āmeina teivū máre, ¿aipijāravua cuquidi yū mūjaque? ¿Aru aipijāravua nájiquidi yū mūjaque, mūje ju arājīyepē ayū ji coyūiyede? Davajacu mīmacure ji yebai, arejame Jesús.

<sup>18</sup>Que teni Jesús nāi abujucure jararī, jaetovarejame juedocure jocarī. Aru maumejiena meateđejame ū.

<sup>19</sup>Que đarīburu yóboi, nūja ūi bueimara jēniari jāre nūrejacarā Jesúre cūinācura, yópe arī:

—¿Aipe teni nūja jaetovarī majibetedi nāi abujucure? arejacarā nūja.

<sup>20</sup>Aru Jesús arejame nūjare:

—Quíjino mūje ju aiye boje yūre, que baru jaetovarī majibetevū mūja. Jāve coyūyūbu mūjare: Oteiyabe mostaza āmicuriyabe quíjiyabetamu. Ūbenita pīarīburu yóboi, jocusū uracutamu. Nopedeca mūje ju aru yūre quíjino, nópe

quíjiyabe oteiyabepe, Jūmenijicu urarō mearore đajebu mūjare. Mūja me ju aivū Jūmenijicure mūje cōjenu icū cūracū uracūre yópe: “Nūjacū yore jocarī pu ānoita”, dicū ju ajebu mūje cōjeiyede. Jāve ju aivū baru yūre, caiye đaiyede majinajaramu mūja. <sup>21</sup>Jūmenijicure jēniaye javū āmevūva āiyede, abujucu nāipe páyure mūje jaetovarājīyepē aivū, arejame nūjare Jesús.

**Jesús ūi coyūino cojedeca ūi  
yaiquínore**

(Mr 9.30-32; Lc 9.43-45)

<sup>22-23</sup>Nūje cōjijiyedeca Galilea āmicurījoborōi, Jesús, yópe arī, buedejame nūjare:

—Yūre, Jūmenijicūi daroimū mácure ūmūpe, jēni jīnajivūbu ji mauvare, ne boarī jarūvarājīyepē ayū yūre. Aru yóbecurījāravua yóboi, Jūmenijicu nacovacuyūme yūre yainore jarūvarī, arejame Jesús.

Ūi nópe aiyede, pare cārijivū barejacrā nūja.

**Jūmenijicūi cūramine coreivū ne  
pōevare jīcaicōjeino tātūrare**

<sup>24</sup>Nūje copaidaiyede Capernaum āmicurīmaroi, Pedro yebai darejaimađa ina Jūmenijicūi cūramine tātura ícaipōeva. Ūre jēniari jārejaimađa, yópe arī:

—¿Jībedi nāi mi bueipōecu tātūratūravare, Jūmenijicūi cūramine meadaiye boje? arejaimađa.

<sup>25</sup>Aru Pedro ju arejameđa náre:

—Jūju, jībi ū, arejameđa.

Aru cūrami copaiyede, mamarūmūre Jesús jēniari jārejameđa ūre, yópe arī:

—Mū, Simón, ¿aipe dápiayūgū mū? ¿Nāmene jocarī tātūrare īni ijāravucavu jabova? ¿Īni ne jaboteimarare jocarī o apēvūre jocarī? arejameđa Jesús.

<sup>26</sup>Pedro arejameđa:

—Tātūrare ĩnāma apēvūre jocarī, arejameđa.

Jesús arejameđa:

—Que baru ne jaboteimarare jíye javēvū tātūrare ne jabovare.

Quédeca táuturare jíye jauvevu yure, Jūmenijicui mácre, ne meadarājiyepe jipacui cūramine. <sup>27</sup>Ūbenita ne jorojīmenajiyepere majare, jajovacunujacu mū macajitabu urabu ēcarui. Nāi mamaramū mi ímu moacu ūi jijecamure voarī, eascuyumu mū cūináturava táuturatavare, jicascuy yure aru mure máre. Diturava cūináturu baquiyébu maja pucarā majare jíye jaué Jūmenijicui cūramine meadaiyede, arejamedá Jesús.

Aru yópe Jesús ūi daicōjeiyepere ðarejamedá Pedro.

**¿Namema parucu maje jēnebore?**

(Mr 9.33-37, 10.15; Lc 9.46-48, 18.17, 22.24)

**18** <sup>1</sup>Dinūmure ñuja, ūi bueimara, nurejacaará Jesús yebai. Aru jēniari járejacaará ūre:

—¿Namema parucu apevu pūeno Jūmenijicui jaboteinore? arejacaará.

<sup>2</sup>Jesús órejarejame cūinácu juedocure. Nūvarejame ūre ñuje coricai. <sup>3</sup>Aru arejame:

—Jāve soyuyubu mujare: Juedova “¿Meara márica ñuja?” arī dápiabevupe dápijaraá muja. Oatuvabevu baru muje dápiayede, Jūmenijicui jaboteimara teivu buojabenajaramu muja. <sup>4</sup>Ácu pōecu “¿Meacu bárica yu?” abecu baru, yópe ñai juedocure, ūrecabe parucu apevu pūeno Jūmenijicui jaboteinore. <sup>5</sup>Cūinácu pōecu copu etayu baru cūinácu juedocure ji amíái, ji cōjeiyepere, que ðayu copu etaibi yure, arejame Jesús.

**Jidojarō maje āmeina teino**

(Mt 5.29-30; Mr 9.42-48; Lc 17.1-2)

<sup>6</sup>Ñujare yópe arī, buede nurejame Jesús:

—Ácu pōecu ūi āmeina tede ðaru apescu yure ju ayure parubecureca, ūi ðajocaquiyepere ayu ūi ju aiyede yure, meajebu ūre jaruvavu ūi ñamemui buorī cūinábo cūrabo uraboque jia uraðai. <sup>7</sup>Chiori āmeno ñájinajarama ina ijáravucavu jujoivaivu apevure,

ne āmeno ðarājiyepere aivu. Jāve jujovarájarama mujare. Ūbenita ñai jujovare ðayu apevure chíori āmeno ñájiycuyume ū. <sup>8</sup>Aru mū āmeno ðayu baru mi pūgūque o mi cubobaque, burarī jaruvajacu ðipūgūre o dibare. Meaquiyebu mure, mi earu Jūmenijicui curōi cūinápūgūque o cūinába cubobaque. Ūbenita meamequiyebu mure, mi nuru toabo cūiméboi caipūcarūgūaque o caipūcaba cubobaque. <sup>9</sup>Aru mū āmeno ðayu baru mi yacorūque, íni jaruvajacu ðidure. Meaquiyebu mure, mi earu Jūmenijicui curōi cūináru yacorūque. Ūbenita meamequiyebu mure, mi nuru toabo cūiméboi caipūcarūa yacorūaque, majicarī arejame Jesús.

**“Oveja mamateyure” jári dápiarī ne ðarājiyepere aino**

(Lc 15.3-7, 19.10)

<sup>10</sup>Jesús, yópe arī, buedejame bedióva cojedeca juedovarā:

—Cavarō mearo Jūmenijicui curōi ina ángeleva juedovare coreivu cuma cainūmua Jūmenijicui jivateinoi. Que baru cūinájiyu ina juedovacacure ye āmeina jámejara muja. Yéde āmeina ðabejarā cūinájiycure. <sup>11</sup>Yu, Jūmenijicui daroimu mácu ūmūpe, meadacudaivu ina bíjare ðaivure Jūmenijicure jocarī. <sup>12</sup>¿Aipe dápiaivurū muja iye ji soyuquiyede mujare? Cūinácu ūmū, ovejavare coreipōecu, cuvacu baru cien paivu ovejavare, aru cūinácu náscu ūi mamatedu, ñai ðajocajebu ina noventa y nueve paivu ovejavare caracūai, vocūñu ñai bíjayu bácure. <sup>13</sup>Aru jāve soyuyubu mujare: Eayu baru ñai mamateyu bácure, torojūjebu ūque ina noventa y nueve paivu mamatebevu pūeno. <sup>14</sup>Quédeca cūinájiyu ina quíjinacacu ūi bíjaiyede ūbebi jipacu cavarō mearocacu, arejame Jesús.

**Aipe árumeteiye jauō majecu ūi āmeina ðaiyede**

(Mt 16.19; Lc 17.3-4; Jn 20.23)

<sup>15</sup>Yópe arī, buedejame ñujare Jesús:

—Apecu ñi ãmeina ðaru mure, apevu ne jápiabenoí coyujacu úre ñi ãmeina ðaiyede. Mí coyuiyede jápiaru, ãrumetejacu ñi ãmeina ðaiyede. Aru cãrijimene ðajarã muja. <sup>16</sup>Ûbenita mi coyuiyede jápiaiyubedu, nuvajacu ñi yebai cûinãcu mujecure, ñi majiquiyepe ayu, o pucarã mujevure, ne majinajiyepe ayu, aipe mi coyuiyede úre aru aipe ñi coyuiyede mure máre, ne majicarãjiyepere ayu úre. <sup>17</sup>Ne coyuiyede máre jápiaiyubedu, coyujacu ñi ãmeina ðaiyede caivu ina yure ju aivure ne cójijinoi. Aru ne coyuiyede máre jápiaiyubedu, ðajacu úre yópe mi ðaiyepere ina judíoiva ãmevure aru ina jabovare tãuturã ícaipõevare. <sup>18</sup>Jãve coyuyubu mujare: Caivu muje jacopubemarare ijãravui jacopubecuyume Jãmenijicu cavarõ mearo ñi curõi. Aru caivu muje jacopuimarare ijãravui jacopucuyume Jãmenijicu cavarõ mearo ñi curõi.

<sup>19</sup>Bedióva cojedeca coyuyubu mujare: Pucarã mujacavu cûinãturu baru muje ñmei, muje jëniaiyede jipacu cavarõ mearocacure, úcapûravu ðacuyume yópe muje jëniaiyepere. <sup>20</sup>Pucarã o yóbecurã ne cójijidu, jëniarajivu ji ãmiái, ji paruéque, yãvacari cuvã ne jëneboi, arí buedejame Jesús.

<sup>21</sup>Dinumure Pedro jëniari járejame Jesúre:

—Mu, ji jabocu, ¿aiyipe baju majecu ñi ãmeina ðaiyede yure ãrumeteji? ¿Siete baju ñi ãmeina ðaiyede ãrumeteji? arejame Pedro.

<sup>22</sup>Aru Jesús arejame úre:

—Siete baju abevu yu. Quénora corevabecava ãrumetejacu ñi ãmeina ðaiyede cainumua, arejame Jesús.

**“Memecaipõecu ãrumeteiyubecure apecu ñi ãmeina ðaiyede” jári dápíarí ne ðarãjiyepere aino**

<sup>23</sup>Yópe arí, buedejame Jesús, jári dápíarí ne ðarãjiyepere ayu, põeva ne ãrumetenajiyepere ayu apevure ne ãmeina ðaiyede:

—Jãmenijicui jaboteino yópebu cûinãcu jabocu meaðaiyucu úre

memecaivu ne bojecube ðaiyede. <sup>24</sup>Ûi corevarí buiyede, apevu davaquemavu ñi yebai cûinãcu úre memecaipõecure, bojecube ðayure obedimillones tãuturare. <sup>25</sup>Ûi bojecube ðaiyede ye bojedayu buojabetequemavu. Que baru ñai jabocu, yebacavure teni, bojedaicõjequemavu úre, aru jímarepacore, aru némarare máre. Caiye ne cãvaede máre bojedaicõjequemavu, ícuyu ñi bojecube ðaiyede. <sup>26</sup>Ñai memecaipõecu puedarí ñai jabocure, ñuatutaquemavu ñi jipocai. “Mu, ji jabocu, napíjacu yure. Aru caiyede bojedacuyumu mure”, aquemavu. <sup>27</sup>Que baru ñai jabocu, cómajere ãroje jári, ãrumetequemavu caiye iye ure bojecube ðaiyede. Aru jodeicõjequemavu úre.

<sup>28</sup>Ûbenita ñai memecaipõecu etayu bácu, apecu memecaipõecu ñi yóvaimure copuquemavu. Ñai ñi copuimu majiéda bojecube ðaquemavu úre, obebecentenaes tãuturare. Ñai ñi copuimure ñi ñamemui jëni, yaiváiyurõduquemavu úre. “iMi bojecube ðaiyede jíjacu yure!” aquemavu. <sup>29</sup>Que ðayure, apecu ñuatutaquemavu ñi jipocai. “Napíjacu yure. Caiyede bojedacuyumu mure”, aquemavu. <sup>30</sup>Ûbenita apecu jápiaiyubetequemavu úre. Quénora jaruvaicõjequemavu úre ãmeina teivure jëni jacoñami jívu, pu ñi bojedaiyeta caiye iye bojecube ðaiyede. <sup>31</sup>Apevu ñai jabocure memecaivu ñi ðaiyede jári, chíori, coyurãnuquemavu diede ne jabocure. <sup>32</sup>Ne coyuiyede ñi jápiaríburu yóboi, ñai jabocu órejaicõjequemavu ñai ñi ãrumeteimu mácure. Aru aquemavu: “iÃmecu bajutamu mu! Yúcapûravu ãrumetevu caiye iye mi bojecube ðaiye báque urarõ bajure, mi jëniaiyere báque boje yure. <sup>33</sup>Que baru mure máre, cómajere ãroje jáiyere javu micure, yópe ji cómajere ãroje jáiyepere mure”, aquemavu. <sup>34</sup>Pare jarayu, ñai jabocu ãmeina teivure jëni jacoñami coreipõevare nuvaicõjequemavu úre, ñi ñájiyepere ayu, pu ñi bojedaiyeta caiye iye bojecube ðaiyede, arejame Jesús.

<sup>35</sup> Aru arejame Jesús:

—Quédeca ðacuyume mujare jipacu, cavarõ mearocacu, muxe ãrumetebedu mujecure ñi ãmeina ðaiyede, arejame ñujare, majicayu Jesús.

**Jesús ñi bueino nomi jaruvainore**

(Mt 5.31-32; Mr 10.1-12; Lc 16.18; 1 Co 7.10-11)

**19** <sup>1</sup> Jesús caiye iyede coyurí bhojarí, nurejame Galilea ãmicurijoborõre jocarí. Aru ecorejame Judea ãmicurijoborõ, Jordán ãmicuriya jia apeduvei. <sup>2</sup> Obedivu pøeva darejaima ñi yóboi. Aru noi ijimarare meadarejame. <sup>3</sup> Fariseovacavu máre nurejaima ñi yebai. Ûre mujovaiyurivũ, jëniari járejaima: —¿Cünácu ãmu jaruvayu baru jímarepacore, apejïe õi ðaiye boje, ðaidi yópe maje ðaicõjeiyepe? arejaima na.

<sup>4</sup> Jesús arejame náre:

—Jãve buedavũ muja. Mamarumure Jümenijicu cuedarejaquemavu caiyede, “Ûmu macuyúre aru nomío macodóre máre ðarejaquemavu Jümenijicu”. <sup>5</sup> Aru arejaquemavu: “Que baru caride ácu pøescu, jímarepaco bacodó cuvacyu, ñi bucavare ðajocacyume. Aru jímarepacore cuvurí, ómaque cünánvpetamu na Jümenijicu jáinore”. <sup>6</sup> Que baru pucarã ãmema. Quénora cünánvpetamu na. Que baru pøescu Jümenijicu cõjjovaimara mácavure coavabejacurí ñi, arí buedejame Jesús.

<sup>7</sup> Jesúsre jëniari járejaima na:

—¿Aipe teni Moisés bácu jícõjenejaquemari jímarepacure cünáyoca, “Mure jaruvayubu yũ” aiyocare, jímarepacore? arejaima.

<sup>8</sup> Aru Jesús arejame náre:

—Moisés bácu jaruvaicõjenejaquemavu mujare mujemarepacore, muxe Jümenijicu ðaicõjeiyede jápiayube boje. Ûbenita mamarummata nópe ãmenejaquemavu. <sup>9</sup> Aru yácarũravũ coyuyubu mujare: Ácu pøescu jímarepacore ãmeina ðabecoreca jaruvanĩburu yóboi purũbuoyu baru apescoque, ãmeina ðaibi õre ñi mamarumnacore jaruvanĩ, arejame Jesús.

Nópe ayũ, “Nomi jaruvainore ubevu yũ”, aiyucu barejaquemavu Jesús. <sup>10</sup> Que ayure, ñuja ñi bueimara arejacarã ãre:

—Nópe mi coyuiyepe baru, meamequiyebe purũbuoie majare, arejacarã.

<sup>11</sup> Ûbenita ñujare yópe arí, coyurejame Jesús:

—Caivu pøeva cünácva curivu majibema. Quénora na quénora Jümenijicu torojure ðaimara curivu cünácva coapa majima na. <sup>12</sup> Apevu pøeva nomicurí, ãmucurí máre, buojabema, ne nópe pøeteiye báque boje. Que baru purũbuobema na. Aru apevu pøeva ne baju buraicõjeiye boje, nomicurí buojabema na. Que baru purũbuobema na. Aru apevu pøeva ne baju burabevvacari, buraivu bácvupe paivu tedama na, ne memecarãjiye boje Jümenijicure cainumua ñi jaboteinore. Que baru na máre purũbuobema, ne baju nópe ðaiyue boje. Ácu pøescu Jümenijicure torojure ðaimu cacu cünácva, que ðajacurí ñi, arí buedejame Jesús.

**Jesús ñi mearore jino juedovare Jümenijicuque**

(Mr 10.13-16; Lc 18.15-17)

<sup>13</sup> Pøeva davare cuivu barejáima némarare Jesús yebai, ñi tuoquiyepe aivu náre ñi puruáque, ñi jëniaiyede Jümenijicuque náre boje. Que teni ñuja ñi bueimara davaicõjemenidurejacarã némarare. <sup>14</sup> Ûbenita Jesús arejame:

—Ina juedova dajarãri ji yebai.

Jümenijicu jabotecuyume pøevare nápe paivure. Que baru, “Davabejarã juedovare”, abejarã náre, arejame Jesús.

<sup>15</sup> Aru náre coapa tuorí ñi puruáque, jëniarejame Jümenijicuque náre boje. Que teniburu yóboi, nurejacarã ñuja, Jesujã.

**Cünácu bojnyo cãve cãvacũ**

**Jesúmaque ne boroteino**

(Mt 20.16, 25.31; Mr 10.17-31; Lc 13.30, 18.18-30, 22.30)

<sup>16</sup> Cünácu bojnyo, Jesús yebai nuri, jëniari járejame:

—Mu, bueipøescu meacu, ¿aipe ðaiye me jauĩ yure, cãvacuyũ jaravu cüiméjaravu baquinóre cavarõ mearo Jümenijicu curõ? arejame ñi.

<sup>17</sup> Jesús arejame ãre:

—¿Aipe teni jēniari jāñuḡu mu yure daiye ména? Cūinácunabe meacu baju. Jūmenijicunacaribe. Cuvaiyucu baru jāravḡu cūiméjāravḡu baquinóre, đajacu yópe Jūmenijicui đaicōjeiyepe, arejame Jesús.

<sup>18</sup>—¿Ádeba đaicōjeiye? jēniari járejame.

Aru Jesús arejame:

—Pōevare boarí jaruvabejacu.

Cuvabejacu apcore mimarepacore jaruvarí. Navamejacu apesu ũi cūvaede. Borodabejacu apesure. <sup>19</sup>Ju ajacu mipacure aru mipacore máre. Aru mícure, mi bajure jecuépedeca, ũre máre jecujacu mu, arejame Jesús.

<sup>20</sup>Que ayure, ñai bojuyo arejame:

—Đaivḡu caiye iye mi coyuiyede. ¿Ároma yure jaurō cāreja? arejame.

<sup>21</sup>Jesús ũre arejame:

—Jaubecūva cuiyucu baru Jūmenijicui jāinore, nujacu aru jini bojedajacu mi cūvede. Aru mi iquiyede jījacu ina cōmaje ārojarivure. Que teni cūvacuyumu mu mi boje méne cavarō mearo Jūmenijicui cūrōi. Aru đajacu yáque, arejame Jesús.

<sup>22</sup>Ūbenita iyede jāpiarí, ũrarōreca chīorejame, đajocaiyubecu ũi ure cūvede. <sup>23</sup>Que baru Jesús arejame ñija ũi bueimarare:

—Jāve coyuyubu mujare: Ina pōeva cūve cūvarivure pare maiyójavḡu ne ju aipe Jūmenijicure, ũi meadaquiyeye aivḡu náre aru ne ecorājiyepe aivḡu ũi jaboteinore, cavarō mearo ũi cūrōre.

<sup>24</sup>Bediōva cojedeca coyuyubu mujare: Cūinácun āimacu ũracu, camello āmicucu, ũi ecoru aviyo cobei, maiyójajebu ũre. Aru pūeno maiyójavḡu cūve cūvacure ũi ecoquino Jūmenijicui jaboteinore, arejame Jesús.

<sup>25</sup>Que ayure jāpiaivḡu ñija, cūcumarejacarā pare. Aru arejacarā:

—¿Name bujarí ecorājidica Jūmenijicui jaboteinore, cūvarājivḡu jāravḡu cūiméjāravḡu baquinóre? jēniari járejacarā Jesúre.

<sup>26</sup>Ūcapūravḡu ñujare jári, arejame:

—Pōeva ne đarí majibeno maiyójabevḡu Jūmenijicure. Ū cūinácuna bujarí meadayube pōevare, arejame Jesús.

<sup>27</sup>Aru Pedro arejame:

—Đajocacarā ñija caiye ñuje cūvaede, ñuje daiye boje máque. ¿Yéde earājidica ñija? arejame Pedro.

<sup>28</sup>Aru ñujare arejame Jesús:

—Jāve coyuyubu mujare: Mamajāravḡu đaquijāravḡu baquinó yḡ, Jūmenijicui đaroimḡu mácu ũmure, dobacuyumu jabocui dobarō mearo, jabotecuyḡu pōevare. Aru muja máre, daivḡu bācavḡu yáque, dobarājaramu doce painoa jabovai dobarō mearo coapa, coyurājivḡu ina doce paiyajuboacava Israecavure méne o āmene ne đaiyede.

<sup>29</sup>Ácu pōescu đajocayḡu baru ũi cūramine, o jíbuřare, ĩmarare, jípacure, jípacore, mamarare, o ũi joborōre máre ji āmiá boje, ũi daiye boje yáque, memecacuyḡu yure, eacuyḡu me pūeno baju mearo bajure. Aru cūvacuyume jāravḡu cūiméjāravḡu baquinóre. <sup>30</sup>Ūbenita dīnḡu maquinóre apenḡu, jaboteivḡu bācavḡu ijāravure, jabotebenajarama na Jūmenijicui jabotequiyede. Aru apenḡu, mujapedeca, jabotebevḡu bācavḡu ijāravure, jabotenajarama na Jūmenijicui jabotequiyede, arí buedejame Jesús.

“Memeipōevare” jári đapiarí ne đarājiyepe aino

(Mt 19.30; Mr 10.31; Lc 13.30)

**20** <sup>1</sup>Jesús, yópe arí, buedejame:

—Jūmenijicui jaboteinomu yópe jio upacui memeipōevare vorí, earí bojedaiyepe náre ne memeiyepe. Javejīnara, seis baji, ñai jio upacu tāibui vocunquemavḡu memeipōevare, ne jēnajiyepe ayḡ ũyaiboare ũi jioi. <sup>2</sup>Náre earí, “Cūináturava tāturataturava, cūinājāravḡu memeiye bojedaituravare jíquijivḡu mujare coapa”, aquemavḡu ũ. Aru ũi nópe aiyede, ju aquemavḡu na coapa. Ne ju aríburu yóboi, ñai jio upacu náre jaroquemavḡu jioi.

<sup>3</sup>Yóbecuriora vainíburu yóboi, nueve baji, bediōva tāibui nquemavḡu ñai jio upacu. Noi jáquemavḡu apenḡu memeipōevare, ne memeino cūvabevure.

<sup>4</sup>Aru náre máre, “Memenanujara muja

ji jioi. Aru bojedacuyumtu mñjare me, yópe jaeépe”, aquemavu ñ. Que baru memenanñquemavu na. <sup>5</sup>No yóboi, jāravu corica baji, aru no yóboi tres baji máre, porredesa ñaquemavu ñ. <sup>6</sup>Bedióra cojedeca, cinco baji, cūináora ne memeióra jaeéde cáreja, ñquemavu ñai jio upacu tãibu. Noi jáquemavu arevu memeiðevare, ne memeiño cūvabevure. Náre jēniari jáquemavu, “¿Aipe teni curivurū mñja yui caijāravu memevūva?” aquemavu. <sup>7</sup>Ūre aquemavu na, “Pōescu cubebi memeiðeñu ññjare”, aquemavu. Náre máre “Memenanñjara ji jioi”, aquemavu.

<sup>8</sup>Aviá ñi doiyede, ñai jio upacu yópe arí, coyñquemavu ñi cūramine corecaipōescure: “Ina memeiðevare órejarí bojedajacu náre. Ina memeni buivu bācavui yóbocavure bojedajacu mamarumū. Aru no yóboi ina mamarumū memeni buivu bācavure bojedajacu mñ”, aquemavu. <sup>9</sup>Ina cūináora memeiñu bācavu ne ðaiyede, cūinátura va tātutaturava, cūinájáravu memeiye bojedaituravare jacorñquemavu na coapa. <sup>10</sup>Diede jári, ina javejñara memeni buivu bācavu dápiaríduquemavu ne baju jacorñarñivure pñeno baju ne bojedaiyede. Ūbenita na máre quédeca, cūinátura va tātutaturava, cūinájáravu memeiye bojedaituravare jacorñquemavu na coapa.

<sup>11</sup>Ne jacorñiyede, jaraqemavu ñai jio upacure. <sup>12</sup>Ūre aquemavu, “Nácarpūravu cūináora quénora memema. Aru ññjacarpūravu memevñ caijāravu. Aviá ñi boiyede ñájivu ññja. Ūbenita ñájimevñ bācavureca, náre bojedaiñu mñ cūinátura reca mi bojedaiyepere ññjare, ñájivu bācavure”, aquemavu ina javejñara memeni buivu bācavu. <sup>13</sup>Ūbenita ñai jio upacu aquemavu cūinácu nácacure, “Pacomá, mure āmeno ñabevñ yu. Mācarpūravu ju avñ yure, ‘Cūinájáravu memeiye bojedaituravare jíquijivñ mure’, ji aiyede. <sup>14</sup>Que baru íjacu iye mi bojede aru ññjacu mñ. Cūinátura iye ji jíyepere mure,

jíyuvñ yu ñai cūináora memecayure. <sup>15</sup>Ūre jícojemeniduyurñ ji cūvacequede yópe ji urópe? Āmeina jámejacu yure, ji cadatequiyepere ayñ pōevare, ji mearo ñaiye boje”, aquemavu ñai jio upacu, arejame Jesús.

<sup>16</sup>Pōeva ne jári dápiabede yópe maje jabocu Jūmenijicui jári dápiayepere arí coyñrejame Jesús:

—Arevñ jabotebevñ bācavu ijāravure jabotenajarama na Jūmenijicui jabotequiyede. Aru arevñ jaboteivñ bācavu ijāravure jabotebenajarama na Jūmenijicui jabotequiyede, arí buedejame Jesús.

**Jesús ñi coyñino bedióra cojedeca ñi yaiquínore**

(Mr 10.32-34; Lc 18.31-34)

<sup>17</sup>Mái nuri, cuivñ barejacará Jerusalén āmicurñimaroí. Ññje ñuiyede, ññja ñi buemarare ñvarejame arevñre jocarí. Aru yópe arí, coyñrejame Jesús:

<sup>18</sup>—Jerusaléi ñuivubu. Nore curí, yure, Jūmenijicui daroimñ mácure ūmure, ji maucu jēni jíquijibi sacerdotevare jaboteipōevare aru Jūmenijicui yávaiye báquede bueiðevare máre. Ina pōeva arāñivubu: “iBoarí jarñvaicōjeara ūre! iYaijácurí!” <sup>19</sup>Que arí, jínajivubu yure ina judíova ānevñre. Que teni ina pōeva yurinajivubu yure. Jara popenajivubu yure. Aru yure pēvari jocusñjaravena, boarí jarñvarāñivubu. Ūbenita yóbescurñjaravña yóboi, jípacu, Jūmenijicui, nacovacuyñme yure yainore jarñvarí, arejame Jesús.

**Santiago aru Juan népaco ñi jēniaino Jesúsre**

(Mt 23.11, Mr 9.35, 10.35-45; Lc 22.25-27; Jn 13.12-15)

<sup>20</sup>No yóboi Zebedeoi márai paco nurejacoða Jesús yebai mamaraque, Santiago aru Jūaque máre. Ūi jípacai ññatutarejacoða, ñi jēniayñe boje apejñene ūre. <sup>21</sup>Aru Jesús jēniari járejameða óre:

—¿Yéde ñacaji mure? arejameða. Ūre arejacoða:

—Dobaicōjejacu ina jímara pucarāre mi yebai, cūinácure meapūravui aru apēcure cācopūravui, mi jabotequinumū maquinóre, arejacoda ò.

<sup>22</sup>Ūbenita Jesúcapūravu arejameða:

—Mi jēniaiyede coreóvabevu mu. Pōecu dobaiyucu baru yáque ji jabotequinumū maquinóre, mamarumū nájijye javvu úre yáque. ¿Ūcuri buojarājidica mija ji ūcinore? arejameða náre Jesús.

Aru ju arejaimaða úre:

—Buojaivubu nija, arejaimaða.

<sup>23</sup>Aru Jesús arejameða náre:

—Ji ūcinore ūcurajivubu mija. Ji que aiyede, yópe ayubu: Ji nájijyepedeca nájijnajivubu mija. Ūbenita yávacari beobevu náre, dobarājivure ji meapūravui aru ji cācopūravui máre. Quénora dobarājarama nore ina jipacui beoimara mácvu, javeta ūi meaðaimara mácvu, arejameða Jesús.

<sup>24</sup>No yóboi, jápiarejacařa ne borore apevu nija caipucararuape paivu Jesú bueimara. Que baru jararejacařa inare.

<sup>25</sup>Dinumū Jesús órejarjame nujare ūi yebai. Aru arejame nujare:

—Mija majivu ina jaboteivure judíova ámevure ne ðaiyede. Parúque cōjeivubu ina ne jaborócavure, ne ðacarājijyepe aivu náre ne urópe.

<sup>26</sup>Ūbenita nápe ðabejarā mija. Nāi mujacacu parucu baiyucu baru, memecajacurī mujare. <sup>27</sup>Aru nopedeca nāi mujacacu jabocu baiyucu baru, yebacatejacurī caivure. <sup>28</sup>Nopedeca Jūmenijicui daroimū mácu ūmure, yu, dabedejacacu, pōeva ne memecarājijyepere ayu yure. Quénora darejacacu yu, memecacuyu apévure aru boarī jaruvaicōjecuyu ji bajure, meaðacuyu obedivu pōevare, ji yaiquíyede náre boje, arejame nujare Jesús.

### Jesús ūi meadaino pucarā jári eabevure

(Mr 10.46-52; Lc 18.35-43)

<sup>29</sup>Jerico ámicurīmarore etarejacařa nija, Jesújā. Obedivu pōeva darejaima nujare yóboi. <sup>30</sup>Aru pucarā ūmva, jári

eabevu, ma écarui dobarejaima. Pōeva “Jesús Nazarecacube ū”, aivure jápiaivu, coðoborejaima na, jári eabevu:

—Mu, David bácuī pāramecu, Jūmenijicui daroimū mácu, nujare jabocu bacuyú, cōmaje ároje jájacu nujare, arejaima na.

<sup>31</sup>Ina obedivu pōeva náre arīdurejaima:

—Bi ajařa mija, arīdurejaima.

Ūbenita pūeno baju coðoborejaima cojedeca:

—Mu, nujare jabocu, David bácuī pāramecu, cōmaje ároje jájacu nujare, arejaima na.

<sup>32</sup>Que teni úre coðobovure jápiaivu Jesús, dajocarejame. Aru apévure cutuicōjenejame ina pucarā jári eabevure ūi yebai. Eavure, Jesús jēniari járejame náre:

—¿Aipe ðacaji yu mujare? arejame ū.

<sup>33</sup>Ūre arejaima na:

—Mu, nujare jabocu, jári eabevubu nija. Ūraró jáiyurivubu nija, arejaima.

<sup>34</sup>Jesús cōmaje ároje jáñu, ne yacorvare tvorejame ū. Aru cūiná járejaima na, jári eabevu bácvu. Que teni Jesúre yóvarī nurejaima na máre.

### Jesús Jerusaléi ūi ecoino

(Mr 11.1-11; Lc 19.28-40; Jn 12.12-19)

**21** <sup>1</sup>Jerusalén ámicurīmaro joabejinoi curi, Betfajé ámicurīmajino baji, no cūracū Olivocū ámicuricū émeino baji, earejacařa nija, Jesújā. Nore earī, pucarā nija ūi bueimaracavure yópe arī, jarorejame Jesús:

<sup>2</sup>—No cōchinoi curīmajinoi nujara mija. Cūiná earājaramu mija pōevare ūmaiāimacure, burra ámicuco, mamacuque, nácacui buoimarare. Náre buoimeare jodeni, davajařa yure. <sup>3</sup>Aru, “¿Aipe teni ina áimarare náre buoimeare jodeni, náre nvaivurū mija?” ne aruta, yópe ajařa: “Nujare ícōjeni darobi maje jabocu. Ūre ūmacayu áimacu javui ū. Carijieneca mujare jacopaiyovacuyume cojedeca”, ajařa, arejame Jesús.

<sup>4</sup>Caie iye nópe vaidéjavū cūináuru Jūmenijicui coyuicōjeiye báquepedeca

cūinácū ũi yávaiyede coyũcaipõescu bácure. Yópe arí, toivaicõjeneaquemavũ ũi mácure Jūmenijicu:

<sup>5</sup> Coyũjacū ina Jerusalén  
 āmicũriĩmarocavũre. Jájara.  
 Mũje jabocū bacuyú mũjare  
 dacũyũme. “¿Meacū bάρica  
 yu?” abecube. Burrõre tubarĩ  
 dacũyũme. Burro bojuyovacari  
 bacuyúme ũi tubamũ macuyú,  
 arĩ toivaicõjeneaquemavũ  
 Jūmenijicu.

<sup>6</sup> Jesúi daroimara nurejaima. Aru ðarejaimada yópe ũi aye báquepedeca náre. <sup>7</sup> Davacarejaima Jesúre ico burrare mamacũque. Aru ñũje doicajea pũenocacajear burrare aru mamacũre máre tuorejagarā. Mamacũre tubarejame Jesús. <sup>8</sup> Dinũmũma ina obedivũ põeva, ñũjaque curivũ, ne pũenocacajear jũarejaima mára. Aru apevũ jocũcu cavabũa yoca curicavabũare burarĩ, jũarejaima mára, Jesúre meaðaiyũrivũ, ne pueðarĩ jacoyurājijeyepẽ aivũ. <sup>9</sup> Ũre jipocateivũ aru ũi yóbocavũ máre coðoboborejaima na:

—David bácui pāramecũ, maje jabocū bacuyúre torojue bajadéni. Jūmenijicu mearo ðacaimũme ũi, Jūmenijicui daroimũ mácu. Cari jabocū bacuyúre ména borotenajarevũ, coðoboborĩ arejagarā ñũja caivũ.

<sup>10</sup> Jesús ũi eaiyede Jerusalén āmicũriĩmaroi, caivũ nócvũ etarĩ, jári, jēniari járejaima na, “¿Ñamema ñai?”

<sup>11</sup> Aru ina põeva ñũjare yóvaivũ arejaima náre;

—Ũtame ñai Jūmenijicui yávaiyede coyũcaipõescu, Jesús Nazarecacũ, Galileacarõcacũ, arejaima ina põeva.

#### Jesús ũi meaðaino Jūmenijicui cūramine

(Mr 11.15-19; Lc 19.45-48; Jn 2.13-22)

<sup>12</sup> Jesús edarĩ Jūmenijicui cūrami yebai, diñami tãibũ uratãibũi ecorejame ũi. Aru nore diñami curivũ bojedaiipõevare jarũvarejame Jesús. Tãutũra oatũvaipõeva ne jáðvairẽ moari najuárejame ũi. Aru jurevare

bojedaiipõeva ne dobarõare máre moari najuárejame. <sup>13</sup> Náre yópe arejame Jesús:

—Yópe arĩ toivaicõjeneaquemavũ Jūmenijicu ũi yávaiyede: “Ji cūrami caivũ põeva ne yũre, Jūmenijicure, coyũĩnamimũ”, arĩ toivaicõjeneaquemavũ. Ũbenita diñamine tatorĩ ívũ ne dupiñamipe ðaquemavũ mũja, mũje pũeno urarõ tãutũra íye boje põevare jocarĩ, ne bojedaiyede mũje cũvaede, arejame náre Jesús.

<sup>14</sup> Jári eabevũ darĩ, aru cuiye majibevũ máre daivũ barejáima ũi yebai no Jūmenijicui cūrami. Náre coapa meaðarejame Jesús. <sup>15</sup> Apevũ fariseova aru Jūmenijicui yávaiye báquede bueipõeva caiye iye põeva ne ðarĩ majibede Jesús ũi ðaiyede járejaima. Aru ina juedova noi curivũ, “David bácui pāramecũ, maje jabocū bacuyúre torojue bajadéni”, ne arĩ coðoboboyede jápiarejaima ina fariseovajã. Que baru jorojĩnejaima ũre. <sup>16</sup> Aru arĩdurejaima: —¿Jápiabecurũ mũ ne aiyede? arĩdurejaima.

Ũbenita Jesús arejame náre:  
 —Jápiavũ yũ. ¿Arũmetenaru mũja? Jūmenijicu ũi yávaiye báquede toivaicõjeneaquemavũ cūinácū ũi yávaiyede coyũcaipõescu bácure yópe arĩ yurã:

Mũ, ñũje jabocū, juedovare aru juedojĩnare máre mearore jícõjeivũ mũre, arĩ toivaicõjeneaquemavũ Jūmenijicu, arejame Jesús.

<sup>17</sup> Que arĩburu yóboi, náre ðajocarĩ etarejagarā ñũja, Jesújã, diĩmarore jocarĩ. Cāranũrejagarã Betania āmicũriĩmajinoi.

#### Jesús ũi āmecoroino higueraçũ jēidũa cubecure

(Mt 17.20; Mr 11.12-14, 20-26; 1 Co 13.2)

<sup>18</sup> Cõmiáijãravũ javejĩnara copainũrejagarã Jerusalén āmicũriĩmaroita. Aru āvué ijidejavũya Jesúre. <sup>19</sup> Que baru ũi jáiyede cūinácū jocũcu higuera āmicũricure ma écarũi,



jēidūare vocunūridurejame dicu yebai. Ūbenita yoca matuiyeda earejame. Aru arejame dicure:

—Cainūmua jēmejadeni mi jēidua cojedeca, arejame ũ.

Aru cūiná dicu yaidéjavū. <sup>20</sup>Ñuja ũi bueimara diede jári, cuecumarejaca. Aru arejaca:

—¿Aipe teni cūiná yaidí dicu higuera? arejaca.

<sup>21</sup>Aru Jesús, yópe arí, coyurejame ñujare:

—Jāve coyuyubu mujare: Muja me ju aivu baru Jūmenijicure, aru “Jūmenijicu iye ðaiyede majibebi” arí dápiabevu baru, muja máre ðarí buojarājaramu yópe ji ðaiye báquepe dicu higuera. Aru pueno baju ðarí buojarājaramu muja. Icu cūracure “Ñujacū yore jocarí pu jia uradaita, cocunjacū” muje aru, nópe ðaquiyebu dicū. <sup>22</sup>Caiye iye muje Jūmenijicure jēniaiyede, “Jāve Jūmenijicu jícuyume yure” arí dápiaru, Jūmenijicu jícuyume mujare muje uede, arí buedejame ñujare Jesús.

### Jesús ũi parué

(Mr 11.27-33; Lc 20.1-8)

<sup>23</sup>Diede coyuyu bácu, Jesús Jūmenijicui cūrami ecorejame cojedeca. Noi pōevare bueyure, sacerdotevare jaboteipōeva aru judfova bucuva máre ũi yebai ñurejaima. Aru jēniari járejaima ũre:

—¿Ye paruéque ðayurū mu iye mi ðaiyede? ¿Ñame jídi mure iye paruéde mi nópe ðaiyede? arejaima na.

<sup>24</sup>Jesús arejame náre:

—Yu máre jēniari jáquijivū mujare cūináro jēniari jáinore. Yure coyuru, yu máre coyquijivū mujare ji paruéque ji ðaiyede. <sup>25</sup>¿Juan Bautista bácu jáðovaquemari pōevare Jūmenijicu ũi paruéque o pōeva ne paruéque? Coyujarā yure, arejame náre Jesús.

Ūi que aiyyede, ne bajumia boroteivū arejaimada yópe:

—Maje aru “Jūmenijicuque”, ũ aquijibi “¿Aipe teni ju abetecarā ũre?” <sup>26</sup>Ūbenita maje aru “pōevaque”,

jidué javu majare. Ina obedivu pōeva coreóvadama Juan Bautista bácu Jūmenijicui yāvaiyede coyucaipōecu bácu. Que baru nácapūravu āmedajebu majare, arejaimada. <sup>27</sup>Que baru arejaima Jesúsre:

—Majibevū ñuja, arejaima.

Dinūmure Jesús arejame náre:

—Yu máre coyubevū mujare ñamei paruéque ji ðaiyede, arejame Jesús.

### “Paruá mamarare” jári dápiarí ne ðarājiyepa aino (Lc 3.12, 7.29-30)

<sup>28</sup>Bedióva yópe arí, buedejame Jesús:

—¿Aipe dápiavurū muja iye ji coyquiyede mujare? Cūinácu ũmu paruá mamarare cuvacu yópe aquemavu cūinácu: “Mu, bucu, memescunjacu úyaimu jioi carí jaravu”, aquemavu jípacu. <sup>29</sup>Ūbenita ũcapūravu “Ñuiyubevū”, aquemavu jípacure. Ūbenita nópe aríburu yóboi, chíori dápiaquemavu ũi ju abe báquede jípacure. Aru jioi ñuquemavu ũ, mamacu. <sup>30</sup>Népacu ñai mamacure ũi coyuríburu yóboi, apesu mamacure quédeca aríduquemavu. Aru ñai mamacucapūravu “Báyu, memescunñūmu yu”, ju aríduyvacari, ũbenita ye ñumetequemavu ũ, arejame Jesús.

<sup>31</sup>Náre jēniari járejame Jesús:

—¿Ácuva ina paruá mamaracacu jípacu ĩgōpe ðayu bácu? arejame Jesús. Arejaima Jesúsre:

—Ūi mamarūmu jēniaimū mácu ũi ĩgōpe ðaquemavu, arejaima.

Aru Jesús arejame náre:

—Jāve coyuyubu mujare: Ina jabovare táutura ícaipōeva aru ina nomiva āmena ne bajure bojedavū ecorājarama Jūmenijicui jaboteinore muje jipocai.

<sup>32</sup>Quédeca Juan Bautista bácu buescudame mujare aipe ðarí Jūmenijicu jáñure pōevare boropatebevure. Ūbenita mujacapūravu ũ mácu ju abetequemavu. Quénora ina jabovare táutura ícaipōeva aru ina nomiva āmena ne bajure bojedavū ũ mácu ju aquemavu, arejame náre Jesús.

**“Āmena memecaipōevare” jári dápíarī  
ne đarājiyepe aino**  
(Mr 12.1-12; Lc 20.9-19)

<sup>33</sup> Jesús, yópe arī, buede nurejame náre:  
—Apeno jári dápíarī muje đarājiyepe  
aino ji soyūquiyede jápiajarā muja.  
Cūinácu cūrami upacu doaicōjequemavu  
jiore úyaimuque. Doarī buojarī,  
đaicōjequemavu biaidore jio turuvai.  
Aru úicōjequemavu cobede úyai  
pipoicobede. Aru đaicōjequemavu  
úmujuřiñami cūramine, jiore coreipōescu  
úi jáquiñamine máre. Caiye iyede  
meadarī buojarī, vorī earī jiore  
memeipōevare, epequemavu náre,  
ne memecarājiyepe ayu úre. Ina  
memecaipōeva ñajivu batequémavu  
apeboa úyaiboare, ne memeie boje. Aru  
nuquemavu ñai jio upacu apeno joborōi.  
<sup>34</sup> Úyai jējīaravu yóboi, ñai jio upacu  
jarorīduquemavu apenu úi yebacavure  
memecaipōeva yebai, ne ñajiyepē  
ayū apeboa úyaiboare, ñai jio upacu  
jiede. <sup>35</sup> Ūbenita ina memecaipōeva  
ina yebacavu eavure jēni, cūinácure  
jara popequemavu, aru apescure  
boarī jaruvaquemavu, aru apescure  
cūraboaque đavarī boarī jaruvaquemavu  
máre. <sup>36</sup> Ñai jio upacu jarorīduquemavu  
apenu yebacavure. Ūbenita náre  
quédēca đaquemavu ina memecaipōeva.

<sup>37</sup> “No yóboi, ñai jio upacu  
jarorīduquemavu mamacure  
memecaipōeva yebai. “Jímacure  
jáivu pueđarājichuma na”, arī dápíarī,  
que đarīduquemavu. <sup>38</sup> Ūbenita ina  
memecaipōeva jáivu ñai jio upacui  
mácure, aquemavu ne bajumia, “Ñai  
ñuje jabocu bacuyūme. Jírascu úi  
yainíburu yóboi, cuvacyūme caiye úi  
cūvaede. Járica, boarī jaruvarājevnu  
úre, maja cuvaburī caiye úi cūvaede”,  
aquemavu na. <sup>39</sup> Que arī, úre jēni  
jaetovaquemavu jiore jocarī. Aru boarī  
jaruvaquemavu úre, arejame Jesús.

<sup>40</sup> Na úi soyūiyede jápiaivure jēniari  
jájējame Jesús:  
—¿Ñai jio upacu copaini dayu, aipe  
đaquidi ina memecaipōevare? arejame ú.

<sup>41</sup> Úre jápiaivū arejaima:

—Ina āmenare pare ñájine đarī boarī  
jaruvaicōjecyūme ú. Aru epecyūme  
apenu memecaipōevare noi, úi jioi, úre  
jínajivure úi jēiduare jējīaravu eaiyeta,  
arejaima na.

<sup>42</sup> Jesús arejame náre:

—¿Ārumetenaru muja iye Jūmenijicui  
yávaiye úi toivaicōjeiye báquede? Yópe  
toivarejaquemavu yurā, Cristo ji borore:

Iva cūravare cūramine đaipōeva  
ubeni jaruvaquemavu. Caride  
iva cūrava caiva apeva pueno  
parurivabu. Nópe đaino mácarōre  
đaquemavu Jūmenijicu. Que baru  
pare mearotamu majare, maje  
dápíaru, arī toivarejaquemavu.

<sup>43</sup> Que baru soyuyubu mujare: Muja judío  
muje đabe boje mearore yópe Jūmenijicui  
urōpe úi jaboteimarare đaiye jauépe, apenu  
pōeva, judíova āmevū, mearore đaiyu  
yópe Jūmenijicui urōpe, úi jaboteimara  
marajárama na muje pueno. <sup>44</sup> Ácu pōescu  
tuyū baru divarā, turī yavacyūme úi  
bajure. Aru diva tuiva baru pōescu puenora  
chitoquiyebu úre, arejame náre Jesús.

Yópe aiyurōtamu no: Pōeva “Āmecube ú”,  
arīdurájarama Jesúi borore. Ūbenita meacu  
bajube ú, Jesús, caivū apenu pueno.

<sup>45</sup> Ina sacerdotevare jaboteipōeva  
aru ina fariseova jápiaivū bācavu  
Jesús úi jári dápíarī ne đarājiyepe  
aiyede, coreóvarejaimađa soyuyure  
nára, “Muja judío va muje đabe boje  
mearore yópe Jūmenijicui urōpe, judío va  
āmevū úi jaboteimara marajárama muje  
pueno” úi aipe báque boje. Que baru  
jēni nvaiyurīdurejaima. <sup>46</sup> Ūbenita ne  
jēiyurīduiyede úre, obedivū pōeva “Jesúbe  
Jūmenijicui yávaiyede soyūaipōescu” arī  
dápíavure jidurejaimađa.

**“Purubuoivū ne torojuve teinore” jári  
dápíarī ne đarājiyepe aino**

(Mt 8.12, 25.30; Lc 13.28, 14.15-24)

**22** <sup>1</sup> Bedióva cojedeca Jesús, yópe  
arī, buedejame náre apeno jári  
dápíarī ne đarājiyepe ainoque:

<sup>2</sup> —Jūmenijicui jaboteinomu  
yópe cūinácu jabocu mácu

puruɓuoyure torojuve tede ðainope. <sup>3</sup>Nai torojuve teino upacu jarorí, “Nujara” aicōjeniduemavu ñi yebacavure ñi cutuimarare. Ëbenita ina cutuimaracapūravu niyubetequemavu. <sup>4</sup>Bediόva cojedeca jarorí, aicōjeniduemavu apevu ñi yebacavure yópe: “Coyujarā ina ji cutuimarare yópe: ‘Ji torojuve teinore meadaivu yu. Boaicōjeivu oteivescva urarāre aru ina mamara jiacurivure máre. Caiyede meadaivu yu. Que baru āranujara cari, ajarā ji cutuimarare”, aquemavu ñai jabocu. <sup>5</sup>Ëbenita ina cutuimara ñai jabocure āmeina jári, yurini, nūmetequemavu ñi torojuve teinore. Cūinācu memescnuquemavu ñi jioi. Apecu memescnuquemavu ñi bojedaitucubni. <sup>6</sup>Aru apevu ina yebacavure jēni, cūyojarō ðarí, boarí jaruvaquemavu náre. <sup>7</sup>Diede jápiarí, ñai jabocu jaraquemavu. Churaravare jaroquemavu, ne boarí jaruvārājiyepere ayu ina boarí jaruvaivu bācavure ñi yebacavure aru ne juarājiyepere ayu ne imarore.

<sup>8</sup>Dinūmure ñai jabocu aquemavu apevu ñi yebacavure, “Jímacu ñi puruɓuoiye torojuve teino meadarí buojainomu. Ëbenita ina ji cutuimara māvavu āmena bajure daiye jaubetedebu. <sup>9</sup>Que baru ma uramai nujara mija. Nore caivu mije eaimarare cutujarā, ne darājiyepere aivu ji torojuve teinoi”, aquemavu ñai jabocu. <sup>10</sup>Ëi que arīburu yóboi, ina yebacavu mái nuri cójijovaquemavu caivu ne eaimarare, mearare aru āmenare máre, ne torojuve teitucubu buiquiyepere aivu. <sup>11</sup>Ëbenita ñai jabocu jácunuri ina ñi cutuimarare no torojuve teitucubni, jáquemavu cūinācu pōcure puruɓuoino doiyede dobecva. <sup>12</sup>Que baru úre jēniari jáquemavu, “Pacomá, ¿aipe teni ecoyu buojacurū yore puruɓuoino doiyede dobecva?” aquemavu. Ëbenita ñai cutuimācapūravu bi aquemavu. <sup>13</sup>Dinūmure ñai jabocu úre caðateipōevare yópe aquemavu, “Ëi puruáre, ñi cubbare máre buorí,

jaruvajarā úre joai, ñeminoi, ñi ju abe boje yure, ñi coatequiyepe aivu yure jaruvarí. Chōiovu orí curājarama pōevare. Aru jararí cōpi curājarama na, aquemavu ñai jabocu”, arejame Jesús.

<sup>14</sup>Jesús, yópe arí, buede nurejame:

—Obedivu pōevatamu ina Jūmenijicu ñi cuturiduimara. Ëbenita obebejīnatamu ina ñi beoimara, ñi jaboteimara mārājivu, arejame Jesús.

#### Jesús ñi coyūino jabovare bojedainore

(Mr 12.13-17; Lc 20.20-26)

<sup>15</sup>No yóboi apevu fariseova ne bajumia borotedejaimada aipe ðarí ne jujovarí jacotujuroede Jesúre ñi coyuiyequede. <sup>16</sup>Apevu ne bueimarare apevu Herodecavūque jarorejaimada na. Ëi yebai edarí, úre yópe arejaima, mamadaiyurivu:

—Mu, bueipōescu, mure coreóvaivubu ñija. Nurié yávaivu mu. Jāveneca bueivu mu pōevare, ne ðarājiyepere ayu mearore yópe Jūmenijicui ðaicōjeiyepere. Caivure cūinācamuara yávaivu mu. Coyubevu mu pōevare yópe ne ðaiyepere. Quéhora jidubescva coyūivu mu náre yópe ne dápiayepere. <sup>17</sup>Que baru coyujacu yéde mi dápiayede iye ñuje jēniayede mure caride. ¿Maje jabocu César ñi ícōjejuroede, ñi jaboteiye boje, maje bojedaru, mearica die? ¿O bojedabejeba maja? arejaima na, úre jujovaiyuriduivu.

<sup>18</sup>Ëbenita ne úre āmeina ðájuroede majini, yópe arejame Jesús:

—Mija, jujovaivu, ¿aipe teni yure jujovaiyuridurāru mija? <sup>19</sup>Jáðovajara yure tauturaturavare, arejame Jesús.

Que ayure, nācacu cūināturava tauturaturavare davarejame úre. <sup>20</sup>Úre ñi davarí jíyede, arejame Jesús:

—¿Ñamema ñai, dituravare jēñu? ¿Aru ñamei āmiá curituravaba diturava? arejame náre Jesús.

<sup>21</sup>—Ñai jabocu Céσαι decocu aru ñi āmiá máre curituravatamu, arejaima Jesúre.

Que aivure arejame Jesús:

—César jiede úre jacopaiyovajarã muja. Jíjarã úre táutura yópe ùi bojedacõjeiyepe mujare. Aru Jūmenijicu jiede úre jacopaiyovajarã muja. Đajarã yópe ùi urõpe, arejame náre, jēniari járadaivre, Jesús.

<sup>22</sup> Ñi que aiyede jápiarĩ, pare dápiarĩ cuecumarejaimada ina úre jūjovaiyurĩdivu b́acavu. Que baru úre dajocarĩ etarĩ nurejaima na.

**Saduceova ne jēniari jáino Jesúre yainore jaruvarĩ nacajainore**  
(Mr 12.18-27; Lc 20.27-40; Hch 23.8)

<sup>23</sup> Dijáravumareca apevu saduceova darejaima Jesús yebai. Saduceo āmicuriyajubobu judíovacavu ne yajubo cūináyajubo. Caivu saduceova “Yainore jaruvarĩ nacajaiye cubevu”, adama na. Jesúre jēniari járejaima ina saduceova yópe arĩ:

<sup>24</sup> —Mu, bueipõecu, Jūmenijicui cõjeiyede Moisés b́acu coyurejaquemavu: “Cūinácu ńemamicu yaidú, juedocuvabescuva, yaiyú b́acui yócuere purubuoíye javvu nomiópecoque, juedocuvacuvu. Aru ina juedova bárãjivu yaiyú b́acui āmiáre cvarãjarama na”, coyucõjenejaquemavu Moisés b́acure Jūmenijicu. <sup>25</sup> Javede cátequemavu siete paivu ũmva ñjacavu. Cūinácu ũmĩ mára matequémavu na. Aru ńemamicu purubuoquemavu. No yóboi yaiquémavu ñ ḿacu, juedocuvabescuva. <sup>26</sup> Que baru apescu, ńemamicu b́acurã cutuy, purubuoquemavu j́bucu b́acui márepacoque. Aru j́bucu b́acurpedeca, yaiquémavu ñ ḿacu máre, juedocuvabescuva. Aru apescu, ñ ḿacurã cutuy máre, nopedeca, aru caivu ina siete paivu b́acavu óque purubuoĩ, yaiquémavu na ḿacavu caivu juedocuvabevuva. <sup>27</sup> Caivu ne yóboi, ico nomió ḿaco máre yaiquémavu. <sup>28</sup> ¿Aru yainore jaruvarĩ nacajaijãravu baquinóre, ñamei márepaco bacođóba ico? Ijãravu caivu ina siete paivu cuvatequemavu óre, arejaima na Jesúre.

<sup>29</sup> Ñbenita Jesús arejame ina saduceovare:

—Mamateivubu muja, muje majibe boje Jūmenijicui yávaiyede. Aru Jūmenijicui paruéde máre majibevubu muja. <sup>30</sup> Yainore jaruvarĩ nacajaijãravu baquinóre purubuoobenajarama. Aru j́ibenajarama ńemaromivare, ne purubuoãjiiyepe aivu. Quénora ángeleva, ina purubuoobevu, cavarõ mearo Jūmenijicui curõcavupe paivu, barãjarama ina yainore jaruvarĩ nacajarajivu. <sup>31</sup> ¿Iye yainore jaruvarĩ nacajaiyede, jápiarĩ eabenaru muja iye Jūmenijicui coyuiye báquede Moisés b́acure? <sup>32</sup> “Yátamu Jūmenijicu. Abraham, Isaac, aru Jacob ne mearore jímumu yu”, arejaquemavu Jūmenijicu. Que arĩ, yaivu b́acavu ne mearore jímũ āmemei Jūmenijicu. Quénora apurivu ne mearore jímũtame ũ, arĩ coyurejame náre Jesús.

<sup>33</sup> Ina obedivu põeva Jesús ùi nópe coyuiyede jápiaivu, pare dápiarĩ cuecumarejaimada, ùi nópe aye boje.

**Đaicõjeiye parué caiye p̃eno**  
(Mr 12.28-34; Lc 10.25-28)

<sup>34</sup> Apevu fariseova ne jápiaiyede Jesús vainĩ tuy b́acure ina saduceovare, bi are ñay b́acure náre, cõjijidejaima ùi yebai. <sup>35</sup> Aru cūinácu ńacacu, Jūmenijicui ñaicõjeiyede majicu, Jesúre jūjovarĩ jacotuiyurĩduy jēniari járejame yópe:

<sup>36</sup> —Mu, bueipõecu, ¿ároma majare Jūmenijicui ñaicõjeino p̃eno parurõ cõjeino? arejame ũ.

<sup>37</sup> Jesús arejame úre:

—“Ëjacu mi jabocu Jūmenijicure caino mi ũmeduque, caino mi ũmeque, aru caino mi majiéque”. <sup>38</sup> Nótamu Jūmenijicui ñaicõjeino p̃eno parurõ, p̃eno mearo máre. <sup>39</sup> Aru no yóbo cãchijino parurõ ñaicõjeinotamu mamaro cõjeinope paino. “Mi bajure mi jecuẽpedeca jecuãcu mícure máre”. <sup>40</sup> Caiye Jūmenijicui ñaicõjeiye ùi coyuiye báquede Moisés b́acure, aru caiye ina Jūmenijicui yávaiyede coyucãipõeva ḿacavu ne bueiyē báquede máre coyuiyetamu cūináturura

iye pique ðaicōjeiyeque. Pōevare ñe jaunv majepacu Jūmenijicure aru jesué jaunv arevñ pōevare máre, arí buedejame Jesús.

**Cristo ñai jabocu David bácu pāramecu**

(Mr 12.35-37; Lc 20.41-44)

<sup>41</sup>Ina fariseovacavñ cójijivureca cāreja Jesús yebai, náre yópe arí, jēniari járejame Jesús:

<sup>42</sup>—¿Aipe dápiaivñrū mña ñai Cristore? ¿Namei mácuña ñai? arejame. Ũre arejaima:

—David bácu pāramecu ñe, arejaima.

<sup>43</sup>Náre arejame Jesús:  
—Que baru, ¿aibe teni David bácuvacari Espíritu Santoi paruéque coyicōjeimñ marejaquémari “mñ, ji jabocu” Cristorā? David bácu, yópe arí, coyurejaquemavñ Cristorā:

<sup>44</sup>Jūmenijicu aquemavñ ji jabocure, “Dobajacu ji meapūravñi, mi cuvae boje paruéde yupeca. Aru yñ epecuyumu mi mauvare mi cuboba cāchinoi. Que teni mñre vaini jaruvare ðacuyumu yñ náre, mi jabotequiyepe ayñ náre”, arí toivarejaquemavñ David bácu Cristorā.

<sup>45</sup>David bácuvacari Cristoi borore arejaquemavñ, “Ũrecabe ji jabocu”. Que baru, ¿aibe teni David bácu pāramecuña ũ? arejame Jesús.

<sup>46</sup>Ñame buojari cūiná coyubeteima ũre. Dijāravumata ñame yéde jēniari jámenejaima Jesúre bediōva cojedeca.

**Jesús ũi boro coyurí adaino fariseovare aru Jūmenijicui yávaiye báquede bueipōevare**

(Mt 3.7, 5.34, 6.1, 12.34, 20.26-27; Mr 9.35, 10.43-44, 12.38-40; Lc 3.7, 11.37-54, 14.7-14, 18.14, 20.45-47, 22.26; Hch 23.3)

**23** <sup>1</sup>No yóboi Jesús, yópe arí, coyurejame ina obedivñ pōevare aru ñña ũi bueimarare máre:

<sup>2</sup>—Jūmenijicui yávaiye báquede bueipōeva aru fariseova buedama

mñjare Jūmenijicui ðaicōjeiye ñi coyuiye báquede Moisés bácu. Jūmenijicui yávaiye jāvene buedama na. Que baru ðajarā mña yópe ne bueiyepedeca. <sup>3</sup>Ũbenita návacari ðabenama yópe ne bueiyepere. Que baru ðabejarā mña yópe ne ðaiyepe. <sup>4</sup>Ne baju dápiaiyepe ðaicōjedama pōevare. Ũbenita yópe Jūmenijicui yávaiye báquepe dápiaibenama na. Maiyójajebu iye ðaicōjeiye ne baju dápiaiye báque. Návacari caiye iyede ye ðabenama na. Aru ne ðaicōjeimarare ye ðadatebenama, ne ðarājiyepe aivñ die maiyójae ðaiyede. <sup>5</sup>Caiye ne ðaiyede ðadama arevñre jáicōjenajivñ, “¿Meara márica na?” ne arí dápjarājiyepe aivñ. Que baru Jūmenijicui yávaiyequede ne toivaino mácarō yocarā, ne adaino mácarō quíjitōcua jívñi buoðama na. Ditōcuare ne buoiyede ne títuva coapa aru ne āmuve cācopūravñcaāmuve coapa, ñramea buoimeaque buoðama na, jáicōjenajivñ arevñre. Aru ne cuitótecajea coapa nareicōjedama turvacajea ñracajeare, jáicōjenajivñ arevñre. Que teni arevñre dápiaie ðaiyuríduyama mearore jívaivñre Jūmenijicure aru jñ ávaivñre máre. Ũbenita nópe dápiajebu pōeva náre ũbenina. <sup>6</sup>Torojuve teinore cuiyuma na ñai torojuve teino upacu yebai, arevñ ne pueðarājiyepe aivñ náre. Judíovai cójijijñamiare ũma na ne dobae mearoa baji, arevñ ne járajiepe aivñ náre paruvñre. <sup>7</sup>Aru ũma na pōeva pueðarí ne jacyuñnore tãibñi aru “mñ, bueipōecu” ne ainore máre náre.

<sup>8</sup>Ũbenita mñjacapūravñ “mñ, bueipōecu” aicōjemejara arevñre mña coapa, mñje dápiaiye boje meara arevñ pñeno. Yñ cūinácuratamu mñje bueipōecu. Aru cūinátrñbu mña, caivñ cūinávñre paivñ. <sup>9</sup>Aru ijāravñcasu cubebi “mñ, ññjpacu, ññje jabocu” mñje aimñ. Nópe abejarā pōecure. Majepacu cūinácuratame cavarō mearocasñ. <sup>10</sup>Aru “mñ, jabocu” aicōjemejara arevñre mña coapa. Yñ, Cristo, cūinácuratamu mñje jabocu. <sup>11</sup>Que baru ñai mñjacacu

parucú baiyucú baru, memecajacurí mujare. <sup>12</sup>Ñai cūiyucú me apevu pueno, parubescuyume pueno baju. Aru ñai parubede ñaiyucú ñi baju apevu cāchino, me cūcuyume pueno baju, Jūmenijicui mearo ñacaquiye boje úre, arí buedejame ñujare Jesús.

<sup>13</sup>Aru yópe arí, coyure ñurejame ñ: —Mujá, Jūmenijicui yávaiye báquede bueipóeva, aru mujá, fariseova, jujovaivú, chīorajaramu mujá. Jūmenijicu ñájine ñacuyume mujare. Mujá ñadavú yópe pōescu ñi beiiyepe cūramine, apevu ne ecobenajiyeye ayú, aru ñ máre ecobescuyú. Mujá coreóvadavú Jūmenijicui yávaiyede. Ubenita diede ju are ñabevú apevure, ne ecobenajiyeye aivú Jūmenijicui jaboteinore, aru mujá máre ju abevú. Que baru ecobenajaramu nore.

<sup>14</sup>Mujá, Jūmenijicui yávaiye báquede bueipóeva, aru mujá, fariseova, jujovaivú, chīorajaramu mujá. Jūmenijicu ñájine ñacuyume mujare. Jujovarí ñavadavú ina nomiópeva ne arejīene. Aru jēniadavú joe Jūmenijicucue, pōeva ne dápiarājiyeye aivú ubenina mujá me Jūmenijicure ju aivúpe. Caiye iyede mujé ñaiye boje, pueno uraró ñájinajaramu mujá, mujé ámeina teiye boje.

<sup>15</sup>Mujá, Jūmenijicui yávaiye báquede bueipóeva, aru mujá, fariseova, jujovaivú, chīorajaramu mujá. Jūmenijicu ñájine ñacuyume mujare. Joai curānuñavú mujá jia uradai aru joboró máre. Cūinácú pōecure vorānuñavú, oatvvarājivú ñi dápiayede, ñi dápiaquiyepe aivú mujé dápiayeye. Aru ñi ñaiyede máre oatvavadavú mujá, ñi ñaquiyepe aivú pueno ámenore, ñi ñájiquiyeye aivú toabo cūiméboi mujé pueno.

<sup>16</sup>Mujá, Jūmenijicui yávaiye báquede bueipóeva, aru mujá, fariseova, jujovaivú, chīorajaramu mujá. Jūmenijicu ñájine ñacuyume mujare. “Jūmenijicui yávaiye báquede buení buojavubú ñija”, adavú mujá pōevare ubenina. Yópe jári eabevú ne

jipocateiyeye pōevare, mujá Jūmenijicui yávaiye báquede buení buojabenamu. Yópe ubenina buedavú mujá: “Pōescu ayú baru ‘Ji aiyeye ñacuyumu yú, Jūmenijicui cūrami cue boje’, ñaiye jaubevú úre. Ubenita ayú baru ‘Ji aiyeye ñacuyumu yú, úru cue boje Jūmenijicui cūrami jívui’, ñaiye javvú úre”, adavú mujá. <sup>17</sup>Mujatamu jári eabevúpe raivú mujé úmei. Mujatamu árumevú. Coreóvabevú mujá Jūmenijicui cūramine pueno paruróre caiye iye úru pueno. Iye úrubu pueno me, die cue boje Jūmenijicui cūrami jívui. <sup>18</sup>Aru yópe ubenina buedavú mujá: “Pōescu ayú baru ‘Ji aiyeye ñacuyumu yú, Jūmenijicure jícayede jícavá cue boje ñi cūrami jívui’, ñaiye jaubevú úre. Ubenita ayú baru ‘Ji aiyeye ñacuyumu yú, Jūmenijicure jícayé boje jícavá puenora ñi cūrami jívui’, ñaiye javvú úre”, adavú mujá. <sup>19</sup>Mujatamu jári eabevúpe raivú mujé úmei. Coreóvabevú mujá Jūmenijicure jícavare pueno paruróre caiye iye jícayé pueno. Iye jícayebu pueno me, die cue boje Jūmenijicure jícavá puenora. <sup>20</sup>Que baru pōescu ayú baru “Ji aiyeye ñacuyumu yú, Jūmenijicure jícavá cue boje ñi cūrami jívui”, jáve aiyuró “Jūmenijicure jícavá aru caiye Jūmenijicure jícayé diva puenora”, aiyubi ñ. <sup>21</sup>Aru pōescu ayú baru “Ji aiyeye ñacuyumu yú, Jūmenijicui cūrami cue boje”, jáve aiyuró “Jūmenijicui cūrami aru ñai cūcú noi”, aiyubi ñ. <sup>22</sup>Aru pōescu ayú baru “Ji aiyeye ñacuyumu yú, cavaró mearo cue boje”, jáve aiyuró “Jūmenijicui dobaró mearo aru ñai dobacú nore”, aiyubi ñ, arejame Jesús.

Uí que aiyede, Jesús yópe aiyucú barejaquémanu: Cainucua ñaiye javvú pōevare yópe ne aiyé báquepedeca.

<sup>23</sup>Aru yópe arí, coyure ñurejame Jesús:

—Mujá, Jūmenijicui yávaiye báquede bueipóeva, aru mujá, fariseova, jujovaivú, chīorajaramu mujá. Jūmenijicu ñájine ñacuyume mujare. Caiye mujé oteiyoca, quíjiyoca

bojecubeyoca, caipucapucare  
 paiyocare cvarivũ, cuiinayocare  
 jývavũ Jũmenijicure. Æbenita mearo  
 ðaivure aprevure, cõmaje ãroje jáivure  
 aprevure, aru ju aivure Jũmenijicure  
 máre ãrumevũ muja. Cairucapucare  
 paiye muje cvaede jocarĩ, cuiinãrore  
 Jũmenijicure jýye jauvũ mujare. Æbenita  
 pũeno baju jauvũ mujare muje mearo  
 ðaiye aprevure, muje cõmaje ãroje jáiye  
 aprevure, aru muje ju aiye Jũmenijicure  
 máre. <sup>24</sup>Muja ðadavũ yõpe jári eabevũ  
 ne jipocateiyere põevare. Iye parubede  
 dãpiadavũ muja. Que teni ðadavũ yõpe  
 põecu ñi íyere jujicure ñi ùcuidore  
 jocarĩ, ÷benita ñi járũóiyere camello  
 ãmicucu ãimacu uracure.

<sup>25</sup>Muja, Jũmenijicui yávaiye  
 báquede bueipõeva, aru muja,  
 fariseova, jujovaivũ, chõrajaramu  
 muja. Jũmenijicu ñãjine ðacuyume  
 mujare. Muja joadavũ muje ùcuidoare  
 aru jorõrũare máre pũenomã, põeva  
 ne jáinore. Æbenita mujavacari  
 tatoiyurivũbu aprevũ ne cvaede. Que  
 teni ãmeno baju ðadavũ muja. Que baru  
 mearo ðaiye aprevure mearotamu joare  
 ðaicõjeiye pũeno. <sup>26</sup>Muja, fariseova,  
 ðadavũ yõpe jári eabevũre paivũ  
 ne ùmei. Muje joaru mamarũmure  
 ùcuido jývũ aru jorõru jývũ máre,  
 ùcuido pũeno aru jorõru pũeno máre  
 docucubequiyebu. Quédeca dãpiaivũ  
 baru me, ðarãjaramu me máre.

<sup>27</sup>Muja, Jũmenijicui yávaiye báquede  
 bueipõeva, aru muja, fariseova, jujovaivũ,  
 chõrajaramu muja. Jũmenijicu ñãjine  
 ðacuyume mujare. Mujatamu yõpe  
 yaivũ bãcavũ ne epeĩnamia borĩnamiape  
 paivũ. Diñamiare põeva ne járu jedevai,  
 meadamiare ãrojariñamiamu. Æbenita  
 diñamia jývũ, buidĩnamiamu yaivũ  
 bãcavũ ne cũaõaque, aru docucueque  
 máre. <sup>28</sup>Quédeca põeva ne járu  
 mujare, mearape aru mearore ðaivũre  
 ãrojarivũbu muja ne jáiyede. Æbenita  
 muje ùmei dãpiadavũ jujovaivũre paivũ  
 aru ãmenore ðaivũre paivũ máre.

<sup>29</sup>Muja, Jũmenijicui yávaiye báquede  
 bueipõeva, aru muja, fariseova, jujovaivũ,

chõrajaramu muja. Jũmenijicu ñãjine  
 ðacuyume mujare. Muja ðadavũ  
 meadamia cũramiare ina Jũmenijicui  
 yávaiyede coyũcaipõeva mãcavũ ne  
 jobocobea báque pũeno. Aru muja  
 meadadavũ ãruriñamia cũramiare ina  
 meara mãcavũre. <sup>30</sup>Yõpe borocurĩ adavũ  
 muja: “Majeñecuva mãcavũ ne curĩmũ  
 curivũ baru maja, ne boarĩ jaruvaiye  
 báquede ina Jũmenijicui yávaiyede  
 coyũcaipõeva mãcavũ cadatebejebu  
 maja”, adavũ muja. <sup>31</sup>Æbenita mujavacari  
 jádovadavũ ina Jũmenijicui yávaiyede  
 coyũcaipõeva mãcavũre boarĩ jaruvaiivũ  
 bãcavũre paivũre. <sup>32</sup>Maumejiena iye  
 ãmeina ðaiyede mujeñecuva mãcavũ ne  
 bũiye báquede bubajarã muja, muje boarĩ  
 jaruvãrãjijyede yure, Jũmenijicui daroimũ  
 mãcure.

<sup>33</sup>iMuja, jujovaivũ, ðevape paivũbu  
 muja! Muje toabo cũimẽboi ñãjinajiyede  
 jocarĩ, dupini nuivũ buõjabenamũ muja.  
<sup>34</sup>Que baru yũ daroquijivũ muje yebai  
 Jũmenijicui yávaiyede coyũcaipõevare  
 aru ùmva majidivũre, aru Jũmenijicui  
 yávaiye báquede bueipõevare máre.  
 Aprevũ nãcavũre boarĩ jaruvãrãjaramu  
 muja. Aprevũre jocucjaravena pẽvari,  
 boarĩ jaruvãrãjaramu. Aprevũre jara  
 popenajaramu maja judõova maje  
 cõjjijĩnamiai. Aru aprevũre curjãrãramu  
 muja ïmaroa coapa. <sup>35</sup>Que baru  
 Jũmenijicu ñãjine ðacuyume mujare,  
 caivũ meara mãcavũ ne yaie báque boje  
 ijãravũre, apecũ ñi boarĩ jaruvaiye báque  
 boje ñai Abel bãcure, aru aprevũ ne boarĩ  
 jaruvaiye báque boje caivũ Abel bãcui  
 yõbocavũ bãcavũre máre, pũ Zacarías  
 bãcu bajita, Berequías bãcui mãcu bãcure,  
 ñai mujacavũ bãcavũ ne boarĩ jaruvaimũ  
 mãcure Jũmenijicui cũrami tãibũ  
 coricai. <sup>36</sup>Jãve coyuyubu mujare: Muja  
 ijãravũcavũ ñãjinajaramu, muje ãmeina  
 ðaiye boje, arĩ buedejame Jesús.

**Jesús ñi oino, Jerusalécavũre jecucũ**

(Lc 13.34-35)

<sup>37</sup>Yõpe arejame Jesús:

— iMuja, Jerusalécavũ, mujeñecuva  
 mãcavũ boarĩ jaruvãrejaquemavũ ina

Jūmenijicui yávaiyede coyucaipōeva mácavure! Cūraboaque dūvarí boarí jaruvarejaquemavu ina Jūmenijicui daroimara mácavure ne yebai. Obedinūmua cójjiovaiyurīduvu yu mujare ji yebai, yópe cáyuco ōi cójjiovaiyepe mamarare ōi caveba cāchinoi. Ūbenita ūbeteavū mūja. <sup>38</sup>Jájara. Dinūmu maquinó mūje curōre Jūmenijicu dajocarí jaruvacuyme. <sup>39</sup>Aru coyuubu mujare: Yure jámenajaramu mūja cojedeca pu jádovacudayure meacu bajure jáivuta. Dinūmu maquinóre arājaramu yópe: “Torojue bajeđeni nai dayure Jūmenijicui āmiái, ūi paruéque”, arejame Jesús.

**Jesús ūi coyūino “Jūmenijicui cūrami tūquiyebu” arí**  
(Mr 13.1-2; Lc 21.5-6)

**24** <sup>1</sup>Jesús etayu bācu Jūmenijicui cūramine jocarí, űija ūi bueimara ūi yebai nurí, jádovarejacarā diñamia cūramiare, Jūmenijicui cūramicādāmiare. <sup>2</sup>Aru űijare arejame: —Caiñamia diñamia urādāmia cūramiare jáivubu mūja. Jáve coyuubu mujare: Cūináva cūrava mautebequiyebu apeva pūenora. Caiye iva cūrava tūquiyebu, arejame Jesús.

**Jádovaiye jāravu cūiquíye jipocai**  
(Mt 10.22; Mr 13.3-23; Lc 17.22-24, 31, 37, 21.7-24; Ap 7.14)

<sup>3</sup>Jesús dobarejame cūracū Olivocū āmicuricū pūenoi. Ūi dobaede noi, űija, ūi bueimara, jēniari járejacarā ūre yavenina, pōevare jocarí:

—Coyujacu űijare: ¿Aipiye tūquidi caiye iye cūramia urādāmia? ¿Aipe đarí coreóvarājidica űija mi copaidaquiye? ¿Aipe đarí majinajidica űija ijāravu cūiquíyede? jēniari járejacarā ūre.

<sup>4</sup>űijare yópe arí, coyurejame Jesús: —Me jájara apecu jūjovaiyucure mujare. <sup>5</sup>Obedivu ūmūva đarí arājarama “Cristobu yu”, jūjovarājivu obedivu pōevare. <sup>6</sup>Aru “Pōeva boadāma apevu pōevaque” ne borore jápiarí, aru “Pōeva boarājarama apevu pōevaque” ne

borore máre jápiarí, jidubejarā mūja. Que baru caiye iye vaiye javvu, jāravu cūiquíye jipocai. Ūbenita cūimēbu cāreja. <sup>7</sup>Cūináyajubo pōeyajubocavu āđamatenajarama apējajubo pōeyajubocavūque. Aru cūináro jaboteinocavu āđamatenajarama apeno jaboteinocavūque. Joboró cūjiquiyebu obedicurōare. űajinajarama āvūena. <sup>8</sup>Iye űájiye baquiébu yópe juedocu pōteyure űájiyepe. Yópe báquiye bu caiye iye āmeina űajinajiye.

<sup>9</sup>Mujare jēni jīnajarama, mūje űajinajiyepe aivu. Aru mujare boarí jaruvarejarama na. Mujare cainoa jaborōacavu jorojīni járajarama, yure mūje ju aye boje. <sup>10</sup>Dinūmu maquinóre obedivu yure ju aivu bācavu dajocarājarama ne yure ju aye báquede. Obedivu jēni jīnajarama névure ne mavure. Aru obedivu jorojīni járajarama névure máre.

<sup>11</sup>Obedivu borocurivu “Jūmenijicui yávaiyede coyucaipōecubu yu” arí, ūbenita coycarīduivu, pōevare jūjovarāđarājarama. <sup>12</sup>Dinūmu maquinóre obedivu pōeva urarō baju āmenore đarājarama. Que baru obedivu pōeva ūbenajarama apevu pōevare. <sup>13</sup>Ūbenita nai ju ayu yure ūi yainūmuita, ū macuyūme ji meadāimu. <sup>14</sup>Mamarūmure yávaiye méne Jūmenijicui jaboteinora coyiye javvu cainoa joborōacavure, ne jápiarājīyepe aivu diede. Que baru cainoa joborōacavu iye yávaiye méne coreóvaivu barājarama. No yóboi jāravu cūiquíyebu.

<sup>15</sup>Ūbenita iye vaiquíye jipocai, nai ūmu pare āmecu núcyūme nore, Jūmenijicui cuicōjemenore ūre, yópe Daniel āmicucu Jūmenijicui yávaiyede coyucaipōecu bācu ūi coyiye báquipedeca. Caivu jári boroteivu iye toivaiyede me dāpijarārí caiye iyede. Nai ūmure járajaramu mūja. <sup>16</sup>Judeacavu dupini űjarari cūracūai, ne jidué boje nai ūmure. <sup>17</sup>Aru nai cūrami pūenora cūcyu, ūi dupini nuiyede, ēmeni, đarí, nūvarīducūy



ñi apejijene, ecobejacurĩ ñi cūrami.

<sup>18</sup> Aru ñai jiore memecuyu, ñi dupini nuiyede, copainumejacurĩ, ñiducuyu ñi cuitótecaje puenocacajede. <sup>19</sup> iCōmaje ārojarajarama ina nomiva micava bārājivū dijāravua baquiyéde! iAru ina nomiva nēmajina nuri dajocabevure cvarājivū märe pare ñājinajarama dijāravua baquiyéde! <sup>20</sup> Jēniajara Jūmenijicuque iye vaibéquiyepe aivū ocorūmure aru jabuóvañājavū sábadore märe.

<sup>21</sup> 'Dijāravua baquiyéde pōeva űrarō ñājinajarama. Nópe paiye cubevu cāreja, mamarumumata Jūmenijicu ñi cuedarĩ bñinūmure pu caride märe. Aru cainūmua cubequiyebu. <sup>22</sup> Jūmenijicu ñi javaiyobedu dijāravua ñājiovaquijāravua baquiyéde, caivū yaijēbu. Meadaimara cubejebu. Ūbenita Jūmenijicu javaiyocuyume dijāravua ñājiovaquijāravua baquiyéde, ñi beoimara māvavure boje.

<sup>23</sup> 'Dijāravua baquiyéde apecu ñi aru mūjare yópe, "Jājara. iÑainecabe Cristo!" o apecu ñi aru mūjare, "iÑñurecabe Cristo!" náre ju abejarā.

<sup>24</sup> Que teni obedivū borocurivū darĩ, coyurājarama "Cristobu yū". Aru apevu märe Jūmenijicui yāvaiyede coyucarĩdurājarama. Ūbenita Jūmenijicui yāvaiyede coyucaipōeva baju āmenajarama na. Ūrarō pōeva ne jāmene aru ne ñarĩ majibede märe ñarājarama, jujovaiyurĩduivū Jūmenijicui beoimara māvavure.

<sup>25</sup> Ūbenita me jājara mūja. Coyūyūbu mūjare ne borore, mūje majinajiyepere ayu, ne darājiye jipocai. <sup>26</sup> Que baru apevu ne aru "Jājara. Ñai Cristo cubi pōecubenoĩ", nūmejara mūja nore. Aru apevu ne aru "Jājara. Ñai Cristo cubi tucubū jívūi", ju abejarā ne nópe coyuiyede.

<sup>27</sup> 'Jūmenijicui daroimū māvū űmūpe, yaroinope nūquiyebu ji copaidaquijāravū baquinóre. Yópe no yaroino pēoiyepere cavarōi, aviá dainocapūravure jocarĩ pu aviá doinocapūravūita, caivū pōeva ne jārajiyepere ayu nore, nopedeca

copaidacuyumu yū. Aru caivū pōeva jārajarama ji copaidaquiyede ijāravūi. <sup>28</sup> Āri yayiyū bāvūi curōi, noi cójjinajarama cavava. Nopedeca caiye iye ji coyuiyede jāivū, majinajaramu mūja ji copaidaquino joabenore, ji ñājiovaquinore pōevare, ne āmeina teiye boje, arĩ buedejame Jesús.

**Jūmenijicui daroimū māvū űmūpe ñi copaidaquino**

(Mr 13.24-37; Lc 12.39-40, 17.26-30, 34-36, 21.25-33; Ap 1.7, 6.12-13)

<sup>29</sup> Bediōva cojedeca Jesús, yópe arĩ, coyūrejame ñūjare:

— Cūinājāravū dijāravuacajāravū baquinói, iye űrarō ñājiniburu yóboi, aviá ñemitecuyume. Aru aviá ñamicacū märe pēomescuyume. Na abiácova turājarama cavarōre jocarĩ. Aru caivū ina parurivū curivū cavarōi cújinajarama. <sup>30</sup> Dinūmu maquinóre Jūmenijicui daroimū māvū űmūpe ji copaidaquiyede jāðovaiye jāroquiyebu cavarōi. Aru caivū pōeyajuboacavū ijāravucavū chĩorĩ orājarama. Dinūmu maquinóre jārajarama yūre, Jūmenijicui daroimū māvū űmūpe, dayūre ocopeniboai, űrarō paruéque, jāðovañūre meacu bajure. <sup>31</sup> Que teni trompeta āmicuriyo japuiyore japuiye pare bujiéque, ji āngelevare darocuyumu yū. Nācapūravū cójjiovarājarama Jūmenijicui beoimara māvavure, caivū aviá dainocavūre aru caivū aviá doinocavūre märe, cainoa joborōacavure.

<sup>32</sup> 'Majijarā yo mūje jāinore. Icu jocusū higueraçū āmicuricūre yoca yuiyede, majivū mūja űjūgūmu joabenore.

<sup>33</sup> Nopedeca jāivū caiye iye teiyede, majinajaramu mūja jāravū cūino joabenore. <sup>34</sup> Jāve coyūyūbu mūjare: Apevu ijāravūi curivū yaibédeca cāreja, vaiquiyebu caiye iye yópe ji coyuiyepere. <sup>35</sup> Caino cavarō, aru caino joborō märe cūiquiyebu. Yópe ji yāvaiyepedeca jāve vaiquiyebu.

<sup>36</sup> 'Ūbenita dijāravū baquinóre aru diora baquinóre ñame majibema.

Ángeleva, ina curívũ Jūmenijicũque cavarõ mearoi, aru yu, Jūmenijicũ mácu máre, majibevũ ñũja. Quénora jipacu majibi dijāravũ baquinóre.

<sup>37</sup> Dijāravũ baquiyéde, Jūmenijicũ daroimũ mácu ũmũpe ji copaidaquijāravũ jipocai, cũquiyebu nópe ānijāravũ Noé mácu curijāravũ báquepe. <sup>38</sup> Ānijāravũ báquede, muiváibo daquiye jipocai, caivũ pōeva āivũ barejaquémavũ, aru ũcuivũ barejaquémavũ. Ũmũva purũbuoivũ barejaquémavũ. Aru jivũ barejaquémavũ némaromivare, ne purũbuorājiyepe aivũ. Nópe tedejaquemavũ, Noé mácu jiađocũ uracũre ecoijāravũ bácarõita. <sup>39</sup> Ũbenita ne bjarājiyede coreóvabedejaquemavũ, pũ muiváibo daiyeta. Aru caivũ ina pōeva corĩ bjarajaquemavũ na mácavũ. Nopedeca baquiyébu Jūmenijicũ daroimũ mácu ũmũpe ji copaidaquiyede. <sup>40</sup> Dinũmũ maquinóre pũcarā ũmũva memenajarama ne jioi. Cũinácu nũvaimũ macũyáme, yũre ũi jũ aiyẽ boje. Aru apacu mautescũyũme, yũre ũi jũ abe boje. <sup>41</sup> Pũcarā nomiva jĩorajarama ne cũrami jivũ. Cũinácu nũvaimo macođóme, yũre õi jũ aiyẽ boje. Aru apaco mautescođome, yũre õi jũ abe boje.

<sup>42</sup> Que baru me jájara mũja. Mũja majibevũ ji copaidaquijāravũre, ji jabotequiyede mũjare. <sup>43</sup> Ñai cũrami upacu majibebi aipiyede ñavaipõescu dacũyũre. Majicũ baru ñavaipõescu ũi daiyede, coreni, ecoicõjemeni, ñavaicõjemejebu ũi cũramiquede. <sup>44</sup> Aru mũjare máre meadaiye janvũ. Que baru yu máre, Jūmenijicũ daroimũ mácu ũmũpe, dacũyũtu mũje corebeorai yũre, arĩ buedejame Jesús.

**“Memecaiřõescu jũ ayũre aru memecaiřõescu jũ abecũre” jári dápíarĩ ne đarājiyepe aino**  
(Lc 12.41-48)

<sup>45</sup> Bediõva jári dápíarĩ ñũje đarājiyepe arĩ, buedejame Jesús:

—Coyũquijivũ mũjare ũi borore ñai memecaiřõecũre jũ ayũre ũi

jabocũre aru majicũre máre. Ñai cũrami upacu coreicõjescũyũbe ñai memecaiřõescu majicũre, ũi jíquiyepẽ ayũ yebacavũre ne ārajivẽva caijāravũa.

<sup>46</sup> Ñai cũrami upacu copaini dayũ earu ũre memecaiřõescũre đayũre yópe ũi cõjeinope, torojucũyũbe ñai memecaiřõescu, cũrami upacu ũi jíquiyẽ boje ũre bojedaino mearore. <sup>47</sup> Jãve coyũyũbu mũjare: Ñai cũrami upacu coreicõjescũyũbe ñai memecaiřõescũre caiye ũi cũvaede. <sup>48-49</sup> Ũbenita ñai memecaiřõescu, jũ abecu baru ũi jabocũre, “Ji jabocũ maume dabecũbe” arĩ, aru ãmeina đayũ baru ũi yebacavũre aru yebacarõmivare máre, urarõ āri aru ũcuri pacotecũyũbe ũ. <sup>50</sup> Que teiyede ũi jabocũ dacũyũbe ñai memecaiřõescu ũi corebejāravũ baquinói aru ũi majibeora baquinói máre. <sup>51</sup> Aru ñai jabocũ jarũvaicõjescũyũbe ũre jũjovavũre ne jarũvainoi, ũi ñájiquiyepẽ ayũ noi. Nore chĩoivũ orĩ, cũrājarama pōeva. Aru jararĩ cõpi cũrajarama na, arĩ buedejame Jesús.

**“Caiřõsarũũare paivũ bojurõmivare” jári dápíarĩ ne đarājiyepe aino**  
(Lc 12.35, 13.25)

**25** <sup>1</sup> Yópe arĩ, jári dápíarĩ ñũje đarājiyepe ainoque buedejame Jesús:

—Dijāravũ baquinói, ji copaidaquijāravũ, Jūmenijicũ jaboteino yópe baquiyébu caiřõsarũũare paivũ bojurõmiva ne đaiye báquepe. Ina bojurõmiva, ne pẽoibũare náre coapa ĩni, copũ etaquemavũ ñai purũbuoyũre ũi daiyede. <sup>2</sup> Cũinárũũre paivũ nácvũ majibevũ batequémavũ. Aru arevũ cũinárũũre paivũ nácvũ majidivũ batequémavũ. <sup>3</sup> Ina majibevũ, ne nũvaiyede ne pẽoibũare, neore nũvametequemavũ. <sup>4</sup> Ũbenita ina majidivũ, ne nũvaiyede ne pẽoibũare, nũvaquemavũ ne neobũare máre neoque. <sup>5</sup> Ñai purũbuoyũ ũi dabe boje cãreja, caivũ ina bojurõmiva cãquemavũ.

<sup>6</sup> Ũbenita ñami corica baji cođoboboyede jápiaquemavũ na.

“Jájara. Ñai p̄r̄ub̄uoy daibi. Ére copu etajarā m̄ja”. <sup>7</sup>Diede jápiarī, caiv̄u ina bojur̄ōmiva coedaquemav̄u. Aru ne p̄oib̄uare meadaquemav̄u na. <sup>8</sup>Que teni ina majibev̄u, yópe arī, j̄eniaridudemav̄u ina majidiv̄uare, “Ñuje p̄oib̄uare cođaib̄uatamu. Que baru j̄járā ñujare majiówarijino m̄je neoquede”, aridudemav̄u na. <sup>9</sup>Ūbenita ina majidiv̄u, yópe arī, coȳquemav̄u náre, “Bi, j̄ibev̄u m̄jare. Neo eabequiyebu ñujare aru m̄jare máre. Quénora neore bojedaino bojedar̄ñujara m̄ja, ñajiv̄u m̄jeva”, aquemav̄u na. <sup>10</sup>Ne neore bojedar̄ñuiyede, ñai p̄r̄ub̄uoy daquemav̄u. Ina bojur̄ōmiva meadaiv̄u bácv̄u ecoquemav̄u éque, ārajiv̄u toroj̄uve teinoi. Aru no c̄rami jedevacobede biequemav̄u. <sup>11</sup>No yóboi ina bojur̄ōmiva meadabev̄u bácv̄u edaquemav̄u toroj̄uve teiñami máre. Aru yópe arī, “M̄, ñuje jabocu, voacajacu ñujare”, j̄eniaridudemav̄u. <sup>12</sup>Ūbenita ñai p̄r̄ub̄uoy yópe aquemav̄u náre: “J̄ave coȳyubu m̄jare: J̄iv̄u ānev̄u m̄ja. M̄jare coreóvabev̄u ȳ”, aquemav̄u ñi ina bojur̄ōmiva majibev̄uare, arejame Jesús.

<sup>13</sup>Aru buede ñurejame Jesús:

—Que baru meadaimara m̄jara m̄ja, m̄je majibe boje ye j̄arav̄uare aru ye órare máre ji copaidaquiyede, m̄jare meadaive jauquinore, arejame Jesús.

**“Tauturare” jári dápíarī ne đar̄ājiyepa  
aino**

(Mt 8.12, 13.12, 22.13; Mr 4.25;

Lc 8.18, 13.28, 19.11-27)

<sup>14</sup>Yópe arī, jári dápíarī ñuje đar̄ājiyepa ainoque buedejame Jesús:

—Dijarav̄u, ji copaidaquijarav̄u baquinói, J̄ūmenijicui jaboteino yópe baquiyébu cūinác̄u ñm̄u arepo jaborōi ñuc̄ȳu ñi đaiye báquepe. Ūi ñuquiyepa j̄ipocai, órejaquemav̄u ére memecaip̄ōvare, epec̄ȳu ñi c̄vaede náque, ne jári coreñajiyepa aȳu diede. <sup>15</sup>Cūinác̄u nác̄are epequemav̄u cūinár̄p̄upe paimil turava tauturaturavare. Apec̄u

nác̄are epequemav̄u p̄scamil turava tauturaturavare. Aru ap̄c̄are epequemav̄u cūinámil turava tauturaturavare. Ne majiépe epequemav̄u náre coapa. Caiye iyede epeniburu yóboi, ñuquemav̄u ñai ñm̄u. <sup>16</sup>Ñai memecaip̄ōv̄e jacop̄ȳu bácv̄u cūinár̄p̄upe paimil turava tauturaturavare bojedac̄ñuquemav̄u dieque. Aru eaquemav̄u ape cūinár̄p̄upe paimil turava tauturaturavare. <sup>17</sup>Quédeca ñai memecaip̄ōv̄e jacop̄ȳu bácv̄u p̄scamil turava tauturaturavare bojedac̄ñuquemav̄u dieque. Aru eaquemav̄u ape p̄scamil turava tauturaturavare. <sup>18</sup>Ūbenita ñai memecaip̄ōv̄e jacop̄ȳu bácv̄u cūinámil turava tauturaturavare ūc̄ñuquemav̄u jaborōi, yav̄ec̄ȳu diturava, ñi jabocu tauturaturavare.

<sup>19</sup>Obedijarav̄u yóboi, ñai jabocu copaidaquemav̄u. Corevac̄uquemav̄u ne bojedaiyede ñi epeiye báqueque náre. <sup>20</sup>Ñai jacop̄ȳu bácv̄u cūinár̄p̄upe paimil turava tauturaturavare ñuquemav̄u ñi jabocu yebai. Navaquemav̄u caip̄c̄ar̄p̄upe paimil turava tauturaturavare. Aru aquemav̄u, “M̄, ji jabocu, m̄ epeáv̄u cūinár̄p̄upe paimil turava tauturaturavare yure. Diede bojedar̄i, ív̄u ȳu ape cūinár̄p̄upe paimil turava tauturaturavare”, aquemav̄u ñi. <sup>21</sup>Que baru ñai jabocu aquemav̄u ére, “Mearo đarebu m̄. Đaiv̄u m̄ yópe đaiye jauépe. Mi mearo đaiye boje quíjinoque, epequijiv̄u m̄re p̄ueno baju. Caride toroj̄uc̄ȳu m̄ m̄, yópe ji toroj̄upe”, aquemav̄u ñai jabocu. <sup>22</sup>Aru ñai jacop̄ȳu bácv̄u p̄scamil turava tauturaturavare ñuquemav̄u ñi jabocu yebai. Ūi jaboc̄are aquemav̄u, “M̄, ji jabocu, m̄ epeáv̄u p̄scamil turava tauturaturavare yure. Diede bojedar̄i, ív̄u ȳu ape p̄scamil turava tauturaturavare”, aquemav̄u ñi. <sup>23</sup>Que baru ñai jabocu aquemav̄u ére máre, “Mearo đarebu m̄. Memecaip̄ōv̄e meacubu m̄. Đaiv̄u m̄ yópe đaiye

janépe. Mi mearo ðaiye boje quíjinoque, erequijivü müre püeno baju. Caride torojüscuyümu mü, yöpe ji torojüere”, aquemavü ñai jabocu.

<sup>24</sup> Ûbenita ñai jacopüyu bácu cüinámil turava täuturaturavare nüquemavü üi jabocu yebai. Üi jabocure aquemavü, “Mü, ji jabocu, jidojacübu mü. Mü ñümu apescu üi epeiye báquede. Aru mü jēñümu apescu üi oteiye báquede. <sup>25</sup> Que baru jidüvu yu müre. Aru yavecaca mi täuturare joborō jívüi. Yui cüvavü mi täuturare”, aquemavü ü. <sup>26-27</sup> Ûbenita ñai jabocu aquemavü üre, “Mü, memecaipöescu ämecübu. Jüracüscübu mü. Yu ñüre apescu üi epeiye báquede aru jēñüre apescu üi oteiye báquede majicüvacari, epecüñüri jaüridurebu müre ji täuturare täutura epeiñami. Mi que ðaru, copaini ðayü jacopüjebu yu ji täuturare püeno baju, diñamicavü ne bojedaiye báque cojióri”, aquemavü ñai jabocu. <sup>28</sup> Que baru ñai jabocu apevüre ícöjeni aquemavü, “Íjara üre jocarí yo cüinámil turava täuturaturavare. Aru jíjarä ñai caipücapüruape paimil turava cüvacure. <sup>29</sup> Caivü cüvarivü jacopüräjarama püeno baju, cüvaräjivü urarō baju. Ûbenita caivü dápiavüre cüvarivüpe apevü püeno, caiyede náre ícüyümu yu. <sup>30</sup> Aru ñai memecaipöescu yure cadatebecure jaetovajarä joai ñeminoi, üi ju abe boje yure, üi coatequiyepere aivü yure jarüvarí. Noi pöeva chíoivü orí, cüräjarama. Aru jararí, cöpi cürajarama na”, arí buedejame Jesús.

**Jesús üi bojedaino caivüre yöpe ne ðaiye báquere**

(Mt 16.27, 19.28; 1 Co 8.12; He 13.3)

<sup>31</sup> Yöpe arí, coyürejame Jesús:

—Yu, Jümenijicüi daroimü mácu ümüre, meacu baju dacuyümu íjarävüi. Aru caivü ina ángeleva daräjarama yúque. Edaríburu yöboi, dobacuyümu jabocüi dobarō mearora. <sup>32</sup> Ji jípacai cójijinajarama caivü íjarävüi joborōacavü. Yöpe oteiäimarare coreipöescu üi boiyepe ovejavare ini

cabravare jocarí, popedeca beocüyümu yu ina pöevare. <sup>33</sup> Yöpe üi epeiyepe ina ovejavare üi meapüravüi aru ina cabravare üi cäcopüravüi, popedeca beorí epecüyümu yu ina pöevare.

<sup>34</sup> Beoríburu yöboi, acüyümu yu, caivü ne jabocu, ina pöeva meara ji meapüravüi curivüre, “Dajarä müja. Müjamu jípacüi mearo ðacaimara. Ji jaboteimara májara müja. Jípacü Jümenijicü üi cuedaiye báquedata caiyede, meadacarejaquemavü yo jaboteinore müjare boje. <sup>35</sup> Yüre ävüé ijiteavü. Aru äiyede jivävü müja yure. Yüre cüiñóavü. Aru ücuiyede jivävü müja yure. Joai cucüdacacu müje yebai. Aru yüre copü etavü müja. <sup>36</sup> Cuitótecaje cüvabotecacu yu. Aru ji doiyeva jivävü müja yure. Íjimü matecácu yu. Aru ji yebai curädavü müja. Jabova ne buoimü matecácu yu ämeina teivüre jēni jacoíñami jívüi. Aru yüre járadavü müja noi”, acüyümu müjare. <sup>37</sup> Que ayüre, ina pöeva meara, ji meapüravüicavü, yöpe aräjarama yure: “Mü, nüje jabocu, çaipiyede müre äuyaiyüre jári, äiyede jiarí nüja? çAipiyede müre cüiñóimüre jári, ücuiyede jiarí nüja? <sup>38</sup> çAipiyede müre joai cucüdayüre jári, copü etarí nüja? çAipiyede müre cuitótecaje cüvabecüre jári, mi doiyeva jiarí nüja? <sup>39</sup> çAipiyede müre íjimüre aru müre ne buoimüre jári, járadarí nüja?” aräjarama yure. <sup>40</sup> Aru yu, caivü ne jabocu, acüyümu náre: “Jäve coyüyübu müjare: Müje cadateiyede cüinájicu ina jivücacure parübecureca, yüre müje cadateiyepere”, acüyümu yu.

<sup>41</sup> Dinümü maquinóre ina pöeva ämenare, ji cäcopüravüi curivüre yöpe acüyümu yu: “Nüjara müja yüre jocarí. Müjamu jípacüi ämedaimara. Nüjara müja toabo cüiméboi. No meadaino mácaröre abujuvai jabocüi curöre üi ángelevaque. <sup>42</sup> Yüre ävüé ijiteavü. Ûbenita äiyede jíbeteavü müja yüre. Yüre cüiñóavü. Ûbenita ücuiyede jíbeteavü müja yüre. <sup>43</sup> Joai cucüdacacu müje yebai. Ûbenita yüre copü etabeteavü müja. Cuitótecaje cüvabotecacu yu. Ûbenita ji doiyeva

jíbeteavū mūja yure. Ijimu matecácu yu. Aru jabova ne buoimū matecácu yu āmeina teivure jēni jacoĩnami jívui. Ûbenita yure járadabeteavū mūja”, acuyūmu yu. <sup>44</sup>Que ayure, ina pōeva āmena, ji cācopūrāvucavu, yópe arājarama yure: “Mū, ñuje jabocu, çaipiyede mure āuyaiyure, o cūinómure, o joai cucūdayure, o cuitótecaje cuvabecure, o ijimure, o jabova ne buoimure jári, ùbenita mure cađatebetearı ñūja?” arājarama na. <sup>45</sup>Aru yu acuyūmu náre: “Jāve coyuyubu mujare: Mūje cađatebede cūinájicu ina jívucacure parubecureca, yure mūje cađatebepedecabu”, acuyūmu yu. <sup>46</sup>Aru nácapūravu nurajarama toabo cūiméboi, ñájinajivu cainumua. Ûbenita ina meara ecorājarama ji jaboteinore, me curājivu cainumua, arí coyurejame Jesús.

**Jesús ũi coyūino ne jēnainore ũre yóboimia**

(Mr 14.1-2; Lc 22.1-2; Jn 11.45-53)

**26** <sup>1</sup>Caiye iyede Jesús coyurí buojarí, yópe arejame ñūja ũi bueimarare: <sup>2</sup>—Majivu mūja. Pascua āmicurijāravu aru páure bucure ðaiye cube āiye torojūve teinumu pucajāravua jipocai barejávū cāreja. Aru dinumu maquinóre yure, Jūmenijicui daroimū mácure ũmupe, jēni jínajarama ji mauvare, ji yaiquíyepa aivu jocucjaravena, arejame Jesús.

<sup>3</sup>Dinumure sacerdotevare jaboteipōecu Caifás āmicurejame. Apevu sacerdotevare jaboteipōeva aru judíoiva bucūva cōjjijidejaimada ñai Caifás ũi cūrami.

<sup>4</sup>Cōjjivū, ne bajumia majicarejaimada Jesúre hujovarí jēni, boarí jaruvarājivu yavenina. <sup>5</sup>Ne bajumia arejaimada:

—Torojūve teinumu ũre jēmenajarevu maja. ũre jēnu torojūve teinumu, pōevacapūravu jorojīni, majare boarí jaruvaivyebu, arejaimada ina judíoiva jabova.

**Cūináco nomió ōi mumijue yuaino Jesúre**

(Mr 14.3-9; Lc 7.37-38; Jn 12.1-8)

<sup>6-7</sup>Dinumure Jesús ũi cuede Betania āmicuríimajinoi, Simón pojevu bácu

cūrami tuoiva yebai āivu barejacará ñūja. Que teni cūináco nomió darejaco Jesús yebai. Ico nomió davarejaco cūinábu ũmujuribu boribure, mumijuricoro curibure. Iye mumijue, nardo āmicue, pare mearo corajurejavū. Aru pare bojecue barejávūya. Que ðarı ico nomió yuarejaco caiye iye mumijuede Jesúi jipoburá. <sup>8</sup>Ûbenita ñūja Jesúi bueimara ōi nópe ðaiyede jári, jorojīni arejacařá:

—¿Aipe teni iye mumijuede jaruavadoba ō? <sup>9</sup>Diede bojedarı, uraró boje ĩni, jíye jaujebu ōre cuve cuvabevure, arejacařá ñūja.

<sup>10</sup>Ûbenita Jesús, diede coreóvayu, arejame ñūjare:

—¿Aipe teni ico nomióre cārijovaivurū mūja? Ōi ðaiye yure mearotamu.

<sup>11</sup>Cainumua ina cuve cuvabevu curājarama mūjaque. Ûbenita yu cubecubu mūjaque cainumua. <sup>12</sup>Ōi yuayiede dicorore yurá, meadacaibico ji bajure, ne jaruvarājíyepa ado. <sup>13</sup>Que baru jāve coyuyubu mujare: Cainoa joborōai ijāravui pōeva ne coyuyiede iye yávaiye méne ji meadaiyede pōevare, iye ōi yure ðacaiyede máre coyurājarama, ne ārurajíyepa aivu ōre, arejame Jesús.

**Judas ũi jēni jino Jesúre**

(Mr 14.10-11; Lc 22.3-6)

<sup>14</sup>No yóboi cūinácu ñūjacacu, doce paivu Jesúi bueimaracacu, ũi āmiá Judas Iscariote, nurejameđa ina sacerdotevare jaboteipōeva yebai. <sup>15</sup>Ñai Judas náre jēniari járejameđa:

—¿Ji Jesúre jēni jídu mujare, aipino jínajivurū mūja yure? arejameđa ũ.

Aru treinta paiturava plataque ðaiturava tauturaturavare jídejaimada ũre. <sup>16</sup>Que baru dinumumata Judas jári, coreni búrejameđa yavenina, jēni jícyu Jesúre.

**Jesús ũi āino ũi bueimaraque**

(Mr 14.12-25; Lc 22.7-23; Jn 13.21-30; 1 Co 11.23-26)

<sup>17</sup>Páure bucure ðaiye cube āiye torojūve teinumu mamabuijāravu

barejávã. Aru dijãravure Jesús yebai nuri, jëniari járejarã ñuja, ñi bueimara:

—¿Ari nuri, mure maje Pascua jãravuque ãiyede meadacarãjidica ñuja? arejarã úre.

<sup>18</sup> Aru arejame Jesús:

—Jerusaléi nuri, ñai ñmu, ji aimu mácu, ñi cãrami ñujara muja. Úre yópe ajarã muja, “Maje bueipõecu aibi, ‘Joabëjñotamu ji yaiquino. Que baru mi cãrami ãquijivu yu Pascua jãravuquede ji bueimaraque’, aibi maje bueipõecu”, ajarã muja, ñujare arejame Jesús.

<sup>19</sup> Úre ju arí, ñmaroi nuri, ðarejarã ñuja yópe Jesús ñi aiyede báquepedeca. Noi Pascua jãravuque ãiyede meadarejarã ñuja. <sup>20</sup> Que teni meadarí bujarí, nainú baji, aviá ñi doríburu yóboi, darí dobarejame Jesús tuoiva yebai, ñuja ñi bueimara doce paivuque.

<sup>21</sup> Ñuje ãiyedeca, Jesús arejame ñujare:

—Jãve soyuyubu mujare: Mujacacu cüinácu yure ji mauvare jëni jícyume ñi, arejame Jesús.

<sup>22</sup> Que baru chioivã barejarã. Aru ñuja coapa yópe arí búrejarã Jesúre:

—iMu, ji jabocu, que ðabecubu yu! ¿Múcarí? arejarã ñuja coapa.

<sup>23</sup> Que arí, Jesús arejame ñujare:

—Cüinácu mujacacu jóyu páure jorotãmica yúque, ñ macuyúme ji mauvare yure jëni jíyu. <sup>24</sup> Yu, Jümenijicüi daroimu mácu ñmure ijãravü, ji yaijãravüi nucuyumu yu, yópe Jümenijicüi toivaicõjeiye báquepedeca ñi yãvaiyede. Ubenita ñmeno vaicuyume ñi, ñai yure jëni jíyu bacuyá. Ñai nópe ðacuyü, ñi põetebedu meajebu, arejame Jesús.

<sup>25</sup> Judas, úre jëni jícyu, arejame úre:

—Mu, bueipõecu, yu ñmevu mi soyuimã nópe. ¿Múcarí? arejame Judas. Úre arejame Jesús:

—Mátamu ji soyuimã nópe, arejame Jesús.

<sup>26</sup> Ñuje ãiyedeca, páure ñni, Jümenijicure torojuede jídejame Jesús. No yóboi, páure cotãvarejame. Aru ñujare coapa jídejame.

—Páure ñjara muja. Diedecabu ji bajupe, jádovaiye ji yaiquino ñujare boje, arejame ñujare Jesús.

Aru ñrejarã ñuja.

<sup>27</sup> Úcuidore máre ñni, torojuede jñi Jümenijicure, ñujare jídejame Jesús, yópe arí:

—Jëni, úcuri, veorí, úcujara caivu muja coapa. <sup>28</sup> Diedecabu ji jivepe, jádovaiye ji yaiquino ñujare boje, Jümenijicüi ñrumetequiyepa ayu muje ñmeina teiyede. Jümenijicu “Yópe ðajarã muja, boropatebenajivu ji jáino”, ñi yóbocarõ soyuino mácarõre põevare ñurajaramu muja, muje úcuiyede diede. <sup>29</sup> Soyuyubu mujare: Quénora vino úyaicorore úcuñmu yu ijãravure. Ubenita ñnijãravü, jipacüi jabotequimã maquinõre, bedióva cojedeca úcuri jácyumu yu, arejame Jesús ñuja ñi bueimarare.

Aru úcurejarã ñuja.

**Jesús ñi soyuino Pedroro ñi “Jesúre yu coreóvabevu” aquinore**  
(Mt 28.16; Mr 14.26-31; Lc 22.31-34; Jn 13.36-38)

<sup>30</sup> Ñuje ñriburu yóboi, Salmos ñmicue yuríaiyede yuríarejarã ñuja. Yuríarí bujarí, no cãracü Olivocüi ñmicuricüi nurejarã ñuja, Jesújã. <sup>31</sup> Mái nuri, arejame Jesús:

—Yure dajocarí nurajaramu muja. Yure vaiquiyede Jümenijicu toivaicõjeneaquemavu, yópe arí: “Ovejavare coreipõecure boarí jaruvacyumu yu. Aru coateni nurajarama na, ovejava”, arí toivaicõjeneaquemavu. <sup>32</sup> Ubenita ji yainíburu yóboi, Jümenijicu ñi nacovaiyede yure yainore jaruvári, muje jipocai nucuyumu Galileai, arejame Jesús.

<sup>33</sup> Que ayure, Pedrocãpãravu arídjarejame úre:

—Caivu apavu ne dajocarí ñuiyedeca, yúcapãravu mure jocarí ñmecuabu yu, arídjarejame.

<sup>34</sup> Aru Jesús arejame úre:

—Jãve soyuyubu mure: Carí ñami cáyu ñi ñrejaquiyepa jipocai, yóbecu baju

“Jesúre yu coreóvabevu” asuyutu mu,  
arejame Pedrore Jesús.

<sup>35</sup> Ûbenita Pedrocapûravu soru ayu  
barîdurejame:

—Máque yure ne boarí jarûvaruta,  
“Jesúre yu coreóvabevu” abecubu yu,  
arîdurejame Pedro.

Aru ñuja coapa nôpe arîdurejacaã.

**Jesús Getsemaní ñi jëniaino**

**Jãmenijicuque**

(Mr 14.32-42; Lc 22.39-46)

<sup>36</sup> No yóboi Jesús nurejame ñuja ñi  
bueimaraque Getsemaní ãmicurô. Nore  
earí, arejame ñujare:

—Yui dobarí corejarã muja ji  
Jãmenijicuque boroteiyede ãnoi,  
arejame Jesús.

<sup>37</sup> Ñujacavu Pedrore aru ina pûcarã  
Zebedeoi mârare máre nuvarejame  
Jesús. Chîõñu baju ãmeno vaidéjameã.

<sup>38</sup> Que teni arejameã náre:

—Yu ãmeno chîori dápiavu ji  
yaiquínore. Yui mauteni, jári capujarã  
muja, arejameã ñi.

<sup>39</sup> Jipojíca báque nuñu Jesús, ñuatutarí,  
mori turejameã joborôita. Aru  
Jãmenijicuque boroteyu barejameã ñi:

—Mu, jipacu, yure cari vaiquíye  
vaibéjadeni. Caiyede ðaiye majicutamu  
mu. Ûbenita ji urôpe ðabejacu. Quénora  
mí urôpe ðajacu mu, arejameã jípacure  
Jesús.

<sup>40</sup> Ina ñi bueimara yóbecurã ne yebai  
copainuri, náre cáivure earejameã  
Jesús. Aru arejameã Pedrore:

—¿Cúinãorajíe cámevûva coreiye  
majibenaru muja yáque? arejameã  
Pedrore.

<sup>41</sup> Caivu náre arejameã:

—Coreni, Jãmenijicuque borotejarã  
muja, abujuvai jabocu mujare ñujovarí,  
ãmeina tede ðabequiyepere aivu. Muje  
ûme ue parurô mariduívu. Ûbenita  
muje baju ðaiye bajure parûbevû muja,  
arejameã náre Jesús.

<sup>42</sup> Cojedeca Jãmenijicuque  
borotecunurejameã, yópe arí:

—Mu, jipacu, yure cari vaiquíye jaru,  
mí urôpe ðajacu mu, arejameã Jesús.

<sup>43</sup> Ûi bueimara yóbecurã ne yebai  
copainuri, náre cáivure earejameã  
Jesús cojedeca. ãmei vuo ijidejavûya  
náre. <sup>44</sup> Que baru Jãmenijicuque  
ñi boroteiye báquepedeca bedióva  
borotecunurejameã, yóbecue  
borotecuñu. <sup>45</sup> Boroteni bujarí, ne yebai  
copainuri, arejameã náre:

—¿Cáivurû muja cáreja? Jede,  
quénoramu. Iora jave eaiavu. Ijáravui  
dayu bácu, Jãmenijicui daroimû mácu  
ûmupe, ãmeina teivu ne jëni jínajimûmu  
yu. <sup>46</sup> Nacajajara muja. Soru nurajarevu.  
Yure ji mauvare jëni jícuyu daibi,  
arejameã Jesús.

**Jesúre jëni ne nuvaino**

(Mr 14.43-50; Lc 19.47, 21.37,

22.47-53; Jn 18.2-11)

<sup>47</sup> Jesús ñi boroteiyedeca, edarejame  
Judas, ñujacacu, doce paivucacu.  
Obedivu pôeva úque darí, boaicarovea  
aru boaidua dururí edarejaima,  
sacerdotevare jaboteipôeva aru judíova  
bucva máre ne daroimara. <sup>48</sup> Judas,  
ñai Jesúre jëni jícuyu, ñi edaquiye  
jipocamia nore, javeta Jesúre boarí  
jaruvaiyurivure coyurejameã yópe: “Ji  
jacyurí jiva nuimû macuyáme muje  
jënajimû. Ûre jëjara”, arejameã náre  
Judas. <sup>49</sup> Jesús yebai nurí, cúiná Judas  
úre earí, arejame:

—Aru, bueipôecu, arejame Jesúre  
Judas.

Que arí, úre jiva nuri jacyurejame.

<sup>50</sup> Que teni Jesúcapûravu jëniari  
járjame Judare:

—Mu, jícu, cáipe teni dacurû mu?  
arejame Jesús.

Que teiyede, Judaque edaivu bácvu  
Jesúre jënejaima na. <sup>51</sup> Nôpe teiyede  
jáinata, ñujacacu cúinácu, Jesúque  
curivucacu, ñi boaicarovede tatorí,  
duarí, ñni, sacerdotevare jaboteipôecu  
ñi yebacacure juijórí, najuárejame ñi  
cámucare.

<sup>52</sup> Nôpe ðayure jári, Jesús arejame úre:

—Mí boaicarovede meadajacu  
mu. Caivu boaicarovede ñni,  
pôevare boarájivu, yainájarama na

boaicarovequedeca. <sup>53</sup>¿Coreóvabenaru muja yure jipacu cadateni buojayure? Ji jëniaru jipacure, cüiná darojebu yure doce paiyajuboa ángeleva obedivü ne yajuboare, ne cadatenajiyere ayü yure. <sup>54</sup>Ûbenita ji nópe daru, vaibéjebu yópe Jümenijicui toivaicójeiye báquepe üi yávaivede, arejame ñujare Jesús.

<sup>55</sup>Dinümüre Jesús arejame ina obedivü pöevare:

—¿Tatorí ñavaipöecure jëivüpe yure boaicaroveaque aru boaiduaque jëni jacorádivüñü muja? Járavua coapa mûje jëneboi Jümenijicui cürami bueyu batecácu yu. Arurí mujaque cüsure, yure jëni jacobeteavü muja. <sup>56</sup>Ûbenita caiye iye vaivu yópe Jümenijicui toivaicójeiye báquedepedeca ina üi yávaivede coyucapöeva mácvare, arejame náre Jesús.

Que tedurata ñuja üi bueimara úre jocarí, dupini nurejarcá ñuja.

**Jesúre ne ñuvaino judíovai jabova cójijivü yebai**

(Mr 14.53-65; Lc 22.54-55, 63-71; Jn 2.19, 18.12-14, 19-24)

<sup>57</sup>Jesúre Caifás yebai, ñai sacerdotevare jaboteipöecu yebai, ñuvarejaimada na, úre jëivü bávavu. Nore ina Jümenijicui yávaiye báquede bueipöeva aru judíova búcvava ne baju cójijini borotenanurejaimada ne jabova baju. <sup>58</sup>Aru Pedrocápüravu joajienata Jesús yóboi nure nuñu mácu, sacerdotevare jaboteipöecui táibui ecorejamea ü. Nore ecorí, Jümenijicui cüramine coreipöevaque dobarejamea ü, jácuyü aipe vaiquíyede Jesúsre.

<sup>59</sup>Na sacerdotevare jaboteipöeva aru caivü ne cójijinocavü Jesúsre ámechorajivure vorídurejaimada, úre boarí jarüvayüvü. <sup>60</sup>Ûbenita obedivü Jesúsre borocurí, ámechoródivüvareca, eabedejaimada na. No yóboi, pucará darí, borocurí ámechororejaimada Jesúsre:

<sup>61</sup>—Ñai pöecu yópe arí coyuyure jápiacará ñuja: “Íñami Jümenijicui cüramine jarüvarí majivü yu. Yóbecuríjarävua jarüvaríburu yóboi

apedámi dacuyümu”, áme Jesús, arejaimada na.

<sup>62</sup>Que teni ñai sacerdotevare jaboteipöecu nacajari, arejamea Jesúsre: —¿Coyurí majibecurü mu? ¿Ne nópe ámechoroyede, aipe ayurü mu? arejamea Jesúsre.

<sup>63</sup>Ûbenita Jesúsapüravü bi arejamea. Dinümü arejamea Jesúsre sacerdotevare jaboteipöecu:

—Yu coyucójeivü müre Jümenijicui arücu cue boje. ¿Máru ñai Cristo, Jümenijicui mácu? Coyujacu ñujare, arejamea ü.

<sup>64</sup>Aru Jesús ju ayu arejamea úre: —Quédeca mi aimütamu yu. Ûbenita yúcapüravü coyuyübu mujare: Jümenijicui daroimü mácvare ümüpe, yure, járajaramu muja, Jümenijicui parücu mearpüravü dobacure. Aru ji ocopeniboai jödari émeiyede máre járajaramu muja, arejamea náre Jesús.

<sup>65</sup>Que ayure, ñai sacerdotevare jaboteipöecu jorojini, üi baju doiyede tatorí, jadevarí, arejamea:

—Ñai ümu Jümenijicure corü ámeina yávaibi. Quénona üi ámeina teiyede coyujará muja. Apevü ne coyuiye jaubevü. Javeta muja jápiadavü. Jümenijicui uebebi ñai yópe yávayure.

<sup>66</sup>¿Aipe adaräru muja? arejamea ü.

Aru arejaimada na:

—Boarí jarüvaimü macuyüme ü, arejaimada na caivü, úre boarí jarüvaicójeivü.

<sup>67</sup>Que arí, üi jivará jëcututürejaimada na. Úre jara popedejaimada. Aru pëvavarejaimada máre úre. <sup>68</sup>Aru arejaimada:

—Mü, Cristo, coyujacu ñujare. ¿Ñame matedí pëvañu müre? úre pëvavavü arejaimada na.

Ûbenita Jesúsapüravü ye coyubedejamea.

**“Jesúre yu coreóvavevü” arí, Pedro üi coyüno**

(Mr 14.66-72; Lc 22.56-62; Jn 18.15-18, 25-27)

<sup>69</sup>Pedro sacerdotevare jaboteipöecui táibui dobacu barejamea. Üi noi



dobaedeca, yebacarōmivacaco cūināco ũi yebai earejacoda. Aru arejacoda:

—Mu máre ñai Jesús Galileacacque cútevu mu, arejacoda ũre.

<sup>70</sup>Ūbenita caivu ne jápiaiyede, Pedrocapūravu ju abedejameda ũre:

—iNācacu āmevu! Jesúre yu coreóvabevu. ¿Aipe arí, mu que adorú? arejameda.

<sup>71</sup>Que arí, táibui etarí, jedevai nuitenevei nurejameda Pedro. Aru apeco yebacarōmivacaco ũre jári, arejacoda náre, nore curivure coyuyo:

—Nai cútebi Jesús Nazarecacque, arejacoda.

<sup>72</sup>Aru bedióva cojedeca Pedrocapūravu ju abedejameda:

—iNācacu āmevu! Jesúre yu coreóvabevu.

Jūmenijicu majibi jáve coyuyure, arejameda.

<sup>73</sup>No yójiŕboi ina nore curivu Pedro yebai nuri, arejaimada ũre:

—Jāve mu máre nācacubu mu. Mi yāvaiyeque majivu Galileacacure mure, arejaimada na.

<sup>74</sup>Dinūmuma jáve ayure, náre pare baju arí, coyurejameda Pedro:

—iJāveneca Jūmenijicui jáinoi yu mujare coyuyutamui! iJāve ji coyubedu, Jūmenijicu āmedajacurí yure! Jesúre yu coreóvabevu, arejameda.

Ūi que aipe bajure, ũrejurejameda cáyu.

<sup>75</sup>Ūi ũrejaiyede, ārurejameda Pedro Jesús ũi coyuiye báquede: “Cáyu ũi ũrejaiyede, jipocai, yóbecue baju Jesúre yu coreóvabevu, acuyumu mu”, arí coyuiye báquede ārurejameda. Aru ārucu, cūiná etarí, pare chíori orejameda ũ.

#### Jesúre ne nūvaino Pilato yebai

(Mr 15.1; Lc 23.1-2; Jn 18.28-32)

**27** <sup>1</sup>Aviá ũi tucūmuyede, caivu ina sacerdotevare jaboteipōeva aru judíova bucūva cójijidejaimada na, ne bajumia boroteni majicarājivu aipe ne boarí jarūvarājiyede Jesúre. <sup>2</sup>Boroteni buojarí, Jesúre buorí, nūvari, jacobu ũi āmiá Pilato yebai jacorānurejaimada na.

#### Jesúre jēni jíyu bācu ũi yaino

(Hch 1.18-19)

<sup>3</sup>Judas, Jesúre jēni jíyu bācu ũi mauvare, coreóvayū ne boarí

jarūvarājiyede Jesúre, chíonū marejámada ũ. Chíori dápiarí, oatūvaiyurídurejameda ũi ðaiye báquede. Que baru iye tātuturavara treinta paiturava plataque ðaituravare nūvarejameda ina sacerdotevare jaboteipōeva aru ina judíova bucūva ne yebai. Diede náre nūvari jacopaiyovacūnūridurejameda Judas.

<sup>4</sup>Ne yebai earí, arejameda:

—Yūrecabu āmeina teyu bācu. Jēni jívu mujare pōecu meacure, āmeina ðabecure. Que baru muje tātuturare, muje jíye báquede yure jēni jíye bojede, jacopaiyovaquijivu mujare caride, arejameda Judas.

Ūbenita nācapūravu arejaimada ũre:

—Ye baquiyé āmevu; míyetamura die, arejaimada na.

<sup>5</sup>Que aivure, Judacapūravu iye tātuturare ðuarí jarūvarejameda Jūmenijicui cūrami jívu. Aru etarí, nuri, ũi ñamemure buorí, jocusu cavabui yuyurí boarí jarūvarejameda ũi baju.

<sup>6</sup>Die tātuturare ini, ina sacerdotevare jaboteipōeva arejaimada ne bajumia:

—Maje ðaicōjeiyeye iye tātuturare epeicōjememaramu maja Jūmenijicure jícaiyeque. Diedecabu bojedarí jíye báque pōecure ũi boarí jarūvare ðaiyede apecu pōecure. Que baru diede jíye jaubevū majare Jūmenijicure, arejaimada na.

<sup>7</sup>Que arí, ne baju boroteni majicarejaimada. Boroteni buojarí, iye tātuturacue jini, jiore bojedarejaimada. No jio jorodaipōecui jio bācarō marejávūya. “Apenocavu yaivu bācavure yore, ne yuarí jarūvarājinomu” arí, no jiore bojedarejaimada.

<sup>8</sup>No jiore bojedarejaimada tātuturacue, pōecu ũi jíye báque, apecu pōecure boarí jarūvaicōjesuyū. Que baru aivubu maja “Jivecurō” no jiore, pu caride máre. <sup>9</sup>Nópe vaidéjavūya cūināturu Jūmenijicui coyūicōjeiye báquepedeca ñai Jeremías āmicucu ũi yāvaiyede coyūaipōecu bācure. Yópe arí, toivaicōjenejaquemavu ũi mácure Jūmenijicu:

Ĩnama iye tãuturaturava treinta paiturava plataque ðaituravare. Apevu Israecavu bojedaicõjeneaquemavu nópe paiye bojede úre boje. <sup>10</sup>Iye tãuturave jíni bojedadama no jiore, jorodaipõecui jio bácarõre. Que teni yópe Jãmenijicui ðaicõjeino mácarõpedeca yure, ðadama na, arí toivaicõjeneaquemavu Jãmenijicu.

**Pilato ùi jëniari jáino Jesúre**  
(Mr 15.2-5; Lc 23.3-5; Jn 18.33-38)

<sup>11</sup>Jesús ùi eaiyede ñai jabocu Pilato yebai, núrejameða ùi jipocai. Ñai jabocu jëniari járejameða úre:

—¿Múru judío vai jabocu? arejameða.

Jesúcapúravu arejameða:

—Quédeca mi aimurecavu yu, arejameða.

<sup>12</sup>Ûbenita ina sacerdotevare jaboteipõeva aru ina judío va bucúva ne ãmecoroiyede úre, náre coyubedejameða Jesús. <sup>13</sup>Dinúmare Pilatocapúravu arejameða úre:

—¿Jápiabecurú caiye ne ãmecoroiyede mure? arejameða.

<sup>14</sup>Ûbenita bi arejameða Jesús. Caiye ne ãmecoroiyede ye coyubedejameða ù. Aru ùi que yávabede cuecumañu urarõ ðápiarejameða Pilato.

**Põeva ne boarí jaruvaicõjeino Jesúre**  
(Mr 15.6-20; Lc 23.13-25; Jn 18.38-19.16)

<sup>15</sup>No torojúve teinúmare, ñai jabocu Pilatocapúravu ùjuá coapa etavavarejameða cüinácu jacoimu mácure, põeva ne etavaicõjeimure.

<sup>16</sup>Dinúmare, cüinácu ùi buoimaracacu, caivu ne coreóvaimu marejameða, Barrabás ãmicucu. <sup>17</sup>Que baru põeva obedivu ne cójjijiyede Pilato yebai, náre yópe arí, jëniari járejameða Pilato:

—¿Ñamene etavaji yu? ¿Barrabáre urivurú mija? ¿O Jesúre, Cristo ne aimure, urivurú mija? arejameða ù.

<sup>18</sup>Ina sacerdotevare jaboteipõeva Jesúre ne jorojyede majini, obedivu

põeva ne ùe boje úre, nópe náre jëniari járejameða Pilato. <sup>19</sup>Pilato dobarejameða nore, coyucúyu ina põevare ñamene ùi etavaquimure. Coyubecu cáreja, ùi dobaedeca, jímarepaco úre yópe arí, boro jarorejacoda: “Ñai ùmu Jesúre ãmedabecacu mu. Úrecabe meacu baju. Cari ñami marede decoboavu yu úre. Aru pare urarõ cãrijivu yu, iye decoboaiye báque boje. Que baru me ðajacu mu” arí, boro jarorí majicarejacoda jímarepaco Pilatore.

<sup>20</sup>Ina sacerdotevare jaboteipõeva aru ina judío va bucúva máre ina obedivu põevare jëniacõjeneaimeða Pilatore, ùi etavaquiyepa aivu Barrabáre aru ùi boarí jaruvaquiyepa aivu Jesúre. <sup>21</sup>Bedío va cojedeca ñai jabocu Pilato jëniari járejameða ina põevare:

—¿Ñamene ina pucará buoimaracacure jaetovaji? arejameða.

Aru arejaimaða:

—Barrabáre jaetovajacu mu, arejaimaða na.

<sup>22</sup>Ne que coyuríburu, arejameða náre Pilato:

—¿Dinúmu ñai Jesús, Cristo ne aimure, aipe ðaji yu? arejameða.

Caivu ina põeva arejaimaða:

—iÚre jocucújaravena pëvari boarí jaruvaicõjejacu mu! arejaimaða ñai jabocure.

<sup>23</sup>—¿Yéde ãmeina tearí ñai? jëniari járejameða náre Pilato.

Ûbenita pueno baju coðoboborí, arejaimaða na:

—iÚre jocucújaravena pëvari boarí jaruvaicõjejacu mu! arí, coðoboborejaimaða na.

<sup>24</sup>Ne que aiyede, Pilato coreóvarejameða úre ju abevure. Quédata pueno cãrijovari búrejaimaða na. Que baru ocoque joarejameða ùi pucará, yópe judío va ne ðaiyepa, ne jáðovarajiyepa ayu boropatebevure. ùi joaiyedeca arejameða:

—Yávacari boropatebecubu, muje boarí jaruvavu ñai Jesúre, ùmu meacure ji jáinoi. Mújemu die, arejameða Pilato.

<sup>25</sup>Aru caivũ ina p̄eva arejaimada:

—Jau, ñajvacarĩ aru ñajemara máre boropatenajivũbu ñai ñmũ ñi yaiye boje, arejaimada na.

<sup>26</sup>Ne que arĩburu yóboi, Barrabáre etavarĩ darorejameda Pilato. Aru Jesúre jara popeicójenejameda. No yóboi, ina churaravare Jesúre jocucjaravena p̄vaicójenejameda Pilato.

<sup>27</sup>Que teni ina churarava Jesúre ñni, ñvvari, ecovarejaimada ñai jabocu Pilatoĩ c̄urami. Nore ecovarĩ, aprevu churarava caivure cójijovarejaimada Jesús jipocai. <sup>28</sup>Ëi cuitótecajeare Ëre duarejaimada. Jesúre p̄enocacaje, jabocui doicajepe paicaje ñemijuaricajede doarejaimada na. <sup>29</sup>Doarĩ buojarĩ, miumua c̄ateni, cainitarabu ñarĩ, ñi jipoburã ditarabure tuorejaimada na. Aru jocuyo, jabocui cójeiyope paiyore, durure ñarejaimada Jesúre ñi meap̄ravucap̄rui, yópe jabocui j̄eyepe. Ne que teimure yurivũ, jacyurejaimada na:

—Ména cujacu m̄, judf̄ovai jabocu, arejaimada churarava Jesúre, ñbenita Ëre yurivũ.

<sup>30</sup>Ëra j̄ecututuivũ barejaimada. Aru Ëre jipoburã iyo jocuyoque j̄adovaiũ barejaimada na. <sup>31</sup>Que teni Ëre yurini buojarĩ, Ëre ne doicaje ñemijuaricaje bácarõre, no jabocui doicajepe paicajede ñni, duarĩ, ñi doicaje bácarõre bediõva Ëre doarejaimada cojedeca. Que teni, buojarĩ, Ëre ñvvari, jocucjaravena Ëre p̄vari j̄eoranurejaimada na, churarava.

**Jesúre ne p̄vari yuyaino  
jocucjaravena**

(Mt 26.61; Mr 15.21-32; Lc 23.26-43; Jn 2.19, 19.17-27)

<sup>32</sup>Ina churarava Jesúque ñvviũ, jocucjaravede ture ññũ maridurejame Jesús. Nuri, cop̄rejaima c̄uinácu ñmure, Cirene ñmicurĩmarocacure, ñi ñmiá Simón. Ëre Jesús ñi jocucjaravede tuino mácarõre tuicójenejaima na, churarava.

<sup>33</sup>Ina churarava ñvwarejaima Jesúre c̄uracũ Gólgota ñmicuricũi. P̄e

jipobucũ aiyurõmu no. <sup>34</sup>Noi ñcuiye upiáteiyé báque curijororu c̄urejavũ vino ñyaicoro mirra ñmicue jocucu cuidóque, churarava ne ñvvaiye báquede. Die ñcuiyede j̄nidurejaima Jesúre, Ëre ijibequiyepe aivũ. Ëbenita ñ ñcuri j̄ari, ñbecu, ñcumenejame. <sup>35</sup>Que teni Ëre jocucjaravena p̄vari j̄eorejaima. Aru ne yajuiyede ñvwarejaima. Cainijidua etayede j̄ari, Jesús ñi doiyede náre coapa ñnejaima na, Ëre p̄vvaivũ bácvũ. <sup>36</sup>Que teniburu yóboi, dobarejaima, j̄ari cap̄rãjivũ Ëre. <sup>37</sup>Jocucjaravena ñi jipobu p̄enoĩ toivaino j̄enejavũ, aprevu ne majinajiyepe aino Jesúre boarĩ jaruvaiũ ne dápiainore, “¿Aipe teni Ëre boarĩ jaruvarama na?” ne aino. Yópe aiyurejavũ no toivaino: “Ñaime Jesús, judf̄ovai jabocu”.

<sup>38</sup>Ëque máre p̄vari boarĩ jaruvarejaima p̄carã tatorĩ ñvvaip̄evare, ape p̄carõa jocucjaravearã. C̄uinácu Jesús ñi meap̄ravui aru aprevu ñi c̄acop̄ravui curejaima. <sup>39-40</sup>Ina vainánuravũ j̄ari, ne jipobuare c̄ujjovari, ñmeina yávrejaima Ëre, yópe ari:

—Mu, J̄ümenijicui c̄uramine jaruvaiyvucacu aru yóbecurij̄aravũa yóboi diñamine meadaiyvucacu, mi bajure meadajacu m̄. Mu J̄ümenijicui mácu baru, caride jocucjaravede dajocarĩ, ñmeni, dajacu m̄, arejaima Jesúre ina vainánuravũ.

<sup>41</sup>Nopedeca ina sacerdotevare jaboteip̄eva, ina J̄ümenijicui yávaiye báquede buaip̄evaque, aru ina judf̄ova bucvaque máre, ne baju yurivũ Jesúre, yópe arejaima:

<sup>42</sup>—Aprevure meadavacac̄vvarui, ñbenita ñi bajure meadarĩ majibebi ñ. Cristo, maja Israecavu maje jabocu baru, jocucjaravede dajocarĩ ñmeni dajacurĩ ñ. Que ñaru, maja ju arãjaramu Ëre. <sup>43</sup>Ë “Yábu J̄ümenijicui mácu”, ayu bateáme. Ërecabe ju ayu J̄ümenijicure aru “J̄ümenijicu yure cadatecuyume”, arĩ dápiayu. Que baru J̄ümenijicu, Ëre uc̄u baru, cadatejacurĩ caride, arejaima na.

<sup>44</sup>Aru ina p̄carã tatorĩ ñvvaip̄eva p̄vvaimara mácvũ máre Ëque, nopedeca ñmeina yávrejaima Ëre.

**Jesús ũi yaino**

(Mr 15.33-41; Lc 8.2-3, 23.44-49; Jn 19.28-30; He 10.20)

<sup>45</sup> Jāravu corica baji ñemié turī darejavū caino joborōi. Pū yóbecuriora yóboita vaidéjavū. <sup>46</sup> Aru yóbecuriora bajita, iye ñemié tuyede dajocaiyede pare bujité coðoboborī, yávarī darorejame Jesús:

—Elí, Elí, ¿lama sabactani? Nópe aino: “Mu, ji mearore jímū, mu, Jūmenijicu, ¿aipe teni yre dajocarī, nuñuru mu?” aiyrō marejavū.

<sup>47</sup> Que ayure, apevu nore núrivicavū úre jápiarī, ũbenita jápiarī eabeni, arejaima:

—Jápiarā. Elfare órejaiḃi ũ, arejaima na.

<sup>48</sup> Dinumure maumena nácacu cúyarī, jaubore ĩni, uyovarejame vino úyaicoro upiáricoroque. Aru dijaúbore aboðorā buorī, jēori, jarurerejame Jesús ũi úcuquiyepa ayu. <sup>49</sup> ũbenita apevu arejaima:

—Corejarā. Járarevū Elías jōðavacudayure úre, arejaima na.

<sup>50</sup> Cojedeca Jesús pare bujité coðoboborī, yaidéjame ũ. <sup>51</sup> Dinumu ũi yaitávabomica Jūmenijicui cūramicacaje uracaje coricópavaicaje bácarō quéda corica baji jaḃeni nurejavūya, puenocatuvavai búri pū cāchinocatuvavaita. Joborō cújidejavū. Aru cūraḃoa uraḃoa pārejavū máre.

<sup>52</sup> Yaivu bácvu ne jaruvaino voarejavūya. Obedivu Jūmenijicui pōeva yaivu bácvu nacovaimara marejáimaḃa na, arurājivu bedióna cojedeca.

<sup>53</sup> Aru ina nacovaimara mácvu ne jaruvainoare jocarī etarejaimaḃa, Jesús ũi nacajariburu yóboi. Etarī buojarī, Jerusalén āmicurīmaroi ecorejaimaḃa. Obedivu pōeva járejaimaḃa náre, yaivu bácvu nacovaimara mácvure. <sup>54</sup> Nore Jesús bácvure cocorī núrivu barejáima apevu churarava ne jabocūque. No joborō cújinore jári, aru caiye iye vaiye jidojaede máre, pare dápaivu cuicumarejaima. Aru arejaima:

—Jāveneca Jūmenijicui mácvu baju batecúbe ñai, arejaima na.

<sup>55-56</sup> Obedivu nomiva máre cocorī núrivu joajēmia cūrejaima. Ne jēneboi cūrejaima cūináco nomió, Magdala āmicurīmarocaco, ōi āmiá María, aru apeco nomió, ōi āmiá María máre, ico Santiago aru José népaco, aru apeco máre, Zebedeoi márai paco. Jesús ũi cūede Galilea āmicurōi caðateivu barejáima úre. Aru apevu nomiva, ina daivu bácvu úque Jerusalén āmicurīmaroi, cūrejaima nore.

**Jesús bácvu jaruvaimu ne pōe jaruvainoi**

(Mr 15.42-47; Lc 23.50-56; Jn 19.38-42)

<sup>57</sup> Dijāravu bácarō, nainú, aviá ũi dorīburu yóboi, cūinácvu ũmu nurejameḃa Pilato yebai. Ũ marejáimeḃa cūve cūvcu, Arimatea āmicurīmarocacu, ũi āmiá José. Ũ máre Jesús bácvu bueimaracacu barejáimeḃa ũ. <sup>58</sup> Pilato yebai nuri, Jesús bácvu baju bácarōre jēniacunurejameḃa ũ. Ũi jēniayede Pilato churaravavure jícōjenejameḃa Jesús bácvu baju bácarōre úre. <sup>59</sup> Aru Jesús bácvure jocucujaravede jōðavari, ĩni, meacaje docucubecaje lino āmicuricajeque ũ mácvure cūmarejaimaḃa Joséjá. <sup>60</sup> Ũ mácvure nuvari, cūracobe mamacobe, José jicobei, Jesús bácvure jaruvarejaimaḃa Joséjá. Nore jaruvarīburu yóboi, apeturava cūratuvare ĩni, jāturuvari, dicobede bidejaimaḃa. Aru bieniburu yóboi, nurejaimaḃa na. <sup>61</sup> Ne Jesús bácvure jaruvayede cūrejaimaḃa nore María Magdalacaco aru apeco María máre, dobarivu dicobe jipocai.

**Churarava ne jári coreniduino Jesús bácvu baju bácarōre ne jaruvainore**

(Mt 16.21, 17.23, 20.19; Mr 8.31, 9.31, 10.33-34; Lc 9.22, 18.31-33)

<sup>62</sup> Dijāravu yóbocajāravui, maja judiova maje jabuóvaujāravu sábadoi, ina sacerdotevare jaboteipōeva aru fariseovacavu cójjidejaimaḃa Pilato yebai. <sup>63</sup> Aru úre arejaimaḃa:

—Mũ, ñaje jabocu, ārurivubu ñaja ñai jujovayu bācu ñi aiyede apucu cāreja, yópe arí: “Yóbescurijāravua ji yainiburu yóboi nacajacuyumu yu yainore jaruvari”, ayu bateáme. <sup>64</sup>Que baru churaravare me jári coreicōjejacu mũ Jesús bācuí baju bācarōre ne jaruvainore yóbescurijāravua vaiyeta. Nópe ñajacu, ñi bueimara ne ñavamenajiyepo ayu ñi mácuí baju bācarōre ñamine. Ñi mácuí baju bācarōre ñavaivũ baru, “Jesús nacajaimi yainore jaruvari”, arí coyurājarama pōevare. Nópe ñaivũ baru, ñamei jujovajebu pōevare ne mamarũmu jujovaiye báque pñeno. Ñi mácuí “Nacajacuyumu” ñi aiyede báqueque pōevare jujovarĩduame. Ubenita “Nacajaimi” ne ájuroeque, pōevare jāve jujovajebu, arejaimađa na Pilatore.

<sup>65</sup>Pilatocapūravũ arejaimađa náre:

—Churaravare cuvavũ muja. Náre jarorĩ me coreicōjeyara Jesús bācuí baju bācarōre ne jaruvainore, arejaimađa Pilato.

<sup>66</sup>Que baru churaravare jarorĩ, cūraturava uraturava Jesús bācure jaruvaicobede bieituravare me jājare ñaicōjenejaimađa na. Aru dituravare jājare ñarĩburu yóboi, no ne jaruvainore me jári coreicōjenidurejaimađa churaravare.

**Jesús ñi nacajaino yainore jaruvari**

(Mr 16.1-8; Lc 24.1-12; Jn 20.1-10)

**28** <sup>1</sup>No judíovai jabuóvaujāravũ sábadu yóbocajāravũ, sumana buijāravũ, domingo, miadāe tuquiye jipocai, María Magdalacaco apeco Maríamaque jāranurejaimađa Jesús bācuí baju bācarōre ne jaruvainore. <sup>2</sup>Aru urarō baju joborō cújidejavũya, ángele ñi ěmeni daiye boje cavarō mearo Jūmenijicui cūrōre jocarĩ. Ñai ángele, Jūmenijicui daroimu, ěmeni, ñarĩ jāturuvarejaimađa diva cūrava uravare, no cūracobede bieiturava bācarōre. Dituravare ñi jāturuvareburu yóboi, dobarejaimađa diturava pñenora. <sup>3</sup>Ñai ángele pñonũpe páyu ārójacu barejaimađa, yópe yaroinope. Ñi

cuitótecaje boricaje baju barejávũya. <sup>4</sup>Ñe jáivũ, ina churarava dicobede jári coreniduivũ jidurivũ bididejaimađa, ne jidúe boje. Bidini, turejaimađa joborōi, yópe yaivũ bācavũpe. <sup>5</sup>Aru ñai ángele arejaimađa ina nomivare:

—Jidubejarā muja. Coreóvaivũ yu voivure Jesúre, ne jocucujaravena pñvaivũ mácure. <sup>6</sup>Yore cubebi ñi. Javeta nacajaimi, yópe ñi aiyede báquepedeca. Dajarā. Járjide apa. Ñi baju bācarōre ne jaruvaino mácarōre jājara muja. <sup>7</sup>Maumena muja muja. Yópe arí, coyujarā ñi bueimare: “Jesús nacajaimi yainore jaruvari. Nuscuyume muje jipocai Galilea ámicurijoborōi. Noi jārajaramu muja ñre”, coyujarā. Jede, quénoramũ ji coyũino mujare, arejaimađa náre.

<sup>8</sup>Que arĩburu yóboi, maumejiena dicobede etarĩ, nurejaimađa ina nomiva, jidurivũ ubenita pare torojurivũ. Cuyarĩ coyurānurejaimađa iye borore ñi bueimare. <sup>9</sup>Ne nuyede, Jesúvacari náre copurejaimađa. Aru náre jacyurejaimađa. Ñi yebai nuri, mori turejaimađa joborōi ñi jipocai. Aru ñi cubobare jēni, mearore jídejaimađa ñre, yópe judíova ne ñarĩ cōmajiyepo. <sup>10</sup>Que teni Jesús arejaimađa náre:

—Jidubejarā muja. Jivure yópe arí, coyurānujara muja, “Galileai nuri, noi yure jāranujara muja, aibi Jesús”, náre ajarā muja, arejaimađa dinomivare Jesús.

**Churarava Jesús bācuí baju bācarōre jári coreniduivũ bācavũ ne coyũino borocurō**

<sup>11</sup>Ina nomiva ne nuyedeca, apevũ ina churarava, Jesús bācuí baju bācarōre jári coreniduivũ bācavũ, Jerusalén ámicurĩmaroi nurejaimađa. Coyurānurejaimađa ina sacerdotevare jaboteipōevare caiye iye vaiye báquede náre. <sup>12</sup>Ina churarava ne coyuyede jápiaivũ bācavũ, ina sacerdotevare jaboteipōeva ina judíova bucũvaque cójjijidejaimađa, majicarājivũ ne bajumia. Cójjini buojarĩ, urarō tāuturare jídejaimađa ina churaravare. <sup>13</sup>Aru yópe arí, borocucōjenejaimađa náre:

—Yópe ajarā mŭja pōevare, “Jesús báci bueimara ñamine darí, ñje cáiyede, ñavarama ũ máci baju bácarōre”, ajarā mŭja. <sup>14</sup>Aru ñai jabocu ũi jápiaru diede, “Ina churarava boropateivubu ne jári corebe boje” arí dápíaru, ñjavacari meadarájaramu caiyede úque, ũi ñájine ðabequiyepa aivŭ mŭjare, arejaimada ina judíovai jabova.

<sup>15</sup>Que baru iye táuturare ñni, borocurí coyurejaimada ina churarava, yópe ina sacerdotevare jaboteipōeva ne coyucōjeiye báquepe. Aru no coyúno borocurōre coyŭvaivubu judíova ne bajumia pŭ caride máre.

**Jesús ũi coyucōjeino ũi yávaiye méne**

(Mt 26.32; Mr 14.28, 16.14-18; Lc 24.36-49; Jn 20.19-23; Hch 1.8)

<sup>16</sup>Ñja once paivŭ Jesúi bueimara Galilea ámicurijoborói nurejacadã. Yópe

Jesús ũi nuicōjeiye báquepe, cŭracúi nurejacadã ñja. <sup>17</sup>Noi úre jári, mearore jídejadã. Ũbenita apevŭ ñjavacŭ, “Jesús ámemi” arí, ju abedejaima. <sup>18</sup>Aru Jesús arejame ñjare:

—Caiye parúede cŭvavŭ yŭ. Jipacu Jŭmenijicu parure ðaibi yŭre, ji cōjequiyepa ayŭ caivŭ cavarō mearocavŭre aru caivŭ ijáravŭcavŭre máre. <sup>19</sup>Que baru jaroivŭ yŭ mŭjare. Buenanŭjara caivŭ ijáravŭcavŭre ji yávaiye méne, ne ju arájiyepa aivŭ diede, aru ne ðarájiyepa aivŭ ji ũrōre. Ocoque jáðovajara ina ju aivŭre jipacu Jŭmenijicure; aru yŭre, Jŭmenijicui mácure; aru ñai Espíritu Santore máre. <sup>20</sup>Buejarã náre, ne ðarájiyepa aivŭ caiyede yópe ji ðaicōjeiye báquepe mŭjare. Aru yúvacari cŭcŭyŭtu mŭjaque cainumŭa, pŭ ijáravŭ buojaiyeta, arejame ñjare Jesús. Quénoramŭ.

# San Marcos

Mamabuinore coyuiyebu Marcos bácu ùi toivaiye báquede Jesucristorã. Marcos bácu barejaquémavu judíovacacu, Bernabé bácu chimacu (Hch 5:36, Col 4:10). Jípaco bácu, María ámicucu, òi cūrami cójjiivarejaquemavu Jesúre ju aipóeva (Hch 12:12). Juan ámicucu barejaquémavu Marcos bácu. Cucunñrejaquemavu Pablo bácuque aru Bernabé bácuque (Hch 12:25, 15:37-39). Majidivú ne dápiayepe, iye coyuiyede Jesucristorã toivarejaquemavu ù mácu cucu bácu Roma ámicuriimaroi. Marcos bácu, Jesúque cubecu bácuvacari, majidejaquemavu Jesú borore Simón Pedro bácu, ñai Jesús ùi yávaiye méne beorí coyucójeimu, ùi coyuiye báque boje ù mácure Jesurã. Póecu cubebi majicu ye uju ùi toivaiuju bácaróre diede. Ëbenita obedivú majidivú ne dápiayepe Marcos bácu toivarejaquemavu Mateo bácu, Lucas bácu, aru Juan mácu ne toivarájiye jipocare, ániujña báquede 57-63 d.C. baji.

Marcos bácu jádovarejaquemavu Jesúre yópe memecaipóecupe. Judío bácuvacari, toivarejaquemavu judíova ánevure, ne majinajiyepe ayu Jesús parucure caivu pñeno, ùi ðaiye boje póeva ne ðari majibede, ùi cójeiye boje abujuvare, aru ùi jaruvaiye boje póeva ne ámeina teiyede. Coyurí búrejaquemavu Jesús ùmureca, ùi buiyede ùi memecaiyede, Juan Bautista bácu ùi jádovaiye báquede úre Jūmenijicure ocoque.

## Juan Bautista ùi coyuíno Jūmenijicui yávaiyede pōecubenoí

(Mt 3.1-12; Lc 3.1-9; Jn 1.19-28)

**1** <sup>1</sup>Yópeda teni búrejaquemavu iye yávaiye me Jesucristo Jūmenijicui mácurã coyuiye.

<sup>2</sup>Javede toivarejaquemavu Jūmenijicui yávaiyede coyucaipóecu bácu ùi ámiá Isaías, yópe Jūmenijicui aiye báquede mamacure:

Jaroivú yure coyucaipóecure mi jipocai, mi cuimare meadaquiyere ayu. <sup>3</sup>Jūmenijicure coyucaipóecu codoboboyure jápiarãjarama pōecubenoí: “Meadajarã muje ùmene copu etaburí maje jabocure, nopedeca muje meadaiyere daimare ñai ùmu, muje pueðaimú, ùi ðaquiyé jipocai”, arejaquemavu Jūmenijicu, arí toivarejaquemavu Isaías bácu.

<sup>4</sup>Nópe Jūmenijicui yávaiyede coyucayú, Isaías bácu, ùi aiye báquepedeca tedejaquemavu Juan

Bautista pōecubenoí. Póeva vaivure coyure curejameða nore. Ocoque jádovacayú pōevare Jūmenijicūque, coyuyú barejameða pōevare, ne chñori dápiarãjiyere ayu ne ámeina teiyede, Jūmenijicui árumetequiyere ayu diede.

<sup>5</sup>Obedivú póeva Judea

ámicurijoborócvu aru Jerusalén ámicuriimarcavu máre jápiarãñurejaimaða Juan Bautista yebai. Aru na coapa “Ámecubu yu” ne aríburu yóboi Jūmenijicure, ne chñori dápiayé boje ne ámeina teiyede, jádovarejameða náre Jūmenijicūque Jordán ámicuriya jiai.

<sup>6</sup>Juan Bautista dorejameða áimacu camello ámicucui pōdaque ðaicajede ùi cuitótecaje. Aru ùi járióicáva máre áimacajeque ðaicáva marejávūya. Ë áre curejameða mujuñuvare aru mumicorore máre, yópe arevú nócvu cūve cūvabevure. <sup>7</sup>Yópe arí, coyurejameða pōevare:

—Dacuyume ji yóboi cūinácú, ji pñeno parucu. Que baru caivu pñeno meacu bajube ù. Buojabevú yu orí nacachini

duayū ũi cūraidoa buoimeare. <sup>8</sup>Yū ocoque jádovaivū mujare Jūmenijicure. Ũbenita ũ macuyūme jádovañū mujare Jūmenijicuque, daroyū Espiritu Santore, arejameđa Juan Bautista.

**Juan Bautista ũi jádovaino Jesúre Jūmenijicuque**

(Mt 3.13-17, 12.18; Mr 9.7; Lc 3.21-22)

<sup>9</sup>Dijārvuui Jesús nurejameđa Nazaret āmicurīimarore jocarī, etacuyū Galilea āmicurījorborōe jocarī, nuñū Juan Bautista yebai. Aru Juan Bautista jádovarejameđa ũre Jūmenijicuque Jordán āmicuriya jiai. <sup>10</sup>Maumena ũi maiyede jiare jocarī, Jesús járejameđa cavarō mearo vorī nuinore. Aru ñai Espiritu Santo jurecope ēmeni darejameđa ũi pñenora. <sup>11</sup>Aru jápiarejameđa apeno yāvainore, cavarō mearo Jūmenijicui curōque aiyede yópe: “Mū, jímacū, ji ũmū, me torojūvū yū mure”, arejameđa Jesúre Jūmenijicu.

**Abujuvai jabocu Jesúre ũi jujovarīduino**

(Mt 4.1-11; Lc 4.1-13)

<sup>12</sup>No yóboi ñai Espiritu Santo nūvarejameđa Jesúre pōcūbenoi. <sup>13</sup>Cuarenta pajārvuua Jesús curejameđa nore, āimara jije curivū ne jēneboi. Que teni ñai abujuvai jabocu, Satanás āmicūcu, jujovaiyūrīdurejameđa ũre. Aru ángeleva coreni cađatedejaimađa Jesúre.

**Jesús Galileai ũi bueni buino**

(Mt 3.2, 4.12-17; Lc 4.14-15)

<sup>14</sup>Dinūmure Herodes āmicūcū jabocu būorejameđa Juan Bautistare. ũre būorīburu yóboi, Jesús nurejameđa Galilea āmicurījorborōi, coyūcuyū iye yāvaiye méne, Jūmenijicui coyūicōjeiyede ũre. <sup>15</sup>Que teni arejameđa pōevare: —Jave eaiyu dijārvū. Maumena Jūmenijicu mujare jabotecuyūme. Que baru chōjara mūje āmeina teiyede. Oatūvajarā mūje daiyede. Aru ju ajarā iye yāvaiye méne, Jūmenijicui coyūcaiyede mujare, arejameđa Jesús.

**Jesús ũi “Dajarā” aino yóvaicūvaivū moa boaipōevare**

(Mt 4.18-22; Lc 5.1-11)

<sup>16</sup>No yóboi Jesús cuyū macajitabu urabu Galilea āmicurījitabu ēcarūi, járejameđa Simóre aru Andrés ĩmacūmaquevure. Moa boarī bojeđaipōeva marejáimada na. Que baru dūvaivū barejáimada ne pápicure no macajitabui. <sup>17</sup>Ne que teiyede, Jesús arejameđa náre:

—Dajarā yáque. Aru epequijivū mujare, mūje davarājiyepē pōevare ji yebai, yópe mūje moare davaiyepē pápicūque, ji meadaquiyepē náre, arejameđa Jesús.

<sup>18</sup>Que ayure jápiarī, dajocarejaimada ne pápicūare, nūrajivū Jesúque.

<sup>19</sup>Aru cuyū cāreja, jipocai járejameđa Zebedeoi mārare, ne āmiá Santiago aru ĩmacū Juan. ĩmarejaimada ne jiađocūi, meadaivū ne pápicūare.

<sup>20</sup>Járina cuturejameđa náre. Quénora cūiná dajocarejaimada népacure ũre memecaipōevaque jiađocūi, nūrajivū Jesúque.

**Abujucu ũi ĩmamū Jesúre ũi copūino**

(Mt 7.28-29; Lc 4.31-37)

<sup>21</sup>Jesús ũi bueimaraque earejaimada Capernaum āmicurīimaroi judóvai jabúovaijārvū sábadoi. Judóvai cójjiñami ecorī, Jesús buedejameđa ina pōeva noi curivure. <sup>22</sup>Ina Jūmenijicui yāvaiye báquede bueipōeva pñeno buedejameđa náre, yópe parūcure. Que baru ina jápiaivū ũi buiyede torojurī cuecumarejaimada. <sup>23</sup>Aru curejameđa judóvai cójjiñami cūinācū ũmū, abujucu ũi ĩmamū. <sup>24</sup>Cođoborī arejameđa Jesúre:

—Mū, Jesús Nazarecacū, zyéde ũcurū mū ñūjaque? ¿Jarūvacūdayū dacurū mū ñūjare? Coreóvaivū yū mure. Jūmenijicui mácu meacu bajubu mū, arī cođoborejameđa.

<sup>25</sup>Ũbenita Jesús bi aicōjenejameđa ũre:

—Mū, bída etajacu ñai ũmure jocarī, arejameđa Jesús.



<sup>26</sup>Que baru abujucu bidióvarejameđa pare ñai ñmure. Cođoboborí pare, etarejameđa úre jocarí. <sup>27</sup>Aru cuecumari jáivu ina pōeva, arejaimađa ne bajumia: —¿Yéba yo? ¿Ye bueiye mamaema iye? Úi yávaiye paruéque jaruvaibi abujuvare. Aru nácapúrvavu ju adama úre, arejaimađa na.

<sup>28</sup>Aru maumejiena majidejaimađa Jesúi borore caino Galilea ámicurijoborōcavu caivu.

**Jesús ũi meadaino Simón Pedro  
vácure**

(Mt 8.14-15; Lc 4.38-39)

<sup>29</sup>Etaivũ bácavu judíovai cójijĩnamine jocarí, ecoránurejaimađa maumena ne cūrami ina Simón aru Andrés máre. Santiago aru Juan máre yóvarejaimađa náre. <sup>30</sup>Ico Simói váco moimo pararejacođa. Aru cūiná coyurejaimađa Jesúre òi borore. <sup>31</sup>Que baru Jesús nurejameđa òi yebai. Jēni òi purure, óre nacovarejameđa. Aru maumejiena ðajocarejavũya moino óre. Dinũmũmia áiyede meadari jídejacoda náre.

**Jesús ũi meadaino obedivu ijimarare**

(Mt 8.16-17; Lc 4.40-41)

<sup>32</sup>Dinainumica ñamijie baji avia ũi doríburu yóboi, jabuóvaujārvavu vaiyede, ina ímarocavu nũvarejaimađa Jesús yebai caivu ijimarare, aru abujuva ne ímamarare máre. <sup>33</sup>Que teni caivu ina ímarocavu cójijidejaimađa jedevacobena. <sup>34</sup>Jesús meadarejameđa obedivu ijimarare. Caiye ijiéde jarũvarejameđa. Jarorejameđa náre jocarí ina abujuvare máre. Aru yávare ðabedejameđa, ne coreóvaiye boje úre.

**Jesús Galileai ũi bueino**

(Mt 4.23, 9.35; Lc 4.42-44)

<sup>35</sup>Jesús coedarí nacajari ñeminomia, avia ũi cōaquiye jipocai, nurejameđa pōecubenoí. Jēniare cuyu barejámeđa Jũmenijicuque. <sup>36</sup>Miadáe tuyede Simón úcavũque vorejaimađa Jesúre. <sup>37</sup>Vorí earí, arejaimađa úre: —Caivu pōeva vodama mũre, arejaimađa Jesúre.

<sup>38</sup>Náre arejameđa:

—Járica, apenoa ímaroa joabenoai nũrevu, coyurājivũ Jũmenijicuí yávaiyede noi. Que baru daivu yũ, coyucudayũ diede, arejameđa Jesús.

<sup>39</sup>Coyurejameđa Jũmenijicuí yávaiyede caino Galilea ámicurijoboróí judíovai cójijijĩnamiai. Aru jaetovarejameđa abujuvare máre.

**Jesús ũi meadaino pojeiyure**

(Mt 8.1-4; Lc 5.12-16)

<sup>40</sup>Cūinácu pojeiyũ nurejameđa Jesús yebai. Aru ñuatutarí, arejameđa úre: —Mũ ucũ baru, meadajacu ji pojeiyede. Bũojaivũ mũ meadayũ yũre, arejameđa.

<sup>41</sup>Que ayũre jápiarí, Jesús cōmaje āroje jári, ũi purũque jabióvarí tuoũ, arejameđa úre:

—Úvu yũ. Caride meatejacu mũ, arejameđa Jesús.

<sup>42</sup>Maumejiena Jesús ũi que aiyeda vaidéjavũya úre. Meatedejameđa ũ. <sup>43</sup>Úbenita Jesús majicarejameđa parurōreca, “Nũjacu” ayũ úre, arejameđa majicaríduyũ:

<sup>44</sup>—Coyũbejacu apevure. Cūiná nũri, jáđovajacu sacerdotede. Aru jíjacu mi meateiye boje, yópe Jũmenijicuí ðaicójeiyede ũi coyũiye báquepe Moisés bácure, pōeva ne coreóvarājiyepẽ ayũ mi meateinore, arejameđa úre Jesús.

<sup>45</sup>Úbenita coyure nurejameđa Jesúi borore. Que baru ecorí majibedejameđa Jesús pōeva ne jáinore. Quénora curejameđa pōecubenoí. Aru nũrejaimađa pōeva, cainoa ímaroacavu, ũi yebai.

**Jesús ũi cure ðaino nacajaiye  
majibecure**

(Mt 9.1-8; Lc 5.17-26)

**2** <sup>1</sup>Ecorejameđa Jesús cojedeca Capernaum ámicuríimaroí obedijārvava yóboi. Jápiarejaimađa cũcure cūrami. <sup>2</sup>Que baru cójijidejaimađa obedivu pōeva. Buiń jajidejaimađa jedevacobeita. Aru Jesús coyurejameđa Jũmenijicuí yávaiyede náre. <sup>3</sup>Dinũmũ yóvaicuvaiyũ ũmũva

nɔvarejaimada ũi yebai cūinácu ũmu nacajaiye majibecure. <sup>4</sup>Ūbenita ecoivu buojabedejaimada Jesús yebai, pōeva obedivu ne cue boje. Que baru mɔri nɔri cūrami puenora, voarejaimada diede, ěmeóvarajivu ñai nacajaiye majibecure ũi parainoque Jesús yebai. <sup>5</sup>Náre coreóvayu ju aivure, Jesús arejamedá ñai nacajaiye majibecure:

—Mɔ, ji ɔmu, mi ámeina teiyede jaruvári árumeteivu yu, arejamedá Jesús.

<sup>6-7</sup>Noi dobarejaimada obebevu Jūmenijicui yávaiye báquede bueipōeva, dápiavu ne ðaiyūrōre: “¿Aipe teni que yávayuba ñai? Jūmenijicui ũbenore ðaibi ũ. ¿Ñamema buojari jaruvayu ámeina teiyede, árumeteni diede? Quénora cūinácurabe Jūmenijicu jaruvayu diede” arí, dápiarejaimada na.

<sup>8</sup>Jesús járí coreóvarí maumejiena ne baju ne dápiayede, jēniari járejamedá náre:

—¿Aipe teni que arí dápiavurū mɔja? <sup>9</sup>Maiyójabevu yópe aru apecure, “Mi ámeina teiyede jaruvári árumeteivu yu”, ji paruéde jáðovame boje, ji que coyuyede. Ūbenita maiyójarótamu nacajari cuicójenú nacajaiye majibecure. Ūre cure ðayu baru, jáðovaquijivu ji paruéde. “Mi ámeina teiyede jaruvavú” ji aiyede, coreóvabevu mɔja Jūmenijicui árumeteinore diede. Ūbenita ñai cuvacu Jūmenijicui majié paruéde, ũrame yópe ðarí jáðovaiye majicu. Quécura Jūmenijicuvacari meadarí majibi iijimarare. <sup>10-11</sup>Que baru mɔje majinajiyere ayu Jūmenijicui daroimá mácu ũmure, yu, paruéde cuvacure ijáravure, jaruvacuyu ámeina teiyede, yópe ðaquijivu yu, arejamedá Jesús.

Dinɔmu arejamedá nacajaiye majibecure:

—Yópe aivu yu mure, nacajari, mi parainore ñni, nɔjacu mi cūrami, arejamedá ũre Jesús.

<sup>12</sup>Dinɔmuma nacajari maumejiena, ũi parainore ñni, etarejamedá ne jēneboi. Caivu cuecumari, mearore jídejaimada Jūmenijicure. Aru, “Aipinɔmu jámeteavū maja yópe painore”, arejaimada na.

### Jesús ũi “Dajarā” aino Levíde (Mt 9.9-13; Lc 5.27-32)

<sup>13</sup>No yóboi Jesús nurejamedá cojedeca macajitabu urabu ěcarui. Caivu pōeva nurejaimada ũi yebai. Aru bueyu barejamedá náre. <sup>14</sup>Dinumure vainí nuñu járejamedá Levíde, Alfeoi mácure, dobacure ũi memeitucubui, pōeva ne Roma ámicurō jaboteino bojedainoi. Aru arejamedá ũre:

—Dajacu yúque, arejamedá Jesús.

<sup>15</sup>Nacajari nurejamedá Jesúque. Aru obedivu pōeva nurejaimada ũi yóboi. Que teni Jesús ũi ácnuyede Leví cūrami, obedivu jabovare táutura ícaipōeva, ámeno ðaipōeva, aru ũi bueimara máre dobarejaimada, árajivu Jesúque. <sup>16</sup>Apevu judíova, ðaicójeiyede ðaiye cōmajivu, fariseo ámicuriyajubocavu, curejaimada nore. Ina fariseovacavu, Jūmenijicui yávaiye báquede bueipōeva, Jesús áñure járí, ina jabovare táutura ícaipōevaque aru ámeno ðaipōevaque máre, arejaimada ũi bueimarare:

—¿Aipe teni áñuma jabovare táutura ícaipōevaque aru ámeno ðaipōevaque máre? jēniari járejaimada náre.

<sup>17</sup>Que aivure jápiarí, Jesús arejamedá:

—Meara pōevare juoipóecuí cadateiye jaubevu. Quénora iijimarare ũi cadateiye javvu. Dabedejacacu yu ijáravui, cutucuyu mearare ne baju dápiainore. Quénora darejacacu yu, meadacuyu ámenare, ne chíorajiyepe ayu ne ámeina teiyede, Jūmenijicui árumetequiyepe ayu diede, arejamedá Jesús.

### Pōeva ámevva áiyede ne jēniaino Jūmenijicue (Mt 9.14-17; Lc 5.33-39)

<sup>18</sup>Dinɔmu Juan Bautistai bueimara aru fariseovai bueimara máre ne jēniayede Jūmenijicueque ámenejaimada áiyede. Aru pōeva earí, jēniari járejaimada Jesúsre:

—¿Aipe teni Juan Bautistai bueimara aru fariseovai bueimara máre ámevva áiyede, ũbenita mi bueimara ámevva ámema áiyede? arejaimada.

<sup>19</sup> Jesús arejameđa náre:

—Ina purubuooy ũi cutuimara, ne torojuve tenajiyepe ayu ũi purubuoiyede, ye ámevu ámemá áiyede ũi cuede cáreja náque. Nopedeca ji bueimara torojurivu ji cuede náque, ámevu ámemá áiyede.

<sup>20</sup> Ūbenita ji mauva ne nuvarajiyede yure, ji bueimara chíoiyu ámenajarama áiyede, arejameđa Jesús.

<sup>21</sup> Cojedeca Jesús buedejameđa náre:

—Pöeva jëomema cuitótecaje mamacaje joabecajei javecaröre. Nópe đaru, no jëoicajeva mamacaje jađevajebu javecaröre. Que đaru, püeno baju járojebu codeicobe. Quédeca ñame buojabema ju aivu ji bueiye mamaene aru javeque bueiyeđe máre. <sup>22</sup> Pöeva yuabema vino úyaicorore mamacorore áimacaje curubu javecacurubuque. Que đaru, codeóvajebu dicurubure. Yuri bíjajebu dicoro. Aru bíjajebu dicurubu máre. Ūbenita ne yuaru mamacorore mamacurubuque bíjajebu dicoro. Quédeca ñame buojabema đaiyu yópe ji bueiye mamaepe, đare nuivu baru yópe ne jave đaiye báquepe, náre arí buedejameđa Jesús.

**Jesúí bueimara ne puyoino oteiyede  
jabuóvaujāravu**

(Mt 12.1-8; Lc 6.1-5)

<sup>23</sup> Apejāravu, judíovai jabuóvaujāravu sábadoi, Jesús vaidéjameđa oteiyé curói ũi bueimaraque. Aru ũi bueimara jënejaimađa iye oteiyede. <sup>24</sup> Apevu fariseova jëniari járejaimađa úre:

—Jájacu. ¿Aipe teni mi bueimara đaiyuba ámeno, maja judíova maje đaicójemeno, jabuóvaujāravure? arejaimađa na.

<sup>25</sup> Ūbenita Jesús, ũi dápiaiye boje ũi bueimara ámeno đabevure, arejameđa náre:

—¿Jāve ārmetenaru muja yo David bácuí đaino mácaröre, úre jauéde aru ávué ijíéde úre, úque curivure máre?

<sup>26</sup> Ū mácu ecorejaquemavu Jūmenijicui cūrami, Abiatar bácu ũi sacerdotevare jaboteiye báquede. Aru ārejaquemavu páure, Jūmenijicure jíye báquede, ina

sacerdoteva ne áiyede, sacerdote ámevu bácavacari. Aru jídejaquemavu úque curivure máre, sacerdoteva ámevu bácavureca. Ūbenita Jūmenijicu ñájine đabedejaquemavu na mácavure, arejameđa Jesús.

<sup>27</sup> Cojedeca Jesús arí buedejameđa:

—Jūmenijicu epedejaquemavu jabuóvaujāravure pöevare boje. Ūbenita epebedejaquemavu pöevare dijāravure boje.

<sup>28</sup> Yu, Jūmenijicui daroimu mácu ũmure, jabocubu yu. Que baru đaicójeni buojaivu yu pöevare ne đaiyede caijāravuare aru jabuóvaujāravuare máre, arejameđa Jesús.

**Jesús ũi meadaino ũmu ámuve  
jiacubecure**

(Mt 12.9-14; Lc 6.6-11)

**3** <sup>1</sup> Bedíova Jesús ecorejameđa cojedeca judíovai cójijíñami. Noi curejameđa cūinácu ũmu, ámuve cūinápūravu jiacubecu. <sup>2</sup> Aru fariseovacavu Jesúre coreni járejaimađa. Jesús ũi meadaru ñai ũmure, ámuve jiacubecure, judíovai jabuóvaujāravu sábadoi, jáiyurivu, boro coyurí adaiyuríduivu barejáimada úre. <sup>3</sup> Dinumuma Jesús arejameđa ñai ũmu ámuve jiacubecure:

—Nacajari nújacu pöeva jëneboi, arejameđa Jesús.

<sup>4</sup> Aru arejameđa apevu noi curivure:

—Jëniari jáquijivu cūináro mujare. ¿Yéde đaicójeini Jūmenijicu jabuóvaujāravure, mearore o ámenore; meadaru pöevare o boarí jaruvuru náre? arejameđa Jesús.

Ūbenita bi arejaimađa na. <sup>5</sup> Que baru Jesús jararí chíorejameđa, ne coreóvabe boje. Aru arejameđa ñai ũmu ámuve jiacubecure:

—Jabióvajacu mi ámuvede, arejameđa Jesús.

Ū jabióvaiyede meatedejavūya ũi ámuve. <sup>6</sup> Que teni ina fariseova etaiyu bácavu cójijidejaimađa Herodede cadateipöevaque. “Boarí jaruvurājavu”, arí dápiaiye barejáimada Jesúre.

**Jesús ũi meadaino obedivu pöevare  
macajitabu urabu écarui**

(Mr 4.1; Lc 5.1-3)

<sup>7-8</sup> Jesús apevure dajocarí nurejameđa macajitabu urabu écarui ũi bueimaraque.

Obedivũ pöeva cujurejaimada ùi yóboi, Galilea aru Judea ãmicurijoboröacavũ, Jerusalén ãmicuriiमारocavũ, Idumea ãmicurijoboröcavũ, aru Jordán ãmicuriya jia apedüvecavũ: Tiro aru Sidón ãmicuriiमारocavũ máre. Obediyajuboa pöeyajuboa nũrejaimada ùi yebai, jápiaivũ ðayure urarö pöeva ne ðarí majibede. <sup>9</sup>Aru Jesús arejaimada ùi bueimarare:

—Meðarí corejarã jiadocüre, pöeva obedivũ ne ðaríburu, jatujivarí, ne chítomenajipe yure, arejaimada Jesús.

<sup>10</sup>Obedivũ ùi meadaiye báque boje, apevũ ijimara ùre chítorejaimada, tuoiyuríduivũ ùre.

<sup>11</sup>Aru ina abujuva ne ñamara máre Jesúre jári, mori turí codoborejaimada ùre:

—Mũrecabu Jũmenijicui mácu, arí codoborejaimada.

<sup>12</sup>Ûbenita Jesús yávaicöjemenejaimada paruröque, apevũ ne coreövabenajipe ayũ ùi ðaiyede.

**Jesús ùi beoino ùi yávaie méne  
coyucöjeimarava**

(Mt 10.1-4; Lc 6.12-16)

<sup>13</sup>No yóboi Jesús muri nũrejaimada cũracũ. Aru órejurejaimada ùi umarare.

<sup>14-15</sup>Beorejaimada doce paivure. Aru epedejaimada náre ùi yávaie méne beorí coyucöjeimarare, ne yóvarãjipe ayũ ùre aru jarocuyũ náre ne coyurãjipe ayũ Jũmenijicui yávaiyede. Paruéde jídejaimada náre, ne jaetovarãjipe ayũ abujuvare. <sup>16</sup>Jesús epedejaimada ina doce paivure: Simón ãmicucu bácuire ãmidorejaimada Pedro. <sup>17</sup>Zebedeoi mácu Santiago, aru Santiagoi yócu Juan máre, ãmidorejaimada náre Boanerges, öpo tuinoi mára ayũ. <sup>18-19</sup>Apevure máre beorejaimada Jesús: Andrés, Felipe, Bartolomé, Mateo, Tomás, Alfeoi mácu Santiago, Tadeo, Simón ãmicucu Celote, aru Judas Iscariote máre. Ñai marejaimada jëni jícuũ Jesúre ùi mauvare. Que teniburu yóboi, Jesús ecorejaimada cũrami.

**“Abujuvai jabocui paruéde cuvabi ù”  
arí, ne boro coyurí aðariduino Jesúre**

(Mt 9.34; 10.25, 12.22-32;  
Lc 11.14-23, 12.10)

<sup>20</sup>Bedióva cójjidejaimada obedivũ pöeva. Aru ãicöjemenejaimada

Jesúre, ùi bueimarare máre. <sup>21</sup>Pöeva “Árumemi” ne are cuiye boje ùre, ù jivũ jápiarí, nũrejaimada, ùre jënanuivũ.

<sup>22</sup>Ûbenita ina Jũmenijicui yávaie báquede bueipöeva, ëmeni ðaivũ bácu Jerusalén ãmicuriiमारore jocarí, arejaimada:

—Cuvabi Beelzebúre. Que baru abujuvai jabocui paruéque jaetovaibi abujuvare, arejaimada.

<sup>23</sup>Jesús náre óreyayũ bácu ùi yebai, yópe corejurejaimada:

—¿Aipe teni buojaidica abujuvai jabocu jaetovayũ ùi baju? <sup>24</sup>Cũináro jaboröcavũ ãðamateivũ baru ne bajumia, ina jaboröcavũ cũinájarama na. <sup>25</sup>Aru nopedeca cũináðami cũramicavũ ãðamateivũ baru ne bajumia, ðiñamicavũ cũinájarama na. <sup>26</sup>Aru nopedeca bájebu ñai abujuvai jabocu, jaetovayũ baru abujuvai jabocure. ãðamateyũ bájebu ùi bajuma. Aru jaetovayũ baru abujuvare, joe parucu cubejebu ù.

<sup>27</sup>Ûbenita buojaino ãmevũ ecoivũ ñai ùmũ parucui cũramine, ñavarajivũ ùi cuvæde. Mamarũmũre ùre buorí, que ðaivũ bácvuta buojaiivũ ñavaivũ ùi cuvæde, arejaimada Jesús.

Nópe ayũ, Jesús yópe aiyucu barejaquémavu: Ëvacari parubi abujuvai jabocu pũeno, ùi jaetovaiye boje abujuvare pöevare jocarí.

<sup>28</sup>Aru Jesús arejaimada:

—Jãve coyuyũbu mujare: Jũmenijicu ãrumetecuyũme caiye iye muje ãmeina teiyede, aru caiye iye Jũmenijicure ãmeina yávaiyede máre. <sup>29</sup>Ûbenita ácu pöecu ùi yávaru ãmeina ñai Espiritu Santore, aipinumu Jũmenijicu ãrumetecube ùi ãmeina teiyede. Quéðata boropatecuyũme, bíjacuyũ Jũmenijicure jocarí cainũmũ, náre arí buedejaimada Jesús.

<sup>30</sup>Nópe arejaimada Jesús, ina Jũmenijicui yávaie báquede bueipöeva “Ñai ùmũ cuvabi abujucure”, ne borocurí yávaie boje ùi borore.

**Jesús ù jina ne voino ùre**  
(Mt 12.46-50; Lc 8.19-21)

<sup>31</sup>Ðinũmũre Jesúí yóva aru jípacu máre earí, jdevamia mauteni

órejaicōjenejaimada úre. <sup>32</sup>Aru ina pōeva obedivu dobarivu ñi curōi arejaimada úre:

—Mipaco aru míyova máre jedevai cūma. Aru vodama mure, arejaimada úre.

<sup>33</sup>Aru Jesús arejamedá:

—¿Namema jipaco aru jíyova? jēniari járejamedá Jesús.

<sup>34</sup>Ina pōeva obedivu dobarivure ñi curōi jári, arejamedá:

—Yuibu jipaco aru jíyova máre. <sup>35</sup>Que baru caivu ina ñaivu Jūmenijicui urōpe, nárecabu jíyocupe páyu, aru jíyocope pádo, aru jipacope pádo máre, arejamedá náre Jesús.

**“Oteipōecure” jári dápiari ne ñarājiyepe aino**

(Mt 13.1-9; Lc 5.1-3, 8.4-8)

**4** <sup>1</sup>Apejāravu Jesús buedejamedá cojedeca macajitabu urabu écarui. Aru obedivu pōeva cójjidejaimada ñi yebai. Que baru jiadocū écaru joabenoí curicūre jári, jaturí dobarejamedá dicūra, buesuyū pōevare. Aru caivu ina pōeva curejaimada macajitabu urabu écarui. <sup>2</sup>Náre buedejamedá jári dápiari ne ñarājiyepe ayu caijīe apejīene. Aru arejamedá ñi bueiyequé:

<sup>3</sup>—Jápijarā. Yui oteipōecu otesññquemavu. <sup>4</sup>Ñi oteiyede ape oteye tñquemavu ma écarui. Aru mǐjina darí, āradaquemavu caiye iye oteiyede. <sup>5</sup>Ape oteye tñquemavu joborō edubenoí cūraboá pñenoí. Nore joborō yaurijīe cūbeniburu, maumejiena píari etaquemavu. <sup>6</sup>Ñbenita avía ñi boiyede équemavu. Aru nuomua ñmujurimua cūbeni, yaiquémavu. <sup>7</sup>Ape oteye tñquemavu miucña jēneboi. Aru yóboi miucña bucūrī, muiní, chíoyede, jēiye jēmetequemavu. <sup>8</sup>Aru ape oteye tñquemavu mearo joborōi. Aru jēiye jēquemavu, apeñu jēiñu treinta paivua, aru apeñu jēiñu sesenta paivua, aru apeñu jēiñu cien paivua, caiye oteiyabea coapa, náre arí buedejamedá Jesús.

<sup>9</sup>Dinñmu Jesús arejamedá náre:

—Me jápijarā mǐja iye ji bueiyede, arejamedá Jesús.

**Aipe aiyurōre Jesús ñi jári dápiari ne ñarājiyepe aino**

(Mt 13.10-17; Lc 8.9-10)

<sup>10</sup>Jesús ñi cuede cūinácūva, apevu ñi yebai joabenoí curivu aru ñi bueimara máre jēniari járejaimada úre:

—¿Aipe teni bueyurū mu jári dápiari ñuje ñarājiyepe ayu mi coyuiyeque? arejaimada.

<sup>11-12</sup>Jesús arejamedá náre:

—Mujare coyurí majide ñayubu yu Jūmenijicu ñi coyucōjeme máquede. Ñ jaboteibi mujare, ñi pōevare. Ñbenita ina ñi jaboteimara āmevu, yópe jedevai curivupe, diede majibema. Quéda jári dápiari ne ñarājiyepe ayu bueyubu yu náre, jáivureca, ne jári majibenajiyepe ayu aipe aiyurōre ne jáiyede, aru jápiaivureca, ne jápiari majibenajiyepe ayu aipe aiyurōre ne jápaiyede. Na majidivu baru, chíori oatavajebu ne ñaiyede. Jūmenijicure ju aru, ārumetejebu ñ ne āmeina teiyede, arejamedá Jesús.

**Jesús ñi coyūino aipe aiyurōre “oteipōecure” jári dápiari ne ñarājiyepe aino**

(Mt 13.18-23; Lc 8.11-15)

<sup>13</sup>Yópe arí, Jesús coyurejamedá ñi bueimarare:

—¿Majibenaru yo jári dápiari muje ñarājiyepe ayu ji ainore? ¿Aipe ñari majinajivurū caiye ji jári dápiari muje ñarājiyepe ayu arí bueiyede? <sup>14</sup>Iye oteye Jūmenijicui yávaiyepe paiyebu. Aru ñai oteipōecu Jūmenijicui yávaiyede coyurpōecupe páyube. <sup>15</sup>Aru inamu ma écarui oteye turíduye báquepe paivu. Náre coyuiyede Jūmenijicui yávaiyede jápiadama, ñbenita coreóvari eabevva. Que baru ne jápiariburu yóboi, ñai abujuvai jabocu darí, ārumetede ñabi Jūmenijicui yávaiyede, ne jápaiye báquede. <sup>16</sup>Aru inamu joborō edubenoí, cūraboá pñenoí, oteye turíduye báquepe paivu. Jūmenijicui yávaiyede jápiari, torojma me. <sup>17</sup>Ñbenita Jūmenijicui yávaiyede ju aríduyama. Que baru quíjino

yóboi, pōeva ne cārijovaru aru ñájine ðaru náre, ne ju aiyे boje, maumena ðajocadama ne ju aiyede Jūmenijicui yávaiyede. Que teni ju abema na. <sup>18-19</sup>Aru inamu miucua jēneboi oteiyе turiduiyе báquepe paivу. Na máre jápiaivу Jūmenijicui yávaiyede, ũbenita cārijināma ijāravуquede. Torojuma tāturaque. Aru cūvaiyuma caijīe apejīene. Que baru dāpiadama caiyе diede. Ũbenita dāpiabema Jūmenijicui yávaiyede. Que baru Jūmenijicui cadatebebi náre ũi yávaiyеque yópe ũi ũrópe. <sup>20</sup>Ũbenita inamu mearo joborōi oteiyе tuiyе báquepe paivу. Jūmenijicui yávaiyede jápiadama. Aru diede ju adama. Nárecabu ju are ðaivу apevу pōevare, apevу treinta paivure, apevу sesenta paivure, aru apevу cien paivure, arī buedejameða Jesús.

**“Pēoibure” jári dāpiarī ne ðarājiyеpe aino**

(Mt 5.15, 7.2, 10.26, 13.12, 25.29; Lc 6.38, 8.16-18, 11.33, 12.2, 19.26)

<sup>21</sup>Cojedeca Jesús, yópe arī, buedejameða náre:

—¿Pōecu ðavaiði pēoibure, ñōcуu ðibure puebу cāchinoi o paraino cāchinoi? Bi, quénora tuoibi ðibure jocuve puenora. <sup>22</sup>Que baru caiyе yaveiyе báque jároquiyebu. Aru dupiόvaiyе báquede máre járajarama caivу pōeva. <sup>23</sup>Me jápiajarā muja iye ji bueiyede, arejameða Jesús.

<sup>24</sup>Aru cojedeca, yópe arī, buedejameða náre:

—Me dāpiajarā muje jápiaiyede ji bueiyede. Yópe pōeva adama: “Mi corevacaru apеcure cūinárу jororуque, ðiðumica Jūmenijicui corevacacуume mure. Aru jícуume pueno baju”.

<sup>25</sup>Nopedeca ñai jápiaiyure Jūmenijicui yávaiyede Jūmenijicui pueno baju ũi majiéquede jícуume ũre. Ũbenita ñai jápiabecure Jūmenijicui yávaiyede, iye ũi quíjino majiéde Jūmenijicui ũre icуume, arejameða Jesús.

**“Oteiyе bucūinore” jári dāpiarī ne ðarājiyеpe aino**

<sup>26-27</sup>Cojedeca Jesús arī coyurejameða:

—Jūmenijicui jaboteino yópe painotamu. Cūinácу ũmu ũi oteiyе epeiye joborōi, oteni buojarī cāimi ũ ñamiá coapa aru coedaibi jāravua coapa. Que teni ārūmemi diede, oteiyе báquede. Ũi oteiyе bucūivу, ũbenita ũi majibedeca. <sup>28</sup>No joborō bucure ðaivу no bajumia. Mamarumу etaivу cainiñу. No yóboi etaivу yoca. No yóboi baji etaivу ðiñу jēiyoa. <sup>29</sup>Aru jēijāravу eaiyede, jēiyoa coboiyede, pōeva jēñaima ðivuáre, arejameða Jesús.

**“Oteiyabe mostazare” jári dāpiarī ne ðarājiyеpe aino**

(Mt 13.31-32; Lc 13.18-19)

<sup>30</sup>Jesús arejameða:

—¿Yépe ārojari yo Jūmenijicui jaboteino? ¿Yéque jári coyurājidi maja nore? <sup>31</sup>Yópe mostaza āmicuriyabe oteiyabepebu. Cūinácу ũmu ðiyabede ñni, oteibi joborōi. ðiyabedecabu oteiyabe quíjiyabe caiyе oteiyе pueno. <sup>32</sup>Ũbenita ũi oteniburu yóboi, bucūrī muivу ũracу ape oteiyе pueno. Aru ðicu cavabua ũracavabua nuivу. ðicu taino cāchinoi, mífjina ne juaiboa ðadama, arejameða Jesús.

Nopedeca mamarumure Jūmenijicui jaboteino quíjinotamu, pōeva obebevу ne cue boje noi. Ũbenita Jūmenijicui yávaiyе méne coyurīburu yóboi, ũrarótamu no Jūmenijicui jaboteino, obedivу pōeva ne cue boje noi.

**Aipe teni Jesús ũi bueino jári dāpiarī ne ðarājiyеpe aiyede**

(Mt 13.34-35)

<sup>33</sup>Yópe arī, buedejameða Jesús Jūmenijicui yávaiyede jári dāpiarī ne ðarājiyеpe ayу. Ne jápiarī coreóvarājiyеpe ayу buedejameða náre cainumua.

<sup>34</sup>Coyure curejameða cainumua jári dāpiarī ne ðarājiyеpe aiyеque ũi bueinore. Ũbenita coyurejameða ũi bueimarare aipe aiyuede iye jári dāpiarī ne ðarājiyеpe aiyede.

**Jesús ũmevure ũi bjaroino**

(Mt 8.23-27; Lc 8.22-25)

<sup>35</sup>ðijāravumica nainújie baji Jesús arejameða ũi bueimarare:

—Járica, macajitabu urabu apeduvei nurevu, arejameda náre.

<sup>36</sup>Quénora dajocarí nurejaimada, navaivu Jesúre pöevare jocarí jiadocúi. Apevu pöeva nurejaimada jiadocúi, náre coapa yóvaivu náre. <sup>37</sup>Aru jataivure japurejavüya ümevu parurõ baju. Pácaiboa coipe boje jiadocúi, buidjéjavüya dicüre oco. <sup>38</sup>Übenita Jesús cãñu marejámeda japuvaino yebai. Tüorejameda jabuóvaiboi. Aru coedavarí, arejaimada úre:

—¿Mü jidübecurü maje corájinore? arejaimada.

<sup>39</sup>Jesús coedarí jararejameda ümevure. Aru arejameda macajitabure:

—Quénora, pácamejabu, arejameda Jesús.

Que aiyede, ümevu bíjacunari, pácamenejavüya díbu macajitabu. <sup>40</sup>Que teni Jesús arejameda üi bueimare:

—¿Aipe teni jidurivurü müja? ¿Aipe teni “Jesús meadacuyume ñujare”, abevurü müja? arejameda.

<sup>41</sup>Jesús üi que aiyede, cucumari arejaimada ne bajumia:

—¿Yécuba ñai yópe ñayü, ümevu aru macajitabu máre ju aimü? arejaimada na.

### Jesús üi meadaino ümü abujuva ne ímamure

(Mt 8.28-34; Lc 8.26-39)

**5** <sup>1</sup>No macajitabu urabure jatari nuri, apeduvei jatarejameda Jesús üi bueimaraque. Diduvei curejaimada na, Gerasa ámicurõcavü. <sup>2</sup>Aru Jesús üi maiyede jiadocüre jocarí, maumejiena copü nurejaimada cüinácu ümü, abujuva ne ímamü. Yaivu bácvü ne baju bácarõre japuvainore jocarí etarejameda. <sup>3</sup>Cucu barejámeda noi. Aru ñame buojabedejaimada buoivu úre tãumeaque. <sup>4</sup>Cainumua úre üi áraðoare aru üi ámuveare máre tãumeaque buoridurejaimada. Übenita die üi ámuveare ne buoyede cobururü burarí, die üi áraðoare ne buoyede máre pëvari buravarejameda ü. Tuijibua ñarí dajocavarejameda

ñai abujuva ne ímamü. Aru pöeva úre jëivu parubedejaimada na. <sup>5</sup>Járvua aru ñamiá coapa cuyü barejámeda coðoborí cüracüai aru pöeva ne yaivu bácvure japuvainoi. Üi bajure jáðodovari, churiá teni, jive copidejameda. <sup>6</sup>Übenita Jesúre joai jári, cüyari nuri, ñuatutarejameda üi yebai. <sup>7</sup>Aru bujié coðoborí, arejameda:

—Mü, Jesús, Jëmenijicui mácu, caivu püeno paracui mácu, ¿yéde ucürü yúque? Jëniaivu müre Jëmenijicüque, ñájine dabejacu yure, arí coðoborejameda Jesúre.

<sup>8</sup>Nópe arejameda, Jesús üi aiyede báque boje jipocamia: “Müja, abujuva, etajarã ñai ümure jocarí”, ayü barejámeda Jesús. <sup>9</sup>Aru Jesús jëniari járejameda:

—¿Yécu ámicucurü mü? arejameda.

Jü arí arejameda:

—Obedivübu ñüja. Que baru Obecu ámicüvu yu, arejameda.

<sup>10</sup>Pare jëniarejameda Jesús üi jarobequiyepe ayü náre ne curõre jocarí. <sup>11</sup>Curejaimada noi cüracü yebai obedivu oteivãriva, áre cuivu. <sup>12</sup>Aru jëniarejaimada ina abujuva Jesúre:

—Jarojacu ñujare ina oteivãriva, ñüje corájiyepé nára, arejaimada na.

<sup>13</sup>Dinumuma nuicõjenejameda náre Jesús.

—Nujara, arejameda.

Aru ina abujuva etarí, corejaimada ina oteivãriva. Na marejámeda pucamil paivu baju. Cüyari nuri, türejaimada cüracü émeino, macajitabu urabü. Turí, corí bjarejaimada na. <sup>14</sup>Diede jári, ina oteivãriva mácvure coreipöeva cüyari nurejaimada, coyüivu uraïmaroai aru ímaro curõvaquede máre. Que baru obedivu pöeva, “¿Aipe tenama?” arí, járanurejaimada. <sup>15</sup>Jesús yebai nuivu, járejaimada ñai ümü abujuva ne ñájine ñaimü mácu dobacure, cuitótecajede doyure, meacure cari. Aru jidurejaimada úre. <sup>16</sup>Coyurejaimada ina jáivu bácvü Jesúí ñaiyede báquede aru aipe vaino mácarõre ñai ümü abujuva ne ímamü mácvü, ina oteivãriva máre. <sup>17</sup>Quénora “Nujacu”, arejaimada Jesúre

paruróque. Etaicōjenejaimađa úre ne curóre jocarí.

<sup>18</sup>Aru Jesús úi jatuiyede jiađocúi, jaturídurejameđa ñai ũmu abujuva ne ímamũ mácu. Jēniaridurejameđa paruróreca cuiyucu úque. <sup>19</sup>Ūbenita Jesús yóvaicōjemecu arejameđa úre:

—Nujacu mi cūrami, mívu yebai. Aru coyujacu caiye iye urarō Jūmenijicu úi đaiyede máque, aru aipe úi cōmaje āroje jáinore mure, arejameđa Jesús.

<sup>20</sup>Nuri, coyurí búrejameđa Decápolis āmicuríjoborōcaímaroai caiye iye Jesús úi đaiye báquede úre. Aru caivu cuicumarejaimađa jápiaivu úi que ainore.

**Jesús úi nacovaino Jairoi máco  
bácore aru úi meadaino nomió  
ñájiñore jiveque**

(Mt 9.18-26; Lc 8.40-56)

<sup>21</sup>No macajitabu urabu Jesús jatayu bácu cojedeca apedavei jiađocúi, cójijidejaimađa obedivu pōeva úi yebai. Aru ũ carejameđa macajitabu urabu écarui. <sup>22</sup>Ūi yebai earejameđa cūinácu judíovai cójijiñamine coreipōecu, Jairo āmicucu. Aru maumejie járina ñuatutarejameđa Jesúí cuboba yebai.

<sup>23</sup>Uraróreca jēniari, arejameđa Jesúre:

—Jímaco yaiyóta tebico ō. Yáque darí, tuojacu óre mi puruque, ōi yaibécojiyepa ayu. Aru cucodome ō, arejameđa Jesúre.

<sup>24</sup>Ūi que aiyede, Jesús nurejameđa úque. Cujurejaimađa náre obedivu pōeva. Aru cojivare nurejaimađa Jesúre. <sup>25</sup>Ne jēneboi cūináco nomió carejacođa. Doce paíujua baju íjimo marejácođa jive yuiyequ. <sup>26</sup>Pare ñájiño mácore, obedivu juoipōeva juorídurejaimađa óre. Aru bojedarí jaruvarejacođa caiye ōi cūvae báquede, bojedacodo ina juoipōevare. Ūbenita ye meatebedejavūya. Quédata pueno baju íjino nurejavūya óre. <sup>27</sup>Jesús úi pōevare ũmedavaiyede borore jápiađo báco, nurejacođa úi yóboi obedivu pōeva jēneboi. Aru jēni járejacođa úi doicajena. <sup>28</sup>Yópe arí dápiarejacođa ō: “Yu jēni jáđo maru úi doicajede, quénora ũmedacodomu yu”, arejacođa ō.

<sup>29</sup>Maumejiena ōi jēni jáiyede, bíjarejavūya ōi jive yuino mácarō. Aru dápiarejacođa caino ōi baju meateni nuinore. <sup>30</sup>Ūbenita Jesús majicu úi baju úi paruecaróre etaiyede úre jocarí, copedini, ina obedivu pōevare arejameđa:

—¿Name matedí yure jēni jáđo ji cuitótecajede? jēniari járejameđa Jesús.

<sup>31</sup>Ūi bueimara arejaimađa Jesúre: —¿Obedivu pōeva cojivare daivure jáñuvacari, “¿Name matedí yure jēni jáđo?” ayurū mu? arejaimađa na Jesúre.

<sup>32</sup>Ūbenita járidurejameđa caino úi curōvare, jáiyucu ñame jēni jáđo mácore úre. <sup>33</sup>Que teni ico nomió bidini jiduco, majico Jesús úi ũmedavaino mácaróre óre, nuri ñuatutarejacođa úi jipocai. Aru coyurejacođa jáve ōi đaino mácaróre.

<sup>34</sup>Jesúcapūravu arejameđa óre:

—Mu, ji umo, “Ū meadaiye majibi yure”, arí dápiarebu mu. Que baru mi que arí dápiayiye boje, meadaiyu mure. Ména nuri cuyaco mu. Caride meateivu, arejameđa óre.

<sup>35</sup>Ūi boroteiyede óque, earejaimađa ina judíovai cójijiñamine coreipōecui cūramicavu. Jairore arejaimađa na:

—Javeta mímaco yaibíco ō. Quénora cārijovamejacu bueipōecure, arejaimađa.

<sup>36</sup>Ūbenita Jesús jápiayu bácu ne yávainore, jápiabecupe teni, arejameđa Jairore:

—Jidubejacu mu. Quénora ju ajacu ji coyuinore, arejameđa Jesús.

<sup>37</sup>Aru apevure nuicōjemeni, nuvarejameđa Pedrore, Santiagore, aru Jūare, Santiagoi yócore máre.

<sup>38-39</sup>Nurejaimađa Jairoi cūrami. Cójijivure jári, aru codoborí oivure jári, aru cōmaje āroje teivure máre jári, ecorí arejameđa Jesús:

—¿Aipe teni cójijini bujiéque oivurū muja? Ó yaiyó amemico. Quénora cādotame, arejameđa.

Náre nópe arejameđa Jesús, úi majié boje úi nacovaquinore óre yainore jaruvarí. <sup>40</sup>Ūi que aiyede, yuridejaimađa úre. Ūbenita Jesúcapūravu náre etavarí, jarorejameđa jedevai. Jípacure íni, aru



jípacore ñni, aru éque curivure máre ñni, ecorejameđa juedoco bácoi curitucubui.

<sup>41</sup> Ó mácoi purure jēni, “Talita cumi”, arejameđa óre Jesús. “Juedoco, nacajajaco”, ayu barejameđa, óre que ayu.

<sup>42</sup> Cūiná ico juedoco, doce paiujua cūvaco, nacajari, vaivarejacoda. Aru ina jáivu bácvu pare cuicumari dápiarejaimađa. <sup>43</sup> Ūbenita Jesús apévure coyucōjemenejameđa náre iye ũi daiye báquede. Aru “Áiyede jíjará óre”, arejameđa Jesús.

#### Jesús Nazarei ũi nuino

(Mt 13.53-58; Lc 4.16-30; Jn 4.44)

**6** <sup>1</sup> Jesús nurejameđa nore jocarí, copainuñ ũi joboró ũi bueimaraque. <sup>2</sup> Aru judíovai jabuóvaíjaravū sábadoi bueni búrejameđa judíovai cójijíñami. Ina obedivū pōeva úre jápiaivū cuicumari arejaimađa:

—¿Ároqueba caiye iye daiye? ¿Yéba iye úre majide daiye, aru iye daiye pōeva ne đarí majibede? <sup>3</sup> ¿Ñai ámeni jocure memepōecui mácu? ¿Ñai ámeni Maríai mácu? ¿Santiago, José, Judas, aru Simón máre némamicu ámeni? ¿Ūi yórómiva máre cubedi majaque yui? arejaimađa na.

Que arí, ámeina járejaimađa úre.

<sup>4</sup> Ūbenita Jesúcapūravū arejameđa náre, ne ju abe boje:

—Cūbebi Jūmenijicui yávaiyede coyucaipōescu ne pueďaimū ũ jivu aru ũi cūramicavū máre ũi joboró, arejameđa.

<sup>5</sup> Que baru đabedejameđa pōeva ne đarí majibede nore. Quénora obebevu íjimarare ũi puruque tuorí meadarejameđa. <sup>6</sup> Chíori dápiarejameđa pare ne ju abe boje úre.

#### Jesús ũi jaroino ũi bueimarare

(Mt 10.5-15; Lc 9.1-6, 10.4-11; Hch 13.51; Stg 5.14)

Jesús buede nurejameđa cainoa ímaroa coapa. <sup>7</sup> Cūinájjaravū ina doce paivū ũi bueimarare órearejameđa ũi yebai. Jídejameđa ne paruéva, ne

jaetovarājiyepē ayu abujuvare. Aru jarorejameđa pūcarā matuiyeda, ne coyurājiyepē ayu Jūmenijicui jaboteinoque yávaiye méne.

<sup>8</sup> Nūvaicōjemenejameđa apejiēne ne nūinore, páuboare, aru curubūare, aru tāuturare máre ne járíoicāvai. Quénora nūvaicōjēneameđa ne tuturiteiyōava ne nūinoi. <sup>9</sup> Aru doicōjēneameđa ne curaidoare. Ūbenita nūvaicōjemenejameđa náre pūcacajea cuitótēcajēare. <sup>10</sup> Que baru arejameđa náre;

—Ári muja ecoivure ímaroi, cūjará cūinácu cūrami upacuque pu dajocarí nūivūta nore jocarí. <sup>11</sup> Aru apenoi ne copu etabedu mujare, aru ne jápiaiyubedu iye yávaiye méne, etarí mujara. Aru pūpejará jobore mujare jēiyede muje cuboba cāchinoi ne jáiyede, ne jápiaiyube boje. Que teni díímarocavū coreóvarájarama ju abevure Jūmenijicure aru mujare máre, arejameđa Jesús.

<sup>12</sup> Que aríburu yóboi, etarí nurejaimađa ũi bueimara, yópe arí coyurājivū pōevare: “Chíori dápiarí dajocajará muje ámeina teiyede, Jūmenijicui árumetequiyepē aivū diede”.

<sup>13</sup> Jaetovarejaimađa obedivū abujuvare. Aru obedivū íjimarare olivo ámicuricu jéidua córoque yuarí meadarejaimađa na.

#### Juan Bautista bácu ũi yaino

(Mt 14.1-12, 16.14; Mr 8.28; Lc 3.19-20, 9.7-9, 19)

<sup>14</sup> Dinūmu ñai jabocu Herodes jápiarejameđa Jesúí borore, cainoacavū ne yávaiye boje úre. Aru arejameđa:

—Juan Bautista, yaiyú bácu, nacajacūbe yainore jarūvarí. Que baru yópe parucūbe ũ, ũbenina arejameđa Herodes.

<sup>15</sup> Apēvu arejaimađa: “Úrecabe Elías”. Aru apēvu arejaimađa: “Jūmenijicui yávaiyede coyucaipōescūbe. Jūmenijicui yávaiyede coyucaipōeva mácvupe páyube ũ”, ávarejaimađa pōeva Jesúí borore. <sup>16</sup> Ūbenita Herodes, jápiayū Jesúí borore, arejameđa:

—Ñaime Juan Bautista, ji buravacamü üi jipobüre, nacajañu mácu yainore jaruvarí, übenina arejameða.

<sup>17</sup>Nópe dápiarejaquemavu Herodes, Juan Bautistare, apücure cäreja, üi yaiquíye jipocai, Herodei buoicöjeiye báque boje úre. Buoicöjenejameða, jacocuyü ámeina teivüre jëni jacoñami, yópe Herodei márepaco Herodíai uröpe. Nópe urejacoda, öi jorojíye boje, üi ámecoroíye báquede Herode, üi cavae boje öre, ímacu Felipei márepacore.

<sup>18</sup>Javeðu Juan Bautista bácu ávarejameða Herode: “Jümenijicui ðaicöjeiye üi coyüiye báque Moisés bácu cüvaicöjemevü müre apecui márepacore”, ávarejameða úre.

<sup>19</sup>Que baru Herodías jararí pare übedejaçoda Juan Bautistare, apücure cäreja. Úre boarí jaruvaíyuridurejacoda. Übenita majibedejacoda ö. <sup>20</sup>Aru Herodes jidüre curejameða Juan Bautistare, apücure cäreja, üi majié boje meacure aru mearo ðayure.

Herodes cärijíñu mácuvacari Juan Bautistai coyüiye báque boje, torojurí jápiarejameða úre. Aru meadarejameða úre, apücure cäreja. <sup>21</sup>Übenita cüinájaravu, üi áruñjaravu eaiyede, Herodei pöteijjaravu bácaröre torojüve teino ðarejameða ü. Cuturejameða caivu ina jabovare, churara jabovare, aru Galilea ámicurijoboröcavu parüvüre máre. Dijjaravu Herodías coreóvarejaquemavu aipe boarí jaruvarí buojacodore Juan Bautistare. <sup>22</sup>Herodíai máco nuri, uparí, cojüvarejacoda Herode aru üi cutuimarare máre. Que baru Herodes arejameða öre:

—Jíquiývü müre mi uröre, arejameða.

<sup>23</sup>Aru paruéque arejameða öre:

—Jíquiývü müre yéde mi uröre. Yüre ñájine ðajacurí Jümenijicü, ji ðabedu yópe ji ainope. Coricaita ji jaboteni cüvaröre jíquiývü müre, arejameða cojedeca.

<sup>24</sup>Näre jocarí, etarí nuri, jëniari járejacoda jípacore:

—¿Yéde jëniayi úre? arejacoda.

Aru jípacu jëniacöjenejacoda öre:

—Juan Bautistai jipobüre jëniajaco, arejacoda.

<sup>25</sup>Maumena copainuri ñai jabocu yebai, arejacoda:

—Jíjacu yüre carijíe Juan Bautistai jipobüre jororuque, arejacoda ö Herode.

<sup>26</sup>Öi jëniainore jápiarí, chíorejameða pare. Übenita üi aiye báque boje paruéque, aru üi cutuimarare cüveni, ju abeni majibedejameða ü. <sup>27</sup>Que baru maumena boaipöecure jarorejameða, üi davaquíyepa ayü Juan Bautista bácu jipobüre. <sup>28</sup>Ámeina teivüre jëni jacoñami nuri, burarí buojarí nüvarejameða Juan Bautista bácu jipobüre jororuque. Jídejameða ico nomió bojuyore. Aru jídejacoda jípacore, öi majicojiiyepa ado Juan Bautista bácu jáve yayü bácu.

<sup>29</sup>Aru cüiná jápiaivüva iyede, Juan Bautista bácu bueimara nüvarejaimaða üi baju bácaröre, jaruvarájivü cüracobe jívüi.

### Jesús üi äre ðaino cüinápurupe paimil baju ümüvare

(Mt 9.36, 14.13-21; Lc 9.10-17; Jn 6.1-14)

<sup>30</sup>Dinümü Jesús üi daroimara mácavu copainurejaimaða üi yebai. Aru úre coyurejaimaða caino ne ðaino mácaröre aru ne bueino mácaröre máre. <sup>31</sup>Aru obedivü pöeva Jesújäre nuri, jári, copainurejaimaða. Que baru ina pöevacapüvavu áicöjemenejaimaða Jesújäre. Que teni Jesús arejameða üi bueimarare:

—Járica, majapeda jabuóvaränurajarevü ne cärijovamenoi, arejameða.

<sup>32</sup>Que teni jiadocüi jaturí, nuri pöecubenoí, nuridurejaimaða na, Jesújä, pöevare jocarí nüivü. <sup>33</sup>Übenita náre nüivüre járejaimaða pöeva obedivü. Nüivüre jári, náre coreóvarí arejaimaða: “Jesújämu”. Que arí, cüyarí nuri, Jesújä ne earájinoi ne jipocai emeni, coredejaimaða na macajitabu urabu écarüi curíimaroacavu obedivü. <sup>34</sup>Aru ü jatayü bácu, écarüi mañu, ina

obedivũ pœvare jáñũ, náre cõmaje  
ãroje járejamedã Jesús. “Ovejãva ne  
coreipõescu cũbevũpebebu ina” arĩ,  
bueni búrejamedã náre Jesús. <sup>35</sup>Ūrarõ  
coyũrĩ buedejamedã náre Jesús. Náre  
bueni, nainúta marejávũya. Que baru  
coyũrãearejaimada na, ùi bueimara.

—Javeta nainútãmu. Aru yo  
põescũbenotãmu. <sup>36</sup>Mũ, bueipõescu,  
pœvare ne ãrajiye bojedãicõjejacũ mũ.  
Ēcarũcãvũ ne cũramia coapa aru noi  
ĩmajinoai máre náre jarorĩ, “Áranũjara”  
ajacũ mũ, arĩdurejaimada Jesúre ùi  
bueimara.

<sup>37</sup>—Mũja náre ãiyede jíjarã,  
arejamedã Jesús.

Ûi bueimara arejaimada ùre:

—Doscientos pajãravũãa memeiye  
bãque bojeque obedivũre ne ãrajiye  
pãũboare ne bojedãrãnuru, eabequiyebu  
iye náre coapa, arejaimada.

<sup>38</sup>Arejamedã náre:

—¿Aipiboa pãũboare cũvarãrũ mũja?  
Jãranũrijide apa, arejamedã.

Aru na majidivũ bãcãvũ arejaimada,  
ùre coyũivũ:

—Pãũboã cũinãpũrũpe paiboa aru moã  
pũcarã cũvãvũ ñũja, arejaimada na.

<sup>39</sup>Dinũmũre cõriã pũenora pœvare  
dobaicõjenezamedã Jesús. Yajuboa  
teni, náre dobaicõjenezamedã ù. <sup>40</sup>Ûi  
dobaicõjeiyede, dobarejaimada ina  
pœvacãpũravũ. Dobarĩ, yajuboa teni,  
cainimea teni, dobarejaimada na.  
Cincuenta paivũ cũriyajuboa aru cien  
paivũ cũriyajuboa dobarejaimada na.  
<sup>41</sup>Aru die pãũboã cũinãpũrũpe paiboa  
aru moã pũcarãre jẽni, cavarõĩ jáñũ,  
torojuede jídejamedã Jũmenijicũre.  
Torojuede jíni bũojarĩ, pãũboare  
cotũvarĩ jebeni, pœvare jícõjenezamedã  
Jesús ùi bueimare. Aru moare máre  
quédẽca pœvare cotũvãrejamedã Jesús.  
<sup>42</sup>Aru caivũ ãri yapidejaimada na. <sup>43</sup>Ãri  
bubarĩburu iye cotũvaiye bãque pãũ  
aru moã máre pœva ne ãri oabede  
ĩni, meadarĩ, pũebũã doce paibũare,  
judĩovai pũebũare, buivãrejaimada ùi  
bueimara. <sup>44</sup>Aru ina ãivũ bãcãvũ ùmũva  
cũinãpũrũpe pãimil baju barejãimada na.

### Jesús ùi cuino oco pũenora

(Mt 14.22-27; Jn 6.16-21)

<sup>45</sup>Maumejiena Jesús  
jãtuicõjenezamedã ùi bueimare  
jãdocũi, ne nũrajipepe ayũ ùi jípcãi  
apedũvei, Betsaida ãmicũriĩmaroi. Que  
teni copãicõjenezamedã ina pœvare.  
<sup>46</sup>Ne nũriburu yõboi, Jũmenijicũre  
coyũcũnũrejamedã cũracũi. <sup>47</sup>Ñami  
marejávũya. Ne jãdocũ macãjitãbũ  
ũrabũ coricãi cũrejãvũya. Aru Jesús  
cũracũi cũrejamedã. <sup>48</sup>Nore cãcũ,  
jãrejamedã ùmevũ cobainore náre.  
Que baru jãtabedejaimada apedũvei.  
Pare doarĩ ñãjinejaimada. Aru  
jãravũcãpũravũ avĩã ùi daquiyẽ jípcãi,  
Jesús curĩ macãjitãbũ ùrabũ pũenora  
nũrejamedã ne yebãi. Vaivãrejamedã  
náre jocarĩ vaiyũpe. <sup>49</sup>Ûbenita ù cuyure  
macãjitãbũ ùrabũ pũenora jári, jídurivũ  
codõboborejaimada na:

—¿Põẽ decocũ bãcũ bãrica?  
codõborĩ arejaimada na.

<sup>50</sup>Caivũ ina ùre jári, pare  
cũcumãrejaimada. Ûbenita maumena  
náre coyũvũ arejamedã:

—Paruèque dãpiãjarã. Yútãmu Jesús.  
Jídũbejarã mũja, arejamedã náre Jesús.

<sup>51</sup>Que arĩ, jãturejamedã ne yebãi  
jãdocũi. Aru ùmevũ bĩjãrejãvũya. Que  
teni cũcumãri pare dãpiãrejaimada.

<sup>52</sup>Coreóvãbedejaimada iye Jesús ùi  
ðãiyẽ bãquede pãũboaque, ùi ãre  
ðãiyẽ bãquede ina cũinãpũrũpe pãimil  
baju ùmũvãre. Que baru ye coreóvarĩ  
majibedejaquemãvũ na.

### Jesús ùi meadaino Genesãrecãvũ ijimãrãre

(Mt 14.34-36)

<sup>53</sup>Jatarĩburu yõboi, eãrejaimada  
Genesãret ãmicũrijõborõĩ. Aru  
bũorejaimada ne jãdocũre ãcarũi.  
<sup>54</sup>Dicũre jocarĩ etãivũre, obedivũ  
pœvã coreóvãrejaimada Jesúre.  
<sup>55</sup>Que baru cúyãrejaimada cãino  
ne imãroai, nũvarãjivũ ijimãrãre ne  
parãinoai, cãino cũrõãi, ne jápiãiyede  
Jesús cũcũre. <sup>56</sup>Cãino Jesús ùi ñũino,

ímaroai, aru ímajinoai, aru curõvaquei máre, íjimarare nuvari epedejaimada táibui. Ére jëniarejaimada, ñi jëni jáicõjequiyeye aivu ñi cuitótecaje turvarã. Aru caivu jëni jáivu meateivu barejaimada na, íjimara mácavu.

**Iye pøevare ãmeina tede ðaiye**  
(Mt 15.1-20)

**7** <sup>1</sup>Dinumu fariseovacavu apevu Jümenijicui yávaiye báque bueipøevaque Jerusalén ámicuríímarore jocarí etaiivu bácvu earí, cójjidejaimada Jesús yebai. <sup>2</sup>Aru járejaimada ñi bueimaraçavure áivure ne puruáre cojabevuva. Ina fariseova dápiarejaimada caivure ne cojaiye jauéde ne árajiye jipocai, Jümenijicui mearo jáquiyeye aivu náre. <sup>3</sup>Que baru ina fariseova ãmeina járejaimada náre. Caivu fariseova aru caivu apevu judíova máre cainumua cojavarejaimada, ne árajiye jipocai. Nópe ðarejaimada ñujeñecuva mácavu ne ðaicõjeiye báquepe. <sup>4</sup>Aru áiye bojedainore jocarí copaivu bácvu cainumua cuyavarejaimada ne bajure, ne árajiye jipocai. Aru ape urarõ ñujeñecuva mácavu ne ðaicõjeiye báquede ðarejaimada na. Quédeca joavarejaimada ne jorouare, ne cõaiñuare, ne táucõaiñuare, aru ne paraiboare máre. <sup>5</sup>Que baru ina fariseova aru Jümenijicui yávaiye báquede bueipøeva jëniari járejaimada ére:

—¿Aipe teni mi bueimara ne puruáre cojabedi ne árajiye jipocai? Yópe ári majeñecuva mácavu ne ðaicõjeiye báquepe ðabema na, arejaimada na.

<sup>6</sup>Jesúcapūravu arejamedá náre:

—Jáve Isaiás bácvu Jümenijicui yávaiyede coyucarejaquemavu mujare, jujovavure. Yópe arí, Jümenijicui toivaicõjenejaquemavu ñi mácvure:

Ina pøeva yure ju adama ne jijecamuque. Ubenita ðabema yópe ji urõpe. <sup>7</sup>Bojecubenoque mearore jñiduyama yure. Bueniduyama pøeva ne bueinore

Jümenijicui yávaiyeye, arí toivarejaquemavu.

<sup>8</sup>Muja dajocarí jaruvavubu Jümenijicui ðaicõjeiyede. Ubenita ju arí ðaivubu muja pøeva ne ðaicõjeiyede, arejamedá Jesús.

<sup>9</sup>Aru náre arejamedá cojedeca:

—Jáve dajocarí jaruvavubu muja Jümenijicui ðaicõjeiyede, ðarãjivu yópe mujeñecuva mácavu ne ðaicõjeiye báquepe. <sup>10</sup>Que baru Jümenijicui coyurejaquemavu Moisés bácvure, ñi toivaquiyeye ayu yópe: “Mipacure aru mipacore máre urí, ju ajarã. Ubenita ñaine ãmeno coyuyure jípacure o jípacore máre, muje jabova boarí jaruvajarãri ére”, arejaquemavu. <sup>11</sup>Ubenita muja bueivubu yópe, “Cüinácvu pøecu jípacure o jípacore ayu baru, ‘Mure cadateyu buojabevu. Mu jacopujebu ji táuturare. Ubenita jave jícacu yu Jümenijicure ji táuturare’, ayu bájebu ñi”, aivubu muja. <sup>12</sup>Muja ére cadateicõjemevu bájebu jípacure o jípacore máre. <sup>13</sup>Que teni Jümenijicui yávaiyede bojecubepe ðarí, cómajivubu mujeñecuva mácavu ne ðaicõjeiye báquepe ðaivu, ne bueiye báque Jümenijicui yávaiye pueno. Aru ðaivubu muja cainumua iyeye paiyede, arejamedá náre Jesús.

<sup>14</sup>Cojedeca Jesús órejurejamedá ina pøevare. Aru arejamedá náre:

—Caivu yure jápiarí dápijarã. <sup>15</sup>Caiye iye ecoiye pøevare jedevaque ãmeina tede ðabevu náre. Ubenita caiye iye etaiye pøeva ne ümene ãmeina tede ðaivu náre. <sup>16</sup>Me jápijarã muja iye ji bueiye, arejamedá Jesús.

<sup>17</sup>Que arí, dajocarí nurí ina pøevare jocarí, ecorejamedá cürami. Uñi bueimara yore ñi coyüno mácarõre jëniari járejaimada ére. <sup>18</sup>Aru náre arejamedá:

—¿Muja máre jápiarí eabenu? ¿Coreóvabenu? Caiye iye ecoiye pøevare jedevaque ãmeina tede ðabevu náre. <sup>19</sup>Ecobevu ne ümei. Ubenita ne yapibv jívui earí etaiyv bajure jocarí, arejamedá.

Caiye iye maje áiye métamv aiyucu barejaquemavu Jesús. <sup>20</sup>Cojedeca arejamedá:

—Ūbenita caiye iye etaiye pōevare jocarī, ne dāpiaye, āmeina tede ðaivũ náre. <sup>21</sup>Ne ūmei āmeina dāpiadama apevũre. Ðaðama āmeina ðaiyede apevũque, nēmarebũcũva ānevũque. Ñavaðama apevũ ne cũvaede. Boarī jarũvaðama pōevare. <sup>22</sup>Nomicũrivũvacarī apecoque cũma aru nomiva märe ũmucũrivũvacarī apecũque cũma nēmarebũcũvare jarũvarī. Cũvaiyũta apevũ ne cũvaede. Āmeina ðaiyurī dāpiadama. Jujobaðama apevũre. Ne baju āmeno ðaðama. Jorojiñama. Coyuyama āmenore apevũ borore caivũ ne jápiayede. “¿Meara mārīca?” aðama. Aru ārũmevũpe āmeina ðaðama, coreóvaivũvacarī ñájinajivũre ne que ðaiye boje. <sup>23</sup>Caiye iye āmene etaiye pōeva ne ūme jivũquede, āmeũme cũre ðaivũ náre, arī buedejameða Jesús.

**Cũináco nomió, judfova ānevũcaco,  
õi ju aino Jesúsre  
(Mt 15.21-28)**

<sup>24</sup>Diĩmarore jocarī Jesús nũrejameða apejoborõi, Tiro aru Sidón āmicuriĩmaroa yebai. Noi cũinádami cũrami ecorejameða. Aru apevũ ne majinore ũbedejameða cũcũre noi. Ūbenita dupini oabedejameða. <sup>25</sup>Maumejie cũináco nomió ũi borore jápiarī, nũri ũi yebai, ñaũtutarejacoða ũi cũboba yebai. Cũvarejacoða mamacore abujucũ ũi ĩmamore. <sup>26</sup>Aru ō nomió judfovacaco āmenejacoða. Sirofenicia āmicurijoborõi pōetedejacoða ō. Jesúsre jēniarejacoða, ũi etavaquiyepe ado abujucũre ōi mácõre jocarī.

<sup>27</sup>Jesús arejameða óre:

—Meamevũ ĩnu jueðova ne āiyede, jínajivũ yavimivare. Que baru jueðova ājarari mamarũmũre, arejameða Jesús.

Que arī, aiyũcũ barejaquémavũ judfovere Jũmenijicũi märkepe aru judfova ānevũre yavimivape.

<sup>28</sup>Aru arejacoða ĩre:

—Mũ, ji jabocũ, jáve coyũivũ mũ. Ūbenita yavimiva märe tuoiva cāchĩnoi cũrivũ, jueðova ne āri jarũvaiyede āðama na, arejacoða Jesúsre.

<sup>29</sup>Aru arejameða óre:

—Me copainũjaco, mi que aiyẽ boje. Abujucũ javẽ etayũme mĩmacore jocarī, arejameða óre Jesús.

<sup>30</sup>Cũrami copainũri, earī, járejacoða ōi mácõre ōi parainoi meacore. Aru abujucũ cubedejameða óque.

**Jesús ũi meadaino  
jápiabeni yávabecure**

<sup>31</sup>No yóboi copainũrejameða Tiro āmicuriĩmaro curijoborõre jocarī. Aru vaidéjameða Sidón āmicuriĩmarore aru Decápolis āmicurijoborõre märe, pu earĩta macajitabũ urabũ Galilea āmicuriĩtabũre. <sup>32</sup>Noi ũi cuede, nũvarejaimaða ũi yebai cũinácũ ũmũre, ñai jápiabecure aru yávarī majibecure. Aru jēniarejaimaða Jesúsre, ũi pũrũque tuoquiyepe aivũ ĩre.

<sup>33</sup>Que baru Jesús nũvarejameða ĩre joajĩemaque apevũre jocarī. Doarejameða ũi āmũyoare ñai ũmũ ũi cá mucõbea jivũi. Aru ũi āmũyoare jēcuturi tuorejameða ñai ũmũ ũi jemedore. <sup>34</sup>Cavarõre jári, ũme dapurī, arejameða: “Efata”. “Efata” aino, vojarõ aiyũrõtamũ no.

<sup>35</sup>Que arī, Jesús ñai jápiabecũ bácũre jápiare ðarī, ñai yávabecũ bácũre yávare ðarejameða. <sup>36</sup>Que teniburu Jesús apevũre coyũicõjemenejameða náre pare, ne majibenajiyẽpe ayũ. Ūbenita cainũmũ ũi coyũrĩduiyede ca yóboi, cainũmũ coyũrejaimaða ũi borore pũeno baju. <sup>37</sup>Aru pare cuezumari arejaimaða ĩre:

—Ū ðaibi cainũmũa ménẽ. Jápiare ðayũbe jápiabevũ bácavũre. Aru yávare ðayũbe yávabevũ bácavũre märe, arejaimaða na.

**Jesús ũi āre ðaino yóvaicũvaimil baju  
ũmũvare  
(Mt 15.32-39)**

**8** <sup>1</sup>Apejārvũi bediõva cõjjiidejaimaða obedivũ pōeva Jesús yebai. Aru āiyede cuvabedejaimaða na. Que baru Jesús órejarejameða ũi bueimare ũi yebai. Aru arejameða náre:

<sup>2</sup>—Cõmaje ãroje jáivu yu ina põevare. Ina obedivu cuma yúque yõbecurijãravua. Aru ãiyede cuvabema.

<sup>3</sup>Apevu ne cõramia joarõtamu. Que baru ji copaicõjenu náre ne cõramiai, mái nuri mamaðajebu, ne ãvué ñájiye boje, arejameda Jesús.

<sup>4</sup>Ëi bueimara jëniari járejaimada ãre: —¿Ëbenita aipe ðarí jínajidi ãiyede caivu ina põevare, ne ãrajiiyepe yui põecubeni? arejaimada na.

<sup>5</sup>Jesús jëniari járejaimada náre: —¿Aipiboa páboare cuvãrãru mÿja? arejaimada.

Aru arejaimada:

—Siete paiboabu, arejaimada.

<sup>6</sup>Que aiyede, ina põevare dobaicõjenejaimada joborõi. Aru diboá pábooa siete paiboare ñni, torojuede jñni Jümenijicure, diboáre cotvarí jídejaimada ñi bueimarare, ne jínajiiyepe ayu põevare. Aru nópe ðarí jídejaimada na. <sup>7</sup>Obebejina moajinare máre cuvarejaimada. Jümenijicure torojuede jñniburu yõboi, jícõjenejaimada náre máre. <sup>8</sup>Que ðaiyede, ãri yapidejaimada caivu. ãri bubarĩburu yõboi, iye cotvãiyeye báque páu aru moa máre, põeva ne ãri oabede ñni, meðarí, pueá siete paipueare, judfova ãmevu ne pueáre, buivãrejaimada na. <sup>9</sup>Aru ina ãivu bácvu põeva yóvaicuvaimil baju barejãimada na. <sup>10</sup>Jesús copaicõjenejaimada náre, ãre jocarí. No yõboi, maumejiena jaturejaimada jiaðocüi ñi bueimaraque. Aru nurejaimada apejorõi, Dalmanúta ãmicurijoborõita.

**Fariseovacavu ne jëniaino põeva ne ðarí majibede**

(Mt 12.38-39, 16.1-4; Lc 11.16, 29, 12.54-56)

<sup>11</sup>Apevu fariseovacavu nurejaimada Jesús yebai. Aru ãmeina boro coyurí búrejaimada ãre. Jáiyurejaimada ñi jáðovaiyede cavarõ mearo Jümenijicui curõquede, jujovaridurãjivu ãre. Yópe arí, põeva ne ðarí majibede ðaicõjenidurejaimada ãre:

—Mu, Jesús, jáðovajacu ññjare apede mi ðaiyede Jümenijicui parueque, ññje majinajiiyepe aivu jáve mure Jümenijicui daroimu mácure, aridurejaimada Jesúre.

Nópe arí, ãre jujovaiyurejaimada na. <sup>12</sup>Aru chõri, ãme dapurí pare, arejaimada:

—¿Aipe teni ijãravucavu jáðovaiyede jáiyuri? Jáve coyuyubu mujare:

Ijãravucavu jámenajarama jáðovaiye cavarõ mearo Jümenijicui curõquede, arejaimada Jesús.

<sup>13</sup>Que arí, náre dajocarí, jiaðocüi jaturi cojedeca, jatarí nurejaimada apeduvei.

**Fariseova ne ãmeno dápiaye**

(Mt 16.5-12; Mr 4.12; Lc 12.1)

<sup>14</sup>Jesúi bueimara ãrumeteivu bácvu páure, quénora cuvarejaimada cünábo páubore náque jiaðocüi. <sup>15</sup>Aru Jesús cõjeñu arejaimada náre:

—Me ðajarã. Me jájara ina fariseova aru ñai Herodes máre ne páure bucõóvare ðaiyede, arejaimada Jesús.

<sup>16</sup>Ëi que aiyede, arejaimada ne bajumia:

—Ë yópe aibi, maje páure cuvabe boje, arejaimada na.

<sup>17</sup>Ëbenita Jesús coreóvarejaimada ne yávainore. Que baru arejaimada náre:

—¿Aipe teni coyuvãru mÿja “Páure cuvabevu ññja” aivu? ¿Coreóvabenaru cãreja? ¿Majibenaru cãreja? ¿Dápiabeni coreóvabenaru mÿja? <sup>18</sup>¿Yacorua cuvãrivuvacari, jámenaru? ¿Aru cá mucobea cuvãrivuvacari, jápiabenaru? <sup>19</sup>¿Aru ãrumenaru? ¿Yu cotvãcavu cünãpãrurpe paiboa páboare ina cünãpãrurpe paimil baju ãmuvare, aipipuebua cotvãiyeye báqueque ícanaru mÿja? arejaimada náre Jesús.

Na ju arejaimada ãre:

—Doce paibua puebua baju ícarã ññja, arejaimada na.

<sup>20</sup>Jesús arejaimada náre cojedeca:

—¿Aru yu cotvãcavu siete paiboare ina yóvaicuvaimil baju ãmuvare, aipipuea cotvãiyeye báqueque ícanaru mÿja? arejaimada.

Aru na ju arejaimada úre:  
—Siete paipuea baju ícará ñuja,  
arejaimada na.

<sup>21</sup> Dinumure arejameda náre:  
—¿Aipe teni majibenaru cãreja?  
Coyuyubu mujare: Me jájara ina  
fariseova aru Herodes máre ne  
dápiayede, muje dápiabenajiyepene  
dápiainope, arejameda náre Jesús.

**Jesús ñi meadaino jári  
eabecure Betsaidai**

<sup>22</sup> No yóboi earejaimada Betsaida  
ámicuriimaroí. Apevu pöeva  
nũvarejaimada Jesús yebai cüinácü ñmu,  
jári eabecure. Aru Jesúsre jëniarejaimada,  
ñi purũque tuoquiyepene aivu ñai ñmure.

<sup>23</sup> Que teni jári eabecu ñi purũre jëni,  
nũvarejameda úre diimarore jocarí.  
Aru jëcuturi ñi yacoruará, úre tuorí ñi  
purũáque, jëniari járejameda úre:  
—¿Apejïene jáñũru cari? arejameda  
Jesús.

<sup>24</sup> Quíjino jári, arejameda:  
—Jáivu yu ñmũvare. Ubenita  
jocũcuape árojama cuivu, arejameda  
Jesúsre.

<sup>25</sup> Cojedeca Jesús tuorejameda  
ñi yacoruará. Que teni ñai ñmu  
cocorejameda me. Jári earejameda  
cojedeca. Aru me járejameda caiyede.

<sup>26</sup> Jesús copaicõjenejameda úre ñi  
cũrami, yópe arí:  
—Diimaroi ecobejacu mu, arejameda  
úre Jesús.

**Pedro ñi “Cristobu mu” aino**  
(Mt 16.13-20; Mr 6.14-15; Lc  
9.7-8, 18-21; Jn 6.68-69)

<sup>27</sup> Jesús nũrejameda ñi bueimaraque  
ĩmaroai Cesarea de Filipo ámicuriimaro  
joabejĩnoi. Aru mái nũre nũiyede jëniari  
járejameda ñi bueimarare yópe:

—¿Aipe aidi pöeva yure? ¿“Yécubebu”,  
aidi yure? arejameda Jesús.

<sup>28</sup> Arejaimada úre:  
—Apevu adama, “Juan Bautistabe”. Aru  
apevu adama, “Elíabe”. Aru apevu adama,  
“Jümenijicui yáviayede coyũcipõecube  
ũ”, adama mure, arejaimada na.

<sup>29</sup> Aru jëniari járejameda náre:  
—¿Ubenita aipe aivurũ muja yure?  
arejameda Jesús.

Aru Pedro arejameda úre:  
—Mu Jümenijicui daroimu mácbu.  
Ñujare jabotecuyumu mu, arejameda  
Pedro Jesúsre.

<sup>30</sup> Aru náre coyũicõjemenejameda  
apevure ñi borore.

**Jesús ñi coyũino ñi yaiquĩnore**  
(Mt 10.38-39, 16.21-28; Lc 9.22-  
27, 14.27, 17.33; Jn 12.24-25)

<sup>31</sup> Jesús, yópe arí, bueni búrejameda  
náre:

—Jaũvu yure, Jümenijicui daroimu  
mácbu ñmure, urarõ ji ñájiquino. Ina  
judíova bucũva, aru sacerdotevare  
jaboteipöeva, aru Jümenijicui yáviaye  
báquede bueipöeva máre yure boarí  
jarũvarájarama. Aru yóbecũrijãravua  
yóboi nacajacuyumu yu yainore jarũvarí,  
arejameda Jesús.

<sup>32</sup> Caiye iyede coyurejameda náre. Aru  
ñi coyũiyede báque maiyõjabejãvũya  
náre, ne járiari earãjiyepene aipe.  
Dinumure Pedro nũvarejameda úre  
apevu ina bueimarare jocarí. Aru  
parũrõque jararí búridurejameda Jesúsre.

<sup>33</sup> Ubenita Jesús, copedini járejameda  
apevu ñi bueimarare. Aru Pedro  
curejameda ñi yóboi. Que teni jararí  
arejameda úre:

—Mu, Satanás, jujovarídubejacu  
yure. Nujacu yure jocarí. Dápiavũ mu  
pöevape. Aru dápiavũ mu Jümenijicui  
jiede, arejameda Pedrore.

<sup>34</sup> Jesús orejarejameda ñi yebai  
obedivu pöevare ñi bueimaraque. Aru  
arejameda náre:

—Ácu pöecu daiyũcu yáque,  
dajocajacurí pöeva ne mearo jáiyede  
úre, cuyebecurí yure yóviayede, aru  
jidubejacurí ñi ñájiquiyede. Nõpe ñabecu  
baru, ñ buojabebi jícu bacuyá. <sup>35</sup> Ñai  
pöecu ñi baju urõpe ñarí, meadaiyũcu  
baru ñi bajure, coatecuyũme ñi bajure  
Jümenijicure jarũvarí, yópe yaiyá  
bácbu ñi ñmei. Ubenita ñai pöecu, “Ye  
baju ánevũ, ji yaidú Cristore boje” ayũ,

ñi baju urõpe ðabecuna quénora ji urõpe ðarí, úrecabe ji meadaquimú, cuscuyú Jümenijicúque cainumna. <sup>36-37</sup>Ñai pöescu cuncavu baru caiye ijáravuquede, ubenita bíjauy baru ñi úmene, ñájiycuyume cainumna toabo cúiméboi. <sup>38</sup>Aru ñai pöescú cuyedu yure aru ji yávaiyede máre ijárvucavu ámeina teivú ne jáiyede, yú, Jümenijicú daroimú mácu ñmure, máre cuyeni dápiascuyumu úre ji jáðovaiyede jipacu meacu baju ñi mearore ji daiyede ina ángeleva mearaque máre, arejameða Jesús.

**9** <sup>1</sup>Aru arejameða náre cojedeca: —Jáve coyuyubu mujare: Apevu curivu yui, ne yainájiye jipocai járajarama Jümenijicú jaboteino curõre paruéque, ji jaboteiyede pöevare, arejameða Jesús.

**Jesús ñi baju oatuvaino**  
(Mt 3.17, 11.14, 17.1-13; Mr 1.11;  
Lc 3.22, 9.28-36; 2 P 1.17-18)

<sup>2</sup>Seis pajárvava yóboi, Jesús núvarejameða Pedrose, Santiagore, aru Jüare máre. Jipocatedejameða náre cüracú ñmujuricú puenoi, apevure jocarí. Aru na járejaimaða ñi oatuvaiye me bajure. <sup>3</sup>Yópe barejávüya. Ñi cuitótecaje pöorejavüya, pare boricaje ñi cuitótecaje. Ijárvure joaipöescu yópe boricaje ðarí majibebi. <sup>4</sup>Aru járorejaimaða Elías Moisémaque, boroteivú Jesúque. <sup>5</sup>Dinumú Pedro arejameða Jesúre:

—Mú, bueipöescu, mearotamu ññje curu yui. Que baru ðarájivubu ñña yóbecuríñamia cüramia quíjiñamia maquiyéde, cúináðami míñami maquinóre, apeðami maquinóre Moiséde, aru apeðami maquinóre Elíare, arejameða Pedro.

<sup>6</sup>Pare cuicumarejaimaða na. Que baru Pedro majibedejameða aipe ñi ainore.

<sup>7</sup>Dinumuma oopenibo émeni taorejavüya náre. Aru jápiarejaimaða apeno yávainore oopeniboi etaiyede: “Ñaime jímacú, ji umú. Que baru jápiajará úre”, arejameða Jümenijicú.

<sup>8</sup>Aru yávaríburu yóboi, járejaimaða Jesúre cúinácura.

<sup>9</sup>Ne émeni daiyede dicú cüracúre jocarí, Jesús apevure coyucójemenejameða náre ne jáino mácarõre. Yópe arejameða:

—Me jápiajará muja. Coyubejará apevure no muje jáino mácarõre cüracú ñmujuricú puenoi, ji nacajaríburu yóboita yainore jaruvarí. Yébu Jümenijicú daroimú mácu ñmure, arejameða náre Jesús.

<sup>10</sup>Que baru ju aivú úre, coyubedejaimaða apevure no ne jáino mácarõre. Aru jéniari járejaimaða ne bajumia, “¿Aipe aiyucuba yo ñi aino nacajainore yainore jaruvarí?” arejaimaða na. <sup>11</sup>Que teni jéniari járejaimaða úre:

—¿Aipe teni aivuba ina Jümenijicú yávaiye báquede bueipöeva, “Mamarumú Elías dacuyume, ñai Jümenijicú daroimú ñi daquiyé jipocai”? arejaimaða na.

<sup>12</sup>Aru arejameða náre: —Jáve Elías dacuyume Jümenijicú daroimú ñi daquiyé jipocai, meadacudayú caiyede. Toivarejaquemavu yópe yure, Jümenijicú daroimú mácure ñmure: “Pare ñájiñe ðarájarama pöeva úre. Aru ubenama úre”, arí toivarejaquemavu. <sup>13</sup>Ubenita jáve dáme Elías, ayubu yú mujare. Aru pöeva ne urõpe ðaima úre, yópe Jümenijicú toivaicójeiye báquepedeca úre, arí buedejameða náre Jesús.

**Jesús ñi meadaino jueðocure,**  
**abujucu ñi ímamure**  
(Mt 17.14-21; Lc 9.37-43)

<sup>14</sup>Apevu Jesú bueimara yebai earí, járejaimaða ina bueimarare obedivu pöeva jéneboi. Aru Jümenijicú yávaiye báquede bueipöeva jararí yávarejaimaða náque. <sup>15</sup>Jesús ñi eaiyede, ina pöeva úre jári, torojurí cúyarejaimaða ñi yebai, úre jacoyuráñivú. <sup>16</sup>Jesús jéniari járejameða náre:

—¿Yéde yávaiñurú muja náque? arejameða náre.



<sup>17</sup> Cūinácu pōescu pōeyajubo jēneboi arejameđa úre:

—Mu, bueipōescu, jímacure abujucu ímami. Aru yávaicōjememi úre. Que baru úre davaríduvú yú mi yebai. <sup>18</sup> Nāi abujucu cainumua bidióvarí ture ďávabi úre joborói. Aru aburí etavavú úre. Cōpi cúvabi ũ. Aru ũi baju jājatevabi ũ. Que baru yú jēniariduvú mi bueimarare, ne jaetovarājiyepe ayú nāi abujucure. Ūbenita na nāine jarúvarí majibema, arejameđa Jesúre.

<sup>19</sup> Aru Jesús arejameđa náre:

—Múja, ijāravucavú, Jūmenijicure ju abevú, ¿aipijāravua cūquidi yú mújaque? ¿Aru aipijāravua nājiquidi yú mújaque, múje ju arājiyepe ayú ji coyuyede? Davajarā nāi juedocure ji yebai, arejameđa Jesús.

<sup>20</sup> Nūvarejaimađa juedocure Jesús yebai. Aru nāi abujucu Jesúre jári, juedocure bidióvarí, ture ďarejameđa joborói. Joborói turí, nāi juedocu jātururejameđa. Aru aburí etarejavúya úre.

<sup>21</sup> Jesús jēniari jārejameđa jípacure yópe:

—¿Aipinumua baju abujucu ímari úre? arejameđa Jesús.

Aru jípacu ju arejameđa:

—Javeita, quíjicurata. <sup>22</sup> Aru apenumua úre bidióvarí, ture ďarí toaboi aru jiai, boarí jarúvaríduvabi úre. Ūbenita buojayú baru cōmaje āroje jári, ďadatejacu nūjare, arejameđa Jesúre.

<sup>23</sup> Jesús arejameđa úre:

—¿Buojayú baru, ayurú mu? Yú caiyede ďacarí majivú mre, yure mi ju aru, arejameđa úre Jesús.

<sup>24</sup> Maumejie nāi juedocui pacu codoboborejameđa:

—Mure ju aivú yú. Ćadatejacu yure ji ju aye parúé baquiyépe, arejameđa Jesúre.

<sup>25</sup> Dinumure Jesús jári obedivú pōeva cúyaivure ũi yebai, parúéque etaicōjenejameđa abujucure. Arejameđa:

—Mu, abujucu, nāi juedocure yávaicōjemescu aru jápiaicōjemescu, yú cōjeivú mre. Etajacu úre jocarí. Aru

ímamejacu úre cojedeca, arejameđa Jesús.

<sup>26</sup> Que ayú Jesús, nāi abujucu codoboborí aru pare bidióvarí, ture ďarí juedocure, etarejameđa úre jocarí. Que teni nāi juedocu yayú bācupe pararejameđa. Que baru ina pōeva obedivú “Jave yaibí ũ”, arídjurejaimađa na. <sup>27</sup> Ūbenita Jesús, ũi purure jēni, nacovarejameđa úre. Aru nāi juedocu nacajarejameđa. <sup>28</sup> Que ďaríburu yóboi, Jesús ecorejameđa cūrami. Nore ũi bueimara jēniari jārejaimađa úre cūinácura, yópe arí:

—¿Aipe teni nūja jaetovarí majibetedí nāi abujucure? arejaimađa na.

<sup>29</sup> Náre arejameđa:

—Jūmenijicure jēniaiye javuvú āmevava āiyede, abujucu nāipe páyure múje jaetovarājiyepe aivú, arejameđa náre Jesús.

#### Jesús ũi coyúino cojedeca ũi yaiquínore

(Mt 17.22-23; Lc 9.43-45)

<sup>30</sup> Nore jocarí nuivú, Jesújā vaidėjaimađa Galilea āmicuríjoboróre. Aru pōeva ne majiéde ũbedejameđa Jesús. <sup>31</sup> Ū bueyú barejameđa ũi bueimarare. Que baru apevú pōeva ne eaiyede ũi yebai ũbedejameđa Jesús. Yópe arí, buedejameđa ũi bueimarare:

—Yure, Jūmenijicui daroimú mácure ũmúpe, jēni jínajivubu ji mavure, ne boarí jarúvarājiyepe ayú yure. Aru yóbecuríjāravua yóboi, nacajacuyumu yú yainore jarúvarí, arejameđa náre Jesús.

<sup>32</sup> Ūbenita jápiarí eabedejaimađa ũi coyúino mácaróre. Aru jidurivú jēniari jáiyubedejaimađa úre.

#### ¿Námema parucu maje jēnebore?

(Mt 10.40, 18.1-5, 20.26-27,  
23.11; Mr 10.43-44; Lc 9.46-48,  
10.16, 22.24, 26; Jn 13.20)

<sup>33</sup> Jesújā earejaimađa Capernaum āmicuríímaroi. Aru ecorejaimađa cūrami. Cūrami jívui curivú, Jesús jēniari jārejameđa ũi bueimarare yópe:

—¿Ye batedí mŷje borotede daiye máí? arejameđa náre Jesús.

<sup>34</sup>Ūbenita coyubedejaimada ŷre, ne borotede daiye báque boje űamene parŷcure ne jēneboi arevŷ pŷeno.

<sup>35</sup>Dinŷmŷre Jesús dobacŷnurejameđa, buescŷy. Órejurejameđa ina doce paivŷ ŷi bueimare. Aru arejameđa náre:

—űai pōescu ŷi cōjeiyŷru arevŷre, dāriaiye jaŷvŷ ŷre yópe parubescŷre. Aru caivŷ ne yebacacŷre bacŷyŷme ŷi. Arevŷre bojecŷbe memecaiye jaŷvŷ ŷre, arejameđa Jesús.

<sup>36</sup>Que arĩburu, Jesús jēnejameđa cŷinácŷ jŷedocŷre. Aru núvari ŷre ne coricai, dŷrŷrĩ ŷre ŷi āmuveaque, arejameđa náre:

<sup>37</sup>—Cŷinácŷ pōescu copŷ etayŷ baru cŷinácŷ jŷedocŷre ji āmiái, ji cōjeiyepe, que đayŷ nopedeca copŷ etaibi yŷre. Aru cŷinácŷ pōescu copŷ etayŷ baru yŷre, copŷ etaibi űai yŷre daroyŷre máre, arejameđa Jesús.

**Majare jarabescu, majacacŷbe**  
(Mt 10.42, 12.30; Lc 9.49-50, 11.23)

<sup>38</sup>Juan arejameđa Jesúre:

—Mŷ, buei pōescu, jácarā űŷja cŷinácŷ ŷmŷ abujuvare jaetovayŷre mi āmiái, mi parŷéque. Ūbenita űŷjaque ŷi cube boje, “Đabejacŷ” acarā űŷja ŷre, arejameđa Juan.

<sup>39</sup>Ūbenita Jesús arejameđa náre:

—űai đayŷ pōeva ne đarĩ majibede ji āmiái, ji parŷéque, no yóboi āmeina yávabescŷbe yŷre. Que baru nópe abejarā mŷja ŷre. <sup>40</sup>űai pōescu maucŷvabescu majare queŷnora majacacŷbe ŷi. <sup>41</sup>Que baru jáve coyŷyŷbu mŷjare: Ácu pōescu jíyŷ baru cŷinárŷ jororŷre ocoque, cađatecŷyŷ cŷinácŷ ji bueimarecacŷre, ŷi yóvaiye boje yŷre, jáve bĩjabcŷyŷme Jŷmenijicŷi me bojedaiyede ŷre, arejameđa Jesús.

**Jidojarō maje āmeina teino**  
(Mt 5.13, 29-30, 18.6-9;  
Lc 14.34-35, 17.1-2)

<sup>42</sup>Bedióva buedejameđa Jesús, yópe arĩ:

—Ácu pōescu ŷi vainí tŷre đaru apescu yŷre jŷ ayŷre parubescŷreca, ŷi đajocaquiyepe ayŷ ŷi jŷ aiye de yŷre, meajebu ŷre jarŷvaru jia ŷrađai ŷi űamemui bŷorĩ cŷinábo cŷrabo ŷraboque. <sup>43-44</sup>Aru mŷ āmeina teyŷ baru mi pŷŷaque, burarĩ jarŷvajacu đipŷrŷre. Meaquiye bu mŷre, mi earu cavarō mearo Jŷmenijicŷi cŷrōi cŷinárŷrŷque. Ūbenita meamequiye bu mŷre, mi nŷru toabo cŷiméboi caipŷcarŷrŷaque. <sup>45-46</sup>Aru mŷ āmeina teyŷ baru mi cubobaque, burarĩ jarŷvajacu đibare. Meaquiye bu mŷre, mi earu cavarō mearo Jŷmenijicŷi cŷrōi cŷinába cubobaque. Ūbenita meamequiye bu mŷre, mi nŷru toabo cŷiméboi caipŷcaba cubobaque. <sup>47</sup>Aru mŷ āmeina teyŷ baru mi yacorŷque, ĩni jarŷvajacu đidŷre. Meaquiye bu mŷre, mi ecoru Jŷmenijicŷi jaboteinore cŷinárŷ yacorŷque. Ūbenita meamequiye bu mŷre, mi nŷru toabo cŷiméboi pŷcarŷa yacorŷaque. <sup>48</sup>Nore toabo cŷiméboi cŷrōi cuma júva yaibéŷvŷ. Que baru pōeva nore nŷivŷ baru cainŷmŷa űájinajarama na, toabore aru júvare máre.

<sup>49</sup>Meadaivŷ maje āiyede yuquiraque. Nopedeca űájije meadaivŷ pōevare. <sup>50</sup>Yuquira maje āiyede meadaivŷ. Ūbenita yuquira vaijŷe bĩjaru, āiyede meadaie buojabevŷ. Aru mŷja máre yuquirape bájarā. Nópe yuquira meadaiyepedeca maje āiyede, cađatejarā mŷjevŷre. Aru cārjijimene đarĩ, me cŷjarā mŷjevŷque, arejameđa Jesús.

**Jesús ŷi bueino nomi jarŷvainore**  
(Mt 5.31-32, 19.1-12; Lc 16.18; 1 Co 7.10-11)

**10** <sup>1</sup>Bueniburu yóboi, Jesús etarejameđa ne ĩmarore jocarĩ. Aru nŷrejameđa Judea āmicurijoborōi aru Jordán āmicuriya jia apedŷvei máre. Bedióva cojedeca obedivŷ pōeva cōjijidejaimada ŷi yebai. Aru ŷi đarĩ cōmajiyeye, bueyŷ barejameđa náre. <sup>2</sup>Fariseovacavŷ máre nŷrejaimada ŷi yebai, jujovaiyŷrivŷ ŷre, jēniari járejaimada:

—¿Cúinácu ũmu jaruvayu baru jímarepacore, ðaídi yópe maje ðaicójeiyepere? arejaimada na.

<sup>3</sup>Náre arejamedá Jesús:

—¿Aipe ðaicójenejaquemari Jūmenijicu, ũi toivaicójeiye báquede Moisés bácuere? arejamedá.

<sup>4</sup>Aru arejaimada:

—Moisés bácu jícójenejaquemavu pōecure cúináyoca “Mure jaruvayubu yu” aiyocare jímarepacore, arejaimada na.

<sup>5</sup>Aru Jesús arejamedá:

—Moisés bácu jaruvaicójenejaquemavu mujare mujemarepacore, muje Jūmenijicui ðaicójeiyede járiaiyube boje.

<sup>6</sup>Ūbenita mamarumure, Jūmenijicu cuedarejaquemavu caiyede. “Ūmu macuyáre aru nomió macodóre máre ðarejaquemavu Jūmenijicu”. <sup>7</sup>Aru, “Que baru caride ácu pōecu jímarepaco bacoðó cuvacuuy, ũi bucavare ðajocacuyume. <sup>8</sup>Aru jímarepacore cuvari, ómaque cúinávupetamu na Jūmenijicui jáinore”. <sup>9</sup>Que baru pucarã ámeta. Quénora cúinávupetamu na. Que baru pōecu Jūmenijicui cójjiovaimara mácavure coavabejacurĩ ũ, arĩ buedejamedá Jesús.

<sup>10</sup>No yóboi, cūrami jívui ina ũi bueimara jēniari járejaimada ũre cojedeca aipe iye ũi coyuiye báquede.

<sup>11</sup>Náre arejamedá:

—Ácu pōecu jímarepacore jaruvarĩburu yóboi purubuoyn baru apocoque, nomicucvavari apocoque cucu baru, ámeina ðaibi óre ũi mamarumucacore jaruvari. <sup>12</sup>Aru áco pōeco jímarepacure jaruvarĩburu yóboi purubuoðo baru apocuque, ũmucucovavari apocuque cucu baru, ámeina ðaibico ũre ði mamarumucacure jaruvari, arĩ buedejamedá náre Jesús.

**Jesús ũi mearore jino juedovare  
Jūmenijicuque**

(Mt 18.3, 19.13-15; Lc 18.15-17)

<sup>13</sup>Pōeva núvare cuivu barejáimada némarare Jesús yebai, ũi tuoquiyepe aivu náre ũi puruáque. Que teni ũi

bueimara núvaicójemendurejaimada némarare. <sup>14</sup>Ūbenita Jesús járejamedá náre ne que ðaiyede.

Pare cojubedejavūya ũre. Que baru arejamedá náre:

—Ina juedova ðajarari ji yebai.

Jūmenijicu jabotecuyume pōevare nápe paivure. Que baru, “Davabejarã juedovare”, abejarã náre. <sup>15</sup>Jáve coyuyubu mujare: Ácu pōecu copu etabecu baru Jūmenijicure jaboteyure ũre, yópe juedocu ũi copu etaiyepe, ecobecuyume ũi jaboteinore, arejamedá Jesús.

<sup>16</sup>Que arĩ, Jesús ĩni ðururejamedá ina juedovare ũi ámuveaque. Náre coapa ðururĩ, tuorĩ ũi puruáque, mearore jídejamedá náre Jūmenijicuque.

**Cúinácu ũmu cuve cuvacu Jesúmaque  
ne boroteino**

(Mt 19.16-30, 20.16; Lc 13.30, 18.18-30)

<sup>17</sup>Jesús ũi núiyede cojedeca, cúinácu ũmu cúyarĩ nuatutarejamedá ũi yebai. Aru jēniari járejamedá ũre:

—Mu, bueipōecu meacu, ¿aipe ðaji yu, cuvacuuy járavu cúiméjáravu baquinóre? arejamedá ũ.

<sup>18</sup>Jesús arejamedá ũre:

—¿Aipe teni “Meacubu mu”, ayurũ yure? Jūmenijicu cúinácurabe meacu baju. <sup>19</sup>Majivura mu Jūmenijicui ðaicójeiyede ũi coyuiye báquede Moisés bácuere: “Pōevare boarĩ jaruvabejacu. Cuvabejacu apcore mimarepacore jaruvari. Navamejacu apacu ũi cuvade. Borodabejacu apacure. Borocurĩ imejacu apacu ũi cuvade. Ju ajacu mipacure aru mipacore máre”, arejamedá Jesús.

<sup>20</sup>Que teni arejamedá Jesúre:

—Mu, bueipōecu, ðacacu caiye iye mi coyuiyede juedocu cãreja yu, aru caride máre, arejamedá.

<sup>21</sup>Jesús ũre jári, urejamedá. Aru arejamedá ũre:

—Cúináro javvu mure cãreja. Nujacu aru jini bojedajacu mi cuvade. Aru mi ĩquiyepe jíjacu ina cōmaje árojarivure. Que teni cuvacuuyumu mu boje méne cavarõ mearo Jūmenijicui curõi. Aru ðajacu yúque, arejamedá Jesús.

<sup>22</sup>Iyede jápiarí, ñai ñmũ cojubeteni aru urredõ baju chíori nurejameða Jesúre jocarí, dajocaiyubecu ñi ure cavede.

<sup>23</sup>Que teni Jesús ñi bueimarare jári, arejameða náre:

—Ina pöeva cüve cüvarivure pare maiyójavu ne ja aiye Jümenijicure, ñi meadaquiyepe aivu náre aru ne ecorãjiyepe aivu ñi jaboteinore, cavarõ mearo ñi cürõre, arejameða náre Jesús.

<sup>24</sup>Iye ñi coyüiyede jápiaivu bácavu ñi bueimara, cücumarejaimada. Aru Jesús arejameða náre cojedeca:

—iMüja, ji umara, pare maiyójavu cüve cüvarivure ecoiyurivure Jümenijicui jaboteinore! <sup>25</sup>Cüinácu ãimacu uracu, camello ãmicucu, ñi ecoru aviyo cobei, maiyójajebu úre. Aru püeno maiyójavu cüve cüvacure ñi ecoquino Jümenijicui jaboteinore, arejameða Jesús.

<sup>26</sup>Urarõreca cücumaiivu, arejaimada úre:

—¿Ñame buojarí ecorãjidica Jümenijicui jaboteinore, cüvarãjivu jãravu cüiméjãravu baquinóre? arejaimada na.

<sup>27</sup>Jesúcapüravu náre jári, arejameða:

—Pöeva ne ðarí majibeno maiyójabevu Jümenijicure. Ñ cüinácura buojarí meadayube pöevare, arejameða Jesús.

<sup>28</sup>Aru Pedro arejameða úre:

—Dajocacará ñüja caiye ñüje cüvaede, ñüje daiye boje máque, arejameða Pedro.

<sup>29-30</sup>Jesús arejameða:

—Jãve coyüyubu müjare: Ácu pöecu ðajocayu baru ñi cüramine, o jíbũrãre, ímarare, jípacore, jípacure, mamarare, o ñi joborõre máre, ñi daiye boje yúque, aru Jümenijicui yávaiye méne coyüiye boje máre, eacüyüme püeno baju caride ijãravui cüramiare, aru jíbũrãre, ímarare, jíbũcürõmivare, mamarare, aru ñi joborõre máre apevu ñájine ðaivureca úre, ðaquijãravu baquinói cüvacüyüme jãravu cüiméjãravu baquinóre. <sup>31</sup>Dinüme apevu jaboteivu bácavu ijãravure, jabotebenajarama na Jümenijicui jabotequiye. Aru apevu jabotebevu bácavu ijãravure,

jabotenajarama na Jümenijicui jabotequiye, náre arí buedejameða Jesús.

**Jesús ñi coyüino bedióva cojedeca ñi yaiquínore**

(Mt 20.17-19; Lc 18.31-34)

<sup>32</sup>Mái nure nuivu barejáimada Jerusalén ãmicüríimaro. Jesús nurejameða ne jipocai. Ñi bueimara cücumarejaimada. Aru apevu máre, náre cujuivu, jidurejaimada. Cojedeca Jesús nüvarejameða ina doce paivure apevure jocarí. Aru coyurí búrejameða náre pöeva ne ðarãjiye. <sup>33</sup>Coyurí arejameða yópe:

—Jerusaléi nuivubu. Nore curí, yure, Jümenijicui daroimü mácure ümure, ji maucu jëni jíquijibi sacerdotevare jaboteipöevare aru Jümenijicui yávaiye báquede bueipöevare máre. Ina pöeva arãjivubu: “iBoarí jaruvajarã úre! iYaijãcürí!” Que arí, jínajivubu yure ina judíova ãmevure. <sup>34</sup>Que teni ina pöeva yürinajivubu yure. Jëcututurajivubu yure. Jara popenajivubu yure. Aru boarí jaruvãrãjivubu yure. Ñbenita yóbecurijãravua yóboi, jípacu, Jümenijicu, nacovacüyüme yure yainore jaruvãrí, arejameða Jesús.

**Santiago aru Juan ne jëniaino Jesúre**

(Mt 20.20-28, 23.11; Mr 9.35; Lc 12.50, 22.25-27; Jn 13.12-15)

<sup>35</sup>Santiago aru Juan máre, Zebedeoí mára eare nurejaimada Jesús yebai. Aru arejaimada úre:

—Mü, bueipöecu, ðajacu ñüje urõre, ñüje jëniarajiyede müre, arejaimada na.

<sup>36</sup>Jesús jëniari járejameða náre:

—¿Yéde ðacaji müjare? arejameða ñi.

<sup>37</sup>Aru arejaimada úre:

—Dobaicójejacu ñüjare mi yebai, cüinácu meapüravui aru apecu cãcopüravui, mi jabotequinüme maquinóre, arejaimada na.

<sup>38</sup>Ñbenita Jesúcapüravu arejameða náre:

—Müje jëniayede coreóvabevubu müja. Dobaiyurivü baru yúque ji

jabotequinumu maquinóre, mamarumu ñájiye javvu mujare yáque. ¿Ũcuri buojarājídica muja ji ũcuinore? ¿Aru jáđovari buojarājídica muja yópe ji jáđovainope Jūmenijicuque? arejameđa náre Jesús.

<sup>39</sup>Na ju arejaimađa úre:

—Buojaivubu ñuja, arejaimađa.

Aru Jesús arejameđa náre:

—Ji ũcuinore ũcurajivubu muja.

Que teni ji ñájiyepedeca ñájinajivubu muja. Aru ji Jūmenijicuque

jáđovaiyepedeca jáđovarajivubu muja.

Que teni ji đaiyepedeca đarājivubu

muja Jūmenijicui uróre. <sup>40</sup>Ūbenita

yávacari beobevu náre, dobarājivure

ji meapūravui aru ji cācopūravui máre.

Quénora dobarājarama nore ina jipacui beoimara mácavv, javeta ũi meadaimara mácavv, arejameđa Jesús.

<sup>41</sup>No yóboi, jápiarejaimađa ne borore apvvu caipucapvurape paivu Jesúi bueimara. Que baru jararejaimađa inare, Santiagore aru Jūare máre. <sup>42</sup>Dinumu Jesús órejarameđa ũi bueimare ũi yebai. Aru arejameđa náre:

—Muja majivu ina jaboteivure judíova ámevvure ne đaiyede. Paruéque cōjeivubu ina ne jaborócavvure, ne đacarājiyepa aivu náre ne urópe.

<sup>43</sup>Ūbenita nápe đabejarā muja. Ñai mujacacv parvcv baiyvvcv baru, memecajacurĩ mujare. <sup>44</sup>Aru nopedeca ñai mujacacv jabocv baiyvvcv baru, yebacatejacurĩ caivvure. <sup>45</sup>Nopedeca Jūmenijicui daroimv mácv ũmure, yv, dabedejacacv, pōeva ne memecarājiyepa ayv yvre. Quénora darejacacv yv, memecacvuv apvvure aru boarĩ jarvvaicōjescvuv ji bajure, meadacvuv obedivv pōevare, ji yaiquýede náre boje, arejameđa Jesús.

**Jesús ũi meadaino Bartimeore, jári eabecvure**

(Mt 20.29-34; Lc 18.35-43)

<sup>46</sup>Jerico ámicurĩmaroi earejaimađa na Jesújā. Nore curĩdivv bācavv nurejaimađa na cojedeca. Jesús ũi bueimaraque, obedivv pōeva máre

yóvarĩ nurejaimađa. Ne nūimai, no ma écarui, Bartimeo, Timeoi mácv, dobarejameđa. Jári eabecv barejameđa.

Que baru tāturare jēniavarejameđa.

<sup>47</sup>Aru pōeva “Jesús Nazarecacvbe ũ”, aivvure jápiayv, codoboborejameđa Bartimeo:

—Mv, Jesús, David bācvĩ pāramecv, Jūmenijicui daroimv mácv, ñvje jabocv bacvuyá, yvre cōmaje āroje jájacv m, arejameđa ũ.

<sup>48</sup>—Bi ajacv m, arĩdurejaimađa Jesújāque nūivv.

Ūbenita pvenu baju

codoboborejameđa ũ cojedeca:

—Mv, David bācvĩ pāramecv, Jūmenijicui daroimv mácv, ñvje jabocv bacvuyá, yvre cōmaje āroje jájacv m, arejameđa ũ.

<sup>49</sup>Que teni úre codoboboyvre jápiayv Jesús, dajocarejameđa. Aru úque nūivvure cutuicōjenejameđa.

—“Dajacurĩ”, aibi mure Jesús.

Torojujacv m, arejaimađa Bartimeore.

<sup>50</sup>Aru cūiná nacajari, ũi pvenocacajede quédada durĩ jarvvarĩ, Jesús yebai earejameđa ũ.

<sup>51</sup>—¿Aipe đacaji yv mure? jēniari járejameđa úre Jesús.

—Mv, bueipōecv, jári eabevv yv. Ūraró jáiyvuv yv, arejameđa Jesúre.

<sup>52</sup>—Dinumu meavv. Ména nujacv. “Yvre meadacvuyvme Jesús”, arĩ dāpiarebu m. Que baru mi jári eabede meadacavv yv caride, arejameđa úre Jesús.

Aru cūiná járejameđa ũ, jári eabecv bācv. Que teni Jesúre yóvarĩ nurejameđa ũ máre, Bartimeo.

**Jesús Jerusaléi ũi ecoino**

(Mt 21.1-11; Lc 19.28-40; Jn 12.12-19)

**11** <sup>1</sup>Jerusalén ámicurĩmaro joabejinoi nurĩ, Betfajé aru Betania ámicurĩmajinoa baji, no cāracū Olivocū ámicuricū émeino baji, earejaimađa na, Jesús ũi bueimaraque. Nore earĩ ũi bueimarcavv pvcarāre jarorejameđa Jesús.

<sup>2</sup>Náre yópe arĩ:

—No cōchinosi cūriimajinosi  
 mūja mūja. Ma ēmeinosi pōevare  
 ūmaiāimacure, burrore, earājaramu  
 mūja, nōcacu ūi buoimure. Pōeva  
 ne tubabemutame cāreja. Ūbenita ūi  
 buoimene jōdeni, ūre davacajarā yure.  
<sup>3</sup>Aru, “¿Aipe teni burrore ūi buoimene  
 jōdeni, ūre nuvaivurū mūja?” ne aruta,  
 yōpe ajarā: “Ñujare ícōjensi darobi maje  
 jabocu. Ūre ūmacayu āimacu jaubi ū.  
 Carijieneca mūjare jacopaiyovacuyume  
 cojedeca”. Nōpe ajarā, arejameđa Jesús.

<sup>4</sup>Na ju arī ícarānurejameđa. Nuri,  
 burrore earejameđa na. Cūrami  
 jedevai, ma ēcarui, buoimu núrejameđa  
 ū, tubamu. Aru ūi buoimene  
 jōdenidurejameđa na. Dinumuma ina  
 burro yebai nūrivu arejameđa:

<sup>5</sup>—¿Aipe teni jōdeivurū mūja ūi  
 buoimene? arejameđa tubamure  
 ícaivure Jesús.

<sup>6</sup>Jesús ūi aipe báquepedeca náre, nore  
 nūrivure coyurejameđa tubamure ív.

<sup>7</sup>Coyurī buojarī, nuvaicōjenejameđa  
 náre nōcav. Nuvari Jesúsre burrore  
 nuvacarejameđa ina pucarā. Ne  
 doicajea, ne puenocacajeare tubamura  
 tuorī, Jesúsí tubaquinore ðarejameđa ūi  
 bueimara. Aru burrore tubarejameđa  
 Jesús. <sup>8</sup>Dinumuma ne puenocacajeare  
 jūarejameđa ina obedivu pōeva  
 mára. Aru apevu jocucu cavabua yoca  
 curicavabua burarī, jūarejameđa  
 mára, Jesúsre meadaiyurivu ne pueðarī  
 jacyurājiiyepa aivu.

<sup>9</sup>Ūre jipocateivu aru ūi yóbocavu  
 máre coðoboborejameđa na:

—Jūmenijicure torojue bajadéni.  
 Jūmenijicu mearo ðacaimume ū,  
 Jūmenijicui daroimu mácu. <sup>10</sup>Majeñecu  
 mácu, David bácu jaboteino  
 mácarōpedeca, cari jabotecuyume.  
 Ūi jabotequino meaquiyebu. Cari  
 jabocu bacuyáre ména borotenajarevu.  
 Jūmenijicure torojue bajadéni,  
 coðoboborī arejameđa na.

<sup>11</sup>Aru Jesús Jerusalén āmicūriimaroi  
 earī, Jūmenijicui cūrami nurejameđa.  
 Nore earī, ecorejameđa Jesús. Nore  
 cocorī járidurejameđa Jesús. Ūbenita

nainúta marejávūya. Que baru ūi  
 bueimara doce paivaque Betania  
 āmicūriimajinosi nurejameđa Jesús.

**Jesús ūi āmecoroino higueraçu jēidua  
 cubecure**  
*(Mt 21.18-19)*

<sup>12</sup>Cōmiājaravu javejīnara, Jesúsja  
 ne etaiyede Betania āmicūriimajinore  
 jocarī, āvué ijidejavūya Jesúsre.

<sup>13</sup>Járejameđa joai cūinācu jocucu  
 higueraçure yoca curicure. Que baru  
 jēiduaare vocūnuridurejameđa dicu yebai.  
 Ūbenita nore earī, yoca matuiyeda  
 járejameđa. Jēidua cubedejavūya, jēidua  
 higo āmicuridua jēijāravu eabe boje.

<sup>14</sup>Aru arejameđa dicure:

—Cainumua āmejarari pōeva mi  
 jēiduaare cojedeca, arejameđa Jesús.

Aru nōpe ūi aiyede jápiarejameđa ina  
 ūi bueimara.

**Jesús ūi meadaino Jūmenijicui  
 cūramine**

*(Mt 21.12-17; Lc 19.45-48, Jn 2.13-22)*

<sup>15</sup>Bediōva Jerusalén āmicūriimaroi  
 earejameđa na Jesúsja, Betania āmicurōi  
 nuivu bácvu. Earī, Jūmenijicui cūrami  
 nuri, diñami tāibui ecorejameđa Jesús.  
 Nore diñami curivu bojeðaipōevare  
 jaruvarī jarorejameđa Jesús. Tāutura  
 oatuvaipōeva ne jáðovaivare moari  
 najuárejameđa ū. Aru jurevare  
 bojeðaipōeva ne dobarōare máre  
 moari najuárejameđa. <sup>16</sup>Diñami tāibui  
 nuvari jatajurorivure ye apejē paiyede  
 nuvaicōjemenejameđa Jesús. <sup>17</sup>Náre  
 bueyu, yōpe arejameđa ū:

—Yōpe arī, toivaicōjenejaquemavu  
 Jūmenijicu ūi yávaiyede: “Ji  
 cūrami caivu pōeva ne yure,  
 Jūmenijicure, coyuiñamimu”, arī  
 toivaicōjenejaquemavu. Ūbenita  
 diñamine tatorī ívu ne dupiñamipe  
 ðaquemavu mūja, mūje pueno urarō  
 tāutura íye boje pōevare jocarī, ne  
 bojeðaiyede mūje cūvaede, arejameđa  
 náre Jesús.

<sup>18</sup>Sacerdotevare jaboteipōeva aru ina  
 Jūmenijicui yávaiye báquede bueipōeva

diede, Jesús ùi ðaiye báquede, jápiarí, úre boarí jaruvaiyurídurejaimada na. Ùbenita ina pðevacapúravu Jesús ùi bueiye ðápiarí, urarò ðápiarejaimada na. Que baru jidurí, úre ne boarí jarubarájiyede borotodejaimada ina sacerdotevare jaboteipðeva ina Jùmenijicui yávaiye báquede bueiðevaque. <sup>19</sup> Aru nainíburu yóboi ðiimarore jocarí, nùrejaimada Jesújã.

### Higueracu yaicu

(Mt 6.14-15, 17.20, 21.20-22; 1 Co 13.2)

<sup>20</sup> Cõmiájãravu javejínara vainánuivu ðicu higueracu yebai járejaimada. Aru caicu ðicu aru caiye nùo máre yaidéjavãya. <sup>21</sup> Dinũmũma Pedro, Jesús ùi yávaino mácarõre ðicure aruri, arejameda úre: —iMũ, bueiðecu, jájacu! Ðicu, mi ênoare âmecorovaricu, yaidébu, arejameda Jesúre.

<sup>22</sup> Aru Jesús arejameda náre: —Ju ajarã muja Jùmenijicure, ùi caðatequiyepa aivu mujare. <sup>23</sup> Jáve coyũyũbu mujare: Ácu pðecu icũ cùracũre ùi aru yópe: “Nujacũ yore jocarí pũ jia uradaita, cocunujacũ”, nópe ðaquiyebu ðicũ. Ácu pðecu ùi me ju aru Jùmenijicure aru “Jùmenijicu iye ðaiyede majibebi”, arí ðápiabedu, caiye ùi cùracũre cõjeiyepa tequiyebu. <sup>24</sup> Que baru coyũyũbu mujare: Caiye iye muje Jùmenijicure jëniayede, ðápiajarã yópe: “Jãve Jùmenijicu jícuyũme yure”, arí ðápiajarã muja. Yópe ðápiaru, Jùmenijicu jícuyũme mujare muje uede. <sup>25</sup> Aru cainũmũa muje jëniayede majepacuque, jaraivũ baru o chíoiũvũ baru apesu ùi âmeina teiyede, arũmetejarã diede. Cãrijimene ðajarã úque, majepacu cavarò mearocacu ùi arũmetequiyepa aivu muje âmeina teiyede máre. <sup>26</sup> Ùbenita apesu ùi âmeina teiyede mujaque arũru, majepacu cavarò mearocacu arũmetebecube muje âmeina teiyede máre, náre arí buedejaimada Jesús.

### Jesús ùi parué

(Mt 21.23-27; Lc 20.1-8)

<sup>27</sup> Bediõva cojedeca earejaimada Jerusalén âmiciurĩmaroi. Nore

Jùmenijicui cãrami táibui cuyũ barejameda Jesús. Sacerdotevare jaboteipðeva, aru Jùmenijicui yávaiye báquede bueiðeva, aru judiõva bucũva máre nùrejaimada ùi yebai. <sup>28</sup> Jëniari járejaimada úre:

—¿Ye paruéque ðayurũ mu iye mi ðaiyede? ¿Ñame jídi mure iye paruéde mi nópe ðaiyede? arejaimada Jesúre.

<sup>29</sup> Jesús arejameda náre:

—Yu máre jëniari jáquijivũ mujare cũinãro jëniari jáinore. Coyũjarã yure. Yure muje coyũyede, yũ máre coyũquijivũ mujare ji paruéque ji ðaiyede. <sup>30</sup> ¿Juan Bautista bácu jáðovarejaquemari pðevare Jùmenijicu ùi paruéque o pðeva ne paruéque? Coyũjarã yure, arejameda náre Jesús.

<sup>31</sup> Ùi que aiyede, borotodejaimada ne bajumia yópe:

—Maje aru “Jùmenijicuque”, ù aquijibi “¿Aipe teni ju abetecarãrũ úre?”

<sup>32</sup> Ùbenita “pðevaque” aye jaubevũ majare, ne bajumia arejaimada.

Caiyvũ ina obedivũ pðeva coreðvarejaimada Juan Bautista bácu Jùmenijicui yávaiyede coyũcaipðecu bajure. Que baru ina jabova jidurejaimada náre. <sup>33</sup> Arejaimada Jesúre:

—Majibevũ ñuja, arejaimada.

Dinũmũre Jesús arejameda náre:

—Yu máre coyũbevũ mujare ñamei paruéque ji ðaiyede, arejameda Jesús.

### “Âmena memecaipðevare” jári ðápiarí ne ðarãjiyepa aino

(Mt 21.33-46; Lc 20.9-19)

**12** <sup>1</sup> Dinũmũre Jesús coyurí búrejameda náre jári ðápiarí ne ðarãjiyepa ainoque, yópe arí:

—Cũinãcu ùmũ doaicõjequemavũ jiore úyaimuque. Doarí bũojarí, ðaicõjequemavũ biãidore jio turãvai. Aru ùicõjequemavũ cobede úyai pipocobede. Aru ðaicõjequemavũ ùmujurĩñami cãramine, jiore coreipðecu ùi jáquiñamine máre. Caiye iyede meadãrĩ bũojarí, vorí earí jiore memeiðevare, epequemavũ náre

ne memecarājīyēpe ayu ére. Ina memecairpōeva īnajivū batequémavū apeboa úyaiboare, ne memēye boje. Aru nuquemavū ñai ūmū apeno joborōi. <sup>2</sup>Úyai jējījāravū yóboi, ñai ūmū jarorīduquemavū cūinácū ūi yebacacūre memecairpōeva yebai, ūi īquiyēpe ayu apeboa úyaiboare, ñai jabocu jiede. <sup>3</sup>Ūbenita ñai yebacacū ūi eaiyede nore, ina memecairpōeva ére jēni, pare boarí, copaide ñaquemavū ére quédada. <sup>4</sup>Cojedeca ñai ūmū, jio upacū, jarorīduquemavū apesu ūi yebacacūre memecairpōeva yebai. Ūbenita churiá ñaquemavū ére ūi jipobui. Aru cūyojarō ñaquemavū ére máre. <sup>5</sup>Cojedeca ñai ūmū, jio upacū, jarorīduquemavū apesu ūi yebacacūre nore, memecairpōeva yebai. Ūbenita boarí jarūvaquemavū ére. Apevūre jio upacū ūi jaroimarare máre boaquémavū. Aru apevūre boarí jarūvaquemavū na.

<sup>6</sup>No yóboi, mautequemavū ñai jio upacūre cūinácū ūi mácu cūinácūva, pare ūi ūmū. Quénora jarorīduquemavū mamacūre. “Ére jáivū, pueðarājichuma” ayu, que dápiacquemavū ū. <sup>7</sup>Ūbenita ina memecairpōeva jáivū ñai jio upacūi mácu, aquemavū ne bajumia, “Ñai ñūje jabocu bacūyūme. Jíracu ūi yainíburu yóboi, cūvacūyūme caiye ūi cūvaede. Járica, boarí jarūvarājarevū ére, maja cūvaburí caiye ūi cūvaede”. <sup>8</sup>Que arí, ére jēni, boarí jarūvaquemavū. Aru ūi baju bácarōre jaetovaquemavū jiore jocarí, arejameða Jesús.

<sup>9</sup>Na ūi coyūiyede jápiaivūre jēniari járejameða Jesús:  
—¿Aipe ñaquidi ñai jio upacū náre? Ū boarí jarūvacūnūcūyūme ina memecairpōevare. Aru apesu yūme apēvū memecairpōevare noi, ūi jioi. <sup>10</sup>¿Jári borotēbenarū mūja iye Jūmenijicūi yáviaye ūi toivaicōjeiye báquede? Yópe toivarejaquemavū yurā, Cristo ji borore:

Iva cūravare cūramine ñaipōeva ūbeni jarūvaquemavū. Caride iva cūrava caiva apeva pueno parūrivabu. <sup>11</sup>Nópe ñaino mácarōre ñaquemavū Jūmenijicu.

Que baru pare mearotamu majare, maje dápiaru, arí toivarejaquemavū, arejameða Jesús.

Yópe aiyurōtamu no: Pōeva “Ámecūbe ū”, arīdurājarama Jesúi borore. Ūbenita meacu bajube ū, Jesús, caivū apēvū pueno.

<sup>12</sup>Que aiyede, Jesúre jēni, nuvaiyurīdurejaimaða, ūi coyūiye boje nára no jári dápiarí ne ñarājīyēpe ainore. Ūbenita jidurejaimaða ina obedivū pōevare. Que baru ére ñajocarí etarí nurejaimaða.

### Jesús ūi coyūino jabovare bojedainore

(Mt 22.15-22; Lc 20.20-26)

<sup>13</sup>Fariseova aru Herodecavū jarorejaimaða nácvare Jesús yebai, ére jūjovarí, jacotujurovūre. <sup>14</sup>Ūi yebai earí, ére yópe arejaimaða na, madaaiyurivū:

—Mū, bueipōecu, mure coreóvaivūbu ñūja. Nurié yávaivū mū. Caivūre cūinácūmūara yávaivū mū. Coyūbevū mū pōevare yópe ne ñaiyēpe. Quénora jidūbecūva coyūivū mū náre yópe ne dápiayēpe. Jáveneca bueivū mū pōevare, ne ñarājīyēpe ayu mearore yópe Jūmenijicūi ñaicōjeiyepe. ¿Maje jabocu César ūi ícōjejūroede, ūi jaboteiye boje, maje bojedaru, mearica die? ¿O bojedabejeba maja? ¿Bojedaje bárica maja? ¿O bojedaicōjeino āmeni? arejaimaða Jesúre ina fariseova aru ina Herodecavū.

<sup>15</sup>Ūbenita ne jūjovajuroede majicu, náre yópe arejameða Jesús:

—¿Aipe teni yūre jūjovaiyurīdurí vainí tuiyurārū mūja? Yūre tāuturaturava, ji jáquituravare, davajacurí mūjacacu, arejameða náre Jesús.

<sup>16</sup>Ére tāuturaturavare nuvarejameða náccacu. Ére nuvari jíyede, arejameða Jesús:

—¿Ñamema ñai, dituravare jēñū? ¿Aru ñamei āmiá curituravaba diturava? arejameða náre Jesús.

Ére arejaimaða:



—Ñai jabocũ Césai decocũ aru ñi ãmiá máre curituravatamu, arejaimada.

<sup>17</sup>Que aivure arejamedã Jesús:

—César jiede ére jacopaiyovajarã muja. Jíjarã ére táutura yópe ñi bojedaicõjeiyepe mujare. Aru Jūmenijicu jiede ére jacopaiyovajarã muja. ðajarã yópe ñi urõpe, arejamedã náre, jēniari járadaivure, Jesús.

Aru jujovaiyurĩduivu b́acavu Jesúre ñi que aiyede, urarõ d́apiarejaimada ina fariseova aru ina Herodecavu máre.

**Saduceova ne jēniari jáino Jesúre yainore jarũvarĩ nacajainore**

(Mt 22.23-33; Lc 20.27-40; Hch 23.8)

<sup>18</sup>Apevu saduceova n̄rejaimada Jesús yebai. Saduceo ãmicurijubobu judíovacavu ne yajubo cūináyajubo. Caivu saduceova “Yainore jarũvarĩ nacajaiye cubevũ”, adama na. Jesúre jēniari járejaimada ina saduceova yópe:

<sup>19</sup>—Мъ, bueipõescu, Jūmenijicui ðaicõjeiyede Moisés b́acu toivarejaquemavu yópe: Cūinácu nēmamicu yaidú, j́imarepacore jocarĩ juedocuvabecova, yaiyú b́acui yócupe purubuoioye javũv õque, juedocuvacuvũ. Aru ina juedova bárãjivu yaiyú b́acui ãmiáre cũvarãjarama na. Que arĩ, toivarejaquemavu Moisés b́acu.

<sup>20</sup>Javede ćatequemavu siete paivu ñmũva. Cūinácu ñmũi mára matequémavu na. Nēmamicu purubuoquemavu. No yóboi, yaiquémavu ñ mácu, juedocuvabescuva. <sup>21-22</sup>Que baru apescu, ñ mácurã cutuyũ, purubuoquemavu j́bũcu b́acui márepacoque. Aru j́bũcu b́acupedeca, yaiquémavu ñ mácu máre, juedocuvabescuva. Aru apescu, ñ mácurã cutuyũ máre, popedeca, aru caivu ina siete paivu b́acavu õque purubuoĩ, yaiquémavu, juedocuvabevũva. Caivu ne yóboi, ico nomió máco máre yaiquémavu. <sup>23</sup>¿Yainore jarũvarĩ nacajaijãravũ baquinóre, ñamei márepaco bacodóba ico? J́ãravũ caivu ina siete paivu cũvatequemavu õre, arejaimada na Jesúre.

<sup>24</sup>Aru Jesús arejamedã ina saduceovare:

—Mamateivũbu muja muje majibe boje Jūmenijicui yávaiyede. Aru Jūmenijicui paruéde máre majibevũbu muja. <sup>25</sup>Yainore jarũvarĩ nacajaijãravũ baquinóre purubuoenajarama. Aru j́benajarama nēmaromivare, ne purubuoĩj̄iyepe aivũ. Quénora ángeleva, ina purubuobevũ, cavarõ mearo Jūmenijicui curõcavũpe paivu barãjarama ina yainore jarũvarĩ nacajarajivu. <sup>26</sup>¿Iye yainore jarũvarĩ nacajaiyede, jápiarĩ eabenaru muja iye Jūmenijicui coyũiye báquede Moisés b́acu ñi toivaiye báquede, jocũj̄icu uruij̄icure coyũĩ? “Ýtamu Jūmenijicu. Abraham, Isaac, aru Jacob ne mearore j́mũtu yũ”, arejaquemavu Jūmenijicu Moisés b́acure. <sup>27</sup>Que arĩ, yaivu b́acavu ne mearore j́mũ ãmemi Jūmenijicu. Quénora apũrivũ ne mearore j́mũtame ñ. Que baru ina majeñecuva apũrivũbu. Que baru pare mamateivũbu muja, arejamedã náre Jesús.

**ðaicõjeiye parué caiye p̄eno**

(Mt 22.34-40; Lc 10.25-28)

<sup>28</sup>Cūinácu Jūmenijicui yávaiye báquede bueipõescu Jesús yebai earĩ, jápiarejamedã Jesús apenvuque ne copũ boroteiyede. Jesús náre ñi copũ aiyede cojurejavũya ére. Dinũmũma Jesúre yópe jēniari járejamedã Jūmenijicui yávaiye báquede bueipõescu:

—¿Ároma majare Jūmenijicui ðaicõjeino mácarõ p̄eno parũrõ cõjeino? arejamedã.

<sup>29</sup>Aru Jesús ju arejamedã ére:

—P̄eno parũrõ ðaicõjeinotamu yo: “J́apijarã muja, Israecavu. Maje jabocũ Jūmenijicu cūinácuratame. <sup>30</sup>¿Jacu mi jabocũ Jūmenijicure caino mi ñmedũque, caino mi ñmeque, caino mi majiéque, aru caino mi baju paruéque máre”. <sup>31</sup>Aru no yóbo cãchijino parũrõ ðaicõjeino yópe ainomu: “Mi bajure mi jescũpedeca jescũjacu ḿicure máre”. Iye ðaicõjeiyebu p̄eno parué. Ap̄eno ðaicõjeino p̄eno parũrõ cubevũ, arejamedã Jesús.

<sup>32</sup> Arejamedá Jesúre:

—Mu, bueipõecu, jãvetamu. Mu jãve arĩ coyũivu mu. Jũmenijicu cũinãcurabe ã. Apecu cubebi. <sup>33</sup> Maje ãimacu caicure toaque juarĩ, Jũmenijicure jíye o maje ape paiyede Jũmenijicure jíye meavu. Ëbenita Jũmenijicure caiye maje ãmeduque, caiye maje majiéque, aru caiye maje paruéque máre jecué aru majecure maje bajure jecurõpe máre jecué, pũeno mearotamu, arejamedá Jesúre ã.

<sup>34</sup> Jesús ãi jãpaiyede mearo ãi ju aiyede, yõpe arejamedá:

—Quĩjino baju jaũrdurebu mi eaquino Jũmenijicui jaboteinore, arejamedá Jesús.

Que arĩburu jidurĩ, Jesúre ye jẽniari jãmenejaimada na caivu.

**Cristo ñai jabocu David bácu  
pãramecu**

(Mt 22.41-46; Lc 20.41-44)

<sup>35</sup> Jesús buede curejamedá Jũmenijicui cũrami. Aru arejamedá:

—¿Aipe teni “Cristobe David bácu pãramecu”, aivũba Jũmenijicui yãvaiye báquede bueipõeva? <sup>36</sup> David bácuvacari Espiritu Santoi paruéque coyũicõjeimu arejaquemavu ã mácu:

Jũmenijicu aquemavu ji jabocure, “Dobajacu ji meapũravu, mi cãvae boje paruéde yũpedeca. Aru yũ epecuyũtu mi mauvare mi cuboba cãchinoi. Que teni mũre vainĩ jarũvare ñacuyũtu yũ náre, mi jabotequiyere ayũ náre”, arejaquemavu David bácu Cristorã.

<sup>37</sup> “David bácuvacari Cristoi borore “Ërecabe ji jabocu”, arejaquemavu. Que baru, ¿aipe teni David bácu pãramecuba ã? arejamedá Jesús.

Aru caivu ña obedivu põeva torojurĩ jãpiarejaimada Jesúre.

**Jesús ãi boro coyũrĩ adaino  
Jũmenijicui yãvaiye báquede  
bueipõevare**

(Mt 23.1-36; Lc 11.37-54, 20.45-47)

<sup>38</sup> Jesús bueyu bácu arejamedá:

—Me ñarã ña Jũmenijicui yãvaiye báquede bueipõevare. Nãmu cuiyũrivũ cuitótecajea ãmũjuricajeaque. Aru ña na põeva pueðarĩ ne jacoyũinore náre tãibui. <sup>39</sup> Judíovai cójjiñãmiamare ne dobae méne ña na, põeva ne jãrajyeyepẽ aivũ náre. Aru torojuve teinore, cuiyũna na ñai torojave teino upacu yebai. <sup>40</sup> Ëbenita jujovarĩ ñavaðama ña nomiõpevare ne apejẽne. Aru jẽniadama joe urarõ Jũmenijicucue, põeva ne ñapiarãjyeyepẽ aivũ Jũmenijicui yãvaiye báquede bueipõeva me Jũmenijicure ju aivũpe. Caiye iyede ne ñaiye boje, pũeno urarõ ñãjinajarama na, ne ñameina teiyepẽ boje, arejamedá Jesús.

**Nomiõpeco cãve cãvabeco õi tãtura  
jino Jũmenijicure**

(Lc 21.1-4)

<sup>41</sup> Nore, Jũmenijicui cũrami, Jesús dobarejamedá joabẽjinoi cũinãtõcu põeva ne Jũmenijicure tãtura jíye epeitõcu yebai. Ditõcu cãrejavũya ãi jipocai. Noi dobarĩ, põeva obedivu ne ñre tãturare ditõcui jĩni tuoivũre jãñũ marejãmedá Jesús. Aru obedivu cãve cãvarivu tuorejaimada ñre tãturare. <sup>42</sup> Que teiyede cũinãco nomiõpeco, cãve cãvabeco, ditõcu yebai earĩ, tuorejacoda pũcaturava tãtutaturavare, me bojecubeturavare. <sup>43</sup> Õi que ñaiyede jãñũ Jesús, õrejarejamedá ãi bueimarare ãi yebai. Aru arejamedá náre:

—Jãve coyũyũbu mũjare: Ico nomiõpeco cãve cãvabeco, Jũmenijicure jĩbico apecu ne jíye pũeno baju, õi jíye boje õi cãvarõ cainore. Ëbenita nãcapũravũ quãnora quĩjino ne cãvarõcarõre jíyama. <sup>44</sup> Caivu ña põeva ne urarõ cãvaecarõre jíyama Jũmenijicure náre jaubede. Ëbenita ico nomiõ õi quĩjino cãvarijĩno mácarõre cainore jĩbico Jũmenijicure. Caiye õi ijãravu cãvajuroede jĩbico õ Jũmenijicure, arejamedá náre Jesús.

**Jesús ãi coyũino “Jũmenijicui cũrami  
tuquiyebu” arĩ**

(Mt 24.1-2; Lc 21.5-6)

**13** <sup>1</sup> No yõboi Jesús etayu bácu Jũmenijicui cũramine jocarĩ, cũinãcu ãi bueimaracacu arejamedá ãre:

—Mñ, bueipõescu, jájacu. iPare meavabu iva cõrava! iAru pare meadãmiamu iñamia cõramia! arejamedã Jesúre.

<sup>2</sup>Ëi que aiyede, Jesús arejamedã ùre:

—¿Jáñuru mu iñamia uradãmia cõramiare? Cũináva cõrava mautebequiyebu apeva pñenora. Caiye iva cõravare najuárarama. Que teni cõiquiyebu, arejamedã Jesús.

**Jáðovaiye járavu cõiquíye jipocai**

(Mt 10.17-20, 22, 24.3-28; Lc 12.11-12, 17.22-24, 31, 21.7-24; Ap 7.14)

<sup>3</sup>Jesús dobarejamedã cõracũ Olivocũ ãmicuricũ pñenoi, Jũmenijicũ cõrami ãi jipocai jáñu mácu. Ëi dobaede noi Pedro, Santiago, Juan, aru Andrés máre jẽniari járejaimada ùre yavenina, põevare jocarĩ:

<sup>4</sup>—Coyujacu ñujare: ¿Aipiyede tuquidi caiye iye cõramia uradãmia? ¿Aipe ðari coreóvarãjídica ñuja caiye iye buojaquiyede? arejaimada na.

<sup>5</sup>Aru Jesús arĩ búrejamedã náre:

—Me jájara apesu jujovaiyucure mujare. <sup>6</sup>Darãjarama obedivũ ãmũva. Aru arãjarama “Cristobu yũ”. Jujovarãjarama obedivũ põevare.

<sup>7</sup>Muje jápaiyede boaino borore aru boaquĩno borore máre, jidubejarã. Caiye iye vaiquiyebu járavu cõiquíye jipocai. Ëbenita cõimébu cãreja. <sup>8</sup>Cũináyajubo põeyajubocavu ãdamatenajarama apeyajubo põeyajubocavũque. Aru cõináro jaboteinocavu ãdamatenajarama apeno jaboteinocavũque. Joborõ cõjiquiyebu obedicũrõare. Ñãjinajarama ãvũéna. Iye ñãjiye baquiyébu yõpe jueðocu põeteyure ñãjiyepẽ. Yõpe búquiyebu caiye iye ãmeina ñãjinajiye.

<sup>9</sup>Ëbenita mujacapuravu me jári me ðajarã. Mujare jẽni jínajarama ne jabovare. Mujare jara popenajarama judõvai cójijĩñamiai. Aru muja núrajaramu cõjeipõeva ne jipocai aru jabova ne jipocai máre, yure muje ju aye boje, coyurãjivũ ji borore. <sup>10</sup>Mamarũmũre yávaie méne Jũmenijicũ jaboteinora coyuiye jauvu,

cainoa joborõacavu ne jápiarãjiyepẽ aivu diede. <sup>11</sup>Ne jẽni nũvaiyede mujare jabova ne ãmeina teivure jẽniari jáĩñami, “¿Aipe arĩ coyurãjidi náre?” arĩ, cãrijimejara muja. Ëbenita coyujarã muja yõpe ñai Espiritu Santo ãi dãpiare ðaquiyepe dinũmu maquinõre. <sup>12</sup>Que teni ãmu jẽni jícũyũme jíbucure o ãmacure máre, jabova ne boarĩ jaruvãrãjiyepẽ ayũ ùre. Nopedeca jípacu jẽni jícũyũme mamacure. Aru nopedeca némcure ju abeni jẽni jínajarama, boarĩ jaruvãicõjenajivũ náre. <sup>13</sup>Caivu mujare muje yure ju aye boje jorojĩni járajarama. Ëbenita ñai ju ayũ yure pu ãi yainũmũita, ã macũyũme ji meadaimu, arejamedã Jesús.

<sup>14</sup>Aru Jesús buedejamedã náre, ãi bueimarare, cojedeca:

—Ñai ãmu pare ãmecu nũcũyũme nore, Jũmenijicũ cuicõjemenore ùre. Caivu iye toivaiyede jári boroteivũ me dãpiajarãri caiye iyede. Ñai ãmure járajaramu muja. Judeacavu dupini ñujarari cõracũai. <sup>15</sup>Ñai cõrami pñenora cõcũyũ, ãi dupini ñuiyede, ãmeni darĩ, nũvariducũyũ ãi apejĩene, ecobejacurĩ ãi cõrami. <sup>16</sup>Aru ñai jiore memecũyũ, ãi dupini ñuiyede, copainũmejacurĩ ãniducũyũ ãi cuitõtecaje pñenocajede. <sup>17</sup>iCõmaje ãrojarajarama ina nomiva micava bárãjivũ dijãravũa baquiyéde! iAru ina nomiva némajina nuri dajocabevũre cõvarãjivũ máre pare ñãjinajarama dijãravũa baquiyéde! <sup>18</sup>Jẽniajara Jũmenijicũque iye vaibéquiyepe aivu ocorũmũre. <sup>19</sup>Dijãravũa baquiyéde põeva urarõ ñãjinajarama. Nópe paiye cõbevũ cãreja, mamarũmũmata Jũmenijicũ ãi cuedarĩ bũinũmũre, pu caride máre. Aru cainũmũa cõbequiyebu.

<sup>20</sup>Jũmenijicũ ãi javaiyobedu dijãravũa ñãjiovaquijãravũa baquiyéde, caivu yaijébu. Meadaimara cõbejebu. Ëbenita Jũmenijicũ javaiyocũyũme dijãravũa ñãjiovaquijãravũa baquiyéde, ãi beoimara mácavure boje.

<sup>21</sup>Dijãravũa baquiyéde apesu ãi aru mujare yõpe, “Jãjara. iÑainecabe

Cristo!” o apesu ũi aru mujare,  
 “iÁñurecabe Cristo!” náre ju abejará.  
<sup>22</sup>Que teni obedivu borocurivu darí  
 coyurájarama “Cristobu yu”. Aru  
 apenu máre Jūmenijicui yávaiyede  
 coyucaridurájarama. Ũbenita  
 Jūmenijicui yávaiyede coyucaipōeva  
 baju āmenajarama na. Ũrarō jáđovaiye  
 aru pōeva ne đarí majibede máre  
 đarájarama, jujovariduvivu Jūmenijicui  
 beoimara mácavure. <sup>23</sup>Ũbenita me  
 jájara muja. Coyuyubu mujare ne borore,  
 muje majinajiyere ayu, ne darájiye  
 jipocai, arejamedá Jesús.

**Jūmenijicui daroimu mácu ũmure ũi  
 copaidaquino**

(Mt 24.29-36, 42, 44; Lc 12.36-  
 38, 21.25-36; Ap 1.7, 6.12-13)

<sup>24</sup>Bediōva cojedeca Jesús  
 coyurejamedá náre:

—Cūinájāravu dijāravuacajāravu  
 baquinói, iye ũrarō nājiniburu yóboi,  
 avía ñemitecyume. Aru avía ñamicacu  
 máre pēomescyume. <sup>25</sup>Na abiacova  
 turájarama cavarōre jocarí. Aru  
 caivu ina paruéque curivu cavarōi  
 cújinajarama. <sup>26</sup>Dinumu maquinóre  
 járajarama yure, Jūmenijicui daroimu  
 mácure ũmure, dayure oopeniboai,  
 ũrarō paruéque, jáđovañure meacu  
 bajure. <sup>27</sup>Que teni ina ángelevare  
 darocuyumu yu. Nápapuravu  
 cójijovarájarama Jūmenijicui beoimara  
 mácavure, caivu avía dainocavure aru  
 caivu avía doinocavure máre, cainoa  
 joborōacavure.

<sup>28</sup>Majijará yo muje jáinore. Icu jocsu  
 higuercare yoca yuiyede, majivu  
 muja ũjũmũ joabenore. <sup>29</sup>Nopedeca  
 jáivu caiye iye teiyede, majinajaramu  
 muja járavu cūino joabenore. <sup>30</sup>Jāve  
 coyuyubu mujare: Apenũ ijāravui curivu  
 yaibēdeca cāreja, vaiquiyebu caiye iye  
 yópe ji coyuiyere. <sup>31</sup>Caino cavarō, aru  
 caino joborō máre cūiquiyebu. Yópe ji  
 yávaiyepedeca jāve vaiquiyebu.

<sup>32</sup>Ũbenita dijāravu baquinóre  
 aru diora baquinóre ñame majibema.  
 Ángeleva, ina curivu Jūmenijicue

cavarō mearoi, aru yu, Jūmenijicui mácu  
 máre majibevu űjua. Quénora jipacu  
 majibi dijāravu baquinóre, ji aijāravure.  
<sup>33</sup>Que baru me jájara muja. Ārũjara.  
 Muja majibevu ji copaidaquijāravure.  
<sup>34</sup>Jēvari coyũquijivu ji copaidaquinore  
 yópe cūinácu ũmũ ũi cusũquiyere  
 apejoborōi. Ũi etaquiyere jipocai ũi  
 cūramine, memeicōjeimi ũi yebacavure  
 náre coapa. Aru jedevacobede  
 coreipōecure máre coreicōjeimi  
 cāmecava. <sup>35</sup>Quēdeca memeni corejarā  
 muja, cāmevva. Muja majibevu cūrami  
 upacu ũi copaidaquinore. Daquijichubi  
 nainúre, o ñami coricai, o cáyu ũi  
 órejaiyede, o javejīnare. <sup>36</sup>Ũi copaidaru  
 maumejiena aru mujare cáivure earu,  
 meamejebu mujare. <sup>37</sup>Nopedeca ji  
 coyuinore mujare, coyuyubu quēdeca  
 caivure: Cāmevva memeni corejarāri,  
 arí buedejamedá náre Jesús.

**Jesús ũi coyũno ne jēnajinore ũre  
 yóboimia**

(Mt 26.1-5; Lc 22.1-2; Jn 11.45-53)

**14** <sup>1</sup>Pascua āmicurijāravu aru páure  
 bucure đaiye cube āiye torojuve  
 teinumu pucajāravva jipocai barejávũya  
 cāreja. Yavenina Jesúre jujovarí jēni,  
 boarí jaruvaiyurejaimada sacerdotevare  
 jaboteipōeva aru Jūmenijicui yávaiye  
 báquede bueipōeva máre. <sup>2</sup>Ne bajumia  
 arejaimada:

—Torojuve teinumu ũre jēmenajarevu  
 maja. Ũre jēnu torojuve teinumu,  
 pōevacapūravu majare jorojīni, majare  
 boarí jaruvaiyũjebu, arejaimada ina  
 judiōvai jabova.

**Cūináco nomió ũi mumijne yuaino  
 Jesúre**

(Mt 26.6-13; Lc 7.37-38; Jn 12.1-8)

<sup>3</sup>Jesús ũi cuede Betania  
 āmicuríimajinoi, Simón pojevu bācui  
 cūrami tuoiva yebai āivu barejámada  
 na, Jesújā. Que teni cūináco nomió  
 earejacoda Jesús yebai. Ico nomió  
 nuvarejacoda cūinábu ũmũjuribu boribu  
 mumijñaricoque. Iye mumijne nardo  
 āmicue pare mearo corajurejavũya. Aru

pare bojecue barejávūya. Ico nomió earí, dibure cobarí yuarejacođa caiye iye mumijuede Jesúí jipoburá. <sup>4</sup>Ūbenita nore curivū apevū, jorojīni, ne bajumia arejaimada:

<sup>5</sup>—¿Aipe teni iye mumijuede jaruvadoba ō? Diede bojedarí, urarō boje ĩni, cūinácu memepōescu cūináuju ũi memeno bojede ĩni, jíye jaujebu ōre cūve cūvabevure, arejaimada na.

Que baru jararejaimada ōre. <sup>6</sup>Ūbenita Jesús arejamedá:

—Yávabejará āmeno ōre. ¿Aipe teni cārijovaivurū ōre? Ōi đaiye yure mearotamu. <sup>7</sup>Cainumua ina cūve cūvabevū curājarama mujaque. Que baru muja cadateiyurivū cainumua náre buojaivū. Ūbenita yu cubecubu mujaque cainumua. <sup>8</sup>Ō đacaibico yure ōi oainope. Ō meadacaibico ji bajure, ne yure jaruvārājiye jípocai. <sup>9</sup>Que baru jāve coyuyūbu mujare: Cainoa joborōai ijārvui pōeva ne coyūiyede iye yávaiye méne ji meadaiyede pōevare, iye ōi yure đacaiyede máre coyurājarama, ne ārurājiyepē aivū ōre, arejamedá Jesús.

**Judas ũi jēni jīno Jesúre**  
(Mt 26.14-16; Lc 22.3-6)

<sup>10</sup>No yóboi Judas Iscariote, cūinácu doce paivū Jesúí bueimaracacu, nurejamedá ina sacerdotevare jaboteipōeva yebai, náre jēni jíyurejamedá Jesúre. <sup>11</sup>Ūi đaiyuede jápiarí, torojurejaimada na. Que baru arejaimada ūre:

—Nūja jínajivūbu mure tāuturare, mi yavenina jēni jíye boje ūre, arejaimada na Judare.

Que baru Judas jári coreni búrejamedá yavenina, jēni jícyū Jesúre.

**Jesús ũi āino ũi bueimaraque**  
(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup>Páure bucure đaiye cube āiye torojūve teinmū mamabūijārvū barejávūya. Pascua jāravucacure, ovejāicure, boarí, toaque juarí, ávarejaimada dijārvūre. Aru dijārvūre arejaimada Jesúre ũi bueimara:

—¿Ári nuri mure maje Pascua jārvūque āiyede meadacarājídica nūja? arejaimada na.

<sup>13</sup>Aru nácavū pucarā jarorí, arejamedá Jesús:

—Īmaroi nuri, ēmeni, nócacūre oco tuyure corurājaramu muja. <sup>14</sup>Ūque nuri, cūramine ũi ecoiyede cūinátura muja máre ecojará. Diñami upacure yópe ajará muja: “¿Átucubūba ji bueimaraque ji Pascua jārvūre ji āquitucubū?” aibi bueipōescu”, ajará muja. <sup>15</sup>Diñami upacūcarūravū puenocatucubu jave majare jauéde meadaitucubū bācarōre majare jáđovacuyūme ũ. Noi ditucubūi majare maje ārājiyede meadajarā muja, arejamedá náre Jesús.

<sup>16</sup>Ūre ju arí, nuri, ĩmaroi earejaimada. Earí, nore Jesús ũi aiyē bāquepedeca ũi aitucubūre earejaimada na. Noi Pascua jārvūque āiyede meadarejaimada na pucarā.

<sup>17</sup>Que teni meadarí buojarí, nainú baji, avía ũi doríburu yóboi, ũi bueimara ina doce paivūque no ditucubūre earejamedá Jesús. <sup>18</sup>Nore earí, dobarí āivure, Jesús arejamedá ũi bueimarare: —Jāve coyuyūbu mujare: Cūinácu mujacacu yure ji mauvare jēni jícyūme ũ. Nai yure nópe đacuyū, yúque caride āñūme ũ, arejamedá náre Jesús.

<sup>19</sup>Que baru chíorejaimada. Aru na coapa yópe arejaimada Jesúre:

—iQue đabecubu yu! ¿Mácarí? arejaimada na coapa.

<sup>20</sup>Que arí, Jesús arejamedá náre:

—Cūinácu mujacacu, jóyu páure jororūmica yúque, ũ macuyūme ji mauvare yure jēni jíyū. <sup>21</sup>Ūh, Jūmenijicūi daroimū mácu ũmure ijārvūi, ji yaijārvūi nucuyūmu yū, yópe Jūmenijicūi toivaicójeiye bāquepedeca ũi yávaiyede. Ūbenita āmeno vaicūyūme ũ, nai yure jēni jíyū bacuyú. Nai nópe đacuyū, ũi pōtebedu meajebu, arejamedá ũi bueimarare Jesús.

<sup>22</sup>Ne āiyedeca, páure ĩni, Jūmenijicure torojuede jídejedá Jesús. Torojuede jíni buojarí, páure cotūvarejamedá.

Cotuvārī buojarī, náre coapa jídejamedá. Aru arejamedá:

—Páure ájara muja. Diedecabu ji bajupe, jáđovaiye ji yaiquínore mujare boje, arejamedá náre Jesús.

<sup>23</sup>Úcuidore máre ĩni, torojuede jĭni Jūmenijicure, náre jídejamedá Jesús. Didore jēni, úcuri, veorī, úcurejaimada na coapa. <sup>24</sup>Aru Jesús arejamedá náre:

—Dicorore úcujara muja. Diedecabu ji jivepe, jáđovaiye ji yaiquínore mujare boje, Jūmenijicui árumetequiyepē ayu muje ámeina teiyede. Jūmenijicu “Yópe đajarā muja, boropatebenajivu ji jáĩnoi”, ũi yóbocarō coyũino mácarōre pōevare áruarajaramu muja, muje úcuiyede diede. <sup>25</sup>Jāve coyuyubu mujare: Quénora vino úyaicorore úcuñumu yu ijāravure. Ũbenita ānijāravu baquinói, Jūmenijicui jabotequinumu maquinóre, bedióva cojedeca úcuri jácuyumu yu, arejamedá ũi bueimarare Jesús.

**Jesús ũi coyũino Pedrorē ũi “Jesúre yu coreóvabevu” aquinore**

(Mt 26.30-35, 28.16; Lc 22.31-34; Jn 13.36-38)

<sup>26</sup>Ne āriburu yóboi, Salmos āmicue yurĭaiyede yurĭarejaimada. Yurĭarī buojarī, no cūracū Olivocū āmicuricūi nurejaimada na, Jesújā. <sup>27</sup>Mái nuri, arejamedá Jesús:

—Yure đajocarī nurajaramu muja. Yure vaiquiyede Jūmenijicu toivaicōjenejaquemavu, yópe arī: “Ovejavare coreipōecure boarī jaruvacuyumu yu. Aru coateni nurajarama na, ovejava”, arī toivarejaquemavu. <sup>28</sup>Ũbenita ji yainĭburu yóboi, Jūmenijicu ũi nacovaiyede yure yainore jaruvārī, muje jipocai nucuyumu Galileai, arejamedá Jesús.

<sup>29</sup>Que ayure, Pedrocapūravu arĭdurejamedá úre:

—Caivu apevu ne đajocarī jocarī nuĭyedeca, yúcapūravu mure jocarī nucucubu yu, arĭdurejamedá.

<sup>30</sup>Aru Jesús arejamedá úre:

—Jāve coyuyubu mure: Carĭ ĩnami ruque cáyu ũi órejaquiyē jipocai,

yóbecue baju “Jesúre yu coreóvabevu” acuyumu mu, arejamedá Pedrorē Jesús.

<sup>31</sup>Ũbenita Pedrocapūravu copu ayu barĭdurejamedá:

—Múque yure ne boarī jaruvaruta, “Jesúre yu coreóvabevu”, abecubu yu, arĭdurejamedá Pedro.

Aru na coapa nópe arĭdurejaimada, Jesúi bueimara.

**Jesús Getsemanĭ ũi jēniaino**

**Jūmenijicunque**

(Mt 26.36-46; Lc 22.39-46)

<sup>32</sup>Getsemanĭ āmicurōi nurejaimada Jesújā. Nore earĭ, arejamedá ũi bueimarare Jesús:

—Yui dobarĭ corejarā muja ji Jūmenijicunque boroteiyede ānoi, arejamedá Jesús.

<sup>33</sup>Nuvarejamedá úque Pedrorē, Santiagore, aru Jūare máre. Aru urarō ĩájĭnu ũi dápiaino, āmeno vaidéjamedá Jesús.

<sup>34</sup>Que teni arĭdurejamedá náre:

—Yu āmeno chíori dápiavū ji yaiquínore. Yui mauteni, jári capujarā muja, arĭdurejamedá ũ.

<sup>35</sup>Jipojĭca báque nuñu Jesús, ĩuatutarĭ, mori turejamedá joborōita. Aru Jūmenijicunque boroteyu barejamedá ũ:

—Mu, jipacu, yure cari vaiquiyē vaibéjadēni. Caiyede đaiye majicutamu mu. <sup>36</sup>Ũbenita ji urōpe đabejacu. Quénora mi urōpe đajacu mu, arejamedá jĭpacure Jesús.

<sup>37</sup>Ũi bueimara yebai copainri, náre cáivure earejamedá Jesús. Aru arejamedá Pedrorē:

—Simón, ¿cāñutarū mu? ¿Cūināorajĭ cāmecava coreiye majibecurū mu? arejamedá Jesús.

<sup>38</sup>Caivu ũi bueimarare arĭdurejamedá cojedeca:

—Coreni, Jūmenijicunque borotejarā muja, abujuvai jabocu mujare jujovārī, ámeina tede đabequiyepē aivu. Muje ũme ne parurō mariduivu. Ũbenita muje baju đaiye bajure parubevu muja, arĭdurejamedá náre Jesús.

<sup>39</sup>Cojedeca Jūmenijicuque borotecunrejameđa Jesús. Ęi Jūmenijicuque boroteiye báquepedeca bediόva borotecunrejameđa ũ. <sup>40</sup>Ęi bueimara yebai copainuri, náre cāivure earejameđa Jesús cojedeca. Āmei vuo ijidejavāya náre. Aru ũre ju aiye majibedejaimađa na. <sup>41</sup>Bediόva Jūmenijicuque borotecunuri, yóbecue borotecuñu. Boroteni buojarī, ne yebai copainuri, arejameđa náre:

—¿Cāivurū mja cāreja? Jede, quénoramu. Iora jave eaiyu. Ijārvui dayu bácu, Jūmenijicui daroimu mácu ũmure, āmeina teivure ne jēni jīnajimumu yu. <sup>42</sup>Nacajajara mja. Copu nurajarevu. Yure ji mauvare jēni jīcuyu daibi, arejameđa Jesús.

#### Jesúre jēni ne nuvaino

(Mt 26.47-56; Lc 19.47, 21.37, 22.47-53; Jn 18.2-11)

<sup>43</sup>Jesús ũi boroteiyedecata earejameđa Judas, nácacu, doce paivucacu. Obedivu pōeva ũque earī, boaicarovea aru boaidua dururī earejaimađa, sacerdotevare jaboteipōeva, aru Jūmenijicui yávaive báquede bueipōeva, aru judiόva bucva máre ne daroimara.

<sup>44</sup>Judas, nai Jesúre jēni jīcuyu, ũi eaquie jipocamia, javeta Jesúre boarī jaruvaivurivure coyurejameđa yópe: “Ji jacoyurī jiya nuimu macuyúme mje jēnajimu. Řre jējara. Řre jēni, ména ũre jári capurī nuvajara mja”, arejameđa náre Judas. <sup>45</sup>Jesús yebai nuri, cūiná Judas ũre earī, arejameđa:

—Aru, bueipōecu, arejameđa Jesúre Judas.

Que arī, ũre jiva nuri jacoyurejameđa.

<sup>46</sup>Que teni ina pōeva ũre jēnejaimađa na. <sup>47</sup>Nópe teiyede jári, cūinácu Jesúi buemaracacu ũi boaicarovede tatorī, duarī, ĩni, sacerdotevare jaboteipōecui yebacacure juijórī najuárejameđa ũi cámyucare.

<sup>48</sup>Řre jēnaeivure arejameđa Jesús:

—¿Tatorī ñavaipōecure jēivure yure boaicaroveaque aru boaiduaque jēni jacorādaivurū mja? <sup>49</sup>Jārvua coapa

mje jēneboi Jūmenijicui cūrami bueyu batecācu yu. Apurī mjaque cacure, yure jēni jacobeteavū mja. Řbenita yópe Jūmenijicui toivaicōjeiye báquepedeca, caiye iye vaivu, náre arejameđa Jesús.

<sup>50</sup>Que tedurata ũi bueimara ũre jocarī, dupini nurejaimađa na.

<sup>51</sup>Cūinácu bojuyo, nore cacu, Jesús yóboi nuñu, dorejameđa quénora cūinácaje doicaje meacajede, lino āmicuricajede. Jesúre jēivu bācvu jēnidurejaimađa ñai bojuyore máre, ũi doicajede jēni. <sup>52</sup>Řbenita dajocayu dicajede ne puruái, cúyarī, dupini nurejameđa cuitótecaje cubecva.

#### Jesúre ne nuvaino judiόvai jabova cójijivu yebai

(Mt 26.57-68; Lc 22.54-55, 63-71; Jn 2.19, 18.12-14, 19-24)

<sup>53</sup>Jesúre nuvarejaimađa sacerdotevare jaboteipōecu yebai na, ũre jēivu bācvu. Nore ina sacerdotevare jaboteipōeva, aru ina judiόva bucva, aru ina Jūmenijicui yávaive báquede bueipōeva máre ne baju cójijini borotenanurejaimađa ne jabova baju ne cójijinami. <sup>54</sup>Aru Pedro joajienata Jesús yóboi nure nuñu mácu, sacerdotevare jaboteipōecui táibui ecorejameđa ũ. Nore ecorī, Jūmenijicui cūramine coreipōevaque toaboi cuocarī dobarejameđa ũ.

<sup>55</sup>Na sacerdotevare jaboteipōeva aru caivu ne cójijinocavu Jesúre āmecororājivure voridurejaimađa, ũre boarī jaruvaivurivure. Řbenita eabedejaimađa na. <sup>56</sup>Obedivu Jesúre borocurī āmecororidurejaimađa. Řbenita cūináuru boro coyubedejaimađa na. <sup>57</sup>Apevu ne jēneboi curivu nacajari, nuri, borocurī āmecororejaimađa Jesúre, yópe arī:

<sup>58</sup>—Ęi yópe arī coyuyede jápiacarā ñja: “Ĭñami Jūmenijicui cūrami, pōevai ñaiñamine, jaruvacuyumu yu. Yóbecurijārvua ji jarvarīburu yóboi, apedāmi ñacuyumu yu. Řbenita ji puruáque ñabecubu yu”, áme Jesús, arejaimađa na.

<sup>59</sup> Ûbenita yópe ne ãmecorõduiyedeca cüináturu abedejaimada na. <sup>60</sup> Dinũmũre ñai sacerdotevare jaboteipõecu nacajari ne coricai núri, arejameða Jesúre:

—¿Coyarĩ majibecurũ mu? ¿Ne nõpe ãmecoroiyede, aipe ayurũ mu? arejameða Jesúre.

<sup>61</sup> Ûbenita Jesúcapũravũ bi arejameða. Dinũmu bediõva cojedeca arejameða Jesúre sacerdotevare jaboteipõecu: —¿Mu Cristo ãmecurũ mu? ¿Jũmenijicu meacũ mácurũ mu? arejameða ã.

<sup>62</sup> Aru Jesús arejameða úre: —Quédeca mi aimutamu yũ. Jũmenijicũ daroimũ mácũre ãmũpe, yũre, járajaramu muja, Jũmenijicu parucũ meapũravũ dobacũre. Aru ji ocopeniboai jõðari ãmeiyede máre járajaramu muja, arejameða náre Jesús.

<sup>63</sup> Que ayũre, ñai sacerdotevare jaboteipõecu jorojĩni, ãi doiyede tatorĩ, jadevarĩ, arejameða:

—Apevũ ne coyũye jaũbevũ. <sup>64</sup> Javeta muja járiadavũ. Jũmenijicu ãbebi ñai nõpe yávayũre. ¿Aipe adarãru muja? arejameða ã.

—Boarĩ jarũvaimũ macũyũme ã, arejaimada na caivũ, úre boarĩ jarũvaicõjeivũ.

<sup>65</sup> Que arĩ, úra jẽcututurajaimada na. Aru ãi jivare moari, úre pẽvavarejaimada na. Aru arejaimada: —Coyũjacũ mu. ¿Ñame matedĩ mure pẽvaũ? úre pẽvavaivũ arejaimada na. Ina Jũmenijicũ cũramine coreipõeva máre úre totarejaimada na.

**“Jesúre yũ coreóvabevũ” arĩ, Pedro ãi coyũino**

(Mt 26.69-75; Lc 22.56-62; Jn 18.15-18, 25-29)

<sup>66</sup> Pedro ãi cuedeca tãibui, sacerdotevare jaboteipõecũ yebacarõmivacaco cüináco nore earejacoda õ. <sup>67</sup> Û cũocayũre jári, úre me corejacoda õ. Aru arejameða: —Mu máre ñai Jesús Nazarecacũque cútevũ mu, arejacoda úre.

<sup>68</sup> Ûbenita Pedrocapũravũ arejameða óre:

—iNácacu ãnevũ! Jesúre yũ coreóvabevũ. ¿Aipe arĩ, mu que adorũ? arejameða.

Que arĩ, tãibui etarĩ, jedevai nuitenevei nũrejameða Pedro. Dinũmu cáyu órejurejameða. <sup>69</sup> Aru bediõva cojedeca úre jári, arejacoda ico yebacaco náre, nore cũrivũre coyũyo:

—Ñai nácacube ã, arejacoda.

<sup>70</sup> Aru Pedrocapũravũ arejameða cojedeca:

—iNácacu ãnevũ! Jesúre yũ coreóvabevũ, arejameða.

No yójiõboi ina nore cũrivũ Pedrorẽ jári, cocorĩ, arejaimada úre cojedeca: —Mu máre nácacube mu.

Galileacacutamu mu, arejaimada na.

<sup>71</sup> Dinũmũma jáve ayũre, náre pare baju arĩ coyũrejameða Pedro:

—iJãveneca Jũmenijicũ jáinoi yũ mujare coyũyutamu! iJãve ji coyũbedu, Jũmenijicu ãmedajacurĩ yũre! Muje aimure ye majibecutamu yũ. Jesúre yũ coreóvabevũ, arejameða.

<sup>72</sup> Ûi que aipe bajure, bediõva cojedeca órejurejameða cáyu. Ûi órejaiyede, Pedro ãrũrejameða Jesús ãi coyũiyẽ báquede: “Cáyu ãi puque órejaquiyẽ jipocai, yóbecũe baju, ‘Jesúre yũ coreóvabevũ’, acũyũmu mu”, arĩ coyũiyẽ báquede ãrũrejameða. Aru ãrucũ, cüiná orejameða ã.

**Jesúre ne nuvaino Pilato yebai**

(Mt 27.1-2, 11-14; Lc 23.1-5; Jn 18.28-38)

**15** <sup>1</sup> Avia ãi tucũmũiyede ina sacerdotevare jaboteipõeva, judiõva bũcũvaque, Jũmenijicũ yávaiyẽ báquede bueipõevaque, aru caivũ ne cõjjiinocavũ diede boroteni cõjjiidejaimada na. Boroteni buojarĩ, Jesúre buorĩ, nuvari jabocũ ãi ãmiá Pilato yebai jacorãnrẽjaimada na. <sup>2</sup> Ne nuvaiyede úre, Pilato arejameða Jesúre: —¿Mũru judiõvai jabocũ? arejameða. Jesúcapũravũ arejameða: —Quédeca, mi aimũrecabu yũ, arejameða.



<sup>3</sup>Dinɔntɔma Jesúre caijje ámene ámecororejaima na. <sup>4</sup>Aru Pilatocapúravu arejameđa Jesúre:

—¿Cɔpɔ náre ju abecurũ mu? ¿Jápiabecurũ caijje ne ámecoroiyede mure? arejameđa.

<sup>5</sup>Ūbenita ye yávabedejameđa Jesús. Ūi yávabe boje, ɔrarõ dápiarejameđa Pilato.

**Põeva ne boarí jarɔvaicõjeino Jesúre**

(Mt 27.15-31; Lc 23.13-25; Jn 18.38-19.16)

<sup>6</sup>No torojave teinɔntɔmure Pilatocapúravu jacoimɔ mácure põeva ne etavaicõjeimure etavavarejameđa. <sup>7</sup>Roma ámicurõ jaboteinore boainɔntɔmure, põevare boarí jarɔvaivɔ bácavɔ jacoimara marejámeđa. Nácacɔ cüinácu Barrabás ámicurejameđa.

<sup>8</sup>Obedivɔ põeva Pilato yebai mɔri nuri, jëniari járanurejaimađa Pilatore:

—Mi ðarí cõmajiyepɛ ðacajacɔ caride, arejaimađa na.

<sup>9</sup>Ne jëniari jáiyede arejameđa náre Pilato:

—¿Dinɔntɔ muje jabocure jaetovaji yu? arĩdurejameđa.

<sup>10</sup>Ina sacerdotevare jaboteipõeva Jesúre ne jorojĩyede majini, obedivɔ põeva ne ɛe boje úre, nópe náre jëniari járejameđa Pilato. <sup>11</sup>Ūbenita ina põevare majicarí, aicõjenezaimađa sacerdotevare jaboteipõeva yõpe:

—“Barrabáre jaetovajacɔ mu”, arĩ coyɔjarã muja Pilatore, arejaimađa sacerdotevare jaboteipõeva.

Que baru ina põeva náre ju arí, que arejaimađa Pilatore. <sup>12</sup>Ne que coyurĩburu yõboi, arejameđa náre Pilato:

—¿Dinɔntɔ ñai judiovai jabocɔ, muje aimure, aipe ðaji yu? arejameđa.

<sup>13</sup>—iŪre jocɔcɔjaravena pëvari, boarí jarɔvaicõjejacɔ mu! codoboborí arejaimađa.

<sup>14</sup>—¿Yéde ámeina tearí ñai? jëniari járejameđa náre Pilato.

Ūbenita pueno baju codoboborí arejaimađa na:

—iŪre jocɔcɔjaravena pëvari, boarí jarɔvaicõjejacɔ mu! arí codoboborejaimađa na.

<sup>15</sup>Que teiyede Barrabáre jaetovarejameđa Pilato, náre ne ɔrõpe ðaiyɔcu. Aru Jesúre jara popeicõjenezameđa. No yõboi churaravare Jesúre jocɔcɔjaravena pëvaicõjenezameđa ũ, Pilato.

<sup>16</sup>Que teni ina churarava Jesúre ñni, nuvari jabocui cürami, úre ecovarejaimađa ðinami táibui. Nore covarí, cójjicõjenezaimađa caivɔ apɛvɔ churaravare. <sup>17</sup>Jesúre puenocacaje, jabocui doicajepɛ paicaje ñemijuaricajede doarejaimađa na. Doarí buojarí, miumua cãteni, cainitarabure ðarí, ũi jipoburã ditarabure turejaimađa na. <sup>18</sup>Que ðarí úre jacyurejaimađa na:

—Ména cɔjacɔ mu, judíovai jabocɔ, arejaimađa churarava Jesúre, ũbenita úre yurivɔ.

<sup>19</sup>Ūre jipoburã jocɔyoque jáðori, úra jëcututuri, úre jabocure jacyuivɔpɛ ñɔaturí tedejaimađa na coapa.

<sup>20</sup>Ūre yurini buojarí, úre ne doicajepɛ ñemijuaricajepɛ bácáre, no jabocui doicajepɛ paicajede ñni, duarí, ũi doicajepɛ bácáre bediõva úre doarejaimađa cojedeca. Que teni buojarí, úre nuvari, jocɔcɔjaravena úre pëvari jëoranurejaimađa na, churarava.

**Jesúre ne pëvari yuyaino jocɔcɔjaravena**

(Mt 27.32-44; Mr 14.58; Lc 23.26-43; Jn 2.19, 19.17-27; Ro 16.13)

<sup>21</sup>Jesús jocɔcɔjaravede ture nuñu maridurejameđa. Aru cuyɔ bácɔ ímaroi earejameđa Simón, Cirene ámicurímarocacɔ. Alejandro aru Rufo népacɔ barejámeđa ũ, Simón. Nore vaiyúre, úre Jesús ũi jocɔcɔjaravede tuino mácarõre tuicõjenezaimađa na, churarava.

<sup>22</sup>Ina churarava nuvarejaimađa Jesúre cüracü Gólgota ámicuricüi, Põe jipobucü aiyurõmu. <sup>23</sup>Noi ũcuiye upiáteiye báque cürijororɔ cürejavũya, vino úyaicoro mirra ámicue jocɔcɔ cuidóque. Die ũcuiyede jĩnidurejaimađa Jesúre, úre ijibequiyepɛ aivɔ. Ūbenita ũ ũcuri jári,

ubecu, ùcumenejameða. <sup>24</sup>Que teni ùre jocucujaravena pēvari jēorejaimaða. Aru ne yajuiyede cainijidure dūvarejaimaða. Diduá etaiyede járī, majidejaimaða ácu nácacu ìcuyure Jesús ùi doiyे báque coapa. Que teni yajurī, coavarī Jesús ùi doiyे báquede, ìnejaimaða ùre pēvaivū bācavu.

<sup>25</sup>Javejīna nueve baji, pēvari jēorejaimaða ùre. <sup>26</sup>Jocucujaravena, ùi jipobu puenoi, toivaino jēnejavūya, apevu ne majinajiyepе aino Jesúre boarī jaruvaivu ne dápiainore, “¿Aipe teni ùre boarī jaruvarāma na?” ne aino. Yópe aiyurejavūya no toivaino: “Judíovai jabocube”. <sup>27</sup>Úque máre pēvari jēorejaimaða pucarā tatorī ñavaipōevare, ape pucarōa jocucujaravearā. Cūinácu Jesús ùi meapūravui aru apecu ùi cācopūravui curejaimaða. <sup>28</sup>Que teni ðarejaimaða ina yópe Jūmenijicu ùi toivaicōjeiyе báquedepedeca ùi yāvaiyede: “Pōeva ùre ðarājarama yópe ne ðaiyepе āmeina teivure”, toivaicōjenejaquemavu.

<sup>29-30</sup>Ina vainánuravū járī, ne jipobuare cújiovari, āmeina yāvarejaimaða ùre, yópe arī:  
—Mu, Jūmenijicui cūramine jaruvaiyuvacacu aru yóbecurijāravua yóboi diñamine meðaiyuvacacu, caride jocucujaravede dajocarī, ēmeni, mi bajure meðajacu mu, arejaimaða Jesúre ina vainánuravū.

<sup>31</sup>Nopedeca ina sacerdotevare jaboteipōeva aru Jūmenijicui yāvaiye báquede buaipōevaque máre, ne baju yurivū Jesúre, yópe arejaimaða:  
—Apevure meðavacacvacari, ūbenita ùi bajure meðarī majibebi ū. <sup>32</sup>Cristo, Israecavu ne jabocu, jocucujaravede dajocarī, ēmeni, dajacurī ū. Que ðaru, maja ju arājaramu ùre, arejaimaða na.

Aru ina pucarā pēvaimara mácavu máre úque, nopedeca āmeina yāvarejaimaða ùre.

#### Jesús ùi yaino

(Mt 27.45-56; Lc 8.2-3, 23.44-49; Jn 19.28-30; He 10.20)

<sup>33</sup>Jāravu corica baji ñemié turī ðarejavūya caino joborōi. Pu

yóbecuriora yóboita vaidéjavūya. <sup>34</sup>Aru yóbecuriora bajita, iye ñemié tuiyede dajocaiyede, pare bujié coðoborī, yávarī ðarorejameða Jesús:

—Eloi, Eloi, ¿lama sabactani?

Nópe aino: “Mu, ji mearore jímu, mu, Jūmenijicu, ¿aipe teni yure dajocarī nuñuru mu?” aiyurō marejavūya.

<sup>35</sup>Que ayure, apevu nore nūrivacavu ùre jápiarī, ūbenita jápiarī eabeni, arejaimaða:

—Jápijarā. Elíare órejaibi ū, arejaimaða na.

<sup>36</sup>Dinūmure cūinácu nácacu cúyarī, jaubore ñi, uyovarejameða vino úyaicoro upiáricoroque aru dijaúbore abodorā buorī, jēori, jaruvurejameða Jesús ùi ūcuquiyepe ayu. Aru arejameða:

—Corejarā. Jārajarevu Elías jōðavacudayure ùre, arejameða ū.

<sup>37-38</sup>Cojedeca Jesús pare bujié coðoborī, “Quénoramu” arī, yaidéjameða ū. Ūi yayieda, Jūmenijicui cūramicacaje uracaje coricōpavaicaje bácarō quéda corica baji jaðeni nurejavūya, puenocatūravai búrī pu cāchinocatūravaita. <sup>39</sup>Nore Jesús bácu cocorī núcu barejameða churaravai jabocu. Jesús yayiure járī, arejameða ñai:  
—Jāveneca Jūmenijicui mácu baju batecúbe ñai, arejameða churaravai jabocu.

<sup>40</sup>Nomiva máre cocorī nūrivu joajīemia curejaimaða. Ne jēneboi curejaimaða cūináco nomió, Magdala āmicurīmarocaco, oī āmiá María, aru apoco oī āmiá Salomé, aru apoco oī āmiá María máre, ico Santiago aru José népaco. Ñai Santiago bojuyo barejameða. Apecu Santiago bucucu ùi cāchinocacu barejameða ū, Maríai mácu. <sup>41</sup>Na Jesús ùi cuede Galilea āmicurōi cadateivu barejaimaða ùre. Aru apevu nomiva, ina eaivu bācavu úque Jerusalén āmicurīmaroi, curejaimaða nore.

#### Jesús bácu jaruvaimu ne pōe jaruvainoi

(Mt 27.57-61; Lc 23.50-56; Jn 19.38-42)

<sup>42</sup>Dijāravu, nainú, torojave teijāravu baquinóre meðaijāravu barejavūya.

Sábado baquinó jipocacajāravu barejávūya. <sup>43</sup>Pilato yebai nūrejamedā José, Arimatea āmicurīmarocacu. Sacerdotevai cōjijinore coyūipōevacacu barejāmedā ũ. Ne pueđaimu marejāmedā José. Ũ máre Jūmenijicui jabotequinumu maquinóre napini coreyu barejāmedā. Jidūrō cubeno, paruriūme curī, Pilato yebai nūri, Jesús bācui baju bācarōre jēniacunūrejamedā ũ. José ũi jēniaiyede, Pilato cuturejamedā churaravai jabocure. Aru jēniari járejamedā ũre:

<sup>44</sup>—¿Jave yaidíca ũ? ¿Aipiye bajure yaidí? arejamedā.

<sup>45</sup>Aru churaravai jabocu ju arejamedā: —Jave yaibí ũ mácu, arejamedā.

Aru aiyeta, Jesús bācui baju bācarōre ícōjenejamedā Pilato, Joséde ícōjeñu. <sup>46</sup>Meacaje boricaje, lino āmicuricajede bojedārī, Jesús bācure jocucujaravede jōđavari, ĩni, dicajeque, ũ mácure cūmari buorejaimada Joséjā. Ũ mácure nūvari cūracobei, Jesús bācure jarūvarejaimada na. Nore ne jarūvarīburu yóboi, apeturava cūraturavare ĩni, jāturuvari, dicobede biedejaimada. <sup>47</sup>Aru Jesús bācure jarūvainore járejaimada na, María Magdalacaco aru María, Joséi paco máre.

**Jesús ũi nacajaino yainore jarūvarī**  
(Mt 26.32, 28.1-10; Mr 14.28;  
Lc 24.1-12; Jn 20.1-10)

**16** <sup>1</sup>No judío vai jabuóvaijāravu sábadu, nainú vaiyede, María Magdalacaco, aru Salomé, aru Santiagoi paco mumijuribure ĩni bojedarejaimada na. Jesús bācure ne jarūvainoi nūri, die mumijueque ũ mácui baju bācarōre yuarānuivu barejāmedā na. <sup>2</sup>No sumana buijāravu domingo javejīnara, avía ũi tucumuiyede, Jesús bācure ne jarūvainoi nūrejaimada ina nomiva.

<sup>3</sup>Ne bajumia borotede nūrejaimada, yópe arī:

—¿Name majare cūracobe bieituravare jāturuvari, cađatenajidica na? arejaimada dinomiva.

<sup>4</sup>Ne eaiyede nore, dicobe biebecobede járejaimada na. Diturava bieiturava bācarō uraturava baju barejávūya. Ũbenita joajīeneca dituravare jári earejaimada na. <sup>5</sup>Dicobede ecoivu nore meapūravui dobacure, bojuyore járejaimada ina nomiva. Boricajede, ũmujuricajede doyu barejāmedā ũ. Aru dinomiva cuicumarejaimada na.

<sup>6</sup>Náre arejamedā:

—Jidubejarā muja. Jesús Nazarecacure, ne jocucujaravena pēvaimu mácure, voriduivubu muja. Yore cubebi ũ. Javeta nacajami. Jārījide apa. Ũi bajure ne jarūvaino mácarōre jájara muja. <sup>7</sup>Pedrore aru Jesúi bueimara mácavu apevure yópe coyūrānūjara muja: “Muje jipocai Galileai nucuyume Jesús. Nore mujare ũi ávarepe ũre járajaramu muja”, ajarā, arejamedā náre.

<sup>8</sup>Aru dicobede etarī, cúyari nūrejaimada ina nomiva. Jidūrī bididejaimada na. Nūri, ne copuimarare ye abedejaimada dinomiva, cuicumaivu.

**Jesús ũi cueteino María Magdalacore**  
(Jn 20.11-18)

<sup>9</sup>Jesús nacajañu mácu yainore jarūvarī, sumana buijāravu domingo javejīnara, cuetedejamedā mamarumure María Magdalacore, ico ũi jarūvaimo máco siete paivu abujavare. <sup>10</sup>Ō nūri, majide đarejacođa ina ũque curivu bācavure, chīori oivure. <sup>11</sup>Aru na jápiaivu nacajañure yainore jarūvarī, aru ōi jáino mácarōre máre jápiarī, “Jave majavú”, abedejaimada na.

**Jesús ũi cueteino pucarā ũi bueimarare**  
(Lc 24.13-35)

<sup>12</sup>No yóboi cuetedejamedā apocupeda ina pucarā ũi bueimaracavure ne nūiyede mái ĩmarore jocarī. <sup>13</sup>Na nūri coyūridurejaimada nācavure. Ũbenita ju abedejaimada náre máre.

**Jesús ũi coyūicōjeino ũi yávaiye méne**  
(Mt 28.16-20; Lc 24.36-49;  
Jn 20.19-23; Hch 1.8)

<sup>14</sup>Yóbo baji Jesús cuetedejamedā caivu once paivu ũi bueimarare ne dobaede

tuoiva yebai. Ju abevu barejáimada ina jáivu bácvu Jesúre, nacajañu mácvu yainore jaruvarí, ne covuivude úra. Que baru jararejameda ne ju abenore aru ne jápiarí coreóvabede máre. <sup>15</sup>Arejameda náre:

—Buenanujara caivu ijáravucavure iye yávaiye méne. <sup>16</sup>Nácvu ne ju arí jádovaru Jūmenijicure ocoque meadacuyumu yu. Ubenita nácvu ju abevu baru bíjarājarama na. <sup>17</sup>Ina yure ju aivu pōeva ne đarí majibede đarājarama. Ji āmiái, ji paruéque, jaetovarājarama abujuvare. Yávarājarama apecamua yávaicamuare ne majibecamuare. <sup>18</sup>Dururājarama āđavare. Ne ũcuiyede ijede ye āmedabequiyebu náre. Ijimarare

tuořajarama, aru meatenajarama na, arejameda Jesús.

**Jesús ũi muino cavarō mearo**

**Jūmenijicui curōi**

*(Lc 24.50-53; Hch 1.9-11)*

<sup>19</sup>Jesús yávayu bácvu náre, muri nurejaquemavu ijárvure jocarí. Nurejaquemavu cavarō mearo Jūmenijicui curōi. Dobarejaquemavu Jūmenijicui meapūravui. <sup>20</sup>Aru ũi bueimara mácvu covurānurejaimada iye yávaiye méne pōevare, ne cainoai. Que baru cainumua Jesús cađatedejameda ũi pōevare, ne covurājijeyepu ayu Jūmenijicui yávaiyede pōeva ne đarí majibede đaiyeque. Quénoramu.

# San Lucas

Mamabuinore coyuiyebu Lucas bácu ùi toivaiye báquede Jesucristorā. Lucas bácu juiopõescu barejaquemavu. Apevu bueiõeva ne dápiaru, ù mácu judío amenejaquemavu (Col 4:11-14). Cucunrejaquemavu Pablo bácuque (Hch 16:10). Áro ùi cuede ùi toivaiyede iye coyuiyede Jesucristorā caivu majibevu. Apevu ne dápiaru Roma āmicurriimaroí, apevu ne dápiaru Cesarea āmicurriimaroí, aru apevu ne dápiaru Acaya āmicurrijoborōi curejaquemavu. Majidivú ne dápiayepede Lucas bácu toivarejaquemavu Marcos bácu ùi toivariburu yóboi ùi coyuiyede Jesucristorā, āniujua báquede 60-65 d.C. baji. Que baru Lucas bácu Jesúsque cubecu bácuvacari, majidejaquemavu Jesúí borore, ùi jári boroteiye báque boje Marcos bácu ùi toivaiye báquede.

Lucas bácu jáðovarejaquemavu Jesúre, Jūmenijicu bajureca, yópe põescu. Coyurejaquemavu Jesús ùi jipocacavu bácuvere pu Adán mácuta, aru Juan Bautista bácu ùi põeteiyede, aru Jesús ùi põeteiyede, aru Jesús jueðocure. Coyurejaquemavu jēniayede Jūmenijicuque (3:2; 5:16; 6:12; 9:18, 29; 11:5-13; 18:1-8; 22:32; 23:40), nomivare (Juan Bautista bácuí paco bácore aru Jesúí paco bácore: 2:36; 7:11, 37; 8:2; 10:38-42; 13:11; 15:8; 18:1; 21:1; 23:27), aru apevu cōmaje ārojarivure, inape jueðovare, cūve cūvabevure, aru jabovare tāutura ícaipõevare. Lucas bácu toivarejaquemavu Jesús ùi ðaiyede, mamabuinoque bárí pu buojainoque jebeni, cūináro, cūináro coapa. Toivarejaquemavu ñai ũmu Teófilo bácuve aru apevu judíoiva ānevure, ne majinajiyepede ayu “jáveneca iye coyuiye” ne jápiaiyede Jesúrá (1:4). Que baru toivarejaquemavu, ne majinajiyepede ayu Jesús caivu põevare meaðaipõescu, judíoivare aru judíoiva ānevure máre.

## Mamabuino

(Hch 1.1)

**1** <sup>1</sup>Mu, Teófilo, obedivú põeva toivari báquemavu caiye iye Jesúí ðaiye báquede maje jēneboi coyuinore. <sup>2</sup>Yópe ina mamarumure jáivu bácuva caiye Jesúí ðaiye báquede aru Jūmenijicuí yávaiyede ùi toivaicõjeiye báquede coyuivu bácuva majare toivaquemavu. Návacari éque curejaquemavu ùi mamabuijāravui pu ùi jebeijāravuita. <sup>3</sup>Aru yu máre jáve jári coreóvacacu joe báque caiye iye ðaiye báquede. Que baru dápiavu yu yópe, “Ji toivaru coyuinore iye teiye báquepe Teófilore, meajebu ére”, arí dápiavu yu. <sup>4</sup>Que baru toivaivu mure, mi majiquiyepe ayu jáveneca iye coyuiye mi jápiaiyede báquede.

## Juan Bautista ùi põetequinore cūinácu ángele ùi coyuíno

<sup>5</sup>Ānijāravua báquei Herodes bácu Judea āmicurrijoborõcavu ne jabocu

baede, curejameða cūinácu sacerdote, ùi āmiá Zacarías. Abías āmicurijabocacu barejámeða ũ. Jímarepaco máre Aarón āmicucu bácu sacerdote bácuí pārameco barejácoða, õi āmiá Isabel. <sup>6</sup>Ina pūcarā meara marejáimeða Jūmenijicuí jáinore. Aru ðarejaimaða iye Jūmenijicuí ðaicõjeiyede ùi coyuiye báquede Moisés bácuve. <sup>7</sup>Ūbenita Isabel jueðocuvabedejaimaða na.

<sup>8</sup>Cūinájāravu Zacaríai yajubo, sacerdotevacavui yajubo, ne memejāravu Jūmenijicuí cūrami jívui barejávūya. <sup>9</sup>Aru Zacaríare ne beoiye boje, ùi juacnūino marejávūya. Que baru sacerdoteva ne ðarí cōmajiyepedeca ðaiye jaurejavūya ére. Mumijuede juacnecorejameða ũ Jūmenijicuí cūrami. <sup>10</sup>Que teni obedivú põeva jēniarejaimaða Jūmenijicure ùi

cūrami jedevacobei diora, mumijuede juaiorai. <sup>11</sup>Zacarías mumijuede juayu bācu, úre cuetedejameđa cūinácu ángele, Jūmenijicui daroimū, núcu meapūravui ne juaino yebai. <sup>12</sup>Aru úre jári, cūcumarejameđa Zacarías. Jiducu barejámeđa ũ. <sup>13</sup>Ūbenita ñai ángele arejameđa úre:

—Mū, Zacarías, jidubejacu mū.

Jūmenijicu jápiaibi mi jēnaiye báquede. Aru caride Jūmenijicu cađatecūyume mure. Mimarepaco juedocūvacodome. Aru Juan amidojacu mū ũ macūyúre. <sup>14</sup>Torojucūyumu mū mímacu bacūyúre boje. Aru obedivū pōeva torojurājarama ũi pōteiyede. <sup>15</sup>Mímacu bacūyú parucu bacūyúme Jūmenijicui jáinore. Jūmenijicui Espírítu Santo úque cūcūyume jípacoi yapibu jívumiareca. Que baru vino úyaicoro boqueicorore úcumecūyume ũ. Aru apecoro boqueicorore máre úcumecūyume ũ. <sup>16</sup>Ñai mímacu bacūyú obedivū pōeva Israel bācui pāramena márājivure, ũi coyūquiyede náre Jūmenijicui yávaiye méne, chíore đarí ju arājarama ne jabocu Jūmenijicure.

<sup>17</sup>Jūmenijicu nópe đare đacūyume mímacu bacūyúre. Aru jipocateđe đacūyume mímacu bacūyúre maje jabocure ũi Espírítuque, ũi paruéque. Nopedeca Jūmenijicu paruđe đarejaquemavu ũi yávaiyede coyūcaipōecu bācure máre, ũi ámiá Elías, ũi Espírítuque, ina bucūva ne ju arí jipocatenajiyepere ayū nēmarare ne cārijimene đarājiyepere ayū náque, aru ina ju abevu ne dāpiarājiyepere ayū ju aivū ne majiépedeca. Caiye iye đacūyume mímacu bacūyú pōevare meadarí, ne jacopurājiyepere ayū maje jabocure, Jūmenijicui daroquimure, arejameđa ñai ángele Zacaríare.

<sup>18</sup>Ñai ángele ũi aríburu yóboi, Zacarías jēniari járejameđa úre:

—¿Aipe đarí coreóvaji yū jimarepaco juedocūvacodore? Bucucubu yū. Aru jimarepaco máre bucucobe ō, arejameđa Zacarías.

<sup>19</sup>Aru ñai ángele arejameđa úre:

—Yúbu Gabriel. Yū núcubu cainūmua Jūmenijicu yebai, memecayū úre.

Jūmenijicui daroimūmu yū. Mure coyūcudayubu yū iye yávaiye méne. <sup>20</sup>Ūbenita caride yávarí majibecubu mū. Aru yávabecūyumu mū mímacu bacūyú ũi pōteiyeta, mi ju abe boje ji coyuiyede. Caiye vaiquíyebu yópe ji coyuiyepere mure cari, arejameđa ñai ángele.

<sup>21</sup>Aru ina nópe coyūivū, caivū ina obedivū pōeva Zacaríai etaiyede coredejaimađa na. Ūrarō coreni úre, pare dāpiarejameđa, “¿Aipe teni Zacarías etabedi Jūmenijicui cūramine jocarí?” aivū. <sup>22</sup>Buojarí, etarejameđa Zacarías Jūmenijicui cūramine jocarí. Etauū bācu, yávarí majibedejameđa náre. Que baru ina pōeva coreóvarejaimađa Zacarías jáñu mácure yópe decoboinope arūcure diñami Jūmenijicui cūrami jívui. Zacaríacapuravu yaredejameđa ũi purūque náre. Ūbenita yávarí majibecu mautedejameđa ũ.

<sup>23</sup>No yóboi, apejāravū ũi yajubo, sacerdotevacavui yajubo, ne Jūmenijicui cūrami memejāravua yóboi, Zacarías copainurejameđa ũi cūrami. <sup>24</sup>Aru dijāravua yóboi jímarepaco juedoearejacođa ō. Que teni cūinápurūpe paiaviavare mautedejacođa ō cūrami jívui. Aru arejacođa:

<sup>25</sup>—Yopedeca đacaquemavu Jūmenijicu yūre. Cōmaje ároje jári yūre, íame ji cūyeno mácarōre. Aru đacaibi yūre pōeva ne cōenimenajiyepere ayū, arejacođa ō, Isabel.

**Jesús ũi pōtequinore cūinácu ángele ũi coyūino**  
(Mt 1.18, 21)

<sup>26</sup>Isabel ōi seis paiaviava micaco baedata, dinūmuita bediōva cojedeca ñai ángele Gabriede darorejameđa Jūmenijicu, Galilea ámicurōi, Nazaret ámicuríimaro. <sup>27</sup>Diimaro cūináco nomió cūrejacođa, María ámicūco. Ō marejácođa David bācui pāramecu Joséi márepaco bacođó. Ō ye cubedejacođa ũmūque cāreja. Ōi yebai darorejameđa Jūmenijicu ñai ángelede. <sup>28</sup>Ōi yebai earí, yópe arejameđa Maríare ñai ángele:

—¿Me sacorã mu? Mu Jümenijicui beoimomu. Múque cubi Jümenijicu, arejamedã Mariãre.

<sup>29</sup>Übenita ñai ángele üi nópe aiyede cuecumari, “¿Aipe ayu bárica ü yure?” arí dápiarejacoda. <sup>30</sup>Aru ñai ángele arejamedã óre:

—Ji coyuiyede jidubejaco mu, María. Jümenijicu müre jecubi.

<sup>31</sup>Micatani, jueðocuvacodomu mu. Mi jueðocuvacojimu Jesús ámicucuyume ü macuyú. <sup>32</sup>Jabocu parucu bacuyúme mímacu bacuyú. Aru pöeva arãjarama üi borore, “Jümenijicu parucui mácube ü”. Üi ñecu mácu, David bácupe, jabotede ðacuyume Jümenijicu mímacu bacuyúre. <sup>33</sup>Israel bácuí páramena ne jabocu bacuyúme. Mímacu bacuyú üi jaboteiye ye cüiméquiyebe, arejamedã Mariãre.

<sup>34</sup>Mariãcapüravu arejacoda úre:

—¿Aipe ayurü mu, nópe ayu? Yu ye ümúque cubecotamu yu, arejacoda õ.

<sup>35</sup>Ñai ángelecapüravu arejamedã óre:

—Mure dacuyume Jümenijicui Espiritu Santo. Aru Jümenijicu caivu püeno parucu üi parué cuquiyebe múque. Que baru mi jueðocuvacojimu meacu baju bacuyúme ü. Jümenijicui mácu bacuyúme ü. <sup>36</sup>Aru miparimo Isabel, bucucovacari, micacobe õ máre. Caride “jueðoeabeco”, ne aimo máco javeta seis paiaviava micacotamedã. <sup>37</sup>Jümenijicu caiyede ðaiye majibi. Que baru ye cubevü üi ðabeno, arejamedã Mariãre ñai ángele.

<sup>38</sup>Aru arejacoda Mariãcapüravu:

—Jümenijicui yebacotamu yu. Mi aiyepe bajaróri yure, arejacoda õ.

Coyurí buojarí, nurejamedã ñai ángele óre jocarí.

### María õi jáconuino Isabede

<sup>39</sup>Dijãravuai María nurejacoda maumejie cüináimaroi, cãracüai, Judea ámicurijoborói. <sup>40</sup>Imaroi earí, Zacaríai cürami ecorejacoda õ. Aru ecorí jacoyurejacoda Isabede.

<sup>41</sup>Õi jápiaiyede Mariãai jacoyuiyede, õi mácu cújidejamedã õi yapibui. Aru

Espiritu Santo dápiaicõjenezamedã Isabede. <sup>42</sup>Que baru Isabel, yópe arí, coðoborejacoda Mariãre:

—iJümenijicu müre me jári, mearo ðacaquemavu müre caivu nomiva püeno! iJümenijicu me jári, mearo ðacacuyume mímacu bacuyúre máre püeno baju! <sup>43</sup>Cuecumari dápiaivu yu ji jabocui paco ji yebai õi cucodaiyede. <sup>44</sup>Ji jápiaiyede mi jacoyuiyede, jímacu torojucu cújibi ji yapibui. <sup>45</sup>Mu ju arebu ángele üi coyuiye báquede müre. Mu dápiarebu Jümenijicu ðacuyure müre üi aye báquepedeca. Que baru Jümenijicu me teyube müre. Torojuvü mu, arejacoda õ.

<sup>46</sup>Aru María arejacoda:

Ji ümei coreóvaivu ji jabocui

paruéde. <sup>47</sup>Aru ji decocui torojuvü Jümenijicare, yure meaðaipöecure, boje. <sup>48</sup>Jümenijicu cõmaje ároje jáquemavu yure, üi yebacacore.

Que baru caivu ijãravucavu

“Jümenijicui torojure ðaimome

õ”, arãjarama yure. <sup>49</sup>Ñai parucu baju ðayube yure mearo uraróre. Aru meacu bajube. Caivu apevu püeno meacube ü. <sup>50</sup>Cõmaje ároje jáñume caivu ina pueðaiyure úre, javede aru caride máre.

<sup>51</sup>Üi ðaiyeque jáðovañume üi paruéde. Ina pöeva ne baju me dápiaiyure, apevu püeno meara dápiaiyure, coavayube. <sup>52</sup>Ina

jabova parurivure ne paruéde ñume náre jocarí. Aru ina cõmaje árojarivure mearo ðacayube ü.

<sup>53</sup>Ina áuyaiyure yapide ðayube me áiyeque. Aru ina cuve cuvavivure jaroyube cuve cuvabevüva.

<sup>54</sup>Cadateyube üi pöevare, maja Israecavure, üi cõmaje ároje jári árúe boje. <sup>55</sup>Cüináturu yãvarejaquemavu majeñecuva mácvure, Abraham mácvure aru üi páramenare máre, cainumua, arejacoda Mariã.

<sup>56</sup>Carejacoda Isabeque yóbecurã aviãva. Aru no yóboi copainñejacoda õi cürami.

**Juan Bautista ùi pōeteino**

<sup>57</sup> Dinũmũai Isabel juedocũvarejacoda ùmu juedojĩcũre. <sup>58</sup> Aru òi cadaĩjēcavũ, ò jivũ mãre, ne jápiaiyede òi borore Jũmenijicu cõmaje ãroje jáñũre òre, torojũreajaimada òque.

<sup>59</sup> Ocho pajjãravũ pōeteniburu yõboi, sacerdoteva òi mãcũi cajede buraicõjeni judĩova ne ðarĩ cõmajiyepe, ðarãearejaimada na. Aru ãmidorãjivũ barĩdũreajaimada ùre Zacarías, jípacũre.

<sup>60</sup> Ùbenita jípacõ arejacoda:  
—Bi, Zacarías ãmemi. Ù ãmicũcũyũme Juan, arejacoda ò.

<sup>61</sup> Que teni ina pōeva arejaimada òre:  
—Cũbebi apesũ mívũ jēnebore Juan ãmicũcũ, arejaimada na.

<sup>62</sup> Aru ina pōeva yaredejaimada ne pũũque jípacũre, jēniari jáivũ ùre, “¿Yēcũ ãmidocũyũ ùre?” <sup>63</sup> Que teni Zacarías jabiõvarĩ jēniarejameða toivaivede. Aru toivarejameða yõpe: “Juan ãmicũbi ù”. Que baru caivũ pare dãpiarejaimada caiye iyede. <sup>64</sup> Aru cũinã yãvari búri, torojũri, mearore jídejameða Jũmenijicũre Zacarías. <sup>65</sup> Que baru caivũ ina pōeva, ùi cadaĩjēcavũ, cũcumarejaimada na. Caiye iye borore borotedejaimada caivũ caino dijõborõi, Judea ãmicũrijõborõcacũa cãrcũai.

<sup>66</sup> Aru caivũ ina jápiaivũ, me dãpiarĩ arejaimada:

—¿Yēcũ baquidĩca ñai juedocũ? arejaimada na.

Aru Jũmenijicu cadatedejaquemavũ ùre.

**Zacarías ùi yãvaino Jũmenijicũre**

<sup>67</sup> Dinũmũre Espĩritu Santo dãpiaicõjēnejameða Zacarĩare. Que baru Jũmenijicũi yãvaiyede coyũrejameða:

<sup>68</sup> Torojũvũ yũ Jũmenijicũque. Que baru mearore jívũ yũ maje jabocũre, Israecavũ maje mearore jímvũre. Cõmaje ãroje jári ùi pōevare, meadaibi majare abujuvai jabocũi parũede jarũvarĩ.

<sup>69</sup> Jũmenijicu daroyũbe majare cũinãcũ meadaipõecũre, ùi

põesũ David bãcũi pãramecũre.

<sup>70</sup> Javede Jũmenijicũi yãvaiyede coyũcaipõeva mãcavũ, yõpe arĩ, coyũreajaimada: “Jũmenijicu darocũyũme meadaipõecũre, ùi pōevare meadaquiyepe ayũ”. <sup>71</sup> Majare meadaipõesũ meadacũyũme majare maucũvarivũ ne parũede jarũvarĩ.

<sup>72</sup> Que ðacũyũme ùi cõmaje ãroje jáiye bãque boje maje jípacacavũ bãcavũre aru ùi ãrumetebe boje “Yõpe ðarãjarevũ”, ùi aino mãcarõpedeca na mãcavũre.

<sup>73</sup> Jãve ðacacũyũme majare yõpe ùi aiyẽ bãquepedeca majeñesũ mãcũ Abraham mãcũre.

<sup>74-75</sup> Meadacũyũme majare maucũvarivũre jarũvarĩ, maje memecarãjiyeppe ayũ Jũmenijicũi jaboteinore jídũbevũva maja, mearore dãpiarĩ aru mearore ðarĩ Jũmenijicũi jáiyede cainũmũa, caride pũ maje yainũmũita, arejameða Jũmenijicũre.

<sup>76</sup> Aru mamacũre mãre arejameða Zacarías:

Mũ, jímacũ, coreõvarãjarama mũre Jũmenijicũi yãvaiyede coyũcaipõecũre caivũ pũeno parũcũre. Que baru mũ pũcũyũmũi maje jabocũ jípacai. Coyũcũyũmũi Jũmenijicũi yãvaiyẽ meñe pōeva chĩori ne ãmeina teiyede, ne oatũvarãjiyeppe ayũ ne ðaiyede ùi daquiyẽ jípacai. <sup>77</sup> Coreõvare ðacũyũmũi mũ ùi pōevare, ne majinajiyeppe ayũ meadaquiyede náre. Ùrecabe ãrumetecũyũ ne ãmeina teiyede. <sup>78</sup> Nõpe ðacũyũmũi mũ Jũmenijicũi cõmaje ãroje jáiye boje pōevare ãnijãravũ, majare meadaipõesũ bacũyũ ùi daquijãravũ baquinõi. Yõpe mamajãravũ miadãepe baquiyẽbu majare. <sup>79</sup> ãnijãravũ baquinõre yãvaiyede jãvene majide ðacũyũme pōevare majare meadaipõesũ bacũyũ,



yópe pëoiye járe ðaiyepe ina ñeminoi dobarivure, ina yainore jidurivure. Yópe máre pëori maje cuiyepe, nopedeca cure ðacuyume majare cãrijimenoque. Jümenijicu majide ðacuyume caivu ina coreóvabevure üi yávaivede javene. Aru caivu majare cure ðacuyume cãrijimevva, arejamedá Zacarías.

<sup>80</sup>Bucurejamedá Zacaríai mácu.

Paruríume curejamedá. Aru macaróí, pöcubenoi, curejamedá, üi coyurí buijárvu baquinó eaiyeta Israel bácuí páramenare.

### Jesús üi pöeteino

(Mt 1.18-25)

**2** <sup>1</sup>Dinmure üi jabodaimarare corevaicöjenejamedá César Augusto. <sup>2</sup>No mamarumu ne ãmiäre toivaicöjeinmure Siria ãmicurijoboröcavure cöjeipöcu barejamedá Cirenio. <sup>3</sup>Que baru caivu corevaimara márajivu ne bucva bácvu ne cue báquei copaidejaimada. <sup>4</sup>Aru José máre Galileacaró ímaro, Nazaret ãmicuríimaroí cucu bácu, Judea ãmicuróí nurejamedá ü. Noi nuri, Belén ãmicuríimaro, üi ñecu mácuí curó mácaróí earejamedá José, David bácuí páramecu. Que baru nurejamedá José noi. <sup>5</sup>Nuri, jímarepaco bacoðóre nurejamedá José. Ne ãmiäre toivarí ícöjenanurejaimada na. Aru dinmure micacota barejácada ö. <sup>6</sup>Noi earí, curí, jueðocuvarejacoda María, ümu jueðojicu, mama jueðocure. <sup>7</sup>Cuipöeva ne cáñami buidñami marejávüya. Que baru ne cájuroroð eabeni, oteiãimara ne curíñami curí, jueðocuvarejacoda María. Jueðocuvarí, mamacure pavaicajeaque cümari, oteiãimara ne äitöcui tuorejacoda úre María, üi cáquiyepa ado.

### Ángeleva Jesúí pöeteinore ne coyüino ovejavare coreipöevare

<sup>8</sup>Nore ovejavare coreipöeva curejaimada dáre ñami, ne oteiãimarare coreivu. <sup>9</sup>Cüiná, Jümenijicui daroimu,

ángele, nore emenejamedá ü nára. Cojíé nurejavüya. Jümenijicui cojino pare cojidejavüya. Nára pëorejavüya. Ámei jidurejaimada ina oteiãimarare coreipöeva. <sup>10</sup>Übenita ñai ángele arejamedá náre:

—Jidubejará müja. Müjare yávaive méne davayütamu yu. Müjare aru caivure müje torojurãiyede davayübu yu. <sup>11</sup>Cari ñami David bácuí curíimaro mácaróí pöeteibi müje ãmeina téjuroede meadacuyü, Jümenijicui epeimü, Cristo, müje jabocu bacuyú. Jävetamu. <sup>12</sup>Müjare ji coyüimure noi earãjaramu müja, cümaimure. Oteiãimara ne äitöcui paraibi, arejamedá ñai ángele.

<sup>13</sup>Coyurí buojarí, obedivu Jümenijicui daroimara, ángeleva, járorejaimada ñai ángeleque. Jümenijicure torojurí mearore jídejaimada ina ángeleva.

<sup>14</sup>Mearore jínajarevu Jümenijicure, cavarö mearocacure, caivu pueno parucure. Aru ijárvucavure, ijoboröcavure, Jümenijicure ju aivure, meaquiyebu, arejaimada na.

<sup>15</sup>Que arí buojarí, cavarö mearo Jümenijicui curóí copaidejaimada ina ángeleva. Ne nuriburu yóboita, ina oteiãimarare coreipöeva arejaimada ne bajumia:

—Járica, Beléí nuri, Jümenijicui cari coyüiyede járanurajarevu, arejaimada na.

<sup>16</sup>Que arí, cüiná nurejaimada. Nuri pu Joséda aru Maríare earejaimada na. Aru Maríai mácure máre, parayure, oteiãimara ne äitöcui earejaimada na. <sup>17</sup>Que teni jueðojicure jári, Jümenijicui coyüye báquede náre coyurejaimada ina oteiãimarare coreipöeva. <sup>18</sup>Ne coyüiyede jápiaivu bácvu cucumari dápiarejaimada na. <sup>19</sup>Aru Maríacapuravü ðie caiyede jápiarí, me dápiarejacoda öi ümei. <sup>20</sup>Que teni ne curöre copainurejaimada ina oteiãimarare coreipöeva. Nópe ne jápiaie báquepe, ñai ángele üi coyüye báquepedeca, járejaimada na. Que baru torojurí arejaimada ina oteiãimarare coreipöeva:

— iMи, Jūmenijicu, meacu bajutamu mu! are nurejaimada na.

**Ne nuvaino Jesúre Jūmenijicui cūrami**  
(Lc 1.31)

<sup>21</sup> Ocho pajjāravua ũi pōeteniburū yóboi, sacerdotevare Maríai mácuí cajede buraicōjenezaimada, judíova ne đarí cōmajiyepe. Aru āmidorejaimada ũre Jesús, yópe ñai ángele ũi coyuiye báquepe Jesúí pōetequiye jipocai.  
<sup>22</sup> No yóboi náre đaiye jauéde nópe Jūmenijicui đaicōjeiyede ũi coyuiye báquepe Moisés bácure, ne meara marajiyépe ayu Jūmenijicui jáinore, Jesúí bucūva, ũre nuvari, muri nurejaimada Jerusalén āmicuríimaroi, jínajivu ũre Jūmenijicure. <sup>23</sup> Nópe đarí, đarejaimada yópe Jūmenijicui đaicōjeiyede ũi toivaicōjeiyepé báquepe: “Caivu ina ũmu jueđova népacore mamarumu pōeteivu, Jūmenijicui beoimara mārājivubu. Que baru náre jįjarā Jūmenijicure”.  
<sup>24</sup> Jūmenijicui cūrami nurejaimada. Aru mįjinare jįdejaimada Jūmenijicure, ne boarí juarājiyepé aivu yópe Jūmenijicui đaicōjeiyepé mamarumu pōteyū boje: “Pucarā jurevare o pucarā cōriąjurevare jįjarā Jūmenijicure”.

<sup>25</sup> Dinumure cūinácu ũmu curejameda Jerusalén āmicuríimaroi, ũi āmiá Simeón. Ñai Simeón meacu barejameda. Jūmenijicure urí, ũi đaicōjeiyepé đare nurejameda cainumua. Napini coreni vore nurejameda Israecavure cadatecyūre. Aru ñai Espírítu Santo ũque curejameda. <sup>26</sup> Ñai Espírítu Santo ũre coreóvare đarejameda yaibécuyure jipocamia jámecūva ñai Jūmenijicui epeimū, Cristore. <sup>27-28</sup> Que baru ñai Espírítu Santo ecore đarejameda ũre Jūmenijicui cūrami. Aru ina bucūva ne nuvaiyede diñami némacu Jesúre, ne đarājiyepé ayu yópe Jūmenijicui đaicōjeiyepé, ũre đururejameda Simeón ũi āmuveai. Aru torojurí mearore jįyū Jūmenijicure arejameda:

<sup>29</sup> Mи, ji jabocu, caride yu, mi pōecu, yaiquįivū cārijimecūva, yópe

mi coyuiye báquepe. <sup>30</sup> Jáivu yu ji baju ñai mi daroimū mácure, caivure meadaipōecure. <sup>31</sup> Mи daroivu ũre caivu pōeva ne meatenajiyepé ayu abujuvai jabocui paruéde jaruvarí. <sup>32</sup> ũ macuyáme pēoinope caivure ina pōeva judíova ānevure, ne majinajiyepé ayu Jūmenijicure. Aru davacyūme mearore mi pōevare, Israecavure, arejameda Simeón.

<sup>33</sup> Caiye iye ũi yávaiyede Jesúí borore jápiarí, Jesúí bucūva cuecumari dāpiarejaimada. <sup>34</sup> Aru Simeón torojurí mearore jįyū Jūmenijicure náre boje, yópe arejameda Maríare, Jesúí pacore: —Ñai jueđocu Jūmenijicui epeimume. Obedivu Israecavu bįjarājarama, ne ube boje ũre. Aru obedivu Israecavu meadaimara marájarama, ne ũe boje ũre. ũ coreóvare đacuyūme obedivu pōevare Jūmenijicui dāpiainore. ũbenita obedivu pōeva ũre ju abeni ubenajarama. <sup>35</sup> Caiye iye pōeva ne đarājiye mįmacure ñąjine đaquiyebu mure yópe cūináve táuve mi ũmene burarí cotuvaiyepé. Que teni caivu majinajarama obedivu pōeva ne dāpiainore ne ũmei, arejameda Simeón Maríare.

<sup>36</sup> Aru diñamine máre curejacođa cūináco Jūmenijicui yávaiyede coycaipōeco, ői āmiá Ana, Fanuel bācuí máco, Aser bācuí yajubocaco. Pare bucūco barejacođa ő. Bojuyo cāreja, purubuođo báco siete pajjua curejacođa jįmarepacu bācūque. <sup>37</sup> Aru nomíopeco barejacođa ő ochenta y cuatro pajjuaaita cāreja. Jūmenijicui cūramine etabeni, nore curí cainumua jįyo mearore Jūmenijicure, āmecova āiyede jēniarejacođa ũre jāravure aru ñamine máre. <sup>38</sup> Dinumūmiareca Jesús yebai nurí, jįdejacođa mearore Jūmenijicure. Aru Jesúí borore coyurejacođa caivu ina napini coreni vore cuivure Jūmenijicui meadaquiyede Jerusalén āmicuríimarocavure.

**Jesúí bucūva Nazarei ne copaino**  
(Mt 2.23)

<sup>39</sup> Jesúí bucūva đaiivu bācavu caiye iye Jūmenijicui đaicōjeiyepé,

copainurejaimada Galileacarō imaro Nazaret āmicuriimaroi. <sup>40</sup>Aru nēmacu me bucurejameda. Parucu barejameda. Urarō majidejameda ũ. Aru Jūmenijicu me járejameda ũre máre.

### Jesús ũi majicaino majidipōevare

<sup>41</sup>Ūjuá coapa Pascua āmicurijāravure aru páure bucure ðaiye cube āiye torojuve teinūmure, Jesúi bucūva mūri nurejaimada Jerusalén āmicuriimaroi.

<sup>42</sup>Que baru Jesúi cavaede doce paiujua nūvarejaimada ũre noi, ðarājivu yópe ne ðaiyere ũjuá coapa. <sup>43</sup>Torojuve teniburu yóboi, obedivu ina pōeva copainūivu barejaimada Jerusalén āmicuriimarore jocarī. Ūbenita ñai juedocu Jesús mautedejameda noi. Aru ũi bucūva coreóvabedejaimada. Dápiarī arīdurejaimada ne baju yópe: <sup>44</sup>“Obedivu pōeva mái nuñama.

Que baru Jesús nuñume apevuque”, arīdurejaimada na. Que dápiarī, nurejaimada cūinájārvu baju. Aru yóboi vorīdurejaimada Jesúre névu jēneboi. <sup>45</sup>Ūbenita ũre eabedejaimada. Que baru Jerusalén āmicuriimaroi copaini vorānurejaimada ũre.

<sup>46</sup>Pare vore curejaimada na. Yóbecurijārvua yóboita, ũre earejaimada Jūmenijicūi cūrami, dobacure bueipōeva majidivu jēneboi. Náre jápiayu aru jēniari jáñu marejameda ũ, Jesús. <sup>47</sup>Caivu ina jápiaivu ũre pare dápiarejaimada, ũi majié boje aru ũi yávaiye boje máre. <sup>48</sup>Ūi bucūva jáivu ũre noi, pare dápiarejaimada. Que teni jípacō arejacoða ũre:

—Bucu, ¿aipe teni que ðayurū ñujare? Jájacu, mipacu aru yu máre chíori voivubu ñuja mure, arejacoða ō.

<sup>49</sup>Jesús arejameda náre:

—¿Aipe teni vodārāru yure?

¿Majibenaru muja jauřore yure memecayure jipacure? arejameda Jesús.

<sup>50</sup>Ūbenita coreóvabedejaimada na iye ũi aiyede náre.

<sup>51</sup>Náre yóvarī ēmenejameda Nazaret āmicuriimaroi. Aru náre ju arī, yópe ne

urōpe ðayu barejameda. Jípacō caiye iyede me dápiarī, ārurejacoða ũi yávaiye báquede aru ũi ðaiye báquede máre.

<sup>52</sup>Jesús me bucurejameda ũi baju aru Jūmenijicūi majiéque máre. Jūmenijicu aru pōeva máre ũque torojurejaimada.

### Juan Bautista ũi coyūino Jūmenijicūi yávaiyede pōecubenoī

(Mt 3.1-12, 7.19, 12.34, 14.3-4, 23.33; Mr 1.1-8, 6.17-18; Lc 7.29; Jn 1.19-28, 8.33)

**3** <sup>1</sup>No yóboi Roma āmicurō jaboteino jabocu curejameda, ũi āmiá Tiberius César. Ūi jaboteiyede quince paiujua baju, Poncio Pilato jaboteyu barejameda Judea āmicurijoborōcavure. Aru Herodes jaboteyu barejameda Galilea āmicurijoborōcavure. Herodei yócu, Felipe, jaboteyu barejameda Iturea aru Traconite āmicurijoborōcavure. Aru Lisania jaboteyu barejameda Abilinia āmicurijoborōcavure. <sup>2</sup>Anás aru Caifás máre sacerdotevare jaboteipōeva marejaimada na. Dinūmure Jūmenijicu yávarejameda Juan Bautistare, Zacarías bācūi mácure, pōecubenoī. Pōeva vaivure coyure curejameda nore. <sup>3</sup>Ū nurejameda caino Jordán āmicuriya jia yebai. Coyuyū barejameda pōevare, ne Jūmenijicure jáðovarajiyere ayu ocoque, ne chíori dápiarājiyere ayu ne āmeina teiyede. Aru ne oatvarajiyere ayu ne ðaiyede, “Jūmenijicu ārumetecuyume” ayu barejameda diede. <sup>4</sup>Yópe toivarejaquemavu javede ñai Jūmenijicūi yávaiyede coyucaipōecu bācu, ũi āmiá Isafas:

Jūmenijicure coyucaipōecu codoboyure jápiarājarama pōecubenoī: “Meaðajarā muje ũmene copu etaburī maje jabocure, nopedeca muje meaðaiyere daimare, ñai ũmū, muje pueðaimū, ũi daquiye jipocai. Que ðarī ðajocajarā muje āmeina teiyede, Jūmenijicūi ðaroimū macuyū ũi daquiye jipocai, Jūmenijicūi copu etaquiye ayu mujare. <sup>5</sup>Caino ēmeino buiquíyebu. Aru caiye

cūracūa jōdaquiyeu. Ma nurimema nuritequiyeu. Aru ma yaribema máre yaritequiyeu. Jabovare aru jabova ámevure máre dajocarí ne ámeina teiyede oatvayie javvu náre ñai Jūmenijicui daroimū macuyú ũi daquiye jipocai. <sup>6</sup>Caivu ijārvavucavu jārjarama Jūmenijicui daroquimure, pōvare meadaipōecure”, arí toivarejaquemavu Isaías bácu.

<sup>7</sup>Obedivu pōeva earejaimada Juan Bautista yebai, ũi jádovaquiyepe aivu náre Jūmenijicūque jiai. Ũi yebai eavure, náre arejaimada:

—iMuja, jūjovavubu, muje ðaiye boje mearape! iAru ádavape paivubu muja, muje ámedaiye boje apévure! Jūmenijicui jorojiquijāravu edaiyede, jáve dupini buojabenamu muja. <sup>8</sup>Ðajarā muja yópe pōeva chíoiu ne ámeina teiyede, oatvavivu ne ðaiyepe. Muje baju abejarā: “Majeñecu Abraham mácu barejaquemavu. Jūmenijicui yōvarejaquemavu ũi mácure. Que baru meara bajutamu maja Jūmenijicui jáinore”, abejarā muja. Jáve coyuyubu mujare: Jūmenijicui buojai bi oatvayū cūraboare Abraham mácu pāramena máravure ðacuyū, ne ðarājīyepe ayū yópe ũi urōpe. <sup>9</sup>Yópe jiore memepōecu ũi jáiyede jocucua jēidua mearua cubecure ũi jioi, ũi jaruvajuroepe ðicuaré toaboi, nopedeca Jūmenijicui jáñu mujare mearo ðabevure, jaruvacuyume mujare toabo cūiméboi, arejaimada Juan Bautista.

<sup>10</sup>Que teni ina obedivu pōeva jēniari járejaimada Juan Bautistare:

—¿Aipe ðarājidi ñuja? arejaimada.

<sup>11</sup>Juan Bautista arejaimada náre:

—Pucacajea cuitótecajea cuvacu baru, jíjacu ñai cuvabecure. Aru áino cuvacu baru máre, jíjacu ñai áino cuvabecure, arejaimada.

<sup>12</sup>Ina jabovare táutura ícaipōeva Juan Bautista yebai nurejaimada, ũi jádovaquiyepe aivu náre Jūmenijicūque jiai. Aru arejaimada úre:

—Mu, bueipōecu, ¿aipe ðarājidi ñuja? arejaimada.

<sup>13</sup>Ũ arejaimada náre:

—Ímejara pueno baju yo muje jabocui cōjeinore mujare. arejaimada.

<sup>14</sup>Apevu churarava máre jēniari járejaimada úre:

—¿Aipe ðarājidi ñuja? arejaimada.

Ũ arejaimada náre:

—Tatobejarā apévū ne cuvadee.

Boarí jaruvavubejarā náre. Aru borocubejarā ũbenina ne ðabedeca, ne jínaiyepe aivu mujare táuturare, muje borocubenaiyepe aivu. Torojjarā muje memeni cuvae boje, arejaimada ũ.

<sup>15</sup>Obedivu pōeva coreivu barejáimada Jūmenijicui epequimure. Que baru Juan Bautista ũi que aipe boje, caivu ina pōeva dápiari ne ũmei jēniari járejaimada ne bajumia: “¿Cristo, Jūmenijicui epeimu, márica ñai?”

<sup>16</sup>Ũbenita Juan Bautista arejaimada náre:

—Yu jáve mujare jádovavū Jūmenijicure ocoque, muje chíori dápiaye boje muje ámeina teiyede. Ũbenita dacuyume ji yóboi cūinácu, ji pueno parucu. Ũ macuyúme jádovavū mujare Jūmenijicūque Espiritu Santoque, ũi cuvuyepere ayū mujaque aru ũi cadatequiyepe ayū mujare máre. Aru ũ macuyúme jádovavū mujare Jūmenijicūque toaque máre, muje meara tenaiyepe ayū yópe pōeva ne meadaiyepere táure toaque, aru ũi ñájine ðaquiyepe ayū mujare, meara tebedu. Que baru caivu pueno meacu bajube ũ. Yúcapūravu pare ũi cāchinocacubu. Que baru úre cadateni buojabevu yu. Pu oarí buojabevu yu duayū ũi curaidoa buoimeare. <sup>17</sup>Yópe oteiyepere jaraboque, oteiyepere epecuyū ũi epeiñami jívui, aru oteiyepere cajeáre juacuyū, nopedeca Jūmenijicui úre ju aivure epecuyume ũi jaboteinoi aru úre ju abevure jaruvacuyume toabo cūiméboi, arí buedejaimada Juan Bautista.

<sup>18</sup>Nópe coyurejaimada Jūmenijicui yávaiye méne meadaipōecure, darocuyure ina pōevare, náre

mearo ðaicõjeñ, ne ñájiemenajiyep  
 ayu toabo cüiméboi. <sup>19</sup>Aru Galilea  
 ãmicurijoborõcavü ne jabocü Herodede  
 jararejameða Juan Bautista, ñi  
 cüvae boje ñmacü márepacore, õi  
 ãmiá Herodías, aru caiye ape ñi  
 ãmeina teiye boje máre. <sup>20</sup>Ûbenita  
 Herodes Juan Bautistare jápaiyübecu,  
 jarüvaicõjenezameða úre ãmeina teivüre  
 jëni jacoiñami.

**Juan Bautista ñi jáðovaino Jesúre  
 Jümenijicüque**

(Mt 3.13-17; Mr 1.9-11; Lc 9.35)

<sup>21</sup>Juan Bautista jáðovañü marejámeða  
 Jümenijicüque jiai caivü ina obedivü  
 põevare. Aru Jesús máre nurejameða  
 ñi yebai, ñi jáðovaquiyepere ayu úre  
 Jümenijicüque jiai. Ûi jáðovariburu  
 yóboi, Jesús jëniñü marejámeða  
 Jümenijicü. Dinüüre cavarõ mearo  
 Jümenijicü curõ vorí nurejavüya.  
<sup>22</sup>Que teni jurecope Espíritu Santo  
 émeni darejameða ñi puenora. Aru  
 jápiarejaimaða apeno yávainore cavarõ  
 mearo Jümenijicü curõque aiyede yöpe:  
 “Mü, jímacü, jí ümü, me torojüvü yü  
 müre”, arejameða Jesúre Jümenijicü.

**Jesucristo ñi jipocacavü bávavüre  
 coyüino**  
 (Mt 1.1-17)

<sup>23</sup>Jesús treinta paiñüa cüvacü  
 mamarümu buení búrejameða põevare.  
 Ina marejáimada Jesúi búcvü: Põeva  
 dápiarejaimada úre Joséi mácvüre. Aru  
 José Elí bácvü mácvü barejaquémavü.  
<sup>24</sup>Aru Elí bácvü Matat bácvü mácvü  
 barejaquémavü. Matat bácvü Leví  
 bácvü mácvü barejaquémavü. Leví bácvü  
 Melqui bácvü mácvü barejaquémavü.  
 Melqui bácvü Jana mácvü mácvü  
 barejaquémavü. Jana mácvü José bácvü  
 mácvü barejaquémavü. <sup>25</sup>Aru José bácvü  
 Matatías bácvü mácvü barejaquémavü.  
 Matatías bácvü Amós bácvü mácvü  
 barejaquémavü. Amós bácvü Nahúm  
 mácvü mácvü barejaquémavü. Nahúm  
 mácvü Esli bácvü mácvü barejaquémavü.  
 Esli bácvü Nagai bácvü mácvü

barejaquémavü. <sup>26</sup>Aru Nagai bácvü Maat  
 bácvü mácvü barejaquémavü. Maat bácvü  
 Matatías bácvü mácvü barejaquémavü.  
 Matatías bácvü Semei mácvü mácvü  
 barejaquémavü. Semei mácvü Josec  
 bácvü mácvü barejaquémavü. Josec  
 bácvü Judá bácvü mácvü barejaquémavü.  
<sup>27</sup>Aru Judá bácvü Joanán mácvü mácvü  
 barejaquémavü. Joanán mácvü Resa  
 bácvü mácvü barejaquémavü. Resa bácvü  
 Zorobabel bácvü mácvü barejaquémavü.  
 Zorobabel bácvü Salatiel bácvü mácvü  
 barejaquémavü. Salatiel bácvü Neri bácvü  
 mácvü barejaquémavü. <sup>28</sup>Aru Neri bácvü  
 Melqui bácvü mácvü barejaquémavü.  
 Melqui bácvü Adi bácvü mácvü  
 barejaquémavü. Adi bácvü Cosam mácvü  
 mácvü barejaquémavü. Cosam mácvü  
 Elmadam mácvü mácvü barejaquémavü.  
 Elmadam mácvü Er bácvü mácvü  
 barejaquémavü. <sup>29</sup>Aru Er bácvü Josué  
 bácvü mácvü barejaquémavü. Josué bácvü  
 Eliezer bácvü mácvü barejaquémavü.  
 Eliezer bácvü Jorim mácvü mácvü  
 barejaquémavü. Jorim mácvü Matat  
 bácvü mácvü barejaquémavü. <sup>30</sup>Aru Matat  
 bácvü Leví bácvü mácvü barejaquémavü.  
 Leví bácvü Simeón mácvü mácvü  
 barejaquémavü. Simeón mácvü Judá  
 bácvü mácvü barejaquémavü. Judá bácvü  
 José bácvü mácvü barejaquémavü. José  
 bácvü Jonam mácvü mácvü barejaquémavü.  
 Jonam mácvü Eliaquim mácvü mácvü  
 barejaquémavü. <sup>31</sup>Aru Eliaquim mácvü  
 Melea bácvü mácvü barejaquémavü.  
 Melea bácvü Mena mácvü mácvü  
 barejaquémavü. Mena mácvü Matata  
 bácvü mácvü barejaquémavü. Matata  
 bácvü Natán mácvü mácvü barejaquémavü.  
<sup>32</sup>Aru Natán mácvü David bácvü mácvü  
 barejaquémavü. David bácvü Isai bácvü  
 mácvü barejaquémavü. Isai bácvü Obed  
 bácvü mácvü barejaquémavü. Obed bácvü  
 Booz bácvü mácvü barejaquémavü. Booz  
 bácvü Sala bácvü mácvü barejaquémavü.  
 Sala bácvü Naasón mácvü mácvü  
 barejaquémavü. <sup>33</sup>Aru Naasón mácvü  
 Aminadab bácvü mácvü barejaquémavü.  
 Aminadab bácvü Admin mácvü mácvü  
 barejaquémavü. Admin mácvü Arni

mácuí mácu barejaquémavɯ. Arni mácu Esrom mácuí mácu barejaquémavɯ. Esrom mácu Fares báciu mácu barejaquémavɯ. Fares báciu Judá báciu mácu barejaquémavɯ. <sup>34</sup>Aru Judá báciu Jacob báciu mácu barejaquémavɯ. Jacob báciu Isaac báciu mácu barejaquémavɯ. Isaac báciu Abraham mácuí mácu barejaquémavɯ. Abraham mácu Taré báciu mácu barejaquémavɯ. Taré báciu Nacor báciu mácu barejaquémavɯ. <sup>35</sup>Aru Nacor báciu Serug báciu mácu barejaquémavɯ. Serug báciu Ragau báciu mácu barejaquémavɯ. Ragau báciu Peleg báciu mácu barejaquémavɯ. Peleg báciu Heber báciu mácu barejaquémavɯ. Heber báciu Sala báciu mácu barejaquémavɯ. <sup>36</sup>Aru Sala báciu Cainán mácuí mácu barejaquémavɯ. Cainán mácu Arfaxad báciu mácu barejaquémavɯ. Arfaxad báciu Sem mácuí mácu barejaquémavɯ. Sem mácu Noé mácuí mácu barejaquémavɯ. Noé mácu Lamec báciu mácu barejaquémavɯ. <sup>37</sup>Aru Lamec báciu Matusalén mácuí mácu barejaquémavɯ. Matusalén mácu Enoc, ñai yaibécɯ, ñi mácu barejaquémavɯ. Enoc Jared báciu mácu barejaquémavɯ. Jared báciu Mahalaleel báciu mácu barejaquémavɯ. Mahalaleel báciu Cainán mácuí mácu barejaquémavɯ. <sup>38</sup>Aru Cainán mácu Enós báciu mácu barejaquémavɯ. Enós báciu Set báciu mácu barejaquémavɯ. Set báciu Adán mácuí mácu barejaquémavɯ. Aru Adán mácu Jūmenijicui mácu barejaquémavɯ.

**Abujuvai jabocɯ Jesúre ñi jujovariduino**

(Mt 4.1-11; Mr 1.12-13)

**4** <sup>1</sup>Jesús, Espírítu Santoi ðaicõjeimɯ, copaidejameða Jordán ãmicuriya jiare jocarí. Ñai Espírítu Santo ñvarejameða úre põecubenoí. <sup>2</sup>Jesús currejameða nore cuarenta paijãravɯ. Yéde ãmenejameða noi ñi curijãravuare. Aru abujuvai jabocɯ, Satanás ãmicucɯ, jujovaiyuridurejameða úre. Que baru no yóboi ãvæé ijidejavúya úre.

<sup>3</sup>Que baru ñai abujuvai jabocɯ arejameða Jesúre:

—Jãveneca Jūmenijicui mácu baru, ãiye ðajacɯ ibo cūrabore, arejameða.

<sup>4</sup>Jesús arejameða ñai abujuvai jabocure:

—Mi aiyepe ðabevɯ yɯ. Jūmenijicui yávaiye ñi toivaicõjeiye báque coyɯivɯ yópe: “Põeva cubenama ne ãiye matuiyeda. Quénora curãjarama caiye Jūmenijicui yávaiyeque máre”, arejameða Jesús.

<sup>5</sup>Que arıburu yóboi, ñai abujuvai jabocɯ ñvarejameða Jesúre cūracú ñmujuricú puenoi. Jãðvarejameða maumena caiye ijãravucarõa ñmaroare.

<sup>6</sup>Aru arejameða úre:

—Yɯ jíquijivɯ mure ji jaboteinore aru caiye ðie cūve méne máre, mi jabotequiyepe ayɯ ðiede ji parúéque. Jíyebu caiye iye ijãravuque. Que baru buojaivɯ jíyɯ ji ñmure. <sup>7</sup>Jíquijivɯ mure caiye ijãravuquede, mi ñnatutarí mearore jídu yure, arejameða ñai abujuvai jabocɯ Jesúre.

<sup>8</sup>Aru Jesúcapūravɯ arejameða úre:

—Mi aiyepe ðabevɯ yɯ. Jūmenijicui yávaiye ñi toivaicõjeiye báque coyɯivɯ yópe: “Mearore jíjacɯ mi jabocɯ Jūmenijicure aru cūnácɯra memecajacɯ ñi urõpe”, arejameða Jesús.

<sup>9</sup>Que teniburu yóboi, ñai abujuvai jabocɯcapūravɯ ñvarejameða Jesúre Jerusalén ãmicurımaroi. Úre muri nure ðarejameða Jūmenijicui cūrami puenora. Aru arejameða úre:

—Jãve Jūmenijicui mácu baru, turí ñujacɯ yore jocarí pı joborõita. <sup>10</sup>Jūmenijicui yávaiye ñi toivaicõjeiye báque coyɯivɯ mi borore yópe: “Jūmenijicɯ jarocɯyɯme ñi ángelevare, ne coreñaiyepere ayɯ mure.

<sup>11</sup>Jãmõórajarama mure ne pũruáque, mi ijíe tebequiyepere aivɯ mi cubobare ibo cūraboque”, arı toivarejaquemavɯ. Que baru mi turí nuru, yɯ jãñ buojacɯyɯmu Jūmenijicɯ ðayure yópe ñi aiyepedepeda, arejameða Jesúre ñai abujuvai jabocɯ.

<sup>12</sup>Jesúcapūravɯ arejameða úre:

—Mi aiyepe ðabevu yu. Nopedeca Jūmenijicui yávaiye ũi toivaicōjeiye báque coyuvu yópe: “Jujovabejacu mi jabocu Jūmenijicure. Jáðovaicōjemejacu ũi paruéde”, arí toivarejaquemavu. Que baru yéde ðabevu yu, jáðovaicōjeiurocu ũi paruéde. Majivu yu parucure, arejameða Jesús.

<sup>13</sup>Nópe ðariduyu ñai abujuvai jabocu jujovarí majibedejameða Jesúre. Que baru nurejameða Jesúre jocarí apenunuita.

#### Jesús Galileai ũi bueni buino

(Mt 4.12-17; Mr 1.14-15)

<sup>14</sup>Jesús ũi copaiyede Galilea āmicurijoborói Espiritu Santoi ðaicōjeiye paruéde cuvacu barejameða. Aru pōeva yávarejaimaða ũi borore caino ijoborōcarói. <sup>15</sup>Jesús buedejameða ne judíovai cójijiñamiai ímaroa coapa. Aru caivu torojurejaimaða ũre.

#### Jesús Nazarei ũi nuino

(Mt 13.53-58; Mr 6.1-6; Jn 4.44)

<sup>16</sup>Jesús nurejameða Nazaret āmicuriiमारoi, ũi bucuiiमारo mácarói. Ecorejameða judíovai cójijiñami ne jabuóvaujāravu sábadoi, yópe ũi ðaiyepe cainunua. Aru nacajari jári borotedejameða Jūmenijicui yávaiyede. <sup>17</sup>Jídejaimaða ũre Jūmenijicui yávaiyede coyucaipōescu Isaías bācui toivaiye báquede. Aru voarí jáñu earejameða yópe arí toivaino mácaróre:

<sup>18</sup>Ji jabocu Jūmenijicu ũi Espiritu cubi yáque. Que baru ũi epeimumu yu, coyucuyu ũi yávaiye méne ina cōmaje ārojarivure. Daroibi yure, ji meadaquiyepere ayu ina chíovure ne ũmei. Aru coyucōjeimi yure, ji joðequiyepere ayu ina buoimarape paivure ne āmeina teiye boje. Járe ðacuyumu ina jári eabevure. Joðede ðacuyumu ina āmeina ðaimarare máre. <sup>19</sup>Coyucuyumu ne coreóvaino eainore ne jabocu meadaquinore náre, jári borotedejameða Jesús.

<sup>20</sup>Jári boroteni buojarí, Jesús iye toivaiye báquede bieni, jídejameða judíovai cójijiñami caðateipōescure. Aru dobacunurejameða, buescuyu ina pōevare. Que teiyede járejaimaða ũre pare caivu ina curivu judíovai cójijiñami jívui. <sup>21</sup>Jesús yávarí báyu, arejameða yópe:

—Caride yu ðayubu muje jēneboi yópe iye Isaías bācui toivaiye báquepe javede, arejameða Jesús.

<sup>22</sup>Caivu coyurejaimaða mearo Jesúsí borore. Aru pare dápiarejaimaða mearo ũi coyuiyede jápiarí. Aru jēniari járejaimaða ne baju:

—¿Joséi mácu āmeni ñai? arejaimaða.

<sup>23</sup>Náre arejameða Jesús:

—Jāveneca arājaramu muja yópe: “Mu, juoipōescu, juojacu mi bajuma, jáðovacuyu pōevare juorí majicure”. Aru arājaramu muja yure: “Ñuje jápaiyede mi ðaiye báquede Capernauí, nopedeca ðajacu yore, mi joboró bajure”, arejameða.

<sup>24</sup>Aru yávare nurejameða:

—Jāve coyuyubu mujare: Ácu Jūmenijicui yávaiyede coyucaipōescu cubebi ne me copu etaimu ũi joboróre.

<sup>25</sup>Que baru jāve coyuyubu mujare: Cūrejaquemavu obedivu nomiópeva Israecavu bācavu Elíai curijāravua báquede. (Ñai Elíare Jūmenijicu nūvarejaquemavu Paraíso āmicurói arucura.) Aru ocabedejaquemavu yóbecurijua corica baji. Que baru āvúene nājinejaquemavu caino joboróre. <sup>26</sup>Ūbenita Elías caðatecunumenejaquemavu ina nomiópeva bācavu yebai. Qué Nora nūrejaquemavu cūināco nomiópeco báco yebai, Sarepta āmicuriiमारoi, Sidón āmicuriiमारo joabenoí cūco bácore.

<sup>27</sup>Nopedeca cūrejaquemavu obedivu pojeivu Israecavu bācavu Eliseo bācui curijāravua báquede. Ūbenita Eliseo bācu meaðabedejaquemavu ina caivure. Cūinācurata meaðarejaquemavu, Naamán āmicucure, Siria āmicurijoborōcacu bācure. Aru ina pucarā, ico nomiópeco báco aru Naamán

mácu máre, judíoiva ãmenejaquemavu na, arejameða Jesús.

<sup>28</sup>Ne jápiaiyede iye ùi coyuyiede, caivu ina judíoiva cójjiñami curivu jorojinejaimada pare Jesúre. <sup>29</sup>Nacajari jabuborí nuvarejaimada Jesúre ìmarore jocarí. Ùre nuvarejaimada cûracû puenoi, jaruvarãjivu dicû tûrobû cãchinoi. <sup>30</sup>Ûbenita Jesús vaicãnuvejameða ne jêneboi, náre jocarí.

**Abujucu ùi ìmamu Jesúre ùi copûino**  
(Mt 7.28-29; Mr 1.21-28)

<sup>31</sup>Jesús ãmeni nurejameða Galileacarõ ìmaroi, Capernaum ãmicuríimaro. Aru noi buedejameða pøevare judíoiva jabuvãvãjãravu sãbadoi. <sup>32</sup>Ina jápiaivu ùi bueiyede, torojurí cucumarejaimada ùi bueiyede, ùi yãvaiye boje paruéque. <sup>33</sup>Aru curejameða judíoiva cójjiñami cûinãcu ùmu, abujucu ùi ìmamu. Coðoboborí arejameða Jesúre:

<sup>34</sup>—Mû, Jesús Nazarecacû, cãrijovamejacu ñujare. ¿Yéde ucûrû mu ñujare? ¿Jaruvacudayû dacûrû mu ñujare? Coreóvaivu yu mure. Jûmenijicui mácu meacu bajubu mu, arí coðoboborejameða.

<sup>35</sup>Ûbenita Jesús bi aicõjenejameða úre:

—Mû, bída, etajacu ñai ùmure jocarí, arejameða Jesús.

Que baru ñai abujucu ture ðarejameða ùi ìmamure joborõi ne jêneboi. Etarejameða úre jocarí, ãmeno ðabecûva ñai ùmure. <sup>36</sup>Aru cucumari jáivu ina pøeva, arejaimada ne baju:

—Paruéque yãvaibi ñai ùmu. Ùi yãvaiye paruéque jaruvaibi abujuvare. Aru etadama ména, arejaimada.

<sup>37</sup>Que baru yãvarejaimada Jesúi borore caino Galilea ãmicurijoborõi.

**Jesús ùi meadaino Simón Pedro**  
**vãcore**

(Mt 8.14-15; Mr 1.29-31)

<sup>38</sup>Dinumu Jesús etarejameða judíoiva cójjiñamine jocarí. Aru ecorejameða Simón Pedroi cûrami. Ico Simón Pedroi váco moimo marejacoda

pare. Coyurejaimada Jesúre õi borore.

<sup>39</sup>Que baru Jesús õi yebai nacachini, dajocaicõjenejameða moinore óre jocarí. Maumejiena dajocarejavûya moino óre. Dinumumia nacajari, ãiyede meadarí jíðejacoda náre.

**Jesús ùi meadaino obedivu ijimarare**  
(Mt 8.16-17; Mr 1.32-34)

<sup>40</sup>Dinainumica ñamijie baji aviã ùi doríburu yóboi, jabuvãvãjãravu vaiyede, nuvarejaimada Jesús yebai obedivu ijimarare. Aru tuorejameða Jesús ùi puruque náre coapa. Que ðarí meadarejameða náre. <sup>41</sup>Aru etarejaimada ijimarare jocarí abujuva, coðoboborí arejaimada Jesúre:

—Murecabu Jûmenijicui mácu, arejaimada Jesúre.

Ûbenita Jesús bi aicõjenejameða náre, ne majié boje Jûmenijicui daroimu mácu Cristore.

**Jesús Galileai ùi bueino**  
(Mr 1.35-39)

<sup>42</sup>Miadãe tuiyede Jesús nurejameða pøecubeno. Ûbenita pøeva vorí earejaimada úre. Ùi yebai earí, jëniarejaimada úre, ùi nûmequiyepa aivu náre jocarí. <sup>43</sup>Ûbenita Jesús arejameða náre:

—Nuiye javvu yure, coyucûyu apenoa ìmaroare máre Jûmenijicui jaboteiyede pøevare. Que baru daivu yu, coyucudayû diede, arejameða Jesús.

<sup>44</sup>Que arí, coyure nurejameða judíoiva cójjiñamiai caino Galilea ãmicurijoborõi.

**Jesús ùi bueimarare ñgarõ moare**  
**boaré ðaino**

(Mt 4.18-22, 13.1-2; Mr 1.16-20, 3.9-10, 4.1; Jn 21.3, 6)

**5** <sup>1</sup>Pøeva obedivu nuivu Jesús yebai, ùi cuede macajitabu urabû Genesaret ãmicurijitabu écarui, pare copiporejaimada úre, jápiaiyurivu Jûmenijicui yãvaiyede. <sup>2</sup>Jesús járejameða pucacûa jiaðocûare macajitabu urabû écaru yebai. Dicúái



moa boaipõeva núrejaimada dicúá yebai, joaivu ne pápicuare. <sup>3</sup>Jesús jatuyu bácu cūinácū jiadocūi, Simón Pedro jicūi, jaroicõjenezaimada joajíemaque écarure jocarí. Aru dobacu dicūi, bueni búrejaimada ina obedivu põevare. <sup>4</sup>Yávarí buojayu bácu arejaimada Simón Pedrorre: —Nuvajacu mi jiadocüre macajitabu ñmujurõ baji. Aru noi jaboájará muxe pápicuare, moa boarájivú, arejaimada Jesús.

<sup>5</sup>Simón Pedro ju ayu, arejaimada Jesúre:

—Mu, bueipõecu, caiñami memeniduvú ñña. Ñbenita ye boabétevú. Ñbenita mi cõjeiye boje, jaboáquijivú ji pápicure, arejaimada.

<sup>6</sup>Que teni ñaivu bácvu yópe Jesúi coyuiyepere, jënejaimada obedivu moare. Codedejaimada ne pápicure. <sup>7</sup>Dinumú “Yareni dajará”, arejaimada ne yóvaimarare, apecū jiadocūcavure, ne cadatenaearájiyepere aivú. Aru earí, buivárejaimada caipucacūa jiadocūare coicúa baju. <sup>8</sup>Yópe teiyede jári, Simón Pedro ñuatutarí Jesús yebai, arejaimada úre:

—Mu, ji jabocu, ñujacu yure jocarí, ji ámeina teiye boje, arejaimada Jesúre.

<sup>9</sup>Que baru Simón Pedro aru úcvu máre cucumarejaimada, urarõ ne moa boaiye boje. <sup>10</sup>Santiago aru Juan máre, Zebedeoi mára, Simón Pedroi yóvaimara marejáimada. Cucumarejaimada na máre. Ñbenita Jesús arejaimada Simón Pedrorre:

—Jidubejacu. Caride epequijivú mure, mi davaquiyepere põevare ji yebai yópe mi moare davaiyepere pápicuque, ji meadaquiyepere náre, arejaimada Jesús.

<sup>11</sup>Que teni jiadocūa eaiyede écarui, dajocaivu bácvu caiyede nurejaimada Jesúque.

#### **Jesús ñi meadaino pojeyure**

(Mt 8.1-4; Mr 1.40-45)

<sup>12</sup>Jesús ñi cuede cūináro ímaroi, ñi yebai nurejaimada cūinácu pojeyu. Aru Jesúre jári, ñuatutarejaimada joborõi, puedacuyú úre. Aru jëniarejaimada:

—Mu, ji jabocu, ucu baru, meadajacu ji pojeiyede. Buojaivu mu meadayu yure, arejaimada.

<sup>13</sup>Dinumure Jesús, ñi puruque jabióvarí troyu, arejaimada úre:

—Uvu yu. Caride meatejacu mu, arejaimada Jesús.

Yópe ñi aiyede vaidéjavüya úre.

<sup>14</sup>Jesús, coyucõjemecu aprevure, arejaimada:

—Cūiná nuri, jádovajacu sacerdotede.

Aru jíjacu mi meateiye boje, yópe Jümenijicui ñaicõjeiyede ñi coyuiye báquepe Moisés bácvure, põeva ne coreóvarájiyepere ayu mi meateinore, arejaimada úre Jesús.

<sup>15</sup>Ñbenita püeno baju coyüivú barejáimada Jesúi borore. Obedivu põeva cõjijidejaimada jápiaivú, aru úre meadacõjeiyurivú náre ijiéde. <sup>16</sup>Que baru ina obedivu cue boje, Jesús nurejaimada põecubenoí, jëniacuyú Jümenijicucue.

#### **Jesús ñi cure ñaino nacajaiye majibecure**

(Mt 9.1-8; Mr 2:1-12)

<sup>17</sup>Cūinájárvu Jesús ñi bueiyede põevare, dobarejaimada noi fariseovacavu, ina Jümenijicui ñaicõjeiyepere ñaivu, aru Jümenijicui yávaie báquede bueipõevacavu máre, eaivu bácvu cainoa ímaroa Galilea ámicurõre, Judea ámicurõre, aru Jerusalén ámicuriimarore jocarí máre. Jümenijicui paruéde curejaimada Jesús, meadacuyú ijimarare. <sup>18</sup>Dinumú aprevú ñmva nuvarejaimada ñi yebai cūinácu ñmu, nacajaiye majibecure, ñi parainoque. Ecoiyurejaimada cürami jívui Jesús yebai. <sup>19</sup>Ñbenita eabedejaimada ne ecorájino, obedivu põeva cue boje. Que baru murí nuri cürami püenora, voarí diede, émeóvarejaimada ijimure ñi parainoque põeva jëneboi Jesús yebai. <sup>20</sup>Náre coreóvayú ju aivure, Jesús arejaimada ñai nacajaiye majibecure:

—Mu, ji umu, mi ámeina teiyede jaruvarí, árgumeteiyu yu diede, arejaimada Jesús.

<sup>21</sup> Dinumtu ina Jūmenijicui yāvaiye báquede bueipōeva aru fariseova máre dápíarí búrejaimada yópe: “¿Yécuba ñai ũmu āmeina yávayū Jūmenijicure? Ñame buojabema jaruvaivu āmeina teiyede. Quénora cūinácure Jūmenijicu buojarí jaruvayū diede”, arí dápíarejaimada.

<sup>22</sup> Aru Jesús, jári coreóvarí ne baju ne dápíaiyede, arejamedá náre:

<sup>23</sup> —¿Aipe teni que arí dápíaiyurū muja? Maiyójabevu yópe aru apesure: “Mi āmeina teiyede jaruvarí, ārumeteivu yu”, ji paruéde jáđovame boje ji que coyuiyede. Ũbenita maiyójarótamu nacajari cuicōjenu nacajaiye majibecure. Ũre cure đayū baru, jáđovaquijivu ji paruéde. “Mi āmeina teiyede jaruvaivu”, ji aiyede, coreóvabevu muja Jūmenijicui ārumeteinore diede. Ũbenita ñai cūvacu Jūmenijicui majié paruéde, ũrame yópe đarí jáđovaiye majicu. Quécura Jūmenijicūvacari meadarí majibi ijimarare. <sup>24</sup> Que baru muje majinajiyepe ayu Jūmenijicui daroimi mácu ũmure, yu, paruéde cūvacure ijāravure jaruvacuyū āmeina teiyede, yópe đaquijivu yu, arejamedá Jesús.

Dinumtu arejamedá nacajaiye majibecure:

—Yópe aivu yu mure: Nacajari, mi parainore ini, nujacu mi cūrami, arejamedá Jesús.

<sup>25</sup> Dinumtuma nacajari, ũi parainore ini, etarejamedá obedivu jēneboi. Aru mearore jídejamedá Jūmenijicure.

<sup>26</sup> Caivu ina pōeva máre, pare dápíaiyū, mearore jídejaimada Jūmenijicure.

**Jesús ũi “Dajacu” aino Levíde**  
(Mt 9.9-13; Mr 2:13-17; Lc 15.1-2)

<sup>27</sup> No yóboi, Jesús etarí nuñu járejamedá cūinácū judíovacacu, Roma āmicurō jaboteino jabovare tātura ícaipōecu, ũi āmiá Leví, dobacure ne bojedainoi. Aru arejamedá ũre:

—Dajacu yúque, arejamedá Jesús.

<sup>28</sup> Aru nacajari, dajocayū caiyede, nurejamedá Jesúsque.

<sup>29</sup> Que teniburu yóboi, Leví torojuve tedejamedá āino uraróque ũi cūrami,

puedacuyū Jesúsre. Aru obedivu jabovare tātura ícaipōeva aru apevu pōeva máre dobarejaimada Levíque aru Jesúsque máre. <sup>30</sup> Ũbenita Jūmenijicui yāvaiye báquede bueipōevacavū aru fariseovacavū máre āmeina yávarí búrejaimada Jesúsí bueimare. Arejaimada:

—¿Aipe teni āri, ũcuri teivurū muja ina jabovare tātura ícaipōevaque aru āmeno đaipōevaque máre? arejaimada náre.

<sup>31</sup> Jesús ju ayu, arejamedá náre:

—Meara pōevare juoipōecu cadateiye jaubevu. Quénora ijimarare ũi cadateiye jauvu. <sup>32</sup> Dabedecacacu yu ijāravui, cutucuyū mearare ne baju dápíainore. Quénora darejacacu yu, meadacuyū āmenare, ne chíorajiyepe ayu ne āmeina teiyede, Jūmenijicui ārumetequiyepe ayu diede, arejamedá Jesús.

**Pōeva āmevva āiyede ne jēniaino**  
**Jūmenijicuce**

(Mt 9.14-17; Mr 2.18-22)

<sup>33</sup> Dinumtore jēniari járejaimada Jesúsre ina fariseova:

—¿Aipe teni Juan Bautistai bueimara aru nuje bueimara máre āmevva āiyede, ũbenita mi bueimara āmevva āmema āiyede? arejaimada.

<sup>34</sup> Jesús arejamedá náre:

—Ina purubuoyu ũi cutuimara ne torojuve tenajiyepe ayu ũi puruboiyede, ye āmevva āmema āiyede ũi cuede cāreja náque. Nopedeca ji bueimara torojarivu ji cuede náque, āmevva āmema āiyede.

<sup>35</sup> Ũbenita ji mauva ne nuvarajiyede yure, ji bueimara chíoiyu āmenajarama āiyede, arejamedá Jesús.

<sup>36</sup> Jēvari coyurejamedá náre:

—Ñame buojabema buraiyu cūinájeve cuitótecaje mamacajede, jēorajivu cuitótecaje javecarōre. Nópe đaru, āmedajebu cuitótecaje mamarore. Aru mamajeve jēmejebu cuitótecaje javecarōre. Quédeca ñame buojabema ju aivu ji bueiye mamaene aru javeque bueiye máre. <sup>37</sup> Nopedeca buojabema yuavū vino úyacorore mamacorore āmacaje

curubũ javēcacurubũque. Que ðaru, cõdõvajebe dicurubũ. Aru yurĩ bĩjajebu dicoro. Bĩjajebu dicurubũ mãre. <sup>38</sup>Ûbenita ne yuaru vino úyaicorore mamacorore mamacurubũque, bĩjajebebu dicoro. Quédeca ñame buojabema ðaivu yõpe ji bueiye mamaepe, ðare nuivu baru yõpe ne jave ðaiye báquepe. <sup>39</sup>Aru ñai úcuñũ mácu icoro mamaboqueicorore úcuiyubecu mamaene ajebu yõpe: “Javequetamu me baju”. Nopedeca apevu põeva jãpiayubevũ Jũmenijicui yávaiye mamaene, ne dãpiayibe boje javeque yávaiye pũeno me bajure, arĩ buedejameða náre Jesús.

**Jesúu bueimara ne puoino oteiye de  
jabuóvaujãravui**

(Mt 12.1-8; Mr 2.23-28)

**6** <sup>1</sup>Apejãravũ, judíovai jabuóvaujãravũ sãbadoi, Jesús ùi vaiyede oteiye curõi, ùi bueimara diede jẽni, pũruáque cõjuñõri, ãrejaimaða. <sup>2</sup>Aru apevu fariseovacavũ jẽniari jãrejaimaða náre: —¿Aipe teni ãmeno ðaivurũ muja, maja judíova maje ðaicõjemenope, jabuóvaujãravure? arejaimaða náre.

<sup>3</sup>Ûbenita Jesús, ùi dãpiayibe boje ùi bueimara ãmeno ðabevure, arejameða náre: —¿Jãve ãrumetenaru muja yo David bácu ðaino mácarõre ãvué ijíede úre aru úque curivure mãre? <sup>4</sup>Û mácu ecõrejaquemavũ Jũmenijicui cũrami. Aru ãrejaquemavũ pãure, Jũmenijicure jíye báquede ina sacerdoteva ne ãiyede, sacerdote ãmecũ bácvacari. Aru jídejaquemavũ úque curivure mãre, sacerdoteva ãmevũ bácvareca. Ûbenita Jũmenijicũ ñãjine ðabedejaquemavũ na mácvure, arejameða Jesús.

<sup>5</sup>Cojedeca Jesús arĩ buedejameða:

—Yũ, Jũmenijicui daroimũ mácu ùmũpe, jabocũbu yũ. Que baru ðaicõjeni buojaiyvũ yũ põevare ne ðaiyede caijãravũare aru jabuóvaujãravũare mãre, arejameða Jesús.

**Jesús ùi meadaino ùmũ ãmuve  
jiacubecure**

(Mt 12.9-14; Mr 3.1-6)

<sup>6</sup>Apejãravũ cojedeca, judíovai jabuóvaujãravũ sãbadoi, Jesús

ecõrejameða ne cõjijĩñami. Aru buenĩ búrejameða põevare. Noi currejameða cũinãcu ùmũ, ãmuve meapũravũcaãmuve jiacubecu. <sup>7</sup>Jũmenijicui yávaiye báquede buei põeva aru fariseova mãre nore curivũ coreni jãrejaimaða Jesúre. Jãiyurivũ barejãimada meadãyure úre ne jabuóvaujãravui, boro coyurĩ adãiyurĩduivũ Jesúre. <sup>8</sup>Ûbenita ù, majicũ ne dãpiayibe, arejameða ñai ùmũ ãmuve jiacubecure:

—Nacajari nũjacu põeva jẽneboi, arejameða Jesús.

Jesús ùi que aiyede, ñai ùmũ nacajari nũrejameða. <sup>9</sup>Dinũmũma Jesús arejameða náre:

—Jẽniari jãquijivũ cũinãro mujare. ¿Yéde ðaicõjeini Jũmenijicũ jabuóvaujãravure, mearore o ãmenore; meadaru põevare o boarĩ jarũvaru náre? arejameða Jesús.

Ûbenita bi arejaimaða na.

<sup>10</sup>Que baru Jesús, jãñũ ina curivure ùi yebai, arejameða ñai ùmũ ãmuve jiacubecure:

—Jabióvajacu mi ãmuvede, arejameða Jesús.

Ûi jabióvaiyede, meatedejavũya ùi ãmuve. <sup>11</sup>Ûbenita apevu, jorojĩni pare, jẽniari jãrejaimaða ne bajumia:

—¿Aipe ðarãjídica maja ñaine? arejaimaða na.

**Jesús ùi beoino ùi yávaiye méne  
coyucõjeimarava**

(Mt 10.1-4; Mr 3.13-19)

<sup>12</sup>Cũinãjavũ Jesús nurejameða cũracũai, jẽniacũñũ. Aru noi jẽniarejameða Jũmenijicũque caiñami.

<sup>13</sup>Miaðãe tuiyede õrejarejameða ùi bueimarare. Aru doce paivure beorĩ epedejameða ùi yávaiye méne beorĩ coyucõjeimarare. <sup>14-16</sup>Na marejãimada Simón, ùi ãmidoimũ mácu Pedro; Andrés, Simón Pedroi yócu; Santiago, Juan, Felipe, Bartolomé, Mateo, Tomás; Santiago, Alfeoi mácu; Simón, ãmicucu Celote; Judas, Santiãgoi mácu; aru Judas Iscariote. Ñai marejãmeða jẽni jícyũ Jesúre ùi mavure.

**Jesús ùi bueino obedivũ pœvare**  
(Mt 4.23-25)

<sup>17</sup> Jesús êmeñũ mácv cûracûare jocarĩ, mautedejameđa dáĩ ùi bueimaraque. Aru obedivũ pœva curejaimađa. Judea âmicurijoborcavũ, Jerusalén âmicurĩmarocavũ, aru macajitabu urabũ êcarui ïmarocavũ máre: Tiro aru Sidón âmicurĩmarocavũ máre curejaimađa. Ina earejaimađa, jápiaiyurivũ Jesúre aru ùi meadaquiyepa aivũ náre ijíede. <sup>18</sup> Ina abujva ne ñájine ðaimarare máre Jesús meadarejameđa. <sup>19</sup> Caivũ pœva tuoiyurejaimađa Jesúre, ùi meadaíye boje ùi paruéque. Aru meadarejameđa ina caivure.

**Jesús ùi bueino torojurœre aru chœoinore máre**  
(Mt 5.1-12; Hch 7.52; 1 P 4.14)

<sup>20</sup> Dinũmũre Jesús, jáñũ ùi bueimarare, arejameđa:

—Mũja cœmaje ãrojarivũ, mũjarecabu Jũmenijicui jaboteimara. Que baru torojurãjaramu mũja. <sup>21</sup> Mũja ãvúe yaivũ caride, yapinajaramu. Que baru torojurãjaramu mũja. Mũja caride oivũ yurinjaramu. Que baru torojurãjaramu mũja.

<sup>22</sup> Torojurãjaramu mũja pœva Jũmenijicure ju abevũ ne ãmeina jáíye boje mũjare aru ne jaruvaiye boje mũjare máre, mũje yóvaiye boje yure, Jũmenijicui daroimũ mácvure ùmũre. Torojurãjaramu mũja, pœva Jũmenijicure ju abevũ ne jaraiye boje mũjare aru ne ùbe boje mũjare máre, mũje yóvaiye boje yure, Jũmenijicui daroimũ mácvure ùmũre. <sup>23</sup> Torojurãjaramu mũja dijãravure. Aru cvarãjaramu mũje boje urarœ cavarœ mearo Jũmenijicui curœi. Nopedeca ãnina javecavũ bácvũ, mũjeñecvũ mácvũ máre, ãmeina ðarejaquemavũ ãnina Jũmenijicui yávaiyede coyũcaipœva mácvũre.

<sup>24</sup> Ûbenita mũja cve cvarivũ ijãravure torojurãjaramu mũja. Que baru ãmeno ñájino cvarãjaramu mũja.

<sup>25</sup> Mũja yapivũ caride ãno urarœque, ãmei ãvúe yainãjaramu mũja. Que baru ãmeno ñájino cvarãjaramu mũja. Mũja yurivũ caride chœiori orãjaramu mũja. Que baru ãmeno ñájino cvarãjaramu mũja. <sup>26</sup> ãmeno ñájino cvarãjaramu mũja, pœva ne me yávaiyede mũjare. Nopedeca ãnina javecavũ bácvũ, mũjeñecvũ mácvũ máre, me yávarejaquemavũ ãnina borocurivũ Jũmenijicui yávaiyede coyũcaipœvare tenidivũ bácvũre, arĩ buedejameđa náre Jesús.

**Jesús ùi bueino maje urœre maje mauvare**  
(Mt 5.38-48, 7.12)

<sup>27</sup> Jesús, yœpe arĩ, buedejameđa náre cojedeca:

—Ûbenita coyũyũbu mũjare, jápiaivure ji coyũiyede. Ûjarã mũje mauvare. Me ðajarã náre ina ãmeina jáivure mũjare. <sup>28</sup> Torojurã mearore jãjarã náre ina ãmeina yávaivure mũjare. Jẽniajara Jũmenijicure ina borocurĩ yávaivure mũjare. <sup>29</sup> Cũinãcu pœcu ùi pœvaru mi cũinãpũravũcaviobure, copedini pœvaicœjejacu arepũravure máre. Aru cũinãcu pœcu ùi ïnu mi cuitœtœcaje puenocacajede, jãjacu mi camisare máre. <sup>30</sup> Jãjacu caivure ne jẽniainore mũre. Aru ne tatoru míyede, jẽniamejacu cojedeca. <sup>31</sup> ðajarã arevure yœpe mũje ùepe ðaivure mũjaque.

<sup>32</sup> Mũje uru náre, ina urivure mũjare, Jũmenijicu bojedabecube pœvare ne que ðaiyede. Nopedeca ina ãmeina teivũ máre uma urivure náre. <sup>33</sup> Mũje mearore ðaru náre, ina mearore ðaivure mũjare, Jũmenijicu bojedabecube pœvare ne que ðaiyede. Nopedeca ina ãmeina teivũ máre ðadama nôpe. <sup>34</sup> Mũje jĩdu náre, ina jacopaiyovarãjivure mũjare, Jũmenijicu bojedabecube pœvare ne que ðaiyede. Nopedeca ina ãmeina teivũ máre jýyama arevũ ãmeina teivure, ne jacopaiyovarãjiiyepa aivũ cojedeca. <sup>35</sup> Ûbenita ùjarã mũje mauvare. Me ðajarã náre. Aru jãjarã jacopaiyovaiyede corebevũva no boje.

Nópe ðaru, ʋrarō meaquiyebu mʋje boje jéino. Aru Jūmenijicui mára marajáramu mʋja. Que baru ʋ meacube náque ina jíbevure mearore ére aru ina jíyubevure arevure máre. <sup>36</sup>Cómaje ároje jájara mʋja arevure, ñai majepacu Jūmenijicu ʋi cómade ároje jáiyepedeca, náre arí buedejamedá Jesús.

**Jesús ʋi pōevare arevure  
ámecoroicōjemeno**

(Mt 7.1-5, 10.24-25, 15.14; Jn 13.16, 15.20)

<sup>37</sup>Jesús, yópe arí, buedejamedá náre cojedeca:

—“Ámenatamu” arí, ámechorbejará mʋja arevure. Mʋje nópe aru, majepacu Jūmenijicu ámechorí, “Ámenatamu mʋja”, acuyume mʋjare. Jarʋvabejará mʋja arevure. Mʋje jarʋvabedu, Jūmenijicu jarʋvabecube mʋjare. Árumetejará mʋja arevure ne ámene. Mʋje árumetedu, Jūmenijicu máre árumetecuyume mʋje ámeina teiyede. <sup>38</sup>Jíjará mʋja arevure. Aru Jūmenijicu jícyume mʋjare. Jícyume mʋje pueá buidíruea, doairuea, aru jayuirueare. Nopedeca mʋje arevure jíyepedeca Jūmenijicu jícyume mʋjare, arejamedá náre Jesús.

<sup>39</sup>Aru yópe arí, jēvari coyurejamedá Jesús:

—Cūinácu jári eabecu buojabebi nuñ mái apesu jári eabecuque. Que baru caipucará jári eabevu baru tʋjebu na cobei. <sup>40</sup>Bueimara ñame baju majibema ne bueipōescu pueno. ʋbenita bueni buojaivu baru, ne bueipōescupe tenajarama.

<sup>41</sup>Me jáivubu mʋja mʋjecui docujíe curōre ʋi yacorui. ʋbenita jámevu mʋja mʋje ʋrarō docucurōre mʋje yacorui. <sup>42</sup>Aru jámevʋvacari mʋja ʋrarō docucurōre mʋje yacorui, mʋjecure “¿Mi docujíene ñaji mi cuvaede mi yacorui?” arí buojabevu mʋja. ¡Jʋjovavitamu mʋja! Mamarum̄ ijara mʋja mʋje ʋrarō docucurōre mʋje yacorure. No yóboi, mearo jáivuta, ijara mʋjecui docujíene ʋi cuvaede ʋi yacorui, arí buedejamedá náre Jesús.

Yópe aiyurōtamu iye Jesúsí aiyé báque: Pōescu ʋi ʋrarō ámenore ðaru, “Dajocajacu mi ámeina teiyede” arí, coyuiye jaubevu ére apescure, quíjino ámenore ðayure. Quénora mamarum̄ ñai ʋrarō ámenore ðayure dajocaiye jaʋvu ʋi baju ámeina teiyede cáreja.

**Jesús ʋi bueino maje majinore  
jocucuá jéidure**

(Mt 7.17-20, 12.33-35)

<sup>43</sup>Cojedeca Jesús arí buedejamedá náre, ne majinaiyipe ayu aipe árojarivure pōevare:

—Cubevu jocucu meacu jēiye ámene jícu. Aru cubevu jocucu ámesu jēiye méne jícu. <sup>44</sup>Que baru coreóvaivubu jocucure dicuá jēiyeque. Miuñua jēmevu hígo ámicuridure. Nopedeca jēmevu úyai miuñua. <sup>45</sup>Ñai pōescu meacu yávyube méne, ʋi úmei mearo cue boje. Aru ñai pōescu ámesu yávyube ámene, ʋi úmei ámeno cue boje. Que baru pōescu yávaibi ʋi jijecamuque ére cuede ʋi úmei, arí buedejamedá Jesús.

**Jesús ʋi coyuno pucadámia cūramia  
ðaiyu bácvure**

(Mt 7.24-27)

<sup>46</sup>Cojedeca Jesús arí buedejamedá náre: —¿Aipe teni aivurū yure “ñje jabocu”, ʋbenita ðabevʋvacari ji coyuiyede?

<sup>47</sup>Coyuquijivu mʋjare ñamepe árojacure ñai yure darí járiayure aru ðayure yópe ji coyuiyere. <sup>48</sup>Ðaibi yópe ñai pōescu ʋi ðaiye báquere ʋi cūrami jájaroi. Aru jia yaboyede, oco eavýya diñamine. ʋbenita cújibeteavýya diñami, jájaro núe boje. <sup>49</sup>ʋbenita ñai járiayʋvacari yure, ðabecu baru yópe ji coyuiyere, ñai pōescu érebe ñai ðayu bácupe ʋi cūramine jájamenoi. Aru jia yaboyede, oco eavýya diñamine. Aru tuavýya diñami. ʋrarō mateávýya diñami bʋjaino, arí buedejamedá Jesús.

**Jesús ʋi meadaino churaravai jabocu**

**yebacacure**

(Mt 8.5-13)

**7** <sup>1</sup>Jesús yávarí dajocayu bácu pōevare, nurejamedá

Capernaum amicuriimaroi. <sup>2</sup>Noi curejameđa cien paivu churarava ne jabocu, cuvacu ũi yebacacure pare ũi umu. Ijimu baju barejameđa nai yebacacu. <sup>3</sup>Nai churaravai jabocu japiayu bacu yavaivure Jesuı borore, jarorejameđa apevu judıova bucuvare, ne orejarajipepe ayu Jesure, ũi meadaquiyepe ayu nai yebacacure. <sup>4-5</sup>Jesuı yebai eaivu, pare nuicöjenezaimađa ure. Arejaimađa:

—Nai jabocu meacube ũ. Que baru mi cadateiye jayu ure, ũi ne boje maje curijaboröre. Uvacari daicöjeame cuınadıami maje cöjijiınamiva, arejaimađa na Jesure.

<sup>6</sup>Dinnumıa Jesuı nurejameđa náque. Ubenita joabenoı ne tuvaiyede ũi cürami yebai, nai jabocu jarorejameđa ũi yovaimarare, yöpe aranııvu Jesure:

—Mu, ji jabocu, cärijimejacu. Meacubu mu. Ubenita yucapüravu amecutamu. Que baru dari ecobejacu ji cürami.

<sup>7</sup>Buöjarı vocunumetevu yu mre ji baju. Quenora coyujacu mi cöjeınore. Aru ji yebacacu meatecuyme. <sup>8</sup>Yurecabu cucu ne cöjeiyeque ina ji jabova. Aru cuvavu churaravare, ji cöjeimarare. Nacacu cuınacure “Nujacu” ji arıburu, nuımi ũ. Aru “Dajacu” ji arıburu, daıbi ũ. Aru ji daicöjenu apejıene ji yebacacure, daıbi ũ. Nöpe aicöjemi nujare daroyu, cien paıvu churarava ne jabocu, arejameđa Jesure nai jabocui jaroımaracacu.

Uı que aiyede, “Ijıede cöjeıpöecubu mu” aıyucu barejaquémavu Jesure.

<sup>9</sup>Que ayure japiarı, pare dapiarejameđa Jesuı. Aru jarı ina pöeva nuıvure ũi yöboı, arejameđa:

—Jäve coyuyubu mujare: Eabevu cäreja majacacure, Israecacure, me ju ayure yure yöpe nai churaravai jabocupe, arejameđa Jesuı.

<sup>10</sup>Aru ne copaiyede jabovai cürami, earejaimađa nai yebacacure meacuta.

#### Jesuı ũi meadıno nomıöpecoi macure

<sup>11</sup>No yöboı, Jesuı nurejameđa Nain amicuriimaroi. Uque nurejaimađa

ũi bueimara aru apevu pöeva máre, obedıvu. <sup>12</sup>Uı eaıyede imaro joabenoı, järejameđa nuıvaıvure yayıyú bacure, jarıvaranııvu. Jıpacu, nomıöpeco carıde, cuınacü oı macu bacu barejameđa. Aru obedıvu pöeva diımarocavu yovarejaimađa náre. <sup>13</sup>Jesuı cömaje äroje jarı, arejameđa öre:

—Obejaco, arejameđa ũ.

<sup>14</sup>Joabejınoı nuri, ıcađava paraıcađava, yayıyú bacui paraıcađavare, tuorejameđa Jesuı ũi puruque. Ina nuıvaıvu bacavu dicadıavare mauteđejaimađa. Dinnumıa Jesuı arejameđa yayıyú bacure:

—Mu, bojuyo, coyuyubu mre:

Nacajajacu, arejameđa Jesuı.

<sup>15</sup>Quenora nai yayıyú bacu dobarı, yavarı burejameđa. Aru Jesuı jıdejameđa ure jıpacore. <sup>16</sup>Yöpe đayure jııvu, cuenumarejaimađa caıvu. Aru torojurı, jıvu mearore Jümenıjıcure arejaimađa:

—Jümenıjıcui yavaiyede coyucaıpöecu parucu edaıbi maje jëneboı. Jümenıjıcu daıbi, cađatecudayı ũi pöevare, arejaimađa na.

<sup>17</sup>Que tenı Jesuı boro earejavıya caino Judea amicuriıboröı aru caiye curöaquede máre. Japiarejaimađa caıvu Jesuı đaiye báquede.

#### Juan Bautista ũi jaroımara Jesuı yebai

(Mt 11.2-19, 21.32; Lc 3.12)

<sup>18</sup>Juan Bautistai bueimara, ũi yebai nuri, coyurejaimađa ure caiye Jesuı đaiye báquede. Aru orejarejameđa Juan Bautista pucarä ũi bueımarare. <sup>19</sup>Jesuı yebai jarorı, jëniari jıicöjenezameđa náre yöpe:

—ıJäveneca mürı Juan Bautista “Ji yöboı dacuyume apecu coyıpöecu” arı, ũi buevacamu? İUı que arı buevacamu ämenu, coreıajıdı nuja apecure? aicöjenezameđa náre Juan Bautista.

<sup>20</sup>Ina daroımara, Jesuı yebai earı, arejaimađa ure:

—Juan Bautista darobi nujare jëniari jıicöjeııı: “ıJäveneca mürı Jümenıjıcui daroımu, ‘Ji yöboı dacuyume apecu

coyũipõescu' arĩ, ñi buevacamũ? ¿Ëĩ que arĩ buevacamũ ãmenu, corenajidi ñũja apesure?" arejameda Jesũre.

<sup>21</sup>Aru dinũmũmareca Jesũs meadare cuyũ barejameda obedivũ põevare: ijimarare, ñãjivure, aru abujuva ne ïmamarare mãre. Aru obedivũ jãri eabevure cõmaje ãroje jãri meadarejameda.

<sup>22</sup>Que teni Jesũs ju ayũ, arejameda Juan Bautistai daroimarare:

—Nũri coyũjarã Juan Bautistare mũje jãpiaiyede aru mũje jãiyede mãre: Ina jãri eabevũ bãcavũ jãri eadama caride, aru ina cuiye majibevũ bãcavũ cuyama caride. Ina pojeivũ bãcavũ meama aru ina jãpiabevũ bãcavũ jãpiadama caride. Ina yaiyvũ bãcavũ, nacovaimara yainore jarũvarĩ, apũma cojedeca caride. Aru cõmaje ãrojarivure coyũyũbu iye yãvaiye mène, Jũmenijicui meadaiyede põevare. <sup>23</sup>Torojũbi ñai ju arĩ dajocabescu yũre, arejameda mãre Jesũs.

<sup>24</sup>Ina daroimara ne nũriburu yõboi, Jesũs Juan Bautistai borore yãvarĩ bãyvũ, arejameda ina põevare:

—Jãve jãranũmetevũ mũja cõriãre ãmevũ japuiyede põescubenoĩ. <sup>25</sup>Aru jãve jãranũmetevũ mũja põescu cuitõtecaje meacajede doyvure mãre põescubenoĩ. Majivũ mũja ina doivure cuitõtecajea meacajeare curivure torojũve teni cainũmũa jabovai cũramiai. <sup>26</sup>Quénora jãve jãranũavũ mũja cũinãcu Jũmenijicui yãvaiyede coyũcaipõescure. Jãve coyũyũbu mũjare: Jãquemavũ mũja Jũmenijicui yãvaiyede coyũcaipõescu pũeno meacu bajure. <sup>27</sup>Juan Bautistabe ñai Jũmenijicui toivaicõjeimũ mãcu ãre coyũcaipõescu bãcure:

Jaroivũ yũre coyũcaipõescure mi jipocai, ñi meadaquiyepe ayũ põevare, ne corũ etarãjiyepe ayũ mũre, nopedeca põeva ne meadaiyepe cuimare ñai ãmũ, ne pueðaimũ, ñi daquiye jipocai, arĩ coyũicõjenejaquemavũ Jũmenijicu.

<sup>28</sup>Jãve coyũyũbu mũjare: Cũbebi apescu Jũmenijicui yãvaiyede

coyũcaipõescu meacu baju Juan Bautista pũeno ina ijãravũ põeteivũ jẽneboi. Ëbenita ñai ãbeni cãcu Jũmenijicui jaboteinore Jũmenijicui mearo ðacaimũme Juan Bautista pũeno, arejameda Jesũs.

<sup>29</sup>Ëĩ que aiyede Juan Bautistai borore jãpiarĩ, obedivũ põeva aru ina jabovare tãutũra ïcaipõeva mãre coreõvarejameda Jũmenijicure jãve ayũre. Que baru Juan Bautistare jãdovaicõjenejaimada mãre Jũmenijicũque. <sup>30</sup>Ëbenita ina fariseova aru Jũmenijicui yãvaiye bãquede bueipõeva mãre ãbedejaimada Jũmenijicui ðaiyvũrõre mãre boje. Que baru Juan Bautistare jãdovaicõjemenejaimada mãre Jũmenijicũque.

<sup>31</sup>Que teni Jesũs arejameda mãre:

—¿Yéque jẽvari coyũji ina põeva ijãravũcavũre? ¿Aipe ãrojari na? <sup>32</sup>Jueðova tãibũi dobarivũpebu, yajurãjivũ nãcavũque. Aru yõpe aivũpebu: “Japuvũ ñũja yũriainore. Ëbenita upabetevũ mũja. Yũriavũ ñũja chõre ðaiyede. Ëbenita obetevũ mũja”. Aru nõpe ijãravũcavũ mãre cãrijĩñama na. <sup>33</sup>Que baru Juan Bautista ñi ðaiyede, ã ãmeni aru ãcumeni teiyede, “Abujucure cãvabi”, ãra ãbenina aivũbu mũja. <sup>34</sup>Aru Jũmenijicui daroimũ mãcu ãmũpe, ji ðaiyede, ãri aru ãcuri teiyede yõpe caivũ apevũpe, “Ñai ãmũ urarõ ãri ñi vainĩ tuiyeta, aru urarõ ãcuri ñi pacoteiyeta, yõvaiibi ãmenare aru jabovare tãutũra ïcaipõevare mãre”, yũrã ãbenina aivũbu mũja. <sup>35</sup>Ëbenita Jũmenijicui majiède põeva jãðama ãre ju aivũque, arejameda Jesũs.

### Jesũs ñi cũe fariseovacacu Simõĩ cũrami

(Mt 26.7; Mr 14.3)

<sup>36</sup>Cũinãcu fariseovacacu cuturejameda Jesũre, “ãrevũ” ayũ, ñi cũrami. Aru Jesũs ju arĩ, ecorĩ, dobarejameda tuoiva yebai. <sup>37</sup>Aru cũinãco nomiõ, ðiĩmarocaco, ãmeina teipõeco, majico Jesũs dobacure ñai

fariseoi cūrami, nāvarejacoda cūinábu ūmjuríbu boríbu mumijue curíbure.  
<sup>38</sup>Orí earejacoda Jesúí cuboba yebai. Aru ōi orique ēnuvarejacoda ūi cubobare. Que teni popovarejacoda ōi poḁaque. Aru nuri ūi cubobare, ōi pueḁaiye boje ūre, yuarejacoda iye mumijuede ūi cuboba pūenoí. <sup>39</sup>Que teni ñai fariseo, Jesúre cutuyū bācu, “Ārevū” arí ūre, yópe teinore járí, dápiarejameḁa ūi baju: “Ñai ūmū Jūmenijicui yávaiyede coyucaipōecu baru, majijebu yéco pōeco ico jēni jádore ūre. Pōeco āmeina teipōecobe ō”, arí dápiarejameḁa.  
<sup>40</sup>Quénora Jesús arejameḁa ñai fariseore:

—Mū, Simón, apejino coyuyūvū mure, arejameḁa Jesús.

Ñai fariseo ju arejameḁa ūre:

—Mū, buaipōecu, coyujacu yure, arejameḁa Simón.

<sup>41</sup>Ūi nópe aiyeḁe, Jesús yópe arí coyurejameḁa ūre:

—Pucarā ūmūva bojecube ḁaquemavu tātūrare cūinácu tātūra jípōecure. Cūinácu bojecube ḁaquemavu pūcaujūa memeiye bojede. Aru apesu bojecube ḁaquemavu pucarā aviáva memeiye bojede. <sup>42</sup>Na yéque buojarí ne bojedabe boje, ñai tātūra jípōecu ārumetequemavu ina pucarā ne bojecube ḁaiyede. Coyujacu yure. ¿Ácu pōecu ina pucarācacu pūeno baju ūri ūre? arejameḁa Jesús.

<sup>43</sup>Aru Simón ju arejameḁa:

—Dápiavū ūcure pare ūre ñai ūi ārumeteimū mácu pūeno bojecube ḁayure, arejameḁa.

Jesús arejameḁa ūre:

—Jāve coyūivū mū, arejameḁa.

<sup>44</sup>Jesús copedini, jáñū ico nomióre, arejameḁa Simóre:

—Jájacu ico nomióre. Ecovū yū mi cūrami, aru jībetevū mū oco, joaquiye jī cubobare. Ūbenita ico nomió ēnuvaimico jī cubobare ōi orique aru popovabico ōi poḁaque.  
<sup>45</sup>Jacoyubetevū mū yure. Ūbenita ico ḁajocabico pueḁado yure, jī cubobare nuño. <sup>46</sup>Yuabetevū mū mumijueque

jī jipobure. Ūbenita ō yuarí mumijue ḁaibico jī cubobare. <sup>47</sup>Que baru aivū yū, ōi āmeina teiye urede Jūmenijicui ārumeteiye báque boje, ūrarō ōi ūrōre jáḁovaimico ō. Ūbenita ñai ūi āmeina teiye obebeda Jūmenijicui ārumetedu, quíjino ūi ūrōre jáḁovaimi ū, arejameḁa Jesús.

<sup>48</sup>Aru arejameḁa ico nomióre:

—Mi āmeina teiyede ārumeteivū yū, arejameḁa Jesús.

<sup>49</sup>Ina Simói cutuimara, dobarivū ūque, yávarí búrejaimada ne bajumia:

—¿Yécu bárica ñai ūmū āmeina teiyede ārumetede ḁayū? arejaimada na.

<sup>50</sup>Aru Jesús arejameḁa ico nomióre:

—Mi ju aiye boje, meateivū mū. Que baru me nujaco cārijimecova, arejameḁa ōre Jesús.

#### Nomiva Jesúre ne caḁateino

(Mt 27.55-56; Mr 15.40-41; Lc 23.49)

**8** <sup>1</sup>No yóboi, Jesús coyucunurejameḁa ĩmaroai aru ĩmajino coapa, pōeva ne majinajiyeye ayū Jūmenijicui jaboteinoque borore. Aru ina doce paivū ūi bueimara yóvarejaimada ūre. <sup>2</sup>Apevū nomiva máre yóvarejaimada náre, Jesúí meadainomiva mácavu. Apevure ina nomivare Jesús javei jaetovarejameḁa abujuvare. Aru apevure javei meḁarejameḁa ū. Cūináco Magdala āmicuríimarocaco barejácoḁa, ōi āmiá María. Jipocamia Jesús jaetovarejameḁa siete paivū abujuvare ōre jocarí.  
<sup>3</sup>Apeco barejácoḁa, ōi āmiá Juana. Ñai jabocu Herodes ūi cāramine coreipōecui márepaco barejácoḁa ō, ūi āmiá Chuza. Aru apeco barejácoḁa, ōi āmiá Susana. Apevū obedivū nomiva, Jesúí meadainomiva mácavu máre yóvarejaimada ūre. Ina nomiva Jesújāre jauéde jīdejaimada.

#### “Oteipōecure” járí dápiarí ne ḁarājiyeye aino

(Mt 13.1-9; Mr 4.1-9)

<sup>4</sup>Obedivū pōeva cójjivū Jesús yebai ĩmaroa coapacavu. Que teni Jesús



buedejameđa náre jári dápiarĩ ne đarãjiyepe ainoque, yópe arĩ:

<sup>5</sup>—Cúinácũ oteipõecu

otecũnũquemavũ ùi oteiyede. Ùi oteiyede ape oteiyede tũquemavũ ma ěcarũ. Aru ne curaiyede ina cuivũ noi, mĩjina vũivũ darĩ, áradacquemavũ caiye iye oteiyede. <sup>6</sup>Ape oteiyede tũquemavũ joborõ edubenoĩ cũraboã pũenoĩ. Aru yóboi pĩarĩ etaquemavũ. Ùbenita yaiquémavũ, no oco cube boje. <sup>7</sup>Ape oteiyede tũquemavũ miucua jēneboi. Aru miucua bucũrĩ chĩoiyede, jēiye jēmetequemavũ. <sup>8</sup>Ape oteiyede tũquemavũ mearo joborõĩ. Aru bucũquemavũ. Aru jēquemavũ jēiñũ cien paivũã caiye oteiyabeã coarã, arejameđa Jesús.

Que yávayũ bácu, Jesús pare bujino yávarĩ, arejameđa náre:

—Me jápijarã muja iye ji bueiyeđe, arejameđa Jesús.

**Aipe aiyurõre Jesús ùi jári dápiarĩ ne đarãjiyepe aino**

(Mt 13.10-17; Mr 4.10-12)

<sup>9</sup>Jesũi bueimara jēniari járejaimađa ùre:

—¿Aipe teni bueyurũ mu jári dápiarĩ ñũje đarãjiyepe ayũ mi coyũiyeque? arejaimađa.

<sup>10</sup>Aru Jesús arejameđa náre:

—Mũjare coyũrĩ majide đayũbu iye Jũmenijicũ ùi coyũicõjeme máquede. Ù jãboteibi mũjare, ùi põevare. Ùbenita ina apenvũ iyede majibevure quēđa jári dápiarĩ ne đarãjiyepe ayũ bueyũbu yũ náre, jáivũreca ne jári majibenajiyepẽ ayũ aipe aiyurõre ne jáiyede, aru jápiaivũreca ne jápiarĩ majibenajiyepẽ ayũ aipe aiyurõre ne jápiaiyede, arejameđa Jesús.

**Jesũ ùi coyũino aipe aiyurõre “oteipõecũre” jári dápiarĩ ne đarãjiyepe aino**

(Mt 13.18-23; Mr 4.13-20)

<sup>11</sup>Yópe arĩ, Jesús coyũrejameđa ùi bueimarare:

—Yo jári dápiarĩ muje đarãjiyepe ayũ ji aino yópe coyũiyurõmu mũjare:

Iye oteiyede Jũmenijicũ yávaiyepẽ paiyebu. <sup>12</sup>Aru inamu ma ěcarũi oteiyede turĩduiye báquepe paivũ. Náre coyũiyede Jũmenijicũ yávaiyede jápiađama, ùbenita coreóvarĩ eabevũva. Que baru ne jápiarĩburu yóboi, ñai abujuvai jabocũ darĩ, árumetede đãibi Jũmenijicũ yávaiye ne jápiaiyẽ báquede, ne ju abeni majibenajiyepẽ ayũ, meatebenajivũ. <sup>13</sup>Aru inamu joborõ edubenoĩ, cũraboã pũenoĩ, oteiyede turĩduiye báquepe paivũ. Jũmenijicũ yávaiyede jápiarĩ, torojuma me. Ùbenita Jũmenijicũ yávaiyede ju arĩduyama na. Que baru quĩjino yóboi, põeva ne cãrijovaru náre, ne ju aiyẽ boje, maumena dajocãđama ne ju aiyede Jũmenijicũ yávaiyede. Que teni ju abema na. <sup>14</sup>Aru inamu miucua jēneboi oteiyede turĩduiye báquepe paivũ. Na máre jápiaivũ Jũmenijicũ yávaiyede, ùbenita cãrijĩñama ijãravũquede. Torojuma tãuturãque. Aru caiye iye ne torojuve teiyede ijãravũque cojũvũ náre. Que baru Jũmenijicũ cađatebebi náre ùi yávaiyepẽ yópe ùi urõpe. <sup>15</sup>Ùbenita inamu mearo joborõĩ oteiyede tuiyẽ báquepe paivũ. Jũmenijicũ yávaiyede jápiaivũ, ju ađama jãve dieđe. Aru me árumã dajocabevũva. Que baru nárecabu đãivũ Jũmenijicũ urõpe cãrijimevũva, arejameđa Jesús.

**“Põibure” jári dápiarĩ ne đarãjiyepe aino**

(Mt 5.15, 10.26, 25.29; Mr 4.21-25; Lc 11.33, 12.2, 19.26)

<sup>16</sup>Cojedeca Jesús, yópe arĩ, buedejameđa náre:

—Põecu cubebi pẽoibure pẽoriburu yóboi moañũ dibure cõaiñũque o ñõñũ paraino cãchinoĩ. Quénora tũoibi jocuve pũenora, pẽoquiyepẽ ayũ caivũ ecoivũre nore. <sup>17</sup>Que baru caiye yaveiyẽ báque jároquiyebu. Aru dupiõvãiyẽ báquede máre járajarama caivũ põeva.

<sup>18</sup>Que baru me dápijarã muje jápiaiyede ji bueiyeđe. Aru đajarã yópe ji coyũiyepẽ. Nopedeca ñai jápiaiyure Jũmenijicũ yávaiyede, Jũmenijicũ

pæno baju ùi majiéque jícyume úre. Òbenita ñai jápiabecure Jūmenijicui yávaiyede, iye ùi quíjino majiéde dápiayū cūvaede, Jūmenijicu úre ícyume diede, arejameða Jesús.

**Jesús ù jina ne voino úre**  
(Mt 12.46-50; Mr 3.31-35)

<sup>19</sup>Dinūmure Jesúí paco aru ùi yóva earejaimada ùi curōi. Òbenita úre eabedejaimada, obedivū pōeva ne cūe boje.

<sup>20</sup>Que baru apevu arejaimada Jesúre:  
—Mipaco aru míyova máre jedevai núrivū, mure járadadama, arejaimada.

<sup>21</sup>Òbenita Jesús arejameða náre:  
—Caivū ina Jūmenijicui yávaiyede jápiaivū aru Jūmenijicui ũrópe ðaivū, nárecabu jipacope pádo aru jíyovape paivū máre, arejameða Jesús.

**Jesús ũmevure ùi bíjaroino**  
(Mt 8.23-27; Mr 4.35-41)

<sup>22</sup>Cūinájāravū Jesús, jatuyū jiadocūi ùi bueimaraque, arejameða náre:

—Járica, macajitabū ũrabū apedūvei nurevū, arejameða náre.

Que baru nurejaimada na. <sup>23</sup>Ne jatayede, Jesús cārejameða. Japurejavūya ũmevu parūrō baju. Aru pācaiboa ecorejāvūya jiadocūre. Que baru dicū buidjāvūya. Pare jidojarejavūya no. <sup>24</sup>Que teni Jesús yebai nūri, yópe arí, coedavarejaimada úre:

—iMū, bueipōecu, coivūbu maja! íBíjarājivūbu maja! arejaimada na.

Jesús coedarí, jararejameða ũmevure. Iboá ũraboā pācaiboa bíjarejavūya. Aru cārijimene ðarejavūya. <sup>25</sup>Que teni Jesús arejameða ùi bueimarare:

—¿Aipe teni “Jesús meadacuyume ñūjare”, abevūrū muja? arejameða.

Que aiyede, cūcumari ũrārō dápiarejaimada. Aru arejaimada ne bajumia:

—¿Yécūba ñai, yópe cōjeñū ũmevure aru macajitabure máre ju aimū? arejaimada na.

**Jesús ùi meadaino ũmū abujuva ne imamure**  
(Mt 8.28-34; Mr 5.1-20)

<sup>26</sup>Jesújā jatarejaimada no macajitabū ũrabure apedūvei. Aru cūrejaimada na

Gerasa āmicūrōcavū, Galilea āmicūrō cōchinoi. <sup>27</sup>Jesús ùi maiyede jiadocūre jocarí, copū nurejameða cūinācu ímarocacu, abujuva ne ímamū. Joe baju cuitótecajede dobedejameða. Aru cūrami cubedejameða ũ. Quénora pōeva ne yaivū bācavure jarūvainoi cūcū barejameða. <sup>28</sup>Jesúre jári, ùi yebai nūri, ñuatutarí bujíe codoboborí, arejameða:  
—Mū, Jesús, Jūmenijicui mácu, caivū pæno parūcui mácu, ¿yéde ũcurū yúque? Jēniaivū mure, ñájine ðabejacu yure, arí codoboborejameða.

<sup>29</sup>Nópe arejameða Jesús ùi etaicōjeiye báque boje jípcamia ina abujuvare ñai ũmure jocarí.

Apenūmū abujuva úre ímarejaimada. Que baru nócavū úre coreni buorídurejaimada tāumeaque, buoimeaque máre. Òbenita coburūrū buravarejameða dimeáre. Aru ina abujuva jarorejaimada úre pōecubenoí. <sup>30</sup>Dinūmure Jesús jēniari járejameða úre:

—¿Yécū āmicūcūrū mū? arejameða. Ju arí arejameða:

—Obecu āmicūvū yū, arejameða.

Nópe arejameða, obedivū abujuva ne ímae boje. <sup>31</sup>Ina abujuva pare jēniarejaimada, ùi jarobequiyepe aivū náre ũmūjāricobei, abujuva ne ñájinoí. <sup>32</sup>Cūrejaimada noi cūracū yebai obedivū oteivāriva, āre cuivū. Aru jēniarejaimada ina abujuva Jesúre:

—Jarojacū ñūjare oteivārivara, ñūje corājiyepe nára, arejaimada.

Dinūmūma, nūicōjenejameða náre Jesús:

—Nūjara, arejameða.

<sup>33</sup>Aru ina abujuva etarí, corejaimada oteivārivara. Cúyarí nūri tūrejaimada cūracū ēmeinoí, macajitabū ũrabūi. Tūrí corí bíjarejaimada na. <sup>34</sup>Aru ina oteivāriva mácavure coreipōeva cúyarí nurejaimada, coyūivū ũraimaroai aru ímaro curōvaquede máre. <sup>35</sup>Que baru obedivū pōeva “¿Aipe tenama?” arí, járanurejaimada. Nuivū Jesús yebai, járejaimada ñai ũmū abujuva ne ñájine ðaimū mácu dobacure, cuitótecajede

doyure, meacure cari. Aru jidurejaimada úre. <sup>36</sup>Coypurejaimada ina jáivu bácvu Jesú meadaiye báquede ñai ñmu, abujuva ne ímamú mácvre. <sup>37</sup>Quénora “Nujacu”, arejaimada Jesúre paruróque caivu Gerasa ámicurócavu, ne jidué boje.

<sup>38</sup>Jiadcúii jatúrí, Jesús copainurejameđa. Ubenita úi copaiquiye jipocamia ñai ñmu, abujuva ne ímamú mácv, jëniarejameđa paruróreca cuiyucu úque. Ubenita Jesús yóvaicójemecu arejameđa úre:

<sup>39</sup>—Copainujacu mi cürami. Aru coyujacu caiye iye uraró Jämenijicu úi ðaiyede máque, arejameđa Jesús.

Nuri, coyuyú barejameđa caivu ímarocavure caiye iye Jesús úi ðaiye báquede úre.

**Jesús úi nacovaino Jairoi máco  
bácore aru úi meadaino nomió  
ñájiñore jiveque**

(Mt 9.18-26; Mr 5.21-43)

<sup>40</sup>Jesús copaiyu bácvre, obedivu pöeva coreivu barejaimada úre. Que baru cójijidejaimada úi yebai, úre jacoyuivu. <sup>41</sup>Aru earejameđa cüinácu judíovai cójijiñamine coreipöecu, Jairo ámicucu. Járina ñuatutarejameđa Jesú cuboba yebai. Uraróreca jëniñu arejameđa Jesúre:

—Mu, bueipöecu, dajacu ji cürami, arejameđa.

<sup>42</sup>Cüinácvu úi máco, doce paiujua cvacore, cvarejameđa Jairo. Aru yaidé ñño marejácoda ò. Que baru Jesús ñurejameđa úque. Cujurejaimada náre obedivu pöeva. Aru cojivare ñurejaimada Jesúre.

<sup>43</sup>Ne jëneboi cüináco nomió cvrejacoda. Doce paiujua baju ijimo marejácoda jive yuiyeque. Aru pöecu cubedejameđa juoiye majicu óre. <sup>44</sup>Ñurejacoda úi yóboi obedivu pöeva jëneboi. Aru jëni járejacoda úi doicaje turvará. Cüiná òi jëni jáiyede, bíjarejavüya òi jive yuino mácarò.

<sup>45</sup>Dinumu Jesús arejameđa:

—¿Name matedí yure jëni jádo? arejameđa.

Caivu “Yu ámevu” ne aiyede, Pedro arejameđa:

—íMu, bueipöecu, obedivu pöeva cojivare daivubu mure! arejameđa.

<sup>46</sup>Ubenita Jesús arejameđa:

—Cüináco nomió jëni jácobe yure. Que baru majivu yu. Ji baju ji majiéque meadaiyu yu óre caride, arejameđa Jesús.

<sup>47</sup>Úi que aiyede, ico nomió òi baju dupini majibe boje, bidini jiduco, nuri ñuatutarejacoda úi cuboba yebai. Coypurejacoda caivu ina pöeva ne jáiyede òi jëni jáinore úre aru cüiná òi meateinore. <sup>48</sup>Aru Jesús arejameđa óre:

—Mu, ji umo, “Ú meadaiye majibi yure”, arí dápiarebu mu. Que baru mi que arí dápiaye boje, meadaiyu mure. Ména nuri cujaco mu, arejameđa Jesús.

<sup>49</sup>Úi boroteiyede óque, cüinácu ñai judíovai cójijiñamine coreipöecu cüramicacu earí, arejameđa Jairore: —Javeta mímaco yaibíco ò. Quénora cãrijovamejacu bueipöecure, arejameđa.

<sup>50</sup>Ubenita Jesús, jápiayu bácvu úi yávinore, arejameđa Jairore:

—Jidubejacu mu. Quénora ju ajacu ji coyuinore, aru meatecodome ò, arejameđa Jesús.

<sup>51</sup>Jesús úi eaiyede Jairoi cürami, apévure ecoicójemeni úque, ñvarejameđa Pedrorre, Jüare, Santiagore, aru ico juedoco bácoi pacure aru pacore máre. <sup>52</sup>Caivu pöeva nócvu óre oivu aru cómaje ároje jáivu barejaimada. Ubenita Jesús arejameđa: —Obejará. Ó yaiyó ámemico. Quénora cãdotame, arejameđa.

Náre nópe arejameđa Jesús, úi majié boje úi nacovaquinore óre yainore jaruvarí. <sup>53</sup>Úi que aiyede, yuridejaimada úre, ne majié boje yaiyó bácore.

<sup>54</sup>Dinumu Jesús ecorejameđa juedoco bácoi curitucubui aru òi purare jëni, bujié yávorejameđa óre:

—Mu, juedoco, nacajajaco, arejameđa Jesús.

<sup>55</sup>Aru úmedarejacoda ò. Que baru cüiná nacajarejacoda. Aru, “Áiyede jíjará óre”, arejameđa Jesús. <sup>56</sup>Ói bucva

cuecumari pare dápiarejaimada. Ñbenita Jesús apevure coyúicōjemenejaimada náre iye ñi ðaiye báquede.

**Jesús ñi jaroino ñi bueimarrare**

(Mt 10.5-15; Mr 6.7-13; Lc 10.4-11; Hch 13.51)

**9** <sup>1</sup>Órejarí ina doce paivu ñi bueimarrare ñi yebai, Jesús jídejaimada ne paruéva, ne jaetovarājiyepe ayu abujuvare aru ne meadarājiyepe ayu ijimarrare. <sup>2</sup>Aru jarorejaimada náre, ne coyurājiyepe ayu Jūmenijicui jaboteinoque yávaiye méne aru ne meadarājiyepe ayu pōevare. <sup>3</sup>Jesús arejaimada náre:

—Nuvamejara muja apejiene muje nuinore. Tuturiteiyoava nuvamejara, curubhare máre, ñiyede máre, aru tātuturare máre, Nuñjara muje cuitótecaje doino cueda. <sup>4</sup>Ári muja ecoivu ímaroi, cñjarā cūinácū cūrami upacuque pu ðajocarí nuivuta nore jocarí. <sup>5</sup>Apenoi ne copu etabedu mujare, aru ne jápaiyubedu iye yávaiye méne, etarí nuñjara. Aru pupejarā jobore mujare jēiyede muje cuboba cāchinoi ne jáiyede, ne jápaiyube boje. Que teni diímarocavu coreóvarājarama ju abevure Jūmenijicure aru mujare máre, arejaimada Jesús.

<sup>6</sup>Que aríburu yóboi, etarí nurejaimada ímaroai aru ímajinoa coapa. Coyurejaimada Jūmenijicui yávaiye méne aru meadarejaimada pōevare caino.

**Juan Bautista bácu ñi yaino**

(Mt 14.1-12, 16.14; Mr 6.14-29, 8.28; Lc 9.19)

<sup>7</sup>Dinumu ñai jabocu Herodes jápiarejaimada Jesú borore, caiye ñi ðaiyede. Aru cārijinejaimada, pōeva ne yávaiye boje. Apevu arejaimada, “Juan Bautista bácu nacajacube yainore jaruvarí”. <sup>8</sup>Apevu arejaimada, “Elías járocube cojedeca”. Aru apevu arejaimada, “Cūinácū Jūmenijicui yávaiyede coyucaipōecu bácu nacajacube yainore jaruvarí”.

<sup>9</sup>Herodecapūravu arejaimada: “Juan Bautista bácu jíbobure buraicōjecacu yu. Que baru, ðñamema ñai ñi borore jí jápaiimu?” arejaimada. Aru pare jáiyurejaimada Jesúre ñai jabocu Herodes.

**Jesús ñi ñre ðaino cūinápurupe paimil baju ñmuvare**

(Mt 14.13-21; Mr 6.30-44; Jn 6.1-14)

<sup>10</sup>Dinumu Jesú daroimara mácavu copainurejaimada ñi yebai. Ñre coyurejaimada caino ne ðaino mácarōre. Aru Jesús náre nuvaridurejaimada pōevare jocarí cūináimaro joabenoí, Betsaida ñmicurōi. <sup>11</sup>Ñbenita náre nuivure majidejaimada pōeva obedivu. Aru Jesújare cujurejaimada na. Jesúcapūravu torojucu jacoyurejaimada náre. Coyurejaimada Jūmenijicui jaboteinoque yávaiyede. Aru meadarejaimada nácavu ijimarrare máre.

<sup>12</sup>Aru nainú tuvaino marejávüya. Que baru coyurāearejaimada ina doce paivu ñi bueimara. Arejaimada ñre:

—Pōecubenotamu yo. Que baru nuicōjejacu ina pōevare, ne vorājiyepe ayu ne jabuóvarājiyede aru ne bojedarájiyepe ayu ne ñrajyede ímaro joabenoí aru no curóvaquei, arejaimada Jesúre.

<sup>13</sup>Ñbenita Jesús arejaimada náre:

—Muja náre ñiyede jíjarā, arejaimada. Na arejaimada ñre:

—Páuboa cūinápurupe paiboa aru moa pucarā quénora cuvavu ñuja. ðñuja bojedacarāñrajidi ñiyede, jíñajivu caivu ina pōevare? arejaimada na.

<sup>14</sup>Aru nácavu ñmuva cūinápurupe paimil baju barejaimada na. Jesús arejaimada ñi bueimarrare:

—Dobaicōjejarā muja ina pōevare yajuboa tení, cainimeá tení, cincuenta paivu curiyajuboa, arejaimada Jesús.

<sup>15</sup>Ñi aye báquepedeca ðarejaimada na. Que teni dobaicōjenejaimada náre. <sup>16</sup>Aru die páuboa cūinápurupe paiboa aru moa pucarāre jēni, cavarōi jáñu, torojuede jídejaimada Jūmenijicure. Torojuede jíni buojarí, páuboare aru

moare máre cotavari jebeni, pöevare jícöjenezameda Jesús ùi bueimarare.

<sup>17</sup> Aru caivu ãri yapidejaimada na. Ñri bubarĩburu yóboi, iye cotavaiye báque páu aru moa máre pöeva ne ãri oabede ìni, meadarĩ, puebua doce paibuare, judíoiva ne puebuare, buivárejaimada ùi bueimara cojedeca.

**Pedro ùi “Cristobu mu” aino**

(Mt 14.1-2, 16.13-19; Mr 6.14-15, 8.27-29; Lc 9.7-8; Jn 6.68-69)

<sup>18</sup> Jesús coyuva barejámeda Jümenijicure cüinácuva. Aru ùi bueimara curejaimada úque. Dinumure jëniari járejameda náre yópe:

—¿Aipe aidi pöeva yure? ¿“Yécubebu”, aidi na? arejameda Jesús.

<sup>19</sup> Arejaimada úre:

—Apevu adama, “Juan Bautistabe”. Aru apevu adama, “Elíabe”. Aru apevu adama, “Cüinácu Jümenijicui yávaiyede coyucaipöescu bácu nacajañu mácube”, adama mure, arejaimada na.

<sup>20</sup> Aru Jesús jëniari járejameda náre:

—¿Ubenita aipe aivurü muja yure? arejameda Jesús.

Pedro ju arejameda úre:

—Mu Jümenijicui daroimu mácbu. Ñujare jabotecuyumu mu, arejameda Pedro Jesúre.

**Jesús ùi coyuino ùi yaiquínore**

(Mt 10.38-39, 16.20-28; Mr 8.30-9.1; Lc 14.27, 17.33; Jn 12.24-25)

<sup>21</sup> Ubenita ùi borore apevure coyuicöjemenezameda náre, yópe arĩ:

<sup>22</sup> —Jaovu yure, Jümenijicui daroimu mácure ùmure, urarõ ùi ñáiquino. Ina judíoiva bucüva, aru sacerdotevare jaboteipöeva, aru Jümenijicui yávaiye báquede bueipöeva máre yure boarĩ jaravarájarama. Aru yóbecurijárvua yóboi nacajacuyumu yu yainore jaravari, arejameda Jesús.

<sup>23</sup> Aru caivure arejameda Jesús:

—Ácu pöescu daiyucu yúque, dajocajacurĩ pöeva ne mearo jáiyede úre, cuyebejacurĩ yure yóvayede, aru jidubejacurĩ ùi ñáiquiyede. Nópe ðabecu

baru, ù buojabebi jícu bacuyú. <sup>24</sup> Ñai pöescu ùi baju uröpe ðarĩ, meadaiyucu baru ùi bajure, coatecuyume ùi bajure Jümenijicure jaravari, yópe yaiyú bácupe ùi úmei. Ubenita ñai pöescu, “Ye baju ámevu, ji yaidú Cristore boje” ayu, ùi baju uröpe ðabecuva quénora ji uröpe ðarĩ, úrecabe ji meadaquimu, cscuyu Jümenijicucque cainüma. <sup>25</sup> Ñai pöescu cuvacu baru caiye ijárvuquede, ubenita bíjayu baru ùi úmene, ñáicuyume cainüma toabo cüiméboi. <sup>26</sup> Aru ñai pöescu cuyedu yure aru ji yávaiyede máre, yu, Jümenijicui daroimu mácu ùmure, máre cuyeni dápiacuyumu úre ji jáðovaiyede ji mearore, aru jipacu meacu baju ùi mearore, aru ina ángeleva meara ne mearore máre, ji daquijárvu baquinói. <sup>27</sup> Jáve coyuuvu mujare: Apevu curivu yui, ne yainájiye jipocai járajarama Jümenijicui jaboteino curöre, ji jaboteiyede pöevare, arejameda Jesús.

**Jesús ùi baju oatuvaino**

(Mt 3.17, 12.18, 17.1-8; Mr 1.11, 9.2-8; Lc 3.22; 2 P 1.17-18)

<sup>28</sup> Ocho paijárvua yóboi, Jesús núvarejameda Pedrore, Jüare, aru Santiagore máre, jëniarajivu Jümenijicucque cüracüi. <sup>29</sup> Ñi jëniayedecca, ùi jiva oatavarejavüya. Aru ùi cuitótecaje boricaje pöerejavüya. <sup>30</sup> Pucarã ùmüva járorejaimada, boroteivu úque. Na marejáimada Moisés aru Elías. <sup>31</sup> Caino ne curö miadári jajavu tedejavüya. Borotedejaimada Jesús ùi copaiquínore ijárvure jocarĩ aru úre vaiquínore máre Jerusalén ámicurĩmaroi. <sup>32</sup> Pedro aru úcavu máre vñocurivüvacari, cãmenezaimada. Quénora apurivu járejaimada Jesús meacu bajure aru náre máre, ina pucarã ùmüva curivure úque. <sup>33</sup> Moisés aru Elías ne dajocaiyede Jesúre, Pedro arejameda:

—Mu, bueipöescu, mearotamu ñuje curu yui. Que baru ðarájivubu ñuja yóbecurĩnamia cüramia quíjĩnamia maquiyéde, cüinádami maquinóre míñami, aru apedãmi maquinóre

Moiséde, aru apedāmi maquinóre Elíare, arejamedá Pedro.

<sup>34</sup> Ûbenita majibedejamedá ùi que ainore. Ûi coyuiyede, ocopenibo ěmeni taorejavūya náre. Que baru jidurejaimada pare. <sup>35</sup> Aru ocopenibo taoiyede náre, jápiarejaimada apeno yávainore ocopeniboi etaiyede: “Naime jímacu, ji beoimu. Que baru jápiajará úre”, arejamedá Jūmenijicu.

<sup>36</sup> Aru yávarīburu yóboi, járejaimada Jesúre cūinácūva. Ûbenita ne jáino mácaróre bi arī coyubedejaimada apēvu pōevare.

**Jesús ùi meadaino juedocure abujucu ùi imamure**

(Mt 17.14-21; Mr 9.14-29)

<sup>37</sup> Cōmiájāravu, ěmeivu bācavu dicū cūracūre jocarī, obedivu pōeva copu nurejaimada Jesúre. <sup>38</sup> Aru cūinācu pōecu pōeyajubo jēneboi, yópe arī, cođoboborejamedá:

—Mu, bueipōecu, jēniaivu mure. Jájacu jímacure, cūinācura ji cuvamure. <sup>39</sup> Abujucu cainumua bidióvarī ture dāvabi úre joborōi. Úre nájine darī, cođobobore dāvabi. Aburi etavavu úre. Aru ñai abujucu dajocaiyubevabi úre. <sup>40</sup> Yu jēniaridivu mi bueimarare, ne jaetovarājiyēpe ayu ñai abujucure. Ûbenita ñaine jaetovarī majibema na, arejamedá Jesúre.

<sup>41</sup> Jesús arejamedá:

—Muja, jāravucavu, Jūmenijicure ju abēvu aru āmeina teivu máre, ¿aipijāravua cuquidi yu mujaque? ¿Aru aipijāravua ñájiquidi yu mujaque, muje ju arājiyēpe ayu ji coyuiyede? Davajacu mímacure ji yebai, arejamedá Jesús.

<sup>42</sup> Aru ñai juedocu ùi eaiyede Jesús yebai, ñai abujucu bidióvarī ture dārejamedá úre. Ûbenita Jesús jararī abujucure, jaetovarejamedá úre ñai juedocure jocarī. Que darī meadarejamedá úre. Aru jacopaiyovarejamedá jīpacure. <sup>43</sup> Aru caivu cuecumarejaimada Jūmenijicu ùi urarō paruéde.

**Jesús ùi coyūino cojedeca ùi yaiquínore**

(Mt 17.22-23; Mr 9.30-32)

Pōeva ne urarō dāpiaiyede caiye ùi dāiye báquede, Jesús arejamedá ùi bueimarare:

<sup>44</sup> —Me jápiajarā caiye iye ji coyūquiyede mujare. Arumetebejarā. Yure, Jūmenijicui daroimu mácure ũmure, jēni jínajivubu ji mauvare, Jesús arejamedá náre.

<sup>45</sup> Jūmenijicu jápiarī eaicōjemenejamedá náre iye Jesús ùi coyuiyede. Que baru jápiarī coreóvabedejaimada. Aru jidurivu jēniari jáiyubedejaimada úre iye ùi coyūino mácaróre náre.

**¿Ñamema parucu maje jēnebore?**

(Mt 10.40, 18.1-5; Mr 9.33-37;

Lc 10.16, 22.24; Jn 13.20)

<sup>46</sup> Jesúi bueimara jararī bārejaimada ne bajumia ñamene parucure ne jēneboi apēvu pūeno. <sup>47-48</sup> Ûbenita Jesús coreóvayu bācu ne dāpiaiyede ne ũmei, jēnejamedá cūinācu juedocure. Aru úre núvari ùi yebai, arejamedá náre:

—Cūinācu pōecu copu etayu baru ñai juedocure ji āmiái, ji cōjeiyēpe, que đayū popedeca copu etaibi yure. Aru ñai copu etayu baru yure, copu etaibi ñai yure daroyure máre. Que baru ñai mujacacu parubecu caivu pūeno, ñai cadateiyucu apēvure, úrecabe jáve parucu Jūmenijicui jáinore. Pōeva parurivubu, cadateivu baru apēvure Jūmenijicui jáinore. Ûbenita ina jaboteiyurivu apēvure, aru đaicōjeiyurivu náre máre, parubevubu Jūmenijicui jáinore, arī buedejamedá Jesús.

**Majare jarabecu, majacacube**

(Mr 9.38-40)

<sup>49</sup> Juan arejamedá Jesúre:

—Mu, bueipōecu, jácarā ñuja cūinācu ũmu abujuvare jaetovayure mi āmiái, mi paruéque. Ûbenita ñujaque ùi cube boje, “Đabejacu” acarā ñuja úre, arejamedá Juan.

<sup>50</sup> Ûbenita Jesús arejamedá:

—Ácu pōecu maucuvabecu baru majare, majacacube ũ. Que baru úre nópe aiye jaubeteavū mujare, arejamedá náre Jesús.

**Jesús Santiagore aru Jūare máre ùi jaraino**

<sup>51</sup> Joabējino marejávūya ùi muri nuquijāravu baquinó cavarō mearo

Jūmenijicui cūrōita. Que baru Jesús, paruéque dápiarī, búrejameđa ũi nuiyede Jerusalén āmicurīīmaroi.

<sup>52</sup>Ūi jipocai jarorejameđa ũre boro nūvacaipōevare. Aru ina nuri ecorejaimađa Samaria āmicurijoborōcaīmaroi. Noi Jesús ũi eaquinore meadarānuridurejaimađa na. <sup>53</sup>Ūbenita ina Samariacavū copu etaiyūbedejaimađa Jesúre, ũi nuiye boje Jerusalén āmicurīīmaroita, ne ũbe boje diīmarocavūre. <sup>54</sup>Ūi bueimara pucarā, Santiago aru Juan, diede jāiva bācavū, jēniari jārejaimađa Jesúre:

—Mū, ũje jabocū, ċjōđaicōjenajidi ũja toabore cavarō mearo Jūmenijicui cūrōquede, ne énajiyepe aivū? arejaimađa na.

<sup>55</sup>Ūbenita Jesús copedini jararejameđa náre. <sup>56</sup>Aru nūrejaimađa apeno īmaroi.

#### Apevu Jesúque ne nuiyurīduino

(Mt 8.19-22)

<sup>57</sup>Jesújā mái nuiyede, cūinācu ũmū arejameđa Jesúre:

—Máque nūquijivū yū caino mi nūinoita, arejameđa.

<sup>58</sup>Aru Jesús arejameđa ũre:

—Macayavimiva cuvama ne cobeá.

Aru mījina cuvama ne juaiboa. Ūbenita yū, Jūmenijicui daroimū mácu ũmūpe, ji cūrō cuvabevū, arejameđa Jesús.

<sup>59</sup>Aru apēcure arejameđa:

—Dajacu yúque, arejameđa.

Ūbenita arejameđa Jesúre:

—Mū, ji jabocū, mamarūmure jarūvaquijivū cāreja jipacure cūracobei, ũi yayiede, arejameđa.

<sup>60</sup>Ūbenita Jesúcupūravū arejameđa:

—Ina yaivū bācavūpe paivū, ne jāpiabe boje Jūmenijicui jaboteinoque yāvaiyede, jarūvajarārī ina yaivū bācavūre. Ūbenita mūcupūravū coyūcunūjacū Jūmenijicui jaboteinoque yāvaiyede, arejameđa Jesús.

<sup>61</sup>Aru apēcū máre arejameđa Jesúre:

—Mū, ji jabocū, máque nūquijivū yū. Ūbenita mamarūmure, “Nūñumu” aicōjejacū yūre ji cūramicavūre, arejameđa.

<sup>62</sup>Jesúcupūravū arejameđa ũre:

—Pōecu đaiyūcu baru ji ũrōre aru ũi baju ũrōre máre, buojabebi memecayū yūre. Pōeva ũpe paivūre Jūmenijicū jabotebecūbe, arī buedejameđa náre Jesús.

#### Jesús ũi bueicōjeni jaroino setenta y dos paivūre

(Mt 9.37-38, 10.7-16, 11.24; Mr 6.8-11;

Lc 9.3-5; Hch 13.51; 1 Co 9.14; 1 Ti 5.18)

**10** <sup>1</sup>No yóboi Jesús beorejameđa apēvure setenta y dos paivūre. Náre jarorejameđa ũi jipocai pucarā matuiyeda cainoa īmaroai ũi nūquinoai.

<sup>2</sup>Aru jaroyū, arejameđa náre:

—Obedivū pōeva cūrivū, Jūmenijicui yāvaiye méne majibema na cāreja, mūje buenajimara iye yāvaiye méne, Jūmenijicui meadarājiyepe aivū náre, ne jū aiyede diede. Ūbenita obebevūbu memecaivū Jūmenijicūre. Que baru jēniajara ũre, ũi daroquiyepe aivū apēvu buenajivure ina pōevare. <sup>3</sup>Nuri jājara mūja. Jaroiñvū mūjare ijāravūcavū jēneboi yópe ovejavai nuiyepē āimara jijecurivū jēneboi. <sup>4</sup>Nūvamejara mūja tāuturare, curubūare, aru cūraidoare máre. Borotede nūmejara mūje mái copūimaraque. <sup>5</sup>Āri mūja ecoivū cūinādami cūramine, mamarūmū ajarā yópe: “Īñamicavū, mearo cūjarā mūja”.

<sup>6</sup>Aru diñamicavū mearoque ne cūru, nópe ajarā náre. Ūbenita mearoque ne cūbedu, “Mearo cūjarā mūja”, abejarā náre. <sup>7</sup>Cūjarā cūinādāmima. Que teni āri aru ũcuri tejarā ne jiyede mūjare, mūje náre cadateiye boje. Mūja memecaivūpebu. Aru memecaipōēcure bojedaiye jaivū ũi memeinore. Ūbenita nūmejara cūramia coapa.

<sup>8</sup>Ecoivū baru mūja īmaroi, aru ina īmarocavū ne copū etaru mūjare me, ājara apējēne ne jiyede mūjare. <sup>9</sup>Meadajarā ijimarare. Aru coyūjarā náre yópe: “Jūmenijicū jabotecūyūme pōevare maumejiena”. <sup>10</sup>Ūbenita ecoivū baru mūja īmaroi, ne copū etabenoī mūjare diīmarocavū pōeva, cuimai nuri, ajarā yópe: <sup>11</sup>“Mūje jobore ũjare

jēiyede ñuje cūboba cāchinoi pūpeivūbu ñuja, mūje copu etabe boje aru mūje jápiabe boje ñujare. Ūbenita majijarā iyede: Jūmenijicu jabotecuyume pōevare maumejiena”, ajarā. <sup>12</sup>Couyūbu mūjare: Ina Sodomacavu bācavu pare āmeina tedejaimada. Ūbenita diīmarocavu, mūjare copu etabevu bācavu, ñājinajarama ina Sodomacavu bācavu pueno baju Jūmenijicui ñājiovaquijāravu baquinóre pōevare, ne āmeina teiye boje, arī budejamedā náre Jesús.

**Apeīmaroacavu ne ju abeno  
Jūmenijicure**

(Mt 10.40, 11.20-24; Mr 9.37; Lc 9.48; Jn 13.20)

<sup>13</sup> Jesús arejamedā cojedeca:

—iMūja, judíova, Corazícavu, āmeno ñājinajaramu mūja! iMūja, judíova, Betsaidacavu máre, āmeno ñājinajaramu mūja! Pōecu ūi đaru pōeva ne đarī majibede yópe ji đaiyepe mūje jáiyede Tirocavu aru Sidócavu máre ne jáiyede, jave chīori ne āmeina teiyede, oatvaje bu ne đaiyede. <sup>14</sup>Ūbenita mūja ñājinajaramu Tirocavu aru Sidócavu pueno baju, Jūmenijicui ñājiovaquijāravu baquinóre pōevare, ne āmeina teiye boje. <sup>15</sup>Aru mūja, judíova, Capernaucavu, jāve ñumenajaramu mūja cavarō mearo Jūmenijicui curōi. Quénora mūja ñurajaramu toabo cūiméboi, arejamedā Jesús.

<sup>16</sup> Jesús arejamedā ūi bueimarare cojedeca:

—Ñai pōecu jápiayu baru mūjare, jápiaibi yure máre. Ñai pōecu ūbecu baru mūjare, ūbebi yure máre. Aru ñai pōecu ūbecu baru yure, ūbebi ñai yure daroyu bācu, Jūmenijicure máre, arejamedā Jesús.

**Setenta y dos paivu ne copaini daino**

<sup>17</sup> Ina setenta y dos paivu, Jesúi jaroimara māvavu, copaidejaimada torojurivu Jesús yebai. Aru yópe arejaimada ūre:

—iMu, ñuje jabocu, abujuva máre ju ama ñuje cōjeiyede náre mi āmiái, mi paruéque! arejaimada na.

<sup>18</sup> Aru Jesús arejamedā náre:

—Jávū yu ñai abujuvai jabocure, ūi āmiái Satanás, tūyure cavarōre jocarī yópe yaroino tuiyepe. <sup>19</sup>Mūjare parure đavū yu, mūje járu ādavare aru murivare máre, mūje curarājiiyepe ayu náre. Aru mūja parurivutamu ñai mūje maucu, abujucu pueno. Que baru āmeno đabenama mūjare āđava aru muriva máre. <sup>20</sup>Ūbenita mūja, torojurivu ina abujuva ne ju aiye boje mūjare, pueno baju torojujarā mūje āmiái toivaino cue boje cavarō mearo Jūmenijicui curōi. Que baru mūja cvarājaramu jaravu cūiméjaravu baquinóre, arejamedā náre Jesús.

**Jesús torojucu**

(Mt 11.25-27, 13.16-17; Jn 3.35, 10.15)

<sup>21</sup> Dinūmūmiareca Jesús, torojurī ūi ūmei Espírиту Santoi paruéque, yópe arī, cuyurejamedā Jūmenijicure:

—Mu, jipacu, cavarō mearocacu aru ijāravu jabocu máre, mearore jívū mure, mi jádovame boje caiye iye ji cuyuiyede ina majidivure, aru mi jáđovaiye boje caiye iyede ina majibevure. Mu, jipacu, jívū mure mearore mi nópe đaiye boje, arejamedā Jesús.

<sup>22</sup> Jūmenijicure cuyurī buojarī, Jesús arejamedā ina ūque curivure:

—Jipacu Jūmenijicu jībi yure caiye ji majiéde aru caiye ji paruéde máre. Ñame majibema yure. Quénora majibi jipacu. Ñame majibema jipacure. Quénora majivu yu, aru na máre ina ji cuyimara, arejamedā Jesús.

<sup>23</sup> Dinūmū apevure dajocarī, Jesús arejamedā ūi bueimarare:

—iTorojuma ina pōeva jáivu caiye iye mūje jáiyede! <sup>24</sup>Couyūbu mūjare: Obedivu Jūmenijicui yāvaiyede cuyucaipōeva aru jablova máre jáiyurīduquemavu caiye iye mūje jáiyede. Ūbenita jámetequemavu. Aru jápiaiyurīduquemavu mūje jápiaiyede. Ūbenita jápiabetequemavu, arejamedā Jesús.

**“Samaricacure” jári dāpiarī ne  
đarājiiyepe aino**

(Mt 22.35-40; Mr 12.28-34)

<sup>25</sup> Cūinācu pōecu, Jūmenijicui đaicōjeiyede majicu, Jesúi majiéde



majiyucu, nasajari, jēniari járejamedá úre:

—Mú, bueipōesu, ¿aibe ñaquidi yu, cūvacuyú járavu cūiméjāravu baquinóre? arejamedá ũ Jesúre.

<sup>26</sup>Jesús arejamedá úre:

—¿Aibe Jūmenijicu toivaicōjēnejacquemari ũi ñaicōjeiyede Moisés bácuere javede? ¿Aibe majicurū iye mi bueiyede? arejamedá Jesús.

<sup>27</sup>Ju ayu arejamedá úre:

—Ujacu mi jabocu Jūmenijicure caino mi úmeduque, caino mi úmeque, caino mi baju parúeque, aru caino mi majiéque máre. Aru ujacu mícuere yópe mi uepe mi baju, arejamedá Jesúre.

<sup>28</sup>Que teni Jesús arejamedá úre:

—Meavu mi ju aino. Ñajacu yópe mi coyūinope, cūvacuyú járavu cūiméjāravu baquinóre, arejamedá Jesús.

<sup>29</sup>Ubenita ñai ũmu, apévure ne me járajipe ayu úre, jēniari járejamedá Jesúre:

—¿Namema ñai jicu? arejamedá ũ.

<sup>30</sup>Jesús ju ayu, arejamedá úre:

—Cūinácu ũmu ěmeni nuquemavu Jerusalén āmicurūimarore jocarī, nuñu Jericó āmicurūimaroi. Que teni ñavacurivu jēquemavu úre, tatorājivú ũi cūvaede. Íquemavu ũi cuitótecajede aru caiye ũi apejijene máre. Aru jara popequemavu úre. Pare churiá ñaquemavu. Que teni ñajocquemavu úre, “¿Yaiyú bārīca?” arī ñápiavú. <sup>31</sup>Nópe teniburu yóboi, cūinácu sacerdote ěmeni nuquemavu dimamica. Aru jáquemavu ñai parayúre joborōi, ma ěcarui. Ubenita úre jári, vaiquémavu. <sup>32</sup>Nopedeca cūinácu Jūmenijicui cūramine memepōesu, levita āmicurūiyabocacu, eaquemavu joabenoí ñai parayú yebai. Ubenita úre jári, vaiquémavu.

<sup>33</sup>No yóboi, cūinácu apenocacu, Samaria āmicurūijoborōcacu, nuñu dimamica, eaquemavu ñai parayú yebai. Aru cōmaje āroje jáquemavu úre. <sup>34</sup>Ūi yebai nuri, ũi churiáre yuaquemavu olivo āmicurūicū jēidna córore aru vino úyaicorore máre. Aru cuitótecajecávaque

būorī juoquemavu úre. Que teni nacovari ñoquemavu ũi tubamura. Aru nuvaquemavu úre cuipōeva ne cāñami, meadacuyú úre. <sup>35</sup>Cōmiáijāravu jíquemavu tātuturatūravare ñai cāñami upacure, bojedacuyú ũi meadaquiyede ñai tatoimú mácuere. Aru aquemavu úre: “Meadajacu ñai ũmure me. Que teni ji copainumuta bojedaquijivú mure caiye mi jíye báquede úre”, aquemavu ñai Samariacacu, arejamedá Jesús.

<sup>36</sup>Coyurī bujarī, ñai majicure Jūmenijicui ñaicōjeiyede ũi coyūiye báquede Moisés bácuere jēniari járejamedá Jesús:

—¿Ácu pōesu ina yóbecurā ũmūvacacu batequémari cadateyú ñai ũmure, ñavacurivu ne tatoimú mácuere? arejamedá Jesús.

<sup>37</sup>Ū ju ayu arejamedá Jesúre:

—Ñai cōmaje āroje jári, cadateyú bácube úre, arejamedá.

Jesús arejamedá úre:

—Caride nuri ñajacu ũi ñaiye báquepe. Cōmaje āroje jári, cadatejacu mu apévure, arejamedá Jesús.

**Jesús ũi jácūnūino Marta aru María yebai**  
(Jn 11.1)

<sup>38</sup>Jesús nūrejamedá mái ũi bueimaraque. Aru imajinoi ecoiyede, cūinácu nomió, ũi āmiá Marta, copū etarejacoda Jesúre ũi cūrami. <sup>39</sup>Martai yóco máre cūrejacoda, ũi āmiá María. Ico dobaco Jesúi cuboba yebai, nópe ina judíovai ñari cōmajipe ne buenajipe aivu, jápiado barejácoda ũi bueiyede. <sup>40</sup>Ubenita Marta pare cārijinejacoda, ũi āiyede memeiye boje. Que baru Jesús yebai nuri, arejacoda úre:

—Mú, ji jabocu, ¿ye baju āmeni jíyocoi ñajocaino yure, cūinácova memeiú yu? Cadateicōjejacu óre yure, arejacoda ũ Jesúre.

<sup>41</sup>Ubenita Jesús arejamedá úre:

—Mú, Marta, cārijivú mu caijē apejē boje. <sup>42</sup>Ubenita cūinárora javu mure. Yópe María ũi ñaiye paino mearotamu. Ūi jápiaye ji bueiyede mearotamu. Que

baru pōecu cubebi ícayũ õi ðaiyurõre, arejameða Jesús.

**Jesús ùi bueino Jũmenijicuque jẽniainore**

(Mt 6.9-15, 7.7-11; Jn 14.13-14, 15.7, 16.23-24; 1 Jn 3.21-22, 5.14-15)

**11** <sup>1</sup> Cũinájãravũ Jesús jẽniãũ marejãmeða jípacũ Jũmenijicuque. Aru ùi jẽniariburu yóboi, cũinãcu ùi bueimaracacu arejameða ùre: —Juan Bautista bãcu Jũmenijicuque jẽniainore buequemavũ ùi bueimarare. Que baru mu mãre buejacu ñũjare Jũmenijicuque jẽniainore, arejaimada na.

<sup>2</sup> Aru Jesús arejameða náre:

Mũja jẽniaivũ Jũmenijicuque yópe ajarã: “Mũ, ñũjepacu, meacu bajubu mũ. Que baru caivũ pōeva mũre pueðarĩ mearore jíjarãri. Bãre ðajacu mũ mi jabotequiyede pōevare. <sup>3</sup> Jíjacu ñũjare jãravũ coapa ñũje ãiyeva.

<sup>4</sup> Aru ãrumetejacu ñũje ãmeina teiyede yópe ñũja mãre ñũje ãrumeteiyepere caiye apenvũ ne ãmeina ðaiyede ñũjaque. Ñai abujuvai jabocui jũjovajuroede ñũjare vainĩ tuicõjemejacu ñũjare, ñũje ðabenajiyepere ãmenore”, arejameða náre Jesús.

<sup>5-7</sup> Aru Jesús coyurejameða náre yópe:

—Pōecu ùi nũru cũinãcu ùi yóvaimũ yebai, acuyũ ùre yópe: “Yũcacu, jíjacu yũre yóbecuriboa pãboare. Apecu jí yóvaimũ edaibi jí cũrami cuyũ. Aru ãiyevũ cubevũ yũre. Que baru jíquiye ùre eabevũ yũ” ayũre, ñai ùi yóvaimũ, ùi cũrami cucu, ju abejebu ùre yópe: “Cãrijovamejacu yũre. Jave bievũ yũ jí cũramine. Aru jímara jave cãivũtamũ. Que baru mũre nacajari jíyũ buojabevũ yũ”. Ùi yóvaimũ abejebu ùre yópe.

<sup>8</sup> Coyuyũbu mũjare: Ùi yóvaiye boje jíbecube ùre. Quénora ùi cãrijovaiye boje, nacajari jícyũme caiye iye jauéde ùre. <sup>9</sup> Que baru coyuyũbu mũjare: Jẽniare ñũjara Jũmenijicure, aru jícyũme mũje jẽniainore ùre. Vore ñũjara ùre, aru earãjaramũ. Aru mũje

órejare nuiyede jedevacobei, Jũmenijicu voacacuyũme mũjare. <sup>10</sup> Que baru caivũ jẽniaivũ Jũmenijicure cuvama ne jẽniainore. Aru caivũ voivũ eadama ne voimũre. Aru caivũ órejaivũre jedevacobei voaibi, arejameða Jesús, náre bueyũ.

<sup>11</sup> Cojedeca Jesús, yópe arĩ, buedejameða náre:

—Mũja juedocuvãrivũ, ðmũjemacu ùi jẽniaru mũjare pãubore, jíje bãrica mũja ùre cãrabore? ¿Aru mũjemacu ùi jẽniaru mũjare moacure, jíje bãrica mũja ùre ãðare? <sup>12</sup> ¿Aru mũjemacu ùi jẽniaru mũjare jíðure, jíje bãrica mũja ùre murine? Nópe ðabenamu mũja. <sup>13</sup> Que baru mũja ãmena méne cuvede jíni majiépedeca mũjemarare, majepacu Jũmenijicu cavarõ mearocacu pũeno méne cãvaðe jíni majibi mũja jẽniaivũre ùque. Ùvacari darocuyũme ñai Espĩritu Santore caivũ jẽniaivũre ùre, arejameða Jesús.

**“Abujuvai jabocui parúede cuvabi ù” arĩ, ne boro coyurĩ ãdarĩduino Jesúre**  
(Mt 9.34, 10.25, 12.22-30, 38, 16.1; Mr 3.20-27; 8.11, 9.40)

<sup>14</sup> Dinũmũre Jesús jaetovayũ barejãmeða abujucu yãvabecure cũinãcu ùmũre jocarĩ. Aru ñai abujucu ùi etarĩburu yóboi, ñai ùmũ yãvabecu bãcu yãvarejameða. Que baru ina pōeva jáivũ bãcavũ, pare dãpiaivũ, cücumarejaimada. <sup>15</sup> Ùbenita apenvũ ina pōevacavũ arejaimada:

—Beelzebũ, abujuvai jabocu, ìmamũme ù. Que baru ùi parúeque jarũvaibi abujuvare, boro coyurĩ ãdarĩdurejaimada Jesúre.

<sup>16</sup> Aru apenvũ jũjovaiyũrivũ barejãmada ùre, ne majinajiyepere aivũ jáve ùi ðaru ùi ðaiyede Jũmenijicui parúeque. Que baru jẽniarejaimada ùi jáðovaiyepere aivũ pōeva ne ðarĩ majibenore. <sup>17</sup> Ùbenita Jesús coreóvayũ ne dãpiaiyede, “Beelzebũ ùi ìmamũ” aivũre, arejameða náre:

—Cũináro jaborõcavũ ãdamateivũ baru ne bajumia, ina jaborõcavũ cũinájarama

na. Nopedeca cūinádami cūramicavū ádamateivū baru ne bajumia, diñamicavū cūinájarama na. <sup>18</sup>Nopedeca bájebu ñai abujuvai jabocu, jaetovayū baru abujuvai jabocure. Ádamateyū bájebu ũi bajuma. Aru jaetovayū baru abujuvare, joe parucu cubejebu ũ. “Abujuvai jabocui paruéque jaetovaibi abujuvare”, mūje aye boje yure, yópe coyuyūbu mujare: <sup>19</sup>¿Ji jaetovaru abujuvare abujuvai jabocui paruéque, ñamei paruéque jaetovaidi mujacavū abujuvare? Que baru mujacavū abujuvare jaetovaivū jáđovadama mujare mūje borocuede yure ũbenina. <sup>20</sup>Ūbenita Jūmenijicui paruéque jaetovayūbu yū abujuvare. Que baru jáđovaiyū yū Jūmenijicu jaboteyure mujare, arejamedá Jesús.

<sup>21</sup>Dinūmure Jesús coyurejamedá náre yo jári dápiaiŕi ne đarājiyere ainore, ne majinajiyere ayū parucure abujuvai jabocu pūeno.

—Ūmu parucu jári coreyū ũi cūramine ũi boaiyeque, me meadaquemavū ũi cūvaede.

<sup>22</sup>Ūbenita apesu ũi pūeno parucu earī, boarī tatoquemavū ũre. Ūi boaiyede, aru ũi cūvaede nūvari, coavaquemavū diede apevū ũi yóvaimaraque. <sup>23</sup>Que baru ñai yóvabecu maucūvaibi yure. Aru ñai apevure yóvare đabebi yure, náre maucūvare đaiibi yure, arī buedejamedá Jesús.

#### **Jesús ũi coyūino abujucui copaino**

(Mt 12.43-45)

<sup>24</sup>Bedióva cojedeca Jesús buedejamedá náre:

—Abujuci etayū bácu ũmure jocarī, voibi ũi jabuóvaino penenoi. Ūbenita jabuóvaino eabecu baru, copaiyūbi ñai ũmu, ũi etaimu márcurecata. <sup>25</sup>Aru copaini nuñū, eaibi ñai ũmu meacure, yópe cūrami oeni meadaiñamipe páyure. <sup>26</sup>Que baru apevū siete paivū abujuva ũi pūeno ámenare vorī earī, nūvaimi ũque. Aru ina đaicōjeivū ñai ũmure, ámedadama ũre pūeno baju, arī buedejamedá Jesús.

#### **Jesús ũi coyūino torojuede**

<sup>27</sup>Jesús ũi yávaiyedeca, cūináco nomió ina obedivū pōeva jūneboi codoborōŕi arejacoda ũre:

—Mure juedocūvaco báco, aru mure bucúovádo báco mearo torojūjacorī ō, arejacoda ō.

<sup>28</sup>Ūbenita Jesús arejamedá óre:

—Ōi pūeno torojūŕájarama ina pōeva Jūmenijicui yávaiyede ju arī, đaiivū yópe die coyūinope, arejamedá Jesús.

#### **Pōeva ne đarī majibenore Jesúre đaicōjeniduino**

(Mt 12.38-42, 16.4; Mr 8.12)

<sup>29</sup>Obedivū pōeva ne cójjiyede Jesús yebai, yávarī búrejamedá náre:

—Ijāravūcavū ámena jáiyurīduyama pōeva ne đarī majibenore. Ūbenita jámenama apenore Jūmenijicui đainore náre, quénora yo Jonás márcure vaino mácarōre. <sup>30</sup>Yópe Jūmenijicu ũi jaroie báquepe Jonás márcure, ũi coyūcaquiyepe ayū ũi yávaiyede nócavū, Nínive ámicūŕiimarcavū bācavure, nopedeca Jūmenijicu darorejame yure, ũi daroimū márcure ũmure, ji coyūcaquiyepe ayū ũi yávaiyede ijāravūcavūre. Aru yópe Jonás márcui cue báquepe moacu uracui yapibū jívui yóbecurijāravūa aru yóbecurīñamia máre, nopedeca yū, Jūmenijicui daroimū márcu ũmure, cūcūyūmu joborō jívui yóbecurijāravūa aru yóbecurīñamia máre. <sup>31</sup>Jūmenijicui ñájiovaquijāravū baquinóre pōevare, ne ámeina teiye boje, ico jaboco aviá daino cācopūrāvūcaco báco nacajacodome ina pōeva ijāravūcavūque aru ámecorocodome náre, ne yure ju abe boje. Ō máco darejaquemavū joarō joborōre jocarī, jápiacodo ñai Salomón márcui coyūiye báquede majiéque. Ūbenita Salomón márcui majié pūeno baju bueyūbu yū. <sup>32</sup>Aru Jūmenijicui ñájiovaquijāravū baquinóre pōevare, ne ámeina teiye boje, ina ũmūva mácavū, Nínivecavū bācavū, nacajarajarama ijāravūcavūque aru ámecororājarama náre, ne yure ju abe boje. Ina Nínivecavū bācavū chīori ne ámeina teiye báquede oatūvarejaquemavū, jápiaivū bācavū Jonás márcui coyūiye báquede Jūmenijicui yávaiyede. Ūbenita

Jonás mácuí majié pueno baju bueyubu yu, arejameđa Jesús.

**Jesús ũi bueino pōeva ne đainore ne dápiai nope**

(Mt 5.15; 6.22-23; Mr 4.21; Lc 8.16)

<sup>33</sup>Cojedeca Jesús buedejameđa ina ũque curivure:

—Pōecu pēoibure pēoriburu yóboi, nómemi dibure cobe jívui aru puebu cāchinoi máre. Quénora ñoimi dibure jocuve puenora, ina ecoivu nore ne járajiyepe ayu. <sup>34</sup>Pōeva ne yacorua, pēoinope, járe đaiyu náre, ne memenajiyepa aino aru ne majinajiyepa aino ári ne nuiyede. Pōeva ne yacorua ijetedu náre o ne jáiye bíjaru náre, ye ne memeiyepe aru ne nuiyede máre majibenama. Aru pōeva ne ũme, yacoruafe paino, pēore đaiyu ne dápiaiyepe. <sup>35</sup>Que baru pōecu cainumua dápiaiyepe baru ijārvuquede, ijetede đaiibi ũi ũmene, ũi dápiafe boje cavarō mearo Jūmenijicui curōquede. Aru ñai pōecu ũi ũmene bíjacuyume. <sup>36</sup>Que baru pōeva ne jámenu ne yacoruaque ámenotamu. Ũbenita pueno ámenotamu ne ũme ñemino maru, arí buedejameđa Jesús.

**Jesús ũi boro coyurí adaino fariseovare aru Jūmenijicui yávaiye báquede bueipōevare**

(Mt 23.1-36; Mr 12.38-40; Lc 20.45-47)

<sup>37</sup>Jesús ũi yávariburu yóboi, cūinácu fariseovacacu “Ácudajacu” ayu, órejarejameđa ũre ũi cūrami. Que baru Jesús ecorí, dobarejameđa tuoiva yebai. <sup>38</sup>Aru ñai fariseo ámeina járejameđa ũre, ũi cojabe boje ũi ñquiye jípoai. <sup>39</sup>Aru Jesús arejameđa ũre:

—Muja fariseova joaivubu muje ũcuidoare, aru jororuafe máre puenomia, pōeva ne jáiyede. Ũbenita muja tatoiyurivubu apevu ne cūvaede. Que teni ámeno baju đaiivubu muja. Mearo đaiye apevure mearotamu joare đaicōjeiye pueno. <sup>40</sup>iÁrumevu muja! Ñai Jūmenijicu cuedayu maje baju puenocarōre cuedarejaquemavu jívcarōre, maje ũmene máre. <sup>41</sup>Ũbenita

mujē cūvaede jívcuquede jíjárā cōmaje árojarivure. Nópe đaiyu mearo dápiai curājaramu muja. Que baru mearo baju đaiivubu muja.

<sup>42</sup>iMuja, fariseova, ámeno ñájino cūvarājaramu muja! Caiye mujē oteiyoca, quíjiyoca, bojecubeyoca, caipucapuruape paiyocare cūvarivu, cūináyocare jíyavũ Jūmenijicure. Ũbenita mearo đaiivure apevure aru jescuéde Jūmenijicure máre árumevu muja. Caipucapuruape paiye mujē cūvede jocarí, cūinárore Jūmenijicure jíye javvu mujare. Ũbenita pueno baju javvu mujare mujē mearo đaiye apevure aru mujē jescuéde Jūmenijicure máre. Que đaru me cojuquiyebu Jūmenijicure.

<sup>43</sup>iMuja, fariseova, ámeno ñájino cūvarājaramu muja! Mujē ũe boje dobae mearoa baji judfovai cójjiñamiare aru mujē ũe boje pōeva ne jacoyuiyede mujare tãibui, ñájinajaramu muja. Ñájinajaramu mujē ũe boje apevure ne dápiaiyepe mujare mearape apevu pueno.

<sup>44</sup>iÁmeno ñájino cūvarājaramu muja! Yaivu bācavu ne jobocobeape paivu. Pōeva cuivubu dicobea puenora, jámevva. Que baru ne cuiyede jaruvaino puenora majibema na. Nopedeca pōeva cuivubu mujē yóboi, ũbenita mujē ũmene jámevva. Que baru mujē ámeina dápiaiyepe majibema na, arejameđa Jesús, náre bueyu.

<sup>45</sup>Aru cūinácu pōecu, Jūmenijicui đaicōjeiyepe majicu, arejameđa Jesúre: —Mu, bueipōecu, mi que aiyē ámecoroivu ñujare máre, arejameđa Jesúre.

<sup>46</sup>Aru Jesús arejameđa náre: —Muja, Jūmenijicui đaicōjeiyepe majidivu máre ámeno ñájino cūvarājaramu muja, mujē đaicōjeiye boje apevure ne đaiyu buojabede. Ũbenita mujavacari ye cadatebevu náre. Que baru muja máre ñájinajaramu.

<sup>47</sup>iÁmeno ñájino cūvarājaramu muja! Muja đaiivubu meadamia cūramiare ina Jūmenijicui yávaiyede coyucaipōeva mácavu ne jobocoba

báque pñenoí, pueðarājivü na mácavüre. Ûbenita mujeñecuva mácavu boarí jarüvarejaquemavu na mácavüre.

<sup>48</sup>Muje ðaiyede diñamiare, jáðovaiübu ju aivüre ne ãmeina teiye báquede, ne boarí jarüvaiye báquede Jümenijicüi yávaiyede coyücaipöeva mácavüre.

<sup>49</sup>Que baru Jümenijicüi üi majiéque arejaquemavu yöpe: “Jarocuyümu yüre yávaiyede coyücaipöevare aru ji yávaiye méne beorí coyüicöjeimarare máre. Apevu ina yüre yávaiyede coyücaipöevacavüre aru ina ji yávaiye méne beorí coyüicöjeimaracavüre máre ãmeina ðarí, boarí jarüvarājarama náre”, arejaquemavu Jümenijicüi.

<sup>50</sup>Ne nópe ðaiye boje, Jümenijicüi yaicöjecuyüme ijäravucavüre ijärvüre ðarí buiyedata.

<sup>51</sup>Apecü üi boarí jarüvaiye báque boje ñai Abel bácuere, aru apevu ne boarí jarüvaiye báque boje caivü Abel bácuí yóbocavu bácavüre máre pu Zacarías bácu bajita, ñai ne boarí jarüvaimü mácu Jümenijicüi cürami táibu coricai, jáve coyüyübu mujare: Ijäravucavu ñájinajarama ne boarí jarüvaiye báque boje.

<sup>52</sup>¡Muja, Jümenijicüi ðaicöjeiyede majidivü, ãmeno ñájinu cüvarājaramu muja! Jümenijicüi majiéde bueivüvacari, coyüiyübevübu muja apévüre, ne majibenajiyepe aivü. Jáve Jümenijicüi majiéde majibevü, majidivüpe teivüvacari, apévüre máre majicöjemevübu, arí buedejameða náre Jesús.

<sup>53-54</sup>Jesús üi yávaríburu yöboi nürejameða nore jocarí. Aru no yöboi ina Jümenijicüi yávaiye báquede bueipöeva aru ina fariseova máre pare cãrijovari jëniari járejaimaða üre, boro coyurí ðaiyürídivü üi yávaiye boje.

### Jesús üi coyüino borocurí majiéde

(Mt 16.6; Mr 4.22, 8.15; Lc 8.17)

**12** <sup>1</sup>Dinümu obedivü pöeva cójjivü ne baju cüraryeyede, Jesús, yöpe arí, coyurí búrejameða üi bueimarare:

—Me ðajarä. Me jájara, muje ðápiabenajiyepe yöpe ina fariseova ne

ðápiayepe. Nácapüravu ðápiavaivübu aipe ðarí jujovarājivü apévüre. <sup>2</sup>Caiye jáðovame máque jároquiyebu. Aru dupiövaiye báquede máre majinajarama caivü pöeva. <sup>3</sup>Que baru caiye muje aipe báquede ñeminói, jápiarājarama caivü pöeva Jümenijicüi coyüre ðayüre dieðe miadároi. Caiye muje jüjuvaiye báquede máre tucubüa jívüi apévüre jocarí, jápiarājarama caivü pöeva Jümenijicüi coyüre ðayüre dieðe ne cójjinói, arejameða Jesús.

### Jesús üi coyüino pöeva ne

#### jidurājimüre

(Mt 10.26-31)

<sup>4</sup>Jesús coyürejameða náre cojedeca: —Muja, ji yövaimarare, coyüyübu mujare yöpe: Jidübejarä ina boarí jarüvavüre muje bajure aru apeno ðarí buojabevüre. <sup>5</sup>Ûbenita coyüquijivü mujare muje jidurājimüre: Jidüjarä Jümenijicüre, ñaine muje baju yainíburu yöboi jarüvarí buojayüre toabo cüiméboi. Jáve coyüyübu mujare: ¡Jidüjarä üre! arejameða Jesús.

<sup>6</sup>Aru cojedeca Jesús arejameða náre: —Yócvü bojeðaiüvü cüináprüpe paivü mójina quíjinare pücatürava táutüraturava bojecubeturavaque. Aru Jümenijicüi ärümetebebi caivü ina mójinare. <sup>7</sup>Jümenijicüi majibi caiye poðamea cüede muje jipobüi máre. Que baru jidübejarä. Muja bojecurivütamu caivü mójina obedivü pñeno, muje üme yaibé boje, arí buedejameða náre Jesús.

### Jesús üi coyüino üre ju aivüre aru ju abevüre

(Mt 10.19-20, 32-33, 12.32; Mr

3.29, 13.11; Lc 21.14-15)

<sup>8</sup>Bediöva cojedeca Jesús, yöpe arí, coyürejameða ina üque cürivüre: —Coyüyübu mujare: Caivü ina ju aivüre yüre pöeva ne jáiyede, yu máre, Jümenijicüi ðaroimü mácu ümüre, náre ju acuyümu Jümenijicüi ángeleva ne jáiyede. <sup>9</sup>Ûbenita caivü ina ju abevüre yüre pöeva ne jáiyede, yu máre náre ju abevübu Jümenijicüi ángeleva ne jáiyede.

<sup>10</sup>Caivũ ina ãmeina yávaivũre yũre, Jũmenijicũi daroimũ mácũre ãmũpe, Jũmenijicũ ãrũmeteibi ne ãmeina teiyede. Ëbenita ina ãmeina yávaivũre ñai Espĩritu Santore, Jũmenijicũ ãrũmetebebi ne ãmeina teiyede.

<sup>11</sup>Aru ne jẽni nũvaiyede mujare judfovai cõjijiñamia yebai, aru ãmeina teivũre jẽniari jáipõeva jipocai, aru jabova jipocai máre, “¿Aipe coyũrãjidi náre?” arĩ cãrijimejara muja. <sup>12</sup>Dinũmũ maquinõmareca ñai Espĩritu Santo majicacũyũme mujare iye muje coyũrãjiyede náre, arejameđa Jesús.

**Jesús ãi coyũino apejẽ  
uraro cũvaru jidojarõre**

<sup>13</sup>Cũinácũ ina põevacacu arejameđa Jesũre:

—Mu, bueipõecu, ñũjepacu yayiú bácũ, ãi cũvaede dajocame. Aru jimamicũ ñame caiye diede. Que baru coavaicõjejacũ jimamicũre die ãi cũvaede yáque, arejameđa Jesũre.

<sup>14</sup>Ëbenita Jesús arejameđa ãre:

—¿Ñame yũre epeđi ãmeina teivũre jẽniari jáipõecupe o coavaipõecupe mujare? arejameđa Jesús.

<sup>15</sup>Aru arejameđa ina obedivũ põevare:

—iMe jájara! Æujimejara muja. Põecu ãi apuẽ ãmevũ ãi urarõ cũvaeque, arejameđa Jesús.

<sup>16</sup>Que baru ne jápiarĩ earãjiyepẽ ayũ, yõpe arĩ, jári dápiarĩ ne ðarãjiyepẽ ainore coyũreameđa Jesús:

—Cũinácũ ãmũ cũve cũvacũ urarõ oteiyede iquemavũ ãi jiore. <sup>17</sup>Que teni dápiacquemavũ ãi baju: “¿Aipe ðaji yũ? Caiye iye ji urarõ oteiyẽ epeĩñami cũvabevũ yũ”. <sup>18</sup>Que dápiarĩ, ãi baju yõpe arĩ dápiacquemavũ cojedeca: “Tũvarĩ jarũvaicõjequijivũ ji cũramia epeĩñamiare. Aru tũvarĩ jarũvarĩburu yõboi, ðaicõjequijivũ apedãmia pũeno uradãmiamare. Aru uradãmia jívũi epeicõjequijivũ caiye ji oteiyede aru caiye ji apejẽne máre. <sup>19-20</sup>Aru ji baju dápiarĩ aquijivũ yõpe: ‘Urarõ cũvaede cũvavũ yũ. Yũre apũre ðaiyede cũvavũ yũ obedivũaqueva. Que baru jabuõvarĩ,

ãri, ãcuri, torojave tequijivũ yũ dieque’, aquemavũ”. Ëbenita Jũmenijicũ aquemavũ ãre: “iMu, ãrũmecũ, cari ñamimareca yaiquijivũ mu! Que teni caiye iye mi cũvae bíjaquiyebu mãre”, aquemavũ ãre Jũmenijicũ. <sup>21</sup>Nopedeca vaivũ ãre, ñai põecu jẽñũre ã jieva urarõ cũvaede. Ëbenita Jũmenijicũi jáinoi yẽ cũvabebi ã, arĩ coyũreameđa Jesús.

**Jesús ãi bueino Jũmenijicũi coreiyede  
ãi põevare  
(Mt 6.25-34)**

<sup>22</sup>No yõboi Jesús arejameđa ãi bueimare:

—Coyũyũbu mujare: Cãrijimejara muja apũrivũ muje ãrajiyede, aru muje bajure, muje dorãjiyede. <sup>23</sup>Muje apũrõ ãiye pũeno bojecũrõtamu. Aru muje baju máre doiye pũeno bojecũrõtamu, muje ãme yaibẽ boje. <sup>24</sup>Jãrijide apa ina mĩjinare. Na otebevũreca, aru oteiyede máre ñmevũreca, aru ne oteiyẽ epeĩñamine máre cũvabevũreca, ãbenita Jũmenijicũ jĩbi náre ne ãiyeva. Aru caivũ mĩjina obedivũ pũeno muja bojecũrivũtamũ, Jũmenijicũi pũeno ãe boje mujare. <sup>25</sup>Aru mujacacũ cãrijijũ maru cũinãora cũre ðaiye majibebi ãi cuede ijãravũi. Que baru cãrijiyẽ meamevũ mujare. <sup>26</sup>¿Bũjarĩ ðabevũvacari maiyõjabenore, aipe teni cãrijivũrũ muja muje ðaiye majibede?

<sup>27</sup>Jãrijide apa muja iye cõvũre.

Die bucũiyavũ, mememevacari, aru ne cuitõtõcajearẽ máre naremevacari. Ëbenita coyũyũbu mujare: Iye cõvũa mêtamu, caiye icaje ñai jabocũ bácũ Salomõn mácũi cuitõtõcajearẽ bojecũricajearẽ pũeno. <sup>28</sup>iMujã pare quĩjino ju aivũbu Jũmenijicũre! Jũmenijicũ nõpe mearo ðaibi iye cõriãre, caride dáĩ cuede aru javenare põeva ne juarãjiyede. Nopedeca Jũmenijicũ jícũyũme mujare muje cuitõtõcajearẽ meacajearẽ caiye iye cõvũa pũeno. <sup>29</sup>Que baru cãrijini vobekarã muje ãrajiyede aru muje ãcurajiyede máre. <sup>30</sup>Ina Jũmenijicũre ju abevũ cãrijini vodama caiye iyede, ne ãrajiyede,

aru ne ũcurajiyede máre. ũbenita majepacu Jūmenijicu majibi caiye iye mujare jauéde. <sup>31</sup>ũbenita vojarā mūja Jūmenijicui jaboteinoquede, mūje daiyue boje mearore yópe ũi daicōjeiyere. Aru Jūmenijicu jícuyume mūje ārāj iyede, mūje ũcurajiyede, aru cuitótecajeare máre, arī buedejamedā náre Jesús.

**Jesús ũi bueino maje cūvarājiyede mearo bajure cavarō mearoita**  
(Mt 6.19-21)

<sup>32</sup>Cojedeca yópe arī, buedejamedā Jesús:

—Mūja, jívu, obebejinavacari jidubejarā. Majepacu Jūmenijicu, ũi me boje, epecuyume mūjare jabovava ũi jaboteinumure. <sup>33</sup>Jīni bojedajarā mūje cūvaede aru tāuturare ĩniburu, jíjarā cūve cūvabevure. Que teni cūvarājaramu cainmua mūje cūvae me cūiméne cavarō mearo Jūmenijicui cūrōi, ũavaipōeva ne ĩmenoi aru bocomiva ne āmenoi. <sup>34</sup>Que baru mūje cūvae cūrōre dāpiarājaramu mūje ũmeque máre, arejamedā Jesús.

**Jesúre meateni coreino**  
(Mt 24.43-44, 25.1-13; Mr 13.34-36)

<sup>35</sup>Jesús, yópe arī, buedejamedā ina ũique curivure:

—Meatejarā mūja yópe pōeva ne memenajiye jipocamia ne meateiyere. Buojarā mūje jārióicāvare aru pōojara mūje pōoibure. <sup>36</sup>Đajarā yópe ina memecaiipōeva ne daiyere coreivu ne jabocure, voarājívū maumena ũi copaiyede purubuořī torojuve teinore jocarī. <sup>37</sup>ũai jabocu darī earu ina ũre memecaiipōeva coreivure, torojurājarama na. Jāve coyuyubu mūjare: ũai jabocu buocuyume ũi jārióicāvare. Aru náre dobaicōjenī tūoiva yebai, jícyume ne ārāj iyeva. <sup>38</sup>Que teni ũai jabocu ũi daiyede ũami coricai o miadáe tuiyede, ina memecaiipōeva coreivu baru ũre, me torojurājarama na, ũi mearo đacaquiye boje náre. <sup>39</sup>Me dāpiarā iyede: ũai cūrami upacu

majibebi aipiyeđe ũavaipōescu dacyure. Majicu baru ũavaipōescui daquiyeđe, coreni, ecoicōjemeni, ũavaicōjemejebu ũi cūramiquede. <sup>40</sup>Ūm máre, Jūmenijicui daroimū mácu ũmure, dacyumtu yure mūje corebenumure. Que baru meateiyere jauvu mūjare máre, arejamedā Jesús.

**“Memecaiipōescu ju ayure aru memecaiipōescu ju abecure” jāri dāpiarī ne đarājiyere aino**  
(Mt 24.45-51)

<sup>41</sup>Pedro jēniari jārejamedā Jesúre:

—Mū, ũuje jabocu, ĩcoyucacurū mu yo jāri dāpiarī pōeva ne đarājiyere aino mácārōre ũujare? ĩO coyucacurū yore caivure? arejamedā Jesúre.

<sup>42</sup>Aru Jesús arejamedā ũre:

—Coyuquijívū mūjare ũi borore ũai memecaiipōescure ju ayure ũi jabocure aru majicure máre. ũai cūrami upacu coreicōjecuyube ũai memecaiipōescu majicure, ũi jíquiyepe ayu yebacavure ne ārāj iyeva caijārvua. <sup>43</sup>ũai cūrami upacu copaini dayu, earu ũre memecaiipōescure đayure yópe ũi cōjeinore, torojucuyube ũai memecaiipōescu, cūrami upacu ũi jíquiyepe boje ũre bojedaino mearore. <sup>44</sup>Jāve coyuyubu mūjare: ũai cūrami upacu coreicōjecuyube ũai memecaiipōescure caiye ũi cūvaede. <sup>45</sup>ũbenita apescu memecaiipōescu, ũai ju abescu ũi jabocure, “Ji jabocu maume dabecube” arī, āmeina đayū baru ũi yebacavure aru yebacārōmivare máre, urarō āri aru ũcuri pacotecuyube ũ. <sup>46</sup>Que teiyede, ũi jabocu dacyube ũai memecaiipōescu ũi corebejaravu baquinói aru ũi majibeora baquinói máre. Aru jaruvaicōjecuyube ũre noi, Jūmenijicure ju abevure ne jaruvainoi, ũi ũajiquiyere ayu.

<sup>47</sup>Que baru ũai memecaiipōescu majicureca ũi jabocui urōre, ũbenita ũi mememenu, aru ju abedu ũre, ũai jabocu pare jara popeicōjecuyube ũre. <sup>48</sup>ũbenita ũai memecaiipōescui majibedu ũi jabocui urōre, aru āmenore đaru, majiédā jara popeicōjecuyube ũre. ũai majicure ũi jabocui urōre đaiye jauvu ũi

majiépe. Aru ñai pōeva ne jímũ mácure uraró, jacopaiyovaiye jaũvũ náre coapa cojedeca, arejameđa Jesús, náre bueyũ.

**Jesús ùi coatede ðaino pōevare**  
(Mt 10.34-36; Mr 10.38)

<sup>49</sup>Cojedeca Jesús coyurejameđa náre:  
—Darejacacu yu ijāravui, Espírítu Santo ùi daquiyepẽ ayũ ijāravucavũre. Aru pare vuvũ yu ùi daquiyede ùi ure paruéque. <sup>50</sup>Ubenita mamarũmũ uraró ñájiye jauquiyebu yure. Nájivu yu caride, aru ñájiquijivu ji ñájiye buojaiyeta. <sup>51</sup>¿Dápiavurũ muja yu dayu bácare cārijimene ðacuyũ ijāravucavũre? Jāve coyũyũbu mujare: Ji daiye báque boje ijāravui, pōeva coatenajarama ne baju. <sup>52</sup>Que baru cūinápũrũpe paivũ cūinádami cūramicavũ maucũvarājivũbu ne baju yure boje. Pucarā ádamatenajivũbu apẽvũ yóbecũrāque. <sup>53</sup>Apẽvũ nácavũ ju arājivũbu yure. Ubenita apẽvũ nácavũ ju abenajivũbu yure. Que baru népacũ ádamatequijibi mamacuque. Aru mamacu ádamatequijibi jípacũque. Népacũ ádamatecojibico mamacoque. Aru mamaco ádamatecojibico jípacũque. Mamacũ márepaco ádamatecojibico òi vácoque. Aru òi vácore ádamatecojibico óque, arejameđa Jesús.

**Jesús ùi coyũino meajāravũre aru  
amejāravũre**  
(Mt 16.1-4; Mr 8.11-13)

<sup>54</sup>Jesús arejameđa ina obedivũ pōevare:  
—Mũja jáivũ ocopenibo nacajainore aviá doinoi, cūiná aiyavũ muja “Ocaquiyebu”. Aru nopedeca ocaiyavũ no. <sup>55</sup>Aru mũja jáivũ ùmevũ japuĩnore aviá daino cācopũravũre jocarĩ, aiyavũ mũja “Pare bo daivũ. Meajāravũ daivũ”. Aru nopedeca boiyavũ no. <sup>56</sup>iMũja, jũjovavũtamũ! Joboróquede aru cavaróquede máre coreóvavũvacari, ubenita pare coreóvavũvũbu mũja ijāravui vaiyede, arejameđa Jesús.

**Mauvare mearo maje ðaino**  
(Mt 5.25-26)

<sup>57</sup>Jesús arejameđa náre cojedeca:

—¿Aipe teni meadabenarũ muje ðaiyede caride muje majinomia? Meadajarā muje ðaiyede caride yópe muje majinope. <sup>58</sup>Mũjacacu nuñũ maru úre amecoroyũque jabova ne ámeina teivũre jēniari jáiñami, “Meadarājavẽvũ” ajacurĩ úre, ùi nuvamequiyepẽ ayũ úre jabova ne ámeina teivũre jēniari jáipōecũre, aru ùi jēni jíbequiyepẽ ayũ úre churaravare, aru ne jarũvabenajiyepẽ ayũ úre ámeina teivũre jēni jacoĩnami jívui. <sup>59</sup>Coyũyũbu mujare: Ne buoru úre ámeina teivũre jēni jacoĩnami jívui, etabecube pur bojedayuta caiye iye ùi bojecũbe ðaiyede, arejameđa náre Jesús.

**Muje ámeina ðaiyede  
chĩoino méne oatũvaino**

**13** <sup>1</sup>Dinũmũ apẽvũ pōeva, Jesús yebai járanurĩ, úre coyurejaimađa ñai jabocũ Pilato ámicũcũ ùi boarĩ jarũvayede apẽvũ Galilea ámicurijoborócvare aru ùi jívaino mácarõre ne jivede áimara jiveque, diede juaicõjēni pueðarĩducũyũ Jũmenijicũre. <sup>2</sup>Aru Jesús arejameđa náre:

—¿Dápiavurũ mũja ina Galileacavũre, Pilatoĩ boarĩ jarũvaimara mácavũ, ámena mácavũ bajure apẽvũ Galileacavũ pũeno? <sup>3</sup>Coyũyũbu mujare: ¡Que ámevũ! Mũja chĩori dápiarĩ muje ámeina teiyede jarũvarĩ oatũvabevũ baru, napedeca ñájinajaramu mũja. <sup>4</sup>¿Aru dápiavurũ mũja ina dieciocho paivũ tũimara mácavũre cũrami ùmũjũriñami Siloé ámicurócadami ámena mácavũ bajure caivũ apẽvũ Jerusalécavũ pũeno? <sup>5</sup>Coyũyũbu mujare: ¡Que ámevũ! Mũja chĩori dápiarĩ muje ámeina teiyede jarũvarĩ oatũvabevũ baru, napedeca ñájinajaramu mũja, arejameđa Jesús.

**“Higueracũre” jári dápiarĩ  
ne ðarājiiyepẽ aino**

<sup>6</sup>Apeno jári dápiarĩ ne ðarājiiyepẽ ainoque, yópe arĩ, buedejameđa Jesús:  
—Cūinácu ùmũ cuvatequemavũ higuera ámicuricũre ùi jioi. Aru



cūinájāravu nuri vorīduquemavu dīcu jēiduare. Ūbenita eabetequemavu diduāre. <sup>7</sup>Que teni aquemavu jiore memecaipōecure yōpe: “Jájacu. Yōbecurīyūa coapa vocudarīduivū yu jēiduare icu jocucure. Ūbenita cainūma eabevū yū. Jēidua cubevū dīcu. Que baru icu hīgueracure coenī jaruvajacu mū. ¿Aipe teni bījaji yū jī jōborōre icu āmecu boje?” aquemavu nīai jabocu memecaipōecure. <sup>8</sup>Ūbenita nīai memecaipōecu aquemavu ūre: “Mū, jī jabocu, dajocajacu icu hīgueracure iūju bajure cāreja. Ūiyūvu yu icu yebai. Aru etejuede māre epeiyūvu yu dīcure. <sup>9</sup>Que teni areyū jēidua bucūru, meaquīyebu. Ūbenita areyū jēidua bucūbedu, coenī jaruvaicōjejacu icu hīgueracure”, aquemavu nīai memecaipōecu, arejameđa Jesús.

**Jesús ūi meadaino tūijidū ijimore judfōva ne jabuóvaijāravūi**

<sup>10</sup>Dinumu Jesús bueyu barejameđa cūinādami judfōvai cōjijīnami jīvūi ne jabuóvaijāravūi sábadoi. <sup>11</sup>Aru nore cūrejacođa cūināco nomío abujucu ūi ijide đaimo. Nāi abujucure cūrejacođa ō dieciocho paiyūa baju. Ō tūijidū barejacođa. Nurié núco oabedejacođa ō. <sup>12</sup>Jesús ōre jáññ, cuturejameđa ōre ūi yebai. Aru arejameđa:

—Mū, nomío, meadaimomu mū mi ijinore, arejameđa Jesús.

<sup>13</sup>Que arī, tuorejameđa ōre ūi puruáque. Aru cūinā nurié núrejacođa ō. Que baru torojuede jīdejacođa Jūmenījicure. <sup>14</sup>Ūbenita nīai judfōvai cōjijīnamine coreipōecu Jesúre jarayū, ūi meadaiye boje jabuóvaijāravūi, arejameđa ina pōevare:

—Seis paijāravūa cūvū, mūje memejāravūa. Memejāravūai meatenadajarā mūja. Ūbenita jabuóvaijāravūi meatenadabejarā, arejameđa ū.

<sup>15</sup>Aru Jesús arejameđa ūre: —iMūja jūjovaiūtamu! Caivū mūja mūje oteivecure o mūje burrore māre ūi āitōcure jōdeni jocarī, ocore

jīnanūvaiyavū mūja jabuóvaijāravūi.

<sup>16</sup>Quédeca ico nomióre, Abraham mácuī pāramenacacore, abujuvai jabocu ūi đaicōjeimo mácore dieciocho paiyūa baju, meadaiye javū ōre jabuóvaijāravūi, arejameđa Jesús.

<sup>17</sup>Ū que ayure, caivū ūi mauva cūyoje tedejaimađa na. Aru caivū ina obedivū pōeva pare torojurejaimađa caiye iye ūi đarī majibede đaiye boje.

**“Oteiyabe mostazare” jári dāpiarī ne đarājiyepē aino**

(Mt 13.31-32; Mr 4.30-32)

<sup>18</sup>Bedióva Jesús arejameđa:

—Coyuquijivū mūjare aipe ārojarore yo Jūmenījicūi jaboteinore. Jári dāpiarī mūje đarājiyepē ainore coyuquijivū mūjare, mūje majinajiyepē ayū. <sup>19</sup>Yōpe mostaza āmicurīyabe oteiyabepebu. Cūinācu ūmū diyabede īni oteibi ūi jioi. Aru bucūrī muivū jocucupe. Dīcu cavabūa ūracavabūa nuivū. Aru dīcu taino cāchīnoi mājina ne juaiboa đadama, arejameđa Jesús.

Nopedeca mamarūmure Jūmenījicūi jaboteino quījīnotamu, pōeva obebevu ne cue boje noi. Ūbenita Jūmenījicūi yāvaiye méne coyurīburu yōboi ūrarōtamu no Jūmenījicūi jaboteino, obedivū pōeva ne cue boje noi.

**“Páure bucure đaiyede” jári dāpiarī ne đarājiyepē aino**

(Mt 13.33)

<sup>20</sup>Bedióva cojedeca Jesús arejameđa:

—Jári dāpiarī mūje đarājiyepē ainore coyuquijivū yo Jūmenījicūi jaboteinore. Yōpebu nomío ōi páure bucure đaiyepē. <sup>21</sup>Diede adarī jīvaiyepēbu yōbecurīcurubūa páu đaicurubūare. Aru caino jīvāibore bucūvāinopebu, arejameđa Jesús.

**Jesús ūi bueino jedevacobe quījicobede**

(Mt 7.13-14, 21-23, 8.11-12, 19.30, 20.16, 22.13, 25.30; Mr 10.31)

<sup>22</sup>Jesús ūi nuīyede Jerusalén āmicurīmaroi, ūi vaiyede imaroare

aru ñmajinoare máre, buedejameđa nócavüre. <sup>23</sup>Aru cüinácu pöescu jëniari járejameđa úre:

—Mu, ñuje jabocu, ¿obebevu báräjídica na, Jümenijicui meadaimara márajivu? Jesúre arejameđa.

Aru Jesús arejameđa caivu ina pöevare:

<sup>24</sup>—Ecojará muja jedevacobe quíjicobei. Norecabu Jümenijicui jaboteino. Соууубу мујаре: Obedivu ecoiyuridurájarama nore. Ùbenita buojabenajarama. <sup>25</sup>Cüinácu cürami upacu bieniburu yóboi úi jedevacobede ñamine, voaiyubebi dicobede cojedeca. Nopedeca Jümenijicu úi jaboteino ecoiyede bieniburu yóboi, voabescuyme muja núrivüre jedevai. Órejarájaramu úre pare: “Mu, ñuje jabocu, voajacu ñujare”. Ùbenita Jümenijicu acuyume mujare: “Jívu ámevu muja. Muje dainore majibevu yu”, acuyume ú. <sup>26</sup>Dinumure yópe arí bárájaramu muja: “Ñuja ári aru úcuri tecará múque aru ñuje ñmaroa ma écarui bueávü mü ñujare”, arájaramu.

<sup>27</sup>Ùbenita ú acuyume: “Соууубу мујаре: Jívu ámevu muja. Muje dainore majibevu yu. ¡Que baru caivu muja ámeina teivu ñujara yure jocarí!” acuyume ú.

<sup>28</sup>Chíoivu orí curájaramu muja nore. Aru jararí cöpi cürajaramu muja jáivu náre; Abrahäre, Isaare, Jacore, aru caivu ina Jümenijicui yávaiyede соуцаирөвәре máre, curivüre Jümenijicui jaboteinoi. Ùbenita mujacapüravu mautenajaramu jedevai. <sup>29</sup>Aru darájarama pöeva, cainoa joboróacavu. Dobarájarama úi tuoiva yebai, árajivu úi torojuve teinumure Jümenijicui jaboteinoi. <sup>30</sup>Dinummu maquinóre apevu jabotebevu bácvu ijárovüre jabotenajarama Jümenijicui jaboteino edaiyede. Aru apevu jaboteivu bácvu ijárovüre jabotebenajarama Jümenijicui jaboteino edaiyede, arejameđa Jesús.

**Jesús úi oino, Jerusalécavüre jescucu**

(Mt 23.37-39)

<sup>31</sup>Dinummu apevu ina fariseovacavu nurejaimađa Jesús yebai. Aru arejaimađa úre:

—Herodes boarí yaiváiyubi mure. Que baru dupini ñujacu mü yore jocarí, arejaimađa na.

<sup>32</sup>Ùbenita Jesús arejameđa náre:

—Yópe aráñujara áñu borocucure: “Jesús ñujare aicöjeimi mure yópe, ‘Abujvare jaruvavu yu aru pöevare meadavu yu caride aru javenare máre. Aru yóbecurijárovua yóboi ji ðaiyede buojaquijivu. <sup>33</sup>Ùbenita mái ñuiye javvu yure caride, javenare, aru javena cömiájárovüre máre. Cüinácu Jümenijicui yávaiyede соуцаирөвәре yainí buojabecube Jerusaléne jocarí. Que baru ñuquijivu yu Jerusaléi, ina Jümenijicui yávaiyede соуцаирөвәре márcavüre ne boarí jaruvainoi, pöeva ne boarí jaruvarájiiyere ayu yure’, ajará Herodede”, náre aicöjenejameđa Jesús.

<sup>34</sup>Aru arejameđa Jesús:

—iMuja, Jerusalécavu, mujeñecuva mácvu boarí jaruvarejaquemavu ina Jümenijicui yávaiyede соуцаирөвәре mácvure! Cüraboaque duvarí boarí jaruvarejaquemavu ina Jümenijicui daroimara mácvure. Aipiye baju cójjiovaiyuriduvu yu mujare ji yebai, yópe cáyuco ói cójjiovaiyere mamarare ói caveba cächinoi. Ùbenita ùbeteavü muja. <sup>35</sup>Jájara. Dinummu maquinóre muje curóre Jümenijicu dajocarí jaruvacuyme. Aru соууубу мујаре: Yure jámenajaramu muja cojedeca pu jáðovacudayure meacu bajure jáivuta. Dinummu maquinóre arájaramu yópe: “Torojue bajadéni ñai dayure Jümenijicui ámiái, úi paruéque”, arejameđa Jesús.

**Jesús úi meadaino cocoroyüre**

(Mt 12.11)

**14** <sup>1</sup>Cüinájaravu, judío vai jabuóvaijárovu sábadoi, Jesús áscunrejameđa cüinácu jabocu, fariseovacacui cürami. Ina jabova nore curivu cocorejaimađa úre, úi ámeina tedu, boro соууури адарájivu úre. <sup>2</sup>Aru cüinácu úmu pare ijimü járorejameđa nore, úi ámuvea aru úi áraðoa máre pare cocororejavüya úre. <sup>3</sup>Úre jáñu Jesús, jëniari járejameđa ina Jümenijicui

yávaiye báquede bueipōevare aru ina fariseovare máre, noi curivure, yópe arí:

—¿Meadaíe jauri pōevare judíovai jabuóvaujāravu sábadoi? arejameđa Jesús.

<sup>4</sup>Ūbenita bi arejaimađa na.

Dinũmũma Jesús ñai ijimure jēni meadarejameđa. Ūi meadarĩburu yóboi, nuicōjenejameđa ũre. <sup>5</sup>Aru Jesús arejameđa náre:

—¿Ácu mũjacacu mamacu o ũi oteivacu máre turu cobe ũmũjericobe jĩvui, cūiná ĩmeje báraca ũre judíovai jabuóvaujāravure? arejameđa Jesús.

<sup>6</sup>Ūbenita bi arejaimađa na.

**“Cutuimara torojũve teinoi” jári dápĩarĩ ne đarājĩyepẽ aino**

(Mt 23.12; Lc 18.14)

<sup>7</sup>Dinũmũre Jesús járejameđa ina cutuimara voivure apevu pũeno ne dobarō mearova. Que baru coyurejameđa náre yo jári dápĩarĩ ne đarājĩyepẽ ainore:

<sup>8-9</sup>—Apecu ũi cuturu mũre ũi torojũve teinoi, apevu pũeno dobabejacu dobarō mearoi. Que đaru, ñai torojũve teino upacu cutuyũ baru apecu ũmũre, mi pũeno ne majimũre, acũyũme mũre: “Jĩjacu mi dobarōre ñai ũmũre”. Que teni cũyoje teni dobacũnjebũ mũ tũrũvaita. <sup>10</sup>Ūbenita apecu ũi cuturu mũre ũi torojũve teinoi, dobajacu tũrũvai. Que đaru, dacũyũme mi yebai ñai cutuyũ bācu aru acũyũme mũre: “Jĩcu, nũjacu pũenomaque. Vojacu mi dobarō mearova”. Que teni torojũrĩ járajarama mũre caivu dobarivu mũque tũoiva yebai. <sup>11</sup>Que baru ñai cũiyũcu me apevu pũeno, parũbecũyũme pũeno baju. Aru ñai parũbede đaiyũcu ũi baju apevu cāchino, me cũcũyũme pũeno baju, Jũmenijĩcui mearo đacaquiye boje ũre, arejameđa Jesús.

<sup>12</sup>Aru ñai ũre cutuyũ bācure máre arejameđa Jesús:

—Mi torojũve teinũmũ, cutubejacu mũ mi yóvaimarare, aru mívure, aru mi cađajĩecavu cũve cũvarivure máre. Que đaivu baru, nācapũravũ ne cuturājĩyede

mũre máre ne torojũve tenajĩyede, cũvacũyũmu mũ mi bojeva. <sup>13</sup>Ūbenita mi torojũve teinũmũ cutujacu ina cōmaje ārojarivure: cũve cũvabevũre, ijimarare, cuiye majibevũre, aru jári eabevũre máre. <sup>14</sup>Aru torojũcũyũmu mũ. Nācapũravũ buojabenama bojeđaivu mũre. Ūbenita eacũyũmu mũ mi bojeva ina boropatebevũ ne nacajarajĩjāravũ baquinóre yainore jarũvarĩ, arejameđa Jesús.

**“Ūrarō āinore” jári dápĩarĩ ne đarājĩyepẽ aino**

(Mt 22.1-10)

<sup>15</sup>Cūinácu ũque curivucacu, Jesús ũi que aiyede járiayũ bācu, arejameđa Jesũre:

—ĩTorojũcũyũme ñai ācũyũ Jũmenijĩcui jaboteinore! arejameđa ũ.

<sup>16</sup>Jesús, ũre buescũyũ, arejameđa:

—Apevũmũ cūinácu ũmũ torojũve teinore meadaquemavũ. Aru cutuquemavu obedivu pōevare. <sup>17</sup>Que teni ne āiora joabejĩnoi ñai torojũve teino upacu ũi yebacacure jaroyũ, aicōjequemavũ ũi cutuimarare yópe: “Jave meadacavu caiyede mũjare, que baru ‘Áradajarā’ aibi ji jabocu”, ajacu, aquemavũ ũ. <sup>18</sup>Ūbenita ina ũi cutuimara coara coyũrĩ bāquemavũ nũiyũbevũ ũi torojũve teinore. Cūinácu ũi cutuimaracacu aquemavũ: “Mamajiore bojeđavu yũ. Que baru jácũnũiye jaũvũ yũre no jiore. Que baru coyũjacu mi jabocure, ũi corebequiyepe yũre”, aquemavũ ũ. <sup>19</sup>Aru apecu aquemavũ: “Cairũcarũrũare paivu oteivescũvare bojeđavu yũ. Que baru jácũnũiye jaũvũ yũre náre. Que baru coyũjacu mi jabocure, ũi corebequiyepe yũre”, aquemavũ ũ. <sup>20</sup>Aru apecu aquemavũ: “Pũrũbuovũ yũ. Que baru daiye majibevũ yũ mi jabocui torojũve teinoi”, aquemavũ ũ. <sup>21</sup>Que teni ñai ũi yebacacu copaini coyũquemavũ caiye iyede ũi jabocure.

Ūi coyũiyede járiayũ bācu ñai jabocu, jararĩ dápĩayũ, aquemavũ ũi yebacacure: “Maumejiena nũjacu ĩmarocama ũramai

aru quíjimai máre. Aru davajacu ina cõmaje ãrojarivure: cãve cãvabevure, ijimarare, jári eabevure, aru cuiye majibevure máre”, aquemavu ñai jabocu. <sup>22</sup>Ñai yebacacu ñi copaiyede, aquemavu ñi jabocure: “Mũ, ji jabocu, yópe mi cõjeiyepe ðavu yũ. Æbenita mi ãitucubu buibévu cãreja”, aquemavu ñai yebacacu. <sup>23</sup>Aru ñai jabocu aquemavu ñi yebacacure: “Ímarore jocarĩ nujacu mũ. Ma nuimai nujacu aru daicõjejacu põevare ji torojũve teinoi, ji cõrami buiquiyepe. <sup>24</sup>Сочууабу муре: Саиву ina ji cutuimara mãcavu ãmenajarama ji torojũve teinoque ãiyede”, aquemavu ñai jabocu, arejamedã Jesũs.

#### Jesúque nũru ñãjiovaino

(Mt 10.37-38; 16.24; Mr 8.34; Lc 9.23; Jn 12.24)

<sup>25</sup>Mái nu iyede obedivu põeva yõvarejaimada Jesũre. Aru ñi copedini, jári, arejamedã náre:

<sup>26</sup>—Ácu põecu ñi daru ji yebai, ji bueimaracacu bacũyũ, yure jesuẽ jaũvu ãre caivu pũeno baju. Que baru ñjacurĩ yure jípacu, jípacu, jímarepaco, mamara, jíburã, ímara, aru ñi baju máre pũeno baju. <sup>27</sup>Ácu põecu daiyũcu yũque, ðajocajacurĩ põeva ne mearo jáiyede ãre, cãyebejacurĩ yure yõvaiyede, aru jíðubejacurĩ ñi ñãjiquiyede. Nõpe ðabecu baru, ñ buojabebi jícu bacũyũ. <sup>28</sup>Ácu mũjacacu cõrami uraðãmi ðaiyũcu baru, ðãpiarĩ dobajebu, corevacũyũ aipino bojecurõre ðĩnamine aru ñi buojaquinore máre. <sup>29-30</sup>Iñamine ðarĩ búriburu yõboi, ñai cõramine ðayũ ñi buojabedu, caivu ina jáivu ãre yurinajarama yópe aivu: “Ñai ãmũ cõramine ðarĩ búcube. Æbenita buojabebi caride”. <sup>31</sup>Aru ácu jabocu ðãpiarĩ dobajebu, ñ jina caipũcarũnãre paimil baju churaravaque boaiyũcu baru apescu jabocu veinte mil paivu baju churarava cãvacũque ãdamatecũdayũ ãre. <sup>32</sup>Aru boarĩ buojaiyũbecu baru ñi boro nuvaipõevare coyurĩ jarocũyũme ñi maucu joai cuedeca cãreja, “Boaiyũbevũ yũ” arĩ jaroyũ. <sup>33</sup>Que baru me ðãpaiaye

jaũvu mũjare jipocamia, ji bueimara mãrajivu baru. Mũja ðajocabevũ baru mũje cãvaede, ji bueimara teivu buojabenamu mũja, arejamedã Jesũs.

#### “Yuquirare” jári ðãpiarĩ ne ðarãjiyepe aino

(Mt 5.13; Mr 9.50)

<sup>34</sup>Bediõva cojedeca arĩ buedejamedã Jesũs náre:

—Meaðaivu maje ãiyede yuquiraque. Nopedeca ñãjiye meadaivu põevare. Yuquira maje ãiyede meadaivu. Æbenita yuquira vaijue bĩjaru, ãiyede meadaie buojabevũ. <sup>35</sup>Joborõre aru oteiye ãrojũrõre máre meadaie buojabevũ. Quédata põeva jarũvaðama iye yuquira meamene. Nopedeca Jũmenijĩcuĩ põeva ñi urõpe ðarĩ ðajocauvu baru, meadarĩ buojabenama ijãravũcãvure. Me jápijarã mũja iye ji bueiyepe, arejamedã Jesũs.

#### “Oveja mamateyure” jári ðãpiarĩ ne ðarãjiyepe aino

(Mt 18.10-14; Lc 5.29-30; Jn 10.1-16; He 13.20)

**15** <sup>1</sup>Apenũmũ earejaimada Jesũs yebai obedivu Roma ãmicurõ jaboteino jabovare tãtura ícaipõeva aru ãmeno ðaipõeva máre, jápiarãcaivu ãre. <sup>2</sup>Fariseova aru Jũmenijĩcuĩ yãvaiye báquede bueipõeva máre borotedejaimada, ne bajumia aivu: —Ñai ãmũ copũ etaibi ãmeno ðaipõevare aru ãimi náque, arejaimada na.

<sup>3</sup>Ne que aie boje, Jesũs coyũrejamedã náre yo jári ðãpiarĩ ne ðarãjiyepe ainore:

<sup>4</sup>—Mũjacacu ovejavare coreipõecu cãvacu baru cien paivu ovejavare, aru cõinãcu nãcacu ñi mamatedu, ñai ðajocajebu ina noventa y nueve paivu ovejavare põescubenoĩ, vocũñũ ñai bĩjayũ bácuẽ ãre earĩta. <sup>5</sup>Aru ãre earĩ, ñni, arũboi tuorĩ, torojurĩ nuvajebu ñai ovejare ñi cõramita. <sup>6</sup>Cõrami earĩ, õrejajebu ñi yõvaimarare aru ñi caðajĩecãvure máre. Aru ajebu náre

yópe: “Torojujarā yáque, ji oveja bíjaye bácare ji eaiye boje”, ajebu. <sup>7</sup>Nopedeca coyuyubu mujare: Ina cavarō mearo Jūmenijicui curōcavu torojurājarama cūinácū āmeno ñaipōecu chīori, oatūvaru ũi ñaiyede, apevu noventa y nueve paivu pñeno, ina “Chīori oatūvaiye jaubevu yure”, arī dāpiaivu, arī buedejameđa Jesús.

**“Tāturaturavare” jári dāpiarī  
ne ñarājiyeye aino**

<sup>8</sup>Cojedeca Jesús coyurejameđa apeno jári dāpiarī ne ñarājiyeye ainore, náre buescu:

—Cūinácū nomiō cūvaco baru pñarupñape paiturava tāturaturavare aru cūináturava bíjaru ōre, ico nomiō pñoiñure pñori, ōi cūramine oeni, vojebu pñi dituravare earīta. <sup>9</sup>Dituravare earī, ĩni, epeni, torojurī ōrejajebu ōi yóvaimarare aru ōi cađajīecavure máre. Aru ajebu náre yópe: “Torojujarā yáque, ji tāturaturava bíjaino mácarōre ji eaiye boje”, ajebu. <sup>10</sup>Nopedeca coyuyubu mujare: Ina Jūmenijicui ángeleva torojurājarama cūinácū āmeno ñaipōecu chīori, oatūvaru ũi ñaiyede, arī buedejameđa Jesús.

**“Mamacu mamateyure” jári  
dāpiarī ne ñarājiyeye aino**

<sup>11</sup>Cojedeca Jesús coyurejameđa apeno jári dāpiarī ne ñarājiyeye ainore, náre buescu:

—Cūinácū ũmñ cūvatequemavu pñarā mamera. <sup>12</sup>Aru ñai ĩmacapūravu pñeđabecu jípacure aquemavu: “Mñ, jípacu, jíjacu yure, ‘Míye baquiyébu’, mi aiye báquede yure”, aquemavu. (Mamacu nópe ayñ jípacure, “Mi yaiquínore nñv yñ”, ayñbe ũ.) Dñmñmña népacu jíquemavu diede náre coapa. <sup>13</sup>Obebejaravua yóboi, ñai ĩmacu caiye ũi apeñene meadarī, ĩni, nñquemavu joai, apeno joborōi. Aru noi jarñvaquemavu caiye ũi cūvaede ũi nrōpe ñarī. <sup>14</sup>Aru ũi jarñvarīburu yóboi caiye ũi cūvae báquede, áñvé ñaiquemavu caino no ũi curījoborōre.

Que baru ũi nrarō ñajíquemavu áñvéna. <sup>15</sup>Nñri, memeiño voquemavu apesu ũmñ, dijaborōcacure. Que teni ñai jaroquemavu ũre, coreicōjeññ oteivārivare. <sup>16</sup>Aru áiyutequemavu oteivāriya ne áinore. Ūbenita ñame jíbetequemavu ũre. <sup>17</sup>Aruri earī, dāpiarī aquemavu ũi baju: “Caivu ina jípacure memecaivu cūvarāma nrarō ne áiye méne aru pñuiye máre. Ūbenita yñ yaiyátamu áñvéna. <sup>18</sup>Caride copaiquijivñ jípacu yebai. Coyuquijivñ ũre yópe: ‘Mñ, jípacu, āmeno ñavu yñ Jūmenijicure aru mñre máre. <sup>19</sup>Que baru “jímacu”, abejacu yñre caride. Jájacu yñre yópe mi jáiyeye cūinácū memecayñre mñre’”, arī dāpiaquemavu ũi.

<sup>20</sup>Que teni nacajari nñquemavu jípacu yebai. Aru jípacu ñayñre jári joamica, cōmaje ároje jáquemavu ũre. Que baru cūyarī, copñ nñri, ũre narióquemavu. Aru ũi vioburā nuquemavu mamacure. <sup>21</sup>Aru mamacu aquemavu ũre: “Mñ, jípacu, āmeno ñavu yñ Jūmenijicure aru mñre máre. Que baru ‘jímacu’, abejacu mñ yñre caride”, aquemavu jípacure. <sup>22</sup>Ūbenita jípacu aquemavu ũre memecaivñre: “Davacajarā maumejiena ũre meacaje cuitótecajede. Doajarā ũre. Adajarā áñmuyo adaitarabñre máre. Aru curaidoare máre doajarā ũre. <sup>23</sup>Davajarā ñai oteivacu mamacu me jíacucure. Vojarā, áñmuri, torojñve tenajivñ caivñ ĩmarocavu. <sup>24</sup>Ñai jímacu yaiyá bácupe páyñ ũmedayñpebe cojedeca. Javede bíjame yñre jocarī. Ūbenita eaiyv ũre cojedeca”, aquemavu jípacu. Aru torojñve teni báquemavu na.

<sup>25</sup>Que teiyedeca, jíbcuñ memeiññ matequémavu jioi. Copaini cūrami, joabejīnoi jápiaquemavu ne upaiyede. <sup>26</sup>Aru cūinácū memecaipōecure ōrejarī, jēniari jáquemavu ũre, “¿Aipe teni upaiñba na?” <sup>27</sup>Jñ aquemavu ũre: “Míyocu copaini ñacñbe. Que baru mīpacu boaicōjemi ñai oteivacu me jíacucure, mamacu meacure copñ etaiye boje”, aquemavu ũre. <sup>28</sup>Ūbenita ñai jíbcuñ jarayñ, torojñve teinoi

ecoiyubetequemavũ. Que baru jípacũ, etarí ùi yebai, jēniacquemavũ úre: “Mũ, bucũ, ecorí, ājacũ”. <sup>29</sup>Ūbenita aquemavũ jípacũre: “Obediũjũa memecaivũ mũre yebacacũre. Aru cainũmũa ju aivũ mũre aru mi cõjeiyede ðaivũ. Ūbenita yure mũ jíbevũ cūinájieneca cūinácũ oteiāimajicũre, ñũje ārajijere ji yõvaimaraque torojũve teinoi. <sup>30</sup>Ūbenita ñai mímacũ ùi eaiyede, mi jíye báquede úre jarũvayũ bácũreca nomiva āmenaque, boacáicõjēnebu mũ úre oteivescu me jíacũcũre”, aquemavũ ù. <sup>31</sup>Aru jípacũ aquemavũ úre: “Mũ, bucũ, mũ cũvũ yáque cainũmũa. Aru caiye ji cũvae míyetaamu. <sup>32</sup>Ñai míyocũ yaiyũ bácũre páyũ arũcũrebe cojedeca. Ñai bíjayũ bácũ eaimũme caride. Que baru torojũve teiye javũ majare”, aquemavũ nēpacũ, arí coyũrejamedã Jesús.

“Ñai memepõevare coreyũ vainí  
tũyũre” jári dápiarí ne ðarāijijere  
aino

(Mt 6.24, 25.21; Lc 19.17)

**16** <sup>1</sup>Jesús coyũrejamedã ùi  
bueimarare, yõpe arí:

—Cátequemavũ cūinácũ ùmũ cũve cũvasũ. Cũvatequemavũ cūinácũ ùi cũvaede coreyũre. Aru arevũ coyũquemavũ ñai cũve cũvasũre yõpe: “Ñai mi coreipõescu jarũvavaibi caiye mi cũvaede”, aquemavũ na. <sup>2</sup>Que baru ñai cũve cũvasũ órejaicõjēni ñai coreipõescũre ùi yebai, aquemavũ úre: “¿Aipe járiayũba yũ mi borore? Jáðovajacũ yũre mi toivarí cũvarõre, ji majiquiyere aipino mi jacõpũiyede aru aipino mi jíyede ji cãvede. Caride memecabescũyũmu mũ yũre cojedeca”, aquemavũ ñai jabocũ. <sup>3</sup>Que baru ñai coreipõescu ùi baju dápiarí aquemavũ: “¿Aipe tequidi yũ? Ji jabocũ ími yũre ji memeinore jarũvarí. Joborõre ùri buojabevũ yũ, ji parũbe boje. Aru tãutũrare jēniari cũyevũ yũ. <sup>4</sup>Jave majivũ yũ ji ðaquinore, cũvasũyũ põeva ne copũ etarāijijere ayũ yũre ne cũramiaí ji memeinore cũvabede”, arí dáriaquemavũ ñai coreipõescu.

<sup>5</sup>Que baru ñai coreipõescu órejaquemavũ náre coapa ina bojecũbe ðaivũre ùi jabocũre, coreóvabevũreca úre memeinore cũvabescũre. Aru ñai mamarũmũre ùi órejaimũre jēniari jáquemavũ: “¿Aipino bojecũbe ðayũrũ mũ ji jabocũre?” aquemavũ. <sup>6</sup>Jũ aquemavũ ù: “Cien paibua jocũbua olivocũ āmicũricũ jēidũare pipocorore bojecũbe ðaivũ yũ úre”, aquemavũ. Aru ñai coreipõescu aquemavũ úre: “Ūjũ, jējacũ mi bojecũbe ðaino cũriyocare. Maumejiena dobarí oatũvarí toivajacũ iyede: ‘Cincuenta paibua bajura’”, aquemavũ. <sup>7</sup>Dinũmũma ñai coreipõescu jēniari jáquemavũ apescũ bojecũbe ðayũre: “¿Aipino bojecũbe ðayũrũ mũ ji jabocũre?” aquemavũ. Jũ aquemavũ ù: “Cien paipũea triço āmicũe oteiyede bojecũbe ðaivũ yũ úre”, aquemavũ. Aru ñai coreipõescu aquemavũ úre: “Ūjũ, jējacũ mi bojecũbe ðaino cũriyocare. Aru oatũvarí, toivajacũ iyede: ‘Ochenta paipũea bajura’”, aquemavũ. <sup>8</sup>Aru ñai jabocũ, jáñũ ùi borocũrĩ majinore, aquemavũ ñai coreipõescu borore: “Ñai ùmũ borocũcũvacari me majibi ù”, aquemavũ. Ina ijãravũcavũ Jũmenijicũre ùbevũ, ne cũvae méne aru ne me cũede máre íni majima, aru me bajura ne tãutũrare earí majima ina Jũmenijicũre ju aivũ pũeno, arejamedã Jesús.

<sup>9</sup>Jesús arí buedejamedã náre cojedeca:

—Mũje cũvaede jíyede cõmaje ārojarivũre, na pũedarājarama mũjare. Mũje nópe ðaru, Jũmenijicũ jíscũyũme mũjare mũje cũrõ cũiménore, arejamedã Jesús.

<sup>10</sup>Bediõva cojedeca Jesús coyũrejamedã ina põevare:

—Ñai mearo ðarí epeyũ baru quĩjĩnore, dinũmũre mearo ðarí epescũyũme urarõre máre. Aru ñai quĩjĩno ùi cũvarõque borocũcũ baru, urarõ ùi cũvarõque máre borocũcũyũme ù. <sup>11</sup>Que baru ijãravũ cũrivũ mearo ðabevũbu mũja mũje cũvaede. Que ðaivũ, mũjare Jũmenijicũ jíyede mearo ðabenamu mũja. <sup>12</sup>Que baru apescũ jíyede mearo ðabedu, ñame buõjarí jibenama

mujeneca. <sup>13</sup> Cüinácu Jūmenijicure ārucu baru, pare ārumemi tāturare. Aru tāturare pare ārucu baru, ārumemi Jūmenijicure. Que baru Jūmenijicure aru tāturare máre ārumejara mija. Nái tāturare ucú baru, Jūmenijicure ubeucuyume ũ, arejamedá Jesús.

<sup>14</sup> Ina fariseova tāturare pare urejaimada na. Que baru iye Jesús ũi coyuiye báquede jápiaivú bávavú ũre yuridejaimada. <sup>15</sup> Ūbenita Jesús arejamedá náre:

—Pōeva ne jáiyede mearape paivubu mija. Ūbenita Jūmenijicú majibi mije dápiainore. Pōeva ne mearo jáiyede Jūmenijicú ubebi, arejamedá Jesús.

**Majare cōjeiye aru Jūmenijicú jaboteino**

(Mt 5.18, 11.12-13)

<sup>16</sup> Jesús, yópe arí, buedejamedá náre cojedeca:

—Juan Bautista bácu ũi curinumu mácarō bají curejaquemavú Jūmenijicú dáicōjeiye Moisés bácuve toivaicōjeni bueiye báque aru ina Jūmenijicú yávaiyede coyucaipōeva mávavú toivarí bueiye báque máre. Dinumu mácarōre Juan Bautista bácu coyúame Jūmenijicú jaboteinoquede aru ũi yóbore máre coyuvubu iye yávaiye méne. Aru caivú pōeva pare tedama ecoiyurivú Jūmenijicú jaboteinore.

<sup>17</sup> Caino cavarō aru caino joborō máre cūiye maiyójabevú. Ūbenita caiye iye Jūmenijicú dáicōjeiye cūiye maiyójavú. Quénora caiye jáve vaiquíyebu yópe Jūmenijicú dáicōjeiyepe, arejamedá Jesús.

**Jesús ũi bueino nomi jaruvainore**

(Mt 5.32, 19.1-12; Mr 10.1-12; 1 Co 7.10-11)

<sup>18</sup> Bedióva cojedeca Jesús arí buedejamedá ina pōevare:

—Ácu pōecu jímarepacore jaruvaríburu yóboi purubvovú baru apocoque, nomicucvavacari apocoque súcú baru, ámeina ðaibi òre ũi mamarumucacore jaruvarí. Aru

ácu pōecu purubvovú baru cüináco nomió jímarepacú mamarumucacú ũi jaruvainore ámeina ðaibi óque, arejamedá Jesús.

**Jesús ũi coyuíno cūve cūvacure aru Lázarore**

<sup>19</sup> Jesús coyurejamedá ina pōevare cojedeca:

—Cüinácu ũmu cūve cūvacú cūtequemavú. Pare meacaje cuitótecajede dorí torojuve teni, javatequemavú jarávva coapa. <sup>20</sup> Aru apecu ũmu cūve cūvavacu cūtequemavú, ũi ámiá Lázaro. Ū pátequemavú nái cūve cūvacú ũi cūrami jedevacobe yebai. Churiá ijíé cūtequemavú nái Lázaro. <sup>21</sup> Áiyuríduquemavú áiye tuiye báquede nái ũmu cūve cūvacú ũi tūovare jocarí. Aru yavimiva darí nenequemavú ũi churiáre.

<sup>22</sup> Cüinájaravú nái cūve cūvavacu, Lázaro bácu, yaiquémavú. Aru ángeleva nūvaquemavú ũre Abraham yebai. Nái cūve cūvacú bácu máre yaiquémavú. Aru ũi bajure jaruvatequemavú caracobei. <sup>23</sup> Nūquemavú ũ toabo cūiméboi.

'Noi pare nájíñú, jáquemavú joai Abrahāre aru Lázarore máre. <sup>24</sup> Que baru órejaquemavú, ayú yópe: “Mú, jícu, Abraham, cōmaje ároje jájacú yure. Darojacú Lázarore ji yebai ũi ocoque jórí neneóvaquiyere ámuyoque ji jemedore, cojūjavacuyú yure. Pare nájívu yú yo toaboi”, aquemavú. <sup>25</sup> Ūbenita Abraham aquemavú ũre: “Mú, jícu, árujacú mú caiye iye méne mi cūvavacude arucú cāreja. Aru Lázaro arucú cāreja nájíquemavú urarō ámenore. Ūbenita caride torojubi ũ yore, aru nájívu mú. <sup>26</sup> Maje coricai cūvú urarō tūrobú. Que baru nūjacavú jataiyurivú buojabema nūivú nore. Nopedeca nócavú máre jataiyurivú buojabema daivú yore”, aquemavú Abraham.

<sup>27-28</sup> Dinumtuma aquemavú nái cūve cūvacú: “Mú, jícu, jēniaivú mure. Jarojacú Lázarore jipacú bácu cūrami, ũi coyūquiyere ayú jíyova cüinápurupe paivure, ne nájímenajiyere

ayu yore”, aquemavũ. <sup>29</sup>Ūbenita Abraham aquemavũ yópe: “Jūmenijicui ðaicōjeiyede ũi toivaicōjeiye báquede Moisés bácure aru ina Jūmenijicui yávaiyede coyũcaipōeva mácvũ ne toivaiye báquede máre cvvama na. Que baru míyova jápiajarāri diede”, aquemavũ Abraham. <sup>30</sup>Ūbenita aquemavũ ñai cvve cvvacũ: “Mũ, jícũ, Abraham, ina jápiabevũvacari iye Jūmenijicui yávaiyede, cūinácvũ yainore jarũvarĩ copainũru náre, chĩori oatũvarājarama ne ðaiyede”, aquemavũ Abrahāre. <sup>31</sup>Aru Abraham aquemavũ ũre: “Ina pōeva jápiabevũ baru Jūmenijicui ðaicōjeiyede ũi toivaicōjeiye báquede Moisés bácure aru ina Jūmenijicui yávaiyede coyũcaipōeva mácvũ ne toivaiye báquede máre, jápiabenama cūinácvũ nacajañureca yainore jarũvarĩ”, aquemavũ Abraham, arĩ coyũrejameða Jesús.

#### Jidojarō maje āmeina teino

(Mt 18.6-7, 15, 21-22; Mr 9.42)

**17** <sup>1</sup>Jesús buedejameða ũi bueimarare, yópe arĩ:

—Jāve jujovarājarama mujare. Ūbenita ñai jujovare ðayũ arevũre chĩori āmeno ñájicuyũme ũ. <sup>2</sup>Ñai pōecu ũi vainĩ ture ðaru apecũ yũre ju ayũre parũbecureca, ũi dajocaquiyeye ayũ ũi ju aiyede yũre, meajebu ũre jarũvarũ jia uraðai ũi ñamemui bũorĩ cūinábo cũrabo uraboque. <sup>3</sup>Me jájara muja. Me dápiajarā muje ðarājiyede. Apecũ ũi āmeno ðaru mure, majicajacu ũre ména. Aru ũi chĩori oatũvarũ ũi ðaiyede, ārũmetejacu iye ũi āmeno ðaiye báquede mure. <sup>4</sup>Aru ũi āmeno ðaru mure siete paiye baju cūinájaravũre aru siete paiye bajureca, “Chĩoiyvũ yũ ji āmeno ðaiye báquede mure” ũi aru, ũi āmeno ðaiyede ārũmetejacu mũ, arejameða Jesús.

#### Jūmenijicure ārũre ðaino majare

<sup>5</sup>Ina Jesús ũi yávaiye méne beorĩ coyũicōjeimara arejaimaða Jesúsre yópe: —iCadatejacũ ñujare, ñuje ju arājiiyeye mure pũeno baju! ũre arejaimaða na.

<sup>6</sup>Aru Jesús arejameða:

—Oteiyẽ mostaza āmicũe oteiyẽ quĩjietamu. Ūbenita pĩarĩburũ yóboi jocvcũ uracũtamũ. Nopedeca muje ju aru yũre quĩjino, nópe quĩjĩe oteiyeye, Jūmenijicũ urarō mearore ðajebu mujare. Mũja me ju arĩ Jūmenijicure, muje aru icũ jocvcũ uracũre yópe: “Nũjacũ caiye mi nũoque. Aru nũri nũjacũ jia uraðai”, dicũ ju ajebu muje cōjeinore, arejameða Jesús.

#### Memecaiþōecu ũi ðaino

<sup>7</sup>Jesús arĩ buedejameða cojedeca:

—Mujare memeni coreyũre jiore o coreyũre āimarare ũi copaidaiyede cũrami, “Maumena ðarĩ, ācvũdajacu”, abevũ muja ũre. <sup>8</sup>Quédata, “Meaðajacu ji āquiyede. Oatũvajacu mi doiyede. Aru corejacũ ji āiyede cāreja. Ji ārĩburũ yóboita mũ máre ārĩ ũcvũjacũ”, aivũbu muja ũre. <sup>9</sup>Aru ñai jabocũ jāve abecũbe ũi yebacacũre, “Meavũ mi memecaino yũre”, ũi ðaicōjeiye báquepe ðaiye boje. <sup>10</sup>Nopedeca muja máre, caiye iye ðaicōjeiye báquepe mujare ðarĩ bũojaiyvũ, ajarā muje baju yópe: “Bojecũbevũbu maja. Quénora ðaivũbu maja yópe Jūmenijicui ðaicōjeiyepe majare”, náre arĩ buedejameða Jesús.

#### Jesús ũi meaðaino caiþvcapũũape paivũ pojeivũre

<sup>11</sup>Jesús nũñũ Jerusalén āmicũriĩmaroi, vaidéjameða Samaria aru Galilea āmicũrijoborōa tũrvare. <sup>12</sup>Cūináro ĩmajinoi ecōiyede, copũ nũrejaimaða ũre caiþvcapũũape paivũ ũmũva pojeivũ. Nũrejaimaða joai Jesúsre jocarĩ. <sup>13</sup>Aru coðoboborejaimaða na:

—Mũ, Jesús, bueiþōecu, cōmaje āroje jájacũ ñujare, arejaimaða na.

<sup>14</sup>Náre jári, arejameða Jesús:

—Nũri jáðovajara sacerdotevare, arejameða.

Nópe arejameða, judíoiva ne ðaiye boje Jūmenijicui ðaicōjeiyepe. Aru ne nuiyedeca mái, meatedejaimaða ne pojeiyede. <sup>15</sup>Que teni cūinácvũ nácacũ jári coreóvarĩ meateyũ ũi baju, copaini



nuri codoboborí torojurejameda Jūmenijicure. <sup>16</sup>Mori turejameda joborōi Jesús jipocai, jíyū mearore úre. Aru Samaria āmicurijoborōcacu barejaquémavu ñai ũmū. <sup>17</sup>Que teni Jesús arejameda:

—Caip̄sar̄m̄uare paivu meatevu muja. ¿Árima apevu, ina nueve paivu? <sup>18</sup>Apevu cūbema ina jínadajurorivu mearore Jūmenijicure. Quénora ñai dacube, apeno joborōcacuvacari, arejameda Jesús.

<sup>19</sup>Aru Jesús arejameda úre:

—Nacajari nujacu mu. “Ũ yure meadaíye majibi”, arí dápiarebu mu yure. Que baru, mi que dápiáiye boje, meadaívu mure, arejameda úre Jesús.

#### Jūmenijicui jaboteino aipe edaquinore

(Mt 10.39, 16.25, 24.17-18, 23-28, 36-41; Mr 8.35, 13.15-16; Lc 9.24; Jn 12.25)

<sup>20</sup>Cūinájāravu apevu fariseovacavu jēniari járejaimada Jesúsre, yópe arí:

—¿Aipiye deadaquida yo Jūmenijicui jaboteino maquinó? arejaimada na.

Jesús arejameda náre:

—Jūmenijicui jaboteinore jári majibevu muja. <sup>21</sup>Que baru abenajarama yópe: “iJájacu, yui cūvu!” Aru abenajarama yópe: “iJájacu, noi cūvu!” Quédata jave Jūmenijicu jaboteyube muje jēneboi, arejameda Jesús.

<sup>22</sup>Dinūmure Jesús arejameda ũi buemarare:

—Jāravua cuquiye buje jáiyurijāravua yure, Jūmenijicui daroimū mácu ũmure, cūinájāravua. Ũbenita jámenajarama muja. <sup>23</sup>Aru arājarama mujare yópe: “iJájara noi!” Aru arājarama yópe: “iJájara yui!” Ũbenita nūmejara muja. Nūmejara ne yóboi. <sup>24</sup>Jūmenijicui daroimū mácu ũmure yaroinope nuquiye buje ji copaidaquijāravu baquinó. Yópe no yaroino pēoiyepe cavarōre cūinápūravu pū aepūrāvūita, caivu pōeva ne járajíyepe nore, nopedeca copaidacūyumu yu. Aru caivu pōeva járajarama ji copaidaiyede ijāravūi.

<sup>25</sup>Ũbenita mamarūmū urarō ñájiye jaavu yure. Aru ijāravūcavu ju abenajarama yure.

<sup>26</sup>Dijāravua baquiyéi, Jūmenijicui daroimū mácu ũmure, ji copaidaquijāravu jipocai, cuquiye buje pōpe añijāravua Noé mácu curijāravua báquepe. <sup>27</sup>Dinūmū mácarōre caivu pōeva āivu barejaquémavu, aru ũcuiyu barejaquémavu. Ũmūva pūrubūoiyu barejaquémavu. Aru jídejaquemavu némaromivare, ne pūrubūorājíyepe aivu, Noé mácu jiadocū uracūre ecoijāravūita. Muiváibo darejaquemavu. Aru caivu ina pōeva corí bíjarejaquemavu na mácavu. <sup>28</sup>Nopedeca cūrejaquemavu Lot bácu curijāravua báquede máre. Caivu pōeva āivu barejaquémavu, aru ũcuiyu barejaquémavu. Bojeđaiyu barejaquémavu. Oteiyu barejaquémavu. Aru cūramiare đaiyu barejaquémavu máre. <sup>29</sup>Ũbenita añijāravu bácarō, Lot bácu etaiyede Sodomare jocarí, Jūmenijicu maumena darorejaquemavu toabore aru cūraoba uruibovare máre. Ocainope turejaquemavu cavarōre jocarí. Aru caivu ina diimarocavu bácvu yaidējaquemavu na mácavu. <sup>30</sup>Nopedeca baquiyébu Jūmenijicui daroimū mácu ũmure, ji copaidaquijāravu baquinóre. Maumena, pōeva yure ne corebede, copaidacūyumu yu ijāravūi cojedeca.

<sup>31</sup>Dijāravu baquinó ñai cūrami pūenora cūcu bacuyé ĩmeni dabejacurí, nūvacūyu ũi apeiene. Ecobejacurí ũi cūrami. Aru ñai jiore memēnu macuyé copainūmejacurí ũi cūrami. <sup>32</sup>Árjara muja iye Lot bácu máreparo bácore vaiye báquede. Ő mácoi ju abe boje Jūmenijicui cōjeiye báquede, yuquirarū cainidū tedejaquemavu ō máco. <sup>33</sup>Ñai pōecu ũi baju urōpe đarí, meadaiyucu baru ũi bajure, coatecūyume ũi bajure Jūmenijicure jarūvarí, yópe yaiyú bácupe ũi ũmei. Ũbenita ñai pōecu, “Ye baju āmevu ji yaidú Cristore boje” ayū, ũi baju urōpe đabecūva quénora ji urōpe đarí, úrecabe ji meadaquimū, cūcūyu Jūmenijicūque cainūmua.

<sup>34</sup>Coūyūbu mujare, ji copaidaquijāravu baquinó pūcarā

ñmva cārajarama ne cūrami jívui ñamine. Cūinácu ñvaimu macuyúme, yure ñi ju aiye boje. Aru apescu mautescuyume, yure ñi ju abe boje. <sup>35</sup>Aru pucarā nomiva jiorajarama ne cūrami jívui. Cūináco ñvaimo macodóme, yure ñi ju aiye boje. Aru apesco mautescodóme, yure ñi ju abe boje. <sup>36</sup>Aru pucarā ñmva memenajarama ne jioi. Cūinácu ñvaimu macuyúme, yure ñi ju aiye boje. Aru apescu mautescuyume, yure ñi ju abe boje, arejamedá Jesús, náre bueyu.

<sup>37</sup>Aru jēniari járejaimada úre:

—Mu, ñuje jabocu, ¿ári yópe vaiquídi caiye iye? arejaimada Jesúsre.

Aru arejamedá náre majidivú ne aino mácaróque yópe:

—Ári yaiyú bácuí cūrōi, noi cójjinajarama cavava. Caiye iye ji coyuyede jáivu, majinajaramu muja ji copaidaquino joabenore, ji ñájiovaquinore pōevare, ne ãmeina teiye boje, arejamedá Jesús.

**“Ãmeina teivure jēniari jáipōecure aru nomiópecore” jári dápiarí ne ñarājīyēpe aino**

**18** <sup>1</sup>Jesús buedejamedá pōevare jári dápiarí ne ñarājīyēpe ainoque ne jēniarajīyēpe ayu Jūmenijicūque cainumua dajocabevva. <sup>2</sup>Aru arejamedá: —Cūináimaroí cūtequemavú cūinácu jabocu, ãmeina teivure jēniari jáipōecu. Ñai jabocu puedabetequemavú Jūmenijicure. Aru puedabetequemavú pōevare máre. <sup>3</sup>Dīmaromiareca cūtequemavú cūináco nomiópeco máre. Ō nuri, yávere ñurejaquemavú úre: “Cađatejacu yure, ji maucu ñi ñájine ñabequiyēpe yure”, aquemavú ñ. <sup>4-5</sup>Obedijárvuare ñai jabocu járiabetequemavú óre. Ūbenita no yóboi arí dápiaquemavú ñi baju: “Yu puedabecuvacari Jūmenijicure aru puedabecuvacari pōevare máre, ico nomió, ji yebai dadó járvava coapa, ñi pare cārijovaiye boje yure, cađatequijivú óre, ñi ñeture ñabecoquiyēpe yure”, aquemavú ñ, arejamedá Jesús.

<sup>6</sup>Aru Jesús arejamedá:

—Jápijará ñai ñmu ñmecu ñi aiye báquede. <sup>7</sup>Aru jáve cađatecuyume Jūmenijicu ina ñi beoimarare jēniavure úre, ñi cađatequiyēpe aivu náre járvavure aru ñamine máre. Corede ñabecube ñ joe baju, cađatecuyú náre. <sup>8</sup>Coyuyubu mujare: Maumejiena cađatequijibi náre. Ūbenita yu, Jūmenijicui daroimú mácu ñmure, ji copaidaiyede ijárvui, jáve obebejina pōeva ju aivure Jūmenijicure paruríumeque eacuyumu, arejamedá Jesús.

**“Pucarā ñmva ne jēniario Jūmenijicūque” jári dápiarí ne ñarājīyēpe aino**  
(Mt 23.12; Lc 14.11)

<sup>9</sup>Bedióva Jesús buedejamedá náre jári dápiarí ne ñarājīyēpe ainoque. Coyurejamedá ina pōevare “¿Meara márica?” arí dápiaivure ne baju apenvú pveno. Arejamedá:

<sup>10</sup>—Pucarā ñmva Jūmenijicūque jēniaranūquemavú Jūmenijicui cūrami. Cūinácu fariseovacacu batequémavu. Aru apescu jabovare táutura ícaipōecu batequémavu. <sup>11</sup>Ñai fariseo núri jēniari dápiaquemavú ñi baju yópe: “Mu, ji mearore jímú, torojuede jívú mure, ji ñmedabe boje. Yu apenvure ñabevú. Arevure jujovari ímevu yu ne cūvaede. Ñmeno ñabevú yu apenvure. Nomicucu, apocoque cubevú yu. Aru ñai jabovare táutura ícaipōecu ñabevú yu. <sup>12</sup>Pucajárvava sumana coapa ñmecuva áiyede jēniavai yu mure. Aru caiye ji cūvaede caipucarpucare paivede cūvarí, cūináro jívavú yu mure”, aquemavú ñai fariseo. <sup>13</sup>Ūbenita ñai jabovare táutura ícaipōecu joai núri, jáiyubecu cavaróre, totaquemavú ñi ñarebare, ñi chíoye boje. Aru aquemavú: “Mu, ji mearore jímú, cōmaje ároje jájacu yure, ñmeina teyure”, aquemavú ñai jabovare táutura ícaipōecu. <sup>14</sup>Coyuyubu mujare: Jūmenijicu arūmetequemavú ñai ñmu ñi ñmeina teiye báquede. Ūbenita arūmetebetequemavú ñai fariseo ñi ñmeina teiye báquede. Que baru ñai

cuivucu me arevnu pueno, parubescuyume pueno baju. Aru ñai parubede ñaiyucu ñi baju arevnu cāchino, me cuscuyume pueno baju, arejameđa Jesús.

**Jesús ñi mearore jino juedovare  
Jūmenijicuque**

(Mt 19.13-15; Mr 10.13-16)

<sup>15</sup>Pōeva nūvare cuivnu barejaimađa nēmarare Jesús yebai, ñi tuoquiyepa aivnu náre ñi puruáque. Que teni Jesúsí bueimara náre jáivnu, nūvaicōjemenejaimađa nēmarare.

<sup>16</sup>Ūbenita Jesús órejarejameđa náre ñi yebai. Aru arejameđa:

—Ina juedova dajarāri ji yebai. Jūmenijicu jabotecuyume pōevare náre paivure. Que baru, “Davabejarā juedovare”, abejarā náre. <sup>17</sup>Jāve coyuyubu mujare: Ácu pōecu copu etabecu baru Jūmenijicure jaboteyure úre, yópe juedocu ñi copu etaiyepa, ecobescuyume ñi jaboteinore, arejameđa Jesús.

**Cūinācu űmū cūve cūvacu Jesúmaque  
ne boroteino**

(Mt 19.16-30; Mr 10.17-31)

<sup>18</sup>Cūinācu jabocu jēniari járejameđa Jesúre:

—Mū, bueipōecu meacu, ¿aipe ñaji yu, cūvacuyu jāravnu cūimějāravnu baquinóre? arejameđa Jesúre.

<sup>19</sup>Jesús arejameđa úre:

—¿Aipe teni “Meacubu mū”, ayurū yure? Jūmenijicu cūinācurabe meacu baju. <sup>20</sup>Majivura mū Jūmenijicui ñaicōjeiyede ñi coyuyibe báquede Moisés bácu: “Cūvabejacu apcore mimarepacore jarūvarī. Pōevare boarī jarūvabejacu. Ñavamejacu apacu ñi cūvaede. Borodabejacu apacure. Ju ajacu mipacure aru mipacore máre”, arejameđa Jesús.

<sup>21</sup>Que teni arejameđa Jesúre:

—Đacacu caiye iye mi coyuyiede juedocu cāreja yu, aru caride máre, arejameđa.

<sup>22</sup>Ūi ju ayiede jápiaynu bácu Jesús, arejameđa úre:

—Cūināro jāvnu mure cāreja. Jini bojedajacu mi cūvede. Aru mi iquiyede jíjacu ina cōmaje ārojarivure. Que teni cūvacuyumu mū boje méne cavarō mearo Jūmenijicui curōi. Aru dajacu yáque, arejameđa Jesús.

<sup>23</sup>Ūbenita iyede jápiarī urarōreca chōrejameđa, dajocaiyubecu ñi ure cūvede. <sup>24</sup>Que teni Jesús úre jári, arejameđa:

—Ina pōeva cūve cūvarivure pare maiyójavu ne ju aye Jūmenijicure, ñi meadaquiyepa aivnu náre aru ne ecorājīyepa aivnu ñi jaboteinore cavarō mearo ñi curōre. <sup>25</sup>Cūinācu āimacu uracu, camello āmicucu, ñi ecoru aviyo cobei, maiyójajebu úre. Aru pueno maiyójavu cūve cūvacure ñi ecoquino Jūmenijicui jaboteinore, arejameđa Jesús.

<sup>26</sup>Ina úre jápiaivnu bácvnu arejaimađa:

—¿Ñame buojarī ecorājīdica Jūmenijicui jaboteinore, cūvarājivnu jāravnu cūimějāravnu baquinóre? arejaimađa na.

<sup>27</sup>Jesúcapūravu arejameđa náre:

—Pōeva ne ñarī majibeno maiyójabevnu Jūmenijicure. Ū cūinācura buojarī meadayube pōevare, arejameđa Jesús.

<sup>28</sup>Aru Pedro arejameđa:

—Dajocacarā ñūja caiye ñūje cūvaede, ñūje daiye boje máque, arejameđa Pedro.

<sup>29-30</sup>Aru Jesús arejameđa náre:

—Jāve coyuyubu mujare: Ácu pōecu dajocaynu baru ñi cūramine, o jímarepacore, jīburāre, imarare, ñi bucūvare, o ñi mārare máre, Jūmenijicui jaboteino boje, ñai pōecu eacuyume pueno baju caride ijāravni. Aru ñaquiāravnu baquinói cūvacuyume jāravnu cūimějāravnu baquinóre, arejameđa Jesús.

**Jesús ñi coyūino bedióva cojedeca ñi  
yaiquínore**

(Mt 20.17-19; Mr 10.32-34)

<sup>31</sup>Jesús nūvarejameđa ina doce paivure. Aru yópe arī, coyurejameđa náre:

—Jerusaléi nūivubu. Nore ñarājivubu na yure, Jūmenijicui daroimu

mácure ñmupe, caiye iye Jñmenijicui yáviyede coyucaipõeva mácvu ne toivaiye báquepe. <sup>32</sup>Jínajivubu yure ina judíova ãmevure. <sup>33</sup>Que teni ina põeva yurinajivubu yure. Cuyoje ðarãjivubu yure. Jëcututurajivubu yure. Jara popenajivubu yure. Aru boarí jaruvarãjivubu yure. Ñbenita yóbecurijãravua yóboi jipacu, Jñmenijicui, nacovacuyme yure yainore jaruvarí, arejameða Jesús.

<sup>34</sup>Ñbenita caiye iyede jápiarí eabedejameða na, ñi bueimara. Coreóvabedejameða aipe aiyurõ iye Jesús ñi coyuiye báquede náre. Que baru majibedejameða ñi coyuiyede.

**Jesús ñi meadaino jári eabecure,**

**Jericócacure**

(Mt 20.29-34; Mr 10.46-52)

<sup>35</sup>Jericó ãmicuríimaroí joabenoí earejameða Jesús. No ma écarui cūinácū ñmū, jári eabecu, táuturare jēniañu dobarejameða. <sup>36</sup>Ë jápiayu bácū obedivū põeva vaivure mái, jēniari járejameða:

—¿Aipe teidi? arejameða.

<sup>37</sup>Aru apevu arejameða ére:

—Jesús Nazarecacu mái nuimi, arejameða.

<sup>38</sup>Ñai jári eabecu codoboborejameða:

—Mū, Jesús, David bácui páramecu, Jñmenijicui daroimū mácu, ññje jabocu bacuyú, yure cõmaje ãroje jájacu, arejameða ñ.

<sup>39</sup>Aru ina ñi jipocai nuivū, ére jaraivū, arídurejameða:

—¡Bi ajacu mū! arídurejameða.

Ñbenita pueno baju codoboborejameða ñ cojedeca:

—Mū, David bácui páramecu, Jñmenijicui daroimū mácu, ññje jabocu bacuyú, yure cõmaje ãroje jájacu mū, arejameða ñ.

<sup>40</sup>Que teni ére codoboboyure jápiayu Jesús, dajocarejameða. Aru arejameða:

—Davajarã ére ji yebai, arejameða.

Ñai jári eabecu ñi eaiyede, Jesús jēniari járejameða ére:

<sup>41</sup>—¿Aipe ðacaji yū mure? arejameða Jesús.

Ñai jári eabecu arejameða:

—Mū, ji jabocu, jári eabevū yū. Ñrarõ jáiyuvū yū, arejameða Jesúre.

<sup>42</sup>Jesús ju arejameða ére:

—Dinumu meavū. Jájacu mū cari. “Yure meadacuyme Jesús”, arí dápiarebu mū. Que baru mi jári eabede meadacaivū yū caride, arejameða ére Jesús.

<sup>43</sup>Aru cūiná járejameða ñ, jári eabecu bácū. Que teni Jesúre yóvarí nurejameða ñ máre, mearore jíyū Jñmenijicure. Que baru caivū ina põeva máre, ére jári, mearore jídejameða Jñmenijicure.

**Jesús ñi copuino Zaqueore**

(Mt 18.11)

**19** <sup>1</sup>Jericó ãmicuríimaroí Jesús ecorí vaiyú barejameða. <sup>2</sup>Noi cūinácū ñmū curejameða, ñi ãmiá Zaqueo. Ë jabovare táutura ícaipõeva ne jabocu barejameða. Aru cve cuvacu barejameða ñ. <sup>3</sup>Obedivū põeva Jesúre jáiyurí copñrejameða. Zaqueo máre jáiyurídurejameða ére. Ñbenita ñai Zaqueo ñmujubecu, aru obedivū põeva ne nuíye boje ñi jipocai, jámenejameða ñ Jesúre. <sup>4</sup>Que baru cúyarí apevu jipocai, jocucu sicómoro ãmicuricui mūri, Jesúre jácunurejameða ñ. <sup>5</sup>Que teni Jesús mái vaiyú jocucu yebai, jáñu Zaqueo jocucui tubacure, arejameða ére:

—Mū, Zaqueo, jõðajacu maumena. Mi cūrami mautescuyubu yū caride, arejameða ére Jesús.

<sup>6</sup>Que teni Zaqueo maumena jõðari, torojurí jacoyurejameða Jesúre. <sup>7</sup>Aru caivū ina põeva jáivū iyede, ãmeina yávarejameða.

—Ñai Jesús mautescunūimi ãmeina teipõecui cūrami, arejameða na.

<sup>8</sup>Ëi cūrami ecoríburu yóboi, Zaqueo nūri, yávayū arejameða Jesúre:

—Mū, ji jabocu, coricai ji cvaede jíquijivū yū cõmaje ãrojarivure. Aru jacopaiyovaquijivū yū ina ji ñujovaimara mácvure yóvaicuvaiye pueno baju ji íno mácarõre náre jocarí, arejameða Zaqueo.

<sup>9</sup>Que ayure, Jesús arejamedá úre:  
—Mú máre Abraham mácai  
pāramescūbu. Que baru caride ināmi  
cūramicavū meadaimaramu mūja.  
Jūmenijicū meadarejaquemavū Abraham  
mácure, ūi ju aiye báque boje úre.  
Nopedeca Jūmenijicū meadaibi mure  
aru mi cūramicavure, mūje ju aiye  
boje úre. <sup>10</sup>Yū, Jūmenijicūi daroimū  
mácū ūmure, vocūdaivū ina bíjāvure,  
meadacūyū náre, arejamedá Jesús.

**“Tāuturare” jári dāpiarī ne đarājiyepe  
aino**

(Mt 13.12, 25.14-30; Mr 4.25; Lc 8.18)

<sup>11</sup>Diede pōeva ne jápiarīburu  
yóboi, Jesús bueni bárejamedá náre  
jári dāpiarī ne đarājiyepe ainoque, ūi  
Jerusalén āmicurīimaro joabejinoi cūe  
boje, aru ne dāpaiye boje caivū pōeva  
járājivure Jūmenijicūi jaboteiyede  
pōevare maumejiena. <sup>12</sup>Que baru Jesús  
arejamedá:

—Cūinácū ūmū, jabova jicū,  
nūcūyū batequémavū apeno  
joarōcajaborōi, ne epenajiyeye ayū  
úre jabocūva. <sup>13</sup>Ūnai jabocū bacūyū  
órejaquemavū caipūcarūgape paivū  
úre memecaipōevare. Aru náre coapa  
tāuturare jíyū, caivure cūináturū,  
“Bojedajarā mūja iye tāutūraque ji  
copaidaiyeta”, aquemavū náre ūnai  
jabocū. Que teni ūnai jabocū útequemavū  
ne inajiyeye ayū tāuturare pūeno baju.  
<sup>14</sup>Coayū bōjarī, ūnai jabocū nūquemavū  
apeno joarōcajaborōi. Ūbenita ūi  
jaborōcavū baju pare ūbetequemavū  
úre. Que baru jaroquemavū boro  
nūvacaipōevare ūi yóboi, ne  
jēniarājiyepe aivū ānijaborō jabocūre,  
ūi epebequiyeye aivū ūnai ūmure ne  
jabocūva. “Ūbevu ūje jabocūva ūnai  
ūmure”, arīduquemavū na. <sup>15</sup>Ūbenita  
ūnai ūmū copaiyū jabocū batequémavū ū.  
’Aru órejaicōjequemavū ina úre  
memecaipōevare, ūi tāuturare jímara  
mácavure, majiyūcū ne bojedārī íno  
mácarō borore. <sup>16</sup>Que teni cūinácū ina  
memecaipōevacacū ūnai jabocū yebai  
nūri, aquemavū: “Mū, ji jabocū, mi

jíye báqueque bojedacacū yū. Que  
teni caride caipūcarūgape paiturava  
cūvavū”, aquemavū ūnai jabocūre. <sup>17</sup>Aru  
ūnai jabocū aquemavū úre: “Mearo  
đarebu mū. Memecaipōescū meacūbu  
mū. Mi mearo đaiye boje quíjinoque,  
jíquijivū yū mure caipūcarūgape  
paiimaroare, mi jabotequiyeye  
diimaroacavure”, aquemavū ūnai jabocū  
úre. <sup>18</sup>Aru apescū ina memecaipōevacacū  
ūnai jabocū yebai nūri, aquemavū: “Mū, ji  
jabocū, mi jíye báqueque bojedacacū yū.  
Que teni caride cūinápūgape paiturava  
cūvavū”, aquemavū ūnai jabocūre. <sup>19</sup>Aru  
ūnai jabocū aquemavū úre: “Mure máre  
jíquijivū yū cūinápūgape paiimaroare,  
mi jabotequiyeye diimaroacavure”,  
aquemavū ūnai jabocū úre.

<sup>20</sup>Ūbenita apescū ina  
memecaipōevacacū ūnai jabocū yebai  
nūri, aquemavū: “Mū, ji jabocū, yui  
cūvavū mi tāuturare, mi jíye báquede  
yure. Epecacū yū diede cuitótecajeque,  
meadayū diede. <sup>21</sup>Jidojacūbu mū. Mū  
īnūmu apescū ūi epeiye báquede. Aru mū  
jēñūmu apescū ūi oteiye báquede. Que  
baru jidūtevū yū mure”, aquemavū ūnai  
jabocūre. <sup>22-23</sup>Aru ūnai jabocū aquemavū  
úre: “Mū, memecaipōescū āmescūbu. Mi  
que aiye boje āmecoroimū macūyūmu  
mū. Yū jidojacūre majicūvacari, aru  
yū īnūre apescū ūi epeiye aru jēñūre  
apescū ūi oteiyede majicūvacari,  
epebetequemavū mū ji tāuturare tāutūra  
epeñāmi. Mi que đaru, copaini dayū  
jacorūjebu yū ji tāuturare pūeno baju,  
diñamicavū ne bojedāiye báque cojiorī”,  
aquemavū ūnai jabocū.

<sup>24</sup>’Que baru ūnai jabocū aquemavū  
ina nūrivure nore: “Íjara úre jocarī  
yo cūináturava tāuturatūravare. Aru  
jíjarā ūnai caipūcarūgape paiturava  
cūvacūre”, aquemavū. <sup>25</sup>Aru  
aquemavū na: “Mū, ūje jabocū, ū jave  
cūvabi caipūcarūgape paiturava  
tāuturatūravare”, aquemavū. <sup>26</sup>Ūbenita  
ūnai jabocū aquemavū: “Coayūyūbu  
mūjare: Caivū cūvarivū jacorūrājarama  
pūeno baju. Ūbenita caivū dāpaiivure  
cūvarivure apescū pūeno, caiyede náre

ĩcũyũtu yũ. <sup>27</sup> Aru ina ji mauvare, ji jaboteinore ðbevũre, davajarã náre yui. Aru boarí jarũvajarã náre ji jáinoi”, aquemavũ ñai jabocu, arejamedã Jesús.

### Jesús Jerusaléi ùi ecoino

(Mt 21.1-11; Mr 11.1-11; Jn 12.12-19)

<sup>28</sup> Jesús ùi coyũrĩburu yóboi, nuñũ cojedeca muri nurejamedã Jerusalén ãmicurĩĩmaroĩ nuĩmai. <sup>29</sup> Aru Jerusalén ãmicurĩĩmaro joabejĩnoĩ nuri, Betfajé aru Betania ãmicurĩĩmajinoã baji, no cũracũ Olivocũ ãmicuricũ ãmeino baji, earejamedã Jesús. Noi earĩ ùi bueimara pũcarãre, yópe arĩ, jarorejamedã Jesús:

<sup>30</sup>—No cõchino curĩĩmajinoĩ nuĩjara muĩja. Ma ãmeinoĩ põevare ùmaiãĩmacure, burrore, earãjaramu muĩja, nõcacui buoimãre. Põeva ne tubabemũtame cãreja. Ùbenita ùi buoimene jodeni, ùre davacajarã yũre. <sup>31</sup> Aru, “¿Aĩpe teni burrore ùi buoimene jodeni, ùre nuĩvaivurũ muĩja?” ne aruta, yópe ajarã muĩja: “Ñũjare ícõjoni darobi maje jabocu. Ùre ùmacayũ ãĩmacu jaubi ù”, arejamedã náre Jesús.

<sup>32</sup> Ina ùi daroimara nurejaimada. Aru vaidéjavũya náre nõpe Jesús ùi aiyebãquipedeca. <sup>33</sup> Ne jodiyede burrore, ùre uparivũ arejaimada náre:

—¿Aĩpe teni jodeivurũ muĩja ùi buoimene? arejaimada na. <sup>34</sup> Aru arejaimada ina Jesũi bueimara:

—Maje jabocure ùmacayũ ãĩmacu jaubi ù, arejaimada.

<sup>35</sup> Ne ju aiyede náre, nuĩvarejaimada burrore Jesũre. Ne doicajea pũnocacajeare burrorã tuorĩ, Jesũi tubaquinore ðarejaimada ùi bueimara. <sup>36</sup> Ùi nuĩyedeca ina obedivũ põeva ma ãcarũi nũrivũ juarejaimada ne pũnocacajeare mãra Jesús jipocai, pueðarãjivũ ùre. <sup>37</sup> Aru Jerusalén ãmicurĩĩmaro joabejĩnoĩ, Jesús ùi ãmeiyede cũracũ Olivocũ ãmicuricũre jocarĩ, caivũ ina obedivũ põeva, Jesũi bueimara, torojurivũ Jũmenijicure mearore jĩni búrejaimada, ne jáiye báque boje ùi ðaiye báquede caiye iye põeva ne ðarĩ majibede. <sup>38</sup> Aru parũðreca arejaimada:

—Jũmenijicure torojue bajadéni. Jũmenijicui mearo ðacaimũme ñai jabocu Jũmenijicui daroimũ mácu. Cãrijimena cũjarãri cavarõ mearocavu. Jũmenijicure mearo majaróri. Jũmenijicure torojue bajadéni, arejaimada na.

<sup>39</sup> Apevu fariseovacavũ curivũ nore arĩdurejaimada Jesũre:

—Mu, bueipõecu, bi aicõjejacu mi bueimarare, arĩdurejaimada na.

<sup>40</sup> Ùbenita Jesús arejamedã:

—Coyũyubu mujare: Na bi aru, iboã cũraboavareca coðobobojebu, arejamedã náre Jesús.

<sup>41</sup> Jerusalén ãmicurĩĩmaro joabejĩnoĩ eayũ Jesús, diĩmarore jáñũ, orejamedã, ùi Jerusalén ãmicurĩĩmarocavũre cõmaje ãroje jáiye boje. <sup>42</sup> Aru arejamedã:

—Muĩja, Jerusalécavũ, muĩje coreóvaru cãrijimene ðaiyede, meajebu muĩjare. Ùbenita coreóvarĩ majibevũ muĩja diede. Jũmenijicu majide ðabebi muĩjare diede cãreja. <sup>43</sup> Apejãravua baquiyéi jãraramu muĩje mauva edaivũre muĩje ùmaro turũvai. Epenajarama jobore cũracũape. Etaĩno cubequiyebu muĩjare. Bienajaramu muĩjare ùmaro jĩvũi, muĩje dupibenajiyepe aivũ. <sup>44</sup> Jarũvarãjarama muĩje cũramiare. Aru ye mautebequiyebu cũinãva cũrava apeva cũrava pũenora. Boarĩ jarũvarãjarama muĩjare aru muĩjemarare mãre. Caiye diede ñãjinajaramu muĩja, muĩje coreóvabe boje cari jãravũre, Jũmenijicu ùi daroiyede yũre, ji meaðaquiyepe ayũ muĩjare, muĩje numenajiyepe arĩduyũ toabo cũiméboi, arejamedã Jesús.

### Jesús ùi meaðaino Jũmenijicui

#### cũramine

(Mt 21.12-17; Mr 11.15-19;

Lc 21.37; Jn 2.13-22)

<sup>45</sup> No yóboi Jesús earejamedã Jerusalén ãmicurĩĩmaroĩ. Jũmenijicui cũrami tãibui ecorejamedã. Aru jaetovarejamedã ina bojedãipõeva curivure nore jocarĩ. Arejamedã náre:

<sup>46</sup>—Yópe arĩ, toivaicõjeneaquemavũ Jũmenijicu ùi yãvaiyede: “Jĩ

cārami caivũ pōeva ne yũre, Jūmenijicũre, coyũñamimu”, arĩ toivaicōjenejaquemavũ. Ūbenita diñamine tatorĩ ívũ ne dupiñamipe ðaquemavũ mũja, muje pũeno urarō tātũra íye boje pōevare jocarĩ, ne bojedaiyede muje cũavede, arejamedã náre Jesús.

<sup>47</sup> Caijãravũã Jesús bueyũ barejãmedã Jūmenijicũ cārami jĩvũ. Ina sacerdotevare jaboteipōeva, aru Jūmenijicũ yãvaiye bãquede bueipōeva, aru ina judíoã jabova máre boarĩ jaruvaiyũrivũ barĩdurejaimada Jesũre. <sup>48</sup> Ūbenita caivũ ina obedivũ pōevacãpũravũ torojũrĩ jãpaiyũrejaimada Jesús ũi bueiye. Que baru ũre boarĩ jarũvarĩ buojabedejaimada na, ũi mauva.

### Jesús ũi parué

(Mt 21.23-27; Mr 11.27-33)

**20** <sup>1-2</sup> Cũinãjãravũ Jesús bueyũ barejãmedã ina pōevare, Jūmenijicũ cārami curivũre. Coyũyũ barejãmedã Jūmenijicũ yãvaiye méne, ũi meadaquiyede pōevare. Sacerdotevare jaboteipōeva, aru Jūmenijicũ yãvaiye bãquede bueipōeva, aru judíoã bucũva máre ũi yebai nũri, arejaimada ũre: —Coyũjacũ ñũjare. ¿Ye paruéque ðayũrũ mũ iye mi ðaiyede? ¿Ñame jídi mũre iye paruéde mi nõpe ðaiyede? arejaimada Jesũre.

<sup>3</sup> Jesús arejamedã náre:

—Yũ máre jēniari jãquijivũ mũjare cũinãro jēniari jãinore. Coyũjarã yũre. Aru yũre coyuiyede, yũ máre coyũquijivũ mũjare ji paruéde ji ðaiyede.

<sup>4</sup> ¿Juan Bautista bãcũ jãðovaquemari pōevare Jūmenijicũ ũi paruéque o pōeva ne paruéque? arejamedã náre Jesús.

<sup>5</sup> Ūi que aiyede, ne bajumia boroteivũ arejaimada yõpe: “Maje aru ‘Jūmenijicũque’, ũ aqũijibi ‘¿Aipe teni ju abetecarãũ ũre?’” <sup>6</sup> Ūbenita maje aru ‘pōevaque’, caivũ ina pōeva cãraboare ðũvarĩ boarĩ jarũvarãjarama majare, ne majié boje Juan Bautista bãcũre Jūmenijicũ yãvaiyede coyũcãipõecũ

bãcũre jãve”, arejaimada ne bajumia.

<sup>7</sup> Que baru arejaimada Jesũre:

—Majibevũ ñũja, arejaimada na.

<sup>8</sup> Dinũmũre Jesús arejamedã náre:

—Yũ máre coyũbevũ mũjare ñamei paruéque ji ðaiyede, arejamedã Jesũs.

### “Āmena memecaipōevare” jãri dãpiarĩ ne ðarãjiyepẽ aino

(Mt 21.33-44; Mr 12.1-11)

<sup>9</sup> No yõboi Jesús coyũrĩ búrejamedã ina ũque curivũre jãri dãpiarĩ ne ðarãjiyepẽ ainoque, yõpe arĩ:

—Cũinãcũ ũmũ doaicōjequemavũ jiore ũyaimuque. Aru epequemavũ apevũ ũre memecaipōevare noi. Ina memecaipōeva ñajivũ batequémavũ apeboa ũyaiboare, ne memeiye boje. Aru ñũquemavũ apeno joborõi. Joe cũcũyũ batequémavũ ũ. <sup>10</sup> Ūyã jēijãravũ yõboi, ñai jio upacũ jarorĩduquemavũ cũinãcũ ũi yebacacũre memecaipōeva yebai, ũi íquiyepẽ ayũ apeboa ũyaiboare, ñai upacũ jiede. Ūbenita ñai yebacacũ ũi eaiyede nore, ina memecaipōeva ũre jēni, pare boarĩ copaide ðaquemavũ ũre quédãta. <sup>11</sup> Cojedeca ñai jio upacũ jarorĩduquemavũ apesũ ũi yebacacũre memecaipōeva yebai. Ūbenita ũre máre boaquémavũ. Aru cũyojarõ ðarĩ, copaide ðaquemavũ ũre máre quédãta. <sup>12</sup> Cojedeca ñai jio upacũ jarorĩduquemavũ apesũ ũi yebacacũre nore memecaipōeva yebai. Ūbenita churiã ðarĩ, jaetovaquemavũ ũre nore jocarĩ.

<sup>13</sup> Dinũmũ ñai jio upacũ aquemavũ yõpe: “¿Aipe ðaji yũ? Jave majivũ yũ ji ðaquiyẽde. Jaroquijivũ jímacũ, ji mũmũre. ‘Ūre jãivũ pũedarãjichũma na’ ayũ”. Que aquemavũ ũ. <sup>14</sup> Ūbenita ina memecaipōeva jãivũ ñai jio upacũ mácũre, aquemavũ ne bajumia: “Ñai ñũje jabocũ bacũyũme. Jĩpacũ ũi yãinĩburu yõboi, cũvacũyũme caiye ũi cũavede. Jãrica, boarĩ jarũvarãjarevũ ũre, maja cũvaburĩ caiye ũi cũavede”, aquemavũ na. <sup>15</sup> Que arĩ, ũre jēni jaetovaquemavũ jiore jocarĩ. Aru boarĩ jarũvaquemavũ ũre, arejamedã Jesũs.

Coyurĩburu yóboi, Jesús yópe arĩ, jēniari járejameđa ina jápiaivure úre:

—¿Aipe đaquidi ñai jio upacu náre?

<sup>16</sup> Ë boarĩ jaruvacunucuyume ina memecaipōevare. Aru epecuyume apevu memecaipōevare ũi jioi, arejameđa Jesús.

Diede jápiaivu arejaimađa:

—¡Que ãnevu no! arejaimađa.

<sup>17</sup> Ëbenita Jesús, jáñu náre, arejameđa: —¿Aipe aiyuri iye Jūmenijicui toivaicōjeiye báquede ũi yávaiye?

Iva cūravare cūramine đaipōeva ũbeni jaruvaquemavu. Caride iva cūrava caiva apeva pūeno parurivabu, arĩ toivaicōjenejaquemavu.

<sup>18</sup> Açu pōecu tuyu baru divarā, turĩ yavacuyume ũi bajure. Aru diva tuiva baru pōecu pūenora, chitoquiyeđu úre, arejameđa náre Jesús.

Yópe aiyurōtamu no: Pōeva “Āmecube ĩ”, arĩdurājarama Jesúi borore. Ëbenita meacu bajube ũ, Jesús, caivu apevu pūeno.

<sup>19</sup> Ina Jūmenijicui yávaiye báquede bueipōeva aru ina sacerdotevare jaboteipōeva máre jēni nūvaiyurĩdurejaimađa Jesúre dínunumia, ũi coyuiye boje no jári dāpiarĩ ne đarājiyepe ainore, cūravare coyūino mácarōre, nára. Ëbenita jidurejaimađa ina obedivu pōevare.

**Jesús ũi coyūino jabovare bojedainore**

(Mt 22.15-22; Mr 12.13-17)

<sup>20</sup> Ina judíovai jabova cocorejaimađa Jesúre, meajārvai coreivu ne jēni jínajinore úre ñai jabocu Pilatore. Que baru ārojamaña jarorejaimađa jujovaiure, đaiure mearape, ne earĩdurājiyepe aivu ũi ãmeina tedu aru ũi borocuru apevure. <sup>21</sup> Que baru jēniari járejaimađa Jesúre:

—Mũ, bueipōecu, mũre coreóvaivũbu ñña. Nurié yávaivu mũ. Caivure cūinácamuara yávaivu mũ. Coyubevu mũ pōevare yópe ne đaiyepe. Quéñora jidubecuva coyuivu mũ náre yópe

ne dāpiaiyepere. Jāveneca bueivu mũ pōevare, ne đarājiyepe ayu mearore yópe Jūmenijicui đaicōjeiyepe. <sup>22</sup> ¿Maje jabocu César ũi ícōjejuroede, ũi jaboteiye boje, maje bojedaru, mearica die? arejaimađa Jesúre.

<sup>23</sup> Ëbenita ne jujovajuroede majicu, nácacure arejameđa Jesús:

<sup>24</sup> —Jáđovajacu yure tātuturavare.

¿Ñamema ñai, dituravare jēñu? ¿Aru ñamei ãmiá curituravaba diturava? arejameđa náre Jesús.

—Césai decocu aru ũi ãmiá máre curituravatamu, arejaimađa Jesúre.

<sup>25</sup> —César jiede úre jacopaiyovajarā mũja. Jíjarā úre tātura yópe ũi bojedaicōjeiyepe mũjare. Aru Jūmenijicu jiede úre jacopaiyovajarā mũja. Đajarā yópe ũi urōpe, arejameđa náre, jēniari járadaivure, Jesús.

<sup>26</sup> Ina jujovaiyurĩđuivu bācavu Jesúre ũi que aiyede urarō dāpiarejaimađa ũi coyuiyede. Aru bi arejaimađa na.

**Saduceova ne jēniari jáino Jesúre yainore jaruvarĩ nacajainore**

(Mt 22.23-33; Mr 12.18-27; Hch 23.8)

<sup>27</sup> Apevu saduceova nurejaimađa Jesús yebai. Saduceo ãmicuriyajubobu judíovacavu ne yajubo cūináyajubo. Caivu saduceova “Yainore jaruvarĩ nacajaiye cubevũ”, adama na. <sup>28</sup> Jesúre jēniari járejaimađa ina saduceova yópe:

—Mũ, bueipōecu, Jūmenijicui đaicōjeiyede Moisés bācu toivarejaquemavu yópe: Cūinācu ũmũ yaidú, jímarepacore jocarĩ jueđocuvabecova, yaiyú bācui yócure pũũbuoiye jaevũ óque, jueđocuvacuyũ. Aru ina jueđova bārājivu yaiyú bācui ãmiáre cūvarājarama na. <sup>29</sup> Javede cútequemavu siete paivu ũmũva. Cūinācu ũmũ mára matequemavu na. Némamicũ pũũbuoquemavu. No yóboi yaiquemavu ũ mácu, jueđocuvabecuva.

<sup>30</sup> Que baru apecũ, ũ mácurā cutuyũ, pũũbuoquemavu jíbcu bācui márepacoque. Aru jíbcu bācupedeca yaiquemavu, jueđocuvabecuva.

<sup>31</sup> Aru apecũ, ũ mácurā cutuyũ, máre



nopedeca, aru caivn ina siete paivn bácvn óque purubvorí, yaiquémavn, juedocuvabevvna. <sup>32</sup>Caivn ne yóboi, ico nomió máco máre yaiquémavn. <sup>33</sup>¿Yainore jaruvarí nacajajárvn baquinóre, ñamei márepaco bacoódba ico? Ijáravnre caivn ina siete paivn cvvatequemavn óre, arejaimada na Jesúsre.

<sup>34</sup>Aru Jesús arejaimada ina saduceovare:

—Ijáravnrcavn purubvodama aru némaromivare jíyama, ne purubvorájiyepere aivn. <sup>35</sup>Ûbenita añijárvnrcavn yaibénama na. Que baru Jūmenijicui yainore jaruvarí nacajaicōjeimara márárvn, purubvobenajarama. <sup>36</sup>Ñijárvnrcavn ángelevape árojarajarama na. Que baru Jūmenijicui máratamu na, ne yainore jaruvarí nacajaiye boje. <sup>37</sup>¿Iye yainore jaruvarí nacajaiyede, jápiarí eabengarv mña Jūmenijicui coyuiye báquede, Moisés bácv ñi toivaiye báquede, jocvjicv uruijicvre coyví? “Yútamu Jūmenijicv. Abraham, Isaac, aru Jacob ne mearore jímvu yv”, arejaquemavn Jūmenijicv Moisés bácvre. <sup>38</sup>Yáivn bácvn ne mearore jímv ãmemi Jūmenijicv. Qué Nora arvrivn ne mearore jímvutame ñ. Que baru ina majeñecvva arvrivvbu. Caivn Jūmenijicui beoimara arvrivvbu na, arejaimada náre Jesús.

<sup>39</sup>Aru apevn, Jūmenijicui yávaiye báquede buaipōevacavn, ju arejaimada úre:

—Mv, buaipōecv, me yávaiyv mv, arejaimada na.

<sup>40</sup>Que baru jidvrivn jēniari jáiyvbedejaimada úre bedióna cojedeca, ñi me ju aive boje ina úre jujovaiyurídivn bácvvre.

**Cristo ñai jabocv David bácv  
pāramecv**

(Mt 22.41-46; Mr 12.35-37)

<sup>41</sup>Ûbenita Jesús jēniari járejaimada náre:

—¿Aipe teni “Cristobe David bácv pāramecv” aivvba? <sup>42</sup>David bácvvacari

Espíritu Santoi parvéque coyvicōjeimv toivarejaquemavn Salmos ámicvrivyoca cáriáiyocarā yópe arí:

Jūmenijicv aquemavn ji jabocvre, “Dobajacv ji mearpūrvnvi, mi cvvae boje parvéde yvpedeca.

<sup>43</sup>Aru yv epecvymv mi mavvare mi cvboba cáchinoi. Que teni mvre vainí jarvvere đacvymv yv náre, mi jabotequiyepe ayv náre”, arí toivarejaquemavn David bácv Cristorā.

<sup>44</sup>David bácvvacari Cristoi borore “Úrecabe ji jabocv”, arejaquemavn. Que baru, ¿aive teni David bácv pāramecvba ñ? arejaimada náre Jesús.

**Jesús ñi boro coyví adaino  
Jūmenijicui yávaiye báquede  
bueipōevare**

(Mt 23.1-36; Mr 12.38-40; Lc 11.37-54)

<sup>45</sup>Caivn ina pōeva ne jápaiyede, Jesús arejaimada ñi bueimarare:

<sup>46</sup>—Me đajarā ina Jūmenijicui yávaiye báquede buaipōevare. Námv cuiyvrvn cvitótecajea ñmvjuricajeaque. Aru ama na pōeva pueđarí ne jacoyvñore náre táibvi. Judíovai cójjiñnamiare ne dobae méne vma na. Aru torojvve teinore cuiyvma na ñai torojvve teino upacv yebai. Caiye iyede vma na, pōeva ne mearo járvjiyepere aivv náre. <sup>47</sup>Ûbenita jujovarí ñnavadama ina nomiópēvare ne apejēne. Aru jēniadama joe urarō Jūmenijicvque, pōeva ne dāpiarájiyepere aivv Jūmenijicui yávaiye báquede buaipōeva me Jūmenijicvre ju aivvpe. Caiye diede ne đaiye boje, pueno urarō ñájinajarama na, ne ãmeina teiye boje, arejaimada Jesús.

**Nomiópeco cvve cvvabeco ñi távtvra  
jíno Jūmenijicvre**

(Mr 12.41-44)

**21** <sup>1</sup>Jesús jáñv marejaimada ina pōeva cvve cvvavrivvne ne vre távtvrvare Jūmenijicui cvrami távtvra jíye epeitōcvi jíni tvoivvne.

<sup>2</sup>Járejaimada cvñáco nomiópecore cvve cvvabecore, pvcátvrvava távtvratvrvare,

me bojecubetavare tuodore. <sup>3</sup>Aru arejameða:

—Jåve soyuyubu mujare: Ico nomiõpeco cuve savabeco Jümenijicure jíbico arevü ne jíye püeno baju, õi jíye boje õi cüvarõ cainore. Ubenita nácarüravü quénora quíjino ne cüvarõcarõre jíyama. <sup>4</sup>Caivü ina põeva ne urarõ cüvaecarõre jíyama Jümenijicure náre jaubede. Ubenita ico nomiõ õi quíjino cüvarijino mácarõre jíbico cainore Jümenijicure. Caiye õi ijáravüi cüvajuroede jíbico õ Jümenijicure, arejameða Jesús.

**Jesús üi soyüino “Jümenijicüi cürami tuquiyebu” arí**  
(Mt 24.1-2; Mr 13.1-2)

<sup>5</sup>Arevü, Jümenijicüi cüramine jári, arejaimaða:

—iPare meavabu iva cürava! iAru pare meadamiamu iñamia cüramia! iAru pare mearomu põeva ne jino mácarõre, coyayarájivü diñamiare! arejaimaða na.

<sup>6</sup>Ne que aiyede, Jesús arejameða:  
—Apejáravü cuquiyebu cüiné ðaijáravü baquinó caiye iye müje jáiyede. Cüináva cürava mautebequiyebu apeva püenora. Caiye iva cüravare tavarájarama. Que teni cüiquiyebu die, arejameða Jesús.

**Jáðovaiye járavü cüiquíye jipocai**  
(Mt 24.3-28; Mr 13.3-23; Lc 12.11-12)

<sup>7</sup>Jesúi bueimara jëniari járejaimaða úre:

—Mü, bueipõecu, ðaiyiyede tuquidi caiye iye cüramia uraðámia? ¿Aipe ðarí coreóvarájidica ñüja caiye iye buojaquiyede? arejaimaða na.

<sup>8</sup>Aru Jesús arejameða náre:  
—Me jájara apecu jujovaiyücure mujare. Darájarama obedivü ümüva. Aru arájarama “Cristobu yü” aru “Cristoi ðaquijáravü baquinó joabejñotamu”. Náre ju abejará. Aru náque nujegara. <sup>9</sup>Müje jápaiyede boaino borore aru boaquino borore máre, jidübejará. Caiye iye vaiquiyebu járavü cüiquíye jipocai. Ubenita cüimébu cáreja, arejameða náre Jesús.

<sup>10</sup>Dinümü arejameða náre:

—Cüináyajubo põeyajubocavü áðamatenajarama apeyajubo põeyajubocavüque. Aru cüináro jaboteinocavü áðamatenajarama apeno jaboteinocavüque. <sup>11</sup>Urarõ joborõ cújiquiyebu obedicüðare. Nájinajarama ávüéna aru duica ijíede máre, yainájivü. Aru járajarama urarõ jáðovaino jidojarõre cavarõi.

<sup>12</sup>Ubenita iye vaiquíye jipocai põeva jënajarama mujare. Ámeno ðarájarama mujare. Jëni jínajarama mujare ina judíovai cójjiñamine coreipõevare aru ina ámeina teivüre jëni jacoíñamine coreipõevare máre. Nuvarajarama mujare, müje núrajíyepé aivü cójeipõeva ne jáinoi aru jabove ne jáinoi máre, yure müje ju aye boje. <sup>13</sup>Dinümüta müja soyurájaramu ji borore. <sup>14</sup>Que baru müje baju majijará, dápiabenajivü aipe müje arájinore. <sup>15</sup>Que teni yévacari majide ðacuyümu mujare, müje soyurájíyepé ayü méne. Que baru caivü ina müje mauva mujare copü yávarí aru mujare majibeüpé jáðovari buojabenajarama. <sup>16</sup>Müjebücüva máre, müjemamina, müjevü, aru müje yóvaimara máre jëni jínajarama mujare, jabove ne boarí jarüvarájíyepé aivü müjacavüre. <sup>17</sup>Aru caivü mujare, müje ju aye boje yure, jorojini járajarama. <sup>18</sup>Ubenita cüinájiyo müje poðaðo bíjabequiyebu. Que baru ye ámeno ðabenajarama mujare. <sup>19</sup>Müja ju aivü baru yure, müje yainümüita, earájaramu müja járavü cüiméjáravü baquinóre. <sup>20</sup>Ubenita müje jáiyede ina müje mauva churarava jacotürádivüre Jerusaléne, majinajaramu joabenore diímaro bíjaquinore. <sup>21</sup>Dinümüta ina Judeacavü dupini nujararí cüracüai. Aru ina ímarocavü cüyarí etajararí ímarore jocarí. Aru ina jioi cürivü ecobejararí ímarore. <sup>22</sup>Dijáravüa Jümenijicüi ñájiovaquijáravüa baquiyébu, eaquiyepé ayü caiye iye toivaiye báquede ánijáravüa baquiyéde. <sup>23</sup>iCómaje árojarajarama ina nomiva micava bárájivü! iAru ina nomiva némajina nuri

dajocabevure cūvarājivū máre, pare ñájinajarama na! Dijáravua baquiyéde urredō āmeno edaquiyebu ijaborōre. Aru ijáravucavū ñájinajarama urredō baju. <sup>24</sup>Ne mauva boarí jarūvarājarama nácavure. Aru buorí arevure, nūvarajarama náre cainoa joborōai. Aru b́jarorājarama Jerusaléne ina judfova āmevū ne jaboteinūmū buojaiyeta, arí buedejameđa náre Jesús.

**Jūmenijicūi daroimū mácu ūmure ūi copaidaquino**

(Mt 24.29-35, 42-44; Mr 13.24-37; Lc 19.47; Ap 1.7, 6.12-13)

<sup>25</sup>Jesús buede nurejameđa, yópe arí: —Jūmenijicū jádovacūyūme ūi paruéde aviáque, aru aviá ñamicacūque, aru abíacovaque máre. Ijáravucavū, cainoa joborōacavū, jidūrivū cārijinajarama jia urada pācaie pare bujé boje.

<sup>26</sup>Aru pōeva cuecumarajarama, ne jidúe boje, dápiaivū caino no āmeno vaiquínore ijáravucavure. Que baru caivū ina paruéque cūrivūvacarí cavarōi cūjinajarama. <sup>27</sup>Dinūmū j́arajarama yure, Jūmenijicūi daroimū mácure ūmure. Dacūyūmū ocopeniboi, urredō paruéque, jádovacūyū meacu bajure. <sup>28</sup>Que baru caiye iye buiyede yópe ji coyūyēpe, jidūbejarā. Dinūmū maquinóre maumena Jūmenijicū meadaquijibi mūjare, arejameđa náre Jesús.

<sup>29</sup>Aru Jesús coyūrejameđa náre j́ari d́apiarí ne đarājiyēpe ayū:

—J́ajara icū jocūcu higueraeure aru arecna jocūcūare máre. <sup>30</sup>Yoca yuiyede majivū mūja ūjūrūmū joabenore.

<sup>31</sup>Nopedeca j́aivū caiye iye teiyede, majinajaramu mūja Jūmenijicūi jabotequinūmū joabenore.

<sup>32</sup>J́ave coyūyūbu mūjare: Arevū ijáravūi cūrivū yaibédeca cāreja, vaiquiyebu caiye iye yópe ji coyūyēpe.

<sup>33</sup>Caino cavarō aru caino joborō máre cūiquiyebu. Yópe ji yávaiyepedeca j́ave vaiquiyebu.

<sup>34</sup>Cārijovamejara mūje torojūve teiyēque, aru āiyēque, aru ūcūiyēque mūje pacoteiyede, aru caiye ijáravū

đaiyēque máre. Me j́ajara mūja, ānijáravū, ji copaidaquijáravū baquinó, edabequiyēpe mūjare mūje corebede, yópe doriñū j́eiyēpe moacūre.

<sup>35</sup>Ānijáravū baquinó edaquiyebu caivū ijáravucavure maumejiena. <sup>36</sup>Ūbenita ārūjara cainūmua. Mūje vaiyede caiye iye ñájiyede, j́eniajara Jūmenijicūre, ūi j́iquiyēpe aivū mūjare ūi paruéde, núrājivū jidūbevūva aru cūyēbevūva máre Jūmenijicūi daroimū mácu ūmure, ji j́ainoi, arejameđa náre Jesús.

<sup>37</sup>Caijáravua Jesús bueyū barejameđa Jūmenijicūi cūrami. Ūbenita nainfburu yóboi, ĩmarore jocarí nūri, Jesújā cāranūvarejaimađa cūracū Olivocū āmicuricūi. <sup>38</sup>Aru javejina coapa ĩmaroi copaini, Jūmenijicūi cūrami ecovarejameđa cojedeca Jesús. Aru obedivū pōeva ūre j́apiarānurejaimađa ūi yebai nore.

**Jesús ūi coyūino ne j́enajinore ūre yóboimia**

(Mt 26.1-5, 14-16; Mr 14.1-2, 10-11; Jn 11.45-53)

**22** <sup>1</sup>Pascua āmicurijáravū, páure bucure đaiye cube āiye torojūve teinūmū joabeno marejávūya.

<sup>2</sup>Ina sacerdotevare jaboteipōeva aru Jūmenijicūi yávaiye báquede buaipōeva jūjovarí j́eni, boarí jarūvaiyūrejaimađa Jesúre. Ūbenita jidūrejaimađa ina obedivū pōevare.

<sup>3</sup>Dinūmure ñai abujuvai jabocū, Satanás, đaicōjēnejacūemavū Judas Iscariotede, ñai cūinácū ina doce paivū Jesúi bueimaracacure. <sup>4</sup>Que teni ñai Judas coyūcūnurejameđa ina sacerdotevare jaboteipōevare aru ina Jūmenijicūi cūramine coreipōevare máre. Náre j́eni j́iyūrejameđa Jesúre.

<sup>5</sup>Ūi đaiyūede j́apiarí, torojūrejaimađa na. Que baru arejaimađa ūre: “Ñūja j́inajivūbu mure táuturare, ñūjare mi j́eni j́iye boje ūre yavenina”, arejaimađa Judare. <sup>6</sup>Judas ju arejameđa náre. Que baru j́ari coreni búrejameđa, j́eni j́icūyū Jesúre yavenina, ina obedivū pōeva ne j́ámeno.

**Jesús ñi ãino ñi bueimaraque**  
(Mt 26.17-29; Mr 14.12-25; Jn  
13.21-30; 1 Co 11.23-26)

<sup>7</sup>Páure bucure ðaiye cube ãiye torojuve tejjárvavu barejávüya. Pascua jãrvavucacure, ovejãjicure, boarí, toaque juarí, ávarejaimada dijãrvavure. <sup>8</sup>Que baru Jesús, Pedrose aru Jũare máre jarorí, arejamedã náre:

—Meadarãñujara maje Pascua jãrvavucacure ãiyede maje árajijede, arejamedã náre Jesús.

<sup>9</sup>Aru jëniari járejaimada Jesúre:  
—¿Ári nuri meadacarájidica ñuja diede? arejaimada na.

<sup>10</sup>Ë arejamedã náre:  
—Muja ecoivã bãcavã ïmarore, ëmeni, nõcacure oco tuyure copurãjaramu muja. Éque nuri, cüramine ñi ecoiyede cüináturu muja máre ecojarã. <sup>11</sup>Diñami upacure yópe ajarã muja: “¿Átucububa ji bueimaraque ji Pascua jãrvavure ji áquitucubu?” aibi bueipõecu”, ajarã muja. <sup>12</sup>Diñami upacurãpüravã puenocatucubu uratucubu jave majare javéde meadaitucubu bácarõre mujare jáðovacuyume ñ. Noi ditucubui majare maje árajijede meadajarã muja, arejamedã náre Jesús.

<sup>13</sup>Ëre ju arí, nuri, ïmaroi earejaimada na. Earí, nore Jesús ñi ãiye báquepedeca ñi aitucubure earejaimada. Noi Pascua jãrvavucacure ãiyede meadarejaimada na pucarã.

<sup>14</sup>Que teni ne Pascua ãiora barejávüya. Jesús earí, dobarejamedã tuoiva yebai ñi yávaiye méne beorí coyucõjeimaraque. <sup>15</sup>Aru arejamedã náre:

—Pare ãiyuvã yu iye Pascua ãiyede mujaque ji ñãjiquiye jipocai. <sup>16</sup>Que baru coyuvãbu mujare: Ámecubu yu Pascua jãrvavucacure ãiyede cojedeca, pu Jũmenijicui jaboteino eaiyeta, arejamedã Jesús.

<sup>17</sup>Ûcuidore ñni, Jũmenijicure torojuede jíniburu yóboi, arejamedã:

—Ëju, coapavajarã dicorore muje baju. <sup>18</sup>Que baru coyuvãbu mujare: Quénora vino úyaicorore úcuñumu yu ijãrvavure.

Ûcumeçubu dicorore cojedeca, pu Jũmenijicui jaboteinumu, arejamedã ñi bueimaraque Jesús.

<sup>19</sup>Ne ãiyedeca, páure ñni, Jũmenijicure torojuede jídejamedã Jesús. Torojuede jíni buojarí, páure cotuvarejamedã. Cotavari buojarí, náre coapa jíni, arejamedã:

—Dápijarã iye páure yópe muje dápiayepi ji bajure. Jíquijivã yu ji bajure, ne boarí jaruvãrãjijepi yure, mujare ji meadaquiye boje. Que baru muje ãiyede iye páure, árujara yure, arejamedã náre Jesús.

<sup>20</sup>Aru nopedeca Ûcuidore ñni, ne ãri bubaríburu yóboi, Jesús arejamedã:

—Dápijarã iye Ûcuiyede yópe muje dápiayepi ji jivede. Jíquijivã yu ji jivede, ne boarí jaruvãrãjijepi yure, mujare ji meadaquiye boje. Que baru yure mequiyebu ji jive obedivure boje. Jũmenijicui “Yópe ðajarã muja, boropatebenajivã ji jáinoi”, ñi yóbocarõ coyuno mácarõre pöevare árujararamu muja, muje Ûcuiyede diede. <sup>21</sup>Ëbenita jájara. Ñai ñmu jëni jícuyã yure ji mavare cubi yui tuoiva yebai yáque.

<sup>22</sup>Yu, Jũmenijicui daroimã mácu ñmure ijãrvavui, ji yãjãrvavui nucuyumu yu, yópe Jũmenijicui toivaicõjeiye báquepedeca ñi yávaiyede. Ëbenita ãmeno vaicuyume ñ, ñai yure jëni jíyã bacuyá, arejamedã Jesús.

<sup>23</sup>Que baru jëniari jári búrejaimada ne bajumia:

—¿Ñame maquidí jëni jíyã Jesúre ñi mavare? arejaimada na.

**¿Ñamema parucu maje jënebore?**

(Mt 18.1, 19.28, 20.25-28, 23.11; Mr  
9.34-35, 10.42-45; Lc 9.46; Jn 13.12-15)

<sup>24</sup>Jesúi bueimara yópe yávarejaimada ne bajumia:

—¿Ñamema majacacu parucu aprevã pueno? arejaimada.

<sup>25</sup>Jesús arejamedã náre:

—Ina judíova ãnevã ne jabova parucéque cõjeivãbu ne jaborõcavure, ne ðacarãjijepi aivã náre ne urõpe. Aru ina jaborõcavã, “Ñujare cadateipöevatamu”,

aivubu ne jabovare. <sup>26</sup>Ūbenita nápe ďabejarā mŭja. Ńnai mŭjacacu parucu baiyucu baru, mŭjeyocupe memecajacurī mŭjare. <sup>27</sup>Apevu dobarivubu tuoiva yebai. Aru apevu, ne yebacavu, jŭyama ina dobarivure ne āiyede. ĆŃamema parucu apevu pŭeno? ĆŃai dobacu tuoiva yebai o Ńnai yebacacu pŭeno parucuba? Jāve Ńnai dobacu tuoiva yebai pŭeno parucube. Ūbenita yu cŭvu mŭje jēneboi yebacacupe.

<sup>28</sup>Mŭja dajocabevu yure ji Ńājijede, quénora Ńājivu mŭja cūnáturu yúque. <sup>29-30</sup>Yópe jŭpacu ũi jŭyepa yure ji jabotequinore, nopedeca yu máre jŭvu mŭjare mŭje jabotenajinore, mŭje dobarājiyepa ayu ji tuoiva yebai ji jabotequiyede, ārajivu aru ũcurajivu yúque, aru mŭje dobarājiyepa ayu jabovai dobarōa mearoara, coyŭrajivu mearare o āmenare ina doce paiyajuboa Israecavure, arejamedā Jesús ũi bueimarare.

**Jesús ũi coyũino Pedrore ũi “Jesúre yu coreóvabevu” aquinore**

(Mt 26.31-35; Mr 14.27-31; Jn 13.36-38)

<sup>31</sup>Jesús arejamedā Simón Pedrore: —Mu, Simón, Ńnai abujuvai jabocu Satanáre Jŭmenijicu jŭjovaicōjeimi mŭjare, yópe pōeva ne jajuóiyepa matore. <sup>32</sup>Ūbenita yu jēniavui Jŭmenijicucque, mi dajocabequiyepa ayu mi ju aiyede ũre. Ńnai abujuvai jabocu mure jŭjovarĩburu yóboi, mi me cuquiyede Jŭmenijicucque cojedeca, caďatejacu apevu ũre ju aivure, mi yóvaimarare, arejamedā Jesús.

<sup>33</sup>Aru Simón Pedro arĩdurejamedā Jesúre:

—Mu, ji jabocu, āmeina teivure jēni jacoĩnami múque nuñu buojavui yu. Aru múque yaiyú máre buojavui yu, arĩdurejamedā Jesúre.

<sup>34</sup>Ūbenita Jesús arejamedā ũre:

—Mu, Pedro, coyũyubu mure: “Jesúre yu coreóvabevu”, acũyũtu mu cari Ńnami, cáyu ũi órejaquiyepa jipocai. Aru yóbcue nópe acũyũtu mu, arejamedā Pedrore Jesús.

**Jesúre ne jēnajino joabeno**

(Mt 10.9-10; Mr 6.8-9; Lc 9.3, 10.4)

<sup>35</sup>Jesús arejamedā náre, ũi bueimarare:

—Javede ji jaroiyede mŭjare nŭvameteavũ mŭja tauturare, aru curubuare, aru curaidoare máre. ĆYe jaũtearĩ mŭjare? arejamedā náre Jesús.

Aru ju arejaimada ũre:

—Jaubeteavũ Ńmŭjare, arejaimada na.

<sup>36</sup>Ū arejamedā náre cojedeca:

—Ūbenita caride Ńai tauturare cŭvacu baru, nŭvajacurĩ diede. Aru Ńnai curubure máre cŭvacu baru, nŭvajacurĩ dicurubure. Aru Ńnai boaicarovede cŭvabecu baru, ũi pŭenocacaje doicajede jŭjacurĩ, bojedacuyu boaicarovede.

<sup>37</sup>Coyũyubu mŭjare: Javede Jŭmenijicui yávaiyede coyũcaipōecu bācu, yópe arĩ, toivarejaquemavu yŭrā: “Pōeva ũre ďarājarama yópe ne ďaiyepa āmeina teivure”, arĩ toivarejaquemavu. Aru ji mauva ďarājarama yure nópe iye toivaiye báque coyũiyepa, arejamedā Jesús.

<sup>38</sup>Arejaimada na:

—Mu, Ńmŭje jabocu, jájacu. Yuibu pŭcavea boaicarovea, maje boarājivea, arejaimada.

Aru Jesús ju arejamedā náre:

—Quénora meaquiyebe, arejamedā Jesús.

**Jesús Getsemanĩ ũi jēniavui Jŭmenijicucque**

(Mt 26.36-46; Mr 14.32-42)

<sup>39</sup>No yóboi Jesús etarejamedā ne Pascua aĩtucubure jocarĩ. Aru ũi ďarĩ cōmajiyepa nurejamedā cŭracũ Olivocũ āmicŭricũ. Ūi bueimara máre yóvarejaimada ũre. <sup>40</sup>Ne eaiyede ũi nŭiyŭrō mácarōi, Jesús arĩdurejamedā náre:

—Jŭmenijicucque borotejarā mŭja, abujuvai jabocui mŭjare jŭjovarĩ, āmeina tede ďabequiyepa aivũ, arĩdurejamedā náre Jesús.

<sup>41</sup>Que ayu bācu, náre jocarĩ nurejamedā, yópe pōecu cŭraboro

đuvarī jaroīnope paino baji. Aru ñuatutarī joborōi borotedejameđa Jūmenijicuque.

<sup>42</sup>—Mũ, jipacu, yure cari vaiquīye vaibéjađeni. Caiyede đaiye majicutamumu. Ūbenita ji urōpe đabejacu. Quénora mi urōpe đajacu mũ, arejameđa jípacure Jesús.

<sup>43</sup>Dinũmure cūinácu ángele, cavarō mearo Jūmenijicui curōcacu, járorejameđa ũi yebai, cadatecudayũ earejameđa. <sup>44</sup>Jesús ũi urarō ñájiye eare, pueno parurō borotedejameđa Jūmenijicuque. Que teni ijove darī, jivepe turejavũya joborōi.

<sup>45</sup>Aru boroteni bũojari, nacajari copainurejameđa, ũi bueimara yebai. Earejameđa náre cāivure, uetivure, ne chíoiye boje. <sup>46</sup>Dinũmũ Jesús arejameđa náre:

—¿Aipe teni cāivurũ muja? Nacajajara. Jūmenijicuque borotejarã muja, abujuvai jabocui mujare jujovari, ãmeina tede đabequiyepa aivũ, arejameđa náre Jesús.

#### Jesúre jēni ne nuvaino

(Mt 26.47-56; Mr 14.43-50; Lc 19.47, 21.37; Jn 18.2-11)

<sup>47</sup>Jesús ũi boroteiyedecata earejaimađa obedivu pōeva. Judas, ina doce paivucacu, jipocatedejameđa náre. Jesús yebai nuri, ũre jiva nuri jacyurejameđa. <sup>48</sup>Ūbenita Jesús arejameđa ũre:

—Mũ, Judas, ¿jiva nuri jacyuyurũ mũ yure, Jūmenijicui daroimũ mácure ũmure, jēni jícyũ yure ji mauvare? arejameđa Jesús ũre.

<sup>49</sup>Ina Jesúu yóvaimara, jáivũ iyede vaiyede, jēniari járidurejaimađa Jesúre:

—Mũ, ñũje jabocu, ¿boarãjidi ñũja náre iveá boaicaroveaque? aridurejaimađa na.

<sup>50</sup>Dinũmũma cūinácu Jesúu yóvaimaracacu ũi boaicarovede tatorī, duarī, ĩni, sacerdotevare jaboteipōecui yebacacure juijorī najuárejameđa ũ, ũi meapũravucacumucare. <sup>51</sup>Ūbenita Jesús arejameđa:

—Dajocjarã diede quénora, arejameđa.

Que ayũva, ũi cāmucare tuorī, ũre meadarejameđa Jesús. <sup>52</sup>Dinũmure Jesús arejameđa ina sacerdotevare jaboteipōevare, aru ina Jūmenijicui cūramine coreipōevare, aru ina judíova bucuvare máre:

—¿Tatorī ñavaipōecure jēivure yure boaicaroveaque aru boaiduaque jēni jacorãdaivurũ muja? <sup>53</sup>Jãravũa coapa mujaque Jūmenijicui cūrami cítecacu yũ. Arũrī mujaque cūcure, yure jēni jacobeteavũ muja. Ūbenita caride Jūmenijicu mujare đaicōjeũme muje urōpe yúque. Aru caride abujuvai jabocu ãmeno đare đabi yure, yópe muje urōpe, arejameđa Jesús.

#### “Jesúre yũ coreóvabevũ” arī, Pedro ũi coyũino

(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup>Que arurata Jesúre jēni, sacerdotevare jaboteipōecui cūrami nuvarejaimađa ũre. Aru Pedro joajienata ũi yóboi nure nuũũ mácu, sacerdotevare jaboteipōecui tãibui ecorejameđa ũ. <sup>55</sup>Apevũ Jesúre nuvaivũ bácavucavũ toabore dacuvarĩburu yóboi, dobarejaimađa toabo écarui nore tãibu coricai. Aru Pedro máre dobarejameđa ne jēneboi. <sup>56</sup>Ūi noi dobaedeca, yebacarõmivacaco cūinácu járejacođa Pedroro, toabo pēoiyede ũi jivare. Ūre me cocorī, arejacođa:

—Ñai ũmũ máre cítebi Jesúque, arejacođa õ.

<sup>57</sup>Ūbenita Pedro ju abedejameđa õi yáva iyede:

—Jesúre yũ coreóvabevũ, arejameđa.

<sup>58</sup>Que arĩburu yóji boi, apesu, Pedroro jáũũ, arejameđa:

—Mũ máre nácacubu, arejameđa.

Ūbenita Pedrocãpũravũ arejameđa cojedeca:

—iNácacu ãmevũ! Jesúre yũ coreóvabevũ, arejameđa.

<sup>59</sup>Cūinóra yóboi, apesu máre arejameđa parurõreca:

—Jãve ñai ũmũ cítebi Jesúque. Ū máre Galileacacutame ũ, arejameđa.

<sup>60</sup> Ñbenita Pedrocapuravu jāve ayupe, pare baju arejameđa cojedeca:

—iJāveneca Jūmenijicui jáinoi yu mure coyuyutamu! iJāve ji coyūbedu, Jūmenijicu āmedajacurī yure! Mi aimure ye majibecutamu yu. Ñai Jesúre yu coreóvabevu, arejameđa.

Dinumuma, ũi que aye bajure, órejurejameđa cáyu. <sup>61</sup> Que teiyedata, Jesús copedini járejameđa Pedrorre. Aru ũi ānurejameđa Jesús ũi coyuiye báquede: “Cari ñami, cáyu ũi órejaquie jipocai, yóbecue baju ‘Jesúre yu coreóvabevu’, acuyumu mu”, arí coyuiye báquede ānurejameđa Pedro. <sup>62</sup> Aru ārucu, cūiná etarī, pare chíori orejameđa ũi.

#### Jesúre ne yávarī yurino

(Mt 26.67-68; Mr 14.65)

<sup>63</sup> Ina Jesúre coreipōeva yuridejaimađa ũre. Aru totatarejaimađa ũre. <sup>64</sup> ũi yacorure moari, ũre pēvavari, arejaimađa:

—Coyujacu mu. ¿Ñame matedí mure pēvañu? arejaimađa na.

<sup>65</sup> Aru urarō yávarī, āmeina yávorejaimađa ũre.

#### Jesúre ne nūvaino judíovai jabova cójijivū yebai

(Mt 26.59-66; Mr 14.55-64; Jn 18.19-24)

<sup>66</sup> Avia ũi tucumuiyede, ina judíova bucuvu, aru ina sacerdotevare jaboteipōeva, aru ina Jūmenijicui yáviye báquede buaipōeva máre cójijidejaimađa na. Nūvarejaimađa Jesúre ne cójijinoi. Aru arejaimađa ũre:

<sup>67</sup> —Mu Cristo baru, coyujacu ñujare, arejaimađa na.

Aru Jesús arejameđa náre:

—Ji coyuru, muja ju abenajaramu yure.

<sup>68</sup> Aru ji jēniari járu, ju abenajaramu muja yure. <sup>69</sup> Ñbenita yure, Jūmenijicui daroimu mácure ũmure, járajaramu muja caride pu cainumua Jūmenijicu parucui meapūravui dobacure, arejameđa.

<sup>70</sup> Dinumu caivu ina jēniari járejaimađa:

—¿Jūmenijicui mácurū mu? arejaimađa.

Jesús ju ayu náre arejameđa:

—Quédeca, muje aimurecabu yu, arejameđa ũi.

<sup>71</sup> Nacapūravu arejaimađa:

—Apevu ne coyuiye jaubevu. Javeta jápiadavū maja ũi coyuiyede ũi baju āmeina teyure, jorojīni arejaimađa na.

#### Jesúre ne nūvaino Pilato yebai

(Mt 27.1-2, 11-14; Mr 15.1-5; Jn 18.28-38)

**23** <sup>1</sup> No yóboi caivu ina judíovai cójijinocavu nacajari, Jesúre nūvari, jabocu ũi āmiá Pilato yebai jacorānurejaimađa na. <sup>2</sup> Aru āmecororī búrejaimađa Jesúre.

—Ñuja eavu ñai ũmure jaruvarīduyure maje jaborōre, aru bojeaicaicōjemecure ñujare tāuturare maje jabocu Césare, aru ayure ũi baju “Cristobu yu” aru jabocu máre, arejaimađa na Pilatore.

<sup>3</sup> Ne que aiyede, Pilato jēniari járejameđa Jesúre:

—¿Máru judíovai jabocu? arejameđa. Jesús ju arejameđa:

—Quédeca, mi aimurecabu yu, arejameđa.

<sup>4</sup> Pilato arejameđa ina sacerdotevare jaboteipōevare aru caivu ina obedivu pōevare:

—Āmeina tebecutame ũi ji járu, arejameđa.

<sup>5</sup> Ñbenita parurōreca arejaimađa bediōva cojedeca:

—Ñai cārijovaimi caivu Judeacavure ũi buieyeque. Bueni búquemavu Galileai. Aru edaibi yuita, jorojivu arejaimađa na.

#### Jesúre ne nūvaino Herodes yebai

<sup>6</sup> Ne nópe āmecoroiyede jápiarī Pilato, jēniari járejameđa:

—¿Galileacacuba ũ? arejameđa.

<sup>7</sup> Ina Jesúre āmecoroivu ne ju aiyede, Pilato majicu Jesúre Galileacacure, jarorejameđa ũre Galileacavu ne jabocu Herodes yebai. Dinumu ñai Herodes Jerusalén āmicurīmaroi curejameđa.

<sup>8</sup> Jesúre jári, torojurejameđa Herodes, ũi jápaiye báque boje Jesúi dáieye báque borore. Que baru ũre pare jáiyucu barejámeđa. Jesús pōeva ne đarī majibede

dayure pare jáiyurejameda Herodes.  
 9 Jesúre caijiene jēniari járidurejameda Herodes. Ûbenita Jesúcapūravu bi arejameda úre. 10 Herodes ùi jēniari jáiyede Jesúre, pare āmecoroivu barejáimada ina sacerdotevare jaboteipōeva aru Jūmenijicui yáviaye báquede bueipōeva máre. 11 Dinumuma Jesúre yurini, āmeno baju úre ðarejaimada na, Herodes ùi churavaque. Doicaje meacajede Jesúre doarí, úre yurini, Pilato yebai jacopaiyovari jarorejameda Herodes. 12 Jipocare ina jabova pucarā maucvarejaimada ne baju. Ûbenita ne que teijāravui, dijāravu baji, boroteni, meaðarejaimada ne baju, Herodes Pilatomaque.

**Pōeva ne boarí jaruvaicōjeino Jesúre**  
 (Mt 27.15-26; Mr 15.6-15; Jn 18.39-19.16)

13 No yóboi Pilato cójjiovarejameda ina sacerdotevare jaboteipōevare aru apevu judíova cójjinocavure máre. 14 Ne cójjiyede ùi yebai, arejameda náre:

—Nai ūmure davaivubu muja ji yebai. Úre boro coyurí adarí, “Û jaruvaríduibi maje jaboróre”, aivubu yure. Ûbenita muje jáinoi yávacari jēniari jáivu úre ùi ðaiye báquede. Aru ùi coyuyede jápiaríburu, coyuyubu mujare: Ámeina tebecutame ū ji járu. 15 Herodes máre Jesús ùi āmeina teiyede eabetecube. Que baru jacopaiyovacube úre ñuje yebai cojedeca. Jápijarā. Coreóvaivubu muja. Ûi āmeno ðaru, úre boarí jaruvaicōjejebu yu. 16 Que baru jara popeicōjeniburu yóboi, jaetovaquijivu úre, arejameda náre Pilato.

17 Nópe ðayu Pilato, ùi ðarí cōmajiyē boje ujuá coapa no torojūve teinūmure, cūinácu jacoimū mácure, pōeva ne etavaicōjeimure, jaetovavarejameda ũ. 18 Ûbenita caivu ina pōeva coðoboborejaimada cūnáturu, boarí jaruvaicōjeivu Jesúre.

—Iñaine boarí jaruvaicōjejacu mu! Barrabáre jaetovajacu mu, arí coðoboborejaimada na.

19 Nai Barrabás āmicucure jacorejaimada āmeina teivure jēni

jacoiñami ùi boarí jaruvaivue boje Romacavure, ne jaboteiye boje Jerusalén āmicuríimarore, aru pōevare ùi boarí jaruvaivue báque boje máre. 20 Ûbenita Pilatocapūravu jaetovaiyurejameda Jesúre. Que baru bediόva cojedeca coyurídurejameda ina pōevare. 21 Ûbenita cojedeca coðoboborejaimada ina pōevacapūravu, boarí jaruvaicōjeivu Jesúre.

—ÍÛre jocucujaravena pēvari boarí jaruvaicōjejacu mu! arí coðoboborejaimada Pilatore.

22 Bediόva cojedeca Pilatocapūravu arídurejameda náre:

—¿Yéde āmeina tearí ñai?

Coreóvaivubu muja. Ûi āmeno ðaru, úre boarí jaruvaicōjejebu yu. Que baru jara popeicōjeniburu yóboi, jaetovaquijivu úre, arídurejameda Pilato náre.

23 Ûbenita ina pōevacapūravu parurōreca coðoboborí bujiéque boarí jaruvaicōjenejaimada Jesúre. Que baru Pilato ju arejameda náre. 24 Boarí jaruvaicōjenejameda úre ina pōeva ne urōpe. 25 Pilato jaetovarejameda ñai boarí jaruvayu bácuve, āmeina teivure jēni jacoiñamicacure, ne jēniaimure. Ûbenita jídejameda Jesúre náre, ne ðarājipepe ayu úre yópe ne urōpe.

**Jesúre ne pēvari yuyaino**  
**jocucujaravena**

(Mt 27.32-44; Mr 15.21-32;  
 Jn 19.17-27; Ap 6.16)

26 Jesúre ñvarejaimada. Jocucujaravede ture nuñu marídurejameda ũ. Aru cuyu bácu ĩmaroi earejameda Simón, Cirene āmicuríimarocacu. Nore vaiyúre, úre Jesús ùi jocucujaravede tuino mácaróre tuicōjenejaimada na, churava, Jesús yóboi.

27 Obedivu pōeva nurejaimada ùi yóboi. Aru nácavu nomiva orejaimada pare, ne chíoiye boje. 28 Ûbenita Jesús copedini, náre jári, arejameda:

—Muja, Jerusalécavu, obejarā yure. Quénona ojarā muje bajure, mujemarare máre. 29 Apejārvua baquiyéde pōeva



arājarama yópe: “Torojurājarama ina jue docuvavevu, aru ina jue doeabevu máre”.<sup>30</sup> Arājarama cūracūa uracūare: “Tujacūari ñujare”. Aru arājarama cūracūare: “Yavejacūari ñujare”.

<sup>31</sup> Muja jáivu ne daiyede yure, meacure, jocucupe páyure. Que baru jáve pñeno ámeno ðarājarama mujare, ámenare, yópe pecacupe paivure, arejamedá náre Jesús.

<sup>32</sup> Aru pucarā ámeina teivure máre ñvarejaimada ina churarava, Jesúque ne boarí jaravarājimarare.

<sup>33</sup> Põe jipobucū ámicuricū cūracūi eaivu, Jesúre jocucujaravena pēvari jēorejaimada na. Aru ina pucarāre máre ne jocucujaravea coapa pēvari jēorejaimada na, cūinácure meapūravui, apécure cācopūravui, aru Jesúre ne coricai. <sup>34</sup> Ūbenita Jesús arejamedá:

—Mu, jipacu, ne ámeina teiyede árumetejacu mu. Coreóvabema ne ðainore, arejamedá Jesús jípacure.

Churarava ne yajuiyede ðuvarí, cainijidua eta iyede jári, Jesús ũi daiyede náre coapa ñejaimada na, úre pēvaivu bācavu. <sup>35</sup> Pōeva nore cocoivu barejáimada. Aru nācavu judíovai jabova, Jesúre yurivu, yópe arejaimada na:

—Apevure meadavacacu. Caride jáve Jūmenijicui beoimu maru, Cristo baju baru, ũi bajure meadajacurí ũ, arejaimada na.

<sup>36</sup> Ina churarava máre úre yurivu barejáimada na. Ūi yebai nurí, ũcuiye upiáteiye báquede úre jñidurejaimada na, úre ijibequiyepe aivu. Aru arejaimada úre:

<sup>37</sup> —Mu judíovai jabocu baru, mi baju mi yaiquínore meadajacu, arejaimada Jesúre ina churarava.

<sup>38</sup> Jocucujaravena, ũi pñeno, toivaino jēnejavūya. “Judíovai jabocube”, aiyurejavūya no toivaino. Griegova ne yávaicamuaque, Romacavu ne yávaicamuaque, aru judíova ne yávaicamuaque máre toivarejaimada nore.

<sup>39</sup> Aru cūinácū ina ámeina teivucacu, jocucujaravena ne pēvaimu mácu, Jesúre ámeina yávrejamedá ũ máre.

—Mu, ¿Cristo ámecurū mu? Cristo baju baru, mi baju mi yaiquínore meadarí, ñujare máre ñuje yainájiyede meadacajacu mu, arejamedá Jesúre.

<sup>40</sup> Ūbenita apēcucapūravu Jesúre ámeina ayure jári, jararejamedá:

—¿Jūmenijicure jidubecurū mu? Maja yaivutamu, maje ámeina teiye báque boje. <sup>41</sup> Que baru ámeno vaivu majare. Ūbenita ñai ámeina tebecutame ũ. Majacapūravu maje ámeina teiye báquede bojedavutamu maja, arejamedá.

<sup>42</sup> Que ayuva, arejamedá Jesúre:

—Mu, Jesús, jabocu bacuyá, árujacu yure, arejamedá.

<sup>43</sup> Aru Jesús ju arejamedá úre:

—Jáve coyuyubu mure: Cari jaravumica Paraíso ámicurōi yúque cucuyumu mu, arejamedá Jesús ñai chíõñure ũi ámeina teiye báquede.

#### Jesús ũi yaino

(Mt 27.45-56; Mr 15.33-41; Lc 8.2-3; Jn 19.28-30; Hch 7.59; He 10.20)

<sup>44</sup> Jāravu corica baji ñemié turí darejavūya caino joborōi. Pu yóbecuriora yóboita vaidéjavūya. <sup>45</sup> Que baru yóbecuriora baju ye aviá pēomenejamedá. Aru Jūmenijicui cūramicacaje uracaje coricópavacaje bācarō quēda corica baji jadeni nūrejavūya. <sup>46</sup> Dinumure pare bujié coðoborí, yávarí darorejamedá Jesús:

—Mu, jipacu, ji ũmene mure jíyubu yu, arejamedá Jūmenijicure.

Que ayuva, yaidéjamedá ũ.

<sup>47</sup> Nore Jesús bácuere cocorí núcu barejamedá churaravai jabocu. Jesús yaiyúre jári, mearore jídejamedá Jūmenijicure.

—¡Jāveneca ñai ũmu ámeina tebecu batecúbe! arejamedá churaravai jabocu.

<sup>48</sup> Aru caivu ina obedivu pōeva cójjiyivu bācavu nore, Jesús yaiyú bácuere jáivu, copainurejaimada ne cūramia coapa, totaivu ne ñarebare, ne chíoiye boje. <sup>49</sup> Caivu Jesús bácu coreóvaimara, aru ina nomiva, Galilea ámicurōre jocarí ðaivu bācavu úque, na máre cocorí nūrejaimada joajñemia.

**Jesús b́acu jaruvaimu ne p̄e jaruvainoi**

(Mt 27.57-61; Mr 15.42-47; Jn 19.38-42)

<sup>50</sup> Cūińacu ũmu c̄urejameḁa, ũi āmía Jośe, Arimatea āmicur̄imarocacu. Sacerdotevai c̄ojjinore coyũp̄oēvacacu barej́ameḁa ũ. Nái Jośe meacu aru āmeina tebecu barej́ameḁa ũ. <sup>51</sup> Que baru ju abedejameḁa ina judíovai c̄ojjinocavu ne ḁaiye báquede Jesúre. Ũ máre Jūmenijicui jabotequinumu maquinóre napini coreyu barej́ameḁa ũ. <sup>52</sup> Pilato yebai nuri, Jesús b́acui baju bácarõre jēniacun̄rejameḁa ũ. <sup>53</sup> Pilato ũi jēniayede ju ar̄iburu yóboi, Jesús b́acure jocuc̄ujaravede j̄oḁavari, ĩni, meacaje boricaje lino āmicur̄icajeque cūmari n̄varejaimaḁa ũ mácure cūracobei. P̄oēva ne yaivu b́acavu ne ĩmamecobe barej́av̄ya dicobe. Aru dicobei Jośejá jaruvarejaimaḁa Jesús b́acure. <sup>54</sup> Dijaravu, nainú, toroj̄uve teij̄aravu baquinóre meadaj̄aravu barej́av̄ya. Sábado baquinó j̄ipocaj̄aravu barej́av̄ya.

<sup>55</sup> Ina nomiva Jesúque eaivu b́acavu Galilea āmicur̄õre jocarí, Jośejá yóboi nuri, j̄arejaimaḁa dicobede aru ne jaruvaiyede Jesús b́acui baju bácarõre nore. <sup>56</sup> J̄ári buojarí, copain̄rejaimaḁa na, meadar̄ajivu mumij̄uede aru j̄ijovaiyede máre, ne nuvarajiyede sábado j̄aravu yóboi, meadar̄ajivu Jesús b́acui baju bácarõre dieque. Aru judíovai jabuóvaj̄aravu sábadoi, jabuóvarejaimaḁa na yópe Jūmenijicui ḁaic̄ojeiye báquepe.

**Jesús ũi nacajaino yainore jaruvari**

(Mt 16.21, 17.22-23, 20.18-19, 28.1-10; Mr 8.31, 9.31, 10.33-34, 16.1-8; Lc 9.22, 18.31-33; Jn 20.1-10)

**24** <sup>1</sup> No sumana buij̄aravu domingo javej̄nara, aviá ũi tucumuiyede, ina nomiva n̄rejaimaḁa Jesús b́acure ne jaruvainoi, n̄vaivu mumij̄uede, ne meadaiye báquede, yuaraj̄ivu diede Jesús b́acui baju bácarõre. <sup>2</sup> Dicobe cūracobede carejav̄ya beiturava

cūrat̄urava uraturava. Dinomiva ne eaiyede ũ mácure ne jaruvainore, earejaimaḁa dicobe biebecobede.

<sup>3</sup> Ũbenita ne ecoiyede dicobei, Jesús b́acui baju bácarõre eabedejaimaḁa.

<sup>4</sup> C̄ar̄ijini dápiaivu, “¿Ári curi Jesús b́acui baju bácarõ?” arejaimaḁa ne bajumia.

Ne nópe dápiayede, j̄arorejaimaḁa p̄ucarā ũm̄uva, n̄urivu ne yebai. Aru ne doicajea boricajea pare p̄õrejav̄ya.

<sup>5</sup> Que baru ina nomiva, cuedumaivu, doco j̄arejaimaḁa na, ne jidúe boje. Aru ina ũm̄uva arejaimaḁa náre:

—¿Aipe teni voivur̄i muja apucure yaivu b́acavure ne jaruvainoi?

<sup>6</sup> Jesús jave nacajami yainore jaruvari. Que baru cubebi yore. ¿Árumetenaru muja ũi coyuiye báquede mujare nore Galilei?

<sup>7</sup> Coyuquemavu mujare yópe: “Jauvu yure, Jūmenijicui daroimu mácure ũm̄upe, ji urarõ ñájiquino. Jēni j̄inajarama yure ina āmeina teivure, ne p̄evari boarí jaruv̄ar̄ijipe yure. Aru yóbecur̄ij̄arav̄na yóboi yainore jaruvari nacajacuyumu yu”, aquemavu mujare Jesús, arejaimaḁa na nomivare.

<sup>8</sup> Ne que aiyede, ina nomiva arurejaimaḁa Jesús ũi coyuiye báquede náre. <sup>9</sup> Copain̄riburu yóboi Jesús b́acure ne jaruvaino mácarõre jocarí, caiye ne j̄aiye báquede coyurejaimaḁa ina once paivure aru ap̄ev̄u Jesúí yóvaimarare máre. <sup>10</sup> Iye boreore coyuv̄u b́acavu barej́aimaḁa María Magdalacaco, aru Juana, aru ap̄eco María, Santiagoi paco máre, aru ap̄ev̄u nomiva náque curivu. Ina coyur̄idurejaimaḁa ne j̄aino mácarõre Jesús ũi yáviye méne beorí coyuc̄ojeimarare. <sup>11</sup> Ũbenita nácap̄uravu ju abedejaimaḁa ina nomiva ne coyuiyede. “¿Ũbeni márica?” arí dápiarejaimaḁa.

<sup>12</sup> Ũbenita Pedro nacajari, cúyarí, earejameḁa Jesús b́acure ne jaruvaino mácarõ yebai. Dicobei nacachini, j̄arejameḁa Jesúí cūmaicajea báquede, lino āmicur̄icajea paraicajeare cūinároma. Que teni Pedro, pare dápiayu, cūrami copain̄rejameḁa.

**Jesús ũi c̄ueteino Emaús ma n̄umai**

(Mr 16.12-13)

<sup>13</sup> Dijaravumica Jesúí bueimarcavu p̄ucarā Emaús āmicur̄imaroi

nũivũ barejáimada na, Jerusalén  
 ãmicuriĩmaroi curivũ bÁCavu. Jerusalén  
 joabejĩnoi, once paikilometros baju  
 barejávũya diĩmaro. <sup>14</sup>Nũre nũivũvacari  
 boroteivũ barejáimada na, yo Jesús  
 bácuĩ baju bácarõ bĩjaino mácarõre.  
<sup>15</sup>Diede boroteivũ ne yávare nũiyedeca  
 mái, Jesús ãi baju nára earejameđa  
 ã. Náque vaivári nũrejameđa Jesús.  
<sup>16</sup>Vaivári nũñũreca náque, úre  
 coreóvabedejaimada na.

<sup>17</sup>Aru náre arejameđa Jesús:

—¿Aipe arĩ boroteivũrũ mũja, mái  
 nũivũ? ¿Aipe teni chĩoivũrũ mũja?  
 arejameđa.

Ëi que aiyede, dajocarĩ,  
 nũranũrejaimada na, chĩoivũ. <sup>18</sup>Aru  
 nácacu cũinácũ, Cleofas ãmicucũ,  
 arejameđa Jesúre:

—¿Mu máre Jerusaléi cũcũvacari,  
 caiye vaiye báquede majibecurũ mu?  
 arejameđa ã.

<sup>19</sup>—¿Yéde? jēniari járejameđa náre  
 Jesús.

Aru arejaimada:

—¿Jesús Nazarecacu bácre vaiye  
 báquede jápiabetecurũ? Jũmenijicui  
 yávaiyede coyũcaipõecu bácu baju  
 bateáme ã. Jũmenijicui jáinoi aru  
 põeva ne jáiyede máre caiye ãi ãaiye  
 báque aru caiye ãi coyũiyede báque máre  
 me mateávũ. Coyurĩ parucũ bateáme  
 ã mácu. <sup>20</sup>Aru úre boarĩ jarũvaicõjeni,  
 úre jocucũjaravena pēvaicõjeima na  
 sacerdotevare jaboteipõeva ina maje  
 jabovaque. <sup>21</sup>Ëbenita, “Ë majubĩ  
 Israecavũre meaðaipõecu bacuyá”,  
 aivũ bateávũ ñũja. Cari járavũque  
 yõbecurĩjãravũa nũivũ ãi yainĩburu  
 yõboi. <sup>22</sup>Ñũjacavũ nomiva ñũjare  
 cuavama caride. Cari járavũ javejĩnara  
 ã mácre ne jarũvainoi numada na,  
 ñũje nomiva. <sup>23</sup>Ëbenita ã mácuĩ baju  
 bácarõ cubetevũya. Eabetemada na.  
 Aru yópe arĩ, ñũjare coyũrãedama na  
 nomiva: “Ángelevare jávũ ñũja. ‘Arũbi  
 ã Jesús’, ama na”, ama ñũjare dinomiva.  
<sup>24</sup>Dinumuma ñũjacavũ apevũ, “¿Jãve  
 márica no?” arĩ, járanũma na nomicata.  
 Nomiva ne aiyede báquepedeca jámada na

máre. Ëbenita úre, Jesúre, jámetemada  
 na, arĩ coyũrejaimada ina pũcarã mái  
 nũipõeva.

<sup>25</sup>Náre arejameđa Jesús:

—Dápiabevũtamũ mũja. Coreóvabeni  
 curivũtamũ mũja. Jũmenijicui yávaiyede  
 coyũcaipõeva mácavũ ne toivaiye  
 báque caiyede jápiarĩ coreóvabevũbu  
 mũja. <sup>26</sup>Nópe ãmeno vaijẽbu Cristo. Aru  
 no yõboi, ãmeno vaiyũ bácu, caiyede  
 jaũbeda jebeyũ bácu, meacũ baju ñũjebu  
 cavarõ mearo Jũmenijicui curõi, arĩ  
 coyũrejameđa náre Jesús.

<sup>27</sup>Aru coyurĩ bári Jũmenijicui  
 ãaicõjeiyede ãi toivaicõjeiye báquede  
 Moisés bácre, aru ina Jũmenijicui  
 yávaiyede coyũcaipõeva mácavũ ne  
 toivaiye báquede coyurĩ jebedejameđa  
 náre Jesús caiye ãi borore.

<sup>28</sup>ĩmaro ne earãjino joabejĩnoi eaiyede,  
 nũñũpe tedejameđa Jesúcapũravũ.

<sup>29</sup>Ëbenita ne yebai mauteicõjenejaimada  
 na:

—Yui ñũjaque cũjacũ mu. Jájacũ, jave  
 nainũtamũ. Jave ñemié tũinotamũ,  
 arejaimada Jesúre.

Que teni ne yebai nũrejameđa Jesús.

<sup>30</sup>Náque curĩ, dobarejameđa Jesús,  
 ãcuyũ náque. Páure ñni, Jũmenijicũre  
 torojuede jĩni, páure cotũvarĩ, náre  
 jídejameđa Jesús. <sup>31</sup>Ëi páure cotũvarĩ  
 jíye bajure, úre coreóvarejaimada  
 na. Ne coreóvaiye bajure cũiná náre  
 bĩjarejameđa Jesús. <sup>32</sup>Que teiyede,  
 arejaimada na, ne bajumia boroteivũ:

—Jãvemũ. Ëi boroteiyede majare mái  
 Jũmenijicui yávaiyede coyũyũ, maja  
 meañũme cãtevu, arejaimada na, Jesús ãi  
 bĩjarĩburu yõboi.

<sup>33</sup>Que teninata, cũiná Jerusalén  
 ãmicuriĩmaroi copainũrejaimada na.  
 Nore eaiyvũ, ina Jesúi bueimara mácavũ  
 once paivũ baju, aru apevũ náque  
 curivũ, cũinároĩ cójijivũre earejaimada  
 na. <sup>34</sup>Aru ina Jesúi bueimara mácavũ  
 once paivũcapũravũ arejaimada ina  
 pũcarã copaiyvũ bácvũre yópe:

—Jãve bajubũ. Maje jabocũ yaiyũ bácu  
 bedióva cojedeca arũbiya ã. Simón  
 Pedro úre jámiya, arejaimada na.

<sup>35</sup> Dinumuma ina copaivu bácvu náre vaiye báque caiyede coyurejaimada ina once paivure. Ëi coyuiye báquede náre mái coyurejaimada na.

—Páure ñi cotuvaiye bajure ùre coreóvanu ñña, arí coyurejaimada na.

**Jesús ñi cueteino ñi bueimarare**

(Mt 28.16-20; Mr 16.14-18;

Jn 20.19-23; Hch 1.4)

<sup>36</sup> Ne nópe coyuiyedeca, Jesúvacari cuetedejaimada ne jéneboi. Aru yópe arí, jacoyurejaimada náre:

—¿Ména curáru muja? arejaimada Jesús.

<sup>37</sup> Ëbenita na cuicumari jidurivú, yópe arí dápiarejaimada: “¿Põe decocu bácu bária?” arejaimada na. <sup>38</sup> Ëbenita Jesús arejaimada náre:

—¿Aipe teni jidurivurú muja? ¿Aipe teni púcaúmea curivurú muja? ¿Aipe teni “¿Ñamema ñai?” aivurú muja?

<sup>39</sup> Jájara ji puruáre, ji cubobare máre. Jáve yurecabu. Jēni jájara yure. Aru jájara yure máre. Que baru jiaru aru cūado máre cūvu. Põe decocu yópe cubebi, arejaimada Jesús.

<sup>40</sup> Que ayuva, jádovarejaimada náre ñi puruáre aru ñi cubobare máre.

<sup>41</sup> Ëbenita ju abedejaimada cāreja, ne uraró torojue boje, aru ne pare dápiayie boje máre. Jesús jēniari járejaimada náre:

—¿Áiyede cuvabenaru muja yore? arejaimada náre.

<sup>42</sup> Ju arí, jídejaimada ùre cūinátuibu moacu joaimure, aru mumicorore máre.

<sup>43</sup> Aru dituibure ñni, aru mumicorore máre ñni, ãrejaimada ne jáinore.

<sup>44</sup> Dinumu arejaimada náre:

—Jave yu coyucacu mujare caiye iyede ji cuede mujaque. Coyucacu mujare ðaiye javvu caiye iye Jūmenijicui ðaicójeiyede ñi toivaicójeiye báquepe Moisés bácvure, aru Jūmenijicui yávaiyede coyucaipóeva mácvu ne toivaiye báquepe, aru iye Salmos ámicue toivaiye báquepe máre, arejaimada náre Jesús.

<sup>45</sup> Que ayuva, Jūmenijicui yávaiyede coyurí majicarejaimada náre, ne me majinajiyere ayu iye Jūmenijicui yávaiyede. <sup>46</sup> Aru coyurí buojarí, arejaimada náre:

—Yópe toivainotamu: “Cristore ñi uraró ñájiye javvu ùre. Aru yóbecurijárvava ñi yainíburu yóboi nacajacuyume yainore jaruvarí”. <sup>47</sup> Aru, “Coyuiye javvu póevare ne ámeina teiyede chíori, ne oatvarájiyere aivu, Jūmenijicui árumetequiyepe aivu náre ne ámeina teiyede. Cristoi ámiái, ñi paruéque, coyuiye javvu náre caivu ijárvavcavure, mamarumure Jerusalécavure aru yóboi caivu arevure máre”, arejaimada Jesús, Jūmenijicui yávaiyede majicayu ñi bueimarare.

<sup>48</sup> Bedióva cojedeca Jesús coyurejaimada náre:

—Mujavacari jáivu bácvavbu caiye iyede. Que baru coyuiye javvu mujare arevure, ne majinajiyere aivu. <sup>49</sup> Yu daroquijivu mujare ñaine, jipacui daroquimure, Espiritu Santore. Que baru mautejará muja cāreja yui ímaroi, pu muje jacopuiyeta Jūmenijicui paruéde, cavaró mearoquede, arí ðaicójenejaimada Jesús ñi bueimarare.

**Jesús ñi muino cavaró mearo**

**Jūmenijicui curói**

(Mr 16.19-20; Hch 1.9-11)

<sup>50</sup> Ëi que aríburu yóboi, Jesús jipocatedejaimada ñi bueimarare pu Betania ámicuríimajinoita. Nore ñi puruáre jaruvurí, “Jūmenijicui jáinoi me tejará muja”, arejaimada náre. <sup>51</sup> Nópe ayuvacari, muri nurejaquemavu náre jocarí pu cavaró mearo Jūmenijicui curóita. <sup>52</sup> No yóboi, ñuatutarí mearore jídejaimada ùre. Aru torojurivú copainurejaimada Jerusalén ámicuríimaroí. <sup>53</sup> Nore Jūmenijicui cūrami jívuí mauteni cainumua, mearore jídejaimada Jūmenijicure. Quénoramu.

# San Juan

Mamabuinore coyuiyebu Juan mácu ñi toivaiye báquede Jesucristorã. Juan mácu barejaquémavu judíovacacu, Galilea ãmicurijoborôcacu, aru Jesús ñi yávaiye méne beorí coyucôjeimaracacu. Ñi mamicu Santiago bácuque moa boaipôescu bácu barejaquémavu, Jesús ñi órejaquiye jipocare ñi mácure. Lucas bácu coyurejaquemavu Juan mácuí borore Hch 3:1-4:22. Majidivu ne dápiayepe, iye coyuiyede Jesucristorã toivarejaquemavu ñi mácu cücü bácu Éfeso ãmicurímaroi. Pôescu cubebi majicu ye ujü ñi toivaiju bácarôre diede, ñbenita obedivu majidivu ne dápiayepe ãniujua báquede 85-98 d.C. baji, Marcos bácu, Lucas bácu, aru Mateo bácu ne toivaríburu yóbore. Juan mácu toivarejaquemavu yóbecuríyoca ñi paperayocare ñi toivaiyede jipocare iye coyuiyede Jesucristorã. Aru toivarejaquemavu Jesucristo ñi jáðovaiye báquede ñi mácure ñi toivaríburu yóbore iye coyuiyede Jesucristorã.

Juan mácu jáðovarejaquemavu Jesúre, pôescu bajureca, yópe Jümenijicupe. Ñi coyuiye boje judíova ne cômajiyede ðaiyede, judíova ãnevare toivarejaquemavu, ne majinajiyepe ayu “Jesucristobe Jümenijicui daroimu mácu. Jümenijicui mácube Jesús” (20:31). Que baru Juan mácu búbedejaquemavu ñi coyuiyede Jesúrã ñi pôeteino mácarôre coyuiyeque. Quéhora búrejaquemavu ñi coyuiyede Jesús ñi cuedaiye báquede caiyede coyuiyeque. Juan mácu apevu püeno coyurejaquemavu Jesús ñi bueiye ñevari coyuiyeque: Jümenijicui ovejajícupe (cap. 1); cure ðaiocope (caps. 4, 7); apure ðarí ãiyepe (cap. 6); pëoinope (cap. 8); ovejavare coreipôescu meacupe (cap. 10); aru oteiuyaimupe (cap. 15). Apevu püeno coyurejaquemavu Jesús ñi coyuiyede aru ñi ðaiyede ãniñami ñi yaiquijáravu jipocacañamine (caps. 13-17), aru ñi ðaiyede ñi nacajaríburu yóboi yainore jarívarí (caps. 20-21).

## Jümenijicui yávaiye pôeteino

(Mt 3.1, 11.27; Mr 1.4; Lc 3.1-2, 10.22;  
Col 1.15-17; He 1.2; 1 Jn 1.1-2; Ap 19.13)

**1** <sup>1</sup>Mamarumure cãreja jãravure cuedaquiye jipocai, curejaquemavu majare Jümenijicui dápiainore coyucuedacuyü. Jümenijicucue curejaquemavu. Aru Jümenijicu baju barejaquémavu ñi. <sup>2</sup>Mamarumumiata jãravure cuedaquiye jipocamiata, Cristorecabe cücü bácu Jümenijicucue. <sup>3</sup>Ûrecabe Jümenijicui caiyede cuedare ðaimü mácu. Ûre pôevare, ãimare, aru caijïe coapa cuedare ðarejaquemavu Jümenijicu. Ñi cuedabedu, ye cubejebu. <sup>4</sup>Ûrecabe cure ðayu bácu pôevare apurivure, ñi ðaicôjeimarare. Yópe pëoiye járe ðaiyepere pôevare, nopedeca Cristo pôevare coreóvare ðarejaquemavu jáve baju. <sup>5</sup>Yópe ñami jámene ðaiyepere pôevare, nopedeca

ijãravucavu ne ãmeno ðaiyeque jávene coreóvabede ðaimaramu. Ñbenita Cristo, pëoinope, darejaquemavu ijãravui, ñeminitucubure, ãmecurijãravui, coreóvare ðacuyü pôevare jáve bajure. Aru pëoiyede codavainope teino coyuiye jávene vaini turíduyama ijãravucavu ãmeno ðaivu. Ñbenita ñi coyuiye jávene vaini tuiye majibenama.

<sup>6-7</sup>Pôevare Jümenijicui dápiainore coyucuedacuyüre Cristore jáðovaiyücu, Juan Bautistare coyucôjenejameða Jümenijicu. Juan Bautista coyucudarejaquemavu ijãravui iye coyuiyede, Jümenijicui coreóvare ðaiye báquede ñre Cristorã, caivu pôevare ne jápiarí ju arãiyepere ayu iye yávaiye méne. <sup>8</sup>Ñai Juan Bautista Jümenijicui dápiainore coyucuedacuyü baju, Cristo baju, ãmenejameða ñi. Quéda Cristorã, Jümenijicui dápiainore coyucuedacuyü bajura, coyucudayü barejameða

ẽ. <sup>9</sup>Cristorecabe dayu b́acu ij́aravũ coreóvarĩ buojare đacuyũ caivũ p̄evare Jũmenijicũ d́apiainore j́ave bajure.

<sup>10</sup>Cristo curĩdurejameđa ij́aravũ. Jũmenijicũ cuedare đaimũ ḿacuvacari ij́aravũre, ẽre coreóvabedejaquemavũ ij́aravũcavũ. <sup>11</sup>Ë jino dij́aravũ ẽi cuedaino ḿacarõĩ, darĩdurejaquemavũ ẽ. Ëbenita ẽre jacopũbedejaimađa obedivũ ẽ jina maridivũvacari. <sup>12</sup>Ëbenita apevũ ńacavũ j́ave coreóvarĩ jacopurĩ ẽre ju aivũre Jũmenijicũ ḿara teicõjenejaquemavũ Cristo. <sup>13</sup>“Yure j́apiarĩ ju aivũ Jũmenijicũ ḿara tejarãri na”, ẽi que aino, maja p̄eva maje juedocũvarõpe ãmevũ no. Aru maja p̄eva, “Jũmenijicũ ḿara teiyurĩ, ẽi ḿara tenajaramu”, maje aiyere ãmevũ no. Aru nomiõĩ ḿarepacũ juedocũvaiyũere ḿare ãmevũ no. Quénora “Yure j́ave baju j́apiarĩ ju aivũ Jũmenijicũ ḿara tejarãri na. Jũmenijicũ ḿara baju tejarãri na”, arejaquemavũ ẽ.

<sup>14</sup>Majare Jũmenijicũ d́apiainore coyũcuedacuyũ p̄otedejaquemavũ dij́aravũ. Majaque curejame ẽ, p̄ocũpe ṕayũ. Ërarõ baju urĩ majare, đacaibi méne. Aru ẽvacari j́adovarejame majare aipe ãrojacure Jũmenijicure j́ave matũiyede. Meacu bajube ẽ. Jũmenijicũ ẽi parũede jĩmũ ḿacũ parũede j́arejacarã ñjã. Cũinácũbe Jũmenijicũ ḿacu baju. Cũinácũrabe ẽ. <sup>15</sup>Juan Bautista coyũrejame ẽi borore ẽre j́arĩburu yóboi. Yõpe arĩ, codoboborejame p̄evare:

—Ñaime mujare ji coyũvaimũ ji ávaiyere: “Ji yóboi dacuyũte ẽ. Ëbenita ji p̄otequiye jipocamiata curejaquemavũ ẽ, ji mujare ji coyũvaimũ. Ji jipocacacube ẽ. Yure vainĩ tuibi ẽ. Caiyede cuedaquiye jipocai curejaquemavũ ẽ”, acacu yũ mujare, arejame Juan Bautista.

<sup>16</sup>Ërarõ ẽi ue boje, mearo đacaibi caivũ majare. Obedinũmũa ména cure đabi majare. Obedinũmũa bediõva mearo đacavaibi, cadatecuyũ majare. <sup>17</sup>Jũmenijicũ coyũrĩburu

yóboi Moisés b́acure ẽi đaicõjeiyede p̄evare, ména cure đaicõjeino majare buenidurejaquemavũ Moisés b́acu. Ëbenita Jesucristo barejáme majare Jũmenijicũ uede j́adovañũ. Majare aipe ãrojacure Jũmenijicure j́ave j́adovarejame Jesús. <sup>18</sup>Jáimũ ãmemi Jũmenijicũ. Ëbenita Jũmenijicũ ḿacu cũinácũra, ẽvacari Jũmenijicũ baju, majepacũque cũcu, majare coreóvare đacudarejame ẽ Jũmenijicure. Edarĩ, jĩpacũ jiede coyũcuedarejame ẽ.

#### Juan Bautista ẽi memecaino Jesucristore

(Mt 3.11-12; Mr 1.7-8; Lc 3.15-17)

<sup>19</sup>Ina judiõva Jerusalén ãmicurĩmarocavũ j̄eniari j́aicõjeni jarorejaimađa Juan Bautistare. Sacerdotevacavũ aru Jũmenijicũ cũramine memep̄devacavũ, levita ãmicuriyajubocavũ, jarorejaimađa ina jabova, “¿Namenũ mu?” ne arĩ j̄eniari j́arajiyere aivũ ẽre. Que arĩ, yécu p̄ocũpe ṕayũre majiyũrejaquemavũ na. <sup>20</sup>Juan Bautistacapuravũ nuriéna coyũrĩ jebedejame náre.

—Cristo ãmevũ yũ. Jũmenijicũ epeimũ, jabocu bacuyũ, ãmevũ yũ, arejame náre.

<sup>21</sup>—¿Dinũmũ ñamenũ mu? Cristo ãmevũ mu. ¿Elĩarũ mu? arejaima ina sacerdoteva.

—Ë ãmevũ yũ, arejame.

—¿Ñai Jũmenijicũ yávaiyede coyũcaip̄ocũ bacuyũ, majeñecũva ḿacavũ “edacuyũ”, ne ávaimũmu mu? arejaima ẽre cojedeca.

—Ë ãmevũ yũ, arejame náre.

<sup>22</sup>—¿Dinũmũ ácũpe ṕayũrũ mu? Ñũjare cũiná coyũjacũ mu, ñũjare j̄eniari j́aicõjeivure ñũje coyũrãjiyere. ¿Aipe ayũrũ mu? ¿Yécurũ mu? arejaima ẽre ña sacerdoteva.

<sup>23</sup>Ëcapũravũ coyũrejame náre yõpe arĩ, ñai Jũmenijicũ yávaiyede coyũcaip̄ocũ b́acu, Isaías ãmicũcu b́acu ẽi toivaiye báqueque:

—Yũrecabu Isaías b́acu ẽi toivaimũ ḿacu: “Jũmenijicure coyũcaip̄ocũ

codoboboyure jápiarājarama pōecubeno: ‘Meadajarā m̄je ūmene, copu etaburī maje jabocure, nopedeca m̄je meadaiyepe daimare, ñai ūm̄, m̄je pueðaim̄, ūi daquiye jipocai. Que ðarī ðajocajarā m̄je āmeina teiyede, Jūmenijicui daroim̄ macuyú ūi daquiye jipocai, Jūmenijicu ūi copu etaquiyepe aiv̄ m̄jare’”, arejame náre Juan Bautista.

<sup>24</sup>Ina fariseovai jaroimara Juan Bautistare are n̄ri jēniari járejaima:

<sup>25</sup>—M̄ Cristo āmev̄. Elías āmev̄ m̄. Aru ñai Jūmenijicui yāvaiyede coycaipōecu bacuyú āmev̄ m̄. ¿Din̄m̄ aipe teni pōevare Jūmenijicuque jáðovañ̄m̄ m̄ ocoque? arejaima ina fariseovai jaroimara.

<sup>26</sup>Juan Bautista arejame náre: —Yurecabu pōevare jáðovañ̄ Jūmenijicure ocoque. Ūbenita cūinác̄u cubi m̄je jēneboi, m̄je coreóvabem̄. <sup>27</sup>Ji yóboi dacuyume ū. Ūbenita ji p̄eno paracu bacuyume. Caiv̄ p̄eno meacu bajube ū. Yúcapūrav̄ pare ūi cāchinocac̄bu. Que baru ūre cadateni buojabev̄ yu. P̄u oarī buojabev̄ yu duaȳ ūi curaidoa buoimeare, arejame náre.

<sup>28</sup>Caiye iye vaidéjav̄ Betania āmicur̄oi, Jordán āmicuriya jia avia daid̄ve écar̄ui, Juan Bautista ūi jáðovare cuiyede pōevare Jūmenijicuque ocoi nore.

**Jesús Jūmenijicui daroim̄  
mác̄u ovejajīcure, jar̄vacuȳu  
pōeva ne āmeina teiyede**

<sup>29</sup>Cōmiájīarav̄i yópe barejáv̄. Juan Bautista járejame Jesúre dayure ūi yebai. Ūre jári, arejame ñ̄jare:

—Jájara m̄ja. Ūrecabe Jūmenijicui daroim̄ mác̄u ijārav̄ui, jar̄vacuȳu pōeva ne āmeina teiyede. Yópe sacerdoteva ne boaiyepe ovejajīnare, jīnajiv̄ Jūmenijicure ūi ārumetequiyepe aiv̄ pōeva ne āmeina teiyede, nopedeca ñai Jūmenijicui daroim̄ mácure boarī jar̄varājarama pōevare boje, Jūmenijicui ārumetequiyepe aiv̄ pōeva

ne āmeina teiyede. Que baru pōeva ne āmeina teiyede meaðaipōecube ū. <sup>30</sup>Ñaime m̄jare ji coȳvaim̄me ji ávaiyepe: “Ū ji yóboi dacuyume. Ūbenita ji pōetequiye jipocamiata curejaquemav̄. Que baru yure vain̄i tuibi ū. Caiyede cuedaquiye jipocamiata curejaquemav̄”, m̄jare acacu yu. <sup>31</sup>Mamar̄m̄ure yu máre coreóvabotecacu ūre Jūmenijicui mácure. Ūbenita pōevare Jūmenijicuque jáðovacudacacu yu ocoque, Israecav̄u ne coreóvarājīyepe ayu ūre, Jūmenijicui mácure, arejame ñ̄jare, ūcav̄ure, Israecav̄ure, Juan Bautista.

<sup>32-33</sup>Yópe arī, ūi majiéde coȳrejame ū: —Yu máre ūre coreóvabecu cāreja, “Jūmenijicui daroim̄ mác̄u bajub̄i ū”, abetecacu yu. Ūbenita Jūmenijicu, yure jáðovaicōjeñ̄ mác̄u pōeva Jūmenijicu jina teiyuriv̄ure ūre ocoque, yópe arī coȳáme yure: “Jác̄uȳumu m̄ ji Esp̄ritu Santo tubac̄emeñ̄ure cūinác̄u ūm̄ra aru cubure ūque. Ñai ūm̄, ūrecabe pōeva jina teiyuriv̄ure yure jáðovacuȳu Esp̄ritu Santoque”, áme yure Jūmenijicu. Quédeca ūi aiye báquepe, Jesúr̄a ñai Esp̄ritu Santo tubac̄emeñ̄ure jurecope cavar̄o mearo Jūmenijicui cur̄ore jocarī jácacu yu. Aru ñai Esp̄ritu Santo cúteame ūque. <sup>34</sup>Yúcapūrav̄u majiv̄u, ji jáiye báque boje. Que baru coȳyub̄u m̄jare. Ñai ūm̄, m̄jare ji coȳvacam̄, Jūmenijicui mácube ū, arejame Juan Bautista.

**Jesús ūi mamar̄m̄u bueimara**

<sup>35</sup>Cōmiájīarav̄ui Juan Bautista curejame nore cojedeca ñ̄ja p̄ucarā ūi bueimaraque. <sup>36</sup>Que teni Jesús noi vaiȳure jári, arejame ñ̄jare:

—Ūre jájara m̄ja. Ūrecabe Jūmenijicui daroim̄ mác̄u. Yópe sacerdoteva ne boaiyepe ovejajīnare, jīnajiv̄ Jūmenijicure, nopedeca ñai Jūmenijicui daroim̄ mácure boarī jar̄varājarama pōevare boje, arejame ñ̄jare Juan Bautista.

<sup>37</sup>Ūi que aiye ðapiaiv̄u, Jesúque n̄rejacarā ñ̄ja. <sup>38</sup>Jesús núc̄n̄ri, copedini, ñ̄jare jēniari járejame:

—¿Aru mɔja yéde voivurú? arejame Jesús.

—Mu, bueipõecu, ¿ári cuscürü mu? arejadarã ñuja Jesúre.

<sup>39</sup>—Yúque járadajarã mɔja, arejame ñujare Jesús.

Ñuje ñuiyede úque, yóvaicunvaioira nainú marejávü. Úque nuri, üi curõi jári, curejadarã úque dijárvu joarõ.

<sup>40</sup>Cüinácu ñuja pucarã Juan Bautistare jápiaivü bácvacacu aru Jesúque ñuivü bácvacacu Andrés ámicucu barejáme, Simón Pedroi yócu.

<sup>41</sup>Cüiná, Andrés vocunrejame üi mamicu Simóre. Eayü bácu, arejamedã úre:

—Mesíare, Jümenijicui epeimure, pøevare meadaiõecure, eavu ñuja, arejamedã Andrés.

Mesías aino, Cristo aiyurõtamu. <sup>42</sup>No yóboi Andrés jíbucure ñvarejamedã Jesús yebai. Jesús, Simóre jári, yópe arí coyurejame:

—Simómu mu. Mipacu ámicubi Juan. Übenita Cefas ámidoimü macuyúmu mu, arejame Jesús.

Cefas aino, Pedro aiotamu. Aru nóvacari cürabo aiyurõtamu.

### Jesús üi “Dajarã” aino Felipe, Natanaene máre

(Mt 16.15; Mr 8.29; Lc 9.20)

<sup>43</sup>Cõmiájárvuvi Galilea ámicurijoborõi ñucuyü barejáme Jesús. Nuñü, Felipe copurejame ü:

—Yúque dajacu mu, arejame Felipe Jesús.

<sup>44</sup>Betsaida ámicuríimarcacu barejáme Felipe. Andrés aru Pedro ne ímarocacu barejáme. <sup>45</sup>Dinumure Natanaene vocunrejamedã Felipe. Üre eayü, coyurejamedã:

—Ñaine, Moisés bácu aru ina Jümenijicui yávaiyede coyucaipõeva mácvu ne toivarí coyuvaimure eavu ñuja. Moisés bácu üi toivaiye báquede Jümenijicui ñaicõjeiyede toivarejaquemavu úra. Útame Jesús Nazarecacu, Joséi mácu, arejamedã Natanaene Felipe.

<sup>46</sup>Natanaecapüravu arejamedã:

—No ímaro Nazarede pøeva meara, apevure cadateivü, cubema na, arejamedã Natanael.

—Dinumü jácvdajacu mu mi baju, arejamedã úre Felipe.

Járadarejaima ina pucarã. <sup>47</sup>Náre edaivure jári Jesús, yópe arejame Natanaena:

—Majecu, israevacacu baju, edaibi ü. Borocubecu bajube ü, arejame Jesús, Natanaene jáñü.

<sup>48</sup>—¿Aipe teni yure majitecürü mu? arejame Jesúre Natanael.

—Mure Felipe üi cutubede cäreja jávü yu. Higueraçu cächinoi dobatevü mu, arejame Natanaene Jesús.

<sup>49</sup>—Mu, bueipõecu, Jümenijicui mácvu mu. Ñuja Israevacu ñuje jabocubu mu, arejame Jesúre Natanael.

<sup>50</sup>Quénora Jesúcapüravu arejame úre: —¿“Jocucu cächinoi mure jávü” ji aiyede, “Jümenijicui mácvu mu”, ayurü yure? Pueno ji apejre parué ji ñaquiye ñacuyumu mu. <sup>51</sup>Jave coyuyübu mujare: Cavarõ mearo Jümenijicui curõ vorí ñuinore járajaramu mɔja. Nore Jümenijicui ángeleva, jøðavure aru ñuivure járajaramu mɔja. Aru ne coricai cuscuyumu yu, Jümenijicui daroimü mácu ümure, arejame ñujare Jesús.

### Jesús üi buino pøeva ne ñarí majibede

(Mt 4.13)

**2** <sup>1</sup>Pucájárvuva yóboi, Galilea ámicurõi, Caná ámicuríimaro, purubvoivü ne torøjave teino marejávü. Aru Jesúi paco curejaco noi. <sup>2</sup>Jesús aru ñuja üi bueimara ina purubvoivü ne cutuimaracavu barejacárã. <sup>3</sup>Ñuje áiye bajure ücuiye cüinéjavüya. Jesúre coyucodarejaco jípacu:

—Bucuru, javeta ücuiye, vino úyaicoro, cüivú die, arejaco Jesúre.

<sup>4</sup>—Bácu, ¿aipe teni yure que adorü? Ji memeinumu eabevü cäreja, arejame jípacore Jesús.

Ániñami cüramicavu ne yebacavu yebai nuri, yópe arejacoða õ:



5—Jímacni cōjeiyepe ðajarã mũa, arejacoda Jesúi paco.

6Nore curejavũ seis paibua jorobua, cõrjorobua. Ñrabua jorobua baju, cũinãbu cincuenta o setenta pailitros baju eaibu barejãvũ. Dibuaã ocoque buivãibuare cõvarejaraã ñũa judíoiva, ñũje cojarãjiyepe aivu, ñũje nópe teni cõmajinope Jũmenijicui me jáquiyeyepe aivu ñũjare. Que teni inãmicavũ máre cõvarejaima dibuãre.

7—Ocore ñni, davarĩ, dibuãre buivãjaraã mũa, arejame nócacni yebacavũre Jesús.

Na ju arĩ, dibuãre yuyeni, buivãrejaima.

8—Que ðarĩ quĩjinora doarĩ, torojũve teino upacũre ñũvajara mũa. Ñi ùcuri dápiacuiyepe arĩ, jínanũjara, arejame ina yebacavũre.

Ju arĩ, ñai torojũve teino upacũre diede ñũvari, jídejaima.

9Die oco báquede Jesús oatũvarĩ, vino úyaicoro tede ðarejame. Ñai torojũve teino upacu die ùcuiyede ùcuri járejame. Úcapũravũ majibedejame ároi ne ñye báquede diede. Ñbenita ina yebacavũcapũravũ, ina ocoque dibuãre yuyeivũ bácvũ, me majidejaima. Úcuri jári, pũrubuoyũre cuturejame ñai torojũve teino upacu. 10Dayũ bácvũre yópe arejame ñai torojũve teino upacu:

—Mamarũmũre ùcuiye me bajure jíyavũ maja maje cutuimarare. Aru yóbota, na ùcuri vainĩ tuivũre jári, majiéda meacorore náre jíyavũ maja. Que ðabetevũra mũ. Mamarũmũre meacorore yavedebu mũ. Aru yóbota, méne ùcuiyede jívũ mũ, arejame pũrubuoyũre ñai torojũve teino upacu.

11Que teni pœva ne ðarĩ majibenore ðarejame Jesús, jádovacũyũ ñi majiéde. Galilea ãmicurõi, Caná ãmicurĩmaroi, ñi ocore oatũvainoque, Jesús búrejame pœva ne ðarĩ majibede ñi ðaiyede. “Jũmenijicui epeimũme ñ”, pœvare are ðayũ, nópe náre jádovarejame Jesús. Aru “Cristo bajube ñ” arĩ, me ju arejaraã ñũa ñi bueimara.

12No yóboi Capernaum ãmicurĩmaroi ñurejame Jesús. Úre yóvarãñurejaraã

jípaco, ñi yóva, aru ñũa ñi bueimara. Nore obebejãravũ curejaraã.

**Jesús ñi meadaino Jũmenijicui cõramine**

(Mt 21.12-13, 26.61, 27.40; Mr 11.15-18, 14.58, 15.29; Lc 19.45-46)

13Pascua ãmicurĩjãravũ torojũve teijãravũ baquinó eare ñũino marejãvũ. Ñũa judíoiva ñũje torojũve teinũmu marejãvũ no, Jũmenijicui etavaiye báque boje ñũjeñecua mácvare Egipto ãmicurĩjorobõre jocarĩ. Dinũmũre Jerusalén ãmicurĩmaroi ñurejaima obedivũ judíoiva. Que baru Jesús máre mũri ñurejame. 14Mũri ñuri, earĩ, Jũmenijicui cõramine jácũñurejame Jesús. Diñami tãiburã earĩ, ecorĩ oteivecũva, ovejava, aru jurevare bojedãivũre járejame. Nácapũravũ pœvare urarõ ne tãutũrare ñejaima. Apenoa joborõacavũ ne tãutũrare oatũvaipœva dobarivũre máre járejame no. 15Que baru cainimeã ñni, ñi jara boaquímene cãriãrejame. Cãriãri buojari, dimeque jara popeni, diñami curivũre jaetovarejame Jesús ina tãibũi curĩ bojedãivũre ne ãimaraque. Tãutũrare oatũvaivũre máre jararĩ, ne jádovãivũre jarũporĩ, moari najuãrejame, jarũvacũyũ ne tãutũraturavare joborõi.

16Jurevare bojedãivũre yópe arejame:

—Ñũjara mũa, mũje bojedãjuromarare ñni. Jipacũre mearore jíñamimu yo. Bojedãiñami ðabejarã jípacui cõramine, arejame náre Jesús.

17Jesús ñi que aiyede, Jũmenijicui yãvaiyede ñi toivaicõjeiye báquede ãrũrejaraã ñũa, ñi bueimara. “Mu, Jũmenijicui, apevũ ãmeina ðarãjivũbu yũre. Que baru mi cõramine jecurĩ vaivũ yũ”, apecu bácvũ ñi aiyede báquede toivaicõjenajaquemavũ Jũmenijicui.

18Ina judíoiva ñũje jabova yãvarãðarejaima Jesúsre:

—Jũmenijicui mũre que ðaicõjenu, ñũjare jádovajacu pœva ne ðarĩ majibede mi ðainore, arejaima ina jabova.

19Jesús arejame náre:

—Inamine bíjarorí jaruvajarā mūja. Inamine mūje jaruvaríburu yóbecurijārvua yóboi, mūje jaruvaiñami mácarōre meadacuyumu yu, arejame Jesús.

<sup>20</sup>Ina judíova arejaima ũre:

—Cuarenta y seis paiñua baju diñamine núvari ñájiquemavu memepōeva. ¿Aru mu yóbecurijārvua memeni, diñamine meadayu buojaje bārica mu? arejaima ñuje jabova Jesúre.

<sup>21</sup>Ūbenita diñami bajure ayu āmenejame Jesús. Ūi bajure cūramipe ayu barejáme ũ. Ūbenita majibedejaquemavu na, jabovacapūravu. <sup>22</sup>Majibenidurejacaarā ñuja máre, Jesús ũi que aiyede. Ūbenita ũi nacajaríburu yóboi yainore jaruvarí, ũi que aye báquede dápiarí, ārujacaarā ñuja, ũi bueimara. Áruvū ũi coyuiye báquede aru Jūmenijicui yávaiye báquede máre ju arejacaarā ñuja ũi bueimara.

**Jesús ũi majiède pōeva ne dápiayede**

<sup>23</sup>Pascua torojūve teinumū, Jesús ũi cuedeca Jerusalén āmicurímaroi, ũre ju arídurejaima pōeva obedivū. Ne jáiye boje ũi jáđovaiyede pōeva ne đarí majibede, “Jūmenijicui epeimū Cristobe ũ”, arejaima na.

<sup>24</sup>Ūbenita Jesúcapūravu náre coreóvari, “Jāve abema na”, arí dápiarejamedā. Me baju pōevare coreóvarejaquemavu ũ. <sup>25</sup>Ūre jaubevu apesu ũi coyuiye aipe ārojaene pōevare. Me majidejaquemavu pōeva ne dápiayede. Quénora ũi baju coreóvarejaquemavu náre.

**Jesús Nicodemomaque ne boroteino**

(Jn 8.28, 12.32-34, 18.32; 1 P 1.3, 23)

**3** <sup>1</sup>Cūinācu ũmu Nicodemo āmicucu barejáme, ñuja judíova ñuje jabovacacu. Fariseo āmicurijayubocacu barejáme Nicodemo. <sup>2</sup>Cūināñami Jesúre borotecuearejamedā.

—Mū, bueipōecu, coreóvaivūbu ñuja mure Jūmenijicui daroimū mácure, buescuyre ũ jiede. Que baru ácu pōecu Jūmenijicui paruéde cuvabecu baru,

đaiye majibebi yópe pōeva ne đarí majibede mi đaiyepe. Que baru máque cubi Jūmenijicū, arejamedā Nicodemo Jesúre.

<sup>3</sup>—Jāve coyuyūbu mure: Ácu pōecu bedióva cojedeca ũi pōetebedu mamaūmeque, ũre jabotebecuyume Jūmenijicū, arejamedā Jesús.

<sup>4</sup>—¿Aipe teni? ¿Bedióva cojedeca juedocupe pōeteiye majidi bucsucu? Jāve bucsucu jíracoi yapiburā ímari, pōeteuy buojabebi, arejamedā Nicodemo.

<sup>5</sup>Ūre arejamedā Jesús:

—Jāve coyuyūbu mure: Ácu pōecu ũi pōetebedu ocoque aru Espiritu Santoque máre, ũre jabotebecuyume Jūmenijicū. <sup>6</sup>Pōevai mára pōevatamu. Ūbenita ñai Espiritu Santoi pōeđaimara mamaūmeque epeimaratumu na. Que baru Jūmenijicui máramu. <sup>7</sup>“Ácu pōecu bedióva cojedeca ũi pōetebedu mamaūmeque, ũre jabotebecuyume Jūmenijicū”, ji aiyede mure urarō baju dápiabejacu mu. <sup>8</sup>Ūmebo darí japuinopebu no. Ári japurí nuuyarō nuquiyebu. Ūmebo japuinoe maja quéda jápiadavū. Jáino āmevu no. Quédecabu Espiritu Santoi pōeđaimara mamaūmeque. Jári majino āmevu no, arejamedā Jesús.

<sup>9</sup>—¿Aipe aiyarō márica no, mi que aino? arejamedā Jesúre Nicodemo.

<sup>10</sup>Ūre arejamedā Jesús:

—Murecabu judíova ne bueipōeva me majidivucacu. ¿Jápiarí eabecurū mu iye ji mure coyuiyede? <sup>11</sup>Jāve coyuyūbu mure: Ñuje majiède mujare coyuríduyavū ñuja. Ñuje jáiye bajure coyuríduyavū. Ūbenita ju abevū mūja ñuje coyuríduiyede. <sup>12</sup>Ijārvuquede coyuríduvū yu. Ūbenita ji coyuiyede ju abevū mūja. Ijārvuquede coyuiyede ju abevū baru, cavarō mearo Jūmenijicui curōquede ji coyuyuiyede ju abenajaramu mūja. <sup>13</sup>Cavarō mearo Jūmenijicui curōi mūri nūri, cojedeca ijārvui ēmeni dayu bācu cubebi. Que baru ácu ijārvucacu cavarō mearoquede coyuiyede coyubebi. Yurecabu Jūmenijicui daroimū mácu

ñmure. Cavarō mearo Jūmenijicui curōi cucu bācu ijāravui darejacacu yu. Que baru cavarō mearo Jūmenijicui curōquede coyuiyede coyuiye majivu yu. <sup>14</sup>Yópe Moisés bācu ñaiye báquepe, ñi cuede cāreja pōcubenoí, ādape paino bronce āmicurō táuque ñaino mārārōque, nopedeca vaiquiyebu yure. Ñi ñaimu mácuere jocuyo ñmujuriyorā jēori, jāmuōrejaquemavu Moisés bācu. Nopedeca yure, Jūmenijicui daroimu mácuere ñmure, jocucurā jēori, jāmuōrajarama pōeva. <sup>15</sup>Yure yópe ñaimure jāri, caivu pōeva yure ju aivu baru, cavarājarama jāravu cūiméjāravu baquinóre cavarō mearoi, arejameña Jesús.

**Jesús ñi coyūino Jūmenijicu ñi uede caivu pōevare**

<sup>16</sup>Coyure ñurejameña Jesús: —Quécura, cūinácubaru yu Jūmenijicui mácu. Pare baju ijāravucavure ucu, yure darorejame Jūmenijicu yore. Jaurabeda toabo cūiméboi ne ñumenajiyere ayu, yure ju aivure jāravu cūiméjāravu baquinóre cure ñaibi Jūmenijicu cavarō mearoi. <sup>17</sup>Jūmenijicu darobedejame yure, ji ñájine ñaquiyepe ayu ijāravucavure ne ñameina teiye boje. Quénora darorejame yure, ji meadaquiyepe ayu náre. <sup>18</sup>Yure ju aivu bācavure ñájine ñabecuyume Jūmenijicu. Ubenita yure ju abevure ñájine ñacuyume Jūmenijicu, ne ju abe boje yure, Jūmenijicui mácu cūinácura. <sup>19</sup>Yópe ñari Jūmenijicu arevure “Boropatebevu mija ji jāinoi”, aru arevure “Boropateivubu mija ji jāinoi”, coyuyube. Ji daiye boje ijāravui, pōevare majide ñaimu Jūmenijicui yāvaiyede jāvene, yópe pōino jāre ñaiyepe náre. Aru ijāravucavu ne ñameina teiye ñeminopebu. Pōeva yure ñabema. Quénora ne ñameina teiyede ñama na. Nárecabu Jūmenijicu “Ñájinajaramu mija”, ñi arí coyūimara, ne ube boje yure. <sup>20</sup>Caivu ina ñameina teivu yure jādovaicōjeiyubema ne ñameina teiyede. Que baru yure

pōñmure, ne ñameina teiyede jādovañure, jāiyubema. <sup>21</sup>Ubenita caivu ina ju aivu Jūmenijicure, ñai ayure jāvene, yaveiyubema ne ñaiyede. Quénora jādovadama ne ñaiye caiyede yópe Jūmenijicui urōpe. Que baru yure pōñmure vodama, arejameña Jesús.

**Juan Bautista ñi coyūino Jesús ñi paruede**

(Mt 14.3; Mr 6.17; Lc 3.19-20; Jn 1.20)

<sup>22</sup>No yóboi Judea āmicurijoborōi ñurejame Jesús, ñija ñi bueimaraque. Nore curejacará ñija obedijāravua. Nócavure Jūmenijicucue jādovaiyu barejacará ocoque. <sup>23</sup>Aru Enón āmicurimaro baji, Salim āmicurō joabejino, curejameña Juan Bautista máre. Pōeva ñre eavure Jūmenijicucue jādovañu marejameña, oco urarō cūe boje nore. <sup>24</sup>Dinumure cāreja Juan Bautistare jēni, ñuari, buobedejameña ñije jabova.

<sup>25</sup>Juan Bautista ñi bueimaraçavu coru yāvairi burejameña cūinácū judíoque, ñije ñari cōmajiyede Jūmenijicui me jāquiyepe aivu ñijare.

<sup>26</sup>Que teni yāvairi buojari, Juan Bautistare coyurāearejameña ina ñi bueimaraçavu:

—Mu, bueipōecu, ñai máque cūvacacu Jordáda āniduvei, mi coyūvacamu Jūmenijicui majiéque, ñvacari pōevare Jūmenijicucue jādovaimi ocoque. Obedivu ñuñama ñque caride, arejameña.

<sup>27</sup>Yópe arí, náre coyurejameña Juan Bautista:

—Pōecu cubebi ñi ñaiyepe ñari buojayu, Jūmenijicui ñre parure ñabedu. <sup>28</sup>Mujavacari jāpiadavū ji coyuriduiye báquede. “Cristo ñamevu yu”, acacu yu ñijare. Quéda ñre coyurí jipocateicōjeimamu yu. <sup>29</sup>Yópebu yu Cristoque. Pūrubuocuyu nomiscuyume. Aru ñi yóvaimu, ñai meadayu bācu ne pūrubuoiyede, torojubi ñi jāpiayede ñai pūrubuocuyu ñi yóvainore. Nai yóvaimu ñi teinope teyubu yu. Que baru pōeva Jesúsque ñivure jāñu, urarō torojuvu

ya ji ñemei. <sup>30</sup>Pueno paracü pucayume Jesús. Ubenita parubecu pucayumu ya. Pöeva ne puedaimu macayúme ñ. Ubenita puedabejarári yure, arejamedá Juan Bautista.

**Cavarõ mearo Jümenijicüi curõi cucu bácuere coyüino**  
(Mt 11.27; Lc 10.22)

<sup>31</sup>Coyüere nurejamedá Juan Bautista: —Cavarõ mearo Jümenijicüi curõi cucu bácu, ijáravuñi emeni darí, caivu ijáravucavu maje pueno majibi. Ijáravucacu yócacube. Que baru majibi yóque majiéde. Ubenita cavarõ mearore emeni dayu bácu yócañu maje pueno majibi. <sup>32</sup>Ñai cavarõ mearo Jümenijicüi curõi cucu bácu ñi jáiye báquede coyuríduibi. Ubenita ñi coyüiyede ju abema obedivü yócañu. <sup>33</sup>Que baru ácu pöecu ju ayu baru ñi coyüiyede, Jümenijicüi jáve aiyede, “Jávemu”, ayutame ñ. <sup>34</sup>Jecubecüva Jümenijicüi ñi Espíritu Santore cure ñabi Cristoque. Que baru Cristo, Jümenijicüi daroimü mácu ijáravuñi, Jümenijicüi jiede coyüibi. <sup>35</sup>Mamacüere pare ubi majepacu Jümenijicüi. Caiyede aru caivüere purucüvaicõjeimi ñ mamacüere. <sup>36</sup>Caivu ju aivu mamacüere, Cristore, járavu cüiméjárovu baquinóre cavarõ mearoi cuvama na. Ubenita caivu jápiabevü íre, Cristore, járavu cüiméjárovu baquinóre cavarõ mearoi cuvabema na. Quéñora ne jápiaiyube báque boje, náre urarõ ñájine ñacayume Jümenijicüi, arejamedá Juan Bautista.

**Jesús Samariacacoque ne boroteino**  
(Jn 7.37-39)

**4** <sup>1-2</sup>Obedivü ñi bueimara cuvarejamedá Juan Bautista. Ubenita pueno obedivü ñi bueimara cuvarejame Jesús. Aru Jesúñi Jümenijicüere jáðovaimara mácañu ocoque obedivü barejáima Juan Bautista ñi Jümenijicüere ocoque jáðovaimara mácañu pueno. Ubenita Jesúcapüravu pöevare Jümenijicüere jáðovamenejame ocoque. Quéñora ñüja,

ñi yávaive méne beorí coyüicõjeimarare jáðovaicõjenejame náre ocoque. Ina fariseo ñmicurijajubocavü, pöeva “Jesús obedivü ñi bueimara cuvabi Juan Bautista pueno”, ne arí boroteiyede jápiarejaimada. <sup>3</sup>Jesús jápiayü bácu ina fariseova ne coreóva iyede iye borore úra, Judea ñmicurõre dajocarí nuri, Galilea ñmicurijaborõi nurejame. Aru éque nurejacadá ñüja.

<sup>4</sup>Ñüje nüiyede Galileai, Samaria ñmicurijaborõi vaiye jaurejavü ñüjare. <sup>5</sup>Vaidé nuri, Samariacacõ ímaro, Sicar ñmicurímaroi emenejacadá ñüja. Sicar bajita cürejaquemavü no joborõ, ñüjeñecu mácu Jacob bácu ñi jínó mácarõ ñi mácu, José bácuere. <sup>6</sup>Nore cuvü ne oco doaicobe, Jacob bácuñi oco doaicobe. Járavu corica baji barejávü. Joa baju mari, darí, ueturejame Jesús. Que baru no oco doaicobe écarüi dobarejame, jabuóvacayü.

<sup>7-8</sup>Ëñi jabuóva iyede, ímaroi emeni nurejacadá ñüja, ñüje arajiyede bojedaráñivü. Ñüje nuriburu yóboi, oco doainore emeni earejacoða cüináco Samariacaco. Oco doacodaðo barejácoða.

—Oco, ji ücuquiye jíjaco yure, arejamedá oco doacodaðore Jesús.

<sup>9</sup>Ubenita Samariacavüere judíoiva ne puque ube boje, cuicumari dápiarí yópe arejacoða Jesúre:

—Judíobu mü. Aru ya Samariacacobu. ¿Aipe teni yure ücuiye jëñiañuru mü? arejacoða.

<sup>10</sup>Óre arejamedá Jesús:

—Jümenijicüi müre jíjuroede majibevü mü. Yu müre ocore jëñiañure, majibevü mü. Yure majico baru, “Ocore jíjacu”, yure ajebu mü. Aru nópe jëñiaðore apüre ñaiocore müre jíjebu ya, arejamedá óre Jesús.

<sup>11</sup>Jesúre arejacoða:

—¿Aipe ayurü mü yure?

Ëmujuricobebu yo. Aru mi oco doaquino cuvabevü mü. ¿Ári apüre ñaicorore, mi ocore, ícuyurü mü? <sup>12</sup>Dicobede jídejaquemavü majeñecu mácu, Jacob bácu. Javede ñ mácu aru ñi mára mácañu yore ocore ñni ücurejaquemavü.

Aru jídejaquemavũ ne oteiãimara mácvũre. ¿Jacob bácvũ pũeno parũcũrũ mũ? arejacoda úre.

<sup>13</sup> Óre arejamedã Jesús:

—Ácvũ pũescu ũcuũre oco dicobequede, bediõva cojedeca cũiĩnõquiyebu úre.

<sup>14</sup> Ûbenita ácvũ pũescu iye ocore, ji jíquicorore, ũcuũn mácvũre cũiĩnãra, ye cũiĩnõmequiyebu úre cojedeca. Ji jíquicoro oco pĩarõinope teni, jãravũ cũiĩmējãravũ baquinõre cũvacũyũme ji jíquicorore ũcuũn mácvũ, arejamedã Jesús.

<sup>15</sup> Ico nomiõ arejacoda:

—Jede, mi aicorore, iye ocore, jíjacu yũre caride. Ji ũcucojiye jíjacu yũre, bediõva cojedeca cũiĩnõmequiyepẽ ayũ yũre aru ji oco doacodabecojiyepẽ ayũ yore jãravũa coapa, arejacoda õ.

<sup>16</sup> Õi que arĩburuta, õre yãvarejamedã Jesús:

—Mimarepacũre cutuconũjaco mũ. Úre davajaco yũre, arejamedã õre.

<sup>17</sup> —Jimarepacu cubebĩ, arejacoda õ.

—Jãve adobu mũ. Mimarepacu baju cubebĩ. <sup>18</sup> Cũiĩnãpũrũpẽ paivũ ũmũva cũrĩduavũ mũ. Aru caricacu mi yõvaimũ, mimarepacu baju ãmemi ũ. Jãve baju adobu mũ, arejamedã õre Jesús.

<sup>19</sup> —Yũre Jũmenijicui yãvaiyede coyũcaipõescu batedébu mũ. <sup>20</sup> Yore, yõcacũ cũracũre Jũmenijicũre mearore jídejaquemavũ ñũjeñescuva mácvũ. Ûbenita “Jerusalévacari Jũmenijicũre mearore jíye javũ”, adavũ mũja judiõva, arejacoda õ.

<sup>21</sup> Jesús arejamedã:

—Ji coyũiyede me jápiajaco. Jãvetamu ji coyũiyẽ. Apejãravũa daquijãravũa baquiyé põeva Jũmenijicũre mearore jínanũmenajarama Jerusaléi aru dicũ cũracũi máre. <sup>22</sup> Mũja Samariacavũ mũje mearore jímvũre majibevũ mũja. Ûbenita ñũja judiõva majivũ. Jũmenijicũ ũi daroimũ mácvũ põevare meadaipõescu ñũjecũbe. Que baru majininea Jũmenijicũre mearore jívũbu ñũja judiõva. <sup>23</sup> Ji aijãravũa daquijãravũa baquiyé jave eare nũivũ. Dĩnũmũ maquinõre põevare mearore

jíde dacũyũme ñai Espĩritu Santo Jũmenijicũre yõpẽ jãve coyũiyepẽ.

Põeva nápe paivũ quévũra úre mearore jíyũrivũre ũbi Jũmenijicũ. <sup>24</sup> Jũmenijicũrecabe cũre ñayũ caivũre. Põeva mearore jíni majidivũbu úre, yõpẽ jãve coyũiyepẽ ñai Espĩritu Santo ũi nõpe majide ñaiyede, ũi náre cũre ñaiyepũque mamaũmeque, arejamedã Jesús.

<sup>25</sup> Úre arejacoda:

—Majivũ yũ Mesĩare, Jũmenijicui epeimũre, põeva ne aimũre Cristo, dacũyũre. Aru ũi daquiyede, caiyede majare coyũri jebescũyũme, arejacoda.

<sup>26</sup> —Yãbu Cristo, mũre boroteyũ, arejamedã õre Jesús.

<sup>27</sup> Ico nomiõre ũi que coyũiyẽ bajure copaidarejacadã ñũja, imaroi cuiivũ bácvũ. Pare dápiaivũ ñũje jáiye boje úre boroteyũre nomiõque, “¿Aipe teni õque boroteyũrũ mũ?” ájũrorivũ barejacadã ñũja. Ûbenita úre jẽniari jámenejacadã. <sup>28</sup> Ócapũravũ õi oco doabũre noi nõri, copainũrejacoda õi cũriimaroi. Noi nũri, earĩ, nõcavũre coyũrejacoda:

<sup>29</sup> —Jãradajarã mũja. ¿Yũre ji teiye báque caiyede coyũyũ, Cristo bárica ũ? arejacoda náre.

<sup>30</sup> Õi que arĩburu yõboi, õque járadarejaquemavũ diĩmarocavũ.

<sup>31</sup> Imarocavũ ne edabede cãreja, ñũje bojedaiye báque ãiyede Jesũre ãicõjenidurejacadã ñũja.

—Mũ, bueipõescu, ãiyede ãjacu mũ, arĩdurejacadã Jesũre.

<sup>32</sup> —Mũje majibede ãiye cũvavũ yũ, arejame ñũjare Jesús.

<sup>33</sup> Aru ñũje bajumica boroteivũ, jẽniari járejacarã:

—¿Úre ãiye davarãma apevũ? arejacadã.

<sup>34</sup> Aru Jesús arejamedã:

—Maja ãiyede ãri buõjarĩburu ũmedaivũ maja. Quédeca yũ ñayũ yõpẽ yũre daroyũ bácvũ ũi nrõpẽ aru buõjayũ iye ñaiyede ũi ñaicõjeiye báquede yũre, ũmedaivũ yũ. <sup>35</sup> “Yõvaicũvaivũ aviãva bucũquiyebu maje ãiye”, majidivũ

ne coyũino mácarõpe aiyavũ mũa. Ëbenita yu coyuyubu mũjare. Āiye jẽinumũ jave eaiyu. Ānina majare edaivũre jãjara mũa. Āiyede jẽiyepebu na. Vea coboiyede jãri, ĩye jaũvu no. Quédécabu ānina, majare edaivũ. Vea coboiyepedeca javeta yũre ju aivũ barãjãrama na. <sup>36</sup>Põevare yũre ju are ðayũ bãcu āiyede jẽũnũ mácupedeca torojubi. Ēi memeiye boje, yũre ĩi ju are ðaimarare torojubi. Põevare jãravũ cũiméjãravũ baquinõre cuvare ðaibi. Que baru torojubi ĩ. Jũmenijicũi yãvaiyede coyũri búyu bãcure, oteipõescupe páyu, caðateibi põevare yũre ju are ðaipõescu. Aru põeva ne ju aiyede torojũma ina pũcarã. <sup>37</sup>Majidivũ ne coyũino mácarõpe, “Cũinãcu oteibi aru apecuta āiyede ĩmi”, jãvetamu no caride. <sup>38</sup>Āiyede jẽivũpe paivure mũjare jaroyutamu yũ, põeva yũre ne ju arãjiyepẽ ayũ. Ëbenita mũa ameteavũ mamarũmũ Jũmenijicũi yãvaiyede coyũri buivũ náre. Mũa jipocai Jũmenijicũi yãvaiyede coyũri búquemavũ apevũ. Apevũ ne coyũimara mácavũre yũre ju are ðajarã mũa caride. Jũmenijicũi yãvaiyede jãpiarĩdivũ bãcavũ yũre ju ajarãri na, arejame Jesús ñũjare majicayũ.

Ēi que aiyedata edarejaima ĩmarocavũ, Jesúque borotedo bácoi cutuimara mácavũ. <sup>39</sup>Õi aiyẽ boje Jesúã, “Ji teiye báque caiyede coyũibi”, obedivũ Samariacavũ ju arejaquemavũ ĩre. <sup>40</sup>Que baru ne edaiyede ĩi yebai, “Ñũjaque cuyacu cãreja”, arejaima Jesúre ina Samariacavũ. Dinũmũ pũcajãravũ náque cũrejame Jesús, náre bueyũ ne ĩmaroi. <sup>41</sup>Jesúque borotedo báco õi coyũiye boje náre, ĩre ju arejaquemavũ apevũ. Ëbenita ĩque boroteivũ obedivũ baju barejãima ĩre ju aivũ.

<sup>42</sup>Que baru Jesúque borotedo bácore õi cuturĩ davaimara mácavũ arejaima:

—Caride ĩre ju aivũ ānevũ ñũja mi coyũiye báque boje. Quénora ĩre ju aivubu ñũje baju jãpiaiyẽ báque boje ĩi coyũiyede. Me majivũ ñũja Jesúre caivũ põevare meaðaipõescure, arejaima na.

**Jesús ĩi meaðaino jabocui mácure**  
(Mt 13.57; Mr 6.4; Lc 4.24; Jn 2.1-11, 23)

<sup>43</sup>Pũcajãravũ náque cũriburu yóboi, Galilea āmicurõi nũrejarã ñũja cojedeca, Jesúque nuivũ. <sup>44</sup>Javede ĩvacari arejame ñũjare: “Cũbebi Jũmenijicũi yãvaiyede coyũcaipõescu ĩi joborõcavũ ne pueðaimũ”, arejame ñũjare Jesús. <sup>45</sup>Jipocamia, Pascua torojuve teinũmure, apevũ Galileacavũ nũrejaquemavũ Jerusalẽn āmicurĩmaroi. Nore Jesúre põeva ne ðarĩ majibede ðayũre jãivũ bãcavũ barejãima. Que baru Jesús ĩi eaiyede ne joborõi cojedeca, ĩre torojũrivũ copũ etarejaima nócavũ.

<sup>46</sup>Oco báquede Jesús ĩi ũcuiye ðaino mácarõi Canã āmicurĩmaro, Galileacarõi, copainũrejarã ñũja Jesújã cojedeca. Nore, Canãi, cũrejame cũinãcu jabovacacu. Aru Capernaum āmicurĩmaroi cũrejameða ĩi mácu, pare ijeteyu. <sup>47</sup>Que baru ñai jabocu jãpiayũ bãcu Jesúi copaiyede Galileaita, Judeare jocarĩ, jãcũdarejame ĩi yebai. Jesús yebai edarĩ, yópe arĩ jẽniarejame Jesúre:

—Jĩmacu pare baju ijeteyuðe ĩ. Maumejeneca yaiquĩjibi. ĩre jãcũnuri, ĩre meaðacajacu yũre, arejame Jesúre ñai jabocu.

<sup>48</sup>—Yũre põeva ne ðarĩ majibede ðayũre jãnevũ baru, yũre ye ju abenajaramu mũa, arejame ĩre Jesús.

<sup>49</sup>Ëbenita Jesúre nuicõjenidurejame ñai jabocu.

—Maumena dajacu. Yũque jãcũdajacu mũ, jĩmacui yaiquĩye jipocai. Yaiðécũbe cãreja jĩmacu, arĩdurejame Jesúre.

<sup>50</sup>Aru Jesús arejame ĩre:

—Meaquiyebu. Mi cũrõi copainũjacu mũ caride. Mĩmacu yaiðécũbe, arejame. Jesús ĩi coyũiyede ju arĩ, cũinã copainũrejameða ñai jabocu. <sup>51</sup>Ēi cũrõi eare nuñũre copũrejaimaða ĩre memecaivũ.

—Mĩmacu ũmedabi ũ, arejaimaða ĩre.

<sup>52</sup>—¿Aipiye bajure ũmedari ũ? jẽniari jãrejameða ĩre memecaivũre.

—Ënoa marede, jāravũ corica yóji boi moino buruvũ úre, arejaimada.

<sup>53</sup>Ne que aiyede, ñai jabocu coreóvarejamedá. Jesús “Mímacu meacube caride”, ñi aiora bácarõre ñai jabocui mácu úmedarejamedá. Dinũmũre ñai jabocu aru caivu ñi cūramicavũ máre Jesúre ju arejaimada.

<sup>54</sup>Judea ámicurõi cucu bácu, Galilea ámicurõi edarĩ, cucu, põeva ne ðarĩ majibenore ðarejame Jesús. Jabocui mácure úmedavainoque, puque põeva ne ðarĩ majibe bajure ðarĩ jáðovarejame Jesús.

**Jesús ñi meadaino nacajaiye  
majibecure  
(Jn 10.30-38)**

**5** <sup>1</sup>No yóboi Jerusalén ámicurĩmaroi ñija judíova ñuje torojave teino cūináro curejavũ cojedeca. Que baru ñija Jesújá máre no ímaroi jácunũrejará. <sup>2</sup>Diĩmaro biaido jedevacobe bajita, ovejava ne ecoicobe jedevacobena curejavũ cūinábu cuyai bu. Judíova ñuje yávaiyeque dibu ámicurejavũ Betesda. Dibũ écarui põeva ne earĩ curájinore cūinápurupe painoa jabuóvainoa curejavũ. <sup>3-4</sup>Die jabuóvaiyena obedivu ijimara paraivu barejáima. Jári eabevũ, cuiye majibevũ, nacajaiye majibevũ máre, ijimara coapa noi curejaima. Apenũmũa pãcarejavũ dibu. Dibũ oco pãcaiyede coredejaima ina ijimara. Apenũmũa nore cūinácu ángele cavarõ mearo Jũmenijicui curõre jocarĩ émeni ðarĩ, dibũ ocore pãcovarejaquemavu. Ñi ocore pãcovaiye bajure dibũre cuyarãemejurorivu barejáima ina ijimara. Mamarũmũcacu pãcovaiye bajure dibũre cuyacuẽmeñũ, cūiná úmedarejame, áde ijiéde cuvacu bácvacari. <sup>5</sup>Ijimaracacu cūinácu treinta y ocho paiũjua baju corenidurejamedá, nore parayũ. <sup>6</sup>Nomicata Jesús earĩ, ñai parayũre jári, coreóvarejamedá joe baju nore cucure. Que baru úre borotecunũrejame.

—¿Úmedaiyucurũ mu? arejame Jesús.

<sup>7</sup>Ñai ijimũ arejame Jesúre:

—Járiajacu. Cainũmũa pãcovaiyede, ji cuyacuẽmejũroede, ji jipocai apescarũravũ nore émeni, turĩ cóvaibi. Yũre ocore émevacayu cubebi, arejame Jesúre.

<sup>8</sup>—Nacajajacu mũ, aru mi parainore cututurĩ, ñni, vaivárĩ ñajacu mũ, arejame úre Jesús.

<sup>9</sup>Quénora cūiná úmedarejame ñai ijimũ mácu. Ñi parainore cututurĩ, ñni, vaivárĩ nũrejame ñi. Jesús ñi nópe ðaijãravũ ñija judíova ñuje jabuóvãijãravũ barejãvũ. <sup>10</sup>Que baru úre, ijimũ mácure, coyũrãarejaimada judíovai jabovacavũ:

—¿Aipe ðayurũ mũ, mi parainore nópe nũvañũ? Cari jãravũ maje jabuóvãijãravũ. Parainore nũvaicõjemenotamu, arejaimada úre ina jabova.

<sup>11</sup>—Ûbenita yure meadaipõecu yópe abi: “Mi parainore cututurĩ, ñni, vaivárĩ ñajacu mũ”, abi yũre. Que barureca yũ nũvañũmu, arejamedá ñai ijimũ mácu.

<sup>12</sup>—¿Ñame matedĩ mũre que ayũ? arĩ jẽniari járejaimada na.

<sup>13</sup>Ûbenita coyũiye majibedejamedá náre. Ñre meadarĩ buojarĩnata, põeva ne jẽneboi bíjacunũrejamedá Jesús, obedivu põeva ne cue boje nore. Que baru Jesúre coreóvabedejamedá ñai ijimũ mácu. <sup>14</sup>No yóboi, Jũmenijicui cūramita ijimũ mácure corurĩ, yópe arĩ, coyũrejame Jesús:

—Meabaju cucutamu mũ. Caride mi ámeina teiye báquede dajocajacu. Cojedeca mũ ámeina ðayũ baru, pũeno ámeno ñájacuyũmu mũ, arejame úre Jesús.

<sup>15</sup>Jesús ñi que arĩburu yóboi, úre coreóvarejamedá ñai ijimũ mácu. Cūiná, jabovare coyucunũrejamedá:

—Yũre meadayũ bácu Jesúbe, arĩ coyũrejamedá náre.

<sup>16</sup>Que teni Jesúre pare cãrijovari búrejaima ñuje jabova, úre ñájine ðájũrorivũ ñi meadaiye báque boje ijimũ mácure ñuje jabuóvãijãravũre.

<sup>17</sup>Ne ñájine ðájũroede úre, Jesús náre yópe arĩ, coyũrejame:

—Jipacu jabuónabebi. Quénora cainmua cadatevaibi pōevare. Que baru yu máre cadateyubu náre, arejame Jesús.

<sup>18</sup> Jesús ñi que aye boje, pueno úre boarí jaruvaiyurejaima ñuja judíova ñuje jabova. Ñi ðabe boje ne ðaicōjeiyepe jabuónvaijāravure, úre boarí jaruvaiyurejaima. Ñbenita pare boarí jaruvaiyurejaima úre, “Jipacube Jūmenijicu”, ñi aye boje. Ne dápiaru, ñi que aino, “Jūmenijicupe majicubu yu”, ayu barejáme Jesús.

**Jesúre Jūmenijicu ñi  
pūgucñvaicōjeino**

(Mt 3.17; Mr 1.11; Lc 3.22;  
Jn 1.19-27, 3.27-30)

<sup>19</sup> Jesús, yópe arí, coyūrejame náre:

—Jāve coyūyubu mujare: Yu, Jūmenijicui mácu, ji baju jipacui coyūbenore jauwabeda ðayū buojabevū. Quénora jipacu Jūmenijicure jáññ, ñi ðaiyepedeca ðayūbu yu. Caiye iye jipacui ðaiyede yu, mamacu, máre ðaivū diede. <sup>20</sup> Pare ubi yure jipacu. Ñi ðaiye caiyede majicaibi yure. Pueno paruède ji ðaquiye ðáðovacuyūme yure jipacu. Mujavacari űrarō cūcumarajaramu yure, jáðovaicōjesuyure jipacu. <sup>21</sup> Yópe yaivū bācavure jipacui nacovaiyepe yainore jarūvarí, nopedeca yu, mamacu, cure ðayūbu ina ji űmarare. <sup>22</sup> Jipacu āmemi coyūcuyū pōevare áde ne bojede ne ðaiye boje ijāravui. Quénora yure, mamacure, coyūicōjeimi diede náre. <sup>23</sup> Ñi que cōjeimi, caivū pōeva ne pueðarājiyepe ayu yure ne pueðaiyepedeca jipacure. Ácu pōecu pueðabecu yure, mamacure, pueðabebi jipacure máre, yure daroyū bācure ijāravui, arejame Jesús.

<sup>24</sup> Náre coyūre nūrejame Jesús:

—Jāve coyūyubu mujare: Ácu pōecu ji coyūiyede jápiayū baru aru yure daroyū bācure ju ayu baru, jāravū cūiméjāravū baquinóre cūvabi ñi. Coatejurocu bācūvacari Jūmenijicure jarūvarí, ñájiññ macuyú āmemi. Javeta jāravū cūiméjāravū baquinóre cūvabi ñi.

<sup>25</sup> Jāve coyūyubu mujare: Cūinájāravū ðaquiijāravū baquinó jave eare nūnotamu ina coateivū Jūmenijicure jarūvarí ne jápiarājiyede ji coyūiyede. Ina coateivū Jūmenijicure jarūvarí yaivū bācavure paivutamu ne űmei. Ñbenita ne jápiaiyede yure, Jūmenijicui mácure, ju aivū baru ji coyūiyede, curājarama na. <sup>26</sup> Yópe jipacui apure ðaiyepe pōevare, nopedeca yure, mamacure, apure ðaicōjeimi pōevare. <sup>27</sup> Yūrecabu Jūmenijicui daroimū mácu űmure. Que baru Jūmenijicu pūgucñvaicōjeimi yure, ji coyūquiyepe ayu caivū pōevare áde ne bojede ne ðaiye boje ijāravui. <sup>28</sup> Cūcumamejara mūja. Apejāravū baquinó eare nūnoi, caivū ina yaivū bācavū jápiarājarama ji coyūiyede. <sup>29</sup> Aru nacajarajarama yainore jarūvarí. Ina meara mácavū nacajari, jāravū cūiméjāravū baquinóre cūvarājarama na cavarō mearo Jūmenijicui curōi. Ñbenita ina āmeina teivū bācavū nacajari, ñájinajarama cainmua toabo cūiméboi, arejame Jesús.

<sup>30</sup> Náre coyūre nūrejame Jesús:

—Ji baju jipacui coyūbenore jauwabeda ðayū buojabevū. Quénora jipacu Jūmenijicure jápiayū, ñi coyūiyepeda coyūyubu yu pōevare áde ne bojede ne ðaiye boje ijāravui. Que baru ji coyūiyede nurié coyūyubu yu. Ji nópe coyūye nuriétamu, ji ðaiyube boje yópe ji baju űrōpe. Quénora jipacu, ñai daroyū bācu yure ijāravui, ñi űrōpe ðayūbu yu. <sup>31</sup> Ji baju “Meacubu yu”, abevū. Ji que aru, “Ñbeni que ayube ñi”, ajebu mūja. <sup>32</sup> Ñbenita yure apēcucapūravū “Meacu bajutame Jesús”, aibi. Jāvetamu ñi que aino.

<sup>33</sup> Mujavacari mūje daroimaraque jēniari jáicōjeniduemavū Juan Bautista yebai, yure majiyūridiivū. Aru Juan Bautista náre jāve coyūquemavū. <sup>34</sup> Meavū no ñi coyūino. Ñbenita yure coyūcaipōecu jaubevū, ji jáðovaquiyepe ayu ñamene yure. Juan Bautista ñi coyūino mácarōre coyūyū batevú yu, mūje majinajiyepere ayu ñamene yure, ji meaðaquiyepe ayu mujare. <sup>35</sup> Yópe



pëoibũ járe ðaiyepe pëovare, nopedeca yávaiyede jávene majide ðáme Juan Bautista. Nurinimare pëoibũ pëoinope jáðovaridume. Ëi que teiyede torojuteavũ mũa mamarũmure cãreja. <sup>36</sup>Ëbenita ji baju daiyeque jáðovaivũ ñamene yũre. Yátamu jáðovañũ Juan Bautista ñi jáðovaino mácarõ pũeno.

‘Jipacui ðaicõjeiyepeda yũre, diedecabu ji ðaiye. Iye ðaiye jáðovaiyetamu yũre jáve jipacui daroimũ mácure. <sup>37</sup>Aru jipacũvacari, ñai daroyũ báciu yũre, coyũibi ji borore jáve. Ëbenita jipacure jámevũ mũa. Aru jápiabevũ mũa. <sup>38</sup>Yũre, Jũmenijicui daroimũ mácure, ju abevũ mũa. “Jũmenijicure coyũcaipõecubu mũ”, yũre aiyũbevũ mũa. Que baru ñi yávaiyede cũvabevũ mũa mũje ùmei. <sup>39</sup>Jũmenijicui yávaiyede ñi toivaicõjeiye báquede pare bueniduyavũ mũa. “¿Jũmenijicui yávaiyede ñi toivaicõjeiye báquede bueivũ, aipe ðarĩ járavũ cũiméjáravũ baquinóre earãjidi maja?” arĩduyavũ mũa. Aru diemiarca mũje bueiyeque ji borore jáve toivaiyebu. <sup>40</sup>Ëbenita yũre jëniyaiyũbevũ ji cũvare ðaquiyepa aivũ mũjare járavũ cũiméjáravũ baquinóre, arejame náre Jesús.

<sup>41</sup>Náre coyũre nũrejame Jesús: —Põeva ne mearore jýyede yũre vobevũ yũ. <sup>42</sup>Mũjare me majivũ yũ. Coreóvaivũ mũjare Jũmenijicure ùbevũre mũje ùmei. <sup>43</sup>Yore coyũicõjeni darorejame yũre jipacu. Ëbenita yũre ùbeni, copũ etabevũ mũa. Ëbenita apescu ñi coyũcũdaru ñi baju, jaũrabeda ùre copũ etadarãmu mũa. ùre jápiadarãmu. Ëbenita yũre ye jápiyaiyũbevũ mũa. <sup>44</sup>Mũje baju copũ mearore jýyede vore cuivũbu mũa. Ëbenita ye vobevũ mũa ñai Jũmenijicu cũinácura ñi jíquiyepe aivũ mearore mũjare. Mũje nópe ðaiye boje, ji coyũiyede jáve ju arĩ bũojabevũ mũa. <sup>45</sup>Ëbenita dápiabejarã mũa ùbenina. Yúvacari ñmevũ boro coyũrĩ adacũyũ mũjare jipacui jáinore. Moisés

báciu, ñai mũa coreimũ cadatecũyũre, ùrecabe boro coyũrĩ adayũ mũjare, mũa jápiabeni ju abe boje iye borore, ñi toivaino mácarõre. <sup>46</sup>Moisés báciu ji borore toivarejaquemavũ. Que baru mũa jáve ju aivũ baru ñi mácure, yũre máre ju ajebu mũa. <sup>47</sup>Ëbenita mũa ju abe boje ñi toivarĩ coyũiye báquede, ji coyũiyede máre ju abevũ mũa, arejame náre Jesús.

**Jesús ñi ñre ðaino cũinápũrũpe paimil baju ùmũvare**

(Mt 14.13-21; Mr 6.30-44; Lc 9.10-17)

**6** <sup>1</sup>No yóboi jiadocũi jaturĩ, macajitabu urabu Galilea ñmicũrijitabure jatarĩ nũrejacarã ñũa Jesúsã pu apedaveita. Dibvacari Tiberias máre ñmicũvũ. <sup>2</sup>Ñũa jataivũque darejaima põeva obedivũ. Ne ijimarare meadayũre jáiye báque boje, põeva ne ðarĩ majibede jáðovaiyede jáivũ bácavũ Jesúsque darejaima. <sup>3</sup>Macajitabu urabure jataivũ bácavũ, cũracũ pũeno mũri dobacũnũrejame Jesús, ñũa ñi bueimaraque. <sup>4</sup>Pascua ñmicũrijáravũ baquinó, ñũa judío va ñũje torojũve teinũmu maquinó eare nũino marejávũ. <sup>5</sup>Dicũ pũeno dobacũ, põeva obedivũre ùra mũre daivũre járejame Jesús.

—Que põeva obedivũ dare daivũ jároma. ¿Ne ñrajiyede ñri bojeðarãjídica maja? jëniari járejame Felipe de Jesús.

<sup>6</sup>Que arejame Felipe. Aipe ñrojãe ñi ju ainore jápiayũcu barejãme, ùre que ayũ. Felipe ñi jëniari jáquiye jipocamiata, jáve majidejaquemavũ Jesús aipe ñi ðaquiyede. <sup>7</sup>Felipe arejame:

—Tãutũraque doscientos paijãravũ memeyẽ báque bojeque ne ñrajiye quĩjie baju pãure bojeðarĩ bũojabevũ maja, arejame Felipe Jesúsre.

<sup>8</sup>Apecu ñũjacacu, Jesúsĩ bueimaracacu, Simón Pedroĩ yócu Andrés, arejame Jesúsre:

<sup>9</sup>—Põevaque dayũ báciu juedocu pãũboa cũinápũrũpe paiboa cebada ñmicũe oteiyequẽ ne ðaiboa báquede aru

moajina pucajina ne joaimara macavure cuvabi ñ. Ubenita pøeva obedivure eabequiyebu ñru, arejame Jesúre Andrés.

<sup>10</sup>—Pøevare dobaicøjeja mña, arejame Jesús ñña ñi bueimarare.

Cøriá meacøria curejavñ nore. Que baru cøriá pñenora dobarejaima na. Nácavu ñmuvacari cüinápurupe paimil baju barejáima. Aru nomiva, jñedova máre, obedivu curejaima. <sup>11</sup>Pøeva ne dobaríburu yóboi, Jesús páuboare jñeni, torojuede jídejame Jñmenijicure. Torojuede jñni buojarí, páuboare cotvvarí jebeni, ina dobarivure jíçøenejame Jesús ññjare, ñi bueimarare. Aru moajinare máre quédeca ðarejacañ ñña. Ne ñrøpe ñrejaima ina pøeva. <sup>12</sup>Ne ñriburu yóboi, Jesús arejame ññjare, ñi bueimarare:

—Pøeva ne ñri oabede íjara mña, maje bíjare ðabenajiyepu aivñ ñiyede, arejame Jesús.

<sup>13</sup>Que baru ñni, meadarí iye cebadaque ne ðaiboa báque páuboaiveare pøeva ne ñri oabe báquede pñebña doce paibure buivárejacañ. <sup>14</sup>Ina pøeva jáivñ bácavñ no pøeva ne ðarí majibenore, Jesús ñi ðaiyede, yópe arí búrejaima ne bajumia:

—Jáve ñaime Jñmenijicui yávaiyede coyucapøecu bacuyá, edacuyñ me íjaravure ne ávaimñ, aivñ barejáima na.

<sup>15</sup>Ére que aivure majidejaquemavñ Jesús. Aru ne jñeni jaboacoiyede máre majidejaquemavñ ñ. Que baru náre jocarí cüinácava mñri nñrejameða cñracú pñenoí, dupiyñ náre.

#### **Jesús ñi cuino oco pñenora**

(Mt 14.22-27; Mr 6.45-52)

<sup>16</sup>Ñemié tuyede macajitabñ urabui ñmenejacañ ñña, Jesúí bueimara. <sup>17</sup>Nore jíadocüi jatuirí nñri, macajitabñre jataríðurejacañ, Capernaum ñmicuríimaroí nñjñrorivñ. Que teicavure nainéjavñ. Aru Jesús ðabedejame cäreja ññje yebai. <sup>18</sup>Ümevñ ññjare edarí, japurejavñ. Pare pácarejavñ macajitabñ urabñ ññjare, jatajñrorivñ. <sup>19</sup>Ñña pare doarí, ññjini, cüinápurupe

paikilometros baju nñri, macajitabñ urabñ pñenora vaivári ðarejame Jesús, ññje yebai dayñ. Ére jári, urarø jíðurejacañ ñña. <sup>20</sup>Que teivure jári, ññjare yávarejame Jesús:

—Yñ Jesútamu. Jíðubejará mña, arejame ññjare.

<sup>21</sup>Üi que aríburu, torojurí “Jatujacu”, arejacañ. Üi jatuiyedata écarui ññje earájinore cüiná datuøræarejacañ ñña.

#### **Pøeva ne voino Jesúre**

<sup>22</sup>Cømiáíjaravñ Jesúre voríðurejaimaða na macajitabñ urabñ écarui mauteivñ bácavñ, ñi ñoimara macavñ. Majidejaimaða jíadocú cüinácüva nore curicü mácarøre no jípacajárvure. Aru majidejaimaða ñña ñi bueimaraque numecu bácuere máre. Que baru apecü ñi jatajñroricü cubedejavñya. <sup>23</sup>Ne voyede apevñ jataivñ bácavñ Tiberias ñmicuríimarcavñ paráññrejaimaða. Jesús Jñmenijicure torojuede jñniburú yóboi pøevare páuboa ne ñrajiboa jñno mácarø joabejñnoí tuijarejaimaða. <sup>24</sup>Jesúre aru ññjare ñi bueimarare máre eabeni, edaicüa máquede jaturejaimaða ina écaboi curivñ bácavñ. Macajitabñ urabñre jatarí nñri, Capernaum ñmicuríimaroí earejaima na, Jesúre voinvñ.

#### **Jesús ñi coyñino pøevare apure ðarí ñiyepu**

<sup>25</sup>Ñibure jataivñ bácavñ Jesúre earí, jñniari járejaima ére:

—Mñ, bueipøecu, çaiyiye bajure íðuveí jatacurñ mu? arejaima.

<sup>26</sup>Jesúcapñravñ, yópe arí, coyñrejame náre:

—Jáve coyñyubu mñjare: Yñre voráðabevñ mña, mñje jápiarí eaiye boje jí jáðovaiyede pøeva ne ðarí majibede jí ðaiyeque. Quénora yñre voráðadañvñ mña, mñje ñri yapíye báque boje. <sup>27</sup>Yóque ñiye pojeiyebu. Die matuiyeda memeni vobejará mña. Quénora iye ñiye cure ðaiyede jaravñ cüiméjaravñ baquinóre pare vojará mña.

Diedecabu yu, Jūmenijicui daroimu mácū ūmure, ji jíquiyē mujare, jipacu Jūmenijicu ūi jáđovaiye boje ūi mearo jáiyeđe yure, arejame Jesús.

<sup>28</sup>Ūre jēniari járejaima:

—¿Aipe đaiye jauri ñujare, ñuje đarājiyepe aivu yópe Jūmenijicui űrōpe? arejaima.

<sup>29</sup>Jesús arejame:

—Yo cūináro đaiye jaűvu mujare, đarājivu yópe Jūmenijicui űrōpe. Ju ajarā yure, ūi daroimu mácure, arejame.

<sup>30</sup>Ūre arejaima:

—¿Yéde pōeva ne đarí majibede đacuyurū mu, ñuje járiburu yóboi ñuje majinajiyēpe ayu jávene mi coyuiyede? ¿Áđepe paiyeba mi đaiye? <sup>31</sup>Majeñecua mácavu ne cuede pōecubenoí maná āmicue āiyede ārejaquemavu na mácavu. Que đarejaquemavu yópe Jūmenijicui toivaicōjeiye báquepe ūi yávaiyede:

“Cavarō mearo Jūmenijicui cūrōre jocarí āiyede jōđavari darorí jíđejaquemavu náre”, arí toivaicōjenejaquemavu Jūmenijicu, arejaima Jesús.

<sup>32</sup>Aru Jesús ju ayu arejame náre:

—Jáve coyuyubu mujare: Moisés bácū āmenejaquemavu ñai jōđavari daroyu bácū āiyede cavarō mearo Jūmenijicui cūrōquede. Quénora jipacurecabe ñai jōđavari daroyu bácū āiye bajure cavarō mearoquede. <sup>33</sup>Cavarō mearoque āiye Jūmenijicu ūi daroiye me bajutamu. Iyetamu pōevare cure đaiye jāravu cūiméjāravu baquinóre, arí coyurejame Jesús.

<sup>34</sup>—Ñuje jabocu, iye āiyede jíjacu ñujare cainmua, arejaima űre.

<sup>35</sup>Jesús arejame náre:

—Yurecabu iye āiye. Āiyepe pōevare jáve cure đayubu yu jāravu cūiméjāravu baquinóre. Yópe pōescu āri buojarí, űre āvúé ijibere, nopedeca ácu pōescu yure yóvacúdayu baru, űre ye jaubequiyebu cainmua ūi űmei. Aru yópe pōescu űcuri buojarí, űre cūiñómepe, nopedeca ácu pōescu yure ju ayu baru, űre jaubequiyebu cainmua ūi űmei.

<sup>36</sup>Ūbenita yópe ji mujare ávarepe, yure jáivvacarí ju abevu muja.

<sup>37</sup>Yure jipacu ūi ju are đaimara coapa yure yóvarí curājarama. Aru jáve náre coapa ju arí jacopucuyumu yu. <sup>38</sup>Cavarō mearo Jūmenijicui cūrōi cūcu bácū yore ēmecudarejacacu yu, đacuyu jipacu, yure daroyu bácū, ūi űrōpe. Ji űrōpeda đacuyu āmenejacacu yu. <sup>39</sup>Yópe űbi ñai yure daroyu bácū: Caivu ina yure ūi ju are đaimarare coreiye jaűvu yure, ne bíjabenajiyēpe ayu, aru ji nacovaquiyēpe ayu náre coapa yainore jarűvarí ānijāravu buojaquijāravu baquinóre. Que đainore űbi ñai daroyu bácū yure.

<sup>40</sup>Jipacu űbi caivu pōeva yure jári, coreóvarí, ju aivure ne cűvarājiyepe ayu jāravu cūiméjāravu baquinóre. Aru yávacarí náre nacovacuyumu yainore jarűvarí ānijāravu buojaquijāravu baquinó, arejame Jesús.

<sup>41</sup>“Cavarō mearoque āiye bajutamu yu”, ūi aiyede jápiarí, Jesúsre jorojinejaimada nócavu judíova, ne bajumia jūjuvaivure űra.

<sup>42</sup>—Ñai Jesús José bácui mácutame. Aru jipacore máre coreóvadavū maja. ¿Aipe teni, “Cavarō mearo Jūmenijicui cūrōre jocarí ēmeni darejacacu yu”, arí buojaidi ű? arejaimada na, ne bajumia boroteivu.

<sup>43</sup>Quénomia Jesús arejame náre:

—Muje bajumia jorojini āmeina yávabejarā yure. <sup>44</sup>Ñame dabenama ne baju yure yóvaráđavū jipacu, yure daroyu bácui náre daicōjemenu. Jipacurecabe yure darocairpōescu, ji nacovaquiyēpe ayu ina pōevare yainore jarűvarí buojaquijāravu baquinóre. <sup>45</sup>Javede Jūmenijicu toivaicōjenejaquemavu ina ūi yávaiyede coyűcairpōeva mácavure yópe arí: “Pōeva caivure buescuyume Jūmenijicu”, arí toivaicōjenejaquemavu. Que baru caivu ina jipacui bueiyeđe jápiarí adarí, ju aivu, yure yóvaráđavūbu na, arejame Jesús.

<sup>46</sup>Náre coyure ñurejame ű:

—Ji nōpe aiyēque, “Jūmenijicure jáđaima pōeva”, aiyucu āmevu yu. Yurecabu Jūmenijicu yebai cūcu bácū, ūi daroimu mácū, cūinácura űre jáñu

máscu. <sup>47</sup>Jáve soyuyubú mujare: Caivú pöeva ju aivú yúre járavú cüiméjáravú baquinóre cavarājarama. <sup>48</sup>Yútamu áiyere páyu. Jáve pöevare cure ñayubú yú járavú cüiméjáravú baquinóre.

<sup>49</sup>Mujeñecúva máscavú ne cuede pöescubenoí ávarejaquemavú manáre. Aru diede áivú bácvavacari búcuteni yaidéjaquemavú. <sup>50</sup>Ûbenita ji soyúvare áiyebu, cavarō mearo Jūmenijicú cūrōi ēmeni daiye áiyé. Áscu pöescu ji soyúvare áiyede áru, ũi ũme yaibéquiyeubú. Coatebecuyúme Jūmenijicure jarúvarí.

<sup>51</sup>Yútamu iye cavarō mearore ēmeni daiye báque áiyé. Áscu pöescu iye áiyede añú maru, cuscuyúme cainúmu. Iye áiyé ji jíquiye ji bajubú. Ji bajure jícvuyúmu caivú pöevare boje, ne curájiyere ayú mamaúmeque, arejame Jesús.

<sup>52</sup>Jesús ũi que aiyede, ina judío va ne bajumia boroteni búrejaima, úre jaráivú, ũi nópe aiyé boje.

—¿Aipe ñarí majare ũi bajure áicōjeni buoqauidica ñai? arejaima.

<sup>53</sup>Yópe arí, jévari soyúrejame náre Jesús:

—Jáve soyuyubú mujare: Yúbu Jūmenijicú daroimú máscu ũmure. Ji jiarure ámevú baru mǔja, aru ji jivede máre ũcúmevú baru, cubenajaramu mǔja mamaúmeque. <sup>54</sup>Áscu pöescu ji jiarure añú máscu aru ji jivede máre ũcúñú máscu járavú cüiméjáravú baquinóre cūvacuyúme. Aru yúvacari úre nacovacuyúmu yainore jarúvarí añijáravú buojaquijáravú baquinóre.

<sup>55</sup>Áiyé bajutamu ji jia. Aru ji jive máre ũcúiyé bajutamu. <sup>56</sup>Áscu pöescu ji jiarure añú máscu aru ji jivede ũcúñú máscu cubi yúque, aru úque cūvú yú máre. Cūinávure cūvú ñǔja.

<sup>57</sup>Jipascú, ñai pöevare arure ñayú mamaúmeque, darorejame yúre aru arure ñarejame. Nopedeca áscu pöescu yúre añú máscure, úre arure ñacuyúmu yú. <sup>58</sup>Iye ji soyúvare áiyebu cavarō mearo Jūmenijicú cūrōi ēmeni daiye báque áiyé. Mujeñecúva máscavú ne áiyé báquepe paiye ámevú die. Na máscavú áivú bácvavacari búcuteni

yaidéjaquemavú. Ûbenita áscu pöescu añú ji cari soyúvare áiyede cuscuyúme cainúmu, arejame Jesús.

<sup>59</sup>Capernaum ámicūrīmaroí cūscú, judío vaí cójjiñami pöevare bueyú, nópe soyúrejame Jesús.

### Jesús ũi bueino járavú cüiméjáravú baquinóre

(Mt 16.16; Mr 8.29; Lc 9.20)

<sup>60</sup>Jesús ũi nópe bueiye de maiyójeda dápiarí, yópe arejaima ũi bueimara obedivú.

—Maiyójarō baju bueibi. Nore jápiarí coreóvabevú ñǔja, arejaima na Jesúsre buejurorivú ne bajumia.

<sup>61</sup>Jesús, coreóvayú jorojívure ne bajumia jújuvaivure úra, jēniari járejame náre:

—¿Cari mujare ji bueiye boje ámeina jáivurú yúre? <sup>62</sup>¿Yúre, Jūmenijicú daroimú máscure ũmure, ji curō mácarōi ji muiyede jáivú baru, aipe dápiaje bárica mǔja? <sup>63</sup>Jūmenijicú Espíriturecabe pöevare cure ñayú járavú cüiméjáravú baquinóre. Pöeva ne baju arevú pöevare cure ñayú majibema. Iye cari ji soyúiyequé, yúrecabú mujare cūvare ñayú Jūmenijicú Espíriture, ñai pöevare cure ñayúre mamaúmeque ne ju aiyede yúre. <sup>64</sup>Ûbenita arevú mujacavú yúre ju abema cāreja, arejame náre Jesús.

Ûi bueni buijáravú bácarōre jipocamiata, Jesús coreóvarejame ñame úre ju abenajivure aru áscu pöescure úre jēne ñacuyúre ũi mauvare máre.

<sup>65</sup>Jesús arejame náre cojedeca:

—Caivú ámevú mǔja ju aivú yúre. Que baru soyuyubú mujare: Áscu pöescu cubebi ũi baju yóvacúdayú yúre, ju acuyú jipascú úre daicōjemenu. Jipascurecabe pöevare ji yebai darorí ju are ñayú, arejame.

<sup>66</sup>Dinúmmia Jesúsque buejurorivú bácvú úre ñajocarejaima. Quéno ra úque cubedejaima. <sup>67</sup>Que teiyede jári, ñǔjare, ũi bueimare, ñǔja doce paivú bajure, yópe jēniari járejame:

—¿Mujá máre yure dajocaiyurivurú? arejame ñujare Jesús.

<sup>68</sup>Yópe arí darorejame Jesúre ñujacacu Simón Pedro:

—Mu, ñuje jabocu, mátamu ñujare jáve baju bueiye de coyuyu. Mi coyuiyeque ñujare cure ñáivu mu járavu cüiméjáravu baquinóre. <sup>69</sup>Javeta mure ju adavú ñuja. Mure coreóvaivubu Jümenijicui mácu meacu bajure, arejame Pedro Jesúre.

<sup>70</sup>Jesús arejame ñujare:

—Mujare doce paivure beocacu yu. Æbenita cüinácu mujacacu abujuvai jabocuí cõjeimunte ñi, arejame ñujare ñi bueimarare.

<sup>71</sup>Jesús que ayu, Judas, Simón Iscariotei mácu, ñi ñáquinore coyuyu barejáme. Judas Jesúi bueimú mácvacari, Jesúre jëne ñácu yu barejáme ñi mauvare.

#### Jesúí yóva úre ne ju abeno

**7** <sup>1</sup>No yóboi Galilea ámicurõcarõa ímaroa coapa cuscüñu marejáme Jesús. Æbenita Judea ámicurõi ñuiyubedejame, nócvavu judío va ñuje jabova jorojini ne boaiyue boje úre.

<sup>2</sup>Ñuja judío va ñuje torojüve teinümü, úcua ñáinümü, eare nuino marejávü.

<sup>3</sup>Que baru Jesúre ñuicõjeivü, ñi yóva arejaimada:

—Yui mautebejacu mu. Quénora ñujacu Judeaita, ina nócvavure mi bueimara máre ne járajiyepe aivü mi ñáiyede. <sup>4</sup>Põescu ucu baru apevu ne coreóva iyede úre, ñi ñáiyede ñábebi yavenina. Que baru na caivure mi paruéque mi ñáiyede jáðovacunujacu mu, ámiyó, arí coyurejaimada ñi yóva.

<sup>5</sup>Dinümüre ñi yóva Jesúre, “Jümenijicui mácvu mu”, abedejaimada. Que barureca Jesúre nópe arejaimada.

<sup>6</sup>Náre, yópe arí, coyurejaimada Jesús:

—Yure ji nuino eabevü cáreja. Æbenita mujare, muje ñuiyurinumü ñuru, meavü. <sup>7</sup>Mujare cõenímema ina Jümenijicure ju abevü. Æbenita yure jáiyubema Jümenijicure ju abe pöeva. Náre ne ámeina teiyena coyüvü yu. Que baru

yure jáiyubema. <sup>8</sup>Mujavacari torojüve teiyede járanujara. Yu ñumevü cáreja, ji ñuquino eabe boje, arejaimada Jesús.

<sup>9</sup>Nópe arí coyuyü báciu ñi yóvare, Jesúcapüvavu mautedejame apejáravü na Galilea ámicurõmia.

#### Jesús ñi coyüino judío va úcua ñáino ne torojüve teinoi (Jn 5.9)

<sup>10</sup>Æi yóva ne torojüve teiyede járanuriburu yóbore, Jesús máre nore jácvunrejame. Aru árojamejiena earejame ñi. <sup>11</sup>Torojüve teinümüre Jesúre pare vorídurejaimada ñuja judío va ñuje jabova.

—¿Ári curi ñai? arejaimada na.

<sup>12</sup>Æbenita ina pöevacapüvavu ne bajumia boroteivü barejáimada ñi borore:

—Meacube ñi. Pöevare cadateibi, arejaimada.

Æbenita apevu pöeva:

—Ámecube ñi. Jujovai bi majare, arejaimada na.

<sup>13</sup>Ñuje jabovare jidurina, bídeca ñuri, borotedejaimada na.

<sup>14</sup>Torojüve teino corica tuvaiye bajure, Jümenijicui cürami ñurejame Jesús. Nore ecorí, pöevare bueni bárejame ñi.

<sup>15</sup>Úre jápiaivü, ñuje jabova cücumari arejaima:

—¿Buebecu bácvacari, aipe teni caiye iye jaubeda majidi ñai? arejaima.

<sup>16</sup>Jesús náre yópe arí, coyurejame:

—Ji bueiye de ji bajuma majibevü yu. Quénora yure daroyu báciube yure majide ñayü. Æ jiede bueyübu yu. <sup>17</sup>Ácu pöescu Jümenijicui urõpe ñáiyücu baru, coreóvacuyüme ároque ji bueiye de. Ji buedu Jümenijicui majiéque o ji baju majiéque, coreóvacuyüme. <sup>18</sup>Ácu pöescu ñi baju majiéque yávayü voríduibi pöeva ne pueðaräjiiyepe ayu úre. Æbenita ácu pöescu voyu pöeva ne pueðaräjiiyepe ayu úre daroyu báciure, úrecabe coyuyü jáve, ye borocubevüva.

<sup>19</sup>Moisés báciu barejaquémavu mujare Jümenijicui ñaicõjeiyede coyuyü. Æbenita ácu mujacacu ñi toivarí epeiye

báquepe ju arí ðayn cubebi. ¿Aipe teni yure boarí jaruvaiyurivurū mija? arejame Jesús ññje jabovare.

<sup>20</sup>—Abujucu cubi máque. ¿Ñamema boaiyurivn mure? arejaima ina pøeva obedivn.

<sup>21</sup>Jesús arejame náre:

—Cüinájáravu muje jabuóvaujāravui cüináro ji ðaino mácarõre muje ðarí majibenore cuicumavnu mija. <sup>22</sup>Muja buraicõjevaivubu mujemara ñmñ juedovare ne cajede jabuóvaujāravui, ocho pajāravua baru ne pøeteniburu yóbore, yópe Moisés bácu ñi ðaicõjeiye báquepe. Æbenita Moisés bácu ñmenejaquemavnu buraicõjeni býuñ. Quénora majeñecuva mácavnu, Moisés bácu ñecuva mácavnu barejaquémavnu ñmñvai cajede buraicõjeni buivn. <sup>23</sup>Muja máre buraicõjeivn mujemara ñmñ juedovai cajede muje jabuóvaujāravui, ðarājivn yópe Moisés bácu ñi ðaicõjeiyepe. ¿Dinmñ aipe teni jorójivurū yure ji meadaiye báque boje cüinácu ijimú mácu ñi bajure maje jabuóvaujāravui? <sup>24</sup>Coyurí ðajocajará mija apecu meacure o ñmecure ñi ñrojae bojeda. Quénora dápijarā apecu meacure o ñmecure ñi jáve ðaiye boje, arejame Jesús.

**Jesús ñi coyüino ñi ðaino mácarõre**

<sup>25</sup>Jesús nópe ayure jápiaivn, Jerusalén ñmicuríimarocavnu arejaima:

—¿Ñai ñmeni maje jabova pare ne vóvaimu boarí jaruvaiyurivurū?

<sup>26</sup>Járijide apa. Maje coricai majare bueyube ñ. Æbenita aipe abema maje jabova. “Cristo, Jñmenijicui epeimñ bajube ñ”, ñðarāma na.

<sup>27</sup>Cristoi daiyede ñame majibenajarama árocacure. Æbenita ñai Jesús ñi curó mácarõre majivn maja, arejaima ñmarocavnu.

<sup>28</sup>Ne que aiyede coreóvayn Jesús, bueyuvacari Jñmenijicui cñrami, yópe arí ðarorejame bujié:

—Yure aru ji ðaino mácarõre majivn mija. Æbenita ji bajuma ji majiéque ðabedejacacu yu. Quénora ðarejacacu

yu apecu ñi ðarويمn mácu. ¿Tame borocubecu. ¿Recabe muje coreóvabemú máre. <sup>29</sup>¿Tame ðaroyñ bácu yure, ¿que cucu bácu. Que baru yurecabu ¿re me coreóvayn, arejame Jesús.

<sup>30</sup>Dinmñure Jesúre jñni jacojororivn baridurejaima ññje jabova. Æbenita ¿re ne jñnajāravnu ñmenejaquemavnu cñreja. Que baru Jesúre ñame jñmenejaima.

<sup>31</sup>Obedivn ina pøevacavnu Jesúre ju aivn, yópe arí, coyüivn barejáima:

—Cristo, Jñmenijicui ðarويمn macuyú, ñi ðaquiyede jáve pøeva ne ðarí majibede jáðovañu buojabejebu Jesús pñeno. ¿Mácarí? arejaima ina pøeva obedivn.

**Jesúre fariseova ne jñni jacoicõjenidüino**

<sup>32</sup>Ne que aiyede Jesúni borore jápiarí fariseovacavnu, ina fariseova aru sacerdotevare jaboteipøeva máre Jñmenijicui cñramine coreipøevacavñure jñni jacoicõjenidurejaima Jesúre.

<sup>33</sup>Dinmñure Jesús yávyuñ, pøevare arejame:

—Majióvaró bajura cucñuñtu mujaque. Quijino bajura javnu yure ji copaini ñuquino yure ðaroyñ bácu yebai.

<sup>34</sup>Dinmñu maquinóre pare vorājaramu mija yure. Æbenita ji ñuquinore ñuiye majibevn mija. Que baru eabenajaramu yure, arejame náre Jesús.

<sup>35</sup>Que ayure, ina judíoiva ññje jabova ne bajumia yávaivn arejaima:

—¿Ári ñnuquidica ñai, ññje eabenajiyere ayu ¿re? ¿Apeno joboró, majevn ne curñuñimaro mácaró, cucñuquidica ñ, buescñuñ nócavnu judíoiva ñmevñre? <sup>36</sup>“Yure pare voridurājaramu mija. Æbenita ji ñuquinore ñuiye majibevn mija”, aibi. ¿Aipe aiyuró márica no ñi que aino? arejaima ne baju.

**Jiape cure ðaicore Jesús ñi jícaquinore ñi coyüino**

(Jn 4.10-14)

<sup>37</sup>No torojave teino buojajāravnu pñeno meajāravnu barejávñ. Dijāravñure

Jesús nacajari núcu, yópe arí darorejame bujé:

—Ácu pōecu pare cūvaiyūcu baru jāravū cūiméjāravū baquinóre yópe pōecu cūinóimū ũi pare ũciuyepe ocore, ju ajacurí yure. Aru yópe ji jǵjuroepe ocore cūinóimūre, nopedeca ũre cure đacuuyūmu yu jāravū cūiméjāravū baquinóre. <sup>38</sup>Yópe arí, toivaicōjenejaquemavū Jūmenijicu ũi yávaiyede: “Ácu pōecu yure ju ayū bácure cure đacuuyūmu yu mamaūmeque yópe cure đaiocu piapóri daiyepē”, arejame Jesús.

<sup>39</sup>Nópe ayū, Espírítu Santo ũi borore ayū barejáme Jesús. Caivū Jesúre ju aivū jacopūivū barājárama ñai Espírítu Santore. Dinūmure Jūmenijicu Espírítu Santore darobedejaquemavū cāreja, Jesús ũi muri ñame boje cāreja, mearore cūvacayū cavarō mearo Jūmenijicūi curōi.

#### Jesúre judíoiva ne cūináturura yávabeno

<sup>40</sup>Apevū ina obedivū pōeva ne jápiarǵburu yóboi Jesús ũi que aiyede, ne bajumia boroteivū arejaima:

—Jāve ñaime Jūmenijicūi yávaiyede coyūcaipōecu bacuyá, “edacuyū” ne ávaimū, arejaima apevū.

<sup>41</sup>Apevū nácavū arejaima:

—Ñai Jūmenijicūi daroimū mácube Cristo baju, arejaima.

Ūbenita apevū nácavū arejaima:

—Cristo baju Galileacacu āmecayūme. <sup>42</sup>David bácūi pāramecū bacuyáme Cristo baju. Belén āmicurǵmarocacū, David bácūi curǵmaro mácarđocacū bacuyáme Cristo. Que arí, toivaicōjenejaquemavū Jūmenijicu ũi yávaiyede, arejaima apevū pōeva.

<sup>43</sup>Que baru Jesúre cūináturura yávabedejaima pōeva. Cūináturū āmenejavū ne ũme. <sup>44</sup>Jesúre jēni jaciuyūrejaima apevū nácavū. Ūbenita ñame ũre jēmenejaima.

#### Jesúre judíoiva jabova ne ju abeno

(Jn 3.1-2)

<sup>45</sup>Que teiyede Jūmenijicūi cūramine coreipōevacavū Jesúre jēni jacoicōjeniduumara mácavū copainurejaimada fariseova aru sacerdotevare jaboteipōeva yebai.

—¿Aipe teni Jesúre jēmetenarū mǵja? arejaimada náre ina fariseova aru sacerdotevare jaboteipōeva.

<sup>46</sup>—Ūi bueiyepē coyūyure ñūja ye jápiabevū. Que baru ũre jēni davabetevū ñūja, arejaimada ina coreipōeva.

<sup>47</sup>Quēnomia ina fariseova arejaimada:

—Mǵja máre ũi jūjovaiyede ju arebu mǵja. <sup>48</sup>Ñūja fariseova aru ina jabova máre ye ju abevū Jesúre. Ye ñūjacacu cūinácū ũre ju abebi. <sup>49</sup>Ūbenita pōevacapuravū Jūmenijicūi đaicōjeiyede ũi toivaicōjeiye báquede Moisés bácure majibema na. Ne majibe boje, Jūmenijicūi ñájine đaimara marājárama na toabo cūiméboi, arejaimada ina fariseova.

<sup>50</sup>Fariseovacacu Nicodemo, Jesúre borotevū bácū jipocamia, curejameda náque. Aru apevū nore curivure arejameda ũ:

<sup>51</sup>—Jesús ũi boro bajure coyūbebi cāreja. Nópe páyure pōecure ñájine đaicōjemevū Jūmenijicūi đaicōjeiye ũi toivaicōjeiye báque majare. Ūi baju coyūiyede jápaiye jaūvū majare, maje majinajiyepē aivū yéde ũi đaiyede, arǵdurejameda Nicodemo.

<sup>52</sup>Ūre arejaimada na:

—¿Mū máre Galileacacurū? Jūmenijicūi yávaiye ũi toivaicōjeiye báquede me buejacū mū, majicuyū. Ácu Galileacacu Jūmenijicūi yávaiyede coyūcaipōecu cubevailbi ũ, arejaimada Nicodemore ina fariseova.

<sup>53</sup>Que arí, ne cūramia coapa copainurejaimada na.

#### Cūináco nomió cacū bácure apecūque jímarepacure jarūvarǵ

**8** <sup>1</sup>Pōevare coyūǵi bubarǵ cūracū Olivocū āmicurǵcūi muri nurejame

Jesús. <sup>2</sup>Cómiáijárvavú javejina, Jūmenijicui cūramine copainurejame Jesús. Ëi yebai darejaima obedivú pōeva. Que baru dobarí, úre edaivure bueni búrejame Jesús. <sup>3</sup>Ëi bueiye, Jūmenijicui yávaiye báquede bueipōevacavú aru fariseovacavú máre cūináco nomió ne eaimo máco cūcore apescuque, jímarepacure jaruvarí, davarejaima Jesús yebai. Óre núicōjenejaima ina obedivú pōeva ne coricaí.

<sup>4</sup>Aru arejaima Jesúre:

—Mú, bueipōescu, ico nomió jímarepacure jaruvarí apescuque cūcore eavu ñuja.

<sup>5</sup>Moisés bácu ópe pádore cūraboaque dūreni boarí jaruvaicōjenejaquemavú, yópe Jūmenijicui ðaicōjeiyepe. ¿Aru mácapūravú aipe ayurú mu óre? arejaima Jesúre.

<sup>6</sup>Que aivú úre jajovaridurejaima, boro coyurí adaiyuridurájivú úre, úi vainí tújuroede ne ðaicōjeiye. Ëbenita Jesús nacachini, joboróí amuyoque toivarejame. <sup>7</sup>Ëi que ðaiyede, Jesúre jēniari jāranurejaima na. Ne que teiyede nacajari, núri, arejame náre:

—Jede, mujacacú ámeina tebecú bácu bajacúrí mamarumú dūreni báyu óre cūraboaque, arejame Jesús.

<sup>8</sup>Que arí, bedióva cojedeca nacachini, joboróí toivarejame. <sup>9</sup>Nópe úi aiyede jápiaivúva, cūinácu, cūinácu etarí nurejaima na, Jūmenijicui yávaiye báquede bueipōeva aru fariseova máre. Ne pūeno búscú mamarumú aru úi cāchinocavú úi yóbo etarí nurejaima. Pū mautedejagará ñuja, Jesújā, ico nomióque. <sup>10</sup>Cojedeca nacajari, núri, arejame óre Jesús:

—¿Mure boro coyurí adaríduivú ári curi na? ¿Mí ámenore ðaiye boje, pōescu cubedi mure ñájine ðayú? arejame óre.

<sup>11</sup>—Cūbebi, ji jabocu, arejaco ó.

—Yu máre mure ñájine ðabevú.

Nujaco mu caride. Aru ámeina ðabejaco cojedeca, arejame óre Jesús.

**Jesús pēoinope pōevare coreóvare ðayú majepacuí dápiaiye jávene**

(Mt 5.14; Jn 5.31, 9.5)

<sup>12</sup>Bedióva cojedeca pōevare yávarejame Jesús:

—Yurecabu pēoinope páyu ijárvavúvavure ne úmei, coreóvare ðacuyú Jūmenijicui dápiaiye jávene ji bueiyeque. Ácu pōescu yure yóvacudayú, úrecabe cūvacuyú iye pēoiye apure ðaiyede. Que baru mamaúmene cūvacuyúme ú. Úrecabe cūcuyú yópe miadároi cuyupe, cainumua ñeminói cubecuyú. Ëbenita pōeva coreóvabevú Jūmenijicui dápiaiye jávene curivúbu yópe ñeminói cuiyupe, ne majibe boje úi dápiaiye jávene, arejame náre Jesús.

<sup>13</sup>Fariseovacavú arejaima úre:

—Murecabu mi borore coyuyú mi baju. Que baru úbenina que ayúbu. Bojecubevú mi que coyuiye, arejaima úre.

<sup>14</sup>Yópe arí, coyurejame Jesús:

—Ji borore ji coyuiyevacari bojecuetamu. Yávacari coreóvaivú ji curó mácaróre aru ji nuquinore máre. Que baru ji coyuiye jávetamu. Ëbenita ji curó mácaróre aru ji nuquinore máre ye coreóvabevúbu muja. <sup>15</sup>Mujacapūravú apévare ñájine dávaivúbu pōevare mje coyuiyeque. Ëbenita yúcapūravú ñamene ñájine ðabecubu. <sup>16</sup>Ëbenita pōevare ji ñájine ðaru, ji nópe ðaiye jáve májebu. Quénora cūinácu ji baju nópe ðabejebu yú. Quénora jipacu, ñai daroyú bácu yure yui, nópe ðajebu yúque. <sup>17</sup>Muje ðaicōjeiyede yópe arí, toivaicōjenejaquemavú Jūmenijicui: “Pūcarā cūináturú ne coyuru ne jáiye báquede, bojecuvú ne que coyuiye”, arí toivaicōjenejaquemavú. <sup>18</sup>Yávacari ji borore coyuyúbu. Aru jipacu, ñai daroyú bácu yure, ú máre coyucaibi ji borore, arejame Jesús.

<sup>19</sup>—¿Mipacu ári curi ú? jēniari járejaima Jesúre fariseova.

—Yure coreóvabevúbu muja. Aru jipacure máre coreóvabevúbu muja. Yure coreóvaivú baru, jipacure máre coreóvajebu muja, arejame Jesús náre.

<sup>20</sup>Caiye iyede coyurejame Jesús úi bueiye pōevare Jūmenijicui cūrami, Jūmenijicure táutúra jíye epeitōcua yebai. Ëbenita pōescu cubedejame jēni jacocuyú úre, úi mauva úre ne jēnajjārvavú baquinó eabe boje cāreja.



**Jesús “Ji nuquinoi nuri  
bujabenajaramu mija” ñi aino**

<sup>21</sup> Bediova cojedeca pöevare yávorejame Jesús:

—Yurecabu nucuyu. Yure voridurajaramu mija. Ubenita yainajaramu mija boropateivu, mije ãmeina ñaiyede dajocabe boje aru “Jesúbe Jümenijicui mácu aru majare meadaipöecu”, mije abe boje. Ji nuquinoe nuri bujabenajaramu mija, arejame Jesús.

<sup>22</sup> Que ayure, ina judíova ñije jabova ne bajumia yávaivu arejaima:

—¿Ñujare “Ji nuquinoe nuri bujabenajaramu mija” ñi ainoque, jãve ñi baju boarí jaruvacuyuba? arejaima ne bajumia.

<sup>23</sup> Náre arejame Jesús:

—Mujacapuravu ijoboröcavubu mija. Ubenita yurecabu ñmucacu, cavarö mearo Jümenijicui cüröcacu. Mujacapuravu ijáravucavubu mija. Ubenita yácapuravu ijáravucacu ãmevu yu. <sup>24</sup> Que baru “Yainajaramu mija boropateivu, mije ãmeina ñaiyede dajocabe boje, ‘Jesúbe Jümenijicui mácu aru majare meadaipöecu’, mije abe boje”, avu mujare. Mije ju abe boje ji ávarede ji baju, “Jümenijicui mácu yu, caivure meadaipöecu”, ji arí coyüvarede, yainajaramu mija boropateivu, mije ãmeina ñaiyede dajocabe boje, “Jesúbe Jümenijicui mácu aru majare meadaipöecu”, mije abe boje, arejame náre Jesús.

<sup>25</sup> —¿Yécürü mu? jëniari járejaima úre.

—Mamarumu ji buiyede aru carita ji coyüvacamumu yu. <sup>26</sup> Mujare ji coyüjuroe urarö cuvavu. Aru urarö mujare ji ñájine dájuroe máre cuvavu. Ubenita ñai daroyu bácu yure borocübecube aru jãve yávayube ñ. Que baru ñi coyüicöjeino mácaröpeda mija ijáravucavure coyüivu yu, arejame Jesús.

<sup>27</sup> Ubenita “yure daroyu bácu”, ñi aiyede, “jipacu”, ayure majibedejaquemavu na.

<sup>28</sup> Que baru yópe arí, coyürejame Jesús náre:

—Mije jocücürã jëori jãmuórajiyede yure, Jümenijicui daroimu mácure ñmure, majinajaramu jãvene ji ávarede ji baju, “Jümenijicui mácu yu, caivure meadaipöecu”, ji arí coyüvarede. Dinumu maquinóre majinajaramu mija. Ji baju jipacu coyübenore ñayü bujabevu. Quéñora jipacu, Jümenijicui, ñi coyüyepedata, yópe ñi coyüicöjeiye báquepe yure, coyüyubu yu. <sup>29</sup> Ñai daroyu bácu yure cübi yúque. Yure cüinácura jocarí numecube jipacu, ji ñaiye boje ñi uröpe cainumua, arejame Jesús.

<sup>30</sup> Jesús nópe ayure jápiarí, ju arejaima úre obedivu pöeva.

**Jümenijicui mára aru cöjeimarape  
paivu ne ãmeina ñaiyue boje**  
(Mt 3.9; Lc 3.8; Gá 5.1, 13)

<sup>31</sup> Ina judíova Jesús yebai cöjjivure, úre ju aivu bácvure yópe arí, coyürejame Jesús:

—Mija ju aivu baru ji bueyede, ji bueimara baju barájaramu mija. <sup>32</sup> Ji bueiye jãve bajure majinajaramu mija. Aru que baru apescu cöjeimarape ãmenajaramu mija, arejame Jesús.

<sup>33</sup> Úre arejaima ina judíovacavu:

—Ñuja Abraham mácu páramenatamu. Que baru cainumua apescu cöjeimara ãmevu ñija. ¿Aipe teni “Apecui cöjeimarape ãmenajaramu mija”, ayurü mu ñujare? arejaima Jesúsre.

<sup>34</sup> Náre ju ayu arejame Jesús:

—Jãve coyüyubu mujare: Yópe cöjeimara ne baju uröpe ñabevu, quéñora apescu uröpe ñaiyu, nopedeca caivu ina ãmeina ñaiyu cöjeimarapevu, ne ãmeina ñaiyue boje. <sup>35</sup> Cürami upacu márape ãmema ñi cöjeimara. Mamara memevu ne ue boje népacure. Ubenita cöjeimara memevu ne jabocui cöjeiye boje náre. Quéñora ubenina curivutamu ina cöjeimara. Jabocui márape cainumua ména cübema ñi cöjeimara. Ubenita jívü bajutamu mamara baju. Que baru me cüima népacüque cainumua. Aru yávacari Jümenijicui mácu bajubu. <sup>36</sup> Que

baru yu, Jūmenijicui mácu, mujare cōjeimarape āmevure ji đaru, jāve bajureca cōjeimarape āmevū barājáramu mija. Đarājaramu mije đaiyede mije űe boje majepacu Jūmenijicure. Đabenajaramu mije đaiyede apescu űi cōjeiye boje mujare. <sup>37</sup>Coreóvaivū yu mujare Abraham mácuī pāramenare. Ūbenita ji bueiye de ju aiyu bevūbu mija. Que baru yure boarí jaruvaiyurivūbu mija. <sup>38</sup>Yúcapūravū soyuyūbu jipacuī jádovaiye báquede yure. Ūbenita mujacarpūravū đaiyūbu yópe mujepacuī soyūiye báquere mujare, arejame náre Jesús.

<sup>39</sup>—Ñjēñecu mácu barejaquémavū Abraham mácu, arejaima na.

Ūbenita Jesús arejame náre:

—Abraham mácuī pāramena baju baru, űi đaiye báqueredeca đajebu mija. <sup>40</sup>Ūbenita iye yávaiye jāvene Jūmenijicui bueiye báquede yure soyuyū bácreca mujare, mujacarpūravū boarí jaruvaiyurivūbu yure. Que đabedejaquemavū Abraham mácu. <sup>41</sup>Muje que đaiyueque, yópe mujepacuī đaiyepedeca đaiyurivūbu mija, arejame náre Jesús.

Nácapūravū arejaima űre:

—Ñja űbenina eaimara āmevū.

Jūmenijicūvacaribe cūinácu ñjepacuī baju, arejaima.

<sup>42</sup>Náre, yópe arí, soyurejame Jesús:

—Jūmenijicui curōi cūcu bácu yore ěmeni darejacacu yu. Aru cūvū caride yui. Que baru Jūmenijicuī mujepacuī baju baru, yure űjebu mija. Ji bajuma ji majiéque dabedejacacu yu. Quéñora Jūmenijicui daroimū mácuību yu.

<sup>43</sup>¿Aipe teni ji soyūiyede járiarí eabenarū mija? Yure ji soyūiyede járiaiyūbevūbu mija. Que baru járiarí eabevūbu mija. <sup>44</sup>Mujepacūbe abujuvai jabocu. Ūpe paivūbu mija. Ūi űrópe đaiyurivūbu mija. Mamarūmure aru caride máre, pōevare boarí jaruvaiyurivūbe ű. Jūmenijicui yávaiyede jāvene járiaiyūbebi ű. Aru cainūmūa yávaiyede jāvene soyūbebi ű. Ūi borocuede soyuyūbe ű, “¿Jāve

márica?” pōeva ne arājīyepere ayū. Aru mamarūmūcacū borocūcūbe ű. <sup>45</sup>Ūbenita yúcapūravū soyuyūbu yávaiyede jāvene. Mujacarpūravū ji soyūiyede ju abevūbu. <sup>46</sup>Ñame mujacacu ji āmeina đaiyede jáđovañū buojabebi, ji boropatebe boje. Jāvetamu ji soyūiye. ¿Dinūmū aipe teni diede ju abenarū mija? <sup>47</sup>Jūmenijicuī jicu járiaiibi űi yávaiyede. Ūbenita mujacarpūravū Jūmenijicuī jina āmevū. Que baru űi yávaiyede járiaiyūbevūbu mija, arejame náre Jesús.

**Jesús űi cuede Abraham mácuī pōetequiye jipocai**

(Jn 8.24, 10.30-33, 13.19)

<sup>48</sup>Dinūmū ina judíova arejaima Jesúsre:

—Jāve soyūivūbu ñja: Samariacacūbu mū. Aru abujucu cūbi máque, arejaima na.

<sup>49</sup>Náre arejame Jesús:

—Abujucu cūbebi yáque. Jipacure puedaivū yu. Ūbenita yure puedabevū mija. <sup>50</sup>Yure mearore jívure vobevū yu. Ūbenita jipacu űbi pōevare ne jínajīyepere ayū mearore yure. Aru űrecabe soyuyū pōevare ne đaiye báque méne aru āmene máre. <sup>51</sup>Jāve soyuyūbu mujare: Ácu pōescu ju ayū ji soyūiyede yaibécuyūme, arejame Jesús.

Que ayū, pōescuī yaibéde űi űmei aiyūcu barejaquémavū Jesús.

<sup>52</sup>Arejaima na:

—Caride jāve coreóvaivūbu ñja. Abujucu cūbi máque. Javede Abraham mácu aru ina Jūmenijicui yávaiyede soyūcaipōeva mácavū máre yaidéjaquemavū. Ūbenita “Ácu pōescu ju ayū ji soyūiyede yaibécuyūme”, mū ayūbu. <sup>53</sup>Majeñecu Abraham mácu yaidéjaquemavū. ¿Ūi pueno paꝛacūꝛū mū? Jūmenijicui yávaiyede soyūcaipōeva mácavū máre yaidéjaquemavū. ¿Yéscure páyurū mū, mi đápiaru? arejaima na.

<sup>54</sup>Que aivure, yópe arejame Jesús:

—Ji baju “Meacutamu yu” ji aru, bojecūbejebu no. Ūbenita jipacurecabe “Meacutamu mū” ayū yure. Ūrecabe

“ñijeracu Jāmenijicu”, muje aimu.

<sup>55</sup>Mujacapuravu úre ye coreóvabevu. Ubenita yurecabu coreóvayu. “Úre coreóvabevu yu” ayu baru, mujapedeca borocujebu yu. Ubenita úre coreóvaivu yu. Eñi coyuyede me ja aivu yu. <sup>56</sup>Aru dápiayu bácu ji edaquiyede ijárvai, torojurejaquemavu majeñecu Abraham mácu. Que teyu, ji edaiyede jáñu mácu, yure torojurejame ñi mácu, arejame náre Jesús.

<sup>57</sup>Ina judíova arejaima úre:

—Cincuenta paiñua cuvabevu mu. Aru Abraham mácu javeita yaidéjaquemavu. ¿Aipe teni “Járejacacu ñi mácuere”, ayurñi mu? arejaima Jesúsre na.

<sup>58</sup>—Jāve coyuyubu mujare: Abraham mácu ñi pōetequiye jipocai curejacacu yu, arejame Jesús.

<sup>59</sup>Ëñi que aiyede, Jesúsre jorojivu, ina judíova boarí jaruvaiyurivu úre ñnejaima cūaboare, durenajivu úre. Ubenita Jāmenijicui cūramine jocarí etarí, dupini nārejame Jesús.

**Jesús ñi járe ðaino jári eabecu  
pōteyu bácuere  
(Mt 5.14; Jn 8.12)**

**9** <sup>1</sup>No yóboi, Jesús ñi cuiyede, járejame cūinácu ñmu, jári eabecuere. Nópe pōetedejamedá ñai jári eabecu. <sup>2</sup>Ñuja Jesúsí bueimara jēniari járejacarā úre:

—Bueipōecu, ¿aipe teni jári eabecu pōetedejaquemari ñai? ¿Eñi baju āmeina ðaiye boje nópe pōetedejaquemari? ¿O ñi bucva ne āmeina ðaiye boje nópe pōetedejaquemari? arejacarā ñuja Jesúsre.

<sup>3</sup>Ñujare, yópe arí, coyurejame:

—Eñi baju āmeina ðaiye boje āmevu aru ñi bucva ne āmeina ðaiye boje máre āmevu nópe pōteyu bácu ñi jári eabecu. Jāmenijicui parvéde jáðovaquiyepere ayu, nópe pōetedejaquemavu ñi. <sup>4</sup>Jārvure pōeva memeivu buojadama. Ubenita ñemié tuiyede memeivu buojobema. Quédeca majare máre ðaiye jauvu yure ðaroyu

bácu ðaicōjeiyede jārvure cāreja. Ubenita ji yainíburu yóboi quénora ðarí buojobecubu yu. <sup>5</sup>Ji cuede cāreja ijárvai, pēoinope páyu Jāmenijicui dápiaye jāvene majide ðaivu ijárvucavure, arejame Jesús.

<sup>6</sup>Que ayu bácu, yebarā jēcuturi, najuarí joboque jivarejame. Eñi jivaiye báquede ñni, jári eabecu yacorūare jobo jijovarejame.

<sup>7</sup>Jijovañu mácu úre arejame Jesús:

—Siloé āmicriocobui mi yacorūare joacupñjacu mu, arejame jári eabecuere Jesús.

Siloé aino, “Jaroicobe” aiyurōtamu. Dibui nuri, ocoque ñi yacorūare joarejame. Joarí buojarí, ñi cūrami copainurejame, jáñuta. <sup>8</sup>Úre, tātuturare jēniañure jipocamia, jáivu bácvu arejaima ne bajumia:

—Járijide apa. ¿Jári eabecu bácu tātuturare jēniari dobavayu bácu āmeni ñai? arejaima ñi curōcavu.

<sup>9</sup>—Júju, ñi baju apa, arejaima nácavu.

—Ë āmemi. Úreca páyube. Ubenita jári eabecu bácu āmemi ñi, arejaima apevu.

Ne que aiyede, ñi bajumareca arejame:

—Jári eabecu bácvu yu, arejame, náre coyuyu.

<sup>10</sup>Dinumu úre jēniari járejaima ñi curōcavu:

—¿Aipe ðarí jári eayurñi mu? arejaima.

<sup>11</sup>—Jesús āmicucu yebarā jēcuturi, joboque jivacube. Die ñi joboque jivaiye báquede ji yacorūare jijovami ñi. “Siloé āmicriocobui joacupñjacu mu”, abi yure. Que ðacupvu yu. Diede joayu bácu, jávu yu, arí coyurejame ñi curōcavure jári eabecu bácu.

<sup>12</sup>—¿Mi aimu ári curi ñi caride? arejaima úre ñi curōcavu.

—Aidica, majibevu yu, arejame náre jári eabecu bácu.

**Jári eabecu bácuere fariseovacavu  
ne jēniari jápiaino**

<sup>13</sup>Dinumure jári eabecu bácuere nuvarejaimada ñi curōcavu fariseova yebai. <sup>14</sup>Dijárvu, Jesúsí joboque jijovari

meadaijāravu bācarō jāri eabecu bācure ñuja judíova ñuje jabuóvaujāravu sábadu barejávū. <sup>15</sup>Ina fariseova jāri eabecu bācure jēniari jārejaimada:

—¿Aipe teni jāri eayurū mu? arejaimada.

—Jobo ũi jīvaiye báqueque ji yacoruafe jījovame. Joacunuvu, ũi cōjeiyepe. Que teyu bācu jāivu caride, arejameđa náre.

<sup>16</sup>—Jūmenijicui daroimu mácu āmecube ũ, mure meadayu bācu, ũi memeiye boje maje jabuóvaujāravure, arejaimada apevu ina fariseovacavu.

Ūbenita apevu arejaimada:

—¿Āmeina ñayu baru, aipe teni pōeva ne ñari majibede jádovaiye majidi ũ? arejaimada nācavu.

Que arī ne bajumia cūináturura yāvabedejaimada. Aru cūináturu āmenejavūya ne ũme. <sup>17</sup>Bedióva cojedeca ina fariseova jēniari jārejaimada ũre:

—¿Ñai mure meadayu bācu mi aimu, mi dápiaru, ye pōecu páyu bārica ũ? arejaimada.

—Ji dápiaru, Jūmenijicui yāvaiyede coyucaipōecube ũ, arejameđa.

<sup>18</sup>Ūbenita ñuje jabova judíova “Jāri eabecu bācube jáñu”, abedejaimada cāreja. Que baru ũi bucuvare cutuicōjenejaimada, ne ñarājīyepe aivu ne yebai. Ne eaiyede fariseova jēniari jārejaimada:

<sup>19</sup>—¿Mujemacuba ñai? ¿Aru mujemacu baru, jāri eabecu pōetedejarī ũ? ¿Nópe pōteyu bācuvacari, aipe teni jáñuma caride? arejaimada jāri eabecu bācui bucuvare ina fariseova.

<sup>20</sup>—Ñujemacu bajube ñai. Jāri eabecu pōetedejame. <sup>21</sup>Aru caride jāri eaibi. Aipe teni jáñu mácure majibevubu ñuja. Ūre meadayu bācure coreóvabevubu. Jēniari jájara ñujemacure. Bucucube ũ. Ūi baju coyucayume mujare, arejaimada ũi bucuva.

<sup>22</sup>Nópe arejaimada, ne jidué boje ñuja judíova ñuje jabovare. Jipocamia yópe arī, coyurejaimada ina fariseova: “Ácu pōecu Jesúsbe Jūmenijicui daroimu

mácu ũ’ ayure, ñuje cōjijīñamine jaetovarājaramu ñuja, ũi cōjijibequiyepe aivu ñujaque bedióva cojedeca”, aivu barejaimada ña jipocamia. <sup>23</sup>Que baru, “Bucucube ũ. Ūre jēniari jájara muja”, arejaimada ina fariseovare ũi bucuva.

<sup>24</sup>Bedióva cojedeca jāri eabecu bācure cutuicōjenejaimada ina fariseova. Eayu bācure arejaimada:

—Mure meadayu bācure majivu ñuja, āmeina teipōecu bajure. Que baru Jūmenijicui jáinore jāve coyujacu mu caride, arejaimada jāri eabecu bācure.

<sup>25</sup>—Āmeina ñayure o mearore majibevu yu. Ūbenita jāri eabecu batevú yu. Caride que āmevu. Jáivu yu. No quénoratamu ji majino, arejameđa ina fariseovare jāri eabecu bācu.

<sup>26</sup>—¿Aipe ñari ũ mure? ¿Aipe ñayu, mure járe ñari ũ? arī jēniari jārejaimada ũre cojedeca.

<sup>27</sup>—Mujare coyuvu yu. ¿Jápiabenaru muja? ¿Ūi bueimara teiyurivurū muja? Que barureca burubeda yure jēniari jāivubu muja, arejameđa fariseovare.

<sup>28</sup>Ūre, yópe arī, āmeina yāvarejaimada:

—Mútamu ũi bueim. Moisés bācui bueimaramu ñuja. <sup>29</sup>Moisés bācure yāvarejaquemavu Jūmenijicu. Aru Moisés bācure majivu ñuja. Ūbenita mure meadayu bācure ye majibevubu ñuja. ¿Árocacuba ũ? arejaimada ina fariseova.

<sup>30</sup>—“¿Árocacuba ũ?” aivubu muja. Ūbenita ji jāri eabe báquede meadaibi yure. Mujacapūravu ũi curō mácarōre majibevubu muja. <sup>31</sup>Me majivu maja: Āmeina teivure jápiabebi Jūmenijicu. Quénora ũre mearore jívure, ũi urōpe ñaivure, jápiaibi ũ. <sup>32</sup>Jāri eabecure meadayede maja jápiabevubu. Yureca páyu nópe ānepeda pōteyu bācure meadaipōecu cubebi ũ. <sup>33</sup>Yure meadayu bācu Jūmenijicui daroimu mácu āmenu, ji jāri eabe báquede meadabejebu ũ, ayubu yu mujare, arejameđa náre jāri eabecu bācu.

<sup>34</sup>—Mipacoi yapiburā pōtecayuvacari javeta āmeina ñayu

barejaquémanu m̄. ¿Quécvacari ñujare bueyurū m̄? arejaimada jári eabecu bácuere ina fariseova.

Que arī, ére ne cójjiñamine jaetovarejaimada ina fariseova, ñi cójjiibequiyepe aivu náque bediáva cojedeca.

**Jesús ñi coyuino majeracu  
Jūmenijicure coreóvabevu  
jári eabevupe paivure**

<sup>35</sup>Jári eabecu bácuere ne jaetovaiye báquede coreóvarejaquemavu Jesús. Coreóvayu bácu, jári eabecu bácuere vocunurejame. Aru eayu bácu ére, yópe arī, jēniari járejame Jesús:

—¿M̄ Jūmenijicui daroim̄ mácuere ũmure ju ayurū? arejame Jesús.

<sup>36</sup>—M̄, ji jabocu, mi aĩmure coreóvare ñajacu yure. Ére majicu, ju acuyumu yu, arejame Jesúre jári eabecu bácu.

<sup>37</sup>—Jave jáivu m̄ ére. Ému yu, máque boroteyu caride, arejame ére Jesús.

<sup>38</sup>Ūi que aiyeda, ñatutarī Jesúre mearore jídejame jári eabecu bácu:

—M̄, ji jabocu, mure ju aivu yu, arejame Jesúre.

<sup>39</sup>Dinũmure yópe arī, coyurejame Jesús:

—Ijáravui darejacacu yu, beocuyu ju aivure aru ju abevure máre. Pōeva “Majibevubu ñuja Jūmenijicui dápiaye jávene” aivu, jári eabevupe paivubu. Nápe paivure meadacudayubu yu, ne majinajiyepere ayu Jūmenijicui dápiaye jávene jávure. Ūbenita pōeva “Majidivubu ñuja Jūmenijicui dápiaye jávene” aivu, jáivupe barĩduyama, ne dápiaru. Nópe ne dápiaye boje, náre meadabecubu yu. Que baru jári eabevupe teni, Jūmenijicui dápiaye jávene ye majibenama na, arejame Jesús.

<sup>40</sup>Jesús que ayure jápiarejaima fariseovacavu.

—Que baru, ¿“Jári eabevupe paivubu m̄ja”, ayurū m̄ ñujare? arejaima Jesúre.

<sup>41</sup>Jesús ju ayu yópe arejame náre:

—M̄ja jári eabevupe majibevu baru aru m̄ja coreóvavu baru Jūmenijicui cadateiyede jaürõre m̄jare, boropatebejebu m̄ja. Ūbenita “Majidivubu ñuja Jūmenijicui dápiaye jávene” aivu, jáivupe paivutamu m̄ja. Ūbenina dápiadavū m̄ja majini buojaivure Jūmenijicui dápiaye jávene ũ cadatebecuva m̄jare. Que baru boropateivu mauteivubu m̄ja cãreja, arejame náre.

**Jesús ñi coyuino ovejavare  
coreipõecure**

(Lc 15.4-5; He 13.20)

**10** <sup>1</sup>Dinũmure náre yópe arī, coyurejame Jesús:

—Jave coyuyubu m̄jare: Ñai põecu ovejavare biaido jedevacobei ecobecu, quénora baidore murina ecoyu baru, érecabe ñavaipõecu o tatorī ípõecu. <sup>2</sup>Ūbenita ñai ecoyu ovejavare biaido jedevacobe bajita, érecabe ovejavare coreipõecu aru náre upacu máre. <sup>3</sup>Érecabe biaido jedevacobede coreipõecui voacaimu jedevacobede. Aru ovejavare órejari daroibi ne ãmiá coapa náre coreipõecu. Ūi órejaiyede jápiarī, coreóvarī, ñadama ñi yebai. Aru náre ñvaimi ũ, ñocuyu. <sup>4</sup>Ovejavare etavayu bácu baidore jocarī, náre jipocateibi. Aru ñi yóboi cuyuyama na, ne coreóvaiye boje ñi yávainore. <sup>5</sup>Ūbenita ne coreóvabem̄que numema na, ñi órejaiyede. Ére dupivu cúyanrinata bíjadama na ovejava, ne coreóvabe boje ñi yávaicamure, arejame Jesús.

<sup>6</sup>No jári dápiarī ne ñarãjyepere ainore coyuridurejame náre Jesús. Ūbenita ye jápiarī majibedejaima na.

**Jesús ména coreyu põevare yópe  
ovejavare coreipõecu meacu ñi  
coreiyepere ovejavare**

(Mt 11.27; Lc 10.22, 15.4-5; Ef 2.11-22; He 13.20)

<sup>7</sup>Bediáva cojedeca põevare yávorejame Jesús:

—Jave coyuyubu m̄jare: Ovejavi biaido jedevacobepe pávutamu yu,

põeva ne earãiyere ayu Jũmenijicure.  
<sup>8</sup>Ji edaquie jipocare apevu, ovejavare coreipõevape teni, edaquemavu.

Caivu na ñavacurivupe paivu aru tatorĩ ípõevape paivu batequémavu. Ëbenita náre jápiarĩ adabetequemavu põeva. <sup>9</sup>Jedevacobedeca páyutamu yu. Yópe ovejava jedevacobe biaidoi ne ecorĩ buojaiyere náre coreipõescu, ñi meadaquiyere aivu náre, nopedeca põeva yúque earĩ buojavubuvu Jũmenijicure, ñi meadaquiyere aivu náre. Ne ãmeina vaijuroede meadacuyumu yu. Yópe ovejava ecorĩ, etarĩ jedevacobei buoimara ãmevupe, nopedeca põeva yúque curivu jidubevu buoimarape ãmema. Yópe ovejava ne ãiyede eaiyere náre coreipõescuque, nopedeca ina yúque curivu náre apure ñaiyede earĩ, ména curãjarama na ne ùmei, arejame Jesús.

<sup>10</sup>Náre, yópe arĩ, coyure ñurejame Jesús:

—Ñavaipõescu quénora ñavacudaibi aru põevare boarĩ jaruvacudaibi, náre bíjarocuyu. Ëbenita yúcapuravu apure ñacudaivu põevare mamaũmeque, ne curãjiyere ayu urarõ meaũmeque cainumua. <sup>11</sup>Ovejavare coreipõescu meacu me baju jári capuibi ñi ovejavare pu ñi yayieta náre boje. Quédeca tescuyumu yu máre. Põevare meadacuyu, yaicúyumu náre boje. <sup>12</sup>Ëbenita nópe ñabebi ovejava upacure memecaipõescu. Ë ovejavare coreipõescu ãmemi. Ë jina ãmema na. Que baru ãimacu jijecucu, lobo ãmicucu, ñi edaiyede jáñu, cüiná cýarĩ dupibi ovejava upacure memecaipõescu, ovejavare jocarĩ nuñu. Que baru corebemarape ovejavare cujurĩ jaroibi ñai lobo. Cüiná cure jëñiburu, apevu coateni nuñama. <sup>13</sup>Ñai memecaipõescu jecubebi ovejavare. Quénora ñi jabocui bojedaiyeda ubi ñ. Que baru ovejavare jocarĩ, dupini nuimi ñ, arejame Jesús.

<sup>14-15</sup>Náre, yópe arĩ, coyure ñurejame Jesús:

—Yu mearo coreyubu põevare yópe ovejavare coreipõescu meacui coreiyere

ovejavare. Jipacu coreóvaibi yure. Aru coreóvaivu yu úre máre. Quédeca coreóvaivu yu ji cuvamara coapa. Aru yure coreóvama na máre. Yñrecabu meadacuyu põevare. Que baru yaicúyumu náre boje. <sup>16</sup>Yópe apedoa biaidoacavu ovejavai cñere, nopedeca apevu põeva, yócvu ãmema, ñbenita jina márjavu cuma nore máre. Náre cuturĩ, jipocateni davacuyumu yu. Ji cutuiyede jápiarĩ ju arãjarama na. Náre epecuyumu jívucue cüinávupe. Na caivu curãjarama yúque. Aru náre corecuyumu yu. Que teni cüináyubope teni, yu ne coreipõescu cüinácuque curãjarama caivu ina jivu, arejame Jesús.

<sup>17</sup>Náre coyure ñurejame Jesús:

—Ji mavare boarĩ jaruvaicõjeiyuvu yu ji bajure, nacajari yainore jaruvarĩ cscuyu bediõva cojedeca. Que baru ñbi yure jipacu. <sup>18</sup>Põescu cubebi yure boarĩ jaruvacuyu ji ñbedu. Ji mavare boarĩ jaruvaicõjecuyumu. Yu buojavuvu boarĩ jaruvaicõjeñu ji bajure aru nacajari cscuyu bediõva cojedeca máre. Que ñaicõjeimi yure jipacu, arejame Jesús.

<sup>19</sup>Que ayure jápiarĩ, ina judiõva cüinátvru ãmevu cojedeca ne ùme, cüinátvru yávabema Jesúsã.

<sup>20</sup>—Abujucu cubi úque. Que baru ãñmemi. ¿Aipe teni ñi coyuiyede jápvaivuvu mña? arejaima nãcvu obedivu.

<sup>21</sup>Ëbenita apevu nãcvu arejaima:

—Abujucu cuvacu nópe yávayuvu buojabebi. Aru jári eabecure meadaiye buojabebi abujucu. ¿Mácarĩ? arejaima ina judiõva.

**Jesúre judiõva ne ñbeni jaruvaino**

(Jn 1.28)

<sup>22</sup>Dinãmure ñracoro ocorũmu marejãvũ. Aru Jerusalén ãmicurĩmaroi torojuve teinũmu marejãvũ. Jũmenijicui cũramine meadaiye báquede ãrvuvu, torojurejaraã ñña judiõva. <sup>23</sup>Nore Jũmenijicui cũrami Salomón mácu cuino mácarõ ãmicurõi vaivãre ñurejame Jesús. <sup>24</sup>Nópe vaivãre nuñure

tarabudarī úre, jēniari járejaima judíovacavu:

—Mure urarō chíodavu ñuja. ¿Yécurū mu? Cristo, Jūmenijicui daroimu mácu baru mu, cūiná coyujacu ñujare. Coreni uetuyavū ñuja, arejaima Jesúre.

<sup>25</sup>Náre, yópe arī, coyurejame Jesús:

—Jave coyuriduvu mujare. Ūbenita ji coyuiyede ju abetevu muja. Múje jáiyede pōeva ne ñarī majibede jipacui cōjeiye bajure ñavu yu. Ūbenita diede jáivuvacari, yu Cristore ju abevu muja cáreja. Yu, Cristo, jádovaiyu jáve ji ñaiyeque. <sup>26</sup>Ūbenita mujacapuravu ji ovejavape paivucavu ámevu. Ji pōeva ámevutamu muja. Que baru ji coyuiyede ju abevu muja. <sup>27</sup>Yópe ovejava ne jápiarī, ju arī ñaiyepe náre coreipōecu bajui urōpe, nopedeca ji pōeva yure jápiarī, ju arī ñavubu yópe ji urōpe. Jívure me coreóvaivu yu. Yure jápiarī, ju arī cuma yúque. <sup>28</sup>Náre járavu cūiméjāravu baquinóre cuvare ñavvu yu. Toabo cūiméboi numenajarama na cainumua. Ji coreimarare yure tatojuocu cubebi ũ. <sup>29</sup>Yure jipacui jímara bojecurivvu caiye pueno. Jipacure tatojuocu náre cubebi ũ. <sup>30</sup>Yu jipacumaque cūinávupebu ñuja, arejame Jesús ina judíovare.

<sup>31</sup>Ūi que aiyede, Jesúre jorojívu ina judíova, boaiyurivvū úre, ínejaima cūraboare cojedeca, ñvarájívū úre.

<sup>32</sup>Ūbenita Jesúcapuravu arejame:

—Jipacui ure ñaicōjeiyede pōeva ne ñarī majibede jádovavu yu, cañatecuyu pōevare. ¿Caiye die múje jáiye báquede, áde boje cūraboare ñvarájivurū yure? arejame náre Jesús.

<sup>33</sup>Jesúre arejaima na:

—Mi ñaiyede jáivvū bācavu cūraboaque ñureni, mure boabénamu ñuja. Ūbenita “Jūmenijicucue cūinávupebu ñuja”, avura mu. Jūmenijicure ámeina yávaivu mu, que ayu. Quéñora pōecuratamu mu. Que baru Jūmenijicure mi ámeina yávaive boje, mure boarájaramu ñuja, arejaima Jesúre ina judíova.

<sup>34</sup>Náre, yópe arī, coyurejame Jesús:

—Mujeñecuva mácavu ne toivarī epeiyoca cāriáiyocai yópe arī,

toivaicōjenejaquemavu Jūmenijicu ũi yávaive: “Jūmenijinape paivubu muja”, arejaquemavu Jūmenijicu.

<sup>35</sup>Me coreóvaivubu maja Jūmenijicui yávaive ũi toivaicōjeiye báque jáve bajure cainumua. Ūi yávaino mácarōre oatvaino cubevu no. Aru Jūmenijicuvacari, “Jūmenijinape paivubu muja”, arejaquemavu ina javecavu ũi yávaive coyumara mácavure.

<sup>36</sup>Yurecavu Jūmenijicui beoimu mácu, memecacuyū úre. Yure darorī epeibi íjáravui. Que baru, ¿“Jūmenijicui mácubu yu” ji aiyede, aipe teni yure “Jūmenijicure ámeina yávaivu mu”, aivurū muja? <sup>37</sup>Jipacui ñaicōjeiyede ji ñabedu, yure ju abejarā muja. <sup>38</sup>Ūbenita pōeva ne ñarī majibede jipacui ñaicōjeiyede ji ñaru, nópe ñayure múje jári coreóvaive boje, ju ajarā muja. Yure ju abevureca, ji ñaiyede ju aiye javvu mujare, múje cūiná majinajiyepere ayu jáve jipacu cucure yúque aru yu cucure úque náre cūinávure, arejame náre Jesús.

<sup>39</sup>Bedióva cojedeca Jesúre jēni jacoiyuridurejaima na. Ūbenita náre dupidejame ũ.

<sup>40</sup>Náre dupiyu bācu Jordán ámicuriya jia ánidavei, Juan Bautista bācu ũi pōevare Jūmenijicucue ocoi jádovaino mácarō yebai ñurejame Jesús cojedeca. Noi cucunñū, úque ñurejararā ñuja ũi bueimara. <sup>41</sup>Nore ñuje cuede pōeva obedivu Jesúre járadarejaima. Ne bajumia yópe arī, borotedejaima:

—Pōeva ne ñarī majibede ñabeteame Juan Bautista bācu. Ūbenita caino ũi coyūino mácarō Jesúi borore jáve baju batequémavu, arejaima ina Jesúre járadavvu bācavu.

<sup>42</sup>Aru nore cucure, Jesúre ju arejaima obedivu pōeva.

**Lázaro bācu yaino**

(Lc 10.38-39; Jn 12.3)

**11** <sup>1</sup>Dinumure cūinácū ũmu ũi ámiá Lázaro íjeteyu barejámeda. Jíburōmivaque Betania

ãmicurĩmajinoi cõrejame ù. Marta aru María ãmicurejaima na, jíburõmiva.

<sup>2</sup>Ico María Lázaroí mamico barejácõda Jesúre mumijue yuado bacoóó ùi cubobare aru õi yuarĩburu yóboi õi poðaque túredo macoóó máre. <sup>3</sup>Jesúre boro jarorejaima na, Lázaroí maminomiva:

—Ñuje jabocũ, mi yóvaimũ, pare mi jecvamũ, ijeteibi ù, arĩ boro jarorejaima Jesúre dinomiva.

<sup>4</sup>Ne que aino mácarõre jápiayũ bácũ, yópe arejame Jesús:

—Ijeteyvacarĩ yaibécũbe Lázaro. Quénora Jũmenijicui paruéde jáðovaquiyere ayũ põevare ijeteibi ù. Ñi ijeteiye boje põeva járajarama yũ, Jũmenijicui mácũ, ji paruéde, arejame Jesús.

<sup>5</sup>Martare, Maríare, aru néyocũ Lázaroí pare jecurejaquemavũ Jesús.

<sup>6</sup>Ijimure jápiayũ bácũvacarĩ, nomicata pucajáravũna mautedejame cáreja.

<sup>7</sup>Pucajáravũna yóboi, Jesús arejame ñujare ùi bueimarare:

—Járica, Judeaí nurajarevũ maja cojedeca, arejame ñujare.

<sup>8</sup>—Mũ, bueipõecũ, javejēneca cãraboaque ðareni, mure boajũrorivũ batemá nócvũ. ¿Nore nucyurũ mũ cojedeca? arejara Jesús.

<sup>9</sup>“Ji ðájuroede buojajebu yũ” ayũ, yópe arĩ coyurejame Jesús:

—Járvũna coapa doce paíora cũvũ. Ñai cuyũ járvũre, avia ùi boiyede, tobobi ù, avia ùi boino cue boje járvũre.

<sup>10</sup>Ûbenita ñai cuyũ ñamine, torĩ yavaibi ù, avia ùi miadáre ðaino cube boje, arejame Jesús.

Que ayũre Jesús, yópe aiyũgõ marejaquemavũ: Járvũna curejaquemavũ ùre cáreja, ùi buojaquiyere ayũ ùre ðaiye jaũgõre.

<sup>11</sup>Que coyurĩburu yójĩboi, yópe arĩ coyurejame Jesús cojedeca:

—Maje yóvaimũ Lázaro cãñũme. Ñre coedavacũññũtu yũ, arejame ñujare.

<sup>12</sup>—Mũ, ñuje jabocũ, jáve cãru, ðinũtu meaquiyebu. Meatecũyũme, arejara ñuja.

<sup>13</sup>Jesús ùi nópe aiyede majibedejara ñuja. Ûbenita “Cãñũmebu”, arĩ ðápiarejara ñuja. <sup>14</sup>Ñuje que ðápiayede, yópe arejame Jesús yavebecũva:

—Jave yaicũbe Lázaro bácũ. <sup>15</sup>Ji cube báque boje ùque, torojvũ yũ. Caride yũre me baju coreóvarĩ jũ arãjaramu mũja, ji ðaquiye ðáivũ. Járica, Lázaro bácũ yebai nurajarevũ maja, arejame Jesús.

<sup>16</sup>Ñujacacũ Tomás, pējacũ ñuje aimũ, arejame ñujare:

—Járica, Jesúque yainánurajarevũ maja máre, arejame.

**Jesús ùi põevare apure ðaino cojedeca, ùi nacovarĩburu náre yainore jarũvarĩ**

(Ro 6.4-5; Col 2.12, 3.1)

<sup>17</sup>Járanurejara ñuja, Jesújã.

Earãñivũ bajure Lázaro bácũ yaino mácarõre coyurãdarejaima nócvũ. Javeta Jesús ùi eaquie jipocamia, yóvaicũvajárvũna jipocamiata, ù mácure jarũvarejaima cãracobei, põ jarũvaicobei. <sup>18</sup>Lázaro bácũ curĩmaro, Betania ãmicurĩmajino, joabejĩno yóbecurĩkilometros baji curejavũ Jerusalén ãmicurĩmaro. <sup>19</sup>Que baru Martare aru Maríare máre, yaivy bácũ maminovare, járanurejaima Jerusalécavũ judíova obedivũ. Na chĩovũque orãñurejaima. <sup>20</sup>Jesús edayũre majini, ùre copũ darejaco Marta. Ûbenita Maríacapuravũ dabedejaco. Quédata cãramimia curejaquemavũ. <sup>21</sup>Jesúre coyũyo, yópe arejaco Marta:

—Mũ, ji jabocũ, yui mi cãru, jíyocũ bácũ yaibéjebu. <sup>22</sup>Ûbenita coreóvaivũ yũ Jũmenijicũ ðayũre caiyede yópe mi jēniayere ùre, arejaco Jesús.

<sup>23</sup>—Míyocũ bácũ nacajacũyũme yainore jarũvarĩ, arejame Martare.

<sup>24</sup>—Jãvemũ no. Nore majivũ yũ. Járvũ cũiyeta, nacajacũyũme jíyocũ bácũ yainore jarũvarĩ, arejaco õ cojedeca.

<sup>25</sup>Dinũmure Jesús arejame:



—Yábu yaivú bácvure nacovañu yainore jaruvarí. Jáve yaivú bácvure cainumua cure dayubu yu. Pöescu yaivú bácvacari, yure ju ayu bácu baru, bediöva cojedeca aruscuyume. <sup>26</sup>Yure ju ayu, ji nacovaquimú, aruscuyume cainumua. Ye nuncescuyume toabo cüiméboi. ¿Iye ji coyuyede ju adorú mu? arejame Martare Jesús.

<sup>27</sup>Aru arejaco:

—Mu, ji jabocu, ju aivu yu. Mu Cristobu, Jümenijicui mácu baju. Jümenijicui üi epeimú mácu yore üi daroimú mácvu mu, arejaco Jesúre Marta.

**Lázaro bácvure Jesús üi oino**

<sup>28</sup>Ére que ado báco copainuri, imacore, Maríare, cutuconurejaco Marta. Yavenijiena cuturejacoða Maríare, apevu ne jápiabenajiyepé ado:

—Bueipöescu dare daibi. “Dajacorí”, aibi mure, arejacoða Maríare Marta.

<sup>29</sup>Ju arí, cüiná nacajari, Jesús yebai copu nurejacoða María. <sup>30</sup>Imaro bajure eabedecará ñuja cäreja. Martare ñuje copuino mácarömiata curejacadá cäreja. <sup>31</sup>Jüjujiena nuñore jáivú, Maríare yóvarádejaima ina judíova. Óque orádaivú barídurejaimada. “Yaiyú bácvure ne jaruvaino mácaröi oconuñome ö”, arí dápiarídurejaimada na.

<sup>32</sup>María ñuje yebai edarina, Jesús yebamiata ñuatutari, arejaco ére:

—Mu, ji jabocu, yui mi curu, jýocu bácu yaibéjebu ü, arejaco Jesúre María.

<sup>33</sup>María odore jáñu, aru óque edaivú oivure jáñu, öre comaje äroje jári, urarö chiorejame Jesús.

<sup>34</sup>—¿Ári yaivú bácvure jaruvaräru muja? arejame Jesús.

—Mu, ñuje jabocu, jácvudajacu, arejaima Jesúre.

<sup>35</sup>Dinumú orejame Jesús máre.

<sup>36</sup>—Urarö yaivú bácvure úteame Jesús, arejaima ne bajumia ére jáivú bácvu.

<sup>37</sup>Apevu nácvu arejaima:

—Jári eabecure meadame Jesús. ¿Aipe teni Lázaro bácvure meadabetedi ü, üi yaibéquiyepe ayu? arejaima na, ne bajumia yávaivú.

**Lázaro bácu üi nacajaino yainore jaruvarí**

<sup>38</sup>Yaiyú bácvure jaruvaino mácaröre eare nuíye bajure bediöva cojedeca orejame Jesús, pare chíönu. Que teni ü mácvure ne jaruvaino mácaröre earejacadá ñuja, Jesúque daivu. Cüracobe, cainituravaque ne bieicobe barejávü Lázaro bácvure ne jajuidorí adaicobe bácarö.

<sup>39</sup>—Cainituravare veojará muja, arejame náre Jesús.

—Mu, ji jabocu, yövaicuvajjaravua vaivu yaivú bácvure ñuje jaruvaríburu yöbo. Javeta ürojucube ü mácu, arejaco Jesúre Marta, yaivú bácvu mamico.

<sup>40</sup>—Javede coyuvu mure. Mu yure ju ado baru, yure Jümenijicui paruéde cuvavure jácodomu mu, avu yu mure, arejame Martare Jesús.

<sup>41</sup>Dinumú dicobede bieituravare veorí ñejaima apevu. Ne que ñaríburu yöboi, nore núcu, cavaröi jáñu, arejame Jesús:

—Mu, jipacu, yure jápiaivú mu cainumua. Que baru mure torojuede jívú yu. <sup>42</sup>Yu me coreóvaivú jápiaivure yure cainumua. Ubenita yore yúque curivú ne majinajiyepé ayu, mure que aivu yu. Ne “Jümenijicui daroimú mácvu Jesús”, ne arájiyepe ayu, nópe mure yávaivú yu, arejame Jesús.

<sup>43</sup>Jípacuque yávayu bácu coðoborí, órearejame Jesús:

—Lázaro, etarí dajacu mu, arejame.

<sup>44</sup>Jesús üi que aiyedata, etarí darejame ü yaivú bácu. Cuitótecajeaque üi cuboba, üi purú, aru üi jipobu máre, caicu ne cümaimú mácu, Lázaro etarí darejame.

—Cuitótecajea ére cümaicajeare jodeni jaruvajarä muja, cürami üi copaiquiyepe aivu, arejame náre Jesús.

**Jesús üi coyüino ne jënajinore ére yöbomia**

(Mt 26.1-5; Mr 14.1-2; Lc 22.1-2)

<sup>45</sup>Obedivú ina Maríaque yaivú bácvure orádaivú bácvuvavu, Jesúre nópe ñayure jáivú bácvu, ére ju arejaimada. <sup>46</sup>Ubenita fariseovavure

coyurãearejaimada apevu. Caiye Jesús ùi ðaiye báquede náre coyurejaimada.

<sup>47-48</sup>Que teni sacerdotevare jaboteipõevaque cójijidejaimada ñuja judíova ñuje jabova, ina fariseova. Aru arejaimada, ne bajumia boroteivũ:

—Põeva ne ðarĩ majibede ure ðaibi Jesús. Que ðayu, parucu nuñume ù. Jesúre nópe ñuje ðare nuicõjenu, caivu põeva úque ñjebu. Úque põeva ne ñuru, meamejebu majare. Úre ju arĩ, jabojaicoiyuma. Aru ne jabojaoru úre, majare boarãdaicõjejebu churaravare ina Romacavu, maje jabova baju. Jesúre jabojaocõjorivure jáivu baru, Romacavui jacobure vaini tuivure majare jájebu nócavu. Dinumũita maje Jümenijicui cüramine vaivéni jaruvarĩ, maje joborõre máre tatorĩ ijebu ina Romacavu. Que baru, ¿aibe ðarãjídica maja? arejaimada ñuje jabova.

<sup>49</sup>Ûbenita cüinácu nácacu ùi ãmiá Caifás, sacerdotevai jacobu baju diujure, arejameða:

—Muja, jívu, jápijarã. Majibevu muja nópe yávaivu. <sup>50</sup>¿Coreóvabenaru muja? Cüinácuva yaidú, majare meavu. Que teni caivu yaini bíjabejebu maja, arejameða jabovare Caifás.

<sup>51</sup>Û cüinácu nópe abedejaquemavu Caifás. Sacerdotevai jacobu baju boje, úre nópe are ðarejaquemavu Jümenijicu, Jesús ùi yaiquýede judíovare boje coyuyu.

<sup>52</sup>Ûbenita náre quévu bojeda yaicýu ãmenejame Jesús. Quévora cainoa joborõacavure boje máre, yaicýu barejáme Jesús, obedivu Jümenijicui mára márãjivure cüináyajuboje ðacuyu.

<sup>53</sup>Sacerdotevare jaboteipõeva aru fariseova máre, “Dinumu Jesúre boarĩ jaruvarãjarevu maja”, arĩ búreajaimada na dijãravũ, Caifás ùi nópe coyujãravumia.

<sup>54</sup>Nore majicu Jesús, urãimaroai cubedejame. Judeacavure dupini nuñu, ne joborõre jocarĩ, põecubenoĩ ñurejame Jesús. Ñujare ùi bueimare máre nuvari, Efraín ãmicurĩmajinoi curãñurejacařã ñuja.

<sup>55</sup>Ñuja judíova ñuje torojave teijãravũ, Pascua ãmicurijãravũ baquinó eare nuino marejãvũ. Que baru Jerusalén ãmicurĩmaroi obedivu põeva, cainoa ãmaroacavu, muri ñurejaima na, ðarãjivu ne torojave tenajiye jipocai yópe Jümenijicui ðaicõjeipe ùi coyuiye báquede Moisés bácu, meara márãjivu Jümenijicui jáinore. <sup>56</sup>Que teivu, Jesúre vore cuivu barejaimada ina põeva. Cójijivu Jümenijicui cürami, ne bajumia boroteivu jeniari járeajaimada: —¿Muje dápiaru, Jesús máre edaquídica ù? arejaimada.

<sup>57</sup>Jipocamia ina sacerdotevare jaboteipõeva aru ina fariseova máre caivure, yópe arĩ, coyucõjenejaimada: —Jesúĩ curõre majidivu baru, cüiná ñujare coyurãðajarã muja, ñuje jëni jacorãjiyepe aivu úre, arejaimada ñuje jabova.

#### María õi mumijue yuaino

(Mt 26.6-13; Mr 14.3-9; Lc 7.37-38)

**12** <sup>1</sup>Seis pajãravua Pascua ãmicurijãravũ jipocai, Betania ãmicurĩmajinoi ñurejacařã ñuja Jesúque cojedeca. Lázaro, yaiyú bácu Jesús nacovaimu mácu curĩmaroi ñurejacařã. <sup>2</sup>Ñuja edaivure urarõ ãiye tuorejaima apevu nócavu, pueðarãjivu Jesúre. Áiyede tuodo barejãco Marta. Aru Lázaro máre curejame tuoiva yebai apevu dobarivũque. <sup>3</sup>Ãñure, María davarejaco trescientos paigramos baju mumijuricorore Jesús yebai. Iye mumijue nardo ãmicue pare mearo corajue barejãvũ. Aru pare bojesue barejãvũya máre. Die mumijuricorore yuarejaco Jesúsĩ cubobarã. Yuado báco, õi poðaque türenejaco Jesúsĩ cubobare. Aru cañami cüramine mumijurejavũ die. <sup>4</sup>Dinumure jararejame Judas Iscariote, ñuja Jesúsĩ bueimarecasu, úre jëne ðacuyu. Óre jararĩ, yópe arejame ù:

<sup>5</sup>—¿Iye õi jaruvaicorore, aipe teni apevure bojedabetedĩ ò? Tãtura urarõ, trescientos pajãravuare memeiye boje jíye jauridurebu óre. Diede boje ñni, cuve cuvabevure caðatejebu maja, arejame Judas.

<sup>6</sup> Ëbenina que ayu barejáme Judas. Cũve cũvabevũre cõmajẽ äroje jáñũ ãmenejame, que ayu. Quénora ñavacũcu barejáme. Ë marejáme ñũjare täutũra ñavacaiõõecũ. Iyede ñũje täutũra corecayũ, ãi nrõmia ñni, ñũje täutũrare ñavavarejaquemavũ ãi.

<sup>7</sup> Ëbenita Jesús arejame:

— ãmeno yávabecũ óre. Õ que ðaibico, meadacodo ji bajure ne jarũvarãjyede cũracobeita. <sup>8</sup> Cainũmũa ina cũve cũvabevũ curãjarama mũjaque. Ëbenita yũ cubecubu mũjaque cainũmũa, arejame Jesús.

**Sacerdotevare jaboteipõeva ne Lázarore boarí jarũvaiyũrõ**

<sup>9</sup> Dinũmũre Jesús Betania ãmicũriĩmajinoi ãi cuede boro jápiarejaimada obedivũ judíovacavũ. Que baru Jesũre járadarejaima, aru Lázarore mãre, Jesũi nacovaimũ mãcũre yainore jarũvarĩ. <sup>10</sup> Lázarore mãre boarí jarũvaiyũrejaimada ina sacerdotevare jaboteipõeva.

<sup>11</sup> Nãre jocarĩ nurejaima obedivũ judíovacavũ, Jesũre jũ arãjivũ ãi nacovaiye báque boje Lázarore yainore jarũvarĩ. Que baru Lázarore mãre boarí jarũvaiyũrejaimada na.

**Jesús Jerusaléi ãi ecoino**  
(Mt 21.1-11; Mr 11.1-11; Lc 19.28-40)

<sup>12</sup> Apejãravũ, Lázaroque Jesús ãi ãijãravũ bácarõ yõbocajãravũ, Jesús Jerusaléi ãi edaquiyede jápiarejaquemavũ na, Pascua torojũve teijãravũre járadaivũ. <sup>13</sup> Diede jápiarĩ, yapoporũare burarĩ ñni, ñũja Jesújãre copũ darejaima obedivũ põeva. “Jũmenijicũre torojũve bajaðéni. Jũmenijicũi mearo ðacaimũme ãi ðaroimũ mãcũ, maja judíova maje jabocũ bacũyũ”, arĩ coðoboborejaima ina judíova Jesúque ñũivũ.

<sup>14</sup> Põevare ũmaiãimacũ, burro ãmicũcũre earĩ, ãre tubarĩ nurejame Jesús. Nõpe teyũ, yõpe Jũmenijicũi yãvaiyede ãi toivaicõjeiye báquepe, teyũ barejáme Jesús:

<sup>15</sup> Mũja Jerusalén ãmicũriĩmarocavũ, jidũbejarã mũja. Jájara mũje jabocũ bacũyũ dacũyũre, burrojicũrã tubarĩ dacũyũre, arĩ toivaicõjenejaquemavũ Jũmenijicũ.

<sup>16</sup> Que teinore majibedejacaãã ñũja Jesũi bueimara. Ëbenita ãi yainĩ, nacajari, aru mũri nrũriburu yõboi cavarõ mearo Jũmenijicũi curõi, ãrũrejacaãã ñũja. Dinũmũ maquinõ “Jũmenijicũi toivaicõjeino mãcarõpedeca Jesũre tequemavũ maja, maje mearore jýyede ãre burrojicũrã tubarĩ dayũre”, arãjivũ barejacaãã ñũja. <sup>17</sup> Ina põeva, Jesúque curivũ bácavũ ãi õrejaiye báquede Lázarore ãi etaquiyepẽ ayũ cũracobede jocarĩ arũcu cojedeca, coyũre cuivũ barejãimada iye ne jáiye báquede. <sup>18</sup> Ne nõpe coyũiye boje no Jesũi jáðovaino mãcarõre põeva ne ðarĩ majibede, Jesũre copũradarejaima caivũ ina obedivũ põeva. <sup>19</sup> Que baru ina fariseova ne bajumia arejaimada:

— Coyũrĩ oabevũ maja. Majare jápiabema ina põeva. Quédãta Jesúque yõvarãñũnama caivũ, arejaimada na, ne bajumia yãvaiyũ.

**Apevũ Greciacavũ Jesũre ne voino**  
(Mt 10.38-39, 16.24-25; Mr 8.34-35; Lc 9.23-24, 17.33)

<sup>20</sup> Apevũ judíova ãnevũ, Jũmenijicũre mearore jávaiyũ, ina obedivũ põeva jẽneboi Jũmenijicũre mearore jĩnanurejaimada Jerusalén ãmicũriĩmaroita Pascua torojũve teinũmũre. <sup>21</sup> Na Felipe borotenanurejaimada. Galilea ãmicũriĩjoborõcarõ ñmaro Betsaida ãmicũriĩmarocacũ barejáme Felipe.

— Jesúque boroteiyũrĩduivũbu ñũja, arejaimada Felipe.

<sup>22</sup> Andrés yebai nrũri, coyũrejameã Felipe ne borore. No yõboi, ina pũcarã nrũri, coyũrãearejaimada Jesũre ina judíova ãnevũ ne borore.

<sup>23</sup> Yõpe arĩ, coyũrejame ñũjare Jesús: — Dãjãravũ ji ãvaijãravũ caivũ. Caride jipacũ Jũmenijicũ jáðovacũyũme yũre,

ñi daroimu máscure ñmure, meacu bajure. <sup>24</sup>Jáve soyuyubu mujare: Jaunu yure ji yaiquinore. Jēvari soyurī soyuquijivū. Yópe cūináyabe oteiyabede maje otebedu, quénora cūinárora mauteinomu no. Ubenita iyabe oteiyabede maje otedu, joborō jívui cuede cāreja, yainope teni, píarī cūpururi nuiyavu. Nopedeca ji yaidú, obedivū pōeva mamañme curivū bujarājarama, ji yaiye boje. <sup>25</sup>Ñai pōecu ñi baju jescu baru, bíjacuyume ñ. Ubenita ñai pōecu jecubecu baru ñi baju ijāravure, jāravu cūimējāravu baquinóre cuvacyume ñ. <sup>26</sup>Ácu pōecu yure memecaiyucu baru, yure ñi ju aiye jaunu úre. Que baru yáque ji curōi cucuyume ñ. Aru ácu pōecu yure memecaru, úre pueđacyume jipacu, arejame Jesús.

#### Jesús ñi soyúino ñi yaiquinore

<sup>27</sup>Náre soyure nurejame Jesús:

—Caride urarō chíoiyu yu ji ũmei. ¿Aipe ajeba yu jipacure? ¿Yure ñájino vaijárōri no, ajeba yu jipacure? Abevū yu nópe. Ñájinore vaicáyu darejacacu yu ijāravui, arejame Jesús ñujare, ñi bueimarare.

<sup>28</sup>Ñujare nópe soyurī bujarī, arejame jipacure Jesús:

—Mu, jipacu, pōevare jáđovajacu mi baju meacu bajure, arejame jipacure.

Dinñmama cavarō mearo Jūmenijicui curōre jocarī yávarī darorejavū: “Meavu mi que aino. Que đacacu javeta. Aru que đacuyumu yu cojedeca”, arejavū no yávarī daroino.

<sup>29</sup>Ina obedivū pōeva ñujaque curivū no bujinore jápiarejaima.

—Ōpo tuinomebu, arejaima nácavu.

—Que ãmevu. Cūinácu ángele yávarī daroyubebu úre, arejaima arevu.

<sup>30</sup>Ubenita Jesús arejame:

—No yávarī daroino yure boje ãmevu. Quénora mujare bojetamu no yávarī daroino. <sup>31</sup>Caride ijāravucavure ne ãmene jáđovari, coreóvare đacuyume Jūmenijicu caivū yure ju abevū ñájinajivure cūinájāravū. Caride

ijāravucavu ne jabocure, ñai abujuvai jabocure, jaruvacyume Jūmenijicu.

<sup>32</sup>Ubenita yu ne jocusurā pēvari jēori jámuórajimū, yurecabu obedivū pōevare ju are đacuyū yure, arejame Jesús.

<sup>33</sup>Nópe arī soyuyū, aipe árojae teni ñi yaiquinore soyuyū barejáme Jesús. <sup>34</sup>U que aiye de, yópe arejaima úre jápiaivū:

—Jūmenijicu ñi yávaiyede toivaicōjeneaquemavu, ñuje majinajiyere ayū ñi daroquimure yaibécu bacuyúre cainmua. ¿Aipe teni “Jūmenijicui daroimu mácu ñmure ne jocusurā pēvari jēori jámuóimū macuyúmu yu”, ayurū mu? ¿Yécu páyurū mu? ¿Namema Jūmenijicui daroimu mácu ñmure? arejaima Jesús.

<sup>35</sup>Náre yávarejame cojedeca Jesús:

—Ñai cucunuiyucure jāravure, aviá ñi boiyede, cuiye jaunu úre. Que baru ñemié tuiyede, majibebi ári ñi nūnore. Quédeca quíjino baju cucuyumu yu mujaque pēoi pōecupe, jáđovañū Jūmenijicui jávene. Mujare majide đaivū Jūmenijicui dápiaiye jávene ji bueiyeque. Que baru muja diede majibevu baru caride, ji cuede muje jēneboi cāreja, ji nuriburu yóbore apa ñeminoi cuivupe paivū barājaramu muja. <sup>36</sup>Que baru ji cuere cāreja muje jēneboi, ji bueiyede ju ajarā muja. Yúcvu tenajaramu muja, ji bueiyede ju aivū baru, arejame náre Jesús.

Nópe ayū bācu, náre dupini nurejame.

<sup>37</sup>Pōeva ne jáiyede ure ne đarī majibede đayureca Jesús, úre ju abedejaima na.

#### Jesúre obedivū judío va ne ju abeno (Mr 4.12; Lc 8.10)

<sup>38</sup>Caiye iye vaidéjavū yópe ñai Jūmenijicui yávaiyede soyucaipōecu Isaías bācu “Yópe tequiyebu” arī, ñi toivaino mácarōpedeca.

Mu, ji jabocu, obebejina baju ju adama ñuje yávaiyede. Jūmenijicu ñi paruéde jáđovaimi obebejina bajure, arī toivaicōjeneaquemavu Jūmenijicu Isaías bācure.

<sup>39</sup>Que baru nácapuravu ju aivū bujabedejaima. Bedío va

cojedeca Jūmenijicu, yópe arí,  
toivaicōjenejaquemavu Isafas bácuere:

<sup>40</sup> Jári eabevure ðaibi náre Jūmenijicu,  
ne jámenajiyere ayu. Aru dápiarí  
majibede ðaibi náre, ne jápiarí  
eabenajiyere ayu. Aru Jūmenijicu  
yópe arí, coyuiibi: “Nópe ðaivu  
yu, ne chíori oatvabenajiyere  
ayu ne ðaiyede. Que baru  
náre meadabecuyumu”, arí  
toivaicōjenejaquemavu Isafas  
bácuere Jūmenijicu.

<sup>41</sup> Nópe arejaquemavu Isafas bácu ñi  
jáiyee báque boje Jesucristoi mearore  
Jūmenijicui jáðovaiye báquede nore aru  
ñi coyuiye báque boje ñra.

<sup>42</sup> Ñbenita obedivu pōeva ne  
jabovacavu Jesúre majini, ju arejaima  
ñre. Ñbenita fariseovare jidurí, “Jesúque  
nuivubu ñña”, abedejaima ne jápiayede.  
Jipocamia “ ‘Jesúbe Jūmenijicui  
daroimu mácu Cristo’, aivure maje  
cójjiñamine jaetovarājaramu ñña, ne  
cójjibenajiyere aivu ññaque bediova  
cojedeca”, arejaima ña ina fariseova. Que  
baru fariseovare jidurivu, bi arejaima  
na Jesúre ju aivu. <sup>43</sup> Jūmenijicui  
mearo jáiyede náre ñbeni, pñeno baju  
vorejaima pōeva ne mearo jáiyede náre.

#### Pōeva ne ñájinajino Jesús ñi yávaive boje

<sup>44</sup> Yópe arí, bujino yávarí darorejame  
Jesús:

—Ácu pōecu yure ju ayu baru, yure  
daroYu bácuere máre ju aibi ñ. <sup>45</sup> Aru  
quédecabu. Ácu pōecu yure jáñu  
maru, yure daroYu bácuere máre jáimi  
ñ. <sup>46</sup> Ijáravui darejacacu yu. Pōeva ne  
majinajiyere ayu Jūmenijicure, yu  
pñonpe teyu buesudarejacacu náre.  
Yure que teyure ju aivu, ñeminoi ne  
mautebenajiyere ayu yópe Jūmenijicure  
majibevure, darejacacu yu. <sup>47</sup> Ñbenita  
ácu pōecu ji coyuiyede járiayvacari  
ju abedu, yu ñre ñáline ðabecubu ñi  
ámeina teiye boje caride. Pōevare  
ne ámeina teiye boje ñáline ðacuyu  
ðabedejacacu. Quéhora pōeva  
bíjajurorivure meadacudayu darejacacu

yu. <sup>48</sup> Ácu pōecu yure ñbecu baru  
aru ji coyuiyede máre ju abecu baru,  
ñrecabe jáve ñájiycuyu. Ñi ju abe boje ji  
coyuiyede, ñájiycuyume buojaquijáravu  
baquinói. <sup>49</sup> Ji baju ji majiéque coyubevu  
yu. Quéhora jipacu, yure daroYu bácu,  
yure coyucōjeimi ji coyuiye caiyede.  
Que baru pōeva ñájinajarama, ne ju  
abe boje ji coyuiyede. <sup>50</sup> Coreóvaivu yu  
iyede: Pōeva yure ju aivu baru yópe  
jipacu ðaicōjeiyere náre, cuvarejarama  
járavu cūiméjáravu baquinóre. Que baru  
yópe jipacu coyucōjeiyepeda coyuyubu  
mujare, arejame Jesús.

#### Jesús ñi bueimarare ne cubobare ñi joaino

(Mt 10.24, 40, 20.28; Mr 9.37, 10.45;  
Lc 6.40, 9.48, 10.16, 22.27; Jn 15.20)

**13** <sup>1</sup> Pascua torojuve teijáravu  
jipocacajáravu barejávñ.  
Coreóvarejaquemavu Jesús dijáravu  
eainore ñi nuquinore ijáravure jocarí,  
copaicuyu jipacu yebai. Ina ijáravucavure  
ñ jinare caipñña jecubi ñ. Que teni  
ñujare jecurejaquemavu ñi yayieta.

<sup>2</sup> Nainú baji ñña ñi bueimaraque  
aññ marejáme Jesús. Javeta ñujacacu  
Judas, Simón Iscariotei mácuere yópe  
arí, “Jesúre ñi mauvare jēni jíquijivu yu”,  
dápiare ðarejaquemavu ñai abujuvai  
jabocu, ñi jēni jíquiyere ayu Jesúre ñi  
mauvare. <sup>3</sup> Jesús coreóvarejaquemavu  
majepacu Jūmenijicure caiyede aru  
caivure purucvaicōjeññ mácuere ñre  
pauéque. Aru coreóvarejaquemavu  
ñi baju Jūmenijicui daroimu mácu  
aru copaicuyu ñi yebai. <sup>4</sup> Que baru  
coreóvayu, ññe ñiyedeca nacajari, ñi  
pñenocacajede durí, epeni, tñreicajede  
ñni, járióri jēori buorejame. <sup>5</sup> Que teyu  
bácu oco doaibure yuarí buivárejame,  
ññe cubobare joacuyu. Ññe cubobare  
joarí búrejame. Ññacacu cūinácure  
joaríburu yóboi, tñreicaje ñi buoicajeque  
tñrenejame. <sup>6</sup> Joarí tñreni ñujare coapa,  
Simón Pedrore eacunñrejame Jesús. Aru  
Pedro arejame ñre:

—Mu, ji jabocu, ¿yure ji cubobare  
joacuyurñ mu? arejame.

<sup>7</sup>Jesús arejame:

—Ji cari ðaiyede coreóvabevu mu. Ûbenita no yóboi coreóvacuyumu, arejame.

<sup>8</sup>Pedro arejame Jesúre:

—Yure ji cubobare ye joaicójemevu mure, arejame.

Aru Jesús arejame úre:

—Dinumu yure joaicójemecu baru, yúcasu ámesuyumu mu, arejame.

<sup>9</sup>Pedro arejame:

—Mu, ji jabocu, ji cuboba matuinora joarí dajocabejacu mu. Ji jipobure aru ji puruáre máre joajacu mu, arejame.

<sup>10</sup>Aru Jesús arejame ñujare:

—Caibaju joaimu mácure bedióva cojedeca caibaju joaiye jaubevu. Quéhora cubobare joaiye jaunu, docucuru. Javeta caibaju joaimara mácavure paivutamu mija, Jümenijicui árumeteiye báque boje muje ámeina teiyede muje chïori dápiarí, diede jaruvarí, ju aye báquede yure. Ûbenita mujacacu cüinácu caibaju joaimu mácure ámemi ú, úi chíomeni jaruvaiyube boje úi ámeina teiyede, arejame ñujare Jesús.

<sup>11</sup>Ûre jëne ðacuyure

coreóvarejaquemavu Jesús. Que baru “Mujacacu caibaju joaimu mácu ámemi ú”, arejame ú.

<sup>12</sup>Que teni ñuje cubobare joarí buojarí, úi puenocacajede bedióva cojedeca ñi, dorejame Jesús. Dorí buojarí, áivará dobacudarí, yópe ñujare arí coyurejame:

—¿Ji cari ðaiye báquede, coreóvadararu mija? <sup>13</sup>Yure “bueipöescu” aru “ñuje jabocu” máre aivubu mija. Múje nópe aye meavu yure. Quédecabu yu. Mújare bueipöescubu. Aru múje jabocubu yu. <sup>14</sup>Yu múje jabocuvacari aru múje bueipöescuvacari yebacacupe múje cubobare joaivu yu. Que baru quédeca ðajará mija. Apevu yure ju aipöeva ne cubobare joaiye jaunu mujare coara. <sup>15</sup>Que ðaivu yu mujare jáðovacuyu aipe ðaiye jaurore mujare. Que barureca ji ðaiyepedeca ðajará mija mujevure. <sup>16</sup>Jáve coyuyubu mujare: Yebacacu cubebi úi jabocure vainí

tuyu. Aru daroimu cubebi úre daroyure vainí tuyu máre. <sup>17</sup>Iye cari coyuiyede coreóvaivubu mija caride. Que baru popedeca ðaivu baru, torojurájaramu mija.

<sup>18</sup>Ûbenita ji beoimara mácavure coreóvaivu yu. Que baru “Torojurájaramu”, ji aiyede mija caivure abevu yu. Yópe Jümenijicui yávaiyede úi toivaicójeiye báquepedeca vaiquiye jaunu yure: “Ñai áñu mácu yúque, yure boaiyubi”, arí toivaicójenejaquemavu Jümenijicui. <sup>19</sup>Iye vaiquiye jipocamia nópe coyuivu mujare, múje ju arájiyepere ayu jávene “Jümenijicui mácubu yu” ji aino mácaröre. Ji coyüino mácaröre vainíburu yóboi, coreóvarájaramu mija. <sup>20</sup>Jáve coyuyubu mujare: Ácu pöescu ji jaroimarare me jacoruyu baru, yure máre me jacoruiubi ú. Ácu pöescu yure me jacoruyu baru, yure daroyu bácuere máre me jacoruiubi ú.

Que arí, coyurejame Jesús ñuja úi bueimarare.

**Jesús úi coyüino Judas úi jëni jíquinore úi mauvare**

(Mt 26.20-25; Mr 14.17-21; Lc 22.21-23)

<sup>21</sup>Nópe arí coyuyu bácu uraró chíorejame Jesús úi úmei. Chíori, ñujare yópe yávarí darorejame cojedeca ye yavebecuva:

—Jáve coyuyubu mujare: Cüinácu mujacacu yure ji mauvare jëni jícuyme ú, arejame Jesús.

<sup>22</sup>Ûi que aiyede ñuje bajumia járejacará ñuja, cuecumaivu. Ácu ñujacacu úi aimure majibedecará ñuja. <sup>23</sup>Cüinácu ñujacacu pare Jesús úi jescumu Jesús yebai úi tucavai dobarejacacu yu. <sup>24</sup>Yure úi puru jabióvarí, jëniari jáicójenejame Simón Pedro:

—“¿Ácuba mure jëni jícuyme?” arí, Jesúre jëniari jájacu mu, arejame yure Pedro. Ûi puruque nópe arejame.

<sup>25</sup>Nópe ðayure jáñu, Jesúre püeno cadajie nuri, jëniari járejacacu yu yavenijiena:

—Mu, ji jabocu, ¿ácuba ú, mure jëni jícuyme? arejacacu yu.

<sup>26</sup>Ji nópe arura, ju arejame Jesús:  
—Ji páujevede jórī, ji jímu, ũ  
macuyáme yure jēni jíyu ji mauvare,  
arejame Jesús.

Que arī, páure cōpavari ĩni, jórī,  
Judare, Simón Iscariotei mácure,  
jídegame. <sup>27</sup>Dinümümiareca Judas  
diede ĩñuva, cūiná Satanás đaicōjeni  
bárejaquemavu ĩre. Aru ĩre arejame  
Jesús:

—Maumena mi đaiyuede đacunujacu  
mu, arejame Judare Jesús.

<sup>28</sup>Ūbenita ñuja náque dobarivu  
tuoiva yebai aipe teni Jesús ũi que  
ainore Judare coreóvabedejacarā  
cāreja. <sup>29</sup>Judas ũi cūvae boje ñuje  
tāuturare, ñujacavu, “Ñuje ārajiyede  
torojuve teinumu bojedaicōjeñume  
Jesús Judare”, arī đápiarejaquemavu.  
Aru apēvu ñujacavu, “Cūve cūvabevure  
tāuturare jícuñicōjeñume Jesús ĩre”,  
arī đápiarejaquemavu. <sup>30</sup>Iye páure ĩñu  
mácu, cūiná etarī ñuregame Judas. ĩami  
marejávū ũi etarī ñuiyede.

#### Jesús ũi đaicōjeino yóboocarō

(Jn 7.34, 15.12-17; 1 Jn 2.7, 3.23; 2 Jn 5)

<sup>31</sup>Judas ũi etarīburu yóboi, ñujare  
yópe arī, yávoregame Jesús:

—Caride pōeva járajivubu  
Jūmenijicui daroimu mácu ũmure  
meacu bajure. Caride yu, Jūmenijicui  
daroimu mácu ũmure, pōevare járe  
đaquijivu Jūmenijicu meacu bajure.

<sup>32</sup>Jūmenijicui daroimu mácu ũmure  
ji jádovaru Jūmenijicu meacu bajure,  
Jūmenijicuvacari pōevare jádovacuyume  
ũi daroimu mácu meacu bajure.

Aru maumejeneca que đacuyume  
Jūmenijicu. <sup>33</sup>Muja, jímajinare raivu,  
majióvarō bajura scuyumu mujaque.  
Yure vorājaramu muja. Ūbenita yópe  
ji coyūino mácarōpe maje jabovare,  
mujare máre coyuyubu yu: Ji ñuquinore  
ñiye majibevu muja. <sup>34</sup>Caride  
đaicōjeino yóboocarōre đaicōjequijivu  
yu: Muje bajumia ũjarā muja yópe ji  
uepedeca mujare. Muje bajumia jecujarā  
muja. <sup>35</sup>Que đaivure muje bajumia  
urivure jáivu, majinajarama caivu ji

bueimara bajure mujare, arejame ñujare  
Jesús.

Jesús ũi coyūino Pedrorre ũi “Jesúre  
yu coreóvabevu” aquinore  
(Mt 26.31-35; Mr 14.27-31; Lc 22.31-34)

<sup>36</sup>Jesús que ayure, yópe arejame  
Simón Pedro:

—Mu, ji jabocu, đári ñuñuru mu?  
arejame.

Jesús arejame:

—Ji ñuquinore caride ñuri buojabevu  
mu. Ūbenita ji ñariburū yóboi, mu máre  
ñucuyumu, arejame.

<sup>37</sup>Pedro arejame:

—Mu, ji jabocu, đaipe teni caride  
múque ñuri buojabedi yu? Jáuru, mure  
cadateni, yaiquijivu yu, arejame.

<sup>38</sup>Aru Jesús arejame Pedrorre:

—đ“Mure boje yaiquijivu yu”, ayurū  
mu? Jáve coyuyubu mure: “Jesúre yu  
coreóvabevu” acuyumu mu cari ñami,  
cáyu ũi órejaquie jipocai. Aru yóbesce  
nópe acuyumu mu, arejame Pedrorre  
Jesús.

#### Jesús pōevare ũi eare đainore

##### Jūmenijicu yebai

(Mt 7.7-11, 11.27; Lc 11.9-13; Jn  
1.18, 6.46, 15.7, 16, 16.23-24; Hch  
4.12; 1 Jn 3.21-22, 5.14-15)

**14** <sup>1</sup>Que ayu bācu, ñujare yópe  
coyuregame Jesús:

—Chīomejara muja. Jūmenijicure  
ju ajarā muja. Ūre ju arī, yure máre  
ju ajarā muja. <sup>2</sup>Jipacui curōi tucubua  
ure cūvu. Que āmenu, yópe arī mujare  
coyubejebu yu. Nore muje curājiyede  
meadacacuyumu yu. <sup>3</sup>Nore ñuri,  
meadarīburu yóboi, copaidacuyumu  
yu cojedeca, mujare ĩni ñavacudacuyu,  
muje curājiyere ayu yáque. <sup>4</sup>Ji  
ñuquinore majivu muja, yópe pōeva  
ne majiére ma ñuimare, arejame Jesús,  
ñujare coyuyu.

<sup>5</sup>Tomás arejame Jesúsre:

—Mu, ji jabocu, mi ñuquinore ye  
majibevu ñuja. đAipe ayurū mu, “Ji  
ñuquinore majivu muja” ayu? arejame.

<sup>6</sup>Jesús arejame:

—Yurecabu pōevare eare dayu Jūmenijicu yebai yópe ma nuinope cavarō mearoi. Yurecabu pōevare majide dayu Jūmenijicui dápiaye jávene aru cure dayu mamaūmeque máre. Ñame eabenama jipacu yebare, ji nuvameni náre. <sup>7</sup>Muja yure jáve coreóvaivn baru, jipacure máre coreóvajebu muja. Caride jáve úre coreóvaivnbu muja cainnuma. Aru úre jádavn muja máre, arí coyurejame ñujare Jesús.

<sup>8</sup>Úi que aiyede, Felipe arejame Jesúre: —Mn, ji jabocu, majeracure jádovajacu mn. Quénora meaquiyebu ñujare, arejame ú.

<sup>9</sup>Úre ju ayu arejame Jesús: —Mn, Felipe, ¿que joede mujaque ji cuedeca, yure coreóvabecurū cāreja? Ácu pōecu jáñu yure, jáimi jipacure máre. Que baru, ¿aípe tení “Majeracure jádovajacu”, ayurū mn yure? <sup>10</sup>Yu cuv jipacque. Aru jipacu cubi yúque cūinávure. ¿Iye ji coyuyede, ju ayurū mu? Iye mujare ji coyuyiye ji bajuma ji dápiaino ámevn. Quénora jipacurecabe, ñai cūcu yúque cainnuma, yure coyure dayu yópe úi urōpe. Aru ji dayede máre ji bajuma dayu ámevn. Quénora jipacurecabe yure daicōjeñ. <sup>11</sup>Ji coyūino mácarōre, “Cuvu yu jipacque aru jipacu cubi yúque cūinávure”, ju ajarā muja. Ubenita ju abevn baru ji coyūino mácarōre, quénora ju ajarā yure ji daye báque boje. <sup>12</sup>Jáve coyuyubu mujare: Ácu pōecu yure ju ayu, ji daye báquepe rayede dacuyume ú. Aru ape raye me rueno raguéde dacuyume, ji nuquiye boje jipacu yebai. <sup>13</sup>Caiye muje jēniayede yure ji amíai dacacuyumu. Yópe muje jēniayepedeca dacuyumu yu, jádovacuyu jipacu meacu bajure. <sup>14</sup>Áde muje jēniarajiyede yure ji amíai, ji raguéque, mujare dacacuyumu yu, arejame Jesús.

**Jesús “Jipacu Espiritu Santore darocuyume mujare” arí, úi coyūino**

<sup>15</sup>Ñujare coyure nurejame Jesús: —Muja urivu baru yure, caiye ji daicōjeiyere darājaramu muja.

<sup>16</sup>Yurecabu jipacure jēniacuyu mujare boje, úi daroquiyere ayu apescu cadateipōescure. Ú cainnuma cucuyume mujaque, jipacui daroquimu.

<sup>17</sup>Úrecabe Jūmenijicui Espiritu pōevare coreóvare dacuyu Jūmenijicui dápiaye jávene. Ijāravucavu Jūmenijicure ju abevn úre jacopuivn buojabenama, ne jári eabe boje úi dayede aru ne coreóvaiye majibe boje aipe ārojacure úre. Ubenita mujacarpūravu coreóvarājaramu aipe ārojacure úre, úi mautequiyere boje mujaque. Mujaque curí, dajocabecuyume mujare cainnuma. <sup>18</sup>Tēumarape dabecubu yu mujare. Mujare jocarí nūmecubu yu. Bedióna cojedeca copaidacuyumu, cucuyu mujaque.

<sup>19</sup>Quíjino baju yure jámenajarama ijāravucavu yure ju abevn. Ubenita mujacarpūravu yure járajaramu. Bedióna cojedeca apucuyumu yu. Que baru muja máre cainnuma apurivn barājaramu muja mamaūmeque. <sup>20</sup>Ánijāravu, maje corūrajījāravu baquinóre, jipacque ji cuede majinajaramu muja, aru yúque muje cuede, aru mujaque ji cuede máre. Maja cūinávure curājaramu maja. <sup>21</sup>Ácu pōecu ji daicōjeiyere caiyede ju arí dayu, úrecabe yure ucu. Aru ñai yure ucu, úrecabe jipacui uquimn. Yu máre úre, yure ucure, ucuyumu. Aru ji bajure jádovacuyumu úre, arejame ñujare Jesús.

<sup>22</sup>Úi que aríburu yóboi, cūinácu ñujacacu, úi amíai Judas, jēniari járejame Jesúre. (Judas Iscariote ámenejame. Apescu Judas barejáme ú.) Yópe arí, jēniari járejame Jesúre:

—Mn, ji jabocu, ¿aípe darí ñuja, mure urivu, mi bajure jádovacuyurū, ubenita apevure, ijāravucavu mure ju abevure, mi bajure jádovamecuyurū mu? arejame Judas.

<sup>23</sup>Jesús, yópe arí, coyurejame:

—Ácu pōecu yure ucu, ji coyuyede ju acuyume. Úrecabe jipacui uquimn. Yu aru jipacumaque úi yebai nuri, úque curājaramu ñuja. <sup>24</sup>Ácu pōecu yure ubecu, ji coyuyede ju abebi. Ji coyuyiye ji bajuma ji dápiaino ámevn.



Quénora jipacu, yure daroyu bácu, jiede coyuyutamu yu. <sup>25</sup>Que arí, coyuiyu yu mujare, ji cuede cãreja mũajaque. <sup>26</sup>Ûbenita mũajaque ji cubenũmure ñai Espiritu Santore, cadateipõecure, ñarocuyume mujare jipacu ji parueque. Ûrecabe caiyede mujare buescuy. Aru ji coyuiye báque caiyede mujare ãrre ñacuyume ñ.

<sup>27</sup>Mujare, meaũme cãrijimeũme curivure, erescuyumu yu. Ji cãrijimeũmene mujare jíquijivu. Ijãravucavu mujare ji jíyere paiyede jíye majibema. Que baru cãrijimevava chíomejara aru jídebejarã mũa, ayubu yu. <sup>28</sup>Mujare ji coyũino mácarõre, “Yu nucuyumu. Ûbenita mũa yebai copaidacuyumu yu” ainore, járiadañvũ mũa. Yure urivu baru, ji nucuyiyede jipacu yebai torojubebu mũa. Jipacu ji pũeno parucube. Que baru ñi yebai nucuyumu yu. Aru torojue jaũvũ mujare. <sup>29</sup>Nõpe coyũiva mujare caride, iye vaiquíye jipocamia, mũa coreõvarãjiyere ayu jávene ji coyũino mácarõre. <sup>30</sup>Caride ijãravucavu ne jabocu, ñai abujuvai jabocu, daibi. Que baru urarõ baju mujare coyubequijivu yu. Û yure ñi ñaicõjeiye parue cubecureca nucuyumu yu. <sup>31</sup>Vaiquíyebu yure yõpe ji aiyé báquepedeca, ijãravucavu ne coreõvarãjiyere ayu ji uede jipacure. Que baru caiye jipacui ñaicõjeiyede ñaivũ yu. Jãrica, etarevũ, arejame ñujare Jesús.

**Jesús “Oteiyaimu yobedope páyubu” arí ñi coyũino**

(Jn 13.34, 15.17; 1 Jn 3.23; 2 Jn 5)

**15** <sup>1</sup>Ñũa ñi bueimarare, yõpe arí, coyure nurejame Jesús:

—Yurecabu oteiyaimu yobedope páyũ. Aru jipacurecabe dimure coreipõecu, oteipõecureca páyũ.

<sup>2</sup>Aru dimu cavajĩbũare paivutamu mũa. Ñmecavabũa, jẽmecavabuare burarĩ jarũvaibi jipacu. Meacavabũa, jẽcavabuare majié burarĩ, meadaibi jipacu, oteipõecu ñi ñaiyere ñayũ. Que

teni jẽcavabuare urarõ jẽne ñaibi jipacu. <sup>3</sup>Mũje ju aiyé boje ji coyuiyede, javeta mujare meadacacu yu. Que baru jipacu ñi meadaimaramu mũa. <sup>4</sup>Yũque cũjarã mũa. Aru yu mũajaque cuscuyumu. Cũinãvũpe curãjaramu maja. Cavabu cubedu dimure, cainidũa jẽmenvũ. Quédecabu mujare. Yũque cubevũ baru, Jũmenijicui urõpe ñabenamu. Yũque mautebevũ baru, mearore, yõpe ji memeiyepe, ñabejebu mũa. Põeva mearore ñabevubu, yõpe cavabũa jẽidũa cubepe.

<sup>5</sup>Oteiyaimu yobedope páyubu yu. Aru dimu cavabuare paivubu mũa. Ácu põecu cũcu baru yũque aru ji curu máre ñque cũinãvũpe, ñrecabe urarõ mearore ñacuyũ yõpe Jũmenijicui urõpe. Ûbenita yũque cubecu baru, Jũmenijicui urõpe ñaiye majibebi ñ. <sup>6</sup>Yũque mautebecu, oteipõecu ñi burarĩ jarũvaicavabũpe paicavabube ñ. Dicavabu yaicavabu jarũvaicavabũpe apesu jevaiyame meadayũ. Dicavabure jevarĩ, pecatoro ñarĩ, nuvaiyame ñ nore jocarĩ, juarĩ jarũvacũũ.

<sup>7</sup>Mũa yure ñajocabevũ baru, aru ji coyuiyede ju are nuivũ baru, áde mũa jẽniayede mũa urõpe cũvarãjaramu mũa. <sup>8</sup>Mũa urarõ mearo ñaiyede jáve ji bueimara ñarĩ jádovaiyubu mũa. Põeva mujare nõpe ñaivũre jáivũ, jipacure mearore jĩnajarama na. <sup>9</sup>Yure jipacui uepedeca vuvũ yu mujare. Que baru ji umarape mautejarã mũa. <sup>10</sup>Ji ñaicõjeiye caiyede ju arĩ ñaivũ baru, ji umara mautenajaramu mũa. Nopedeca jipacui ñaicõjeiye caiyede ju arĩ ñayũ, ñi umu mauteivũ yu.

<sup>11</sup>Que arí, coyuiyu yu mujare, mũa torojũrãjiyere ayu ji torojũepedeca, aru mũa buõjarãjiyere ayu torojurivũ mũa ñme jaubevũva. <sup>12</sup>Ji ñaicõjeino mujare yõpe ainotamu: Mũa bajumia ñjarã mũa yõpe mujare ji uepedeca. <sup>13</sup>Põecu ñi yaidũ ñi yõvaimarare boje, ape ñi ñaiye cubevũ, ñi jádovaiyere náre ucure. <sup>14</sup>Ji ñaicõjeiyede ju arĩ ñaivũ baru, ji umaramu mũa. <sup>15</sup>Caride “yure memecaivũ” abecubu mujare. Quénora

“ji yóvaimara” acnyũtu mujare. Põescure memecaivũ ne jabocũi dápianore majibema na. Ûbenita põescũi yóvaimara ãi dápianore majima. Aru yũre jipacũi jápiadovaiye báquede mujare coyũiye jebeivũ yũ. <sup>16</sup>Yũre vobeteavũ muja. Yũ batecácu mujare vorĩ beoyũ. Jipacũi urõpe muje ðarãjiyepe ayũ, mujare beorĩ epecacu. Ji epeimaramu muja, urarõ mearore ðarãjivũ yópe Jũmenijicũi urõpe. Aru muje ðarãjiye bĩjabequiyebu. Quénora mautequiyebu. Que baru áde muje jéniaiyede jipacũre ji ámiái, ðacacuyũme ã yópe muje jéniaiyepedeca. <sup>17</sup>Que baru yópe arĩ, coyũyũbu yũ mujare cojedeca: Muje bajumia urarã muja, arĩ coyũrejame Jesús, ñujare bueyu.

**Jesús ã jinaque ijãravũcavũ ne ubemara**

(Mt 10.24; Lc 6.40; Jn 13.16, 17.14-18)

<sup>18</sup>Yópe arĩ, coyũre ñurejame Jesús: —Ijãravũcavũ Jũmenijicure ju abevũ mujare ubenajarama. Ûbenita coreóvarã iyede: Mujare ne ubenajiye jipocai, yũre ãbeteima na. <sup>19</sup>Muja ijãravũcavũ baju baru, mujare ãjebu ijãravũcavũ Jũmenijicure ju abevũ, yópe ne ãpedeca ne bajumia. Ûbenita yũvacari mujare beorĩ epecacu jivũ barãjiyẽpe ayũ ijãravũcavũre jocarĩ. Que baru náque curivũvacari, nácanũ ámevũ muja. Que baru mujare ãbema na. <sup>20</sup>Ji coyũvarede me arũjara muja. Yebacacu cubebi ãi jabocure vainĩ tuyũ. Apevu ñájine ðaima yũre. Que baru mujare máre ñájine ðarãjarama. Ûbenita apevu ji coyũiyede ju aima. Que baru mujare máre ju arãjarama. <sup>21</sup>Yũcavũbu muja. Aru ina ijãravũcavũ yũre daroyũ bácurẽ majibema na. Que baru mujare máre ñájine ðarãjarama na.

<sup>22</sup>Náre ji coyũcũdabedu, boropatebejebu ne ámeina teiye boje. Ûbenita ji coyũcũdaiye báque boje ijãravũcavũre, ye bojedabemarava cũma na ne ámeina teiyede. <sup>23</sup>Ácu põescũ ubescu yũre, jipacũre máre ubebi ã. <sup>24</sup>Põeva ne ðarĩ majibe bajure

jãdovacacu yũ yócvũre. Apevu cubebi ji ðaiyepe paiyede ðarĩ majicu. Ji que ðabedu ne jáiyede, boropatebejebu ne ámeina teiye boje. Ûbenita ji nópe ðaiyede jãdama na. Aru jáivũvacari, yũre ubeni, jipacũre máre ãbema na. <sup>25</sup>Caiye iye vaivũ yópe Jũmenijicũi toivaicõjeiye báquepedeca ãi yáva iyede: “Jaurabeda yũre ãbema”, arĩ toivaicõjeneaquemavũ Jũmenijicũ.

<sup>26</sup>Ûbenita ñai Espiritu Santo, mujare çadateipõescu, dacuyũme muje yebai. Ûrecabe põevare coreóvare ðacuyũ Jũmenijicũi dápiaiye jãvene. Ûre jipacũi curõre jocarĩ darocuyũtu yũ muje yebai. Ûi edarĩburu yóboi, ãrecabe coyũcuyũ ji borore ãi jáiye báque boje. <sup>27</sup>Aru muja mamarũmũre ji bueni buinũmũre yũque çateavũ muja. Pũ caride máre curivũbu yũque. Que baru muja máre coyũrãjivũbu ji borore muje jáiye báque boje, arejame Jesús.

**16** <sup>1</sup>Yópe arĩ, coyũre ñurejame Jesús:

—Nópe coyũivũ yũ mujare, muje dajocabenajiyepe ayũ muje ju aiye yũre. <sup>2</sup>Judíovai jabova jaetovaicõjenajarama mujare ne cójijĩñamiare jocarĩ. Apejãravũa ðaquijãravũa baquiyé põeva ne boarĩ jarũvarãjiyede mujare, “Nópe ðarĩ Jũmenijicure memecaivũbu maja”, arĩ dápjarãjarama ina mujare boarãjivũ. <sup>3</sup>Que ðarãjarama, yũre aru jipacũre máre ne coreóvabe boje. <sup>4</sup>Nópe coyũivũ yũ mujare, muje arũrajiyẽpe ayũ iye ji coyũiye báquede ãnijãravũa, ne nópe ðarãjijãravũa baquiyéde mujare, arĩ coyũrejame Jesús.

**Jesús ãi coyũino Espiritu Santoi ðaquinore**

Yópe arĩ, coyũre ñurejame Jesús: —Ji bueni buinũmũre caiye iye ji cari coyũiyede mujare coyũbetecacu yũ, ji cœ boje mujaque. <sup>5</sup>Ûbenita caride yũre daroyũ bácu yebai ñcuyũtu yũ. Ñcuyũreca mujacacu cubebi, “¿Ári ñcuyũgũ mu?” arĩ jénari jãñũ yũre. <sup>6</sup>Quénora urarõ çhíoivũbu muja muje

úmei ji nópe arí coyúye boje. <sup>7</sup>Ëbenita yácarpūravu mujare yávaiyede jávene coyuyubu ya. Ji nuquino meaquiyebu mujare. Ji numenu, mujare cađateyu basuyú dabejebu. Ëbenita ya nuñu mácu darocuyumu úre mujare.

<sup>8</sup>Dacuyú edayu bácu ijāravucavu boropateivure ne āmeina teiye boje coreóvare đacuyume. Yure boropatebecure Jūmenijicui jáinore coreóvare đacuyume. Jūmenijicu nájine đacuyure pōevare ne āmeina teiye boje máre coreóvare đacuyume ũ, ji daroquimu. <sup>9</sup>Nāre coreóvare đacuyume āmeina teivu boropateivure ne ju abe boje yure. <sup>10</sup>Nāre coreóvare đacuyume yure boropatebecure Jūmenijicui jáinore, ji nuquiyede boje jipacu yebai. Que baru yure jámenajaramu mja. <sup>11</sup>Aru náre coreóvare đacuyume Jūmenijicu nájine đacuyure pōevare ne āmeina teiye boje, Jūmenijicui “Nájicuyumu mu”, ũi jave coyúye báque boje ijāravucavu ne jabocure, nái abujuvai jabocure.

<sup>12</sup>Urarō mujare ji coyujuroe cuvavu. Ëbenita cūiná caiyede jápiayede majibevubu mja. <sup>13</sup>Ëbenita nái Espiritu Santo đacuyume, pōevare coreóvare đacuyú Jūmenijicui yávaiyede jávene. Úrecabe coreóvare đacuyú mujare caiye Jūmenijicui yávaiyede jávene. Aru iye vaiquiyede coyucuyume mujare. ũi baju majiéque coyubecube. <sup>14</sup>Ji majié matuiyede jápiayu bácu, diede mujare coreóvare đacuyume. Que baru yure mearore jícuyume. <sup>15</sup>Caiye jipacui majiéde majivu ya. Que baru “Nái Espiritu Santo ji majié matuiyede mujare coreóvare đacuyume”, avu ya mujare, arejame Jesús.

**Jesúí bueimara ne chōriburu yóboi  
ne torojuede**  
(Mt 7.7-11; Stg 1.5-6)

<sup>16</sup>Yópe arí, coyure nurejame Jesús:  
—Quíjino baju yure jámenajaramu mja. Ëbenita apeno quíjino baju yójiŕboi bedióva cojedeca yure járajaramu mja, arejame Jesús nūja ũi bueimarare.

<sup>17</sup>ũi que aiyede, nūjacavu yópe arí, jēniari járejaima ne baju:

—¿Aipe ayu bárica, “Quíjino baju yure jámenajaramu mja. Ëbenita apeno quíjino baju yójiŕboi bedióva cojedeca yure járajaramu mja” ayu? ¿Aru, “Jipacu yebai nucuyumu ya” ayu, aipe ayuba ũ? <sup>18</sup>¿Carijieneca ũi ayeque aipe ayuba Jesús? “Maiyójavu majare. Majino āmevu ũi que coyúino”, arejaima nūjacavu ne bajumia boroteivu.

<sup>19</sup>Nūje jēniari jáiyede úre coreóvayu, nūjare yópe arí, coyurejame Jesús:  
—¿Ji aiyede, “Quíjino baju yure jámenajaramu mja. Ëbenita apeno quíjino yójiŕboi bedióva cojedeca yure járajaramu mja” jēniari jáivurū mja, mje bajumia boroteivu? <sup>20</sup>Jāve coyuyubu mujare: Mujacarpūravu urarō chīori orājaramu. Ëbenita ijāravucavu Jūmenijicure ju abevucarpūravu torojurājarama na. Ëbenita mja chioivuvacari, no yóboi chioivu bácvu torojurājaramu mja. <sup>21</sup>Maje nomiva juedocuvarivu āmeno nájijnama na. Ijiébu náre. Ëbenita juedocuvariŕburu yóboi, ijino mácaróre ārumenama juedocuvavarivu bácvu. Nēmajicure jári torojurivu, no mácarō āmeno ne nájiiye báquede ārumenama na. <sup>22</sup>Nópebu mujare. Caride urarō nájijnajaramu. Ëbenita mujare jácudacuyumu cojedeca. Dinumu maquinóre urarō torojurājaramu mja mje ũmei. Aru mujare nāme chīore đaviva buojabenama cainumua.

<sup>23</sup>Dinumu maquinóre quénora yure ye apejēne jēniari jámenajaramu mja. Jāve coyuyubu mujare: Áde mje jēniaraiyede jipacure ji āmiái, đacacuyume yópe mje jēniayepedeca úre. <sup>24</sup>Javede pu carita ye apejēne jēniamevu mja cāreja ji āmiái. Jūmenijicure jēniajara cari. Mje jēniaru, mje jēniayepedeca đacacuyume Jūmenijicu, mje buojarājiyepede ayu torojurivu mje ũmei jaubevava, arejame Jesús nūjare.

**Jesús ũi vainí tuino ijāravuque  
āmene**

(Ro 8.37; 2 Co 2.14; Ap 3.21, 5.5)

<sup>25</sup>Yópe arí, coyure nurejame Jesús:  
—Nópe coyúivu ya mujare apejēne jēvari maiyójepeda. Ëbenita

apejāravna daquijāravna baquiyéde  
apejēne jēvarī coyubecuyumu mūjare  
cojedeca. Quénora mūjare coyucuyumu  
nuriéne jipacūi borore yavebecūva.

<sup>26</sup>Dinūmū maquinóre mūjavacari ūre  
jēniarajaramu ji āmiái, ji paruéque.

Que baru, “Jipacūre jēniacacuyumu  
mūjare”, abevū yū. <sup>27</sup>Jipacūvacari ūbi  
mūjare. Mūjare ūbi, mūje ūe boje yūre.  
Mūjare ūbi, mūje jū aiye boje yūre, ūi  
daroimū mácūre. Que baru mūje baju  
jēniayede ūre jápiacuyume jipacu.

<sup>28</sup>Jipacūque cūcū bācū, ūi cūrōge jocarī  
etarejacacu, ēmeni dacuyū yore ijāravūi.  
Aru caride yore cūcū, ijāravūre jocarī  
dajocacuyumu, cojedeca nūcuyū jipacu  
yebai, arejame Jesús.

<sup>29</sup>Dinūmūre nūja ūi bueimara  
arejcarā Jesúre:

—Caride me coyūivū mū nūjare,  
apejēne jēvamecūva. <sup>30</sup>Caride mū  
caiyede coreóvayūre majivū nūja. Mūre  
jēniari jáiye ye jaubevū. Que baru mūre,  
Jūmenijicūi daroimū mácū bajure, jū  
aivūbu nūja, arejcarā nūja Jesúre.

<sup>31</sup>Nūjare arejame Jesús:

—¿Jāve “Jū aivūbu mūre”, aivūrū  
mūja? <sup>32</sup>Jārijide apa. Ānijāravū  
daquijāravū baquinó jave eare  
nūnotamu no. Carijēneca yūre  
jocarī nūrajaramu mūja mūje cūrōai  
coapa. Cūinácūva mautescuyumu yū.  
Ūbenita jipacu yúque cūbi cainūmūa.  
Que baru cūinácū bajuva āmevū yū.

<sup>33</sup>Caiye iyede mūjare coyūivū yū,  
mūje cārijimenajiyere ayū, mūje cūe  
boje yúque cūinávūre. Mūjare nājine  
đarājarama ijāravūcavū Jūmenijicūre  
jū abevū. Ūbenita jidūbejarā mūja.  
Ijāravūque āmene jave vainí tuivū yū.  
Que baru jū ajarā yūre, arejame nūjare  
Jesús.

**Jesús ūi jēniaino ūi bueimarare  
Jūmenijicūque**  
(Jn 13.18)

**17** <sup>1</sup>Que arīburu yóboi cavarōi jáñū,  
yópe arejame Jūmenijicūre Jesús.

—Mū, jipacu, ji memeinūmū jave  
eaivū yūre. Pōevare yūre mímacū

meacu bajure jáđovajacu mū, ji  
jáđovaquiyere ayū mūre meacu  
bajure. <sup>2</sup>Yūre jaboteicōjeivū mū caivū  
pōevare, ji cūvare daquiyere ayū jāravū  
cūiméjāravū baquinóre caivū ina mi  
jū are đaimarare yūre. <sup>3</sup>Múvacari  
Jūmenijicū cūinácūra jāvetamu mū. Aru  
yū, Jesucristo, mi daroimū mácūbu  
yū. Ina majare coreóvaivū, nárecabu  
cūvarājivū jāravū cūiméjāravū  
baquinóre, ne coreóvaie boje majare.

<sup>4</sup>Iye mi đaicōjeiye báquede yūre đarī  
buojaivū yū. Que baru mūre meacu  
bajure jáđovaivū yū yore ijāravūi.

<sup>5</sup>Mamarūmūre maje caiyede cūedarājiye  
jipocai, meacu baju barejacacū mi  
yebare. Caride bediόva yūre meacu  
bajure epejacū mi yebai cojedeca, yópe ji  
mamarūmūre cūe báquepedeca, arejame  
Jesús.

<sup>6</sup>Yópe arī, coyūre nūrejame Jesús  
jipacūre:

—Ijāravūcavū mūre jū abevūre  
jarūvarī, beorī, ĩni, coatede đávū mū  
ina yūre jū arājivūre. Mamarūmurata  
mívū bārājivū barejáima na. Aru  
náre yūre jū are đaiivū mū. Nárecabu  
mūre ji coyūimara, majinajivū aipe  
ārojacūre mūre. Aru mi yávaiyede  
jápiarī jū adama na. <sup>7</sup>Caride caiye iye  
mi majié cūvare đaiyede yūre jāve  
míyede coreóvaivūbu na. <sup>8</sup>Iye mi  
coyūicōjevarede yūre, náre coyūivū  
yū. Aru na jū adama diede. Yūre, mi  
daroimū mácūre, jāve coreóvaivūbu.  
Aru mū yūre daroyū bācūre jū adama.

<sup>9</sup>Ijāravūcavū mūre jū abevūre  
jēniacabevū yū múque. Quénora ina  
mi yūre jū are đaimarare jēniacavū  
yū múque, ne mívū bae boje. <sup>10</sup>Caivū  
yúcvū mívūbu na. Aru caivū múcvū  
jívūbu na. Aru yū meacu bajure  
jáđovadama na.

<sup>11</sup>Yū mautebecūbu ijāravūre caride.  
Quénora maumejieneca dacuyumu  
mi yebai, cūcūyū múque. Ūbenita  
nācapūravū mautehajivūbu ijāravūre.  
Mū, jipacu bajutamu mū. Que baru  
ina yore mautehajivūre corejacū mū  
mi paruéque, iye parué mi cūvare

ðaiye báqueque yure. Corejacu náre, cūinávpeda ne tenajiyeye ayu yópe majapedeca. <sup>12</sup>Yore cucu baju coreivu yu náre mi paruéque, iye parué mi cūvare ðaiyeque yure. Náre meadaivu yu. Aru bñjabema na. Cūinácu quécūra, ñai bñjacūyū ũi ámeina teiye boje, yure bñjaibi ũ, vaiquíyeye ayu yópe mi yávaiyede mi toivaicōjeiye báquepedeca.

<sup>13</sup>Caride mi yebai dacūyumu yu. Nópe soyūivu yu ji cuede cāreja ijāravure ne jápaiinoi, ne buojarājiyeye ayu torojūrivu ne ũmei jaubevūva, yópe ji torojūpedeca ji ũmei. <sup>14</sup>Iye mi soyūicōjevarede yure, náre soyūivu yu. Na yápe dápaiavubu cari. Yópe ijāravūcavū mure ju abevū ne dápaiyeye dápabema na. Que baru náre ũbema ijāravūcavū. <sup>15</sup>“Ina mi yure ju are ðaimarare ñni nūvajacu ijāravure jocarī”, arī jēniamevū yu mure. Quénora “Náre jāri corejacu me, abujuvai jabocū ũi ámeina ðare ðabequiyeye ayu náre”, arī jēniaivu yu mure. <sup>16</sup>Yu dápabevū yópe ijāravūcavū mure ju abevū ne dápaiyeye. Quédeca ina mi yure ju are ðaimara máre ijāravūcavū mure ju abevū ne dápaiyeye dápabema na. <sup>17</sup>Ijāravūque ámene jarūvarī náre coavarī, epejacu múcavure, ne memecarājiyeye ayu mure. Que ðajacu mi yávaiyeque. Jāvetamu mi yávaiye. <sup>18</sup>Mu darorejavū yure, ji buequiyeye ayu ijāravūcavure. Nopedeca yu máre jaroivu náre, ne buenajiyeye ayu ijāravūcavure. <sup>19</sup>Ji baju epeivu yu, memecacūyū mure yópe mi ũrópe. Que ðaivu náre boje, na máre ne epenajiyeye ayu ne baju, memecarājiivu mure yópe mi ũrópe. Que ðarājiivubu, ne majié boje jāvene mi yávaiyede.

<sup>20</sup>Ina mi yure ju are ðaimara, ji bueimarare, mure jēniacavū yu. Aru arevure máre, yure ju aivu bārājiivure, ji bueimara ne bueiye boje náre, jēniacavū yu mure. <sup>21</sup>Mure jēniaivu yu, ne curājiyeye ayu cūinávure. Mu cūvū yúque aru yu cūvū máque cūinávure. Quédeca na mārājivū máre cūjarāri majaque cūinávure. Que

teivure jāivu, yure, mi daroimū mácure, ju arājarama ijāravūcavū. <sup>22</sup>Yópe mi meadaiye báquepe yure, quédeca yu máre meadaivu náre, ne curājiyeye ayu cūinávure yópe maje cūepedeca cūinávure. <sup>23</sup>Náque cūvū yu aru yúque cūvū mū, ne curājiyeye aivu majaque cūinávpeda. Que baru yu mi daroimū mácure aru na mi ũmarare cūinávuru yure mi ũepedeca ũcure coreóvarājarama ijāravūcavū.

<sup>24</sup>Mu, jipacu, mi yure ju are ðaimara mārājivure, ne curājiyeye yúque ji cūquinore ũvū yu, ne jārājiyeye ayu yure meacu bajure, múpe páyure. Mamarūmure maje caiyede cuedarājiye jipocai, yure ũrejāvū mū. Que baru yu meacu bajure, múpe páyure, jādovavū mū. <sup>25</sup>Mu, jipacu, meacu baju, boropatebevū mū. Mure coreóvabema ijāravūcavū mure ju abevū. ũbenita yúcapūravū coreóvavū mure. Aru ina mi ju are ðaimara yure, mi daroimū mácure, coreóvadama na. <sup>26</sup>Mu aipe ārojacure coreóvare ðaivu yu náre. Aru mure ne coreóvavo pueno náre coreóvare ðacūyumu yu, ne ũrājiyeye ayu arevure yópe mi ũepedeca yure. Que teni yávacari náque cūcūyumu cūinávure. Que arī, jipacure soyūrejame Jesús.

#### Jesúre jēni ne nūvaino

(Mt 26.39, 47-56; Mr 14.36, 43-50; Lc 22.42, 47-53)

**18** <sup>1</sup>Nópe soyūitburu yóboi jipacuque, Jesús aru ñña ũi bueimara etarī, nuri jiajiya Cedrón āmicūriyare jatarejocarā. Nore eaiivu oteiye curōi, ecorejocarā ñña. <sup>2</sup>No oteiye curōi ññje nūinore javede Jesúque nāvarejocarā ñña doce pavū ũi bueimara. Que baru noi ññje nūiyede majidejaquemavū Judas, ñai Jesúre jēni jícūyū ũi mauvare. <sup>3</sup>Majicu, no oteiye curōre darejame Judas. Jipocateyū barejáme Jūmenijicūi cūramine coreipōevacavure, sacerdotevare jaboteipōeva aru fariseova ne jaroimarare úque, aru churaravare máre.

Ina ñi jipocateimara ne boarájijyede ðuráivu barejáima. Pëoibuaque aru cámaueaque máre darejaima na. <sup>4</sup>Ûre vaiquíyede majicu, náre eaiüre, copu ñari yópe arí, jëniari járejame Jesús: —¿Ñamene voivurü müja? arejame náre.

<sup>5</sup>—Jesús Nazarecature vorádaivubu ñüja, arejaima na.

—Yábu, arejame náre Jesús.

Ne nópe boroteiyede, ne coricai núrejame Judas, Jesúre jëni jíyü ñi mauvare.

<sup>6</sup>Jesús ñi que aiyede, daruíni yebamia puaréva türejaima na, Jesúre jënadaivü. <sup>7</sup>Bedióva cojedeca náre jëniari járejame Jesús:

—¿Ñamene voivurü müja? arejame náre.

—Jesús Nazarecature voivubu ñüja, arejaima na.

<sup>8</sup>—Javeta müjare “Yábu”, avü. Yüre voivü baru, dinümü ji yóvaimarare ñicójejara, arejame úre voivüre Jesús.

<sup>9</sup>Que arejame Jesús yópe ñi aino mácarópedeca vaiquíyepere ayü, “Mü, jipacu, ina mi yüre ju are ðaimaracacu ye cüinácu bíjacabebi yüre”, ñi aino mácarópe.

<sup>10</sup>Dinümüre Simón Pedro ñi boaicarovede tatorí, ñni, duarí, sacerdotevare jaboteipöescu ñi yebacacure, Malco ámicacure, juijóri najuárejame ñi meapüravucacamucare.

<sup>11</sup>Nópe ðayüre jári, Jesús arejame úre: —Mi boaicarovede meadajacu mü. Ámenore yüre jipacu ñi vaidé ðaquiyyede jáve vaicáyumu yü, arejame Pedrore Jesús.

#### Jesúre ne ñuvaino Anás yebai

(Mt 26.57-58; Mr 14.53-54; Lc 22.54; Jn 11.49-50)

<sup>12</sup>Dinümü ina churarava aru ina Jümenijicüi cüramine coreipöeva máre, Jesúre jëni, ñi püüaré buorí buojarí, ñuvarejaima. <sup>13</sup>Ûre ñuvarejaima mamarümü Anás ámicücu yebai. Caifás barejáime ñi vácu. Aru ñai Caifás sacerdotevare jaboteipöescu barejáime ðiájure.

<sup>14</sup>Ñai Caifárecabe, “Cüinácuva yaidú, majare meajebu. Que teni caivü yainí bíjabejebu maja”, ayü bácu barejáime ðaapevü judíovai jabovare.

#### “Jesúre yü coreóvabevü” arí, Pedro ñi coyüino

(Mt 26.69-70; Mr 14.66-68; Lc 22.55-57)

<sup>15</sup>Jesúre ne jëni ñuvaiyyede, ne yójiþoi ñüre ñurejacaará ñüja, yü aru Simón Pedro. Sacerdotevare jaboteipöescu coreóvaimü marejacácu yü. Que baru ñi cürami täibure Jesúre ne ecovaiyyede, yüre máre ecoicöjenejaima. <sup>16</sup>Ûbenita täibucaró biaido jedevai mautedejame Pedro. Que baru ecoinore coreipöecoque borotecüñurejacacu, ði ecoicöjecojiyepere ayü úre máre.

<sup>17</sup>Pedro ecoyü bácu, jedevacobede coreipöeco jëniari járejaco úre:

—¿Jesús ñi bueimaracacu ámecurü mü? arejaco.

—iNácacü ámevü! arejame óre Pedro.

<sup>18</sup>Diñami ámei jujurejavü. Que baru nócacü yebacavü ina coreipöevaque nore toabore dacuvarí, cuocarejaima. Aru Pedro máre náque cuocarejame.

#### Jesúre sacerdotevare jaboteipöescu ñi jëniari jápiaino

(Mt 26.59-66; Mr 14.55-64; Lc 22.66-71)

<sup>19</sup>Sacerdotevare jaboteipöescu Jesús ñi bueiyyede aru ñüja ñi bueimarare máre jëniari járejame ða Jesúsre. <sup>20</sup>Ûi jëniari jáiyede, Jesúcapüravü, yópe arí, coyürejame ða úre:

—Yü caivü ne jápiayede buecacu yavebecuva. Maja judíova maje cójijíñamiai aru Jümenijicüi cürami máre bueyü batecácu yü. Pöeva ne cójijinoai buecacu yü cainümü. Ye yavenina buebetecacu yü.

<sup>21</sup>Que baru, ¿aípe teni yüre jëniari jáñuru mü? Yüre jápiavü bácvüre jëniari jájacu. Náta ji coyüyye báque caiyyede majidivü coyurájarama mure, arejame ða Jesús.

<sup>22</sup>Jesús ñi que aiyede, cüinácu ina coreipöevacacu ñi jijecamure püñuque pëvari, yópe arejame ða Jesúsre:

—Maje jabocure nópe arí, abejacu mü, arejame ða.

<sup>23</sup>Aru Jesús arejameða:

— Ñmene ji que aru, yure coyujacu mu caride, caivu ne jápiaiyede. ¿Ubenita méne ji que aru, aipe teni yure pēvacurū? Pēvaiye jaubevu mure, arejameða úre Jesús.

<sup>24</sup>Dinumure Anás Jesúre buoimure jarorejameða Caifás, sacerdotevare jaboteipōecu yebai.

**“Jesúre yu coreóvabevu” arí, Pedro bediõva ñi coyũino**

(Mt 26.71-75; Mr 14.69-72; Lc 22.58-62; Jn 3.14, 12.32)

<sup>25</sup>Nore toabo ēcarui cuocayu barejáme Pedro cãreja. Apevu nore curivu úre jēniari járejameða:

—¿Mu máre Jesúí bueimmaracacu ãmecurū mu? arejaima úre.

—¡Nácacu ãmevu yu! arejame náre.

<sup>26</sup>Dinumure sacerdotevare jaboteipōecui yebacavucacu, Pedro ñi boaicaroveque ñi buraimu mácu jicu, Pedrove arejame:

—Cari ñami marede oteiyē curõi Jesúque mure jávu yu, arejame.

<sup>27</sup>—¡Nácacu ãmevu yu! Jesúre yu coreóvabevu, arejame Pedro cojedeca.

Ëi que aipe bajure, cáyu órejarjame.

**Jesúre ne nuvaino Pilato yebai**

(Mt 27.1-2, 11-14; Mr 15.1-5; Lc 22.1-5)

<sup>28</sup>Aviá ñi tucumuiyede, Caifái cūramine jocarí pu jabocui cūramita Jesúre nuvarejaima. Ñai jabocu, Roma ãmicurõ jaboteino jabocui epeimu marejáme, jabotecuyu ina judíovare. Judío ãmenejame ñai jabocu, Pilato ãmicucu. Ëi cūrami ecoivu baru, Pascua torojuve teinoque ãiyede ãicõjememara májebu judíova. Que baru iye ãiyede ãiyurivu, diñamine corí numenejaima ina judíova, Jesúre nuvaivu, Jūmenijicui jámequiyēpe aivu náre ãmenape. <sup>29</sup>Que baru náre jēniari jácuetarejame Pilato.

—¿Ye ãmenore boro coyurí adaivurū muja ñai ãmure? arejame.

<sup>30</sup>Ina judíova arejaima:

—Ëi ãmeno ðabedu, úre davabejebu ñuja mi yebai, arejaima.

<sup>31</sup>Pilato arejame náre:

—Dinumũ úre nuvari, majjarã muje baju. Muje ðaicõjeiyēpedeca coyujarã úre aipe ñájicuyure, ñi bojeðaquiyēpe aivu ñi ãmeno ðaiye báquede, arejame.

Nácapūravu arejaima:

—Muja Romacavu ñuja judíovare boarí jaruvaicõjemevu pōevare. Que baru úre boarí jaruvaivu buojabevu ñuja, arejaima.

<sup>32</sup>Nópe vaidéjavũ, “Yópe vaiquíyebu” Jesús ñi aipe báquēpedeca javede aipe ãrojae jocucujaravena ñi mauva ne pēvaimu ñi yaiquínore.

<sup>33</sup>Ëi cūramine corí nuri, Jesúre cutuicõjēnejameða Pilato. Ëi eaiyede ñi yebai úre jēniari járejameða:

—¿Muru judíovai jabocu? arejameða Jesúre.

<sup>34</sup>Jesúcapūravu arejameða:

—¿Mu mi baju majini, yópe jēniari jáñuru mu, que ayu? ¿O apevu ne coyuyede jápiarí, yópe jēniari jáñuru mu? arejameða.

<sup>35</sup>Pilatocapūravu arejameða:

—¿Judíovacacu bárica yu, mi que aiyede?

Mi joborõcavu aru sacerdotevare jaboteipōeva mure boro coyurí adarãdama na. ¿Aipe ðacurū mu, ne que ãmecoroyede? arejameða.

<sup>36</sup>Jesús ju arejameða:

—Ijãravucarõ ãmevu ji jaboteino. Yore ji jabotedu, ðadamatejebu ji yóvaimara, ji mauva ne jēni jíbenajiyēpe aivu yure ina judíovai jabovare. Ijãravucarõ ãmevu ji jaboteino, arejameða.

<sup>37</sup>Dinumũ jēniari járejameða Pilato:

—¿Jãve “Jabocubu yu”, ayurū mu?

arejameða.

Ju arejameða Jesús:

—Quēdeca mi aimurecabu yu.

Jabocubu yu. Que barureca ijãravui edarí, pōetedejaquemavu yu, jabotecuyu aru coyucuyu yávaiyede jáve bajure. Yávaiyede jáve bajure majiyurivu, yure jápiarí adarãjarama na, arejameða Jesús.

<sup>38</sup>Aru Pilato jēniari járejameða:

—¿Yéba yávaiye jáve baju? arejameða ñi.

**Pōeva ne boarí jaruvaicõjeino Jesúre**

(Mt 27.15-31; Mr 15.6-20; Lc 23.13-25)

Que ayu bácu Jesúre, jedevai etarí, pōevare borotecunurejame Pilato cojedeca:

—Ámeina tebecutame ñai ñmu  
 ji járú. <sup>39</sup>Ûbenita Pascua járavui ji  
 ðarí cõmajiyepedeca ðajuijivú yu.  
 Mújacacu ji bñoimmaracacu cüináçure  
 jaetovaquijivú. ¿Ñai muxe jabocure  
 jaetovaji yu? arídurejame judíovare  
 Pilato.

<sup>40</sup>Pilato ñi que aiyede cüiná jorojini,  
 coðoboborejaima:

—Bi, ñre jaetovabecacu mu. Barrabáre  
 jaetovari, darojacu mu, arejaima  
 Pilatore ina judíova.

Navacacu barejáme ñai Barrabás.

**19** <sup>1</sup>Dinũmũ ina judíova ne  
 que aiyede, churaravare jara  
 popeicõjenezamedã Pilato Jesúre. <sup>2</sup>Aru  
 ñre pñenocacaje, jabocu doicajepe  
 paicaje ñemijuaricajede doarejaimada  
 na. Jesúre que teivú, miumua cãteni,  
 cainitarabure ðarí, ñi jipoburã  
 dítarabure tñorejaimada ina churarava.

<sup>3</sup>Que ðarí Jesúre jacoyurejaimada:

—Ména cõjacu mu, judíovai jabocu,  
 arejaimada churarava, ñre yurivú.

Que teivú, ñre pñavarejaimada ñi  
 jivai ne pñuáque.

<sup>4</sup>Jesúre ne yuriniburu yóboi, jedevai  
 etarejame Pilato cojedeca.

—Jájara. Jaetovai yu ñre, muxe  
 coreóvarãjijeyepa ayu: Ámeina tebecu  
 bajube ñ ji járú, arejame.

<sup>5</sup>Pilato ñi que aríburuta, etarí  
 darejame Jesús. Jabocui doicajepe  
 paicaje ñemijuaricajeque ne doaimu  
 mácu, ne jipoburã miumua cãteni  
 jacoimu mácu etarí darejame.

—Jede, ñre jájara caride, arejame Pilato.

<sup>6</sup>Cüiná Jesúre ne jáiyede,  
 coðoboborejaima ina sacerdotevare  
 jaboteipõeva aru Jñmenijicui cñramine  
 coreipõeva máre:

—Ñre jocucujaravena pñvari boarí  
 jaruvaicõjeyacu mu, arí coðoboborejaima.

Pilato arejame:

—Muxe baju ñre nñvari,  
 jocucujaravena pñvari boarí jaruvajarã.  
 Yure ji járú ñmeina tebecutame, arejame.

<sup>7</sup>Arejaima Pilatore:

—“Yu Jñmenijicui mácubu yu”,  
 ávaibi Jesús. Que baru yópe cüináro

ñujare ðaicõjeinope ñaípe páyure boarí  
 jaruvaiye jauvu ñujare, arejaima.

<sup>8</sup>Ne que aiyede járiayú, pñeno baju  
 cuicumarejaquemavu Pilato. <sup>9</sup>Diñami  
 ecorí cojedeca, Jesúre jñniari járejamedã:  
 —¿Árocacurú mu? arídurejamedã

Jesúre Pilato.

Ûbenita Jesúcapũravu bi arejamedã.

<sup>10</sup>Dinũmũna Pilato arejamedã ñre:

—¿Yure coyuiyubecurú mu? ¿Ji jaboede  
 majibecurú mu? Mñre jocucujaravena  
 pñvaicõjeiyacu baru, jocucujaravena  
 mñre pñvaicõjeyũmu yu. O mñre  
 jaetovaiyacu baru, mñre jaetovacyũmu  
 yu. ¿Majicurú mu diede? arejamedã.

<sup>11</sup>Jesús arejamedã ñre:

—Jñmenijicu mñre jaboteicõjeimi ñ.  
 Ñi que ðabedu, yure yópe ðabejebu mu.  
 Que baru ñai yure jñne ðayu bácu mñre  
 mi pñeno boropateibi, ñi ñmeina teiye  
 boje, arejamedã.

<sup>12</sup>Jesús ñi nópe coyuiyede, pñeno  
 baju ñre jaetovaiyurídurejamedã Pilato.  
 Ûbenita yópe arí, coðoboborejaima ina  
 judíova:

—Jesúre jaetovayu baru, ñai jabocu  
 ijãravũcacu pñeno baju parũcu, César  
 maje aimu, ñi yóvaĩmu ñmejebu mu. Ácu  
 põecu “Jabocubu yu” ayu, ñai jabocu  
 ijãravũcacu pñeno baju parũcure, César  
 maje aimure, maucũvaibi ñ, arejaima  
 ina judíova Pilatore.

<sup>13</sup>Que aivure járiarí, ñi dobariborã  
 dobacũnñrejame Pilato. Noi dobacu,  
 Jesúre davaicõjenezame, boarí  
 jaruvaicõjeyacu ñre. Pilato ñi dobaribo  
 curiva, cñraboacu ne tñoiva, ne  
 meaðaiva ñuja judíova ñuje yávaicamuai  
 Gabata ñmicñrejavũ. <sup>14</sup>Pascua  
 ñmicñrijãravũ baquinó jipocacajãravũ  
 barejãvũ, jãravũ corica baji. Ina obedivú  
 judíovare, Jesúre ubevure, yãvarí  
 darorejame Pilato:

—Jede, jájara caride muxe jabocure,  
 arejame.

<sup>15</sup>Ina judíovacapũravu urarõ  
 coðoboborejaima:

—¡Yaijãcurí! ¡Yaijãcurí!

¡Jocucujaravena pñvari boarí  
 jaruvaicõjeyacu ñre! arejaima na.



Pilato arejame:

—¿Muje jabocure boarí jaruvaji yu, muje dápiaru? arejame.

Ina sacerdotevare jaboteipõeva arejaima:

—Cüinácure ñuje jabocu, ñai jabocu ijárvacacu pueno baju parucu, César maje aimu, arejaima.

<sup>16</sup>Que baru ne urõpe ñarí, jocucujaravena Jesúre pëvari, boarí jaruvaicõjenezame Pilato.

**Jesúre ne pëvari yuyaino  
jocucujaravena**

(Mt 27.32-44; Mr 15.21-32; Lc 23.26-43)

Que baru Jesúre ñni, ne pëvarajinoi nãvarejaima churarava.

<sup>17</sup>Jesúvacari turí nurejame dijaravede Põe jipobucü ñuje aicü cüracüita, Gólgota ñmicuricü ñuje yávaicamuaque. <sup>18</sup>Dicüre eaiyu, jocucujaravena pëvari jëorejaima na. Ùque apejaravearã apevu pucarãre máre pëvari jëorejaima, cüinácure Jesú meapüravüi, aru apecure Jesú cãcopüravüi, aru Jesúre ne corical.

<sup>19</sup>Yõpe arí, “Jesús Nazarecacube judíovai jabocu”, toivaicõjenezame Pilato jocuvena, ne jëorajiyep ayu dive de Jesú jocucujaravena.

<sup>20</sup>Jerusalén ñmicuríimaro joabejínoí Jesúre jocucujaravena jëorejaima.

Que baru obedivü põeva nore jãradaivü no toivaino mácarõre jãri borotedejaima. Yóbecuricamua yávaicamuaque toivaicõjenezajuemavu Pilato. Ñuje yávaicamuaque, Romacavu ne yávaicamuaque, aru griegovana ne yávaicamuaque máre toivaicõjenezajuemavu Pilato. Que baru caivü dive de jãri majidejacaã ñuja. <sup>21</sup>Pilato ñi nópe toivaicõjeiyede ñbeni, sacerdotevare jaboteipõeva coyurãnurejaimada ñre:

—Nópe mi toivaicõjeino mácarõpe toivaicõjemejacu mü. Quéhora “Judíovai jabocubu yu”, abi ñ”, arí toivarí jëojacu mü cojedeca, aridurejaimada Pilatore sacerdotevacavu.

<sup>22</sup>Ûbenita Pilato arejaimeda náre:

—Ji toivaicõjeino mácarõ nópeda bajaróri no. Oatuvabecubu yu, arejaimeda.

<sup>23</sup>Jesúre jocucujaravena pëvari jëori bubaríburu yóboi, ñi doipe báquede coapa ñnejaima ñre pëvaivu bácvu. Yóvaicuvaiyu barejáima na. Que baru náre coapa ñnejaima. Ûbenita dicaje puenocacaje nareimeã cubecajede coapavaiyubedejaima na.

<sup>24</sup>Cüinácure nácvu arejame:

—Dicaje nareimeã cubecajede jadevarí, coapa ñnu, meamejebu. Yõpe ñarãjarevu. Duvarí yajuivupe tenajarevu maja. Ácu majacacu majare yajurí vainí tuyu, dicajede ñcuyume ñ, arejame.

Na “jede” arí, nópe yajurejaima na. Ne nópe coapavaiye vaidéjavü yõpe Jümenijicü toivaicõjeiye báquedepedeca ñi yávaiyede: “Ji doipe báquede ñni, coapavarãjarama na. Aru ñvarí yajurí vainí tuyu apacajede, ji puenocacajede ñcuyume nácvu”, arí toivaicõjenezajuemavu Jümenijicu. Quédeca tedejaima ñna Jesúre jocucujaravena pëvaivu bácvu.

<sup>25</sup>Jesús ñi jocucujarave joabejínoí nurejaima jípacu, jípacu mamico Cleofai márepaco María ñmicuco, aru María Magdalacaco máre. <sup>26</sup>Jípacu nore núcore aru nijinoí yure máre, pare ñi jecumure, járejame ñ. Aru yõpe arí, yáverejame jípacore:

—Jãjaco. Mímacureca páyube ñ, arejame jípacore Jesús.

<sup>27</sup>Yure máre yõpe arejame Jesús: —Jãjacu. Mípacoreca páðobe õ, arejame yure.

Que teni ji cüramine ñre nãvari epeni, cãvarejacacu yu ñre jipacope.

**Jesús ñi yaino**

(Mt 27.45-56; Mr 15.33-41; Lc 23.44-49)

<sup>28</sup>No yóboi, caiye iye Jümenijicü ñaicõjevarede ñarí bubayu bácu coreóvarejajuemavu Jesús. Que baru yõpe Jümenijicü yávaiyede ñi toivaicõjeiye báquedepedeca vaiquíyep ayu, yõpe arejame Jesús:

—Cüinóivü yure, arejame Jesús.

<sup>29</sup>Nore jorobũ, vino áyaicoro upiáricoroque jorobũ curejavũ. Diede jaũborã uyovarĩ hisopo ámicuricu jocusjicu cavajĩbui jëori jarururejame cüinácũ ina churaravacacũ. Jesúre ñi jjecamura jĩjovarejame ñ. <sup>30</sup>Die upiáteiye báquede neneniburu yóboi, yópe arejame Jesús:

—Quénoramu, arejame Jesús.

Que arĩ, ñi jipobũ mori turĩ, yuyurĩ, yaidéjame.

**Jesús bácuere churara ñi totarĩ  
cõajaroino**

(1 Co 5.7; Ap 1.7)

<sup>31</sup>Dijãravũ torojũve teijãravũ baquinóre meadãijãravũ barejãvũ. Sábado, Pascua ámicurijãravũ, judíovai pũeno meajãravũ, pueðãijãravũ baquinó jipocacajãravũ barejãvũ. Que baru dijãravũ baquinóre ne pëvaimara mácavũ jocuscujaravearã ne mautebenajiyepere aivũ, Pilatore coyurãnurejaimada ñũja judíova ñũje jabovacavũ. Ñere jëniarejaimada, ñi boarĩ pũyoicõjequiyepere aivũ ina jocuscujaravearã jëivũ ne ãraðoare, ne yainãjiyepere aivũ maumena, jõðavari ñnajivũ ne bajuá báquede torojũve teijãravũ baquinó jipocai. <sup>32</sup>Que baru Pilato ñi cõjeniburu yóboi, ina jocuscujaravearã yuyuivure ne ãraðoare boarĩ, pũyorãnurejaima churaravacavũ. Mamarumucacũre earĩ, ñi ãraðoare boarĩ pũyori, apere máre quédeca boarĩ pũyorejaima ina churara, Jesúque jocuscujaravearã pëvaimara mácavũre boavũ. <sup>33</sup>Ûbenita Jesús yebai eavũ, jave yaiyũ bácuere járejaima. Que baru yaiyũ bácuere jári, ñi ãraðoare boarĩ pũyobedejaima.

<sup>34</sup>Ûbenita quédeca cüinácũ churaravacacũ Jesúi tẽpenaba cãchinoi ñi tãutedoruque totarĩ cõajarorejame ñ. Jive ocoque jĩvaiye etarejavũ dicobede, ñi totarĩ cõajaroiyede. <sup>35</sup>Yãvacari járejacacũ. Que barureca ji jáiye báquede toivarĩ epeyubu yũ, mũje ju arãjiyepere ayũ Jesúre. Ji majié jáve bajure coyuyubu yũ.

<sup>36</sup>Que vaidéjavũ. Yópe Jũmenijicui yãvaiyede ñi toivaicõjeiye báquedepedeca vaino marejãvũ: “Ñi cãaðoare ye cüinádo pũyobenajarama na”, arĩ toivaicõjeneaquemavũ Jũmenijicui.

<sup>37</sup>Aru apeno Jũmenijicui toivaicõjeino mácarõ aiyepedeca vaidéjavũ: “Ne totaimũ mácuere járajarama põeva”, arĩ toivaicõjeneaquemavũ Jũmenijicui.

**Jesús bácu jaruvaimũ ne põ  
jaruvainoi**

(Mt 27.57-61; Mr 15.42-47;

Lc 23.50-56; Jn 3.1-2)

<sup>38</sup>Jesús ñi yainĩburu yóboi, ñ mácuĩ baju bácarõre meadãiyucũ, Pilatore jëniacũnurejaimada José Arimateacacũ. Jesús bácu ñi bueimũ mácu baridurejame. Ûbenita sacerdotevare pare jidurejaimada. Que baru “Jesúcacũbu yũ”, arĩ coyũbedejaimada José. Pilato Joséde ju arejaimada. Que baru Jesús bácuĩ baju bácarõre ñni, ñvarejaimada Joséjá. <sup>39</sup>Joséde cadatecũnurejaimada Nicodemo, ñai mamarumũre ñami Jesús bácuere borotecũnũũ mácu. Jesús bácuĩ baju bácarõre meadacũyũ, Nicodemo me mumijũripenaque jĩvaiyede ñvarejaimada. Jocuscũ cuidó mirra ámicuricu yoca aru vecũjichĩabo jëicũcoro máre, treinta paikilos ñni ñvarejaimada.

<sup>40</sup>Jesús bácuĩ baju bácarõre ñni, ñvuri, meadarejaimada na. Meacaje lino ámicuricajeque aru iye mumijueque ñ mácuĩ baju bácarõre cãmarejaimada. Ñũja judíova ñũje ðarĩ cõmajiyepere yaiyũ bácuere ñũje jaruvãrãjiye jipocai meadarejaimada Joséjá. <sup>41</sup>Jesús bácuere ne pëvari jëoino mácarõ joabejĩno oteiyecurõ ñ mácuere ñvarejaimada. Nore põ jaruvãicobe mamacobe curejavũ. Cũracobei Jesús bácuere ñvarejaimada. Põeva ne yavũ bácvũ ne ñmamecobe barejãvũ dicobe. Nore Jesús bácuere jaruvãrãnurejaimada Joséjá. <sup>42</sup>Jabuõvaijãravũ baquinó jipojĩca barejãvũ no. Aru dicobe joabejĩno marejãvũ. Que baru maumepeda Jesús

bácuī baju bácarōre meadarī, nore jaruvarānurejaimada.

**Jesús ũi nacajaino yainore jaruvarī**  
(Mt 28.1-10; Mr 16.1-8; Lc 24.1-12)

**20** <sup>1</sup>No sumana buijāravu domingo javejīnara, aviá ũi tucumuquiye jipocai, Jesús bácuī ne jaruvainoi jáconurejacoda María Magdalacaco. Nore earī, no cūraturava uraturava dicobede bieiturava bácarō javeta veoiturava bácarō marejāvūya ecoicobede jocarī.

<sup>2</sup>Nópe jári, cūiná cúyarī darī, Simón Pedrore aru yure máre coyucocoeajaco María. Ñūjare edarī, yópe arī, coyurejaco:

—Maje jabocu bácuī baju bácarōre dicobede jocarī ĩni, nuvari, apenoi epenama apevu. Ne nuvari epeinore majibevu ñūja, arejaco ñūjare María.

<sup>3</sup>Ōi que aiyede, ĩmarore jocarī nurejacaarā ñūja, Pedromaque, Jesús bácuī ne jaruvainore járanuivū. <sup>4</sup>Cúyarī nurejacaarā ñūja. Ubenita Pedrore jocarī nuri, ũi jipocai earejacacu yu.

<sup>5</sup>Ūi jipocai earī, dicobe jívuī nacachini járidurejacacu yu. Nore Jesús bácuī ne cūmaicajea báquede, nore paraicajeare, járejacacu. Ubenita dicobede ecorī nūmenejacacu yu. <sup>6</sup>Ji yóbo earī, dicobei cūiná ecorī nurejame Pedro. Dicajeare nore paraicajeare járejamedā ũ máre.

<sup>7</sup>Aru yaiyú bácuī ne jípubure moaicaje bácarōre jícuā tubaricaje pēpeicajede máre járejamedā Pedro. <sup>8</sup>Dinūmu dicobede mamarūmure eayū bácuī nore ecorī nurejacacu yu máre. Nore ecorī, yu máre caiyede járejacacu.

—Jāve bajubu. Jave nacajacube Jesús yainore jaruvarī, arī dápíarejacacu.

<sup>9</sup>Jūmenijicūi toivaicōjeiye báque jipocaquede, Cristo nacajacuyure yainore jaruvarī majibenidurejacaarā ñūja cāreja.

<sup>10</sup>Dinūmūma, járiduivū bácvū, ñūje cūramī copainurejacaarā ñūja pucarā.

**Jesús ũi cueteino María**  
**Magdalacacore**  
(Mr 16.9-11)

<sup>11</sup>María Magdalacaco copainuri Jesús bácuī ne jaruvainoi, dicobe

jedeva bajita núco barejácoda, odo. Orī, nacachini, dicobe jívuī járejacoda.

<sup>12</sup>Nore pucarā ángelevare, Jūmenijicūi daroimarare, járejacoda María.

Boricajeare doivu dobarejaimada na Jesús bácuī paraino mácarōi, cūinácu ũi jípubu bácarōi aru apecu ũi cuboba bácarōi. <sup>13</sup>Aru arejaimada óre:

—Mu, nomió, ¿aipe teni odorū mu? arejaimada na.

Ō arejacoda:

—Ji jabocu bácuī baju bácarōre nuvarama apevu. Ári ne nuvainore majibevu yu, arejacoda.

<sup>14</sup>Que adova, copedini, nore núcuīre Jesúre járidurejacoda. Ubenita ũre coreóvabedejacoda. <sup>15</sup>Óre arejamedā:

—Mu, nomió, ¿aipe teni odorū mu? ¿Ñamene vodorū mu? arejamedā.

Ubenita, “Yore oteiye curōre coreipōescu bajubí ũ, que ayū”, arī dápíaridurejacoda ō.

—Mu, ũmu, ũ mácuīre nuvañū mácuī baru, mi epeinore coyujacu yure. Yu bácojivu ũre ĩconuño, arejacoda ō.

<sup>16</sup>Jesús arejamedā óre:

—María, arejamedā.

Cūiná copedini ō, hebreo āmicuricamua yávaicamuaque:

—Rabunī, arejacoda Jesúre.

Rabunī aiyrō, bueipōescu aiyrōtamū.

<sup>17</sup>Yópe arī, coyure nurejamedā Jesús.

—Jipacu yebai nūmevu yu cāreja. Que baru yure jēni jámejaco mu. Quénora jívuīre yópe coyucasonujaco yure: “Jipacu yebai, ji mearore jímu yebai, nuñutamu yu. Aru jipacu nujejacube ũ. Mūje mearore jímuī ũ jipacu”, yópe arī, náre coyucajaco yure, arejamedā Maríare Jesús.

<sup>18</sup>Que arīburu yóboi, ñūja ũi bueimarare coyucodarejaco María:

—Maje jabocure jávu yu, arejaco ñūjare.

Que arī, ũi aiyē báquede coyurejaco ō ñūjare.

**Jesús ũi cueteino ũi bueimarare**  
(Mt 16.19, 18.18, 28.16-20;  
Mr 16.14-18; Lc 24.36-49)

<sup>19</sup>Dijāravū, sumana buijāravūmica ñamine, ñūje cūramine bienina

curejacadã ñũa, Jesúí bueimara, diñami jáivui, ñuje jidúé boje ñũa judíova ñuje jabovare. Que jidurivure ñuje coricai cuetedejame Jesús.

—¿Ména curārũ muja? arejame ñujare Jesús, jacoууу.

<sup>20</sup>Que ayũva, ñi puruáre aru ñi tépenaba cãchinoi ñi churiá báquede jádovarejame Jesús. Ñuje jabocure jáivũ, urarõ torojurejacadã ñũa. <sup>21</sup>Bedióva cojedeca ñujare arejame Jesús:

—¡Cujarã muja cãrijimena! Yópe yure jipacu ñi daroiye báquedecada caivure buiecõjeni, nopedeca yu máre mujare jaroутamu yu, arejame ñujare Jesús.

<sup>22</sup>Que arí, ñujare ñime japurejame. Aru arejame:

—Espíritu Santore jacopujarã muja.

<sup>23</sup>Ñamene “Jümenijicu arumemi muje ãmeina teiyede” muje aru, jáve diede arumemi Jümenijicu. Æbenita ñamene “Jümenijicu arumetebebi muje ãmeina teiyede” muje aru, jáve diede arumetebebi Jümenijicu, arejame ñujare Jesús.

#### **Tomás ñi jáino Jesúre nacajañũ mácure yainore jaruvarí**

<sup>24</sup>Jesús ñi edaiyede ñujacacu Tomás, pëjacu ñuje aimũ, ñujaque cubedejame ñi. <sup>25</sup>Que baru Jesús ñi nuriburu yóbo, Tomáre coyurídurejacadã Jesúre jáivũ bácvu:

—Maje jabocure jáivũ ñũa, arejacadã ñũa.

Aru Tomás arejame:

—Jáve ãnevũ. Æ baju ãmeteyũte. Æi puruáre ne pëvaiye báquede yu ji baju jáñũ maru, “jáve” acуутu yu. Ne pëvaiyoa coiye báquede ji ãmuyoque yu ji baju doarí jáñũ maru máre, “jáve” acуутu yu. Aru ñi tépenabacachuri bácarõre yu ji baju doarí jacoуу baru, “Jãvetame ñai” acуутu, arejame ñujare Tomás.

<sup>26</sup>Ocho pajjáravũa yóboi, nomica ñuje cãramine bienina curejacadã ñũa cojedeca. Dinũmure ñujaque curejame Tomás máre. Diñami bieñamineca ecorí, ñuje coricai cuetedejame Jesús cojedeca. Aru arejame ñujare:

—¿Ména curārũ muja? arejame.

<sup>27</sup>Dinũmure arejame Tomáre:

—Mũ, Tomás, mi ãmuyoque ji puruáre mu mi baju doarí jácvadajacu. Aru ji tépenabacachuri bácarõre máre mu mi baju doarí jájacu. Ju abecu tebejacu mũ. “Jãvemũ” arí, ju ayu tejacu, arejame Tomáre Jesús.

<sup>28</sup>Tomás, ñi churiá báquede jári majicu, arejame:

—Ji jacobu bajubu mũ. Yure Jümenijicu bajubu mũ, arejame.

<sup>29</sup>Aru Jesús arejame:

—Yure jáivũ mu mi baju. Que baru mu yure ju aivũ. Torojurivubu na jámevũva yure ju aivũ, arejame Jesús.

#### **Juan ñi toivaino pöeva ne ju arãjiyepe ayu Jesúre**

<sup>30</sup>Pöeva ne ñarí majibede ure ñarejame Jesús ñuje jáiyede. Yore ijãravui ñi daiye báque caiyede corevarí toivabevu yu.

<sup>31</sup>Æbenita diede toivacaivũ yu, Jesúre muje ju arãjiyepe ayu. “Jesucristobe Jümenijicui daroimũ mácu. Jümenijicui mácube Jesús” muje arãjiyepe ayu, iyede toivacaivũ. Mũje majini ju arãjiyepe ayu ñre, iyede toivacaivũ yu. Jesúre ju arí, mamaũme cvarãjaramu muja. Que baru mujare, yópe arí, toivacaivũ yu.

#### **Jesús ñi cueteino siete paivũ ñi bueimarare**

(Lc 5.5-6)

**21** <sup>1</sup>No yóboi bedióva cojedeca ñujare cueteni, jádovarejame Jesús macajitabu Tiberias ãmicurijitabu êcarui. Yópe barejãvũ Jesús ñi cueteino mácarõ. <sup>2</sup>Simón Pedro; Tomás, pëjacu ñuje aimũ; Natanael, Galileacarõ ñmarocacu, Canácacu; Zebedeoi mára pucarã, jimamicu aru yu; aru aprevu pucarã Jesúí bueimara quévũra curejacadã ñũa nore.

<sup>3</sup>Simón Pedro arejame ñujare:

—Yu moa boacãñũmu, arejame.

Aru ñũa arejacadã:

—Jede, ñũa máre daivubu, arejacadã.

Que arí, jiaðocũ jaturãñurejacadã ñũa. Jave nainũta marejãvũ. Nami

joarō pápi boarídurejacaṛā ñuja. Ûbenita boabédejacarā. Ye cūinájicu cūvabedejacarā. <sup>4</sup>Javejīna miadāe tuiyede, dibu ēcarui cucudarejaquemavu Jesús. Ûbenita ñuja moa boaríduiuv ũre nore núcure jári coreóvabedejacarā.

<sup>5</sup>Ñujare órejurejame, yópe arí:

—¿Moa boabénaru muja? arí jēniari járejame ñujare.

—Bítamu. Moa boabévu, arejacarā.

<sup>6</sup>Jesús arejame ñujare:

—Jiadocūi meapūravui dūvarī, jaboájarā muja. Que đaivu boarājaramu muja, arejame.

Ûi que aiyede, meapūravui dūvarī, jaboárī, dabūborī, īnidurejacaṛā. Moa pūcajīnare boaréjacarā. Dabūborī oabedejacarā. <sup>7</sup>Yu, Jesúí pare jecumu, arejacacu Pedrorre:

—Maje jabocūvacaribe ñai, que ayu, arejacacu Pedrorre.

Simón Pedro ji que aiyede ũi pūenocacajede duyu bācu ũi moa boarí memeiye boje, dorī, jārióri, dibui biarārī corī Jesús yebai tarī nūrejame. <sup>8</sup>Ûi yóboi jiadocūi darejacarā ñuja. Dicu pápicure moa buiní vaidéjaima na. Que baru dicure īni, adaivu oabedejacarā. Quéda jabūborī, ēcarui mavaranūrejacaṛā. Joabejīno cien paimetros bajo barejávū.

<sup>9</sup>Écarui eaivu, jiadocūre datuórí, mari nūrejacaṛā pū Jesús yebai. Toaboi moa joayú barejáme ũ. Aru páure máre cūvarejame Jesús.

<sup>10</sup>Dinumure Jesús ñujare arejame:

—Muje boaimara mácavu obebevure davajarā, arejame.

<sup>11</sup>Que arí, jiadocūi jatucūnurejame Simón Pedro cojedeca. Pápicure jabūborī, ēpacūi jūarejame. Ûrarā marejáima ñuje boaimara mácavu. Ciento cincuenta y tres bajo barejáima. Obedivūvacari dicu pápicure codebedejaima na.

<sup>12</sup>Jesús arejame ñujare:

—Áradajarā, arejame.

Aru “¿Ñamēnu mu?” abedejacarā ñuja Jesúre. Ûre majidejacarā. <sup>13</sup>Ñujare tuorejame Jesús ñuje aiyede. Páure jīni aru moa ũi joaimara mácavure máre ñujare jídejame Jesús.

<sup>14</sup>Nóque yóbecue ñuja ũi bueimare cūetedejame Jesús ũi nacajariburu yóboi yainore jarūvarī.

### Jesús Simón Pedromaque ne boroteino

<sup>15</sup>Ñuje āri buojarīburu yóboi, Simón Pedrorre jēniari járejame Jesús:

—Mu, Simón, Jūai mácu, ¿ucurū mu yure ina apevu ne ue pūeno? arejame.

Aru Pedro ju arejame:

—Mu, ji jabocu, mure uvu yu. Ji uede mure majivu mu, arejame.

Ûi que aiyede, Jesús arejame:

—Dinumū yure ju aivure, paūbevure cāreja ne ũmei, meadacajacu yure.

Mi coreiye inare jauvu yópe ovejava mamajinare coreiye jauépe. Ji couyiye báquede bueni, náre yure ju aríduivure ju are đajacu, arejame Pedrorre.

<sup>16</sup>Bedióva cojedeca ũre quédeca jēniari járejame Jesús:

—Mu, Simón, Jūai mácu, ¿yure ucūru mu? arejame.

Ju arejame Jesúre cojedeca:

—Mu, ji jabocu, mure uvu yu. Ji uede mure majivu mu, arejame.

Ûi que aiyede, Jesús arejame:

—Yópe ovejavare coreipōecu ũi meadaiyepe ovejavare, nopedeca yure ju aivure meadacajacu yure. Ûi aoiyepe ovejavare, ji couyiye báquede buejacu mu yure ju aivure, arejame Pedrorre.

<sup>17</sup>Que arí, bedióva cojedeca jēniari járejame ũre Jesús:

—Mu, Simón, Jūai mácu, ¿yure ucūru mu? arejame.

Yóbecue Jesús ũi que aiyede, ũrarō chíorejame Pedro. Que baru arejame:

—Mu, ji jabocu, caiye jaubeda majivura mu. Mure uvu yu. Majivura mu, arejame.

Jesús arejame Simón Pedrorre:

—Yure ju aivure meadacajacu yure.

Ovejavare paivubu na. Ji couyiye báquede náre majicajacu mu. <sup>18</sup>Jāve couyūbu mure: Mu mi bojūātma doiyē mi uede dorī, ári nuiyacu mu, nuquemavu mu. Ûbenita bucūcūta mure buorī nūvacūyume apesu. Mi āmuveare

dabuborí, buorí, ďacuyume mure.  
Dinumu maquinó mi nuuyubenoí mure  
nuncuyume, arejame.

<sup>19</sup>Nópe ayu, Pedro ũi vaiquínore  
coyuyu barejaquémavu Jesús. “Mi  
vaiquínore mi ďaiye boje ji urópe jári,  
Jāmenijicure mearore jínajarama pōeva”,  
ayu barejaquémavu Jesús, Pedroro que  
ayu. Dinumu arejame Pedroro:

—Ji bueimū májacu mu, arejame Jesús.

**Jesúí bueimū pare ũi jecumu**

(Jn 13.25)

<sup>20</sup>Pedro copedini yure ũi yóboi  
dayure járejame. Yu barejacácu, Jesúí  
bueimū ũi pare jecumu, ũi yebai ũi  
tucavai dobacu bācu űņje āino mácarōre.  
“Mu, ji jabocu, ĩñame maquidí mure jēne  
ďacuyu mi mauvare?” jēniari jáñu mácu  
barejacácu Jesúre. <sup>21</sup>Ne yóboi dayure  
yure jári, yópe arejame Jesúre Pedro:

—Mu, ji jabocu, ĩñaine aipe  
vaiquídica? jēniari járidurejame Jesúre.

<sup>22</sup>Jesús arejame Pedroro:

—Ji uru, bedióva cojedeca ji  
copaidaiyeta yaibécuva cųjebu

ũ. Ñaine vaiquíye míye āmevu.  
Cārijovamejacu ũre vaiquíyede.  
Múcapūravu quéda ji bueimū májacu  
mu, arejame.

<sup>23</sup>Que teni Jesús ũi aipe báque  
boro nurejaquemavu ũi bueimara  
jēneboi: “Jesúí bueimū pare ũi  
jecumu yaibécuyume ũ”. No aino  
boro nurejaquemavu yurā. Que  
arĩdurejaima Jesúcavu. Ŭbenita nópe  
ayu āmenejame Jesús. “Ye yaibécuyume  
ũ”, ayu āmenejame Jesús. Quénora “Ji  
uru, bedióva cojedeca ji copaidaiyeta  
yaibécuva ũi curu, míye āmevu”,  
arejame Jesús.

<sup>24</sup>Jesús ũi que aimumu yu. Que  
barureca nuriéna coyuyubu yu. Iye  
caiye ji toivarí epeiye báque jāvetamu.  
Ji toivarí epeiye báque űņja majivu  
jāvene.

<sup>25</sup>Jesús ũi ďaiye báque caiye cuvū.  
Ŭbenita caiye yore toivabevu yu. Caiye  
ũi teiye báquede paperare toivarí  
jēoru, paperatucuboa ure baju űņjebu.  
Caiye iye toivajuroede epeino cubejebu  
ijaravui. Quénoramu.

# Jesús ñi yávaiye méne beorí coyucõjeimara ne ðaiye Espíritu Santoi paruéque

## Los hechos de los apóstoles

Mamabuinore coyuiyebu Lucas bácu ñi toivaiye báquede Jesús ñi yávaiye méne beorí coyucõjeimara ne ðaiye báquede Espíritu Santoi paruéque. Lucas bácu, judío ãmenejaquemavu. Juoipõecu barejaquemavu (Col 4:11-14). Cucunrejaquemavu Pablo bácuque (Hch 16:10). Diede toivarejaquemavu, buojacuyu ñi toivaino mácarõre ñi buiye báquede ñi coyuiyeque Jesucristorã. Que baru Lc 24:50-53 aru Hch 1:1-11 máre coyurejaquemavu Jesús ñi muri nuino mácarõre cavarõ mearoi. Majidivũ ne dápiayepe maumena ñi jebeniburu yóboi ñi toivaino mácarõre Jesucristorã, toivarejaquemavu Jesús ñi yávaiye méne beorí coyucõjeimara ne ðaiye báquede Espíritu Santoi paruéque, ãniujua báquede 62-65 d.C. Ári ñi cuede ñi toivaiyede diede caivu majibevũ.

Toivarejaquemavu ñai ñũ Teófilo bácu aru apevu judíova ãnevure, ne majinaiyepẽ ayu aipe ina Jesús ñi yávaiye méne beorí coyucõjeimara mácavu ne coyuiyede, aipe judíova ne ju abede iye coyuiyede, aipe judíova ãnevũ ne ju aiyede diede, aru aipe jabova ne ðaiyede ina Jesús ñi yávaiye méne beorí coyucõjeimara mácavure. Yópe Jesús ñi coyucõjeiyepe ñi yávaiye méne “Jerusalécavure, Judeacavure, Samariacavure, aru pu caino joborõcavure máre” (1:8) nopedeca coavaiye buoiaivu iye toivaiye báquede: (1) ne coyuiyede Jerusalén ãmicuriimarcavure (1:1-6:7); (2) ne coyuiyede Judea aru Samaria ãmicurijoborõcavure (6:8-9:31); (3) aru ne coyuiyede apenoa joborõcavure máre (9:32-28:31), ina Antioquia ãmicuriimarcavure (9:32-12:24), ina Asia ãmicurijoborõcavure (12:25-16:5), ina Egeo ãmicuriya jia urada écarucavure (16:6-19:20), aru ina Roma ãmicuriimarcavure máre (19:21-28:31).

### Espíritu Santo ñi daquino

(Mt 3.11; Mr 1.8; Lc 3.16, 24.49; Jn 1.33)

**1** <sup>1-2</sup>Mũ, Teófilo, ji mamarũmu toivaiye báquede toivacacu yũ, mi majiquiyepẽ ayũ caiye iye Jesús ñi ðaiye báquede aru caiye iye ñi bueiye báquede máre. Majicacacu yũ mũre caiyede Jesús ñi memeni buijãravure, aru pu ñi cavarõ mearo Jũmenijicui curõi mũijãravũita máre, jípacu Jũmenijicui ñi jacopaiyovaiyede ñre cavarõ mearo ñi curõi. Aru ñi muri mũquiyepẽ jipocai, Jesús ðaicõjonejamedã ñi yávaiye méne beorí coyucõjeimara ñi beoimara

mácavure, Espíritu Santoi paruéque.

<sup>3</sup>Aru caiye cuarenta pajãravũã Jesús ñi yainĩburu yóboi, ina ñi yávaiye méne beorí coyucõjeimara jávarejaimada ñre cainũmũã. Que baru jáve majidejaimada na Jesús apucure cojedeca, nacajañũ mácu yainore jaravari. Ñre járejaimada. Aru coyurejamedã náre Jũmenijicui jabotequiyede ñi põevare.

<sup>4</sup>Jesús cucu bácu náque cãreja, yópe arĩ, cõjonejamedã náre:

—Numejara mũja Jerusaléne jocarĩ cãreja. Quéda corejarã ñaine, jípacui daroquimure mũjare. <sup>5</sup>Juan Bautista bácu jáðovame mũjare Jũmenijicure

ocoque. Ñbenita yu jádovacuyubu mujare Jūmenijicure pueno mearo baju obebejārvua yóboi. Darocuyubu mujare ñai Espiritu Santore, arejameda náre Jesús.

**Jesús ñi mũino ñmũi, cavarō mearo  
Jūmenijicui curōi**

(Mt 28.19; Mr 16.15, 19; Lc 24.47-48, 50-51)

<sup>6</sup>No yóboi, Jesús ñi yávaiye méne beorī coyūicōjeimara cójijidejaimada ñque cūracū Olivocū āmicuricū puenoī. Aru jēniari járejaimada ñre:

—Mũ, ññje jabocu, ¿caride jaboteicōjequidica mũ cojedeca majacavũ, Israecavure? arejaimada na.

<sup>7</sup>Jesús arejameda náre:

—Jipacu, ñi caivure jaboteiye boje, majibi aipijārvua vaiquíye jaurōre. Ñbenita ñ majicōjememi mujare iyede.

<sup>8</sup>Jūmenijicu darocuyube ñai Espiritu Santore, ñi ñaicōjequiyepe ayũ mujare. Que baru mũja coyurājaramu ji yávaiye méne. Coyurājaramu mũje jáiyede ji ñaiye báquede aru mũje jápiayede ji coyūiye báquede máre. Coyurājaramu caivũ ijārvucavure: Jerusalécavure, Judeacavure, Samariacavure, aru pũ caino joborōcavure máre, arejameda Jesús.

<sup>9</sup>Que arī yávaiyeda, Jesúre jacopaiyovarejaquemavu Jūmenijicu náre jocarī, cavarō mearo ñi curōita. Ñi mũiyedeca oopenibo darī, ñre taorejavūya. Quéñora jámenejaimada ñre. <sup>10</sup>Ne járiduiyedeca cavarōre Jesús mũri bñjayure, cūiná, pucarā ñmũva doivũ boricajea cuitótecajearu nūrejaimada ne yebai. <sup>11</sup>Ina pucarā ángeleva jēniari járejaimada náre: —Mũja, Galileacavu, ¿aipe teni yui nūri jáivũñi mũja cavarōre? Ñai Jesús mũñũ mácu mujare jocarī cavarō mearo Jūmenijicui curōi copaidacuyube cojedeca ijārvui cavarō mearore jocarī yópe ñi mũiyepedeca, arejaimada.

**Matíare ne beoino Judas bácu ñi  
yaiye boje**

(Mt 3.16, 10.2-4, 27.3-8; Mr 1.9, 3.16, 19, 16.19; Lc 3.21, 6.14-16, 24.51)

<sup>12</sup>No yóboi, Jesús ñi yávaiye méne beorī coyūicōjeimara copainūrejaimada

cūracū Olivocū āmicuricūre jocarī Jerusalén āmicurīmaroi. Cūinákilometro vaivárejaimada na. Yópe judíoiva ne jabuóvañjārvui nuicōjeiyepe vaivárejaimada na. <sup>13</sup>Ne eaiyede diīmaroi, ecorī, nuri cūinádami cūrami, ñmucacucubuita, ne curitucubui, ecorejaimada na: Pedro, aru Juan, Santiago, Andrés, Felipe, Tomás, Bartolomé, Mateo; apescu Santiago, Alfoi mácu; Simón āmicucu Celote, aru Judas, apescu Santiago jicu máre. <sup>14</sup>Obedijārvua Jūmenijicūque jēniari, cójijivu barejaimada na nore. Jesú yóva, María, Jesú paco, aru apenvũ nomiva máre, caivũ ina cūináturũ ne ñme Jūmenijicūque jēniarejaimada na.

<sup>15</sup>Obebejārvua yóboi, Jesúre jũ aipōeva cójijidejaimada. Ciento veinte paivu baju barejaimada na. Aru Pedro nacajari arejameda náre:

<sup>16</sup>—Mũja, jívũ, jave vaivá yópe Jūmenijicui toivaicōjeiye báquepe David bácu Espiritu Santoi paruéque. Judas bácu jēni jīame Jesúre ñi mauvare. <sup>17</sup>Û mácu, majacacu bácu, yóvayũ bateáme majare. Que baru ñ mácu máre Jesús ñi beoimũ mácu bateáme, ñi memequiyepe ayũ majaanque, arejameda náre Pedro.

<sup>18</sup>Jesúre ñi jēni jíquiye jipocai, Judas bácu jacopūrejameda tāuturare, ñi Jesúre jēni jíye boje, ñi āmeina teiye boje. Iye tāutūraque apenvũ bojedarejaimada cūináro joborōre. No joborōre ñi baju boarī jarũvaiyũcu, ñmũi turī darī ñi baju bñjarejaimada Judas bácu. Aru ñi curabo etarejavūya joborōita. <sup>19</sup>Caivũ Jerusalén āmicurīmarocavu jápiarejaimada ñ mácu borore. Que baru ne yávaicamuaque āmidorejaimada no joborōre Acéldama āmicurō, Jivecurō aiyrō. <sup>20</sup>Pedro are nūrejameda ina Jesúre jũ aipōevare yópe:

—Jave toivarejaquemavu iye toivaiye báque Salmos āmicurōi yópe Judas bácu borore:

Ñi curō mácarō pōecubeno majaróri. Ñame cubejarāri nore, arī toivarejaquemavu.



'Aru yópe toivarejaquemavũ apeno Salmoi:

Apecu ñajacurĩ ñi memeiño mácarõre, arĩ toivarejaquemavũ.

<sup>21-22</sup> 'Que baru apecu yóvajacurĩ ñũjare, ñi máre coyũcuyũ põevare ñũjare: "Majivũ yũ Jesús apũcũre. Êre jácasu yũ, nacajañũre yainore jarũvarĩ", arĩ coyũcuyũme ñi. Ê majacurĩ cũinácũ nácasũ ina ñũjaque curivũ bácavũ jaravũa coapa Jesús ñi cuiyede ñũjaque, Juan Bautista bácũ ñi jádovari buiyede põevare Jũmenijicũre ocoque, aru pũ Jesús ñi mũijãravũita cavarõ mearo Jũmenijicũ curõi, arĩ coyũrejameña náre Pedro.

<sup>23</sup> Êi coyũrĩburu yóboi, ina põeva jádovarejaimađa pũcarã ñmũvare, nácavũre, cũinácũ ñi ãmiá José, ne ãmidoimũ Barsabás aru apenũmũa ne ãmidoimũ Justo, aru apecu máre, ñi ãmiá Matías. <sup>24-25</sup> Yópe arĩ, jẽniarejaimađa ina Jesũre jũ aipõeva Jũmenijicũque:

—Mũ, ñũje jabocũ, me majivũ mũ caivũ põeva ne dápiaiyede. Que baru jẽniaivũbu mũre. Majide ñajacu ñũjare ñamene ina pũcarã ñmũvare mi beoimũre, ñi memecaquiyepẽ cũinátũru ñũjaque mi yávaiye méne beorĩ coyũicõjeimaraque. Judas bácũ ñajocame mi yávaiye méne coyũinore, ñi nũiyede toabo cũiméboi, ñi ãmeina teiye báque boje. Que baru apecũ mi yávaiye méne beorĩ coyũicõjeimũ jaubi, arĩ jẽniarejaimađa na.

<sup>26</sup> Ne jẽniariburu yóboi, ñvarejaimađa cũrayabeare, ina pũcarã ñmũva ne ãmiáque. Aru tũrejavũya ñiyabe Matías ñi ãmiáque. Que baru ñi máre, apecũ once paivũque, Jesús ñi yávaiye méne beorĩ coyũicõjeimũ tedejameña Matías.

**Espíritu Santo ñi edaino  
Jesũre jũ aipõevare**

**2** <sup>1</sup> Pentecostés ãmicũrijãravũ eaiyede, caivũ ina Jesũre jũ aipõeva cójijidejaimađa cũinãdami cũrami jĩvũ. <sup>2</sup> Cũinã jápiarejaimađa

ũrarõ bujinore yópe ñmevũ parũrõ jarũinope. No bujino ñarejavũya cavarõre jocarĩ. Aru caivũ ina dobarivũ ñĩnami jĩvũ jápiarejaimađa no bujinore. <sup>3</sup> No yóboi, járejaimađa ñre toa quĩjino uruino yópe jemedope. Tubarejavũya caivũre, náre coapa. <sup>4</sup> Caivũ ina põeva cũvarejaimađa ñai Espĩritu Santore. Náre yávaicõjenejameña. Aru yávarejaimađa apecamua yávaicamua ne majibecamua, yópe ñai Espĩritu Santo yávare ñaiyepẽ náre coapa.

<sup>5</sup> Nore Jerusalén ãmicũriĩmaroi judfova caino joborõcavũ cũrejaimađa ñijãravũare. Ina judfova cainũmũa jídejaimađa mearore Jũmenijicũre. <sup>6</sup> Ne jápiaiyede iye vaiyede, obedivũ ina judfova cójijidejaimađa. Aru jápiarejaimađa caivũ na coapa Jesũre jũ aipõeva yávaivũre ne yávaicamuaque. Que baru pare cũcumarejaimađa na. <sup>7</sup> Cũcumari, pare dápiaivũ arejaimađa na:

—Jãrijide apa. ¿Galileacavũ ãmeni caivũ ina yávaivũ? <sup>8</sup> ¿Aipe teni caivũ ñũja jápiaivũba náre yávaivũre ñũje yávaicamua coapa? <sup>9-10</sup> Yui curivũbu apecũ Partiacavũ, aru apecũ Mediacavũ, apecũ Elãcavũ, apecũ Mesopotamiacavũ, apecũ Judeacavũ, apecũ Capadociacavũ, apecũ Pontocavũ, apecũ Asiãcavũ, apecũ Frigiacavũ, apecũ Panfiliacavũ, apecũ Egiptocavũ, apecũ Áfricãcavũ, aru apecũ Cirenacavũ máre. Aru apecũ Romacavũ máre curivũbu yui. Apecũ majacavũ judfovã, ne põeteiye báque boje nópe, ne cãvã boje nẽbũcãva judfova. Aru apecũ majacavũ judfova ãmevũ, ñbenita jũ aivũbu judfovai bueiye. <sup>11</sup> Curivũbu apecũ Cretacavũ aru apecũ Arabiacavũ máre. Ñbenita maja jápiaivũbu náre yávaivũre maje yávaicamua coapa. Coyũivũbu majare Jũmenijicũi ũrarõ mearo ñainore ñi parũéque, arejaimađa ne bajumia.

<sup>12</sup> Cũcumãivũ aru jápiarĩ eabevũ cãreja, jẽniari járe cuivũ barejãimađa ne bajumia:

—¿Aipe ñarĩ jápiarĩ earãjídica maja caiyẽ iyede? arejaimađa na.

<sup>13</sup> Ûbenita arevũ yurivũ arejaimada ina Jesũre ju aipõevare:  
—Ina ãmũva pacovatamu! arejaimada.

**Pedro ãi yávaino põevare**

(Mt 22.44, 27.35, 28.5-6; Mr 12.36, 15.24, 16.6; Lc 20.42-43, 23.33, 24.5; Jn 19.18; 1 Co 15.25; He 1.13)

<sup>14</sup> Dinũmũma Pedro nacajari, nũri arevũ once paivũ Jesũs ãi yávaiye méne beorĩ soyũicõjeimaraque parũrõreca soyũrejameđa caivũ ina obedivũ põevare, ne jápiarĩ earãjiyepe ayũ iye ne jáiye báquede aru ne járiaiye báquede máre.

—Mũja, judíoiva, jívũ, caivũ mũja Jerusalécavũ, caride coreóvajarã diede, ñũje majiéde. Járiajarã yũre. Aru me jápiarĩ adajarã ji soyũquiyede mũjare.

<sup>15</sup> “Pacovabebu”, arĩ dáriaiyvũbu arevũ mũjacavũ ñũjare. Ûbenita javejĩnamu, nueve baji caride. Que baru pacova ãmẽvũ ñũja. <sup>16</sup> “Pacovabebu”, arĩ dáriabejarã mũja ñũjare. Que baru põescu cubebĩ pacoteyũ javejinare. Quénora ñũje ðaiyede yõpe soyũcarejaquemavũ Jũmenijicũi yávaiyede soyũcaipõescu básu, ãi ãmiã Joel.

<sup>17</sup> Jũmenijicu arejaquemavũ: “Yõpe ðascũyũtu yũ ãnijãravũna bũojaquijãravũna baquiyéna. Daroscũyũtu ji Espĩriture caivũ põevare. Mũjemara, aru mũjemaromiva máre, Jũmenijicũi yávaiyede soyũsarãjarama. Mũjacavũ ãmũva bojvũ arũrivũre yõpe decoboainope majide ðascũyũtu yũ. Aru mũjacavũ ãmũva bũscũvare majide ðascũyũtu yũ decoboainoque. <sup>18</sup> Jáve ãnijãravũna baquiyéna daroscũyũtu ji Espĩriture yũre memecaipõevare, ãmũvare aru nomivare máre, ne soyũsarãjiyepe ayũ ji yávaiyede. <sup>19</sup> ðascũyũtu yũ põeva ne jámene cavarõĩ aru ne ðarĩ majibede joborõĩ. Aru põeva járajarama jivede, toare, aru bicore máre,

caino jidojarõ, ji jáðovaquiyẽ jipocare náre. <sup>20</sup> Jũmenijicũi ñãjiovaquijãravũ baquinó jipocare põevare, ne ãmeina teiye boje, ñai aviã pẽomescũyũme. Quédata ñemitecũyũme ãi. Aru aviã ñamicacu máre jũatecũyũme yõpe jivepe. Yõpe vaiquiyebu maje jabocu Cristo ãi daquijãravũ baquinó jipocare. Põeva járajarama urarõ ne ðarĩ majibede. Aru ne jáiyede diede pare cuedmarajarama na. <sup>21</sup> Dijãravũna baquiyéna meaðascũyũtu caivũ ina órejaiyvũre yũre ji cadatequiyẽpe aivũre náre. Ĩcũyũtu náre abujuvai jabocuĩ parueđe jocarĩ”, arejaquemavũ Jũmenijicu, soyũcarejaquemavũ Joel básu.

<sup>22</sup> Mũja, Israecavũ, me járiajarã ji soyũquiyede mũjare. Jũmenijicu jáve jáðovaquemavũ mũjare ãi daroimu mácure, ãi me jáimũre, Jesũs Nazarecacure. Que baru Jesũs ðáme ãi ðaiye báquede Jũmenijicũi parueđeque, põeva ne jámene, aru ne ðarĩ majibede, aru ape parueđeque ðaiyede máre mũje jẽneboi. Que baru mũjavacari majidivũbu caiye iye jávene. <sup>23</sup> Ñai Jesũre Jũmenijicu javede jẽni jicõjenejaquemavũ, yõpe ãi urõpe aru ãi majiéque máre. Que baru jẽni jíquemavũ ãre mũjare. Aru mũja boarĩ jarũvaicõjeavũ ãre, ãmeina teivũre ne pẽvarajiyepe aivũ ãre joscũjaravena. <sup>24</sup> Ûbenita Jũmenijicu nacovaquemavũ ãre yainore jarũvarĩ. Jesũs yayiũ básũvacari, mautebeteame yayiũ básure. Que baru Jũmenijicu jebequemavũ ãi ñãjiye báquede ãi yainore. <sup>25</sup> Javede ñai jabocu David básu, yõpe arĩ, Jũmenijicũi yávaiyede soyũcarejaquemavũ Jesũrã:

Cainũmũa jácacu yũ ji jabocure ji jipocai. Û cubi ji yebai. Que baru arevũ cãrijovari bũojabenama yũre. <sup>26-27</sup> Mũ, Jũmenijicu, dajocabecubu mu ji ãmene ina yayivũ básavũ ne curõĩ. Pojeicõjemecubu mu ji

bajure, ji meacu baju boje, aru ji memecaiye boje mure. Que baru torojvuvu yu ji ũmei. Aru torojurĩ yávaivuvu yu. Caivu pōevape páyu, yu máre yaicúyumu. Ũbenita apucsu jabuóvaivuvu yu, ji coreiye boje mi mearo đacaquiyede yure. <sup>28</sup>Mu jáđovaiuvu yure ye đaiye jauřore cucuyure máque. Aru mi cve boje yáque cainumua, urarō torojvuvu yu mure, arĩ soyucarejaquemavu David bācu Jesús ũi soyuiye báquede Jūmenijicure.

<sup>29</sup>Muja, jívuvu, jáve soyuiyuvuvu mujare majeñecu mácu David bācu borore. Ũ mácu yaidéjaquemavu. Aru jaruvarejaquemavu ũi baju bācarōre cūracobei. Maja cari curivubu joabeno dicobede. <sup>30</sup>Ũai David bācu apucsu cāreja, Jūmenijicui yávaiyede soyucaipōecu barejaquémavu. Majidejaquemavu Jūmenijicu jáve đacuyure yópe ũi aiye báquepedeca úre. Jūmenijicu soyurejaquemavu David bācure, “Yópe jáve đacuyumu” arĩ: “Mu, David, yópe mearo đacacuyumu yu mure. Cūinācu mipāramenacacure jaboteicōjecuyumu yu, yópe ji jaboteicōjeyepedeca mure”, arejaquemavu Jūmenijicu David bācure. <sup>31</sup>David bācu Jūmenijicui yávaiyede soyucaipōecu barejaquémavu. Que baru majidejaquemavu Jūmenijicui đaquiyede. Die majiéque soyurejaquemavu ũai Cristoi borore, yópe arĩ: “Jūmenijicu đajocabecube úre yaivuvu bācavu ne curōi. Ũi bajure máre pojeicōjemecube úre”, arĩ soyucarejaquemavu Jūmenijicui yávaiyede David bācu. <sup>32</sup>Ũaineca Jesúre Jūmenijicui nacovaquemavu yainore jaruvarĩ. Aru caivu ũija úre jácarā apucsure cojedeca ũi yainĩburu yóbore. <sup>33</sup>Jūmenijicu nacovari Jesúre epequemavu úre ũi meapūravui. Ũai meapūravui cucu paruéde cāvabi. Aru jípacu Jūmenijicui daroquemavu úre ũai Espiritu Santore, yópe ũi aiye báquepedeca. “Darocuyumu mure ũai Espiritu Santore”, jipocamia aquemavu Jūmenijicu Jesúre. Aru Jūmenijicu

Jesúre daroicōjeimi ũai Espiritu Santore ũujare máre. Que baru Jesús đaiubi caiye iye muje jáiyede, muje jápaiyede máre cari jāravure. <sup>34</sup>Ũbenita David bācu muri numenejaquemavu cāreja cavarō mearo Jūmenijicui curōi yópe Jesús ũi muíye báquepe. Que baru David bācu arejaquemavu yópe:

Jūmenijicui aquemavu ji jabocure:

“Dobajacu ji meapūravui mi cūvave boje paruéde yupedeca. <sup>35</sup>Aru yu epecuyumu mi mauvare mi cuboba cāchinoi. Que teni mure vainĩ jaruvare đacuyumu yu náre, mi jabotequiyepere ayu náre”, arejaquemavu David bācu Cristorā.

<sup>36</sup>Caivu muja Israecavu jáve majijarā iyede: Ũai Jesúvacaribe muje jocusujaravena pēvaicōjeimu mácu, ji soyuimu mujare. Ũbenita Jūmenijicui epeiubi ũai Jesúre maje jabocuva. Ũrecabe Jūmenijicui daroimu mácu, arejameda Pedro ina pōevare.

<sup>37</sup>Aru ina pōeva, ne jápaiyede caiye ũi soyuiyede náre, cārijinejaimađa. Que baru arejaimađa Pedrojāre:

—Muja, ũujevuvu, đaipe đarājidi ũija? arejaimađa na.

<sup>38</sup>Pedro arejameda náre:

—Caivu muja jaruvajarā muje āmeina teiyede. Aru oatuvajarā muje đaiyede. Jáđovajara Jūmenijicure ocoque muje Jesúre ju aiye boje, Jūmenijicu ũi ārūmetequiyepere aivuvu muje āmeina teiyede, aru ũi daroquiyepere aivuvu mujare ũai Espiritu Santore. <sup>39</sup>Mujare, mujemarare, mujepāramenare máre, aru caivu ina joai curivure máre darocuyume cāreja Jūmenijicu ũai Espiritu Santore yópe ũi aiye báquepedeca. Caivu ũi cutuiyumarare meadacuyume ũi, arejameda Pedro.

<sup>40</sup>Aru Pedro soyure nurejameda náre parurōreca, urarō ũi soyuiyede, ne ju arājiyepere ayu Jesúre.

—Ina āmeina teivu pare ũājinajarama. Jūmenijicu meadajacurĩ mujare, muje ũājimenajiyepere ayu ne ũājinajiyepere, arĩ soyurejameda Pedro.

<sup>41</sup>Que ayure jápiarí, obedivu ina pōevacavu ju arejaimada iye ùi coyuiyede. Aru Pedrojá jáđovarejaimada náre Jūmenijicure ocoque. Que teni, dijāravure cójijidejaimada apevu yóbecurimil paivu baju Jesúre ju aipōevaque. <sup>42</sup>Yópe dare cuivu barejáimada járavua coapa. Jesús ùi yávaiye méne beorí coyucōjeimara bueivu barejáimada náre. Cađateivu barejáimada ne bajumia. Ne cūvaede jívu barejáimada ne bajumia. Caivu áivu barejáimada cūináromia. Aru caivu jēniaivu barejáimada Jūmenijicūque máre cūináturu.

**Jesúre ju aipōeva mamarumucavu ne đaino**  
(Hch 4.32-35)

<sup>43</sup>Jesús ùi yávaiye méne beorí coyucōjeimara dare cuivu barejáimada ure pōeva ne jámene, ne đarí majibede máre. Aru iye ne jáđovaiyede jári, caivu cūcumarejaimada pare. <sup>44</sup>Caivu ina Jesúre ju aipōeva, cūináturu ne ũme, cađateivu barejáimada ne bajumia. Nácavu cūve cūvarivu jívu barejáimada apevu nácavure jauéde, cūbenajiyepe aivu cōmaje árojarivu ne jēneboi. <sup>45</sup>Cūinácu nácacure jauŕu, apevu nácavu bojedarí ne cūvaede, jívarejaimada ñai cūvabecure jauéde. <sup>46</sup>Caijāravua cójijivarejaimada Jūmenijicui cūrami. Aru cójijivarejaimada ne cūramia coapa, árajivu. Torojurí ávarejaimada na ne ũme méque. <sup>47</sup>Jívarejaimada mearore Jūmenijicure. Que baru caivu apevu pōeva me járejaimada náre. Pueđarejaimada náre, ina Jesúre ju aipōevare. Aru caijāravua Jūmenijicu cójijovarejaquemavu apevu ùi meadaimarare.

**Pedro aru Juan ne meadaino cuiye majibecure**

**3** <sup>1</sup>Cūinájāravu, tres baji nainú, Pedro Jūamaque mūri nūivu barejáimada Jūmenijicui cūrami. Diora cūináora judíoiva ne Jūmenijicūque jēniaiora barejávūya. <sup>2</sup>Cūinácube

Jūmenijicui cūrami jedevacobe yebai, Meacobe ámicurijedevacobe yebai, cūrejameđa cūinácu ũmu, cuiye majibecu. Ñai ũmu pōetedejameđa cuiye majibecu. Caijāravua apevu úre nuvari epevarejaimada yo jedevacobe yebai, ùi jēniaquiyepe aivu táuturare ina Jūmenijicui cūrami ecoivure. <sup>3</sup>Ū jáñu mácu Pedrore aru Jūare máre ecoivure, jēniaridurejameđa táuturare náre. <sup>4</sup>Ūbenita ina pūcarā pare járejaimada. Aru Pedro arejameđa úre:

—Jájacu ñujare, arejameđa.

<sup>5</sup>Ūi que aiyede, ñai ũmu járejameđa náre, “Jínajivubu yure”, arí dápjaríduyu.

<sup>6</sup>Dinumu Pedro arejameđa úre:

—Táuturare cūvabevu yu. Ūbenita jíquijivu mure ji majié cūvaede. Jesús Nazarecacu ùi ámiái, ùi paruéque, nacajarí cuicōjeivu mure, arejameđa Pedro.

<sup>7</sup>Que ayuva, ùi pūru mearpūravure jēni, Pedro nacovarejameđa úre. Cūiná ùi cuboba, ùi cubochiarua máre, tutudejavūya. <sup>8</sup>Maumejiena biararí, nūri ùi cubobare, vaivarí búrejameđa ũ, cuiye majibecu bácu. Ecorejameđa Jūmenijicui cūrami náque. Vaiváyu barejameđa. Biaráyu barejameđa. Aru yópe arí, mearore jívu barejameđa Jūmenijicure: “Jūmenijicu meacu bajube”, ayu barejameđa ñai cuiye majibecu bácu. <sup>9</sup>Obedivu pōeva járejaimada úre vaiváyure. Aru jápiarejaimada úre, “Jūmenijicu meacu bajube”, ayure. <sup>10</sup>Ne coreóvayede úre ñai táuturare jēniari dobacu bácu Jūmenijicui cūrami jedevacobe yebai, pare cūcumarejaimada na, ñai ũmu ùi meateiye boje.

**Pedro ùi yávaino pōevare Salomón mácuí cuinoi**

(Mt 22.32, 27.15-23; Mr 15.6-14; Lc 23.13-23; Jn 19.12-25; Hch 7.37; Gá 3.8; Fil 2.7-9)

<sup>11</sup>Ñai ũmu jēiyede Pedrore aru Jūare máre, ina obedivu pōeva cūcumaivu cūyarejaimada ne yebai Jūmenijicui cūramiacuino, Salomón mácuí cuino

āmicurōi. <sup>12</sup>Pedro jāññu mácu ina pōevare, arejameđa náre:

—Mujá, Israecavũ, ¿aipe teni cucumaivurũ mujá? ¿Aipe teni jáivurũ ñujare? ¿Dápiavurũ cure ðaivure ñai ũmure ñuje paruéque, o ñuje me boje Jūmenijicui jáinore?

<sup>13</sup>Abraham mácu, Isaac bácu, aru Jacob bácu máre, majeñecuva mácavu ne ju aimũ, Jūmenijicu, jáðovaimi ũre memecaipōecu Jesús ũi paruéde. Ñai Jesúrecabe mujé jēni jícaimũ mácu mujé jabovare, ne boarí jaruvarãjiyepe aivu ũre. Aru ñai jabocu Pilato ũi jaetovaiyuede, ũbeteavũ mujavacari.

<sup>14</sup>Ñai Jesús cainũmũ memecayũ bateáme Jūmenijicure. Aru cainũmũ ðayũ bateáme mearore Jūmenijicui jáinore. ũbenita mujá ũbeteavũ ũre. Quénora mujá jēniavũ Pilatore, ũi jaetovacaquiyepere aivu mujare ñai boaipōecure, Jesúre jaruvarí. <sup>15</sup>Que teni mujavacari boarí jaruvaicōjeavũ ñai jíyũre pōevare jāravũ cūiméjāravũ baquinóre. ũbenita Jūmenijicucapūravũ nacovaquemavũ ũre yainore jaruvarí. Ñujavacari jácarã ũre apucure cojedeca, ũi yainiburu yóbore. <sup>16</sup>Jesúvacari, ũi paruéque, meadacube ñai cuiye majibecu bácu. Caride mujá jári majidivũbu caiye iye vaiyede ũre, ũi dápiaye boje, yópe arí: “Jesús meadayũ majibi”, arí dápiacube ũ. Aru ũi ju aipe boje Jesúre, meateibi ñai ũmũ mujé jáiyede.

<sup>17</sup>Mujá, jívu, majivu yũ. Mujé ðaiye báquede aru mujé jabova ne ðaiye báquede Jesúre boarí jaruvaivu coreóvabeteavũ mujá diede. <sup>18</sup>Javede caivu ina Jūmenijicui yávaiyede coyũcaipōeva mácavu coyũrejaimađa ũra, pōeva ne coreóvarãjiyepe aivu ũi ðaroimũ mácu Cristoi ũrãrõ ñájiquiyede. Aru nópe ne coyuiye báquepedeca vaiávũ Jesúre. <sup>19</sup>Que baru chĩojara mujá mujé āmeina teiyede. Aru oatũvajarã mujé ðaiyede. Vojarã Jūmenijicure, ũi jaruvaquiyepere aivu mujé āmeina teiyede, aru diede máre ũi ārũmetequiyepere aivu. <sup>20</sup>Mujé yópe ðaru,

Jūmenijicu parũre ðacayũme mujare mujé ũmei. Aru ðarocayũme mujare Jesúre, ñai ũi beoimũ mácu, mujare meadacayũre. <sup>21</sup>Jesús ũi mauteino jaũvũ cavarõ mearo Jūmenijicui curõ pũ dijāravũ baquinói, Jūmenijicui caiyede mamaene cuedaquijāravũita bedióva cojedeca. Javede Jūmenijicui yávaiyede coyũcaipōeva mácavu, Jūmenijicure cūinácura memecaivu, coyũcarejaimađa Jūmenijicure, pōeva ne majinajiyepere aivu diede. <sup>22</sup>Nopedeca, Moisés bácu arejaquemavũ: “Jūmenijicu, mujé jabocu, ðarocayũme mujare cūinácũ ũi yávaiyede coyũcaipōecure, yópe ũi ðaroiyepere yũre. ũ macayũme cūinácũ mujacacu. Judío bacayũme ũ. Me járiajarã ũre. Ðajarã yópe ũi coyuiyepere. <sup>23</sup>Ácu pōecu ũi járiabedu ũre, Jūmenijicu coavacayũme ũre ũi pōevare jaruvarí”, arejaquemavũ Moisés bácu.

<sup>24</sup>Samuel bácu aru ũi yóbocavu bácavu, aru arevũ Jūmenijicui yávaiyede coyũcaipōeva mácavu máre coyũrejaquemavũ iye vaquiyede añijāravũ baquiyéde. <sup>25</sup>Jūmenijicu coyũcōjenejaquemavũ ũi yávaiyede coyũcaipōeva mácavure, yópe arí: “Yũ, Jūmenijicu, mearo ðacacayũmu mujare”. Aru “mujare” ayũ Jūmenijicu, majeñecuva mácavure aru majare máre ayũ barejaquemavũ. Jūmenijicu “Yũ mearo ðacacayũmu mujare” ũi aiyede apesu oatũvarí buojabebi diede. Aru Jūmenijicu baju oatũvabebi ũi que aiyede. Que baru mujavacari jáve jacopurãjaramu Jūmenijicui mearo ðacaquiyede. Mearo ðacacayũme mujare máre. Nopedeca arejaquemavũ ũ Abraham mácu: “Mipāramena márãjivure mearo ðacacayũmu yũ. Mure mearo ðacaiye báquepedeca ijāravũcavu arevũ caivure máre mearo ðacacayũmu yũ”, arejaquemavũ Jūmenijicu. <sup>26</sup>Aru beorejaquemavũ Jesúre, ũre memecaipōecure. ũre nacovariburu yóboi, ðaroquemavũ maje yebai mamarũmure. Que ðarí Jūmenijicu mearo ðacaquemavũ majare, ũi jaruvaicōjeiye boje majare maje

ãmeina teiyede, arejameđa Pedro ina pöevare.

**Pedro aru Jũamaque ne boroteino jabova yebai**

(Mt 21.42; Mr 12.20-22; Lc 20.17; Jn 14.6; 1 P 2.7)

**4** <sup>1</sup>Pedro aru Juan máre yópe yávaiyedeca ina pöevare, apevu sacerdotevacavu, aru Jũmenijicui cũramine coreipöevai jabocu, aru saduceovacavu máre nurejaimada ne yebai. Saduceo ãmicuriyajubo judfovavavu barejaimada na. Dápiarejaimada nacajaino cubenore yainore jaruvarĩ. <sup>2</sup>Jararejaimada Pedrojäre ne bueiye boje. Pedrojã arĩ buedejaimada:

—Jesús nacajaquemavu yainore jaruvarĩ. Aru maja máre nacajarajaramu yainore jaruvarĩ, arejaimada Pedrojã.

<sup>3</sup>Jaraivũ Pedrojäre, ina saduceovajã náre jëni, ãmeina teivũre jëni jacoiñami nuvaicöjenejaimada churaravare. Jave nainũ marejávũya. Que baru cõmiájãravũita jabova ne ãmeina teivũre jëniari jáiñami nuvarajivũ barejaimada náre. <sup>4</sup>Ûbenita obedivũ pöeva, ne bueiye de jápiaivucavu bãcavũ, ju arejaimada Jesũre. Ina pöeva mamarumũ ju aivũ Jesũre dijãravũre cũinãpũrũpe paimil paivũ baju ãmũva marejaimada na. Obedivũ nomiva máre ju arejaimada ũre.

<sup>5</sup>Cõmiájãravũ ina judiovai jabova, aru bucũva, aru Jũmenijicui yávaiyede bueipöeva máre cójijidejaimada Jerusalén ãmicuriĩmaroi. <sup>6</sup>Apevu ina jabovacavu barejaimada sacerdotevare jaboteipöecu ũi ãmiá Anás, aru Caifás, Juan, Alejandro, aru apevu Anás jinacavu. <sup>7</sup>Cójijivũ bãcavũ, davaicöjenejaimada Pedrojäre ne yebai aru núicöjenejaimada náre ne coricai. Que teni cũinãcu nácacu jëniari járejameđa Pedrojäre:

—¿Ñamei paruéque meadarãru muja ñai cuiye majibecu bãcũre? arejameđa náre.

<sup>8</sup>Dinumũ ñai Espĩritu Santo Pedore ñaicöjenejameđa ũre ũi ju aiyede náre.

<sup>9</sup>—Muja jabova, muja bucũva máre, caride muja jëniari jáivũ ñũjare ñũje meadacaino mácarõre ñai cuiye majibecu bãcũre. Muja majiyuvũ aipe ñarĩ meadaimũ mácũre. <sup>10</sup>Que baru coyũyubu mujare, muje majinajiyepe ayũ, aru caivũ Israecavũ máre, ne majinajiyepe ayũ. Jesús Nazarecacu ũi parué boje, ñai ũmũ númi yui muje jáinoi, meacu baju. Ñainecabe Jesús muje pëvari boarĩ jarũvaimũ mácu. Ûbenita Jũmenijicu navoaquemavu ũre yainore jaruvarĩ. <sup>11</sup>Aru Jũmenijicu toivaicöjenejaquemavu ũi yávaiyede yópe Jesúĩ borore: “Iva cũravare cũramine ñaipöeva ũbeni jarũvaquemavu. Caride iva cũrava caiva apeva pũeno parũrivabu”, arejaquemavu Jũmenijicu. Nopedeca Jesús, muje ũbemũ mácu, Jũmenijicui epeimũ. Apevu pũeno jabocu parũcũbe ñai Jesús. <sup>12</sup>Que baru ũrecabe cũinãcu pöevare meadaipöecu. Ijãravũre apecũ cubebi. Quécũra Jesús, Jũmenijicui epeimũ, pöevare meadayũ buojaibi, ne ñãjimenajiyepe ayũ ne ãmeina teiye boje, arejameđa Pedro cójijinocavũre.

<sup>13</sup>Ûre jápiaivũ bãcavũ, ina cójijinocavũ cücumarejaimada, ne jáiyede Pedrore aru Jũare máre yávaivũre jidubevũva, ne coreõvaiye boje náre ũbeni cũrivũre aru buebevũ bãcavũre máre. Ûbenita majidejaimada Jesúĩ yóvaimara mácavũre. <sup>14</sup>Jãrejaimada ñai ũmũ meadaimũ mácũre ne jëneboi Pedro aru Jũaque máre. Que baru coyũrĩ majibeni, bi arejaimada na. <sup>15</sup>Dinumũ etaicöjenejaimada Pedrojäre ne cójijitucubũre jocarĩ. Ne etarĩburu yóboi, ina jabova yávaivũ barejaimada ne bajumia, yópe arĩ, jëniari járejaimada:

<sup>16</sup>—¿Aipe ñarãjídica maja náre?

Ñarãma na urarõ pöeva ne ñarĩ majibede. Caivũ Jerusalécavũ majima ne ñaiye báquede. Que baru maja ju abeni majibevũ. <sup>17</sup>Ûbenita ne buebenajiyepe aivũ apevũre ne bueiye de, aru ne ñabenajiyepe aivũ pöeva ne ñarĩ majibede cojedeca, yávaicöjemenajarevu

cojedeca Jesúí borore, arejaimada ina cójijinocavũ, ne bajumia yávaivũ.

<sup>18</sup>Ne yávarĩburu yóboi,

órejaicōjenejaimada Pedrorre aru Jũare máre ne cójijitucubũ cojedeca. Aru parurōreca yávaicōjemenidurejaimada náre Jesúí borore.

—Bediōva cojedeca buebejarā mũja Jesúí borore, arĩdurejaimada na Pedrojāre.

<sup>19</sup>Ūbenita Pedrojācapũravũ arejaimada ina judĩovai jabovare:

—Dápiarĩ majijarā mũja. ĩJũmenijicui jáĩnoi, ju arājidi ñũja mũje ñaicōjeiyede o Jũmenijicui ñaicōjeiyede? <sup>20</sup>Jave dápiarĩ majivũ ñũja aipe ñaiye jaũrōre ñũjare. Ju aipe jaũvũ ñũjare Jũmenijicui ñaicōjeiyede. Que baru apenore ñaiye majibevũ ñũja. Quéñora ñaivũbu yópe iye ñũje jáiye báquepe, aru yópe ñũje jápiaiye báquepe máre, arejaimada.

<sup>21</sup>Ina cójijinocavũcapũravũ cojedeca yávaicōjemenidurejaimada náre parurōreca.

—Jesúí borore mũje buedu, ñájine ñarājivũbu mũjare, arejaimada Pedrojāre.

Ina pōevacapũravũ torojũrĩ mearore jĩdejaimada Jũmenijicure, Pedrojā ne ñaiye báque boje. Que baru ina cójijinocavũ, yávaicōjemeniduiivũ, jaetovarejaimada náre. <sup>22</sup>Aru ñai ĩmũ, ne meadaimũ mácu pōeva ne ñarĩ majibeno ñaiyeque, cuarenta paiũjua pũeno baju bucũcu barejámeđa ĩ.

**Jesúre ju aipōeva ne jēniaino paruéde  
Jũmenijicũque**

(Mt 27.1-2; Mr 15.1; Lc 23.1,  
7-11; Jn 18.28-29; Fil 2.7)

<sup>23</sup>Maumejiena etarĩburu yóboi cójijinore jocarĩ, Pedro aru Jũamaque copainũrejaimada ne yóvaimara yebai. Aru coyũrejaimada náre caiye ina sacerdotevare jaboteipōeva aru ina judĩova bucũva máre ne coyũiye báquede náre. <sup>24</sup>Ina Jesúre ju aipōeva jápiaivũ bácvũ Pedrojāi borore, cūináturũ yópe arĩ, coyũrejaimada Jũmenijicure:

—Mũ, ñũje jabocũ, caivũ jabova pũeno meacũ, cuedarejaquemavũ mũ cavarōre, aru joborōre, aru jia uradare máre, aru caivũ nócvũre, aru noi cuede máre.

<sup>25</sup>Mũ yávaicōjenejaquemavũ ñũjeñecu David bácvure, mũre memecaipōecu bácvure, mi Espĩritu Santo majiéque. Que teni David bácvũ arejaquemavũ:

Judĩova ñmevũ jorojĩnajarama.

Pōeva dápiarājarama ũbenina

ne ñarājiyede. <sup>26</sup>Ijaravũcvũ

jabova meadarājarama na ne

baju. Aru ina ĩmaroare cójeipōeva

cójjijnajarama, maucũvarājivũ

Jũmenijicure aru ĩi epeimũ

Cristore máre, arejaquemavũ

David bácvũ.

<sup>27</sup>Yópe David bácvũ ĩi Jũmenijicui yávaiyede coyũcaiyebáquepe ñaiyede jávũ ñũja. Yo ĩmaroi ina jabova Herodes aru Poncio Pilato cójjijiquemavũ judĩova ñmevũque aru apenũ Israecavũque máre, maucũvarājivũ Jesúre, mũre memecaipōecu meacũ bajure, ñai mi epeimũ Cristore. <sup>28</sup>Cójjijiquemavũ, ñarājivũ yópe “Ñarājarama”, mi aino mácarōpe, mi majiéque, nópe arĩ, yávrejaquemavũ mũ.

<sup>29</sup>Aru mũ, ñũje jabocũ, cōmajebároje jájacũ ñũjare, ne ñájine ñaiyebóje ñũjare. Jidũbevũva yávre ñajacũ ñũjare Jesúí ĩi yávaieyebéne. <sup>30</sup>Ijimarare meadajacũ náre coapa. Parũre ñajacũ ñũjare ñũje ũmei, ñũje ñarājiiyepesũ pōeva ne jámene, ne ñarĩ majibede máre, mũre memecaipōecu Jesúí ĩi ñaiĩai, ĩi paruéque, arĩ jēnarejaimada Jũmenijicure na, Jesúre ju aipōeva.

<sup>31</sup>Jēniari buojaiyede, ne curō cújidejavũya pare Jũmenijicui paruéque. Aru ñai Espĩritu Santo ñaicōjeñũ, yávaicōjenejaquemavũ náre. Que teni jidũbevũva coyũrejaimada Jũmenijicui yávaieyebéne.

**Caivũ ne cũvae ne coavaino**

(Hch 2.44-45)

<sup>32</sup>Caivũ Jesúre ju aipōeva ne ũme aru ne dápiaiyebéne máre cūinátũrũ barejámeđa na. Nácacũ cubedejámeđa

“Yo jínomu” ayu. Quénora caiye ne cūvaede “Majemu”, arejaimada na, Jesúre ju aipōeva. <sup>33</sup>Jesús ũi yávaiye méne beorī coyūicōjeimara parūřoreca coyūrejaimada arevure: “Jácarā nūja Jesúre nacajañure yainore jarūvarī”, arejaimada. Aru Jūmenijicu mearo đacarejameda náre pare. <sup>34-35</sup>Nácacu cubedejameda jaumu ũre apejīe. Apevu ina joborōre cūvarivū, cūramiare cūvarivū máre, bojedaiyvū barejáimada nénore. Aru ne bojedainore nūvari, jívū barejáimada Jesús ũi yávaiye méne beorī coyūicōjeimarare, ne coavarājīyepre aivu ina apejīe jaumarare náre jauřore. <sup>36</sup>Cūinácu nácacu yópe đarejameda, ũi āmiá José. Nái José levita āmicuriyajubocacu barejáimada. Aru pōetedejameda Chipre āmicurijivui. Jesús ũi yávaiye méne beorī coyūicōjeimara āmidorejaimada ũre Bernabé, “cadateipōecu” aivu. <sup>37</sup>Ū cūvacu bācu joborōare, aru cūináro ũi joborōre bojedarejameda ũ, Bernabé. Bojedariḃuru yóboi, bojedainore nūvari, jídejameda diede Jesús ũi yávaiye méne beorī coyūicōjeimarare, ne coavarājīyepre ayu. Que đarejameda Bernabé.

**Ananías jímarepacomaque ne borocurō**

**5** <sup>1</sup>Apevu curejaimada, ũi āmiá Ananías, aru jímarepaco máre, ōi āmiá Safira. Nái bojedari jídejameda ũi joborōre. <sup>2</sup>Ne bojedainore ĩni, apede ne bojedainoquede yaveni epedejameda nénova. Que teni apede ne bojedainoquede jídejameda Jesús ũi yávaiye méne beorī coyūicōjeimarare.

—Ūju, yo caino nūje joborō mácarō bojetamu, ũbenina arejameda Ananías Pedrojāre.

Jipocamia jímarepaco majidejacođa caiye iye ũi đaquiyede. <sup>3</sup>Ūi jíniburu yóboi, Pedro arejameda ũre:

—Mū, Ananías, ¿aipe teni abujuvai jabocu dápiaicōjeni mure yópe mi đainore, mi jujovarīduquiyepre ayu ñai Espiritu Santore mi yaveni epeiyede

apede yo bojedainoquede? <sup>4</sup>Mi joborōre bojedari jíquiyepre jipocai, míno cútevu dijaborō. Aru bojedariḃuru yóboi, iye tātura máre míye batevú. Que baru, ¿aipe teni dápiaicūrū mū mi ũmei iye āmeina teiyede? Borocubevū mū pōevare quévura. Quénora borocubvū mū Jūmenijicure, arejameda Pedro ũre.

<sup>5</sup>Cūiná Ananías jápiaiyū bācu iye Pedro ũi coyūiyede, yaini turejameda joborōi. Aru caivu ina jápiaivū ũi borore jidurejaimada pare. <sup>6</sup>Dinumū apevu bojūvū earī, yaiyú bācu baju bācarōre cūmari, nūvari, jarūvarejaimada ũ mácure cūracobei.

<sup>7</sup>Yóbecuriora yóboi, Ananías bācu márepaco nurejacođa Pedrojā yebai. Ūbenita majibedejacođa cāreja jímarepacu bācure jave yaiyūre. <sup>8</sup>Pedro jēniari járejameda ōre:

—Coyūjaco yure. ¿Iyeba caiye tātura muje bojedaino joborō mácarō boje? arejameda Pedro.

Ō ju arejacođa ũre:

—Jájju, quénora bojecvū, ũbenina arejacođa ō.

<sup>9</sup>Ōi que aiyede, Pedro arejameda ōre:

—¿Aipe teni borocurīdurāru muja Jūmenijicui Espiritu Santore? Jájjaco daivure ina mimarepacu bācure jarūvavū bācvū, curivure jedevacobei caride. Mure máre nūvari, jarūvarājivūbu, arejameda Pedro.

<sup>10</sup>Aru cūiná ō máre yaini turejacođa joborōi Pedro ũi cuboba yebai. Ina bojūvū ecorī, yaiyó bācore jári, ō mácore máre nūvari, jarūvarejaimada jímarepacu bācu yebai. <sup>11</sup>Que teni caivu ina Jesúre ju aipōeva aru apevu máre, ne jápiaiyede Ananías bācu aru Safira bāco ne borore, pare jidurejaimada na.

**Ūre pōeva ne đari majibeno aru ne jámeno máre**

<sup>12</sup>Jesús ũi yávaiye méne beorī coyūicōjeimara đare nuivū barejáimada ũre pōeva ne jámene, ne đari majibede máre. Aru caivu ina Jesúre ju aipōeva cójjijide nuivū barejáimada Jūmenijicui cūrami jívui, Salomón mácu cuino



amicurōi. <sup>13</sup>Caivū ina Jesúre ju abevu cójijibedejaimada ina ju aipōevaque, ne jidué boje. Ûbenita caivū ina ju abevu me jáivū aru me yávaivū barejáimada ina Jesúre ju aivūre, náre ne pueđaiye boje. <sup>14</sup>Apevu obedivū pōeva, ũmūva aru nomiva máre, ju arí Jesús ũi yávaive méne, cójijide nuivū barejáimada Jesúre ju aipōevaque. <sup>15</sup>Jesús ũi yávaive méne beorí coyucōjeimara, ne đaiye boje pōeva ne đarí majibede, obedivū pōeva nūvare nuivū barejáimada ijimarare ne parainoai, jūarajivū náre tãibuai, Pedro nore vaiyú, ũi decocūque ũi taoquiyepe aivū apevu ijimaracavūre, ne meatenajiyepere aivū. <sup>16</sup>Aru apeno ĩmajinoacavū obedivū eare nuivū barejáimada Jerusalén amicuriĩmaroi. Na máre ijimarare, aru abujuva ne ĩmamarare máre, nūvare nuivū barejáimada. Aru caivū ne nūvaimara mácavū meadaimara marejáimada na.

#### **Jabova ne nãjine đaino Pedrojárē**

(Mt 27.25; Jn 11.25, 14.6; Ro 6.4)

<sup>17</sup>Dinūmū ñai sacerdotevare jaboteipōecu aru ũre cađateipōeva, caivū ina saduceo amicuriyajibocavū, pare jorojinejaimada Jesús ũi yávaive méne beorí coyucōjeimarare. Que baru ina saduceovacavū maucūvarí búrejaimada náre. <sup>18</sup>Náre jēicōjeni, buorejaimada āmeina teivūre jēni jacoĩnami. <sup>19</sup>Ûbenita diñamimiareca cūinácu Jūmenijicui daroimū, ángele earí ne yebai, voacarí náre diñami jedevacobede, jipocatedejameda náre nore jocarí. Que teni arejameda náre:

<sup>20</sup>—Jūmenijicui cūrami nūjara mūja. Aru coyūjarā pōevare nore caiye iye yávaive méne járavū cūiméjáravū baquinóre, arejameda ñai ángele náre.

<sup>21</sup>Ûre ju arí, miadáe tuiyede Jūmenijicui cūrami ecorí, bueni búrejaimada.

Dinūmūmia ñai sacerdotevare jaboteipōecu ũre cađateipōevaque órejaicōjenejaimada caivū judíoiva bucūvare, ne cójijinajiyepere aivū caivūre. Que teniburū,

apevu ne coreipōevacavūre davaicōjenidurejaimada Jesús ũi yávaive méne beorí coyucōjeimarare āmeina teivūre jēni jacoĩnamine jocarí ne cójijinoita. <sup>22</sup>Ûbenita ina coreipōeva ne eaiyede āmeina teivūre jēni jacoĩnami, nore eabedejaimada ina Jesús ũi yávaive méne beorí coyucōjeimarare. Que teni cójijinoi copainūri, yópe arí, coyūrejaimada ina cójijinocavūre:

<sup>23</sup>—Ñūje eaiyede āmeina teivūre jēni jacoĩnami, jedevacobe me bieicobede eavū ñūja. Aru churarava nūrivū jedevacobe yebai coreivūre máre eavū ñūja. Ûbenita jedevacobede ne voaiyede, eabetevu ina buoimara mácavūre, arejaimada ina coreipōeva.

<sup>24</sup>Ne coyuiyede jápiaivū bācavū Jūmenijicui cūramine coreipōevai jabocu aru sacerdotevare jaboteipōeva máre pare cārijini, “¿Aipe tedica na cari?” arí dápiarejaimada. <sup>25</sup>Dinūmūmia cūinácu ũmū ecorí ne cójijitucubui arejameda:

—Jápijarā yūre. Ina mūje ēnoare buoimara mácavū caride Jūmenijicui cūrami jívui nūri bueivūbu pōevare noi, arejameda.

<sup>26</sup>Aru coreóvarí ári curivūre, ñai jabocu nurejameda Jūmenijicui cūrami ina coreipōevaque, ne nuvarajiyepere ayū Jesús ũi yávaive méne beorí coyucōjeimarare cójijinoi. Ûbenita náre āmeno đabevūva nūvarejaimada, pōevare ne jidué boje. “Ñūje āmeno đaru náre, pōeva cūraboaque đūvarí boarájarama ñūjare”, arí dápiarejaimada na. <sup>27</sup>Ne eaiyede ne cójijitucubui, núicōjenejaimada ne buoimarare ina cójijinocavū ne coricai. Sacerdotevare jaboteipōecu, yópe arí, jararejameda náre:

<sup>28</sup>—Ñūjavacari parūrōreca bueicōjemeniduvū mūjare añū ũmū ũi borore. iÛbenita mūja ju abevū ñūjare! Bueivūbu mūja mūje bueiyede obedivūre, caino Jerusalécavūre. Náre coyuiyūvū mūja, “Sacerdoteva boarí jarūvaicōjema Jesúre”, aivūbu mūja, pōeva ne āmeina járajiyepere aivū ñūjare, arejameda sacerdotevare jaboteipōecu.

<sup>29</sup>Pedrocapūravu apevu Jesús ũi yávaiye méne beorí coyucójeimaraque arejaimada úre:

—Ju aiye javvu ñujare Jūmenijicu ũi ñaicójeiyede pōeva ne ñaicójeiye pñeno. <sup>30</sup>Mujavacari Jesúre pēvari boarí jaruvaicójeavu jocucujaravena. Ūbenita Jūmenijicucapūravu, majeñecuva mácavu ne jabocu, nacovaquemavu úre yainore jaruvarí. <sup>31</sup>Aru nacovariburu yóboi, Jūmenijicu epequemavu úre ũi meapūravui. Ñai meapūravui cucu paruje cuvabi. Que baru Jesúrecabe maje jabocu aru majare meadaipōecu máre, Israecavu chíori ne āmeina teiyede, oatuvarí buojarājiyepa ayu ne ñaiyede, aru Jūmenijicu ũi ārumetequiyepe ayu ne āmeina teiyede. <sup>32</sup>Ñuje jáiye báque boje Jūmenijicu ũi ñaiye báquede Jesúre, coyuvubu mujare iyede. Ñai Espiritu Santo máre coyuyube Jūmenijicui ñaiye báquede. Aru Jūmenijicu daroyube ñai Espiritu Santore caivu ina ju aivure úre, arejaimada Pedrojá.

<sup>33</sup>Ne coyuiyede jápiaivu ina cójjiinocavu, pare jararejaimada Jesús ũi yávaiye méne beorí coyucójeimarare. Ne náre pare jaraiye boje, “Boarí jaruvaicójenajarevu náre”, arejaimada ina cójjiinocavu ne bajumia. <sup>34</sup>Ūbenita cūinācu cójjiinocacu, fariseovacacu, ũi āmiá Gamaliel, nacajari, coreipōevare nvaicójenejameđa Pedrojáre cójjiitucubare jocarí. Caivu pōeva me puedarejaimada úre, Gamalielde. <sup>35</sup>Pedrojā ne etaríburu yóboi, Gamaliel yópe arí, coyurejameđa apevu cójjiinocavure:

—Muja, jívū, Israecavu, me dápijarā muje ñaiyede ina ũmuvare. <sup>36</sup>Arujara muja āñu Teudas bácu ũi ñaino mácarōre obediñua jipocai. “Parucubu yu. Me jabotequijivu mujare”, arejameđa ũi mácu pōevare. Aru cuatrocientos paivu ũmūva baju nurejaimada úque. Ūbenita ne boarí jaruvaiyede ũi mácu, úque nuivu bácvu coateni nurejaimada na. Que teni ũi mácu ñaiye báque bíjarejaváya. <sup>37</sup>No yóboi, nopedecabu

apevu ũi ñaino mácarō, āñu Galileacacu bácu, ũi āmiá Judas. Jabocui toivaicójeinūmu pōevare ne āmiáre, corevaiyucu náre, obedivu pōeva nurejaimada úque máre. Aru úre máre ne boarí jaruvaiyede, úque nuivu bácvu coateni nurejaimada na. <sup>38</sup>Nopedecabu caride ina ũmūvaque. Coyuyubu mujare: Dabejarā āmeno náre. Cārijovamejara náre. Pōeva ne ñaicójevu iye ne ñaiyue aru ne bueiye máre, bíjaquiyebu die. <sup>39</sup>Ūbenita Jūmenijicu ũi ñaicójevu iye ne ñaiyue aru ne bueiye máre, bíjabequiyebu die. Muja maucuvarivu baru náre, maucuvajebu Jūmenijicure máre, arejameđa Gamaliel.

Aru ina cójjiinocavu ju arejaimada ũi coyuiyede. <sup>40</sup>Que arí, ina coreipōevare davaicójenejaimada Jesús ũi yávaiye méne beorí coyucójeimarare cójjiitucubui cojedeca. Ne eaiyede, ina coreipōevare jara popeicójenejaimada náre, Pedrojáre. Aru jara popeniburu yóboi, ina jabova yávaicójemenuidurejaimada Pedrojáre cojedeca Jesúi borore. Que teniburu yóboi, jaetovarejaimada náre. <sup>41</sup>Aru Jesús ũi yávaiye méne beorí coyucójeimaracapūravu torojurivu baju etarejaimada cójjiinore jocarí. Torojurejaimada ne cūyoje teni ñájiye boje, ne ju aiye boje Jesúre. <sup>42</sup>Aru caijāravua Jūmenijicui cūrami aru ne cūramiai máre buede nuivu barejáimada, aru coyure nuivu barejáimada na iye yávaiye méne Jesúrā, Jūmenijicui epeimū mácuṛā.

**Siete paivu cađateipōevare ne beino**

**6** <sup>1</sup>No yóboi, apevu obedivu Jesúre ju aipōeva jararí jūjuvaivu barejáimada ne bajumia. Nācvu griego āmicuricamuare yávaivu aru apevu nácvu hebreo āmicuricamuare yávaivu jaraivu barejáimada ne baju. Ina judíoiva griegore yávaivu arejaimada:

—Ñujacavu nomiōpeva jacorubema muje coavaiyede jāravua coapa. Que baru, “Muja coapavabevū”, chíoiyu arejaimada.

<sup>2</sup>Que baru ina doce paivu Jesús ùi yávaiye méne beorí coyucōjeimara órejarí caivu ina Jesúre ju aipōevare ne yebai arejaimada:

—Ñuje dajocarú Jūmenijicui yávaiye méne coyuiyede, jínajivu nomiōpevare aru apevu cōmaje ārojarivure máre náre jauéde, meamejebu no. <sup>3</sup>Que baru mija, ñujevu, beojarā siete paivu mujacavure. Yópe bajarári na: Pōeva ne pueđaimara, Espiritu Santo ùi đaicōjeimara, aru majiéde cuvarivu bajarári. Ñuja náre coapavaicōjenajivubu cōmaje ārojarivure. <sup>4</sup>Que teni ñujacapūravu cūináturu ñuje ũme jēniarajivubu Jūmenijicūque aru coyurājivubu ùi yávaiye méne, arejaimada na, Pedrojá.

<sup>5</sup>Ne coyuiye cojurejavūya caivu ina Jesúre ju aipōevare. Que baru beorejaimada Estebāre. Ũ parurōreca ju ayu barejámeđa Jesúre. Aru ñai Espiritu Santo đaicōjenajameđa úre. Beorejaimada apevure máre: Felipe, Prócorore, Nicanore, Timóre, Parmenare, aru Nicoláre máre. Ñai Nicolás Antioquía āmicurīmarocacu barejámeđa. Ũ judío āmenejameđa. Ũbenita jipocamia ju arejameđa ina judío va ne buei yede. <sup>6</sup>Náre beorí buojarí, nuvarejaimada náre Jesús ùi yávaiye méne coyucōjeimara yebai, ne jēnicarājiiyepa aivu náre Jūmenijicūque, tuorí puruáque ne jipoburā náre coapa yópe judío va ne đarí cōmajiiyepa, jáđovarajivu ne memei no bui yede.

<sup>7</sup>Aru apevu pōeva obedivu Jūmenijicui yávaiye méne coyuiyede jápiari, ju arejaimada diede. Caijāravua apevu ne ju ai yede pūeno baju obedivu ju aivu nurejaimada Jerusalén āmicurīmaroi. Aru apevu ina sacerdoteva máre ju arejaimada Jesús ùi yávaiye méne.

#### Estebāre apevu ne jéino

<sup>8</sup>Esteban Jūmenijicui mearo đacaimu marejámeđa. Jūmenijicū me járejaquemavu úre. Que baru parure đarejaquemavu úre. Aru majide đarejaquemavu úre máre. Esteban

đare cuyu barejámeđa urarō pōeva ne jámene, ne đarí majibede máre, pōeva jēneboi. <sup>9</sup>Ũbenita apevu ũmūva maucūvarejaimada úre. Ina cūinádami judío vai cōjijiiñamicavu barejámeđa na. Ina Estebāi mauva marejámeđa Cirene aru Alejandría āmicurīmarocavu, aru apevu Cilicia aru Asia āmicurijoborōacavu máre. Caivu ina judío va barejámeđa na. Esteban yebai nuri, jaraivu yávarí búrejaimada na úque. <sup>10</sup>Ũbenita Esteban yávarejameđa urarō majiéde, ñai Espiritu Santoi paruéde ùi cūvae boje. Que baru ina ùi mauva ju arí majibedejaimada na úre. <sup>11</sup>Que baru Estebāi mauva bojedarejaimada apevu borocūrivure. Aru ina borocurivu arejaimada yópe:

—Esteban āmeina yávabi Moisés bácure aru Jūmenijicūre máre. Jápiavubu ñuja, ũbenina arejaimada.

<sup>12</sup>Yópe đarí jorovarejaimada obedivu pōevare, judío va bucūvare aru Jūmenijicui yávaiyede coyuipevare máre. Ina Esteban yebai nuri, úre jēni, jaruporejaimada judío vai cōjijiiñami.

<sup>13</sup>Dinumu davarejaimada apevu borocūrivure. Aru borocurí arejaimada na:

—Ñai ũmu cainumua āmeina ávaibi Jūmenijicui cūramine aru Jūmenijicui đaicōjeiyede ùi coyuiye báquede Moisés bácure máre. <sup>14</sup>Ñujavacari jápiavubu ũ ayure yópe ññu Jesús Nazarecacui borore: “Jesús jaruvacūyume diñami Jūmenijicui cūramine aru oatuvacūyume caiye maje đarí cōmajiyede yópe Jūmenijicui đaicōjeiyede ùi coyuiye báquepe Moisés bácure”. Que abi ñai Esteban, ina borocurivu arejaimada cōjijiiñocavure.

<sup>15</sup>Aru caivu nore curivu me cocorí Estebāre járejaimada ùi jivare yópe ángelei jivape ārojarore.

#### Esteban ùi yávaino úre ne boarājiiye jipocai

(Mt 22.32; Hch 3.22)

**7** <sup>1</sup>Dinumu ñai sacerdotevare jaboteipōecu jēniari járejameđa Estebāre:

—¿Jävema yo ne coynino mi borore? arejameða.

<sup>2</sup>Aru Esteban, yópe arí, coynrejameða cójijinocavure:

—Mujá, jívü aru jíbucáva máre, jápijará ji coyniyede. Javede Jümenijicu meacu baju cuetedejaquemavü majeñecu Abraham mácu yebái üi cuedeca cäreja Mesopotamia ämicurijoboröi, üi nuquiye jipocamia Harán ämicuríimaroí. <sup>3</sup>Jümenijicu arejaquemavü üre: “Mü, Abraham, mi curöre jocarí nujacü mü. Aru mi curöcavure máre jocarí nujacü. Jáðovacuyumu yu mare mi apeno curö, mi cuquinore”, arejaquemavü Abraham mácure Jümenijicu. <sup>4</sup>Jü arí Jümenijicure, Abraham mácu etarejaquemavü Caldea ämicurijoboröre jocarí, cucunucuyü Harán ämicuríimaroí. (Mesopotamia ämicurijoboröi cuvü Caldea.) Abraham mácuí pacü bácu üi yainíburu yóboi, Jümenijicu nuicöjenejaquemavü üre yore, müje carí curöre.

<sup>5</sup>Dinümü Abraham mácuí eaiyede yore, Jümenijicu jíbedejaquemavü joboröre ü mácure. Ye joborö quíjinore máre cüinácuobareca üi epeino jacorübedejaquemavü Abraham mácu cäreja. Übenita, “Yo curö mi cuquinore jícuyumu yu müre”, Jümenijicu arejaquemavü ü mácure. “Yo joboröre jícuyumu yu müre aru mipāramena mārājivüre máre. Yo joborö müjeno maquiyébu”, arejaquemavü Jümenijicu ü mácure. Aru Jümenijicu üi que aiyede, Abraham mácu juedocuvabecu barejaquemavü cäreja. <sup>6</sup>Yópe arí, coynrejaquemavü Jümenijicu ü mácure: “Mipāramena mārājivü apejoboröi nuri, cuatrocientos paíquüa baju nore curājarama na mārājivü. Aru nore curí, mipāramena mārājivüre pare memecöjenajarama nócavü, ne eaijoboröcavü. Yebacavüre memecarājarama mipāramena mārājivü. Náre jara popeni, memecaicöjenajarama nócavü. <sup>7</sup>Übenita náre, dijoboröcavüre, nājine dacuyumu yu ne ämeina ðaiye báque boje mipāramena mārājivüre. No yóboi, yore copaidarājarama

mipāramena mārājivü dijoboröre jocarí. Aru yüre mearore jínajarama yui”, arejaquemavü Abraham mácure Jümenijicu.

<sup>8</sup>No yóboi, bedióva Jümenijicu “Yópe ðarājare”, arí yávarejaquemavü Abraham mácure. “Mü jü aru ji coyniyede báquede, yópe ðarí jáðovajara müja. Mü aru mívü ümüva aru mi yebacavü ümüvaque máre müje cajede burajarā müja, ārurivü ji coyniye báquede müjare”, arejaquemavü Jümenijicu. Abraham mácu jü arejaquemavü üre. Que baru cajede burarejaquemavü mamacu Isaac bácuere ocho paijārvavü üi pöeteniburu yóboi. Aru nopedeca ðarejaquemavü Isaac bácu mamacu Jacob bácuere. Aru nopedeca ðarejaquemavü Jacob bácu doce paivü mamarare, majeñecuva mácavüre.

<sup>9</sup>Cairücarüvare paivü ina Jacob bácuí mára, majeñecuvacavü bácvü, pare jorojinejaquemavü néyocü bácuere, üi amíá José. Que baru bojedarejaquemavü ü mácure apévüre, ü mácure nuvari bojedarājivüpe aivü Egipto ämicurijoboröcavüre yebacavüre. Übenita Jümenijicu cadatedejaquemavü ü mácure. <sup>10</sup>Ü mácuí cuede Egipto ämicurijoboröi apenümü nājínü marejaquemavü ü, José bácu. Übenita cainümü Jümenijicu cadatedejaquemavü ü mácure, üi etaquiyepere meacu ayü. Ürarö majide ðarejaquemavü ü mácure. Que baru Egiptocavü ne jabocü bácu, Faraón ne aimü, me járejaquemavü José bácuere, üi mearo ðaiye boje aru üi majié boje máre. Jaboteicöjenejaquemavü José bácuere caivü üi cüramicavüre aru caivü Egiptocavüre máre. Aru coreicöjenejaquemavü ü mácure caiye üi cuvæde.

<sup>11</sup>Dinümü ämeno baju vaidéjaquemavü no äiye cübenore caivü Egipto ämicurijoboröcavü aru Canaán ämicurijoboröcavü máre. Que baru majeñecuva mácvü, Canaán ämicurijoboröi curivü, ye äiye cuvabedejaquemavü na mácvü. <sup>12</sup>Jacob

bácu jápiayü “Áiye cüröre Egiptore”, darorejaquemavü caipücapüncapere paivü mamarare, majeñecüva mácavüre, mamarütmü ne nurí ñajiyere ayü áiyede. <sup>13</sup>Ne copaiyede nore bediöva cojedeca, José bácu “Yü Josébu”, arejaquemavü jíburã mácavüre. Faraón mácu José bácu jívüre coreóvarejaquemavü. <sup>14</sup>José bácu jarorejaquemavü jíburã mácavüre aru ímacü bácvüre máre népacü Jacob bácu yebai, daicöjeñü caivü ü jívüre üi yebai, Egipto ámicurijoboröi. Aru setenta y cinco paivü baju barejaquémavü na mácavü. <sup>15</sup>Jacob bácvüjä nurejaquemavü Egipto ámicurijoboröi. Ü mácu aru caivü mamara máre, majeñecüva mácavü, yaidéjaquemavü dijoboröi. <sup>16</sup>Yóbore népáramena mácavü nüvarejaquemavü ne bajuá báquede, jarüvaräjivü cüracobei Siquem ámicuríimaroí. No ne yaivü bácvüre jarüvaräjínore Abraham mácu bojedari ínejaquemavü jípcamia Hamor bácvüi márare. Na mácvüre jídejaquemavü táuturare Abraham mácu.

<sup>17</sup>Aru ánijáravü, Jümenijicüi Abraham mácvüre, “Yópe ñacacuyütmü müre”, üi áijáravü bácarö joabede, obedivü majeñecüva mácavü cürejaquemavü Egipto ámicurijoboröi.

<sup>18</sup>Dinütmü jaboteyu barejaquémavü Egiptocavüre apecü jabocü bácu. Ü mácu coreóvabedejaquemavü José bácvüre. <sup>19</sup>Ü mácu borocürí ámeina ñarejaquemavü majeñecüva mácavüre. Ñájine ñarejaquemavü na mácavüre. Ü mácu ñajocicöjenejaquemavü némara quíjínare jedevai, ne yainájiyere ayü.

<sup>20</sup>Dinütmüia pötededejaquemavü majeñecu mácu, üi ámiá Moisés. Juedocü meacü baju barejaquémavü. Ü mácvüi búcvüva bácvüi búcvóvarejaquemavü ü mácvüre yóbecurã aviáva ne cürami jívüi. <sup>21</sup>Ne ñajocaiyede ü mácvüre jedevai, Faraón mácvüi máco báco Moisés bácvüre earí, nüvari öi cürami, búcvóvarejaquemavü mamacü bajupe. <sup>22</sup>Ina Egiptocavü bácvüi majiéde buedejaquemavü Moisés bácvüre. Que teni búcvüi carí yácvarejaquemavü aru ñarejaquemavü igrarö parüéque.

<sup>23</sup>Cuarenta paivüja cüvacü Moisés bácu, jácvü nurejaquemavü apecü ü jívüre, Israecavüre. <sup>24</sup>Járejaquemavü cüinácü Egiptocacü bácvüre jara boayüre cüinácü Israecacü bácvüre. Ü jícvü bácvüre cadateiyücvü, áñü Egiptocacü bácvüre boarí jarüvarejaquemavü Moisés bácvü yavenina. <sup>25</sup>Ü mácu yópe arí ñapiarídurejaquemavü: “Ina jívü majinajarama Jümenijicü yüre nüvaicöjeyüüre náre ne yebacateinore jocarí, arídurejaquemavü. Übenita majibedejaquemavü na mácvü.

<sup>26</sup>Cömiájáravü Moisés bácu járejaquemavü pücarã ümüva Israecavü bácvüre áñamateivüre ne bajumia. Que teni cárijovamene ñarídurejaquemavü ü mácu na mácvüre. Yópe arejaquemavü: “Müja cüinávütmü. Que baru, ñaipere teni ámeina ñaivüü müja müje baju?” arejaquemavü Moisés bácu.

<sup>27</sup>Übenita cüinácü nácvü bácvü jarüvarejaquemavü Moisés bácvüre. Aru jénari járejaquemavü ü mácvüre:

“¿Name jaboteicöjeni müre nüjare? ¿Ñame jénari jáipöcvüre epedi müre?”

<sup>28</sup>¿Yüre máre boarí jarüvaivücvü, yópe mi boavarepe áñü Egiptocacü bácvüre énoare?” arejaquemavü. <sup>29</sup>Ü mácvüi que aiyede jápiayü Moisés bácu, dupini nurejaquemavü Egipto ámicurijoboröre jocarí. Apeno joborö, Madián ámicurijoboröi, earí cürejaquemavü. Jímarepaco báco, dijoboröcaco, juedocüvarejaquemavü pücarã ümüvare.

<sup>30</sup>Aru Moisés bácu nore cürejaquemavü cuarenta paivüja. Dinütmü cüinácü Jümenijicüi ñaroimü mácu, ángele, cüetedejaquemavü ü mácvüre pöcvübenoi joabejínoi Sinaí ámicuricü cüracüre. Áñü ángele cüetedejaquemavü cüinácü jocüjicü uruijicü jéneboi. <sup>31-32</sup>Moisés bácu cüecumañü üi jáiyede, joabenoí nurejaquemavü, me jácvü. Que teni jápiarejaquemavü Jümenijicüi yávainore, yópe aiyede: “Yátamu Jümenijicü. Míñecüva Abraham, Isaac, aru Jacob ne ju aimümu yü”, arejaquemavü Jümenijicü. Diede

jápiarī, Moisés b́acu jiducu, bidini jáiyubedejaquemavu. <sup>33</sup>Cojedeca J́umenijicu arī yávarejaquemavu ũ mácure: “Mu núvu caride joborō mearo baji, ji cwe boje yui. Aru ýbu meacu baju caivu pueno. Que baru dujacu mu mi c̄raidoare, pueđac̄uȳ ūre. <sup>34</sup>Ȳu jáivu ji p̄eva urarō ñájivure no joborō Egiptoī. Ȳu jápiaivu ne oiyede. Que baru daivu ȳu, meadac̄udaȳu náre. Nujacu cari. Jacopaiyovaquijiv̄u m̄re Egiptoita”, arejaquemavu J́umenijicu Moisés b́acure.

<sup>35</sup>Áñ̄u Moisés b́acure Israecavu b́acavu ũbeni jar̄uvaiyurídurejaquemavu. Yópe arī, “¿Ñame jaboteicōjeni m̄re ñ̄jare? ¿Ñame j̄eniari jáip̄oc̄upe epedi m̄re?” j̄eniari járejaquemavu na mácavu. Ũbenita na mácavu ũ mácure jar̄uvaiyuríd̄uiv̄ureca, J́umenijicu jarorejaquemavu Moisés b́acure ne yebai, ũi jaboteni meadaquiyep̄e ayu na mácavure. Aru añ̄u ángele, ũi jáim̄u mácu joc̄uj̄icu uruij̄icui, cadateȳu barejaquemavu ũ mácure.

<sup>36</sup>Moisés b́ac̄vacari núvarejaquemavu añina Israecavu b́acavure Egipto āmic̄urijoborōre jocarī. Darejaquemavu p̄eva ne jámene aru ne đarī majibede máre ure Egipto āmic̄urijoborōi, ne etarājiye jipocare, aru jia urada yebai, aru na mácav̄ni cuede máre p̄oc̄ubenoī cuarenta paij̄ua baju.

<sup>37</sup>Áñ̄u Moisés b́ac̄vacari arejaquemavu Israecavu b́acavure: “J́umenijicu daroc̄uȳme m̄jare ap̄ecu ũi yáviyede coyuc̄aip̄oc̄ure nopedeca ũi daroiyep̄e ȳre. M̄jacasu bac̄uȳme ũ. Ju ajarā ũre”, arejaquemavu ũ mácu. <sup>38</sup>Áñ̄u Moisés b́ac̄vacari c̄rejaquemavu Israecavu b́acav̄que, majeñec̄uva mácav̄que, ne c̄ojijiyede p̄oc̄ubenoī. Aru c̄rejaquemavu añ̄u ángele ũre yávaȳu b́ac̄que Sinaí āmic̄uric̄u c̄rac̄ui. Áñ̄u Moisés b́ac̄vacari jac̄orejaquemavu J́umenijicui yáviyede, majide đac̄uȳu majare, maje majinajiyep̄e ayu aipe đaiye jaurōre, maje c̄varājiyep̄e ayu jar̄avu c̄im̄ej̄aravu baquinóre.

<sup>39</sup>Ũbenita majeñec̄uva mácavu ju abedejaquemavu Moisés b́acure.

Ũbedejaquemavu ũ mácure. Aru, “Egiptoī copaiyuriv̄ubu ñ̄ja”, arídurejaquemavu na mácavu. <sup>40</sup>Que teni yópe arī, j̄eniarejaquemavu Aarón mácu, Moisés b́ac̄ui yócu b́acure: “Đacajacu ñ̄jare ap̄ev̄u p̄peimarare, maje nuvarajiyep̄e maje jipocai. Majibev̄u maja aipe vainore ñai Moiséde, majare davavacure Egiptore jocarī”, arejaquemavu na mácavu. <sup>41</sup>Que arī, đarejaquemavu ne p̄peim̄ure yópe oitevc̄uj̄ic̄upe. Que đarī buojari, āimarare boarī, juarejaquemavu, ne p̄peim̄ure j̄iv̄u. Aru torojurejaquemavu, mearore j̄iv̄u ne baju puruáque ne đaiye báquede. <sup>42</sup>Que teni ne J́umenijicure jar̄uvaiye boje, J́umenijicu máre jar̄uvarejaquemavu na mácavure, mearore j̄ic̄ojeñ̄u abiac̄ovare. Nópe đarī, đarejaquemavu na mácavu yópe c̄uinác̄u J́umenijicui yávaiyede coyuc̄aip̄oc̄evac̄asu b́acu ũi toivaiye báquepedeca:

M̄ja, Israecavu, cain̄m̄ua no cuarenta paij̄ua m̄je cuede p̄oc̄ubenoī, ȳre āimarare boarī, juarī, j̄ibeteav̄u m̄ja. Aru ape j̄iyede máre j̄ibeteav̄u m̄ja ȳre. <sup>43</sup>Ñai j́umenijicu, ũi āmiá Moloc, ũi c̄ramine, āimac̄ajeaque đaiñamine, núvavu m̄ja. Aru ñai j́umenijicu, ũi āmiá Refán, ũi p̄peim̄ure yópe abiac̄or̄upe páȳre máre núvavu m̄ja. Dinum̄re iye m̄je p̄peimarare đaiye báque boje, aru m̄je mearore j̄iye boje náre, m̄je mauvare núvaic̄ojec̄uȳm̄u ȳu m̄jare m̄je joborōre jocarī pu Babilonia āmic̄urō ānip̄urav̄uita, arejaquemavu J́umenijicu, arī toivarī, ũi yáviyede coyuc̄arejaquemavu.

<sup>44</sup>Majeñec̄uva mácavu ne cuede p̄oc̄ubenoī c̄varejaquemavu náque đĩñami c̄rami ne āimac̄ajeaque đaiñami mácarōre, iveá c̄ravea báqueque J́umenijicui đaic̄ojeiye ũi coyuiye báquede Moisés b́acure toivainoque c̄riñami mácarōre. Đĩñami mácarōre đarejaquemavu na mácavu

nópe Jūmenijicui jáđovaino mácarōpe jipocamia Moisés bácare ũi caede cūracūi. <sup>45</sup>Obediujua yóboi, Josué bácu jabotedejaquemavu majeñecuva mácavure, diñami mácarōre ðaipōeva mácavui pāramena mácavure. Jipocamia na mácavu jacopñrejaquemavu diñami mácarōre néñecuva mácavui jino mácarōre náre. Josué bácuque nuri, Jūmenijicui etavaiyede apevu judíova āmevure ijoborōre jocarí, majeñecuva mácavu ñejaquemavu yo joborōre. Na mácavu máre ñvarejaquemavu diñami mácarōre dinumumia. Aru népāramena mácavu máre jacopñvarejaquemavu diñamine, nébucuva bácvui jino mácarōre na mácavure pu David bácu jaboteiyeta.

<sup>46</sup>Aru David bácu ðaiyurejaquemavu Jūmenijicui urōpe. Que baru Jūmenijicu me járejaquemavu ũi mácure. Aru David bácu ðacaiyurídurejaquemavu cūramine, pōeva ne jēniañamine Jūmenijicure. <sup>47</sup>Ūbenita David bácu mácu bácu, ũi āmiá Salomón, ðacarejaquemavu diñami mácarōre Jūmenijicure. <sup>48</sup>Ūbenita Jūmenijicu, parucu caivu apevu pñeno, cubebi pōeva ne ðaiñamia jívui. Que teni cūinácu Jūmenijicui yávaiyede coyucaipōescu bácu yópe toivarejaquemavu Jūmenijicui yávaiyede:

<sup>49</sup>Cavarō mearomu yópe ji dobarō mearo. Caiyede ðaicōjeivu yu nore dobacu. Aru ijāravubu yópe ji cuboba epeinope. Que baru ji cūramiva ðarí majibevu mija. Jūmenijicui curōre ji jabuóvaimine ðarí majibevu mija. <sup>50</sup>Yávacari caiyede cuedarejacacu yu, arejaquemavu Jūmenijicu.

<sup>51</sup>Yu coyuyubu mujare: iŪbenita járiaiyubevu mija! Dápiavubu mija yópe Jūmenijicure ju abevu ne dáriaiyepere. Járiaiyubevu mija Jūmenijicui yávaiyede. Mujeñecuva mácavure paivubu mija. Na mácavupedeca mujavacari máre cainumua járiabevu ñai Espiritu

Santore. <sup>52</sup>Mujeñecuva mácavu ñájine ðarejaquemavu caivu ānina Jūmenijicui yávaiyede coyucaipōeva mácavure. Mujeñecuva mácavucapūravu boarí jaruvarejaquemavu Jūmenijicui daroimara mácavure, ũi yávaiyede coyucaipōeva mácavure, ānina javede “Jūmenijicure memecaipōescu meacu baju dacuyume”, arí coyuvu bácvure. Aru ũi daiyede mujacapūravu jēni jini ũre ũi mauvare, boarí jaruvaicōjeavu ũre. <sup>53</sup>Mujavacari jacopñrejaquemavu Jūmenijicui ðaicōjeiyede ũi toivaicōjeiye báquede. Ū yávarejaquemavu ángelevare. Aru ina ángeleva yávarejaquemavu Moisés bácare. Aru ũi mácu toivarejaquemavu diede, muje majinajiyepere ayu. Ūbenita mujacapūravu ye ju abevu iye Jūmenijicui ðaicōjeiyede ũi toivaicōjeiye báquede, arejameða Esteban cōjjinocavure.

#### Estebāre cūraboaque ne boaino

(Lc 23.34, 46)

<sup>54</sup>Esteban ũi coyuyedeca jápiaivu ina cōjjinocavu, pare jararejaimaða ũre. Que baru cūrejaimaða ne cōpiāre, pare ne jaraiye boje. <sup>55</sup>Ūbenita ñai Espiritu Santo ðaicōjeñu marejameða Estebāre. Que teni Esteban, cavarōre cocorí járejameða Jūmenijicui mearo miadārore, aru Jesúre máre nūcure Jūmenijicui meapūravui paruéque.

<sup>56</sup>Aru Esteban arejameða:

—Jájara. No cavarō voainore jáivu yu. Aru ñai Jūmenijicui daroimu mácure ũmure máre, nūcure Jūmenijicui meapūravu yebai jáivu yu, arejameða.

<sup>57</sup>Ūi que aiyede, coðoboborí bidejaimaða na ne cá mucobeare ne pñuáque. Cūináturu nacajari, cúyarí nuri ũi yebai, ũre jēni, ñvarejaimaða nore jocarí. <sup>58</sup>Jabuborí jaetovarejaimaða ũre ímarore jocarí. Aru cūraboaque ðvarí búrejaimaða na Estebāre. Ina ũre boro coyurí aðaivu bácvu barejáimaða cūraboaque ðvarí buivū. Ne ðvarājiye jipocamia, epedejaimaða ne pñenocajeare cūinácu ũmū yebai, ũi āmiá Saulo. <sup>59</sup>Ne ðureiyedeca

cūraboaque, Estebācapūravū jēniañū marejāmeda Jesúre.

—Му, ji jabocu, Jesús, caride ijacu ji ūmene, arejameda Esteban.

<sup>60</sup>Que arī, ñuatutarī joborōi, codoboborejameda:

—Му, ji jabocu, ārumetejacu iye ne āmeina teiyede, arejameda.

Nópe ayū bācu, Esteban mácu yaidéjameda.

**8** <sup>1</sup>Aru ñai Saulo torojūrejameda ne boarī jaruvaiyede Esteban mácure.

**Saulo ūi ñájine ðaino Jesúre ju aipōevare**

(Hch 2.2, 4-5, 26.9-11)

Dijāravūmareca Jesúre ju aipōeva Jerusalén āmicurīmaroi curivū ñájini búrejaimada pare, náre apevū ne āmeina ðaiye boje. Caivū ina Jesúre ju aipōevare dupini nūre ðarejaimada caino Judea āmicurījoborōi, aru caino Samaria āmicurījoborōi máre. Ūbenita Jesús ūi yávaiye méne beorī coyūicōjeimara dupini numenejaimada. <sup>2</sup>Apevū ūmūva, Jūmenijicure ūrivū, nūvarejaimada Esteban mácuī baju bācarōre, jarūvarājivū ū mácure cūracobei. Ūrarō chōivū codoboborī bujiéque orejaimada ū mácure. <sup>3</sup>Ūbenita Saulocapūravū bíjaroiyūrejameda caivū Jesúre ju aipōevare. Que baru nuñū cūramia coapa, ina ju aipōevare jēni jabūborī buoicōjeñū marejāmeda āmeina teivūre jēni jacoiñami jívui. Ūmūvare aru nomivare máre ñájine ðarejameda ñai Saulo.

**Felipe Samariai ūi coyūino Jesús ūi yávaiye méne**

<sup>4</sup>Ina Jesúre ju aipōeva dupini nuivū Jerusalén āmicurīmarore jocarī, Jesús ūi yávaiye méne coyūrānūrejaimada caino joborōi. <sup>5</sup>Cūinācu nācacū, Felipe āmicucū, nūrejameda Samaria āmicurīmaroi. Aru coyūyū barejāmeda Jesús ūi yávaiye méne nōcavūre. <sup>6</sup>Obedivū pōeva ūi coyūiyede jápiaivū aru ūi ðaiyede pōeva ne ðarī majibede jáivū, me jápiarejaimada ūre. <sup>7</sup>Felipe

etaicōjenejameda abujvare obedivū pōevare jocarī. Codoboborī etarejaimada na. Aru meadarejameda obedivū nacajaiye majibevūre, cuiye majibevūre máre. <sup>8</sup>Que baru obedivū Samaria āmicurīmarocavū pare torojurivū barejāimada na.

<sup>9</sup>Ūbenita diīmaroi cūinācu ūmū curejameda, ūi āmiá Simón. Joe baju cucū bācu noi, yaviéde ðayū barejāmeda ū. Caivū nōcavū cucumarejaimada ūi yaviéde. “Parucubū yu”, arejamedā ū. <sup>10</sup>Que baru caivū diīmarocavū, jabova aru apevū máre, me jápiarejaimada ūi coyūiyede. “Ñai Simón parucube apevū pueno. Jūmenijicui parūéde cuvabi ū. Ūrecabe Jūmenijicū baju”, arejaimada caivū.

<sup>11</sup>Joe baju Simón pare cuvarejamedā ina pōevare. Que baru me jápiarejaimada caiye ūi coyūiyede.

<sup>12</sup>Ūbenita ina pōeva ne ju aiye Felipe coyūiyede, jápiaivū bācavū iye yávaiye méne Jūmenijicui jaboteinore aru Jesúre, Jūmenijicui epeimū mácure máre, jáðovarejaimada Jūmenijicure ocoque, ūmūva aru nomiva máre.

<sup>13</sup>Simón máre ju arejamedā Jesúre. Aru jáðovarejamedā Jūmenijicure ocoque. Ūi jáðovariburu yóboi, Simón yóvarejamedā Felipe. Ūvacari cucumarejamedā ū jáñū mácu caiye iye Felipe ūi ðaiyede pōeva ne jámene aru ne ðarī majibede.

<sup>14</sup>Aru Jesús ūi yávaiye méne beorī coyūicōjeimara Jerusalén āmicurīmaroi curivū, jápiarejaimada ina Samariacavure ne ju aiye Jūmenijicui yávaiye méne. Que baru jarorejaimada Pedrorē aru Jūare máre Samaria āmicurīmaroi. <sup>15</sup>Nore Pedrojā earī, jēniacarejaimada Jūmenijicure, ūi daroquiyepē aivū Espírītu Santore ina pōeva mamarūmū ju aivūre Jesúre dijāravūare. <sup>16</sup>Jave jáðovarejaimada Jūmenijicure ocoque Jesúi āmiái. Ūbenita ñai Espírītu Santore cuvabedejaimada na cāreja. <sup>17</sup>Ne jēniariburu yóboi, Pedro aru Juan máre tuorejaimada ne purūáque náre



coapa ne jipoburā. Que teni caivu ina cuvarejaimada ñai Espiritu Santore.

<sup>18</sup> Aru Simón járejamedá Pedrojá ne tuoiyede Jūmenijicu daroyure Espiritu Santo pōevare. Que baru jíyurejamedá tātuturare Pedrojáre, cuvaiyucu Jūmenijicui majiéde nápe.

<sup>19</sup> —Jíjarā yure máre iye Jūmenijicui majiéde. Yu máre jíyuvu Espiritu Santore ina ji tuoimarare ji puruáque, Simón arejamedá Pedrojáre.

<sup>20</sup> Ubenita Pedrocapuravu jarayū arejamedá úre:

—Yu uvu Jūmenijicui ñájine daquiyepe mure mi tātuturare toabo cūiméboi, mi dápiaye boje bojedainore úre iye majiéde Espiritu Santo jíyede pōevare.

<sup>21</sup> Mu Jūmenijicui jáinore amecu bajutamu mu mi úme. Que baru mu jáve ñujacacu amevu. Ñuje memeinore dabevu mu. <sup>22</sup> Caride chíonū oatuvajacu mu mi daiyede. Dajocajacu mi ámeina dápiainore. Aru jēniyacacu Jūmenijicūque, ũi árumetequiyepe mi nópe dápiainore.

<sup>23</sup> Jáivū yu mure pare jorojíñure. Aru buoimure páyubu mu, mi ámeina teiye boje, arejamedá Pedro úre.

<sup>24</sup> Nópe ayure, Simón ju arejamedá:

—Jēniaivū mujare. Jēniacajarā yure Jūmenijicūque, vaibéquiyepe yópe mi coyuiyepere, arí jēniarejamedá Simón.

<sup>25</sup> No yóboi Pedro aru Juan, Jesúre coreóvaivū, coyurejaimada caivu ina pōevare Jūmenijicui yávaiye méne. Coyurí buojarí, etarejaimada díimare jocarí, copainurajivū Jerusalén ámicuríimaroí. Aru mái nuri coyurejaimada Jūmenijicui yávaiye méne obedivū imaroacavure Samaria ámicurijoboróí.

#### **Felipe ũi bueino Etiopíacacure**

<sup>26</sup> Dinumu Jūmenijicui daroimū, cūinácu ángele, nuicōjenezamedá Felipede.

—Caride avíá daino cācopūravu ñujacu, Jerusalén ámicuríimaro yebai ñuimai ñujacu, Gaza ámicuríimaroí ñuimai, arejamedá.

Caride pōeva cubema dimare. <sup>27</sup> Ju arí, Felipe nurejamedá. Dinumu

dimai cūinácu ũmu eunuco, Etiopía ámicurijoborócasu, copainuñu marejamedá Jerusalén ámicuríimare jocarí ũi joboróí. Ñai ũmu jabocu parucu barejamedá. ũi joboró jabocoi tātuturare coreipōecu barejamedá. Aru ico jabocore pōeva arejaimada Candace. Ñai ũmu copainuñu marejamedá ũ, torojuede jíyu bácu Jūmenijicure Jerusalén ámicuríimaroí. <sup>28</sup> Jāturuicūi dobacu nuñu caballovaque, aru ũi nuiyedeca Jūmenijicui yávaiyede jári boroteyu barejamedá. Ñai Jūmenijicui yávaiyede coyucaipōecu bácu, ũi ámiá Isaías, ũi toivaiye báque barejávūya ũi jáiye. <sup>29</sup> Aru Felipei jáiyede ñai ũmure, Espiritu Santo arejamedá úre:

—Jāturuicū yebai ñujacu mu.

Mautejacu mu ñai ũmuque, arejamedá.

<sup>30</sup> Ju arí, cúyarí, ũi yebai earí, Felipe jápiarejamedá ũi jári boroteiyede Isaías bácu toivaiye báquede. Que teni Felipe jēniari járejamedá úre:

—¿Dápiarí eayurū mu aipe aiyuróre yo mi jári boroteinore? arejamedá Felipe.

<sup>31</sup> Aru ñai Etiopíacacu arejamedá Felipede:

—Bi, dápiarí eabevu yu yo ji jári boroteinore. Pōecu majicu jaubi yure, majiacacuyū aipe aiyuróre yo ji jári boroteinore. Jatujacu. Dobajacu ji yebai. Majicajacu yure yore, arejamedá ñai ũmu Felipede.

<sup>32</sup> Iye toivaiye báquede jári boroteyu barejamedá yópe:

Nuvarajarama úre boarí

jaruvarájivū, yópe ne nuvaiyepere

ovejare boarí jaruvainoi. Aru

bi acuyume ũ, yópe ovejajicu

obepe ũi pođare buraiyedeca.

Abecuyume ũ. <sup>33</sup> Cuyoye tede

darājarama úre. Aru yávarí

cadateipōecu cubecuyume.

Que baru ámeno darājarama

úre. Cūiquíyebu ijāravure ũi

cūrō. Que baru ũi pāramena

majurórivū cubenajarama. Aru na

majurórivure coyubenajarama ne

borore, jári borotedejamedá ñai

Etiopíacacu.

<sup>34</sup> Aru jēniari járejameđa Felipede:  
—Coyuǵacu yure. ¿Ñamene  
Jūmenijicui yávaiyede  
coyucarejaquemari iyede?  
¿Coyurejaquemari ũi baju o apesure?  
arejameđa.

<sup>35</sup> Ju arí ũre, iye toivaiye báqueque  
bári, Felipe coyurejameđa ũre caiye iye  
Jesús ũi yávaiye méne. <sup>36</sup> Ne nuiyedeca  
mái earejaimađa oco curijitabure. Aru  
ñai jabocu arejameđa Felipede:

—Jáǵacu. Yuibu oco curijitabu. ¿Ji  
jáđovaiyuede Jūmenijicure ocoque,  
apesu jáđovaicōjemecu buojaidi yure?  
arejameđa.

<sup>37</sup> Felipe arejameđa ũre:  
—Mu ju ayu baru Jesúre, jáđovari  
buojaivu mu Jūmenijicure ocoque,  
arejameđa.

Ñai jabocu, yópe arí, ju arejameđa  
ũre:

—Yu ju ayubu Jesúre. Majivu yu  
ũre Jūmenijicui mácure, Jūmenijicui  
daroimú mácure, arejameđa ñai jabocu.

<sup>38</sup> Que arí, nuicōjemenejameđa  
caballovare, icú jäturuicú mautequiyepu  
ayu. Aru ina pucarā, Felipe ũmaque,  
etarí dicüre jocarí, ĕmeni oco  
curijitabui, Felipe jáđovarejameđa  
ũre Jūmenijicure noi. <sup>39</sup> Aru ne  
maiye oco curijitabure jocarí, cūiná  
Jūmenijicui Espírítu nūvarejameđa  
Felipede. Ñai jabocu jámenejameđa  
ũre cojedeca. Ũbenita torojucu mái  
nūrejameđa bedióva. <sup>40</sup> Felipecapūravu  
járorejameđa Azoto āmicuríimaroí. Etarí  
nore jocarí, mái nūre nuñu Cesarea  
āmicuríimaroí coyurejameđa iye Jesús  
ũi yávaiye méne cainoa imaroai dimai  
pu eayuta Cesarea āmicuríimaroí.

**Saulo Jesucristore jári ũi ju aino**  
(Hch 22.6-16, 26.12-28)

**9** <sup>1</sup> Que teiyedeca, Saulo cainumua  
ñájine dayu barejameđa Jesúre ju  
aipōevare, náre yópe arí:

—Boaquíjivu mujare muje Jesúre ju  
aiye boje, jarayu arejameđa Saulo.

<sup>2</sup> Aru ñai sacerdotevare jaboteipōevare  
jēniacūnurejameđa papeyocare Saulo,

ũi jáđovaquiyepu ayu diyocare judíovai  
cójjiñamia coreipōevare Damasco  
āmicuríimaroí, ne majinajiyepu ayu  
ñamene ũ Saulo aru ye paruéde  
cūvacure ũ, ne cōjeimú mácu. Damasco  
āmicuríimaroí nucuyu barejameđa  
Saulo, vocunñu Jesúre ju aipōevare.  
Náre eayu baru, buojebu náre, ũmuvare  
aru nomivare máre, nūvacuyu náre  
Jerusalén āmicuríimaroí.

<sup>3</sup> Diyocare ĩni, Saulo nūrejameđa  
mái. Damasco āmicuríimaroí joabenoí  
eaiyede, maumejena cavarōre jocarí  
pōorejavūya yópe yaroinope ũi yebai,  
aru urarō miadárevavūya noi. <sup>4</sup> Que baru  
cucumañu, mori tūrejameđa joborōí.  
Aru jápiarejameđa Jesús ũi yávainore,  
yópe ainore:

—Mu, Saulo, ¿aipe teni maucūvacurū  
mu yure? arejameđa.

<sup>5</sup> Saulo jēniari járejameđa:

—Mu, ji jabocu, ¿ñamenu mu? jēniari  
járejameđa.

Aru Jesús arejameđa:

—Yurecabu Jesús, mi maucūvamú  
mácu. Mi maucūvarō yure āmedaivu  
mure, arejameđa.

<sup>6</sup> Saulo, jiducu, bidini jēniari  
járejameđa Jesúre:

—Mu, ji jabocu, ¿yéde ji ñainore ucūrū  
mu? arejameđa Saulo.

Aru Jesús arejameđa ũre:

—Nacajajacu. Ecojacu diimaroí. Noi  
apesu majicacuyume mure aipe mi  
ñaquinore, arejameđa Jesús ũre.

<sup>7</sup> Iye pēoiyede, ina ũmava, nuivu  
bácavu Sauloque, dajocarejaimađa.  
Aru bi arejaimađa na. Iye yávainore  
jápiarejaimađa na. Ũbenita ñai yávayure  
ye jámenejaimađa na. <sup>8</sup> Ju arí Jesús ũi  
cōjeiyede, Saulo nacajarejameđa. Ũbenita  
ũi yacorua voaiyede, ye jámenejameđa ũ.  
Jári eabecu barejameđa ũ, Saulo. Que baru  
ũque nuivu ũi puruáre jēni, nūvarejaimađa  
ũre pu Damasco āmicuríimaroita.

<sup>9</sup> Yóbecurijārvavare Saulo jári  
eabedejameđa. Āinore ye āmenejameđa.  
Aru ũcūinore máre ũcumenejameđa ũ.

<sup>10</sup> Noi, Damasco āmicuríimaroí,  
curejameđa cūinácu Jesúre ju

aipõevacacu, ñi ãmiá Ananías. Ñ arucu járejamedá Jesúre decoboainope. Aru Jesús arejamedá úre:

—Mu, Ananías, ¿cucurú mu? arejamedá. Aru Ananías arejamedá:

—Mu, ji jabocu, cuvü yu, arejamedá.

<sup>11</sup> Jesús arejamedá úre:

—Nujacu Nurinima ãmicurimai. Noi, Judai cãrami nuri, vojacu cüinácu ñmure, Tarso ãmicuríimarocacure, ñi ãmiá Saulo. Jipacu Jümenijicure jëniáimi ñ. <sup>12</sup> Jári eabebi ñ caride. Arucu ñ decoboainope jáimi mure tuoýure mi puruáque, járe dacuyure úre cojedeca, arejamedá Jesús Ananiáre.

<sup>13</sup> Nópe ayure jápiarí, Ananías arejamedá:

—Mu, ji jabocu, ñ mínare mearare Jerusalécavure ãmeno ñabiya ñ. Obedivü pøeva yávaðama yure. <sup>14</sup> Que baru yo Damascure caivü ina mure ju aivure buocudayutame ñ, sacerdotevai jabova ne cójeimü mácu, arejamedá Ananías Jesúre.

<sup>15</sup> Ñbenita Jesús arejamedá úre:

—Nujacu. Beoivü yu ñai ñmure, ñi coyüquiyepe ayu ji yávaie méne apejoborõacavure, nócvü ne jabovare máre, aru Israecavure máre. <sup>16</sup> Yu jáðovaquijivü ñre ñájijede yure boje, arejamedá Jesús.

<sup>17</sup> Dinümü Ananías nurejamedá cãrami, Sauloi curiñami. Ecoyü bácu, tuorí ñi puruáre Saulorã, arejamedá:

—Mu, jícu, Saulo, Jesúvacari ñai mi jáimü mácu mái dayu, daroibi yure, mi jáquiyepé ayu cojedeca aru Espiritu Santo ñi ñaicõjequiyepé ayu mure, arejamedá Ananías Saulore.

<sup>18</sup> Nópe ñi aiyeda, turejavüya ñi yacorüare jocarí moatüchiapa paiyede, aru me járejamedá cojedeca. Dinümüre nacajañure jáðovarejamedá Jümenijicure ocoque. <sup>19</sup> No yóboi ñri, parucu nurejamedá cojedeca. Aru mautedejamedá obebejáravua Jesúre ju aipõevaque, Damasco ãmicuríimaroi curivüque.

**Saulo Damascoi ñi coyüino  
Jesús ñi yávaie méne**

<sup>20</sup> Maumejiena Saulo coyüri búrejamedá judíovai cójijíñamiai,

“Jesúre jáveneca Jümenijicui mácube” ayu. <sup>21</sup> Caivü úre jápiaivü bácvü cuecumaivü arejaimada ne baju:

—Ñai Jesúre ju aivure ãmeno ñayube ñ. Que baru náre jëni jícvü dacube yui, ina sacerdotevai jabova ne buorãjiyepé ayu náre, arejaimada na.

<sup>22</sup> Ñbenita Saulocapüravü coyurejamedá Jesús ñi yávaie méne, paruéque jáðovañu jáveneca Jümenijicui mácube. Ñbenita jápiarí coreóvare ñabedejamedá ina judíova curivure Damasco ãmicuríimaroi.

**Saulo ñi dupino judíovare jocarí  
(2 Co 11.32-33)**

<sup>23</sup> Obedijäravua yóboi, judíovacavü cójijidejaimada, boarí jarüvaräjivü Saulore. <sup>24</sup> Ñbenita ñ majidejamedá. Järävure aru ñamine máre coreivü baríidurejaimada ñmaro jedevacobeai, boarí jarüvaräjivü úre, ñi etaru nore. <sup>25</sup> Ñbenita Jesúre ju aipõeva epedejaimada Saulore pue urapue jívüi. Aru no biaido tarabü jáicobede ñmeóvarejaimada úre ñmaro biaido apepüravüi pu joborõita ñami. Yópe ñari, Saulo dupini nurejamedá ñi mauvare jocarí.

**Saulo Jerusaléi ñi curõ**

<sup>26</sup> Saulo eayü bácu Jerusalén ãmicuríimaroi, cójijiyüridurejamedá Jesúre ju aipõevaque. Ñbenita caivü jidurejaimada, ne dápaiye boje ju abecure Jesús ñi yávaie méne. <sup>27</sup> Ñbenita Bernabécapüravü nvari yóvare ñarejamedá Jesús ñi yávaie méne beorí coyüicõjeimaraque. Coyurejamedá aipe teni Saulo ñi jáino mácarõre Jesúre, ñi nuiyede Damasco ãmicuríimaroi, aru aipe Jesús ñi yávaino mácarõre úre. Aru Bernabé coyurejamedá aipe Saulo ñi yávaino mácarõre máre, Damasco ãmicuríimaroi, coyüyu jidübecüva caivü pøevare Jesús ñi yávaie méne.

<sup>28</sup> Yópe aríburu yóboi, Saulo mautedejamedá Jerusalén ãmicuríimaroi, cuyü Jesús ñi yávaie

méne beorí coyucōjeimaraque.  
<sup>29</sup> Coyure cuyu barejámeđa jidubecuva pōevare Jesús ũi yávaiye méne, boroteni coyuvarejameđa pare ina judíova griego āmicuricamuare yávaivure. Ũbenita boarí jaruvaiyure curídivu barejámada na. <sup>30</sup> Jesúre ju aipōevare majidivú boarí jaruvaiyurivure, nūvarejaimada Saulore Cesarea āmicuríimaroí. Aru nore jocarí, jarorejaimada ũre Tarso āmicuríimaroíta. <sup>31</sup> Yópe teni, Jesúre ju aipōeva caivu Judea, aru Galilea, aru Samaria āmicuríōcavú nájimenejaimada. Pueno baju majidivú barejámada na Jūmenijicure aru ũi yávaiyede máre, ñai Espírítu Santo ũi bueiyede náre. Cūrejaimada pueďarí Jūmenijicure Espírítu Santo ũi cadateinoque. Aru pueno baju obedivú tedejaimada Jesús ũi yávaiye méne ju aipōeva.

**Pedro ũi meadaino Eneas**

<sup>32</sup> Dinumú Pedro coyure cuyu barejámeđa cainoa ímaroacavure. Que teni cūinájāravú jácunūrejameđa ina pōevare, Jūmenijicure mearore jívure, Lida āmicuríimaroacavure. <sup>33</sup> Nore cūinácú ũmú cūrejameđa, ũi āmiá Eneas. Nacajaiye majibecu barejámeđa ũ. Ocho paíjua joe nacajamenejameđa ũi parainore jocarí. <sup>34</sup> Aru Pedro ũi yebai nuri, arejameđa ũre:

—Mú, Eneas, caride Jesúvacari meadaibi mure. Nacajajacu. Aru meadajacu mi parainore, arejameđa Pedro Eneas.

Maumejena Eneas nacajarejameđa. <sup>35</sup> Que teni caivu ina pōeva Lida āmicuríimaroacavú aru Sarón āmicuridarōcavú máre járejaimada Eneas meateyure. Que baru ju arejaimada Jesúre.

**Pedro ũi nacovaino Dorcas yaiyó bácore Jesúí paruéque**

<sup>36</sup> Dinumú Jope āmicuríimaroí cūinácú nomió cūrejacođa, ũi āmiá Tabita. Ico Tabita Jesúre ju aipōeco barejacođa ũ. Ői āmiá griego āmicuricamua yávaicamuaque

Dorcas barejávūya, yo aiyurō ñamaco. Cainumua mearo ďari cōmajiyó báco apévure aru cadatedo báco cōmaje ārojarivure máre. <sup>37</sup> Dijāravuai ijeteri, yaidéjacođa ũ, Tabita báco. Ői baju bácarōre joaríburu yóboi, epedejaimada puenocaticubui. <sup>38</sup> Jope āmicuríimaro aru Lida āmicuríimaro joabeno marejávūya. Que baru ina Jesúre ju aipōeva Jope āmicuríimaroacavú jápiaivú Pedro cūcure Lida āmicuríimaroí, yo borore jarorejaimada ũre pucarā ũmūvaque:

—Maume dajacu ñūje curōi, arí daicōjenejaimada ũre.

<sup>39</sup> Ju arí, Pedro nūrejameđa náque. Ne eaiyede, nūvarejaimada ũre yaiyó bácoi curitucubú puenocaticubui. Ditucubui ecoyú, caivu ina nomiópeva oivu ũ mácore chītoivu ũre, jáďovaivú barejámada doicajeare, Dorcas báco ũi nareíye báquede apūco cāreja. <sup>40</sup> Ũbenita Pedro etaicōjenejameđa caivu inare ditucubure jocarí. Que teniburu yóboi, ñuatutarí jēniarejameđa Jūmenijicūque. Ũi jēniariburu yóboi, copedini, ũi baju bácarōre jári, arejameđa:

—Mú, Tabita, nacajajaco, arejameđa.

Ői yacorūare voarí, Pedrore jári, nacajari dobarejacođa ũ, Tabita. <sup>41</sup> Ői purure jēni, Pedro nacovarejameđa ũre. Dinumúma ũrejarejameđa ina Jesúre ju aipōevare aru ina nomiópevare máre, ne járajíyepere ayú ũre apūcore cojedeca. <sup>42</sup> Aru ũi borore jápiarejaimada caivu Jope āmicuríimaroacavú. Que baru obedivú pōeva ju arejaimada Jesúre nore. <sup>43</sup> No yóboi, Pedro mautedejameđa díimaroí obedijārvua. Cūrejameđa apescu Simóque, āimacajeare memeipōescuque, ũi cūrami.

**Pedro ũi coyūino Corneliore Jesús ũi yávaiye méne (Hch 11.4-18)**

**10** <sup>1</sup> Cūinácú ũmú cūrejameđa Cesarea āmicuríimaroí, ũi āmiá Cornelio. Ñai Cornelio cien paivú churaravai jabocu barejámeđa ũ. Roma āmicuró jaboteino churaravai

yajubo italiano āmicuriyajubocacu barejámeđa ũ. <sup>2</sup>Jāve mearore jīni Jūmenijicure, ũ jīvu máre mearore jīvarejaimada ũre. Cadatede cuyu barejámeđa ina judíovacavũ cōmaje ārojarivure. Aru jēniavarejameđa Jūmenijicucue. <sup>3</sup>Cūinájāravũ tres baji nainú, ñai Cornelio apucu járejameđa cūinācu Jūmenijicui daroimũ, ángelede, decoboainope. Ñai ángele ecori, Cornelio yebai nuri, arejameđa ũre:

—Mu, Cornelio, arejameđa.

<sup>4</sup>Cornelio, jiducu, ñai ángelede cocori, jēniari járejameđa ũre:

—Mu, ji jabocu, ¿yéde ucuru mu? arejameđa Cornelio.

Ñai ángele ju arí, arejameđa ũre:

—Jūmenijicu jápiaibi mi jēniaiyede ũre. Aru me jáimi mi cadateiyede cōmaje ārojarivure máre. Que baru Jūmenijicu ārumi mure. <sup>5</sup>Caride jarojacu apevu ũmuvare Jope āmicuriimaro, ne vorí earājiyepe ayũ cūinācu ũmure, ũi amíá Simón Pedro. <sup>6</sup>Apecu Simón, āmacajeare memeipōecu, ũi cūrami cuvabi jia urađa ēcarui. Aru Simón Pedro cucube ũi cūrami. ũre ne eaiyede, davajarāri mi yebai, arejameđa ñai ángele Corneliore.

<sup>7</sup>Que arí, ñai ángele nurejameđa Corneliore jocarí. Dinũmu Cornelio órejarejameđa pucarā ũi yebacavure aru cūinācu churaravacure. Ñai máre mearore jīyu barejámeđa Jūmenijicure. Cornelioi me dápiaimũ marejámeđa, ũre ũi mearo cadateiye boje. <sup>8</sup>Ina yóbecurā ne eaiyede ũi yebai, Cornelio coyurejameđa náre caiye iye ñai ángele ũi coyuiye báquede. Aru nuicōjenejameđa náre Jope āmicuriimaro.

<sup>9</sup>Cōmiáijāravũ ne mái nuiyedeca, Jope āmicuriimaro joabeno, Pedro muri nurejameđa cūrami puenora, jēniacuyũ Jūmenijicucue. Jāravũ corica barejávũya. <sup>10</sup>Ũi jēniaiyedeca, āvué ijidejavũya ũre. Ũbenita āiyede jatubedejaimada cāreja. Ne jatubíyedeca, Pedro apucu járejameđa yópe decoboainope. <sup>11</sup>Járejameđa

no cavarō voainore aru apejīe yópe uracaje cuitótecajepe jōdarejavũya cavarōre jocarí. Jōdarejavũya yópe pōeva ne buorí yóvaicuvaitōbua ñarí ēmeóvaiyepe dicajede. Jōdarejavũya pu cūrami puenoita Pedro yebai.

<sup>12</sup>Dicaje jīvui curejaimada obedivu āimara yóvaicuvaiũ cubobaque cuivũ, aru obedivu āđavape papeivũ, aru obedivu āimara vuivũ máre. <sup>13</sup>Pedro jápiarejameđa apeno yávainore. Aru yópe arejameđa Jūmenijicu ũre:

—Mu, Pedro, nacajajacu. Boajácu mi āquinova, arejameđa Jūmenijicu.

<sup>14</sup>Ũbenita Pedro arejameđa:

—Mu, ji jabocu, ique āmevu!

Cainũmua āmevu yũ caiye iye Moisés bácuí āicōjemene ñujare, judíovare. Que baru āiyubevũ yũ diede, arejameđa Pedrocápūravũ.

<sup>15</sup>Ũbenita Jūmenijicucápūravũ arí yávorejameđa Pedrore cojedeca.

—“Āiyubevũ yũ”, abejacu mu iyede ji āicōjeiyede mure, arejameđa Jūmenijicu.

<sup>16</sup>Yóbecue vaidéjavũya Pedrore yópe paino. Aru no yóboi, dicaje uracaje muri copainurejavũya pu cavarōita cojedeca.

<sup>17</sup>Pedrocápūravũ pare arí dápiayũ barejámeđa. “¿Yéde majicaiyucuba Jūmenijicu yure yo ji jáino mácarōque?” arí dápiarejameđa ũ. Que dápiayedeca, ina Cornelioi jaroimara mácavũ Simó cūramine vorí, earí, núrejaimada jedevacobei. <sup>18</sup>Aru jēniari járejaimada:

—¿Aru, Simón Pedro curi yui? arejaimada.

<sup>19</sup>Pedrocápūravũ coreóvabecu cāreja aipe ayurō ũi jáino mácarōre dápiayũ baridurejameđa. Que teiyedeca, ñai Espiritu Santo arejameđa Pedrore:

—Jápiajacu. Yóbecurā ũmũva vodama mure. <sup>20</sup>Que baru nacajajacu, jōđajacu, aru ñujacu náque. “Nuiyubevũ yũ náque. Jīvu āmema na”, arí dápiabejacu mu. Yurecabu daroyũ náre yui, arejameđa ñai Espiritu Santo Pedrore.

<sup>21</sup>Ju arí, nacajari, jōđari ne yebai, jacyourí náre, Pedro arejameđa:

—Yurecabu ñuje voimũ. ¿Yéde urivurũ ñuja yúque? arejameđa.

<sup>22</sup>Pedrore arejaimada na:

—Ñuje jabocu, ñi ãmiá Cornelio, cien paivu churaravai jabocu, darobi ñujare mi yebai. Meacube ñ, aru mearore jýyube Jümenijicure. Caivu judíoiva me jádama úre. Pueadama úre pare. Cüinácu Jümenijicui daroimü mácu, ángele, yópe abiya úre: “Cutujacu mü Pedrore mi cürami, ñi coyuyeyepe ayu müre Jümenijicui yávaiye méne”, abiya ñai ángele ñuje jabocure, arejaimada ina Pedrore vorádaivu bácvu.

<sup>23</sup>Ne borore jápiaiyede, Pedro yópe arí, mauteicójenajameđa náre úque: —Ecojará müja. Cari ñami cüjará müja yui, arejameđa Pedro náre.

Cömiáijárvu Pedro ñi cüvede meadarí, nurejameđa náque. Aru apevu ümüva, Jesúre ju aipóeva, Jope ámicuríimarcavu yóvarejaimada úre máre. <sup>24</sup>Earejaimada na Cesarea ámicuríimaro. Noi Cornelio coredejameđa Pedrore. Úque curivu ñi cürami apevu ñ jivu aru ñi yóvaimara máre, ñi cutuimara mácvu barejáimada na. <sup>25</sup>Pedro ñi eaiyede Cornelioi cürami, ñai jabocu úre jacoyurí, pueđaiyucu mori turejameđa Pedrore ñi cuboba yebai. <sup>26</sup>Übenita Pedrocapuravu nacajaicójenajameđa úre.

—Nacajajacu mü. Yópe đabejacu mü. Yu máre müpe páyu pöescu yu, arejameđa Pedro Corneliore.

<sup>27</sup>Ne baju yávaiyu ecorejaimada Cornelioi cürami. Pedro járejameđa caivu ina obedivu pöevare cójjivüve noi. <sup>28</sup>Aru arejameđa náre:

—Jave majivu müja, ñuja judíoiva curáñmevüve müja judíoiva ámevüque aru ñuja yóvabevüve máre müjare, ñujare Moisés bácu đaicójeiye boje. Übenita Jümenijicüvacari majicabi yure iye đaicójeiye jaubevu yure caride. Ámeina jáicójememi yure apevüve, judíoiva ámevüve. <sup>29</sup>Que baru yure mi órejaiye báquede jápiarí, cüiná ju arí, đavu yu mi yebai. Que baru coyujacu yure. ¿Aipe teni daicójecurü mü yüre? arejameđa Pedro.

<sup>30</sup>Aru Cornelio arejameđa úre:

—Yóvaicüvaujárvuva jipocai yo óra baji, tres baji nainú, yu jëniavu Jümenijicüque yui ji cürami. Ji jëniayedeđa, maumena cüinácu ümü doicaje pëoicajeque númi ji jipocai. <sup>31</sup>Aru ñ abi yure: “Mü, Cornelio, Jümenijicu jápiaibi mi jëniayede úre. Aru me jáimi mi cađateiyede cömaje árojarivüve máre. Que baru Jümenijicu árvümi müre. <sup>32</sup>Caride jarojacu apevüve Jope ámicuríimaro, ne vorí earájiyepa ayu cüinácu ümüve, ñi ãmiá Simón Pedro. Apevu Simón, áimacajeare memepöescu, cüvabi ñi cürami jia urađa écarui. Aru Simón Pedro cücube diñami”. Que abi yure ñai ángele. <sup>33</sup>Que baru cüiná jarovu yu inare, ne davarájiyepa ayu müre ji yebai. Aru me daivu mü caride. Caivu ñuja cójjivübu yui caride, Jümenijicui jáinoi. Jápiaiyurivübu ñuja caiye iye mi coyuyeyede yópe Jümenijicui coyucaicójeiyede müre ñujare, arejameđa Cornelio Pedrore.

**Pedro ñi yávaino Cornelioi cürami**

<sup>34</sup>Pedro yávarí báyu, yópe arí, coyurejameđa náre:

—Yu coreóvaivu caride jáve Jümenijicu jáñure caivu pöevare cüinátrü. <sup>35</sup>Jümenijicu copü etayube caivu ina pueđavüve úre, ju aivüve úre, aru mearo đavüve máre. Caivu ina caiyajuboacavu yópe đavüve Jümenijicu copü etayube náre. <sup>36</sup>Müjavacari majivu iye Jümenijicui coyuiye báquede Israel bácu páramena mácvüve ñi daroquimü Cristorá. Jümenijicürecabe daroyu bácu Jesucristore, caivu pöeva ne jabocüva, ñi coyuyeyepa ayu náre ñi yávaiye méne, cárijimene đacacüvüve náre Jümenijicüque. <sup>37</sup>Aru müjavacari majivu no uraró teino mácaröre Juan Bautista bácu ñi coyurí buojarí jáđovaiye báquede pöevare Jümenijicure. Jesucristo buame ñi đaiyede uraró pöeva ne đarí majibede Galilea ámicurijoboró. Diede đare cuyu bateáme pu caino Judea ámicurijoboró. <sup>38</sup>Aru müjavacari majivu ñai Jesús Nazarecacui borore.

Jūmenijicu beorejaquemavu ūre javede. Que teni daroquemavu ūre ūi Espiritu Santore. Que baru Jūmenijicui paruéde cuvatequemavu ū, Jesús.

‘Caino ūi cuino Jesús cadateame pōevare. Meadame caivu ina pōevare abujuvai jabocui nājine đaimara mácavure, ūi cuvae boje Jūmenijicui paruéde. <sup>39</sup>Ņujavacari jácarā caiye iye ūi đaiye báquede Jerusalén āmicurīmaroi aru caino judíovai joborōi máre.

Ūbenita ūre pēvairi jocusujaravena, boarí jaruvaima ūi mauva. <sup>40</sup>Ūbenita yóbecurijāravua ūi yainíburu yóboi, Jūmenijicu nacovaquemavu ūre yainore jaruvarí. Aru jáđovame ūre űujare.

<sup>41</sup>Apevu jámetequemavu ūre. Quévura űujavacari, Jūmenijicui beoimara mácavu jipocama, jácarā ūre, apucure cojedeca. Ūi nacajariburu yóboi yainore jaruvarí, űuja ūque ācarā aru ūcucarā.

<sup>42</sup>Ūque curivu űuja, coyucōjeame űujare ūi yávaiye méne apévure. Aru yópe aicōjeame űujare máre: “Jāve ijāravu cūiquiyede yávacari jarocuyumu caivure, apurivure aru yaivu bācavure máre, ne curājinoi. Apevure jarocuyumu cavarō mearo Jūmenijicui curōi. Aru apévure jarocuyumu toabo cūiméboi. Javede Jūmenijicu beorejaquemavu yure, yópe jarocuyure caivu pōevare”. Que aicōjeame űujare Jesús. <sup>43</sup>Aru Jestivacari űai caivu Jūmenijicui yávaiyede coyucaipōeva mácavui coyucimame ū. Na mácavu coyurejaimada ūi borore yópe: “Caivu pōeva ne ju aru Jūmenijicui daroquimure, Jūmenijicu ārumetecuyume ne āmeina teiyede”, arí coyucarejaimada na mácavu, arí coyurejaimada Pedro Corneliojāre.

#### **Judíova āmevu ne copu etaino Espiritu Santore**

<sup>44</sup>Pedro ūi coyuyedeca, űai Espiritu Santo náre earí đaicōjenezaimada caivu ina jápiaivure iye yávaiye méne.

<sup>45</sup>Que baru ina judíova, Jesucristore ju aivu, Pedroi yóvaimara mácavu, cucumarejaimada ne jáiyede

Jūmenijicu daroyure űai Espiritu Santore ina judíova āmevure. <sup>46</sup>Ina judíova jápiaivu ina judíova āmevure yávaiyure apecamua yávaicamua ne majibecamuaque, majidejaimada űai Espiritu Santore đaicōjeñure náre. Ina pōeva mamarumu ju aivu Jesúre dijāravure mearore jídejaimada Jūmenijicure, ūi urarō majié boje, ūi urarō parué boje máre. <sup>47</sup>Dinumu Pedro arejaimada:

—Ina pōeva, űujape paivu, copu etadama űai Espiritu Santore. Que baru pōecu cubebi náre jáđovaicōjemecu Jūmenijicure ocoque, arejaimada Pedro.

<sup>48</sup>Que arí, náre jáđovaicōjenezaimada Jūmenijicure ocoque, ne Jesucristore ju aiyé boje. Dinumu jēniarejaimada Pedrorre, ūi mautequiyere aivu náque apejāravua.

#### **Pedro ūi coyucino Jerusalécavu Jesúre ju aipōevare (Hch 1.5, 10.1-48)**

**11** <sup>1</sup>Dinumu Jesús ūi yávaiye méne beorí coyucōjeimara aru Jesúre ju aipōeva caino Judea āmicurijoborōcavu máre jápiarejaimada ne borore, apevu judíova āmevure ju aivure máre Jūmenijicui yávaiye méne. <sup>2</sup>Que baru Pedro muri űuñu mácu Jerusalén āmicurīmaroi, apevu judíovacavu jararí yávarejaimada ūre. Ina judíova dāpiarejaimada caivu ūmuvare Jesúre ju aivure ne cajede buraicōjeiye jaurōre náre, yópe Jūmenijicui đaicōjeiyere ūi coyuyiye báquede Moisés bācure. Que baru ina judíova jaraivu Pedrorre, jēniari járejaimada ūre:

<sup>3</sup>—¿Aipe teni ecocurū mu judíova āmevui cūrami? ¿Aipe teni náque dobarí ācurū mu? arejaimada na Pedrorre.

<sup>4</sup>Ne que aiyé boje, Pedro coyurejaimada náre caiye iye vaiye báquede ūre mamabũino mácarōre pu dijāravuita. <sup>5</sup>Yópe arí, coyurejaimada náre:

—Yúvacari jēniñu maticácu Jūmenijicure Simói cūrami, Jope

āmicurīmaroi. Ji jēnaiyedeca, yu apucu jácacu yópe decoboainope apejēne yópe uracaje cuitótecajepe yóvaicuvaitóbuaque buoinope jōdaicajede cavarōre jocarī. Ēmeni darī pu ji yebai mauteavū dicaje. <sup>6</sup>Que teni me cocorī dicaje jívui jácacu obedivū āimarare yóvaicuvaiyu cubobaque cuivure, apevu oteiāimarare aru apevu macarōcavu jijecurivure máre; aru obedivū papeivure; aru obedivū āimara vuivure máre. <sup>7</sup>Dinumu jápiacacu Jūmenijicure yópe ayure yure: “Mū, Pedro, nacajajacu. Boajácu mi āquinova”, áme yure. <sup>8</sup>Ūbenita acacu yu ūre: “Mū, ji jabocu, ique āmevu! Cainumua āmevu yu caiye iye Moisés bācui āicōjemene űjare, judíovare. Que baru āiyubevu yu diede”, acacu yu. <sup>9</sup>Ūbenita Jūmenijicucapūravu, yópe arī, yávame yure cojedeca cavarō mearo űi curōre jocarī: “Āiyubevu yu, abejacu mū, iyede ji āicōjeiyede mure”, áme yure Jūmenijicu. <sup>10</sup>Aru yóbecue vaiávū yure yópe paino. No yóboi, quénora muri copainuvu dicaje pu cavarōi cojedeca.

<sup>11</sup>Dinumumareca yóbecurā űmūva edaima diñami ji curiñami. Cūinācu Cesarea āmicurīmarocacu űi daroimara mácavu bateima na, yure vorāeavū.

<sup>12</sup>Aru űai Espiritu Santo yópe áme yure: “Jidūbejacu. Náque űjacu mū”, áme yure. Aru ina seis paivu űmūva, Jesúre ju aipōeva, yóvaima yure. Cesarea āmicurīmaroi nuri, yure órejayu bācui cūrami earī, noi ecocarā űja caivu.

<sup>13</sup>‘Que teni űai cūrami upacu, yópe arī, coyúame űjare: “Cūinācu ángele cuctebi yure. Jávu yu ūre núcure yui ji cūrami jívui. Ū abi yure: ‘Jarojacu apevure Jope āmicurīmaroi, ne vorī earājiyepe ayu cūinācu űmure, űi āmiá Simón Pedro. <sup>14</sup>Ū coyucyume mure yávaiye méne, mū aru caivu mi cūramicavu máre, mūje meatenajiyepe ayu, Jūmenijicui ārumetequiyepe ayu mūje ámeina teiyede’. Que abi űai ángele yure”, áme űai cūrami upacu yure.

<sup>15</sup>Aru ji yávarī buiyede, űai Espiritu Santo edaibi náre máre nopedeca

űi edaiyede űjare mamarumure.

<sup>16</sup>Dinumure ārutecacu yu Jesús űi coyuiye báquede: “Juan Bautista bácu jádovame mūjare Jūmenijicure ocoque. Ūbenita yu jádovacuyumu mūjare Jūmenijicure pueno mearo baju. Darocuyumu mūjare űai Espiritu Santore”. Que áme űjare Jesús.

<sup>17</sup>Jāvemū. űjaja judíova űje ju aiyede Jesúre, Jūmenijicu daroáme űjare űai Espiritu Santore. Nopedeca đaibi ina judíova āmevu ne ju aiyede Jesúre. Jūmenijicu daroibi űai Espiritu Santore náre máre. Que baru, ¿aipe đaiye jauri yure? Jūmenijicure űi urōre đaicōjemecu buojabevu yu, arejamedā Pedro ina judíovare.

<sup>18</sup>Aru ina judíova jápiaivu bācavu Pedro űi coyuiyede, ne jararī yávaiyede ūre đajocarejaimada. Quénora mearore jídejaimada Jūmenijicure.

—Jūmenijicu meacu bajube ű. Ū űbi judíova āmevure máre, ne đaiyede oatvarī ne ámeina teiyede chíoiye boje, űi ārumetequiyepe ayu diede, aru űi cure đaquiyepe ayu náre jāravu cūiméjāravu baquinóre, arejaimada na.

**Antioquíacavu ne ju aino Jesúre**  
(Hch 8.1-4, 21.10)

<sup>19</sup>Esteban mácure judíovai jabova ne boarī jaruvarīburu yóboi, Jesúre ju aipōeva dupini nurejaimada Jerusalén āmicurīmarore jocarī apejeborōaita, judíovai jabova ne űājine đaiye boje náre. Apevu dupini nurejaimada joai, pu Fenicia āmicurijoborōita, aru Chipre āmicurijaviuta, aru Antioquía āmicurīmaroita. Ne nuiyedeca coyurejaimada Jesús űi yávaiye méne apevu judíovare. Ūbenita coyubedejaimada cāreja diede judíova āmevure. <sup>20</sup>Ūbenita apevu űmūva, Jesúre ju aipōeva, Chipre āmicurijavucavu aru Cirene āmicurīmarocavu máre, nurejaimada Antioquía āmicurīmaroi. Noi coyurejaimada judíova āmevure máre iye yávaiye méne. “Jesúrecabe caivu pōeva ne jabocu”, arī coyurejaimada



na. <sup>21</sup>Jūmenijicu jídejameđa náre ũi parúede. Que teni caďatatedejameđa náre, ne buenajiyepre ayu me. Aru obedivu pōeva ju aivv iye yávaiye méne, chíoiyv ne ámeina teiyede, oatuvarejaimađa ne đaiyede, ju arájivv Jesúre.

<sup>22</sup>Antioquía ámicuríimarocavv ne borore jápiaivv, ina Jerusalén ámicuríimarocavv Jesúre ju aipōeva jarorejaimađa Bernabéde ne yebai.

<sup>23</sup>Ūi eaiyede Antioquía ámicuríimaroj, járejameđa Jūmenijicui urarō mearo đaiyede ina Jesúre ju aivvure. Que baru torojurejameđa ũ, Bernabé. Parurōreca yópe arí, coyurejameđa náre:

—Jesúre ju ajará cainumua.

Cūináumeque đajará cainumua caiye iye ũi bueiye báquepe. Cainumua árumetebejará diede, arejameđa náre.

<sup>24</sup>Ńai Bernabé parurōreca ju ayu barejameđa Jesucristore. Aru űai Espírиту Santo đaicōjenejameđa ũre. Que baru mearo đayv barejameđa ũ. Aru obedivu nócovv, ũi bueiyede jápiaivv, ju arejaimađa Jesúre.

<sup>25</sup>No yóboi, Bernabé nurejameđa Tarso ámicuríimaroj, vocũñ Saulore. <sup>26</sup>Ūre vorí earí, nuvarejameđa ũre Antioquía ámicuríimaroj. Noi ina pucarā curivv cūináju baju. Cójjivvavv barejaimađa ina Jesúre ju aivvure. Obedivu pōeva Jesúre ju aivvure buevavv barejaimađa na, Bernabé aru Saulo máre. Noi Antioquía ámicuríimaroj mamarumv pōeva ámidorejaimađa ina Jesúre ju aipōevare cristiano.

<sup>27</sup>Dijárvavvui apevv Jūmenijicui yávaiyede coyucapōeva emenejaimađa Jerusalén ámicuríimarore jocarí. Aru earejaimađa Antioquía ámicuríimaroj.

<sup>28</sup>Cūinácv nácacv, ũi ámiá Agabo, yávacunacajarejameđa ũ. Nai Espírиту Santo yávaicōjenejameđa ũre. Aru Jūmenijicui yávaiyede coyucarejameđa ũ, yópe arí: “Cavv Judea ámicuríjborōcavv űájinajivvubu urarō ávneña”, arejameđa ũ. Aru obebejvva yóboi, Claudio ũi jaboteinumvure, pōeva űájinejaimađa urarō ávneña, nópe ũi coyucaiye báquepedeca.

<sup>29</sup>Iye Jūmenijicui yávaiyede coyucaiyede jápiaivv bácovv, ina Jesúre ju aipōeva “Caďatenajare náre, Judeacavv Jesúre ju aivvure”, arejaimađa ne baju. Que aivv, na coapa davaivv barejaimađa táuturare ne oainope, ne jínajiyepre. <sup>30</sup>Ne táuturare cójjivaríburu yóboi, Bernabé Saulomaque nuvarejaimađa diede, jínajivv Judea ámicuríjborōcavv Jesúre ju aivvure coreipōevare.

#### Jabova ne boarí jaruvaino Santiagoore aru ne buoino Pedrore

**12** <sup>1</sup>Dijárvavvui űai jabocv Herodes űájine đarí búrejameđa apevv Jesúre ju aipōevare. <sup>2</sup>Boarí jaruvaicōjenejameđa Santiagoore, Jūai mamicure, boaicaroveque. <sup>3</sup>Ūi boarí jaruvaiye báque Santiago bácvure coyurejavvya ina judíovai jabovare. Que baru buaicōjenejameđa Pedrore. Dinumv pávure bvcure đaiye cube áiye torojvve teinumv marejávvy. <sup>4</sup>Pedrore ne jéniburu yóboi, nuvarejaimađa ũre ámeina teivvure jeni jacoĩnami. Noi yóvaicvvaivvujuboa churarava jári coreivv barejaimađa ũre. Yóvaicvvaivv churarava barejaimađa yajuboa coapa. Aru ina churarava jári coredejaimađa ũre ne yajuboa coapa. Herodes davaicōjescvuy barejameđa Pedrore pōeva ne jáinoi Pascua ámicuríjávavv yóboi, acvuy ũre “Yaicvuyv mu”. <sup>5</sup>Que teni ina churarava me coreivv barejaimađa Pedrore ámeina teivvure jeni jacoĩnami jívvi. Ūbenita ina Jesúre ju aipōeva parurōreca jéniaivv barejaimađa Jūmenijicvque ũre járvavvure aru űamine máre.

#### Jūmenijicv ũi jaetovaino Pedrore ámeina teivvure jeni jacoĩnamine jocarí

<sup>6</sup>Cūináñami, Herodes davaicōjescvuy Pedrore cōmiájávavv jipocacañamine, Pedro cāñv marejameđa ámeina teivvure jeni jacoĩnami jívvi. Pucarā churarava coricai cāñv, pvcamea táumeaque buoimv mácv; cūinámeque buoimv

mácu cūinácu churarare ũi meapūravui aru apemeque buoimū mácu apeçu churarare ũi cācopūravui. Aru apeçu churarava máre coreivū barejáimada diñami jedevacobe yebai. <sup>7</sup>Maumejiēna ñai Jūmenijicui daroimū, cūinácu ángele, cuetedejameđa noi Pedro yebai. Aru miadárejavūya diñami jívui. Ñai ángele jēni jáñu marejameđa ũre cūinápūravui, ũre coedavacuꝝ, aru arejameđa ũre:  
—iMaume coedajacu mū! arejameđa Pedrove.

Aru cūiná dimeá tāumea voarī turejavūya Pedroi āmuveare jocarī. <sup>8</sup>Ñai ángele arejameđa ũre:

—Buojacu mi jārióicāvare. Dojacu mi cūraidoare máre, arejameđa.

Ju arī, ũi đaicōjeiyepedeca đarejameđa Pedro. Aru ñai ángele arejameđa ũre:

—Dojacu mi puenocacajede. Aru dajacu yúque, arejameđa ũ.

<sup>9</sup>Pedro ũi yóboi nūri, etarejameđa diñami jacoĩnamine jocarī. Ūbenita Pedrocápūravu coreóvabedejameđa ũi đaiye jāvene. “¿Decoboaino márica yo?” arī dāpiarejameđa Pedro. <sup>10</sup>Nūre nūivū vaidéjaimada cūináyajubo churarava coreivūre. Aru vaidéjaimada apējajubore máre, churarava coreivūre. Quénora earejaimada na ũracobe jedevacobe parūricobe tāuque đaicobede, nūino ĩmaroi. Dicobe bajumareca vorejavūya, ne etarājiyepedecā diñami jacoĩnamine jocarī. Nūimai cuivū barejáimada na. Aru cūiná ñai ángele đajocarejameđa Pedrove cūinácūra.

<sup>11</sup>Dinumumia Pedro coreóvarejameđa iye ũre vaiye jāvene. Yópe arī dāpiarejameđa: “Caride majivu yu caiye iye jāvene. Jūmenijicu darocube ũi ángelede, ũi jaetovaquiyepe ayu yūre Herodes ũi đaicōjeiyede jarūvarī, ũi đabequiyepe ayu yūre yópe ina judíovai jabova ne ũrōpe”, arī dāpiarejameđa Pedro ũi baju.

<sup>12</sup>Ū coreóvayū caiye iyede, nūrejameđa Maríai cūrami. Ico María Jūai paco barejácođa. Aru ñai Jūiavacari āmicūrejameđa Marcos

máre. Obedivū pōeva cójijivū diñami jēniaivū barejáimada Jūmenijicuque, ũi meadaquiyepe aivū Pedrove. <sup>13</sup>Ne jēniaiyedeca, Pedro eayū diñami jedevacobei, órejarejameđa. Aru cūináco ne yebacaco, ōi āmiá Rode, voaconuridurejacoda ō. <sup>14</sup>Ūbenita Pedrove jápiarī, coreóvarī, pare torojurejacoda ō. Que baru cūyarī copainūrejacoda pōevai curitucubui cojedeca, jedevacobede voabecova cāreja. Ina jēniaivūre torojuco arejacoda ō:

—Jedevacobei cubi Pedro, arejacoda ō. Ūbenita ju abevū óre, arejaimada na:

<sup>15</sup>—Ārūmecobu mū, arejaimada.

Ūbenita parūrōreca:

—Jāvetamu. Jápiajarā yūre.

Jedevacobei cubi Pedro, arejacoda ócapūravu.

Ina cójijivū arejaimada óre:

—Ūrecabe Pedro bácuī decocu, mi jápiaimū, arejaimada na.

<sup>16</sup>Aru ne nópe yāvaiyedeca, Pedrocápūravu đajocabecūva órejayū barejámeđa ũi cāreja. Quénora apeçu nácavū jedevacobede voaivū, Pedrove jáivū, cuēcumarejaimada na. <sup>17</sup>Pedro cūrami ecorī, ũi pūruque jáđovari, bi aicōjeni, coyūrejameđa náre caiye iye Jūmenijicui đaiye báquede jaetovacuꝝ ũre āmeina teivūre jēni jacoĩnamine jocarī.

—Iye ji coyūiyede Santiago, Jesúī yócuꝝ, máre coyūjarā mūja, aru caivū apeçu Jesúre ju aipōevare máre, arejameđa náre Pedro.

Náre yávarī buojarī, Pedro etarejameđa diñamine jocarī, nūcuꝝ apenoita.

<sup>18</sup>Cōmiáijāravū miadáe tuiyede ina āmeina teivūre jēni jacoĩnami churarava pare jidūrivū cārijinejaimada na. Jēniari jáivū barejáimada ne bajumia:

—¿Ári cūri Pedro? ¿Aipe tedica ũ?

arejaimada. <sup>19</sup>Herodes churaravare voicōjenidurejameđa Pedrove. Ūbenita eabedejaimada ũre. Que baru Herodes jēniari járejameđa ina churaravare

ne majiéde Pedroi borore. Aru boarí jaruvaicōjenezameđa náre, Pedro ũi dupini nuiye boje náre jocarí.

No yóboi, Herodes ěmenezameđa Judea āmicurōre jocarí, cuscuyú Cesarea āmicuriimaroi.

### Herodes ũi yaino

<sup>20</sup>Ũi cuede noi, pare jararejameđa ñai Herodes Tiro aru Sidón āmicuriimaroacavure máre. Que baru apevu diimaroacavu cójijidejaimada, cārjijimene ðaiyurājivu Herodede. Diimaroacavu ini bojeðavu barejámada ne ārajyede Herodei jaboteinoi. Que baru maucuvaiyubedejaimada ũre. Mamarumure coyurānurejaimada Blastore, jēniarajivu ũi cadatequinore náre. Ñai Blasto Herodei cūramine coreipōecu barejámada. Ne coyuiyede jápiayú, ne jēniayede ju ayú, cadateiyurejameđa náre. Ũi cadateiyequé, cójijini, nurajivu barejámada Herodes yebai, jēniarajivu ũi cārjijimene ðaiyurepe aivu náre. <sup>21</sup>Que baru cūinájāravú, Herodes ũi beojāravui, ũi meacaje jabocui doicajede dorīburu yóboi, ne cójijinoi nurí, jabocui dobarōra dobarí, yávorejameđa náre joe ñai Herodes. <sup>22</sup>Aru yávarīburu yóboi, caivu ina cójijivu, yópe arí, codoboboivu barejámada:

—iJūmenijicui yávaiyepé yávaibi ũ! Yávabebi ũmure. iJūmenijicui yávaiyepé yávaibi ũ! codoboborí arejaimada na.

<sup>23</sup>Maumejiena Jūmenijicui daroimú, cūinácu ángele, pare ijino jídejameđa Herodede, “Yú máre ũmurecabu. Jūmenijicu ámevu yú” ũi arí coyube boje ina pōevare. Que teni júva ne āimú yaidéjameđa ũ, Herodes bácu.

<sup>24</sup>Ūbenita apevu pōeva obedivu Jūmenijicui yávaiye méne coyuiyede jápiarí, ju arejaimada diede. Caijāravua apevu ne ju aiyede pūeno baju obedivu ju aivu nurejaimada.

<sup>25</sup>Bernabé aru Saulo ne jíniburu yóboi iye tauturare ju aivure coreipōevare, copainurejaimada Jerusalén

āmicuriimarore jocarí. Aru Juan Marcore nuvarejaimada náque Antioquía āmicuriimaroi.

### Bernabé aru Saulo ne bueni buino Jūmenijicui yávaiyede

**13** <sup>1</sup>Antioquía āmicuriimaroacavu Jesúre ju aivu jēneboi curejaimada apevu Jūmenijicui yávaiyede coyūivu aru pōevare bueivu máre. Na marejámada Bernabé; aru Simón, āmidoimú mácu ñemicu; aru Lucio, Cirene āmicuriimaroacacu; aru Manaén, Herodei bucúovaimú mácu juedocu cāreja; aru Saulo máre. (Ñai Herodes Galileacavu ne jabocu barejaquémavu.) <sup>2</sup>Cūinájāravú ina bueipōeva mearore jívú barejámada Jūmenijicure. Aru āmenezaimada āiyede, ne me jēniarajyepé aivu ũre. Ne nópe ðaiyedeca, ñai Espiritu Santo arejameđa náre:

—Javede beocacu yú Bernabéde aru Saulore máre, ne memecarājyepé ayú yure. Que baru caride jarojarā náre yure memecarājívure, arejameđa ñai Espiritu Santo.

<sup>3</sup>Que teni cojedeca jēniarejaimada Jūmenijicure ámevua āiyede. Bernabéde aru Saulore máre ne jipoburā tuorīburu yóboi ne pūruáque, jáðovarajivu ne memeino buiyede, jarorejaimada náre.

### Jesús ũi yávaiye méne beorí coyucōjeimara ne bueino Chiprecavure

<sup>4</sup>Ñai Espiritu Santo nuicōjenezameđa ina pucarāre Seleucia āmicuriimaroi. Noi jadocú ũracú jaturí nurejaimada pu Chipre āmicurijavuita. <sup>5</sup>Earejaimada Salamina āmicuriimaroi. Judíovai cójijinámiai nuri, ecorí coyurejaimada Jūmenijicui yávaiye méne. Aru Juan Marcos náre yóvayú barejámada, cadatecuyú náre. <sup>6</sup>Caino no jivavure vainí, nurí earejaimada na Pafos āmicuriimaroi. Noi copurejaimada cūinácu judíore, ũi amiá Barjesús.

Ñai Barjesús “Jūmenijicui yávaiyede coyucapōecubu yú”, are cuyú

barejámeđa. Ūbenita borocucu barejámeđa. Quénora yaviéde đayũ barejámeđa ũ. <sup>7</sup>Ūi yóvaimũ marejámeđa no jiauvucavũ jabocu, ũi amiá Sergio Paulo. Nãai jabocu me majicu barejámeđa ũ. Jápaiyurejameđa Jūmenijicui yávaiye méne. Que baru cuturejameđa Bernabéde aru Saulore máre ũi yebai, ne coyurãjiyepe ayũ diede ũre. <sup>8</sup>Ūbenita ñai yavié đaipōecu, ũi amiá griego āmicuricamua yávaicamuaque Elimas, maucũvarejameđa náre. Ūbenidurejameđa ñai jabocure ũi ju aiyede Jūmenijicui yávaiye méne. <sup>9</sup>Dinũmũre Saulo me járejameđa ñai yavié đaipōecure. Saulovacari barejámeđa Pablo ũi amiá. Nãai Espírиту Santo đaicōjenejameđa Pablure. Que baru ñai yavié đaipōecure me jári arejameđa ũre:

<sup>10</sup>—iMũ, abujuvai jabocupe đare cuiyũ mũ! Cainũmũ maucũvacutamu mũ ina mearo đaiyũre. No mearore ubevu mũ. Cainũmũ āmecubu mũ. Borocũcutamu mũ. Jujoivaũ apevũre. Cainũmũ meyuyarĩ ávaivũ mũ, “Jãve āmevũ Jūmenijicui yávaiye”. Yópe ávaivũ mũ pōevare, ne ju abenajiyeye ayũ Jūmenijicui yávaiyede. <sup>11</sup>Jájacu. Caride Jūmenijicu ñãjine đaquijibi mũre mi āmeina teiye boje. Jári eabequijivũ mũ. Apejãravũa aviá ũi miadãene jámequijivũ mũ, arejameđa Pablo.

Cũiná járe eabedejameđa Elimas. Que baru curĩdurĩ voyũ barejámeđa apecure, ũre nũvacuyũ ũi purũque. <sup>12</sup>Aru ñai jabocu iyede jáñũ, ju arejameđa Jesús ũi yávaiye méne. Que baru pare cuecumarejameđa iye ne bueiyeđe Jesurã.

**Pablo aru Bernabé ne bueino Antioquía Pisidiacarōcavũre**

(Mt 3.11, 17, 10.14, 17.15, 27.22-23, 57-61; Mr 1.4, 7, 6.11, 9.7, 15.13-14, 42-47; Lc 3.3, 16, 22, 9.5, 35, 10.11, 23.21-23, 50-56; Jn 1.20, 27, 19.15, 38-42; Hch 1.3, 2.27; He 1.5, 5.5)

<sup>13</sup>No yóboi, Pablojã jiađocũ uracũi jaturĩ Pafos āmicurĩmarore jocarĩ

nurejaimađa Perge āmicurĩmaroi jia urađa apedũvei, Panfilia āmicurijoborõi. Dinũmũ Juan Marcos đajocarejameđa náre, copainũcuyũ Jerusalén āmicurĩmaroi. <sup>14</sup>Ūbenita Pablojã nurejaimađa Perge āmicurĩmarore jocarĩ. Earejaimađa Antioquía āmicurĩmaroi, Pisidia āmicurijoborõi. Noi judíovai jabuóvaĩjãravũ sãbadoi, judíovai cõjijiñami nũri, ecorĩ, dobarejaimađa na, Pablojã. <sup>15</sup>Apecũ jári borotedejameđa Jūmenijicui đaicōjeiyede ũi coyuiye báquede Moisés bãcure aru cũinãcu Jūmenijicui yávaiyede coyũcaipōevacacu bãcu ũi toivaiye báquede máre. Ūi jári boroteniburu yóboi, ina cõjijiñamine coreipōeva đarejaimađa apecure Pablojã yebai, ũi jēniari jáquiyeye aivũ náre:

—Mũja, jivũ, ¿yávaiyũrãru mũja ina pōeva yore curivũre, cađatenajivũ náre? Yávaiyũrivũ baru, coyũjarã caride, arejameđa ne daroimũ mácu Pablojãre.

<sup>16</sup>Que baru Pablo nacajari, ũi purũque jáđovari ne bi arãjiyepe ayũ, coyurĩ búrejameđa náre.

—Mũja, jivũ, Israecavũ, aru judíova āmevũ mearore jivũ Jūmenijicure máre, jápiajarã ji coyuiyede. <sup>17</sup>Ñai Jūmenijicu, Israecavũ maje mearore jivũ, beorejaquemavũ majeñecuva mácavũre, judíovare. Obedicũpuruvarejaquemavũ na mácavũre ne cue báquede apevũre apejoborõi, Egipto āmicurijoborõi. Ūi urarõ purũque nũvarejaquemavũ na mácavũre Egipto āmicurijoborõre jocarĩ. <sup>18</sup>Napinejaquemavũ na mácavũre cuarenta paiũjũa baju ne cuede cãreja pōecũbenoi. <sup>19</sup>Bíjaroyũ bãcu siete paiyajuboare, Canaán āmicurijoborōcavũre, jidejaquemavũ no joborõre ũi pōeva mácavũre. <sup>20</sup>Que teni Jūmenijicu jabotede đarejaquemavũ obedivũ jabova ũi pōeva mácavũre cuatrocientos cincuenta paiũjũareca purũ ñai ũi yávaiyede coyũcaipōecu Samuel bãcu ũi jaboteiyeta.

<sup>21</sup>'Aru Israecavũ bãcavũ ne jēniayede Samuel bãcure, “Epejacũ jabocure

ñujare” ne aiyede, Jūmenijicu jabotede ðarejaquemavu Saúl bácure, Cis bácuí mácure, Benjamín mácuí yajubocacure, ñi jabotequiyepere ayu na mácavure. Aru Saúl bácu jabotedejaquemavu na mácavure cuarenta paiñjua baju. <sup>22</sup>Dinñmñmia Jūmenijicu jaboteicōjemenejaquemavu Saúl bácure. Quénora jabotede ðarejaquemavu David bácure. Yópe arejaquemavu Jūmenijicu: “Davique, Isaí mácuque, torojuvu yu. Ji ðaicōjeiyepedeca ðacuyume ñ”, arejaquemavu Jūmenijicu.

<sup>23</sup>Aru cūinácu David bácuí pāramenacacure, Jesúre, daroquemavu Jūmenijicu, ñi meadaquiyepere ayu Israecavure. Que teni Jūmenijicu ðaquemavu yópe ñi jipocamia aye báquepedeca. <sup>24</sup>Ûbenita Jesús ñi ðaquiyepere jipocai, Juan Bautista bácu coyúame ðaiva Israecavure. “Chīori dápijarā mñja mñje ñmeina teiyede. Oatuvajarā mñje ðaiyede, Jūmenijicu ñi ñrumetequiyepere aivu diede. Aru jáðovajara mñja Jūmenijicure ocoque”, ámeda Juan Bautista bácu. <sup>25</sup>Ûi memeinore buojare nuññ, Juan Bautista bácu ámeda pōevare: “Mñja dápiavubu yure mñje coreimure, Ûbenita yu ñmevñ ñai mñje coreimñ. Ðacuyume ji yóboi cūinácu, ji pñeno parucu. Ûrecabe meacu baju caivu pñeno. Que baru ñre caðateni buojabevñ yu. Buojabevñ yu oarí nacachini ðuayñ ñi curaidoa buoimeare”, ámeda Juan Bautista bácu.

<sup>26</sup>Mñja, jívñ, Abraham mácuí pāramena, aru judío ñmevñ mearore jívñ Jūmenijicure máre, majareca Jūmenijicu ðaroibi ñi yávaiye méne, maje meatenajiyepere ayu. <sup>27</sup>Ûbenita ina Jerusalén ñmicurímarocavu aru ne jabova máre coreóvabetequemavu ñai Jesúre náre meðaipōecure. Ne boaicōjeiyede ñre ðaquemavu yópe ina Jūmenijicu yávaiyede coyúcaipōeva mácavu ne toivaiye báquepe, diede jári boroteivñvacari ne jabuvaijjaravuai sábadoa coapa. Ûbenita ne boarí jaruvaiçōjeiyede Jesúre, vaiqué mavñ caiye yópe ina Jūmenijicu yávaiyede

coyúcaipōeva mácavu ne toivaiye báquepedeca. <sup>28</sup>Jesús ñi ñmeina teiye cubedeca, quénora Pilatore boarí jaruvaiçōjeimada ñre. <sup>29</sup>Aru ñre ðaríburu yóboi yópe ina Jūmenijicu yávaiyede coyúcaipōeva mácavu ne toivaiye báquepedeca ñi borore, apevñ ñ mácure jocucujaravede jōðavari, ñni, cūracobei jaruvaimada na. <sup>30</sup>Ûbenita Jūmenijicu nacovaquemavu ñre yainore jaruvari. <sup>31</sup>Obedijaravure ina ñi yóvaimara mácavu jáimada ñre. Na mateima yóvavñ bácvñ ñre jipocamia ñi nuiyede Galilea ñmicurijjborōre jocarí pñ Jerusalén ñmicurímaroita. Aru caride ina jáivñ bácvñ coyúvubu Israecavure ne majiéde Jesúre.

<sup>32-33</sup>Aru ññjacapūravñ coyurádivubu mñjare iye Jūmenijicu yávaiye méne. Jūmenijicu “Mearo ðacacuyumu yu mñjepāramena márajivure”, arejaquemavu judío ñnicuva mácavure. Aru Jūmenijicu nacovaññ mácu Jesúre yainore jaruvari, ðacaquemavu majare, judío ñbácvñ pāramenare aru judío ñmevñ máre, yópe ñi aye báquepedeca. Yópe toivarejaquemavu apeno toivaino mácarō Salmo ñmicurōi Jūmenijicu coyúyepere báquede Jesúrā: “Jímacurecabu mñ. Caride caivñ ne jápaiyede yávacarí jaboteicōjeivñ mñre”, arejaquemavu Jūmenijicu Jesúre. <sup>34</sup>Apeno toivaino mácarōi Jūmenijicu arí coyurejaquemavu ñi nacovaquiyede Jesúre yainore jaruvari, ñi bajure pojebequiyepere ayu. “Jāve mearo ðacacuyumu yu mñjareca yópe ji aye báquepedeca David bácure”, arejaquemavu Jūmenijicu. <sup>35</sup>Aru apeno toivaino mácarō máre, Salmo ñmicurōi, ññ toivaipōecu bácu arejaquemavu Jūmenijicure: “Pojeicōjemecubu mñ ji bajure, ji meacu baju boje, aru ji memecaiye boje mñre”, arejaquemavu. <sup>36</sup>David bácvñcapūravñ ðarejaquemavu Jūmenijicu ñrope ñi cue báquede ijjaravñ. Que ðarí buojari, yaidéjaquemavu. Aru jaruvarejaquemavu ñi baju bácarōre ñi

ñecuva mácavu yebai cūracobei, aru ñi baju bácarō pojedejaquemavu. <sup>37</sup>Ūbenita Jesúvacari, Jūmenijicui nacovaimu mácu yainore jaruvarī, pojobetequemavu ñ.

<sup>38-39</sup>’Muja, jívū, jāve majjarā muja ñuje coyuiyede mujare Jūmenijicui yávaiye méne, ñi arumetequiyepe aivu āmeina teiyede, Jesús ñi yayiye báque boje majare boje. Majjarā. “Mi āmeina teiye cubevū”, acuyume Jūmenijicui caivu ina ju aivure Jesúre. Ūbenita pōeva ne ðaiyuru Jūmenijicui ðaicōjeiyede ñi coyuiye báquede Moisés bácare, “Mi āmeina teiye cubevū”, abecuyume náre. <sup>40</sup>Que baru me ðajarā muja, vaibéquiyepe aivu mujare yóre Jūmenijicui toivaicōjeiye báquepe ñi yávaiyede coyucaipōeva mácavure:

<sup>41</sup> Jájara muja, ju abeni yurivu ji yávaiyede. Yure jārī cōenínajaramu muja. Ji ðaquiye de jidujarā muja. Yainí bjarājaramu muja. Muje curijāravure pōeva ne ðarī majibede ðacuyumu yu. Ūbenita ju abejebu muja, apesu ñi coyuru mujare ji ðaiyede. Apesu ñi coyuiyedeca aipe aiyurōre ji ðaiyede, ju abejebu muja cāreja, arejaquemavu Jūmenijicui mujare, arejameða Pablo náre.

<sup>42</sup> Arī buojarī, Pabljā ne etaiyede judfovai cōjjiñamine jocarī, judfova ānevucavu jēniarejaimaða náre ne copaidarājiyede apesumana judfovai jabuóvaujāravui, ne coyurājiyepe aivu pñeno baju iye yávaiye méne. <sup>43</sup>Obedivu pōeva, judfova aru judfova ānevū mearore jívū Jūmenijicure, ne etaiyede cōjjiñamine jocarī cujurejaimaða Pablōre aru Bernabéde máre ne nuiyede. Que teni ina Jesús ñi yávaiye méne beorī coyucōjeimara coyuvu barejáimaða ina pōevare parurōreca, ne ðajocabenajiyepe aivu ne coreinore Jūmenijicui mearo bojecubeno ñi ðacaquiyede náre.

<sup>44</sup> Aru apesumana judfovai jabuóvaujāravu sábadoi, obedivu pōeva ðiimarocavu cōjjiñajaimaða, jápiarājivu Jūmenijicui yávaiye méne. <sup>45</sup>Ūbenita

apevu judfovacapūravu, ne jáiyede caivu ina obedivu pōevare cōjjiñavure, pare jorojñejaimaða na. Que baru copu arejaimaða Pablo ñi coyuiyede. Aru āmecomorejaimaða úre. <sup>46</sup>Ūbenita Pablo aru Bernabécapūravu jidubevuva pñeno baju parurōque arejaimaða:

—Mamarumure javu ñujare ñuje coyuiye Jūmenijicui yávaiye méne muja, judfovere. Ūbenita muja járiaiyubevu dieðe. Que baru muje cuvaiyube boje jāravu cūiméjāravu baquinóre ðajocavuvu mujare. Caride coyurānuivubu iye yávaiye méne ina judfova ānevure. <sup>47</sup>Que teni ðarājivubu ñija yóre Jūmenijicui coyuiye báquepe, arejaimaða.

Yu jaroivu mure yóre pēoinope caivu ina pōeva judfova ānevure, ne ju arājiyepe ayu ji yávaiye méne, meaðacuyu náre, arejaquemavu Jūmenijicui.

<sup>48</sup>Ina judfova ānevū járiaiyevu iyede, torojurivu “Jūmenijicui yávaiye me bajutamu”, arejaimaða. Nácvu, Jūmenijicui beoimara mácvu cuvurājivu jāravu cūiméjāravu baquinóre, ju arejaimaða na Jesúre. <sup>49</sup>Aru caino dijborōre apevu pōeva obedivu Jūmenijicui yávaiye méne jápiarī, ju arejaimaða dieðe. Que teni pñeno baju obedivu ju aivu nurejaimaða. <sup>50</sup>Ūbenita nócvu judfova maucvare ðarejaimaða ðiimarocavu, ñmva parurivure aru nomiva judfova ānevū pōeva ne pueðainomivare máre, ne ñājine ðarājiyepe aivu Pablōre aru Bernabéde máre. Que baru jaetovarejaimaða náre dijborōre jocarī.

<sup>51</sup> Dinumure Pabljā pupedejaimaða jobore náre jēiyede ne cuboba cáchinōi ne jáiyede, ina pōeva ne járiaiyube boje Jūmenijicui yávaiye méne. Que teni náre ðajocarī nurejaimaða na Iconio āmicurīmaroi. <sup>52</sup>Ina Antioquía āmicurīmarocavu Jesúre ju aipōeva torojurejaimaða. Aru ñai Espiritu Santo ðaicōjnejameða náre coapa.

**Pablo aru Bernabé ne bueno Iconiocavure**

**14** <sup>1</sup>Iconio āmicurīmaroi Pablo Bernabémaque ecorejaimaða judfovai cōjjiñami, buenajivu nócvure.

Aru buedejaimada majiéque. Que baru obedivu pöeva ju arejaimada Jesúre, apevu judíoiva aru apevu judíoiva ámevu máre. <sup>2</sup>Ûbenita nócvu judíoiva Jesúre ju abevu maucúvare ðarejaimada nócvu judíoiva ámevure, ne ámeina dápiarájiyepe aivu Pabljäre. <sup>3</sup>Que baru Pabljä mautedejaimada noi obedijäravva. Náre Jesús ùi cadateiye boje, jidúbevva coyúivu barejáimada parúéque. Aru Jümenijicu parure ðarejaquemavu náre, ne ðarájiyepe ayu pöeva ne jámene aru ne ðarí majibede máre. Que baru Jümenijicu jáðovarejaquemavu jáve ne coyúiyede jíyede mearo bojecúbenore Jesúre ju aipöevare. <sup>4</sup>Ûbenita cüináturu ne úme dápiabedejaimada na, diímarocavu. Apevu ju arejaimada ina judíoiva ne coyúiyede aru apevu ju arejaimada Jesús ùi yávaiye méne beorí coyúicójeimara ne coyúiyede. <sup>5</sup>Dinumure ina judíoiva aru apevu judíoiva ámevu máre coyurejaimada jabovaque, yópe arí: “Nájine ðarájarevu Pabljäre”, arejaimada ne bajumia. Que arí, cüraboaque ðavarí boaiyurídurejaimada náre. <sup>6</sup>Pabljä coreóvaivu ne maucúvarí dápiayede náre, dupini nurejaimada apejboróí. Cürejaimada Licaonia ámicurijoborócaímaroai, Listra aru Derbe ámicuríímaroai, aru no joabenoquei máre. <sup>7</sup>Coyúivu barejáimada Jesús ùi yávaiye méne nócvure.

**Listracavu ne boaino Pablore  
cüraboaque**  
(Hch 4.24)

<sup>8</sup>Listra ámicuríímaroai dobarejameða cüinácu úmu cuiye majibecu. Ùi cuboba jiacubedejavüya. Pöetedejameða ñai úmu cuiye majibecu. Aru cainumua cubedejameða ù. <sup>9</sup>Û jápiayü barejámeða Pabloi coyúiyede. Pablo me cocoyu úre, coreóvarejameða ñai úmu ju ayure Jesús parúcure, úre meadacuyure. <sup>10</sup>Que baru Pablo me jáñu úre, arejameða paruróreca:

—Nacajajacu mi cubobaque nurié, arejameða Pablo.

Maumejiena biararí, nuri, vaivarí búrejameða ù, cuiye majibecu bácu. <sup>11</sup>Ina obedivu pöeva jáivu Pabloi ðaiye báquede, codoboborí búrejaimada ne yávaicamuaque, Licaonia ámicurijoborócvu ne yávaicamuaque. Yópe arí, codoboivu barejáimada na: —iJümenijina úmuvape árojarivu teni émeni ðarí edaðama maje yebai! arejaimada na.

<sup>12</sup>Que baru arejaimada Bernabéde, “Úrecabe ñai jümenijicu ùi ámiá Zeus”. Aru arejaimada Pablore, “Úrecabe ñai jümenijicu ùi ámiá Hermes”. Que arejaimada na Pablo ùi yávaie boje Bernabé püeno. <sup>13</sup>Cüinádami cürami pöeva ne torojuede jíñami ñai Zeure curejavüya diímaro turuvai. Aru Zeui sacerdote davarejameða oteivecúvare aru cóvure máre diñami jedevacobe yebai. Ù diímarocavuque ina oteivecúvare boarí juaiyurídurejaimada na, mearore jínajivu Bernabéde aru Pablore máre. <sup>14</sup>Ûbenita Bernabé aru Pablocapúravu jápiaivu pöeva ne ðaiyuede, ne baju doicajearé tatorí jadevarejaimada, pöeva ne majinajiyeye aivu diede ubevure. Aru pöeva jéneboi cýyarí nuri, codoboborejaimada na:

<sup>15</sup>—iYópe ðabejará múj! iJümenijina ámevu ñüja! Ñüja máre mujape paivu pöevatamu. Coyurádaivubu Jümenijicui yávaie méne mujare, mije ðajocarájiyepe aivu mije mearore jíyede jümenijina ámevure aru mije majinajiyeye aivu ñai Jümenijicu arúcu cüinácvu. Ñai Jümenijicu cuedarejaquemavu cavaróre, joboróre, jia uraðare máre, aru caivu nócvure, noi cuede máre. <sup>16</sup>Jipocai judíoiva ámevu ðaivu bácvureca ne baju uró coapa, Jümenijicu ðaicójeñu ámenejaquemavu náre. <sup>17</sup>Ûbenita cainumua Jümenijicu jáðovaimi mujare aipe árojacu ùi baju ùi ðacaiyede mearore mujare. Que teni Jümenijicu ocare ðacaibi cavaróre jocarí mujare. Aru bucure ðacaibi mije oteiyede, mije

cuvaräjipepe ayu äiyede. Yapide ðacaibi mujare äiyeque. Aru torojure ðacaibi mujare ümene, Pablo Bernabémaque arejaimada.

<sup>18</sup>Yópe arejaimada, náre ne torojuede oteivecuvare juarí jýue boje. Æbenita maiyójarejavüya náre ne dajocaiyede.

<sup>19</sup>Dinumare apevu judíova, Pisidia ämicurijoboröcaímaroa Antioquía aru Iconio ämicuríimaroacavu earejaimada diímaroi. Obedivu diímarocavure maucuvare ðarejaimada na Pabljäre. Que teni Pablöre ñni, cüraboaque ðuvarí úre, “¿Yaiyú bárica?” arí jabuborí jaruvarejaimada üi baju bácaröre diímarore jocarí. <sup>20</sup>Æbenita no yóboi Jesúre ju aipöeva cójijini nuivu üi yebai, Pablo nacajari, copainurejameda diímaroi. Cömiáijärvüre Bernabémaque nurejaimada Derbe ämicuríimaroí.

<sup>21</sup>Pabljä coyurejaimada Jesús üi yávaiye méne diímaroi. Aru obedivu pöeva ju arejaimada diede. No yóboi, copainurejaimada Lистра, Iconio, aru Antioquía ämicuríimaroai, Pisidia ämicurijoboröcaröai. <sup>22</sup>Diímaroa coapa caðatedejaimada Jesúre ju aipöevare, ne ju aräjipepe aivu pueno baju parurö aru ne dajocabenajipepe aivu ne Jesúre ju aiye de máre. Arejaimada diímaroacavure:

—Caivu maja ju aivu Jesúre ñájinajivubu pare ijärvüi, maje ecoräjipepe jipocai Jümenijicui jaboteinore, arí buedejaimada na.

<sup>23</sup>Diímaroa coapa apevu ümüva Jesúre ju aivucavure beorejaimada Pablo aru Bernabé máre, ne corenajipepe aivu apevu Jesúre ju aipöevare, náque cójijivaivüre. Que teni jëniarejaimada Jümenijicure ämevüva äiyede, üi corequiyepa aivu ina úre ju aipöevare, aru üi caðatequiyepa aivu náre. Que ðarejaimada Pabljä diímaroa coapa.

**Pablo aru Bernabé ne copaino  
Antioquía Sircaröi**

<sup>24</sup>Dinumü Pisidia ämicurijoboröre vainí, earejaimada Pabljä Panfilia ämicurijoboröi. <sup>25</sup>Noi Perge

ämicuríimaroí coyurejaimada Jesús üi yávaiye méne. Coyurí buojarí, ëmenejaimada Atalia ämicuríimaroí. <sup>26</sup>Noi jiadocü uracüi jaturí, earänurejaimada Antioquía ämicuríimaroí cojedeca, mamarumu ne etaino mácaröi. Ne etaräjijärvavu jipocamia, Jesúre ju aipöeva diímarocavu jëniarejaimada Jümenijicure, üi corequiyepa aivu ina úre memecaivüre aru üi caðatequiyepa aivu náre.

Que arejaimada, jëniaivu Jümenijicure üi ðacaquiyepa aivu mearore Pabljäre. Aru ne copaiyede noi cojedeca jave buojarejaimada ne memeinore, Jümenijicui coreni caðateye báque boje náre. <sup>27</sup>Que baru Pabljä eaivu Antioquía ämicuríimaroí, cójijide ðarejaimada caivu Jesúre ju aipöevare, coyuräjivu náre caiye iye Jümenijicui caðateye báquede náre aru üi meadaicöjeipe báquede ina judíova ämevüre, ju aräjivüre Jesúre. <sup>28</sup>Aru Pabljä mautedejaimada Jesúre ju aipöeva que noi obedijärvüa.

**Jesúre ju aipöeva jabova Jerusaléi ne cójijino  
(Hch 2.4, 10.1-44)**

**15** <sup>1</sup>Dinumare apevu ümüva ëmenejaimada Judea ämicurijoboröre jocarí Antioquía ämicuríimaroí. Yópe arí, bueni búrejaimada ina Jesúre ju aipöevare: —Müja urivu baru Jümenijicui meadaquiyepa aivu mujare, buraicöjeipe javvu müje cajede yópe Jümenijicui ðaicöjeipepe üi coyüipe báquede Moisés bácare, arí buedejaimada.

<sup>2</sup>Pablo aru Bernabé máre ju abedejaimada iye ne bueiye de. Que baru coyuridurejaimada náre jåve ämene. Æbenita ina Judeacavu jaraivu jápiaiyubedejaimada Pabljäre. Que baru Jesúre ju aipöeva beorejaimada Pablöre aru Bernabéde, aru apevu Jesúre ju aivure máre, ne muri nurajipepe aivu Jerusalén ämicuríimaroí, jëniari järäjivu diede Jesús üi yávaiye



méne beorí coyucōjeimarare aru ju aivure coreipōevare máre. <sup>3</sup>Que baru ina Jesúre ju aivu jarorejaimada náre. Vainí nuri Fenicia aru Samaria āmicurijoborōare, coyure cuivu barejáimada nōcavure ĩmaroa coapa apevu judíova āmevu ne ju aiyede Jesúre. Iye borore jápiaivu bācavu nōcavu Jesúre ju aipōeva urarō torojurejaimada na.

<sup>4</sup>Pablojā ne eaiyede Jerusalén āmicurīmaroi, ina Jesúre ju aipōeva aru náre coreipōeva, aru Jesús ũi yāvaiye méne beorí coyucōjeimara máre jacoyurejaimada náre. Dinũmũ Pablojā coyurejaimada náre caiye Jūmenijicui đaiye báquede ne bueiye báquede ũi yāvaiye méne. <sup>5</sup>Dinũmũ apevu Jesúre ju aivu, fariseo āmicurijabocavu, nacajari arejaimada Pablojāre:

—Ina judíova āmevu ũmũvare ne cajeāre buraicōjeiye jaũvu aru đaiye jaũvu náre caiye yópe Jūmenijicui đaicōjeiyepe ũi coyuiye báquede Moisés bācure, arejaimada ina fariseova.

<sup>6</sup>Ne que arĩburu yóboi, ina Jesús ũi yāvaiye méne beorí coyucōjeimara aru ina Jesúre ju aivure coreipōeva máre cójijidejaimada, majinajivu diede. <sup>7</sup>Ne urarō coyurĩburu yóboi, Pedro nacajari arejameđa náre:

—Mũja, jívu, majivu mũja javede Jūmenijicu beoyũ bācure yure mũje jēneboi, ji coyũquiyepe ayũ ũi yāvaiye méne, judíova āmevure, ne jápiarĩ ju arājīyepe ayũ. <sup>8</sup>Aru Jūmenijicu, ñai majicu caivu ne dápiaiyepe, jáđovaquemavu náre ũi copũ etaimara māvavure ũi daroiyede náre ñai Espírítu Santore nopedeca majare ũi daroiye báquepe ũre. <sup>9</sup>Que baru Jūmenijicu copũ etaibi caivure cūináturu. Jáimi náre, judíova āmevure, nópe ũi jáiyepepedeca majare, judíovare. Que baru Jūmenijicu ārũmeteibi ne āmeina teiyede ne ju aiyede Jesúre. <sup>10</sup>¿Aipe teni ũbevurũ mũja Jūmenijicui đaiye báquede? Mũja đaicōjeiyurivubu Jūmenijicui jave đaicōjeme máquede. Mũja đaicōjeiyurivubu Jesúre ju

aipōeva judíova āmevure pũeno baju. Majeñecuva māvavu nópe đarĩ buojabedejaquemavu caiye iyede. Aru maja máre đarĩ buojabevu maja caiye iyede. <sup>11</sup>Nópe đabejarā. Maja coreóvaivu Jūmenijicu meadayure majare, Jesús ũi mearo đacaiye báque boje majare. Aru cūináturu Jūmenijicu meadayube judíova āmevure máre, arejameđa Pedro.

<sup>12</sup>Caivu ina cójijivu bi arejaimada na. Dinũmũ Bernabé aru Pablo máre coyurejaimada aipe pōeva ne jámene aru ne đarĩ majibede máre Jūmenijicui đare đaiye báquede náre judíova āmevu jēneboi. Aru caivu ina cójijivu me jápiarejaimada ne coyuiyede.

<sup>13</sup>Coyurĩburu yóboi, Santiago, Jesús yócu, yópe arĩ, yávarejameđa:

—Mũja, jívu, jápiarjā ji coyũquiyepe.

<sup>14</sup>Simón Pedro coyui bi mũjare aipe đarĩ Jūmenijicu mearo đacarĩ buino māvavure judíova āmevure, aru aipe đarĩ beoino māvavure apevu nāvavure ũ jina māvavure. <sup>15</sup>Aru cūináturu iye Pedro ũi coyuiyepe toivarejaquemavu ina Jūmenijicui yāvaiyede coyũcaipōeva māvavu. Yópe Jūmenijicu toivaicōjenejaquemavu cūinácũ ũi yāvaiyede coyũcaipōecu bācure ũi yāvaiyede:

<sup>16</sup>Yũ Jūmenijicutamu. No yóboi, copaidacũyũtu yũ. Pōevare yure mearore jíde đacũyũtu yũ, yópe ne mearore jíye báquepe yure David bācui jaboteinũmũ māvavure. David bācui pāramena māvavu ne jaboteino cūinotamu, nopedeca cūinádami cūrami tuiñamipe. Ũbenita parure đacũyũtu yũ cojedeca cūinácure nepāramenacacu bacũyũre, ũi jabotequiyepe ayũ bedíova yópe pōeva mamadami cūramine ne đaiyepe tuiñami māvavure. <sup>17</sup>Yópe đacũyũtu yũ judíova āmevure, ne vorājīyepe ayũ yure, ne jabocure. <sup>18</sup>Que teni caivu ji beoimara māvavu jína māvavure, arejaquemavu Jūmenijicu.

<sup>19</sup>Que baru yu dápiaivü yópe. Cãrijojamenajarevü maja ina judíova ãmevü ju aivüre Jümenijicüre.

<sup>20</sup>Quénora toivarãjarevü paperayocare, ðaicõjenajivü náre ne ãmenajiyepe aivü caiye ãiyede pẽpeimarare jíye báquede, ne ðabenajiyepe aivü ãmeina ðaiyede némarebucüva ãmevüque, ne ãmenajiyepe aivü ãmajiarua jive cuede, aru ne ãmenajiyepe aivü jivede máre. <sup>21</sup>Yópe ðaiye jauvü majare. Joe baju cainoa ímaroai caisumana coapa jabuõvãijãravãai, judíovai cójjiñãmia nari, põeva jári borotedama Jümenijicüi ðaicõjeiyede ñi coyuiye báquede Moisés bácure aru buedama diede. Que baru ina jápiaivü bãcavü jave majima na diede, arejamedã Santiago.

**Paperayocare ne toivaino  
judíova ãmevüre**

<sup>22</sup>Caivü ina Jesús ñi yãvaiye méne beorí coyucõjeimara, ina Jesúsre ju aivüre coreipõeva, aru caivü ina Jesúsre ju aipõeva máre ju arejaimada Santiago ñi coyuiyede. Que baru beorejaimada ne jẽneboi apevü ñmüvare, jarorãjivü náre Pablo aru Bernabéque Antioquíã ãmicuríimaroí, ne nũvarajiyepe aivü diyoca paperayocare. Que baru beorejaimada pũcarã nãcavü jabovare. Cüinãcu ñi ãmiã Judas, ñvacari Barsabás ãmicurejamedã. Aru apecü Silas ãmicurejamedã. <sup>23</sup>Ne jaroiyocaque yópe arejaimada:

“Ñuja, Jesús ñi yãvaiye méne beorí coyucõjeimara aru Jesúsre ju aivüre coreipõeva máre meaicõjeivübu mujare, ñjẽvüre, judíova ãmevü Jesúsre ju aipõeva Antioquíãcavüre, Sirciacavüre, aru Ciliciacavüre. <sup>24</sup>Jãpiaivübu ñuja apevü ñuje cójjiñocavüre nuivüre mujẽ yebai, ne buenajiyepe aivü mujare mujẽ cajeãre buraicõjeiyẽ jauõre yópe Jümenijicüi ðaicõjeiyepẽ ñi coyuiye báquede Moisés bácure. Ñbenita ñuja jarobetecarã náre. Que baru chíovübu ñuja ne cãrijojaviyede mujare ne buieyeque. <sup>25</sup>Que baru cójjiñvübu ñuja cüinãturu ñuje ñme,

beorãjivü apevü ññjacavüre, ne járanũrajiyepẽ aivü mujare. Daðama ina ñuje jaroimara Bernabé aru Pabloque máre, maje ñmaraque. <sup>26-27</sup>Põeva ne boaiyũrĩduimara ne Jesúsre memecaiye boje, aru ñuje jaroimara, ne ãmiã Judas aru Silas máre, coyurãjarama mujare nõpe ñuje toivaiyepedeca diyocare. <sup>28</sup>Jümenijicüi Espĩritu Santo ñujare toivaicõjeimi mujare. Aru me ju aivübu ñuja iye ñi cójeiyede, ðaicõjemenajivü urarõ maiyõjarõ ðaicõjeinore. Quénora yópe ðaicõjeivübu mujare: <sup>29</sup>Caiye ãiyede pẽpeimara mãcavü ne jino mãcarõre ãmejara. Aru jivede ãmejara. ãmajiarua jive cuede máre ãmejara. Aru ðabejarã ãmeina ðaiyede apevüque mujemarebucüva ãmevüque. Nõpe ðaivü baru, mearo ðarãjaramu mija. Quénoramü”, arí toivarejaimada na.

<sup>30</sup>Ina ne jaroimara mãcavü ãmenejaimada Antioquíã ãmicuríimaroí. Na eavü noi, cójjiñvarejaimada caivü ina Jesúsre ju aipõevare. Aru jídejaimada náre diyoca paperayocare. <sup>31</sup>Ne jári boroteiyede diyocare, iye toivaiye báque pare cadatedejavüya náre. Que baru torojurejaimada na. <sup>32</sup>Judas aru Silas máre Jümenijicüi yãvaiyede coyupõeva marejáimada na. Que baru ina pũcarã pare buedejaimada nõcavüre, náre cadatenajivü, aru pueno baju parure ðarãjivü náre ne ñmei. <sup>33</sup>Obedijãravüã mautedejaimada ina pũcarã nore. Aru bueniburu yõboi, nõcavü Jesúsre ju aivü jacopaiyovarí jarorejaimada ina coyupõevare ne daino mãcarõi. “Me ñujara mija cãrijimevüva”, arejaimada náre. <sup>34</sup>Ñbenita Silas mautedejamedã noi, Antioquíã ãmicuríimaroí. <sup>35</sup>Pablo Bernabémaque máre mautedejaimada obedijãravüã nore. Bueivü barejáimada aru Jesús ñi yãvaiye méne coyüivü barejáimada na apevü obedivüque.

**Pablo ñi jácunüino cojedeca,  
coyucüyu Jümenijicüi yãvaiyede  
(Hch 13.13)**

<sup>36</sup>Obedijãravüã yõboi, Pablo arejamedã Bernabéde:

—Járica, járanurevu cojedeca maje bueimare imaroa coapa, maje bueino mácarō Jesús ũi yávaiye méne, jámuri aipe ne cuede Jesúque, arejameđa Pablo.

<sup>37</sup>Bernabé nvaivurejameđa Juan Marcore máre. <sup>38</sup>Ūbenita Pablocapūravu ju abedejameđa ũre. Jipocamia Juan Marcos dajocarejameđa náre Panfilia āmicurijoborōi. Que teni yóvabedejameđa náre pu ne memeinore buojaiyeta. <sup>39</sup>Que baru cūináturu ne ũme cubedejaimada na, Pablo Bernabémaque. Que baru coatdejaimada ne baju. Bernabé Juan Marcomaque nurejaimada jiađocū ũracūque Chipre āmicurijavui. <sup>40</sup>Ūbenita Pablo beorejameđa Silare, nucyū ũque. Jesúre ju aipōeva “Jūmenijicu coreni cađatejacurī mūjare” ne arīburu yóboi, nurejaimada Pablo Silamaque. <sup>41</sup>Aru vaidėjaimada Siria aru Cilicia āmicurijoborōare. Buede cuivu barejaimada Jesúre ju aipōevare, pueno baju parare đarājivu náre ne ũmei.

**Timoteo ũi yóvaino  
Pablore, Silare máre**

**16** <sup>1</sup>Pablojā earejaimada Derbe aru Litra āmicurīmaroai. Nore curejameđa cūinácū Jesúre ju aipōecu, ũi āmiá Timoteo. Jīpaco, judíovacaco, Jesúre ju aipōeco barejácoda ō. Ūbenita jīpacu judío āmenejameđa ũ. <sup>2</sup>Litra aru Iconio āmicurīmaroacavu Jesúre ju aipōeva me járejaimada Timoteore. <sup>3</sup>Pablo nvaivurejameđa ũre náque. Ūbenita nócavu judíova majidejaimada Timoteoi pacu judío āmezure. Que baru Pablo buraicōjenejameđa Timoteore ũi cajede, yópe judíovai đaicōjeipe. <sup>4</sup>Pablojā ne vaiyede imaroa coapa buede nurejaimada Jesúre ju aipōevare. Coyurejaimada náre Jesús ũi yávaiye méne beorī coyicōjeimara aru Jerusalén āmicurīmarocavu Jesúre ju aivure coreipōeva ne đaicōjeiyede judíova āmevure, ne đarājipe aivu yópe ne cōjeipe. <sup>5</sup>Ne nópe teiyede Jesúre ju aipōeva majidejaimada Jesús ũi yávaiyede pueno baju. Aru caijāravua

apevu ne ju aiyede pueno baju obedivu ju aivu nurejaimada na.

**Pablo ũi jáino decoboayure  
Macedoniacacure**

<sup>6</sup>Ņai Espiritu Santo Pablojāre coyicōjemenejameđa Jesús ũi yávaiye méne Asia āmicurijoborōi. Que baru vaidėjaimada na Frigia aru Galacia āmicurijoborōare. <sup>7</sup>Misia āmicurijoborō turavai ne eaiyede, nuiyuridurejaimada Bitinia āmicurijoborōi. Ūbenita űai Espiritu Santo nuicōjemenejameđa náre nore. <sup>8</sup>Que teni Misia āmicurijoborōi vaini, ěmeni, earejaimada Troas āmicurīmaroi. <sup>9</sup>Diñamimareca Pablo járejameđa decoboainope cūinácū ũmu Macedonia āmicurijoborōcacure, núcure, jēniañre ũre, “Dajacu Macedoniai, cađatejacu űujare”, ayure Pablore. <sup>10</sup>(Lucas copurejaquemavu Pablojāre Troas āmicurīmaroi.) Que teni coreóvarejacařā Jūmenijicu jarocuyure űujare, coyurājivu Macedonia āmicurijoborōcavure Jesús ũi yávaiye méne. Que baru no decoboinore járiburu yóboi, cūiná meadarejacařā űuja, nurajivu ne joborōi.

**Pablo Silamaque ne  
bueino Filipocavure**

<sup>11</sup>Etarejacařā jiađocū ũracūque Troas āmicurīmarore jocarī. Jatarejacařā nurié pu Samotracia āmicurijavuita. Cōmiájāravui jatarejacařā pu Neápolis āmicurīmaroi. <sup>12</sup>Nore jocarī, mái nurejacařā pu Filipos āmicurīmaroi. Javede Roma āmicurō jaborōcavu barejaimada mamarumu đavu diīmarore. Aru pōeva nore curivu Roma āmicurīmarocavure paivu barejaimada na. Cūinárocarō joborōcarō Macedonia āmicurijoborōcarō aviá daino turavacarō marejávūya no imaro ũrarō. Obebejāravua curejacařā noi.

<sup>13</sup>Aru judíovai jabuóvaujāravu sábadoi, nurejacařā imarore jocarī tuipāvai. Judíova cōjijini cōmajidejaimada, jēniarajivu Jūmenijicuque noi. Que baru vorānurejacařā cūináro ne jēniainore.

Apevu nomiva cójživu barejáima tuipávai. Náque dobari, coyurejaca náre Jesús ñi yávaiye méne. <sup>14</sup>Cüináco nácaco ñuje coyuyede jápiado, òi ámiá Lidia, Tiatira ámicuriimarocaco barejácoða. Meacajea ñemijuaricajea cuitótecajeare bojedaipóeco barejácoða ò. Mearore jívarejacoda Jümenijicure. Que baru Jümenijicu jápiarí adare ðarejaquemavu óre. <sup>15</sup>Que teni ò aru òi cüramicavu máre jádovarejaima Jümenijicure ocoque. Dinumu yópe arí, cuturejaco ñujare òi cürami:

—Muja dápiavu baru yure jáve ju adore Jesúsre, cáradajará ji cürami, arejaco ò.

Aru pare jecurejaco ñujare. Que baru mautedejacará ñuja òi cürami.

<sup>16</sup>Apejávavu ñuje nuivede bediöva no jëniainoi, copurejaco ñujare cüináco yebacaco, abujucu ñi ímamo. Aru ò cãcoé namuódo marejaco ñai abujucu cue boje óre. Que teni òi jabova ívu barejáimada urarò táuturave, òi cãcoé namuóiyे boje pöevare aipe vaiquiyede náre. <sup>17</sup>Ico yebacaco, yópe arí, coðoboborí are cuyo barejaco ñujara:

—Ina ñmuvarecabu memecaivu Jümenijicure, caivu püeno parucu bajure. Coyurádivu mujare aipe ðarí Jümenijicu meadacuyure mujare, ado barejaco ò.

<sup>18</sup>Obedijávava nopedeca are cuyo barejaco. Ubenita pare cárijovado marejaco Pablöre. Que baru copedini, arejame ñai abujucure:

—Jesúí paruéque cójeivu mure, etajacu óre jocarí, arejame.

Aru cüiná etarejaquemavu óre jocarí. <sup>19</sup>Que teni òi jabova coreóvaivu ne táutura ímenajinora òi cãcoé namuóiyequе, jënejaima Pablöre aru Silare máre. Náre jabuborejaima Roma ámicurò jaborócavui jabova yebai táibui. <sup>20</sup>Náre davaivu arejaima ina jabovare:

—Ina ñmüva judiövabu. Cárijovadama maje ímarocavure. <sup>21</sup>Bueivubu ne ðarí cõmajiyede. Ubenita maja, Romacavu, yópe ðarí buojabevu. Maje ðaicõjeiye ðaicõjemevu majare yópe ne bueiyepe, arejaima na.

<sup>22</sup>Que arí, caivu pöeva táibui cüvüvü maucüvarí búrejaima Pabljäre. Aru ina Romacavui jabova jadevaicõjenezaima Pabljäre ne doicajeare. Aru jara popeicõjenezaima náre jaradoque.

<sup>23</sup>Urarò jara popeniburu yóboi, ina Romacavui jabova nüvaicõjenezaima náre ámeina teivure jëni jacoñiami. Parurõreca coreicõjenezaima ñai diñamine coreipõecure náre, ne dupini nümenajiyepе aivu. <sup>24</sup>Ne cójeiyede jápiavu, ñai coreipõecu epedejameda náre jëni jacoñiami jívu baji. Aru ne cubobare táinõrejameda jocuveaque.

<sup>25</sup>Ñami corica joabeno baji Pablo aru Silas máre jëniavü barejáimada Jümenijicure. Yürivü, mearore jívu barejáimada úre. Aru apevu buoimara náre jápiavu barejáimada. <sup>26</sup>Cüiná, joborò cújidejavüya pare. Aru diñami ámeina teivure jëni jacoñiami máre cújidejavüya pare. Que teni cüiná, caicobea diñami jedevacobea bajumareca vorejavüya. Aru caivu ina buoimara ne buoimea táumea cojodorí turejavüya náre. <sup>27</sup>Ñai coreipõecu coedarí, jedevacobea voaicobearе jári, “Buoimara etarãma”, arí dápiarejameda ñi baju. Que baru ñi boaicarovede duarí ñi, boacúyu barejameda ñi bajumia. (Buoimu ñi etaru, úre coreyure ñájjine ðaicõjenezajquemavu buoimu mácuí ñájjinope.) <sup>28</sup>Ubenita Pablo coðoboborí bujiéque arejameda:

—Boabéjacu mi baju. Jájacu. Caivu ñuja cuvü yui, arejameda Pablo.

<sup>29</sup>Ñai coreipõecu davaicõjenu pëoinore, nore ñi, cúyarí, Pabljá yebai ecorí, bidini, morí turejameda ne cuboba yebai. <sup>30</sup>Nacajari, nüvarejameda Pablöre aru Silare máre nore jocarí. Aru jëniari járejameda náre:

—Muja, ji jabova, ¿aípe ðaji yu ji meatequinore? arejameda ü.

<sup>31</sup>Pabljá arejaimada úre:

—Jesucristore ju ajacu mü, mü aru mívu máre meadaimara marajiyépe ayu, arejaimada.

<sup>32</sup>Que arí, coyurejaimada Jesús ñi yávaiye méne úre, aru caivu ñi

cūramicavure máre. <sup>33</sup>Dioramia, ñamimareca, ñai coreipöecu joarejameða ne churiáre. Aru cūiná jáðovarejaimada úre aru caivu ñ jivüre máre Jūmenijicure ocoque. <sup>34</sup>Pablore aru Silare máre ñvarejameða ñi cūrami. Jídeameða aiyede náre. Aru torojurejameða ñ jivūque, ñi ju aye boje Jesúre.

<sup>35</sup>Cōmiájāravure javejīnara ina Romacavui jabova churaravare jaetovaicōjenejaimada Pabljāre. <sup>36</sup>Que teni ñai coreipöecu aridurejameða Pablore:

—Ji jabova yure jaetovaicōjema mujare. Que baru etajarā. Me ñujara muja cārijimevūva, aridurejameða.

<sup>37</sup>Ūbenita Pablocapūravu arejameða ina churaravare:

—Iye Roma āmicurō jaboteino ðaicōjeiye ñājine ðaicōjemevu Romacavure ne āmeina teiyede jáðovaiyeta. Ñujavacari Romacavutamu ñuja. Ūbenita ñuje āmeina teiyede jáðovari buojabema ina jabova. Aru jáðovamevūva diede, jara popeicōjema ñujare caivu pōeva ne jáiyede. Aru buoma ñujare. Que teniburuta, jaetovaiyūma na ñujare yavenina. ¡Que āmevu! Nāvacarī darī jaetovajarāri ñujare yore jocarī, arejameða Pablo.

<sup>38</sup>Ina churarava ne coyuiyede diede Romacavui jabovare, jidurejaimada ina jabova, ne coreóvayie boje Pabljā Romacavure. <sup>39</sup>Que baru āmeina teivure jēni jacoīñami nuri, arejaimada Pabljāre:

—Chíoivubu ñuja, ñuje āmeina ðaiye báque boje mujare. Jēniaivubu mujare. Ārumetejarā diede, arejaimada.

Que arī, ñvarejaimada Pabljāre diñamine jocarī. Aru parūrōreca jēniaivu barejáimada náre, ne etarājīyepē aivu diīmarore jocarī.

<sup>40</sup>Que teni Pablo aru Silas máre etarejaimada. Nūrejaimada Lidiai cūrami. Jāranuri Jesúre ju aipōevare, coyurejaimada, parure darājīvu náre ne ūmei. Aru coyūrīburu yóboi, etarejaimada na, Pablo aru Silas máre.

### Tesalónicavū ne cārijini jorojīno Jesúre ju aipōevaque

**17** <sup>1</sup>Pabljā vaidéjaimada Anfípolis āmicurīmarore aru Apolonia āmicurīmarore máre. Aru earejaimada Tesalónica āmicurīmaroi. Diīmaroi curejavūya cūinādami judío vai cójjijīñami. <sup>2</sup>Noi Pablo nūrejameða yópe ñi ðarī cōmajiyepē yóbecurisumanareca jabuóvāijāravu sábadoi. Jūmenijicui yávaiyepē buedejameða nócavure. <sup>3</sup>Coyurejameða náre Cristo ñi ñājīye báquede, aru ñi yayie báquede, aru ñi nacajīye báquede máre yainore jaruvārī. Caiye iye vaiye báque Cristore jaurejavūya, yópe Jūmenijicui yávaiyede coyuiyepē báquepe. Aru Pablo arejameða náre:

—Ñai Jesúvacari, ji coyuiñu, úrecabe Cristo, Jūmenijicui epeimū, arejameða ñ.

<sup>4</sup>Apevu nácavu judío va aru obedivu judío va āmevu mearore jīvu Jūmenijicure, aru apevu máre, obedivu nomiva jabova parurīnomiva, ju arejaimada Jesús ñi yávaiyepē méne. Aru yóvarejaimada Pabljāre. <sup>5</sup>Ūbenita apevu judío va jorojīnejaimada Pabljāre. Que baru cójjiovarejaimada obedivu ūmūva āmenare, tāibui nūrivure, mememevure, aru coðoboborī, bujini, cūyarī cārijiovarejaimada caivu diīmarocavure, ne maucūvarājīyepē aivu Pabljāre. Ina judío va ne cójjiovaimaraque nūrejaimada cūinācu ūmū, ñi āmiá Jasón, ñi cūrami, Pabljā ne mauteiye boje úque. Vorīdurī Pabljāre, davaiyurejaimada náre jedevai. Cūramine tatorī voarī, ecorejaimada na. <sup>6</sup>Aru náre eabeni, jabuborī Jasóre aru apevu Jesúre ju aipōevare máre, davarejaimada náre diīmarocavui jabova yebai. Yópe arī, coðoboborejaimada:

—Pabljā cārijovaðama pōevare caino jaborōi. Caride ðaðama maje īmaroi.

<sup>7</sup>Aru Jasón cuicōjeimi náre ñi cūrami. Caivu ina pueðabenama ñai Roma jaboteino jabocu ijāravūcacu pūeno baju parūcure. Ūi ðaicōjeiyepe ðabenama

na. Aru ađama, “Apecu jabocu jaboteibi ñujare, ñi ãmiá Jesúš”, arejaimađa ina obedivu pōeva ne jabovare.

<sup>8</sup>Apevu obedivu jápiaivu bácavu aru ina jabova máre, ne jápiaiyede diede, cãrijini jorojinejaimađa na.

<sup>9</sup>Jícōjenejaimađa tãuturare Jasójure. Aru tãuturare ne jñiburu yóboi, jaetovarejaimađa náre.

**Pablo Silamaque ne  
bueino Bereacavure**

<sup>10</sup>Maumejiena ñemié tuiyede nócvu Jesúre ju aipōeva jarorejaimađa Pablora aru Silare máre Berea ãmicuriĩmaroi. Ne eaiyede nore, nurejaimađa judío vai cójjiñami. <sup>11</sup>Nócvu judío va Tesalónica ãmicuriĩmarocavu judío va pñeno meara, jápiaiyurejaimađa Jesúš ñi yávaiye méne. Jãrvuva coapa bueivu barejáimada Jñumenijicui yávaiyede. “¿Jãve márica die?” arĩ majiyurejaimađa nócvu Pabljã ne bueiyede. <sup>12</sup>Que baru obedivu nácvu ju arejaimađa Jesúš ñi yávaiye méne. Ne jēneboi curejaimađa judío va ãmevu, nomiva parurinomiva aru ãmva parurivu máre. <sup>13</sup>Ūbenita Tesalónica ãmicuriĩmarocavu judío va jápiaivu bácavu Pablo ñi coyuiyede Jñumenijicui yávaiyede Berea ãmicuriĩmarocavure, nurejaimađa noi, cãrijini jorojñajivu obedivu pōeva nócvure. <sup>14</sup>Maumejiena nócvu ju aipōeva jarorejaimađa Pabljãre jia urađa écarui. Ūbenita Silas Timoteomaque mautedejaimađa Berea ãmicuriĩmaroi. <sup>15</sup>Pabloi yóvaimara nurejaimađa úque pu Atenas ãmicuriĩmaroi. Aru ne copainurajiyē jipocai nore jocarĩ, Pablo náre coyucōjenejameđa Silare aru Timoteore máre, yópe arĩ: “Dajarãri ji yebai maumena”. No yóboi, copainurejaimađa Berea ãmicuriĩmaroi.

**Pablo ñi bueino Atenacavure  
(Hch 8.47)**

<sup>16</sup>Pablo ñi coreiyedeca Silare aru Timoteore máre ne earãjiyede, pare chíorejameđa ñi jáiye boje obedivu

pēpeimarare diĩmaroi. <sup>17</sup>Que baru yávare cuyu barejámeđa judío vai cójjiñami judío vaque aru judío va ãmevu Jñumenijicure mearore jívunque, aru ina tãibui cójjiñunque. <sup>18</sup>Apevu bueivu Epicúreo bácui yávaiye báquede, ne yajubo epicúreo ãmicuriyajubo, aru apevu bueivu Zenón mácui yávaiye báquede, ne yajubo estoico ãmicuriyajubo, yávarĩ búrejaimađa na Pabloque. Apevu nácvu arejaimađa ne bajumia:

—¿Aipe ayu barĩduidi ñai bueipōecu majibecu? arejaimađa.

Aru apevu arejaimađa:

—Bueyu bajubĩ apevu ne jñumenijinare, arejaimađa.

Yópe arejaimađa Pablo ñi bueiye boje Jesúš ñi yávaiye méne aru pōeva ne nacajiyede yainore jaruvarĩ.

<sup>19</sup>Que teni Pablora jēni nuvari ne cójjiñinoi Areópago ãmicurō, arejaimađa úre:

—Majiyuvu ñuja iye boro mamaene mi coyuiyede. <sup>20</sup>Mu bueyubu ñuje majibede cãreja. Que baru coreóvaivuvu aipe aino mi bueinore, arejaimađa Pablora.

<sup>21</sup>Que baru caivu ina Atenas ãmicuriĩmarocavu aru apenoacavu máre nore curivu cainmua cójjiñi barejáimada, borotenajivu apévure ape boro mamaene ne jápiaino mácarōre aru jápiarãjivu apevu ne boro mamaene ne jápiabede cãreja. <sup>22</sup>Que teni Pablo núcu Areópago ãmicurō cójjiñinoi, yópe arĩ, yávarejameđa ina cójjiñocavure:

—Muja, Atenacavu, jáivu yu mujare mearore jívure obedivu jñumenijinare.

<sup>23</sup>Ji vaiyede muje jñumenijina curōi, jáivu yu cūináro jñumenijinare jícaiyede juainore, yópe toivaiye curōre nora:

“Yo jícaiyede juainomu ñai jñumenijicu ñuje majibemure”, arĩ toivainomu.

Ñai jñumenijicu muje mearore jímure coreóvabevureca, úrecabe ji coyumu mujare caride. Jñumenijicutame ñ.

<sup>24</sup>Ūvacari cuederejaquemavu ijãrvure, caivu yócvure, aru yore cuede máre. Que baru ūvacari cavarō mearocavure jabocu aru ijãrvucavure máre

jabocutame ũ. Que teni évacari cubebi cūramia pōeva ne ðaĩñamia jívui. <sup>25</sup>Aru pōeva caðateimu ãmemi Jūmenijicu, úre caiye jaube boje. Quénora évacari apure ðayube caivure, ũmene epeyube majare, aru caiye jauéde máre jýube majare.

<sup>26</sup>Mamarumure Jūmenijicu cuedarejaquemavu cūinácu pōecure aru caivu pōeva ijāravucavu, caiyajuboacavu, ũi pāramenatamu. Aru cūma na caino joborōi. Jūmenijicui cuedaie baquiyé jipocai, majidejaquemavu ũ caiyajuboa pōeyajuboare ne curājínore, aru ne pōeteijāravure, aru ne yaijāravure máre. <sup>27</sup>Jūmenijicu cuedarejaquemavu pōevare, maje vorí, earí, ju arājiiyepe ayu úre. Que baru Jūmenijicu cubi joabejinoi maje yebai, majare coapa. <sup>28</sup>“Évacari apure ðayube majare, vaiváre ðayube majare, aru cure ðayube majare máre”, arejameða apecu. Aru yópe apevu mujacavu toivaipōeva mácavu arejaimaða: “Jāve caivu maja Jūmenijicui cuedaimaramu yópe ũi pāramenape”, arí toivarejaquemavu. <sup>29</sup>Que baru maja jāve Jūmenijicui pāramenape paivu baru, dápaiye buojabevu maja Jūmenijicure ārojacure yópe pēpeimū úruque aru plataque aru cūraboaque ðaimure, pōeva ne ðaimū mácure ne pūguáque aru ne majiéque. Jūmenijicu nópe ãmemi.

<sup>30</sup>Javede Jūmenijicu ñájine ðabedejaquemavu pōevare, bojeðayū ne ãmeina teiyede, ne ðaie báquede cāreja majibe boje. Ubenita caride caivu pōevare caino joborōcavure ðajocaicōjeñume maje ãmeina teiyede, maje chīori oatūvarājiyepe ayu maje ðaiyede. <sup>31</sup>Jūmenijicu beorejaquemavu pōeva ne ðarājiiyede yópe, ũi ñájiovaquijāravu baquinóre náre. Ānijāravu baquinói Jūmenijicu ñájine ðacuyume caivu pōevare, ne ãmeina teiye boje, ũ ārumetebecu baru cāreja ne ãmeina teiyede. Aru cūinácu ũmū, Jūmenijicui epeimū mácu, ðacacuyume diede Jūmenijicure. Aru Jūmenijicu jāve jáðovaquemavu ñai ũmure, ũi

epeimū mácure, caivu pōevare, maje majinajiiyepe ayu úre Jūmenijicui nacovaiye báquede yainore jarūvarí, arejameða Pablo náre.

<sup>32</sup>Ne jápaiiyede úre coyuyure pōescui nacajiiyede yainore jarūvarí, apevu nácvu yuridejaimaða úre. Ubenita apevu arejaimaða:

—Ñuja jápaiiyvū mi coyūquiyede diede bediōva cojedeca apejāravure, arejaimaða.

<sup>33</sup>Que baru Pablo nurejameða cójjjinore jocarí. <sup>34</sup>Apevu pōeva yóvarejaimaða úre. Aru ju arejaimaða Jesúre. Cūinácu nácacu, ũi ãmiá Dionisio, Areópago āmicurō cójjjinocacu barejameða ũ. Apeco máre, Dámaris āmicurejacoda. Aru apevu máre curejaimaða náque.

#### Pablo ũi bueino Corintocavure

**18** <sup>1</sup>No yóboi, Pablo etarejameða Atenas āmicurímarore jocarí. Aru nurejameða Corinto āmicurímaroi. <sup>2</sup>Noi copurejameða cūinácu judfore, ũi ãmiá Aquila. Roma āmicurijaborōcavure jabocu ijāravucacu pūeno baju parucu, ũi ãmiá Claudio, jipocamia nuicōjenejameða caivu judfōvare Roma āmicurímarore jocarí. Que baru Aquila etarejameða nore jocarí, Italia āmicurijaborōre jocarí, jímarepacomaque, ōi ãmiá Priscila. Aquila Ponto āmicurijaborōcacu barejameða ũ. Mamarumure earejaimaða na Corinto āmicurímaroi. Aru Pablo jácunurejameða náre ne yebai. <sup>3</sup>Aquilajā āimara cajeáque cūramiare nareni, ðarí, bojeðarí memenejaimaða na. Aru Pablo máre nopedeca memenejameða ũ. Que baru náque curejameða. <sup>4</sup>Caisumana coapa judfōvai jabuóvajāravu sábadoi, Pablo bueyu barejameða judfōvai cójjjiñami jívui. Jáðovaiyurejameða judfōvare aru judfōva ãnevure máre ũi bueiyede jāve, ne ju arājiiyepe ayu diede.

<sup>5</sup>Aru Silas Timoteomaque ne eaiyede Pablo yebai, Macedonia āmicurijaborōre jocarí, Pablo dajocarejameða ũi

memeinore. Quénora soyure cuyu barejámeđa iye yávaiye me matuiyeda, yópe arí judíovare:

—Jesúvacari Cristobe. Úrecabe Jūmenijicui daroimu mácu, arejameđa ũ.

<sup>6</sup>Na ũi yávaiyede ju abevu, aru úre maucuvativu, aru ámeina ne yávaiye úre máre, ne nópe đaiye boje, Pablo pupedejameđa ũi doicajede, ne majinajiyere ayu dajocacuyu náre. Aru arejameđa:

—Coyuyubu yu Jūmenijicui yávaiye méne mujare. Ubenita mujavacari jápiabevu. Jūmenijicui daroimu mácure, meadaipōecure, ju abevu muja. Que baru Jūmenijicu ārumetebecuyume muje ámeina teiyede. Que baru mujavacari muje bajuma bíaiivu muja járavu cūiméjáravu baquinóre. Quénora nájinajaramu toabo cūiméboi. Yúcapūravu cadateni buojabevu mujare. Que baru dajocayubu mujare caride. Soyucunquijivu iye yávaiye méne judíova ánevure, arejameđa Pablo ina judíovare.

<sup>7</sup>Que arí, dajocarejameđa náre. Diimaroi curejameđa cūinácu ũmu, judíova ánevucacu, ũi ámiá Tito Justo. Ju ayu barejámeđa Jūmenijicure. Ũi cūrami judíovai cójijiñami tucavai curejavūya. Aru Pablo cucunurejameđa ũi cūrami. <sup>8</sup>Apecu máre curejameđa, cūinácu judío, ũi ámiá Crispo. Judíovai cójijiñamine coreipōecu barejámeđa ũ. Nái ũmu ũ jivunque aru apevu obedivu Corinto āmicurriimarcavu Jesús ũi yávaiye méne jápiare cuivu, ju arí diede, jáđovarejaimada Jūmenijicure ocoque.

<sup>9</sup>Cūinánamine Jūmenijicu soyurejameđa Pablöre yópe decoboainope. Arejameđa úre:

—Jidubejacu ina ũmuvare. Bueni dajocabejacu ji yávaiye méne. Bi abejacu mu. <sup>10</sup>Yúvacari cadateivu mure. Nāme āmeno đabenama mure, ji cuvae boje obedivu pōevare diimaroi, arejameđa Jūmenijicu Pablöre.

<sup>11</sup>Que baru Pablo mautedejameđa noi cūinájju coricai, buede cuyu nócvare Jesús ũi yávaiye méne.

<sup>12</sup>Ũi bueiyedeca noi, Acaya āmicurrijoboröre jabotedejameđa Galión. Aru caivu nócvu judíova maucuvarejaimada Pablöre. Que teni apevu nácavu úre jēni nūvarejaimada jabocu yebai. <sup>13</sup>Aru arejaimada nái jabocure:

—Nái ũmu bueibi pōevare, ne mearore jínajiyede Jūmenijicure yópe đaicōjemepe, arejaimada.

<sup>14</sup>Pablo yávacuyu barejámeđa. Ubenita Galión arejameđa ina judíovare:

—Muja, judíova, cāriovamejara yure. Nái ũmu jaboteino đaicōjeiyepere ũi đabedu o ámeina tedu, yu jápiajebu muje coyuiyede. <sup>15</sup>Ubenita muja jorojivubu nái ũmure, ũi bueiye boje aru ũi đabe boje muje đaicōjeiyede. Que baru mujavacari meadajarā diede. Yúcapūravu nájine đabecuyumu úre, arejameđa ina judíovare.

<sup>16</sup>Que arí, jaetovarejameđa náre nore jocarí. <sup>17</sup>Que teni ina judíova ámevu jēnejaimada Sóstenene, judíovai cójijiñamine coreipōecure. Jara popedejaimada úre nái jabocu ũi jáinoi. Ubenita Galiócapūravu jámecupeda yéde đabedejameđa ũ.

**Pablo ũi copaino Antioquíai aru ũi jácunūino bedíova cojedeca, soyucuyu Jūmenijicui yávaiyede**

<sup>18</sup>Obedijāravu Pablo mautedejameđa Corinto āmicurriimaroí Jesúre ju aipōevaque. Ũi etaiyede nore jocarí, Priscila aru Aquila máre yóvarejaimada úre. Nūrejaimada Cencrea āmicurriimaroí. Nore Pablo buraicōjenejameđa ũi pođare, jáđovacuyu ũi jebeiyeđe “Yópe đacacuyumu yu” ũi aino mácaröre Jūmenijicure. No yóboi Pablo, Priscila, aru Aquila máre jiađocū uracūi jaturí, etarejaimada Cencrea āmicurriimaroí jocarí. Dicū nūquicū marejávūya pu Siria āmicurrijoboróita. <sup>19</sup>Ubenita Pablojā jatarejaimada pu Éfeso āmicurriimaroí. Ne eaiyede noi, Pablo dajocarí Priscilare aru Aquilare máre, cūinácvu nūri, ecorí judíovai cójijiñami, soyurejameđa



nócvav judíovare. <sup>20</sup>Aru nácavv jēniarejaimada úre, ũi mautequiyepe aivv náque obedijāravva. Ūbenita Pablo ju abedejameda náre. <sup>21</sup>Qué Nora ũi etaiyede náre jocarī arejameda:

—Nūquijivv Jerusalén āmicurīimaroi torojuve teinmure. Ūbenita yure Jūmenijicv ũi daroru, copaidacuyv yv mve yebai cojedeca, arejameda náre Pablo.

Que arī, jiadocū vracūi jaturī, nurejameda Éfeso āmicurīimaroe jocarī.

<sup>22</sup>Jatarī pū Cesarea āmicurīimaroi, nore jocarī mái mari nurejameda pū Jerusalén āmicurīimaroi, jacyvuyv Jesúre ju aipōevare noi. Aru nore jocarī, ēmeni nurejameda pū Antioquía āmicurīimaroi cojedeca. <sup>23</sup>Apejārvuare svrejameda nore. Ū etayv bácv nore jocarī, vaidējameda caino Galacia aru Frigia āmicurījborōai. Īmaroa coapa vaidé nuri, Jesúre ju aipōevare coyve cuyv barejameda ũ, parvre dacuyv náre ne ũmei.

#### Apolos ũi coyvino Éfesocavure

<sup>24</sup>Cūinácv ũmū judíovacacv, Alejandría āmicurīimarocacv, ũi āmiá Apolos, earejameda Éfeso āmicurīimaroi. Me coyvejameda pōevare. Aru me majidejameda Jūmenijicv yáviyede máre. <sup>25</sup>Ūtubecvva buedejameda me Jesús ũi yáviye méne. Ūbenita qué Nora Juan Bautista bácv ũi bueiyyede aru ũi jáđovaiyyede pōevare Jūmenijicvre ocoque majidejameda. <sup>26</sup>Jidubecv coyvrī bārejameda parvrōreca judíovai cōjjiñami jívvi. Priscila aru Aquila máre jápiaivv ũi coyviyyede, nūvarejaimada úre pōevare jocarī, buenajivv úre caiye Jūmenijicv yáviye méne. <sup>27-28</sup>No yóboi, Apolos jatarī nuiyvejameda Acaya āmicurījborōi. Que baru ina Éfeso āmicurīimarocavv Jesúre ju aivv Apolore cadateiyvrivv, nácacv toivarejameda paperayocare ina Acaya āmicurījborōcavv Jesúre ju aivvure, ne jacopvrājiyyepe aivv Apolore ũi eaiyyede ne yebai. Aru ũi eaiyyede noi, caivv pōeva ne jáinoi

parvrōreca coyvejameda judíovare. Jáve jáđovarejameda náre Jūmenijicv yáviyyeque Jesúreca Cristore, Jūmenijicv epeimv mácvre.

#### Pablo ũi bueino Éfesocavure

(Mt 3.11; Mr 1.4, 7-8; Lc 3.4, 16; Jn 1.26-27)

**19** <sup>1</sup>Apolos ũi cvede Corinto āmicurīimaroi, Pablocapūravv mái nuri, cūrcūare jatarī vainí, earejameda cojedeca Éfeso āmicurīimaroi. Noi coyvejameda apevv Jesúre ju aipōevare. <sup>2</sup>Náre yópe arī jēniari járejameda:

—¿Jesúre mamarv mve ju aiyede, Espírиту Santore jacopvrārv mva? arejameda Pablo.

—Nūja ye jápiabevv ñai Espírиту Santo cvcvre, arejaimada na.

<sup>3</sup>Ne que arīburu, Pablo jēniari járejameda náre:

—¿Ye batearī mve jáđovaiye báque Jūmenijicvre ocoque? arejameda Pablo.

—Juan Bautista bácv ũi jáđovaiye báquepe jáđovaima Jūmenijicvre ñujare ocoque, arejaimada Pablre.

<sup>4</sup>Aru Pablo arejameda náre:

—Juan Bautista bácv jáđovaquemavv ina pōeva chíoivvure ne āmeina teiye boje ne đaiyyede oatvavvure. Aru náre coyquemavv, yópe arī: “Dacuyvme ji yóboi cūinácv, ji pveno parvcv, Jūmenijicv daroquimv. Ju ajarā úre”, aquemavv Juan Bautista bácv. Aru Jesúreca batequémavv dacuyv ñai Juan Bautista bácv yóboi, arejameda Pablo náre.

<sup>5</sup>Diede jápiaivv bácvv, jáđovarejaimada Jūmenijicvre ocoque, ne Jesúre ju aiyv boje, ũ jina márājivv.

<sup>6</sup>Dinumvma Pablo ũi tuoiyede ũi pvrūaque náre coapa ne jipovrā, jacopurejaimada ñai Espírиту Santore. Que teni yávarejaimada apacamua yávaicamua ne majibecamuaque. Aru Jūmenijicv yáviyyede coyvarejaimada na. <sup>7</sup>Doce pavv ũmva marejaimada na.

<sup>8</sup>Yóbecvrā aviáva baju Pablo návarejameda ne judíovai cōjjiñami.

Jidubecava соууу barejámeda parurõreca, ne majinajipepe ayu jáve ũi соууийede Jūmenijicui jaboteino borore. <sup>9</sup>Ūbenita apevu, ũi yávaiyede jápiaiyubevu aru ju aiyubevu, āmeina yávarejaimada Jesúi bueicõjeiyede caivu ina judíova cójjivū ne jáiyede. Que baru Pablo dajocarejameda náre. Aru nuvarejameda ina Jesúre ju aipõevare ṹque. Caijārvava соууу barejámeda põevare apedāmi, Tirano āmicucu ũi bueiñami. <sup>10</sup>Nópe ðayv barejámeda p̄sacujva baju. Que teni caivu põeva Asia āmicurijoborõcavu, judíova aru judíova āmevu máre, jápiarejaimada Jūmenijicui yávaiye méne.

<sup>11</sup>Jūmenijicu Pablõre ðare ðarejameda urarõ põeva ne ðarī majibede. <sup>12</sup>Que baru ũi doicajeare nuvaivu barejáimada ijimarare. Aru ne tuoiyede ðicajeare meatedejaimada na. Abujuva máre etarejaimada náre jocarī.

<sup>13</sup>Apevu judíova, yaviéde ðaivu, cuivu ĩmaroa coapa jaetovaivu barejáimada abujuvare põevare jocarī. Jaetovaiyuridurejaimada abujuvare Jesúi paruéque máre. Que teni arejaimada cūinācu abujucure:

—Ðaicõjeivu mure, Pabloi соууиму Jesús ũi paruéque, etajacu mu ñai ũm̄re jocarī, arejaimada.

<sup>14</sup>Ina yaviéde ðaivu siete paivu ũm̄va, cūinācu ũm̄ui mára marejáimada na. Népacu cūinācu judío vai sacerdotevare jaboteipõecu barejámeda, ũi āmiá Esceva. <sup>15</sup>Ūbenita ñai abujucu arejameda náre:

—Jesúre majivu yu. Aru Pablõre máre majivu yu. Ūbenita m̄jare ye majibevu yu, arejameda náre ñai abujucu.

<sup>16</sup>Que arī, ñai ũm̄u, abujucu ũi ĩmam̄u, jjecucu ne p̄uenoi biarārī, jara popeni, ne cuitótecajeare jaðevarī, jaetovarejameda náre cūramine jocarī. Que teni cūyarejaimada cūramine jocarī na coapa, churiá curivu aru cuitótecajea cubevuva. <sup>17</sup>Aru caivu Éfeso āmicurīmarocavu, judío va aru judío va āmevu máre, jápiarejaimada iye Escevai márai borore. Que baru pare

jidurejaimada ina caivu. Aru p̄ueno baju mearore jídejaimada Jesúre, ũi parué boje.

<sup>18</sup>Obedivu põeva, Jesúre ju aivu caride, caivu ne jáiyede соуу́rēarejaimada ne āmeina teiye báquede, Jesúre ne ju arājiye jipocai.

<sup>19</sup>Obedivu nācavu, yaviéde ðaivu bācavu ne yaviéde bueitucuboare davarī, juarejaimada caiye ditucuboare caivu põeva ne jáiyede. Aru ne corevaiyede aipino bojecurõ ditucubo na éitucuboa báquede, cincuenta mil paiturava tātuturavava me bojecuriturava bojecurõpe baju bojecurejavūya. (Cūināturu bu quince paivu memepõeva ne memeiye boje caip̄sacur̄uape paivjuare.)

<sup>20</sup>Yópe parurõque caijārvava ðarī jáðovaiyede apevu obedivu põeva jápiaivu Jūmenijicui yávaiye méne, ne ju aiyede p̄ueno baju obedivu ju aivu nurejaimada na.

<sup>21</sup>Que teniburu yóboi, Pablo arī dápiarejameda: “Vainí nuquijivu Macedoniare aru Acayare máre. Que teni nuquijivu Jerusaléne. Aru no yóboi, nuiye jauvu yure Romai”, arī dápiarejameda Pablo. <sup>22</sup>Que baru jarorejameda p̄ucarā ũi yóvaimarare, Timoteore aru Erastore máre, ne nurajipepe ayu ũi jipocai Macedonia āmicurijoborõi, ũi mauteiyedeca apejārvavare Asia āmicurijoborõi.

#### Éfescavu ne cārijini jorojino Jesúre ju aipõevaque

<sup>23</sup>Din̄um̄reca obedivu Éfeso āmicurīmarocavu jararejaimada Pablõre, ũi bueiye boje põeva ne ðarājiyede yópe Jesúi urõpe. <sup>24</sup>Cūinācu ũm̄u, nócacu, ũi āmiá Demetrio, tãure memepõecu barejámeda ũ. Ðarejameda tãuque quíjñamia cūramiare yópe ico jūmenijico õi āmiá Artemisa õi cūrami uradāmipe paiñami, ðarī bojedacuyu ðñamiane põevare. Urarõ tātutare ñejameda ũ ðñamia boje. Aru apevu Demetrior̄e memecaipõeva máre urarõ tātutare ñejaimada

na, ne memeiye boje. <sup>25</sup>Que baru Demetrio cójijovarejameđa caivũ úre memecaivũre aru caivũ apevũ nó cavũ máre ne memeiyepe paiyede đaiivũre. Cójijivũ caivũ, Demetrio arejameđa náre:

—Muja, ji yóvaimara, mujavacari majivũ maje me curõre maja coapa iyede maje memeiye boje. <sup>26</sup>Ñai Pablõre jári járiaivũbu muja. Buede cuibi põevare, yópe arí: “Pẽpeimara põeva ne đaimara jũmenijina ãmema”, arí bueibi ù. Obedivũ põeva yui, Éfesocavũ, aru caino Asiavũ máre, ju adama ùi bueiyede. <sup>27</sup>Yópe ne ju aino jidojavũ majare. Maje memeiyo bĩjaquijichũvũ. Aru iñami jũmenijico Artemisai cũrami máre diñamine yávaino mácarõ, bĩjaquijichũvũ. Nópe vaidú, pueđarí đajocarãjarama õre, aru ãmeina járajarama õi paruéde caivũ Asiavũ aru caino joborõacavũ máre, arejameđa Demetrio.

<sup>28</sup>Ëi yávaiyede járiaivũ, ina obedivũ põeva jaraiũ codoboborí búrejaimađa: —Artemisa, ñuja Éfesocavũre jũmenijico meaco bajube õ, codoboborí arejaimađa na.

<sup>29</sup>Que teni obedivũ põeva, caivũ ïmarocavũ, cãrijini jorojinejaimađa. Cúyarí nurí, pũcarã Pablo ùi mái darí yóvaimara mácvũre, ne ãmiá Gayo aru Aristarco máre, Macedoniavũre, jẽni jabuborí ecovarejaimađa ïmarocavũ cójijino urarõ curõi. <sup>30</sup>Pablocapũravũ coyucũnrĩdurejameđa no cójijinoi. Ëbenita nó cavũ Jesúre ju aipõeva ñicõjemenejaimađa úre. <sup>31</sup>Aru apevũ máre, Asia ãmicurõ jabova, Pabloi yóvaimara, boro jarorejaimađa, jẽniarajivũ úre ùi ñumequiyepẽ aivũ no cójijinoi. <sup>32</sup>Que teiyedeca, apevũ ina cójijinocavũ codobobovũ barejáimã. Cũináyajubo apei ne aiyede, apeyajubo máre apeita ávarejaimađa na. Que teni ina cójijivũ coreóvabevũ obedivũ jẽniari járejaimađa ne baju, “¿Aipe teni dari maja yui?” arejaimađa na, majibevũ. <sup>33</sup>Ëbenita ina judío va coyurejaimađa Alejandore aipe vaiyede. Aru núvarejaimađa úre caivũ ne jáinoi,

ùi coyũquiyepẽ aivũ náre, “Caiye iyede jacotũcayũmu judíovare”. Que teni Alejandro ùi pũrũque jádovarejameđa, ne bi arãjiyepẽ arĩduyũ. <sup>34</sup>Ëbenita na majidivũ ù máre judío, pũcaora baju codobobovũ barejáimã na cojedeca:

—Artemisa, ñuja Éfesocavũre jũmenijico meaco bajube õ, codoboborí arejaimađa na.

<sup>35</sup>Quénora Éfeso ãmicuríĩmarocavũre jabocu bi aicõjenejameđa ina põevare. Aru arejameđa náre:

—Muja, Éfesocavũ, jápiajarã ji yávaquiyede. Maja, Éfesocavũ, jári coreivũbu ico jũmenijico Artemisa, meaco baju, õi cũramine aru õi cũrãbore máre, cavarõre jocarí tuibo bácarõre, caivũ põeva ne mearore jĩbore. Aru caivũ põeva majima diede. <sup>36</sup>Põecu cubebi buojari ju abecu diede. Que baru mujacapuravũ bi ajarã muja. Đabejarã ãrũmevũre. <sup>37</sup>Muja davađavũ ina pũcarã ùmũvare yui. Ëbenita jũmenijina cũramia cuvede ñavamema na. Aru ãmeina yávabema maje jũmenijicore máre. <sup>38</sup>Que baru Demetriojã boro coyũrĩ adaiyũrivũ baru, boro coyũrĩ adarãñujarari na jabova ne ãmeina teivũre jẽniari jáiñami. Noi ãmeina teivũre jẽniari jáipõecu cubi ù. Ëi jáinoi boro coyũrĩ adajarãri na. <sup>39</sup>Muja apejĩene urivũ baru, coyũiyẽ javũ noi, ïmarocavũ ne cójijinoi yópe maje đaicõjeiyepẽ. <sup>40</sup>Me đajarã. Jidojavũ majare ina Romacavũ jabova coyũrĩ adarí yávarãjivũre majare yópe maucũvarivũre, maje coyũrĩ majibe boje aipe teni buinore yo maje urarõ codoboboinore, arejameđa ñai jabocu ina põevare.

<sup>41</sup>Que yávarĩburu yóboi, “Quénoramũ. Nujara muja muje cũramia coapa”, arejameđa náre.

**Pablo ùi nuino Macedoniai,  
Grecia máre**

**20** <sup>1</sup>No codoboboino mácarõ cũiyede, Pablo daicõjenejameđa ùi yebai ina Jesúre ju aipõevare, majicacũyũ náre. Aru “Nuñũmu”

arí, dajocarejameđa náre, нсчүи Macedonia ámicurijoborõi. <sup>2</sup>Û vaiváyu no joborõre bueyu barejámeđa nócvare, cadatecyu náre. Que teyu, earejameđa Grecia ámicurijoborõi. <sup>3</sup>Mautedejameđa noi yóbecurá aviáva baju. Jatacyu barejámeđa Siria ámicurijoborõi. Ûbenita coreóvarejameđa úre ùi nuquiyedeca jiadócu uracúque apevu judíova boarí jaravarájivure úre. Que baru jatubedejameđa dicúi. Quénora mái nuri, vaidéjameđa Macedonia ámicurijoborõi bedíova cojedeca. <sup>4</sup>Aru apevu yóvarejaimada úre, ne ámiá Sópater, Pirroi mácu, Berea ámicuríimarcacu; Aristarco aru Segundo máre, Tesalónica ámicuríimarcavu; Gayo, Derbe ámicuríimarcacu; Timoteo; aru Tíquico, Trófimo máre, Asia ámicurijoborõcavu. <sup>5</sup>Ina Jesúre ju aipõeva ñuje jipocai nuri, coredejaima ñujare Troas ámicuríimaroí. <sup>6</sup>Páure bucure daiye cube áiye torojuve teinumu yóboi, ñuja jatuiavu jiadócu uracúí etarejacadá Filipos ámicuríimarcare jocarí aru cúnápurupe pajárvava yóboi tuijarejacadá Troas ámicuríimaroí. Aru curejacadá nore cúnásumana.

**Pablo úi jácunúino Troacavure**

<sup>7</sup>Domingo járvavi Jesúre ju aipõeva cójijidejacadá, ári úcurajivu, árvurajivu Jesúi yaiye báquede. Aru etarájivu barejacadá cómiájárvavure. Que baru Pablo coyuyu barejáme náre joe ñami corica bajita. <sup>8</sup>Cójijidejacadá puenocatucubu jívui aru ure pëoibua pëorejavú. <sup>9</sup>Cúnácu bojuyo, úi ámiá Eutico, dobarejame jáicobei. Pablo úi uraró coyuyedeca, vno ijidejavú ñai Euticore. Cári nurejame ú. Aru cáñu, turejame jáicobede jocarí pu joborõita. Yóbecuriva curaivare vainí turejame ú. Apevu úre jënejaima, jave yaiyú bácuta. <sup>10</sup>Ûbenita Pablo jõðari yaiyú bácuí baju bácarõre tucunuri, nariónu arejame apevure:  
—Cuecumamejara. Apucube cojedeca, arejame Pablo.

<sup>11-12</sup>Dinumu Pablo copaini nuri nurejame puenocatucubui cojedeca. Ñai bojuyore nuvarejaima apucure. Aru torojurejaima, úre meadaíye boje. Pablojá páure cotuvári, árejacadá. Ári bujarí Pablo borotedejame náque joe baju miadáe tuiyeta, ñuje etaiyeta. Que teniburu yóboi, nurejacadá ñuja.

**Pablo úi nuino Miletoí, Troare jocarí**

<sup>13</sup>Pablo nuicõjenejame ñujare jiadócu uracúque Aso ámicuríimaroí úi jipocai. Ûcapúrvavu mái нсчүи barejáme, corucuyu ñujare noi. <sup>14</sup>Que teni ñuje coruyiede Aso ámicuríimaroí, Pablo jaturejame ñujaque. Aru nurejacadá Mitilene ámicuríimaroí. <sup>15</sup>Cómiájárvavui Mitilene ímarore jocarí, jatarí nuri earejacadá Quío ámicurijivavu cóchinoi. Bedíova cómiájárvavui jatarí nuri, tuijarejacadá Samos ámicurijivavu tuipávai. Jatarí nuri Troguilio ámicuríimaroí, jabuóvarejacadá noi. Aru cómiájárvavui jatarí nuri, earejacadá Mileto ámicuríimaroí. <sup>16</sup>Pablo eaiyurejame Jerusalén ámicuríimaroí Pentecostés torojuve teijárvavu jipocai. Que baru jatarí nuri, vaidéjacadá Éfeso ámicuríimarcare jocarí, Pablo úi mauteiyube boje Asia ámicurijoborõi.

**Pablo úi yávaino Éfesocavu ju aivure coreipõevare (2 Ti 4.7)**

<sup>17</sup>Ûi cuede Mileto ámicuríimaroí, Pablo boro jarorejame Jesúre ju aivure coreipõevare Éfeso ámicuríimarcavure, ne darájipeye ayu úi yebai. <sup>18</sup>Ne edaiyede úi yebai, arejame náre:  
—Mujavacari coreóvaivubu aipe cücure yu muje jëneboi mamarumure ji daiyede Asiai pu caride máre. <sup>19</sup>Cainumua cátecacu yu muje jëneboi Jesúre memecayu, dápiabecu ji baju apevu pueno meacupe, aru oyu ji ñájiyede judíova ne ámedaiyue boje yure. <sup>20</sup>Jidabecu coyuyu batecácu mujare caiyede, cadatecyu mujare. Bueyu batecácu Jesús úi yávaiye méne muje cójijíñamiai aru muje cüramia

coapa. <sup>21</sup> Parurōreca coyuyū batecácu judíovare aru judíova ãnevure máre: “Chíojara mŭje ãmeina teiyede. Oatuvajarã mŭje ðaiyede. Aru ju ajarã Jesús ũi yávaiye méne”, arí coyuyū batecácu yu. <sup>22</sup> Aru caride, ñai Espírítu Santo nuicōjeimi yure Jerusaléi. Majibevu yu aipe yure vaiquýyede noi. <sup>23</sup> Quénora ñai Espírítu Santo majide ðaibi yure yópe: Cainoa ĩmaroai ji nuquinoai pōeva coreðama yure. Nájine ðarājarama yure. Aru apenũma buorājarama yure ãmeina teivure jēni jacoñiami. <sup>24</sup> Ūbenita ye baquinó ãnevū yure cūcure ijāravure. Quénora ðaiyuvu mearo iye memeyede, Jesús ũi ðaicōjeiyede yure pu ji buojaiyeta diede. Coyūiyuvu caivure iye yávaiye méne Jūmenijicui urarō mearo ðacaiyede pōevare, ũi meadaquiyeye ayu náre.

<sup>25</sup> Jápíajarã. Coyucunucacu iye yávaiye méne Jūmenijicui jaboteinore mŭje jēneboi. Ūbenita coreóvaivu yu mŭja jámenajivure yure cojedeca ijāravure. <sup>26</sup> Que baru coyūivu yu mŭjare caride yópe: Mŭjavacari mŭje bajuma bíjaru jāravu cūiméjāravu baquinóre, yúcapūravu cadateni buojabevu mŭjare. Jave ðacavu yu mŭjare caino ji oainope. <sup>27</sup> Jidubecu bueni buojacacu yu mŭjare me caiye iye Jūmenijicui yávaiyede. Ye ãrumetebevū yu caiye diede. <sup>28</sup> Me ðajarã mŭja. Ñai Espírítu Santo mŭjare járī corede ðaibi caivu Jesúre ju aipōevare. Que baru me corejarã náre yópe ovejavare coreipōecu ũi coreiyeye. Caivu Jesúre ju aipōeva Jūmenijicu jinatamu na, Jūmenijicui mácu, Jesús, ũi yaicáiyē báque boje náre. <sup>29</sup> Coreóvaivu yu ji etarīburu yóboi mŭjare jocarī, apenvū ðarājivure mŭje jēneboi yópe ãimara macarōcavu jijecurivū ne daiyeye ovejava jēneboi. Borocurājarama mŭjare, mŭje dajocarājīyeye aivu mŭje ju aiyede Jesúre. <sup>30</sup> Aru apenvū mŭjavacavvacari borocurivū buebenajarama jāvene. Quénora jujovarājarama Jesúre ju aipōevare, mŭje dajocarājīyeye aivu mŭje ju aiyede Jesúre aru mŭje

yóvarājīyeye aivu náre. <sup>31</sup> Que baru me jájara mŭja. Ārūjara iye yóbecurijua jāravure aru ñamine máre urarō ji orī majicavaquede caivu mŭjare.

<sup>32</sup> Yu jēniañũmu Jūmenijicure, ũi járī corequiyeye ayu mŭjare. Aru yávaiye me urarō mearo ðacaiye cadatequiyebu mŭjare. Que baru parure ðaquiyebu mŭjare mŭje ũmei ũi yávaiye paruéque, mŭje ju arājīyeye Jesúre cainũma. Aru Jūmenijicu epecũyume mŭjare mŭje curājino caivu apenvūque, ina ũi meadaimaraque, ne Jesúre ju aiyē boje. <sup>33</sup> Yu íyubevu jíyeva apecu ũi tātuturare aru ũi cuiótotecajeare máre.

<sup>34</sup> Mŭjavacari coreóvaivubu aipe memeyure yure, bojedarī ĩcũyū yure jauéde aru ina ji yóvaimarare jauéde máre. <sup>35</sup> Cainũma yu jáðovaivu mŭjare yópe urarō memeyure jaurōre mŭjare, mŭje cadatenajīyeye ayu ina cōmaje ārojarivure. Aru dápíajarã cainũma yópe Jesús ũi aiyē báquepe: “Ñai jíyū apecure torojucutame ñai jacopuyū pñeno”, arejame Pablo.

<sup>36</sup> Que arīburu yóboi, Pablo ñuatutari jēniarejame Jūmenijicure caivūque.

<sup>37</sup> Aru caivu orī narióri Pablōre, nuivū barejáima ũi jivare, yópe ne ðarī cōmajīyeye névū ne nurajīye jipocai.

<sup>38</sup> Ūrarō chíoiyvū barejáima, “Yure jámenajivubu mŭja cojedeca ijāravūi” ũi aiyē báque boje jipocamia. Aru ũre yóvarejaima mái, jia uraða ēcarui nuri jiaðocū uracū yebaita.

#### Pablo ũi nuino Jerusaléi

(Hch 6.5, 8.5, 11.28)

**21** <sup>1</sup> Ñŭje etaiyede náre jocarī, jaturejagarã jiaðocū uracūi. Jatarejagarã nurié pu Cos ãmicurijivūita. Cōmiájāravūi jatarejagarã nurié Rodas ãmicurijivūi aru Pátara ãmicurīimaroi máre. <sup>2</sup> Noi vorī earejagarã apēcū uracūre, Fenicia ãmicurijoborōi nuquicūre. Que teni jaturī nurejagarã dijiávure jocarī. <sup>3</sup> Chipre ãmicurijivure vaidéjagarã dijiávū cācopūravūi. Aru nurejagarã pu Siria ãmicurijoborōi.

Tuijarejacadã Tiro ãmicuriiãmaro êcarui, dicũre memecaipõeva, ne mavarajiyepedicũ davaiyede. <sup>4</sup>Que baru dicũre jocarĩ etarĩ, mari, ãmaroi nurĩ, vorĩ copũrejacarã diimarocavũ Jesũre ju aipõevare. Náque mautedejacarã cũinásumana. Ñai Espĩritu Santo náre majide ðarejaquemavũ aipe vaiquĩyede Pablõre Jerusalén ãmicuriiãmaroi. Que baru “Nũmejacu Jerusaléi”, arejaima úre. <sup>5</sup>Ñũje etaijãravũ eaiyede, mãi nũrejacarã, jatarãjivũ cojedeca. Caivũ ina Jesũre ju aipõeva, nõmarebucũvaque, nõmaraque mãre, yõvarejaima ñũjare mãi ne ãmarore jocarĩ pu tuiãpãvai jia urada êcarui. Noi ñũatutari êpacũi jẽniarejacarã Jũmenijicũque. Aru jẽniari buõjarĩ, “Nũivũbu” arejacarã náre. <sup>6</sup>Que arĩ, dicũ uracũi jatũrejacarã. Aru ina Jesũre ju aipõeva copainũrejaima ne cũramiai na coapa.

<sup>7</sup>Etari Tiro ãmicuriiãmarore jocarĩ, earejacarã Tolemaidã ãmicuriiãmaroi. Jacoyũrejacarã diimarocavũ Jesũre ju aipõevare. Aru mautedejacarã náque cũinãjãravũ. <sup>8</sup>Cõmiãijãravũ etaiãvũ diimarore jocarĩ, earejacarã Cesarea ãmicuriiãmaroi. Aru nũrejacarã Felipe cũrami. Felipe Jesũs ãi yãvaiyede mãne coyũipõescu barejãme. Cũinãcũ ina siete paivũ Jesũs ãi yãvaiyede mãne beorĩ coyũicõjeimarare caðateipõevacacũ barejãmedã ã. <sup>9</sup>Yõvaicũvaivũ ãi mãromiva, ãmũcũbevũ, Jũmenijicũi yãvaiyede coyũcaivũ barejãima na.

<sup>10</sup>Ñũje mauteiyedeca náque apejãravũ, ñai Jũmenijicũi yãvaiyede coyũcaipõescu, ãi ãmiã Agabo, emenejaquemavũ Judea ãmicurijõborõre jocarĩ. <sup>11</sup>Darĩ ñũje yebai, jẽni Pabloi jãriõicãvare, buõrejame ãi baju ãi pũruãre aru ãi cũbobare mãre dicãvaque. Aru arejame:

—Yõpe aibi ñai Espĩritu Santo:

“Jerusalécavũ judiõva buõrãjivũbu dicãva jãriõicãva upacũre yõpe. Aru jĩnãjivũbu úre judiõva ãnevũre”, arejame Agabo.

<sup>12</sup>Ñũja jãpiaivũ diede, ñũja aru nõcavũ mãre jẽniãivũ barejacarã Pablõre parurõreca, ãi muri nũmequiyepedivũ Jerusalén ãmicuriiãmaroi. <sup>13</sup>Ubenita Pablocapũravũ arejame ñũjare:

—¿Aipe teni õivũrũ mũja? Chiõre ðabejarã yũre. Yũvacari jũracũbevũ Jerusalécavũ yũre ne buõru, aru yũre ne boarĩ jarũvaru mãre, ji coyũiyede boje Jesũs ãi yãvaiyede mãne, arejame Pablo.

<sup>14</sup>Ñũja úre ju are ðarĩ buõjabedejacarã. Que baru jẽniari ðajõcarejacarã úre. Quẽnora:

—Jũmenijicũ ðajacurĩ ãi urõpe, arejacarã ñũja.

<sup>15</sup>No yõboi, meaðarejacarã ñũje cũvede. Aru muri nũrejacarã Jerusalén ãmicuriiãmaroi. <sup>16</sup>Apevũ Cesarea ãmicuriiãmarocavũ Jesũre ju aipõeva yõvarejaima ñũjare. Nũvarejaima ñũjare Mnasõi cũrami. Ñai Mnasõn Chipre ãmicurijãvũcãcũ barejãmedã. Aru javeita ju arejamedã Jesũre. Úque curãjivũ barejacarã ñũja.

#### **Pablo ãi jãcũnũino Santiãgõre**

<sup>17</sup>Ñũje eaiyede Jerusalén ãmicuriiãmaroi, Jesũre ju aipõeva torõjurĩ me jacoyũrejaima ñũjare.

<sup>18</sup>Cõmiãijãravũ nũrejacarã Pablogue Santiãgo yebai, úre jãranũivũ. Caivũ ina Jesũre ju aivũre coreipõeva cõjijidejaima úque. <sup>19</sup>Pablo náre jacoyũrĩ buõjarĩ, coyũrejame caiyede Jũmenijicũi ðare ðaiyede bãquede úre judiõva ãnevũ jẽneboi. <sup>20</sup>Uĩ coyũiyede jãpiaivũ bãcavũ, caivũ mearõre jidejaima Jũmenijicũre. Aru arejaima Pablõre:

—Mũ, ñũjecũ, jãrijide apa. Obedivũ judiõvacavũ ju aivũbu Jesũre. <sup>21</sup>Aru caivũ ina ðadama cainũmũa yõpe Jũmenijicũi ðaicõjeiyede ãi coyũiyede bãquepe Moissés bãcũre. Apevũ borõcurivũ, yõpe arĩ, coyũimãda náre: “Pablo bueibi judiõvare judiõva ãnevũ ne jõborõai curivũre, ne ðabenajiyepedivũ ayũ yõpe Jũmenijicũi ðaicõjeiyede ãi coyũiyede bãquepe Moissés bãcũre”, aimãda na. Aru apenõre, yõpe arĩ, coyũimãda: “Pablo judiõvare burãicõjememi nõmarare ne cajede yõpe Jũmenijicũi ðaicõjeiyede ãi coyũiyede bãquepe Moissés bãcũre. Aru ðaicõjememi náre yõpe majeñecũva mãcavũ ne ðarĩ cõmajiyede bãquepe”, aimãda. <sup>22</sup>Ina judiõva

Jesúre ju aipõeva jápiarājarama mi borore edayure. Que baru, çaipe ðarājidi maja? <sup>23</sup> Ðajacu yópe ñuje ðaicõjeiyepe. Ññacavu yóvaicuvaiyu Jesúre ju aivu “Yópe ðacacuyumu yu” aima na Jūmenijicure. Ëbenita nópe ðarī buojabema na cāreja. <sup>24</sup> Que baru nñvajacu náre múque. Náque ðajacu mu máre yópe Jūmenijicui ðaicõjeiyede ñi coyuiye báquepe Moisés bácure, muje meara marajiyépe aivu Jūmenijicui jáinoi. Aru bojedacajacu mu náre coapa, caiye ne poðare ne yñvarājiyepe ayu yópe Jūmenijicui ðaicõjeiyede ñi coyuiye báquepe Moisés bácure, ne bubarājiyepe ayu “Ðacacuyumu Jūmenijicure”, ne aive báquede. Mi yópe ðaru, caivu ina judíova majinajarama jáve ãmevu ne jápiaive báquede mi borore. Návacari járajarama mure ðayure yópe Jūmenijicui ðaicõjeiyede ñi coyuiye báquepe Moisés bácure. <sup>25</sup> Ëbenita ññjavacari toivacarā no papeyocare ina judíova ãmevu Jesúre ju aipõevare. Ne majinajiyepa aivu maje dāpiaiyede. Yópe arī, toivacarā náre: “Caiye ãiyede pēpeimara mácavu ne jino mácarõre ãmejara. Aru jivede ãmejara. Æimajiarua jive cuede máre ãmejara. Aru ðabejarā ãmeina ðaiyede apevuque mujemarebucava ãmevuque”, arī toivacarā ññja náre, arejaima Pablora Jesúre ju aivure coreipõeva.

**Churarava ne jēino Pablora  
Jūmenijicui cūrami jívui**  
(Hch 15.29, 20.4)

<sup>26</sup> Dinumu Pablo yóvarejameða ina yóvaicuvaiyu ñmuvare. Cõmiájāravui ðarejameða ñ yópe Jūmenijicui ðaicõjeiyede ñi coyuiye báquepe Moisés bácure náque, ne meara marajiyépe ayu Jūmenijicui jáinoi. Ecorejameða Jūmenijicui cūrami, coyucuyu sacerdotevare ájāravu ne jebelijāravure, ne jínajiyepa ayu ne jícaiyede Jūmenijicure na coapa.

<sup>27</sup> Yópe Jūmenijicui ðaicõjeiyede ñi coyuiye báquepe Moisés bácure ðarejaimaða siete pajāravua

baju. Dijāravua cūiquiye jipojicai, apevu judíova ðaivu bācavu Asia ãmicurijoborõre jocarī járejaimaða Pablora Jūmenijicui cūrami jívui. Obedivu põevare jarare ðarejaimaða Pablora. <sup>28</sup> Ëre jēni, codoborī arejaimaða:

—iMujā, Israecavu, cadatejarā ññjare! Ñai ñmu, ñrecabe buecunñu caino jaborõcavure, ne jápiabenajiyepa ayu maja judiovare, ne ju abenajiyepa ayu Jūmenijicui ðaicõjeiyede ñi coyuiye báquede Moisés bácure, aru ne pueðabenajiyepa ayu Jūmenijicui cūramine máre. Aru davacube judíova ãmevure Jūmenijicui cūrami jívui. Que teni ãmeno ðaibi yo curõ Jūmenijicu jinore, arejaimaða na.

<sup>29</sup> Jipocamia járejaimaða Pablo cuyure Jerusalén ãmicurīmaroi judíova ãmevucacumaque, ñi ãmiá Trófimo, Éfeso ãmicurīmarocacu. Que baru ina judíova “Pablo nñvacube judío ãmecure Jūmenijicui cūrami jívui”, arejaimaða na ñbenina. <sup>30</sup> Dinumu caivu ðiimarocavu jorojivu cūyarī, cõjjini, Pablora jēni, jabuborejaimaða Jūmenijicui cūramine jocarī. Cūiná bidejaimaða caicobea ðiñami jedevacobeare. <sup>31</sup> Ne boarī jarñvarīduiyedeca ñre, apevu põeva boro jarorejaimaða ñai churaravai jabocure. “Caivu Jerusalécavu cārijini jorojivubu”, arejaimaða ñre. <sup>32</sup> Maumejiena cõjjivarī churaravare aru apevu ne jabovare máre, cūyarī jõðari earejaimaða ina obedivu põeva yebai. Aru ne jáiyede ñai jabocure aru ina churaravare máre, Pablora jara popeni ðajocarejaimaða na. <sup>33</sup> Ne yebai ðayu ñai jabocu, buoicõjenemeða Pablora pñcama tãumeaque. Aru jēniari járejameða:

—¿Ñameña ñai? ¿Aipe tedi ñ?

<sup>34</sup> Apevu ina cõjjinocavu ape arī codoboboyede, apevu máre apeita codoborī ávarejaimaða na. Ne pare bujé boje, ñai jabocu coreóvabedejameða aipe aivure. Que baru churaravare nñvaicõjenemeða

Pablöre churaravai cūrami jívui.  
<sup>35</sup>Nuvarejaimada úre quédata  
 mūicadavaita. Ūbenita ina obedivū  
 pōeva ne jorojīye boje, íyurídurejaimada  
 Pablöre cojedeca churaravare jocarī.  
 Que baru úre dururejaimada, pōeva ne  
 ímenajīyepē aivū úre. <sup>36</sup>Que teni ina  
 obedivū pōeva nurejaimada ūi yóboi  
 aru:

—iBoarī jaruvajarā úre! iYaijácūrī ūi  
 arī codoboborejaimada.

**Pablo “Ámeno đabevū yū” arī, ūi  
 yávaino**

(Hch 5.34-39, 8.3, 26.9-11)

<sup>37</sup>Ne nuvaiyede Pablöre buoimūpe  
 churaravai cūrami, Pablo arejamedā  
 griego āmicūricamua yávaicamuaque  
 űnai churaravai jabocū pūeno parūcere:  
 —Yū mure coyūiyuvū, arejamedā Pablo.  
 Aru űnai churaravai jabocū arejamedā  
 Pablöre:

—¿Mū griegovai yávaiyede majicūrū?  
<sup>38</sup>¿Dinūmū mū āmecūrū āñū Egiptocacu  
 jabeteni pōevare nuvañū mácū  
 yóvaicūvaimil paivū baju pōecubenoī,  
 pōevare boarē đacūyū, me javejīene aru  
 maucūvare đacūyū jabetēinore máre?  
 arejamedā űnai churaravai jabocū pūeno  
 parūcū Pablöre.

<sup>39</sup>Aru Pablo arejamedā úre:  
 —űnai ānevū yū. Yúvacari judíobu yū.  
 Ciliciacaāimaro űrarō Tarsocacūbu yū.  
 Jēniaivū mūre. Coyūicōjejacū yūre ina  
 obedivū pōevare, arejamedā Pablo űnai  
 jabocūre.

<sup>40</sup>űnai churaravai jabocū pūeno parūcū  
 coyūicōjenejamedā úre. Que baru  
 Pablo nūri noi mūicadavai, ūi pūűque  
 jáđovarejamedā, ne bi arājīyepē ayū. Ne  
 bi aiyede, Pablo coyūrī búrejamedā ne  
 yávaicamuaque, judíovai yávaicamuaque,  
 yópe arī:

**22** <sup>1</sup>—Mūja, jívū aru jíbcūva  
 máre, jápijarā ji coyūiyede ji  
 đaiye báquede, arejamedā Pablo.

<sup>2</sup>Ne jápiyaiyede ūi coyūiyede ne  
 yávaicamuaque, pūeno baju bídeca  
 jápiarejaimada na. Aru Pablo arī  
 coyūrejamedā náre:

<sup>3</sup>—Yúvacari judíobu yū. Tarsoi  
 pōetedejaquemavū yū. Que  
 baru Ciliciacacūbu yū. Ūbenita  
 bucūóvarejaima yūre yui Jerusalēi. Aru  
 Gamaliel buedejame yūre me caiye iye  
 Jūmenijicūi đaicōjeiyede ūi coyūiyē  
 báquede Moisés bácūre, majeñecūva  
 mácavū ne đarī cōmajīye báquede.  
 Cainūmua memecaiyucacū Jūmenijicūre  
 ūi űrōpe, nopedeca mūje đaiyepē caride.  
<sup>4</sup>Que teni pare űājine đacacū yū Jesúre  
 ju aipōevare. Náre cūjurī, jēni, buocacū  
 yū, ūmūvare aru nomjare máre. Aru  
 apevure boarī jaruvaicōjecacū. <sup>5</sup>Maje  
 sacerdotevare jabetēipōecū aru caivū  
 maje cójijinocavū máre jáđovari  
 buojađama ji coyūiyede jáve. Na jīma  
 yūre paperayocare, ji buorī davaquiyepe  
 aivū judíova Damascocavūre Jesúre  
 ju aipōevare pū yui Jerusalēi, űājine  
 đarājivū náre. Que baru etacacū yū,  
 nucūyū Damascoi, arejamedā Pablo.

**Pablo ūi coyūino Jesús jicū teni buino  
 mácarōre**

(Hch 9.1-19, 26.12-18)

<sup>6</sup>Pablo coyūre nurejamedā, yópe arī:  
 —Mái nuīyede Damasco joabenoī  
 eaiyede járavū corica baji, maumejiena  
 cavarōre jocarī pēoávū yūre űrarō  
 miadáro ji nūroi. <sup>7</sup>Que teni cūcumāñū  
 mori tūcacū joborōi. Aru jápiacacū  
 yávainore yópe ainore yūre: “Mū, Saulo,  
 ¿aipe teni maucūvacūrū mū yūre?”  
 jēniari jáme yūre. <sup>8</sup>“Mū, ji jabocū,  
 ¿ñamenū mū?” acacū yū. “Yūrecabu  
 Jesús Nazarecacū, mi maucūvamū”,  
 áme yūre. <sup>9</sup>Aru ina ji yóvaimara no  
 miadárore jáima. Ūbenita űnai yūre  
 yávayū bácū ūi yávainore jápiabeteima  
 na. <sup>10</sup>Aru jēniari jácacū úre: “Mū, ji  
 jabocū, ¿yéde ji đainore ucūrū mū?”  
 acacū yū Jesúre. “Nacajari ecojacū  
 Damascoi. Noi apecū majicacūyūme  
 mūre aipe mi đaquinore yópe  
 Jūmenijicūi űrōpe”, áme yūre Jesús.  
<sup>11</sup>No miadáro mácarō yacorū cobovaiye  
 boje, jáñū mácū jári eabetecacū. Que  
 baru apevū ji yóvaimara ji pūűáre jēni  
 nuvaima yūre Damascoi.



<sup>12</sup>Noi cáteame cūinácū ũmū, ũi āmiá Ananías. Ũ mearore jiame Jūmenijicure jāve aru đayū yópe Jūmenijicui đaicōjeiyede ũi coyuiye báquepe Moisés bácure. Aru caivū pócavū judíoiva ũre pueđarī me yávaquemavū ũra. <sup>13</sup>Ji yebai darī, nūri yure áme: “Mū, jícū, Saulo, caride jáquijivū mū cojedeca”, áme yure. Aru cūiná jári eacacū cojedeca. Jácasū ũre. <sup>14</sup>Aru Ananías áme yure cojedeca: “Jūmenijicū, ñai majeñecuva mácvū ne ju aimū ũi beoimūmu mū, majicuyū ũi urōre, jácuyū Jūmenijicure, ñai mearore đayure, aru jápiacuyū ũi yávainore máre. <sup>15</sup>Que baru mū coyucuyūmu ũi yávaiyede caivū pōevare mi jáiye báquede aru mi jápaiye báquede máre. <sup>16</sup>¿Yéde coreyurū mū caride? Nacajari Jesúí parúéque jaruvajacū mi ámeina teiyede. Aru jáđovajacū Jūmenijicure ocoque”. Que áme Ananías yure, arejameđa Pablo.

**Pablo ũi coyūino judíoiva āmevure ũi bueinore**  
(Hch 7.58)

<sup>17</sup>Yópe arī, Pablo coyure nurejameđa: —Ji copaiyede Jerusaléi, nūcacū Jūmenijicui cūrami, jēniacuyū Jūmenijicure. Aru ji jēniayede, yū arūcū jácasū ji jabocure yópe decoboainope. <sup>18</sup>Ũ áme yure: “Ina Jerusalécavū ju abenajivūbu mi coyuiyede ji yávaiyede. Que baru maumejiēna nūjacū yore jocarī”, áme ji jabocū yure. <sup>19</sup>Ũbenita acacū yū: “Mū, ji jabocū, návacarī majima ji borore, buoicōjeñū mácvure aru jara popeicōjeñū mácvure máre ina mure ju aipōevare ne cójjiñamiamia coapa. <sup>20</sup>Aru apevū ne boarī jaruvaiyede máre ñai Esteban mácvure, mure coyucayū bácure apevure mi yávaiyede, yávacarī nūcū, jáñū, ju acacū yū ne đaiye báquede. Aru ina ũ mácvure boarī jaruvaiyū bācvai puenocacajea doicajearē jári corecacū yū”, arī yávacasū yū ji jabocure. <sup>21</sup>Dinūmu ji jabocucapūravū áme yure cojedeca: “Yávacarī jaroquijivū mure joarōi, mi coyūquiyere ayū ji yávaiye

méne judíoiva āmevure. Que baru nūjacū mū”, áme yure ji jabocū, arejame Pablo ina obedivū pōevare.

**Pablo ũi yávaino churaravai jabocūque**

<sup>22</sup>Ũi nópe aiyeđe, quénora ye jápaiyubedejaimađa ina pōeva, ũi judíoiva āmevure coyuiye boje. Yópe arī, cođoborejaimađa:

—iBoarī jaruvajarā ũre! iYaijácūrī ũi! Jáiyubevū cūcure yore, arejaimađa na.

<sup>23</sup>Cođoborē, jipocatedejaimađa na. Pare jorojivū, ne baju doicajearē tatorī jađevaiyū aru jobobicore đvaiyū barejaimađa na. <sup>24</sup>Diede jáñū ñai churaravai jabocū pūeno parūcū nūvaicōjenejameđa Pablōre churaravai cūrami jivūi. Noi jara popeicōjenejameđa ũre āimacajeque đaimeque. Ũre coyure đaiyurejameđa, majiyūcū aipe teni ina pōeva jorojivūre ũre. <sup>25</sup>Que baru ina churarava buorejaimađa Pablōre, međarī ũre ne jara popenajiyē jipocai. Ũbenita Pablo arejameđa apecū churaravai jabocure, apecū cāchino parūcure, nūcure ũi yebai:

—Yúbu Roma jaboteinocacū. ¿Yure jara popeicōjeni mure ji ámeina đaiyede jáđovamecūva cāreja? arejameđa Pablo.

<sup>26</sup>Diede jápiayū ñai jabocū, nurejameđa ũi jabocū yebai, ñai Pablōre coyūicōjeimū mácvū. Aru arejameđa ñai churaravai jabocū pūeno parūcure:

—Mū, ji jabocū, me đajacū mū. Ñai ũmū Roma jaboteinocacūbe, arejameđa ũ.

<sup>27</sup>Que baru ñai churaravai jabocū pūeno parūcū nurejameđa Pablo yebai. Aru arejameđa ũre:

—Coyūjacū yure. ¿Jāveneca Roma jaboteinocacurū mū? arejameđa.

Pablo arejameđa ũre:

—Jūju, ũrecabu yū, arejameđa.

<sup>28</sup>Ñai jabocū pūeno parūcū arejameđa:

—Ũrarō tāuturare jícacū yū Roma jaboteino jabovare, ne epenajiyere ayū yure Roma jaboteinocacūva, arejameđa ũ.

Pablo arejameđa:

—Yurecabu Roma jaboteinocacu ji pōteinũmũmiareca aru jipacu máre ũi Roma jaboteinocacu bae boje, arejameđa.

<sup>29</sup>Ina ũre jara popenajivu b́acavu que ayure jápiaivu, cūiná darúini nurejaimađa ũre jocarí. Aru ñai churaravai jabocu p̄eno parucu máre jidurejameđa, ũi b̄oiye báque boje Pablöre t̄aumeaque, yópe Roma āmicarō jaboteino đaicōjemenope.

**Pablo ũi yávaino judíovai jabovaque**

(Mt 22.23, 23.27; Mr 12.28; Lc 20.27; Hch 26.5; Fil 3.5)

<sup>30</sup>Ñai churaravai jabocu p̄eno parucu majiyurejameđa aipe teni ina judíova pare jorojivure Pablöre. Que baru cōmiáij̄aravui cójjicōjenejameđa caivu ina sacerdotevare jaboteipōevare aru ina judíovai jabova cójjinocavure máre. Churaravare jodeicōjenejameđa Pablöre. Aru n̄varejameđa ũre ne cójjino yebai.

**23** <sup>1</sup>Pablo me jári, ina cójjinocavure arejameđa:

—M̄uja, jívũ, ýavacari cainũmua c̄vũ yũ, “Boropatebevũ yũ”, arí d́apiarí J̄ũmenijicui jáinoi, arejameđa Pablo.

<sup>2</sup>Ũi que aiyeda, ñai sacerdotevare jaboteipōecu, ũi amíá Ananías, ina n̄rivure Pablo yebai, jara boaicōjenejameđa Pabloi j̄ijecamure.

<sup>3</sup>Que teni Pablo arejameđa ũre:

—Mũ, j̄ujovayũ, J̄ũmenijicu jara boac̄yũme mure. Yui mũ dobavũ, đac̄yũ yópe đaicōjeiye ainope. ¿Aipe teni m̄vacarí đaicōjemec̄upe đayurũ mũ mi jara boaicōjeiyede yure? arejameđa Pablo.

<sup>4</sup>Apevu ũi yebai n̄rivũ arejaimađa Pablöre:

—Mũ āmeina yávaivu J̄ũmenijicui sacerdotevare jaboteipōecure, arejaimađa.

<sup>5</sup>Que aivure, Pablo arejameđa:

—M̄uja, jívũ, coreóvabetevũ yũ ũre J̄ũmenijicui sacerdotevare jaboteipōecure. Yũ majicu baru, nópe abejbu yũ, J̄ũmenijicui yávaiyede

toivaiye báque boje yópe: “Āmeina yávabejarā m̄uja ñai m̄ujare jaboteyure”, arejameđa Pablo.

<sup>6</sup>Aru Pablo coreóvarejameđa apevu ina cójjinocavure saduceovacavure aru apevu fariseovacavure. Que baru arí codoborejameđa:

—M̄uja, jívũ, fariseovacac̄vũ yũ. Aru fariseovai m̄ac̄vũ yũ. B̄uodama yure, ji bueiye boje maje coreiyede J̄ũmenijicui nacovaquiyede caivu yaivu b́acavure yainore jarũvarí, arejameđa Pablo.

<sup>7</sup>Ne jápiaiyede ũi coyuiyede, jararí búrejaimađa na. Ina saduceova ina fariseovaque cūinátura āmenejav̄yua ne ũme. <sup>8</sup>Ina saduceova “Yainore jarũvarí nacajaino cubevũ, aru ángeleva, decova máre cubema”, ávadama. Ũbenita ina fariseova “Yainore jarũvarí nacajaino c̄vũ, aru ángeleva, decova máre c̄vũ”, ávadama. <sup>9</sup>Ina cójjinocavũ pare jararí n̄vivũ, p̄eno baju codoboboivu barejáimađa na. Que teni apevu fariseovacavũ, J̄ũmenijicui yávaiyede coyuipōeva, nacajari, parũrõeca arejaimađa:

—Ñ̄uje járu, āmeina tebecu bajube ñai ũmũ. Cūinácu decocu o cūinácu ángele máre coyũichubi ũre. Mauc̄vabenajarevũ maja J̄ũmenijicure, arejaimađa na.

<sup>10</sup>P̄eno baju jaraivu barejáimađa na. Ñai churaravai jabocu p̄eno parucu náre jáñũ, arí d́apiarí jid̄cũ, “Pablöre āmeina đar̄ajichũma” ayũ, churaravare ina n̄icōjenejameđa Pablöre cójjinocavure jocarí, ne n̄varejuyere ayũ ũre churaravai c̄rami cojedeca.

<sup>11</sup>Điñamimareca Jesús c̄ueteni n̄cu Pablo yebai arejameđa ũre:

—Jid̄ubejacu mũ. Nópe mi coyuiyepedeca ji yávaiyede Jerusalécavure, coyũc̄yũmu Romacavure máre, arejameđa Jesús Pablöre.

**Pablöre judíova ne boarí jarũvayũrō**

<sup>12</sup>Cōmiáij̄aravũ javej̄nara apevu judíovacavũ cójjivu yavenina, cūinátrũ ne ũme, “Yópe đacar̄ajaramu J̄ũmenijicure”, arejaimađa na.

—Ñuje boarí jaruvabedu Pablöre, Jämenijicu jaruvajacurí ñujare toabo cüiméboi. Amenajivutamu aru ücumenajivutamu, ñuje Pablöre boarí jaruvaräjijye jipocai, paruröreca arejaimada na.

<sup>13</sup>Cuarenta paivu püeno baju boaipöeva marejáimada na.

<sup>14</sup>Nürejaimada na sacerdotevare jaboteipöeva aru judíoiva bucüva yebai. Aru arejaimada náre:

—Ñuja paruröreca avu “Yópe ñacaräjaramu Jämenijicure”. Ñuje boarí jaruvabedu Pablöre, Jämenijicu jaruvajacurí ñujare toabo cüiméboi. Amenajivutamu aru ücumenajivutamu, ñuje Pablöre boarí jaruvaräjijye jipocai.

<sup>15</sup>Que baru müjavacari boro jarojarā ñai churaravai jabcu püeno parucure, jëniarajivu üi daroquiyepa aivu Pablöre müje cójijinoi cojedeca. Ajarā üre: “Pablöre jëniari jápiaiyurivubu ñuja bedióva cojedeca”, ajarā. Aru ñujacapüravu yavenina coreni boarí jaruvaräjivubu üre üi edaquiyepa jipocai müje yebai, arejaimada na.

<sup>16</sup>Übenita Pabloi yucü iye borore ne ñaräjijyede jápiarejaimada. Que baru churaravai cürami nuri, ecorí, coyurejaimada üi jápiaiyepa báquede Pablöre. <sup>17</sup>Que teni Pablo órejärejaimada üi yebai cüinácü churaravai jabcure. Aru arejaimada üre:

—Nuvajacu ñai bojuyore mi jabcu püeno parucu yebai, üi coyuyeyepa ayu üre üi jápiaiyepa báquede, arejaimada Pablo.

<sup>18</sup>Que baru ñai jabcu nüvarejaimada üre ñai jabcu püeno parucu yebai. Aru arejaimada:

—Ñai buoimu üi ämiá Pablo yure davaicöjeimi ñai bojuyore mi yebai, üi coyuyeyepa ayu müre ape borore, arejaimada ü.

<sup>19</sup>Ñai churaravai jabcu püeno parucu üi ämuvede jëni, üre nüvari apévure jocarí, yavenina jëniari járejaimada ñai bojuyore:

—¿Yéde coyuyucurü yure? arejaimada ü.

<sup>20</sup>Aru ju arejaimada ñai bojuyore:

—Ina judíoiva jabcu jëniarajivubu müre, mi jaroquiyepa aivu Pablöre ne yebai javenai, bedióva cojedeca üre jëniari jápiarí übenina teiyurivu.

<sup>21</sup>Übenita apévu, cuarenta paivu, yavenina coreni, jaburäjivubu üre. Na “Äiyede ämenajare aru ücuyeyede märe ücumenajare”, arāma na Jämenijicupe ne boarí jaruvaräjijye jipocai Pablöre. Caride coreivubu mi ju aiyede ne jëniayede. Que baru ju abejacu diede, arejaimada Pabloi yucü.

<sup>22</sup>Aru ñai jabcu püeno parucu ñai bojuyore coyucöjemenejaimada apévure iye üi coyuyepa báquede üre.

—Coyubejacu apévure iye borore mi coreóvare ñaiyede yure, arejaimada ñai churaravai jabcu püeno parucu.

Que arí, copaicöjenejaimada ñai bojuyore.

**Ne jaroino Pablöre jabcu Félix yebai**

<sup>23</sup>Dinumuma ñai jabcu püeno parucu daicöjenejaimada pücarā churara jabcu üi yebai, aru arejaimada náre:

—Meatejarā müja doscientos paivu churarava cuivure, aru apévu setenta paivu caballovarā tubarivure, aru apévu doscientos paivu täumure nüvavure märe. Cari ñami nueve baji nüvajara müja Pablöre Cesareita. <sup>24</sup>Meadaajarā Pablöre märe üi caballovare. Me nüvajara üre pu ñai jabcu Félix yebai Cesareai, arejaimada ñai churaravai jabcu püeno parucu.

<sup>25</sup>Aru ü, yöpe arí, toivarejaimada paperayocare:

<sup>26</sup>“Yü, Claudio Lisias, toivacavü müre, ji jabcu Félide. Me cüjacu mü. <sup>27</sup>Apevu judíoiva tatorí jëma ñai ümüre, üi ämiá Pablo. Boarí jaruvaräjivubu batemā üre ji nüiyede ne yebai churaravaque, ji jápiaiyepa báque boje Pablo Roma jaboteinocacure. Üre ivu ñuja, ne boarí jaruvabenajiyepa aivu. <sup>28</sup>Aru coreóvayucacu yu aipe teni jaraivure üre. Que baru nüvacarā üre ne cójijinoi.

<sup>29</sup>Jarama üre judíoiva ne ñaicöjeiyepa boje. Übenita üi ñaiyepa báque boje üi yaiquino

jaubevu, úre buorājino máre. <sup>30</sup>Aru jí jápiaiyede apevu jári coreni, boarí jaruvaiyurivure úre yavenina, cūiná jaroivu úre mi yebai. Aru soyuicōjeivu úi mauvare mi jipocai, ne boro soyurí adarājiyepe aivu”, arí toivarejameđa nai churaravai jabocu pueno parucu.

<sup>31</sup>Dinumu ina churarava, ne jabocu đaicōjeiye báquepe, nuvarejaimađa Pablöre nāmi pu Antípatris āmicuriīmaroita. <sup>32</sup>Cōmiáijāravu ina cuivu copainurejaimađa churaravai cūrami. Ubenita ina caballovarā tubarivu yóvarejaimađa Pablöre cojedeca. <sup>33</sup>Ne eaiyede Cesarea āmicuriīmaroi, nai jabocu Félix yebai nuri, jídejaimađa úre diyoca paperayocare aru Pablöre máre.

<sup>34</sup>Diyocare jári boroteniburu yóboi, nai jabocu jēniari járejameđa árocacure Pablöre. Aru úi coreóvayede Cilicia āmicurijorōcacure, arejameđa úre:

<sup>35</sup>—Jápiacuijivu mi soyuiyede mi mauva ne edaiyede, arejameđa Félix Pablöre.

Que arí, Félix churaravare nuvaicōjenejameđa Pablöre Herodes bácu cūrami, jabovai cūrami, ne jári corenajiyepe ayu úre noi.

**Pablo “Āmeno đabevu yu” arí, úi yávaino Félide**  
(Hch 21.17-28, 23.6)

**24** <sup>1</sup>Cūinápurupe pajāravua yóboi, nai sacerdotevare jaboteipōecu, Ananías, earejameđa Cesarea āmicuriīmaroi apevu judíova bucuvaque aru Roma jaboteino đaicōjeiyede bueipōecuque, úi āmiá Tértulo. Tértulo soyucacuyu barejámeđa ina judíovare. Que baru jabova ne āmeina teivure jēniari jáiñami nurejaimađa, boro soyurí adaridurājivu Pablöre nai jabocu Félix úi jivateinoi. <sup>2</sup>Churarava ne davaiyede Pablöre noi, Tértulo yópe arí, boro soyurí adaridurejameđa:

—Mu, ñuje jabocu, meacubu mu, mi majié boje. Mi jaboteiyede obedijārvuui cārijimena cuv ñuja. Uarō mearore đacaivu mu caivu ñuje joborōcavure.

<sup>3</sup>Que baru caivu ñuje ĩmarocavu torojurí āruvu mure. <sup>4</sup>Ubenita coreóvaivu cōmaje āroje jáñure mu ñujare. Que baru joe baju nūmequiyepe ayu maje boroteino, jēniavu mure mi jápiaquiyepe ayu ñuje boro quíjinore.

<sup>5</sup>Nai umu Pablo pare cārijovaimi ú. Caino joborói maucuvare đabi judíovare ne baju, úi apede bueiye boje. Apeyajubo, nazareno āmicuriyajubo jabovacacube ú. <sup>6</sup>Aru āmedariduame ú Jūmenijicui cūramine. Ubenita jēcarā ñuja úre. Aru nājine đarājivu batecarā úre ñuje đaicōjeiyepe. <sup>7</sup>Ubenita nai jabocu Lisias darí churaravaque, ĩame úre ñujare jocarí parurōque. <sup>8</sup>Aru boro soyurí adaicōjeame ñujare mi yebai. Mu jēniari jápiayu baru úre, majini buojacuyumu caiye ñuje soyuiyede úra jāvene, arejameđa Tértulo Félide.

<sup>9</sup>Aru ina judíova máre nopedeca boro soyurí adaridurejaimađa Pablöre, ju arí caiye iye Tértuloi yávaiye báquede. <sup>10</sup>Dinumu nai jabocu Félix jáđovarejameđa Pablöre, úi soyuquiyepe ayu úi borore. Que baru arejameđa:

—Obediujua javede pu caride máre mu jápiaivu ñuje boro soyurí adaiyede ñuje joborōcavure. Que baru torojurí soyuyubu ji borore, mi majiquiyepe ayu diede. <sup>11</sup>Mu majini buojacuyumu jāve ji soyuiyede. Quénora doce pajāravua vaivu caride, ji eaiye báquede Jerusaléi. Nore nucacu yu, mearore jícuu Jūmenijicure. <sup>12</sup>Yu jarabetecacu apecure. Aru cārijini jorojīmetecacu cójijivure. Jūmenijicui cūrami, aru judíovai cójijīñamiai, aru tībui máre. Yópe ne boro soyurí adaiyere đabetecacu yu. <sup>13</sup>Buojabema jáđovaivu jāve āmeno đayure yure yópe ne soyuiyepe. <sup>14</sup>Ubenita jāvemu “Pablo ju aibi Jesús Nazarecacu úi bueiyede”, ne soyuiye yurā. Ju ayubu yu Jūmenijicure, ñujeñecuva mácavu ne mearore jímu. Mearore jíyubu yu Jūmenijicure yópe ina judíova “Apede bueibi”, ne aiyepeceda yurā. Ubenita ape bueiye ānevū. Ju ayubu yu caiye iye Jūmenijicui đaicōjeiyede úi soyuiye

báquede Moisés bácare aru caiye iye Jūmenijicui yávaiyede coyūcaipōeva mácavū ne toivaiye báquede máre.

<sup>15</sup>Yū coreivū Jūmenijicu nacovacūyure caivū yaivū bācavūre yainore jarūvarī, mearare aru āmenare máre, yópe judío va ne coyūiyepedeca. <sup>16</sup>Que baru yávacarī cainūmua ḏaiyūvū yū, “Boropatebevū yū”, arī ḏápiarī Jūmenijicui jáinoi aru pōeva ne jáiyede máre.

<sup>17</sup>Obediūjua cútecacu arenoa joborōai. No yóboi, copainūcacu Jerusaléi cojedeca, tāuturare jícyū judío va cōmaje ārojarivūre aru ape jícaiyede jícyū Jūmenijicure máre.

<sup>18</sup>Ji Jūmenijicure jíquiye jipocai, ḏacacu yópe Jūmenijicui ḏaicōjeiyede ūi coyūiye báquere Moisés bácare meacu bacuyú Jūmenijicui jáinoi. No yóboi, apevū judío va, Asiavū, jáima yure Jūmenijicui cūrami jívūi, jíyure ji jícaiyede Jūmenijicure. Ūbenita cójijivū cubetema ji yebai. Jaraino máre cubeteavū. <sup>19</sup>Que baru boro coyūri ḏarāḏajarāri ina Asiavūvacari yui mi jipocai, na jáivū bācavū baru yure āmeina teyure. <sup>20</sup>Aru ne coyūbedu, coyūjarāri ina ūmūva yui curivū, aipe ji āmeina teiyede ne eaiye báquede ji cūe báquede judío vai jabova ne cójijinoi.

<sup>21</sup>Quénora arājichūma na: “Pablo cacū ñūje cójijinoi, yópe arī coḏoboboame, ‘Buoḏama yure, ji bueiye boje maje coreiyede Jūmenijicu nacovacūyure caivū yaivū bācavūre yainore jarūvarī’”, arājichūma na ji borore, arejameḏa Pablo Félide.

<sup>22</sup>Aru Félix, Jesús ūi yávaiye méne coreóvayū me, ūi jápiaiyede diede, ḏajocaicōjenezameḏa ne coyūiyede apejārvauita, yópe arī:

—Ñai jabocū Lisias ūi ḏaiyede, yū coyūcyūmu mi ñájinu, arejameḏa Pablōre.

<sup>23</sup>Que arī buojarī, Félix coyūrejameḏa ñai churārvai jabocūre, Pablōre davayū bācare. Ūre nuvaicōjenezameḏa Pablōre jabovai cūrami cojedeca, churārava ne jári corenajiyepe ayū ūre noi. Ūbenita

ḏaicōjenezameḏa Pablōre yópe ūi urōpe aru járadaicōjenezameḏa ūre ūi yóvaimarare, ne cadatenajiyepe aivū ūre jauéde. <sup>24</sup>Apejārvaua yóboi, Félix copaidarejameḏa cojedeca jímarepacomaque, judío vacaco, ōi āmiá Drusila. Ōrejaicōjenezameḏa Pablōre ne yebai, ne jápiaiyue boje ūi coyūiyede aipe ḏarī pōeva ju aivūre Jesúsre. <sup>25</sup>Que teni Pablo náre coyūrejameḏa pōevare ne mearo ḏaiye jauéde apevūre yópe Jūmenijicui ḏaicōjeiyepere, aru pōevare ne curī majié jauéde ne baju coapa, aru Jūmenijicui ñájine ḏaquiyepe pōevare ne āmeina teiye boje máre. Aru iye coyūiyede jápiaiyū, Félix cuecumari arejameḏa Pablōre:

—Quénoramū caride. Nujacu mū.

Apejārvaua ōrejaquiivū mūre cojedeca, arejameḏa Pablōre.

<sup>26</sup>Obedijārvauai Félix ḏaicōjenezameḏa Pablōre ūi yebai, borotecūyū ūque, ūi coreiye boje ūi jíquiyepe ayū tāuturare. Tāuturare ūi júdu, Félix jaetovajebu ūre. <sup>27</sup>Ūbenita pūcaūjua yóboi Félix ūi jaboteino cūinējavūya. Ū torojure ḏaiyūri judío vare, ḏajocarejameḏa Pablōre buoimūpe. Aru apecū jaboteni bárejameḏa, ūi āmiá Porcio Festo.

#### Pablo ūi yávaino jabocū Festoque

**25** <sup>1</sup>Festo earejameḏa dijaborōi aru yóbecurijārvaua yóboi mūri nūrejameḏa Cesarea āmicūriimarore jocarī pū Jerusalén āmicūriimaroi. <sup>2</sup>Noi ina sacerdotevare jaboteipōeva aru apevū judío vai jabova máre ūi yebai earī, āmeno boro coyūri ḏarīdurejaimaḏa Pablōre.

<sup>3</sup>Jipocamia ina jabova arejaimaḏa ne baju: “Boaipōevare coreni, jabūri boarī jarūvaicōjenajarevū Pablōre”, arejaimaḏa yavenina. Que baru parūrōque jēniariduvai vū barejáimada ñai jabocūre, ūi ju aqiyepe aivū náre yópe ne urōpe.

—Copaide ḏajacu mū Pablōre Jerusaléi, arī jēniaridurejaimaḏa na.

<sup>4</sup>Ūbenita Festo arejameḏa náre:

—Pablo buoimū cubi Cesareai.

Maumena nuñūmu yū noi. <sup>5</sup>Que baru

yóvararāri yure mije jabova Cesareai, ne boro coyurī adarājiyepe aivu Pablore noi, ũi āmeina tedu, arejameđa Festo.

<sup>6</sup>Pu ocho pajārvava ũi maute niburu yóboi nore, Festo emenejameđa Cesarea āmicurīmaroi. Aru cōmiájārvavu jabova ne āmeina teivure jēniari jáiñami nuri, dobarejameđa, jápiacuyu ne boro coyurī adarīduiyede. Aru davaicōjenejameđa Pablore. <sup>7</sup>Ũi eaiyede, ina judíoiva Jerusalén āmicurīmarocavu daivu bācavu núrejameđa ũi yóboi. Urarō āmeno boro coyurī adarīduivu barejameđa ũi borore. Ũbenita ye buojabedejameđa jáđovaivu jāve ne borore. <sup>8</sup>Pablocapūravu arejameđa:

—Judíoiva ne đaicōjeiyede, aru Jūmenijicui cūramine, aru ñai jabocu ijārvavacacu pueno baju parucure máre, āmeina đabevu yu, arejameđa Pablo.

<sup>9</sup>Ũbenita Festo judíovare torojure đaiyurī, yópe arīdurejameđa Pablore:

—¿Muri nuiyubecurū mu Jerusaléi? Noi yávacari jápiacuyumu cojedeca mi borore, “Āmeno đabetequemavu mu” acayu o “Nájicuyumu mi āmeina teiye boje” acayu, arejameđa Festo.

<sup>10</sup>Ũbenita Pablocapūravu arejameđa ũre:

—Núvu yu caride Roma jaboteino jabova ne āmeina teivure jēniari jáiñami. Yuita međaiye javvu yure, etacuyure o nájicuyure. Múvacari me coreóvaivu. Ye āmeno đabotecacu yu judíovare. <sup>11</sup>Ji āmeina đaiye boje, boarī jaruvaiye javrō maru yure, jidubejebu yu ji yaiquínore. Ũbenita ne boro coyuiye jāve āmenu, pōecu cubebi buojarī jiyu yure náre. Que baru jēniaivu mre jarocuyure yure ñai jabocu ijārvavacacu pueno baju parucu yebai, ũi baju međaquiyepu ayu yure, arejameđa Pablo.

<sup>12</sup>Dinumu Festocapūravu borotedejameđa ũre cađateipōevaque. Aru boroteni buojarī arejameđa Pablore:

—Ñai jabocu ijārvavacacu pueno baju parucu yebai nuiyuvu mu. Que baru nucuyumu ũi yebai, arejameđa Festo.

**Pablo ũi yávaino jabocu Agripa que**

<sup>13</sup>Apejārvava yóboi, ñai jabocu Agripa, jíbucomaque, ői āmiá Berenice,

earejameđa Cesarea āmicurīmaroi. Jacoyurānurejameđa Festore. <sup>14</sup>Aru obedijārvava maute de jameđa na. Cūinájārvavu Festo coyurejameđa náre Pabloi borore.

—Yui cubi cūinácu ũmu, Félix ũi buorī epeimu mácu. <sup>15</sup>Ji cue báquede Jerusaléi, sacerdotevare jaboteipōeva aru judíoiva bucava máre āmeno boro coyurī adarādarīduima ũre ji yebai. Jēniariduima yure ji nájine đaquiyepu aivu ũre. <sup>16</sup>Ũbenita yu acacu náre: “Yópe đarī cōmajiyama Romacavui jabova. Mamarumure ina boro coyurī adavūque copu yávare đarī cōmajiyama ñai ne coyurī adaimūque, ũ máre ũi coputequiyepu aivu náre. Naja Romacavui jabova yópe đabevu baru mamarumure, jibevu pōecure ina boro coyurī adavūre”, acacu yu náre. <sup>17</sup>Que baru ne edaiyede yui, joe corebecava, cōmiájārvavure dobatecacu jabova ne āmeina teivure jēniari jáiñami jívui. Aru davaicōjecacu ñai ũmure. <sup>18</sup>Dápiayu barīducacu ina judíoiva boro coyurī adarājiyure ũre urarō ũi āmeina teiye báquede. Ũbenita coyurī adavū ye yávabeteima urarō ũi āmeina teiye báquede yópe ji dápiarīduino mácarōpe.

<sup>19</sup>Quénora jorojīma ũre ne bueiyeđe jēvari Jūmenijicure aru cūinácu Jesús āmicacu yaiyú bācure. Ũbenita Pablocapūravu parurōreca coyuyube ñai Jesús apucure cojedeca. <sup>20</sup>Yúcapūravu ye majibotecacu caiye iye ne borore. Que baru jēniari jácacu Pablore: “¿Muri nuiyubecurū mu Jerusaléi? Noi yu jápiacuyumu cojedeca mi borore”, acacu ũre. <sup>21</sup>Ũbenita ũcapūravu jēniáme: “Jarojacu yure ñai jabocu ijārvavacacu pueno baju parucu yebai, ũi jápiaquiyepu ayu ji borore”, áme yure. Que baru churaravare coreicōjecacu ũre buoimure ji jaroiyeta ñai jabocu ijārvavacacu pueno baju parucu yebai, arejameđa Festo Agripare.

<sup>22</sup>Aru Agripa arejameđa:

—Yávacari jápiaiyuvu ñai ũmure, arejameđa.

Que baru Festo ju arejameđa:

—Javena úre jápiacuymu m̄, arejamedá.

<sup>23</sup>Cōmiájāravui Agripa Berenicemaque earī cōjjiñami uradāmi, ecorejaimada noi pōeva ne urarō pueđaiyede náre ne ecoiyede. Caivu ina churaravai jabova paruriv̄u, aru caino diimarocav̄u paruriv̄u máre ecorejaimada diñami náque. Aru Festo davaicōjenezamedá Pablöre. <sup>24</sup>Que teni Festo arejamedá:

—M̄, judíovai jaboc̄u, aru caivu muja ñujaque curiv̄u máre, jáivubu ñai ñmure. Caivu ina judíova Jerusalécav̄u aru yócv̄u máre ámeno boro coyurī ađarıduima ñi borore. Cođoborī, “Úre boarī jaruvajacu”, p̄eno baju aima na. <sup>25</sup>Ūbenita yúcapūrav̄u ye ñi ámeina teiyede eabev̄u yu. Ji járu, ñi đaiye báque boje boarī jaruvaiye jaubev̄u úre. Ñai Pablocari jēniáme ñai jaboc̄u ijārav̄ucacu p̄eno baju paruc̄u jápiacuym̄e ñi borore. Que baru arī dápíacacu: “Jaroc̄uym̄e úre ñai jaboc̄u ijārav̄ucacu p̄eno baju paruc̄u yebai”, acacu yu. <sup>26</sup>Ūbenita yúcapūrav̄u majibev̄u yéde ji toivaquiyede ñi borore ñai jaboc̄ure, ñi majiquiyep̄e ayu Pabloi ámeno đaiye báquede. M̄, ji jaboc̄u Agripa, que baru daicōjeiv̄u úre yui m̄je yebai. Maje úre jēniari jápiarīburu yóboi, yu majiquijichuv̄u ñi ámeno đaiye báquede, toivacuym̄ ñai jaboc̄u ijārav̄ucacu p̄eno baju paruc̄ure. <sup>27</sup>Buoimure jaroiye majibev̄u yu jaboc̄u yebai, coyubec̄uva aipe đarī ñi ámeno đaiye báquede, arejamedá Festo náre.

**26** <sup>1</sup>Din̄m̄ Agripa arejamedá Pablöre:

—Caride coyujacu mi borore, arejamedá.

Que aiyede, Pablo jabióvarī ñi p̄ur̄e, yávarī búrejamedá, coyuc̄uym̄ ñi borore:

<sup>2</sup>—M̄, ñuje jaboc̄u Agripa, caride torojuv̄u yu ji úme mi jápiaquiyep̄e ayu ji coyuiyede caiye iye ne ámeno boro coyurī ađaiyede yure ina judíova.

<sup>3</sup>Múvacari coreóvaiv̄u me judíova ne đarī cōmajiyede aru ne bueiyeđe máre. Que baru jēniav̄u mi jápiaquiyep̄e ayu ji coyuiyede napiyeque, arejamedá Pablo.

**Pablo ñi coyuiño ñi đaiye báquede Jesús jicu tequiyep̄e jipocai**  
(Hch 23.6; Fil 3.5)

<sup>4</sup>Pablo, yópe arī, coyure n̄rejamedá:

—Ina judíova coreóvadama aipe c̄uc̄ure yu ne jēneboi juedoc̄u c̄areja aru caride máre, mamarum̄re ji cuede ji imaroi aru no yóboi ji cuede Jerusaléi máre. <sup>5</sup>Joe baju yurecavu c̄uináyajubo fariseo ámicurijajubocacu. Ñuja fariseova mearore jiv̄ubu Jūmenijic̄ure yópe ñi daicōjeiyede ñi coyuiye báquepe Moisés bácvure caivu apevu judíova p̄eno baju. Ina judíova uriv̄u baru, ju ajebu jáve iye ji coyuiyede. <sup>6</sup>Caride núvu yu yui, ne boro coyurī adaim̄u, ji coreiye boje Jūmenijic̄u mearo đacaquiyede ñujare yópe ñi aye báquepedeca ñujeñec̄uva mácvure. <sup>7</sup>Aru caivu ñuje doce paiyajuboc̄avu Israec̄avu máre coređama yópe ji coreiyepe. Que baru mearore jiyama na Jūmenijic̄ure jārav̄ure aru ñamine máre. Aru m̄, ñuje jaboc̄u Agripa, ina judíovavacari boro coyurī ađaivubu yure, iye ji coreiye boje. <sup>8</sup>¿Aipe teni “Jūmenijic̄u nacovañu buojabebi yaivu bácvure yainore jaruv̄arī”, arī dápíav̄ur̄u muja? arejamedá Pablo.

**Pablo ñi coyuiño ñi ñájine đaiye báquede Jesúre ju aip̄ōevare**

<sup>9</sup>Yópe arī, coyure n̄rejamedá Pablo:

—Javede yávacari yópe arī dápíacacu: “Jesús Nazarec̄ure ju aip̄ōevare mauc̄v̄ave jav̄u yure”, acacu yu. <sup>10</sup>Yópe đacacu yu Jerusaléi: Obediv̄u ina Jesúre ju aip̄ōevare jēni, buorī, jarocacu yu náre ámeina teiv̄ure jēni jacoñamiai, yópe ina sacerdotevare jaboteip̄ōeva ne daicōjeiyede. Aru ne boarī jaruvaiyuede náre, yu máre ju acacu diede. <sup>11</sup>Obedijārav̄ua yu nuc̄acu judíovai cōjjiñamiai, ñájine đac̄uym̄ ina Jesúre ju aip̄ōevare. Jesúre ju abede đarīducacu yu náre. Aru ji urarō baju jorojiye boje náre, yu c̄ujucacu náre apeimaraoita, arejamedá Pablo.

**Pablo ñi coyuiño cojedeca Jesús jicu teni buino mácarōre**  
(Hch 9.1-19, 22.6-16)

<sup>12</sup>Yópe arī, coyure n̄rejamedá Pablo:

—Cūinājāravu Damasoi nūcasu yu ina sacerdotevare jaboteipōevai parūéque, đacuyu yópe ne đaicōjeiyepe. <sup>13</sup>Aru mu, ñuje jabocu Agripa, ji nūiyede mái jāravu corica baji jácacu cavarōre jocarī urarō miadárore, aviá ũi pueno cojinore. Pēoávu ñuje yebai, yure aru yáque nuivure máre. <sup>14</sup>Que baru cuccumaivu caivu mori tucarā joborōi. Aru jápiacacu apeno yávainore ñuja judíova ñuje yávaicamuaque, yópe ainore: “Mu, Saulo, ¿aipe teni maucuvacurū mu yure? Yópe đayū, mávacari ñájine đaivu mu mi bajuma, yópe cūinácu oteiáimacu uracu ũi ñájine đaiyepe ũi bajure tātāñu abodo juijóiyore”, áme yure. <sup>15</sup>“Mu, ji jabocu, ¿ñamenu mu?” acasu yu. “Yurecabu Jesús, ñai mi maucuvamu. <sup>16</sup>Caride nacajari nújacu. Yu jáđovaivu mure, ji baju mi memecaquiyeye ayu yure. Beoivu mure, mi coyūquiyeye ayu aprevure yópe mi jáinope yure caride. Aru mi jáquiyede yure bedíova coyūcuyumu diede máre. <sup>17</sup>Que baru jaroquijivu mure, mi coyūquiyeye ayu ji yávaie méne judíovare, aru judíova ámevure máre. Aru yu jodecuyumu mure, ne ámeno đabenajiyeye ayu. <sup>18</sup>Mi coyūquiyede judíova ámevure, yu jápiarī eare đacuyumu náre, ne dajocarājiyeye ayu ne ámeina teiyede yópe ñeminoi cuiyepe, aru ne ju arājiyeye ayu yure yópe miadároi cuiyepe. Yu jaetovacuyumu náre ñai abujuvai jabocu Satanás ũi jaboteinore jocarī. Aru ecovacuyumu náre Jūmenijicui jaboteinoi. Que teni yu árumetecuyumu ne ámeina teiyede, ne yure ju aie boje. Aru Jūmenijicui pōevaue curājarama na”, áme Jesús yure, arejameđa Pablo.

**Pablo ũi coyūino ũi đaiyede Jesús đaicōjeinore ũre decoboainoque**  
(Hch 9.20, 28-29; 1 Co 15.20)

<sup>19</sup>Yópe arī, coyure nurejameđa Pablo: —Mu, ñuje jabocu Agripa, ñai cavarō mearo Jūmenijicui curōcacu ji jáimu mácure jáve ju acasu yu. <sup>20</sup>Que baru coyūcasu matarumure Damascocavure,

aru no yóboi Jerusalécavure, no yóboi caino Judeacavure, aru no yóboi judíova ámevure máre. Coyūcasu náre: “Chíojava muja muje ámeina teiyede. Aru jaruvajarā diede. Oatuvajarā muje đaiyede. Aru đajarā yópe Jūmenijicui urōpe, apenv pōeva ne majinajiyeye ayu jáve muja ju aivure Jūmenijicure”, arī coyūcasu náre. <sup>21</sup>Ji nópe bueiye boje, ina judíova yure jēni boarī jaruvarīduima Jūmenijicui cūrami jívu. <sup>22</sup>Ūbenita javede aru caride máre Jūmenijicu cađateibi yure. Que baru yu yui núcu, coyūivu yávaieyede jávene caivure, paruvure aru parubevure máre. Quénora coyūivu yu yópe Jūmenijicui đaicōjeiyede ũi coyūie báquepe Moisés bácure aru ina Jūmenijicui yávaieyede coyūcaipōeva mácavu ne toivaiye báquepe ne coyūcaiyede, “Yópe vaiquíyebu. Que ayube Jūmenijicu”, ne aie báquepedeca. <sup>23</sup>Yópe arī, toivarejaquemavu na: “Cristore, Jūmenijicui daroquimure, javu ũi ñájiqiyeye, aru ũi yaiquíyeye, aru ũi nacajaquie yainore jaruvarī caivu apenv jipocai. Que đarī yópe pēoino járe đaiyepe pōevare, nopedeca Cristo jáđovacuyume judíovare aru judíova ámevure máre Jūmenijicui meadaquiyede náre”, arejameđa Pablo.

**Pablo “Ju ajacu Jesús” ũi aríduino jabocu Agripare**

<sup>24</sup>Pablo ũi coyūiyede, Festo codoboborejameđa ũre:

—Mu, Pablo, árumevu mu. Mi pare bueiye boje, árumevu mu, arejameđa ũre.

<sup>25</sup>Ūbenita Pablo arejameđa ũre:

—Mu, ñuje jabocu Festo, árumecu ámevu yu. Quénora coyūivu yávaieyede jávene ji ũmei. Ūbenina ayu ámevu yu.

<sup>26</sup>Ñai jabocu Agripa majibi caiye iye ji coyūiyede. Que baru yu jidubecuva coyūivu ũre. Yavenina ámeno đaiye ámevu iye. Que baru javede jápiaquemavu diede ñai jabocu Agripa, arejameđa Pablo.



<sup>27</sup> Que ayu, Pablo arejameđa Agripare: —Mu, ñuje jabocu Agripa, ina Jümenijicui yávaiyede coyucaipöeva mácvu ne toivaiye báquede ju aivu mu. Majivu yu mu ju ayure, arejameđa úre.

<sup>28</sup> Agripa arejameđa Pablöre:

—Mi coyünoque quíjino baju yure ju are ñaríduivu mu Jesúre, arejameđa.

<sup>29</sup> Aru Pablo ju arejameđa úre:

—Quíjino baju meajebu. Úrarō baju máre meajebu. Yu Jümenijicue jēniacaivu caivu mujare, muje ju arājīyere ayu úre aru muje nurajīyere ayu yupe paivu, ubenita buoimeaque cubevuva, arejameđa Pablo.

<sup>30</sup> Dinumu ñai jabocu Agripa, ñai jabocu Festo, Berenice, aru náque doharivu máre nacajari etarejaimada nore jocarī. <sup>31</sup> Ne etarīburu yóboi, arejaimada ne bajumia:

—Ñai ümu ñi ñaiye boje yaiquino jaubevu úre, aru buoino máre. <sup>32</sup> Pablo ñi abedu “Jarojacu yure ñai jabocu ijāravucacu püeno baju parucu yebai, ñi jápiaquiyere ayu ji borore”, maja buojajebu etaicōjeivu úre. Úbenita ñi nópe jēniaye boje, maja buojabevu etaicōjeivu úre, arejameđa Agripa Festore.

#### Pablöre ne jaroino Romai

**27** <sup>1</sup> Ñai jabocu ijāravucacu püeno baju parucu surejameđa Italia āmicurijoborōi. Que baru Pablöre aru apenvu buoimarare máre Festo coreicōjenejameđa cūinácú churaravai jabocure, ñi āmiá Julio, ñi núvaquiyere ayu náre Italia āmicurijoborōi jiađocū uracū ümevu japuino nuicūque. Ñai Julio cien paivu churaravare jabotedejameđa. Ne yajubo “Augusto jina churaravayajubo barejávüya. Aru yu máre nucuyu barejacácu. <sup>2</sup> Que teni jatujacará cūinácū jiađocū uracūi, Adramitio āmicurīmarore jocarī daicū mácarōi. Dicū etaquicū marejávü, tuijaquicū imaroa coapa Asia āmicurijoborōi jia urada écarui. Aru Aristarco máre, Macedonia āmicurijoborōcarō imaro

Tesalónica āmicurōcacu, yóvarejame ñujare. <sup>3</sup> Ümevunque nuri, cōmiájāravui tuijarejacadā Sidón āmicurīmaro écarui. Julio me járejame Pablöre. Que baru maicōjenejame úre ñi yóvaimara nócvu yebai, ne jínajīyere ayu úre jauéde.

<sup>4</sup> Jaturī cojedeca, etarejacadā nore jocarī. No ümevu japuiye boje ñujare copu, vaidéjacadā Chipre āmicurijavure ñuje cācopūravui. Dijíávu cue boje, ümevu āmedabedejavü ñujare. <sup>5</sup> Dijíavure vainíburu yóboi, jatarī jia uradaí, vainí Cilicia aru Panfilia āmicurijoborōare, earejacadā Licia āmicurijoborōcarōi, Mira āmicurīmaroi.

<sup>6</sup> Noi Julio vorī earejame apecū jiađocū uracūre, ümevu japuino nuicūre, Alejandría āmicurīmarore jocarī daicū mácarōre. Etarī, nuicū tuijaquicū marejávü Italia āmicurijoborōi. Que teni jature ñarejame ñujare dicūi. <sup>7</sup> Bedióva ümevu japuiye boje ñujare copu, duibajīeneca nurejacadā obedijāravua. Eabenidurejacadā Gnido āmicurīmaroi. Aru ümevu nuicōjemenejavü ñujare ñuje nurié nuinoi. Que baru eavü Salmócāpido āmicurīmaroi, vaidéjacadā Creta āmicurijavure ñuje meapūravui. Dijíávu cue boje, ümevu āmedabedejavü ñujare. <sup>8</sup> Duibajīeneca nuri, tuijarejacadā Mearoa tuipäva āmicurīmaroi, Lasea āmicurīmaro joabenomia.

<sup>9</sup> Obedijāravua vaidéjavü. Aru judíovai torojuve teijāravu máre, ne ānurijāravu Jümenijicui ārumeteiyede ne āmeina teiyede, vaidéjavü. Ocorūmu joabe boje, pöeva ne nuino maru jiađocū uracūque, jidojarō marejávü. Que baru Pablo majicarejame náre, ñujaque nuivure:

<sup>10</sup> —Muja jápiajarā. Maje nuru jia uradaí cojedeca cari, meamequiyebu. Ocorūmu boje, bíjaquiyebu dicū, aru caiye maje núvaiye máre dicūi. Aru maja máre corí bjarājaramu, arejameđa Pablo, majicayü.

<sup>11</sup> Úbenita dicū upacu aru dicūre cōjeipöecu máre ju abedejaima Pablöre. Aru Julio jápiarejame náre Pablöre püeno. <sup>12</sup> Mauteino meamenejavü ocorūmure diímaro, Mearoa tuipävai.

Que baru apevu obedivu pōeva dicūcavu etaiyurejaima nore jocarī, nuridurājivu apeno tuiḡavai, Fenice āmicurīmaroi. Coreiyurejaima ocōrūmu vaiyede nore. Fenice Creta āmicurījivai cūvu. No tuiḡavai curī, jia uradare aviá ūi darī doinocapūravui, aru aviá ūi darī doino meapūravui máre jáino marejávū. Que baru jiaḡocū jorī noi, javaiyorejavū ocōrūmure.

**Jia urada pācaibo urabo daino**

<sup>13</sup> Ūmevu japuino oatuvaiyede, duibajieneca japuiyede aviá daino cācopūravure jocarī, jiaḡocū uracūre memeipōeva jāmuórejaima ducuribore, dicūi numene ḡaibore. Nurejagarā dicūque Creta āmicurījivai ēcarui joabejinoi. <sup>14</sup> Ūbenita no yóḡiḡoi, ūmevu pare parurō japurejavū dijiávū apedūvede jocarī, aviá ūi darī doino cācopūravure daino. <sup>15</sup> Aru no ūmevu pare japurejavū ḡuje jiaḡocūre. Que teni ūmevu ḡuje jipocai japuiye boje, nuri buojabedegarā. Numenejagarā ḡuje nuīyūrōre. Que baru dicūre copediovarī, ūmevure japuroicōjenezagarā ūmevu nuinoi. <sup>16</sup> Vaidéjagarā Cauda āmicurījivure ḡuje meapūravui. Dijíavū cue boje, ūmevu āmedabedevavū ḡujare. Aru apēcū quiḡicūre, uracūi dabuboicūre, jāmuóiyurejagarā, adarājivu uracūi jívui. Ūbenita nópe ḡaivu pare ḡājinejagarā. <sup>17</sup> Quiḡicūre meadarīburu yóboi, ina memeipōeva buorejaima uracūre buoimea uramea parurimeaque. Ūracū cāchinoi dimeáre epeni, me buorejaima na, dicū copobequiyepe aivu. No yóboi, ne jidué boje dicū eajuroede Libia āmicurījiborōi, noi ēcaru joabenoī ēpacūrō, pare meameno, Sirte āmicūrō, jiaḡocūare jēino, jōdovarejaima uracaje ūmevu paicajede, ēpacū jēmequiyepe aivu ḡuje jiaḡocūre. Que teni ūmevuque nurejagarā ḡuja. <sup>18</sup> No ūmevu ye bījabedevavū. Quénora cainumua pueno baju japurejavū no. Aru pācaiboa máre uraboa baju jāriyadedevavū dicūre. Que baru cōmiájjaravui nūvaiyede jarūvarī búrejaima jia uradaí. <sup>19</sup> Cōmiájjaravui

jarūvarejagarā apeno dicūcarōre: cajeáre, buoimeare, aru aboḡoare máre. <sup>20</sup> Obedijāravua jámenejagarā aviáre aru abiácovare máre. No ūmevu, pācaiboa máre ye bījabedevavū. Quénora cainumua pueno urarō baju nurejavū no. Que baru “¿Bījarājivu bárica jia uradaí?” arī dápiarejagarā ḡuje baju.

<sup>21</sup> Obedijāravua ye āmenejaima na. Aru Pablo darī, nuri ne jēneboi arejame náre:

—Muja jápiabetevu yure ji coyurīduiye báquede ḡujare. “Cretare jocarī nuīye jaubevu majare”, arīduvu yu. Maje dabedu, yópe tede ḡabejebu majare. Ūbenita maje daiye boje vaivu majare yópe. <sup>22</sup> Yu coyuyubu ḡujare: Jidubejarā. Majacacu ye cūinácu bījabequijibi. Quénora dicū jiaḡocū uracūi bījaquiyebu. <sup>23</sup> Nópe majivu yu, cūinácu ángele ūi coyuiye báque boje yure cari ḡami marede. Jūmenijicu, ji jabocu aru ji mearore jímū máre, ūi daroimū matecúbe ḡai ángele. <sup>24</sup> Ji yebai darī, abi yure: “Mu, Pablo, jidubejacu. Mi nuquiye boje ḡai jabocu ijaravucacu pueno baju parucu yebai, Jūmenijicu ūi me boje, caivu ina múque jiaḡocū uracūi nuīvu yaibénajarama na”, abi yure ḡai ángele. <sup>25</sup> Que baru jidubejarā ḡuja. Jūmenijicure ju aivu yu. Que baru majivu yu caiye vaiquiyede yópe ḡai ángele ūi aīye báquepedeca. <sup>26</sup> Ūbenita no ūmevu japuquiyebu maje jiaḡocūre apedūve javu ēcaruīta, arejame Pablo náre.

<sup>27</sup> Pūcasumana ūmevu urarō japurī búriḡburu yóboi, ḡamineca jataivu barejagarā ūmevu japuiyeque jia urada Adriático āmicuriyare. ḡami corica baji dicūre memeipōeva “¿Joborō joabenoī eaivu bárica?” arī dápiarejaquemavu ne baju. <sup>28</sup> Que baru corevarejaima na aipino ūmujurō jia urada ne yebai. Aru treinta y seis paimetros ūmujurō marejávū noi. Quiḡino no yóḡiḡoi, corevarejaima cojedeca. Aru veintisiete paimetros ūmujurō marejávū noi. <sup>29</sup> Que teni jidurejaima, “¿Jārajidica?” aivu ēcarui

c̄raboaque. Que baru ēmeóvarejaima yóvaicuvaíboa d̄curíboa dic̄ure numene đ̄aiboare jap̄uvainocap̄urav̄ni jocarí.

Aru, “Maumejiena miad̄ae t̄jarōr̄i”, ar̄i j̄eniarejaima na. <sup>30</sup>Dic̄ure memep̄ōeva dupini n̄iuyurejaimada dic̄ure jocarí.

Dic̄u qūj̄ic̄u b̄uoimeare jođeni, dic̄ure ēmeóvari j̄ia ur̄adaí, borocur̄i “Apeboa d̄curiiboare epenan̄uiv̄bu p̄uraboi”, arejaima na, borocur̄iv̄u. <sup>31</sup>Ūbenita Pablo arejame churaravai jabocure aru churaravare máre:

—Ina dic̄ure memep̄ōeva ne n̄uru j̄iadoc̄ure jocarí, mujavacari yain̄ajaramu, arejame náre Pablo.

<sup>32</sup>Que baru apevu churarava burarejaima dimeáre, dic̄ure b̄uor̄i yuyaimere. Aru dic̄u qūj̄ic̄u tur̄i j̄ia ur̄adaí, cor̄i b̄ijarejav̄u.

<sup>33</sup>Miad̄ae t̄qūiye j̄ipocai c̄areja, Pablo āic̄ōjenejame náre.

—Caride p̄ucasumana vaiyede m̄uja c̄ar̄ijiv̄u, coreiv̄u, ye āmev̄u āiyede.

<sup>34</sup>Que baru parur̄ōreca j̄ēniaiv̄u m̄ujare. Ājara, par̄ubur̄i tar̄ājiv̄u. Ār̄ujara. Caiv̄u maja yaib̄enajaramu, arejame Pablo náre.

<sup>35</sup>Que ar̄i, Pablo páure j̄ēni, J̄ūmenijicure torojuede j̄iniburu yóboi ne j̄áinoi, páure cot̄ur̄ar̄i, ārejame ū.

<sup>36</sup>Caiv̄u ina ūre āñure j̄áiv̄u, na máre ārejaima na. <sup>37</sup>Aru caiv̄u n̄uja dic̄u c̄ur̄iv̄u doscientos setenta y seis paiv̄u baju barejacár̄a n̄uja. <sup>38</sup>Que teni caiv̄u yapiniburu yóboi, n̄uje āiyede p̄up̄uiyede, trigo āmicue oteiyede, jar̄uvarejaima dic̄ure jocarí j̄ia ur̄adaí, d̄c̄ubec̄u đ̄ar̄ājiv̄u dic̄ure.

#### Jiadoc̄u ur̄ac̄u coino

<sup>39</sup>Miad̄ae t̄uiyede yo jobor̄ore ye coreóvabedejaima ina dic̄ure memep̄ōeva. Ūbenita j̄árejaima t̄uip̄avare ēpac̄u, c̄rabo cubenore. Que baru, “T̄ujar̄ajarev̄u noi”, ar̄i d̄apiarejaquemav̄u ne baju.

<sup>40</sup>Mamar̄um̄re apevu burarejaima d̄curiibo b̄uoimea máquede d̄iboáre, d̄ajocar̄ājiv̄u j̄ia ur̄ada j̄ív̄u. Din̄um̄ma apevu duarejaima dic̄u j̄ipocateivea

b̄uoimeare, diveáre ēmeóvari j̄ipocatenajiv̄u dic̄ure diveáque. No yóboi, j̄am̄uórejaima ur̄acaje ūmev̄u paicajede, eaiyur̄iduiiv̄u ēpac̄u. <sup>41</sup>Ūbenita dic̄u p̄urabo j̄ia ur̄ada j̄ív̄u apec̄u ēpac̄u ur̄ac̄u curejav̄u. N̄uje j̄iadoc̄u j̄árejav̄u ēpac̄ura. Aru p̄urabo ēpac̄u dor̄i j̄ēnejav̄u. P̄ācaibo parur̄iibo j̄āriyadedejav̄u pare n̄uje j̄iadoc̄ure copovaiye jap̄uvainore.

<sup>42</sup>Que baru ina churarava boar̄i jar̄uvaiyur̄idurejaima ina buoimarare, ne tar̄i dupini numenajiyere aiv̄u.

<sup>43</sup>Ūbenita n̄ai churaravai jabocu mead̄aiyurejame Pabl̄ore. Que baru churaravare boar̄i jar̄uvaic̄ōjemenejame ū ina buoimarare. Quénora ina tar̄i maj̄idiv̄ure biar̄ar̄i coic̄ōjenejame j̄ia ur̄adaí mamar̄um̄re, ne tar̄i nar̄ajiyere ayu ēcar̄uita. <sup>44</sup>Aru ne yóboi n̄uic̄ōjenejame apev̄ure jor̄i joc̄uveai, dic̄u mácar̄o jar̄uvaiye. Que teni caiv̄u n̄uje baju mead̄aiv̄u, earejacar̄a jobor̄oita.

#### Pablo ūi cur̄o Malta

**28** <sup>1</sup>N̄uje eaiyede mearava jobor̄oi, nócav̄u “Yo Malta āmicur̄ijiv̄u”, coyurejaima n̄ujare.

<sup>2</sup>Ina dij̄iáv̄u cur̄iv̄u me j̄ar̄i n̄ujare, jacoyurejaima na. Ocar̄i b̄uiyede cojedeca āmei j̄ujurejav̄u n̄ujare. Que baru toabore dacuvacarejaima n̄ujare.

<sup>3</sup>Aru Pablo jevar̄i pecare c̄uin̄atoro p̄ecatorore, juarejame ditorore toabor̄a. Que teni c̄uin̄acu āda etarejame p̄ecatorore jocarí, toaijie boje. C̄uri j̄ēnejame Pabloi pur̄ui. <sup>4</sup>Aru nócav̄u ne j̄áiyede n̄ai āda j̄ēñure Pabloi pur̄ui, ar̄idurejaima ne bajumia: “¿Boar̄i jar̄uvaȳu b̄arica p̄ōevare n̄ai ūm̄u? Dupini dacube j̄ia ur̄adare jocarí. Ūbenita J̄ūmenijic̄u ap̄uic̄ōjemem̄i ūre. Que baru caride yaic̄yume, ūi āmeina đ̄aiye boje”, ūbenina ar̄idurejaima nócav̄u.

<sup>5</sup>Ūbenita Pablo p̄upeni ūi p̄ur̄ure, jar̄uv̄ar̄i đ̄uvarejame n̄ai āđare toaboi. Aru ij̄ibedejav̄u ūre. <sup>6</sup>Que baru ina p̄ōeva ar̄idurejaima ne bajumia,

“Cocoroquiyebu úre”. Aru, “Yainí tuquijibi ú”, aridurejaima na. Ùbenita joe coreni jáiyede, ye nájimenejame ú. Que baru ne dápino oatubarí, “¿Jūmenijicu bárica ú?” arejaima na.

<sup>7</sup>Aru cūinácu ũmu, ũi amíá Publio, ũi curó joabeno curejavú ñuje maino mácarói jia uradare jocarí. Nócavui jabocu barejáme ú. Ñujare cuturejame ũi cūrami. Aru me copu etarejame ñujare noi. Yóbecurijārvua curejacaṛá úque. Aru mearo đacarejame ñujare.

<sup>8</sup>Publio pacu parayú ijimu, morejavú úre. Aru cođo yayiyú barejáme ú. Pablo jácunurejame ũi yebai. Jēniari Jūmenijicuque úre, tuoyú ũi pūruque, meadarejame úre. <sup>9</sup>Apevu nócavu ijimara jápiaivu bācavu Publio pacui borore, darejaima ñuje yebai, Pablo ũi meadaquiyepa aivu náre máre. Aru meadaimara marejáima na. <sup>10</sup>Jívu barejáima ñujare cūvede. Aru ñuje etarājiye jipocai, ñuje jiađocú jívu adarejaima caijē ñujare jauéde.

**Pablo ũi eaino Romai**

<sup>11</sup>Cūinácú jiađocú uracū, Alejandría āmicurīmarore jocarí daicū mácaró javaiyorejavú uracorore dijiávui tuiṗāvai. Dicú Cástor aru Pólux āmicuricú aru ina pūcarā jūmenijina ne decova curejavú dicú pūraboi. Noi curivu bācavu yóbecurā aviáva baju jaturejacaṛá, nūrajivu dijiávure jocarí. <sup>12</sup>Tuijarejacaṛá Siracusa āmicurīmaroi. Aru mautedejacaṛá noi yóbecurijārvua. <sup>13</sup>Etarí nore jocarí, nurejacaṛá ēcabo cūináturu pu Regio āmicurīmaroi. Cūinájārvu yóboi, ũmevu aviá daino cācopūrvure jocarí japurí búrejavú. Que baru nurejacaṛá cojedeca. Pūcajārvua yóboi, Puteoli āmicurīmaroi tuijarejacaṛá ñuja.

<sup>14</sup>Apevu nócavu Jesúre ju aipōvare copurejacaṛá noi. Cuturejaima ñujare:

—Cūinásumana mautejará ñujaque, arejaima na.

Que baru cūinásumana yóboi, etarejacaṛá náre jocarí, nūrajivu Roma āmicurīmaroi. <sup>15</sup>Diīmarocavu

Jesúre ju aipōeva jápiaivu bācavu ñuje borore, jacyurādarejaima ñujare Apio āmicuró cūve bojedaino āmicurīmaroi aru Yóbecurīnamia āmicurīmaroi máre. Pablo jáñu náre, torojurejame. Aru torojuede jídejame Jūmenijicure.

<sup>16</sup>Ñuje eaiyede Roma āmicurīmaroi, apecu jabocu Pablora cuicōjenejame ũi cūrami baji cūinácūva. Ùbenita cūinácu churaravacacure jári coreicōjenejame úre cainūma, ũi dupini nūmequiyepa ayu.

**Pablo ũi coyūino Jesús ũi yávaiye méne Romacavure**

*(Mt 13.14-15; Mr 4.12; Lc 8.10; Jn 12.40; Hch 25.11)*

<sup>17</sup>Yóbecurijārvua yóboi, Pablo órejurejameđa ũi yebai nócavu judfovai jabovare. Cójijivu bācavure, Pablo arejameđa náre:

—Muja, jívu, yávacari āmeno đabetecacu judfovere. Aru āmeina yávabecacū majeñecuva mácavu ne đarí cōmajiyede máre. Ùbenita apevu majacavu buoima yure Jerusaléi. Aru jíma yure buoimūpe Romacavui jabovare. <sup>18</sup>Ne jēniari jáiyede yure, ina Romacavui jabova jaetovaiyuteima yure. Ji borore “Nai ũmu ũi đaiye boje boarí jaruvaiye jaubevu úre”, aima na. <sup>19</sup>Ùbenita ina judfova jorojini ju abeteima diede. Que baru jēniacacu yópe: “Ñai jabocu ijārvucacū pūeno baju parucu yebai nuquijivú”, acacu yu. Ùbenita ye āmenore boro coyurí adabequijivu yu jívu borore. <sup>20</sup>Que baru cutuivū mujare, jáiyuvu mujare, aru coyuyuvu mujare máre. Buoimūmu yu, maje coreiye boje Cristo meadacuyure maja Israecavure, arejameđa Pablo náre.

<sup>21</sup>Aru arejaimađa úre:

—Ina Judeacavu toivabema paperayocare ñujare mi borore. Aru ina majacavu edaivu bācavu yui āmeina yávabema mure. <sup>22</sup>Ùbenita majivu ñuja imaroa coapa āmeina jáivure Jesúre ju aipōvare aru āmeina yávaivure iye bueiye mamaene. Que

baru jápiaiyrivubu mi dápiainore diede, arejaimada Pablore.

<sup>23</sup>Que baru apejáravũ, ne beoijáravũ, obedivũ ina judíova, Romacavũ, nũrejaimada Pabloi cũrami. Javejĩnare búrĩ pu nainũta Pablo coyurejamedã náre Jũmenijicui ðaicõjeiyede ùi coyũye báquede Moisés bácure. Coyurejamedã náre ina Jũmenijicui yávaiyede coyũcaipõeva mácavũ ne toivaiye báquede máre. Ju are ðaiyurejamedã náre Jesúre, Jũmenijicui daroimũ mácure, aru Israecavũ coreimũ mácure máre. <sup>24</sup>Apevũ ju arejaimada ùi coyũiyede. Ùbenita apevũ ju abedejaimada diede. <sup>25</sup>Que baru cũináturũ ãmeni ne ùme, etarĩ búrejaimada ina judíova. Ùbenita ne etarãjiye jipocai, Pablo arejamedã náre:

—Jãve Isaías bácũ Espĩritu Santoi yávaicõjeiyeque Jũmenijicui yávaiyede coyũcarejaquemavũ mũjeñecuva mácavũre Jũmenijicui yávaiyede:

<sup>26</sup>Nũjacũ ina põevare ne yebai.

Aru ajacũ náre: “Jãve jápiarĩdurãjaramu mũja. Ùbenita ye jápiarĩ eabenajaramu. Jãve járidurãjaramu mũja. Ùbenita ye jári eabenajaramu. <sup>27</sup>Mũja coreóvayũbevũ, mũje yávaiyede jávene jápiarĩ eaiyũbe boje. Mũja

jápiabevũ, mũje yávaiyede jávene jápiaiyrũbe boje. Mũja bieivũ mũje yacorũare, mũje jávene jáiyũbe boje. Yũre jári coreivũ baru yacorũaque, ju ajebu mũja. Yũre jápiaivũ baru cá mucobeaque, ju ajebu mũja. Yũre jápiarĩ ðaivũ baru ùmeque, ju ajebu mũja. Que ðaivũre, meaðajebu yũ mũjare”, arĩ toivaicõjeneaquemavũ Jũmenijicũ Isaías bácure, arejamedã Pablo náre.

<sup>28</sup>Aru cojedeca Pablo arejamedã náre:

—Jãve majjarã mũja, judíova. Caride Jũmenijicũ daroibi ùi yávaiye méne coyũcaipõevare, meaðacũyũ ina judíova ãmevũre ne ãmeina teiyede jarũvarĩ. Aru návacari jápiarãjarama, arejamedã Pablo judíovare.

<sup>29</sup>Pablo ùi que aiyede, ina judíova etarejaimada, jorojĩni yávaiyvũ ne bajumia.

<sup>30</sup>Pũcaũjũa baju Pablo cũrejamedã noi. Bojedarejamedã ùi baju ùi cũramine noi. Aru torojũcũ jacoyurejamedã caivũ ùre járadavũre. <sup>31</sup>Jidũbecũva coyurejamedã Jũmenijicui jaboteinoquede. Aru budejamedã maje jabocũ Jesucristorã máre, jidũbecũva. Aru ñame jecũbedejaimada coyũyũre aru bueyũre máre. Quénoramu.

# Romanos

Mamabuinore coyũiyebu Pablo b́acu ũi toivaicõjeiye báquede paperayocare Roma ámicurĩimarocavũ Jesúre ju aipõevare. Pablo b́acu judíovacacu b́acuvacari, Jesús ũi yávaiye méne beorĩ coyũicõjeimũ marejaquémavũ, coyũcyũ ũi yávaiye méne judíova ánevure, judíova ne ju abe boje ũi coyũiyede. Lucas b́acu coyũrejaquemavũ Pablo b́acui borore Hch 7:57-8:1, 9:1-31, 13:1-28:31, aru ũi cuede Roma ámicurĩimaroi Hch 28:14-31. Javede Pablo b́acure toivacaipõescu b́acure toivaicõjenejaquemavũ pũcayoca ũi paperayocare Tesalónica ámicurĩimarocavure, aru pũcayoca ũi paperayocare Corinto ámicurĩimarocavure, aru ũi paperayocare Galacia ámicurijoborõcavure máre, ũi toivaicõjequiye jipocai Tercio b́acure iyoca paperayocare Roma ámicurĩimarocavure (16:22). Pablo b́acu coyũrejaquemavũ ũre toivacaipõescu b́acure aipe ũi toivacaquiye báquede diyocare. Toivaicõjenejaquemavũ diyocare ániũjua báquede 56-57 d.C., yóbescu ũi cuscũniyede, coyũcyũ Jesús ũi yávaiye méne. Majidivũ ne dápiayere, curejaquemavũ Grecia ámicurijoborõi, Corinto ámicurĩimaroi, o apeno imaro díjborõcaĩmaroi ũi toivaicõjeiyede diyocare.

Diyocaque Pablo b́acu coyũrejaquemavũ caivũ põeva ne boropateiyede Jũmenijicui jáinore, Jesucristoi boropatebede Jũmenijicui jáinore, põeva ne boropatebede Jũmenijicui jáinore ju aivũ baru Jesucristore, aru Jesucristoi boropatebede ðaimarare ðaiye jaurõre yópe Jũmenijicui urõpe Espĩritu Santoi caðateiyequẽ.

## Pablo ũi meaicõjeino Romacavure

(Mt 1.1, 12.23)

**1** <sup>1</sup>Yũ, Pablo, toivaicõjeivũ apescure iyoca paperayocare mũja Roma ámicurĩimarocavure. Jesucristore memecayũbu yũ. Jũmenijicui beorĩ epeibi yũre Jesús ũi yávaiye méne beorĩ coyũicõjeimũre, ji coyũquiyepe ayũ ũi yávaiye méne, meaðaiyede caivũ põevare.

<sup>2</sup>Javede iye yávaiye méne Jũmenijicui, “Yópe jáve ðacacũyũmu yũ põevare”, arejaquemavũ. Aru toivaicõjenejaquemavũ ina ũi yávaiyede coyũcaipõeva mácavure diede, ũi yávaiyede. <sup>3</sup>Iye yávaiye méque Jũmenijicui coyũibi mamacui borore. Ũi mácu, ñai cuscũ cainũmua, põetedejaquemavũ ũmũvape ijãravũi. Jũmenijicui mácu, maje jabocu Jesucristo, ñai jabocu David b́acui pãramecũbe ũ. Que baru Jesucristo põecũbe, ũi ũmũvape árojæ boje.

<sup>4</sup>Ũbenita Jũmenijicui jáðovaimi

parũrõreca caivũ põevare maje jabocu Jesucristo mamacure. Jũmenijicui jáðovarejaquemavũ diede jáveneca ũi nacovaiye báquede Jesucristore yainore jarũvarĩ. Que baru Jesucristo Jũmenijicui mácu, ũi ũmepe me cue boje. <sup>5</sup>Jũmenijicui Jesucristore epede ðaibi ñũjare Jesús ũi yávaiye méne beorĩ coyũicõjeimarare, ũi mearo ðacaiye boje bojecũbeda, ñũje coyũrãjiyepe ayũ caino joborõcavure, ne ju arãjiyepe ayũ Jesús ũi yávaiye méne, ne ðarãjiyepe ayũ ũi urõpe, apevu máre ne jínajiyepẽ ayũ mearore ũre. <sup>6</sup>Aru mũja máre nácvũbu. Jesucristo ũi beoimaratamu mũja. Ũ jĩnamu mũja.

<sup>7</sup>Caivũ mũjare, Jũmenijicui umarare, Romacavure, Jũmenijicui beorejaquemavũ mũjare ũ jina márãjivure. Majepacu Jũmenijicui, maje jabocu Jesucristomaque, mearo ðacajacurĩ mũjare bojecũbeda ũi me boje. Aru torojurĩ cure ðajacurĩ mũjare cãrijimevũva.

**Pablo ñi jácunuiyurō Romacavure**  
(Hch 19.21)

<sup>8</sup>Mamarumure soyuiyuvu mujare yópe: Caivu ijárvucavu jápiaivubu muje borore, muje ju aye boje Jesucristore. Que baru yu jíyubu torojuede Jūmenijicure ñuje baju urōque muje ju aye boje úre. Jesucristobe cadateni, “Pueno baju meacubu mu”, Jūmenijicure yure are ñay, obedivu pōeva ne jápiaie boje muje ju aiyede Jesucristore. <sup>9</sup>Yu memecayubu Jūmenijicure ji úmei ji bueiye pōevare ñi yávaie méne Jesucristorā. Cainumua ji soyuiyede Jūmenijicure jēniacavayubu mujare. Jūmenijicuvacari majibi jáve ji soyuiyede. <sup>10</sup>Javemiareca jácunuiyuriduiyu yu mujare. Que baru jēniavayubu Jūmenijicure, ñi járe ñacunure ñacuiyepere ayu mujare. Aru ñi urīburu, jácunucuyumu mujare. <sup>11</sup>Pare jáiyuvu mujare, cadatecuyu mujare yópe ñai Espiritu Santoi cadateiyepere yure, muje pueno parñiúme cvarājiyepere ayu muje ju aiyede Jesúre. <sup>12</sup>Yópe ayubu yu: Muja máre yure cadatenajaramu. Aru mujare máre yu cadatecuyumu. Aru cūináturu torojurivu cadatenajarevu maje bajumia.

<sup>13</sup>Muja, jívu, majijarā iyede: Obedinumua jácunuiyuriducacu yu mujare, buescyu mujacavure máre, ne ju arājiyepere ayu Jesúre nópe ji bueiypedeca apenoa ímaroai apējajubocavure, ne ju arājiyepere ayu napedeca. Ubenita ñari buojabevu yu muje yebare cáreja. <sup>14</sup>Soyuiye javu yure Jūmenijicui yávaie méne caivu pōevare, ina yávaivure ñuje yávaicamuare aru ina apēcamuare yávaivure máre, aru majidivure aru majibevure máre. <sup>15</sup>Que baru yácarívaru ñetubevu bueiycu iye yávaie méne mujare, Romacavure, máre.

**Pablo ñi soyuiño Jūmenijicui yávaie me paruéde**

(Mr 8.38; 1 Co 1.18; Gá 3.11; He 10.35)

<sup>16</sup>Soyebevu yu Jesús ñi yávaie méne soyuyu. Jáve majivu yu caivu

pōeva ne jápiaru diede, aru ne ju aru Jesúre, Jūmenijicui meadacuyure náre ñi paruéque. Mamarumure Jūmenijicui meadaiyurejaquemavu judíovare caivu jipocamia. Ubenita caride ñi meadaiyubi judíova ánevure máre. <sup>17</sup>Jūmenijicui yávaie méque coreóvavubu aipe ñari Jūmenijicui “Boropatebevū muja ji jáinore”, ñi aiyede majare. Jūmenijicui yópe ñacaiibi ina Jesúre ju aivure. Cūinájárvavu ne jápiaiyede ñi yávaiyede ju adama úre. Aru no yóboi caijárvavua ju adama úre cainumua. Javede yópe arí, Jūmenijicui toivaicōjenejaquemavu ñi yávaiyede: “Ina Jūmenijicui boropatebede ñaimara mácavu ne ju aye boje úre, apurājivubu cainumua. Que baru coatede ñabemara márajivubu na Jūmenijicure jaruvari”, toivaicōjenejaquemavu Jūmenijicui.

**Pablo ñi soyuiño pōeva ne ámeina ñaiyede**  
(Ef 4.17-18)

<sup>18</sup>Jūmenijicui cavarō mearocacu jorojini jáimi pōevare ne pueðabe boje úre aru ne ámeina teiye boje apenueque. Que baru Jūmenijicui ñájine ñaibi náre ne árvumetede ñaiye boje ne bajumia Jūmenijicui yávaiyede jávene. <sup>19</sup>Pōeva coreóvari buojadama apējínore aipe árojacure Jūmenijicure. Uvacari jáðovaimi náre aipe coreóvari buojarájivure aipe árojacure úre. Que teni cuedaibi náre, ne coreóvarājiyepere ayu úre. <sup>20</sup>Jūmenijicure ñame buojari jámema. Ubenita jáinomu ñi paruéde cūiméne. Que baru Jūmenijicui caiyede cuedajárvavū bácarōmata pu caride máre, caivu pōeva coreóvari buojadama aipe árojacure Jūmenijicure aru ñi paruéde máre, ñi cuedaiye boje. Jūmenijicui ñaiye báquede jári, caivu coreóvavubu úre. Que baru ñi pōevare ñájine ñaiyede ñame “Jūmenijicure coreóvabeteacacu yu” arí buojabenama na.

<sup>21</sup>Pōeva coreóvadama ñai Jūmenijicui parucu baju cūcure. Ubenita mearore jíbenama úre pueno baju meacure.

Aru torojuede máre jíbenama úre. “Meacubu mu”, aru “Meavu mi ñacaiyede ñujare”, ye abenama úre. Quénora ubenina dápiadama na. Aru jápiarí coreóvabenama na. Aru áme matuiye dápiadama na árumevure. <sup>22</sup>“Me coreóvaivubu ñuja”, aríduyama na. Ubenita que aivuvacari árumevu tede nuñama na. <sup>23</sup>Dajocadama na ne mearore jíyede Jūmenijicure, ñai cainumua cūcure. Quénora mearore jíyama na pépeimarare, ne puruáque ñaimara mácavure, yópe yainájivure majapedeca, apevu ūmuvape, aru apevu mǐjinape, apevu áimarape, aru apevu papeivure paivure máre.

<sup>24</sup>Ne Jūmenijicure dajocaiye boje, Jūmenijicu máre dajocaibi náre, ne ñarājiiyepe ayu yópe ne ámeina ñaiyere. Que teni pōeva cūyojarō vaiye báque boje urarō ijete ñadama na ne bajure. <sup>25</sup>Ju aiyubenama iye yáviyede jávene Jūmenijicūrā. Quénora ju adama borocuede. Mearore jíyama aru pueñadama Jūmenijicui cuedaiye báquede. Ubenita Jūmenijicure, caiyede ñayū bācure, pueñabeni mearore jíbenama na. Aru ñarí jáñovamenama ne pueñaiyede úre. Ubenita mearore jíyave javu Jūmenijicure caivu, aru cainumua. Quédecabu.

<sup>26</sup>Que baru Jūmenijicu dajocaibi náre, ne cūvarājiiyepe ayu ne ámeina ñaiyuede aru ne cūyojarōre máre ñarājiiyepe ayu. Que teni nomiva ámeina ñadama ne bajure. Dajocarí ūmuvaque ne ñajuroede, ñadama ne bajumia apevu nomivaque. <sup>27</sup>Aru ūmuva máre nopede ñameina ñadama ne bajure. Parūrōreca ūma apevu ūmuvare. Dajocarí nomivaque ne ñajuroede, ñadama ne bajumia apevu ūmuvaque. Cūyojarō bajubu nópe ne ñaino. Que baru ijete ñadama na ne bajure, ne ámeina ñaiye boje.

<sup>28</sup>Pōeva majibenama Jūmenijicure. Ne Jūmenijicui yáviyede jávene coyuiyede jápiayube báque boje, Jūmenijicu dajocaibi náre, ne ñarājiiyepe ayu yópe ne ámeina pueno baju ñare nuíye urōpe, ámeno vainájiyepe ayu. <sup>29</sup>Quédata

cainumua ámeina baju ñadama na. Ámeina ñarí, apevure máre ñare ñaiyuma na. Jecuma na pueno urarō ne cūvaede. Ámeina dápiadama apevure, ñaiyuvu náre ámenore. Jorojñama na. Pōevare boarí jaruvadama na. Jararí pare, ádamateiyuma na. Jūjovadama na. Ámeina árojama ne baju. Yávadama jápiabenoí ámenore apevui borore. <sup>30</sup>Coyuyama ámenore caivu ne jápiainoí apevui borore. Ámeina jádama Jūmenijicure, aru Jūmenijicu máre náre ámeina jáimi. Ye baju ámeina apevure. Dápiadama ne baju “¿Meara márica apevu pueno?” Aru, “Mearatamu ñuja apevu pueno”, adama na. Mamae ámeina teiyede cuedadama na. Ju abenama nébucuvare. <sup>31</sup>Jápiarí majibenama na. Ñabenama nópe “Ñarājivū”, ne aiyé báquepe. Apevure jáiyubenama na, aru névu bajure, ne cūramicavure máre ubema na. Apevu ne ámeina ñaiyede náre, pueno bajura ñarí árumeteiyubenama na. Aru apevure máre cōmaje ároje jáiyubenama na. <sup>32</sup>Majima me bajureca Jūmenijicu ñajicōjeñure ūi ñaicōjeiyeque caivu yópe ámeina ñaiyure. Coavacuyume náre úre jaruvarí, ne ámeina teiye boje. Ubenita pueno urarō ñare nuñama na. Aru torojurivū me jádama apevu ámeina teivure náre ámeina ñaiyure. Aru, “Me ñadama”, adama na ne borore.

**Jūmenijicu ūi coyuno pōevare ne ñaiye méne o ámeina**

(Mt 7.1, 16.27; Lc 6.37; 2 Ti 4.14)

**2**<sup>1</sup>Mu ayu baru apevu ne borore, “Ñajiiye javu náre ne ámeina teiye boje”, arí buojabevu “Ámeina ñabevu yu. Que baru ñajiiye javbevū yure”. Mi coreóviyede apevu ne ámeina teiyede, mu máre pōecūrecabu. Que baru napede ñameina ñayubu mu. Que baru “Apevure ñajiiye javvu” mi aru, “Yure máre ñajiiye javvu”, ainopebu no. <sup>2</sup>Majivu maja jáveque Jūmenijicu ñajine ñayure caivu ina nópe ámeina ñaiyure. <sup>3</sup>Jūmenijicui aru apevure “Ñajinajaramu muja muje ámeina teiye boje”,



dápiabejacu m̄, p̄ōesc̄upe, mi nápe cūináturu teiyede Jūmenijicu abescuyure mure máre, “Ñájcuyutu m̄ mi ámeina teiye boje”. Nópe jāve acuyume mure. Aru, “¿Ñájimesc̄uva vaiquídica?” arí dápiabejacu m̄, mi ámeina teiye boje. Jūmenijicu jāve ñájine đacuyume mure máre. <sup>4</sup>Puedabesc̄upe tebejacu m̄ Jūmenijicure, ũi pare mearo cūiméno boje. Jūmenijicu cōmaje āroje jáimi mure. Duibaj̄iena napini coreibi mure. Coreóvajacu m̄ jāve Jūmenijicu meacure múque, ũi ũe boje mi jaruvaquiyede mi ámeina teiyede. Mi oatvayie boje, mearo đacacuyume mure. <sup>5</sup>Ūbenita mi ámeŭme boje, ámpedabu m̄. Đaiyubev̄u m̄ yópe Jūmenijicui urópe. Ūre jápiaiyubev̄u aru mi đaiyede máre oatvayiyubev̄u m̄. Que teni p̄eno ámeno baju đayubu m̄ mi p̄eno urarō baju ñájqiyede Jūmenijicui ñájiovaquij̄arav̄u baquinói p̄ovare, ne ámeina teiye boje. Dij̄arav̄u baquinói caiv̄u p̄ovare Jūmenijicu jácuyume cūináturu. Aru joroj̄ini jári, ñájine đacuyume náre, ne ámeina teiye boje. <sup>6</sup>Dij̄arav̄u baquinói Jūmenijicu bojedacuyume caiv̄u p̄ovare náre coapa yópe ne đaiye báquipedeca ij̄arav̄ure.

<sup>7</sup>P̄eva cain̄m̄ua mearo đaiiv̄u baru ap̄ev̄ure, aru uriv̄u baru Jūmenijicui đaquiyere aiv̄u náre meara baju yópe ũi urópe, aru uriv̄u baru Jūmenijicui coȳquiyere aiv̄u náre “Mearo đaiiv̄ubu m̄ja” ainore máre, aru uriv̄u baru Jūmenijicui ap̄ure đaquiyere aiv̄u náre cain̄m̄ua, ne coatebenajiyere ayu ũre jaruv̄ari, nárecabu Jūmenijicui c̄ure đaquimara j̄arav̄u cūiméj̄arav̄u baquinóre ũque. <sup>8</sup>Ūbenita p̄eva ne urópe cain̄m̄ua đaiiv̄u baru Jūmenijicui urō p̄eno, aru dápiabev̄u baru Jūmenijicure, jápiaiyubev̄u baru ũi yávaiyede jāvene, aru ju abev̄u baru ũre, quéda đaiiv̄u baru ámenore cain̄m̄ua, ámeina đar̄ajiv̄u, nárecabu Jūmenijicui joroj̄ini ñájine đaquimara pare. <sup>9</sup>Caiv̄u ina p̄eva ámeina đaiiv̄u ñájinajarama aru ch̄iorajarama, judíoiva mamaḡum̄re caiv̄u jipocamia, aru

judíoiva ámeiv̄u máre. <sup>10</sup>Ūbenita caiv̄u ina p̄eva mearare, Jūmenijicu đacuyume náre coapa meara baju yópe ũi urópe. Aru coȳscuyume náre, “Mearo đaiiv̄ubu m̄ja”. Aru c̄arjimev̄uva me cure đacuyume náre máre, judíoivare mamaḡum̄re caiv̄u jipocamia, aru judíoiva ámeiv̄ure máre.

<sup>11</sup>Que baru Jūmenijicu jáimi cūináturu caiv̄u p̄ovare. <sup>12</sup>Judíoiva ámeiv̄u, c̄uvabev̄u Jūmenijicui đaicōjeiyede ũi coȳiye báquede Moisés b̄acure, bíjar̄arama na coapa ne ámeina teiye boje, die đaicōjeiyede majibev̄uva. Que teni nác̄ap̄urav̄u coatede đaimara m̄arajiv̄ubu Jūmenijicure jaruv̄ari, ne ámeina teiye boje. Ūbenita judíoivare, c̄variv̄ure Jūmenijicui đaicōjeiyede ũi coȳiye báquede Moisés b̄acure, Jūmenijicu ñájine đacuyume náre coapa ne ámeina teiye boje, ne đabe boje yópe iye đaicōjeiye coȳiyepe. Que teni nác̄ap̄urav̄u máre coatede đaimara m̄arajiv̄ubu Jūmenijicure jaruv̄ari, ne ámeina teiye boje. <sup>13</sup>Jūmenijicu abebi “Boropatebev̄u m̄ja ji jáinore”, ina ũi đaicōjeiye báquede coȳiye yede jápiaiv̄u b̄acav̄ureca đabev̄uva yópe ũi đaicōjeiye báquepe. Quénora Jūmenijicu ajebu “Boropatebev̄u m̄ja ji jáinore”, caiv̄u inare yópe ũi đaicōjeiye báquepe đájuroriv̄ure.

<sup>14</sup>Ina judíoiva ámeiv̄u c̄uvabema Jūmenijicui đaicōjeiye ũi coȳiye báquede Moisés b̄acure. Ūbenita ap̄en̄m̄ua đadama na yópe Jūmenijicui đaicōjeiye báquepe, Jūmenijicui c̄uedaiye báque boje náre ne mearo dápiayique. Que đarí jáđovadama na ne coreóvayede ne ũmei mearore Jūmenijicui jáiyede aru ámenore máre, c̄uvabev̄uvacari iye Jūmenijicui đaicōjeiyede ũi coȳiye báquede Moisés b̄acure. <sup>15</sup>Ne đaiyeque jáđovadama na ne coreóvayede ne ũmei aipe ārojaene Jūmenijicui đaicōjeiyede ũi coȳiye báquede Moisés b̄acure. Ap̄en̄m̄ua “Boropatebev̄u yu” aru ap̄en̄m̄ua “Boropateiv̄u yu”, ne arí

dápiayequé jádovadama na ne jáve coreóvayede diede. Aru ne dápiayequé máre jádovadama na diede. Que baru apenũmua arĩ dápiadama ne baju “Mearore dayubu yu”, aru apenũmua “Ámenore dayubu yu”, arĩ dápiadama na.

<sup>16</sup>Que teni iye Jũmenijicui bojedaiye põevare ne ðaiye báque boje vaiquiyebu yópe ji yávaiye méne coyuiyepe Jũmenijicui ñájiovaquijárvu baquinói põevare, ne ámeina teiye boje. Dijárvu baquinói Jũmenijicu Jesucristore ñájine ðaicõjecũyume põevare, ne yaveni ámeina dápiaye boje aru ne yaveni ámeina ðaiye báque boje máre. Nopedeca coyũyubu yu Jũmenijicui yávaiye méne.

**Judíova ne ðaiyurõ yópe  
Jũmenijicui ðaicõjeiyede ñi  
coyuiye báquepe Moisés bácare**

<sup>17</sup>Mujacapuravu adavũ “Judíovabu ñija”. Aru, “Jũmenijicu mearo ðacacũyube ñijare, ñije cuae boje ñi ðaicõjeiyede ñi coyuiye báquede Moisés bácare”, arĩ dápiadavũ muja. Aru coyũyavũ muja apevure, “Ñujarecabu Jũmenijicu jina. Ñi beoimaratamu ñija”. <sup>18</sup>Aru adavũ muja, “Majidivubu Jũmenijicui urõre ñije ðarãjinore”. Aru adavũ muja yópe: “Majidivubu mearore aru ámenore máre põeva ne ðarãjinore. Que baru beoie javvu náre mearo bajure. Diede majidivubu, ñije bueiye boje Jũmenijicui ðaicõjeiyede ñi coyuiye báquede Moisés bácare”, arĩ dápiadavũ muja. <sup>19</sup>Muja bueni buojariduyavũ bueiye jãvene ina majibevure, yópe ñai jáñũ nuvaiyepe jári eabevure. Yópe arĩ, coyũyavũ muja: “Apevure, majibevure, me majide ðaivubu ñija. Náre bueivubu ne coreóvabede, ne jári eabevure mautebenajiyepa aivũ”. Aru muja cadateni buojariduyavũ ina mearore coreóvabevure, ne coreóvarãjiyepa aivũ diede, nópe ñai pẽoinore cuvacu cadateiyepa ñeminoi curivure. Yópe arĩ, coyũyavũ muja: “Apevure coreóvabevure me cadateivubu ñija. Náre cadateivubu ne ñeminoi

curivure mautebenajiyepa aivũ”. <sup>20</sup>Aru muja adavũ yópe: “Ñuja bueivubu ina majiède eabevure, ne mearore majinajiyepa aivũ. Aru bueivubu ina majibevure máre, ne coreóvarãjiyepa aivũ”, adavũ muja. Muja arĩ dápiadavũ muje cuvare boje Jũmenijicui ðaicõjeiyede ñi coyuiye báquede Moisés bácare me majidivũ caiyede aru caiye muje majiède jãvene.

<sup>21</sup>¿Muja bueivũ apevure, aipe teni ðabevurũ muja yópe muje bueiyepe? Muja “Navamejara” aivũvacari apevure, muja máre ñavadavũ muja. <sup>22</sup>Muja “Ðabejarã ámeina mujemarebucuvare jaruvari” aivũvacari apevure, muja máre ðadavũ ámeina mujemarebucuvare jaruvari. Muja ubevũvacari pẽpeimarare, muja máre pueðabenamu Jũmenijicure aru ñi jiede máre. <sup>23</sup>“Ñuja judíova mearamu apevũ pueno, ñije cuvare boje Jũmenijicui ðaicõjeiyede ñi coyuiye báquede Moisés bácare”, adavũ muja. Ñbenita nópe aivũvacari pueðabevũ ámeina yávadavũ muja Jũmenijicure, ju abevũ ñi ðaicõjeiyede. <sup>24</sup>Javede yópe arĩ, Jũmenijicu toivaicõjeneaquemavu ñi yávaiyede: “Ina põeva judíova ámevũ ámeina yávadama Jũmenijicure, muje ámeina ðari jádovaiye boje”, arĩ toivaicõjeneaquemavu.

<sup>25</sup>Muje ju aru Jũmenijicui ðaicõjeiyede ñi coyuiye báquede Moisés bácare, cadateivũ mujare muje ñmũva cajede buraicõjeiye, muje majinajiyepa aivũ muja Jũmenijicu jinare. Ñbenita muje ju abedu iye Jũmenijicui ðaicõjeiye báquede, ye cadatebevu mujare iye cajede buraicõjeiye. <sup>26</sup>Ina judíova ámevũ buraicõjemema ne cajede. Ñbenita ne ðare yópe Jũmenijicui ðaicõjeiyede ñi coyuiye báquepe Moisés bácare, majibevũva diede, Jũmenijicu jáve jáimi náre cũináturu ñi jáiyepa muja judíovare, muje cajede buraicõjeivupedeca. <sup>27</sup>Mujacapuravu cuvãrivubu iye Jũmenijicui ðaicõjeiyede ñi coyuiye báquede Moisés bácare, aru buraicõjeivubu máre muje cajede. Ñbenita ye ðabevũ muja yópe

Jūmenijicui ðaicōjeiyepe. Quénora ju abevu diede. Que baru apevu, judfova āmevu, ne cajede buraicōjemevureca, ne ðaiyede yópe Jūmenijicui ðaicōjeiye ũi coyuiye báquepe Moisés bācure, ne boro coyurī adaimara márajivubu muja, judfova, Jūmenijicui nājine ðarājīyepe aivu mujare, muje ju abe boje die ðaicōjeiyede.

<sup>28</sup>Ina pōeva aivu baru “Yǎbu judfovacacu, mearore jívu Jūmenijicure”, caivu ina judfova baju āmema na. Aru ina ne cajede buraicōjeivu, Jūmenijicu jina tenajīye boje, caivu ina máre judfova baju āmeni, Jūmenijicu jina āmema na. <sup>29</sup>Ūbenita ina pōeva mearore jívu Jūmenijicure judfova bajupe ju adama Jūmenijicure ne ũmei. Ina pōeva Jūmenijicui ðaicōjeiyepe buraicōjeivu ne cajede, caivu ina judfova baju āmema na. Ūbenita ina pōevare Jūmenijicui Espírītu oatuvacayube ne ũmene, ðacuyū náre Jūmenijicu jinava. Nárecabu judfova baju. Que baru nárecabu mearore buojari jívu Jūmenijicure jāve, ũi ðadateiye boje. Ne baju ðaiyeque buojabema jívu mearore Jūmenijicure.

**3** <sup>1-2</sup>Aru apecu ũi aru yure: “Caivu majidivubu ina judfovere Jūmenijicui beoimara mácavure. ¿Mi dǎpiaru, ina judfova meari apevu pñeno aru ne cajede buraicōjeiye ðadatebedi náre?” yópe arī, coyujebu yu: “Jǎju. Yópe ayubicu yu. Pōecu judfovacacu baru, pare meavu ũre. Aru cajede buraicōjeiye pare ðadateivu judfovere, ne nópe jádovaiye boje Jūmenijicu jinare. Mamarumure Jūmenijicu jídejaquemavu judfovere ũi yávaiyede, maje ju arī, aru bueni apevure, meðarī corenajiyepe ayu diede”. Que ajebu yu. <sup>3-4</sup>Ūbenita apecu ũi aru yure: “Apevu judfova ju abema Jūmenijicui yávaiyede. ¿Ne ju abe boje, ðabecuyuba Jūmenijicu nópe ũi aiyé báquepedeca?” yópe arī, coyujebu yu: “iBi, ye que āmevu! iAipinumu vaibéjarōri nópe! Jūmenijicu jāve ðacuyume yópe ũi aiyé báquepedeca. Caivu pōeva ne borocuru,

Jūmenijicucapūravu cainnuma borocubecube ũ”. Javede yópe arī, toivaicōjenejaquemavu Jūmenijicu ũi yávaiyede:

Mi nājine ðaiyede yure ji ju abe boje mure, apevu jáivu aipe ðarī nājine ðayure yure, pueðarī mure arājarama na mi borore: “ðaibi yópe ũi aiyé báquepedeca majare. Borocucu āmemi ũ”, arī toivaicōjenejaquemavu.

<sup>5</sup>¿Aru apecu ũi aru yure: “Maja judfova maje ðabede yópe Jūmenijicui ðaicōjeiye báquepe majare, jádovavubu Jūmenijicucapūravure pñeno meacu bajure ũi jāve ðaiyede yópe ũi aiyé báquepedeca cainnuma, mearo ðayure pōeva ne mearo ðabede”, aipe aji yu? ¿Aji yópe apevu pōeva ne aiyere, “Jūmenijicucapūravu jorojini jári, nājine ðayu baru majare, judfovere, ũi nājiovaquijāravu baquinói pōevare, ne āmeina teiye boje, āmenore ðayu bájebu ũ”? <sup>6</sup>iBi, ye que āmevu! iAipinumu vaibéjarōri nópe! Jáve maru no, Jūmenijicu ye nājine ðarī buojabejebu ijāravucacure cūinácura yópe ũi āmeina teiyepepedeca. <sup>7</sup>Cūinácu pōecu ũi jinoque mearore pēpeimarare ũi coreóvare ðaru pōevare urarō baju Jūmenijicu meacure caivu pñeno, jāve Jūmenijicu nājine ðacuyume ũre, ũi que ðaiye boje. <sup>8</sup>Que baru maje āmeina ðaiyede maje coreóvare ðaru Jūmenijicure pñeno meacu bajure, apevu pōeva yópe adama: “Ámeina ðarājarevu, Jūmenijicu ũi jádovaiyepe aivu majare meacu bajure caivu pñeno”, adama na. Apevu pōeva boro coyurī adariduyama yure, ji nópe aiyé boje. Que aivu, borocuma yure. Jūmenijicu nājine ðacuyume ina borocurivure yópe náre nājine ðaiye jāepe, ne que aiyé báque boje.

**Caivu pōeva maje boropateino maje āmeina teiye boje**  
(Gá 2.16)

<sup>9</sup>¿Mearama maja judfova apevu pñeno Jūmenijicui jáinore? iQue āmevu! Jáve jári coreóvaivubu judfovere aru

judíova ãmevure máre, caivũ cüináturu ãmeina teivure. Caivũ ijãravucavũ maje ãmeina ðaiyue boje cõjeimarape curivũbu. <sup>10</sup>Yópe arí javede Jũmenijicũ toivaicõjenejaquemavũ ãi yávaiyede:

Põescu cubebi meacu Jũmenijicui jáinore. Ye cüinácũ páyũ cubebi. <sup>11</sup>Caivũ põeva coreóvabenama mearore. Aru caivũ põeva Jũmenijicũ jina máre teiyũbenama. <sup>12</sup>Caivũ põeva dajocadama Jũmenijicũre, ãrũmetedama úre. Mamatedama caivũ cüináturu. Ye cõmaje ãroje jámeni apévure cadatebenama náre. Ñame ðabenama mearore. Ye cüinácũ páyũ cubebi.

<sup>13</sup>Ne ijjecamu yópe põetõcu voitõcupebu. Que baru ne yávaiyeque jorojĩne ðadama Jũmenijicũre. Borocurivũ yávaadama apévure, jũjovarãjivũ. Ne yávaiye yópe ãðai jĩmape paiyebu. Que baru ne yávaiyeque ãmetede ðadama apévure.

<sup>14</sup>Ãmeina ðarí yávaadama apévure, ijivũ ne yávaiye. <sup>15</sup>Que baru cãrijijnãma ðoarí jaruvaiyurivũ põevare. <sup>16</sup>Ãri ne nuinoi ñãjine ðadama põevare, aru mamatede ðadama, aru chiõre ðadama náre.

<sup>17</sup>Torojũre ðabeni aru cãrijine ðadama põevare. <sup>18</sup>Ye cüinãjino quĩjinoreca puedabenama Jũmenijicũre máre, arí toivaicõjenejaquemavũ.

<sup>19</sup>Majidivũbu maja caiye iye Jũmenijicui ðaicõjeiyede ãi coyuiye báquede Moisés bácure toivacaino mácarõre caivũ maja judíovare, maje majinajiyepere ayũ majare máre ãmeina teivure. Caivũ bi arãjarama Jũmenijicui jáinoi ãi ñãjiovaquijãravũ baquinói põevare, ne majié boje ñãjiye jaurõre náre, ne ðabe báque boje yópe Jũmenijicui ðaicõjeiye báquepe. <sup>20</sup>Iye ðaicõjeiyeque ñame boropatebema Jũmenijicui jáinore. Quénora iye ðaicõjeiyeque põeva coreóvaivũbu caivũre ãmena matuiyede.

**Jũmenijicũ ãi jáino põevare boropatebevũre ne ju aiyede Jesucristore**  
(Gá 2.16, 3.20)

<sup>21</sup>Ûbenita caride Jũmenijicũ coreóvare ðaibi majare aipe ðarí coyurí buojayure põevare “Boropatebevũ muja ji jáinore”, Jesucristoi ðaiye báque boje. Aru yópe ðacaibi majare ãi ðaicõjeiye báquede ðabecũva. Ûbenita Jũmenijicui ðaicõjeiyede ãi coyuiye báquede Moisés bácure aru ina Jũmenijicui yávaiyede coyũcaipõeva mácavũ ne toivaieye báquede máre javede coyũrejaquemavũ aipe ðacũyure Jũmenijicũ diede. <sup>22</sup>Jũmenijicũ coyũibi põevare “Boropatebevũ muja ji jáinore”, ne ju aiyede Jesucristore. Caivũ põeva cüináturũtamũ. Que baru Jũmenijicũ nópe coyũibi caivũre Jesucristore ju aivũre.

<sup>23</sup>Maja caivũ põeva ãmene ðaivũbu maja. Que baru nópe ðaivure Jũmenijicũ “Boropatebevũ muja”, abecũbe majare, maje ðabe boje yópe ãi urõpe. <sup>24</sup>Ûbenita Jũmenijicũrecabe pũeno meacu baju. Que baru jýyũbe mearore bojecũbeda. Que teni coyũibi “Boropatebevũ muja ji jáinore” caivũ majare, maje Jesucristore ju aiyede. Nópe bojecũbeno ðarí, Jesús ñãjine ðabede ðaibi majare, maje ãmeina teiye boje yópe põescu ãi yebacacũre bojedarí iyepere, ãi dajocaquiyepere ayũ ãi mememo ãmeno baju bácarõre.

<sup>25</sup>Jũmenijicũ jorojĩni jáimi maje ãmeina teiyede. Que baru dajocacũyũ ãi jorojĩyede, darorejaquemavũ Jesucristore, ãi ñãjiquiyepere ayũ põeva ne ãmeina teiye boje. Que baru Jesucristo yaidéjaquemavũ maje yayũroede. Que teni ãi jiveque bojedarejaquemavũ põevare ne ãmeina teiyede. Jesús ãi yayiye báque boje, Jũmenijicũcapũravũ ãrũmeteibi maje ãmeina teiyede caivũ maja Jesucristore ju aivũre. Jũmenijicũ yópe vaidé ðarejaquemavũ, jáðovacũyũ aipe ðarí coyurí buojayũ põevare “Boropatebevũ muja ji jáinore”.

Jipocamia Jūmenijicu majidejaquemavu darocuyu Jesucristore, ũi bojedaquiepe ayu pōeva ne āmeina teiyede. Que baru Jūmenijicu napinejaquemavu pōeva ne āmeina ðaiyede. Yópe ñájine ðabecuyupe vaidējaquemavu ne āmeina teiyede. <sup>26</sup> Ūbenita caride Jūmenijicu quéda vaibébi pōeva ne āmeina teiyede.

Quénora āmeina teiyede bojedaiibi ũ, jáðovacuyu pōevare boropatebevure ũi jáinoi. Que teni Jūmenijicu coreóvare ðaibi ũi ðaino pñeno mearo bajure, “Boropatebevũ” ayu caivu Jesucristore ju aivure.

<sup>27</sup> ¿Caride “Boropatebevũ maja”, arĩ majidi maja, muxe dápiaru? Nópe arĩ majibevũ maja. ¿Aipe teni diede nópe arĩ majibedi maja? ¿Jūmenijicui ðaicōjeiyepe ðarĩ cōmajidu, “Boropatebevũ” abecuyuba Jūmenijicu majare? ¡Que āmevũ! Maja ðarĩ buojabevũ yópe caiye Jūmenijicui ðaicōjeiyepe cainumua. Ūbenita pōecu ũi ju aru Jesucristore, Jūmenijicuvacari boropatebede ðacuyume ĩre ũi jáinoi. <sup>28</sup> Pōecu cubebi Jūmenijicu “Boropatebecubu mu” ũi aimũ, Jūmenijicui ðaicōjeiyede ðaiye boje. Quénora caivu pōeva ju aivure Jesucristore, “Boropatebevũ maja ji jáinore” aibi Jūmenijicu. Que baru ácu pōecu cubebi “Meacutamũ yũ” ayu.

<sup>29</sup> ¿Dápiavũrũ maja Jūmenijicu ucure judíova quévũra ũ jinava? Jáve āmevũ no. Jūmenijicu ubi judíovare aru judíova āmevũre máre ũ jinava. <sup>30</sup> Cūinácũrabe Jūmenijicu. Que baru Jūmenijicu coyũibi judíovare “Boropatebevũ maja ji jáinore”, maje ju aiyede Jesucristore. Aru quédeca coyũibi judíova āmevũre máre “Boropatebevũ maja ji jáinore”, ne ju aiyede Jesucristore. Que teni Jūmenijicurecabe coyuyũ caivu majare “Boropatebevũ maja”, maje ju aiyede ĩre.

<sup>31</sup> Dinũmũ, ¿coyũivũba maja pōevare ne dajocarãjiiyepe aivu Jūmenijicui ðaicōjeiyede ũi coyũie báquede Moisés bácare, Jūmenijicui coyũie boje maja boropatebevũre maje ju

aiyede Jesucristore? ¡Bibi, ye que āmevũ! ¡Aipinũmũ vaibéjarõri nópe! Quénora caride maje ju aiyede boje Jesucristore pñeno baju ðaiyũrivũbu maja yópe Jūmenijicui ðaicōjeiye báquepe.

**Abraham mácuĩ ðarĩ jáðovaino mácarõ**  
(Gá 3.6)

**4** <sup>1</sup> Caride muxe coyũquijivũ yũ aipe Jūmenijicui ðaiye báquede javede maja judíova majeñecu mácare, ũi āmiá Abraham. <sup>2</sup> Jūmenijicu ũi coyũru Abraham mácare, “Boropatebecubu mu ji jáinore”, ũ mácuĩ mearo ðaiye báque boje, Abraham mácũcapũravũ coyuyũ buojajebu, “Yũvacari mearo ðaivu ji bajuma”. Ūbenita ñame nópe arĩ buojabema Jūmenijicui jáinore. <sup>3</sup> Aru yópe arĩ, Jūmenijicu toivaicōjenejaquemavu ũi yávaiyede: “Abraham ju arejaquemavu Jūmenijicure. Que baru Jūmenijicu coyũrejaquemavu ĩre, ‘Boropatebecubu mu ji jáinore’, ũi ju aiyede báque boje Jūmenijicure”, arĩ toivaicōjenejaquemavu.

<sup>4</sup> Ñai jabocu ũi bojedaiyede ĩre memecaipōecure ũi memecaiye boje, pōecu cubebi “Bojecubeda jínomu no” ayu. Quénora caivu majidivũbu bojedaiye jaũrõre ñai memecaipōecure. <sup>5</sup> Ūbenita ina pōeva eaiyũbevũre boropatebenore Jūmenijicui jáinore ne mearo ðaiyeque, “ ‘Boropatebevũ maja’, arĩ coyũcuyũme Jūmenijicu ñujare, ñuje ðaiye boje”, arĩ dápiabenama na. Quénora “Ñaja ju aivũbu Jūmenijicure, ñai coyũyure pōeva boropatebevũre ne ju aiyede ĩre”, arĩ dápiadama. Pōeva nópe dápiavũ, ye ne ðabedeca mearore, Jūmenijicũcapũravũ, pōevare ucũ, coyũibi “Boropatebevũ maja ji jáinore”, ne ju aiyede ĩre.

<sup>6</sup> Nopedeca David bácu arĩ toivarejaquemavu ñai pōecure Jūmenijicui torojure ðainore ðabecureca mearore Jūmenijicu “Boropatebecubu mu ji jáinore”, ũi ainore. Yópe arĩ, Jūmenijicu David bácare toivaicōjenejaquemavu ũi yávaiyede:

<sup>7</sup> Ina jāve torojarivure, náreca Jūmenijicu ārūmeteibi caiye ne ju abe báquede ūi đaicōjeiyepe, aru jāmemi ne āmeina teiyede máre. <sup>8</sup> Aru űai jāve torojucure, űreca Jūmenijicu ūi āmeina teiyede coyurī űájine đabecube, arī toivarejaquemavu David bácu.

Que arī, “Jūmenijicu űájine đabecuyume náre ne āmeina teiye boje”, aiyurōmu.

<sup>9</sup> ¿Aru judíova cūinávva torojarivu buojaidi yópe iye David bácu coyuiye báquepe? ¡Que āmeiv! Judíova āmevu máre nopedeca jāve torojurī buojadama na. Dápijarā cojedeca Abraham mácure. Jave coyuiyu yu mujare iye Jūmenijicui toivaicōjeiye báquede ūi yávaiyede: “Abraham ju arejaquemavu Jūmenijicure. Que baru Jūmenijicu coyurejaquemavu űre, ‘Boropatebecubu mu ji jáinore’ ”. <sup>10</sup> ¿Aipiyeđe nópe yávarejaquemari Jūmenijicu Abraham mácure? ¿Jave buraicōjenejaquemari Abraham mácu ūi cajede dinumure? Bi, ű mácu buraicōjemenejaquemavu ūi cajede cāreja. Jūmenijicu nópe yávarejaquemavu ű mácure ūi cajede buraicōjequiye jipocamia. <sup>11</sup> Que baru Jūmenijicu nópe yávarīburu yóboi, Abraham mácu buraicōjenejaquemavu ūi baju dicajede. Aru ūi yópe buraicōjeiye báque jādovaiye barejaquémavu űre, ūi majiquiyepe ayu ű mácu Jūmenijicui coyuiyu mácu boropatebecure ūi jáinoi, Abraham mácu ju aiyे boje Jūmenijicure.

Que teni caivu ne cajede buraicōjemevva ju aivure Jūmenijicure, ūi coyūquiyepe aivu náre boropatebevure ūi jáinoi, Jūmenijicu Abraham mácure tede đarejaquemavu néñecupe páyu. <sup>12</sup> Aru ű mácu máre majeñecu mácu barejaquémavu maja cajede buraicōjeivu bácu ju aivure Jūmenijicure. Ūbenita majeñecu mácu āmenejaquemavu, maje cajede buraicōjeiye báque boje. Quénora majeñecu mácu barejaquémavu maje ju aiyе boje Jūmenijicure, nopedeca majeñecu mácu Abraham mácu ūi

cuepedeca ju ayu Jūmenijicure ūi cajede buraicōjequiye jipocamia.

**Boropatebeno Jūmenijicu “Yópe đacacuyumu mre”, ūi aino mácarō Abraham mácure**  
(Gá 3.7, 18, 29)

<sup>13</sup> Javede Jūmenijicu arejaquemavu Abraham mácure yópe: “Mre aru mipāramena mārājivure mearo đacacuyumu yu. Mipāramena mārājivure jicuyumu yu ijāravure, ne cūvarājiyepe ayu caivu ijāravucavure”, arejaquemavu Jūmenijicu Abraham mácure. Ūbenita Jūmenijicu yópe abedejaquemavu Abraham mácu đaiye báque boje, yópe ūi đaicōjeiyede ūi coyuiye báquepe Moisés bácu. Quénora Jūmenijicu yópe arejaquemavu Abraham mácu ju aiyе báquede űre, coyucuy ű mácure “Boropatebecubu mu ji jáinore”. Que teni Jūmenijicu mearo đacacuyu barejaquémavu ű mácure aru caivu apevure máre űre ju aivure. <sup>14</sup> Ūbenita Jūmenijicui jidu ijāravure ina ūi đaicōjeiyede ūi coyuiye báquede Moisés bácu cūvarivure, ne cūvarājiyepe ayu diede, ye baju āmejebu pōeva ne ju aiyе Jūmenijicure aru ye baju āmejebu Jūmenijicu “Yópe mearo đacacuyumu”, ūi aiyе báque máre. <sup>15</sup> Jūmenijicui đaicōjeiye ūi coyuiye báqueque Moisés bácu coyubedejaquemavu “Yópe mearo đacacuyumu”, ūi aiyе báquede. Jūmenijicui đaicōjeiye ūi coyuiye báqueque Moisés bácu jorojīni jārī, űájine đayube pōeva, ne vainī turī đaiye boje diede. Ūbenita Jūmenijicui đaicōjeiye ūi coyuiye báque Moisés bácu cubedu, iyede vainī turī đaiye máre cubejebu.

<sup>16</sup> Abraham mácu ju aiyе báquede Jūmenijicure, Jūmenijicu arejaquemavu ű mácure, “Boropatebecubu mu ji jáinore”. Que teni jādovarejaquemavu “Yópe mearo đacacuyumu”, ūi aiyе báquede, mearo đacaiye bojecubede jāve, caivu Abraham mácu pāramena mārājivure. Jūmenijicu nópe

ðarejaquemavɯ ñi meacɯ baju boje. Aru Jūmenijicu jāve ðacɯyume yópe ñi aiyे báquepedeca. Abraham mácuí pāramena mārājivɯbu Jūmenijicui ðaicōjeiyede ñi coyuiye báquede Moisés bácuře ðabevɯ. Quénora Abraham mácuí pāramena mārājivɯbu ju aivɯ Jūmenijicure, yópe Abraham mácuí ju aiyे báquepedeca úre. Que baru pōeva Jūmenijicui ðaicōjeiyede cɯvarivure aru pōeva diede cɯvabevɯre máre, caivɯ maja Jūmenijicure ju aivure, majeñecu mácuře páyɯ barejaquémavɯ Abraham mácu. <sup>17</sup>Yópe arí, Jūmenijicu toivaicōjenejaquemavɯ apesure ñi yávaiyede: “Yɯ obediyajuboacavɯ néñecu macɯyúre ðacɯyumu yɯ mure”, arejaquemavɯ Jūmenijicu Abraham mácuře. Que baru Jūmenijicui nópe aiyे boje, ñai Abraham mácuí ju aimɯ “Yópe ðacacɯyumu”, ñi aino mácarō bojecurōtamɯ. Jūmenijicu nacovaimi yaivɯ bácvure yainore jarɯvarí, ne arɯrājiiyere ayɯ cojedeca. Aru Jūmenijicu cuedaibi ñi ðaicōjeiyequé no jipocai cube báquede.

<sup>18</sup>Nópe pōeva ne dápiaiyepe, Jūmenijicui aiyе báque Abraham mácuře ye buojabequiye barejaquémavɯ. Ubenita Abraham mácucapūravɯ ju arí Jūmenijicure napini coredejaquemavɯ. Que teni obediyajuboacavɯ néñecu mácuře páyɯ buojarejaquemavɯ ñi mácu. Jūmenijicu, yópe arí, toivaicōjenejaquemavɯ apesure ñi yávaiyede: “Obedivɯ tenajarama na mipāramena mārājivɯ”, arejaquemavɯ Jūmenijicu Abraham mácuře.

<sup>19</sup>Dinɯmɯ Abraham mácu pare bucɯcɯ barejaquémavɯ. Quijino bajura jaurejavūya cien paiɯjua ñi cɯvaquino. Aru ñi juedocɯvajurorōre juedocɯvarí buojabecu ñi baju yaivyá bácuí bajupe cɯvarejaquemavɯ Abraham mácu. Aru jímarepaco báco, Sara báco, máre bucɯco barejaquémavɯ. Que baru juedoearí buojabedejaquemavɯ ó máco. Ubenita Jūmenijicure ñi ju aiyе parɯbetebedejaquemavɯ. Quéda cainɯmɯ ju arejaquemavɯ Jūmenijicure.

<sup>20</sup>Abraham mácu dajocabedejaquemavɯ cainɯmɯ ñi ju aiyede Jūmenijicure. Ye “Uñi aiyе báquepe yure Jūmenijicu ðarí buojabecu”, arí dápibedejaquemavɯ ñi mácu. Quénora ñi ju aiyе boje Jūmenijicure, parɯcɯ ðarejaquemavɯ ñi mácuře, ñi juedocɯvaquiyepe ayɯ. Aru parɯcɯ teni ñi úmei cainɯmɯ, “Parɯcɯ bajubu mɯ”, ávarejaquemavɯ ñi mácu Jūmenijicure. <sup>21</sup>Que baru ñi baju arí dápiairejaquemavɯ parurōreca, “Jūmenijicu jāve buojaibi yure ðacayɯ yópe ñi aiyе báquepedeca”, ávarejaquemavɯ Abraham mácu. <sup>22</sup>Que baru, “Boropatebecɯbu mɯ ji jáinore”, arí coyurejaquemavɯ Jūmenijicu Abraham mácuře, ñi ju aiyede úre.

<sup>23</sup>Ubenita Jūmenijicu toivaicōjemenejaquemavɯ “Boropatebecɯbu mɯ ji jáinore”, ñi aiyе báquede Abraham mácuře boje quécɯra. <sup>24</sup>Quénora Jūmenijicu toivaicōjenejaquemavɯ diede majare boje máre. Majare máre Jūmenijicu coyɯcɯyume “Boropatebevɯ mɯja ji jáinore”, maje ju aiyede úre, Jesucristore, maje jabocure, nacovaimɯ mácuře yainore jarɯvarí. <sup>25</sup>Jūmenijicu yaidé ðarejaquemavɯ Jesucristore majare boje, maje ámeina teiye boje. Aru Jūmenijicu coyurejaquemavɯ majare “Boropatebevɯ mɯja ji jáinore”, ñi nacovaiye báque boje Jesúre yainore jarɯvarí. Caiye diede ju aivɯbu maja.

#### Pōeva ne boropatebena Jūmenijicui jáinore

**5** <sup>1</sup>Jūmenijicu coyui buojabequiye barejaquémavɯ. Ubenita Jūmenijicure napini coredejaquemavɯ. Que teni obediyajuboacavɯ néñecu mácuře páyɯ buojarejaquemavɯ ñi mácu. Jūmenijicu, yópe arí, toivaicōjenejaquemavɯ apesure ñi yávaiyede: “Obedivɯ tenajarama na mipāramena mārājivɯ”, arejaquemavɯ Jūmenijicu Abraham mácuře.

<sup>2</sup>Maje ju aiyе boje Jesucristore, ñi cɯvare ðaibi majare Jūmenijicui mearo ðacaiye bojecubede. Aru maja cɯrivɯbu caride Jūmenijicui mearo ðacaiye bojecubeque. Que baru torojurivɯbu maja maje úmei, maje coreóvaiye boje cūnájáravɯ baquinói Jūmenijicu acɯyure majare “Mujarecabu yópe ji urópe”. Aru ñájjine

ɖabecube majare cojedeca. <sup>3</sup>Aru maja máre torojrivubu maje ũmei maje ñájiyede, maje coreóvaiye boje pñeno urarõ napinajivure maje ñájiye boje.

<sup>4</sup>Aru torojrivubu maje ũmei maje napiye boje, maje coreóvaiye boje Jūmenijicu cadateyure majare maje ñájiyede cainumua. Que baru napini coreivubu Jūmenijicure jidubevvua.

<sup>5</sup>Maje napini coreiyede Jūmenijicui mearo ɖacaquiyede majare, cuyeбенamu maja. Caride coyquijivũ majare aipe ɖarĩ majidivure cuyeбенajivure. Jūmenijicu daroibi ñai Espiritu Santore ũi cɔquiyere ayũ maje ũmei, ũi majide ɖaquiyere ayũ majare Jūmenijicui umarare.

<sup>6</sup>Maja ameno ɖaivũ, maje baju mearo ɖaiye majibedeca, Cristocapūravũ yaidéjaquemavũ majare, maje ubedeca Jūmenijicure. Jūmenijicui beoijāravũ bácarõ yaidéjaquemavũ ũ mácu. <sup>7</sup>Ácu pōecu yayiubebi apesu pōecure boje, mearo ɖayure. Ácu pōecu cɔejubi, jidubecvva yayiũcu apesu pōecu meacure boje, apevure cadateyure.

<sup>8</sup>Ūbenita Jūmenijicu jáđovaimi majare aipe ũi urarõ uede majare, daroyũ bácu Cristore, ũi yayiquiyere ayũ majare boje, maje amaina teiyedeca cāreja. <sup>9</sup>Maja majivũ Cristoi mearo ɖacaiye báquede majare, yayiú majare boje. Ūi jive meiyе báque boje, Jūmenijicu coyũibi majare “Boropatebevũ muja ji jáinore”. Ūi nõpe urarõ mearo ɖacaiye báque boje majare, maje amaina teiyedeca cāreja, jáve majidivubu maja. Que baru pñeno urarõ Cristoi mearo ɖacaquiyede majare, maje ñájimenajiyere ayũ añijāravũ Jūmenijicui ñájiovaquijāravũ baquinóre pōevare, ne amaina teiye boje.

<sup>10</sup>Majacapūravũ maucuvarejaquemavũ Jūmenijicure. Ūbenita Jūmenijicucapūravũ cārijimene ɖarejaquemavũ majare, daroyũ bácu mamacure ũi yayiquiyere ayũ majare boje. Que teni caride Jūmenijicui yóvaimaramu maja. Cristoi urarõ mearo ɖacaiye báque boje majare ũi yayiede, jáve pñeno urarõ mearo

ɖacacuyũme majare caride, apesu cojedeca. Maje cuede cūinávũpe maje jabocu Jesucristoque, meadacuyũme majare Jūmenijicui jorojīyede jaruvarĩ.

<sup>11</sup>Aru pñeno baju Jūmenijicu coyũre ɖaibi majare maje ñájiyede, “Jāve torojrivubu maja Jūmenijicui jáinore”, maje jabocu Jesucristoi cārijimene ɖaiye báque boje majare Jūmenijicue. Que baru cuyeбенajaramu maja maje napini coreiyede Jūmenijicure.

**Pablo ũi coyũino Adán mácu  
aru Cristo ne borore**

<sup>12</sup>Javede ñai ũmũ mácu mamarumucacu bácu, ũi amíá Adán, amaina tedejaquemavũ. Aru coatedejaquemavũ ũ mácu Jūmenijicure jaruvarĩ, amaina teni. Que baru caivũ pōeva máre Adán mácu yóbocavũ coatedama Jūmenijicure jaruvarĩ aru yayiáma máre Adán mácu amaina teiye báque boje. <sup>13</sup>Que teni Jūmenijicui coyquiyе jipocai ũi ɖaicõjeiyede Moisés bácu, caivũ ijāravucavũ amaina teivũ barejaquemavũ. Dinumure cāreja ũi ɖaicõjeiye cubede, Jūmenijicu corevabedejaquemavũ pōevare ne amaina teiyede. <sup>14</sup>Ūbenita caivũ ijāravucavũ, Adán mácu yóbocavũ coatedama Jūmenijicure jaruvarĩ, Adán mácu amaina teiye báque boje. Adán mácu ɖarejaquemavũ Jūmenijicui ɖaicõjemenore. Que baru coatedejaquemavũ Jūmenijicure jaruvarĩ. Aru caivũ ũi yóbocavũ, Jūmenijicui ɖaicõjeiyede cuvabede ju abevũ amevuvacari, coatedejaquemavũ Jūmenijicure jaruvarĩ. Aru Adán mácu ɖaiye báque páyureca barejaquemavũ ñai Jesucristo. Pōeva jacopũyama ne ɖaiye báque bojede. Caivũ pōevare Jūmenijicu jáimi amaina teivure, Adán mácu ju abeno mácarõ boje. Nopedeca Jūmenijicu jáimi pōevare boropatebevũpe, Cristoi ju aino mácarõ boje.

<sup>15</sup>Ūbenita ina pucarā ũmũva cūinátũũ amema. Pōecu mamarumucacu, Adán mácu, ju



abecu bácareca Jūmenijicure, Jūmenijicucapūravu ũrarō mearo đacaibi pōevare. Jāve caivu pōeva coatedama Jūmenijicure jaruvarī, Adán mácu ju abeno mácarō boje. Ũbenita Jūmenijicu pūeno meacu bajutame. Que baru pūeno ũrarō mearo đacaibi obedivu pōevare ũi mearo đacaino mácarō bojecubenoque daroyu bácu Jesucristore, ũi meadaquiyepa ayu náre. Adán mácu đaino mácarō āmedaivu pōevare. Ũbenita Cristoi đaino mácarō meadaivu pōevare. Aru Cristoi đaino mácarō mearo bajubu Adán mácu đaino mácarō pūeno.

<sup>16</sup>Que baru Jūmenijicu mearo đacaibi pōevare bojecubeda, Adán mácu ju abecu bácareca ũre. Adán mácu cūinára ũi ju abe boje, Jūmenijicu arejaquemavu ũi mácare, “Mu aru mipāramena márajivu máre ũájinajaramu, mi ju abe boje yure”. Ũbenita obedivu pōeva ju abevureca cainumma baju, Jūmenijicu aibi majare, “Nájimenajaramu muja, muje ju abe boje yure”, ũi pūeno meacu baju mearo đacaiye boje.

<sup>17</sup>Jāve cūinácu ũmu, Adán mácu, ũi ju abeno mácarō boje, caivu apevu pōeva máre coatedama Jūmenijicure jaruvarī. Ũbenita jāve baju cūinácu ũmu, Jesucristo, ũi đaino mácarō boje, obedivu pōeva meatedama Jūmenijicucque. Que baru caivu maja jacopūivu bácvu Jūmenijicui mearo đacaino bojecubenore, maja ũi coyūimara mácvubu, “Boropatebevū muja ji jáinore”. Jāravu cūiméjāravu baquinóre cūvarājaramu maja Jūmenijicucque, cūinácu ũmu, Jesucristo, ũi đaino mácarō boje.

<sup>18</sup>Que baru nópe cūinácu ũmu mácu cūinára ũi ju abeno mácarō boje, Jūmenijicure járe đarejaquemavu caivu pōevare boropateivūpe. Nopedeca cūinácu ũmu, Jesucristo, cūinára ũi mearo đaino mácarō boje, Jūmenijicu jáimi pōevare caiyajuboacavure boropatebevūpe, aru me apure đaibi náre coapa. <sup>19</sup>Aru cūinácu ũmu mácu ũi vainí turí ju abe boje, caivu āmene

đaivu barejaquemavu. Nopedeca cūinácu ũmu, Jesucristo, ũi đaiye boje yópe Jūmenijicui ũrōpe, boropatebevūpe tede đaibi obedivu pōevare Jūmenijicui jáinore.

<sup>20</sup>Ũbenita obediūjua Adán mácu yóbore aru obediūjua Cristoi daquiyepa jipocai, Jūmenijicu coyūrejaquemavu ũi đaicōjeiyede Moisés bácare, coreóvare đacūyu pōevare ũrarō āmeno ne đaiyede. Que teni pūeno ũrarō ju abede nūrejaquemavu na mácvu. Ũbenita pōevacapūravu ne ũrarō āmeno đaiyede, Jūmenijicucapūravu, cōmaje āroje jáñu, pūeno ũrarō mearo baju đacarejaquemavu na mácvure. <sup>21</sup>Que baru pōeva ne āmene đaiyue parūétamu, ne coateiye boje Jūmenijicure jaruvarī. Nopedeca Jūmenijicui mearo đacaiye obedivu pōevare pūeno baju parūétamu aru cūvare đaivu jāravu cūiméjāravu baquinóre ũque, ũi jáiye boje obedivu pōevare boropatebevūpe. Aru Jūmenijicu yópe mearo đacaibi pōevare, maje jabocu Jesucristoi đacaiye báque boje.

**Pōeva ne cue Cristoque cūinácvupe**  
(Gá 2.20; Col 2.12)

**6** <sup>1</sup>¿Maje ju aye boje diede, aipe đarājidi maja caride? ¿Pūeno āmenore đare nuīye jauří, Jūmenijicui jáđovaquiyepa aivu ũi pūeno ũrarō mearore? <sup>2</sup>¡Bi, ye que āmevu! ¡Aipinumu vaibéjarōri nópe! Majarecabu boarí jaruvaimara mácvupe paivu. Aru āmeno majare boarí jaruvayu bácvupe painotamu. Que baru āmeina teiye jaubevu majare. Aru “Đare nuīvu baru āmenore me cūrājaramu maja Jūmenijicucque”, arí buojabevu maja. <sup>3</sup>Jāve majidivubu muja aipe teni jáđovaimara mácvu Jūmenijicure ocoque. Maje jáđovaiye báque Jūmenijicure ocoque apevure coreóvare đarejaquemavu maja cūrivure Jesucristoque cūinácvupe. Iye maje ũájijuroede maje āmeina teiye boje, Jūmenijicu ũájine đarejaquemavu ũre majare boje. ũre yaidé đayū,

Jūmenijicu dajocarejaquemavu  
 ére cūinávva. <sup>4</sup>Maje jáđovaiyede  
 Jūmenijicure ocoque, yaivu bávavupe  
 barejaquémavu maja, yópe jaruvaimara  
 mácvupe Jesucristoque pōe jaruvainoi,  
 mamabaju cūvarājivu éque. Yópe  
 vaidéjaquemavu Jesucristore. Majepacu  
 Jūmenijicu éi parué pueno mearoque  
 nacovarejaquemavu é mácvure  
 yainore jaruvarí, apucuyure cojedeca,  
 maje ména curājiyepa ayu caride  
 Jesucristoque cūinávupe.

<sup>5</sup>Que baru maje yaivu bávavupe paiye  
 boje éque cūinávupe éi yayiede, jáve  
 nacovaimaramu maja yainore jaruvarí  
 éque cūinávupe éi apué mamaene. <sup>6</sup>Aru  
 majidivubu maja maje cūe báquede  
 javede, Jesúre ju arājiye jipocare.  
 Cristo éi yayiede jocusjaravena  
 bíjarorejaquemavu maje ámeina  
 ðaiyue parué báquede. Jūmenijicu  
 nópe ðacarejaquemavu majare, maje  
 ðabenajiyepa ayu maje ámeina ðaiyuede  
 yópe yebacavu ne jabocui cōjeiyede  
 ðaiyepa. <sup>7</sup>Ûbenita jabocu cubebi  
 cōjeñu yayíyú bácvure. Nopedeca maje  
 yayie báque boje Cristoque, coatede  
 ðarejaquemavu majare, maje ámeina  
 ðaiyuede jaruvarí. <sup>8</sup>Maje majié boje  
 maja yaivu bávavupe Cristoque éi  
 yayiede, coavaimara márājivubu  
 maje ámeina ðaiyuede jaruvarí.  
 Nopedeca majidivubu maja curājivure  
 me Jesucristoque, maje ju aye boje  
 Jūmenijicure caride aru cainumua.  
<sup>9</sup>Maja majidivubu Cristo nacajañu  
 mácvure yainore jaruvarí. Yaibécube é  
 cojedeca. Caride yaino buojabevu ére  
 yaiváino.

<sup>10</sup>Que baru Cristo vaidéjaquemavu  
 cūinára, yaibécuyu cainumua, parubede  
 ðacuyu maje ámeina ðaiyuede. Aru  
 Jūmenijicui parúequa cubi, ðaiyucu  
 yópe Jūmenijicui urōpe. <sup>11</sup>Quédeca  
 dápijarā mija mije baju yópe: “Ámeina  
 teiye parubebu, Jesucristoi ðaiye  
 báque boje. Que baru ðaicōjemevu  
 yure caride. Yu yayíyú bácvure páyubu  
 ámeina teiyeque. Ûbenita yu apucubu  
 Jūmenijicucue, éi parué boje. Yu cūvu

ðayv yópe Jūmenijicui urōpe, cūvu  
 cūinávupe Jesucristoque”, arí dápijarā  
 mija.

<sup>12</sup>Ámeina ðaiyuede ðaicōjemejara  
 mije bajure. ðaicōjeivu baru mije  
 ámeina ðaiyuede mije bajure,  
 coatenajaramu mija Jūmenijicure  
 jaruvarí. <sup>13</sup>Que baru ðaicōjemejara  
 mije ámeina ðaiyuede mije bajure aru  
 mije ũmene máre. Quénora ðaicōjejara  
 Jūmenijicure mije bajure aru mije  
 ũmene. Nacajaivu bávavupe paivubu  
 yainore jaruvarí, arurājivu cojedeca.  
 Que baru Jūmenijicu matuiyeda  
 cōjejacurí mije dápiayede aru mije  
 ðaiyuede máre, mearore ðare ðaquiyepe  
 aivu. <sup>14</sup>Mije ámeina ðaiyuede ðaicōjeiye  
 jaubevu mujare. Jaubevu mujare  
 máre mije ðaiye yópe Jūmenijicui  
 ðaicōjeiyede éi coyuiye báquepe Moisés  
 bácvure. Ûbenita mija me curivubu carí,  
 Jūmenijicui cure ðaiye boje mujare  
 cūinávupe Jesucristoque, éi urōpe ðarí.  
 Nópe ðaibi Jūmenijicu éi mearo ðacaiye  
 boje bojecubeda.

**Pablo éi jévari coyūino yebacateinora  
 maja mearore ðaicōjeimarare**

<sup>15</sup>¿Aipe arājidi maja? ¿Ámenore  
 ðarājidi, majare ðaiye jaube boje  
 yópe Jūmenijicui ðaicōjeiyepe éi  
 coyuiye báquede Moisés bácvure? ¿O  
 quéda Jūmenijicu pueno meacu baju  
 árūmeteidi maje ámeina teiyede? ¡Bi,  
 ye que ámevu! ¡Aipinūvu vaibéjarōri  
 nópe! <sup>16</sup>Jáve majidivubu mija iyede.  
 Yebacateivu baru apucure, mujare  
 ju aye javvu ére. Quédeca mija ju  
 aiyurivu baru mije ámeina ðaiyuede,  
 maumena ðaiye jauquiye bu mujare  
 diede. Aru coatenajaramu mija  
 Jūmenijicure jaruvarí. Ûbenita mija  
 ju aiyurivu baru Jūmenijicure, pueno  
 baju ju arājaramu ére. Que teni me  
 curājaramu mija, ðaiyu éi urōpe.  
<sup>17</sup>Jipocamia mija ju arejaquemavu  
 mije ámeina ðaiyuede yópe yebacavu  
 ne ju aiyepa ne jabocure. Ûbenita  
 apejārvure mija ju arejaquemavu mije  
 ũmei iye yáviyede jávene, Jūmenijicui

jápiarī eare daiyede mujare apevu ne bueiyyede. Que baru mearore jínajarevu Jūmenijicure. <sup>18</sup>Úrecabe daicōjene đabecu mujare muje āmeina daiyueque. Quénora mujamu ũi yebacavupe paivũ, đarājivũ mearore.

<sup>19</sup>Ū coyuyubu mujare yópe muje majiépe, muje jápiarājiyepē ayu ji bueiyyede. Jipocare muja yebacavupe barejaquémavu, đarājivũ āmenore. Āmeina đaivu barejaquémavu muja. Aru ju abeni Jūmenijicui daicōjeiyede, đaivu āmenejaquemavu muja ũi urópe. Nopedeca caride yebacavupe tejarā muja, đarājivũ mearore. Mujare Jūmenijicui coavaiye boje āmeina daiyede jaruvarī, cainũmũa đare nujara pũeno mearore.

<sup>20</sup>Jipocamia muje āmeina daiyueque yebacavupe paivũ barejaquémavu muja. Aru mearore đaivu āmenejaquemavu dinũmũe. <sup>21</sup>Ye mearore eabedejaquemavu muja iye muje āmeina daiye báqueque. “Torojurājivutamu ñũja”, arī dápíarīđurejaquemavu. Ūbenita torojubedejaquemavu muja. Que baru caride cuyevũ muja, muje āmeina daiye báque boje, coatede daiye pōevare Jūmenijicure jaruvarī. <sup>22</sup>Ūbenita Jūmenijicu daicōjemene đabi mujare muje āmeina daiyueque. Quénora epeibi mujare yópe ũi yebacavupe. Que teni cainũmũa memecaiyurivubu muja Jūmenijicure. Aru Jūmenijicui coatede daiye boje mujare muje āmeina daiyuede jaruvarī, pũeno mearo đare nuivubu muja, cvarājivũ jāravu cūiméjāravũ baquinóre ũque. <sup>23</sup>Pōeva ne āmeina daiye bojebu ne coateino Jūmenijicure jaruvarī. Ūbenita ina curivũ Jesucristoque cūinávũpe, cũvama ne bojeva, Jūmenijicui mearo đacaiye boje bojecubeda, ne cuede ũque caride aru cainũmũa.

**Pablo ũi jėvari coyũino  
pũrubuoinora Jūmenijicui  
coyũiye báquede Moisés bácure**

**7** <sup>1</sup>Muja, jivũ, coreóvaivubu jāve iye ji coyũquiyede mujare caride. Coyũquijivũ Jūmenijicui daicōjeiyede

ũi coyũiye báquede Moisés bácure. Pōeva daicōjeimaramu dieque ne cuede cāreja ijāravũ pũ ne yayieta. <sup>2</sup>Que baru Jūmenijicui daicōjeiyede ũi coyũiye báque Moisés bácure yópe cūináco nomió pũrubuodope paiyebu, cũcođo jímarepacuque ũi yaibéde cāreja ũqueda. Ūbenita ũi yaidú, iye daicōjeiyede aipe đabejebu ō dinũmũ. <sup>3</sup>Que baru ico apescuque cũco baru jímarepacure jaruvarī ũi cuede cāreja, āmeina đajebu ō aru “āmeço” ajebu óre. Ūbenita jímarepacu bácui yainĩburu yóbore, cōjeimo āmejebu ō dinũmũ. Que baru pũrubuodó baru apescuque, āmeina đabejebu ō.

<sup>4</sup>Muja, jivũ, judíova, Jesúre ju aivũ, quédeca vaivũ mujare. Yópe ũmũ ũi cũvaepe jímarepacore, Jūmenijicui daicōjeiye ũi coyũiye báque Moisés bácure cũvarejaquemavu mujare. Que baru iye daicōjeiyeque daicōjeimara marejaquémavu muja. Ūbenita Jesucristoi yayiede, caivũ ina ũre ju arājivũ máre yaidéjaquemavu ũque Jūmenijicui jāinore. Que teni muja máre yaivũ bācavupe barejaquémavu ũque. Que baru iye daicōjeiyeque daicōjeimara āmevu muja caride. Yópe nomió, jímarepacu bācui yainĩburu yóbore, ōi pũrubuoiyepē apescuque, nopedeca muja máre muje coateniburu yóbo yainore jaruvarī, yópe nacovaimarape paivũ curivubu Jesucristoque cūinávũpe. Maje cuede Jesucristoque cūinávũpe, yopedecabu majare: Ū majemarepacupe páyu pũeno mearore đarī nure đabi majare, maje curājiiyepē ayu pũeno mearo ũque. <sup>5</sup>Ūbenita maje curājiiye jipocai Jesucristoque, maje āmeina daiyue báque boje, coatedejaquemavu maja Jūmenijicure jaruvarī.

Yopedeca barejaquémavu majare: Pũeno āmenore đare nũrejaquemavu maja, pũeno baju coatenajivũ Jūmenijicure jaruvarī. Jūmenijicu daicōjeme máque apejĩene majare Moisés bácure ũi coyũicōjeiye báqueque, yópe pũeno urarō āmenore đare đarejaquemavu maje āmeina

ðaiyuede. Que teni maja maje bajure ðaicõjenuquemavu aru maje ðápiayede máre, pueno baju ámeina tenajivu. <sup>6</sup>Ûbenita caride ðaicõjememaramu maja Jümenijicui ðaicõjeiye ñi coyuiye báqueque Moisés bácure. Jipocamia yebacavure barejaquemavu maja. Diede ju aiyे jaurejaquemavu majare. Ûbenita Jümenijicure memecabevubu maja javecarõque, yõpe ñi ðaicõjeiye ñi coyuiye báquepe Moisés bácure. Quénora Jümenijicure memecabevubu maja mamaroque caride, yõpe ñai Espiritu Santoi cure ðaiyepere majare arué mamaeque. Que baru ðaiyubu yõpe iye ðaicõjeiyepe majare jané cube boje, quénora maje ðaiyue boje.

**Pablo “Ámeina tede ðaiye cue ji baju” arí, ñi coyuiño**  
(Ro 13.9; Gá 5.17)

<sup>7</sup>¿Aipe coyuiye jauri majare caride? ¿Meameni Jümenijicui ðaicõjeiye ñi coyuiye báque Moisés bácure? Meame ámevu. Nópe ðápiayе jaubevu. Ûbenita ji ðaicõjeiyede coreóvaquiyе jipocare, coreóvabedejacacu yu ji ámeina ðaiyue cuede. Cüináro iye ðaicõjeiycarõ, “Áujimejacu apesu ñi cuvaede”, aino cubedu, áujimejebu yu apesu ne cuvaede. <sup>8</sup>Ðaicõjeiye cubedu, maja ámeina ðaiyubejebu. Ûbenita Jümenijicui ðaicõjeiye ñi coyuiye báque Moisés bácure coreóvare ðarejaquemavu yure áujiye jaubede põeva. Ûbenita no yõboi, ji coreóvaiye boje diede, urarõreca ðápiarí búrejacacu áujiyede. Ji ámeina ðaiyue boje, jujovaimumu yu. Que baru áujivu yu. <sup>9</sup>Arenumua iye ðaicõjeiyede coreóvabecu, torojucu barejacácu ji baju. Coreóvabedejacacu boropateyu ji baju. Ûbenita cüinájaravu ji jápiayede yo ðaicõjeino, “Áujimejara” ainore, ure ámeina ðaiyede búrejacacu yu. Aru yaiyú bácure coateyu barejacácu Jümenijicure jaruvarí.

<sup>10</sup>Jümenijicu coyuridurejaquemavu ñi ðaicõjeiyede Moisés bácure, põeva ju arí diede ne curájiyepere ayu me

úque ijāravure aru jāravu cūimējāravu baquinóre máre. Ûbenita bíjare ðarejaquemavu yure. Ji ðabe báque boje yõpe Jümenijicui ðaicõjeiyepe, coatede ðaimu marejacácu yu Jümenijicure jaruvarí. <sup>11</sup>Ji coreóvaiye báque boje, cüináro ñi ðaicõjeiycarõ ñi coyuiye báque Moisés bácure, jujovaimure tedejacacu yu ji ámeina ðaiyue boje. Nurié ðápiabedejacacu yu. Ûbenita ji nópe ðaiye báque boje, ju abedejacacu Jümenijicure. Que teni ji ámeina ðaiyue boje, coatedejacacu yu Jümenijicure jaruvarí yaiyú bácure no ðaicõjeino cüinároque. <sup>12</sup>Que baru ámecubu yu. Ûbenita Jümenijicui ðaicõjeiye ñi coyuiye báque Moisés bácure ámeno cubetamu die. Que baru yo Jümenijicui ðaicõjeino cüináro máre ámeno cubenotamu. Pueno baju mearotamu, yõpe Jümenijicuvacari pueno baju meacure. Aru põeva nore mearore ðaiyu torojurivubu.

<sup>13</sup>¿No ðaicõjeino mearo aru torojure ðaino máre coatede ðaidi yure Jümenijicure jaruvarí yaiyú bácure? ¡Bi, ye que ámevu! ¡Aipinumu vaibéjarõri nópe! Quénora ji baju ámeina ðaiyue boje, coatedejacacu yu Jümenijicure jaruvarí yaiyú bácure. Ji ju abede no ðaicõjeino mearore, jáðovaiyu aipe pueno ámeno baju ji ámeina ðaiyuede. Que teni Jümenijicu coyurejaquemavu no ðaicõjeinore, ji majiquiyepere ayu aipe pueno ámeno baju ji ámeina ðaiyuede. <sup>14</sup>Maja judíova majidivubu Jümenijicui ðaicõjeiye ñi coyuiye báque Moisés bácure pueno mearo baju Jümenijicui Espiritu Santoi epeiye báque boje diede aru ñi jie báque boje máre. Ûbenita yúcapūravu ðaicõjeimumu ji ámeina ðaiyueque. Aru ámecubu yu. Yúvacari ðayubu yõpe ji ámeina ðaiyepere. Yõpe yebacacu, apesui bojedaimure páyubu yu. Aru ji ámeina ðaiyue ñai yebacacu jabocure painomu. Que baru yurecabu ðaicõjeimu ji ámeina ðaiyueque.

<sup>15</sup>Jāve coreóvabevu aipe vaiyede yure aru ji ðaiyede máre. Yõpe ji ðaiyepere ðabevu yu. Ûbenita iyebu ji jáiyube

ji ðaiye. <sup>16</sup>Ji ðaiyubede ðayu baru, jádovaivu yu Jūmenijicui ðaicōjeiyede méne. <sup>17</sup>Yávacari ðayubu iye āme ji ðaiyede. Ūbenita que ðabevu ji ũe boje. Quénora ji āmeina ðaiyue cūe boje cāreja ji ũmei, diebu āmeina tede ðaiye yure. <sup>18</sup>Yu majivu yure me cubede. Ji ũmei mearo cubevu. Yávacari ðaiyuvu méne. Ūbenita ye buojabevu ðayu méne yópe ji ũrópe. <sup>19</sup>Iye méne, ji ðaiyuede, ðabevu yu. Quénora iye āmene, ji ðaiyubede, ðaivu yu. <sup>20</sup>Yu ðayu baru ji ðaiyubede, yu ānevū ðayu diede. Quénora ji āmeina ðaiyue cūe cāreja ji ũmei, diedecabu āmeina tede ðaiye yure.

<sup>21</sup>Que baru yu coreóvaivu aipe vaiyede yure cainumua. Méne ðaiyuvu yu. Ūbenita quénora ji ðaiyeque āmene eaivu yu. <sup>22</sup>Torojárī ũvu Jūmenijicui ðaicōjeiyede ji ũmei. Aru ðaiyuriduivu yu diede. <sup>23</sup>Ūbenita ji āmeina ðaiyueque ðaicōjeimumu yu. Yópe boaipóeva ne maucvarāðaiyepē ĩmaro jabocūre, nopedeca ji āmeina ðaiyue maucūvare ðaivu yure.

<sup>24</sup>Que baru jāve yu, pōecu, cōmaje ārojacobu yu. Ūrarōreca jāvu yure meadaipōecūre, ðaicōjeimu āmequiyepē aivu ji āmeina ðaiyueque aru coateimu āmequiyepē aivu Jūmenijicure jaruvārī. <sup>25</sup>Yu mearore jiyūbu Jūmenijicu pūeno meacu bajure. Ūrecabe maje jabocu Jesucristore caðatede ðayu yure. Yópe cuvū yu: Yávacari Jūmenijicure ju aiyuvu yu. Aru ũre memecaiyuvu yu. Ūbenita nópe ji ðaiyūpe ðaiye majibevu yu cainumua. Quénora apenūma ðaivu yu yópe ji āmeina ðaiyueque.

**Espíritu Santoi cure ðaino pōevare yópe ũi ũrópe**

(Mr 14.36; 1 Co 3.16; Gá 3.17-19, 4.5-7)

**8** <sup>1</sup>Caride maja Jesucristoque curivubu cūinávpe. Que baru coatebenajaramu maja Jūmenijicure jaruvārī, maje āmeina teiye boje. <sup>2</sup>Nai Espiritu Santoi ðaicōjeiye boje yure caride, cure ðaibi yure Jesucristoque cūinávpe. Que baru jāve cure ðaibi yure. Que teni ñai Espiritu Santo

ji āmeina ðaiyuede ðaicōjemene ðaibi yure. Que baru ji baju āmeina ðaiyue coatede ðarī buojabevu yure Jūmenijicure jaruvārī yaiyú bācupe. <sup>3</sup>Jūmenijicūvacari ðacarejaquemavu majare iye ũi ðaicōjeiye ũi coyuiye bāque Moisés bācure ðarī buojabede. Póeva ne āmeina ðaiyuede ũe boje, náva ðaicōjeiyepe ðarī buojabedejaquemavu ne majiéque. Que baru iye ðaicōjeiyeque Jūmenijicu meadayu buojabedejaquemavu pōevare ne āmeina teiyede jaruvārī.

Ūbenita Jūmenijicūcapūravu darorejaquemavu mamacūre, ũ jicūre, jaruvacacūyū pōeva ne āmeina ðaiyuede, maje curājiyepē ayū āmeina ðaiyubevūva. Nai mamacu ðarejaquemavu ijārvavī pōecūpe, cuvacu ũi baju yópe apevu pōeva, āmeina teivu ne bajupe. Ūbenita Jesucristocapūravu ye āmeina ðabedejaquemavu cainumua. Ūbenita Jūmenijicu ñājine ðarejaquemavu mamacui bajure, ũi bojeðaiquiyepē ayū maje āmeina ðaiyuede, meadacūyū majare maje āmeina teiyede jaruvārī. <sup>4</sup>Jūmenijicu ðarejaquemavu nópe, ðare ðacūyū majare caiye ũi ðaicōjeiyepe me. Majarecabu ðabevu yópe maje baju ũrópe. Ūbenita majarecabu ðaivu yópe ñai Espiritu Santoi ũrópe ũi paruéque.

<sup>5</sup>Ina pōeva ðaivu yópe ne baju ðaiyue ðaicōjeiyepe ne majiéque máre, nácapūravu dápiadama ne baju uede. Ūbenita ina pōeva ðaivu yópe ñai Espiritu Santoi ðaicōjeiyepe ũi majiéque, nácapūravu dápiadama ñai Espiritu Santoi uede. <sup>6</sup>Mūja dápiarī ðaivu baru mūje ũmei uede, mūjacapūravu jāve yaivu bācavūpe paivubu, coateivu Jūmenijicure jaruvārī. Ūbenita mūja dápiarī ðaivu baru ñai Espiritu Santoi uede, mūjacapūravu jāve apurivu, cārijimena me curivubu mūja Jūmenijicūque. <sup>7</sup>Que baru ñai pōecu dápiarī ðayu baru ũi baju uede, maucūvarī ju abebi Jūmenijicure. Aru jāve ye ðaicōjeñu buojabebi Jūmenijicure ũi bajure máre. <sup>8</sup>Que

baru ina pōeva ðaivũ ne baju ñede ne majiéque jáve Jūmenijicure torojure ðari buojabema na.

<sup>9</sup> Ñbenita mujavacari, ñai Espiritu Santoi cwe boje mujaque, muja ðabevũ yópe muje baju urópe muje majiéque. Quénora ðaivũbu muja yópe ñai Espiritu Santoi urópe ñi majiéque. Ácu pōecu cuvabecu baru ñai Espiritu Santore úque, Cristo jicu amemi ñi. <sup>10</sup> Ñbenita mujacapuravũ curivũbu Jesucristoque cūinávũpe. Aru ñai Espiritu Santo apũre ðaibi mujare. Muje baju coapa yópe yaivũ bācavũpe coateivutamũ muja muje amaina ðaiyue boje. Ñbenita mujavacari apurivũ me curivũbu cārijimena Jūmenijicũque “Boropatebevũ muja ji jáinore”, ñi arĩ coyũie báque boje Jesucristoi ðacaiyede mujare. <sup>11</sup> Aru Jūmenijicu ñai Espiritu Santore nacovare ðarejaquemavũ Jesucristore yainore jarũvarĩ. Ñai Espiritu Santoi cwe boje mujaque, apũre ðacuyũme muje bajuáre, muje cvarājijipe ayũ mamaũme. Aru iye mamaũmeque muja cvarājaramũ parũede, ðarājivũ no mearore yópe muje ðaiyũere.

<sup>12</sup> Muja, jivũ, que baru ðaiye javũ majare ñai Espiritu Santoi majiéque, yópe ñi urópe. Ðaiye javbevũ majare yópe maje baju urópe maje majiéque.

<sup>13</sup> Muja ðaivũ baru yópe maje baju urópe muje majiéque, jáve coatede ðaimaramũ muja Jūmenijicure jarũvarĩ caride. Aru Jūmenijicu ñájine ðacuyũme mujare cainũmũ. Ñbenita muja ðajocavũ baru muje amaina teiyede caride, aru muja ðaicōjemevũ baru muje amaina ðaiyuede muje bajure, ñai Espiritu Santoi cadateiyequẽ jáve me curivũbu cārijimena Jūmenijicũque.

<sup>14</sup> Cavũ ina Jūmenijicui mára ðaivũbu yópe Espiritu Santoi urópe, ñi jaboteimarape paivũ. <sup>15</sup> Javede jidurivũ barejaquémavũ muja Jūmenijicure. Ñbenita ñai Espiritu Santo, Jūmenijicui ðaroimũ mácu, yebacavũpe tede ðabebi mujare yópe muje ðaicōjemenajijipe ayũ bedióva cojedeca muje amaina ðaiyũequẽ. Que baru jidũre ðabebi

ñi mujare. Muja jidũbevũ coateiyede Jūmenijicure jarũvarĩ, muje amaina teiyẽ boje. Nópe vaibéquiyebo mujare. Quénora ñai Espiritu Santo majide ðaibi mujare, curājivũre yópe Jūmenijicui urópe. Que ðayũ ñai Espiritu Santo ñi majiéque “mũ, jipacu”, arĩ coyũre ðaibi majare Jūmenijicure. <sup>16</sup> Ñai Espiritu Santo cubi maje ũmei, majide ðacuyũ majare Jūmenijicui mára juedojĩnape paivũre. <sup>17</sup> Jūmenijicui máramũ maja. Que baru jacopurājaramũ úre caiye iye Jūmenijicui mearo ðacaiyede, ñi jíquiyede ñi pōevare. Aru jacopurājaramũ maja Jesucristoque iye Jūmenijicui jíquiyede úre. Ñbenita Jesucristope ārõjamevũ maja cāreja. Que baru ñájivũbu Jesucristope ijāravui. Aru ñájivũ baru caride, jáve cūinájāravũ baquinó meara baju barājāramũ maja yópe Jūmenijicui urópe, Jesucristope. Aru Jūmenijicu “Mearamũ muja”, arĩ coyũcuyũme majare.

**Jūmenijicui jáðovaquino ñi pōeva  
meara bajure  
(2 Co 5.2-4)**

<sup>18</sup> Jáve majivũ yũ urarõ mearore Jūmenijicu ðacacuyũre majare, maje torojurājijipe ayũ maje ũmei ñi oatũvaquiyede majare yópe ñi urópe. Que baru ye baju amevũ majare maje ñájijyede ijāravũre, maje cuede yópe Jūmenijicui urópe ðaiye javé boje cāreja. <sup>19</sup> Cavũ Jūmenijicui cuedaimara napini coreivũ, pare jáiyurivũbu Jūmenijicui oatũvaquiyede cavũ ñi mārare yópe ñi urópe, mamaũmeque meara baju. <sup>20</sup> Caiye iye Jūmenijicui cuedaiye báque “Yópe vaiquíyebu” ñi aiyẽ báquedeca, vaibévũ yópe ñi urópe. Caiye bĩjare nũivũ. Ñbenita ñi cuedaiye báque cūináro ye bĩjabevũ. Quénora Adán mácuĩ amaina teni ñi ju abe báque boje Jūmenijicure, Jūmenijicu bĩjaicōjenejaquemavũ diede. Ñbenita cainũmũ amēniduiyebu yópe. Quénora cavũ Jūmenijicui cuedaimara napini coreivũbu, Jūmenijicui meadaquiyepẽ aivũ caiye iye ñi cuedaiye báquede yópe ñi aiyẽ báquedeca.

<sup>21</sup> Caiye Jūmenijicui cuedaiye báque bǵjare n̄iye jauvu javede aru caride máre, yópe yebacavure ne daiye jauépe ne jabocui daicōjeiyede. Ūbenita cūinájāravu baquinó Jūmenijicu dajocare đacuyume diede. Aru mamaro mearo đacuyume ũ caiyede. Quédeca urarō meara đacuyume caivu ũi mārare. <sup>22</sup> Maja majidivubu javede p̄ caride máre caiye iye cuedaiye báque n̄ájiyede yópe juedocu p̄oteyure n̄ájiyepe. <sup>23</sup> Aru maja máre cuvarivubu n̄ai Espíritu Santore, Jūmenijicui daroim̄u mácre majare, mamarum̄ure maje ju arí buiyede Jesúre. Que baru majavacari napini coreivubu dijāravure, Jūmenijicui ámeina teiye cubede đaquijāravu baquinóre majare coapa, maje curājiyepe Jūmenijicui mārava, yópe ũi nrópe. <sup>24</sup> Jūmenijicu meadarejaquemavu majare. Majare napini corede đarí ũi đaquiyede yópe ũi aiyे báquepedeca, meadarejaquemavu majare. Ūbenita jáivu iye maje napini coreiyede, jáve napini coreiye ámevu die. P̄ocu cubebi napini coreyu iyede ũi jave jáiye báquede. <sup>25</sup> Ūbenita napini coreivu baru iye maje jámene cāreja, napini coreiye jauvu majare.

<sup>26</sup> Quédeca n̄ai Espíritu Santo cadatecudayube majare, parubevure, maje mearore daiye majibe boje. Maje urarō majibe boje, jēniayie jauřore Jūmenijicure majibevu maja. Aru aipe đarí jēniainore máre majibevu maja. Que baru n̄ai Espíritu Santovacari, maje coyuiyede majicu, jēniacaibi Jūmenijicure majare boje. Que teni ũme coturí, coyuiibi Jūmenijicure iye maje coyuiyede, maje yáviye majibeque. <sup>27</sup> N̄ai Espíritu Santo jēniacaibi Jūmenijicure parurōreca, cadatecuyu Jūmenijicui p̄evare yópe Jūmenijicui urópe. Que baru Jūmenijicu, caivu p̄eva ne dápiaiye de majicu, majibi Espíritu Santoi dápiaiř daiyuede.

**Cristo ũi cadateino caiye maje daiyede**

(2 Co 3.18; Gá 4.19; Fil 3.10)

<sup>28</sup> Maja majidivubu Jūmenijicure urivu baru, Jūmenijicu cadateyure

majare cain̄m̄ua. Jūmenijicu mearo đacaibi majare caiye vaiyede majare, ũi cutuimara mácavure. Aru javede, mamarum̄ure, Jūmenijicu majidejaquemavu aipe ārjarivure đacuyu majare, ũi cutuimara mārājivure. <sup>29</sup> Jipocamia Jūmenijicu beorejaquemavu ũ jina mārājivure. Ūi beoimara mácavure Jūmenijicu epedajaquemavu, ũi mácure paivu barājiyēpe ayu aru mamacu n̄emamicure páyu baquiyēpe ayu obedivu jēneboi. <sup>30</sup> Aru ũi epeimara mácavure Jūmenijicu cutuibi, ju arājiyēpe ayu ũi cutuiyede ũ jina mārājivuva. Aru ũi cutuimara mácavure “Boropatebev̄u m̄uja ji jáinore”, arí coyuiibi náre Jūmenijicu. Aru ũi coyuiimara mácavu boropatebevure Jūmenijicu cure đaibi náre mearava yópe ũi nrópe.

<sup>31</sup> ¿Aipe arājidi maja? Jūmenijicui cadateiye boje majare, ye baju ámevu ap̄ev̄u ne maucvarō majare. P̄ocu cubebi ámedarí buojayu maje ũmene.

<sup>32</sup> Jūmenijicu jecubedejaquemavu mamacure, meadacuyu majare. Qué Nora jēni jícarejaquemavu ũre, ũi urarō n̄ájiquiyēpe ayu majare boje. Que baru maje majié boje jícayure mamacu cūinácure, ũi um̄ure, majare boje, jáve majidivubu đacacuyure majare máre mearore quéda jecubeda. <sup>33-34</sup> Jūmenijicuvacari “Boropatebev̄u m̄uja ji jáinore”, arí coyurejaquemavu jave ũi beoimara mácavure. Que baru p̄ocu cubebi ámeina boro coyurí adarí buojayu majare. Aru p̄ocu cubebi coyurí buojayu majare n̄ájiye jauřore máre. Jesucristo, yayiú bác̄u majare boje, nacovaim̄u mác̄u yainore jaruvarí, Jūmenijicui meapūravui cubi caride. N̄ai meapūravui cusu paruéde cuvabi. N̄ai Jesucristo parurōque jēniaimi Jūmenijicure majare boje. Que baru n̄ame ámeina boro coyurí adarí buojabema majare. <sup>35</sup> Ye coatede đarí buojabev̄u majare Cristore, majare ucure, jaruvarí. Maja n̄ájivu baru, aru ch̄ioivu baru, aru ámeina yávaimara maru, aru ávne ijimara maru áiye cubedu, aru cuitótcaje cubedu, aru jidurivu baru

jidoae boje, aru boarí jaruvaimara maru máre, caiye iye boje ye coatede ðaimara ámenajaramu maja Cristore jaruvarí.

<sup>36</sup>Aru iye boaiye borore javede Jümenijicu, yópe arí, toivaicõjenejaquemavu cüinácu ñi yávaiyede coyucaipõecu bácu:

Caijárovua boarí jaruvadama ñujacavure, ñuje mure ñe boje. Dápiadama ñujare curivure ne boarí jaruvarájimarape, yópe ne dápiayepere ovejavare ne nuvaimarare boainoi, arejaquemavu Jümenijicui yávaiyede coyucaipõecu bácu Jümenijicure.

<sup>37</sup>Ûbenita majacarpüravu maje mauva ne ámeina ðabemaramu. Quénora Jümenijicu püeno meare ðalbi majare ne ámeina ðariduiyede, ñi ñeque ñi jáðovaiye báquede Cristoí yayjárovui. Cadatevaihi majare, ðacuyü püeno meara máräjivü.

<sup>38</sup>Yu jáve majivu iyede: Ye majare coatede ðarí buojabevü Jümenijicure, majare ucure, jaruvarí. Maje yaidú, Jümenijicu ñbi majare. Aru maje curu ijárovure obediüua, Jümenijicu ñbi majare máre. Aru ángeleva, aru jabova, aru cavarõi parurivü máre ye majare coatede ðarí buojabema Jümenijicure jaruvarí. Nopedeca caiye iye cari járovu vaiye boje, aru caiye iye apejárovua baquiyé vaiquíye boje máre ye majare coatede ðaimara ámenajaramu maja Jümenijicure, majare ucure, jaruvarí. <sup>39</sup>Aru maja nuivu baru ijárovu püenoí aru jia urada ñmujurõ jívüi máre, coatede ðaimara ámenajaramu maja Jümenijicure, majare ucure, jaruvarí. Que baru jáve ye cubenore cuedaino mácarõ boje maja coatede ðaimara ámenajaramu Jümenijicure, majare cuedayü bácu, jaruvarí. Majidivübu maja aipe Jümenijicui urarõ urõre majare, Jesucristoí mearo ðacaiye báque boje majare. Que baru curivütamu maja Jesucristoque cüinácvupe.

**Jümenijicu ñi beoino judíovare,  
Israecavure  
(1 P 2.10)**

**9** <sup>1</sup>Yu coyuyübu mujare yávaiyede jávene. Yu Cristoí jicübu. Que

baru borocübevü yu. Ñai Espíritu Santo ðaicõjeimi “Boropatebevü yu”, ji arí dápiayequé. Que baru majivü yu borocübede iye ji coyüiye. <sup>2</sup>Jáve pare chõivü yu ji ümei, jívure ne ju abe boje Jesúre. Járovua coapa chõiori ñájivü yu ji üme ji uriduiye boje ina jñecuva mácvui páramena ne ju arájiyepere ayu Jesúre. <sup>3</sup>Yu náre cadateni buojayü baru, yúvacari jëniájebu Jümenijicure ñájine ðacuyure yure toabo cüiméboi, ne bíjabenajiyepere ayu. “Coatede ðajacu yure Cristore jaruvarí”, ajebu yu Jümenijicure. <sup>4</sup>Návacari Israel bácu, ñai mamarümü Jacob ámicucu bácu, Jümenijicui püeno baju mearo ðacaimü mácvui páramenamu. Návacaribu Jümenijicui beoimara mácvü, ñi epequiyepere ayu náre ñi bucúovaimara. Náque cucü, Jümenijicu jáðovarejaquemavu náre ñi mearo miadárorre, ne majinajiyepere ayu meacu bajure. Jümenijicu coyurejaquemavu náre: “Yurecabu müje jabocu. Aru mujarecabu ji jaboteimara”. Que arí, Jümenijicu toivaicõjenejaquemavu Moisés bácu ñi ðaicõjeiyede náre. Jümenijicu buedejaquemavu náre aipe ðarí ne jáve mearore jínajiyede ñre. Jümenijicu “Yu mearo ðacacuyümü mujare”, arí coyurejaquemavu náre. <sup>5</sup>Ina judíovavacari “Ñujeñecuva mácvübu”, adama Abraham mácu, Isaac bácu, Jacob bácu, aru Jacob bácu doce paivü mamara mácvüre máre, ne yajuboare buipõeva mácvüre. Aru Cristovacari pøetedejaquemavu yópe ne yajubocacupe, judíovacacupe. Ûbenita me jápiajarã yure. Jesucristo pøecübe. Ûbenita ñ máre Jümenijicu, mearore jímüme, aru ne torojuede jímüme cainümüa járovu cüiméjárovu baquinóre. Quédecabu.

<sup>6</sup>Yu coyübevü mujare Jümenijicui ðabede yópe “Mearo ðacacuyümü yu mujare”, ñi aipe báquepedeca ina Israecavü majeñecuva mácvüre. Quénora yorecabu jáve: Caivü ina Israel bácu páramena Jümenijicui beoimara mácvü ámemá. Que baru caivü ina



judíova baju ãmema. <sup>7</sup> Ārujara m̄ja aipe Jūmenijicui jáđovaino mácarõre caivũ ina Abraham mácui pãramenare ãi pãramena baju ãnevũre ãi jáinore. Que baru, “Quévũra ina Isaai pãramena marajárama mipãramena baju”, arejaquemavũ Jūmenijicu Abraham mácure. <sup>8</sup> Nõre ayũ Jūmenijicu, aiycũ barejaquémavũ yõre: Ina Abraham mácui pãramena, põeteivũ yõre caivũ arevũ juedovape, ãi pãramena baju ãmema Jūmenijicui jáinore. Quénora ina Abraham mácui pãramena põeteivũ Jūmenijicu “Yõre mearo đacacũyũtu yũ m̄jare”, ãi aipe báque boje, nárecabu, ãi soyũiyede ju aivũ, jáve Abraham mácui pãramena baju. <sup>9</sup> Yõre arĩ, Jūmenijicu soyurejaquemavũ Abraham mácure: “Yõre đacacũyũtu yũ m̄jare. Cari daijũi copaidacũyũtu yũ. Dinũtu maquinõre mimarepaco, Sara, jave juedocũvacodome mamacure”, arejaquemavũ Jūmenijicu Abraham mácure.

<sup>10</sup> Ārujara aipe Jūmenijicui jáđovaino mácarõre Isaac bácũque caivũ ina Isaac bácui pãramenare ãi pãramena baju ãnevũre Jūmenijicui jáinore, ãi beobe báque boje náre. Majeñecu mácui márepaco báco, Rebeca báco, juedoearejaquemavũ pũcarã mamara pẽjavare népacũ Isaac bácũque. <sup>11-12</sup> Jūmenijicu nõre vaidé đarejaquemavũ, beocũyũ cũinácũ némacure yõre ãi ũrõre, ãi majié báquepedeca mamagũmũre. Yõre arĩ, Jūmenijicu soyurejaquemavũ Rebeca bácure: “Īmascapũravũ jĩbũcu pũeno rapũrõ pũcũyũte. Jĩbũcu memescũyũte ĩmascapũravũre”, arejaquemavũ Jūmenijicu Rebeca bácure. Jūmenijicu nõre arejaquemavũ ne põetenajije jipocamia. Ũi nõre aiyede ina pũcarã ye đabedejaquemavũ cãreja mearore aru ãmenore máre. Que baru Jūmenijicu ye beobedejaquemavũ nácacure ãi đaiye báque boje. Quénora beorejaquemavũ cũinácũ nácacure ũ jicu bacũyũva ãi cutuquiyede boje ũre. <sup>13</sup> Aru obedijũa yõboi, yõre arĩ Jūmenijicu

toivaicõjenejaquemavũ ãi yávaiyede: “Jacore ũrejacacũ yũ. Ũbenita Esaũre ũbedejacacũ yũ”, arejaquemavũ Jūmenijicu.

<sup>14</sup> ¿Aipe soyũrãjidi maja caride diede? ¿Jūmenijicũvacari đabedi mearore caivũm̄a yõre “Đacacũyũtu”, ãi aipe báquepedeca? ¡Que ãnevũ! ¡Aipinũtu Jūmenijicu đabecũbe nõre! <sup>15</sup> Yõre arejaquemavũ Jūmenijicu Moisés bácure: “Yũ cõmaje ãroje jáiyũcu baru põecure, ũre cõmaje ãroje jácũyũtu yũ. Aru yũ mearo đacaiycũcu baru põecure, ji cõmaje ãroje jáiye boje, ũre mearo đacacũyũtu yũ”, arejaquemavũ Jūmenijicu. <sup>16</sup> Que baru Jūmenijicu beobebi põecure, ñai põecũi ũe boje. Aru Jūmenijicu beobebi põecure, ñai põecũi đaiye boje. Quénora Jūmenijicu beoĩbi põecure, ãi baju cõmaje ãroje jáiye boje. <sup>17</sup> Yõre arĩ, Jūmenijicu toivaicõjenejaquemavũ ãi yávaiyede ãi daroie báquede Moisés bácure, ãi soyũquiyere ayũ ñai Egipto ãmicũrijoborõcavũ ne jabocũ bácure, Faraõn ne aimũre: “Mũ jave ãmeina teyũbu aru pueđabevũ mũ yũre. Aru yũ pũeno baju ãmeina tede nũre đaiyvũ mũre, jáđovacũyũ caivũ põevare aipe vaiquiyede mũre ji majiéque. Aru ne járiburu yõboi diede, ‘Jãve Jūmenijicu majicũbe caivũ pũeno’, arãjarama na”, arejaquemavũ Jūmenijicu. <sup>18</sup> Que baru Jūmenijicu cõmaje ãroje jáimi arevũre yõre ãi baju ũrõre. Aru pũeno baju ãmeina tede nũre đaiibi arevũre máre, ne ũbenajiyere ayũ ũre pũeno baju yõre ãi ũrõre.

<sup>19</sup> Que baru cũinácũ m̄jacacũ jẽniari jácũyũte yũre: “¿Jãve maru iye mi soyũiyede, aipe đarĩ Jūmenijicu soyũyũ bũojaidi põecure, ‘Boropateyũbu mũ mi ãmeina teiye boje’? Ñame cũbebi bũojarĩ vaidé đayũ yõre Jūmenijicui ũbenope. Aru ñame cũbebi bũojarĩ vaibéde đayũ máre yõre Jūmenijicui ũrõre”, acũyũte yũre. <sup>20</sup> Aru põecũrecabu mũ. ¿Aipe teni “Jorojĩni, copũ teni bũojayũtamũ yũ”, arĩ dãpiayũrũ mũ Jūmenijicure? Jororũ yãvarĩ bũojaidũ baru põecure, jẽniari

jámejeba pēpeñure: “¿Aipe teni ñacurū mū yure yópe?” ¡Que ñevu! Jūmenijicu ñarejaquemavu pōevare ũi dápiainope. Que baru cuedayū bácure jēniari jáiye jaubevu cuedaimara mácavure. <sup>21</sup>Nai jororure pēpeipōescu jāve ñarī buojaibi ũi urōpe joboque. Cūinábū jobobūque ñarī buojaibi pucarua jororure. Cūináru jororure me ñaibi ñuibajieneca, pōeva ñidure jári ne arājiyepe ayu, “Ñai pēpeñ me majibi”. Aru apedu jororure maumejieneca ñaibi ũre jauéde ũre ñauidu caijāravu.

<sup>22</sup>Aru Jūmenijicu ñaibi pōevare yópe pēpeipōescu jororure ũi ñaiyepe. Que teni Jūmenijicu ñapimi urarō ina jorojīni ñaivure ũre ne ñameina teiyeque, ina bíjarājivure. ũbenita apejāravu baquinó Jūmenijicu jáñovacayume ũi jorojīyede pōevare ne ñameina teiye boje. Aru pōevare majide ñacuyume ũi majiède, ũi ñájine ñacuyede ñare, ne ñameina teiye boje. <sup>23</sup>Aru Jūmenijicu máre, yópe pēpeipōescu páyū, ñaibi yópe ũi urōpe, jáñovacayū ũi baju pñeno meacure aru meara ñacuyū majare máre, cōmaje ñrojarivure ũi jáinore. Javede Jūmenijicu majidejaquemavu, meañacuyū majare meara baju bārājivure. Que baru Jūmenijicu ñaru yópe ũi urōpe majare, ũi cuedaimara mácavure, ñame “Mearore ñabebi ũ”, arī buojabema. <sup>24</sup>Majarecabu Jūmenijicu cutuimara mácavu ũi mára márajivava, apēvu judíovacavu, aru apēvu judíova ñamevcavu máre.

<sup>25</sup>Yópe arī, Jūmenijicu toivaicōjenejaquemavu ũi yávaiyede coyūcaipōescu bácure ũi ñmiá Oseas:

Ina pōeva, ji pōeva ñevu bácavure, acuyumu yu, “Ji pōevatamu mūja”. Aru diyajuboa pōeyajuboacavu ji ũbemara mácavure, “Ji ũmaratamu mūja”, acuyumu yu, arejaquemavu Jūmenijicu. <sup>26</sup>Aru no curōi “Mujavacari ji pōeva ñevutamu”, Jūmenijicu aino mácarōmiareca, “Ñai Jūmenijicu apucui máramu mūja”, ũi coyūimara marajárama, arī toivarejaquemavu Oseas bácū.

<sup>27</sup>Aru Isaías bácū máre Jūmenijicu yávaiyede coyūcarejaquemavu, pōeva ne majinajiyepē ayu Israecavu ne borore: “Ina Israecavu obedivubu, yópe ēpayabea jia ēcarui paraiyepe. ũbenita obebevū bajura nácavu meañaimara marajárama na. <sup>28</sup>Aru Jūmenijicūcapūravu ñájine ñacuyume Israecavure corebecuva aru maumena”, arī toivarejaquemavu Isaías bácū. <sup>29</sup>Aru jipocamia Isaías bácūvacari Jūmenijicu yávaiyede coyūcarejaquemavu, yópe arī:

Ñai Jūmenijicu, caivu ne jabocu, ũi epebedu apēvu majacavure, ne juedocūvarājiyepe ayu, majare máre vaijēbu yópe ñniimaroa Sodoma aru Gomorracavure vaiye báquepe, caivu ina bíjaivu bácavure, arī Jūmenijicu yávaiyede coyūcarejaquemavu Isaías bácū Israecavu bácavui borore.

#### Judíova ne jápiaino Jūmenijicu yávaiye méne

(*Jn 12.38; Hch 2.21; Gá 3.12; Ef 6.15; 1 P 2.6, 8*)

<sup>30</sup>Que baru, ¿aipe coyūiye jauři majare caride? Yópe coyūiye jauvu majare. Ina judíova ñevu mememēvu barejaquémavu, Jūmenijicu jáquiyepe aivu ñare boropatebevure ne ñaiye báque boje. Quénora Jūmenijicūvacari “Boropatebevū mūja ji jáinore”, arī coyūrejaquemavu ñare ne ju aiyede Jesucristore. <sup>31</sup>ũbenita ina judíova, Jūmenijicu beoimara mácavu, ñaivu barejaquémavu Jūmenijicu ñaicōjeiyede ũi coyūiye báquede Moisés bácure, ñarājivu nópe iye ñaicōjeiyepe, Jūmenijicu jáquiyepe aivu ñare boropatebevure. ũbenita eabedejaquemavu ñidē. <sup>32</sup>Vobedejaquemavu Jūmenijicu me jáiyede ñare ne ju aiyēque Jesucristore. Quénora vorídjurejaquemavu Jūmenijicu me jáiyede ñare ne mearo ñaiyeque. ũbenita yéde eabedejaquemavu na. Que baru vaidējaquemavu ñare yópe pōescu torī tuiyepe

cūborā, ũi me jáme boje dibore, nopedeca Cristo bĳarorejaquemavu ina judĳovare ne jápiarĳ eabe boje ũre. <sup>33</sup> Javede Jūmenijicu, yópe arĳ, toivaicōjenejaquemavu ũi yávaiyede dibo cūrabo borore:

Epeivū yū pōecure Jerusalén āmicurĳmaroi. Yópe cūrabo ma coricai dobaribo pōeva toivure ture đaiyepe, nopedeca ina pōeva ju abevū űai pōecure bĳarājarama na. Ũbenita caivū ina ũre ju aivū cūyebenajarama na, arejaquemavu Jūmenijicu.

**10** <sup>1</sup> Mūja, jĳvū, parūrōreca vuvū yū ji ũmei ina Israecavure, ji yajubocavure, ne ju arājiyepe ayū Jesucristore, Jūmenijicui meadaquiyepe ayū náre, ne coatebenajiyeye ayū ũre jarūvarĳ. Que baru ũrarōreca jĳniavaivū Jūmenijicūque náre boje. <sup>2</sup> Yū jáve mūjare coyūivū. Nácapūravū ũrarō memecaiyurĳduivūbu Jūmenijicure ũi ũrōpe. Ũbenina “Yópe Jūmenijicui ũrōpe đavūbu űūja”, arĳ dāpiadama na. Ũbenita yéde đabenama na yópe ũi ũrōpe. <sup>3</sup> Jápiarĳ eabenama Jūmenijicu coyūyure “Boropatebevū mūja ji jáinore” pōevare, ne ju aiyede ũre. Que baru nácapūravū memecarĳduivūbu Jūmenijicure, “Boropatebevū mūja ji jáinore”, ũi arĳduquiyepe aivū. Ũbenita ũre memecaiyvureca, “Boropatebevū mūja ji jáinore”, ye arĳ coyūbebi náre, ne ju abe boje ũre. <sup>4</sup> Jūmenijicūcapūravū toivaicōjenejaquemavu ũi đaicōjeiyede ũi coyūiye báquede Moisés bācure, pōeva ne meatenajiyeye ayū Cristoi daquiye jipocai. Diede ju aicōjenejaquemavu caivū ina ju arājivure Cristore, boropatebevū barājiyépe ayū ũi jáinore.

<sup>5</sup> Aru Jūmenijicu “Boropatebevū mūja ji jáinore” arĳ, ũi coyūjuroede pōevare, ne đájuroe boje yópe ũi đaicōjeiye ũi coyūiye báquepe Moisés bācure, die borore Moisés bācūvacari, yópe arĳ, toivarejaquemavu Jūmenijicui yávaiyede: “űai đarĳ buojayū caiye iye Jūmenijicui đaicōjeiyepe cūcyūme ũ. Ũi

đaicōjeiyepe đaiye boje coatede đabemū macūyūme ũ Jūmenijicure jarūvarĳ”, arejaquemavu Moisés bācu. <sup>6-7</sup> Ũbenita Jūmenijicu “Boropatebevū mūja ji jáinore”, ũi arĳ coyūiyede pōevare ne ju aiyede Jesucristore, die borore Moisés bācu, yópe arĳ, toivarejaquemavu Jūmenijicui yávaiyede: “Mi baju jĳniari jámejacu mi ũmei dāpiarĳ, ‘¿űame mārājidi mūivū cavarō mearo Jūmenijicui cūrōi?’ Aru mi baju jĳniari jámejacu mi ũmei dāpiarĳ, ‘¿űame mārājidi joborō jĳvū coivū yaivū bācavū ne cūrōi?’ ” arĳ toivarejaquemavu Moisés bācu. Yópe aiyūrōmu no: ¿űame mārājidi ěmeóvarajivū Cristore cavarō mearo Jūmenijicui cūrōre jocarĳ? ¿Aru űame mārājidi nacovarajivū Cristore yainore jarūvarĳ?

<sup>8</sup> Aru yópe Moisés bācūvacari arĳ toivarejaquemavu Jūmenijicui yávaiyede: “Jūmenijicui yávaiye me joabenoimu mure. Que baru coyūrĳ ũi yávaiye méne jĳjecamuque aru ju arĳ ũmeque buojavū mū”, arĳ toivarejaquemavu. Aru iye yávaiye méne cūináturu baju coyūivūbu maja pōevare, ne ju arājiyepe aivū Jesucristore. <sup>9</sup> Mi ju aru Jūmenijicui nacovaiye báquede Jesucristore yainore jarūvarĳ, aru mi ju arĳ coyūru mi jĳjecamuque, “Jesucristo ji jabocube”, Jūmenijicu meadacūyūme mure, mi coatebequiyepe ayū ũre jarūvarĳ. <sup>10</sup> Que teni ũmequedeca pōeva ju aivūbu Jesucristore, Jūmenijicu “Boropatebevū mūja ji jáinore”, ũi arĳ coyūquiyepe aivū náre. Aru jĳjecamuquedeca pōeva coyūivūbu jávene Jesūrā, ũi meadaquiyepe aivū náre, ne coatebenajiyeye aivū ũre jarūvarĳ.

<sup>11</sup> Jūmenijicu, yópe arĳ, toivaicōjenejaquemavu ũi yávaiyede: “űai ju ayū Jūmenijicure cūyoje tebecūyūvacaribe”, arejaquemavu.

<sup>12</sup> Jūmenijicu que aibi caivū pōevare, judĳovare aru judĳova āmevure máre. Caivū pōeva cūináturātamu ũi jáinoi. Jūmenijicu cūinácūrabe. Aru caivū ne jabocube ũ. Aru ũrarō

mearo đacasuyume Jūmenijicu caivū ěre jēniaivure. <sup>13</sup>Yópe arí, toivaicōjenejaquemavū ũi yávaiyede: “Ácu pōescu ũi jēniaru Jūmenijicure, ‘mū, ji jabocu’ arí, Jūmenijicu meadacuyume ěre”, arí toivaicōjenejaquemavū. <sup>14</sup>Apecu aquiijichūbi yure: Ūbenita pōeva jēniaivū buojabenama Cristore, ěre jū abevū baru. Aru jū aivū buojabenama ěre, jápiabevū baru ũi yávaiye méne. Aru jápiaivū buojabenama iye yávaiye méne, coyūipōeva ne buebedo náre. <sup>15</sup>Aru ũi yávaiye méne coyūipōeva bueivū buojabenama iye yávaiye méne, náre jarobedu, aquiijichūbi apecu. Jūmenijicu, yópe arí, toivaicōjenejaquemavū ũi yávaiyede: “Jesús ũi yávaiye méne coyūipōeva ne eaiyede pōeva yebai, torojure đaiyūbu náre ne ũmei”, arí toivaicōjenejaquemavū.

<sup>16</sup>Apecu ũi que aru, yópe arí, coyūjebu yū: Ūbenita ina jápiaivū bācavū obedivū jū abema na iye yávaiye méne. Isaías bācūvacari arejaquemavū Jūmenijicure: “Mū, ji jabocu, obebejina baju jū adama űje borore”, arejaquemavū Isaías bācu Jūmenijicure. <sup>17</sup>Aru cojedeca apecu aquiijichūbi yure: “Pōeva jū adama Cristore ne jápiaie bāquede ũi yávaiye méne. Aru pōeva jápiadama iye yávaiye méne coyūipōeva ne bueieye bāque boje náre”, aquiijichūbi apecu.

<sup>18</sup>Ūi que aru, yópe arí, coyūjebu yū: Jēniari jáivū mure: ěIsraecavū jápiarejaquemari cāreja Jūmenijicui yávaiye méne? Jájū, jāve jápiarejaquemavū na diede. Jūmenijicu, yópe arí, toivaicōjenejaquemavū ũi yávaiyede ũi cuedaiye bāque borore:

Jáicōjeñū pōevare cavarōre aru ne járu, majide đajebu náre pueno baju meacu Jūmenijicure. Aru ne járu caiye Jūmenijicui cuedaiye bāquede járavua coapa aru űmiá coapa máre, majide đajebu náre Jūmenijicui yávaiye jaubeda, arí toivaicōjenejaquemavū.

<sup>19</sup>Aru bediōva cojedeca jēniari jáivū mure: ěIna Israecavūvacari

coreóvarejaquemari aipe Jūmenijicu đacuyure? Jájū, jāve coreóvarejaquemavū na diede. Mamarūmure apevure ne jipocai Moisés bācūvacari, yópe arí, jū arejaquemavū ũi toivaie bāqueque Jūmenijicui yávaiyede: “Tebutede đacuyumu yū mūjare apevū pōevare, jāve pōeyajubocavū ānevūque. Aru jorojīne đacuyumu yū mūjare pōeyajubocavū ārūnevūque”, arejaquemavū Jūmenijicu Israecavure. <sup>20</sup>Aru Jūmenijicu toivaicōjenejaquemavū ũi yávaiyede Isaías bācure napimecava, yópe āri: “Ina pōeva ye vobevū bācavū yure, nárecabu eavū yure. Aru yū jáđovarejacacu ji baju ina pōeva ye jēniari jánevū bācavure yure”, arejaquemavū Jūmenijicu. <sup>21</sup>Ūbenita Israecavure ne borore Jūmenijicu arejaquemavū: “Caijārvūare cārijimene đaiyūridiivū yū ina pōeva jū abevure aru maucūvarivure yure”, arejaquemavū Jūmenijicu Isaías bācui toivaie bāquede.

**Jūmenijicu ũi jecurí beoino judiōvare**  
(Fil 3.5)

**11** <sup>1</sup>Que baru, ěIsraecavure Jūmenijicu jarūvaidi ěre jarūvarí? jēniari jáivū yū mūjare. iBi, ye que ānevū! iAipinūmū vaibéjarōri nópe! Jūmenijicu jāve jarūvabebi náre. Yūrecabu Israecacu. Abraham mácui pāramecūbu yū. Aru Benjamín āmicūriyajubo pōeyajubocacūbu yū. <sup>2-3</sup>Israecavū Jūmenijicui beoimaramu. Javede Jūmenijicu beorejaquemavū űjare ũi pōeva mārājivure. Jūmenijicu jarūvabebi űjare.

Aru mūja coreóvaivūbu jāve yópe arí toivaie bāquede Jūmenijicui yávaiyede Elíai coyūie bāquede Jūmenijicuque. Elías chíōñ arí jēniarejaquemavū Jūmenijicuque: “Mū, ji jabocu, jave boarí jarūvaquemavū mi yávaiyede coyūcaipōeva māvūre. Aru mi āimarare boarí juarí jícaivare máre mure jave bĵare đaquemavū die coapa. Aru yū quécūrabu mi yávaiyede coyūcaipōescu apucu cāreja. Que baru

yure máre boarí jaruvaiyuvivubu na”, arejaquemavu Elías Jūmenijicure.

<sup>4</sup>Ūbenita Jūmenijicucapūravu, yópe arí, coyurejaquemavu Elífare: “Siete mil paivu baju ūmva Israecavu curivu cāreja mearore jíbema na pēpeimure ūi āmiá Baal”, arejaquemavu Jūmenijicu Elífare.

<sup>5</sup>Quédecabu caride máre. Obebevu baju curivubu Jūmenijicui beomara mácavu, ūi cōmaje āroje jáiye boje majare. Jūmenijicu beoibi majare ūi me boje, mearo đacayu bojecubeda. <sup>6</sup>Beobebi majare maje mearo đaiye boje. Jūmenijicui beoru pōevare ne mearo đaiye boje, mearo đacaiye bojecube cubejebu. Quéнора úre bojedajebu na ne mearo đaiyede.

<sup>7</sup>¿Aipe arājidi maja caride? Yópe arājivubu maja: Ina Israecavu vorí durejaquemavu Jūmenijicu “Boropatebevu muja ji jáinore”, ūi coyūquiyeye aivu náre. Ūbenita caivu ebedejaquemavu ne ūrōre. Obebejina nácavu, Jūmenijicui beomara mácavu, earejaquemavu diede. Ūbenita Jūmenijicu caivu apevu nácavure jápiaicōjemenejaquemavu ūi cutuiyede náre. <sup>8</sup>Yópe arí, Jūmenijicu toivaicōjenejaquemavu ūi yávaiyede: “Jūmenijicu dápíabede đarejaquemavu náre aru coreóvabede đarejaquemavu náre máre. Javede aru caride máre jámenama na aru jápiabenama na Jūmenijicui đaiyede aru ūi ūrōre máre”, arí toivaicōjenejaquemavu. <sup>9</sup>Yópe arí, Jūmenijicu toivaicōjenejaquemavu David bácure:

Caiye iye meadaiye űuoibope baquiyébu. Náre jēni ture đaquiyebu. Aru űájine đaquiyebu náre. <sup>10</sup>Jūmenijicu jámene đajacurí náre, ne coreóvabeni űájinaiyeye ayu cainūma, arí toivarejaquemavu David bácu.

**Jūmenijicu ūi meadaino  
judíova āmevure**

<sup>11</sup>Que baru, čina judíova Jūmenijicure jáiyubeni aru jápiaiyubeni ne vainí tuiye

báque boje b́jarorejaquemari náre? jēniari jáivu mujare. iBi, ye que āmevu! iAipinūmu vaibéjarōri nópe! Ina judíova ju abedejaquemavu Jūmenijicui yávaiye méne. Que baru vainí turejaquemavu na Jūmenijicure jarūvarí. Iye ne vainí tuiye báque āmeina teiye barejaquémavu. Aru iye ne āmeina teiye boje, ina judíova āmevu jápiaivure Jūmenijicui yávaiye méne aru ju aivure máre, Jūmenijicu meadarejaquemavu náre, ina judíova ne jorojínaiyeye ayu. <sup>12</sup>Ina judíova ne āmeina teiye báque boje, apevu obedivu ijāravucavu eadama ūrarō mearore. Aru ina judíova ne baju boropatebevure Jūmenijicui jáinore eabe báque boje, ina judíova āmevu eadama ūrarō mearore. Que baru p̱eno ūrarō mearo baju baquiyébu ānijāravu baquinóre, caivu judíova Jūmenijicui meadaimara márajivubu ne jápiaiyede Jūmenijicui yávaiye méne aru ne ju aiyede Jesucristore.

<sup>13</sup>Caride coyuyabu mujare, judíova āmevure. Cristovacari yure bueicōjeame ūi yávaiye méne mujare. Que baru Jesús ūi yávaiye méne beorí coyūcōjeimūmu yu judíova āmevure. Dápiavū yu parūō ji memeinore. <sup>14</sup>Que teiyede, apevu jívū, judíova, jorojínajichuma ji bueiyede mujare. Que baru ju arājarama Jesucristore aru jápiarājarama Jūmenijicure máre, mujape, Jūmenijicui meadaquiyeye aivu náre. <sup>15</sup>Jūmenijicui ūbede ina judíova jáiyubevure úre aru jápiaiyubevure máre, apevu ijāravucavu cārijimenejaquemavu Jūmenijicūque. Que baru ūrarō mearo baju baquiyébu ānijāravu baquinóre, Jūmenijicui copu etaiyede ina judióvare, meadacuyū náre. Yópe yaivu b́cavu ne nacajaiye yainore jarūvarí ūrarō mearo bajutamu. <sup>16</sup>Páubore mama buraijevete pōeva ne j́du Jūmenijicure, caibo dibo máre Jūmenijicu jibobu. Aru jocucu űomure máre pōeva ne j́du Jūmenijicure, caiye dicu cavabua máre Jūmenijicui cavabuabu. Quédeca Abraham mácu Jūmenijicu jicu barejaquémavu. Que baru ūi pāramenacavu máre Jūmenijicu jinamu.

<sup>17</sup> Јосџу olivo āmicuricu cуvу jioi. Aru ņija judiova dicуpe paivubu. ņijeņecu mácу, Abraham mácу, dicу нџотуре páyубе. Aru apесу cуvу macarōcasу olivo āmicuricu. Dicуpe paivubu мџа, judiova āmevу. Olivocu jiocacure cavabuare burarī jarуvaquemavу. Que baru macarōcasу cavabuare ĩni, doaquemavу olivocu jiocacure. Que baru ņija judiova cadateivubu мџаре, judiova āmevure, nopedeca јосџу нџоi oco мџri cadateiyepе cavabuare. ņija meadacaivubu мџаре ņije јџе boje мџаре caiye Jūmenijicui mearo đacaiyede ņjare Abraham mácу yóbore. <sup>18</sup>Ћbenita мџjacapūravу āmeina jámejara ina judiovare, Jūmenijicui ũbemara mácavure, yópe cavabua buraicavabuare. Dápiabejarā мџа мџе јају ne pĥeno meara. Мџа máre cavabuare paivubu. Que baru cavabua āmevу јџе ocore нџомуare. Quénora нџомуаму јџе ocore cavabuare. Nopedeca мџа mearore đabevу ņija judiovare, quénora ņija mearore đaivubu мџаре.

<sup>19</sup>Ћbenita cūinácу мџjacасу acуyume yure, “Yópe јосџуare coreipōescui buraiyepе cavabuare јioi curicure, doacуyу apеcavabua macarōi curicui cavabuaque, nopedeca Jūmenijicu ĩnejaquemavу apеву judiovare ĩi pōevare јocarī, epеcуyу yure ne yebai”, acуyume yure cūinácу мџjacасу. <sup>20</sup>Jāvemu no. Jūmenijicu ĩnejaquemavу náre, ne ју abe báque boje úre. Aru cуvу náre dicui mi ју айе boje úre. Ћbenita dápiabeјacу мџ mi јају apеву pĥeno meacу. Quénora me đajacу aru me jáјacу мџ. <sup>21</sup>Yópe јосџуare coreipōescу đajocabepе caiye cavabuare јосџуcui, nopedeca Jūmenijicu caivу judiovare đajocabedejaquemavу ĩi pōevaque. Ћi ĩyepedeca ina judiova úre ју abevure, jáve мџre máre ĩcуyume úre mi ју abedu.

<sup>22</sup>Járijide apa. Jūmenijicu mearo đacarī бџојаibi pōevare. Aru ņájine đayу máre бџојаibi pōevare. ņájine

đaibi ina āmeina teivure, ју abeni vainí teivure úre. Ћbenita mearo đacaibi maja ју айвure úre, đaiyurivure ĩi urōpe. Cainumua мџе ју aru úre aru đaru yópe ĩi urōpe, ũ mearo đacacуyume мџаре. Ћbenita мџе ју abedu úre, ũ ĩcуyume мџаре máre úre јocarī. <sup>23</sup>Aru ina judiova Jūmenijicure ју abevу bácavу, ne ју aru úre aru ne јају dápiaimore oatұvarу, Jūmenijicu epеcуyume náre máre ĩi pōevaque cojedeca. <sup>24</sup>Мџа judiova āmevу јосџу macarōi curicu cavabuare buraimara mácavure paivubu мџа. Que baru мџе cójjiyе báque Jūmenijicui pōevaque yópe cavabua ne doaiye báquepebu јосџу јioi curicurā. Ћbenita ina judiova јосџу јioi curicu cavabua buraicavabua bácavure paivubu. Que baru ne cójjiyе баquiyé cojedeca Jūmenijicui pōevaque yópe cavabuare ne doarāјiyepedecabu dicу јioi curicurā cojedeca. Que baru maiyóјabevу no Jūmenijicure ĩi epеquino náre cojedeca ĩi pōevaque.

**Jūmenijicu ĩi meadaino judiovare**  
(1 Co 2.16, 8.6; Ef 4.6; Col 1.16)

<sup>25</sup>Мџа, јívу, ũvу yу мџе majinajiyepе ayу iye Jūmenijicui jáđovameno mácarōre јipocamia ũbenita jáđovainore caride. Diede мџа majidivу baru, “Me majidivubu ņija”, arī dápiabenajaramу мџа мџе ũmei. Jāvemu yo: Ina Israecavу Jūmenijicui yávaiye méne jápiaiyubema caride. Ћbenita apeјáravу баquinoi jápiarī ĩi yávaiye méne ју arājarama na diede. Na ју abenama pĥ caivу ina judiova āmevу Jūmenijicui meadaimara márajivу ne ју айета Jesucristore. Aru no yóboi, ina judiova máre jápiarī Jūmenijicui yávaiye méne ју arājarama diede. <sup>26</sup>Que teni Jūmenijicu meadacуyume caivу ina judiova ју arājivure úre. Yópe arī, Jūmenijicu toivaicōјenejaquemavу ĩi yávaiyede:

Ńai meadaipōescу dacуyume  
Jerusalén āmicurīmarore јocarī.  
Jarуvacуyume caiye ina Jacob  
bácui páramena ne āmeina

teiyede. Aru āṛumetecuyume diede. <sup>27</sup>Que teni ḏacacuyumu yu yópe “ḏacacuyumu mujare”, ji aiye báquepedeca, ji jaruvaiyede ne āmeina teiyede, āṛumetecuyu diede, arejaquemavu Jūmenijicu.

<sup>28</sup>Ina judíova Jūmenijicure maucvarivubu na, ju abevu ũi yávaiye méne. Aru ne que ḏaiye boje, Jūmenijicu meadaibi apevu mujare, judíova āmevure. Ūbenita ina judíovare Jūmenijicu ũbi, ũi beoiye báque boje neñecuva mácvure.

<sup>29</sup>Jūmenijicui mearo ḏacarí buiyede pōevare bojecubeda ũi me boje, aru ũi cutuiyede pōevare ũ jina mārājivure, jāve oatuvabebi ũi dápiaiñore. Dajocabebi ũi mearo ḏacaiyede aru ũi cutuiyede máre. Quénora buojaiibi iye mearo ḏaiyede ũi buiye báquede. <sup>30</sup>Aru mija judíova āmevcapūravu javede ju abedejaquemavu Jūmenijicure. Ūbenita caride ina judíova ne ju abede ũre, Jūmenijicu cōmaje āroje jáimi mujare.

<sup>31</sup>Nopedeca ina judíovacapūravu caride, Jūmenijicui cōmaje āroje jáiyede mujare, ju abema ũre. Ūbenita ju arājarama ũre ũi cōmaje āroje jáiyede mujare, ũi mearo ḏacaquiyepa aivu náre máre ũi cōmaje āroje jáiye boje. <sup>32</sup>Que baru Jūmenijicu ḏaicōjeimarape ḏaibi caivu pōevare, ne ju abe boje ũre, cōmaje āroje jáicuyu náre.

<sup>33</sup>Jāve Jūmenijicu pñeno meacu bajutame. Aru ũrarō cōmaje āroje jáimi caivu pōevare. Ūrarōmu ũi cūve cūvae, aru ũi majié, aru ũi coreóvaiye máre. Name couyie buojabema ũi dápiaiye, ũi me coreóvaiye boje caivu pñeno. Aru ñame coreóvarí buojabema ũi ḏaiyede, ũi me majié boje caivu pñeno. <sup>34</sup>Jūmenijicu, yópe arí, toivaicōjeneaquemavu ũi yávaiyede:

Pōecu cubebi Jūmenijicui dápiaiye de majicu. Aru pōecu cubebi majicarí buojayu Jūmenijicure. <sup>35</sup>Aru pōecu cubebi jícacu Jūmenijicure apejīene, Jūmenijicui bojecubenore cūvaquiyepa ayu ũre cojedeca, arí toivaicōjeneaquemavu.

<sup>36</sup>Que baru Jūmenijicūvacari cūedarejaquemavu caiyede. Ūi paruéque

caivu cūrivubu aru caiye máre cūvu. Aru ũi cūe boje caivu cūrivubu aru caiye máre cūvu. Que baru caivu jínajarevu mearore Jūmenijicure cainūmua. Quédecabu.

**Cūrājarevu memecarājivu  
Jūmenijicure  
(1 Co 12.4-12)**

**12** <sup>1</sup>Muja, jívu, Jūmenijicui pare cōmaje āroje jáiye boje majare, paredeca jēniaivu mujare, muje jēniarajiyepa ayu Jūmenijicūque, jāve muje ḏarājiyepa ayu yópe ũi ũrópe, caiyede me matuiyeda cainūmua. Yópe pōeva ne jícaiyepe āimara boaimara mácvure Jūmenijicure, jíjarā mija muje bajuáre. Ūbenita apūrivubu mija. Mujavacari epejarā muje bajuá coapa Jūmenijicure, memecarājivu ũre cūinácure. Yópe ḏarí coatejarā mija muje āmeina teiyede jaruvarí. Aru Jūmenijicu torojurí jáicuyume mujare. Nópe ḏaivu mija mearore jívu bu Jūmenijicure jāve muje ũmeque. <sup>2</sup>ḏabejarā mija yópe ijāravucavu Jūmenijicure ju abevu ne ḏare nuiyepa. Quénora Jūmenijicure oatuvaicōjejara mija, cūvarājivu mamaūmene aru muje dápiaiño mamarore máre mija coapa. Que teni mija buojarājaramu majidivu Jūmenijicui ũróre muje ḏarājiyede. Aru Jūmenijicui ũrō mearomu, torojure ḏaino, aru ye jaubenomu.

<sup>3</sup>Jūmenijicu pñeno meacu baju mearo ḏacaibi yure, jívu yo ji memeinore, ji memecaquiyepa ayu mujare. Que baru couyubu mujare, yópe arí: “Mearamu ñija”, arí dápiajekarā mija muje baju. Quénora “Jūmenijicui caḏatebedu yure, apejīene ḏaiye majibejebu yu”, arí dápiajarā mija coapa. <sup>4</sup>Maje baju cūinárovacaribu cūvae ũre cūepe. Ūbenita caiye iye mememevu cūináromia. <sup>5</sup>Quédecu maja, Jesúre ju aipōeva, obedivubu. Ūbenita cūinábajupe paivubu maja Jesúque. Cūinávupe Jūmenijicu cōjijovaiibi majare caivu apevuque. Que teni cūinábajupe paivubu maja.

<sup>6</sup>Jūmenijicu p̄eno meacu baju majide đaquemavu majare coapa bojecubeda ũi majiécārōre, maje cađatenajiyeye ayu ap̄ev̄ure. Que baru caivu maja coapa đaiye jaũvu majare yópe ũi majide đaiye báquepe. Jūmenijicui jídu ũi majiécārōre maje soyucarājiyeye ayu ũi yávaiyede, soyucarājarevu diede, aipino ũi majare jíno mácarōpe majare coapa. <sup>7</sup>Jūmenijicui jídu ũi majiécārōre maje memecarājiyeye ayu ap̄ev̄u Jesúre ju aivure, memecarājarevu náre. Jūmenijicui jídu ũi majiécārōre maje buenajiyeye ayu p̄ōevare, buenajarevu náre. <sup>8</sup>Jūmenijicui jídu ũi majiécārōre maje cađatenajiyeye ayu ap̄ev̄ure, cađatenajarevu náre. Majacavu jívu baru ne cūvecarōre ap̄ev̄ure, jíjarāri náre jecubev̄uva. Majacavu jaboteivu baru ina ju aip̄ōevare, ũrarō memejarari na. Majacavu cōmaje āroje jáivu baru ap̄ev̄ure aru mearo đacaivu baru náre, torojurivu náre mearo đacajarāri na.

**Aipe đaiye jaũrō Jesúre ju aip̄ōevare**

(Mt 5.44, 19.18-19, 22.21; Mr 12.17;  
Lc 6.28, 20.25; 2 Co 8.21; Ef 6.11-17; He 10.30, 13.2; 1 P 4.9)

<sup>9</sup>Ūjarā ap̄ev̄ure aru me đajarā náre jāve. P̄ucaũmea cubev̄uva cađatejarā náre. Ūbejarā āmenore. Cainũmua đajarā mearore. <sup>10</sup>Ūjarā m̄uja m̄uje bajumia. Torojurivu jájara m̄uja coapa ap̄ev̄ure m̄uje p̄uenocav̄ure aru p̄ueđajarā náre máre.

<sup>11</sup>Jūracubejarā. Quénora pare m̄uje đaiyueque memejara m̄uja. Memecajarā ũrarōreca maje jabocu Jesucristore m̄uje ũmeque.

<sup>12</sup>Napini coreiv̄ubu m̄uja Jūmenijicui mearo đacaquiyede m̄ujare. Que baru torojurā m̄uja cainũmua. Napijara m̄uja m̄uje n̄ájiyede. Aru ũetubev̄uva soyujarā Jūmenijicuque cainũmua.

<sup>13</sup>Jíjarā m̄uje cūvecarōre aru t̄auturare máre ina Jūmenijicui p̄ōevacav̄ure jaũéde. Me copu etajarā ina curādaiv̄ure m̄uje yebai ap̄enoacav̄ure.

<sup>14</sup>Jēniajara m̄uja Jūmenijicuque, ũi āmedabequiyeye aivu ina m̄uje mauvare.

Aru m̄ujavacari āmeina yávabejarā náre. Quénora jēniajara Jūmenijicuque, ũi mearo đacaquiyeye aivu náre.

<sup>15</sup>Torojurarā m̄uja ina torojuriv̄uque. Aru ch̄iori ojarā m̄uja ina ap̄ev̄u ch̄iori oiv̄uque.

<sup>16</sup>Cārijimenoque c̄ujarā m̄uja ap̄ev̄uque. Cūináturu m̄uje ũmei d̄ápijarā m̄uja. Aru jájara caivu ap̄ev̄ure cūináturu. D̄ápiabejarā m̄uja coapa “¿Meara márica?” ap̄ev̄u p̄eno. Quénora yóvajarā m̄uja ina cōmaje ārojariv̄ure. D̄ápiabejarā m̄uja ũrarō me majidiv̄ure.

<sup>17</sup>Apevu ne āmeno đaiyede m̄ujare, copu āmeno đabejarā náre. Jipocamia d̄ápijarā aipe đaiye jaũrōre, ap̄ev̄u ne járajiyeye aivu m̄uja jujovabev̄ure. <sup>18</sup>M̄ujacap̄uravu caiye m̄uje đaiyeque c̄arjimenena c̄ure đajarā m̄uje bajumia.

<sup>19</sup>M̄uja, ji yóvaimara, cainũmua n̄ájiine đabejarā m̄uja ap̄ev̄ure, ne n̄ájiine đaiye báque boje m̄ujare. Quénora corejarā Jūmenijicu n̄ájiine đacuȳure náre. Que baru yópe arī, Jūmenijicu toivaicōjenejaquemavu ũi yávaiyede: “Yurecabu n̄ájiine đacuȳu ina āmeina đaivu b̄acav̄ure ap̄ev̄ure. Yúvacari bojedare đacuȳumu náre yópe ne āmeno đaino mácarōpe”, arejaquemavu maje jabocu Jūmenijicu. <sup>20</sup>Que baru đajarā m̄uja yópe Jūmenijicui toivaicōjeiye báquepe ũi yávaiyede: “M̄uje mauvai n̄ájinu āv̄eina, jíjarā m̄uja náre ne āiyeva. Aru m̄uje mauvai ũcuiȳuru, jíjarā m̄uja náre ne ũcuiyeva. Que đarīburu yóboi, nácap̄urav̄u ch̄iõmenu m̄ujare ne n̄ájiine đaiye báquede, p̄eno ũrarō n̄ájiine đarājaramu m̄uja Jūmenijicui n̄ájiiovaquij̄arav̄u baquinóre ne mauc̄vae báque boje m̄ujare, m̄uje mearo đacaiyedeca náre”, arejaquemavu Jūmenijicu. <sup>21</sup>Āmenore đare đaicōjemejara ina āmeno đare đav̄ure m̄ujare. Quénora mearo đacajarā m̄uja caiv̄ure, b̄íjarorājiv̄u m̄uje mauva ne āmenore đaiyede.

**13** <sup>1</sup>Caivu ina jabovare Jūmenijicu jaboteicōjeimi ij̄arav̄ure. Que baru caivu p̄ōevare ju aiye jaũvu ina jabovare coapa. Aru ina jabova



Jūmenijicui epeimaramu. <sup>2</sup>Ácu pōescu maucuvacu baru jabocure, maucuvaibi Jūmenijicui epeimū mácure. Que teni ñai pōescu ñájicuyume ũi maucuvae boje. <sup>3</sup>Ina mearore ðaivu jidubema jabovare. Quénora ina ámenore ðaivu jiduma jabovare. Que baru muja jiduiyubevu baru jabovare, mearo ðajarā. Aru ina jabova me járajarama mujare. <sup>4</sup>Ina jabova Jūmenijicui epeimaramu na, me cadatenajivu mujare, aru mujare cadatede ðarājivu apevure máre. Ūbenita muja ámenore ðaivu baru, jidujarā náre. Nájine ðaivu buojadama na. Aru ñájine ðadama na ámeno ðaivure. Que teni ina jabova Jūmenijicui epeimara ñájine ðarājivubu ámeno ðaivure. <sup>5</sup>Que baru ju aiye jauvu mujare ina jabovare, ne ñájine ðabenajiyeye aivu aru “Boropatebevu yu”, muje arī dāpiarājiyeye aivu máre. <sup>6</sup>Que baru bojedaiyede máre jíye jauvu ina jabova ne tātura ícōjeiye boje caivu ne jaborōcavure. Jūmenijicuvacari ũi epeinore memeivubu ina jabova. <sup>7</sup>Bojedajarā muja ina jabovare caino mujare bojedaiye jaurōre. Aru pueðajarā caivu ina jabovare, mujare cōjeivure máre.

<sup>8</sup>Bojecube ðabejarā apevure.

Quénora cūinārora ðaiye jauvu mujare: Ūjarā apevure. Ácu pōescu ũcu baru apevure, ðaibi caiyede yópe Jūmenijicui ðaicōjeiye coyuiyeye. <sup>9</sup>Yópe ðaicōjeneaquemavu Jūmenijicu pōevare: “Cubekarā apevūque mujemarebucvare jarūvarī. Boarī jarūvabejarā pōevare. Ñavamejara. Āujimejara apevu ne cūvaede”, arī ðaicōjeneaquemavu. Caiye iye ðaicōjeiye aru caiye ape ðaicōjeiye máre cūināromia yópe aiynōmu: “Muja coapa ũjarā mujevure, yópe muje ũpedeca muje bajure”, aiyeubu iye. <sup>10</sup>Ácu pōescu ũcu baru ũ jivure, ye ámenore ðabecuyume náre cainumua. Que baru pōescu ũcu baru ũ jivure, ñai ðaibi caiyede iye ðaicōjeiye coyuiyeye.

<sup>11</sup>Aru caiye iye ji coyuiyeye ðaiye jauvu mujare, muje majié boje ijāravui vaiyede. Cāivupe paivubu muja.

Ūbenita coedaiye jauvu mujare. Jesúí copaidaquijāravu, ũi ñuvaquijāravu baquinó majare cavarō mearo ũi curōi, joabevu caride, maje Jesúre mamarumu ju aijāravu bácarō pueno. <sup>12</sup>Maje cuede ijāravui yópe ñamipe painomu. Ūbenita joabevu miadāe tuiyeye paino maquinó, Jesúí copaidaquiyede yore. Que baru dajocaiye jauvu majare caiye iye ámeina teiyede, pōeva ne ðare nuiyede ñami, apevu ne járī buojabede náre. Quénora ðaiye jauvu majare caiye iye me teiyede yópe Jūmenijicui ũrōpe, pōeva ne ðare nuiyede jāravu, apevu ne jáiyede náre. Que baru yópe churara boaicarovede ĩni, ũi meateiyeye boacūyu ũi mauvare, nopedeca Jūmenijicui majiéque meateiye jauvu majare, ðabeburī ámenore. <sup>13</sup>Que baru jauvu majare maje ðare nuiye yópe curivupe jāravu, apevu ne járī buojaiyede náre. “Ūcurajare” abeni, ũrarō boqueiyede ũcumeni, pacotebejarā muja. Aru ámeina ðabejarā muja apevūque mujemarebucvua ámevūque. Aru jarabeni jorojimejara muja apevūque máre. <sup>14</sup>Ūbenita maje jabocu Jesucristore jēniajara, ũi cadatequiyeye aivu mujare, muje curājiyeye aivu yópe ũi ũrōpe. Aru muje ámeina ðaiyūpe dāpiaiyede dajocarī, ðabejarā muje ũrō ámenore.

“Ámenamu”, arī yāvabejarā  
mujacavure

(2 Co 5.10; Col 2.16)

**14** <sup>1</sup>Me coru etajarā muja ina Jesúre ju aivu coreóvabevure cāreja aipe ne ju aiye de Jesúre. Aru, “Majibevu muja”, arī yāvabejarā náre. <sup>2</sup>Apevu Jesúre ju aipōeva me coreóvaivu aipe ne ju aiye de Jesúre, ádama áde āiyede. Ūbenita apevu Jesúre ju aipōeva coreóvabevu cāreja iye ne ju aiye de Jesúre, átema áimajiaruare, ne dāpiaiyeye boje Jūmenijicu ũbecure náre áimajiaruare āivure. <sup>3</sup>Muja caijiene āivu ámeina jámejara ina áimajiaruare ámevure. Quédeca muja áimajiaruare ámevu ámeina yāvabejarā ina caijiene āivure. Jūmenijicuvacari me jáñu

coatebebi ina caijiene aivure ù jinare jocarí. <sup>4</sup>Jaruvarí buojabevu mu apecu ùmure memecayure. Quénora ñai ùi memecaimu quécu cùinácunabe buojarí jaruvayu o mautede ðayu úre. Nópe mi jaruvarí buojabepedeca apecu múcacure, Jümenijicucavari, caivu ne jabocu, jaruvacuyume o mautede ðacuyume úre.

<sup>5</sup>Aru apevu Jesúre ju aipöeva áruvivubu cùinájárvure me apejávruva pueno. Ùbenita apevu Jesúre ju aipöeva áruvivubu cùináturu járvruva coapa. Majijjarári caivure jávene ne dápiainore. <sup>6</sup>Majacavu me áruvivu baru cùinájárvure apejávruva pueno ðadama nópe, pueðarájivu Jümenijicure. Aru majacavu áruvivu baru cùináturu járvruva coapa ðadama nópe, pueðarájivu Jümenijicure. Aru majacavu caijiene aivu nópe ðadama, pueðarájivu Jümenijicure, aru torojuede jíyama úre, ùi jíye boje náre ne áiyeva. Aru majacavu áimajiaruare ámevu máre nópe ðadama, pueðarájivu Jümenijicure, aru torojuede jíyama úre, ùi jíye boje náre ne áiyeva.

<sup>7</sup>Pöecu cubebi majacavu jëneboi jaboteyu ùi baju ùi apuéde cäreja. Jesúre ju aipöecu cubebi cùinácuna. Quédeca pöecu cubebi jaboteyu ùi baju ùi yayiede máre. Jesúre ju aipöecu yaiðébi cùinácuna. <sup>8</sup>Maje apuéde cäreja maje jabocu jinamu maja, pueðarájivu úre. Aru maje yayiede máre maje jabocu jinamu maja, pueðarájivu úre. Que teni apuvivu baru maja cäreja, Cristo jinamu maja. Aru yaivu bácvu baru máre, Cristo jina márajivubu maja. <sup>9</sup>Cristoi yayie báque boje aru ùi nacajaiye báque boje yainore jaruvarí, jaboteyube ù caivure, apuvivure aru yaivu bácvure máre.

<sup>10</sup>¿Aipe teni apevu mujacavu ámeina yávaivurú apevu Jesúre ju aipöevare, mívure paivure? ¿Aru aipe teni apevu mujacavu ámeina jáivurú apevu Jesúre ju aipöevare, mívure paivure? Nópe ðabejará muje baju. Caivu maja núrajaramu Cristoi coyquiyede maje ðaiye báquede méne o ámene

ùí jáinoi. <sup>11</sup>Yópe arí, Jümenijicu toivaicöjenejaquemavu ùi yávaiyede:

Yópe aibi maje jabocu: “Ji cainumua cue boje, coyuyubu mujare yópe vaiquiyede jáve. Caivu ijárvucavu ñuatutarí mearore jínajarama yure. Caivu ijárvucavu coyarájarama yure, ‘Jümenijicutamu mu. Ññje jabocubu mu’, arájarama caivu”, arejaquemavu Jümenijicu.

<sup>12</sup>Que baru caivu majavacari coyarájaramu Jümenijicure maje borore, caiye maje ðaiye báquede.

#### Ámeno ðare ðabejará mujevure

(Mt 15.1-20; Mr 7.1-23)

<sup>13</sup>Que baru ámeina yávenajarevu majevure. Quénora majijjará muje ùme muja ámeina teivure. Que baru mearo ðajará, mujevü ne vainí tubenajiyeye aivu, ne jáiye boje muje ámeina teiyede. <sup>14</sup>Yu jáve coreóvaivu ye áiye cubede yure ámedaiye, yure coavaiye Jümenijicure jaruvarí. Nópe buedejaquemavu maje jabocu Jesucristo. Ùbenita apecu “Ámetede ðaivu yure”, ùi arí dápiaru apejiene, diedecabu ámetede ðaiye úre. Que baru maja coapa dápiarí majidivubu ámeina teiyede.

<sup>15</sup>Áiyeque muje chíore ðaru apevu Jesúre ju aipöevare ne ùmei, meamejebu no. Muje nópe ðaiyeque, jáðovajebu muja ubevure náre. Jesucristo yaidéjaquemavu bojeðayu náre máre. Que baru bíjarobejará muja náre, ne coatenajiyeye aivu Jümenijicure jaruvarí, muje apejiene áiyue boje. <sup>16</sup>Que baru muja ðaivu baru apejiene, méne muje jáiyede, “Boropatebevü yu”, muje arí dápiayede muje ðaiyede diede, aru pöevare cadateiyede máre, ùbenita apecu Jesúre ju aipöecu ámeina járu, o ámeina yávaru diede, dajocajará muje ðaiyede. Quénora ðabejará muja diede.

<sup>17</sup>Jümenijicu maje jabocube. Ùbenita majare jabotebebi maje ári aru úcuri teiye boje. Quénora cujará me nurie ðaivu, cárijimena, aru torojrivü, yópe ñai Espíritu Santoi cöjeiyepe majare.

Nópe ðaru, Jūmenijicu jaboteibi majare. <sup>18</sup>Aru caivu ina memecaivu Cristore nópe ðaivu, nárecabu me Jūmenijicure torojure ðaivu, aru pōevare máre me járe ðaivu, aru me yávare ðaivu náre.

<sup>19</sup>Que baru cainumua cārijimene ðarājarevu maja apevure. Aru cainumua cadatenajarevu maja apevu majacavure, pñeno parurōreca ne ju are nurajiyepa aivu Jesúre aru pñeno me ne surājiyepa aivu úque. <sup>20</sup>Jūmenijicu pōevare ju are nure ðaibi pñeno parurōreca Jesúre. Que baru mujacapuravu āmedabegarā náre ne ju aiyede Jesúre, mje apejene āiyue boje. Aiyede cubevu āmedaiye pōevare, náre coavaiye Jūmenijicure jaruvārī. Ne āru mje āiyepedeca aru “Āmeina ðaiyebu ñjare”, arī dāpiaru, mujacapuravu āmeno ðajebu náre, mje āiyede boje. <sup>21</sup>Que baru āmejara mja āimajiaruare, aru ūcumejara boqueiyede máre, aru ðabejarā caiye apejene, mujacacu Jesúre ju aipōecu vainī turī ūi ðabequiyepa aivu āmenore mje ðaiyede jári. <sup>22</sup>Mje dāpiainore mje āiyede, mje ūcuiyede, aru mje ðaiyede máre coyubejarā apevure. Quénora Jūmenijicuvacari coreóvacuyume diede. Nai pōecu caiyede ðayu baru, “Boropatebevū yu”, arī dāpiarī, ūrecabe Jūmenijicui torojure ðaimū. <sup>23</sup>Ūbenita ñai pōecu “Majibevū yu mearore ji āino, ji ūcuino, aru ji ðaino” arī dāpiayu baru, ūrecabe Jūmenijicui āmeina jáimū. Ūi nópe ðaiyede, “Majibevū yu Jūmenijicu ucure diede” arī dāpiayu baru, boropateyube ū Jūmenijicui jáinore. Caiye mje ðaiyede, “Meaquiyebu” arī dāpiabevū baru, āmeina teivubu maja.

#### Torojure ðarājarevu majacavure

**15** <sup>1</sup>Maja Jesúre ju aipōeva me coreóvaivubu aipe mje aiyede Jesúre. Que baru majare cadateiyepa javvu apevure, Jesúre ju aipōeva coreóvabevure cāreja aipe ne ju aiyede Jesúre, ne vainī tubenajiyepa aivu āmeina teiyede. Mje urōpe ðaiye javbevū majare. <sup>2</sup>Quénora ðacaiye javvu majare apevu Jesúre ju aivure, torojure

ðarājivu náre aru parure ðarājivu ne ūmene. Nópe ðaiye javvu majare, ne pñeno urarō majinajiyepa aivu aipe ne ju aiyede Jesúre. <sup>3</sup>Cristovacari ūi baju torojure ðabedejaquemavu. Quénora vaidéjaquemavu ūre yópe Jūmenijicui toivaicōjeiyepa báquepe ūi yávaiyede: “Pōeva ne āmeina yávaiyepa mure, āmeina yávadama yure máre”, arejaquemavu Jūmenijicure. <sup>4</sup>Aru caiye iye toivaie báque Jūmenijicui yávaiyede toivaicōjenejaquemavu, mje buenajiyepa ayu. Mje bueiyede diede, napivubu mje ñájiyede aru torojurivubu. Que baru napini coreivubu Jūmenijicui mearo ðacaquiyede majare. <sup>5</sup>Aru Jūmenijicu napine ðaibi pōevare, aru torojure ðaibi náre máre. Que baru cure ðajacurī mujare cārijimevūva cūináturu mje ūme, mje ðarājiyepa ayu nópe Jesucristoi ðaiye báquepe. <sup>6</sup>Que teni caivu mja, cūináturu mje ūme aru cūinácumua, jjarā mearore Jūmenijicure, mje jabocu Jesucristoi mearore jímure, jipacure máre.

#### Judíova āmevu ne jápiaino Jūmenijicui yávaiye méne

<sup>7</sup>Copu etajarā mja mjevure yópe Jesucristoi copu etaiyepa majare, pōeva ne mearore jínajiyepa aivu Jūmenijicure. <sup>8</sup>Yu coyuyubu mje yópe: Cristo ðarejaquemavu memecaipōecu, judíovare cadatecuyū. Que ðarī, jáðovarejaquemavu Jūmenijicure jáve ðayure yópe “Ðacacuyumu yu”, ūi aiyede báquepedeca. Cristo jáve ðarejaquemavu caiye iye Jūmenijicui coyuiyepa báquepedeca judíovai ñecuva mácavure. <sup>9</sup>Aru Cristo máre mearore jíde ðarejaquemavu Jūmenijicure ina judíova āmevure, Jūmenijicui cōmaje āroje jáiye boje náre. Yópe arī, Jūmenijicu toivaicōjenejaquemavu ūi yávaiyede Cristorā:

Ji cuede judíova āmevu jēneboi, mearore jícuymu yu mure. Aru yuriacuyumu yu, torojuede máre jícuymu mure, arejaquemavu Jūmenijicure.

<sup>10</sup>Aru yópe arí, Jūmenijicu  
toivaicōjenejaquemavu ũi yávaiyede:

Muja, judíova āmevu, torojujarā  
muja Jūmenijicui beoimaraque,  
arí toivaicōjenejaquemavu.

<sup>11</sup>Aru yópe máre arí, Jūmenijicu  
toivaicōjenejaquemavu ũi yávaiyede  
cojedeca:

Caivu muja judíova āmevu, mearore  
jíjarā Jūmenijicure. Muja, caivu  
pōeva, mearore jíjarā ũre, arí  
toivaicōjenejaquemavu.

<sup>12</sup>Aru Jūmenijicu Isaías bācure, yópe arí,  
coyūcaicōjenejaquemavu ũi yávaiyede:

Isaí bācui pāramenacacu  
bacuyú dacuyume. Jūmenijicu  
epescuyume ũre, ũi jabotequiyepa  
ayu ina judíova āmevure. Aru  
ũ napini corede đacuyume  
ina judíova āmevure, arí  
toivarejaquemavu Isaías bācu.

<sup>13</sup>Jūmenijicu napini corede đayube  
mujare. Que baru me torojure đajacurí  
mujare me aru cārijimenoque cure  
đajacurí mujare, muje ju aye boje ũre.  
Nópe đajacurí ũ mujare ũai Espírиту  
Santoi paruéque.

<sup>14</sup>Muja, jívu, yúvacari jāve majivu  
mujare meara baju cađateivure aru me  
majidivure aipe đaiye jaurōre mujare,  
mujare majicarājiyepa ayu mujevure.

<sup>15</sup>Ūbenita iyoca paperayocare apacure  
toivaicōjeivun yu mujare yavebecuva. Yo  
ji coyūno diyocaque ārure đaiyu aipe  
đaiye jaurōre mujare, Jūmenijicui epeiye  
beorí coyūcōjeimure, ũi mearo đacaiye  
bojecubeque. <sup>16</sup>Que teni yurecabu  
Jesucristore memecaipōecu, buescuy  
ina judíova āmevure. Yópe sacerdote  
ũi memeiyepe Jūmenijicui cūrami jívu  
memeñmu yu, cađatecuy pōevare ne  
mearore jíyede Jūmenijicure. Coyuyubu  
Jūmenijicui yávaiye méne náre, ũ jina  
marajiyépe ayu yópe jícaiyepa ũre,  
torojūquiyepa ayu ne ju aiyede Cristore.  
Ūai Espírиту Santo epeyube náre, judíova  
āmevure, Jūmenijicu jinava.

<sup>17</sup>Yurecabu cūc Jesucristoque  
cūinávure. Que baru torojuvu yu

memecayū me Jūmenijicure. <sup>18</sup>Yu  
yávaquijivu jidubecuva cūináro ji  
coyūquinore. Coyūquijivu aipe Cristo  
yure buede đayure aru aipe ju are  
đayure Jūmenijicure ina judíova  
āmevure máre. <sup>19</sup>Ūai Espírиту Santo  
parure đabi yure, ji đaquiyepa ayu  
pōeva ne jámene aru ne đarí majibede  
máre, ne coreóvarājiyepa ayu jāve ji  
coyūiyede. Que teni cucunuri cainoa  
joborōare Jerusalén āmicurímarore  
jocarí pu Iliria āmicuríjoborōita,  
coyūcacu caiye iye Jesucristoi yávaiye  
méne ĩmaroa coapa. <sup>20</sup>Cūináromu  
ji urō. Coyūiyuvu yu iye yávaiye  
méne áro ĩmaro ne jápiabenoí cāreja  
Cristorā, đabecuyū apevu ne memeni  
buino mácarōre. <sup>21</sup>Que baru yópe arí,  
Jūmenijicu toivaicōjenejaquemavu ũi  
yávaiyede:

Ina coyūbemara mácavu ũi borore  
cāreja járajarama na. Aru ina  
jápiabevu bācavu ũi borore cāreja  
jápiarí coreóvarājarama na máre,  
arejaquemavu Jūmenijicu.

#### **Pablo ũi jácūnuiyurō Romacavure**

(Ro 1.13; 1 Co 9.11, 16.1-4)

<sup>22</sup>Que baru obedinmua  
jácūnuiyuriducacu yu muje yebai.  
<sup>23-24</sup>Ūbenita caride jave buojavu yu  
ji memeiyepe yo joborōre. Que baru  
obediūja joe jácūnuiyuriduyū, napini  
coreivu yu ji jácūnuquiyede mujare  
joabejēna. Ji nuquiyede España  
āmicuríjoborōi, mauteiyuvu yu muje  
yebai obedijārvua, coreóvacuyū mujare  
coapa aru muje cađatenajiyepa ayu yure  
ji eaquiyede España āmicuríjoborōi, ji  
curíburu yóboi mujaque.

<sup>25</sup>Ūbenita carijie nuquijivu Jerusalén  
āmicurímaroi, cađatecuyū Jesúre ju  
aipōevare noi. <sup>26</sup>Ina Jesúre ju aipōeva  
cójjivaivū Macedonia aru Acaya  
āmicuríjoborōacavu máre torojurivu  
jíyuma ne tātūrare, cađatenajivu ina  
Jerusalén āmicurímarocavu Jesúre ju  
aivucavu cūve cūvabevure. <sup>27</sup>Name  
jícōjemema náre. Quépora torojurivu  
“Jínajarevu, cađatenajivu ina cūve

cuvabevure”, aquemavu na. Ûbenita jãve nãre caðateiye javvu. Cristoi ðaquiyee jipocare maja judíoova quévura cuvarejaquemavu Jũmenijicui mearo ðacaiyede majare. Aru majarecabu coreóvare ðaivu ina judíoova ãmevure Jesucristoi yávaiye méne, ne cuvãrãjiyeepe aivu iye Jũmenijicui mearo ðacaiyede nãre máre. <sup>28</sup>Yũ jiyũ bãcu ina Jerusalécavu judíoova Jesúre ju aivure caiye iye judíoova ãmevu ne jíye báquede, ina judíoova ne majinajiyeepe ayu arevu judíoova ãmevu jãve ju aivure Jesúre napedeca, etaquijivu nore jocarĩ nucuyũ España ãmicurijoborõi, aru jácudaquijivu muje yebai, noi nuñvucarĩ. <sup>29</sup>Aru ji eaiyede muje yebai, majivu yũ Jesucristore mearo ðacacuyure majare.

<sup>30</sup>Muja, jívu, parurõque jẽniaivu mujare, maje ju aiyee boje maje jabocu Jesucristore aru ñai Espíritu Santoi uede ðaiye boje majacavure. Jẽniaivu yũ mujare, muje jẽniacarãjiyeepe ayu yure Jũmenijicuique parurõreca. <sup>31</sup>Jẽniajara úque ina Judea ãmicurijoborõcavu Jesúre ju abevu ne ãmeina ðabenajiyeepe aivu yure. Aru jẽniajara Jerusalén ãmicurii marocavu Jesúre ju aivu máre ne torojurĩ jacorurãjiyeepe aivu ji nuvacaquiyede nãre. <sup>32</sup>Que teni Jũmenijicui urĩburu, yũ torojucu eacuyumu muje yebai. Aru ji cue mujaque torojure ðaquiyebu yure máre. Caiye diede jẽniacajarã yure Jũmenijicuique. <sup>33</sup>Yũ jẽniaivu Jũmenijicure, ñai cãrijimenoque cure ðayure pòevare me, ñi cuquiyeepe ayu caivu mujaque. Quédecabu.

**Pablo ñi meaicõjeino Romacavure**

(Mr 15.21; Hch 16.1, 18.2, 19.29;

1 Co 1.14; 2 Ti 4.20)

**16** <sup>1</sup>Majevucaco õi ãmiã Febe ju aðobe Jesúre majapedeca. Que baru uvu yũ muje me jacoruiyede óre. Õ caðateipòecobe ina Jesúre ju aivu cójijinocavure Cencrea ãmicurii marocavure. <sup>2</sup>Me jacorurãjarã óre, õi Jesúre ju aiyee boje. Nópe ðaiye

javvu caivu Jesúre ju aipòeva arevu ju aivure. Óvucarĩ me caðateibico obedivu pòevare aru yure máre. Que baru caðatejarã caiye óre javéde.

<sup>3</sup>Meajarari Prisca aru Aquila máre, ji yóvaimara; memecaivu Jesucristore boje. <sup>4</sup>Ina yainíduima yure boje, ji mauva ne boarĩ jaruvãriðuiyede yure. Que baru urarõ pare torojuede jívu yũ nãre. Aru caivu ina judíoova ãmevu Jesúre ju aipòeva máre torojuede jívu nãre. <sup>5</sup>Aru quédeca meajarari caivu ina Jesúre ju aipòeva cójijivaivu ne cõrami jívu.

Meajacurĩ ñai ji uvu Epeneto. Æ ju ãme Jesúre caivu arevu Asia ãmicurijoborõcavu jipocai. <sup>6</sup>Meajacorĩ ico María. Pare urarõ memecaibicoða õ mujare. <sup>7</sup>Meajarari ina Andrónico aru Júnias máre. Ina yúpe paivu judíovabu. ãmeina teivure jẽni jacoĩñami cãteima na yúque. Arevu ina Jesúre ju aivu ne daroimara coyurãjivu Jesús ñi yávaiye méne me puedadama nãre. Aru Jesúre ju arejaquemavu na ji jipocai.

<sup>8</sup>Meajacurĩ ñai Ampliato, ji uvu. Æ ji yóvaimume Jesucristoque cõinãvure. <sup>9</sup>Meajacurĩ ñai Urbano, maje yóvaimu memecayũ Cristore. Aru meajacurĩ ñai Estaquis, apecu ji uvu. <sup>10</sup>Meajacurĩ ñai Apeles. Æ jáðovaimi jãve ñi ju aiyede Jesúre. Meajarari ina Aristóbulo cõramicavu. <sup>11</sup>Meajacurĩ ñai Herodión. Æ máre judíovacacube. Aru meajarari ina Narciso cõramicavu Jesúre ju aivu máre. <sup>12</sup>Meajarari ina purãrã nomiva Trifena aru Trifosa máre. Urarõreca memecadama na maje jabocu Jesúre. Aru meajacorĩ maje uvu Pérsida. Õ máre pare memecaibico maje jabocu Jesúre.

<sup>13</sup>Meajacurĩ ñai Rufo. Caivu majidivubu úre me ju ayure maje jabocu Jesúre. Aru meajacorĩ Rufoi paco máre. Õ me caðateibico yure yópe jipacope baju. <sup>14</sup>Meajarari ina Asíncrito, Flegonte, Hermes, Patrobas, Hermas, aru caivu ina Jesúre ju aipòeva náque curivu máre. <sup>15</sup>Meajarari ina Filólogo aru Julia máre, Nereo aru ñi yóco Olímpas, aru caivu

ina Jūmenijicui pōeva náque curivũ máre.

<sup>16</sup> Me jacoyujarã muja mujevure, muje jivare nuri, muje Jūmenijicu jina mae boje. Caivũ Jesúre ju aipōeva cójjiñocavũ meaicōjedama mujare.

<sup>17</sup> Muja, jívu, yũ parũrōque jēniavũ mujare yópe: Me jájara ina maucvare ðaivure ajevure. Me jájara ina vaini ture ðarĩduivure ajevure, dajocare ðaiyurĩduivure náre ne ju aiyede Jesúre. Me jájara ina buevure apeno bueinore muje bueiye báquede jaruvarĩ. Yóvabejarã náre. <sup>18</sup> Ina pōeva dápiabenama aipe memecaiye jaurōre náre maje jabocũ Jesucristore. Quénora dápiadama na ne ārājiyede. Ūbenina yávadama yávaiye jāvepe painore. Ūbenita jujoadama na ina majibevure.

<sup>19</sup> Caivũ pōeva jápiaivũbu muje borore, paruéque ju aivure Jesús ũi yávaiye méne. Que baru torojurĩ ārũvu yũ mujare. Yũ ũvu mujare me majidivure mearo ðaiyede, muje cadatenajiyepe ayũ ajevure. Ūbenita yũ ũvu ye majibevure mujare ámeno ðaiyede, muje ámeina ðabenajiyepe ayũ ajevure. <sup>20</sup> Aru Jūmenijicu, ñai majare cārijimenoque me cure ðayũ, maumejiena mujare bjárocuyũme ñai abujuvai jabocure, ũi ámiá Satanás. Maje jabocũ Jesucristo me caðatejacurĩ mujare cainũmua, ũi me boje.

<sup>21</sup> Timoteo, yáque memeiũ memecayũ Jesúre, meaicōjeimi mujare. Aru ajevũ judíova máre, Lucio, Jasón, aru Sosípater máre meaicōjedama mujare.

<sup>22</sup> Yũ, Tercio, toivacayũ Pablöre ũi coyũiyede mujare iyoca paperayocare, mujape páyũ yũ máre ju ayũ Jesúre, meaicōjeivũ mujare.

<sup>23</sup> Yũ, Pablo, cuvũ Gayoi cūrami. Aru ũi cūrami Jesúre ju aipōevai cójjiñamimu. Ñai Gayo meaicōjeimi mujare. Aru Erasto, yo ímarocavũ ne tātũtare coreipōecu máre, meaicōjeimi mujare. Aru Cuarto máre, apescu majescu, Jesúre ju ayũ, meaicōjeimi mujare.

<sup>24</sup> Maje jabocũ Jesucristo me caðatejacurĩ mujare cainũmua, ũi me boje.

#### **Pablo ũi jino mearore Jūmenijicure**

<sup>25</sup> Mearore jjárãri Jūmenijicure caivũ cainũmua. Jūmenijicu parure ðarĩ buojaibi mujare muje ju aiyede Jesús ũi yávaiye méne. Iye yávaiye méne coyũyũbu yũ. Jesucristoi borore Jūmenijicui jáðovameno mácarōre jipocamia ũbenita jáðovainore caride coyũyũbu yũ. <sup>26</sup> Ūbenita cari ina Jūmenijicui yávaiyede coyũcaipōeva mácavũ ne toivaiye báque boje, iye Jūmenijicui yávaiyede jāvene majidivũ buojaadama caivũ pōeva. Javede ajevũ pōeva majidejaquemavũ iye yávaiyede. Aru Jūmenijicu, cainũmua arũcũ, coreóvaicōjeimi diede caivũ pōeyajuboacavũ, ne ju arājiyepe ayũ Jūmenijicure, ne ðarājiyepe ayũ ũi urōpe. <sup>27</sup> Jūmenijicu cūinácũrabe ũ. Aru caiyede majibi ũ. Cainũmua pōeva mearore jjárãri úre, Jesucristoi ðaiye boje. Quédecabu. Quénoramũ.

# 1 Corintios

Mamabuinore coyuiyebu Pablo bácu ùi toivaicōjeiye báquede mamayoca paperayocare Corinto āmicurīīmarocavū Jesúre jū aipōevare. Pablo bácu judíovacacu bácvacari, Jesús ùi yávaiye méne beorī coyucōjeimū marejaquémavū, coyucuyū ùi yávaiye méne judíova ānevure, judíova ne jū abe boje ùi coyuiyede. Lucas bácu coyurejaquemavū Pablo bácu borore Hch 7:57-8:1, 9:1-31, 13:1-28:31, aru ùi cuede Corinto āmicurīīmaroi 18:1-18. Javede Pablo bácu toivaicōjeiye bácu toivaicōjeneaquemavū pucayoca ùi paperayocare Tesalónica āmicurīīmarocavure. Pablo bácu coyurejaquemavū ùre toivaicōjeiye bácu aipe ùi toivacaquiye báquede diyocare. Toivaicōjeneaquemavū diyocare āniujua báquede 54-55 d.C., yóbecue ùi cucunuiyede, coyucuyū Jesús ùi yávaiye méne. Curejaquemavū Éfeso āmicurīīmaroi ùi toivaicōjeiye diyocare (16:8, Hch 19).

Diyocaque Pablo bácu coyurejaquemavū aipe ðaiye jauřore Jesúre jū aipōevare. Coyurejaquemavū Corintocavū ne jēniari jáiye báquede ùre ne paperayocaque purābuoiyede (cap. 7), āiyede pōeva ne jíye báquede pēpeimarare (cap. 8), Espiritu Santoi majide ðaiyede Jesúre jū aipōevare ùi majiécarōque (caps. 12-14), aru ne jínaiyede ina Jesúre jū aipōeva Jerusalén āmicurīīmarocavū cuve cuvabevure (cap. 16). Aru jararejaquemavū Corintocavure ne yajuboa tede ðaiyede (caps. 1-3), ne nājine ðabe boje nácacu āmeina ðaipōescure (cap. 5), ne coyuiye boje ne jaraiyede ne bajumia āmeina teivure jēniari jáipōeva Jūmenijicure coreóvabevū ne jivateinoi (cap. 6), aru ne āmeina teiyede ne cōjjivaiyede (cap. 11). Jáđovarejaquemavū aipe ðaiye jauřore Jesúre jū aipōevare ùi coyuiyeque Jesúsí daroimarare coyurājivure ùi yávaiye méne (cap. 4), ùi baju ðaiyede (cap. 9), aru Israecavū bácvū ne ðaiye báquede (cap. 10). Aru ārure ðarejaquemavū náre Jesús ùi yávaiye méne (cap. 15).

## Pablo ùi meaicōjeino Corintocavure

(Hch 18.1)

**1** <sup>1-2</sup>Yū, Pablo, toivaicōjeivū apecure iyoca paperayocare. Meaicōjeivū mūja cōjjivaiivū Corinto āmicurīīmarocavū Jūmenijicui pōevare. Jūmenijicu beorī epeibi yure Jesucristoi yávaiye méne beorī coyucōjeimaracacure. Sóstenes máre, majecu ùi jū aipe boje Jesúre majapedeca, meaicōjeimi mūjare. Caivū mūjarecabu Jūmenijicui cutuimara mácvū ū jinava meara baju. Mūjarecabu cūřivū Jesucristoque cūinávure, yópe caivū pōeva cainoa jaborōacavure mearore jívū maje jabocu Jesucristore. Ūrecabe ne jabocu aru maje jabocu máre. <sup>3</sup>Majepacu Jūmenijicu, maje jabocu Jesucristomaque, mearo ðacajacurī mūjare bojecubeda ùi me

boje. Aru torojurī cure ðajacurī mūjare cārijimevūva.

## Cristo ùi mearo ðacaiyede ùre jū aivure

<sup>4</sup>Cainūmua Jūmenijicure torojuede jívaiivū, ji mearore jímvure, mūjare boje. Jūmenijicu Jesucristore mearo ðacare ðaibi mūjare bojecubeda. Que baru ùre torojuede jíyūbu. <sup>5</sup>Mūje cue boje Jesucristoque cūinávure, Jūmenijicu mearo ðacaibi mūjare urarō baju. Caiye ū jiede coreóvare ðaibi mūjare. Aru diede mūjare me coyure ðaibi majiéque apevure máre. <sup>6</sup>Pueno baju mūje coreóvare nuiyede Jūmenijicui yávaiyede jávene Cristorā, pueno baju oatvavi mūjare, mūje mearo ðarājiyepē ayū. <sup>7</sup>Que baru caride mūje napini coreiyede maje jabocu Jesucristoi copaidaquiye, ye

jaubevu mujare cūinájino Jūmenijicui majiécārō iye ũi majide ðaiye ũi pōevare Espiritu Santoque, ne cadatenajiyepere ayu apevure. <sup>8</sup> Jūmenijicu parure ðacuyume mujare mije ũmei pu ijāravu cūiyeta, ñame ne buojabenajiyepere ayu boropadaivu mujare maje jabocu Jesucristoi copaidaquijāravu baquinóre. <sup>9</sup> Jūmenijicu ðaibi çainumua yópe ũi aiye báquepedeca. Ũrecabe mujare cuturí epevu maje jabocu Jesucristoque cūinávure, “Yóvajarāri na jímacu Jesucristoque”, ũi aiye báquepedeca.

**Corintocavu Jesúre ju aivu ne yajuboa tede ðaino**  
(Hch 18.8, 24, 19.29; Ro 16.23; 1 Co 16.15)

<sup>10</sup> Muja, jívū, maje jabocu Jesucristo yópe coyúicōjeimi yure. Parurōreca jēniaivu mujare, mije dápiarājiyepere ayu cūináturu mije ũmei. Yajuboa tede ðabejarā mije jēneboi. Cārijimenoque çujarā mija. Cūináturu bajadéni mije ũme, mije dápiaino máre. <sup>11</sup> Muja, jívū, nópe coyuyūbu mujare ico Cloé ōi cūramicavū, ne coyuiye boje yure mije jaraiyede mije baju. <sup>12</sup> Muja dápiabevvya cūináturu mije ũmei. Quénora apevu mujacavū, “Ñujamu Pabloi bueimara”, adama. Aru apevu mujacavū, “Ñujamu Apoloi bueimara”, adama. Apevu mujacavū, “Ñujamu Pedroi bueimara”, adama. Aru apevu mujacavū, “Ñujamu Cristoi bueimara”, adama. <sup>13</sup> ¿Aipe teni nópe dápiavurū mija, yajuboa tede ðaivu? Caivu Jesúre ju aipóeva çurivubu ũque cūinávure. Jáve āmevu mije ũbenina arí dápiaiyede apevu ũre ju aivu çurivure ũque cūinávure, ũbenita apevu ũque cubevure. Aru yu āmevu ñai ne pēvari jēoimū mácu jocuçujaravena mujare boje. Aru ocoque mije jádovaiyede Jūmenijicūque, “Yu Pablōre ju aivu”, abeteavū mija. Quénora “Jesucristore ju aivu”, ávū mija.

<sup>14-15</sup> Mujacavū obebejinare ocoque jádovacacu yu Jūmenijicūque. Crisporre aru Gayore máre quévura Jūmenijicūque

jádovacacu yu ocoque. Jūmenijicūque ji jádovaru obedivu pōevare ocoque, “Pabloi bueimaramu ñuja”, arājichūma na. Que baru torojūede jívū Jūmenijicūre, ji jádovame boje ocoque obedivu mujare ũque. <sup>16</sup> Estēfanare ũ jivūque ārvū yu caride. Náre máre Jūmenijicūque jádovacacu yu ocoque. Ārumetevū yu apevu ji jádovaimara mácavure, çurivū baru. <sup>17</sup> Cristo jarobeteame yure, ji jádovaquiyepere ayu pōevare Jūmenijicūque ocoque. Quénora jaroáme yure, ji coyūquiyepere ayu iye yávaiye méne ũi meadacaiyede pōevare ne āmeina teiyede jarūvarí. Ũbenita yu coyūbevū iye yávaiye méne pōeva ne majiéque aru me yávaiyeque máre. Ũbevū yu ne ju aiye yávaiye méne, die me jápurae boje. Quénora mvū yu ne ju aiye diede Cristoi yayiye báque boje jocuçujaravena. Que baru bojecube tede ðaiyūbevū yu ũi yayiye báquede ji coyuiyeque.

**Jūmenijicu ũi jádovaino ũi paruéde aru ũi majiéde Cristoque**  
(Ro 1.16; 2 Co 10.17)

<sup>18</sup> Ina pōeva bíjare nuivu Jūmenijicūre jocarí toabo cūiméboi ne jápiayede iye yávaiye méne Cristoi meadacaiyena pōevare ũi yayiye báque boje jocuçujaravena, “¿Ũbeni márca?” arí dápiadama na. Ārumevure jádama caivu coyūivure iye yávaiye méne Cristorā. Que baru ju abema ũre. Ũbenita majacapūravū meadare nuivūbu cavarō mearo Jūmenijicūi çurōi ũi oatūvare ðaiye boje majare iye yávaiye méque Cristorā. Coreóvare ðaibi majare ũi paruéde iye yávaiye méque. <sup>19</sup> Yópe arí, toivaicōjēnejacquemavu Jūmenijicū ũi yávaiyede ina Cristore ju abevū ne borore:

Ina majidivū ne majiéde jarvūçuyūmu yu. Aru ina coreóvaivu ne coreóvaiyede bojecube tede ðacuyūmu yu, arejaquemavu Jūmenijicū.

<sup>20</sup> Que baru ye baquinó āmevu ina majinidivū ne majié ijāravūque, aru ina



bueniduiṽ ne majié ijāravuque, aru ina majicarĩduiṽ aṽevure máre ne majié ijāravuque. Caiye iye ne majiniduiyede ũbenina bojecũbe tede ðaibi Jūmenijicu.

<sup>21</sup> Jāve caiyede majibi ũ. Aru, “Ijāravucavu ne majiémia ye coreóvaivu buojabema yũre”, arejaquemavu ũ. Quénora, “Ina pōeva ju aivu ji yávaiye méne Cristorã ji meaðacaimara márajivũbu”, arejaquemavu Jūmenijicu. Iye yávaiye ménecabu Cristorã, ũi meadaiyede pōevare, ñuje coyuiye.

Ūbenita, “¿Ūbeni márica?” arĩ dápiadama ñuje coyuiyena ijāravucavu Jūmenijicure ju abevũ. Que baru iye ñuje coyuiye bojecũbevu, ne dápiaru.

<sup>22</sup> Ina judíoṽa jáiyurivũbu pōeva ne ðarĩ majibede, ne ju arãjiye jipocai aṽecu ũi coyuiyede náre. Aru ina griegova jápiaiyurivũbu pōecu ũi coyuiyede ijāravuque majiéde, ju arãjivu ũi coyuiyede. <sup>23</sup> Ūbenita ñujacarpũravu quéda cūináene coyuiṽbu. “Cristo jabovai pēvari jēoimũ mácu jocusũjaravena yaidéjaquemavu, bojedacuyũ maje ámeina teiyede, jarũvacuyũ diede”, arĩ coyuiṽbu ñuja. Ūbenita ina judíoṽa jorojĩñama ne jápiaiyede iye ñuje coyuiyede, ñai jaboltejarocure náre. Aru ina judíoṽa ámeṽ ne jápiaiyede diede, “¿Ūbeni márica?” arĩ, bojecũbepeda dápiadama iye ñuje coyuiyede.

<sup>24</sup> Ūbenita majacarpũravu coreóvaivũbu Cristo Jūmenijicui paruéde cũvacure aru Jūmenijicui majiéde máre cũvacure, ũi meadaquiyepe aivu pōevare. Majarecabu Jūmenijicui cuturĩ epeimara ũ jinava, judíoṽa aru judíoṽa ámeṽ máre, Cristoi meaðaimara. <sup>25</sup> Pōeva aivu baru “Jūmenijicu majibebi”, nárecabu majibevũ. Jūmenijicu majicutame caivu pũeno, majibecure páyũvacarĩ pōeva ne jáiyede. Pōeva aivu baru “Jūmenijicu parũbebi”, nácapũravu ye majibema. Jūmenijicu parũcutame caivu pũeno parũbecure páyũvacarĩ pōeva ne jáiyede.

<sup>26</sup> Muja, jívu, ārũjara iyede. Jūmenijicui cutuquiye jipocamia mũjare, obebejĩna mũjacavu majitequemavu

ijāravuque majiéde, obebejĩna parũrivure cõjequemavu aṽevũ pōevare, aru obebejĩna cũvatequemavu mũjebucũva parũrivũ ne jabovava.

<sup>27</sup> Que baru Jūmenijicu beorĩ epeibi ũ jinava pōeva majibevure ijāravuque majiéde, cũyoje tede ðacuyũ ina pōeva “¿Majidivũ bárica ñuja?” arĩduivure. Aru Jūmenijicu beorĩ epeibi ũ jinava pōeva parũbevure ijāravuque paruéde, cũyoje tede ðacuyũ ina pōeva “¿Parũrivũ bárica ñuja?” arĩduivure. <sup>28</sup> Jūmenijicu beorĩ epeibi ũ jinava jabova ámeṽvure, ijāravucavu ne ũbemarare, aru parũbevure caivu ne cãchinocavure. Majarecabu Cristoi meaðaimara. Que teni Jūmenijicu cūiné ðacuyũme caivu ina “Parũrivũbu ñuja”, aivure ũbenina.

<sup>29</sup> Que baru ñame “¿Meara márica?” aivu buojabema Jūmenijicui jáinore. <sup>30</sup> Jūmenijicurecabe cure ðayũ majare cūinávure Jesucristoque. Aru Cristoque majide ðaibi majare ũi bueyede jávene. Jesucristo boropatebevure ðaibi majare Jūmenijicui jáinore. Coatede ðaibi majare ámenore jarũvarĩ, maje ðarãjiyepe ayũ yópe Jūmenijicui urõpe. Aru bojedaibi majare maje ámeina teiyede jarũvarĩ. <sup>31</sup> Que baru yópe arĩ, toivaicõjenejaquemavu Jūmenijicu ũi yávaiyede: “Ñai pōecu ‘¿Meacu bárica?’ arĩ coyuiyucũ baru, ũi bajuma nópe arĩ coyũbejacurĩ. Quénora ‘Meacu bajube maje jabocũ cavarõ mearocacũ’, arĩ coyũjacurĩ ũ”, arĩ toivaicõjenejaquemavu Jūmenijicu.

**Cristo jabova ne pēvari jēoimũ  
mácuṽe coyuiño  
(Hch 18.9)**

**2** <sup>1</sup> Muja, jívu, ji jácũñiye báquede mũje yebai, coyũcuyũ Jūmenijicui yávaiyede, coyũbetecacu yũ yópe ina ijāravucavu majidivũ ne coyuiyepe. Mũjare coyũcacu iye Jūmenijicui yávaiyede, jáðovameno mácarõre jipocamia ũbenita jáðovainore caride, mũje coreóvabejũroede aṽecu ũi coyũbedu diede mũjare. Ūbenita majidivũ ne yávaicamuaque

coyubetecacu yu. Aru maiyójae yávaicamuque máre coyubetecacu yu. <sup>2</sup>Muje me coreóvarājiyepe ayu iye Jūmenijicui yávaiyede, “Cūináene quénora coyūquijivū ina Corintocavure”, arí dápiacacu yu, ji buequiye jipocamia mujare. Que baru, “Jesucristo, jabova ne pēvaimu mácu jocusujaravena, yaidéjaquemavu majare boje, jaruvacu yu maje āmeina teiyede”, arí coyucacu yu mujare. Yu ūre quécura coreóvare daiyutecacu mujare. <sup>3</sup>Jiducu ji yávaiyeque eacacu yu muje yebai. “Jūmenijicui yávaiyede me coyurī buojabequijichavu yu”, ji arí dápiaye boje, jidurī bidicacu yu. <sup>4</sup>Ji coyūiye báquede mujare Jūmenijicui yávaiyede yópe ina ijāravucavu majidivū ne coyūiyepe coyubetecacu yu. Majidivū ne yávaicamuare aru maiyójae yávaicamuare máre coyubetecacu yu, muje ju abenajiyepere ayu ji coyūiyede iye jápurae boje me. Quénora ji coyūiye báqueque mujare jádovacacu Espiritu Santo paruéde. Aru ūi paruéque majide dáme mujare iye yávaiye méne. <sup>5</sup>Que baru muja ju aivūbu Jūmenijicui yávaiye méne Cristorā, Jūmenijicui jádovaiye boje ūi paruéde. Ūbenita pōeva ne majié boje, muja ju aivu āmevu.

**Jūmenijicui majiéde ūi coreóvare  
đaino Espiritu Santoque  
(Ro 11.34)**

<sup>6</sup>Yu máre coyūivu majiéque. Ūbenita ijāravucavu ne majiépe āmevu. Aru ijāravucavu ne jabova ne majiépe āmevu. Iye ne majio ijāravuque cūinē nuivu. Quénora iye majié ji coyūiyeque coyūivu yu ina Jesúre ju aipōeva parure nuivure ne ju aiyequé ye jaubevūva ne coreóvaiyede Jesúre. <sup>7</sup>Iye majié ji coyūiyebu Jūmenijicui majié. Javede ūi cuedaquiye jipocamia ijāravure, majidejaquemavu meadacu yu majare, maje curājiyepe ayu meara baju ūque cainūmua. Cristoi daquiye jipocamia ijāravui, Jūmenijicui jádovamenejaquemavu iye ūi majiéde, ūi daquiye. Ūbenita diede jádovaimi

caride. <sup>8</sup>Ijāravucavu ne jabova caivu ye coreóvabedejaquemavu iye Jūmenijicui majiéde. Ina jabova coreóvaivu baru, pēvari jēomejebu maje jabocu cavarō mearocacure meacu bajure jocusujaravena. <sup>9</sup>Aru iye ūi mearo đacaquiye ūi meadaiyede, yópe arí, toivaicōjenejaquemavu Jūmenijicui ūi yávaiyede:

Jūmenijicui meadaibi ūi mearo đacaquiye ina pōevare ūre urivure, yópe pōeva ne jámene, aru ne jápiabede, ne dápiabede máre, arí toivaicōjenejaquemavu Jūmenijicui.

<sup>10</sup>Iye ūi mearo đacaquiye ūi Espiritu Santoque coreóvare đai bi majare. Nai Espiritu Santorecabe majicu caiyede. Pu caiye iye Jūmenijicui urarō majiéde majibi ū.

<sup>11</sup>Pōecu cubebi coreóvayu apesu pōecu dápiayede. Quécura nai pōecu coreóvaibi ūi baju dápiayede. Quédecabu Jūmenijicui jie máre. Pōecu cubebi coreóvayu Jūmenijicui dápiayede. Nai Espiritu Santo quécura coreóvaibi diede. <sup>12</sup>Nai Espiritu Jūmenijicui daroimu majare pōeva ne majiéde coreóvare đabebi majare. Quénora Jūmenijicui majiéde coreóvare đai bi majare, maje coreóvarājiyepe ayu iye Jūmenijicui mearore đacaiyede majare bojecubeda. <sup>13</sup>Que baru ji coyūiyede Jūmenijicui yávaiyede, coyubevū yu pōeva ne bueiye yure o ji baju dápiayede. Quénora coyūivu yu nai Espiritu Santo bueiye yure. Que teni bueivu yu ina cvarivure Espiritu Santore iye yávaiyede nai Espiritu Santo coreóvare daiyede yure.

<sup>14</sup>Ūbenita ina Espiritu Santore cuvabevū coreóvaivu buojabenama iye Jūmenijicui mearo đacaiyede bojecubeda ūi Espiritu Santoque. Ne jápiayede Jūmenijicui yávaiyede ūi majiéque coyūiyede, “¿Ūbeni márica?” arí dápiadama na. Ne dápiaru, die bojecubevū. Acu pōecu Espiritu Santore cuvabecu baru, Jūmenijicui jiede ye coreóvabebi ū. <sup>15</sup>Nai Espiritu Santore

cuvacu, caiye bueiyede ñi jápiaiye, “Jūmenijicui majiéque bueyube” o “Pōeva ne majiéque bueyube”, nurié arí coyurí majibi ñ. Ëbenita ñi baju bueiyede nurié arí coyurí majibebi pōescu Espiritu Santore cuvabecu. <sup>16</sup>Yópe arí, toivaicōjeneaquemavu Jūmenijicu ñi yávaiyede: “Pōescu cubebi Jūmenijicui dápiaiye majicu. Aru pōescu cubebi majicarí buojayu Jūmenijicure”, arí toivaicōjeneaquemavu. Ëbenita maja Jesucristore ju aipōeva dápiaiuvu yópe ñi dápiaiyepe.

**Jūmenijicure memecaivu ne yóvaino ne baju**

(Hch 18.4-11, 24-28; 1 C 1.12, 6.19; 2 Co 6.16; He 5.12-13)

**3** <sup>1-2</sup>Muja, jívu, ji cæ báquede mujaque, coyuy buojabetecacu mujare yópe ji coyuiyepe ina Jesúre ju aipōeva, parure nuivure ne ũmei Espiritu Santoque. Quénora coyuiye jauteavū yure mujare, Jesúre ju aipōeva Espiritu Santore cuvavureca, yópe ji coyuiyepe Jesúre ju abevu Espiritu Santore cuvabevure. Juedojínape paivu bateávū muja. Juedojína opeco matuiyeda ũcuñaima aru ãiyede ãiye majibema. Quédeca muja juedojínape paivu muje ũme, quénora Jūmenijicui yávaiye maiyójabede Cristorá jápiarí eavū muja, aru ñi yávaiye maiyójaede jápiarí eabeteavū muja. Aru caride máre, bueiye maiyójaede jápiarí eajurorivuvacari, jápiarí eabevutamu muja cãreja. <sup>3</sup>Nopedecabu muje dápiaiye boje aru muje ðaiye boje máre yópe ijãravucavu Jesúre ju abeni Espiritu Santore cuvabevu ne dápiaiyepe aru ne ðaiyepe máre. Muja jaraðavū muje bajumia cãreja. Aru muja tebutedaavū muje baju cãreja. Muje nópe ðaiye boje, jáðovaðavu parure numevu muje ũmei Espiritu Santoque. Quénora ðare nuñavu muja yópe ijãravucavu Jesúre ju abevure. <sup>4</sup>Cūinácu mujacacu “Pablo ñi bueimumu yu” arí, aru apecu “Apolos ñi bueimumu yu” arí, jáðovaivu ijãravucavure Jesúre ju abevure paivubu muja.

<sup>5</sup>¿Ye paruéde cuvari ñai Apolos, aru ye paruéde cuvari yu, pōeva ne yóvarãiyeye aivu ñujare? Ñujacapuravubu Jūmenijicure memecaivu quéda. Ñuje memecaiye boje ũre, muja ju aivubu maje jabocu Jesucristore. Ñuja coapa ðaivubu ñuje memeiye yópe Jūmenijicui memeicōjeiye báquepe ñujare. <sup>6</sup>Yópe cūinácu jiore memei pōescu ñi oteiyepe, nopedeca mamamure Jūmenijicui yávaiye méne coyucacu yu mujare. Aru yópe apecu ñi meadaiyepe iye oteiyepe, nopedeca ji yóboi mujare buequemavu Apolos. Ëbenita yópe Jūmenijicui bucure ðaiyepe iye oteiyepe, nopedeca ũrecabe pōevare ju are ðayu ñi yávaiye méne. <sup>7-8</sup>Que baru ye baquinó ãmevu yu mamamurecacu, coyuy Jūmenijicui yávaiye méne, yópe oteipōescupe. Aru ye baquinó ãmemi ñai Apolos, yóbocacu, ñai bueyu diede máre, yópe meadai pōescupe. Ñujacapuravu cūináaturutamu. Cūinácu ñujacacu apecu puenocacu ãmemi. Ëbenita Jūmenijicurecabe caivu maja maje puenocacu, ñi ju are ðaiye boje pōevare ñi yávaiye méne, yópe ñi bucure ðaiyepe oteiyepe. Ëbenita mamamurecacu, yu coyuy, aru yóbocacu, ñai bueyu, cūináaturu curivuvacari ñuje memeieque, cūináaturu ãmevu ñuje íye bojeque. Quénora Jūmenijicu bojedacuyume ñujare coapa, yópe ñujare jauépe ñuje memeiye báque boje. <sup>9</sup>Memecai pōevarecabu ñuja. Jūmenijicurecabe ñuje memecaimu. Aru ñuje baju yóvaivubu ñuje memecaiyede ũre. Mujacapuravu jiore paivubu. Aru yópe jiore memei pōescu ñi memeiyepe, nopedeca Jūmenijicurecabe memeiñ mujare, oatuvacuy, meara ðacuy. Apenore máre jévari coyuijivuvu. Muja cūramipe paivu bárãjivubu. Aru Jūmenijicurecabe ñai ðayu diñamine. <sup>10</sup>Yópe pōescu cuvaiyucacu meadami cūrami cūravaque ðaiñamine ñi ðarí buicōjeiyepe diñamine cūinácu cūraque memei pōescu me majicure, nopedeca Jūmenijicu yure majide

ðarĩburu yóboi ùi majiéque, coyurĩ buicójeame ùi yávaiye méne mujare. Yópe arevũ memeipóeva ne memene nũiyere diñamine, nopedeca arevũ ji yóbocavũ buede nũñama mujare. Aru yópe ina memeipóeva ne me jáiyepe aipe ne memeiyede, nopedeca me jájararĩ ina mujare bueipóeva coapa aipe ne bueiyede, jáve maquiyépe aivũ. <sup>11</sup>Yópe memeipóecu ùi ðarĩ buojabepe cũravaque ðaiñamine cũrava cuvabecvũ, nopedeca apescu bũna buojabebi Jũmenijicũ yávaiyede jávene, Jesucristorã coyubecvũ. <sup>12</sup>Yópe arevũ memeipóeva ne memeiyere bojecueque, yópe úruque, plataque, aru bojecurijĩboa cũrajiboaque máre, nopedeca arevũ me nurié coyũvũbu Jũmenijicũ yávaiyede. Æbenita yópe arevũ memeipóeva ne memeiyere bojecubeque, yópe jocvũaque, muiyocaque, aru cõriáque máre, nopedeca arevũ nurime coyũvũbu Jũmenijicũ borore. <sup>13</sup>Jesucristoi ðaquijãravũ, ùi ñãjiovaquijãravũ baquinõĩ pòevare, ne ãmeina teiye boje, me jáðovacvũme ùi toaque aipe ãrojaene caivũ pòeva ne ðaiye báquede ijãravũ. <sup>14</sup>Pòecu nurié buedu Cristorã, ùi ðaiye éni cũiméquiye bu no toaque. Aru Jũmenijicũ me bojedacvũme ùre, yópe memeicójeipóecu ùi me bojedaiyepe ùre memecayũre, bojecueque memeuñ mácvũre. <sup>15</sup>Æbenita pòecu nurime buedu Cristorã, ùi ðaiye éni cũiquiye bu no toaque. Aru Jũmenijicũ bojedabecvũme ùre, yópe memeicójeipóecu ùi bojedabepe ùre memecayũre, bojecubeque memeuñ mácvũre. Ñai pòecu ùi ðaiye boje bĩjaquiyebu ùre jocarĩ. Æbenita ùvãcari bĩjabecvũme. Meadaimũ macvũme yópe pòecu ùi cúyarĩ dupini nũiyere cũrami toaque uruñamine jocarĩ.

<sup>16</sup>Caivũ maja Jesúre ju aipóeva Jũmenijicũ cũramipebu, maje cvũae boje ùi Espĩritu Santore. Yópe pòeva ne cvũpe cũrami jĩvũ, ñai Espĩritu Santo cubi maje ùmei. ¿Diede coreóvabenaru mujã? <sup>17</sup>Yópe

Jũmenijicũ cũrami meadami bajupe, mujarecabu Jũmenijicũ pòeva meara baju, memecarãjivũ ùre. Que baru ácu pòecu, ùi bueiyede jáve ãmeque, bĩjare ðaiyurĩburu yóboi mujare, ùi ðajocare ðaiyurĩduiyede mujare mujã ju aiyede Jesúre, Jũmenijicũvacari bĩjarocvũme ùre.

<sup>18</sup>Mujã bajumia apescũre jujovaicójemejara. Cũinãcu mujacacu “¿Majicũ bãrica yũ ijãravũcavũ Jesúre ju abevũ jiede?” arĩ dãpiayu baru, ùbenina arĩ dãpiarĩduibi ù. Ñai nope arĩ dãpiayu majibecupe tejacurĩ ijãravũcavũ Jesúre ju abevũ ne jáiyede, ùre Jũmenijicũ majide ðaquiyere ayũ maji jáveque. <sup>19</sup>Ijãravũcavũ Jesúre ju abevũ ne maji bojecubevũ Jũmenijicũ jáinore. Ne coyũiyede ne majiéque, “Æbenina coyũvũbu”, arĩ dãpiaibi ù. Yópe arĩ, toivaicójenejaquemavũ ùi yávaiyede: “Ina ‘¿Majidivũ bãrica ñũja?’ ùbenina arĩ majinidivũre jarũvaibi Jũmenijicũ, ne baju majinidivũre boje”, arĩ toivaicójenejaquemavũ. <sup>20</sup>Aru yópe máre arĩ, toivaicójenejaquemavũ Jũmenijicũ: “Maje jabocũ majibi ina ‘¿Majidivũ bãrica ñũja?’ arĩ majinidivũre ne dãpiaie ye bojecubede”, arĩ toivaicójenejaquemavũ. <sup>21-22</sup>Que baru arĩ dãpiabejarã cũinãcu pòecu majicũre arevũ pũeno. Que baru, “Pablo ùi bueimũmu yũ”, o “Apolos ùi bueimũmu yũ”, o “Pedro ùi bueimũmu yũ”, abejarã mujã. Caivũ mujare bueipóevare aru caiye apede Jũmenijicũ mearo ðacaiyede epedejaquemavũ ù majare boje. Ijãravũre, maje cvũede, maje yainãjiyede, caride, aru javenare máre epedejaquemavũ Jũmenijicũ, majare boje. <sup>23</sup>Majamu Cristo jina, ðarãjivũ yópe ùi urópe. Aru Cristobe Jũmenijicũ jicũ, ðacvũy yópe ùi urópe.

**Aipe ne memeino ina Jesú daroimara coyũcarãjivũ ùi yávaiye méne**

(Hch 18.3; 1 Co 11.1; Fil 3.17; 1 Jn 3.19-21)

**4** <sup>1</sup>Jãjara ñũjare, Jesucristoi daroimarare coyũcarãjivũ ùi

yávaiye méne, yópe úre memecaivure. Ñujare bueicõjeimi pöevare Jümenijicu “Yópe ðacuyumu yu, meadacuyu pöevare ne ámeina teiyede jaruvarí”, ñi arí dápiaino jáðovameno mácarõre jipocamia ubenita jáðovainore caride.

<sup>2</sup> Aru ñai pöecu Jümenijicui bueicõjeimu mácure bueiyé javu iye yávaiye méne Cristorã dajocabecuva aru diede oatuvabecuva máre. <sup>3</sup> Yúcapüravure ye baju ámevu mûje coyüiyede mearore o ámenore ji bueiyena. Ye baju ámevu yure apevu pöeva máre ne coyüiyede mearore o ámenore ji bueiyena. Aru yávacari máre mearore o ámenore ye coyubevu ji baju bueiyena. <sup>4</sup> “Boropatebevu yu”, arí dápiavu cainumua Jümenijicui jáinoi. Ubenita ye baju ámevu ji boropatebedu ji dápiainore. Maje jabocurecabe ñai coyucuyu yure, “Boropateyubu mu ji jáinoi”, o “Boropatebecubu mu ji jáinoi”.

<sup>5</sup> Que baru caivu pöeva ye coyubejarãri apere mearore o ámenore ñi coyüiyena, añijãravu maje jabocu Jesucristoi copaidaquijãravu baquinó jipocamia. Çorejarã mûja pu ñi copaidaiyeta. Úrecabe coreóvare ðacuyu caiye maje majibede cãreja, pöeva ne ðaiyede yavenina. Aru úrecabe coreóvare ðacuyu caivu pöeva coapa ne dápiayede aipe ne ðarãjiyede máre. Dinumu maquinóre caivu pöeva coapa ne mearore ðaru, mearore jícuyume Jümenijicu náre coapa.

<sup>6</sup> Mûja, jívü, jëvari coyüquijivu yu caiye iyede Apolore aru yure máre, caðatecuyu mûjare, mûje ðaicõjenidubenajiyere ayu pöevare apede Jümenijicui yávaiyede ñi arí toivaicõjeiye báquede jocarí aru mûje abenajiyere ayu cüinãcu mûjare bueipöecurã, “¿Majicu bãrica ñi apevu pueno?” mûje ámeina jáiyede apevure.

<sup>7</sup> Jáve ñi majibecube apevu pueno. Caiye mûje majiéde mûje cuvaede majide ðaibi Jümenijicu. ¿Aru ñi majide ðaiye boje diede, aipe teni yávaivurü mûja yópe majidivure mûje baju majiéque? Que baru, “¿Majidivü bãrica ñija apevu pueno?” arí dápiayé javubevu mûjare.

<sup>8</sup> “Caiye iye Jümenijicui majiéde javé majidivubu ñija”, arí dápiaríduyavü

mûja. Aru, “Caiye iye Jümenijicui jjúroede javé cuvãrivubu ñija”, arí dápiaríduyavü mûja. Que baru caride “Iye majié Jümenijicu jie caiyede cuvãrivubu ñija”, ubenina arí dápiadavü mûja. “Me cuvãrivubu ñija Jümenijicunque”, ubenina arí dápiadavü mûja. “Ñija jabovatamu, apevu Jümenijicui pöevare cõjeivü”, ubenina arí dápiadavü mûja. Que baru ñujare ámeina jári bojecubevure jaruvadavü mûja. Mûje jáve cõjenu, meajebu ñujare. Ñija máre yóvajebu mûjare mûje jaboteiyede, cuvãrãjivu Jümenijicui mearo ðacaiyede mûjaque.

<sup>9</sup> Ubenita ji dápiainoi, Jümenijicu epeibi ñujare, Jesú daroimarare coyucarãjivu ñi yávaiye méne, caivu apevu ne cãchinocavure. Cuvãrivubu ñija yópe jabovai buoimara ne boarí jaruvãrãjimarape. Caivu ijãravucavu, ángeleva aru pöeva máre, jáðama ñuje ñãjiyede yópe ámeina teivure.

<sup>10</sup> Ijãravucavu Jesúre ju abevü, “Majibema na, ubenina coyüivü”, aðama ñuje borore, Jesú daroimarare coyucarãjivu ñi yávaiye méne. Ubenita mûjacapüravu “Jesucristo caiyede coreóvare ðaibi ñujare”, arí dápiadavü, ubenina dápiavüvacari. Ñujacapüravu bueni majibevu parúeque. Ubenita mûjacapüravu “Parúeque bueivubu ñija”, arí dápiadavü, ubenina dápiavüvacari. Aru mûjatamu pöeva ne pueðaimara. Ubenita ñujatamu ne ámeina jáimara.

<sup>11</sup> Que baru javede aru caride máre, cainumua ñãjivubu ñija. Ávue ijivaivü ñujare. Cüinõvaivü ñujare. Cuitótecajea javvaivü ñujare. Ñuje mauva pare ñãjiovaivubu ñujare. Aru cuvabevü ñije cãramiva. <sup>12</sup> Memevaivubu ñije puuáque pu uetivuta, bojedãrãjivu ñuje ãrajiveva. Pöeva ne ámeina yávaiyede ñujare, “Majepacu mearo ðacajacurí mûjare”, ávaivubu náre. Pöeva ne ñãjine ðaiyede ñujare, napivaivubu ñija. <sup>13</sup> Pöeva ne borocurí ámenore coyüiyede ñujare, copu mearore coyuvãivubu náre. Ne dápiaru, jaruvãiyere paivubu ñija. Ye bojecubevure paivure jávaivubu ñujare.

<sup>14</sup> Caiye iye ñaje ñájiyede ji toivaicōjeiyede apesure mujare toivaicōjemenvu cayoje tede ñacuyu mujare. Quénora toivaicōjeivnu ñre diede, majiacayuvu muja ji umarare, jímarape paivure. <sup>15</sup> Muja cvarivuvacari obedivnu baju bueirpōevare, cūinácu quécura, yure, cvarivubu mujepacupe, ji búre ñaiye boje muje cuede Jesucristoque cūinávure, mamarumure ji coyuiye boje mujare ñi yávaiye méne. <sup>16</sup> Que baru parurōreca jéniavnu mujare: Ñajará yópe ji ñaiyepe.

<sup>17</sup> Que baru Timoteore jaroivnu muje yebai. Éme jímacupe páyu, ji umu, ñi cue boje Jesucristoque cūinávure, ñajocabecuvu ñi ju aiyede ñre. Árure ñacuyume mujare aipe ji ñaiyepe, ji ju aipe boje Jesucristore. Aru cainumua ñaivnu yu yópe ji ñaicōjeiyepedeca ji bueiye caivnu Jesúsre ju aipōeva cójijivavure cainore.

<sup>18</sup> Apevnu mujacavnu arí ñápiaríduyama ñumescuyureca yu muje yebai, ji jídué boje. Que baru, “¿Majidivnu bárica ñaja?” arí ñápiadama na, ne ñápiaríduiye boje yu soyubescunscuyure náre, ne ámeina yávaiye báque boje yure. <sup>19</sup> Ñbenita maje jabocu ñi uru, jáve ñacuyumu muje yebai maumejiena. Ji eaiyede nore, jáscuyumu ne ñaiyede, ina ñbenina arí ñápiaríduivnu ne baju majidivnu. Jáscuyumu ne ñaru majiéque, o quénora majidivvure tedu ne yávaiyeque. <sup>20</sup> Maja Jūmenijicui jaboðaimara teni buojabenamu maje yávaiye boje o apesui yávaiye boje máre. Quénora Jūmenijicui jaboðaimara teni buojadavñu maje ñaiye boje yópe Jūmenijicui urōpe ñi parúeque. <sup>21</sup> ¿Ji eaiyede muje yebai, aipe ñaji? Muje ñare ñuru yópe muje ñaiyepe caride, mujare jararí ñájiñe ñacudacuyumu. Ñbenita oatvaru muje ñaiyede, ñarājivnu yópe Jūmenijicui urōpe ñi parúeque, mujare jáscudacuyumu ji ñeque, meacu ñumure.

**Aipe ñaiye jarurōre Jesúsre ju aipōeva cūinácu nácasu ñi ámeina ñaiye boje**

**nomióque**

(Gá 5.9)

**5** <sup>1</sup> Jápiacacu yu, “Ámeno baju ñaibiya cūinácu Jesúsre ju aipōecu

Corintocacu”, pōeva ne soyavarede yure. “Cūbiya jípacui márepaco bajuque”, ávaivubuya. Pñeno baju ámenotamuno. Que baru ina Jūmenijicure ju abevuvacari pare ñbema pōeva ne ñaiyede yópe ñi ñaiyepe. <sup>2</sup> Cūinácu mujacacu nópe ámeina ñayuvacari, mujacapuravu “¿Meara márica ñaja, me curivnu Jūmenijicucue?” ñbenina arí ñápiavaivubuya. Ñbenita chōiye baju jauteavñu mujare, ñi ámeina ñaiye boje. Muja chōivnu baru, ñai nópe pñeno ámeina ñayure jaetovajebu muja muje cójijinore jocarí. <sup>3</sup> Yúcapuravu cubevnu mujaque caride. Ñbenita ñápiavnu yu ji ñmei yópe cójurocupe mujaque. Aru jave coreóvavnu yu ji ñmei aipe ñaiye jarurōre mujare. <sup>4</sup> Muja Jesúsre ju aipōeva muje cójijiyede, muje majié boje ji ñápiainore, yu yópe cójurocupe cuquijivnu mujaque. Aru muje cójijiyede, maje jabocu Jesucristoi parúe máre cuquiyebu mujaque. <sup>5</sup> Dinumure mujare jíscōjecuyumu ñai ñumure abujuvai jabocu Satanáre. Que teni, ñre coatede ñarí apesui Jesúsre ju aipōevare jaruraví, ñre ñajocarí, Satanás ñi ñacuiyepe ayu ñque yópe ñi urōpe, coreóvarí buojacuyume ñi ñi ámeina teiyede. Que teni chōiri ñi ámeina teiyede, ñajocarí ñi ñaiyede yópe ñi baju ámeina ñaiyepe, meaðaimu macuyume maje jabocu Jesucristoi copaidaquiyede.

<sup>6</sup> “¿Meara márica ñaja?” arí ñápiayie jaubevnu mujare. Yópe pōeva ne arí cómajiyepere, “Quíjje páure bucure ñaiyeque caino jívaibo bucúóvaino mávu”. ¿Diede coreóvabenaru muja? Nopedeca cūinácu ñi ámeina ñaru, apesui máre ñque cójijivnu ámeina ñarājarama ñre. <sup>7</sup> Que baru, “Apevnu majacavnu ñi ámeina ñaiyede jári, ñpedeca ñaiyurājichuma” arí, jaetovajará ñre muje cójijinore jocarí. Yópe judíovai Pascua torojave tenajiyepere jipocai, ne jaruvaiyepe caiye iye páure bucure ñaiye javequede, nopedeca jaruvajará ñre mujare jocarí. Yópe judíovai ñaiyepe páure bucure ñaiye cubeque Pascua torojave teijárvuare,

ovejajícure boaríburu yóboi, nopedeca cure nujara mija meara matuiye, yópe mije cuepe caride, ámeina dayu cubecvva mije jéneboi, Cristoi jave yaiye báque boje. Yópe ne ovejajícure boaiyepe ne ámeina teiye boje, Jümenijicui ñájine ðabequiyeye aivu náre, ne ámeina teiye boje, nopedeca Cristore boarí jaruvarejaquemavu maje ovejajícure páyure, maje ámeina teiye boje, Jümenijicui ñájine ðabequiyeye aivu majare, maje ámeina teiye boje. <sup>8</sup>Que baru maja Jesúre ju aipöevare caiye maje ðaiye javvu ye ámeina ðabeni, apevure máre ðare ðaiyubevvva aru ye ámeina dápiabeni apevure, náre ámenore ðaiyubevvva máre. Quénora ámeno cubevvva aru mearore dápiarí, ðarí cõmajini yópe maje dápiayeye ðaiye javvu majare.

<sup>9</sup>Jipocare ji toivaicõjeiye báquede apesure paperayocare, mujare yóvaicõjemetecacu ina ámeina ðavure apevque némarebucvva ámevque. <sup>10</sup>Ji nópe toivaicõjeiye ðre, coyubetecacu mije ðaiyede ina Jesúre ju abevvque. Obedivu pöeva ijáravucavu Jesúre ju abevv ámeina ðavubu apevque némarebucvva ámevque. Aru áujini, apevure jujovarí ívubu ne cvaede. Aru ñavacurivubu. Aru pépeimarare mearore jívubu máre. Mije náre yóvabenajiyeye aivu, etaiye javjebu mujare ijárvure jocarí. Mije Jesúre ju abevvque ðabedu, ye cubequiyebu mije cújurogöre. <sup>11</sup>Quénora ji toivaicõjeiye báqueque apesure yópe ayutecacu yu. Ácu pöecu majacacu ñi aye boje “Jesúre ju ayubu yu”, ðbenita ñi ámeina ðarí cõmajidu, yóvabejará ðre. Ácu pöecu ámeina dayu apesque jímarepaco ámeocoque, aru áujinü jujovarí inü apevu ne cvaede, aru pépeimarare mearore jíyu máre, Jesúre ju aríduru, yóvabejará ðre. Ácu pöecu borocurí ámenore coyuy apevure, aru pacoteyu, aru ñavacucu máre, Jesúre ju aríduru, yóvabejará ðre. Pöecu ðre páyunque ye ámejara áiyede. <sup>12-13</sup>Ina Jesúre ju abevv ne ðaiyede jári, corevarí coyubevv ju

mearore o ámenore. Jümenijicurecabe coyucuyu náre ne ðaiyede mearore o ámenore. ðbenita mujacapuravure jári, corevarí coyuiye javvu ina Jesúre ju aivu ne ðaiyede mearore o ámenore. Que baru jaetovajará ñai ámeina ðayure mije cójjinore jocarí.

**Jümenijicui pöeva ne jaraiyede ne bajumia coyuiye javbeno ámeina teivure jëniari jáipöeva Jümenijicure coreóvabevv ne jivateinoi**

**6** <sup>1</sup>Cüinácu mujacacu Jesúre ju aipöecu jarayu baru apesü Jesúre ju aipöecure, coyuiye javvu ðre diede Jümenijicui pöeva ne jivateinoi, ne meadarájiyeye ayu diede. Jáve coyuiye javbevü ðre ámeina teivure jëniari jáipöeva Jümenijicure coreóvabevvure ne jivateinoi. <sup>2</sup>Jáve maja Jümenijicui pöeva jëniari járiburu yóboi caivu ijáravucavure aipe ne ðaiyede, coyuráramu mearore o ámenore Cristoi jabotequiyede. ¿Diede coreóvabenaru mija? Aru mujacapuravvü coyurájivu baru mearore o ámenore caivu ijáravucavure mije jëniari járiburu yóboi aipe ne ðaiyede, jáve jëniari járiburu yóboi coyurí buojaivubu mija mujevvure ne majiéda jaraiyede ne bajumia, meadarájivu diede. <sup>3</sup>Jáve maja Jümenijicui pöeva ángelevareca máre jëniari járiburu yóboi aipe ne ðaiyede, coyuráramu mearore o ámenore. ¿Diede máre coreóvabenaru mija? Que baru pueno baju jáve jëniari járiburu yóboi coyurí buojaivubu mija ijárvunque majiéda jaraiyede, meadarájivu diede. <sup>4</sup>Que baru mije jaraiyede mije bajumia, coyuránuiye javbevü mujare diede ámeina teivure jëniari jáipöeva Jümenijicure coreóvabevv ne jivateinoi. Nárecabu Jesúre ju aipöeva ne pueðaimara quíjino baju. <sup>5</sup>Toivaicõjeivu apesure diede, cuyoje tede ðacuyu mujare. “¿Majidivu bárica ñüja?” mija aríduivvareca, mujacacu cüinájicu majicu cubebi, meadacuyu mujevvü ne jaraiyede ne bajumia. Mujacacu majicu cüinácu cucu baru, ðre coyuiye

jaujebu mujare mije jaraiyede mije bajumia, ñi meadaquiyepe aivu diede.

<sup>6</sup> Ìbenita pueno baju ámenotamu aru cuyojarótamu mije ðaino! Mija, Jümenijicui pöevavacari, jaraðavü mije bajumia, aru coyuyavü diede ámeina teivure jëniari jáipöeva Jümenijicure coreóvabevu ne jivateinoi.

<sup>7</sup> Mije coyuyue boje mije bajumia jaraiyede apevu ne jivateinoi, coreóvaivu yu ðabevure yópe Jesucristoi bueiye báquepe. Que baru vaini tuivubu mija mije ðaiyeque. Apevure ámenore ðaicöjeiye jauvu mujare coyubevava. Aru apevure mije cüvaede ícöjeiye jauvu mujare jocarí máre coyubevava.

<sup>8</sup> Ìbenita mujacapüravu ámenore ðaðavü aru ñnavu apevu ne cüvaede náre jocarí. Aru mujevü, Jesúre ju aipöevavacari, nárecabu mije ámedaimara.

<sup>9</sup> Jáve pöeva cömajivu ne ámedaiyede Jümenijicui jaboteimara ámenajarama. ¿Diede coreóvabenaru mija? Mije bajumia apesure jujoaicöjemejara. Ina pöeva ámeina ðaivu apevuque némarebücüva ámevuque, aru ina pëpeimarare mearore jívü, ina ámeina ðaivu apevuque némarebücüvare jarüvarí, ina ümüva nomivape ðaivu aru ina ümüva máre ðaivu apevu ümüvaque yópe ne ðájuroepe nomivaque, caivu ina Jümenijicui jaboteimara ye ámenajarama. <sup>10</sup> Aru ina ñavacurivu, ina áujivu, ina pacoteivu, ina borocurí ámenore coyüivu apevure, aru ina jujovarí apevure ívu ne cüvaede máre, caivu ina Jümenijicui jaboteimara ye ámenajarama. <sup>11</sup> Aru apevu mujacavu inape paivu batequémavu mije Jesúre ju arájiye jipocare. Ìbenita yópe pöeva ne jarüvaiyepes docüvede ne joaiyede, nopedeca Jümenijicu jarüvarejaquemavu mije ámeina teiyede. Majare coavarí úre ju abevure jarüvarí, mearape ðarí, epedejaquemavu majare ñi pöevava. Aru boropatebevure ðarejaquemavu majare ñi jáinore. Caiye iyede ðacarejaquemavu Jümenijicu majare mije jabocu Jesucristo parücüque aru ñai Espiritu Santoque máre.

**Meadaíye jauróre maje bajure  
Espíritu Santoi cüe boje majaque  
aru maje cüe boje Jesucristoque  
cünávüpe**

(Mt 19.5; 1 Co 3.16, 10.23; 2 Co 6.16)

<sup>12</sup> Yópe ávaivübuya apevu Jesúre ju aipöeva. “ðaicöjeiyede ðaiye jaubevü majare. Que baru caiyede ðaicöjeimümu yu”, ávaivübuya apevu. Jávetamu. Ìbenita apede maje ðaru, meamejebu majare o apevure máre. Yu caiyede ðaicöjeimüvacari, yúcapüravu yebacacupe teiyubevu ji ðaiyue boje apede. <sup>13</sup> Aru yópe máre ávaivübuya apevu: “Jümenijicu cuedarejaquemavu áiyede maje yapibu boje aru maje yapibure maje áiye boje”, ávaivübuya. Jávetamu. Aru Jümenijicu cüné ðacüyume áiyede aru yapibure máre. Ìbenita cuedabedejaquemavu maje bajure maje ámeina tenajiyepes ayu apevuque majemarebücüva ámevuque. Qué Nora maje bajure cuedarejaquemavu, maje memecarájiyepes ayu maje jabocu Cristore. Aru cure ðarejaquemavu maje jabocu Cristore majaque cünávüpe, maje baju jívü. <sup>14</sup> Yópe Jümenijicui nacovaiyepes báquepe maje jabocu Jesucristoi baju bácaróre yainore jarüvarí ñi parüéque, nopedeca majare máre maje bajure nacovacüyume ñi parüéque.

<sup>15</sup> Jáve mije bajubu yópe Cristoi bajucaröpedeca. ¿Diede coreóvabenaru mija? Que baru yópe apeno Cristoi bajucaröpe ñni, coavaiyepes ñi bajure, ye ðayu buojabevu yu nomío ámeoque, cünáco öi bajure bojedado ámeina ðacodo ümüvaque. ¡Aipinümu ðabecübu yu nópe! <sup>16</sup> Jáve yópe teyübe ñai cücu nomío ámeoque. Ne bajuá jëori, cünávüpe teivubu na. ¿Diede coreóvabenaru mija? Yópe arí, toivaicöjenejaquemavu Jümenijicu: “Ina pücará cünávüpe tenajarama na”, arí toivaicöjenejaquemavu. <sup>17</sup> Aru quédeca ñai ju ayu maje jabocu Jesucristore cünávüpe teibi úque ñi ümei.

<sup>18</sup> Cainüma ámeina ðabejará apevuque mujemarebücüva ámevuque.



Ape ãmeina teiye die pñeno pñecu ñi bajure ãmedabevu. Ubenita diede ðayu baru, ñi bajure ãmedaibi. <sup>19</sup> Jãve ñai Espírиту Santo cucube maje baju jívui. Que baru maje bajubu yópe Espírиту Santoi cñramipe. Jñmenijicvacari darorejaquemavu ùre, ñi cñquiyepe ayu majaque. Que baru majavacari majare uparivu ãmevu aru ðaicõjemevu maje bajure. Quénora ñai Espírиту Santorecabe majare upacu aru ðaicõjeñu maje bajure. ¿Diede coreóvabengarú mña? <sup>20</sup> Jñmenijicu ñni bojedarejaquemavu majare. Que baru caiye mñje ðaiyede mñje bajuque pueðajarã Jñmenijicure. ðaicõjeimara ãmevuvacari, mñje pueðaiye boje Jñmenijicure, me ðajarã mñje ðaiyede mñje bajuque.

**Pablo ñi majicaino pñubuoivure aru pñubuoebvure máre**

(Mt 5.32, 19.9; Mr 10.11-12; Lc 16.18)

**7** <sup>1</sup> Caride coyuqijivú iye jñnari jãiyede mñje toivaiye báquede yure paperayocaque. Pñecu ñi pñubuoobedu, meajebu. <sup>2</sup> Ubenita obedivu pñeva ne ãmeina ðaiyue boje arevñque némarebucvna ãmevñque, caivu ùmva coapa cuvajarãri némarepaco bajuva aru quédeca caivu nomiva coapa cuvajarãri némarepacu bajuva máre. <sup>3</sup> Ñai nomicucu ðajacurí cainmna yópe ùre jauépe, me cucuyú jñmarepacoque. Aru quédeca ico ùmucuco ðajacorí cainmna yópe óre jauépe, me cucodo jñmarepacuque. <sup>4</sup> Ñai nomicucu jñmarepaci baju jñnotamu, ñi corequiyepe aino nore. Que baru ico ùmucuco cñinácova òi bajure cõjememico. Aru quédeca ico ùmucuco jñmarepacu baju jñnotamu, òi corecojiyepe aino nore. Que baru ñai nomicucu cñinácova ñi bajure cõjememi. <sup>5</sup> Que baru mña, pñubuoivú, nomicucu ñi ðaiyuru yópe pñubuoivú ne ðarí cõmajiyere, “Ubevú yú”, abejacorí jñmarepaco. Aru ùmucuco máre òi ðaiyuru yópe pñubuoivú ne ðarí cõmajiyere, “Ubevú yú”,

abejacurí jñmarepacu. Quédata ina pñcarã cñináturu ne ùme, “Maje ðarí cõmajiyede ðajocarãjarevu apejãravñare, jñnarijavú majepacu Jñmenijicucue”, arí coyvuvú baru, ðajocarí buojaivuvu diede. Aru ðijãravna “apejãravna” ne aijãravna vainíburu yóboi, bedióva cojedeca ðajarãri yópe ne ðarí cõmajiyepedeca, ñai abujuvai jabocu Satanás ñi ãmeina ðare ðabequiyepe aivu náre arevñque némarebucvna ãmevñque, ne cõjeme boje ne baju ðaiyuróre ùmñ nomióque aru nomió ùmñque máre.

<sup>6</sup> Iye pñubuoiyede ji coyuiyede mñjare, “Pñeva pñubuoivuvuvú baru, pñubuoorí buojaðama na”, arí coyvuvú yu. Ubenita pñevare “Pñubuojarã”, abevú yu. <sup>7</sup> Caivu ne pñubuoobedu, yópe ji pñubuoobepedeca, meajebu ji ðápiaru. Ubenita Jñmenijicu majide ðaibi majare coapa bojecubeda ñi majicãróre, maje caðatenajiyere ayu arevñre. Aru epeibi majare coapa maje ðarãjiyede ijãravni. Que baru arevu majacavure epeibi ne pñubuoarãjiyere ayu aru arevñre epeibi ne pñubuoebenajiyere ayu.

<sup>8</sup> Caride coyuqijivú ina pñubuoebvure aru ina nomiópevare. Meavu mñjare mñje cñru yápe, pñubuoebvna. <sup>9</sup> Ubenita nácapũravú cõjeni buojabevú baru ne baju ðaiyuróre ùmñ nomióque aru nomió ùmñque máre, pñubuojarãri na. Métamu ne pñubuoioye ne ñãjiye pñeno, ne nomicube boje o ne ùmucube boje.

<sup>10</sup> Aru caride coyuqijivú ina pñubuoivure. Yópe ðaicõjeivú mñjare: Nomio ùmucuco jaruvabecurí jñmarepacure. Aru yúvacari ãmevu nópe ðaicõjeñu. Quénora maje jabocu Cristovacari nópe ðaicõjenejaquemavu.

<sup>11</sup> Ubenita ñi jaruvacõjememica, apoco jñmarepacure jaruvado baru, pñubuoebecurí ò arecucue. Cñinácova cñjacurí ò, o meaðaríburu yóboi copainujacorí jñmarepacu yebai. Aru ùmñ nomicucu máre quédeca jaruvabecurí jñmarepacore.

<sup>12</sup> Aru caride coyuqijivú arevu mñjacavure. Iyede maje jabocu

Cristovacari coyubedejaquemavũ; ubenita yũre coyũicõjeimi. Jesũre jũ aipõescu nomicũcu jĩmarepaco Jesũre jũ abecore cuvaco baru, aru õcapũravũ ẽque õi cure nuĩyũru, jãve õre jarũvabecarĩ ẽ. <sup>13</sup>Aru Jesũre jũ aipõeco ẽmũcũco jĩmarepacũ Jesũre jũ abecure cuvaco baru, aru ẽcapũravũ õque ẽi cure nuĩyũru, jãve ẽre jarũvabecarĩ õ. <sup>14</sup>Mũja Jesũre jũ aipõeva cũĩnãvũpetamu Jesucristoque mũje ẽmei. Aru mũjemarebucũvaque mãre cũĩnãvũpetamu mũje bajuĩ. Que baru Jũmenijicũ me jãũme nomicũcu Jesũre jũ abecure, ẽi cũe boje jĩmarepaco Jesũre jũ aipõecoque. Aru Jũmenijicũ me jãũme ẽmũcũco Jesũre jũ abecore, õi cũe boje jĩmarepacũ Jesũre jũ aipõescuque. Die jãve ãmenu, Jũmenijicũ mũjemarare me jãmejebu. Ɛbenita nãre mãre me jãũme ẽ. <sup>15</sup>Jũmenijicũ cutuibi majare, maje curãjĩyere ayũ carĩjĩmenoque. Que baru ina Jesũre jũ abevũcapũravũ mauteiyũbevũ baru nẽmarebucũva Jesũre jũ aivũque, ne jaraiye boje ne baju, jarũvajarãri nãre. Ɛbenita nomicũcu Jesũre jũ aipõescu cuvaco jĩmarepaco Jesũre jũ abecore o ẽmũcũco Jesũre jũ aipõeco cuvaco jĩmarepacũ Jesũre jũ abecure, curãrãri nãque, ne nõpe uru. <sup>16</sup>Que baru ne mautedu cũĩnãturũ, meaquiyebe, ñai jũ abecu o ico jũ abeco ne jũ aru Jesũre, ne cũe boje Jesũre jũ aipõecoque o Jesũre jũ aipõescuque jãravũ coapa. Mũ, ẽmũcũco, Jesũre jũ are ñacõjichũvũ mimarepacure, Jũmenijicũ meadaquiyepe ado ẽre. Ɛi jũ aqũiyede o ẽi jũ abequiyede majibevũ mũ. Aru mũ, nomicũcu, Jesũre jũ are ñacũjichũvũ mimarepacore, Jũmenijicũ meadaquiyepe ayũ õre. Ɛi jũ acõjĩyede o õi jũ abecoĩyede majibevũ mũ. <sup>17</sup>Quẽnora cure mũjarari caivũ, ñarĩ yõpe Jũmenijicũ epeiyẽ bãquepe nãre coapa, ne ñarãjĩyere ayũ, ẽi cutuquiye jipocamĩ nãre ẽ jina mãrajĩvũva. Nõpe bueyũbu yũ caivũ Jesũre jũ aipõeva cõjĩjivaivũre. <sup>18</sup>Ñai põescu buraicõjeũn mãcu baru

ẽi cajede, yõpe judĩova ne ñaiyere, Jũmenijicũ cutuquiye jipocamĩ ẽre, oatũvabenidujacurĩ iye buraiye bãquede. Aru ñai põescu buraicõjemescu bãcu baru ẽi cajede, yõpe judĩova ne ñaiyere, Jũmenijicũ cutuquiye jipocamĩ ẽre, buraicõjemenidujacurĩ ẽi cajede. <sup>19</sup>Ye baju ãnevũ buraicõjenu o buraicõjemenu maje cajede. Maje jũ aiye Jũmenijicũ ñaicõjeiyede, diedecabu majare jaũẽ. <sup>20</sup>Caivũ curẽ mũjarari yõpe ne curẽpedca, Jũmenijicũ cutuquiye jipocamĩ. <sup>21</sup>Que baru mũ apescu ẽi yebacacu bãcu baru Jũmenijicũ cutuquiye jipocamĩ mũre, carĩjĩmejacu die mi yebacateiyẽ boje. Ɛbenita mi jabocu ẽi jõdeiyũru mũre, etajacu ẽre jocarĩ. <sup>22</sup>Ñai põescu apescu yebacacu bãcu Jũmenijicũ cutuquiye jipocamĩ ẽre, jõdeimũ mãcũpe pãyũbe Jũmenijicũ jãĩnore, ẽi cũe boje Jesucristoque cũĩnãvũre. Aru quẽdeca ñai põescu apescu yebacacu ãmescu bãcu Jũmenijicũ cutuquiye jipocamĩ ẽre, Jesucristoĩ yebacacũpe pãyũbe Jũmenijicũ jãĩnore. <sup>23</sup>Jũmenijicũ ñni bojedarejaquemavũ majare. Que baru apẽvũre yebacavũpe tede ñaicõjemejara mũjare, mũje ñaiye boje yõpe ne bueiye jãve ãmẽpe. Quẽnora ñajarã yõpe Jũmenijicũ urõpe. <sup>24</sup>Mũja, jĩvũ, caivũ curẽ mũjara Jũmenijicũ jãĩnore yõpe mũje curẽpedca, ẽi cutuquiye jipocamĩ mũjare.

<sup>25</sup>Caride coyũquijivũ ina nomiva ẽmũcũbevũre carẽja. Maje jabocu Jesucristo coyubedejaquemavũ aipe ñaiye jaũrõre nãre. Ɛbenita yũre cõmajẽ ãroje jãri, beorĩ epedejaquemavũ ẽi yãvaiye mẽne coyũicõjeimũva. Que baru cainũmũa coyũyũbu yũ ẽi yãvaiyede ñajocabecũva aru oatũvabecũva diede mãre. <sup>26</sup>Ji ñapĩaru, meavũ ina ẽmũcũbevũre carẽja ne cũede pũrũbũobevũva, põeva urarõ ne ñãjĩye boje ne cũede ijãravũ, aru Jesũre jũ aipõeva pũeno baju ne ñãjĩye boje. <sup>27</sup>Mũ nomicũcu baru, mimarepacore jarũvabecacu. Aru mũ nomicũbecũ baru, pũrũbũobecacu. <sup>28</sup>Ɛbenita mũjare ji

pɾɨɾbɯoicɔjemeneca, mɨ pɾɨɾbɯoɨɯ baru, ãmedabejebu. Aru nomíó máre pɾɨɾbɯodo baru, ãmedabejebu. Ƴbenita ina pɾɨɾbɯoivɨ ñájinajarama pare ijāravɨ ina pɾɨɾbɯobevɨ ne ñájiye pɾeno. Aru yúcarpūravɨ mɨjare vaibéde ðaiyurídujebu iye ñájiyede.

<sup>29</sup>Mɨja, jívu, jí nópe coyuiyede yópe aiyvɨ yɨ. Obebeɨjua cɾivɨɯu maja ijāravɨ, memecarājivɨ Jesúre. Que baru carimata ina nomicɾivɨ memecajarāri Jesúre cainɨmɨ ne oainope, yópe nomicɯbevɨ ne ðaiyepe. <sup>30-31</sup>Caiye ijāravɨque b́jare nɨivɨ. Aru ijāravɨ cūiquíyebu. Que baru ina oivɨ, yópe obevɨpe ðajarāri na. Ina torojvɨ teivɨ, yópe torojvɨ tebevɨpe ðajarāri na. Ina cɨvede íni bojedavɨ, yópe cɨve cɨvabevɨpe ðajarāri na. Aru ina cɨve cɨvarivɨ ne íye boje ijāravɨquede, yópe diede ímevɨpe ðajarāri na. Que baru obejarāri, torojvɨ tebejarāri, íni bojedabejarāri, aru cɨvede ímejarari máre. Que ðavɨ baru cainɨmɨ, oabejebu memecaivɨ Jesúre. Quéhora memecajarāri úre cainɨmɨ. <sup>32</sup>Diede coyɨɯɯu mɨjare, jí ɨe boje mɨje cārijimenajiyepɨ ayɨ.

Ñai nomicɯbecɨrecabe dápiayɨ maje jabocɨ Jesucristo jiede aru memecayɨ úre caiye úi úmeque aru caiye úi parúéque, úi torojure ðaiyɨe boje maje jabocɨ Jesucristore. <sup>33</sup>Ƴbenita ñai nomicɯrecabe dápiayɨ pare ijāravɨquede aru memɨñ úi parúéque, úi torojure ðaiyɨe boje jímarepacore. <sup>34</sup>Que baru yópe coavaimɨpe páyabe úi úi úmei. Torojure ðaiyuríduibi jímarepacore aru maje jabocɨ máre. Aru quédeca ico úmɨcɯbecorecabe dápiado maje jabocɨ Jesucristo jiede aru memecado úre cūinácɨra caiye ói úmeque aru ói bajuque máre. Ƴbenita ico úmɨcɯcorecabe dápiado pare ijāravɨquede, ói torojure ðaiyɨe boje jímarepacɨre. <sup>35</sup>Nópe coyɨɯɯu, jí cadateiyɨe boje mɨjare. Yebacavɨpe ðaiyubevɨ mɨjare, pɾɨɾbɯoicɔjɨni o pɾɨɾbɯoicɔjemɨni mɨjare. Quéhora mɨjare memecare ðaiyvɨ maje jabocɨ

Jesucristore cainɨmɨ, caiye mɨje úmeque aru caiye mɨje parúéque máre, mɨje ðarājiyepɨ ayɨ mearore yópe úi ɨópe cainɨmɨ.

<sup>36</sup>Úmɨ, nomíó máre “Pɾɨɾbɯorājaramu ñɨja”, aivɨ b́cavɨ baru, aru ñai úmɨ “Ƴbevɨ yɨ yópe yure javépe ñɨje pɾɨɾbɯobe boje”, arí dápiayɨ baru, ico nomíó ói bɨcɨteiyɨe b́aque boje javede aru ñai úmɨ úi pare cɨvayɨe boje óre, ðajacɨrí yópe úi ðaiyɨere. Pɾɨɾbɯojarāri na. Pɾɨɾbɯovɨ baru, ãmeina tebenama na. <sup>37</sup>Ƴbenita ñai úmɨ, me majicɨ baru úi úmei aipe ðaiyɨe javróre, aru apɨcɨi cɔjeimɨ ãmɨcɨ baru, aru úi me cɔjɨni bɯojayɨ baru úi baju ðaiyɨróre nomíóque, ðajacɨrí yópe úi ðaiyɨere. Pɾɨɾbɯobejarāri na. Quéhora cɨjacorí úi yurimacope. <sup>38</sup>Que baru ñai úmɨ pɾɨɾbɯoɨɯ baru úi yurimacomaque, mearore ðaibi. Ƴbenita ñai úmɨ pɾɨɾbɯobɨcɨ baru úi yurimacomaque pɾeno baju mearore ðaibi.

<sup>39</sup>Nomíó úmɨcɨcɨ cɨjacorí jímarepacɨque úi apúede cāreja. Ƴbenita úi yainíburu yóboi, pɾɨɾbɯoivɨcɨ baru apɨcɨque, pɾɨɾbɯojacorí. Ƴbenita jímarepacɨ bacɨyú Jesúre ju aipóɨcɨ bajacári. <sup>40</sup>Ji dápiaru, nomíópeco pɾɨɾbɯobeco baru, torojmɨcódome nomíópeco pɾɨɾbɯodo pɾeno. Aru yɨ coreóvaivɨ Jūmenijicɨi Espírítu Santo dápiacójeñure yure.

**Pablo úi majicaino áiyena póeva ne jíye báquede pēpeimarare**  
(Mt 25.45; Jn 1.3; Ro 11.36;  
Ef 4.6; Col 1.16)

**8** <sup>1</sup>Caride coyɨquijivɨ iye jēniari jáiyede mɨje toivayɨe báquede yure paperayocaque áiyena póeva ne jíye báquede pēpeimarare, mearu o meamenu mɨje áiyede diede. “Coreóvaivɨɯu ñɨja ári bɯojavure áiyede ne jíye báquede pēpeimarare, pēpeimɨ parube boje”, toivacɨbe cūinácɨ mɨjacacɨ. Jávetamu. Caivɨ maja diede coreóvaivɨɯu. Ƴbenita iye mɨje coyuiyede mɨje coreóvaiyede

pēpeimarare aru pōeva ne jýyede náre cārijivū yū. Mūja coreóvaivuvacari diede, “¿Meacu bārica yū apevū pueno?” arī dāpiabejarā mūja. Aru āmejara diede, dāpiabevūva apevū Jesúre ju aipōeva ne dāpiaiyede. Āivu baru náre dāpiabevūva, náre ũbevū mūja. Ūbenita meavū mūje ũru apevūre caiye mūje coreóvaive pueno. Pōescu ũcu apevūre, náre cadateibi, ne parūre nurājiyepē ayū ne ũmei cainumūa. <sup>2</sup>Que baru ñai pōescu “Caiye iye pēpeimara jiede coreóvaivū yū”, ũbenina āri dāpiayū, jāve me coreóvabebi cāreja diede yópe coreóvaive jaurōpe ũre. <sup>3</sup>Ūbenita pōescu Jūmenijicūre ũru, Jūmenijicūvacari coreóvaibi ũre, aru me jāimi ũre. Ñai pōescu apevūre ũcu máre, jāve ũrecabe me coreóvaivū.

<sup>4</sup>Aru iye mūje jēniari jāiyede āiyena ne jýye báquede pēpeimarare yópe coyuyūbu yū. Caivū maja majidivūbu iyede: Pōeva Jūmenijicūre coreóvabevū, “Pēpeimara jádovadama aipe ārojarivūre jūmenijinare. Aru ne paruéde cuvārivūbu”, ũbenina āri dāpiadama. Ūbenita jūmenijina ne jádovaimara āmevū pēpeimara. Jūmenijicū cūinácūra cūbi, ñai Jūmenijicū. <sup>5</sup>“Obedivū jūmenijina cūma, apevū joborōcavū aru apevū máre cavarōcavū”, ũbenina arī dāpiadama ina pōeva Jūmenijicūre coreóvabevū. Que baru obedivūre “mū, Jūmenijicū”, ũbenina arī coyuyama. Aru obedivūre máre “mū, ñūje jabocū”, ũbenina arī coyuyama. <sup>6</sup>Ūbenita majidivūbu maja Jūmenijicū cūinácū quécūra cūcūre. Ūrecabe majeracu. Ūvacari cūedarejaquemavū caiyede. Aru majare cūedarejaquemavū, maje đarājiyepē ayū yópe ũi ũrōpe. Aru majidivūbu maja maje jabocū cūinácū quécūra cūcūre. Ūrecabe Jesucristo. Ūrecabe Jūmenijicūi caiyede cūedare đaimū mácu. Aru ũvacari cūre đaiibi majare.

<sup>7</sup>Ūbenita apevū Jesúre ju aipōeva majibema cāreja Jūmenijicū cūinácū quécūra cūcūre. Quénora apevū mūjacavū cōmajivūbu pōeva ne

coyuiyede apevū jūmenijina ne borore. Que baru ne āiyede āimajiarūare pōeva ne jýye báquede pēpeimūre, “Apecū jūmenijicūre mearore jívū yū, ji āiye boje yore”, ũbenina arī dāpiadama na. Aru, “Meamejavū ji đaiye. Ye majibevū yū”, ne arī dāpiaive boje, parūbenama na ne ũmei. Que baru, “Boropateyūbu yū Jūmenijicūi jāinore”, arī dāpiadama na. <sup>8</sup>Jūmenijicū majare me jāñū āmemei maje āiye boje o maje āme boje. Maje apede āmenu, Jūmenijicū āmeina jāmemei majare. Aru maje apede āru, Jūmenijicū me jāmemei majare. <sup>9</sup>Maja āri buojaivūreca iye ne jýye báquede pēpeimarare āmeina tebevūva, me jājara mūja. Ina majibevū cāreja arī dāpiaivū baru mūja mearore jíde nuivūre pēpeimarare, aru “¿Mearica iye đaiye?” arī dāpiaivū baru, āmeina tejebu, ne jāiye boje mūja āivūre diede. <sup>10</sup>Nácacu jāñū maru mūjare, majidivūre ũi dāpiarū, āivūre pēpeimūre mearore jíñami jívūi, jāve āiyucuyūme ũ máre iye āiyede, ne jýye báquede pēpeimūre. <sup>11</sup>Mūjacapūravū majidivūbu āmeina tebevūre mūje āiye boje. Ūbenita ũcapūravū arī dāpiayūbe āmeina teyūre ũi āiye boje. Que baru mūje majié boje, āmedadavū mūja ñai mūjecūre. Cristo yaidéjaquemavū ũre boje, ũi bñjabequiyepē ayū. Ūbenita mūja bñjare nūre đaivūbu ũre. <sup>12</sup>Que teni mūjecūre, Jesúre ju aipōecūre, āmeina tede đadavū mūja. Ūtame Jesucristo jicū. Que baru mūje āmedaiyede ũre, Cristo bajure máre āmedadavū mūja. <sup>13</sup>Que baru jícū, apecū Jesúre ju aipōescu, ũi āmeina tedu ji āiye boje āimajiarūare, ye āmescuyūmū yū āimajiarūare bedióva cojedeca, āmeina tede đabecuyū ũre.

**Pablo ũi jádovaino ũi đaiyeque aipe đaiye jaurōre**

(Mt 10.10; Lc 10.7; Hch 9.3-6; Ro 15.27; 1 Co 15.8; Gá 1.11-16; 1 Ti 5.18)

**9** <sup>1</sup>Jāve yūvacari apecū pōescu yebacacu āmevū. Jāve yūvacari Jesús ũi yāvaiye méne beorī coyuićojemūmu. Jāve yūvacari

járejacasu maje jabocu Jesúre. Aru jáve yúvacari ñacacu méne Jesús ñi ñaicójeiyede yure, muje ju aye boje ñi yávaiye méne aru muje cue boje ñique cūinávure. Que baru meajebu muje jídu yure jauéde, ji memecaiye boje mujare. Ñbenita yu yéde jēniamevu mujare cainumua. <sup>2</sup>Apevu “Pablo Jesús ñi yávaiye méne beorí coyucójeimū āmemei” ñbenina aivureca, mujacarpūravu majidivūbu yure Jesús ñi yávaiye méne beorí coyucójeimure, muje ju aye boje Jesúre, ji coyuiye báque boje mujare ñi yávaiye méne, ñi meadacaiyede pōevare. Que baru muje cue boje Jesucristoque cūinávure, jáđovari buojaivu yu jáve Jesús ñi yávaiye méne beorí coyucójeimure. <sup>3</sup>Nópe coyūvaivu yu caivu ina āmecoroivure yure.

<sup>4</sup>Muja jápiaivu ji bueiye de Jesús ñi yávaiye méne, muje jídu yure āiyede aru ũcuiyede máre yópe bojedaiyepe ji memeinore, cadatecuyū mujare, meajebu. Jáve nópe ñaiye jauvu mujare. <sup>5</sup>Aru ji cūvaru Jesúre ju aipōeco jimarepaco bajurócore, yópe apevu Jesús ñi yávaiye méne beorí coyucójeimara, aru ñujacacu Pedro máre, aru maje jabocu Jesucristoi yóva ne cūvaere, meajebu. Aru jimarepaco bajurócore cūvaru, yáque ō majurócore nūvaiye jaujebu yure aru jíye jaujebu muja jápiaivure ji bueiye de ō majurócore máre āiyede aru ũcuiyede. <sup>6</sup>Muja jíyavū apevu Jesús ñi yávaiye méne coyupōevare náre jauéde. Ñbenita Bernabé yámaque memecarā ñuje pūruáque, bojedarājivu ñujare jauéde. Jáve ñuja máre, yópe apevu Jesús ñi yávaiye méne beorí coyucójeimarape, memeiye ñuje pūruáque jaubevū ñujare. Qué Nora muja jápiaivure ñuje bueiye de jíye jauvu ñujare jauéde.

<sup>7</sup>Churara cūbebi ñi baju āquiyede bojedayū. Aru jiore oteipōescu cūbebi ñi baju oteiyede būcūri buojari jēiyede āmecu. Aru oteiāmarare coreipōescu máre cūbebi ina āimara opecore jívu ne opecore imecu. <sup>8</sup>Iye ji coyuiyede mujare,

“Ñi baju arí dápiayede coyuyubebu ñi”, abejarā muja. Pōescureca ñi arí dápiayede coyubevu yu. Qué Nora yópe Jūmenijicū ñaicójeiyede ñi coyuiye báquere Moisés bācūre coyuyubu yu. <sup>9</sup>Yópe arí, Jūmenijicu toivaicójenajaquemavu ñi ñaicójeiyede ñi pōevare: “Ñai oteiāimacu ũracu memecayure mujare, buobejarā ũre ñi jījecamure, ñi āmequiyere aivu ñi cūocaiyedeca mujare muje oteiyabere ñi curaiyede diede”, arí toivaicójenajaquemavu. Ñbenita Jūmenijicu ñi nópe toivaicójeiye báquede, oteiāmarare quévura cōmaje āroje jámenajaquemavu. <sup>10</sup>Qué Nora toivaicójenajaquemavu ñi ñaicójeiyede Jūmenijicure memecapōevare boje. Majarecabu ñi nópe arí dápiamara.

Jēvari coyuyubu yu. Ñai jiore memeuñ, meadacacuyū jobore ne otequiyē jipocamia, coreyube, cūvacuyū ñi memeiye bojede, jēijāravū baquinó eaiyede. Aru ñai oteiyede ñi coreyube, cūvacuyū ñi memeiye bojede máre, jēijāravū baquinó eaiyede. <sup>11</sup>Que baru yópe oteipōescu oteiyere, ñuje coyuiyede muje yebai Jesús ñi yávaiye méne, ñi meadacaiyede pōevare, cadatenajivu mujare muje ũmei, jáve mujare jíye jauvu ñujare jauéde, muje cadatenajiyere aivu ñujare yópe muje bojedaiyepe ñuje memeiye de. <sup>12</sup>Apevu Jesús ñi yávaiye méne coyūcaipōeva eaivu bācavu muje yebai mujare jícjenu náre jauéde, ne coyuiye báque boje, jáve pūeno baju mujare jícjēiye jauvu ñujare jauéde, ñuje coyurí buiye báque boje mujare diede mamarūmure.

Ñbenita ñuja ye mujare jícjēmēvu ñujare jauéde, ñuje coyuiye boje Jesús ñi yávaiye méne muje yebai. Qué Nora ñujacarpūravu napiñavu caiyede, muje me jápiarājiyere aivu Jesús ñi yávaiye méne aru, “Ina íyurivūbu náre jauéde ñujare jocarí, ne bueiye boje ñujare”, ñbenina muje āmecorobenajiyere aivu ñujare. <sup>13</sup>Ñujacavu judíova Jūmenijicure memecaivu ñi cūrami jívu jasoruyama ne ārajiyeva, ne memecaiye boje

diñamine. Ina ãimarare boaipõeva jínajivü na mácvare Jümenijicure ñi cürami diva úre jícaiyede juaivai jacoruyama ina boaimara mácvai jiaruaquede ne arãjiyeva, ne memeyiye boje. ¿Diede coreóvabenaarü müja? <sup>14</sup>Quédeca maje jabocu Jesucristo ñi yávaiye méne coyucaipõevare jacorucõjeñume náre jauéde, ne coyuiye boje ñi yávaiye méne. Que baru ina jápiaivure ne bueiye de jícõjeñume náre jauéde. <sup>15</sup>Ûbenita yúcapüravü ye müjare jícõjemevü yure jauéde. Aru ye toivaicõjemevü apecure müjare caride, müje jínajiyere ayü yure jauéde. Quénora yaijurocubu yu jacorubecüva apejiene. Müjare jícõjeñü maru, “¿Meacü bária yu?” ye arí buojabejebu yu.

<sup>16</sup>Yu ye coyubevü Jesús ñi yávaiye méne ji coyuiyue boje diede. Quénora Jesucristo coyucõjeimi yure. Que baru ji coyuiyede Jesús ñi yávaiye méne ñi meadacaiyede põevare, “¿Meacü bária yu?” ye arí buojabevü yu. iÁmeno vaiquíyebu yure ji coyubedu Jesús ñi yávaiye méne! Que baru diede coyuiye jañvü yure. <sup>17</sup>Diede coyuyü baru ji coyuiyue boje, torojüjebu yu. Aru ji torojue bájebu yópe ji bojede íyere. Ûbenita diede coyubevü, ji coyuiyue boje. Quénora diede coyuiye jañvü yure Jümenijicüi coyucõjeiye báque boje yure diede. <sup>18</sup>Ji bajumica ji coyuiyede Jesús ñi yávaiye méne bojecubeda, torojure ðaivü yure. Yure jauéde jícõjeni buojayuvacari yure jápiaivure, náre ye jícõjemevü yure apejiene.

<sup>19</sup>Yúcapüravü apescu ñi yebacacü ãmecüvacari, yebacacure teyübu ji baju, põeva obedivü baju ne jápiarãjiyere ayü ji coyuiyede Jesús ñi yávaiye méne, ne ju arãjiyere ayü úre, ñi meadacaiyere ayü náre ne ãmeina teiyede jarüvarí, ne curãjiyere ayü me úque cainumua. <sup>20</sup>Ji cuede judíovaque, judíope teyübu yu, ne me jápiaiyurãjiyere ayü Jesús ñi yávaiye méne, ñi meadacaiyede põevare. Que teni ina ðaivü yópe Jümenijicüi ðaicõjeiyede ñi coyuiye báquepe Moisés bácure, ne ju arãjiyere

ayü Jesucristore, yu máre ðayübu yópe iye ðaicõjeiyere ji cuede náque, diede ðaiye jaubedeca yure. <sup>21</sup>Ûbenita ji cuede judío va ãmevüque, nácacure teyübu yu, ne me jápiaiyurãjiyere ayü Jesús ñi yávaiye méne, ñi meadacaiyede põevare. Que teni ina ðabevü yópe Jümenijicüi ðaicõjeiyede ñi coyuiye báquepe Moisés bácure, ne ju arãjiyere ayü Jesucristore, yu máre ðabevü yópe iye ðaicõjeiyere ji cuede náque, ðayuvacari Jümenijicüi ðaicõjeiyede Cristoi cõjeimu mae boje. <sup>22</sup>Aru quédecabu ina parubevure ne ñimeí, ne majibe boje cáreja ne ðaiye méne o ãmene Jümenijicüi jáinore. Ji cuede náque, nácacure teni, ne majibedu apejié méne o ãmene, diede ðabevü yu, ne me jápiarãjiyere ayü Jesús ñi yávaiye méne ñi parure ðaiyede põevare ne ñimeí. Que teni caino ji nuinoi, buescuyü Jesús ñi yávaiye méne, cainumua ðayübu yu nócvau ne ðaiyere, ãmenore ðabecüva, Jesús meadaquiyepe ayü arevü nácvare. <sup>23</sup>Caiye iyede ðayübu yu, põeva ne me jápiarí ju arãjiyere ayü Jesús ñi yávaiye méne, na máre yáque Jümenijicüi mearo ðacaimara marajiyépe ayü.

<sup>24</sup>Jévari coyuyübu müjare. Obedivü yajuiipõeva cüyavüvareca, no yajuino upacu bojede jícuyüme cüinácu ina cüyavüvareca quecürá. ¿Diede coreóvabenaarü müja? Yópe caivü ina yajuiipõeva coapa ne me cüyaiyere, ne íyue boje no bojede, nopedeca caivü müja máre mearore ðajará müje cuede ijárvüi, maje jabocu Jümenijicüi jíquiyepe aivü boje méne caivü müjare coapa. <sup>25</sup>Ina yajuiipõeva ne cüyarájiye jipocai, me coreðama ne ðaiyede, ne íyue boje no yajuino bojede, jipobü adaitarabü laurel ãmicüriyocaque ðaitarabure, maume pojequitarabure. Que baru ina ívü ðitarabure torojurãjarama ðitarabüque quíjino baju, pü ðitarabü pojeiyeta. Ûbenita majacapüravü me jári coreivübu maje ðaiyede, Jümenijicüi jíquiyepe aivü majare ñi boje méne pojebequiyepe cainumua. Que baru torojurãjaramu maja Jümenijicüi boje méque cainumua.

<sup>26</sup>Que baru yábu nápe páyu, ina nurié cýaiyvu pu cýaiyma turúvaita. Yúcapūravu nurié ðayubu yópe Jūmenijicui urōpe dajocabecuva cainumma. Yábu nápe páyu, ina totarī pēvari yajuivvu, nurié totarī pēvari vainájivvu ne mauvare. Yúcapūravu nurié ðayubu, vaicýyu ji mauvare, ji memeiye ijāravni bojecube āmequiyepe ayu. <sup>27</sup>Jēvari soyuyubu mujare. Yópe jara popeiyepe ji bajure, ũbenita ji ũmene, ðayubu yu, me corecyu ji ðaiyede, Jūmenijicui jiquiyepe ayu yure máre ũi boje méne. Meamejebu yure, Jūmenijicu ũi jíbedu yure ũi boje méne, ji āmedaru apesu Jesúre ju aipōecu majibecure cāreja méne aru āmene máre. Meamejebu yure, Jūmenijicu ũi jíbedu yure ũi boje méne, ũi jíniburu yóboi diede apevure, ũi meadacaimarare, ji bueiye báque boje náre Jesús ũi yávaiye méne.

**Pablo ũi majicaino Corintocavure  
Israecavu b́acavu ne ðaiye báqueque**  
(Mt 28.26-28; Mr 14.22-24; Lc  
22.19-20; 2 Co 6.15-16)

**10** <sup>1</sup>Muja, jívu, uvu yu muje majinajiyede jáve aipe vaiye báquede ina Israecavu b́acavure, majeñecuvape paivu b́acavure, ne ju aipe boje Jūmenijicure. Ina caivurecabu vaiváivu b́acavu pōecubenoí no oopenibo cāchinoí. Aru ina caivurecabu jataivu b́acavu no jia urada Jūariya āmicuriyare. <sup>2</sup>Ina caivurecabu jáðovaiivu b́acavu Moisés b́acque ne vaiváiyeye boje ũi mácuque no oopenibo yóbove aru no jia curō mácarōre. <sup>3</sup>Ina caivurecabu áivu b́acavu iye áiyede Jūmenijicui daroiye báquede na mácvure cavarō mearo ũi curōre jocarí. <sup>4</sup>Aru ina caivurecabu ũcuiivu b́acavu no ocore Jūmenijicui daroino mácarōre na mácvure no cūrabo urabore jocarí. Ũbenita ānibo cūrabo ina pōeva mácvure ne arure ðaibo b́acarō āmenejaquemavu. Quénora Cristorecabe arure ðayu b́acu na mácvure aru caino ne nūinoí jári coreyu b́acu na

mácvure. <sup>5</sup>Ũbenita nópe Jūmenijicu caðateyu b́acureca na mácvu caivure, obedivu nácvu b́acavu Jūmenijicure torojure ðabedejaquemavu, ne āmeina teiye boje. Que baru Jūmenijicu yaidé ðarejaquemavu na mácvure no pōecubenoí.

<sup>6</sup>Caiye iye vaiye báqueque na mácvure coreóvaivubu maja aipe vaiquiyede majare, āmeina teiyurivu baru yópe ne āmeina teiyue báquepe. <sup>7</sup>Que baru pēpeimarare mearore jíbejarā muja, yópe apevu na mácvu ne ðaiye báquepe. Yópe arí, toivaicōjenejaquemavu Jūmenijicu ũi yávaiyede ne mearore jíyena cūinácu ne pēpeimaracacure: “Ina pōeva dobarí áivu barejaquémvu aru ũcuiivu barejaquémvu. Aru no yóboi nacajari upaivu barejaquémvu”, arí toivaicōjenejaquemavu. <sup>8</sup>Āmeina ðaiye jaubevu majare apevunque majemarebucuva āmevunque, yópe apevu na mácvu ne āmeina ðaiye báquepe apevunque nēmarebucuva āmevunque. Ne nópe ðaiye báque boje, cūinájāravu baji veintitrés mil paivu baju yaidéjaquemavu.

<sup>9</sup>Maje jabocu Cristo ũi urarō napiye boje maje āmeina teiyede, “Maja āmeina teivavacari, nájimenajaramu maja, maje āmeina teiye boje”, ũbenina arí dápiaiye jaubevu majare, yópe apevu na mácvu ne nópe arí dápiaiye báquepe. Ne nópe arí dápiaiye báque boje, áðava, Jūmenijicui daroimara mácvu, ne cūrībuuru yóboi na mácvure, yaidéjaquemavu na mácvu. <sup>10</sup>Jūmenijicure āmeina yávabejarā muja, yópe apevu na mácvu ne āmeina yávaiye báquepe Jūmenijicure, ne āmecoroíye báquede ne jabovare, ũi epeimara mácvure. Ne nópe ðaiye báque boje, cūinácu ángelede darorejaquemavu, ũi boarí jaruvaquiyeye ayu na mácvure.

<sup>11</sup>Caiye iye vaiye báqueque na mácvure coreóvaivubu maja aipe vaiquiyede majare, maja ðaivu baru yópe ne ðaiye báquepe. Aru Jūmenijicu

toivaicōjenejaquemavu diede, maje buenajiyeye ayu. Maja curivubu ijāravu buojaijāravuare. Iye “Que vaiquíyebu”, aye báque vaivu caride.

<sup>12</sup>Que baru ácu pōecu “Āmeina tebevu yu. Aru āmeina tebecuyumu máre”, arí dápiayu me đajacurí, vainí tubecuyu.

<sup>13</sup>Apenumua mija “Yópe đaiyuvu yu”, arí dápiadavū. Ūbenita nópe đaivu baru, āmeina tejebu mija. Nópe vaiyavū caivu pōevare. Ūbenita Jūmenijicu, ñai đayu cainumua yópe ūi aye báquepedeca, ye đajocabebi mǵjare, mǵje vainí turājiyeye ayu mǵje āmeina đaiyue boje. Quénora parure đacuyume mǵjare mǵje ūmei, mǵje āmeina đabenajiyeye ayu. Parure đacuyume mǵjare mǵje ūmei, mǵje napinajiyeye ayu caiye iye mǵje āmeina đaiyuede, đabevava diede. Que teni mǵja vainí tǵjurorivu bǵcavure vaidé đacuyume ū mǵje āmeina đaiyuede jocarí.

<sup>14</sup>Que baru mǵja, jívu, jí umara, pēpeimarare mearore jíbejarā mǵja.

<sup>15</sup>Coyuyubu mǵjare yópe majidivupe. Nuriéna jí coyuru, mǵjacapūravu coreóvayie majidivubu. <sup>16</sup>Maje āri ūcuiyede, ārurajivu maje jabocu Jesucristo ūi yayie báquede majare boje, torojuede jívaivubu Jūmenijicure no ūcuidoque boje. Que baru ū mearo đacaibi majare maje ūcuiyede iye ūcuidoquede. Maje ūcuiyede diede, “Majarecabu Jesucristoi meadacaimara, ūi jive meiyeye boje ūi yayie báquede”, arí jáđovaivubu. Aru iye páure cotāvavaivubu maja. Maje āiyede diede, “Majarecabu Jesucristoi meadacaimara, ūi jíyeye boje ūi bajure ūi yayie báquede”, arí jáđovaivubu. <sup>17</sup>Maja yóvaivu Jesucristore obedivu curivūvacari, cūinábó páuboquede āđavu maja. Que baru cūináyajubo pōeyajubope teni, Jesucristoque cūinávupe cuvū maja.

<sup>18</sup>Dápiajarā ina Israecavu ne āimara boaiyede, ne juarí jícarājiyeye aivu Jūmenijicure, ne āmeina teiyeye boje. Cójijivu bǵcavu ne āiyede ina boaimara mǵcavui jiaruquede, “Cūináyajubo pōeyajubobu maja. Jūmenijicui

yóvaimaratamu maja”, arí jáđovaivubu.

<sup>19</sup>Ji nópe coyuiyeye boje, “Āimajiaruare ne jíyeye báquede pēpeimarare meajiaruabebu apejiarua pueno”, ūbenina arí ye dápiabejarā mǵja. Aru, “Pēpeimara parurivubebu”, ūbenina arí ye dápiabejarā mǵja. <sup>20</sup>Quénora yópe aiyuvu yu jí coyuiyeye: Pōeva Jūmenijicure coreóvabevu ne āimara boaiyede ne juarí jícarājivu pēpeimarare, “Jūmenijinare diede jícaivubu maja”, ūbenina arí dápiadama. Jūmenijina āmena ne jícaimara. Jūmenijicu cūinácu quécara cubi. Quénora abujuvatamu ne jícaimara. Aru ūbevu yu mǵje yóva iyede abujuvaque. <sup>21</sup>Mǵja ye buojabevu cūináturu ūcuiyu maje jabocu Jesucristo ūi ūcuidoquede aru abujuva ne ūcuidoquede máre. Mǵja ye buojabevu cūináturu āivu maje jabocu Jesucristo ūi tǵoivaquede aru abujuva ne tǵoivaquede máre. <sup>22</sup>Maja āri ūcuiyu baru Jesucristo jiede maje cójijíñami jívu aru abujuva jiede pēpeimara ne cūrami jívu máre cūináturu, jorojine đarājaramu maja maje jabocu Jesucristore. ¿Parurivū bǵrica maja ūi pueno, napinajivu ūi ñájine đaquiyede majare ūi jorojíyeye boje? Bítamu. Jáve útame parucu maje pueno.

**Jesúre ju aipōeva apēcui yebacavu āmevūvacari, ne jáđovaino ne uede apevure ne đaiyeye**

(Mt 26.26-29; Mr 14.22-25; Lc 22.14-20; 1 Co 4.16, 6.12, 8.7-12; Fil 3.17)

<sup>23</sup>Yópe ávaivubuya apevū Jesúre ju aipōeva. “Đaicōjeiyede đaiyeye jaubevu majare. Que baru caiyede đaicōjeimumu yu”, ávaivubuya apevū. Jávetamu. Ūbenita apede maje đaru, meamejebu majare o apevure máre. Aru apede maja đaivu baru, cadatebejebu apevū majevure, ne parure nurajiyeye aivu ne ūmei. <sup>24</sup>Ñame mearore đaiyurídubejarāri ne baju boje. Quénora caivu mearore đaiyujarāri apevure boje quéda.

<sup>25-26</sup>Apenumua Jūmenijicure coreóvabevu ne āimara boaimara



mácvu jiaruaquede jini bojedadama aimajiaruare bojedaitucubua uparivure, pèpeimarare jicariburu yóbore. Ne que ðaiyedeca, ñni bojedajarã muja aimajiaruare nore, jèniari jámevva árore ne íyede, “¿Boropateyu bárica?” arí dápiabenajivu. Maje jabocu Jümenijicu jietamu caiye ijãravu aru caiye ijãravuque máre. Que baru jèniari jámevva, aimajiaruare ñni bojedarí, ãjara muja.

<sup>27</sup>Cüinácü Jesúre ju abecu, “Áranujara ji cüramí”, ñi arí cuturu mujare, aru muja nuivurivu baru, áranujara muja. Áde ñi tuoyede mujare, ãjara muja. Jèniari jámejara árore ñi íyede aimajiaruare, “¿Boropateyu bárica?” arí dápiabenajivu. <sup>28</sup>Übenita apescu nore cucü, “Iyebu aimajiarua ne jíye báque pèpeimarare” ñi aru mujare, iye jiaruare ámejara muja. Üi que aríburu yóboi, muje áru iye jiaruare, úcapüravu arí dápiacijichubi muje borore yópe: “Pèpeimarare pueðaivubebu na. Que baru meavubebu Jesúre ju aipöva ne pueðaru pèpeimarare aru ne áru jiaruare, náre jíye báquede”, übenina arí dápiacijichubi ñ. Que baru ñi arí dápiabequiyeye ayu nópe, aru “¿Boropateyu bárica?” ñi arí dápiabequiyeye ayu máre, ámejara muja. <sup>29</sup>Muja “¿Boropateyu bárica?” arí dápiabevureca, apescu nópe arí dápiacijichubi. Que baru úre boje, nópe coyuyubu mujare.

Übenita apescu jèniari jáquijichubi: “¿Aipe teni ðaiye jauí yure yópe apescu ‘¿Boropateyu bárica?’ ñi arí dápiajuroepe yurã?” <sup>30</sup>¿Aru ji torojuede jídu Jümenijicure, ñi jíye boje ji áquiyede, aipe teni apescu ámechorori yure ji áiyede iyede?” arí jèniari jáquijichubi.

<sup>31</sup>Apescu ñi que aru, yópe arí coyujebu yu. Caiye muje áiyuede, caiye muje úcuiyuede, aru caiye muje ðaiyuede máre, apenvu mearore jínajivu baru Jümenijicure muje ðaiye boje, meajebu muje ðaiye. Übenita apenvu “¿Boropateyu bárica yu?” ne arí dápiaru, muje ðaiye boje, meamejebu muje ðaiye. “¿Yópe

ðayu baru, apenvu mearore jíde ðajeba yu Jümenijicure?” arí dápiajarã muja, muje ðarãiyeye jipocai. <sup>32</sup>Yéde ðabejarã apenvu ne vainí turí ámeina tenajiyeye aivu. Quénora ðajarã cainumua apenvu ne vainí tubeni ámeina tebenajiyeye aivu. Judíovare, aru judíova ámevure, aru Jesúre ju aipöevare máre ámeina tede ðabejarã náre, muje ðaiye boje. <sup>33</sup>Yúcapüravu torojure ðaiyuvu caivu pöevare caiye ji ðaiyeque. Méne vaidé ðaiyubevu yu ji baju. Quénora obedivu apenvu méne vaidé ðaiyvuvu yu, Jesús ñi meaðaquiyepe ayu náre.

**11** <sup>1</sup>Yúvacari ðare nuñmu yópe Cristo ñi ðaiye báquepedeca. Que baru ðajarã muja yópe ji ðaiyepe.

**Aipe ðaiye jauí Jesúre ju aipöevare ne cójijivaiyede jínajivu mearore Jümenijicure**  
(2 Ts 2.15)

<sup>2</sup>Torojvuvu yu muje árué boje yure aru caiye ji bueiye báquede mujare, aru muje ðarí cómajiyeye boje yópe Cristo bueiye báquepedeca ji coyuiye báquede mujare. Muje que ðaiyede me ðadavü muja. <sup>3</sup>Übenita caride vuvu yu muje coreóvarãiyeye ayu iyede. Muje ju abedu ñai mujare jaboteyure, meamevü. Cristorecabe jaboteyu caivu ümvare. Nomicurivu coapa jaboteivubu némarepacore. Aru Jümenijicurecabe jaboteyu Cristore. <sup>4</sup>Ümu cümañu maru ñi jipobure ñi jèniayede Jümenijicure aru ñi coyucayede Jümenijicui yávaiyede apenvu pöevare máre, Cristore pueðabebi. (Pöecu ñi jipobure cümaimi ñi cuede úre jaboteipöescu jivateinoi. Übenita apescu ümu aru nomió máre ümure jaboteivu ámema, quénora Cristo baju jaboteyube ümvare.) <sup>5</sup>Übenita nomió cümameco baru ði jipobure ði jèniayede Jümenijicure aru ði coyucayede Jümenijicui yávaiyede apenvu pöevare máre, jímarepacure pueðabebico ñi jivateinoi cucu cümamecova. Ó cümameco baru ði jipobure, yópe nomió jímarepacui jaboteimo ámecope teðobe ó. Que

baru quédeca bájebu, òi yɔvaru caiye òi podare. <sup>6</sup>Nomió òi cūmaiɔbedu òi jipobure òi jēniayede Jūmenijicuque aru òi coyɔcaiyede ùi yávaiyede aɓevure máre, pɓeno meajebu óre yɔvaru òi podare. Ùbenita cɔyeco baru ò ùmɔjubepodaque cɔco baru aru caiye òi podare yɔvarí jarɔvado baru, cūmajacorí òi jipobure. <sup>7</sup>Ùbenita ùmure cūmaiye jaɔbevu ùi jipobure ùi jēniayede Jūmenijicuque aru ùi coyɔcaiyede ùi yávaiyede aɓevure máre, Jūmenijicui cɔedaiye báque boje úre úpe árojacure. Que baru ùmɔvarecabu curivu, mearore jínajivu Jūmenijicure. Diede jádovaivubu ne cūmameque ne jipobure. Ùbenita nomivarecabu curivu, mearore jínajivu némarepacure. Diede jádovaivubu ne cūmaiyeque ne jipobure.

<sup>8</sup>Jūmenijicu cɔedabedejaquemavu ñai mamarumɔcacu bácu ùmure, ùi ámiá Adán, ico nomió òi cūaɔoque. Qué Nora cɔedarejaquemavu ico mamarumɔcaco báco nomióre, òi ámiá Eva, ñai ùmɔ ùi cūaɔoque. <sup>9</sup>Aru Jūmenijicu cɔedabedejaquemavu ñai ùmure, ùi cadatequiyepe ayɔ ico nomióre. Qué Nora cɔedarejaquemavu ico nomióre, òi cadatecojiyepe ayɔ ñai ùmure. <sup>10</sup>Que barureca nomióre cūmaiye jaɔvu òi jipobure, jádovacoɔo jímarepacui jaboteimore. Ói que ðaiyede, ina ángeleva máre óre me jádama.

<sup>11</sup>Ùbenita maje jabocu Jūmenijicui cɔedaiye báquede ùmure aru nomióre máre ina pɔcaráre jauquiyede majidejaquemavu. Nomióre jaubi ùmɔ. Aru ùmure jaubico nomió. <sup>12</sup>Que baru jávetamu ico mamarumɔcaco báco nomió, òi ámiá Eva, Jūmenijicui cɔedaimo máco ùmɔ ùi cūaɔoque. Aru jávetamu caivu ùmɔva máre curivu nomió òi juɔɔocɔvae báque boje náre. Aru caivure, caiyede máre cɔedarejaquemavu Jūmenijicu.

<sup>13</sup>¿Muje dápiaru, meameni nomió jēniadore Jūmenijicuque òi jipobure cūmamecova? Mujacapúravu coreóvaiye majidivubu jáve meamenore òi jēniaru Jūmenijicuque òi jipobure cūmamecova.

<sup>14</sup>Aru pōeva ne ðarí cōmajiyeeque máre majidivubu maja. Pōeva ámeina jádama ùmɔ ùmɔjue poda cɔcure. Ùmɔ ùmɔjue poda cɔcu baru, cɔyoje tejebu ù. <sup>15</sup>Ùbenita pōeva me jádama nomió ùmɔjue poda cɔcore. Nomiva pōeva ne pueðaimaramu ne cɔe boje ùmɔjue poda, cūmarajivu ne jipobure. <sup>16</sup>Aɓecu mujacacu o aɓeco mujacaco ju aiyɔbedu iye ji majicaiyede, quédata coyɔyubu yɔ diede. Ñuja aru caivu aɓevu Jesúre ju aipōeva cójjivaiivu aɓenoa ímaroarí ye coreóvabevu aɓevure, mujare jocarí, ne nomivare jēniacōjeivure Jūmenijicuque o coyɔcaicōjeivure ùi yávaiyede máre ne jipobure cūmamevɔva.

**Pōeva ne ámedaino ne ári úcuiyede, áruarajivu Jesucristoi yaiye báquede**

<sup>17</sup>Caride aipe ðaiye jauróre muje cójjivaiyede majicaiyavu yɔ mujare. Muje cójjiyede ámedaɔavú muja. Que baru torojubevu yɔ. Muje cójjivaiyede mearore nure ðabevubebu muja muje bajure. Qué Nora ámenore nure ðaivubebu muja muje bajure. <sup>18</sup>Mamarumure yópe aɓevu ne arí coyuiyede, “Ina Corintocavu Jesúre ju aipōeva yajuboa tede ðaivubu. Ne baju cūináturu ámevu ne úmei ne cójjivaiyede. Aɓevu ne uraró áiyede ne ðavaiyede cójjijíñami, aɓevure jíbevɔva, áivubu uraró, aɓevu ne ámeneca”, jápiaivu yɔ muje borore. Jáve majuvú iye ne coyuiyede. <sup>19</sup>Muje yajuboa tede ðaiye boje, pōeva coreóvavubu Jūmenijicu ámeina jáñure mujacavu jíbevure aɓevure. <sup>20</sup>Maje jabocu Jesucristo jáve ámeina jáñure muje cójjivaiyede, muje ári úcurajiyepe ayɔ, áruarajivu ùi yaiye báquede, muje ðabe boje yópe ùi ðaicōjeiye báquepedeca diede. <sup>21</sup>Muja cójjivaiivu bácvu, aɓevu mujacavu áiyede nɔvavivu bácvu coapa muje baju áiyede íni ávavibuya, jíbevɔva aɓevure. Aru maumena ári búvavibuya aɓevu mujevú ne earájiye jipocai. Que baru aɓevu mujacavure ávúé ijivavuya. Ùbenita aɓevu uraró yapivavibuya pu ne pacoteiyeta. Muja

cūináturu āmevaivubuya. <sup>22</sup>Muje que đaiyede pare ubevu yu. Āri ūcuiye jaovu pōevare ne cūramiai. Ūbenita muje cūramiare cūvarivuvacari muja coapa, pūeno baju āri ūcuiyurivubuya Jesúre ju aipōeva ne cójjiñami. Pare ubevu yu muje āmeina jáiyede Jūmenijicui pōevare aru muje cūyoje tede đaiyede mujevū āiyede cūvabevure. Āmeina jámejara muja Jūmenijicui pōevare. Aru cūyoje tede đabejarā muja mujevū āiyede cūvabevure. ¿Aipe arī coyūji mujare? Ye majibevu yu aipe arī coyucūyure mujare. Jáve torojubevu yu muje que đaiyede. “Me đaivubu muja”, jáve ye abecūyumu yu mujare.

**Jesúre ju aipōeva ne āri ūcuino,  
āruajivu ūi yaiye báquede**  
(Mt 26.26-29; Mr 14.22-25; Lc 22.14-20)

<sup>23</sup>Iye maje āri ūcuiyede, āruajivu Jesucristoi yaiye báquede, Jesucristovacari coreóvare đarejame yure. Aru yópe ūi coreóvare đaiye báquedepeda coreóvare đacacu mujare. Āniñami mácarōmiareca, Judas bācui jēni jíye baquiyé jipocai maje jabocu Jesúre ūi mauvare, páure ĩnejamedā Jesús. <sup>24</sup>Jūmenijicure torojuede jíniburu yóboi, páure cotūvarejamedā. Aru arejamedā ūi bueimarare: “Dápijarā iye páure yópe muje dápiayepe ji bajure. Jíquijivu yu ji bajure, ne boarī jarūvarājiyepere yure, mujare ji meadaquiyepere boje. Que baru muje āiyede iye páure, ārujara yure”, arejamedā náre Jesús. <sup>25</sup>Aru nopedeca ūcuidore ĩni ne āri bubarīburu yóboi, Jesús arejamedā: “Dápijarā iye ūcuiyede yópe muje dápiayepe ji jivede. Jíquijivu yu ji jivede, ne boarī jarūvarājiyepere yure, mujare ji meadaquiyepere boje. Que baru yure mequiyebu ji jive obedivure boje. Jūmenijicu ‘Yópe đajarā muja, boropatebenajivu ji jáinoi’, ūi yóboicarō coyūino mácarōre pōevare āruajaramu. Cainūma muje ūcuiyede diede, ārujara yure”, arejamedā Jesús. <sup>26</sup>Cainūma yópe muje páure āiyepere aru muje ūcuidoquede ūcuiyepere máre, pu maje

jabocu Jesucristoi copaidaiyeta, pōevare jáđovaiyebu Cristoi yaiye báquede náre boje, meadacūyū náre.

**Aipe đaiye jauro Jesúre ju aipōevare  
ne āri ūcuiyede, āruajivu ūi yaiye  
báquede**  
(He 12.5-11)

<sup>27</sup>Ácu pōecu puedabecu āñu maru iye páuquede, iye āruere đaiye maje jabocu Cristoi bajure, o ūcuñu maru iye ūcuidoquede, iye āruere đaiye maje jabocu Cristoi jivede, boropatecūyume ūi puedabe boje Cristoi bajure aru ūi jivede máre. <sup>28</sup>Nópe vaibéquiyepe aivu, caivu coapa me dápiarī corevajarāri caiye ne đaiyede, ne dápiayede máre, “¿Āmeina teyuba yu?” jēniari járajivu ne baju. Aru āmeina teivu baru, chíori coyūjarāri ne āmeina teiyede Jūmenijicure, ūi ārumeteni jaruvaquiyepere ayu diede, ne āri ūcurajipe jipocai. <sup>29</sup>Ácu pōecu ūi āru iye páuquede aru ūi ūcuro iye ūcuidoquede máre, dápiabecūva maje jabocu Cristo baju nājini yayú bācure, jáve Jūmenijicu nājine đacūyume ūre, ūi que đaiye boje. <sup>30</sup>Que baru obedivu mujacavubu parubevu aru ĩjimara máre. Aru apevu yayúama. <sup>31</sup>Maja me dápiarī corevaru maje baju đaiyede aru maje baju dápiayede máre, maje jabocu Jūmenijicu nājine đabejebu majare. <sup>32</sup>Ūbenita maje jabocu Jūmenijicu nājine đayube majare, majicacūyū majare, maje bíjabenajiyepere ayu ūre jocarī ĩjaravucavu ūre coreóvabevūque. <sup>33</sup>Que baru, muja, jívu, muje cójjiivaiyede āri ūcurajivu yópe maje jabocu Jesucristoi āruere đaicōjeyepere mujare, corejarā caivu mujevure, ne earājiyepere aivu. Que teni āri ūcujara caivu muja cūináturu. <sup>34</sup>Ácu pōecu mujacacu āvué yayú baru, ājacurī ūi cūrami jívu, Jūmenijicui nājine đabequiyepere ayu mujare, muje āmedaiye boje muje cójjiivaiyede. Apepe muje jēniari jáiye báquede yure, majicacūyumu mujare aipe đaiye jaurore ji eaquiyede muje yebai.

**Espíritu Santoi majide ðaino Jesúre  
ju aipõevare ùi majiécārõque  
bojecubeda, ne caðatenajiyere aino  
apevure  
(Ro 12.6-8)**

**12** <sup>1</sup>Muja, jívũ, caride coyũquijivũ iye jëniari jáiyede muje toivaiye báquede yure paperayocaque Espiritu Santoi majide ðaiyena Jesúre ju aipõevare ùi majiécārõque bojecubeda, maje caðatenajiyere ayũ apevure. Uvu yũ muje me coreóvarãjiyere diede.

<sup>2</sup>Muja iyede coreóvaivubu. Jũmenijicure coreóvabevũ bácavu cãreja, pẽpeimara yávabevure mearore jíde ðaimara matequémavũ muja, muje dápíarĩdũyie boje paruéde cuvavivure. Ne ðaicõjeimara matequémavũ muja.

<sup>3</sup>Que baru caride mujare coreóvare ðaiyvũ yũ iyede. Põecu cubebi Jũmenijicui Espiritu Santore cuvacu, “Jũmenijicu ñájine ðajacurĩ Jesúre toabo cũiméboi cainumua”, arĩ buojayũ. Aru põecu cubebi, “Jesús maje jabocube”, arĩ buojayũ jáve, Jũmenijicui Espiritu Santoi nópe coyure ðabedu úre.

<sup>4</sup>Uretamu Jũmenijicui majiéque ùi majide ðaiye ùi põevare bojecubeda. Ubenita ñai Espiritu Santo cũinácurecabe majide ðayũ caivũ majare maje majiécārõva. <sup>5</sup>Uretamu maje memecaiye Jũmenijicure aru apevure máre maje majiécārõque. Ubenita cũináturu ãmevũ. Aru maje jabocu Jesucristo cũinácurecabe jaboteyu maje memecaiyede. <sup>6</sup>Uretamu Jũmenijicui jáðovaiye ùi paruéde, ùi jíyede majare, maje memecarãjiyere ayũ úre aru apevure máre ùi majiécārõque. Ubenita cũináturu ãmevũ. Aru majepacu Jũmenijicu cũinácurecabe parure ðayũ caivũ majare, maje memecarãjiyere ayũ maje majiécārõque.

<sup>7</sup>Jũmenijicu majide ðayũbe caivũ majare Jesúre ju aipõeva coapa ùi majiécārõre, maje jáðovarajiyere ayũ cuvavivure ùi Espiritu Santore aru maje caðatenajiyere ayũ apevure. <sup>8</sup>Apevũ ùi põevare Jũmenijicu ùi Espiritu Santore

coyure ðaicõjeimi ùi majiéque. Aru apevũ ùi põevare Jũmenijicu ùi Espiritu Santore majicare ðaicõjeimi apevure iye majiéde ùi majide ðaiye báquede náre, apevũ ne coreóvarãjiyere ayũ diede. <sup>9</sup>Apevũ ùi põevare Jũmenijicu ùi Espiritu Santore jëniare ðaicõjeimi úque, “Jãve majivũ yũ Jũmenijicu ðacuyure yópe ji jëniaiyepedeca úre” arĩ. Aru apevure Jũmenijicu ùi Espiritu Santore meaðare ðaicõjeimi ijararare. <sup>10</sup>Apevũ ùi põevare Jũmenijicu ùi Espiritu Santore põeva ne ðarĩ majibede ðare ðaicõjeimi. Apevũ ùi põevare Jũmenijicu ùi Espiritu Santore coyucare ðaicõjeimi ùi yávaiyede apevure. Aru apevũ ùi põevare Jũmenijicu ùi Espiritu Santore majide ðaicõjeimi apecu yávayure yópe Espiritu Santoi yávaicõjeiyere o yópe abujucu ùi yávaicõjeiyere. Apevũ ùi põevare Jũmenijicu ùi Espiritu Santore yávare ðaicõjeimi apecamua yávaicamua ne majibecamua. Apevũ ùi põevare Jũmenijicu ùi Espiritu Santore coyure ðaicõjeimi aipe aiyuede iye apecu ùi yávaiyede apecamua yávaicamua ùi majibecamuaque.

<sup>11</sup>Aru caiye iye Jũmenijicui majiéquede ñai Espiritu Santo cũinácure majide ðaibi majare coapa yópe ùi urõpe.

**Jëvari coyũino Jesúre ju aipõeva  
cõjjiivaivũ yópe põecu ùi bajure  
(Ro 12.4-5; Ef 4.11, 14-16)**

<sup>12</sup>Jëvari coyũiyede coyũyũbu yũ mujare. Yópe põecu ùi baju cuvare ure cõere, ubenita ùi baju cũinábaju quénora cõere, nopedeca obedivtatamua maja Jesúre ju aipõeva, ubenita cũináyajubo põeyajubo teni, cũinávure cuvũ maja Jesúre ju aipõeva. <sup>13</sup>Caivũ maja Jesúre ju aipõeva, judíova aru judíova ãmevũ, yebacavũ aru yebacavũ ãmevũ máre, Jũmenijicuque jáðovaimara mácavũbu ocoque. Nópe ðarĩ, ñai Espiritu Santo cũinácurecabe maja Jesúre ju aipõeva caivure cũináyajubo põeyajubo tede ðayũ. Aru caivũ coapa cuvavivũbu ñai Espiritu Santore majaque.

<sup>14</sup>Põescu ñi baju cūináro cūvaecarõ ãmevu. Quédeca ñi baju cūvae uretamu. Quédeca Cristo jina obedivutamu maja. <sup>15</sup>Mi cuboba yávarí buojaiba baru põescupe aru “Yũ ãmevu mi pũru. Que baru mi baju cūvaecarõ ãmevu yũ”, aiba baru, nópe aibavacari, mi baju cūvaecarõ bájebu diba. <sup>16</sup>Aru mi cámuca yávarí buojaica baru põescupe aru “Yũ ãmevu mi yacorũ. Que baru mi baju cūvaecarõ ãmevu yũ”, aica baru, nópe aicavacari, mi baju cūvaecarõ bájebu dica. Quédeca maja cūináturu ãmevũreca, majacacu cubebi meacu arevũ pũeno. <sup>17</sup>Põescu ñi baju yacorua matũiye baru, ñai põescu jápiarí majibejebu. Aru põescu ñi baju cámuca matũiye baru, ñai põescu vĩni majibejebu. Quédeca cadateiyavũ maje baju iye majiéque, ñai Espĩritu Santoi majide ðaiyede majare coapa. <sup>18</sup>Ûbenita Jũmenijicũrecabe epeyvũ b́acu caiye põescu ñi baju cūvaede yópe ñi urõpe. <sup>19</sup>Cūináro põescu baju cūvaecarõ quénora cũru, põescu cubejebu.

<sup>20</sup>Ûbenita põescu ñi baju cūvae ure cūvacũreca, ñi baju quénora cūinárotamu. <sup>21</sup>Mi yacorũ yávarí buojaidũ baru põescupe, “Mũre jaubevũ yure”, aidũ majibejebu mi pũrũre. Aru mi jipobũ yávarí buojaibũ baru põescupe, “Mũre jaubevũ yure”, aibũ majibejebu mi cubobare. Quédeca, “Mũre jaubevũ Cristore” arĩ, majecũre coyũbenajarevũ maja. <sup>22</sup>Quénora jaũvũ majare iye maje baju cūvae parũbe ape maje baju cūvae pũeno, maje arũrãjiyere aivũ. <sup>23</sup>Apede maje baju cūvaequede yópe maje baju jivũquede majié me jáivũbu maja. Ûbenita diedecabu maje me coreiye. Aru apede maje baju cūvaequede arevũre jáicõjeiyubevũ maja. Que baru cuitótecajeare doivũbu, cūmarajivũ diede. <sup>24</sup>Ûbenita apede maje baju cūvaequede die pũeno ye cūmamevũ maja. Jũmenijicũrecabe epeyvũ b́acu maje baju cūvaede, maje me járajyere ayũ pũeno baju iye maje baju cūvaequede, maje ãmeina jájũroede. <sup>25</sup>Que ðayũ b́acu Jũmenijicũ, maje baju

baquiyépe ayũ cūinárora, aru caiye maje baju cūvaeque cadatequiyere ayũ ne baju coavabevũva. <sup>26</sup>Maje baju cūvaecarõ cūináro ijidu majare, caino maje baju ijivũ majare. Aru apecũ ñi pueparu maje baju cūvaecarõ cūinárore, maja torojurivũbu caino maje bajuque. Quédeca cūinácu Jesũre jũ aipõescu ñi ñájyede, caivũ maja Jesũre jũ aipõeva ñájivũbu. Aru arevũ ne pueðaiyede cūinácu Jesũre jũ aipõescupe, caivũ maja Jesũre jũ aipõeva ne pueðaimaratamu.

<sup>27</sup>Jévari coyũyũbu majare. Majatamu yópe Cristo ñi bajupe. Aru majatamu coapa ñi baju cūvaeque. <sup>28</sup>Caivũ maja Jesũre jũ aipõevare coapa Jũmenijicũ epeibĩ, maje memecarãjiyere ayũ majevũ cójjivavũre. Mamarũmũcavũbu ñi epeimara Jesũs ñi yávaiye méne beorĩ coyũicõjeimara. Mamarũmũcavũ ne yóbocavũbu ñi epeimara ñi yávaiyede coyũcaipõeva. Ne yóbocavũbu ñi epeimara bueipõeva. Ne yóbocavũbu ñi epeimara põeva ne ðarĩ majibede ðaipõeva. Ne yóbocavũbu ñi epeimara ijimarare meaðaipõeva. Ne yóbocavũbu ñi epeimara cadateipõeva, jipocateipõeva, aru apecamua yávaicamua ne majibecamuare yávaiipõeva máre. <sup>29</sup>Jáve caivũ maja ãmevũ Jesũs ñi yávaiye méne beorĩ coyũicõjeimara. Aru jáve caivũ maja ãmevũ Jũmenijicũ yávaiyede coyũcaipõeva. Jáve caivũ maja ãmevũ bueipõeva. Jáve caivũ maja ãmevũ põeva ne ðarĩ majibede ðaipõeva. <sup>30</sup>Jáve caivũ maja ãmevũ ijimarare meaðaipõeva. Jáve caivũ maja ãmevũ apecamua yávaicamua ne majibecamuare yávaiipõeva. Aru jáve caivũ maja ãmevũ coyũipõeva aipe aiyũede iye apecũ ñi yávaiyede apecamua yávaicamua ñi majibecamuaque. <sup>31</sup>Apeno Jũmenijicũ majiécarõque pũeno baju cadateivũbu maja arevũre. Que baru pare ñjarã mũje cvarãjiyede iye pũeno baju bojecue majiéde.

#### Maje ñe apevũre

(Mt 17.20, 21.21; Mr 11.23; 1 Jn 3.2)

Ñai Espĩritu Santo mũjare majide ðayũreca, caride majicayũbu yũ mũjare aipe ðaiye jaurõre pũeno baju parũrõre.

**13** <sup>1</sup>Maja yávaivũ majijũvũ caiye ijáravũque yávaiyede buebevũva diede. Aru yávaivũ majijũvũ ángeleva ne yávaiyede máre. Ëbenita maje ùbedu arevũ pòevare, ye baju ámevũ caiye iye maje yávarí majijũroede. Arevũre ùbedu, caiye iye maje yávaiye jápuraivũ yópe bujíepe táuque ðaiyede, pare ámeina jápuraede aru cãrijovaiyede máre. <sup>2</sup>Aru maja Jũmenijicũ yávaiyede soyũcaijũvũ parúeque. Jũmenijicũ dápiaiino jádovameno mácarõre jipocamia ùbenita jádovainore caride jápiarí eaijũvũ. Caiyede me coreóvaujũvũ. Me ju aijũvũ Jũmenijicũre, jëniari úre ùi nũicõjequiyepere aivũ cũracũare apenoita aru majini dicũá nũquicũare. Ëbenita maje ùbedu arevũ pòevare, ye baju ámevũ caiye iye maje majijũroede. <sup>3</sup>Aru maja jãjũvũ caiye maje cũvaede cũve cũvabevũre. Pũ maje bajure juarí boarí jarũvaicõjeijũvũ máre. Ëbenita maje ùbedu arevũ pòevare, ye baju ámevũ caiye iye maje ðájũroede.

<sup>4</sup>Maja arevũre urivũ, napivaivũbu náre. Aru mearore ðarí cõmajivaivũbu, caðatenajivũ náre. Maja arevũre urivũ, ye jorojĩmevaivũbu náre. Aru, “¿Meara márica mũje pũeno?” ye arí soyũbevaivũbu náre. Aru, “¿Meara márica mũje pũeno?” ye arí dápriabevaivũbu náre máre. <sup>5</sup>Maja arevũre urivũ, pueðavaivũbu náre. Aru, “Vaijáðeni me yure”, arí dápriabeni quénora “Vaijáðeni me arevũre”, arí dápriarí, memecavaivũbu arevũre boje, caðatenajivũ arevũre maje baju pũeno. Maja arevũre urivũ, ye jarabevaivũbu. Aru arevũ ne ámeðaiyede majare, maumena árumetevaivũbu diede. <sup>6</sup>Maja arevũre urivũ, ye torojũbevaivũbu arevũ ne ámeina teiyede, ne soyũiyede jáve ámene máre, aru ne ámeðaiyede arevũre, ne soyũiyede jáve ámene arevũ borore máre. Quénora torojũvaivũbu arevũ ne mearo teiyede, ne soyũiyede jávene máre, aru ne mearo ðaiyede arevũre, ne soyũiyede jávene arevũ borore máre. <sup>7</sup>Maja arevũre urivũ, ñájivaivũbu caiye ámene arevũ

ne ðaiyede majare, ámenore ðabevũva náre copũ. Aru ju ávaivũbu caiye méne maje jápiaiye arevũ borore. Ëbenita aiye ámene maje jápiaiye arevũ borore ju ávabevũbu. Maja arevũre urivũ, dajocabevũva corevaivũbu ina ámeðavũre, ne oatvarí mearore ðarãjiyepere aivũ. Aru napivaivũbu caiye ámene arevũ ne ðaiyede majare dajocabevũva maje ùede náre.

<sup>8</sup>Cainũmua arevũre ñe jauquiyebu majare. Iye majié Jũmenijicũ ùi Espiritu Santore majide ðaiye majare cũiquiyebu. Cũiquiyebu pòeva ne soyũcaiyepere Jũmenijicũ yávaiyede arevũre. Cũiquiyebu pòeva ne yávaiye apecamua yávaicamua ne majibecamua. Cũiquiyebu pòeva ne majicaiye arevũre Jũmenijicũ majide ðaiye báquede náre, arevũ ne coreóvarãjiyepere aivũ diede. <sup>9</sup>Jũmenijicũ coreóvaicõjeimi majare quénora quíjino ùi majiécarõre. Aru coreóvaicõjeimi majare quénora quíjino ùi yávaiyede. <sup>10</sup>Ëbenita Cristo ùi majide ðaquiyede caivũ majare caiyede, maje curãjiyede úque cavarõ mearo Jũmenijicũ curõ, ñai Espiritu Santo ùi majide ðaiye báque quíjine majare cũiquiyebu. Dinũmũ maquinóre caivũ majare ye majié jaubequiyebu.

<sup>11</sup>Yũ juedocũ cãreja soyũvayũ barejacácũ yópe juedova ne soyũiyepere. Aru corevayũ barejacácũ méne aru ámene máre yópe juedova ne corevaiyepere. Aru dápriavayũ barejacácũ yópe juedova ne dápriaiyepere máre. Ëbenita yũ bucũcũ caride, caiye ji ðaiye báquede juedova ne ðaiyepere dajocarejacacũ. Quédeca ji cũe ijáravũ juedocũre páyũbu yũ, ji coreóvaiye boje quíjino Jũmenijicũ jiede. Ëbenita ji cũquiyede cavarõ mearo Jũmenijicũ curõ bucũcũre páyũ bucũyũmu yũ, ji coreóvaiye boje urarõ Jũmenijicũ jiede. <sup>12</sup>Caride Jũmenijicũ jiede jáivũbu maja yópe maje jáiyepere jivarũ javecarũque. Que baru jáve majibevũ aipe árojaene caiyede. Ëbenita apejãravũ daquijãravũ baquinóre járajaramo Cristo bajure. Caride quénora majié jápiarí eaiivũbu

maja Jūmenijicu jiede. Que baru ũ jiede coreóvayie pare javvu majare. Ũbenita arejāravu daquijāravu baquinóre coreóvarājaramu caiyede jaubevva, yópe Jūmenijicu coreóvayiepare majare.

<sup>13</sup>Ũbenita yóbecue Jūmenijicu darī majide đaiye majare ye cūiméquiyeu. Cainumua Jūmenijicure ju aye javvu majare. Aru cainumua Jūmenijicu mearo đacaquiye de majare yópe ũi aye báquedepedeca napini coreiye javvu majare. Aru cainumua Jūmenijicure aru arevure máre ũe javvu majare. Ũbenita yo cūinárorecabu iye yóbecuecarō javrō are pueno, maje ũe Jūmenijicure aru arevure máre.

**Ape Espiritu Santo ũi majide đaiye javé are pueno**

**14** <sup>1</sup>Đajarā muja caino muje oainope, urājivu Jūmenijicure aru arevure máre. Aru pare ularā Jūmenijicu Espiritu Santo ũi majide đaiyiye aivu mujare Jūmenijicu ũi majiéquede, muje cadatenajiyere ayu arevure. Aru pueno baju ularā ũi majide đaiyiye aivu muje coyucarājiye ayu pōevare Jūmenijicu yávayie paruéque. <sup>2</sup>Ácu pōecu yávayu baru apcamua yávaicamua ũi majibecamuare, Jūmenijicure arī yávayube. Ũbenita pōevare ye arī yávabebi ũ. Ũi yávayie boje ũi ũmeque pōeva ne majibede aru ne jáđovamene máre, ñame ye jápiarī eabejebu ũi yávariduiyede. <sup>3</sup>Ũbenita ácu pōecu coyucayu baru Jūmenijicu yávayie paruéque, cadatejebu arevu Jesúre ju aipōevare, ne parure nurajiyere ayu ne ũmei. Náre parure đajebu ne ũmei. Aru chōivunque, náre orī cadatejebu máre. <sup>4</sup>Ñai yávayu apcamua yávaicamua ũi majibecamuare ũi baju quécura parure nujebu ũi ũmei, ũi nópe yávayie boje. Ũbenita ñai coyucayu Jūmenijicu yávayie paruéque arevu Jesúre ju aipōevare parure nure đajebu ne ũmei, ũi nópe coyuiye boje. <sup>5</sup>Ũvu yu caivu mujare muje yávarājiye ayu apcamua yávaicamua muje

majibecamuare. Ũbenita pueno baju uvu yu muje coyucarājiye ayu Jūmenijicu yávayie paruéque. Pōecu ũi yávaru apcamua yávaicamua ũi majibecamuare ũbenita pōecu ũi cubedu coyuiye majicu aipe aiyuede iye yávayie, Jesúre ju aipōeva ye parure nuiye majibejebu, ne jápiarī eabe boje diede. Que baru me bojecue bajubu pōecu ũi coyucayie pōevare Jūmenijicu yávayie paruéque pōecu ũi yávayie pueno apcamua yávaicamua ũi majibecamuaque.

<sup>6</sup>Muja, jivu, ji eaquiye muje yebai yávayu baru apcamua yávaicamua ji majibecamuare, ye cadatejebu mujare, coyubecu baru máre aipe aiyuede. Ũbenita coyuyu baru mujare are coyuiyede Jūmenijicu jáđovayie báquede yure, o apede, ñai Espiritu Santo ũi majide đaiye báquede yure, ji majicaquiye ayu mujare, muje coreóvarājiye ayu, o ape coyucayie Jūmenijicu yávayie paruéque, o ape bueiye máre, cadatejebu mujare. <sup>7</sup>Jēvari coyuiyeque coyuyubu mujare. Maje pedubare japuiyede aru maje biabeibore bujide đaiyede máre pōeva ne uparājiye aivu, maje japuiyede o maje bujide đaiyede nurié āmenu, ina upaiyuriduvu ye majibejebu aipe upajuroede. <sup>8</sup>Aru quédca, churarava ne coreiyede jápiarājivu apcu ũi japuiyore japuiyede náre coedaicōjeinore, náre āradaicōjeinore, aru náre ādamatenanucōjeinore máre, nurié āmenu iye japuiye, ina churarava ye meadabejebu ne baju ādamatenanurajivu. <sup>9</sup>Nopedecabu majare máre. Maje yávaru apcamua yávaicamuaque, caivu pōeva ne majibecamuaque, ñame jápiarī eaiye ye majibejebu maje yávariduiyede. iŨbenina yávaridujebu maja!

<sup>10</sup>Ũrebebu ijaravucavu ne yávaicamua. Aru caivu pōeyajuboacavu jápiarī eadama ne baju yávaicamuare. <sup>11</sup>Ji coyuriduru apcuque ũbenita jápiarī eabedu ũi yávaicamuare, “Ñujacacu ātemi”, ũcarūravu ajebu yurā, aru yu

máre, “Ñujacacú ãmemi”, ajebu úra.

<sup>12</sup>Que baru mña cùvaiyurivú pare ñai Espíritu Santo ùi majide ðaiyede, pueno baju ùjarã mña iye Jñmenijicú majiéquede, cadatenajivú apevu Jesúre ju aipðevare, ne parure nurajiyere aivú ne úmei.

<sup>13</sup>Que baru ñai yávayú apecamua yávaicamua ùi majibecamuare jñniajacurí Jñmenijicúque, ùi coyúiyé majide ðaquiyere ayú aipe aiyúede iye yávaiyede apecamua yávaicamua ùi majibecamuaque. <sup>14</sup>Yú jñniañú maru Jñmenijicúque apecamua yávaicamua ji majibecamuaque, jãve jñniajebu ji decocúque. Ùbenita dápiabecúva majibejebu yú ji úmei aipe aiyúede.

<sup>15</sup>Que baru yópe ðaiye jaúvú yure. Jñmenijicúque jñniaiyé jaúvú yure dápiayúre ji decocúque aru ji úmeque máre, ji jápiarí eaquíyere ayú aipe ji jñniaiyede. Aru yúriaiyé jaúvú yure dápiayúre ji decocúque aru ji úmeque máre, ji jápiarí eaquíyere ayú aipe ji yúriaiyede. <sup>16</sup>Muje mearore jídu Jñmenijicúre dápiabevúva quénora muje decocúque, apevu nore curivú jápiarí eabevúva muje yávaríduiyede, “Jávemu ne aiyede”, ye aivú buojabejebu ne coreóvabe boje aipe aiyúede diede. <sup>17</sup>Muje mearore jíye me baju bajuvú. Ùbenita ina mujare jápiaríduivú ne coreóvabedu aipe aiyúede muje coyuríduinore, náre cadatebejebu mña. Nácapúravú ye parure nemejebu ne úmei muje nópe coyúiyé boje. <sup>18</sup>Torojúede jíyubu yú Jñmenijicúre ùi Espíritu Santo ùi yávarí majide ðaiye boje yure apecamua yávaicamua ji majibecamuare. Aru dicamuare yávavaivú yú caivú muje pueno. <sup>19</sup>Ùbenita ji cójijivaiyede apevu Jesúre ju aipðevaque, náre ji coyúru cùinápurúre paicamua yávaicamua ne majidicamuaque, buescúyú náre, meajebu ji coyuríduiyé pueno caipúrcapúrcúre paímil baju yávaicamua ne majibecamuaque.

<sup>20</sup>Muja, jívú, ðabejarã mña yópe juédova dápiabevú ne ðaiyere. Muje

apevure jáicójeniduiyede mujare, ñai Espíritu Santo ùi majide ðaimara mae boje, juédovape teivúbu mña. Quénora ðajarã yópe bucúva dápiavú ne ðaiyere. Muje apevure cadateiyede, ñai Espíritu Santo ùi majide ðaimara mae boje, bucúvape teivúbu mña. Ùbenita yópe juédova majibevú ãmeno ðaiyeque, mña máre majibevúre tejarã ãmeno ðaiyeque.

<sup>21</sup>Javede yópe arí, toivaicójenajaquemavú Jñmenijicú ùi yávaiyede: “Apevu pøeva, apeyajubo pøeyajubocavúre coyúcaicójesúyumu yú ji yávaiyede ji pøevare apecamua yávaicamua ne majibecamuaque. Ùbenita yú náre nópe coyúcaríduyureca, ye yure jápiarí adabede nurajarama na”, arejaquemavú maje jabocú Jñmenijicú. <sup>22</sup>Que baru Jñmenijicú coyúicójeiyede pøevare apecamua yávaicamua ne majibecamuaque, ne jápiarí eabe boje diede, jáðovañume náre ju abevure úre aru ùi cadatebemarare máre. Ùbenita ùi coyúicójeiyede úre coyúcaipøevare ùi yávaiyede parúéque, ne jápiarí eaiye boje diede, jáðovañume ina ju aivúre úre aru ùi cadateimarare máre. <sup>23</sup>Caivú mña Jesúre ju aipðeva, muje cójijivaiyede, caivú ina yávaipðeva ne yávaru apecamua yávaicamua pøeva ne majibecamuaque quénora, aru Jesúre ju abecú o apecú ecoyú baru muje cójijijnami, jãve “¿Árúmevú bária?” ajebu ù. <sup>24</sup>Ùbenita caivú mujacavú yávaipðeva ne coyúcarú Jñmenijicú yávaiyede parúéque, aru Jesúre ju abecú o apecú ecoyú baru muje cójijijnami, coreóvabeju ãmeina teyure. Caivú mña yávaipðeva muje coyúiyé boje Jñmenijicú yávaiyede, “Ji ðaiyede oatúvaiyé jaúvú yure”, arí dápijebu ù. <sup>25</sup>Coreóvabeju Jñmenijicú majicúre caiye ùi dápiayede ùi úmei. Nuatutarí, pueðarí, mearore jíjebu Jñmenijicúre. Aru, “Jãve Jñmenijicú cubi mñaque”, ajebu ù.

**Jesúre ju aipðeva ne cójijivaiyé jaúró pueðavú aru coðobobevúva**

<sup>26</sup>Muja, jívú, que baru yópe ðaiye jaúvú mujare. Muje cójijivaiyede ðajarã



caiyede, parure n̄rajiv̄u caiv̄u m̄ja m̄je ūmei. Apev̄u m̄jacav̄u Salmos āmic̄ue ȳriaiyede ȳriaiȳr̄ajarama. Aru apev̄u m̄jacav̄u bueiyr̄ajarama. Apev̄u m̄jacav̄u soȳuȳr̄ajarama ape soȳuyede, J̄ūmenijic̄ui j̄ádovaiye báquede, náre coapa. Apev̄u m̄jacav̄u yávaiyr̄ajarama apcamua yávaicamua ne majibecamuaque. Aru apev̄u m̄jacav̄u soȳuȳr̄ajarama aipe aiyuēde iye ne yávaiyede apcamua yávaicamua ne majibecamuaque.

<sup>27</sup> M̄jacav̄u yávaiȳr̄iv̄u baru apcamua yávaicamua ne majibecamuaque, yávajar̄ari p̄sar̄ā o yóbesc̄r̄ā quév̄ura, c̄uinác̄u c̄uinác̄u, ūbenita c̄uinát̄uru āmev̄u. Aru soȳuȳe jāv̄u apesu aipe aiyuēde ne yávaiyede. <sup>28</sup> Ūbenita p̄esc̄u ūi cubedu soȳuȳe majic̄u aipe aiyuēde p̄oēva ne yávaiyede apcamua yávaicamua ne majibecamuaque, ñame nópe yávabejar̄ari. Qué Nora ina nópe yávaj̄roriv̄u bi ajar̄ari nore m̄je c̄ójij̄in̄ami j̄iv̄ui. Qué data ar̄i dápijar̄ari na coapa ne yávaj̄roede ne baju aru J̄ūmenijic̄uque.

<sup>29</sup> Nopedeca m̄jacav̄u soȳucaiȳr̄iv̄u baru p̄oēvare J̄ūmenijic̄ui yávaiyede paruéque, soȳujar̄ari p̄sar̄ā o yóbesc̄r̄ā quév̄ura. Aru soȳuȳe jāv̄u apesu náre coapa ina yávaiv̄u b̄acav̄u yópe Esp̄iritu Santo ūi yávaic̄ojeiȳe náre. <sup>30</sup> J̄ūmenijic̄u ape soȳuyede ūi majide đaru apesu m̄jacac̄u nore dobac̄ure, ñai soȳup̄oesc̄u soȳur̄i dajocajac̄ur̄i, apesu ūi buojaquiȳere aȳu soȳuȳ ū máre. <sup>31</sup> Nópe đar̄i, caiv̄u m̄jacav̄u soȳucaiȳr̄iv̄u p̄oēvare J̄ūmenijic̄ui yávaiyede paruéque buojar̄ajarama soȳuȳv̄u, c̄uinác̄u c̄uinác̄u, ūbenita c̄uinát̄uru āmev̄u, caiv̄u m̄je bueni majinajiȳere aiv̄u aru parure đar̄ajiȳere aiv̄u m̄je ūmei m̄je baju. <sup>32</sup> J̄ūmenijic̄ui yávaiyede soȳucaip̄oēvarecabu soȳur̄i majidiv̄u yópe iye J̄ūmenijic̄ui đaic̄ojeiȳere ji majicaiyede m̄jare caride. <sup>33</sup> J̄ūmenijic̄u ye ūbebi p̄oēva ne c̄ar̄ijovaiyede ne baju. Ūbebi ne codoboboiyede. Ūbebi ne yávaiyede caiv̄u c̄uinát̄uru.

Que baru đajar̄ā m̄ja yópe apenoa ĩmaroacav̄u J̄ūmenijic̄ui p̄oēva ne đar̄i c̄omajiȳere ne c̄ójij̄ivaiyede. <sup>34</sup> M̄je c̄ójij̄ivaiyede mearore j̄inajiv̄u J̄ūmenijic̄ure, nomiva yávaic̄ojememaratamu. Que baru bi ajar̄ari ina nomiva. Yópe J̄ūmenijic̄ui đaic̄ojeiyede ūi soȳuȳe báquepe Moisés b̄ac̄ure, j̄u aiȳe jāv̄u nomivare aru jipocatebejar̄ari na. <sup>35</sup> Nomió ōi yávaru Jesúre j̄u aip̄oēva ne c̄ójij̄ivaiyede, c̄uyojar̄otamu. Que baru ina nomiva majiȳr̄iv̄u baru apede ne j̄apiar̄i eabede, j̄eniari j̄ajarari némarepac̄ure ne c̄urami.

<sup>36</sup> Coreóvajar̄ā m̄ja iyede. P̄oēva soȳur̄i b̄ábedejaquemav̄u J̄ūmenijic̄ui yávaiyede m̄jare. M̄ja mamaḡm̄cav̄urecabu āmev̄u j̄apiaiv̄u b̄acav̄u J̄ūmenijic̄ui yávaiyede soȳuyede. Aru m̄ja quév̄urecabu āmev̄u j̄apiaiv̄u b̄acav̄u diede. Que baru, “Maje c̄ójij̄ivaiyede mearore j̄inajiv̄u J̄ūmenijic̄ure, yópe maje ūr̄oēpe đar̄ajarev̄u”, ūbenina āri dápiar̄idubejar̄ā m̄ja. <sup>37</sup> Ácu p̄oesc̄u “J̄ūmenijic̄ui yávaiyede soȳucaip̄oesc̄ubu ȳu”, ar̄i dápiaȳu baru, coreóvac̄uȳme maje jaboc̄u J̄ūmenijic̄ui đaic̄ojeiȳe báquede iye ji toivaic̄ojeiyede apes̄ure m̄jare. Aru ácu p̄oesc̄u “J̄ūmenijic̄ui Esp̄iritu Santo majide đai bi ȳre”, ar̄i dápiaȳu baru, coreóvac̄uȳme maje jaboc̄u J̄ūmenijic̄ui đaic̄ojeiȳe báquede iye ji toivaic̄ojeiyede apes̄ure m̄jare. <sup>38</sup> Ácu p̄oesc̄u ūi j̄apiar̄i adabedu iye đaic̄ojeiyede, apes̄u máre ūi soȳuyede j̄apiar̄i adabejar̄ari.

<sup>39</sup> M̄ja, j̄iv̄u, que baru yópe đaiye jāv̄u m̄jare. Pare ūjar̄ā J̄ūmenijic̄ui Esp̄iritu Santo ūi soȳucare đaquiȳere aiv̄u m̄jare ūi yávaiyede paruéque p̄oēvare. Aru, “Yávabejar̄ā”, abejar̄ā ina yávaiȳr̄iv̄ure apcamua yávaicamua ne majibecamuaque. <sup>40</sup> Ūbenita caiye m̄je đaiyede m̄je c̄ójij̄ivaiyede, mearore j̄inajiv̄u J̄ūmenijic̄ure, đajar̄ā m̄ja yópe p̄eđaiyv̄upe aru codobobobev̄u máre.

**Pablo ùi coyũino Cristoi nacajaino  
mácarõra yainore jarũvarĩ**

(Mt 12.40, 28.16-17; Mr 16.14; Lc 24.34,  
36; Jn 20.19; Hch 2.24-32, 8.3, 9.3-6)

**15** <sup>1</sup>Mũja, jĩvũ, caride mũjare ãrũre ðaiyvũ yũ iye Jesús ùi yávaiye méne ùi meadaiyena põevare, ji coyũiyẽ báquede mũjare. Iye coyũiyede ju ávũ mũja. Aru caride máre ju are nuñavu mũja. <sup>2</sup>Mũja jáve ju are nuivũ baru Jesús ùi yávaiye méne, meadaimara marajáramu mũja. Ùbenita mũja jáve ju abevũ baru, meadaimara ámenajaramu mũja.

<sup>3</sup>Mamarũmũre Jesucristovacari coreóvare ðarejame yũre iye yávaiye paruéde caiye ape yávaiye pũeno. Aru quédeca nópe ùi coreóvare ðaiye báquepedeca, yúcapũravũ coreóvare ðacacu mũjare. Iyebu ùi yávaiye me. Cristo yaicárejameða maje ámeina teiye boje, yópe Jũmenijicũi toivaicõjeiye báquepedeca ùi yávaiyede. <sup>4</sup>Apevu jarũvarejaimaða ùi baju bácarõre põe jarũvaino cũracobe jĩvũ. Aru yóbecurijãravũa yóboi Jũmenijicu nacovarejaquemavũ úre yainore jarũvarĩ, apũcũyũre bediõva, yópe ùi toivaicõjeiye báquepedeca ùi yávaiyede máre. <sup>5</sup>Jũmenijicu úre nacovarĩburu yóboi, majecu Pedro járejameða Jesũre. Aru no yóboi, ina caipũcapũrũape paivũ apevu ùi yávaiye méne beorĩ coyũicõjeimara máre járejaimaða úre. <sup>6</sup>No yóboi, apevu quinientos paivũ baju majacavũ úre ju aipõeva járejaimaða úre cũinátũru. Iyebu nácavu jave yaivũ bácvũreca, ùbenita obedivũ nácavu apũrivũbu caride. <sup>7</sup>No yóboi, Santiago aru ùi yóboi caivũ Jesús ùi yávaiye méne beorĩ coyũicõjeimara máre járejaimaða úre.

<sup>8</sup>Aru buojainũmũre caivũ apevu ne yóboi, úre jámejũrocũ, úre járejacacu yũ. Que baru majivũ ñũja Cristore Jũmenijicũi nacovaimũ mácũre yainore jarũvarĩ. Úre jámejũrocũbu yũ ùi oatũvaiye boje yũre. Úre ju aipõevare boarĩ jarũvaiyvũcũ bácvũ caivũ pũeno

oatũvarejame, pu ùi yávaiye méne beorĩ coyũicõjeimũva corebecũva, yópe juedocu ùi põeteiyepe põeva ne corenajiye jipocamia. <sup>9</sup>Yũrecabu caivũ Jesús ùi yávaiye méne beorĩ coyũicõjeimara ne cãchinocacũpe páyvũ baju. Ji cujurĩ, boarĩ, ñãjine ðaiye báque boje Jesũre ju aipõevare, Jesús beobejebu yũre, ji coyũiquiyepe ayũ ùi yávaiye méne. <sup>10</sup>Ùbenita Jũmenijicũi mearo ðacaiye boje yũre, caride apēcũpe páyvũbu yũ. Ñai põevare boarĩ jarũvaiyvũcũ bácvũpe páyvũ ámevu yũ caride. Jũmenijicũi me boje, epedejaquemavũ yũre, ji memecaquiyepe ayũ úre. Aru ùi nópe epeiye báque ámepeda ámevũ. Quénora memevũ yũ pũeno urarõ baju caivũ apevu ùi yávaiye méne beorĩ coyũicõjeimara pũeno. Ùbenita yávacari ji baju paruéque mememevũ. Quénora Jũmenijicũvacari cadateni, parũre ðaibi yũre, ùi me boje bojecũbeda, ji memecaquiyepe ayũ úre. <sup>11</sup>Caivũ ñũja Jesús ùi yávaiye méne beorĩ coyũicõjeimara cũinátũrũra ñũje yávaiyede coyũicarã ñũja. Que baru ye baju ámevũ yũ coyũyvũ bácvũ baru o apevu coyũivũ bácvũ baru Jesús ùi yávaiye méne mũjare. Cũinátũru coyũvaiyvũbu Jesũi nacajaiye báquede ne boarĩ jarũvarĩburu yóboi úre. Aru mũjavacari ju adavũ diede.

**Jesũre ju aipõeva ne nacajarajiye  
yainore jarũvarĩ**  
(Mt 22.44; Ro 5.12-18)

<sup>12</sup>Caivũ maja Jesũre ju aipõeva coyũvaiyvũbu Jũmenijicũi nacovaiye báquede Jesucristore yainore jarũvarĩ, apũcũyũre cojedeca. Que baru apevu mũjacavũ yópe arĩ, “Yaivũ bácvũre ye nacovamecũyũme Jũmenijicu yainore jarũvarĩ, ne apũràjiiyepe ayũ bediõva cojedeca”, ùbenina arĩduyama na. Nópe ne arĩduiye jáve ámevũ. Árũmevũre coyũyama ina, nópe aivũ. <sup>13</sup>Jũmenijicũi nacovamenu yaivũ bácvũre yainore jarũvarĩ, ne apũràjiiyepe ayũ cojedeca, Cristo yaivũ bácvũ ùi nacovaimũ mácvũ

ámejebu yainore jaruvarí. <sup>14</sup> Aru Jūmenijicui nacovamenu Cristo yaiyú bácure yainore jaruvarí, ũi aruquiyere ayu cojedeca, iye ñuje coyuiye úra bojecubejebu. Aru muje ju aiye máre úre bojecubejebu. <sup>15</sup> Pñeno ámeno baju bájebu ñuje coyuiye yópe arí: “Nacovarejaquemavu Cristore yainore jaruvarí, ũi aruquiyere ayu cojedeca”, ñuja borocujebu Jūmenijicurá. Jáve maru yaivu bácavu nacajamevñere yainore jaruvarí, Cristo máre, yaiyú báciu, nacajari buojabedejaqueme. Que baru, “Cristore nacovarejaquemavu Jūmenijicu”, ñuje arí coyuiyede, borocujebu ñuja.

<sup>16</sup> Jūmenijicui nacovamenu yaivu bácavure yainore jaruvarí, ne arurājiyere ayu cojedeca, Cristo yaiyú báciu máre ũi nacovaimu mácu ámejebu yainore jaruvarí. <sup>17</sup> Aru Jūmenijicui nacovamenu Cristo yaiyú bácure yainore jaruvarí, ũi aruquiyere ayu cojedeca, muje ju aiye bájebu ámededa. Aru bojecubejebu mujare. Que baru Jūmenijicu arumetebejebu cāreja muje ámeina teiyede. Que baru bǐjare ñujebu muja coatejuronivu Jūmenijicure jaruvarí. <sup>18</sup> Aru ina Jesúre ju aipōeva yaivu bácavu máre, coatejuronivu bácavu Jūmenijicure jaruvarí bǐjajebu javede. <sup>19</sup> Maja “Yaivu bácavure ye nacovamecūbe Jūmenijicu yainore jaruvarí Cristoi yaicáiyē boje majare boje” āri dāpiaivu baru, aru maja coreciv baru Jūmenijicu jāve mearo đacacuyñere majare, maje cue boje Jesucristoque cūinávure, maje cuede ijāravni quédada, cōmaje ārojajebu maja caivu arevu pōeva pñeno.

<sup>20</sup> Ūbenita jāve baju Jūmenijicu nacovarejaquemavu Cristore yainore jaruvarí, ũi aruquiyere ayu cojedeca. Ūrecabe mamarumucacu caivu arevu yaivu bácavu jipocai arucuyu cojedeca, yaibécuyu bediōva cojedeca. Aru ũi nacajaiye báque boje, jāve majidivubu maja úre ju aipōevare máre Jūmenijicui nacovaimara mārājivñere yainore jaruvarí ũi yóboi. <sup>21</sup> Cūináciu

ūmu ũi đaiye báque boje, caivu pōeva yaiváivubu. Quédeca apecu ũmu cūináciu ũi đaiye báque boje, pōeva majidivubu nacajarajivu yainore jaruvarí, arurājivu cojedeca.

<sup>22</sup> Javede cūináciu ũmu mácu, ñai mamarumucacu báciu, ũi amíá Adán, coateyu báciu ũi baju Jūmenijicure jaruvarí yaidéjaquemavu, ũi ámeina teiye boje. Que baru caivu pōeva máre, ũi mácu pāramena, ũi mácupedeca yaiváivubu maje ámeina teiye boje. Quédeca, cūináciu ũmu, ñai Jesucristo, yaiyú báciu, Jūmenijicui nacovaimu mácu barejaquemavu yainore jaruvarí, arucuyu cojedeca. Que baru caivu úre ju aipōeva máre, úque curivu cūinávure, ũpedeca Jūmenijicui nacovaimara marajáramu maja yainore jaruvarí, arurājivu cojedeca. <sup>23</sup> Majare nacovaijāravna cūvu yópe Jūmenijicui cōjeiyere. Mamarumu cūinájāravure, Cristore nacovarejaquemavu Jūmenijicu yainore jaruvarí, ũi aruquiyere ayu cojedeca. Aru apejāravure, Cristo ũi copaidaquijāravu baquinóre, caivu maja Cristo jinare nacovacuyume Jūmenijicu yainore jaruvarí, maje arurājiyere ayu cojedeca.

<sup>24</sup> Dinumu maquinóre ijāravu cūiquiyebu. Caivu ina cōjeivñere, caivu ina parurivñere, aru caivu ina purucvarivñere máre, ũi mavare, vaini tucuyume Cristo, náre jaruvarí. Aru jípacu Jūmenijicure, ũi mearore jímure, jaboteicōjecuyume caivu ũi jaboteimarare. <sup>25</sup> Jaboteiye jañvu Cristore pu Jūmenijicui epeiyeta caivu ũi mavare ũi cuboba cāchinoi. Que teni Jūmenijicu jáđovacuyume ũi vaini ture đaiyede Cristore náre jaruvarí. <sup>26</sup> Caivu pōevare yaiye jañvu. Yópe pōecu ũi maucu ũi vaini tuiyere úre jaruvarí, nopedeca yaiyebu pōeva ne maucupe paiye, náre vaini turí. Ūbenita buojainumñere, Jūmenijicui nacovaiye báque boje Cristore, yaiyú bácure, aru ũi nacovaiyere boje maja ũi pōevare máre, ye yaibénamu maja bediōva cojedeca.

<sup>27</sup> Jūmenijicu toivaicōjenejaquemavu ũi yávaiyede Cristore vaini turí

jaboteicōjecuure caivure, caiyede máre. Ëbenita majdivubu maja ùi nópe cōjeiyede Cristore, ye jaboteicōjemecuyure jípacure. Que baru Jūmenijicure jaboteicōjeipōecu cubebi. <sup>28</sup>Cristo caivure, caiyede máre ùi vainí turí jabotequiyede, ùvacari, Jūmenijicui mácu “Mū, ji ju aimū, jabotejacu yure aru ji jaboteimarare máre”, acuyume Jūmenijicure. Que teni Jūmenijicu, ñai Cristore vainí turí jaboteicōjeñu macuyú caivure, jabotecuyume caivure, caiyede máre.

<sup>29</sup>Apevu pōeva Jūmenijicuque jádovaicōjedama ne baju ocoque yaivu bācavure boje. Ëbenita Jūmenijicui nacovamenu yaivu bācavure yainore jaruvarí, bojecubejebu apevu ne jádovaiye Jūmenijicuque na māvavure boje ocoque.

<sup>30</sup>Aru ñaja máre yaijurorivubu jāravua coapa, ñiye ñájiye boje ñiye coyurānuiyede Jesús ùi yāvaiye méne. Ñiye ñájiye máre bojecubejebu. <sup>31</sup>Muja, jívu, iyede coyūquijivu yu mujare, ji torojue boje maje cuede maje jabocu Jesucristoque cūinávure. Pōeva boarí jaruvaiyuma yure jāravua coapa, ji coyūiye boje Jesús ùi yāvaiye méne. <sup>32</sup>Ji cuede Éfeso āmicurīmaroi, pare ñájiacacu yu, nócavu ne maucuvae boje yure yópe āimara jijecurivu ne maucuvaepe. Die ye bojecubejebu yure, jáve maru yaivu bācavu nacajamevure yainore jaruvarí. Majare ðaiye jaujebu yópe ne aiyepe, “Javena yainájichuvu maja. Que baru āri ūcuri torojurājarevu”, adama.

<sup>33</sup>Que baru muje bajumia apesure jujoaicōjemejara. Ārūjara apesu ùi yópe arí coyūiyede: “Āmena pōevaque yóvayu baru, mearo ðarí cōmajiyede ārumetecuyume”, aquemavu.

<sup>34</sup>Ārumevure tebejarā muja. Dajocajarā muje āmeina teiyede. Apevu mujacavu coreóvabevu cāreja aipe ārojacure Jūmenijicure. Coyuyubu diede, muje cuyoje tenajiyepe ayu muje ðaiyede.

**Pablo ùi coyūino nacovarajimara ne baju mamabaju baquinóra**

(1 Ts 4.15-17)

<sup>35</sup>Apesu, yópe arí, jēniari jáquijichubi yure: “¿Aipe ðarí nacajarajidi maja,

yainájivu bācavu?” Aru, “¿Aipe ārojaquidi maje baju baquinó?” arí jēniari jáquijichubi. <sup>36</sup>Pōecu nópe jēniari jáñu maru, ye majibecutame. Jēvari coyūiyeque buequijivu mujare. Maje oteiyede jioi, pīaquíye jipocamia, oteiyabede pojeiye javvu. Oteiyabe pojeniburu yóboi, pīaquíyebu. <sup>37</sup>Trigo āmicue oteiyabede o apeyabe oteiyabede máre maje oteiyede, iye pīaquíye oteiyabepe paiye āmevu. <sup>38</sup>Maje oteniburu yóboi, Jūmenijicu píaré ðalbi caiye oteiyede coapa yópe “Que baquiyébu” ùi arí ðápiaye báquepedeca, ùi cuedaiye báquede caiyede.

<sup>39</sup>Cūináturu āmevu caivu ne bajuá. Pōeva ne jiarua baju, aru āimara ne jiarua baju, mǐjina ne jiarua baju, aru moa máre ne jiarua baju, caivu coapa ne jiarua apabajure cuvama na. <sup>40</sup>Nopedeca cavarōcavu aru joborōcavu máre ne bajuá cūináturu āmevu. Cavarōcavu ne baju métamu, ne cuede cavarōi. Aru joborōcavu ne baju métamu, ne cuede joborōi. <sup>41</sup>Ñai avía jāravucacu meacu bajube. Aru ñai avía ñamicacu máre meacu bajube. Ëbenita ñai ñamicacu jāravucacupe pēomemi. Aru ina abiácova máre meara bajuvacari, ùbenita aviávape paivu pēomema. Aru ina abiácova coapa apede pēodama na. Cūináturu āmevu cavarōcavu ne pēoiyeque.

<sup>42</sup>Yópe vaiyepes oteiyabede, nopedeca vaiquíyebu Jūmenijicui nacovaquiyede yaivu bācavure yainore jaruvarí. Maja yainájivu bācavu maje baju bācarō, ne yuarí jaruvaibaju bācarō, pojequiyebu. Ëbenita maje baju mamabaju baquinó, maje nacajariburu yóboi yainore jaruvarí, ye pojebequiyebu. <sup>43</sup>Maja yainájivu bācavu maje baju bācarō, ne yuarí jaruvaibaju bācarō, bojecubenotamu. Ëbenita maje baju mamabaju baquinó, maje nacajariburu yóboi yainore jaruvarí, bojecurō maquiyébu. Maja yainájivu bācavu maje baju bācarō, ne yuarí jaruvaibaju bācarō, parubenotamu. Ëbenita maje mamabaju baquinó, maje nacajariburu yóboi yainore

jaruvarī, paruḡō maquiýebu. <sup>44</sup>Maja yainájivu bácvu maje baju bácarō, ne yuarī jaruvaibaju bácarō, mearo mateávū, maje cuede ijāravū. Ūbenita maje baju mamabaju baquinó mearo maquiýebu, maje curājiyede mamajāravu cūiméjāravū, maje nacajariburu yóboi yainore jaruvarī. Maje ijāravuquebaju cūe boje, majidivūbu maja mamajāravu cūiméjāravuquebaju máre cuquiyebe. Baju cubedu, arué máre cubevū.

<sup>45</sup>Caride maja cūvarivūbu maje baju yópe Adán mácuī baju bácarōpe, Jūmenijicūi iye báquede ū mácure. Yópe arī, toivaicōjenejaquemavu Jūmenijicū ūi yávaiyede: “Mamarumūcasu, ūi āmiá Adán, Jūmenijicūi cuedaimū marejaquémanu, arucūy ūi bajuque”, arī toivaicōjenejaquemavu. Ūbenita Adán mácuī yóbocasū, Cristo, maja mamajāravu cūiméjāravucavu maje mamarumūcasu, arure dayūbe majare maje ūmei. Que baru jícūyūme majare mamabaju, maje curājiyepe ayu jāravu cūiméjāravu baquinóre. <sup>46</sup>Aru maje arué máre quédecabu. Mamarumūre mamajāravu cūiméjāravuquebaju cūvabevū. Quénora mamarumūre ijāravuquebaju cūvarivūbu. Aru no yóboi, maje nacajariburu yóboi yainore jaruvarī, mamajāravu cūiméjāravuquebaju cūvarājaramu.

<sup>47</sup>Ūnai Adán mácu, maje mamarumūcasu bácu, Jūmenijicūi cuedaimū mácu barejaquémanu joboque. Que baru joborōcasū barejaquémanu ū mácu. Ūbenita ū mácuī yóbocasū, Cristobe cavarō mearo Jūmenijicūi curōcasu. <sup>48</sup>Caivu joborōcavu cūvarivūbu maje bajure yópe ūnai jobore jocarī dayū bácu ūi baju bácarōpe painore. Aru caivu cavarō mearocavu bárājivū cūvarājaramu maje bajure yópe ūnai cavarō mearore jocarī dayū bácu ūi bajupe painore. <sup>49</sup>Yópe caride maje cūvaepe maje bajure ūnai jobore jocarī dayū bácu, Adán mácu, ūi baju bácarōpe painore, nopedeca cūvarājaramu maja maje bajure ūnai cavarō mearore jocarī dayū bácu, Cristo, ūi bajupe painore.

<sup>50</sup>Muja, jívū, jāve couyūbu mujare iyede. Maja curivū buojabenajaramu no Jūmenijicūi jaboteinoi ijāravuquebajuque, maje cūvaede caride. Maje ijāravuquebaju cūiméjaju āmevū. Quénora pojequiyebe. Que baru maja curivū buojabenajaramu no Jūmenijicūi jaboteinoi ijāravuquebajuque. <sup>51</sup>Caride mujare couyūbu yū Jūmenijicūi yávaiyede jāvene, ūi jádovameno mácarōre jipocamia ūbenita jádovainore caride. Caivu maja, Jesúre ju aipōeva, yaibénajaramu. Ūbenita Jūmenijicūi oatūvacūyūme caiye maje bajuáre. <sup>52</sup>Maumejiena, yópe pōecu ūi mimiyepe, iye Jūmenijicūi japuicōjequiye japuino bubaino maquinóre jápuraquiyebe, Jūmenijicūi oatūvacūyūme maje bajuáre. Aru dīnūmū maquinómiarega maja Jesúre ju aipōeva yainájivu bácvure nacovacūyūme Jūmenijicūi yainore jaruvarī, maje yaibénajiyere ayu cojedeca. <sup>53</sup>Oatūvaiye jauvū maje baju pojejuroribajure, maje cūvarājiyepe aivu arebaju cūiméjajure. Oatūvaiye jauvū maja yaijūrorivure, maje yaibénajiyere aivu.

<sup>54</sup>Maja yaibénajivure, maje curājiyede maje cūiméjajuque, vaiquiyebe yópe Jūmenijicūi arī toivaicōjeiye báquepedeca ūi yávaiyede: “Caride pōeva yaibénajarama bediōva cojedeca. Jūmenijicūi buojaiibi vainí tūyū caivure, caiyede máre, ūre maucūvarīduivure jaruvarī. <sup>55</sup>Pōeva vainí tuimara mácvure paivū ne yaijūroe boje, vainí tuimarape paivū āmevū caride. Pōeva ūājine đaimara mácvure paivū ne yaijūroe boje, ūājine đaimarape paivū āmevū caride”, arī toivaicōjenejaquemavu. <sup>56</sup>Ūbenita pōeva āmeina teivū ūājinajarama ne yainájiyede, ne āmeina teiye boje. Aru Jūmenijicūi đaicōjeiyede ūi couyiye báqueque Moisés bácvure coreóvaivūbu maja ina pōeva āmeina teivure ūājine đarājimarare, ne āmeina teiye boje. <sup>57</sup>Ūbenitū torojuede jīnajarevū Jūmenijicūre. Ūrecabe maje jabocu Jesucristore vainí ture đare dayū majare

ãmeina teiyede jaruvãrĩ, maje cœ boje maje jabocu Jesucristoque cûinávũpe.

<sup>58</sup>Que baru mũa, jívũ, ji umara, parũre nũjara mũa mũje ũmei, ðajocabevũva mũa je aiyede maje jabocu Jesucristore. Me majidivubu mũa caiye mũa memecaiyede ũre bojecũede, mũa cœ boje ũque cûinávũpe. Que baru cainũmua pũeno urarõ baju ũre memecajarã.

**Pablo ũi jícõjeino Jesúre ju aipõevare, ne cadatenajiyere ayũ névũ cũve cũvabevũre**

(Ro 15.25-26; 2 Co 8-9)

**16** <sup>1</sup>Caride coyũquijivũ iye jẽniari jáiyede mũa jínajiyena ina Jesúre ju aipõeva, cũve cũvabevũre, mũa toivaiye báquede yure paperayocaque. Ðajarã mũa yópe ji ðaicõjeiye báquepe ina Jesúre ju aipõevare, cójijivaivũre Galacia ãmicurijoborõi. <sup>2</sup>Sumana coapa domingo járavũ, caivũ mũa coapa ñi epejarã tãutũrare, cadatenajivũ cũve cũvabevũre. Mũa ýe báquede no sumana baji ñi epejarã mũa yópe mũa ýe báquepe. Que teni ji eaquiyede mũa yebai, tãutũrare voridurĩ, ñi, jícõjeiye jaubequiyebu mũjare. <sup>3</sup>Ji eaquie jipocamia, beojarã mũjacavũre, ina nũvarajivũre iye tãutũrare, mũa jícãrãjiyede, Jerusalén ãmicurĩmaroita. Aru ji eaquiyede mũa yebai paperayocare jícũyũtu náre, ne nũvari jáðovarajiyere acũyũ Jerusalécavũ Jesúre ju aivũre coreipõevare, ne majinajiyere ayũ ñamejare na aru yéde ne nũvaiyede. <sup>4</sup>Dinũmũ maquinóre mearu ji dápiainoi, yũ máre náque nũri, yũre yóvarãjarama.

**Pablo ũi coyũino ũi ðájũroede**

(Hch 19.8-10, 21; 1 Co 4.17)

<sup>5</sup>Ji etaquiyede yore jocarĩ, vaicũyũtu Macedonia ãmicurijoborõi. No yóboi, eacũyũtu mũa ýmaro Corinto. <sup>6</sup>Mautequijichvũ mũa yebai obediaviava baju. Yũ eayũ baru, mautescũyũtu mũaque nracogo

baede. Dinũmũ maquinóre que tedu, mũajacapũravũ yũre cadateivũ buojarãjaramu, ji nũre nũquiyere aivũ áro ji nũquino apenoita.

<sup>7</sup>Obebejáravũa baju jácũnũiyũbevũ yũ mũjare. Maumena vaiyũbevũ yũ mũa ýmarore jocarĩ. Quénora mauteiyvũ yũ mũaque obediaviava baju, maje jabocu yure mauteicõjenu. <sup>8-9</sup>Ûbenita obedivũ yócvũ jápiaiyũrivũbu Jesús ũi yávaiye méne. Náre bueiye javũ yure. Aru apenvũ obedivũ máre maucũvarĩduivũbu maje jabocu Jesucristore. Náre cãrijovaicõjeiyũbevũ ina Jesúre ju ájurorivũre. Que baru mautescũyũtu yore Éfeso ãmicurĩmaroi, pũ Pentecostés járavũ, judíoiva nũa torojave teijãravuita.

<sup>10</sup>Timoteo máre, yũre páyũ, maje jabocu Jesucristore memecayũbe. Que baru ũi earu mũa yebai, me torojũcu cũre ðajarã ũre. <sup>11</sup>Ûre ãmeina jámejara mũa. Quénora pueðajarã ũre. Aru cadatejarã ũre, ũi nũre nũquiyere aivũ cãrijimenoque. Yũ coreyũbu ũ copaidacũyũre ji yebai apenvũ majevũque.

<sup>12</sup>Caride coyũquijivũ iye jẽniari jáiyede majescu Apolorã mũa toivaiye báquede paperayocaque. Paredeca jẽniariducacu ũre, ũi yóvaquiyere ayũ majevũre ne járanũiye báquede mũjare. Ûbenita dinũmũ mácarõre ũcarũravũ nũiyũbeteame. Apenvũ ũi buojaquinũmũ jácũnũscũyũme mũjare.

**Pablo ũi meaicõjeino Corintocavũre**

(Hch 18.2; 1 Co 1.16)

<sup>13</sup>Me jájara mũa. Ju are nũjara mũa maje jabocu Jesucristore. Jidũbejarã apenvũ ne ãmedãjũroede mũjare, mũa Jesúre ju aie boje. Aru parũre nũjara mũa mũa ũmei, mũa je aiyede Jesúre ðajocabevũva. <sup>14</sup>Caiye mũa ðaiyeque ũjarã apevũre.

<sup>15</sup>Mũa, jívũ, me majidivũbu Estéfanus ũ jinaque ne borore. Nácarũravũ ju aima Jesucristore mamãrũmũre, caivũ apenvũ Acaya ãmicurijoborõcvũ jipocai. Aru memecavaivũbu Jẽmenijicũi põevare, cadatenajivũ náre ðajocabevũva. <sup>16</sup>Ûvũ

yũ mũje ju aiyede náre. Náre aru apevu majevũ nápe paivũre, apevũre cadateipõevare aru memecaipõevare máre, ju arĩ jaboteicõjejara mũjare. <sup>17</sup>Torojuvũ yũ ina Estéfanas, Fortunato, aru Acaico máre ne edaiye báquede yore. Nácapũravũ cadateivũbu yũre yópe mũje cadatejuroepe yũre, curivũ buojaru yáque. <sup>18</sup>Parũre nũre ðaivũbu yũre ji ũmei, yópe ne parũre nũre ðaiyere mũjare máre mũje ũmei. Náre aru apevu nápe paivũre máre “Meavu”, arĩ pueðajarã mũja.

<sup>19</sup>Caivũ ina Jesúre ju aipõeva cójjivaivũ Asia ãmicurijoborõi meaicõjeðama mũjare. Aquila aru Priscamaque aru ina Jesúre ju aipõeva

cójjivaivũ ne cãrami jívũi urarõ meaicõjeðama mũjare, ne cœ boje Jesucristoque cũinávũpe mũjaque.

<sup>20</sup>Caivũ Jesúre ju aipõeva yore curivũ meaicõjeðama mũjare. Me jacyũjarã mũja mũjevũre mũje jivare nuri, mũje Jãmenijicu jina mae boje. <sup>21</sup>Caride yávacari, Pablo, toivaivũ, meaicõjeñũ caivũ mũjare.

<sup>22</sup>Ácu põescu ñi ũbedu maje jabocu Jesucristore, Jãmenijicu ñájine ðajacurĩ ũre toabo cũiméboi cainũmũ. iMũ, maje jabocu Jesús, ðajacu! <sup>23</sup>Maje jabocu Jesucristo mearo ðacajacurĩ mũjare bojecũbeda ñi me boje. <sup>24</sup>Yũ uvũ caivũ mũjare curivũre Jesucristoque cũinávũpe. Quénoramu.

## 2 Corintios

Mamabuinore coyuiyebu Pablo bácu ũi toivaicōjeiye báquede yóbocayoca paperayocare Corinto āmicuriimarocavu Jesúre ju aipōevare. Pablo bácu judíovacacu bácuvacari, Jesús ũi yávaiye méne beorí coyucōjeimū marejaquémavu, coyucuyū ũi yávaiye méne judíova āmevure, judíova ne ju abe boje ũi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru ũi cuede Corinto āmicuriimaroi 18:1-18. Javede Pablo bácu toivacaipōecu bácu toivaicōjenejaquemavu pucayoca ũi paperayocare Tesalónica āmicuriimarocavure aru ũi mamayoca paperayocare Corinto āmicuriimarocavure. Pablo bácu coyurejaquemavu ũre toivacaipōecu bácu aipe ũi toivacauiye báquede diyocare. Toivaicōjenejaquemavu diyocare āniuju bácarōre 55 d.C., yóbecu ũi cuscunuyede, coyucuyū Jesús ũi yávaiye méne. Majidivū ne dápiayepe, curejaquemavu Filipos āmicuriimaroi ũi toivaicōjeiyede diyocare (Hch 20:1-2).

Diyocaque Pablo bácu coyurejaquemavu aipe Jūmenijicu “Yópe đajarā muja boropatenbenajivū ji jáinore”, ũi yóboque coyuiye báquede pōevare. Aru coyurejaquemavu aipe ũvacari Jesús ũi yávaiye méne beorí coyucōjeimūre, bueirpōeva borocurivū ne cue báque boje Corinto āmicuriimaroi Jesúre ju aipōeva jēneboi. Ina bueirpōeva borocurivū ũbenina coyurejaquemavu ape yávaiyede, Jūmenijicu “Yópe đajarā” ũi yávaiye jāve āmene. Aru “Pablo āmemi Jesús ũi yávaiye méne beorí coyucōjeimū” ũbenina arí coyurejaquemavu. Diyoca coricai Pablo bácu Jesúre ju aipōevare jícojenejaquemavu jecubevūva ne cuvaequede cue cuvabevure, ne cadatenajiyepe ayū náre (caps. 8-9).

### **Pablo ũi meaicōjeino Corintocavure** (Hch 18.1)

**1** <sup>1</sup>Yū, Pablo, toivaicōjeivū apesure iyoca paperayocare. Meaicōjeivū muja cójijivaivū Corinto āmicuriimarocavu Jūmenijicui pōevare aru caivū apevū Acaya āmicurijoborōcavu Jūmenijicui pōevare máre. Jūmenijicu beorí epeibi yure Jesucristoi yávaiye méne beorí coyucōjeimaracacure. Timoteo máre, majesu ũi ju aipe boje Jesúre majapedeca, meaicōjeimi mujare. <sup>2</sup>Majepacu Jūmenijicu, maje jabocu Jesucristomaque, mearo đacajacurí mujare bojecubeda ũi me boje. Aru torojurí cure đajacurí mujare máre cārijimevūva.

### **Maja cadateimara maje nājijyede** (1 Co 15.32)

<sup>3</sup>Jínajarevū mearore Jūmenijicure, maje jabocu Jesucristoi mearore jímuere,

jípacure máre. Majepacu Jūmenijicu cōmaje āroje jáimi majare cainumua. Aru cadateibi majare cainumua, ũi parure đaiye boje majare maje ũmei. <sup>4</sup>Cainumua maje nājijyede, majepacu Jūmenijicu parure đarí maje ũmei, cadateyube majare, majacapuravū maje cadatenajiyepe ayū apevū nājivure. Yópe ũi parure đaiyepere majare, nopedeca maja parure đavivū apevure máre. <sup>5</sup>Yópe Cristoi urarō nājijye báquepe, nopedeca maja máre urarō nājivūbu. Aru yópe Jūmenijicui urarō cadateiye báquepe ũre, nopedeca urarō cadateyube majare, maje cue boje Jesucristoque cūinávure. <sup>6</sup>Nūja nājivūbu, buojarājivū cadateivū mujare, muje parurājijyepere aivū muje ũmei aru muje meadaimara marajijyepere aivū máre. Jūmenijicui cadateiyede nūjare ũi parure đaiyede nūje ũmei, coreóvare đalibi nūjare aipe đaiye jaurōre nūjare, nūje cadatenajiyepe ayū mujare,



parure ðarí mujare muje úmei. Que baru muja máre muje ñájiyede napini buojarájivubu muje ñájinajijárvavu baquinói yópe ñuje napiyepedeca ñuje ñájiyede. <sup>7</sup>Majivu ñuja muje ñájiyede yópe ñuje ñájiyepedeca, Jümenijicu cadateni parure ðacuyure mujare máre muje úmei, yópe üi cadateni parure ðaiyepedeca ñujare ñuje úmei. Que baru jáve napini coreivubu ñuja me baju vaiquiyepa aivu mujare.

<sup>8</sup>Muja, ñujevu, uvu ñuja muje majinajiyede ñuje napiye báquede ñájiño uraró bajure no Asia ámicurijoborói. Pare ámeno ñuje ñájiye boje, ye napini majibetecará ñuja. “¿Jáve yainájivu bária?” arí dápiaríducará ñuja. <sup>9</sup>Jümenijicu nópe arí dápiacójeñume, ñuje napini corebenajiyepa ayu ñuje baju cadatenajiyede. Quénora jáve napini coreiye jauteavü ñujare Jümenijicure, ñai nacovañu ina yaivu bávavure yainore jaruvarí, üi cadatequiyepa ayu ñujare, yaijörorivu bávavure. <sup>10</sup>Aru Jümenijicu jáve meadame ñujare iye ñuje yaijöroró mácaróre jocarí. Aru ñujare meadacuyume ñuje ñájiyede jaruvarí. Que baru jáve napini coreivubu ñuja úre. Majivu ñuja jáve meadacuyure ñujare ñuje ñájiyede jaruvarí cainumua. <sup>11</sup>Que baru uvu ñuja muje cadatenajiyepa aivu ñujare muje jéniaiyede Jümenijicunque ñujare boje. Obedivu pöeva ne jéniaiyede Jümenijicunque ñujare boje, mearo ðacacuyume ñujare. Aru ne jáiyede üi mearo ðacaiyede ñujare, obedivu pöeva torojuede jínajarama úre.

**Aipe teni Pablo üi jácunumeno  
mácaró Corintocavure yópe üi aiyepedeca  
báquedepedeca**  
(Hch 18.5, 19.21; Ef 1.4)

<sup>12</sup>Apevu mujacavu übenina arí coyuríduyama ñujare borocurivure. Übenita ne que aiyepedeca jáve ámevu. “Ðadavü maja yópe ðaiye jauróre majare Jümenijicui jáinore”, ñuje arí dápiayepa torojurivubu ñuja. Coreóvaivubu ñuja cainumua ðarí

cómajivure jujovabevüva aru ámeno cubevüva máre pöeva Jesúre ju abevüque aru püeno baju muja Jesúre ju aipöevüque. Übenita nópe ðarí buojabevü ñuja ñuje majiéque. Quénora Jümenijicu nópe ðarí majide ðaibi ñujare bojecubeda üi parué majiéque. <sup>13-14</sup>Cainumua ñuje paperayocare, ñuje toivaicójeiyede apesure mujare, jári boroteni coreóvarí buojajebu muja. Übenita caride caiye ñuje toivaicójeiyede apesure coreóvabevüreca cáreja, jáve napini coreyubu yu, muje coreóvarájiyepa ayu caiye iye ñuje toivaicójeiyede apesure mujare. Que baru maje jabocu Jesúi copaidaquiyede caivu maja torojurájaramu. Mujacapuravu torojurájaramu ñuje bueiye báque boje mujare Jesús üi yávaie méne. Aru ñujacapuravu torojurájaramu muje ju aiyepedeca boje üi yávaie méne.

<sup>15-16</sup>Ji coreóvaie boje diede, arí dápiaríducacu jácunucuyure muje yebai mamarumü, ji nuiyede Macedonia ámicurijoborói aru ji copaiyede nore jocarí máre, muje cadatenajiyepa ayu yure nure nucuyure pu Judea ámicurijoboróita. Püque ji jácunuiyede mujare, püque Jümenijicu mearo ðacajebu mujare. <sup>17</sup>Yu nópe arí dápiaríduyu bávavacari, ape borore ji jápiaríburu yóboi, oatuvacacu ji dápiainore. Que baru numetevü muje yebai cáreja. Ji nume boje cáreja, apesü mujacavu yópe borocuma yure. “Pablo jujovaibi majare. Ijáravüvavu Jesúre ju abevü, übenina coyüibi. Üi dápiayede üi ðaquiyede üi baju cadateiyurí, apesüre ye cadateiyubebi. Maumena üi ju aiyepedeca báquede oatuvaibi, bi acuyü. Que baru pücaümea cubi ü”, übenina adama yure. ¿Ju aivurü muja ne nópe arí coyüinore yurá? <sup>18</sup>Ne nópe arí coyüiye yurá jáve ámevu. Jümenijicui jáinore jáve coyuyubu mujare. Jümenijicu pücaümea cubecu, oatuvabecu, ye übenina arí coyubebi. Jümenijicu “Yópe ðacuyumu” ayu baru, jáve ðayu apa. Aru ñuja máre pücaümea cubevü, oatuvabevü,

ye ũbenina arĭ coyũbevu. Ñũja “Yópe ðarājaramu” aivu baru, jāve ðaivu apa. Que baru yũ jũ ayũ baru apede, ye oatũvabevũ. <sup>19</sup>Jāvetamu no, ji ðaiye boje yópe Jũmenijicui mácu Jesucristoi ðaiyepe. Javede Silvano, Timoteo, aru yũ máre coyũcarā mujare Jesús ũi yávaiye méne. Jesúrecabe pũcaũmea cubecu, oatũvabecu, ye ũbenina arĭ coyũbecu. Cainũmua “Yópe ðacũyũmu” arĭ coyũyũ, jāve ðayũbe yópe ũi aiye báquepedeca. Jũ ayũ baru, ye oatũvabebi.

<sup>20</sup>Jesucristorecabe jũ ayũ caiye Jũmenijicu “Yópe ðacacũyũmu pœvare”, ũi aiye báquede. Ũrecabe ðayũ caiyede yópe Jũmenijicui aiye báquepedeca, mearo ðacacũyũ caivu majare ũre jũ airœvare. Que baru cainũmua maje mearore jýyede Jũmenijicure, “Cristoi ðaiye báque jāvemu. Quédecabu”, arĭ coyũvaivũbu Jesucristoi paruéque. Aru Jũmenijicu torojubi dieque.

<sup>21</sup>Jũmenijicurecabe parũre ðayũ ñũjare aru mujare máre maje ũmei, maje cuede Jesucristoque cũinávũpe. Ũrecabe beoyũ báciu majare ũ jinava. <sup>22</sup>Ũrecabe ðaroyũ báciu majare ũi Espiritu Santore, ũi cuquiyepe ayũ majaque, jáðovacũyũ majare Jũmenijicu jinava. Aru ũrecabe majide ðayũ majare ðacacũyũre caiye iye méne yópe ũi aiye báquepedeca, ũi daroiye báque boje ñai Espiritu Santore.

<sup>23</sup>Caride yũ toivaicœjecuquijivũ apesũre mujare, coyũcũyũ aipe teni oatũvayũ báciu “Yópe ðacũyũmu”, ji arĭ dápiaiye báquede. Jũmenijicuvacari majibi jāve ji coyũiyede. Ũrecabe majicu caiye ji dápiaiyede ji ũmei. Yũ nũmetevũ cäreja mujere ĩmaro Corintoi, ji jaraiyũbe boje mujare. <sup>24</sup>Ñũja jaraiyũ baru mujare mujere ðaiye boje, yópe jabova parũrivũ ne cœjeiyere, ñũja jũ aicœjeiyũbevu mujare aipe jũ aiye jauřore mujare. Mũja me coreóvaivũbu aipe mujere jũ aiyede Jesúre ðajocabevũva, parũrivũ mujere ũmei. Quénora jaraiyũ baru mujare, cadateiyũrivũbu mujare, mujere torojurájiiyere aivu mujere ũmei.

**2** <sup>1</sup>Yũ nũñũ maru mujere yebai caride, jarajebu mujare. Aru

jararu mujare, chíojebu mujere. Ũbenita nũiyũbevu yũ mujere yebai, mujare chíore ðacũyũ bediáva cojedeca. Que baru copainũmetevũ yũ cäreja nore. <sup>2</sup>Mũjarecabu torojũre ðaivu yũre. Que baru yũ chíore ðayũ baru mujare, yũ máre chíojebu. Caivu maja chíojebu, yũ nũñũ maru mujere yebai caride. <sup>3</sup>Que baru toivaicœjecacu apesũre mujere apesũre paperayoca bácarœre, jaracũyũ mujare, mujere meadarájiiyere ayũ mujere ðaiyede ji nuquiye jipocamia, ji jaraiyũbe boje mujere mujere jivateinoi. Ji jaraiyede mujere, torojubevu yũ. Ũbenita mujarecabu yũre torojũre ðájurorivũ baju. Que baru yũre chíore ðaiye jaubevu mujere. Me coreóvaivũ yũ iyede. Mujere torojubedu, yũ máre torojubevu. <sup>4</sup>Chíoñũ baju ji oriye toivaicœjecacu apesũre no paperayoca bácarœre. Parẽ ñájicacu yũre jaraiye jauẽ boje mujere. Ũre toivaicœjemetecacu, chíore ðacũyũ mujere. Quénora ũre toivaicœjecacu, mujere majinajiiyere ayũ pare ji ũede mujere.

**Pablo ũi ārũmetecœjeino  
Jesúre jũ airœvare apesũ ũi  
ãmecoroino mácarœre ũre**

<sup>5</sup>Ñai mujere yebai cücü amecoroyũ báciu yũre chíore ðabeteame yũre cũinácũva. Quénora mujere máre chíore ðaquemavũ ũ. O, “Apevu mujacavũre chíore ðaquemavũ”, aiye jauvũ yũre, ji cômaje aroje jáiye boje ũre. <sup>6</sup>Iye mujacavũ obedivũ mujere ñájine ðaiye báque ũre, ũi amaina teiye boje, ũarœ bajubu. Ape ñájiiye jaubevu ũre. Quénora ðajocajarā mujere ñájine ðaiyede ũre. <sup>7</sup>Que baru caride ārũmetejarā ũi amaina teiyede. Ũre cadateni, parũre ðajarā ũi ũmei. Que ðaru, ũ ðajocabecũyũme ũi jũ aiyede Jesúre, ũi pare chíoiye boje mujere ñájine ðaiyede ũre. <sup>8</sup>Parũřoreca jēniaivũ mujere mujere coyũiyede aru mujere jáðovaiyede máre bediáva cojedeca ũre mujere ũmũre. <sup>9</sup>Toivaicœjecacu apesũre no paperayoca bácarœre, majiacacũyũ mujere ñájine ðaiye jauřore ñai ũmũre. Mũja cainũmua jũ

aivure yure majiyutecacu yu. Torojavu yu, majicu mije daiye báquede yópe ji majicaiye báquipedeca. <sup>10</sup>Muje arumetedu ñi ámeina teiyede, yu máre arumetecuyumu ñi ámeina teiyede. Yure arumeteiye jauéde apescu ámeina teiyede, arumeteyubu diede mujare boje, caivu mja mje curájiyepe ayu me mje baju, aru Cristore boje, ñi jáiye boje caiye ji daiyede, aru ji dápiayede máre. <sup>11</sup>Maje arumetedu apescu ámeina teiyede aru cadatedu úre, ñai abujuvai jabocu, Satanás, majare ye buojabebi dápaicójeñu aru ñaicójeñu máre, yópe ñi dájueroepe maje arumetebedu apescu ámeina teiyede aru cadatebedu úre. Me majivu maja aipe árojae ñai jujovayu ñi daiyede.

**Pablo ñi cãrijino ñi cuede Troai**  
(Hch 20.1)

<sup>12</sup>Ji coyucunuiyede Cristoi yávaiye méne, eacacu Troas ámicurriimaroí. Obedivu nócavu jápiayuriduima diede. Que baru maje jabocu Cristore memecayu buojariducacu. <sup>13</sup>Ubenita pare cãrijinũ batecácu mujare. Majecu Titore, ji jaroimu mácure mje yebai, “Úre sorucuyumu yui”, arí dápiariduyũ batecácu. Ubenita úre eabtecacu nore. Que baru, “Nũñũmu” ji aríburu yóboi nócavure, etacacu nore jocarí, vocunucuyũ Titore Macedonia ámicurijoboróí.

**Cristo ñi vainí ture ñaino**  
majare maje mauvare

<sup>14</sup>Torojuede jínajarevu Jũmenijicure. Maje cue boje Jesucristoque cünávũpe, cainũmũa majare vainí ture ñayube Jũmenijicu maje mauvare, ina majare coyucójemenudivure Jesús ñi yávaiye méne. Coyure ñayube Jesús ñi yávaiye méne caino maje nuino, obedivu pöeva ne coreóvarájiyepe ayu úre, yópe pöescu bicovaiyepe mumijuede, eaquiyepe ayu cainoi. <sup>15</sup>Jũmenijicu me baju jáñũme maje coyuiyede Jesús ñi yávaiye méne cainoi. Yópe caivu pöeva ne víyepe mumijuede ne bicovaiyede, nopedeca

caivu pöeva jápiaivu maje coyuiyede Jesús ñi yávaiye méne coreóvaivubu diede. Apevu diede jápiaivu meadare nuivubu cavaró mearo Jũmenijicui curóí, aru apevu bíjare nuivubu Jũmenijicure jocarí toabo cüiméboi. <sup>16</sup>Ina Jesús ñi yávaiye méne jápiarí ju abevũ ubema maje coyuiyede yópe pöeva ne víyũberpe áme corajuede. Maje coyuiye boje, nácapũravũ coreóvaivubu ne baju yaináivure aru bíjare nurajivure Jũmenijicure jocarí toabo cüiméboi. Ubenita ina Jesús ñi yávaiye méne jápiarí ju aivu uma maje coyuiyede yópe pöeva ne víyũberpe mumijuede. Maje coyuiye boje, nácapũravũ coreóvaivubu ne baju apuráivure aru meadare nurajivure cavaró mearo Jũmenijicui curóí. Pöescu cubebi ñi baju coyuiye majicu iye yávaiyede, yaidé ñayũ apevure aru apure ñayũ apevure máre. Quénora maja coyuvubu diede, Jũmenijicui cadateiye boje majare. <sup>17</sup>Obedivu pöeva coyuvubu Jũmenijicui yávaiyede, ñajivu tãuturare yópe cuede jíní bojeaipöevare. Apevu mujacavu ubenina arí coyuriduyama ñjare nápe paivure. Ubenita ne que aiye jáve ámevũ. Quénora ñjã Jũmenijicui daroimaramu. Uí coyucójeimaramu ñi yávaiyede ámeno cubevũ ñi jáinore, ñjã cue boje Jesucristoque cünávũpe.

**Pablo ñi coyũino Jũmenijicu “Yópe ñajarã mja, boropatebenajivu ji jáinore”, ñi yóbocaró coyũino mácaró pöevare Cristoque**  
(Ro 8.29; Gá 4.19; Fil 3.10)

**3** <sup>1</sup>Apevu pöeva ámecororájiçũma ñjare bedióva cojedeca, ñjã nópe aiye boje. “Pablojá ‘¿Meara márica?’ aivubuya”, ubenina aivureca, ne nópe ámecoroie ñjare jáve ámevũ. Javeita ñjare coreóvaivũ mja. Que baru apevure paperayocare toivacaicójeiye jaubevu ñjare, mje coreóvarájiyepe aivu ñameja ñjare aru ye paruéde cvarivure. Iyere paiyoca paperayocare toivacaicójeiye

jaunu arevu pöevare. Æbenita mujare jádovaiye jaubevu ñujacapuravure paperayocare, muje majinajiyeye aivu ñujare Jūmenijicui daroimarare. Aru mujare toivacaicōjeiye máre jaubevu ñujacapuravure paperayocare, arevu ne majinajiyeye aivu ñujare Jūmenijicui daroimarare. <sup>2</sup>Mujavacari iyepe paiyoca paperayocape paivubu. Que baru jaubevu ñujare paperayocare, ñameja ñujare aru ye paruéde cvarivure coyuiyocare. Caivu pöeva mujare jáivu majinajarama jáve ñujare Jūmenijicui daroimarare aru ñi paruéde cvarivure, muje oatuvaiye báque boje muje ðaiyede, ñuje coyuiye báquede mujare Jesús ñi yávaiye méne. Mujare pare unu ñuja. Que baru mujarecabu paperayoca Cristo toivaino mácaröpe paivu ñuje ũmei, ñuje árumetebenajiyeye aivu mujare. <sup>3</sup>Cristo ũbi pöevare ne járajiyeye ayu caiye iye ñi mearo ðacaiyede mujare, ñi oatuvare ðaiye báquede mujare, muje ju aiye boje ñi yávaiye méne, ñuje coyuiye báquede mujare. Que baru mujarecabu paperayoca “Mearatamu na”, ñi arí toivaino mácaröpe mujare aru ñi jícōjeinope paivu ñujare, ijárvucavu ne coreóvarájiyeye ayu ñi paruéde. Æbenita toivabeteame ñeminicoroque paperayocarā, aru buraiyoque cūravearā máre. Quénora oatvaicōjequemavu ñai Espiritu Santore mujare, muje ũmene aru muje ðaiyede máre.

<sup>4</sup>Jāve majidivubu ñuja me nuriéna coyuvure Jesús ñi yávaiye méne, Jūmenijicui daroiye báque boje ñujare aru Cristoi beorí coyucōjeiye báque boje ñujare. <sup>5</sup>Ñujavacari Jesús ñi yávaiye méne nuriéna coyurí ye majibevu ñuje baju majiéque. Quénora Jūmenijicurecabe coyurí majide ðayu ñujare diede me nuriéna. <sup>6</sup>Jūmenijicūvacari majide ðarejame ñujare, ũre memecaivure, ñuje coyurájiyeye ayu “Yópe ðajarā mija, boropatebenajivu ji jáinore”, ñi yóboarō coyūno mácaröre pöevare Cristoque. Toivacaino mácarō āmenejaquemavu iye ñi yóboarō coyūno mácarō

Cristoque, pöeva maje majinajiyeye ayu aipe ðaiye jaüröre majare. Quénora ñi yóboarō coyūno mácarōque Cristoque Jūmenijicui Espiritu Santo majide ðayu aipe ðaiye jaüröre majare. Jūmenijicui ðaicōjeiye ñi toivacōjeiye báqueque Moisés bácare pöeva yaivu bácvupe ne ũmei coateimara májebu Jūmenijicure jaruvarí, maje ðaiye majibe boje yópe ñi ðaicōjeiye. Æbenita Jūmenijicui Espiritu Santoi ðaicōjeiyeque pöeva apurivubu maje ũmei, ñi ðare ðaiye boje majare yópe ñi ðaicōjeiye.

<sup>7</sup>Javede “Yópe ðajarā mija, boropatebenajivu ji jáinore”, Jūmenijicu arí coyurejaquemavu pöevare, ñi coyuiye báquede ñi ðaicōjeiye Moisés bácare. Iye ðaicōjeiye toivaicōjenejaquemavu cūravearā. Dinumu mácaröre paredca Jūmenijicu meacu baju ñi parué pëorejaquemavu. Que baru Moisés bácu jiva máre pëorejaquemavu. Iye pëoiye bíjare nuiyedeca, ānina Israel bácu pāramena mácvu ye jáivu buojabedejaquemavu ñi jivare, pare pëoiyeque boje. Que teni Jūmenijicu jádovarejaquemavu meacu bajure ñi parué pëoiyeque, ñi majide ðaiye báquede pöevare aipe ðaiye jaüröre náre ñi ðaicōjeiyeque, iye coatete ðaiye pöevare ũre jaruvarí. <sup>8</sup>Que baru pūeno baju jádovarejaquemavu meacu bajure ñi parué pëoiyeque, ñi majide ðaiyede pöevare aipe ðaiye jaüröre majare ñi Espiritu Santoque, ñai arupe ðayu majare maje ũmei, maje curájiyeye ayu Jūmenijicūque cainūma.

<sup>9</sup>Jūmenijicu, ñi javecarō coyūno mácarōque Moisés bácuque, pöevare boropateivure jári, ñajicōjenejaquemavu náre. Æbenita ñi yóboarō coyūno mácarōque Cristoque, pöevare boropatebevure jári, meadarejaquemavu majare. No ñi javecarō coyūno mácarōque Moisés bácuque, jádovarejaquemavu meacu bajure ñi parué pëoiyeque. Æbenita yo ñi yóboarō coyūno mácarōque Cristoque,

pueno baju jádovarejaquemavu meacu bajure ñi parué pëoiyeque. <sup>10</sup> Ñi yóboque coyuquiye jipocai, no ñi javecarõ coyuino mácarõ parurejaquemavu. Ñbenita yo ñi yóbocarõ coyuino mácarõ Cristoque pueno baju parurõtamu. Que baru yóboquede ñi coyuñiburu yóboi, no javecarõ ye parubevu. <sup>11</sup> Jümenijicui coyuíyede no javecarõre Moisés bácuque, “Cüiquíyebu”, arí dápiarejaquemavu. Ñbenita ñi yóboque coyuíyede Cristoque, “Cüiméquiye”, arí dápiarejaquemavu. No ñi coyuino mácarõ cüiquínoque jádovarejaquemavu meacu bajure ñi parué pëoiyeque. Ñbenita yo ñi coyuino mácarõ cüiméno maquinóque pueno baju jádovarejaquemavu meacu bajure ñi parué pëoiyeque.

<sup>12</sup> Ññje jáve napini coreíye boje Jümenijicu jádovare nucuyure meacu bajure ñi parué pëoiyeque, ññje coyuíyede Jesús ñi yávaiye méne, jidubevuva coyuñvaivu diede.

<sup>13</sup> Moisés bácu, ñai cümañu mácu ñi jivare cuitótecajeque ñnina judíova, Israel bácu páramena mácvu, ne jámenajiyere ayu iye pëoiyede bíjare nuíyede ñ mácvure jocarí, coyurejaquemavu Jümenijicui yávaiyede jávene avenu pëovare obebeñuare. Ñbenita ññjacarüruvu coyuñvubu Jümenijicui yávaiyede jávene caivu pëovare cainmua. <sup>14</sup> Ñnina judíova ye coreóvaivu bujabedejaquemavu ne jári boroteiyede Moisés bácu coyuíye báquede Jümenijicu “Yópe ñajarã muja, boropatebenajivu ji jáinore”, ñi javecarõ coyuino mácarõre.

Aru quédecabu caride máre. Ye coreóvaivu bujabema ina judíova, yópe ne cümaiyepe ne ümene cuitótecajeque. Pu ne cuiyeta Jesucristoque cüinávure, coreóvaivu bujarãjarama na. Cristo quécara majibi yópe cümaicajede ñni jaruvaiyepe. <sup>15</sup> Pu carita ne jári boroteiyede Moisés bácu coyuíye báquede Jümenijicui javecarõ coyuino mácarõre ye coreóvaivu bujabema ina judíova, yópe ne cümaiyepe ne ümene cuitótecajeque. <sup>16</sup> Ñbenita pöescu

ju aiyede maje jabocu Jesucristore, coreóvaivu bujoñibi Jümenijicui javecarõ coyuino mácarõre, yópe icaje cümaicajede ñni jaruvaiyepe. <sup>17</sup> Maje jabocu Cristo cüinávure ñai Espíritu Santo. Aru ácu pöescu cuvacu ñai Espíritu Santore, abujuvai jabocui cöjeimu ñmemi. <sup>18</sup> Caivu maja curivubu yópe cuvarepe maje jiva cümamejivare, maje coreóvaíye boje Jesucristore. Yópe jivaru cümamedu jádovaiyepe ñai jáñu nore, nopedeca maja jádovavubu avenu maje jabocu Cristo meacu baju ñi parué pëoiyede maje cuvarede, maje cue boje éque cüinávure. Maje coreóvare návaiyede ére cainmua, oatvare návavubu maja, épe tenajivu. Járvua coapa pueno baju jádovare návavubu ñi parué pëoiyede maje ñaiyeque. Nópe ñare ñayube maje jabocu Cristo. Érecabe ñai Espíritu Santo.

**4** <sup>1</sup> Jümenijicu ñi cömaje ñroje jáíye boje, ére memecacöjeimi ññjare, ññje coyuñaiyepe ayu Jesús ñi yávaiye méne. Que baru ñetubevuva diede coyure nurajaramu ññja. <sup>2</sup> Ññje coyuíyede, ye ñabevu meatenajivu ññje baju avenu pueno yópe ññjare ñmecororíduivu ne aiyere. Ye cuyoje tede ñabevu ññja. Yavenina máre yéde ñabevu ññja. Jujovabevu pëovare. Aru oatvabevu Jümenijicui yávaiye méne. Quénora caiye Jümenijicui yávaiye méne coyuñvubu yéde yavebevuva, oatvabevuva, aru jujovabevuva máre. Nópe ñari Jümenijicui jáinore jádovavubu caivu pëovare ñameja ññjare aru ye paruéde cuvavure, ne mearo dápiarãiyere aivu ññjare.

<sup>3</sup> Avenu pöeva coreóvaivu bujabema ññje coyuíyede. Ñbenita nárecabu quévura ina bíjare nuívu Jümenijicure jocarí toabo cüiméboi. <sup>4</sup> Ññje coyuíyede Jesús ñi yávaiye méne, náre jápiarí eabede ñabi ñai abujuvai jabocu Satanás, ñai jaboteyu ijárvucavu Jümenijicure coreóvabevure. Pöeva ne jápiarí earí ju aiyé iye yávaiye méne yopedecabu ne jáñuroe Cristo meacu

baju ñi parué pëoiyede, ñuje coyuiyede diede. Ëbenita yópe jári eabecu ñi jámepe pëoiyede, nopedeca ina pöeva diede ju abevu coreóvabema Cristo, ñai cüináturnu jípacu Jümenijicuque, meacu baju, ñi parué pëoiyede, yópe ne jári eabepe diede. <sup>5</sup>Ñuja coyubevu ñuje borore, pöeva ne puedaräjipepe aivu ñujare ne jabovava. Quénora coyuvaivubu maje jabocu Jesucristore. Ñujacapüravu quénora memecavaivubu mujare, ñuje ñaiyue boje yópe Jesucristoi uröpe. <sup>6</sup>Mamarumure, Jümenijicui cuedaiye báquede caiyede, ñeminijáravu bácaröre, “Miadájaro” ayu bácu, miadáre ñarejaquemavu Jümenijicu. Ërecabe, yópe miadáre ñaiyeppe maje ümene, coreóvare ñayu meacu baju ñi parué pëoiyeque. Maje coreóvaiyede Cristore, coreóvaivubu Jümenijicu meacu baju ñi parué pëoiyede, yópe maje jájuroepe Cristo meacu ñi jiva pëoiyede Jümenijicui paruéque.

**Jesúre ju aipöeva ne ñaino ñi  
paruéque  
(Ro 14.10)**

<sup>7</sup>Iye Jümenijicu meacu baju ñi parué pëoiyebu püeno bojecue baju. Ëbenita ñuja coreóvaivubu cvarivare iye parué pëoiyede parubevure ñuje ümei, ñuje bojecube boje, yópe jobojorobu parubebure aru bojecubebure. Que baru Jümenijicurecabe parure ñayu ñujare ñuje ümei, jádovacuyu caivu pöevare üre parucure caivu püeno. <sup>8</sup>Apenumua apevu ñujare cãrijovavureca, Jesús ñi yávaiye méne coyurí ye dajocabevutamu ñuja. Apenumua aipe ñaiye jauröre ñujare, ye majibeureca, apevu ye vainí turí jaruvaivu buojabevutamu ñujare. <sup>9</sup>Apenumua apevu ñujare ñájine ñaivureca, Jümenijicu ye coatebebi ñujare jaruvarí. Apenumua apevu ñujare ñamedavvacari, ñujare ye bíjare ñabevutamu na. <sup>10</sup>Caino ñuje nuinoi, ñuje coyuiye boje Jesús ñi yávaiye méne pöeva boarí jaruvaivuríduivubu

ñujare, yópe apevu ne boarí jaruvaiye báquepe Jesúre. Ëbenita ñuja apurivu cãreja jádovaivubu Jesúre, ne boarí jaruvaimu mácure, apucure bedióva cojedeca caride, ñujare cadateyure.

<sup>11</sup>Cainumua ñuje cuede ijáravure, pöeva jëni jíniduvaivubu ñujare apevure ne boarí jaruvaríduräjipepe aivu ñujare, ñuje coyuiye boje Jesús ñi yávaiye méne. Aru ñuja apurivu cãreja jádovaivubu Jesúre, ne boarí jaruvaimu mácure, apucure bedióva cojedeca caride, ñujare cadateyure. <sup>12</sup>Que baru pöeva ne boarí jaruvaiyuedeca ñujare, ñujacapüravu coyure núvaivubu Jesús ñi yávaiye méne, muje curäjipepe aivu cainumua muje diede ju aiyede.

<sup>13</sup>Ye baju ñamevu pöeva ne boarí jaruvaiyue ñujare. Cainumua ju aivubu Jümenijicure. Yópe arí, apecure toivaicöjenejaquemavu Jümenijicu ñi yávaiyede: “Yu ju aivu Jümenijicui yávaiyede jávene. Que baru coyuyubu diede”, arí toivaicöjenejaquemavu. Aru quédaca ñuja máre ju aivubu Jümenijicui yávaiyede jávene. Que baru diede coyuvaivubu ñuja. <sup>14</sup>Coreóvaivubu ñuja ñi yávaiyede jávene, ñi nacovaiye báque boje maje jabocu Jesúre yainore jaruvarí, apure ñacuyu üre bedióva cojedeca. Que baru coreóvaivubu ñuja nacovacuyure ñujare máre yainore jaruvarí, ñuje apuräjipepe ayu bedióva cojedeca, ñuje cue boje Jesucristoque cüinávure. Aru ñuja mujaque, caivu majare nuvacuyume ñi curó, maje curäjipepe ayu ñique cainumua. Que baru jidubevuvu coyuvaivubu diede. <sup>15</sup>Ñuja vaivubu caiye iye ñájipepe mujare boje, cadatenajivu mujare. Püeno baju obedivu pöeva ne ju aiyede Jesús ñi yávaiye méne, ñuje coyuiyede, Jümenijicu meadaibi náre ne ñameina teiyede jaruvarí, ñi mearo ñacaiye boje pöevare bojecubeda ñi me boje. Que baru ina püeno baju obedivu pöeva torojuede jínajarama Jümenijicure. Aru úcapüravu püeno baju ne puedaimu macuyúme, ne püeno baju mearore jíye boje üre.

<sup>16</sup>Que baru ñetubevva Jesús ñi yávaiye méne coyure nurajaramu ñña. Jāravva coapa vainíburu, parubede ñivuvacari ññje baju, maje ũme parure ñuri, mamaeva oatuvare ñivubu maja. <sup>17</sup>Ñájivureca maje cuede ijāravure, maumena vaiquiyebu maje ñájiyede. Que baru quíjino dápiavubu diede. Aru maje curājiyede cavarō mearore Jūmenijicūque, coreóvarājaramu jāve quíjino bajura iye maje ñájiyede ijāravure. Ūbenita maje ñájije boje pñeno ñrarō mearo baju cvarājaramu maja cainmua, jāravu cūimējāravu baquinóre. Que baru ñrarō dápiavubu diede. <sup>18</sup>Maja dápiare ñmevu maje ñájiyede, iye maje jāri buojaiyede. Quénora dápiare ñivubu iye mearo bajure maje cvarājiyede, cavarō mearo Jūmenijicūi curōi, iye maje jāri buojabede cāreja. Iye maje jāri buojaiye cūiquiyebu. Maumena vaiquiyebu. Ūbenita iye maje jāri buojabe cūimēquiyebu. Cainmua cuquiyebu.

**5** <sup>1</sup>Maje baju ijāravucarō yópebu cūrami maje ũme curiñamipe. Majidivubu pojequibaju baquinóre maje yayede. Ūbenita no pojeiyede, maja Jesúre ju aipóeva cūvavu apebaju, maje ũme curiñamipe. Ūbenita cūrami pōeva ne ñaiñamipe āmevu. Quénora Jūmenijicūrecabe cuedayū apebaju mamabajure majare. No baju pojebequiyebu. Quénora cuquiyebu cainmua cavarō mearo Jūmenijicūi curōi. <sup>2-3</sup>Ūtuivubu maje cuede yo baju ijāravucarōque. Pare napini coreivubu añijāravu, Jūmenijicūi jíquijāravu baquinóre apebaju mamabajure majare. Yópe baquiyébu maje ecoiyepe mamađami cūrami aru maje doiyepe cuitótecaje mamacajede máre, maje cubequiyere ayū yópe pōescu cuitótecaje cubecupe. Que baru maje ũme baju cuquiyebu cainmua. <sup>4</sup>Maje cuede yo baju ijāravucarōque, pare ñājini, napini coreivubu maje cvarājiyede apebaju mamabajure. Yópe pōescu ũbebi cūcu cuitótecaje cubecupe, nopedeca maja ũbevu curivū maje ũme baju cubevva.

Quénora ũvu maja Jūmenijicūi oatuvaiyere aivu maje bajure maja yaibévva. Que teni maje baju ijāravucarō pojequibajure oatuvajebu Jūmenijicū, maje cvarājiyere ayū mamabaju pojebequibaju cavarō mearocarōre. <sup>5</sup>Jūmenijicūrecabe ñai majare meadayū bācu, maje baju oatuvaiyere ayū. Que baru iye maje baju oatuvaiye jāvetamu. Ūrecabe majide ñayū majare, ñacacuyure caino mearo yópe ñi aye báquedepedeca, ñi daroiee báque boje ñai Espiritu Santore.

<sup>6</sup>Que baru ye jidubevva aru chōmevva máre napini corevavubu maje cuede cainmua, yo baju ijāravucarōque cubevū cāreja, maje jabocu Cristoi curōi. <sup>7</sup>Majidivubu aipe ñaiye jaurore majare, maje ju aye boje ũre, majare majide ñayure. Ūbenita ũre jāmevu cāreja. <sup>8</sup>Jidubevva aru chōmevva máre napini corede ñivubu maja. Pñeno baju yayivuvubu maja, curājivū maje jabocu Cristoi curōi. <sup>9-10</sup>Ūbenita caiyede jocarī, yópe maje jabocu Cristoi ũrópe ñaiyivuvubu maja. Maje cuede ijāravure aru maje cuede ñi curōre máre quénora ñi ũrópe ñaiyivuvubu maja, caivu maja maje nūrajije boje Cristoi coyquiyede maje ñaiye báquede méne o āmene ñi jáinoi. Bojedacuyume caivu majare yópe maje ñaiye báquedepedeca ijāravure. Maje mearo ñaiye báque boje, mearo ñacacuyume majare. Ūbenita maje āmeno ñaiye báque boje, ñājine ñacuyume majare.

#### Jūmenijicū ñi cārijimene ñaino majare

(Jn 3.3-7; Hch 16.23; Ro 14.10; Gá 6.15)

<sup>11</sup>Maje jabocu Cristoi bojedaiyere boje caivu pōevare, ũre pueñaiye jaovu majare. Que baru pōevare ju are ñaiyurīdivubu ñña Jesús ñi yávaiye méne. Ūbenita coyubevu ñña diede, cvarājivū ññje boje méne. Quénora diede coyivubu, pōeva ne ñājimenajiyere aivu ne ju abe boje. Jūmenijicūcapūravū me coreóvayube

ñujare, ñuje dápiayede ñuje ùmei. Que baru majibi ñujare ñujovabeure aru mearo ðaivure. Napini coreivü yu mujare máre nopedeca me majidivure aipe ãrojarivure ñujare. <sup>12</sup>Bedióva cojedeca ubenina arí dápiabejará muja jí nópe aipe boje mujare coreóvare ðaiyucure ñameja ñujare aru ye paruéde cuvavivure. Quénora mujare torojure ðaiyuríduivübu ñuje ðaiye boje, muje majinajiyepe ayu me ina bueipóeva ãmecorojorurivü ñujare ne coyuiyede. ãmecoroivuríduivübu ñujare, ne ube boje ne jáiyede aipe ãrojarivure ñujare. Ubenita majibema aipe ãrojarivure ñujare ñuje ùmei. <sup>13</sup>Apevu “Pablojá ãrumevutamu”, ubenina adama. Ubenita ãrumevu ãmevu ñuja. ãrumevure ãrojaru, ye baju ãmevu. Ðaivübu ñuja yópe Jümenijicui urópe, mearore jínavivü úre. Ubenita jáve ãrurivübu ñuja, memecarãjivü mujare. <sup>14</sup>Memecaivübu mujare Cristoi ure ðaiye boje ñujare, üi ue boje caivu póevare.

Maja coreóvavübu cüinácu ümu, maje jacobu Cristo, yaicáyu bácu caivu póevare boje. Caivu póeva yaijororivureca ne ãmeina teiye boje, Cristorecabe yaicáyu bácu majare boje. Que baru caivu úre ju aivu yópe yaivu bácvupebu maje cuede úque cüinávure. <sup>15</sup>Cristo yaicárejaquemavu caivu póevare boje, maja úre ju aivu, maje dajocarãjiyepa ayu maje ðaiyede, torojure ðarãjivü maje baju quévura, ubenita quénora maje ðarãjiyepa ayu caiyede, maje torojure ðarãjiyepa aivu úre. Úrecabe yaicáyu bácu aru Jümenijicui nacovaimu mácu máre majare boje. <sup>16</sup>Ñuje ju aipe báquemata Cristore, “Que baibi”, arí dápiabevü aipe ãrojacure póecure ñuje jáiye boje úre, yópe ijãravucavu Jesúre ju abevü “Que baibi”, ne arí dápiayepa. Ñuja nápe paivu “Que baibi”, arí dápiaivü bácvuvacari Cristore javede, caride nápe paivu “Que baibi”, arí dápiabevü. <sup>17</sup>Que baru maja Cristore ju aivu curivübu úque cüinávure. Jümenijicui oatvaimaratamu

maja. Yópe mamarumure póteivü bácvupebu. Maje dápiayede, maje ðarí cõmajiyede, maje ju arãjiye jípcocai Cristore dajocadavü maja caride. Quénora maje cuvae boje mamaümene, maje dápiayede, maje ðarí cõmajiyede, oatvavadavü maja caride. Majarecabu dajocavü bácvu javede maje ðarí cõmajiyepa báquede maje ju arãjiye jípcocai. Quénora ðarí cõmajiyavü mamaene caride.

<sup>18</sup>Jümenijicurecabe ðare ðayu caiye iyede majare boje. Cristoi ðaiye báque boje, Jümenijicu cãrijimene ðarejaquemavu majare úque, maja úre maucuvavivü bácvu, maje yóvarãjiyepa ayu úre. Aru ñujare cãrijimene ðare ðaicójeneyame apevu póevare máre úque, na úre maucuvavivü, ne yóvarãjiyepa ayu úre. <sup>19</sup>Yópe ayubu yu. Cristoi ðaiye báque boje, Jümenijicu cãrijimene ðaiyuríduibi caivu ijãravucavure úque, ina úre maucuvavivü, ne yóvarãjiyepa ayu úre. Coyurí ñájine ðabebi ne vainí tuiye báquede üi ðaicójeiyede jocarí. Aru ñujare coyucójeimi náre üi yávaiye méne üi cãrijimene ðaiyena. <sup>20</sup>Cristoi daroimaramu ñuja, coyucarãjivü üi yávaiye méne. Ñuje arí coyuiyede póevare “Maucuvabejará muja Jümenijicure. Quénora úre cãrijimene ðare ðaicójejara mujare úque” arí, yopedecabu Jümenijicuvacari üi que jëniajúroe náre. Ñuja paruróreca jëniacavübu mujare Cristore boje. Yópe arí, “Maucuvabejará muja Jümenijicure. Quénora úre cãrijimene ðare ðaicójejara mujare úque”, Cristo ñujare jëniacójeimi mujare. <sup>21</sup>Maja curivü Jesucristoque cüinávure Jümenijicui cãrijimene ðaimaramu caride. Cristovacari ye ãmenore ðabedejaquemavu cainumü. Ubenita Jümenijicu járejaquemavu úre yópe üi jáiyepa ãmenore ðayupe majare boje, meadacuyü majare. Que baru Jümenijicu jáñume majare curivure Jesucristoque cüinávure, yópe üi jáiyepa boropatebevure.

**6** <sup>1</sup>Aru ñuja memecaivü Jümenijicure mujaque paruróreca



jēniavaivubu mɔjare, mɔje ju are nɔrajipeye aivu Jūmenijicui urarō mearo đacaiyede, ũi meadaquiyepe aivu mɔjare. <sup>2</sup>Jūmenijicuvacari, yópe arí, toivaicōjenejaquemavu ũi yávaiyede:

Mɔje órejarājiyede yure, ji cadatequiyepe aivu mɔjare, jápiarí cadatecuyumu mɔjare. Yo jāravu baquinó ji meadaquijāravure, meadacuyumu mɔjare, arejaquemavu Jūmenijicu.

Jápiarā mɔja. Caridecaba Jūmenijicui mɔjare cadatejurorijāravu. Cari jāravurecaba Jūmenijicui mɔjare meadajurorijāravu. Mɔjare cadateni meadaiyubi Jūmenijicu cari jāravu baju. <sup>3</sup>Cainumua ñuje memecaiyede Jūmenijicure, ye āmeina teiyubevu ñuja aru apevure máre ye āmeina tede đaiyubevu ñuja, ñame ne āmeina yávarí buojabenajiyepe aivu ñujare aru ju abevu āmenajiyepe aivu Jūmenijicui yávaiye méne, “Diede coyucaipóeva āmeina teivubu aru āmeina tede đavubu apevure máre” aivu. <sup>4</sup>Quénora caiye ñuje đaiyeque jáđovaiyurivubu đavũ me, yópe memecaipevare jauépe Jūmenijicure.

Que baru napiyurivubu cainumua ñuje ñájiyede, ñujare jauéde, aru ñuje cārijiyede máre. <sup>5</sup>Póeva ñujare jara popeivu bācavuvacari, ñujare jēni jacoivu bācavuvacari āmeina teivure jēni jacoĩnami jívui, aru ñujare maucvarí, cārijovari boaiyurivũ bācavuvacari máre, caiye ñuje đaiyeque jáđovaiyurivubu đavũ me, yópe memecaipevare jauépe Jūmenijicure. Ñuja urarō memevũ bācavuvacari pu uetuiyeta, aru ñuja cāmevu bācavuvacari ñuje memeiye boje, aru ñuja āiyede āmevu bācavuvacari máre ñuje memeiye boje, cainumua jáđovaiyurivubu đavũ me, yópe memecaipevare jauépe Jūmenijicure. <sup>6</sup>Que baru āmeina tebevũva đare nuiyurivubu me Jūmenijicui jáĩnore. Jūmenijicui yávaiyede jávene majide nuiyurivubu. Aru napine nuiyurivubu póeva ne đaiyede. Cadatede nuiyurivubu

póevare. Cure nɔvaiyurivubu ñai Espiritu Santore aru ure nuiyurivubu póevare cainumua. <sup>7</sup>Jūmenijicui yávaiyede jávene coyure nuiyurivubu. Aru Jūmenijicui parúeque ñuje cavaede memecare nuiyurivubu. Cainumua mearore đaiyurivubu, meatenajivũ maucuvaburí āmenore, yópe churarava ne meateiyepe, ne maucvarājiyepe aivu ne mavare.

Que teni majidivubu ñuja aipe đaiye jauróre, vainí turí jaruvarājivũ āmenore aru vainí tubenajivũ ñuja máre. <sup>8</sup>Apenumua apevu póeva pueđadama ñujare. Aru apenumua pueđabena ñujare. Apenumua apevu póeva āmeina yávadama ñujare. Aru apenumua me yávadama ñujare. Apenumua “Borocurivubu”, ũbenina arí dápiađama ñujare, ñuja borocubevũva yávaiyede jávene coyuvavureca. ũbenita ye baju āmevu ñujare. <sup>9</sup>Ñuja obedivũ ne me coreóvaimarareca, apenumua “Caivu ne coreóvabemaratumu”, ũbenina arí dápiađama ñujare. Apevu “Náre ne boaicōjeimara márājima”, ũbenina arí dápiaivureca ñujare, ñuja arurivubu. Ñujare urarō ñájine đavuvacari, ñujare boarí jaruvabema. <sup>10</sup>Apenumua chíovuvacari ñujare āmeno vaiye boje, torojurivubu ñuje ũmei cainumua. Ijāravuque cūve cūvabevuvacari, apevure cūve cūvarivupe tede đavubu ne ũmei urarō Jūmenijicui mearo đacaiyede ñuje cūvare đaiyede náre Jūmenijicui yávaiye méne. Aru ñuja ijāravuque cūvabevuvacari, caiye iye méne Jūmenijicui cūvare đaiyede ũ jinare cūvarivubu ñuja.

<sup>11</sup>Mɔja, jívũ, Corintocavu, jidubevũva coyivubu mɔjare nuríe, ñuje dápiaiyede ye yavebevũva. Jáđovavubu pare ñuje ũede mɔjare. <sup>12</sup>Joi āmevu ñuje ũme mɔjare jocarí. Ñujacapuravu yóvaiyubevu āmevu mɔjare. Quénora joi ũme cūvu ñujare jocarí. Mɔjacapuravurecaba yóvaiyubevu ñujare. <sup>13</sup>Que baru yu jēniaivu mɔjare paruróreca, yópe népacui jēniaiyepe ũi márare. Yópe ji pare ũepe mɔjare, quédecu ũjarā yure.

**Pablo ñi majicaino Jesúre ju  
aipõevare, ne yóvabenajiyere ayu  
Jesúre ju abevuque**

(1 Co 3.16, 6.19)

<sup>14</sup> Ñbenita ji ñedeca muje yóvarãjiyere ayu yure, yóvabejarã muja ina Jesúre ju abevuque, uparivu teiyede náque aru ñajivu tãtuturare aru purubuoiyede náque máre. Põeva mearore ñaivu ye buojabenama yóvaivu ina ñmenore ñaivuque. Aru põeva mãdãroi cuivupe, ne mearore ñare ñuiye boje, ye buojabenama yóvaivu náque, ina ñeminoi cuivupe, ne ñmenore ñare ñuiye boje. <sup>15</sup> Cristo ye buojabebi yóvayu ñai abujuvai jabocuque. Aru Jesúre ju aipõecu ye buojabebi yóvayu Jesúre ju abevuque, ne dápiarĩ cõmajibe boje cünáturu. Nácapuravu pẽpeimarare mearore jívaivubu. Ñbenita majacapuravu Jümenijicure mearore jívaivubu. <sup>16</sup> Aru pẽpeimara ye buojabenama yóvaivu ñai Jümenijicu arucu ñi mearore jíñami jívu. Maja Jesúre ju aipõevavacari ñai Jümenijicu arucu mearore jíñamipebu. Yópe arĩ, toivaicõjenejaquemavu Jümenijicu ñi yáva iyede:

Ji põevaque sucuyutu yu. Yópe ji cuiyere ne jẽneboi yóvasuyutu yu náque. Ne mearore jímu macuyutu yu. Aru nácapuravu ji põeva marajárama, arejaquemavu Jümenijicu.

<sup>17</sup> Que baru Jümenijicu yópe máre arĩ toivaicõjenejaquemavu ñi yáva iyede, ñi põeva ne majinajiyere ayu aipe ñaive jauõre pẽpeimarare mearore jívu:

Náre dajocarĩ, etajarã muja náre jocarĩ. Que teni náque yóvabeni, coatejarã muja náre jaruvarĩ. Ye tũbejarã muja caiye ne cõvaede, ne ñmeina ñaiveque cõvaede. Que ñaru, mujare me coru etacuyutu yu. <sup>18</sup> Yu bacuyutu mujerasu. Aru muja jímara marajáramu, arejaquemavu maje jabocu Jümenijicu, ñai parucu caivu pũeno.

**7** <sup>1</sup> Jáve Jümenijicu ñacacuyume majare caiye iye mearo ñacaiyede yópe ñi aive báquepedeca. Que baru muja, jívu, ji umara, yópe põevai jaruvaiyere docucuede ne joaiyede, nopedeca jaruvaiye javu majare maje ñmeina teiyede. Iye maje bajure ñmedaiyede aru maje ümene máre ñmedaiyede coatenajarevu diede jaruvarĩ. Jümenijicure memecaiye matuiyeda javu majare, maje pueðaiye boje ñre.

**Corintocavu Jesúre ju aipõeva ne  
jaruvaino ne ñmeina teiyede**  
(2 Co 2.13)

<sup>2</sup> Ujarã ñujare. Jápiarĩ adabejarã ina ñmeina yávaivure ñujare. Ñamene ñmeina ñabetecarã ñuja. Ñamene ñmeina tede ñabetecarã ñuja. Aru ñamene jujovabetecarã ñuja. <sup>3</sup> Caiye iye ji toivaicõjeiyede apere mujare toivaicõjemenu ñmecorocuy mujare. Yópe ji toivaicõjeiye báquepedeca apere mujare jipõicai, pare urivubu mujare. Ñuje urarõ ue boje mujare, yóvaivurivubu mujare maje cuede ijãravui. Aru avenu ne mujare boarĩ jaruvaiyuru, mujaque yaiyurivubu ñuja. <sup>4</sup> Jidubecava cõvavu mujare nurie ji dápiariyede ye yavebecava. Muja torojare ñavã yure. Que baru avenu põevare cõvuvubu muje borore. Caiye maje ñãjiyede, muja cadatedavũ ñujare, muje parure ñaive boje ñuje ümei, aru muje torojare ñaive boje máre ñuje ümei.

<sup>5</sup> Ñuje eaiyede yui Macedonia ñmicurijborõi, pu caride máre ye jabõvabevu ñuja carijivu. Cainmua ñãjivaivubu ñuja, avenu ne maucvave boje ñujare aru ñuje carijiye boje põeva ne ñãjuroede aru muja máre, muje ñãjuroede. “Dajocarãjichuma ne ju aiyede Jesús ñi yávaive mène”, arĩ dápiarĩ mujare, carijivubu ñuja. <sup>6</sup> Ñbenita Jümenijicurecabe, ñai cadateyu ina cõmaje ñrojarivure, cadateyu bácu ñujare. Parure ñame ñujare ñuje ümei, Tito eðaiyede yore. <sup>7</sup> Parure ñaibi ñujare ñuje ümei, ñi

edaiye báque boje, cуcуyу ñuяaque. Òbenita pueno baju parure ðaibi ñujare ñuje ùmei, ùi coyuiyede muje parure ðaiyede ùre ùi ùmei. Pare ñujare jáiyurivubuya. Chõivubuya muje àmeina teiyede. Cãrijivubuya ji ñájiyede mujare boje. Que baru pueno baju torojuvу уу ji ùmei.

<sup>8</sup>Mamarumure ji jaroiyede mujare no paperayoca ji toivaicõjeino mácarõre apecure, jaracуyу mujare muje àmeina teiye boje, pare cãrijijñu matecácu уу. “¿Chõiore ðaquijichuri уу náre?” arí dápiari ðaquiyatecácu. Aru muje jári boroteiyede no paperayoca bácarõre, chõiquemavу муja. Уу mujare chõiore ðayу bácvacari, “Nore apecure toivaicõjeiye jaubeteavü уure”, arí dápiabevу уу. Chõivу batequémavу муja obebejaravure. <sup>9</sup>Caride torojuvу уу, ji toivaicõjeiye báque boje apecure no paperayoca bácarõre. Ji chõiore ðaiye báquede mujare torojubevу уу. Òbenita me torojuvу уу, muje chõiori oatuvaiye boje muje ðaiyede. Muja jáquemavу muje àmeina teiyede yópe Jñmenijicui jáiyepe diede, muje oatuvaiye báque boje muje ðaiyede. Que baru mujare àmedabetecacu уу, ji toivaicõjeiye báque boje apecure, majiacacуyу mujare. Quénora mujare cadatecacu уу.

<sup>10</sup>Ñai jáñу ùi àmeina teiyede yópe Jñmenijicui jáiyepe diede chõiori oatuvayube ùi ðaiyede. Que baru Jñmenijicu meadayube ùre, ùi àmeina teiyede jaruvári. Aru chõiomecube cainumа. Òbenita ñai jáñу ùi àmeina teiyede yópe põeva Jñmenijicure coreóvabevу ne jáiyepe diede chõionume, ùi cуyoje teiye boje põeva ne jáiyede, ùbenita oatuvaiyubecube ùi ðaiyede. Que baru ñaine Jñmenijicu coavayube ùre jaruvári cainumа. <sup>11</sup>Dápijará муja caiye iye mearo vaiyede mujare, muje chõiori jáiye báque boje muje àmeina teiyede yópe Jñmenijicui jáiyepe diede. Maumena corebevуva iye àmeina teiyede ðajocaquemavу. Cуyуcaquemavу ji borore, cadatenajivу уure ji maucu ùi àmecoroiyede уure.

Jaraqumavу muje bajumia muje àmeina teiye báque boje. “¿Nópe àmeina tenajichuri maja cojedeca?” arí dápiari jidutequemavу muje ñájjimroede die boje. Jáiyuriduquemavу уure cojedeca. Cãrijivу уure boje ji ñájiyede mujare boje, уure ju aiyutequemavу. Aru ñai ji maucure ñájiye ðaquemavу. Caiye iye muje ðaiye báqueque jáðovaquemavу muje baju boropatebevure caride.

<sup>12</sup>Jáðovaiyubetecacu ñai àmedayу boropateyure, ùi àmeina teiye boje aru уу, ùi àmedaimu mácu, boropatebecure quédата, no paperayoca ji toivaicõjeino mácarõre apecure mujare. Quénora jáðovaiyutecacu mujare Jñmenijicui jáinore muje chõoiyede, ñuje ñájiye boje, muje pare urí cadateiyue boje ñujare.

<sup>13</sup>Que baru ñujare me cadatedavü муja, parure ðari ñuje ùmei, muje me jápiari ju aiye boje уure.

Torojuvу ñuja, muje nópe cadateiye boje ñujare. Òbenita pueno baju torojuvу ñuja, ñuje jáiyede majecu Tito ùi torojue boje, caivу муja muje cadateiye báque boje ùre, ùi parure ðaquiyepe ayу ùi ùmei, ùi cue báquede muje yebai. <sup>14</sup>Titoi etaquiye jipocai, jácunucуyу muje yebai, muje torojure ðaiye boje уure, “Ñujare me jápiari ju arãjarama majevу Corintocavу”, arí cуycacu ùre muje borore. Aru muje me jápiari ju aiye boje, cуyebevу уу, ji nópe coyuiye báque boje ùre. Yópe caiye ñuje coyuiyepе mujare jávepe, quédeca ji coyuiye báque boje borore Titore máre jávetamu. <sup>15</sup>Caride pueno baju ubi mujare, ùi àruéne muje me jápiari ju aiye ùre, aru muje me jacopuiye báquede ùre máre, ùre pueðari yópe muje pueðajuroepe jabocu jidojacure. <sup>16</sup>Pare torojuvу уу. Jidubecvа aru chõiomecvа máre majivу уу mujacapuravу ðaivure caiyede yópe mujare jauéde, ye jaubeda.

**Jesúre ju aipõeva ne jño jеснbevуva  
cуve cувabevure  
(Ro 12.17, 15.26)**

**8** <sup>1</sup>Muja, jivу, caride mujare coreóvare ðaiyurivubu ñuja

ina Macedonia āmicurijoborōcavu Jesúre ju aipōeva ne mearo đaiyede Jūmenijicui mearo đacaiye boje náre bojecubeda ũi me boje. <sup>2</sup>Návacari pare nájivaivubu. Ūbenita nájivuvacari, jádovadama Jesúre ju aivure jáve. Nájivuvacari, cainmna me torojma ne ũmei. Aru návacari ure cve cūvabevutamu. Ūbenita cve cūvabevuvacari, jecubevuva jívaivubu ina Judea āmicurijoborōcavu Jesúre ju aipōeva cve cūvabevure yōpe cve cūvarivū ne jjúroep. <sup>3</sup>Jāve coyivū yu mujare. Caino ne oainope jíma na. Aru pueno baju yōpe ne jíye buojabejúroep jíma na. Jíbeteima ne cūvaequede náre jaubede quénora. Ūbenita náre jauéquede máre jíma na. Aru pōescu cubeteame jícōjeñū mácu náre. Quénora návacari “Jínajarevu, cadatenajivū ina cve cūvabevure”, aquemavu.

<sup>4</sup>Parurōreca nūjare jēniaivū bateima, nūje ĩni nūvarajiyep aivū ne tāuturare ina Judeacavu Jūmenijicui pōeva cve cūvabevure. <sup>5</sup>Nūje coreiye báque pueno baju, jíma na. Mamarumure “Yōpe mi urōpe đarājaramu nūja”, aquemavu maje jabocu Cristore. Aru no yóboi, “Yōpe nūje urōpe đarājaramu nūja”, aima nūjare, Jūmenijicui nópe aicōjeiye báque boje náre. <sup>6</sup>Nūje jáiye boje ina Macedoniacavu Jesúre ju aipōeva ne pare cadateiyūede ina cve cūvabevure, Titore jēniacarā nūja paredeca, ũi copainuquiyep aivū nūje yebai. Javede Tito cójjjovarī búquemavu nūje jíyede. Que baru jēniacarā ũi cadatequiyep aivū mujare, nūje cójjjovarī buojarājiyep aivū tāuturare, nūje jínajiyede ina cve cūvabevure.

<sup>7</sup>Muja ju aivubu Jesúre arevū pueno. Muja coyivubu Jesús ũi yávaiye méne arevū pueno. Muja coreóvaivubu iye yávaiyede jávene arevū pueno. Maumena corebevūva muja memecaiyurivubu arevure arevū pueno. Muja urivubu pōevare yōpe nūje ũepe arevū pueno máre. Que baru quédeca pueno baju jjarā nūje cūvaequede máre, cadatenajivū cve cūvabevure.

<sup>8</sup>Ji coyuiyede mujare diede, jícōjemevū mujare. Quénora coreóvare đayūbu mujare arevū Jesúre ju aipōeva ne urarō jíyena, ne pare ũe cadateiyūe boje cve cūvabevure, nūje jádovarajiyep aivū muja máre jáve urī cadateiyurivure náre nūje jíyepue jecubevuva. <sup>9</sup>Muja me coreóvaivubu iyede. Maje jabocu Jesucristo, ũi pare ũe boje majare, pueno baju mearo đacarejaquemavu majare bojecubeda. Nai cve cūvacavacari caivū pueno, ũi cūvae boje caiye majepacu Jūmenijicui paruéde, pōescupe teni cve cūvabescupe caivū pueno tedejaquemavu ũ. Aru ũi nópe teiye báque boje, cve cūvarivūpebu maja, maje cūvae boje caiye iye Jūmenijicui méne. Que baru ũi nópe cadateiye báque boje majare, arevure cadateiye jauvu majare máre.

<sup>10</sup>Yu jícōjeiyūbecūvacari, majicaiyūvu mujare. Ji dápíaru, meavu mujare nūje buojaru iye tāutura cójjjovaiye nūje buiye báquede apejū barede. Mujarecavu jini buivū bācavu caivū arevū jívu ne jínajiyep jipocai. Aru pueno baju mujarecavu “Jínajarevu” aivū bācavu máre caivū arevū “Jínajarevu”, ne arājiyep jipocai. <sup>11</sup>Que baru maumena corebevūva buojajarā iye nūje buiye báquede. Muja pare buiyurivū bācavu iye tāutura cójjjovaiyede, cójjjovarī buojajarā máre maumena corebevūva. Jjarā yōpe nūje oainope, nūje cūvaeacarōque. <sup>12</sup>Maje jáve jíyuru, cadatenajivū arevure, Jūmenijicu torojcu me jāñume maje jíyede. Jūmenijicu ũbi maje jíyede yōpe maje oainope, maje cūvaeacarōque. Jēniamecube majare maje jíyede maje cūvabede. <sup>13</sup>Yu ũbevū nūje jínajiyep aivū arevure jauéde, pu nūje cūvabeta mujare jauéde. <sup>14</sup>Quénora ũvu yu caivū ne cūvarājiyep aivū cūináturura. Que baru caride mujacarpūravū, cūvarivū caiye mujare jauéde aru mujare jaué pueno máre, jjarā, cadatenajivū ina cūvabevure. Aru arevūmure nācapūravū, cūvarājivū caiye náre jauéde aru náre jaué

püeno máre, jínajarama, cadatenajivu mña cuvabenajivüre. Que teni caivu cüináturnu cüvaräjivübu. <sup>15</sup>Quédeca yópe arí, toivaicōjenejaquemavu Jūmenijicu ũi yávaiyede: “Ñai űrarō ññu mácu puruiyede cuvabedejaquemavu. Aru ñai quijino ññu mácre jaubedejaquemavu”, arí toivaicōjenejaquemavu.

Nópe ayu, Jūmenijicu jýyüre ũi pōevare náre jauéde cainumua aiýurejaquemavu.

**Tito aru pucarā ũi yóvaimara  
ne nurajino Corinto**

<sup>16</sup>Jūmenijicu Titore cadateiyüre ðaibi mujare yópe ũi cadateiyüre ðaiyepe yüre. Que baru torojuede jivu Jūmenijicure. <sup>17</sup>Tito pare cadateiyubi mujare. Apecu copaicōjemecuva ũre muje yebai, ũvacari “Corinto copaiyuvu yu”, áme. Que baru ji jēniaye báquede ũre paredeca, ũi copainuquiyepe ayu muje yebai, maumena corebecuva ju áme yüre.

<sup>18</sup>Que baru jácunucuyume mujare bediōva. Aru ũque jarocuyumu yu apecu majecüre, majape ju ayüre Jesúre. Caivu Jesúre ju aipōeva me pueðadama ũre, ũi coyuiye boje Jesús ũi yávaiye méne, ũi meaðaiyede pōevare. <sup>19</sup>Obedivu ne pueðaimvacari ũi coyuiye boje Jesús ũi yávaiye méne, püeno baju ne pueðaimume Macedonia āmicurijoborōcavu Jesúre ju aipōeva cójjivaivu, ne beoie báque boje ũre, ũi yóvaquiyepe aivu ñujare, ñuje nuvarajiyede iye tauturare Judea āmicurijoborōi. Cadatecyume ñujare, ñuje jári corenajiyepe ayu me iye muje jýyede. Me jári coreiyurivübu ñña diede, pōeva ne mearore jínajiyepe ayu maje jabocu Jesucristo ne pueðaimure aru jáðovarajivu maja Jesúre ju aipōeva maumena corebevüva cadateiyurivüre majevü cüve cuvabevüre. <sup>20</sup>Ūre yóvaicōjeivübu ñujare, ñame ne āmeina yávarājiyepe aivu ñujare, ñuje nuvaiye boje iye űre tauturare, muje jýyede. Ñamene ye āmeno jáicōjeiyübevü ñujare yópe ne jáiyepe āmeina teivüre.

“Ñuje tauturare ñavaivübebu”, ũbenina arí coyubejarári pōeva. <sup>21</sup>Que teni urivübu ñña pōeva ne járajiyepe aivu mearo ñuje ðaiyede cainumua, yópe Jūmenijicui jáiypedeca mearo ñuje ðaiyede. Jūmenijicu coreóvayübe ñña jínajivüre caiye iye tauturare ina cüve cuvabevüre. Ūbenita urivübu ñña pōeva máre coreóvaivüre diede.

<sup>22</sup>Aru náque jarocuyumu yu apecu majecüre, majape ju ayüre Jesúre. Ñña buojaivübu majidivu ũre pare cadateiyücure apevüre, ñuje jáiye boje aipe ðarí cómajiyüre. Ūi jápaiye boje muje borore, jáve napini coreyübe mña jínajivüre jecubevüva, cadatenajivüre me ina cüve cuvabevüre. Que baru püeno baju jácunuiyücube mujare.

<sup>23</sup>Pōecu ũi jēniari járu ñamejare aru ye paruéde cüvarivüre, yópe arí, coyujarā mña: “Titobe Pablöre yóvayu, Jesúre memecayu aru majare Jesúre ju aipōevare cadateyu”, arí coyujarā Tito ũi borore. Aru apevu ina pucarā ũmüva ne borore, yópe arí, coyujarā: “Macedoniacavu Jesúre ju aipōeva cójjivaivu ne jaroimaramu, nuvarajivu ne jýye báquede Judeacavu Jesúre ju aipōeva cüve cuvabevüre, pōeva ne mearore jínajiyepe aivu maje jabocu Jesucristo ne pueðaimure”, arí coyujarā mña. <sup>24</sup>Näre me copu etarí, pueðarí, cadateni, jáðovajara náre aru náre daroivu bācavüre máre jávene ji coyuiye báquede náre muje borore. Ñujare torojure ðaivübu mña.

**Jesúre ju aipōeva ne jino,  
cadatenajivu apevüre**

**9** <sup>1-2</sup>Apecüre mujare toivaicōjene nuiye jaubevü yüre, iye muje jínajiyepe ayu jecubevüva, muje cójjovaiye boje tauturare apecu bācarōre pu caride máre. Yu majivu mña cadateiyurivüre. Que baru mña Acaya āmicurijoborōcavu Jesúre ju aipōeva muje borore, yópe arí, coyuvaivu yu ina Macedonia āmicurijoborōcavu Jesúre ju aipōevare: “Majevü Acayacavu cójjivaivübuya

iyе ne jínajiyede ina cуve cуvabevure areyju bácaröre pа caride máre”, arí соуvаivу yу. Aru mуje maumena corebevуva jýуe boje, obedivу ina Macedoniacavу máre maumena corebevуva jýуrivуbu. <sup>3-4</sup>Ina yóbecurā majevу Jesúre ju aipóevare jarосууmтu yу mуje yebai, ne cadatenajiyere ayу mуjare, mуje cójijovarí buojarájiyere ayу mуje táuturare. Que teni mуja jáđovarajaramu jávene iye ji соуиye báquede mуje borore apevu majevу, Macedoniacavу, ne eaiyede yáque. “Majevу Acayacavу cójijovaiвbuya ne jínajiyede javede”, arí соуre nuivу yу. Ñuje earájiyede mуje yebai, mуje cójijovabedu cáreja mуje jínajiyede, pare cуyejebu yу, ji соуrídуйe báque boje ubenina mуje borore. Aru mуja máre cуyejebu pare. <sup>5</sup>Que baru jéniaivу ina yóbecurā majevure, ne nurajiyere ayу mуje yebai ji nуquiyе jipocai. Cadatenajarama mуjare, mуje cójijovarí buojarájiyere ayу mуje jínajiyede, yópe “Jínajaramu”, mуje aiye báquepedeca jipocamia. Que teni jáđovarajaramu mуja ji jícójememarare, quénora jýуrivure jecubevуva.

<sup>6</sup>Árurajara mуja iyede. Mуje majióvaró mearore daru apevure, Jümenijicucapüravу mearo đacacуume mуjare majióvaró baju. Ubenita mуje uraró mearore đaru apevure, Jümenijicucapüravу mearo đacacуume mуjare uraró baju. Jévari соуиyeque oteipóescu üi đaiyede соуquijivу yу. Oteipóescu obebeyabea oteiyabeare oteyу baru, ícуume majióvaróra jéijaravу baquinói. Ubenita obediabea oteiyabeare oteyу baru, ícуume uraróra jéijaravу baquinói. <sup>7</sup>Caivу mуja coapa jíjarā mуje cуvaecaröre yópe “Quéno baju jíсууmтu yу”, mуje arí dápaiyepedeca mуja coapa mуje ümei. Chíori jecurivу jýуbevure yéde jíbejarā mуja. Apecui jícójeimarape máre yéde jíbejarā. Quénora torojurí jecubevуva jíjarā mуja, Jümenijicui ne boje ñai torojurí jecubecvа jýуre. <sup>8</sup>Jümenijicu jýу majibi üi mearo

đacaiyequede, ijárvуquede, mуjare uraró baju, ye jaubequiyere ayу mуjare. Aru caiye mуjare jauéde jíniburu yóboi, uraró pурquiyebu mуjare. Que baru cуvarájaramu mуja mearo đacaiyequede, ijárvуquede, cadatenajivу apevure. <sup>9</sup>Yópe arí, toivaicójenejaquemavу Jümenijicu üi yávaiyede ñai póescu meacu üi borore:

Üi cуvaecaröre jívayube jecubecvа ina cуve cуvabevure. Aru üi mearo đacaiyede árurajarama cainмua, arí toivaicójenejaquemavу.

<sup>10</sup>Bedióva cojedeca jévari соуиyeque соуquijivу yу. Yópe oteiyе pírari buojari aru bucari buojari, oteipóescu íyere üi áquiyeva aru üi otequiyeva máre, nopedeca mуja mearore đavу baru mуje cуvaeque, cуvarájaramu mуjare jauéde aru mуje jínajiyede máre pueno baju, mearore đarájivу aru cadatenajivу apevu póevare. Jümenijicurecabe jýу oteiyabeare ñai oteipóescu aru áiyede póeva ne árajiyeva. Urecabe mearore đare đayу mуjare máre. <sup>11</sup>Que baru üi mearo đacaiyequede, ijárvуquede, uraró cуvarájaramu mуja cainмua, jínajivу apevure jecubevуva. Aru obedivу póeva, ina majevу Judeacavу Jesúre ju aipóeva cуve cуvabevу, torojuede jínajarama Jümenijicure, iye jýe boje mуje jarorájiyede náre ñujaque. <sup>12</sup>Mуje jýyede apevure, mearore đavуbu, mуje cуvare đaiye boje náre jauéde. Ubenita pueno baju mearore đavуbu, obedivу póevare mуje jíde đaiye boje uraró torojuede Jümenijicure. <sup>13</sup>Mуje memecaiyede náre iye jýyede mуje jarorájiyeque, jáđovarajivуbu mуja ju aivure jáve đajocabevуva Cristoi yávaiye méne, aru mуja jívure jecubevуva, cadatenajivure náre aru apevure máre. Que baru mearore jínajarama ne puedaimure Jümenijicure. <sup>14</sup>Mуjare pare urivу jéniarajarama Jümenijicucque mуjare boje, üi pare mearo đacaiye boje mуjare bojecubeda üi me boje. <sup>15</sup>Torojuede jínajarevу Jümenijicure, üi jýyе báque boje majare pueno baju

méne. Põeva ne yávaicamuaque ye buojabenama coyúvu diede.

**Pablo ùi majicaino Jesús ùi yávaie  
méne beorí coyúicójeimara ne  
ðaiyena  
(1 Co 1.31)**

**10** <sup>1</sup>Caride yávacari, Jesús ùi yávaie méne beorí coyúicójeimaracacu, coyúvubu mujare, ãmecoroivure yure. Yópe Cristoi coyúiepe pðevare, náre cadateni aru pueðarí meacu pðescupe, nopedeca coyúiyuvu mujare. Que baru mujare pueðarí meacu pðescupe aru mujare cadateiyurí, paredeca jèniaivu mujare, muje dajocarãjiyepe ayu muje ãmecoroiyede yure. “Pablo jiducu jararí buojabebi ùi cuede majaque. Æbenita ùi cuede joai majare jocarí, jidubecva jararí buojaibi ùi toivaicójeiyede apesure paperayocare majare”, ùbenina aríduivubuya muja. <sup>2</sup>Yurecabu jararí buojayu mujare ji cuede mujaque máre. Que baru jèniaivu mujare. Jarare ðabejarã yure ji eaquiyede muje yebai. Mujacavu yópe arí, “Pablojã dápiarí cõmajivubu yópe ijãravucavu Jesúre ju abevu, Espírítu Santore cuvabevu, ne dápiarí cõmajiepe. Que baru nápe ðarí cõmajivubu Pablojã”, ùbenina aríduivubuya. Ina nópe aríduivure jaracuyumu yu jãve.

<sup>3</sup>Jãve ñjãtamu ijãravni curivu. Æbenita ijãravni curivuvacari, maucuvabevu ñuje mavare yópe ijãravucavu Jesúre ju abevu, ne maucvape. <sup>4</sup>Yópe churarava ne maucvape ne mavare boaicaroveaque, nopedeca ñuja maucvarivubu ñuje arí dápiarí coyúieque. Æbenita arí dápiarí coyurí majibevu ñuja pðeva ne arí dápiarí coyúieque. Quénora Jümenijicu ñujare majide ðaibi ùi paruéque, ñuje coyurãjiyepe ayu ina úre maucvarivure ùi yávaieyede jãvene, ne majinajiepe ayu ùbenina ne arí dápiayede. Ñuja, Jümenijicui parure ðaimara ùi majiéque, jáðoavivubu borocuede ñuje mauva ne

ãmecoroiyede ñujare. <sup>5</sup>Cainmua ina mujacavu “¿Meara márica apenvu pñeno?” aríduivu, “Jãve ãmenvu”, ùbenina ne aríduiyede Jümenijicui yávaie ména, pðeva ne coreóvabenajiepe aivu Jümenijicui majiéde, ñuja coyuvavubu Jümenijicui paruéque, jáðovarajivu ùbenina ne arí dápiayede. Que teni yópe churarava ne vainí turí jèni jacoiepe ne mavare, ju are ðarãjiyepe aivu náre ne baju jabocure, ùi cõjequiepe aivu náre, nopedeca maje jabocu Cristore dápiacójene ðaivubu ñuja ñuje mavare, ne ju arãjiyepe aivu úre ñuje coyuvayede Jümenijicui paruéque. <sup>6</sup>Muje jáðovarajiyede me ju aiyurivure Jümenijicure jaubevva, ñãjine ðarãjaramu ñuja mujacavu caivure muje ju abedu.

<sup>7</sup>Muja jáivubu aipe ãrojarivure ñuje bajure. Æbenita majibevu aipe ãrojarivure ñujare ñuje ùmei. Cüinácu mujacacu “Jãve yábu Cristo jicu” ayu, coreóvajacurí ñujare máre Cristo jinare. <sup>8</sup>Ji coyúiepe ñuja Jesús ùi yávaie méne beorí coyúicójeimarava ñuje parué cvaede, yópe “¿Meara márica?” aivupe coyuvvacari, yópe yure coyúiepe jaubepe, ye cvebecubu yu. Maje jabocu Cristo ñujare coyúicójememi mujare ùi yávaie méne, ñuje dajocare ðarãjiyepe ayu mujare muje ju aiyede úre. Quénora ñujare coyúicójeimi mujare diede, ñuje parure ðarãjiyepe ayu mujare muje ju aiyede úre. Que baru cvebecubu yu ji coyúiepe. <sup>9</sup>Mujare cuavaiyubevu yu yo paperayocare ji toivaicójeiyede apesure mujare parurõreca. <sup>10</sup>Cüinácu muje jëneboi cucu, “Pablo paruéque majicayube majare yópe majicupe ùi paperayocare, ùi toivaicójeiyede apesure. Æbenita ùi cuede majaque parubecu majicarí buojabecube majare. Quénora coyúube yópe majibecupe”, ùbenina aríduibuya. <sup>11</sup>Æbenita ñai que aríduyu coreóvajacurí iyede. Yácapüravu cüináturneca coyucuyumu mujare ji cuquiyede mujaque, yópe ji toivaicójeiepe apesure paperayocaque ji cuede joai mujare jocarí.

<sup>12</sup>Jāve ņija cūináturpe teiyubevu ina mje jēneboi cūrivu “¿Meara mática maja arevu pueno?” arī dāpiaivupe. Aru nápe raivu máre jēvari soyuiyubevu ņija. Nácarūravu majibevutam. Corevaicōjeivubuya ne đaiyede yópe ne urōpe. Aru jēvari soyuivubu ne baju. <sup>13</sup>Ūbenita ņjacarūravu “¿Meara mática?” aivu baru, soyjebu ņje đaiyede Jūmenijicui parúeque no joborōre quéno, árore ņjare memecaicōjeame úre. ņjare úre memecaicōjeino mácarōre jocarī, ye arī soyubejebu, yópe arevu ne soyuiyere. Aru no joborō jívui cūrivubu mja, ņjare memecaicōjeino úre. <sup>14</sup>Jūmenijicu ņjare soyuicōjeame mujare Cristo yávaiye méne mamarumure caivu ne jípcai. Que baru đabetecarā ņja yópe ūi memecaicōjemenope ņje copaiyede mje yebai. <sup>15</sup>ņja “¿Me đaivu bática maja?” arī soyubevu arevu ne đaiyena, yópe ņje đájuroepe o ne Jūmenijicure memecaicōjeijoborō ņje memecaicōjejurorōpe úre, yópe arevu ne đaiyere. Quénora ņja napini coreivubu mujare pueno baju ju arājivure Jesúre, memecarājivu Jūmenijicure pueno baju mje yebai, yópe úre memecaicōjeino mácarōpe ņjare. <sup>16</sup>Nópe đarīburu yóboi, ņja napini coreivubu, soyurī bujarājivu Jesús ūi yávaiye méne ūi meadaiyena pōevare apenoa ímaroai Corinto aperūravui, ároa pōeva ne jápiabenoai cāreja diede. No joborótamu máre Jūmenijicure memecaicōjeijoborō mácarō ņjare. Que teni, “¿Me đaivu bática maja?” arī soyubenamu apesu ūi đaiyena yópe ņje đájuroepe, yópe arevu ne arī soyuiyere.

<sup>17</sup>Que baru yópe arī, toivaicōjenejaquemavu Jūmenijicu ūi yávaiyede: “Ácu pōesu ‘¿Jūmenijicure memecayū meacu bática?’ arī soyuiyucu baru ūi baju, nópe arī soyubejacurī. Quénora ‘Meacu bajube maje jabocu cavarō mearocasū’, arī soyujacurī ū’, arī toivaicōjenejaquemavu

Jūmenijicu. <sup>18</sup>ņai “¿Jūmenijicure memecayū meacu bática?” ayure ūi baju, Jūmenijicucarūravu “Yure memecayū meacubu”, arī soyubecebe. Ūbenita ņai “Jūmenijicu yure cadateibi ji memecaiyede úre” ayure, Jūmenijicucarūravu, “Yure memecayū meacubu”, arī soyucuyume.

**Pablo ūi soyuino ina borocūrivu  
Jesús ūi yávaiye méne beorī  
soyuicōjeimarape teivure  
(Fil 4.15-18)**

**11** <sup>1</sup>Jápiarā ji soyuquiyede mujare caride. Ūvu mje napinajiyere ayū yure ji soyuquiyede. Yū majicūvacari ņai “¿Meacu bática?” ayū ūi bajuma árumecu bajure, nópe arī jauquiyebu yure, mje dajocabenajiyere ayū ji soyuiye báquede mujare Jesús ūi yávaiye méne mje pueno baju jápiaiye boje ape yávaiyede. Que baru napijara yure ji soyuquiyede. <sup>2</sup>Jūmenijicu yure tebutede đaiibi mujare, yópe ūmū ūi tebuteyere mamaco bojuyore, “Mū cūvacuyūmu óre mimarepacova” ūi arīburu yóboi cūinácu ūmure. Jípacu me jári coreibi mamacore, ōi cūbecojiyere ayū apesu ūmūque, jícuū óre meaco bajure ámeno cūbecova Jūmenijicui jáinore jímarepacu bacuyúre ne pūcūbuojjáravu baquinói. Aru ōi járu apesu ūmure, jípacu jarajebu óre. Nopedeca mujare coreóvare đacacu yū Cristore, mje curājiyere ayū úque cūinávure. Que baru mujare jíyūvu yū úre ámeno cūbevūva Jūmenijicui jáinore. <sup>3</sup>Jidvū yū vaiquíyede mujare yópe vaiye báquepe Eva bácore. Yópe ņai áđa majicu ūi jujovaiye báquepe ō mácore, ōi dāpiabecojiyere ayū nurié, ōi ámeina tecojiyere ayū, nopedeca arevu jujovaiyūrivubu mujare, mje dāpiabenajiyere ayū nurié, mje ámeina tenajiyere ayū, dajocarū mje ju aiyede Cristore aru mje memecaiyede úre máre. Que baru jidvū yū.

<sup>4</sup>Mja torojurivu napivubuya arevu soyuipōeva eavure mje ímaroi. Me jápiaiuyūrivubuya ne soyuiyede Jesúrā,



coyúivureca apede úra ji coyúie báquede jarúvarí. Jacorúivúvubuya apesu decocure ne daroiyúmure, daroiyúvureca apesure, ñai Espíritu Santo ji darore ðaimu mácure jarúvarí. Ju aiyúvúvubuya ne bueiye de Jesús úi yávaiye méne, ne que aiyede úbenina, bueivureca apede ji bueiye báquede jarúvarí. <sup>5</sup>Nácapúravu yópe Jesús úi yávaiye méne beorí coyúicójeimarape teniduvubu. Aru úbenina arí dápiavubu mearare ji rueno. Úbenita yúcapúravu coreóvaivu iyede. Ne cáchinocacu ámevu yu. Aru ji rueno meara ámema na. Úbenita nárecabu mujare jaboteivu. <sup>6</sup>Yu yávayu majibecúvacari meacama yávaicamaque, jáve me majivu yu Jesús úi yávaiye méne. Mujavacari me diede coreóvaivubu, muje jápaiye báque boje ji coyúie báquede aru muje jáiye báque boje ji ðaiye báquede obedinuma. <sup>7</sup>Apevu póeva “Pablo ámeina teyube, úi jacorúiyube boje muje táuturare, úi bueiye boje yópe apevu bueipóeva ne ðaiyepe”, úbenina aivubuya. Úbenita ye ámeina tebevu yu, ji jacorube boje táuturare, ji bueiye boje Jümenijicú yávaiye méne. Quéhora yópe muje cáchinocacupe teni, memecacu ji ruuáque, íni bojedacuyu yure jauéde. Que teni coreóvare ðacacu mujare bojecubeda Jesús úi yávaiye méne, úi meadaiyede mujare muje úmei bojecubeda. Que teni mujare yópe ji ruenocavupe tede ðacacu, mujare meaiye jaube boje, muje jübenajiyere ayu yure jauéde. <sup>8</sup>Aru ji sue báquede muje ímaroi, buesuyu mujare, jacorúcasu apesu Jesúre ju aipóevare, apeno ímaroi cójivúvure, ne táuturare, íni bojedacuyu yure jauéde. Náre bojedacójecacu yure, náre memecabecúvacari, memecacuyu mujare bojecubeda. <sup>9</sup>Ji sue báquede mujaque, apenuma yure jauteavú. Úbenita ye apejéne jéniametecacu mujacacu cúinacure. Quéhora Macedonia ámicurijoborócvu majevu, ne ju aiyé boje Jesúre, ne daroimara

mácvu edaivu bácvu muje ímaroi, jima yure ne jiyede, ji íni bojedacuyere aivu yure jauéde. Que baru dinumu mácaróre cárijovametecacu mujare, yure jaué boje. Aru mujare ye cárijovamesuyumu apenuma máre, yure jaué boje. <sup>10</sup>Meavu ji dápiaru ji coyure muiyede bojecubeda Jesús úi yávaiye méne cainoa ímaroa, Acaya ámicurijoborócaróare. Yu coyuyubu mujare yávaiyede jávene. Yu Cristo jicubu. Que baru borocubevu yu. <sup>11</sup>Ji que coyúie boje, “Pablo ñjare úbebi” úbenina arí dápiabejará muja. Jáve avu mujare. Jümenijicu me coreóvaibi yure pare usure mujare.

<sup>12</sup>Yúcapúravu ðare nuquijivu yópe ji ðarí cómajie báquepe, muje coreóvaráiyere ayu borocurivure ina muje táuturare jacorúvure, ne bueiye boje “Pablo memenu me ñjapedeca”, úbenina ne aiyede. <sup>13</sup>Nárecabu “Ñjatumu Jesús úi yávaiye méne beorí coyúicójeimara” úbenina aivu. Úbenita Jesús úi yávaiye méne beorí coyúicójeimara jáve ámema. Quéhora póevare jujoavubu. Ne bajumia jáðovariduvubu yópe Jesús úi yávaiye méne beorí coyúicójeimarape. <sup>14</sup>Ne que teiyede, cuavaiye jaubevu majare, Satanás úi teiye boje. Satanávacari úi baju majibi jáðovañu meacupe, yópe ángelepe. <sup>15</sup>Que baru cuavaiye jaubevu majare Satanáre memecapóeva, ina “Ñjatumu Jesús úi yávaiye méne beorí coyúicójeimara” úbenina aivu, ne jáðovaiyede yópe mearo ðaivupe. Úbenita Jümenijicu ñájine ðacuyume ina jujoavure yópe náre ñájine ðaiye jauépe, ne que ðaiye báque boje.

**Pablo “¿Meacu bária?” úi aino árumecupe, Corintocavu ne coreóvaráiyere ayu Jesús úi yávaiye méne beorí coyúicójeimarape teivure**  
(Hch 9.23-25, 14.5, 19, 16.22-23)

<sup>16</sup>Bediáva cojedeca jéniaivu mujare, muje arí dápiabenajiyere ayu yure árumecure. Úbenita “Pablo árumecubevu” arí dápiavu baru,

jápiajarā ji soyuqiyede. Yure máre, yópe ina “Ñujatamu Jesús ñi yávaiye méne beorí soyuicōjeimara” ũbenina aivũ, arí dápiavũ ji puenocavũ ne soyuiyere soyuicōjejara yure, “¿Meacu b́arica?” ji bajuma ji aquiyere aivũ.

<sup>17</sup>Maje jabocu Jesucristo iyere paiye soyuiyede ye soyubejebu. Aru yure máre soyuicōjememí. Quénora yávacari soyuyubu yópe ãrũmecu ñi soyuiyere. <sup>18</sup>Nore muje yebare, “¿Meara ḿarica?” arí soyuivubuya ne bajumia, pōeva ne coreóvarájiyere aivũ ñamejare aru aipe ne ðaiyede ijáravui. Que baru yũ máre quédeca arí soyuyubu. <sup>19</sup>Mujarecabu me majidivũ muje dápiaru. Que baru torojurivũ jápiadavũ ãrũmeverẽ. Aru ne soyuiyede napiyavũ muja. <sup>20</sup>Muja napiyavũ ina mujare ðaicōjeivure yópe ne cōjeimara majurórivure paivure. Napiyavũ ina ívure muje cavaede, aru ina jujovavũ mujare. Napiyavũ ina ãmeina jáivure mujare, “¿Parurivũ b́arica ñuja ne pueno?” arí dápiavure mujare yópe ne cãchinocavure. Aru napiyavũ ina jara boavũre muje jijecamure máre. <sup>21</sup>Ji parube boje, ne nópe ðaiyere ðabetecacu mujare. ũbenita ji pueno náre me jápiadavũ muja. Que baru cuyevũ yũ, ji parube boje.

Pōeva “¿Meara ḿarica?” aivũ ne bajumia ãrũmevereca Jũmenijicui jáinore, ina jidũbevũva nópe aru, yũ máre jidũbecũva nópe soyuyubu. <sup>22</sup>Návacari “Hebreovatamu ñuja. Que baru judíova bajutamu aru hebreo ãmicuricamua yávaicamuare yávavũbu” aivũreca, yũ máre napedecabu. Návacari “Israel b́acui pãramenacavũbu ñuja” aivũreca, yũ máre napedecabu. Návacari “Abraham ḿacui pãramenacavũbu ñuja” aivũreca, yũ máre napedecabu. <sup>23</sup>Aru návacari “Cristore memecavũbu ñuja” aivũreca, yũ ne pueno memecayubu Cristore. ũbenita yópe ãrũmeverẽ yávayubu, que ayũ.

Memecacu yũ ne pueno. Jabova jēni jacoima yure ãmeina teivũre jēni jacoĩnami jívũi obedinũmuare,

ne pueno. Jabova jara popeicōjeima yure obedinũmuare, ne pueno. Yainíducacu yũ obedinũmuare ne pueno.

<sup>24</sup>Soyuyubu mujare iye ji yainíduiye báquede. Cũinárũrũre painũmua baju ina judíovai jabova jara popeicōjeima yure ne treinta y nueve baju jara popeiyede ne boaimẽ ãmacajeque ðaimeque. <sup>25</sup>Yóbecurĩnũmua baju ina Roma ãmicuró jaborócvũi jabova jara popeicōjeima yure jaradoque. Cũinára pōeva cũraboaque ðavari boarí jaruvaiyurĩduima yure. Yóbecurĩnũmua baju jiadocũ uracũ ji nuicũ mácaró corí bíjaiye báque boje, cãtecacu yũ jia uradai, aru cũinára jorí, nurí coreni, maotecacu cũinãñamine aru cũinájárvure máre. <sup>26</sup>Apenũmuare cuscũncacu yũ joai, soyũcuyũ Jesús ñi yávaiye méne obediĩmaroai. Aru ji cuscũniyede, ñájicacu pare. Apenũmuare bejarí bíjaríducacu ji jataríduiyede jia yaboiyede. Apenũmuare tatorí ñavaipōeva ji cavaede ñni ñavariduiima. Apenũmuare aprevũ ji pōeva, judíovacavũ, ãmedaima yure. Aru apenũmuare ina judíova ãmevercavũ ãmedaima yure. Apenũmuare ji cuede ĩmaroai, apenũmuare pōescubenoĩ, aru apenũmuare jia uradai máre ñájicacu yũ. Aru pōeva ũbenina “mũ, ñujecu”, borocurivũ arí, Jesúre ju aipōevape teni, na máre ãmedaima yure. <sup>27</sup>Apenũmuare pare memecacu yũ pu uetuyũ baju, eacuyũ tãuturare, bojedacuyũ yure jauéde. Obedinũmuare cãmetecacu, ji memeiye boje. Avné ijiteavũ yure aru cũinóavũ yure máre. Apenũmuare ãiyede cuvabotecacu. Apenũmuare ji curĩñamine cuvabotecacu. Aru apenũmuare cuitótecaje jauveavũ yure. <sup>28</sup>Aru apede máre ñájicacu yũ. ũbenita caiye iye pueno, járvua coapa ñájivaivũ yũ, ji cãrijiyẽ boje cainoa ĩmaroacavũ Jesúre ju aipōeva cójjijivaivũre. <sup>29</sup>Cũinãcu nácacu ñi parũbedu ñi ju aiyede Jesúre, chĩori vaivũ yũ pare. Aru cũinãcu nácacu apescui jujovaimũ mácu ãmeina tedu, yávacari cãrijini ñájivũ pare.

<sup>30</sup>“¿Meacu b́arica?” yure aipe jauru ji bajuma, arı soyuiyubevu yópe parucupe. Quénora soyuiyuvu, muje majinajiyere ayu yure parubecure ji bajuma. <sup>31</sup>Maje jabocu Jesucristoi mearore jímu, jípaçu máre, majibi jáve ji soyuiyede. Ére mearore jíye jaovu majare cainumua. <sup>32</sup>Javede J́umenijicu jáđovame yure parubecure ji bajuma. Damasco ámicurı́maro no jaborócaróre ñai jabocu Aretas ne aimu jaboteame. Apecure jaboteicójequemavu ina Damascocavure. Ñai jabocu, Aretai epeimu, coreicójequemavu jáipóevare ímaro jedevacobeai, ne jéni jacorı́durájıyere ayu yure. <sup>33</sup>Ébenita ji yóvaimara, yure cadateipóeva, epeima yure pue urapue jívuı. Aru no biaido tarabu jáicobei émeóvaima yure pu jaboróita biaido adepuravui, ji dupini nuquiyepe aivu ñai jabocure jocarı́.

**Pablo úi jáino mácaró  
yópe decoboainope**

**12** <sup>1</sup>Póescu “¿Meacu b́arica?” ayu bojecubecupe páyube úre aru arevure máre. Ébenita muje jápaiaye boje ina pujovaivu ne soyuiyede yávaiyede jáve ámene ji soyuiye pueno Jesús úi yávaiyede jávene, ji bajuma soyuiye jaovu yure. Ina buaipóeva borocurıvu “¿Meara márica ñıja arevu pueno?” adama, ne jáıye boje yópe decoboainope. Que adama na. Que baru yu máre soyuquijıvu mujare maje jabocu Jesucristoi járe ðaiye báquede yure yópe decoboainope aru úi coreóvare ðaiye báquede yure máre, úi majiéquede. <sup>2</sup>Cúinácı úmu, ji coreóvaimu, Cristoque cücü cúinávıpe, jáme yópe decoboainope catorce paı́jıa jírocamia. Yópe apecu bajarócupe soyuyubu ji bajuma, ji cıyeıye boje. Dinumu mácaróre J́umenijicu nuvame yure pu cavaró mearo úi curı́, yóbecurıtucubıaita, mıjına ne vıtucubu aru avıávai curıtucubu puenoi. Yure nuvañu mácu baru ji bajuque o ji úmeque, majıbevu yu. J́umenijicu cúinácıva majıbi. <sup>3-4</sup>Majıvu

yu yure úi nuvaimu mácure pu Paraíso ámicuró cavaró mearocaróita. Nore jápiacacu yu yávaiye me bajure, maja póeva maje yávaicamuaque ye yávarı buojabevu diede, aru J́umenijıcu yure yávaicójemeteame diede. Bedıóna soyuyubu mujare, yure úi nuvaimu mácure majıcvacarı, ji bajuque o ji úmeque majıbevu yu. <sup>5</sup>“¿Meacu b́arica?” arı soyuquıjıvu no boje, ji jáino mácaró decoboainope boje. Ébenita ape vaiye báquede yure ji bajuma “¿Meacu b́arica?” arı soyubequıjıvu. Ji bajuma arı soyuquıjıvu ji parubede. <sup>6</sup>“¿Meacu b́arica?” arı soyure nuıyucu baru ji bajuma, ji apede jáıye boje yópe decoboainope, árumecupe tebejebu, caiye ji soyujuroe jáve boje. Ébenita diede soyubequıjıvu. Mujare me jáicójenıduıyubevu yure, ji jáıye boje yópe decoboainope.

Quénora mujare me jáicójeıyuvu yure, muje jáıye boje ji ðaiyede aru muje jápaiaye boje ji soyuiyede. <sup>7</sup>Jı arı dápiabequıyere ayu meacure caıvu pueno, caiye iye me bajure J́umenijıcuı coreóvare ðaiye báque boje yure, J́umenijıcu yure ñai abıjuvai jabocu Satanáre ñájıne ðaicójeımi. Satanás ñájıne ðarı ćarıjovavaıbi yure yópe mııyo jéıyere ji bajıı. <sup>8</sup>Yóbecurı́nımuı jéııacacu maje jabocu Cristore, úi ðajocare ðaquıyere ayu iye úi ñájıne ðaiyede yure. <sup>9</sup>Ébenita yópe arı, soyúame: “Dajocare ðabecubu yu mı ñájıyede iye parubede ðaiyede mıre. Quénora cainımuı parure ðascıımuı mıre ji mearo ðacayıeque bojecubeda ji me boje. Que tenı ye jaubequıyebu mıre cainımuı. Mıtamu cücü ye parubecu, yéde ðaiye majıbecu. Dinımuımareca yávacarı jáđovañımuı ji parué majıéde, cadatecııı mıre”, áme maje jabocu Cristo. Que baru yu torojıcu baju “¿Meacu b́arica?” arı soyure nuquıjıvu pueno baju, ji parube boje ji bajuma, cııvacııı Cristoi parué majıéde, arevu ne járajıyere ayu diede. <sup>10</sup>Aru, “Meavıı” ayubu, torojıcu máre yure jíıéde, arevu yure ne ámeına yávaiyede, yure

jauéde, apevu yure maucuvári ne ñájjine ðaiyede yure, aru ji cárijiyede. Caiye iye ámeno vaiyede yure Cristo jicu bae boje, “Meavu yure” ayu, torojavu yu. Ji parube boje, majivu Cristo cadateyure yure ji ðaiyede ùi parué majiéque.

**Pablo ùi cárijino Corintocavu  
Jesúre ju aipðevare boje**

<sup>11</sup> Ji nópe toivaicðejiye boje apecure, árumecupe teivu yu. Ùbenita jauteavũ yure, muje jápaiaye boje ina Jesús ùi yávaiye méne beorí coyucðeimarape teniduvu ne borocurí coyuiyede Jesús ùi yávaiye ména aru yurá máre. Ñamene yure aru yéde ji paruéde coyuiye jauřiduavũ mujare. Ùbenita muje coyube boje, coyuiye jauteavũ yure ji bajuma. Na “Pablo bojecubecube”, ubenina ávaivubuya. Ùbenita yu bojecubecuvacari, ye ne cãchinocacu ámevu yu. Aru ji rueno meara ámema na. <sup>12</sup> Ji cue báquede mujaque Jümenijicu yure ðare ðáme pøeva ne jámene, ne ðarí majibede, aru ape paruéque ðaiyede máre, jáðovacuyu yure jáve Jesús ùi yávaiye méne beorí coyucðeijemu bajure. Caiye iye ji ðaiyede napini ðacacu yu. <sup>13</sup> Yu ámevu apevu ne cãchinocacu. Quédeca mujacarpuravu máre ámevu apevu Jesúre ju aipðeva cójjivaiyu ne cãchinocavu ji jáinore. Mearo ðacaiyede ye ðabetecacu yu rueno baju apevure boje muje rueno. Jáve jëniametecacu muje táuturare, yópe ji jëniayepere apevu Jesúre ju aipðeva cójjivaiyure. Ùbenita, “Pablo ñujare ámeina jáñmebu”, ubenina arí ðápiabejará muja. Muje ubedu ji jëniame máquede muje táuturare, chíori jëniañmu muje árumenajiyepere ayu diede.

<sup>14</sup> Javede ruque jácunucacu mujare. Aru caride meadáyubu ji cuvede, jácunucuyu mujare bedióva cojedeca. Aru yópe jipocai ji ðaiye báqueredeca, jëniamescuyumu muje táuturare. Muje cuvaede cuvaiyubevu yu. Quénora cuvaiyuvu yu mujare Cristo jinava. Mujarecabu yópe jímarape

yure. Ùbenita mamara ámevurecabu bojedacaivu nébucuvare ne árajyeva. Quénora nébucuvarecabu bojedacaivu némarare ne árajyeva. Que baru yu jacopuiyubevu muje táuturare. <sup>15</sup> Yu torojucu baju jícuymu caiye ji cuvaede aru ji bajure máre, cadatecuyu mujare, ji ue boje mujare. Ùbenita mujare rueno baju ure nuñureca yu, mujacarpuravu ji jáinore quíjjino baju ure nuivubu yure.

<sup>16</sup> Apevu mujaque curivu, yópe arí, ámecorovaivubuya yure: “Jáve Pablo jëniame mi ñuje táuturare. Ùbenita jujovarí iñume ñuje táuturare majibevva”, ávaivubuya. <sup>17</sup> ¿Aipe ðarí mujare jujovarí, iñu buojari yu muje táuturare? ¿Muje dápiaru, ina ji jaroimara mácavure jujovaicðeiarí mujare? <sup>18</sup> Titore jëniacacu parurðeca, ùi nuquiyepere ayu muje yebai. Aru jarocacu apecu majecu Jesúre ju aipðecure éque. ¿Muje dápiaru, Titojá jujovarí mujare? Muja me majidivubu jáve Titojá jujovabevu bácavure mujare. Me majivu yu náre, yuredeca, cainmua mearore dápiavure aru mearore ðavure máre. Que baru ñuja ye jujovabevu mujare.

<sup>19</sup> Caiye iye ji toivaicðejiyede apecure mujare jári boroteivu bácavu dápiabejará muja coyuyure ñuje ðaiyede, muje arí coyurájiyepere ayu “Meavu” o “Meamevu”. Muja ámevurecabu coyurájivu méne o meamene ñuje ðaiyede. Quénora Jümenijicurecabe coyucuyu diede ñujare. Ùbenita caiye iye ji toivaicðejiyepere apecure coyuyubu yu Jümenijicui jáinore, ji cue boje Cristoque cünávure, muje parure nurajiyepere ayu muje ùmei. Que baru muja, jívu, caiye ñuje ðaiyeque cadateiyurivubu mujare. <sup>20</sup> Jidavu yu ji copaidaquiyede muje yebai, apevu mujacavu ðabevu bárájjivure yópe mujare jauépe. Apevu jararí pare áðamateiyurájjichuma. Aru apevu tebutenajjjichuma. Apevu jiatenajjjichuma ubenina. Apevu ðarájjichuma ne baju urópe dápiabevva mearore o ámenore apevure. Apevu coyurájjichuma

āmenore caivū ne jāpiayede apevūi borore. Apevū yávarājichūma jāpiabenoi āmenore apevūi borore. Apevū “¿Meara mārīca apevū pueno?” arī dāpiarājichūma. Aru apevū maucūvarī, cārījovari, boaiyurājichūma apevure.

Mūjacavū ne nōpe đaru, ji copaidaquiyede torojubecūyūmu yū. Aru mūja máre torojubenajaramu, ji jararī nājine đaquīye boje mūjare, mūje nōpe āmeina teīye boje. <sup>21</sup>Jidūvū yū ji copaidaquiyede mūje yebai Jūmenijicu ji mearore jīmu cūyoje tede đacūyure yure bediōva cojedeca mūje jāinore. Apevū mūjacavū cūrivūbuya mūje āmeūmeque. Apevū mūjacavū āmeina đarī cūrivūbuya apevūque nēmarebūcūva āmevūque. Aru apevū mūjacavū caino āmenore đaiyūbuya. Nōpe teni āmeina teīma javede. Aru chīomeni oatūvabenama cāreja ne đaiyede. Quénora āmeina tede nuivūbuya. Chīomeni oatūvabedu ji đaquīye jipocai, chīori ocūyūmu yū pare, náre boje.

**Pablo ūi majicaino aru meaicōjeino  
Corintocavure  
(Mt 18.16)**

**13** <sup>1</sup>Ji eaquiyebu cari yóbescūe ji eaiye jācūnuiyede mūje yebai. Yōpe arī, toivaicōjēnejacquemavū Jūmenijicu ūi yāvaiyede: “Nai pōescu apevū ne boro coyūrī adaimū maru, ‘Āmeina đayūbe’ aivū baru ūi borore, pūsarā o yóbescūrā o apevū máre majidivū bācavū ūi āmeina đaiye bāqueda boro coyūīye jāvū náre ūi borore”, arī toivaicōjēnejacquemavū. <sup>2</sup>Ji eaquīye jipocamia mūje yebai bediōva cojedeca, parūrōreca coyūīyūvū mūjare yo paperayocaque ji cūede joai mūjare jocarī. Ji cari eaquiyede napimescūva jāve jararī nājine đacūyūmu caivū mūjacavū āmeina đare nuivūre. Javede, ji pūque cūe bāquede mūjaque, quédeca coyūscacū parūrōreca mūjare. Coyūscacū mūjacavū āmeina đaiyūre ji eaquīye jipocamia aru caivū apevure máre. <sup>3</sup>Mūjarecabu jēniavū ji jāđovaquiyēpe aivū yure Cristoi coyūicōjeimū

bajure. Ji eaquiyede jāđovacūyūmu jāve baju ji cūvaede Cristoi parūéde. Ūrecabe parūbecū āmesū. Quénora parūcū bajutame. Que baru parūre đacūyūme yure mūje jēneboi, ji nājine đaquīyēpe ayū ūre ju aipōeva āmeina đarī cōmajivure. <sup>4</sup>Cristo jāđovamecū bācūvacari ūi parūéde ne pēvari boarī jarūvaiye bāquede ūre jocūcūjaravena, caride apūcū cūbi Jūmenijicūi parūéque. Ūpedeca nūja ūi yāvaiye méne beorī coyūicōjeimara, ūque cūrivū cūināvūpe, parūbevūvacari, jāđovarajaramu ūi parūéde nūje cūvaede, nūje nājine đarājīyede mūjacavū ūre ju aipōeva āmeina đarī cōmajivure.

<sup>5</sup>Jārī corevajarā mūja coapa mūje baju, jāđovarajivū ju are nuivūre maje jabocū Jesucristore đajocabevūva o ūre ju aiyede đajocavūre. Me dāpiarī corevajarā mūje bajumia. Que teni coreóvarājaramu cūrivūre Jesucristoque cūināvūpe, ūre ju aivū baru. Ūbenita ūre ju abevū baru, coreóvarājaramu cubevūre ūque cūināvūpe. <sup>6</sup>Mūje coreóvarājīyede cūrivūre Jesucristoque cūināvūpe, coreóvarājaramu nūjare, mūjare coreóvare đaiyū bācavūre, ūi yāvaiye méne beorī coyūicōjeimara bajure. <sup>7</sup>Nūje earājīyede, mūjacavū āmeina đarī cōmajivū baru, mūja coreóvarājaramu nūjare Jesús ūi yāvaiye méne beorī coyūicōjeimara bajure, nūje nājine đarājīye boje náre Cristoi parūéque. Ūbenita nūja jēniavūva Jūmenijicūque, mūje āmeina đabenajīyēpe aivū. Mūje āmeina đarī cōmajībedu, nāmene ye nājine đabenajaramu nūja parūéque. Nūje parūéde jāđovamenu, “Jesús ūi yāvaiye méne beorī coyūicōjeimara āmema”, ūbenina arī dāpiarājichūvū mūja nūjare. Ye baju āmevū nūjare. Pare ūrivūbu nūja caiye pueno, mūje mearore đarājīyēpe aivū.

<sup>8</sup>Pōeva ne mearore đaiyede, đaiyūbu yōpe Jūmenijicūi đaicōjeiyēpe ūi yāvaiye jāveque. Aru Cristo nūjare jāđovaicōjememī ūi parūéde, nūje āmeina đarājīyēpe ayū ina yāvaiyede

jāvene đaipōevare. Quénora ñujare jádovaicōjeimi ñi paruéde, ñuje cađatenajiyeye ayu náre. <sup>9</sup>Muje mearore đaiyede, parure ñuivubu muje ũmei. Aru mujare ñájine đaiye jaubevu ñujare. Que baru ñuja buojabenamu jádovaivu iye paruéde, Cristoi cāvare đaiyede ñujare. Aru parubevupe teivubu muje jáinore. Ũbenita parubevuvacari, torojuvu ñuja, muje parure ñuiye boje muje ũmei. Aru cainumua jēniavaivubu Jūmenijicuque, ñi parure nure đaquiyeye aivu mujare muje ũmei, pñ mujare ye jaubeta.

<sup>10</sup>Yo paperayocare toivaicōjeivu apesure mujare ji cuede joai mujare jocarī, muje meatenajiyeye ayu muje đaiyede, ji equiyeye jipocamia muje yebai. Que tedu, mujare ñájine đaiye jaubequiyebu yure, yópe Cristoi đaicōjeiyeye yure caivu ũre ju aipōevare āmeina đarī cōmajivure. Ũrecabe parure đabecu ñujare, ñuje chīore đarī, đajocare đarājiyeye ayu

pōevare ne ju aiyede ũre. Quénora parure đaiibi ñujare, ñuje torojure đarī, parure đarājiyeye ayu náre ne ju aiyede ũre.

<sup>11</sup>Muja, jivu, quénoramu caride. Meatejarā muje đaiyede. Aru cainumua pueno baju mearore đare mujara muja. Me jápiarī ju ajarā ji coyuyede mujare. Cūináturu muje ũme me cujarā caivu muja cūináturu. Cārijimenoque me cujarā muja. Que đaru, Jūmenijicu, ñai majare ucu aru majare cārijimenoque cure đayū, cūcuyume mujaque. <sup>12</sup>Me jacyujarā muja mujevure muje jivare nuri, muje Jūmenijicu jina mae boje. <sup>13</sup>Caivu Jesúre ju aipōeva yore curivu meaicōjedama mujare. <sup>14</sup>Maje jabocu Jesucristo mearo đacajacurī mujare bojecubeda ñi me boje. Majepacu Jūmenijicu, mujare ucu, ure đajacurī mujare. Aru ñai Espiritu Santo yóvajacurī mujare cūinávupe. Quénoramu.

# Gálatas

Mamabuinore coyuiyebu Pablo bácu ùi toivaicõjeiye báquede paperayocare Galacia ámicurijoborõcavu Jesúre ju airõevare. Pablo bácu judíovacacu bácvacari, Jesús ùi yávaiye méne beorí coyucõjeimv marejaquémavu, coyucuy ùi yávaiye méne judíova ánevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru ùi cuede Galacia ámicurijoborõi Hch 13-14, 16:1-7. Apevu ne dápiayepe, Pablo bácu toivaicõjenejaquemavu iyoca paperayocare ániuju bácarõre 48 d.C. ùi cuede Antioquía ámicurimaro Siria ámicurijoborõcarõi. Ùbenita apevu ne dápiayepe, ù mácu toivaicõjenejaquemavu diyocare ániuju bácarõre 52 d.C. pñque ùi cucunuiyede, coyucuy Jesús ùi yávaiye méne, ùi cuede Corinto ámicurimaro. Aru apevu ne dápiayepe, ù mácu toivaicõjenejaquemavu diyocare ániuju bácarõre 56 d.C. yóbecue ùi cucunuiyede, coyucuy Jesús ùi yávaiye méne, ùi cuede Éfeso ámicurimaro. Pablo bácu coyurejaquemavu ùre toivacaipõecu bácvre aipe ùi toivacaquiye báquede diyocare (Gá 6:11).

Diyocaque Pablo bácu jádovarejaquemavu ù baju Jesús ùi yávaiye méne beorí coyucõjeimvure. Aru coyurejaquemavu pøeva ne boropatebenajiy majibede Jümenijicui jáinore ne ðaiye boje yópe ðaicõjeiyepe. Coyurejaquemavu pøeva yópe boropatebevure Jümenijicui jáinore ne ju aiyequé Jesucristoi ðaiye báquede ùi yayiede jocucujaravena náre boje. Coyurejaquemavu pøecu cubecure ðaiye majicu yópe boropatebecupe ùi bajure Jümenijicui jáinore.

## **Pablo ùi meaicõjeino Galaciavure**

(Mt 20.28; Mr 10.45; 1 Ti 2.6; Tit 2.14)

**1** <sup>1</sup>Yv, Pablo, Jesús ùi yávaiye méne beorí coyucõjeimvutamu. Pøecu ámemi beorí daroyv yure epecuyv Jümenijicui yávaiye méne coyupõecvva. Quénora Jesucristorecabe, majepacu Jümenijicvque, ñai nacovañv mácu Jesucristore yainore jarvvarí, epeyv bácu yure coyucuyvva ùi yávaiye méne. <sup>2</sup>Yv aru caivv majevv, Jesúre memecaivv yúque curivvque, meaicõjeivvbu mñjare, Jesúre ju airõeva cójijivaivvure cójijijnámiai Galacia ámicurijoborõi. <sup>3</sup>Majepacu Jümenijicu, maje jabocu Jesucristomaque, mearo ðacajacurí mñjare bojecubeda ùi me boje. Aru torojurí cure ðajacurí mñjare cãrijimevva. <sup>4</sup>Jesucristo, ju arí majepacu Jümenijicure, ðarejaquemavu yópe Jümenijicui vgrõpe. Que teni ùi bajuma yaidéjaquemavu, maje boropatebenajiyepe ayv maje ámeina

teiy boje, meadacuyv majare, maje ámeina tebenajiyepe ayv yópe apevu ijãravvcavvpe. <sup>5</sup>Que baru mearore jínajarevva Jümenijicure cainvva. Quédecabu.

## **Cüinárora Jümenijicui meadaino pøevare** (1 Ts 2.4)

<sup>6</sup>Cuecumari jáivv yv mñje ðaiyede. Maumejiena dajocavvbuya mñja Jümenijicure, ñai cutuyv bácvre mñjare ù jina márjavvva Cristoi mearo ðacaiye báquede mñjare ùi yayiede majare boje. Ùre dajocarí, ju aivvbuya mñja ape yávaiyede, Jümenijicui yávaiye méne jarvvarí. <sup>7</sup>Ùbenita ape yávaiye me cubevv. Cüinároramv cvvv: Jesucristo majare meadayube. Coyuyvbu mñjare diede, apevu pøeva ne bueiye boje apeno bueinore. Que teni cãrijovavvbuya mñjare. Aru oatvvaivvurídivvbuya iye yávaiye méne, Cristoi meadayede majare. <sup>8</sup>Ùbenita ácu pøecu coyvru

mujare ape yávaiyede iye yávaiye méne ñuje mujare mamarumure coyuiye báquede jaruvari, aru “Coyuyubu mujare Cristoi yávaiye méne” ñi aru ÷benina, Jūmenijicu ñájine ñajacurī ÷re toabo cūiméboi cainumua. Ye baju ñevu yávacari ji coyuru o ángele cūinácu Jūmenijicui curōcacuvacari ñi coyuru ape yávaiyede, ñájine ñajacurī Jūmenijicu ñujare máre. <sup>9</sup>Javede coyucacu mujare diede. Aru caride máre coyuyubu diede mujare, Jesucristore ju aivure, cojedeca: Ácu pōescu coyuru yávaiye ape yávaiyede, iye Cristoi yávaiye méne jaruvari, Jūmenijicu ñájine ñacuyume ÷re toabo cūiméboi cainumua. <sup>10</sup>Ji nópe coyuiye boje, coreóvaivubu mija jáve pōeva ne me jáiyede vobecure. Quénora jáve voyubu Jūmenijicu ñi me jáiyede yure. Jáve buebevu yópe pōeva ne ñrōpe. Quénora bueivn Jūmenijicui ñrōpe. Yu bueyu baru pōeva ne ñrōpe, memecabejebu Cristore.

**Pablo ñi coyūino Jesúí coyūicōjeiyede ÷re ñi yávaiye méne**

(Hch 8.3, 9.3-6, 26-30, 11.30, 15.2, 22.3-10, 26.9-11, 13-18)

<sup>11</sup>Muja, jívu, ñvu yu mije coreóvaivuede iye Jesús ñi yávaiye méne ji coyuiyede pōeva ne dápiayie ñmene. <sup>12</sup>Pōescu cubebi coyuyu bácu yure diede. Aru pōescu cubebi bueyu bácu yure diede. Quénora Jesucristovacari coreóvare ñarejame yure. <sup>13</sup>Javede mujavacari jápiadavū ji borore, ji ñaiye báquede yópe caivu judíovape, ji ju aquíye jíprocamia Jūmenijicure. Jūmenijicui pōeva Jesúsre ju aivure cururī, boarī, ñájine ñayn barejacácu yu cōmaje ñroje jámecuva. Coavaiyuriduy barejacácu yu ne cójijiyede, ne ñajocarājiyepere ariduy ne ju aiyede Jesúsre. <sup>14</sup>Aru ji mearore jíye báquede Jūmenijicure yópe caivu judíovape, ñare ñarejacacu yu apevu judíova pueno, ina pōeteivn bácvare yáque. Que baru ne pueno ju arī, ñare cuy barejacácu iye ñaicōjeiyede

ñujeñecuva mácvn ne bueiye báquede ñemarare aru ñepāramenare máre.

<sup>15</sup>÷benita nópe ñayn bácvreca, Jūmenijicucapūravu yópe ñacarejaquemavu yure. Beorejaquemavu yure ji pōetequiye jíprocamia. Aru cuturejaquemavu yure, ñi pare ñe boje pōevare, ji memequiyepere ayu ÷que. <sup>16</sup>Coreóvare ñarejaquemavu yure mamacure, Jesucristore, ji coyuyuyepere ayu ñi yávaiye méne ina judíova ñevure. Que baru Jūmenijicui coreóvare ñarīburu yóboi yure mamacure, ñamene jēniari jámenejacacu aipe ñaiye jajrōre yure. <sup>17</sup>Cūiná Jerusalén ñamicurīmaroi jácunñemenejacacu yu ina ji jíprocái Jesús ñi yávaiye méne beorī coyūicōjeimarare, buescuy náque. Quénora cūiná ñarejacacu yu Arabia ñamicurījorōi, copaidacuy cojedeca nore jocarī Damasco ñamicurīmaroi.

<sup>18</sup>÷benita yóbecurījua vainīburu yóboita, ñarejacacu yu Jerusaléi, Pedrorre jácuñn. Cūrejacacu ÷que pūcasumana bajura. <sup>19</sup>Aru apevu ina Jesús ñi yávaiye méne beorī coyūicōjeimarare jámenejacacu yu dinumure. Quénora járejacacu yu ñai Santiagore, maje jabocui yócvre. <sup>20</sup>Iye ji coyuiye jávetamu. Borocubecva coyūivn yu diede mujare Jūmenijicui jáinoi.

<sup>21</sup>Aru ji ñarīburu yóboi Jerusaléne jocarī, ñarejacacu yu Siria aru Cilicia ñamicurījorōai. <sup>22</sup>Ina Jesúsre ju aipōeva cójijivaivn ímaroa coapa Judea ñamicurījorōcavu jámenejaquemavu yure cāreja dinumure. <sup>23</sup>Quénora jápiarejaquemavu ji borore, yópe aiyede: “Ñai cururī boarī ñájine ñayn bácu Jesúsre ju aipōevare javede, ne ñajocarājiyepere ariduy ne ju aiyede Jesúsre, caride coyuyube Jesús ñi yávaiye méne, pōeva ne ju arājiyepere ayu ÷re”, arejaimada náre yurā. <sup>24</sup>Que baru mearore jídejaquemavu na Jūmenijicure, ñi mearo ñare ñaiye boje yure.

**Apevu Jūmenijicui yávaiye méne beorī coyūicōjeimara ne me jáino Pabloi memeinore**

**2** <sup>1</sup>Catorce paivua vainīburu yóboi, ñucacu yu cojedeca Jerusaléi.



Bernabé yóvame yure. Aru nuvacarã Titore máre. <sup>2</sup>Nucacu yu Jūmenijicui jáđovaiye boje nuiye jaurõre yure noi. “Ji bueiye báque, aru caride ji bueiye, pōevare ũbenina bíjaquijichavu, jabova ne ũbedu ji bueiye”, arí dápiacacu yu ji baju. Que baru cójjiacacu yu Jesúre ju aipōevai jabovaque, coyucayu náre Jesús ũi yávaiye méne ji bueiye judíova āmevure, majicayu méne o āmene ji bueiye. <sup>3-4</sup>Aru apevu pōeva buraiçōjeiyurĩduquemavu ji yóvaimu Titore ũi cajede judiovape, ũi bucava judíova āmevureca. Ŭbenita ina jabova ye buraiçōjemeteima úre. Ina buraiçōjeiyurĩduivu Jesúre ju aivupe teivu yavenina darí cójijima ñujaque, majinajivu aipe ñuje ðaiyede. Boro coyurí ðaiyurĩduima ñujare, ñuje ðabe boje caiye Jūmenijicui ðaiçōjeiyede, ũi coyuiye báquede Moisés bácure. Caiye diede ðaiye jaubevu ñujare caride, ñuje cwe boje Jesucristoque cūinávupe, ũi boropatebede ðaiye boje majare Jūmenijicui jáinore. Ŭbenita nácapūravu yebacavupe tede ðaiyurĩduima ñujare, “Ðajarã caiye iye Jūmenijicui ðaiçōjeiyepre ũi coyuiye báquede Moisés bácure”, ne ainoque. <sup>5</sup>Ŭbenita ñujacapūravu ye ðabeteçarã yópe ne urõpe. Ñuja ðaivu baru yópe ne urõpe, buebejebu iye yávaiye méne jávene, Jesucristoi meadaiyede majare. Que baru ðabeteçarã yópe ne ðaiçōjeniduiyepre, oatuvabenajivu Jesús ũi yávaiyede jávene. <sup>6</sup>Aru ina Jesúre ju aipōevai jabovavacari ju arí ñujare, ye apejēne oatuvaicōjemeteima ji bueiye Jesús ũi yávaiye méne.

Ina jabovabu Jesúre ju aivu ne aimara parurivu, ne cwe báque boje Jesúque. Ŭbenita Jūmenijicuvacari jáimi caivu pōevare cūináturu. Que baru ye baju āmevu yure ina jabova ne parué pōeva ne jáiyede. <sup>7</sup>Oatuvaicōjemeteima yure ji bueiye. Quénora, “Jāve coreóvaivubu caride”, aima na. “Jūmenijicui epeimumu mu, bueyu Jesús ũi yávaiye méne judíova āmevure yópe ũi epeiye báquepe Pedrorre bueyu diede

judiovare”, aima yure ina jabova. <sup>8</sup>Aru Jūmenijicuvacari epedejaquemavu yure Jesús ũi yávaiye méne beorí coyucōjeimu judíova āmevure, yópe ũi epeiye báquepe Pedrorre Jesús ũi yávaiye méne beorí coyucōjeimu judiovare. <sup>9</sup>Que baru ina Jesúre ju aipōevai jabova parurivu pōeva ne jáiyede; Santiago, Pedro, aru Juan máre; coreóvaima dinumure Jūmenijicu yure memecare ðayure úre, ũi mearo ðacaiye boje bojecubeda. Que baru caivu ñuja, ina yóbecurã aru yu Bernabémaque, purujecarã ñuje baju, jáđovarajivu ne ju aiyede ñuje memecaiyede Jūmenijicure. Que teni ñuje ũme cūináturu, “Pablo Bernabémaque buenajarama Jesús ũi yávaiye méne judíova āmevure. Aru Santiago, Pedro, aru Juan máre buenajarama Jesús ũi yávaiye méne judiovare”, acarã ñuja. <sup>10</sup>Que aiyede, cūináro apejĩnore ina jabova coyūima ñujare. Jēniama ñuje ðajocabenajiyepre aivu ñuje cadateiyede ina cōmaje ārojarivure. Aru yúcapūravu pare cadatede nuiyucu batecácu náre.

**Pablo ũi yavari meadaino Pedrorre  
Antioquíai  
(Hch 11.2-17)**

<sup>11</sup>Ŭbenita ji cuede Antioquíai āmicurĩmaroi, Pedro edame noi Jesúre ju aipōevai cójijĩnami. Apejāravua vainĩburu yóboi, āmeina dáme ũ. Dinumu yávacacu yu úre copu Jesúre ju aipōeva ne jápiainoi, ũi ména ðabe boje ũi ðaiyede. <sup>12</sup>Mamarumure Pedro mearo ðayu bateáme. Āñu mateáme ina Jesúre ju aipōevacavu judíova āmevūque. Ŭbenita apejāravua vainĩburu yóboi, apevu ũmūva, Santiagoi daroimara mácavu, ne edaiyede Antioquíai, Pedro yóvabeteame ina Jesúre ju aipōevacavu judíova āmevure. Ðajocame ũi āiyede náque. Aru coateni buame ũi baju náre jarurari. Nópe dáme ũi jidué boje ina edaivu bácavu ne buraiçōjeiyepre boje caivu Jesúre ju aipōeva ũmūvare ne cajede judiovape. <sup>13</sup>Pedro majicuvacari Jūmenijicu me jáñure Jesúre ju aipōeva

judíova ãmevure, aru majicuvacari coateiye jaubenore ina Jesúre ju aipõevacavu judíova ãmevure jaruvãrĩ, coateame ñi bajuma. Aru apevu Jesúre ju aipõevacavu judíova máre, ñpe ñarĩ buima. Que teni na máre majidivuvacari coateiye jaubenore Jesúre ju aipõevacavu judíova ãmevure jaruvãrĩ, coateima ne bajumia. Aru Bernabé máre náque nñame ñ. <sup>14</sup>Ji jáinore ne nópe ñaiyede ye ñbetecacu yu. Que baru yópe arĩ, coyucacu Pedrore caivu ne jápiainoi: “Múvacari judíotamu. Ñbenita ñabevu mu judíova ne ñaiyere. Quénora ñaivu mu judíova ñmevu ne ñaiyere. Que baru, ñaipe teni ñare ñaiyurĩduyurũ mu ina judíova ãmevure judíova ne ñaiyere? Mi ñajocaiye boje náre, na yóvayurivũ baru mñre, ñaiye jañjebu náre judíovape. Que baru meamevu mi ñare ñaiyurĩduiye náre”, acacu yu Pedrore.

**Jñmenijicu ñi meadaino judíovare  
aru judíova ñmevure máre ne ju  
aiyede Cristore  
(Ro 3.20, 22; Fil 1.21)**

<sup>15</sup>Põetedejacadã ññja judíova. Que baru judíova bajubu ññja. “Judíova ñmevu ñmeina teivubu ne cuvabe boje Jñmenijicu ñaicõjeiyede Moisés bácuĩ toivaiye báquede”, arĩ ñápiavubu ññja. <sup>16</sup>Ñbenita põecu cubebi Jñmenijicu “Boropatebevũ mu ji jáinore”, ñi aimũ, ñi ñaiye boje yópe Jñmenijicu ñaicõjeiyede Moisés bácuĩ toivaiye báquere. Quénora Jñmenijicu “Boropatebevũ muja ji jáinore”, aibi põevare ne ju aiyede Jesucristore. Diede me majidivubu ññja judíova Jesúre ju aivu. Aru ññja judíovavacari ju aivubu Jesucristore, Jñmenijicu “Boropatebevũ muja ji jáinore”, ñi aiquiyepe aivu ñabevũva yópe Jñmenijicu ñaicõjeiyede Moisés bácuĩ toivaiye báquere. Que baru põeva cubema boropatebevũpe Jñmenijicu jáimara, ne ñaiye boje yópe ñaicõjeiyere. <sup>17</sup>Que baru ññja napini coreivu Jñmenijicu jáiyede ññjare boropatebevũpe ññje ju aiyede boje Jesucristore, ñajocadavũ ññje

ñaiyurĩduiyede yópe Moisés bácuĩ ñaicõjeiyere báquere. Aru apevu ne jáiyede ññja nópe teivure, “Jñmenijicu ñaicõjeiyede vainĩ tuivubu na yópe judíova ñmevure”, arãjichũma na. Aru, “Cristo vainĩ ture ñaibi põevare Jñmenijicu ñaicõjeiyede jaruvãrĩ”, arãjichũma na. ¡Aipinũma nópe abejarãri! Ne que aru jáve ñmevũtamu.

<sup>18</sup>Que baru yópe bueyubu yu: “Põevare boropatebevũpe Jñmenijicu jáquiyere aivu, ne ju aiyede Jesucristore javvu náre”, arĩ bueyubu. Ñbenita, “Mñje me curãjiyere aivu Jñmenijicuque, ñaiye javvu mujare yópe Moisés bácuĩ ñaicõjeiyere”, abevũ yu mujare. Aru nópe cõjeñũ maru, vainĩ tujebu yu Jñmenijicu ñaicõjeiyede. <sup>19</sup>Aru javede Jñmenijicu ñaicõjeiyede ñi coyuiye báquede Moisés bácuĩ ñaicõjeiyede yu, boropatebevũyũ Jñmenijicu jáinore. Ñbenita nópe ñarĩduyuvacari, cainũma boropateyũpe barejacácu. Ñbenita caride ji cuede Jesucristoque cõinávũpe, boropatebecutamu yu Jñmenijicu jáinore. Que baru caride Moisés bácuĩ ñaicõjeiyere báquede quénora ñabecutamu yu. <sup>20</sup>Maje jabocu Jesucristo yayiú bácu jocusujaravena oatuvarejaquemavu ji ñmene. Que baru caride jipocai ji cue báquere ñmevu yu. Cristo cucu yáque ñare ñaibi yópe ñi urõpe. Que baru javede ji ñaiye báquere ñabevũ cojedeca. Quénora ñaivu Cristo jiede. Ji ñmeina teiye boje, yaidéjaquemavu. Que baru ñre ju arĩ, ñi ñaicõjeiyede ñayutamu yu. <sup>21</sup>Que baru jaruvabevũ yu Jñmenijicu jíye bojecubede ñi me boje, iye Jesucristo mearo ñacaiyede yure, ji ñarĩduiyere yópe Moisés bácuĩ ñaicõjeiyere. Jñmenijicu járu põevare boropatebevũpe ne ñaiyede yópe ñi ñaicõjeiyere, Jesucristo yaino mácarõ jaubejebu. Yayjebu ñ benina.

**Pablo ñi bueino põeva boropatebevũ  
ñmevure Jñmenijicu jáinore ñi  
ñaicõjeiyede Moisés bácuĩ toivaiye  
báquere**

(Hch 3.25; Ro 1.17, 4.3, 16, 10.5)

**3** <sup>1</sup>Muja, Galacia ñmicurijoborõcavu Jesúre ju aivu, ñrũmevũpe nuríe

dápiabevu mɔja. Muje jáiyede nurié coyucacu mɔjare Jesucristoi yaiye báquede ne pɛvaimure jocusujaravena maje ámeina teiye boje. Ëbenita mɔjamu arevu ne mujovaimara. <sup>2</sup>Que baru muje ju aiyede iye yávaiyede jávene, ji coyuiye báquede mɔjare, dajocaivubuya mɔja. Quénora Ëbenita dápiari býavũ boropateni buojaivu Jãmenijicu jáinore muje ðaiyeque yópe iye ðaicójeiyepe Moisés bácu toivaiye báquede. Ëbenita Jãmenijicu jáve darobedejaquemavu mɔjare ñi Espiritu Santore maje ðaiye boje yópe ñi ðaicójeiyepe Moisés bácu toivaiye báquepe. Quénora jáve darorejaquemavu ðre maje jápiari ju aiye boje Jesús ñi yávaiye méne. <sup>3</sup>Jãmenijicu Espiritu Santo apure ðari búquemavu mɔjare mamaũmene. Que baru buojaiyue jaubevu mɔjare iye muje cavaede mamaũmene muje majiéqueda. Nópe ðaivu baru, árumevure ðajebu mɔja.

<sup>4</sup>¿Caiye iye vaiye báque bojecubedi mɔjare? Jáve dápiari coreóvadavũ aipino bojecuede iye mɔjare vaiye báquede. <sup>5</sup>Jãmenijicu jáve darobebi mɔjare ñi Espiritu Santore aru ðabebi pœva ne ðari majibede muje jêneboi, muje ðaiye boje yópe ñi ðaicójeiyepe Moisés bácu toivaiye báquepe. Quénora jáve daroibi ðre aru ðaibi diede muje jêneboi, muje jápiari ju aiye boje Jesús ñi yávaiye méne. <sup>6</sup>Aru caride dápiajarã Abraham mácure. Yópe arí, Jãmenijicu toivaicójenejaquemavu ñi yávaiyede: “Abraham ju arejaquemavu Jãmenijicu ðaquiyepe yópe ñi aiye báquepedeca. Que baru Jãmenijicu coyurejaquemavu ðre, ‘Boropatebecubu mu ji jáinore’, ñi ju aiye báque boje Jãmenijicure”, arí toivaicójenejaquemavu.

<sup>7</sup>Que baru coreóvaiye jaavu mɔjare iyede: Ina pœva ju aivu Jãmenijicure, nárecabu Abraham mácu páramena baju. <sup>8</sup>Javede Jãmenijicu toivaicójenejaquemavu ñi yávaiyede, pœva ne coreóvarãjiyepe ayu boropatebede ðacuy ñi jáinore ina judíova ámevure ne ju aiyeque

ðre. Jãmenijicu coyurejaquemavu Abraham mácure mearo ðacacuyure ñi mácure ñi mearo ðacaquiye jipocai yópe arí: “Mu ju aivu yure. Que baru mure ji mearo ðacaiye báquepedeca ijárvucavu arevu, caivu yure ju aivure máre, mearo ðacacuyumu yu”, arí toivaicójenejaquemavu Jãmenijicu. <sup>9</sup>Abraham mácu ju aiye boje Jãmenijicure, ñi mearo ðacarejaquemavu ñi mácure. Que baru Jãmenijicu mearo ðacaibi caivu pœva ju aivure ðre yópe ñi mearo ðacaiye báquepedeca Abraham mácure.

<sup>10</sup>Caivu ina pœva ðaiyurĩduivu yópe Jãmenijicu ðaicójeiyepe Moisés bácu toivaiye báquepe Jãmenijicu jáquiyepe arĩduivu náre boropatebevure, jáve Jãmenijicu ñájine ðaimara marajárama na, ne ámeina teiye boje. Coreóvaivubu maja die jávene, Jãmenijicu toivaicójeiye báque boje, yópe arí, ñi yávaiyede: “Ácu pœcu ðabecu baru cainmua yópe caiye Jãmenijicu ðaicójeiyepe Moisés toivaiye báquepe, jáve ñájiycuyume ñi, ñi vainí tuiye boje diede”, arí toivaicójenejaquemavu Jãmenijicu.

<sup>11</sup>Aru coreóvaivubu maja iyede: Pœcu cubebi boropatebecu Jãmenijicu jáinore, ñi ðaiye boje yópe Jãmenijicu ðaicójeiyepe Moisés bácu toivaiye báquepe. Jãmenijicu toivaicójeiye báque boje, yópe arí, ñi yávaiyede: “Ina Jãmenijicu boropatebede ðaimara mácavu, ne ju aiye boje ðre, apurãjivubu cainmua. Que baru coatede ðabemara marajivubu na Jãmenijicure jaruvari”, arí toivaicójenejaquemavu Jãmenijicu. <sup>12</sup>Ñai Jãmenijicure ju ayu, “Jãmenijicurecabe boropatebede ðacuy yure”, aibi. Ëbenita ñai ðarĩduyu yópe iye ðaicójeiyepe Moisés bácu toivaiye báquepe, “Yurecabu boropatebede ðacuy ji bajure ji ðaiyeque iye ðaicójeiyepe”, arĩduibi. Ëbenita ðrecabe boropatecuy, ñi ðari buojabe boje caiye iyede. Coreóvaivubu maja die jávene, Jãmenijicu toivaicójeiye báque boje, yópe arí, ñi yávaiyede: “Ñai

ðarī buojayn caiye iye Jūmenijicui ðaicōjeiyede cūcūyume ũ aru coatede ðabemū macūyúme ũ Jūmenijicure jarūvarī”, arī toivaicōjenejaquemavū Jūmenijicu.

<sup>13</sup> Æbenita Cristorecabe cadateyū bācū majare. Jūmenijicui ñājine ðaiye jauřidurejaquemavū majare, maje ðabe boje caiyede yópe Jūmenijicui ðaicōjeiyepe. Æbenita Cristovacari ñājicarejaquemavū yayú, ne pēvaimū mácu jocūcūjaravena, majare boje. Que teni bojedarejaquemavū maje vainí tuiyede, maje ñājimenajiyeye ayū maje baju āmeina teiye boje. Coreóvaivūbu maja jāvene Cristoi ñājicaiye báquede jocūcūjaravena majare boje. Jūmenijicu toivaicōjenejaquemavū, yópe arī, ũi yávaiyede: “Caivū ina ne pēvaimara jocūcūrā Jūmenijicui ñājine ðaimaramu na, ne āmeina teiye boje”, arī toivaicōjenejaquemavū Jūmenijicu.

<sup>14</sup> Cristo ñājiñū yaicārejaquemavū mūja judíova āmevūre boje máre, mūje cūvarājiyeye ayū iye mearo ðacaiyede, yópe Jūmenijicu “Mearo ðacacūyumu yū mūjare”, ũi aiye báquepedeca Abraham mácure, aru maje corū etarājiyeye ayū ñai EspírITU Santore yópe Jūmenijicu “Cadateyūre darocūyumu yū mūjare”, ũi aiye báquepedeca.

**Jūmenijicu ũi coyūino “Yópe mearo ðacacūyumu” ũi coyūquiyē jipocare ũi ðaicōjeiyede**  
(Ro 4.14)

<sup>15</sup> Mūja, jívū, caride coyūquijivū mūjare maja pōeva maje ðarī cōmajiyena mūje coreóvarājiyeye ayū. Pūcarā ũmūva “Yópe ðarī memenajare”, ne arī toivaru ne āmiáre diena, ñame buojabebi jarūvayū aru oatūvayū diede, ina ũmūva ne jū abedu. Quédeca Jūmenijicu “Yópe ðarājare”, ũi aiye báquede ñame buojabebi jarūvayū aru oatūvayū diede máre. <sup>16</sup> Jūmenijicu “Yópe mearo ðacacūyumu yū mūjare”, ávarejaquemavū Abraham mácure aru ũi pāramenacacū bacūyūre máre. Æbenita Jūmenijicu toivaicōjemenejaquemavū

ũi yávaiyede “mipāramena márājivū”, obedivū ainore. Quénora toivaicōjenejaquemavū ũi yávaiyede “mipāramenacacū bacūyū”, cūinácū ainore. Aru Cristorecabe ñai cūinácū. <sup>17</sup> Ji coyūiyede mūjare yópe aiyrōtamū: “Yópe ðarājaramu maja”, arejaquemavū Jūmenijicu Abraham mácure. Aru que arīburu yóboi, Jūmenijicu “Jāve ðacūyumu yū yópe ji aiye báquepedeca mūre”, arejaquemavū Abraham mácure. Que baru Jūmenijicu ũi aiye báquede cuatrocientos treinta paiūjūa jipocai ye jarūvabedejaquemavū aru oatūvabedejaquemavū ũi ðaicōjeiyeque, Moisés bācūi toivaiye báqueque cuatrocientos treinta paiūjūa yóboi. Jāve Jūmenijicu ðaibi yópe ũi aiye báquepedeca. <sup>18</sup> Pōevai boropatebeni buojaru Jūmenijicui jāinore ne ðaiyeque yópe iye ðaicōjeiyepe Moisés bācūi toivaiye báquede, Jūmenijicu “Yópe mearo ðacacūyumu pōevare”, ũi aiye báque bojecubejebu. Æbenita pōeva boropatebevū buojabema ne ðarīduiyeque yópe Jūmenijicui ðaicōjeiyepe. Que baru Jūmenijicu “Yópe mearo ðacacūyumu pōevare”, ũi aiye báque bojecūvū. Aru Jūmenijicu mearo ðacayū pōevare, jāimi náre boropatebevūpe yópe ũi aiye báquepedeca Abraham mácure: “Caivū pōeva yūre jū aivūre yópe mi jū aiyepe yūre mearo ðacacūyumu yū”, arejaquemavū.

<sup>19</sup> Jāve Jūmenijicu coyūrejaquemavū ũi ðaicōjeiyede Moisés bācure, “Yópe ji ðaicōjeiyepe ðajarā mūja”, arīduyū judío vare. Jūmenijicu coyūrejaquemavū diede, pōeva ne coreóvarājiyeye ayū vainí tuivūre ne āmeina teiye boje. Abraham mácūi pāramenacacū Jesucristoi daiyede, iye ðaicōjeiyepe ðaiye cūinéjaquemavū. Que baru Jesucristoi daiyede, Jūmenijicu mearo ðacarejaquemavū pōevare yópe ũi aiye báquepedeca. Iye Jūmenijicui ðaicōjeiyede Jūmenijicu yávarejaquemavū ángelevare. Aru na yávarejaquemavū Moisés bācure.

Aru ñ mácu toivarejaquemavu diede, pōeva ne majinajiyepre ayu. Que teni Jūmenijicu coreóvare ðarejaquemavu pōevare ñi ðaicōjeiyede ñi coyūiyequere arevure, ina ángelevare aru Moisés bácure máre. <sup>20</sup> Ëbenita Jūmenijicu coyubedejaquemavu “Yópe mearo ðacacuyumu”, ñi aiyede Abraham mácure apecuque. Quénora Jūmenijicuvacari cūinácura coyurejaquemavu diede ñ mácure apecui cubeda.

**Jūmenijicu ñi ðaiyurō iye ñi ðaicōjeiyequere**

(Ro 4.13, 8.15-17; Col 2.8, 20)

<sup>21</sup> ¿Jūmenijicu bojecubede ðarejaquemari iye “Yópe mearo ðacacuyumu”, ñi ávaiye báquede Abraham mácure ñi ðaicōjeiyequere, ñi coyūiyere báquede Moisés bácure? ¡Bi, ye que ámevu! ¡Aipinumu vaibéjarōri nópe! Jūmenijicu ye jámecube pōevare boropatebevure maje ðaiye boje yópe ñi ðaicōjeiyepre. Maja ye meareo ðaiye majibevu, Jūmenijicui cure ðaquiyepe aivu majare járavu cūiméjáravu baquinóre. Cainumua maje mearo ðaiye javu Jūmenijicui jáinore. Que baru ðaicōjeiyepre ðaríduivvacari, caivu pōeva eabenajarama járavu cūiméjáravu baquinóre. Ye boropatebevure buojabenajaramu maja Jūmenijicui jáinore maje mearo ðaiyuríduiyequere. <sup>22</sup> Jūmenijicu toivaicōjenejaquemavu ñi yávaiyede, coreóvare ðacuyu majare caivu ijáravucavu ðaicōjeimarave ne baju ámeina ðaiyueque. Que baru pōeva ne ju aiyede Jesucristore, Jūmenijicu jáimi náre boropatebevure “Yópe mearo ðacacuyumu”, ñi aiyere báqueredeca. Aru ina pōeva ju aivu Jesucristore quénurabu Jūmenijicui jáimara boropatebevure.

<sup>23</sup> Jesucristoi ðaquiye jipocare caivu pōeva ðaicōjeimarape paivu barejaquemavu, maje ðaríduiyere boje yópe Jūmenijicui ðaicōjeiyede ñi coyūiyere báquere Moisés bácure. Nópe barejaquemavu pu Jesucristoi

ðaiyeta. Cristo ñi ðaiyede, Jūmenijicu jáðovarejaquemavu majare boropatebevure ñi jáinore maje ju aiyede Jesucristore. <sup>24</sup> Que baru Jesucristoi ðaquiye jipocare, caivu pōeva juedova coreimarape paivu barejaquemavu. Aru Jūmenijicui ðaicōjeiyere ñi coyūiyere báque Moisés bácure majare coreipōescure paiye barejaquemavu. Yópe coreipōescui coreóvare ðaiyepre juedovare ñájinajivure ne mearo ðabedu, nopedeca iye ðaicōjeiyequere coreóvarejaquemavu ñájinajivure, maje ámeina teiyere boje. Nópe barejaquemavu pu Jesucristoi ðaiyeta, maje boropatebenajiyepre aiyere Jūmenijicui jáinore maje ju aiyequere Jesucristore. <sup>25</sup> Caride Jūmenijicu jáimi majare, Jesucristore ju aivure, boropatebevure. Ñija Jesucristore coreóvaivu, úre ju aivu, coreimarape ámevutamu iye ðaicōjeiyequere.

<sup>26</sup> Aru caivu muja Jūmenijicui máramu muje ju aiyequere Jesucristore, úque curí cūinávure. <sup>27</sup> Muja jáðovaimara mácavu Jesucristoque ocoi curivubu úque cūinávure. Que baru caride cuvū muja Jesucristope árojarivu. <sup>28</sup> Que baru caride ye baju ámevu judío o judío ámevu, yebacacu o yebacacu ámevu, aru úmu o nomío máre. Caivu cūinávure paivubu maja, maje cue boje Jesucristoque cūinávure. <sup>29</sup> Muja Cristo jina mae boje, Abraham mácui páramena bajubu muja. Que baru Jūmenijicu mearo ðacacuyume mujare yópe ñi aiyere báqueredeca.

**4** <sup>1</sup> Yópe coyūquijivu mujare cojedeca maje cuede Jesucristoque ñi jinava, ðaicōjeimara ámevu. Mamacu, bucúriburu yóboi, cuvacuyume jípacu jiede. Ëbenita juedocu cāreja, jabocu bacuyávacari, yebacacure páyu arevui cōjeimure ñi. <sup>2</sup> Juedocu cāreja, arevu jári coreivubu úre aru ñi jie baquiyéde máre pu añijáravu, jípacui beoijáravu baquinóita, ne ðajocarājiyepre aivu ne jári coreiyede úre aru ñi cuvaede máre. <sup>3</sup> Nopedeca vaidéjaquemavu majare máre maje majibede cāreja

Jūmenijicui yávaiye méne. Yópe jueđova ne cōjeimarape, maja máre yebacavu barejaquémavu, iye đaicōjeiyeque, majeñecuva ne đarī cōmajiye báqueque.

<sup>4</sup>Ūbenita majare nápe paivu b́acavure ānijāravu, Jūmenijicui beojāravu b́acarōi, Jūmenijicu darorejaquemavu mamacure ijāravu. Ū máre caivu apevu pōevape, cuvarejaquemavu jípacore. Aru pōetedejaquemavu judíovacacu. Que baru ju arī Jūmenijicui đaicōjeiye đī coyuiye báquede Moisés b́acure curejaquemavu ū, mamacu. <sup>5</sup>Ūi daiye boje Jūmenijicui đaicōjeimure páyvacari, bojeđayu buojarejaquemavu ina đaicōjeimara ḿacavure iye đaicōjeiyeque, ne ńajimenajiyeye ayu ne vainí tuiye báque boje diede. Aru ūi nópe đaiye báque boje, buojalbi cure đayu majare Jūmenijicui ḿarape. <sup>6</sup>Muje Jūmenijicui ḿara teiye boje, ū daroibi mamacui Esṕiritu Santore, ūi cuquiyepe ayu muje ūmei, j́adovacayu j́ave Jūmenijicui ḿarare muja. Aru ūi Esṕiritu Santo “mu, jipacu”, arī j́eniari buojare đalbi caivu majare Jūmenijicuque. <sup>7</sup>Jūmenijicui nópe đaiye boje, caride yebacavure, apevu i đaicōjeimarape paivu āmevu muja. Quénora Jūmenijicui ḿaramu muja, ūi j́ave mearo đacaiye boje mujare yópe ūi aiyे báquepedeca. Caiye iye ūi cavaede ūi jíquiyede ūi ḿarare jícyume mujare.

**Pablo ūi d́apiaino aipe nuquinore Galaciavure**

(Hch 16.6; Ro 8.29; 2 Co 3.18;  
Fil 3.10; Col 2.8, 20)

<sup>8</sup>Javede muje coreóvabede cāreja Jūmenijicure, ijāravure cōjeivu ne yebacavure paivu barejaquémavu muja. “Jūmenijinamu na”, arī d́apiarđiuvu barejaquémavu muja. Ūbenita ye jūmenijina āmema na. Nái Jūmenijicu cūinácura, caiyede cuedayu b́acure coreóvabeni mearore jíbedejaquemavu muja. <sup>9</sup>Ūbenita caride muja coreóvaivubu Jūmenijicure, ūi coreóvaiye báque boje mujare mamarumure. Que baru, đaipe teni

dajocaiyurivurū muja muje cuede jocarī Jesucristoque cūinávure, yebacavure tenajivu bedióva cojedeca iye đaicōjeiyeque, majeñecuva ḿacavu ne đarī cōmajiye báqueque? Iye đaicōjeiye parubetamu. Que baru muja ye cadatebemaramu iye đaicōjeiyeque. Aru cure đabejarā muje baju yebacavure cojedeca muje đarī buiyeque yópe judíovape. <sup>10</sup>Muja d́apiarđiuvubu muje đaiyede judíovape, Jūmenijicui mearo đacaiyepe aivu mujare. Que baru torojuve teivubu yópe judíovape apejāravuai, apevu aviávai, aru apejuai máre. <sup>11</sup>Muje que đaiye boje chíoiyu yu mujare. Que baru, “¿Ye bojecubedi ji bueiye báque náre?” arī d́apiaivu yu.

<sup>12</sup>Muja, jívu, parurōreca j́eniavuvu mujare, muje đarājiyepe ayu yópe ji đaiyepe. Yu judíovacari, đabevu yópe Jūmenijicui đaicōjeiyede Moisés b́acui toivaiye báquepe. Que baru yu máre đaiyu yópe muje đaiyepe. Mujape teyubu yu. Diede dajocarejacacu yu. Ameno đabeteavū muja yure. Quénora mearo đávū muja yure. <sup>13</sup>Coreóvaivubu muja yure ijimu ḿacure. Aru ji ijeteiye boje mamarumure coyucunucacu Jesús ūi yávaiye méne muje yebai. <sup>14</sup>Aru yure ijíe báque boje, copu etaiyubejebu muja yure. Ūbenita āmeina j́amevava jaruvabeteavū yure. Quénora me copu etavū yure yópe muje copu etajuroepe cūinácū ángele, Jūmenijicui daroimure, aru yópe muje copu etajuroepe Jesucristore máre. <sup>15</sup>Mamarumū ji bueiye muje Jesús ūi yávaiye méne, torojurivu bateávū muja. ¿Aipe teni torojubevurū muja caride? Ýavacari majivu aipe muje đaiyede dinumure. Caij́iene đajebu muja, cadatenajivu yure, ívu muje yacoruar, j́inajivu yure. <sup>16</sup>Ūbenita caride j́aivubu muja yure yópe muje maucure, ji coyuiye boje yávaiyede j́avene mujare.

<sup>17</sup>Apevu, ina bueivu ape yávaiyede, torojure đaiyurivubu mujare, muje me pueđarājiyepe aivu náre. Ūbenita ne đaiyurđiuiye meamejebu mujare. Maucavure đarđiuvubu mujare yáque,

mujе jи arājiyеpe айvи ne buеiyede. <sup>18</sup>Pōeva ne cadateiyue apevure mému cainumua, ne cadatedu náre ne baju dápiano mearoque. Ёbenita meamevu ne cadateiyе mujare ji cuede mujaque ubenita ne cadatebe mujare ji cubede mujaque. Que baru cadatejarāri mujare ne dápiano mearoque cainumua, ji cuede aru ji cubede máre. <sup>19</sup>Muja, jímajinape paivи, bediόva cojedeca nájivи yи mujare boje yόpe ico juedocuvacođo oí nájiyеpe. Nájivи yи, jácnyи mujare Cristope ārojarivure. <sup>20</sup>Pare cārijivи yи mujare boje. “¿Aipe đarī Galaciacavure cadateje bārica yи?” arī dāpiavи yи. Que baru cuiyurīduivи yи mujaque caride, oatuvacyи ji coyuiyede mujare.

**Pablo ũi jēvari coyūino đaicōjeiyede đarīduivи ne đaiyena aru Jūmenijicui mára ne đaiyena máre pucarā nomiva ne cue báqueque**

<sup>21</sup>¿Caivи muja đaiyurīduivи yόpe Jūmenijicui đaicōjeiyede Moisés bācui toivaiye báquepe, jápiarī eabenaru muja iye đaicōjeiyede? Jáve jápiarī eabevи muja diede. <sup>22</sup>Jápijarā caride Moisés bācui toivaiye báquede Abraham mácui borore. Abraham mácu ina pucarā mamarumи pōeteivи bācavure cūvarejaquemavи pucarōmiva nomivaque. Cūinācu Abraham mácui márepacoі yebacacoі mácu barejaquémavи. Aru apеcu Abraham mácui márepaco bajui mácu barejaquémavи. <sup>23</sup>Ńai yebacacoі mácure juedocūvarejaquemavи yόpe caivи apеvu pōevape. Que baru jíbcu pōetedejaquemavи yόpe caivи apеvu juedovape. Ёbenita Ńai jímarepaco bajui mácure juedocūvarejaquemavи Jūmenijicui coyuiye báque boje cūvarājivure mamacure. Que baru ímacu pōetedejaquemavи Jūmenijicui pōeva ne đarī majibede đaiyeque, jípacoі pare bucūco bae boje.

<sup>24</sup>Maje coreóvaiye Agar bācoі borore aru Sara bācoі borore máre jáđovaivи majare ape yāvaiyede

jāvene. Yόpe vaiye báquepedeca ina pucarōmiva nomivare, vaivи pōevare ne voiyede Jūmenijicui me jáquiyеpe айvи náre. Apevu đaiyurivubu yόpe Jūmenijicui đaicōjeiyеpe ũi coyuiye báquede Moisés bācure, Jūmenijicui me jáquiyеpe arīduivи náre. Aru apеvu jи айvubu “Yόpe mearo đacacuyumu mujare”, Jūmenijicui айe báquede, ũi me jáquiyеpe айvи náre. Ico yebacaco Agar āmicurejaquemavи. Aru o máco jáđovaimico majare ne đaiyede, ina voivure Jūmenijicui me jáquiyеpe arīduivи ne đaiye boje. Nápe paivubu caivи đaiyurivи yόpe Jūmenijicui đaicōjeiyede Moisés bācui toivaiye báquepe Sináí āmicuricū cūracūi. Que baru yebacavure paivubu na, ũpe Agar bācoі mácure. <sup>25</sup>Aru Agar bāco jáđovaimico majare pucarōa cūrōare, Sináí āmicuricū cūracūre, Arabia āmicurījorborōcacūre, aru Jerusalén āmicurīimarore ijārvancarōre, judiόvai ímaro urarōre. Aru ina judiόva đarīduivubu yόpe Jūmenijicui đaicōjeiyеpe. Que baru Agar bāco népacope páđobe aru opedeca yebacavure paivubu na. <sup>26</sup>Ёbenita Sara bāco jáđovaimico majare apeno ímaro Jerusalén āmicurīimarore, cavarō mearo Jūmenijicui cūrōre, Jūmenijicure jи айvи ne ímaro mearore. Aru maja jи айvubu Jūmenijicure. Que baru Sara bāco majepacope páđobe aru opedeca yebacavure paivи āmevutamи maja. <sup>27</sup>Que baru Jūmenijicui mára, caivи Jesucristore jи айvи, obedivи barājaramи maja. Ёbenita ina đarīduivи yόpe Jūmenijicui đaicōjeiyеpe ũi coyuiye báquede Moisés bācure, obebejīna marajárama na. Nópe arī Jūmenijicui toivaicōjenejaquemavи ũi yāvaiyede:

**Mи, juedocuvabeco, torojajaco mи mi ũmei. Mи, nájimeco cāreja juedocuvaede, codobobojaco mи mi torojue boje. Que baru ico nomió jímarepacui jaruvaimo máco, ũmucucodome cojedeca. Que baru mamara cūvacodome ico ũmucucō puepo,**

arī toivaicōjēnejaquemavū  
Jūmenijicu.

<sup>28</sup> Aru mūja, jīvū, yōpe Abraham  
mácui mácū Isaac bácui pōeteiye  
báquepe Jūmenijicu “Yōpe baquiyébu”  
ūi aiyē báquepe, nopedeca mūjamu  
Jūmenijicui mára yōpe ūi aiyē báque  
boje. <sup>29</sup> Javede Abraham mácui mácū  
mamarumū pōeteyū bācu, Agar bácoi  
mácū, űai ne juedocuvamū mácū yōpe  
caivū apevū pōeva ne juedocuvaere,  
űájine dayū barejaquémavū imacu  
bácure, Sara bácoi mácure, űai ne  
juedocuvamū mácure Jūmenijicui  
Espíritu Santoi parure đaiyeque ūi  
bucva bācavure. Aru quédecabu  
caride máre. Ina đare đaicōjeiyūriđuivū  
yōpe Jūmenijicui đaicōjeiyepe űájine  
đaiyūbu majare máre. <sup>30</sup> Ūbenita yōpe  
arī, toivaicōjēnejaquemavū Jūmenijicu  
ūi yáva iyede: “Ico yebacacoi mácū  
cuvabecuyūme jípacui cūvaede.  
Quénora ico ūi márepaco bajui mácū  
cuvacuyūme caiye jípacui cūvaede. Que  
baru jaetovajacu ico mi yebacacore  
aru mamacure máre yore jocarī”, arī  
toivaicōjēnejaquemavū Jūmenijicu.  
<sup>31</sup> Mūja, jīvū, que baru maja yebacacoi  
márape paivū āmevū maja. Quénora  
majamu majepacu márepaco bajui  
márape paivūbu. Que baru mearore  
cūvarājaramu maja, majepacu  
Jūmenijicui jíquiyede majare.

#### Yebacavupe tebejarā mūja cojedeca

(Mt 19.19, 20.26; Jn 8.32-  
36; Ro 13.8-10; 1 Co 5.6)

**5** <sup>1</sup> Maja yebacavupe paivū bācavure  
majeñecuva ne đarī cōmajiye  
báqueque jave meadaibi majare  
Jesucristo. Ūrecabe bojedacayū bācu  
maje āmeina teiyede, maje curājiiyepe  
ayū me Jūmenijicūque. Que baru  
maja, Jūmenijicui mára, ju ávaivūbu  
Jesucristore. Que baru jápiarī adabejarā  
ina đare đaicōjeiyūrivure yōpe  
Jūmenijicui đaicōjeiyepe ūi coyūiye  
báquede Moisés bācure.

<sup>2</sup> Jápiarā yure. Yávacari, Jesús ūi  
yáva iye méne beorī coyūicōjeimaracacu,

coyūivū mūjare. Mūje buraicōjenu mūje  
cajede Jūmenijicure me jáicōjenidūivū  
mūjare yōpe ina đare đaicōjeiyūrivū ne  
đaicōjeiyepe, Jesucristoi yaiye báque  
bojecubequiyebu mūjare. <sup>3</sup> Bedióva  
cojedeca parūrōreca coyūivū mūjare.  
Ácu pōecu buraicōjeñū maru ūi cajede  
đaiye jaujebu ūre yōpe caijie Jūmenijicui  
đaicōjeiyepe ūi coyūiye báquede Moisés  
bācure. <sup>4</sup> Mūjacavū vorī eaiyūriđuivū  
Jūmenijicui jáquiyeye aivū mūjare  
boropatebevure, mūje đaiye boje yōpe  
ūi đaicōjeiyepe ūi coyūiye báquede  
Moisés bācure, jave coatedavū maja  
Cristore jarūvarī. Mūjacapūravū  
jave ūbeni jarūvadavū mūjare  
jarūvarī Jūmenijicui jíyede pōevare  
bojecubeda ūi me boje. <sup>5</sup> Ūbenita  
majacapūravū napini coreivūbu aru jāve  
coreóvaivūbu Jūmenijicui jáquiyede  
majare boropatebevure ūi Espiritu  
Santoi parúeque maje ju aiyede ūre.  
<sup>6</sup> Que baru maje cuede Jesucristoque  
cūinávure ye baju āmevū buraicōjenu  
o buraicōjemenu maje cajede. Ūbenita  
maje ju aiyede Cristore apevū pōevare  
urī, mearo đacaivūbu maja, cadateivū  
náre. Aru diedecabu bojecue majare.

<sup>7</sup> Mamarumure me nure nurejavū  
mūja mūje cuede Jesucristoque  
cūinávure. ¿Name matedí dajocare  
đaiyū mūjare mūje ju aiyede iye  
yáva iyede jāvene? <sup>8</sup> Ácu pōecu  
Jūmenijicu āmeme. Jūmenijicu mūjare  
cutuyūbe ū jina mārājivūva. Que baru  
ucube mūje ju are nurajiiyepe ayū  
Jesucristore. <sup>9</sup> Yōpe pōeva ne quíjie  
páure bucure đaiyeque bucúóvainope  
caino jívaibore, nopedeca obebe bueiye  
jāve āme meamene đarī bujoaivū  
obedivū pōevare. <sup>10</sup> Mūja aru yū máre  
curivūbu Jesucristoque cūinávure. Que  
baru majivū yū Jesucristo cadatecuyūre  
mūjare, mūje dápiare nurajiiyepe ayū  
ji dápiaiyepe. Aru yácapūravū majivū  
Jūmenijicu űájine đacuyūre űai mūjare  
cārijovañure, ye baquinó āmevū ácu  
pōcure.

<sup>11</sup> Mūja, jīvū, yácapūravū “Ūmūvare  
ne cajede buraicōjeiye javū mūjare”,



ji arí coyũre nũru, ina judíova cãrijovamejebu yure. Aru ji buraiçõjenu ãmũvare ne cajede, ina judíovacapũravũ cãrijimejebu ji coyũie boje Jesucristoi yaiye báquede jocũcũjaravena. Ûbenita na cãrijivutamu, ji põevare ju aicõjeiye boje Jesucristore, ne curãjiyepe ayũ me Jũmenijicũque. Que baru cãrijovadama yure ãmeno ji vaiquĩyepe aivũ. <sup>12</sup>Ina mujare cãrijovare cuivũre, buraiçõjeiyũrivure mujere cajede, nãcapũravure cũiná burarĩ jarũvaicõjejara ne cajede.

<sup>13</sup>Muja, jĩvu, mujarecabu Jũmenijicũ cutuimara mácavũ ã jina mãrajĩvu, ðabenajĩvu iye ðaicõjeiyede yebacavũpe. Ûbenita me jãjara diede, yebacavũpe tede ðaiyede. Mujare ðaiye jaube boje iye ðaicõjeiyede, “Caiye maje ãmeina ðaiyũede ðarĩ buojaiũbu maja”, arĩ dãpiabejarã. Quãnora dãpiajarã mujere baju yõpe yebacavũpe, caðatenajĩvu mujacavũ Jesũre ju aipõevare, mujere ue boje caivũ Jesũre ju aivure. <sup>14</sup>Caiye iye Jũmenijicũ ðaicõjeiye ãi coyũie báque Moisés bãcũre aru caiye ape ðaicõjeiye mãre cũebu cũináromia yõpe: “Mujere coara ãjarã mujevũre yõpe mujere uepedeca mujere bajure”, aiyũebu iye. <sup>15</sup>Ûbenita muja jijatede nuivũ baru mujere bajumia aru boaiũvũ baru mujere bajumia yõpe ãimara jijecũrivũpe, me jãjara muja, bĩjare cuiye mujere me cuede mujere bajumia.

**Põeva ne ãmeina ðaiyũe aru Jũmenijicũ Espĩritu ãi mearo ðaicõjeiye**

(Ro 6.3-14, 7.15-23; Gã 2.20, 6.14)

<sup>16</sup>Yõpe coyũiyũvũ yũ mujere. Ñai Espĩritu Santoi ðaicõjeiyepe ðaivũ cũjarã muja ãi urõpe. Dabejarã yõpe mujere baju ãmeina ðaiyũere. <sup>17</sup>Maje baju ãmeina ðaiyũe Espĩritu Santoi mearo ðaicõjeiyepe ãmevũ. Quẽdeca Espĩritu Santoi mearo ðaicõjeiye maje baju ãmeina ðaiyũerepe ãmevũ. Maucũvarõreca painotamu no. Ûbenita maje ju aiyede ñai Espĩritu Santore, ðarĩ buojabevũ yõpe maje ãmeina

ðaiyũere. <sup>18</sup>Muja ðaivũ baru yõpe ñai Espĩritu Santoi mearo ðaicõjeiyepe, ðaicõjeimarape paivũ ãmevũ muja Jũmenijicũ ðaicõjeiyeque ãi coyũie báquede Moisés bãcũre. Que baru ðarĩduiye jaubevũ mujere diede, mujere curãjiyepe aivũ me Jũmenijicũque.

<sup>19</sup>Caivũ majima aipe ãrojae ne ðaiyede ina ne baju ãmeina ðaiyũeque ðaivũ. ãmeina ðaivũbu apenvũque nẽmarebũcũva ãmevũque, curivũbu ãmeũmeque, aru caino ãmenore ðaivũbu. <sup>20-21</sup>Meareore jĩvũbu pẽpeimarare, aru yaviẽde ðaivũbu. Maucũvarivũbu ne baju, jaraivũbu, tebutivũbu, jijateivũbu ãbenina, aru ðaivũbu ne baju urõpe dãpiabevũva meareore o ãmenore apenvũre. Jarare ðaivũbu apenvũre, yajuboa tede ðaivũbu maucũvarãjĩvu apenyajubocavũque, aru jorojĩvũbu. Pacoteivũbu, bujĩeque ãcuri aru urarõ arĩ torojũve teivũbu, aru apeno nõpe paino urarõ ãmenore ðarĩ cõmajivũbu na. Parurõreca coyũivũ mujere diede, nõpe ji coyũie báquepedeca mujere javede, mujere majinajiyere ayũ Jũmenijicũ jabotebecũyũre ina nõpe ðaivũre.

<sup>22</sup>Ûbenita ðaivũ maja yõpe ñai Espĩritu Santoi mearo ðaicõjeiyepe, yõpe ãrojaetamu maje ðaiye. Ûrivũbu apenvũre. Torojũrivũbu maje ãmei. Cũrivũbu me cãrijimevũva. Aru napivũbu. Mearo ðaivũbu apenvũre. Caðateivũbu apenvũre. Aru jãvene ðaivũbu yõpe “ðarãjare”, maje aiyere báquepedeca. <sup>23</sup>Meareore põevare curivũbu me. Aru maje bajure curĩ majidivũbu. Nõpe ðaiyede caiye ðaicõjeiye bĩjaroĩ buojabevũ. <sup>24</sup>Jesucristo ãi yayiye jocũcũjaravena jarũvarejaquemavũ maje ãmeina teiyede. Que baru maje cuede Jesucristoque cũinãvũpe, dajocãivũbu maje ãmeina teiye báquede aru jãve ðabevũ yõpe maje ãmeina ðaiyũere. <sup>25</sup>Ñai Espĩritu Santo apure ðaibi majare mamaũmeque. Que baru ãre coreicõjeiye jãvũvũ majare caiye maje ðaiyede, maje dãpiayede mãre. <sup>26</sup>“¿Meareore mãrica apenvũ ruẽno?” arĩ dãpiayere jaubevũ majare. Majacavũre

jarare ðaiyue jaubevu majare. Aru jorojĩne ðaiye máre jaubevu majare.

**Caðatejarã muje baju**

(2 Ts 3.13)

**6** <sup>1</sup>Muja, jívu, cūinácu mujacacu ũi vaini turu ãmeina ðayu, muja ñai Espíritu Santoi ðaicōjeimara caðatejarã ũre, ũi ðajocaquiyeye aivu ũi ãmeina teiyede. Ména meadarĩ, caðatejarã ũre. Aru me jájara, muja máre vaini tubenajivu ũpe. <sup>2</sup>Muje baju caðatejarã, apescu ũi ñájimequiyeye aivu. Nópe ðaivu baru, ðaivubu muja yópe Cristoi ðaicōjeiyeye.

<sup>3</sup>Ácu pōescu “Mearo ðaivu yu”, arĩ dápíayũ baru mearore ðabecuvacari, ũi bajuma jujovayube ũ. <sup>4</sup>Caivu jári corevajarãri ne baju ðaiyede, coreóvarãjivu mearore o ãmenore. Aru ñai mearore ðayu torojajacurĩ ũi nópe ðaiye boje. Ũbenita jámecuva apevu ne ðaiyede, “¿Name pñeno mearore ðari?” arĩ jēniari jámejacurĩ ũ. <sup>5</sup>Que baru muja coapa me jári corevaiye javvu mujare muje ðaiyede.

<sup>6</sup>Ñai bueyũ Jūmenijicui yávaiye méne jíjacurĩ ũre bueipōescure apejĩe ũi me cūvaede, que ðari caðatecyũ ũre bueipōescure jauéde.

<sup>7</sup>Muje bajumia apescure jujovaicōjemejara. Jūmenijicu bojedacnyũme caivu pōevare yópe ne ðaiyepedeca. Que baru pōescu cubebi jujovarĩ buojayũ Jūmenijicure. <sup>8</sup>Ñai ðayu yópe ũi baju ãmeina ðaiyere ũi baju ãmedarĩ coatecnyũme Jūmenijicure jaruvarĩ aru ñájicnyũme cainũma. Ũbenita ñai ðayu yópe ñai Espíritu Santoi mearo ðaicōjeiyeye cuvacyũme jãravũ cūiméjãravũ baquinóre Cristoque. <sup>9</sup>Que baru ũetubevũva mearo ðarãjarevũ, Jūmenijicui bojedaquiyeye aivu majare me añijãravũ, ũi beojãravũ baquinói. Majare me bojedacnyũme, maje ũetubevũva ðajocabedu maje ðaiye méne, caðatenajivu apevũre. <sup>10</sup>Que baru mearo ðarãjarevũ caivu pōevare cainũma. Aru pñeno mearo ðarãjarevũ majacavu Jesúre ju aivũre.

**Pablo ũi majicaino aru meaicōjeino Galaciavũre**

(Jn 3.3-7; 2 Co 5.17)

<sup>11</sup>Jájara muja caride yo ji toivacainore mujare urarõa toivaivu ji bajui. <sup>12</sup>Ina pōeva buraicōjene ðaiyurĩduivu mujare muje cajede nópe ðaivubu, judíova ne me járajiyeye aivu náre. Ũbenita nópe ðaivubu, ina judíova ne ñájine ðabenajiyeye aivu náre yópe ne ñájine ðaiyeye ina corevũre Jūmenijicui meadaquiyede náre Cristoi yaiye báque boje jocusujaravena. <sup>13</sup>Ina buraicōjeivũvacari ne cajede ðabenama yópe Jūmenijicui ðaicōjeiyede ũi coyuiye báquepe Moisés bácare. Ũbenita buraicōjene ðaiyurĩvubu mujare, yópe torojurĩ “Ina pōeva ju arĩ, buraicōjedama ne cajede yópe ñuje ðaicōjeiyeye náre”, arĩ coyurãjivu. <sup>14</sup>Ũbenita ye baju ãmevu yũre yópe ne ðaicōjeiye. Quénora torojũvũ yũ ji ũmei yo boje: Jesucristo yaidéjaquemavũ jocusujaravena yũre boje. Que baru caride ũbevũ yũ caiye iye ãmeina teiyede ijãravũcavu ne ðaiyede. Yũ ye dápíabevũ yópe ijãravũcavu ne dápíaiyeye. Aru na máre ũbenama yũre caride. <sup>15</sup>Que baru ye baju ãmevu pōescui buraicōjenu ũi cajede o buraicōjemenu. Quénora bojecũvu majare maje cũede mamarũmũ pōteivũre meaũmeque. <sup>16</sup>Jūmenijicu torojurĩvũ me cũre ðajacurĩ cãrijimevũva aru cõmaje ãroje jájacurĩ caivu ina ðaivũre yópe ji bueiyeye Jesucristoi ðaicōjeiyede. Ina nópe ðaivu jáve Jūmenijicui pōevatamu na.

<sup>17</sup>Yurecavu cuvacu ji churiá báquede ji bajui, ji memecaiye boje Jesúre. Que baru yo jípcare ina Jesucristore ju aivũre cãrijovaivu chíore ðabejarãri yũre.

<sup>18</sup>Muja, jívu, maje jabocu Jesucristo mearo ðacajacurĩ mujare muje ũmei bojecubeda ũi me boje. Quédecabu. Quénoramu.

# Efesios

Mamabuinore coyuiyebu Pablo bácu ùi toivaicõjeiye báquede paperayocare Éfeso ãmicurriimarocavũ Jesúre ju aipõevare. Pablo bácu judfovacacu bácvacari, Jesús ùi yávaiye méne beorí coyuiõjeimũ marejaquemavũ, coyucũyũ ùi yávaiye méne judfova ãnevũre, judfova ne ju abe boje ùi coyuiyede. Lucas bácu coyurejaquemavũ Pablo bácu borore Hch 7:57-8:1, 9:1-31, 13:1-28:31, aru Éfeso ãmicurriimarocavũ ne borore Hch 18:19-20:1, 20:17-38. Javede Pablo bácuve toivacaiõpecu bácuve toivaicõjenejaquemavũ pũcayoca ùi paperayocare Tesalónica ãmicurriimarocavũre, aru pũcayoca ùi paperayocare Corinto ãmicurriimarocavũre, ùi paperayocare Galacia ãmicurrijaborõcavũre, aru ùi paperayocare Roma ãmicurriimarocavũre máre. Apevũ ne dápiayepe, javede toivaicõjenejaquemavũ ùi paperayocare Filipos ãmicurriimarocavũre. Toivaicõjenejaquemavũ yõbecuriyoca ùi paperayocare ãniõju bácarõre 60 d.C., ùi cuede ãmeina teivũre jëni jacoĩñami Roma ãmicurriimaroi, cüináyocare Éfeso ãmicurriimarocavũre, apeyocare Colosas ãmicurriimarocavũre, aru apeyocare Filemón mácuve. Tíquico bácu nũvarejaquemavũ iyoca yõbecuriyocare cüináuru ùi nũiyede Roma ãmicurriimarore pu Asia ãmicurrijaborõi. Pablo bácu coyurejaquemavũ ùre toivacaiõpecu bácuve aipe ùi toivacaquiye báquede diyocare.

Diyocaque Pablo bácu coyurejaquemavũ Jũmenijicui coreóvayie báquede ùi cuedaquiye jipocamia caivũre aru caiyede máre, epecũyũre caivũ Jesúre ju aipõeva márajivũre, judfova aru judfova ãnevũre, yópe cüináyajubocavũre aru Jesucristo maje jabocũva. Pablo bácu jáðovarejaquemavũ maje cuede Jesucristoque cüinávupe yõbecue ùi jëvari coyuiyeque: maja yópe cũramipe aru Cristo yópe cũravape cũramitõbui (2:20-22); maja yópe põecu bajupe aru Cristo yópe maje jipobũpe (4:15-16, 5:23); aru maja yópe jímarepacore aru Cristo yópe majemarepacũre (5:27-32). Aru Pablo bácu maucũvaicõjenejaquemavũ Jesúre ju aipõevare abujucũque jëvari coyũyũ yópe churara ùi curinũma bácarõcacu bácu ùi cũvaere (6:11-17).

## Pablo ùi meaicõjeino Éfesocavũre

(Hch 18.19-21, 19.1)

**1** <sup>1-2</sup> Yũ, Pablo, meaicõjeivũ mujare, Éfeso ãmicurriimarocavũre Jũmenijicui põevare. Yũbu Jesucristoi yávaiye méne beorí coyuiõjeimaracacu. Yũ toivaicõjeimũ apecure iyoca paperayocare mujare, Jesucristore ju aivũre ðajocabevũva aru curivũre úque. Majepacu Jũmenijicũ, maje jabocu Jesucristomaque, mearo ðacajacurĩ mujare bojecũbeda ùi me boje. Aru torojũrĩ cũre ðajacurĩ mujare carijimevũva.

## Cristo ùi mearo ðacaino maje ùmene

(Mr 10.45, 14.24; Lc 24.49; Jn 14.26, 16.13-15; Hch 1.4, 2.33, 9.12-14; 2 Co 1.22; Col 1.14)

<sup>3</sup> Jínajarevũ Jũmenijicure mearore, maje jabocu Jesucristoi meareo jímũre, jípacure máre. Úrecabe mearo ðacayũ majare, maje cœ boje Cristoque cüinávupe. Maje ùmene mearo ðacaibi ù caiye méque, ùi jaboteiye boje majare. <sup>4</sup> Javede Jũmenijicui cuedaquiye jipocamia jãravũre, beorejaquemavũ majare ùi põeva márajivũva, maje curãjiye boje Cristoque

cūinávure. Majare beorejaquemavu, maje curájiyepere ayu pueno meara baju aru ye ámeno cubevu ũi jáinore.

<sup>5</sup> Jūmenijicui ũe boje majare, jipocamia majidejaquemavu epecuyure majare ũi mārare paivu bárājivure Cristoī đaquiyepere boje. Ũi urōpe đaiyucu, “Que đacuyumu yu”, arī dápíarejaquemavu Jūmenijicu.

<sup>6</sup> Jídevu Jūmenijicure mearore, ũi urarō mearo đacaiye boje majare. Ũi daroiye báque boje mamacure, pare ũi umure, urarō mearo đacarejaquemavu majare. <sup>7</sup> Jesucristoi jive meiyepere báque boje ũi yaiyede, bojedaiibi majare, jodecuyu. Que baru Jūmenijicu ārūmeteibi maje vainí turī ámeina teiyede. Que đaiibi Jūmenijicu ũi urarō mearo đacaiye boje. <sup>8</sup> Pueno urarō baju mearo đacaibi majare ũi majiéque, maje me coreóvarī đarájiyepere ayu. <sup>9</sup> Jūmenijicu majide đaiibi majare ũi urōre yo jáđovameno mácarōre jipocamia ũbenita jáđovainore caride. Que đaiibi majare yōpe ũi urōpe, maje majinajiyepere ayu caiye iye ũi mearo đacaquiyede majare, Cristoī đaiye báque boje. <sup>10</sup> Iye ũi đaiyuede đacuyume Jūmenijicu ānijāravu, ũi beoijāravu baquinói. Cójijovacuyume caivu ũi cuedaimarare, cavarōcavure aru joborōcavure máre, Cristoī jabotequiyepere ayu caivure.

<sup>11</sup> Jūmenijicu beorejaquemavu ũjare judíova Jesúre ju aivure, epecuyu ũi pōevare Cristoque cūinávure. Jipocamia Jūmenijicu majidejaquemavu nōpe đacuyure yōpe ũi dápíarī đaiyurōpe. Jūmenijicurecabe ũai vaidé đayu caiyede yōpe ũi urōpe. <sup>12</sup> Que baru caivu ũjare, mamarumucavu napini coreivure Cristoī međaquiyede ũjare, Jūmenijicu mearore jícōjeimi ũjare ũre, ũjare mearore jímu macuyú cainumua, ũjare cuede cāreja. Mearore jíye javu ũjare Jūmenijicure, ũi me boje caivu pueno. <sup>13</sup> Aru mujare máre epedejaquemavu Jūmenijicu ũ jinare Cristoque cūinávure. Mjare jápiayepere báquede iye yávaiyede jávene, Jesucristoi yávaiye méne, ju arejaquemavu mja die. Que

baru dinumure ũai Espírítu Santore darorejaquemavu mujare Jūmenijicu yōpe “Đacuyumu”, ũi aye báquepedeca. Ũre darorī, jáđovarejaquemavu mujare ũ jinare. <sup>14</sup> ũai Espírítu Santoi cūe boje mujare, majivu maja jáve cūvarájiyepere caiye iye méne Jūmenijicu “Jícuyumu” ũi aye báquepedeca. Que baru majivu maja Jūmenijicu meara baju đacuyure majare, caivu ũ jina mārājiyepere, yōpe ũi urōpe. Que baru jínavure mearore ũre.

**Pablo ũi jēniaino Jūmenijicure  
ũi majide đaquiyepere ayu Jesúre ju  
aipōevare**

*(Mt 22.44; 1 Co 15.27; Col 1.18)*

<sup>15-16</sup> Jūmenijicui mearo đaiye boje caiye iyede, torojuede jívu yu ũre. Jápiavu yu mje borore, ju aivure maje jabocu Jesúre aru urivure caivu Jūmenijicui pōevare máre. Diede ji jápiainumu mácarōre pu caride máre, đajocabecavu jívu yu torojuede Jūmenijicure mujare boje. Cainumua ārūvu mujare ji jēniayepere coapa Jūmenijicure. <sup>17</sup> Jēniavu yu maje jabocu Jesucristoi mearore jímvure, ũai majepacu meacu bajure, ũi majide đaquiyepere ayu mujare mje ũmei, mje coreóvarājiyepere ayu Jūmenijicui jáđovaiyede mujare jávene. Que jēniavu yu, mje coreóvarī nurajiyepere ayu Jūmenijicure pueno baju me.

<sup>18</sup> Jēniavu yu Jūmenijicure, ũi dápíare đaquiyepere ayu mujare me nurié, mje majinajiyepere ayu ũi mearo đacaquiyede mujare. Mujarecabu ũi cutuimara mácavu, napini corenavu ũi mearo đacaquiyede mujare. Ũvu yu mja coreóvaivure iye mje napini coreiyede. Mujavacari cūvarājaramu ũi urarō mearo đacaquiyede mujare yōpe “Jícuyumu” ũi aye báquepedeca caivu ũi pōevare. Ũvu yu mja coreóvaivure iye mje cūvarājiyede. <sup>19-20</sup> Mujarecabu cūvarivu ũi paruéde pueno urarō bajure. Iye ũre parué cūiméque Jūmenijicu cadateibi majare, caivu Jesucristore ju aivure. Ũvu yu mja coreóvaivure iye mje parué cūvaede.

Yópe iye Jūmenijicui majié parúéque ũi nacovaiye báquepe Cristore yainore jaruvarí aru yópe iye ũi dobare ðaiye báquepe máre úre ũi meapūravu yebai cavarō mearoi, quédecabu iye ũi majié parúéque. Dieque cadateibi majare Jūmenijicu. <sup>21</sup> Aru ñai Cristorecabe jaboteyu caivu jabova pūeno. Caivu cōjeivure, parurivure, pūrucuvarivure, aru jabovare máre pūeno jaboteyube Cristo, cavarōcavure aru joborōcavure máre. Que baru caivu náre me puedaiye javvu úre. Quédecabu caride ijāravui. Aru quédeca baquiyébu mamajāravu, Jūmenijicui ðaquijāravui máre, ijāravu cūinīburu yóboi. <sup>22</sup> Majepacu Jūmenijicu epeibi Cristore ne jabocūva caivure. Caivu pōeyajuboacavu Jesúre ju aivure ijāravui, Jūmenijicu epeibi úre maje jabocūva. <sup>23</sup> Maje cue boje Cristoque, jaubevu úre. Yópe ũi majaque cucu buojaiyepere ijāravui, buojaibi ũ. Nopedeca Cristoi cue boje cainore, ijāravure aru cavarō mearore máre, jaboteyube caiyede.

**Jūmenijicu ũi meadaino majare ũi mearo ðacaiye bojecubeda**  
(Ef 6.11-12; Col 1.13, 2.13, 3.6)

**2** <sup>1</sup> Javede majarecabu yaivu bácvape maje ũmei coateimara mácvu maja Jūmenijicure jaruvarí, maje vainí tuiye báque boje aru maje āmeina ðaiyue báque boje máre. <sup>2</sup> Dinūmu mácarōre maja curivu barejaquémavu āmeina ðaivu yópe ijāravucavu ne cūere āmeina ðaivu. Maja ju aivu barejaquémavu ñai āmecu, abujuvai jabocūre. Úrecabe buoyu ina pōeva Jūmenijicure ju abevure. <sup>3</sup> Javede maja caivu, ina Jūmenijicure ju abevure, curivu barejaquémavu, āmeina ðaivu. Maje āmeina ðaiyūere ðarí, maje baju urōpe ðarí, aru maje ũme dápiayepere máre ðaivu barejaquémavu maja. Que baru majare Jūmenijicu āmeina jári, ñájine ðacuyu barejaquémavu caivu apevu pōevape maje āmeina teiye boje. <sup>4</sup> Maja Jūmenijicui ñájine ðarājimara majarórivūvacarí, pare cōmaje āroje

jáimi majare ũ, ũi urarō baju ue boje majare. <sup>5</sup> Que baru ũ jáñu mácvvacari majare yaivu bácvape paivure maje āmeina teiye boje, apūre ðaibi majare apué mamaeque yópe ũi nacovaiye báquepe Cristore yainore jaruvarí. Nopedeca jáimi majare Cristoque cūinávure. Que baru curivubu maja apué mamaeque. Jūmenijicui mearo ðacaiye bojecubedecabu meadaiye majare.

<sup>6</sup> Maje cue boje Cristoque cūinávure, yópe Jūmenijicui nacovaimara mácvape yainore jaruvarí curivubu maja caride. Aru Jūmenijicu jáimi majare yópe ũi jaboteimarape, ñai abujuvai jabocui buobe boje majare caride. Jūmenijicu jáimi majare yópe ũi dobare ðaimara mácvape Cristoque cavarō mearoi. <sup>7</sup> Nópe ðaibi, jáðovacuyu caivu pōevare cainūmu pūeno urarō mearo ũi cōmaje āroje jáiyede mearo ðacayure bojecubeda majare, Cristoque curivure cūinávure. <sup>8</sup> Jūmenijicui mearo ðacaiye bojecubedecabu ũi meadaiye majare maje āmeina teiye jaruvarí, maje ju aiyé boje úre. Maja meadārí oabevu maje bajumia. Jūmenijicurecabe meadayu majare. <sup>9</sup> Ūbenita meadabebi majare maje mearo ðaiye boje. Maje mearo ðariduiye quíjie bajutamū. Que baru urarō jarurōtamū. Ye meadaiye majibevu maje bajumia. Quénora Jūmenijicu meadaiibi majare ũi mearo ðacaiye bojecubeque. Que baru pōecu cubebi “¿Meacu bárica yu?” arí buojayu. <sup>10</sup> Jūmenijicurecabe ñai cuedayu majare. Apué mamaeque cure ðaiyurejaquemavu majare, maje mearo ðarājiiyepere ayu caivu pōevare cainūmu. Que ðarejaquemavu ũi cutuiye báque boje majare, maje ju arājiiyepere ayu Cristore. Jipocamia “Ðajarārí na mearo matuiyeda”, arí dápiarejaquemavu Jūmenijicu maja curājivurā Cristoque cūinávure.

**Maje cue carijimenoque Cristoi ðaiye báque boje**

(Mt 21.42; Jn 14.27; 1 Co 3.16-17; Col 1.20, 2.14; 1 P 2.4-5)

<sup>11</sup> Muja, judfova āmevu, dápiajarā aipe muje cue báquede javede. Muje

põeteiye báquede ijāravui, Jūmenijicui pōeva āmenejaquemavu mūja. Ņūja ūmva judíoiva buraicōjeivū űuje cajede, coreóvare đarājivū űuje baju Jūmenijicui pōeva, āmeina járejaquemavu mūja buraicōjemevure. “Jūmenijicure coreóvabevūbu”, aivū barejaquémavu mūjare. Ūbenita iye buraiye ūmuvai bajure pōeva ne đaiyedecabu ne bajumia quénora. <sup>12</sup>Dinmū mácarōmiareca cūrivū barejaquémavu mūja Cristore cuvabevūva. Jūmenijicui pōeva ūi beoimara mácavu āmenejaquemavu mūja. Que baru cubevū barejaquémavu mūja Jūmenijicui pōeva. Jūmenijicu “Mearo đacacūyumu yū mūjare”, ūi arī coyūiye báque boje ūi pōevare, “Yurecabu mūje jabocu. Aru mūjarecabu ji jaboteimara”, arī coyurejaquemavu na mácavure. Ūi nópe coyūiye báquede, ye coyūbedejaquemavu mūjare. Ijāravui cūrivū barejaquémavu mūja Jūmenijicure coreóvabevūva. Que baru, “Ye meadaimara āmenajaramu maja”, arī dāpiarejaquemavu mūja. <sup>13</sup>Ūbenita caride cūrivūbu mūja Cristoque cūinávure. Mūja Jūmenijicui pōevacavu āmenejaquemavu javede. Ūbenita caride cójijovaimaramu űūjaque. Que đaibi mūjare Jūmenijicu, Jesucristoi jive meiyē báque boje ūi yayiede.

<sup>14</sup>Jesucristorecabe cure đayū majare cārijimenoque. Javede maucavarivū barejaquémavu maje baju, judíoiva aru judíoiva ānevūque. Maje baju coateivū barejaquémavu maja. Ūbenita Jesucristo ūi yainoque jarūvarejaquemavu majare coatede đaino mácarōre, cure đacūyū majare yópe cūináyajubopeda, judíoivare aru judíoiva ānevūre máre. <sup>15</sup>Cristoi yayiye báque boje, coreóvaivūbu maja buojabenajivūre boropatebevū Jūmenijicui jāinore maje đariduiye boje yópe ūi đaicōjeiyepe ūi coyūiye báquede Moisés bácare. Aru Cristoi űājicaiye báque boje caivūre iye đaicōjeiyepe đabevūre, coreóvaivūbu maja Jūmenijicui űājine đabenajimarare, maje đabe boje yópe ūi đaicōjeiyepe. Que baru ina pūcayajuboa

pōeyajubocavu bācavu Jesúre ju aivūre, cūináyajubo mamayajubo pōeyajubocavure cuedarejaquemavu ū, ne cūrājiyepe ayū ūque cūinávure. Que baru cārijimenoque cūvū maja caride. <sup>16</sup>Ņūja judíoivare aru mūja judíoiva ānevūre máre, Jūmenijicu jāimi majare cūináturura boropatebevūre. Cristoi yayiye báque boje jocūcūjaravena, buojarejaquemavu ina pūcayajuboa pōeyajubocavu ne maucūvae báquede ne baju. Que teniburu yóboi, cójijovaibi majare cūináyajubo pōeyajubocavure, cārijimevūva cure đaibi majare Jūmenijicuque ūi yayiye báque boje jocūcūjaravena.

<sup>17</sup>Que baru darejaquemavu, coyūicōjecūyū iye yávaiye méne pōevare cārijimena cure đaiyede Jūmenijicuque. Diede coyūicōjecūdaibi mūjare, judíoiva ānevūre, Jūmenijicui pōeva ānevū bācavure. Aru űūjare máre, judíoivare, cainmūva Jūmenijicui pōevare, coyūicōjecūdaibi ū iye yávaiye méne. <sup>18</sup>Cristorecabe jēniare đayū caivū majare majepacu Jūmenijicuque. Ūi yayiye báque boje, cure đaibi majare ūque cūinávure. Ņai Espiritu Santo cūinácu cadateibi caivū majare, judíoivare aru judíoiva ānevūre máre, maje jēniarajiyēpe ayū majepacu Jūmenijicuque.

<sup>19</sup>Que baru caride mūja, judíoiva ānevū, Jūmenijicui pōeva ānevūre cubevū mūja. Ijāravūcavu Jūmenijicure ju abevūre paivū cubevū mūja caride. Quénora Jūmenijicui pōevatamu mūja. Cavarō mearocavūre paivūtamū mūja. <sup>20</sup>Maja Jūmenijicui pōeva ūi cūramipebu. Cūravaque đaiñamipebu diñami cūrami. Ņūja Jesúre ju aivū ne daroimara coyūrājivū Jesús ūi yávaiye méne aru Jūmenijicui yávaiyede coyūcaipōeva mamarūmure ju arejacařā űūja Jesucristore. Aru buenī búrejacařā iye ūi yávaiye méne.

Que baru űūjatamu yópe cūrava Jūmenijicui mamarūmū epeivare cūrami cāchinore. Aru mūjatamu yópe apeva cūrava ūi epeivare

ñuje puenora, mñje ju aye boje ére ñujapedeca. Aru Jesucristorecabe yópe cūravape cūramitōbui, paruriva apeva pueno. <sup>21</sup>Yópe ñai cūramine ñaipōecu caiva cūravare ñi tñoiyepē ároi tñoiye jaurōi, nopedeca Cristorecabe epeyu majare ároi majare cue jaurōi. Yópe ñai cūramine ñaipōecu vorī, cōjijovarī tuore ñuiyepē apeva cūravare buojacuyū diñami ñi ñaiñami cūramine, nopedeca Cristorecabe ére ju are ñure ñaiyu tenajiyepē ayu Jūmenijicure memecaivure. Yópe cūramine ñaipōecu meadami cūramine ñaiyepē pōeva ne Jūmenijicure mearore jínajīñamine, nopedeca Cristorecabe pueno meara baju ñayu ére memecaivure, maje cue boje éque cūinávure. <sup>22</sup>Que baru mñja judíova ámevu máre curivū éque cūinávure, Jūmenijicui cōjijovaimaramu caivu apevu Jesucristore ju aipōevaque. Aru ñai Espiritu Santo cubi mñjaque máre. Que teni apevu majare jári, Jūmenijicure pueðarī jínajarama mearore majare boje.

**Pablo Jesús ñi bueicōjeimū ñi yávaiye méne judíova ámevure**

(1 Co 15.9; Gá 1.12; Col 1.25-27, 3.12-13)

**3** <sup>1</sup>Mñja judíova ámevu, mñje Jūmenijicui pōeva teiye boje, jēniayū yu éque mñjare boje. Yu, Pablo, buoimūtu ámeina teivure jēni jacoñami jívui, ji coyūiye boje Jesús ñi yávaiye méne. Jesucristore memecayūbu yu mñja judíova ámevure boje. <sup>2</sup>Jāve majidivūbu mñja Jūmenijicu epeyu bácare yure, ji memecaquiyepē ayu ére mñjare boje, ñi mearo ñacaiye bojecubeda. Que teni yure coyure ñai mñjare iye ñi mearo ñacaiye bojecubeda. <sup>3</sup>Jūmenijicu majide ñai yure ñi dāpiayē báquede javeita Cristorā, yo jáðovameno mácarōre jipocamia ũbenita jáðovainore caride. Que baru obebecamuaque toivaicōjeivū mñjare diena.

<sup>4-6</sup>Yópebu ñi dāpiayē báquepe jipocamia: Mñje jápiayē boje Jesucristoi yávaiye méne, mñja judíova ámevu

Jūmenijicui meadaimaramu ñja judíovaque. Ññjaque jacopurājaramu mñja caiye iye Jūmenijicui mearo ñacaiyede, ñi jíquiyede ñi pōevare. Ññjaque cūináyajubo pōeyajubocavūbu mñja. Que baru ññjaque mearo ñacacuyūme mñjare Jūmenijicu yópe ñi aye báquepe. Caiye iye mñjetamu, mñje cue boje Jesucristoque cūinávure. Iye ji toivaicōjeiye báquede jáivū baru coreóvarājaramu mñja yure me majicure Jūmenijicu ũrōre yo jáðovameno mácarōre jipocamia ũbenita jáðovainore caride. Javede ácu pōecure Jūmenijicu jáðovamenejaquemavu diede, ñi dāpiarī jáðovame máquede. Que baru javede, “Judíova quénvratamu Jūmenijicui meadarājimara”, arī dāpiarīdurejaquemavu. ũbenita caride ñai Espiritu Santore majide ñai Jūmenijicui dāpiayūrōre, ñja Jesús ju aivure ne daroimarare coyurājivure Jesús ñi yávaiye méne aru Jūmenijicui yávaiyede coyucaipōevare, ére memecaivure.

<sup>7</sup>Yurecabu Jūmenijicu beorī epeimū ére memecacuyūva. ũi majide ñaiye bojecubeda yure, bueyūbu yu Jesús ñi yávaiye méne. Majide ñai yure ji ũmei ji buequiyepē ayu ñi ũrurō majiéque.

<sup>8</sup>Yurecabu caivu ina Jūmenijicu pōeva ne cāchinocacupe páyu baju. ũbenita Jūmenijicu ũrurō mearo ñacaiye yure, bueicōjeñū mñja judíova ámevure iye yávaiye méne, mñje coreóvarājiyepē ayu aipe baju meacure ñai Cristore aru aipe ũrurō mearo cūiménore ñacayure ére ju aivure. <sup>9</sup>Jūmenijicu ñi dāpiainore jáðovameno mácarōre coreóvare ñaicōjeimi yure pōevare cūináturura beobecuva. Ñai cuedayū bácu caiye ijāravuquede yópe ñi ñaiyepē ñai ũ ñi cuedarīburu yóbore pu carita. <sup>10</sup>Que ñai Jūmenijicu caivu cōjeivure aru parurivure máre, ángelevare aru abujuvare máre, ne coreóvarājiyepē ayu caride ũ majicure caiyede aru caiye ñi dāpiayē me matuiyede. Diede coreóvarājarama ne jáiyede Jūmenijicui ñaiyede ũ jinare caivu Jesucristore ju aivure.

<sup>11</sup> Que baru Jūmenijicu đarejaquemavu yópe ũi dápíarí đaiyurópe, “Que đacuyumu” ũi aino mácarōpedeca, ijāravure ũi cuedaquíye jipocamia. Maje jabocu Jesucristoi đaiye báque boje, Jūmenijicu đarejaquemavu caiyede ũi urópe. <sup>12</sup> Maje cūe boje Jesucristoque cūinávure aru maje ju aiye boje úre jidubevuva jēniaivubu Jūmenijicuque. Majidivubu jidué jaubede majare ũi jáinore. <sup>13</sup> Que baru parurōreca jēniaivu mujare. Uetubevuva chíomejara mūja Ji nájíyede ji bueíye báque boje mujare. Ji nájíyede mujare boje, mujarecabu Cristoi meadaimara. Jáve urarō mearo cađateino cūvarivubu mūja caride.

**Pablo ũi jēniaino Éfesocavure  
Jūmenijicuque**

<sup>14</sup> Mūja, judíova āmevu, mūje Jūmenijicui pōeva teíye boje, majepacu Jūmenijicure nūatutari torojuede jívū yū ũi jáinore. <sup>15</sup> Majepacu Jūmenijicurecabe cuedayū bācu caivu cavarō mearocavure aru caivu ijāravucavure máre. Caivu náre ne yajuboa coapa epedejaquemavu ũ. Que teni népacupe páyū curí, coreóvare đaiibi náre coapa aipe meacu ārojajurocure pōescu pacure. Que baru jēniaivu Jūmenijicuque mujare boje. <sup>16</sup> Urarō mearo bajutamu Jūmenijicui parué. Que baru jēniaivu yū úque, ũi pueno ju are nure đaquíyepere ayū mujare ũi majiéque yópe ũi parué cūimépe. Nai Espiritu Santorecabe pueno ju are nure đayū mujare ũi majiéque. <sup>17</sup> Jēniaivu yū Cristo cūcyure mūjaque mūje ũmei. Que đacuyume ũ, mūje ju aiye boje úre. Jēniaivu yū ueque dápíarājívure mūja aru đarājívure caiye mūje đarājíyede, mūje ue boje apevu Jesúre ju aipōeva.

<sup>18</sup> Que baru mūja caivu, apevu Jūmenijicui pōevaque, coreóvaivu buojarājaramu aipe Jūmenijicu urarō meacure. Yópe mearo đacaiyubi ũ jabovare aru jabova āmevure máre. Cainoa joborōacavure mearo đacaiyubi cainumua, Cristoi ue boje pōevare. <sup>19</sup> Iye Cristoi uede pōevare ye jápiarí eaivu buojabenamu maja. Ubenita

maja coreóvarí buojabevureca caiye ũi uede, jēniaivu yū mūje urarō coreóvare nurajíyepere ayū. Uí uede coreóvarí tenanurajaramu mūja yópe Jūmenijicu bajure.

<sup>20</sup> Mearore jjarāri caivu majepacu Jūmenijicure. Uí majié paruéque urarō mearo đare đacaibi majare, maje úre jēniajuroe pueno aru maje dápíajuroe pueno máre. <sup>21</sup> Caivu pōeyajubocavu Jesúre ju aivu ne cūe boje aru Jesucristoi cūe boje máre, mearore jjarāri caivu majepacu Jūmenijicure đajocabevuva cainumua, jáđovarajivu úre meacu bajure. Quédecabu.

**Espiritu Santo ũi cójjovaino  
caivu Jesúre ju aipōevare  
cūináyajubocavure  
(Col 2.19, 3.12-13)**

**4** <sup>1</sup> Caiye iye ji toivaicōjeyede apecure mujare dápíarí caride, parurōreca jēniaivu yū, mūje đarājíyepere ayū yópe đaiye jauépe mujare. Yúbu buoimū āmeina teivure jēni jacoĩnami jívui, ji memecaiye boje Jesucristore. Đajarā mūja yópe Jūmenijicu “Que đajarāri” ũi arí dápíaino mácarōpedeca, ũi cutuíye báquede mujare ũ jina marajíyepere ayū. <sup>2</sup> “¿Meara márica apevu pueno?” abejarā mūja. Aru ména meadarí cadatejarā apevure. Napijara apevure. Aru jorojímevuva náque jáđovajara mūje uede náre. <sup>3</sup> Nai Espiritu Santo cārijimenoque cure đaiibi mujare. Cójjovaibi mujare cūináyajubocavure cūináturu mūje ũmei. Que baru đajarā caiyede mūje oainope, meadarājívū iye mūje cūede cūináturu mūje ũmei.

<sup>4</sup> Cūináyajuborabu maja Jesucristore ju aipōeva. Cūinácurecabe nai Espiritu Santo. Cūinároramū yo maje napini coreino Jūmenijicui mearo đacaquíyede majare, ũi cutuimara mácvure, maje cūvarājíyepere ayū diede. <sup>5</sup> Cūinácurecabe maje jabocu Cristo. Cūináenamū iye yávaiye me, maje ju aiye. Cūinácurecabe nai maje jáđovaimū ocoque.

<sup>6</sup> Cūinácurecabe majepacu Jūmenijicu, maje mearore jímū, caivu Jesúre ju



ai pōeva majepacu. Caivu Jesúre ju ai pōeva maje jabocube ũ. Caivu Jesúre ju ai pōevare memecōjeimi ũre maje ðaiyeque majare coapa. Aru caivu Jesúre ju ai pōeva que cubi ũ.

<sup>7</sup>Majare coapa ðare ðaibi Cristo ũi majide ðaiye bojecubeda. Yópe ũi urópe mearore ðare ðaibi majare coapa. <sup>8</sup>Cristoi que ðare ðaiyede, yópe arí, Jūmenijicu toivaicōjenejaquemavu javede ũi yávaiyede:

Vaidéjaquemavu ũi mauva mácvare. No yóboi, copaini muri nurejaquemavu ũmui. Que baru na obedivure, ũi buoimarare, nūvarejaquemavu ũi yóboi. Que teni emuriburur yóboi, darorejaquemavu pōevare ũi majide ðaiyede náre, arí toivaicōjenejaquemavu Jūmenijicu.

<sup>9</sup>¿“Copaini muri nurejaquemavu ũmui”, Jūmenijicu yávaiyede coyucaipōescu báciu aino mácarō, aipe aiyurōma no? Yópe aiyurōmu: Cristo ũi muri nūquiye jipocai, javede emeñu mácu ijārvui, corejaquemavu joborō jívui, yaivu bācavu ne curōi. <sup>10</sup>Aru ñai emeñu mácvarecabe muri nūñ cojedeca pu cavarō mearo Jūmenijicu curōita, cūcu cainore caride aru cūcūy cainore cainūma máre. <sup>11</sup>Ñai Cristorecabe jíyu ũre ju ai pōevare majide ðaiyede, maje mearo ðaivu buojarājiyepe ayu yópe ũi urópe. Epeibi apévure ũi yávaiye méne beorí coyucōjeimara márajivūva, aru apévure Jūmenijicu yávaiyede coyucaipōeva márajivūva. Epeibi apévure ũi yávaiye méne coyupōeva márajivūva, aru apévure ũre ju aivure ne coreipōeva márajivūva, aru náre bueivu márajivūva máre. <sup>12</sup>Que ðaibi meadacūy caivu Jūmenijicu pōevare, maje memecaivu buojarājiyepe ayu ũre.

Que teni pueno baju ðare ðaibi caiyajuboa pōeyajuboacavu Jesúre ju ai pōevare Jūmenijicu urópe yópe pōescu baju bucuiyepe. Majamu Cristoi bajupe paivu. <sup>13</sup>Jūmenijicu urópe pueno ðare nurajaramu maja, pu maje

eaiyeta curājivu cūináturu maje ju aiyede Jesucristore, Jūmenijicu mácvare, aru cūináturu maje coreóvayiede máre aipe ārojacure ũre. Bucūvape paivu barājāramu maja maje ũmei. Que baru buojarājaramu curivu Cristo bajupedeca. Aru Jūmenijicu ju arí coreóvarājaramu maja ye jaubeda. <sup>14</sup>Que baru juedovape paivu maje cubenajiyeye ayu, Cristo jíbi majare ũi méne. Juedova pucaūmea curivubu. Napedeca ina Jesúre ju ai pōeva pucaūmea curivu baru, oatūvayivubu ne dápiayede cainūma, ape bueiyeide jápaiivūva. Ina bueipōeva borocurivu me majidivubu aipe ju are ðarājivu apévure ne borocueque. Que baru bucūvape paivu barījārajarevu maje ũmei, juovaimara āmenajivu yópe juedovape. <sup>15</sup>Ūbenita coyurājarevu Jesús ũi yávaiyede jāvene. Maje yópe coyuiyede jádovarajarevu maje uede maje bajumia, aru náre maje coyumarare máre.

Que ðaivu baru, Jūmenijicu urópe ðare nurajaramu maja, maje cue boje Cristoque cūinávure. Maja ũre ju aivu caiyajuboa pōeyajuboacavu ũi bajupe paivubu. Aru ũvacari maje jabocube, majare ðaicōjeñu. <sup>16</sup>Ūi ðaicōjeiye boje, maja caivu ðarí majidivubu yópe majare jauépe ũi uróre. Cristoi bajucarōpebu maja coapa. Pōescu cūvacu baru caiye ũi bajuquede ári die cue jaurói, ðaquiyepe ayu yópe ðaiye jauépe, me cubi ñai pōescu. Quédecabu maje cuede Cristoque. Cristoi bajure bucūvayiepebu, maje ðaiyede ðare nūmuri yópe ũi majide ðaiyepe, aru maje cadateiyede apévure, náre urí.

**Apué mamae jauró majare, Jesúre ju ai pōevare**

(Ro 1.21-25, 12.5; Col 3.9-10, 13; Stg 1.19-20)

<sup>17</sup>Ji cue boje Jesucristoque cūinávure, coyucuijivu mujare paredeca. Dabejarā mija yópe ina Jūmenijicu ju abevu ne ðaiyepe. Iye ne ðaiyepe paiyede dajocajarā mija. Námu ũbenina dápaiivu. <sup>18</sup>Que baru

jápiarí coreóvabema na. Iye apué mamaene, Jūmenijicui cūvare daiyede ũ jinare, cūvabema na. Ũi yávaiyede jápiayubema. Que baru Jūmenijicure coreóvabema. <sup>19</sup>Ye chíomema ne ámeina daíe boje, ne dápiaino mearo cube boje. Torojurivú ñadama caino ámenore. Ũrarō baju ámenore ñadama dajocaiyubevva. <sup>20</sup>Nópe ne daiyedeca mujacapuravú buebedequemavú Jesucristore ju aivú ne daíyepé jauróre. <sup>21</sup>¿Jáve jápiabedecarārú muja Jesús ũi yávaiye méne? ¿Buebedecarārú muja diede? <sup>22</sup>Que ñaivú baru, dajocajarā aipe ārojæe máquede muje ámeina daíyueque. Ñare nuivú barejaquémavú ámenore muje ámeina daíyue boje. No boje, jujovaimaratamu muja. Que baru pūeno ámenore ñaivú baru aru dajocabevú baru muje javeque daíyebáquede, bíjarājaramu muja coateivupe Jūmenijicure jaruvarí. <sup>23</sup>Muje cūe boje apué mamaeque caride, Jūmenijicure oatuvaiçōjeara muja, cūvarājivú muje mamaūmene aru muje dápiaino mamarore máre. <sup>24</sup>Ñajarā muja yópe ina apué mamaene cūvarivure daíyepé. Jūmenijicui ũi mujare curivure yópe ũi cūpedeca. Que baru cūre ñaibi mujare apué mamaeque aru mamaūmeque máre. Que baru meara májara Jūmenijicui jáinore aru mearo ñajarā apévú pōeva ne jáinore máre, yópe ũi yávaiyede jávene coyuiyepé. <sup>25</sup>Que baru borocūbejarā muja caride. Quénora caivú muja coapa borotejarā jávene muje baju. Cūináyajubo pōeyajubope paivubu maja. Cristoque cūinábajupe paivubu. Que baru jáve borotejarā muja. <sup>26</sup>Jaraiivú baru, ámeina ñabejarā muja muje jaraiye boje. Quénora vaidé ñajarā muje jaraiyede maumena, dijāravumareca. <sup>27</sup>Muje jaraiye boje, jujovaiçōjemejara ñai abujuvai jabocure, ámenore ñabenajivú muje baju. <sup>28</sup>Cūináçu mujacacu ñavacucu baru, dajocajacurí ũi ñavaiyede. Quénora memeicōjeara ũre memeino mearore, ũi bojeñaiyepé aivú ũre jauéde aru ũi cadatequiyepé

aivú ina cōmaje ārojarivure máre. <sup>29</sup>Muje yávaiyepé ámeina ñabejarā apévure. Quénora me cadatejarā náre dieque. Muje yávaiyepé pare ju are nure ñajarā náre Jesucristore. Coyujarā me yópe náre jauépe. Que ñarí cadatenajaramu náre, ina jápiaivure mujare. <sup>30</sup>Chíore ñabejarā muja ñai Espiritu Santore, Jūmenijicui jicure. Ũrecabe jádovañú mujare Jūmenijicui jinava. Ñai Espiritu Santoi cūe boje majaanque, majidivubu jáve cūinájaravú daquijāravú baquinóre meara baju jaubeda ñacuyure majare yópe Jūmenijicui uróre. <sup>31</sup>Ñajine ñabejarā pōevare muje yávaiyepé. Jorojimejara náre. Aru jarabejarā náre. Jararí codobobejarā máre. Coyubejarā ámenore caivú ne jápiayede apévú borore. Aru ámeina dápiabejarā apévure máre. <sup>32</sup>Quénora cōmaje āroje jári, cadatejarā muje bajumia. Aru arumetejarā apévú ne ámeina daiyede mujare yópe Jūmenijicucavari ũi arumeteiye báquepe muje ámeina teiyede, diede jaruvarí, muje cūe boje Cristoque cūinávure.

**Aipe daíyepé jaurō Jūmenijicui mārare**  
(Col 3.16-17, 4.5)

**5** <sup>1</sup>Majamu Jūmenijicui mára pare ũi umara. Que baru me ñarí járajarevú, ñarājivú yópe Jūmenijicui daíyepé. <sup>2</sup>Caiye maje daiyede ñarājarevú maje ũe boje Jūmenijicure aru apévure máre. Cristovacari ũcu majare, boarí jaruvaiçōjenejaquemavú ũi bajure majare boje. Ũi nópe daíyepé báque çojurejaquemavú Jūmenijicure, yópe çojúepe ũre pōeva ne cūvaequede jíyepé aru ne áimarare boarí juarí jíyepé máre. Yópe iye jíyepé me corajavú ũre mumijūere, nopedeca Cristoí yaiyepé báque majare boje me çojurejaquemavú Jūmenijicure. Yópe Cristoí daíyepé báquepe urarō baju ũi ũe boje majare, nopedeca urarō ũre nuíyepé javú majare máre.

<sup>3</sup>Majamu Jūmenijicui pōeva, ũre memecaivú. Que baru ámeina daíyepé

jaubevu majare. Aru âmeina ðaiyede apevuque mujemarebucava âmevuque ye dápiabejarã muja. Aru muja ãmva nomivaque âmenore ðaiyurĩ dápiabejarã muja. Aru muja nomiva máre ãmvaque âmenore ðaiyurĩ dápiabejarã muja. Aru muje cuae pueno baju cuvaiyurĩ dápiabejarã muja. Caiye diepe paiye muje dápiaru, meamenotamu. <sup>4</sup>Aru apejĩene máre ðaiye jaubevu mujare. Que baru coyubejarã âmene cuye tede ðaiyede. Aru yávabejarã ârumevupe máre. Yurivupeda yávabejarã âmeina baju yávaiye máre. Meamevu diepe paiye yávaiye. Quénora pueno baju torojuede jíjarã Jümenijicure. <sup>5</sup>Me majíjarã muja iyede jáve: Pöeva ðaivu baru âmenore apevuque némarebucava âmevuque aru pöeva âmeina ðaivu baru ãmva nomivaque aru nomiva ãmvaque, ina pöeva nópe ðaivu curãnumenajarama Jümenijicure aru Cristoque máre. Ye ne jaboteimara âmenajarama na. Aru pöeva urivu baru pueno baju ne cavaede Jümenijicure jaruvarĩ, pëpeimarare mearore jívupe paivubu na. Que baru pöeva nápe paivubu cubenajivu Cristoque cavarõ mearo Jümenijicui curõ. <sup>6</sup>Jümenijicu jorojĩni jári, ñájine ðacuyume pöevare diepe paiyede ðaivure, ùre ju abevure, ne âmeno ðaiye boje. Que baru ñamene jujovaicõjemejara muja ubeni cæque, “Ye baju âmevu ñuje ðaru âmenore”, ne aiyé. <sup>7</sup>Ye ðabejarã nápe ina âmenore ðaivupe.

<sup>8</sup>Mujarecabu ñeminoi cuivu bácvupe javede, muje âmenore ðare nuíye báque boje. Ubenita caride, muje ju aiyé boje maje jabocu Jesucristore, miadároi cuivupebu muja caride. Que baru mujare ðaiye javu yópe ina miadárijárvui cuivu ne ðaiyepe. <sup>9</sup>Que teni meara marajáramu muja Jümenijicui jáinore. Caino mearore ðarãjaramu muja apevu pöeva ne jáiyede. Aru yávaiyede jávene coyurãjaramu muja máre. <sup>10</sup>Me ðarĩ járajarevu, ðarãjivu mearore yópe Jümenijicui urõpe. <sup>11</sup>Mujacapuravu

ðabejarã yópe ina pöeva ñeminoi cuivupe. Ina âmenore ðaivubu ñeminocavu. Iye ne ðaiye bojecubetamu. Que baru iye ne âmeina ðaiyede coreóvare ðajarã náre. <sup>12</sup>Iye âmene ne ðaiye pöeva ne jámene urarõ baju cuyojetamu die. Que baru ye coyuiye jaubevu pöevare diena. <sup>13</sup>Ubenita ne ðaiyede muje coreóvare ðarĩburu yóboi, majinajarama Jümenijicu âmeina jáñure ne que ðaiyede. <sup>14</sup>Muje coreóvare ðaiyede náre diena yópe ñeminore pëoiyepebu. Que baru pöeva, yópe arĩ, yurivubu diepe paiyede ðaivurã:

Mu, Jümenijicure coreóvabecu, cáñupe páyu, coedajacu, coreóvacuy ùre. Nacajajacu yainore jaruvarĩ. Aru Cristo cure ðacuyume mære miadároi, arĩ coyuvubu.

<sup>15</sup>Que baru me matuiyeda ðajarã apejĩe muje ðaiyede. Ðabejarã yópe ina coreóvabevu, Jümenijicure ârumevu, ne ðaiyepe. Quénora ðajarã muja yópe ina coreóvaivu, Jümenijicure ârurivu, ne ðaiyepe. <sup>16</sup>Caride ijárvucavu Jümenijicure ju abevu urarõ âmene ðaivubu. Que baru cainmua muje oainope Jümenijicure memecaiye javu mujare. <sup>17</sup>Que baru ðabejarã coreóvabevupe. Quénora me ðarĩ jájara, coreóvarãjivu maje jabocu Cristoi urõre, muje ðarãjiiyepe ayu yópe ñi urõpe. <sup>18</sup>Ucumejara pacotebeburĩ muja. Pacoteivu baru, âmeðarãjaramu muja, muje ðaicõjeme boje muje bajure. Quénora mujacapuravu ðaicõjeara ñai Espiritu Santore ñi majiéque. <sup>19</sup>Muja que ðaivu baru, torojurãjaramu. Que baru coyujarã mujevure iye Salmos âmicæque. Aru mearore jíjarã Jümenijicure yurianoque, aru ñi Espiritu jino yurianoque máre. Yurijarã mearore jíyede aru Salmore máre maje jabocu Cristore. Yópe ðaivu mearore jíyeque yurivubu muja muje ùmei. <sup>20</sup>Que baru caiye ñi vaidé ðaiyede, torojuede jíjarã majepacu Jümenijicure cainmua maje jabocu Jesucristoi parúeque, muje cæ boje

éque cūinávure. <sup>21</sup> Puedarī jápiajarā mūja mūje bajumia, mūje pueđaiye boje Cristore.

**Mearo đaiye jauřō cūramicavūque aru memeiñvūque máre**

(Mt 15.4, 19.5; 2 Co 11.2; Col 3.18-25, 4.1; 1 P 3.1, 7; Ap 21.2, 9)

<sup>22</sup> Mūja, ũmūcurivū, ju ajarā mūjemarepacure yópe mūje ju aiyere mūje jabocu Cristore. <sup>23</sup> Nomicucu jaboteyube jímarepacore yópe Cristoi jaboteiyere caivū majare, ũre ju aivūre. Cristorecabe ñai meadayū majare, caivū ũre ju aivūre. Ũvacari maje jabocube, majare đaicōjeñū. Que baru ũtame maje jipobūre páyū. <sup>24</sup> Aru majamu ũi bajupe paivū. Que baru yópe maje ju aiyere jauépe Cristore cainumua, nopedeca ũmūscure ju aiyere jauvū jímarepacure cainumua.

<sup>25</sup> Mūja, nomicurivū, jecujarā mūjemarepacore yópe Cristoi jecúere caivū majare, ũre ju aivūre. Cristo pare ũcu mūjare, boarī jarūvaicōjenejaquemavū ũi bajure. <sup>26</sup> Que đarejaquemavū maje ámeina teiyede jarūvarī, meadacūyū majare aru coavacūyū majare ũ jinava. Majare, ũre ju aivūre, meadarī joarejaquemavū majare maje ju aiyere báquede aru maje jáđovaiye báquede Jūmenijicure ocoque.

<sup>27</sup> Caiye iyede đaiibi, cūvacūyū ũ jinava majare. Yópe pōescu cūvaiyūre jímarepaco bacođore meaco bajure, nopedeca Cristo cūvaiyūbi majare. Ico pūbūuocođo bojuyo baju, ye ámeno cubecore, opedeca barājáramu maja, Jesucristore ju aivū máre. Pūeno meara bajure aru ye ámeno cubevūre cūvacūyūme Cristo majare, ũi baju đaiye báque boje. <sup>28</sup> Ina nomicurivūre coreiye jauvū némarepacore, ye jaubequiyere aivū óre, yópe ne coreiyere ne bajuáre náre coapa. Ñai coreyū jímarepacore coreyūbe ũi bajure. <sup>29-30</sup> Pōescu cubebi cōenícū ũi bajure. Quénora javateni me cubecube. Aru cūinábajupe paivūbu maja Cristoque. Que baru ũrecabe coreyū majare.

<sup>31</sup> Jūmenijicu toivaicōjenejaquemavū ũi yávaiyede, yópe arī: “Que baru caride ácu pōescu jímarepaco bacođo cūvacūyū, ũi bucūvare đajocasūyūme. Aru jímarepaco cūvarī ómaque cūinávūpetamu Jūmenijicūi jáinore”, arī toivaicōjenejaquemavū Jūmenijicu. <sup>32</sup> Iye yávaiye Jūmenijicūi toivaicōjeiye báque maiyójaevacari majare diede jápiaarī coreóvajurorivūre jávetamu iye. Ji đápiaru, iye yávaiye coreóvare đaiivū majare aipe árojaene Cristoi cuede majaque, ũre ju aivūque.

<sup>33</sup> Ũbenita mūjare máre coyūivū die. Mūja nomicurivū, mūja coapa jecujarā mūjemarepacore. Aru mūja ũmūcurivū, mūja coapa pueđajarā mūjemarepacure.

**6** <sup>1</sup> Mūja, jueđova, ju ajarā me mūjebucūvare ne coyūiyede mūjare, mūje ju aiyere boje Jesucristore. <sup>2-3</sup> Nópe đaiye jauvū mūjare. Nopedeca đaicōjenejaquemavū Jūmenijicu ũi coyūiye báquede Moisés bácore iye caipūcarūguape paiye đaicōjeiye pūeno me bajure. Jūmenijicu ũi coyūiye báquede yo đaicōjeinore, “Yópe mearo đacacūyūtu yū”, arejaquemavū máre: “Mipacure aru mipacore máre urī ju ajarā. Que đaiivū baru, me curājáramu obediūjua ijárvūi”, arī coyūrejaquemavū Jūmenijicu.

<sup>4</sup> Mūja, nébucūva, jorojīne đabejarā mūjemarare. Quénora buejarā náre aru majicajarā náre aipe đaiye jauřōre, ne torojure đarājīyere aivū Jūmenijicure ne đaiyeque.

<sup>5</sup> Mūja, memecaivū, ju ajarā me mūje jabova ijárvūcavūre ne coyūiyede mūjare. Mūjamu náre memecaivū. Que baru pueđajarā náre me. Mūjovabevūva memecajarā náre yópe mūje Cristore memecajūrope. <sup>6</sup> Cainumua ju ajarā náre me mūje ũmeque. Ju aivū ámejara náre quénora ne jáiyede mūjare, “Mearo đaiivūbu” ne arājīyere aivū mūjare. Yópe Jūmenijicūi urōpe memecajarā mūja, mūje memecaiye boje Cristore. <sup>7</sup> Torojurivū memecajarā mūja. Yópe mūje pōevare memecajūrope ánevū. Quénora yópe maje jabocu

Cristore mŷje memecajuroepe đajarā mŷja. <sup>8</sup>Coreóvajarā me maje jabocu Jesucristovacari bojedacuyure caivu pōevare náre coapa yebacavure aru memecaivure máre, ne mearo đaiye báque boje.

<sup>9</sup>Mŷja, ne jabova, quédeca mŷjare memecaivu ne đaiyepe me, mŷja máre đajarā me. Cainŷmŷa “Bojedabequijivu mŷjare”, abejarā náre. Coreóvajarā mŷja me ñai cavarō mearocacu caivu mŷje jabocure. Mŷjare memecaivure aru mŷjare máre, cūinácŷrabe ñai mŷje jabocu. Ūtame jáñŷ caivu pōevare cūináturu. Que baru caivu náre coapa bojedacuyume me yópe ne đaiye báquepe.

**Jesúre ju aipōeva ne maucŷvarō abujuvai jabocure**

(Ro 13.12-14; Col 4.2-4; 1 Ts 5.8; He 4.12)

<sup>10</sup>Caride bŷojaivu yu iye ji toivaicōjeiyede apesure mŷjare. Parŷre đajarā mŷja mŷje ŷmei, mŷje cue boje Jesucristoque cūinávure ŷi parŷé pŷeno ŷrarō bajuque. <sup>11</sup>Cainŷmŷa meateivu bájara mŷja, maucŷvarājivu copŷ ina āmenaque ijāravŷi. Yópe Romacacu churara ŷi doiyepe meatecŷyŷ ŷi bajure, meatejarā mŷja iye Jŷmenijicui jýye báquei mŷje ŷmene ŷi meadaiyeque. Que teni abujuvai jabocu ye vainí tŷyŷ bŷojabecube mŷjare ŷi jujovaiyeque. <sup>12</sup>Pōevare copŷ maucŷvarivŷ āmevŷ maja. Quépora ijāravŷcavŷ abujuvare copŷ maucŷvarivŷbu maja. Ina cōjeivŷ, ina parŷrivŷ, aru ina jabova máre, nárecabu ijāravŷcavure jaboteivŷ. Ijāravŷ āmejāravŷ ñamipe paijāravŷbu, ina abujuva ne jaboteiye boje yore. <sup>13</sup>Que baru iye Jŷmenijicui jýye báquei majare, maje meatenajiyepes ayŷ maje ŷmene, ĩni cŷvajarā mŷja. Diede cŷvarivŷ cainŷmŷa abujuvai jujovaiyurinumure náre copŷ maucŷvarivŷ bŷojarājaramu mŷja. Vainí tŷbenajarama mŷjare. Aru maucŷvarĩburu yóboi, cŷrājaramu mŷja ijāravŷi parŷrivŷ mŷje ŷmei.

<sup>14</sup>Que baru cainŷmŷa meateivu bájara, maucŷvarājivŷ. Yópe ñai churara ŷi

bŷoiyepe ŷi jārĩcĩcāvare, nopedeca bŷojara mŷje bajure Jŷmenijicui yávaiyede javene mŷje majiéque. Yópe ñai churarai taoiyepe ŷi bajure jājaricaje doicajeque, nopedeca taojarā mŷje bajure mŷje mearo đaiyeque. <sup>15</sup>Yópe curaidoare ŷi doiyepe tutué nŷcŷyŷ, aru nurié cŷcŷyŷ máre, nopedeca tutué nŷjara mŷje ŷmei aru nurié coyŷjarā Jŷmenijicui yávaiye méne, cārĩjimenoque cure đaiyede pōevare ŷíque. <sup>16</sup>Yópe ñai churara ŷi jēiyepe ŷi taiovare ŷomesŷyŷ ŷi mauvai táyŷoa uruiyoare, nopedeca cainŷmŷa jējara mŷja mŷje Cristore ju aiyede, abujuvai jabocu āmecŷu baju ŷi āmedabequiyepes aivŷ mŷjare ŷi jujovaiyueque. <sup>17</sup>Yópe ñai churara ŷi cŷvape moibo jājaribore taocŷyŷ ŷi jipobŷre, nopedeca cŷvajarā mŷja Jŷmenijicui meadaiyede ŷi jýye báquede mŷjare bojecubeda, mŷje meatenajiyepes aivŷ mŷje dápiayede. Aru yópe ñai churara ŷi vainí tŷiyepe ŷi mauvare jarŷvarĩ ŷi boaicaroveque, nopedeca vainí tŷjarā mŷja ina mŷje ŷmene copŷ maucŷvarivŷre Jŷmenijicui yávaiyeque, ñai Espĩritu Santoi jýyeque mŷjare.

<sup>18</sup>Cainŷmŷa dajocabejarā mŷje coyuiyede Jŷmenijicŷque. Caiye mŷje đaiyede coyŷjarā ŷre ñai Espĩritu Santoi cadateiyequis. Torojŷede jjárā ŷre ŷi mearo đacaiye boje majare. Aru jēniajara Jŷmenijicŷque caiye mŷjare jauéde. Ūtubevŷva me dápiajarā mŷje coyuiyede Jŷmenijicŷque. Jēniare nŷjara caivu Jŷmenijicui pōevare boje dajocabevŷva. <sup>19</sup>Aru mŷje coyuiyede jēniajara Jŷmenijicŷque yŷre máre. Jēniajara ŷi majide đaquiyepes aivŷ yŷre aipe yávaiye jauŷrōre yŷre pōevaque, ne jápiarĩ coreóvarājiyepes ayŷ Jŷmenijicui yávaiye méne ne jápiabe báquede cāreja. Jēniajara ji buequiyepes aivŷ diede jidŷbecŷva. <sup>20</sup>Ji coyuiye báque boje iye yávaiye méne Cristoi borore, āmeina teivŷre jēni jacoiñami jívŷi cŷvŷ yŷ táumeaque caride. Cristoi daroimŷmu yŷ, coyŷcacŷyŷ ŷi yávaiye méne ārŷoi ji cŷrŷi. Jēniajara Jŷmenijicŷque, ŷi

yávayü büojare ðaquiyere aivü yüre,  
ji soyüquiyere aivü diede jidübecüva  
caivü ne járiaiyede yópe yüre jauére.

**Pablo üi meaicõjeino Éfesocavüre**  
(Hch 20.4; Col 4.7-8; 2 Ti 4.12)

<sup>21</sup> Caiye iye vaiyede yüre ñai  
Tíquico soyücyüme mujare. Ürecabe  
majecu, maje ümu, aru maje jabocu  
Jesucristore memecayü yúque  
ðajocabecüva. Múje coreóvarãjiyere  
ayü ji borore, soyücyüme aipe  
süüre, ðayüre máre. <sup>22</sup> Darocýümu

úre yo paperayocaque múje yebai, üi  
soyüquiyere ayü aipe vaiyede ñujare,  
üi torojure ðaquiyere ayü mujare múje  
ümei.

<sup>23</sup> Majepacu Jümenijicu, maje  
jabocu Jesucristomaque, cure ðajacurí  
caivü majevü Jesucristore jü aivüre  
cãrijimevüva. Üre ðajacurí caivü  
majare maje bajumia, maje jü aiye boje  
úre. <sup>24</sup> Mearo ðacajacurí caivü maja  
ürivü maje jabocu Jesucristore maje  
üe cüiméque, üi mearo ðacaiye boje  
põevare bojescuübedá. Quénoramu.

# Filipenses

Mamabuinore coyuiyebu Pablo bácu ùi toivaicõjeiye báquede paperayocare Filipos ãmicuriiमारocavũ Jesúre ju aipõevare. Pablo bácu judíovacacu bácvacari, Jesús ùi yávaiye méne beorí coyucõjeimu marejaquémavu, coyucuyũ ùi yávaiye méne judíova ãnevure, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru ùi cuede Filipos ãmicuriiमारoi Hch 16:11-40, 20:1-6. Pablo bácu toivaicõjeneaquemavu iyoca paperayocare ùi cuede ãmeina teivure jēni jacoĩnami. Apevu ne dápiayepe, toivaicõjeneaquemavu diyocare ãniũju bácarõre 55 d.C., ùi cuede ãmeina teivure jēni jacoĩnami Éfeso ãmicuriiमारoi. Ubenita apevu ne dápiayepe, toivaicõjeneaquemavu diyocare ãniũjua báquede 60-63 d.C., ùi cuede ãmeina teivure jēni jacoĩnami Roma ãmicuriiमारoi. Que baru javede Pablo bácu teivure toivacaipõecu bácu teivure toivaicõjeneaquemavu pucayoca ùi paperayocare Tesalónica ãmicuriiमारocavũ, aru pucayoca ùi paperayocare Corinto ãmicuriiमारocavũ, aru ùi paperayocare Galacia ãmicurijoborõcavũ. Aru apevu ne dápiayepe, javede toivaicõjeneaquemavu ùi paperayocare Roma ãmicuriiमारocavũ, aru Éfeso ãmicuriiमारocavũ, Colosas ãmicuriiमारocavũ, aru Filemón mácu máre. Pablo bácu coyurejaquemavu ùre toivacaipõecu bácu aipe ùi toivacaquie báquede diyocare.

Diyocaque Pablo bácu torojuede jídejaquemavu ina Filipos ãmicuriiमारocavũ Jesúre ju aipõevare ne daroiye báquede táuturare ùre (2:25, 4:14-19). Pablo bácu jabova ne buoimnvacari torojurejaquemavu (1:12-26, 2:17-18, 3:20-4:1, 4:10-13). Aru diyocaque jádovarejaquemavu Jesúre ju aipõeva torojurivure ye baju ãmevu ne cuede, ne cuede méne o ãmene máre ijāravũ, yópe Jesucristoi ðaiye báquede (2:5-11). Coyurejaquemavu Timoteo bácu borore (2:19-24), aru Epafrodito bácu borore (2:25-30), ùi baju ùi ðaiyede (1:3-8, 12-26, 3:4b-14), aru aipe ðaiye jaurõre Jesúre ju aipõevare (1:9-11, 27-2:4, 2:12-16, 3:1-4a, 4:2-9).

## Pablo ùi meaicõjeino Filipocavũre (Hch 16.12)

**1** <sup>1</sup>Yũ, Pablo, aru ñai Timoteo máre Jesucristore memecaivũ, meaicõjeivubu mujare, Filipos ãmicuriiमारocavũ Jũmenijicũi põevare, Jesucristore ju aivure. Yũ toivaicõjeivũ aperecu iyoca paperayocare mujare, Jesúre ju aivure coreipõevare, aru náre cadateipõevare máre, aru caivũ muja Jũmenijicũi põeva curivure Jesucristoque cũinávũpe. <sup>2</sup>Majepacu Jũmenijicũ, maje jabocu Jesucristomaque, mearo ðacajacurĩ mujare bojecubeda ùi me boje. Aru torojurĩ cure ðajacurĩ mujare cãrijimevũva.

## Pablo ùi jēniaino Jũmenijicũque Jesúre ju aipõevare

<sup>3</sup>Cainũmua ji ãruéne mujare, torojuede jívu yũ Jũmenijicũre, ji jabocure aru ji mearore jímvure, mujare boje. <sup>4</sup>Aru cainũmua ji jēniacaiyede Jũmenijicũque caivũ mujare boje, torojũvu yũ ji ùmei. <sup>5</sup>Yũ torojurĩ jívu torojuede Jũmenijicũre, muje cadateiye boje yũre ji coyuiyede Jesús ùi yávaiye méne muje mamarũmũ Jesúre ju aijāravũ bácarõmiareca pũ caride máre. <sup>6</sup>Dijāravũ, muje mamarũmũ ju aijāravũ bácarõi, Jũmenijicũ mearo ðacarĩ búrejaquemavu mujare. Aru coreóvaivũ yũ mearo ðacare nucũyũre mujare pũ Jesucristoi copaidaquijāravũ baquinõita. Dijāravũ baquinõre muja

meara márajivubu yópe Jāmenijicui aiyé báquepedeca ūi đaquiyede yópe ūi urópe. <sup>7</sup>Jāmenijicu ūi meacu baju boje memecare đabi caivu majare Jesucristore. Que baru āravu yu mujare, ji umarare, ji ūmei. Aru ji que ārúé métamu, caivu mija muje cadateiye boje yure. Mija cadateivubu yure caride buoimū cūcure, aru ji jáđovaiyede jāvene Jesús ūi yávaiye méne aru ji ju are đaiyede pōevare diede.

<sup>8</sup>Jāmenijicuvacari majibi jāve ucure caivu mujare uraroreca, yópe Jesucristo ūi ūepedeca mujare.

<sup>9-11</sup>Yópe arí, jēniacaivu yu Jāmenijicuque mujare boje: “Njēpacu Jāmenijicu, pūeno baju nūre đajacu náre, ju aivure ne ūede ne bajumia, aru ne majiéde mi yávaiyede jāvene, aru ne coreóvaiyede aipe đaiye jauróre náre”. Yópe arí jēniacivu, muje beorājiyepe ayu iye pūeno baju mearo đaiye jauróre mujare. Que teni āmeno cūbequiyebu mujaque aru boropatebenajivubu muja Jesucristoi copaidaquijāravu baquinóre, pōeva ne pueđarājiyepe aivu Jāmenijicure aru ne jínajiyepē aivu mearore ūre. Que đarājivubu na, muje mearo đaiye boje. Aru Jesucristorecabe cūinácura no mearo đare đayū mujare.

**Pablo “Yácapūravu cūvu ijāravui memecacūyu Cristore” ūi yávaino**  
(Hch 16.19-40, 28.30; Gá 2.20; Col 3.4)

<sup>12</sup>Muja, jívū, coreóvare đaiyūvu mujare apevu obedivu jápiaivure Jesús ūi yávaiye méne iye vaiye boje yure.

<sup>13</sup>Que baru caivu ina churarava, jabocui cūramine coreivu, aru caivu apevu máre, coreóvaivubu yure jabovai buoimūre, ji memecaiye boje Cristore. <sup>14</sup>Aru obedivu ina majevū Jesús ju aipōeva, ne jáiyede yure buoimūre, parure nuñama ne ju aiyede Jesucristore. Que teni caijāravūa pūeno baju parūrōreca coyūivubu Jesús ūi yávaiye méne jidūbevūva.

<sup>15</sup>Apevūcapūravu jorojīñama yure, pōeva ne pueđaiye boje yure, ji coyūiye boje Jesús ūi yávaiye méne. Que baru coyūyama Jesús ūi yávaiye méne pūeno

baju parūrōreca, pōeva ne pueđarājiyepe aivu me náre, yure ne pueđaiye pūeno. Que teni ne jorojīni maucūvaiyue boje yure, coyūivubu Jesús ūi yávaiye méne. Ūbenita apevūcapūravu coyūivubu Jesús ūi yávaiye méne, ne mearo đaiyue boje aru ne cadateiye boje yure. <sup>16</sup>Aru ina coyūivubu Jesús ūi yávaiye méne ne ūe boje yure. Coreóvaivubu na Jāmenijicu cure đayure yure buoimūre, ji coyūquiyepē ayu “Jāvemū” Jesús ūi yávaiye ména. <sup>17</sup>Ūbenita apevu coyūivubu Jesús ūi yávaiye méne, ne jorojīye boje yure ne āmeno dāpiayequē. Coyūbema na meāmeque. Quénora coyūyama meara nūre đarājivū apevu pūeno. Nópe đaiyūvu pūeno baju chíori nājine đaiyūrīduivu yure, ji jápiaiyede ne đaiyede ji buoimū cūede. <sup>18</sup>Ye baju āmevu ne nājine đarīduiyede yure. Quéda meavu ne coyūiye Cristorā. Ye baju āmevu ina coyūipōeva ne coyūino ne dāpiaino mearoque o ne dāpiaino āmenoque. Quédata torojūvu yu ji ūmei, caivu náre ne coyūiye boje Cristorā.

Aru torojure nuquijivū ji ūmei. <sup>19</sup>Yu me majivu jodeñajivure yure āmeina teivure jēni jacoñamine jocarí, muje jēniacaiye boje yure Jāmenijicuque aru Jesucristoi Espírītu Santoi cadateiye boje yure. <sup>20</sup>Pare ūvu yu caiye vaiquiyede yópe ji coreiyepe, cūyoje tebecūyu cainūmūa ji đaiyeque. Quénora đaiyūvu yu cainūmūa yópe đaiye jauépe yure. Que baru caride aru cainūmūa jidūbecūva coyūquijivū Cristorā. Que teni pueđaquijivū Cristore caiye ji đaiyeque, pōeva ne majinajiyepē ayu ū pūeno meacu bajure. Que đaquijivū yu arūcu baru o yayú baru máre.

<sup>21</sup>Yácapūravu cūvu memecacūyu Cristore ijāravui, pōeva ne mearore jínajiyepē ayu ūre. Aru ji yayiye pūeno baju meaquiyebu yure, ji cūquiyē boje Cristoque. <sup>22</sup>Ūbenita curí jaroyū baru ijāravui, apevu pōevare ju are đayū buojaquijivū Jesucristore. Que baru ye majibevū yu aipe beoiye jauróre yure. <sup>23</sup>Pūcaūmeamu ji ūme. Pare yayūvū yu, cūcūyu Cristoque. Que baru ji



yaidú, pueno mearo baju meajebu yure. <sup>24</sup> Ëbenita pueno baju jaunu mujare ji cwe cãreja ijãravui, cadatecuyu mujare.

<sup>25</sup> Que baru yu me majivu aipe ji beoquiyede. Beocuyumu cuscuyu cãreja ijãravui, cadatecuyu caivu mujare, mije ju arãjiyepe ayu pueno baju Jesucristore, aru torojure ðacuyu mujare mije ũmei, pueno baju mije ju aipe boje ũre.

<sup>26</sup> Que teni ji cuede mijaque cojedeca pueno baju mearore jınajaramu mija Jesucristore yure boje.

<sup>27</sup> Yo cūinãrore ðarí cõmajide nurajino jaunu mujare. Cainumua ðajarã mija yõpe Jesús ũi yãvaiye me ðaicõjeiyepe. Que baru yu nuñ maru o nũmecu baru mije yebai, jápiacuyumu mije borore mija ju aivure parurõreca iye yãvaiye méne, ðajocabevuva diede, cūinãturu mije ũmei aru cūinãro mije urõre máre. Que teni jápiacuyumu mija memevure parurõreca cūinãvure, põeva ne ju arãjiyepe ayu Jesús ũi yãvaiye méne.

<sup>28</sup> Cuavaicõjemejara ina maucvarivure mujare. Jidubejarã náre. Que teni mija jáðovarajaramu náre, nãcapũravu bíjarãjivure Jũmenijicure jocarí. Ëbenita mujacapũravu jáðovauvubu mije ðaiyeque meaðarãjimarare. Jũmenijicu meadacuyume mujare. <sup>29</sup> Que baru mujarecabu Jũmenijicui mearo ðaimara, mije memecarãjiyepe ayu Jesucristore mije ju aiyede ũre aru no puenoreca mije ñãjiyede máre, ũi yãvaiye méne coyuiye boje. <sup>30</sup> Aru caride mija yupedeca cūinãturu ñãjini memevubu maja, coyurãjivu iye yãvaiye méne. Javede mija jávu ji ñãjiyede. Aru caride máre ji ñãjiyede jápiaivubuya mija.

**Cristo, Jũmenijicu baju, ũi põesupe teino aru ũi jaboteino caivure**  
(Mt 26.39; Jn 1.1-3, 10.18; Col 1.15; He 2.9, 5.8, 12.2)

**2** <sup>1</sup> Jesucristorecabe parure ðayu mujare mije ũmei. Ëi ue boje mujare cãrijimine ðaibi mujare mije ũmei. Ëi Espiritu Santo cubi mijaque mije ũmei. Aru ure ðaibi mujare, mije cadatenajiyepere ayu aru mije cõmaje

ãroje járajiiyepe ayu mijeuvre. <sup>2</sup> Que baru parurõreca jẽniaivu mujare, mije torojure ðarãjiyepe ayu yure ji ũmei pueno baju, cūinãturu mije ðãpiaiyequé, cūinãturu mije ueque mijeuvre, cūinãturu mije ũmeque, aru cūinãturu mije urõque máre. <sup>3</sup> ðabejarã mije ðaiyede, meara nure ðarãjivu apevu pueno. Aru ðabejarã mije ðaiyede “¿Meara márica apevu pueno?” aivu. Quénora ðãpiaibejarã mije baju mearape apevu pueno. Cainumua “Apevu ji pueno mearamu na”, arí ðãpijarã. <sup>4</sup> Aru vobejarã quénora mije baju pueno meara nuivude. Quénora ðajarã apevure máre, ne meara nurajiyepere aivu pueno baju.

<sup>5</sup> ðãpijarã mije baju yõpe Jesucristoi ðãpiaiyé báquepedeca ũi baju, ðarãjivu yõpe ũi ðaiye báquepedeca.

<sup>6</sup> Cainumua Jũmenijicu bajurecabe ũi. Ëbenita “Jũmenijicui paruepedeca cuvavu yu”, abedejaquemavu. <sup>7</sup> Quénora ũi baju ue boje ðajocarejaquemavu iye ũi parueðe, põevare memecacuyu. Que teni põetedejaquemavu põesupe. Cueteðejaquemavu põescu ãrojacu. <sup>8</sup> ðãpiabedejaquemavu ũi baju meacupe apevu pueno. Quénora parurejaquemavu ũi baju apevu cãchino. Que teni ju arejaquemavu jípacu Jũmenijicure pu ũi boarí jaruvaicõjeiyeta ũi mauvare ũi baju. Aru cuyoje ðarí, boarí jaruvarejaquemavu ũre, ne pẽvaimu mácure jocuscjaravena.

<sup>9</sup> Que baru Jũmenijicu epedejaquemavu ũre caivu ne jabocuva. Aru amidorejaquemavu ũre yo amíã mearo bajure caivu ne pueðaiãmia pueno. <sup>10</sup> Que baru caivu cavarõ mearo Jũmenijicui cũrõcavu, aru caivu ijoborõcavu, aru caivu joborõ jívcavu máre ne jápiaiyede Jesúsí amíãre ñuatutarãjarama, pueðarãjivu ũre. <sup>11</sup> Aru caivu ju aivu, “Jesucristo

maje jabocube”, arí coyrãjarama caivũ ne jápiaiyede. Que teni caivũ mearore jínajarama majeracu Jũmenijicure.

#### Maje boropatebeno Jũmenijicui jáinoi

<sup>12</sup>Muja, jívu, ji umara, que baru yópe ðajarã. Muje ðarí cõmajiyepẽ ji cõjeiyede yópe ji bueiye de javede ji cuede mujaque, nopedeca pũeno baju yũre ju arí, ðajarã ji bueiyepe caride, ji cuede joai mujare jocarí. Muja Jũmenijicui meadamaratamu. Que baru pueðajarã Jũmenijicure me. Aru cainũma memene nujara muje ðaiyeque, curãjivu me aru cuvabenajivu pũcaũmea máre. <sup>13</sup>Jũmenijicurecabe ãrũre ðayu mujare muje ũmei iye mearo ðaiye jaurõre mujare, muje torojurí ðaiyrãjiyepe ayũ mearo ðaiyede. Aru ũrecabe cadateyu iye mearo ðaiye jaurõre yópe ũi urõpe.

<sup>14</sup>Caiye muje ðaiyede ðajarã torojurí ãmeina yãvabevũva aru jarabevũva muje baju máre. <sup>15</sup>Que baru boropatebenajaramu muja. Aru muje ãmeno ðaiye cubequiyebu. Aru Jũmenijicui mára, ãmeno cubevũva, barãjãramu muja. Muje cuede ijãravucavu jujovaivu aru pũeno ãmeno ðaivũ ne jẽneboi, muje cadateiye javũvũ náre, ne jãrajiiyepe aivũ ne ãmeina teiyede aru muje mearo teiyede yópe abiãcovai cadateiyepe põevare cojiéque, ne jãrajiiyepe aivũ ñamine. <sup>16</sup>Nopedeca muja cadateivũbu ijãravucavũre muje coyuiyede náre iye yãvaiye méne, ne coreóvarãjiyepe aivũ aipe cõvarãjivu jãravũ cũiméjãravũ baquinõre. Muje que ðaru, jáðovarajivũbu ji mememeniduiye báquede muje yebai ji bueiye báquede mujare. Que baru torojucũyũtu yũ ji ũmei mujaque Cristoi copaidaquijãravũ baquinõi, ji coreóvaiye boje ji cõe báque aru ji memecaiye báque máre bojecube ãmene. <sup>17</sup>Jũmenijicu me torojubi muje ju aiyede Cristore. ũi nõpe torojuede coreóvaivũ yũ. Apevu yũre boarí jarũvaiyũma, ji bueiye boje mujare Cristo jiede. ũbenita yũre boarí jarũvarureca, torojucũyũtu yũ.

<sup>18</sup>Quédeca muja máre torojujarã muje ũmei. Aru ujarã ji torojuede ji ũmei máre mujaque. Que teni caivũ maja torojurãjaramu maje ũmei cũinãturũ.

#### Timoteo aru Epafrodito ne curãnuino Filipo

(Hch 16.1-3)

<sup>19</sup>Maje jabocu Jesús ũi uru, jaroivũvũ yũ Timoteore muje yebai, ũi cadatequiyepẽ ayũ mujare. Que teniburu yóboi, ũi copaidaquiyede ji yebai cojedeca, torojucũyũtu yũ ji ũmei ji jápiaquiyede muje borore. <sup>20</sup>Ñai Timoteo cũinãcurabe cõmaje ãroje dápiayũ mujare ji dápiayepedeca. ũrecabe jáve cadateiyũcũ mujare. <sup>21</sup>Caivũ apevu ye dápiabema aipe ðarí cadateni buojãrãjivũre iye memecaiyede Jesucristore ðarãjivũre yópe ũi urõpe. Quénora ne bajumia cadateiyurí ðaðama ne urõpe. <sup>22</sup>Aru mujavacari coreóvaivũbu jáve cadateyũre iye memecaiyede Jesucristore. ũi ðaiye báquede jáðovaimi memecayũ meacũre. ũ coyũibi Jesús ũi yãvaiye méne yũque, apevu põeva ne jápiarãjiyepe ayũ diede, yópe juedocu ũi memeiyepe jípacũque cadateyu ũre. <sup>23</sup>Que baru ũrecabe ji jaroquimũ muje yebai, cũiná ji majiquiyepẽ ayũ aipe yócvũvũ ne jabova ne ðarãjiyede yũque. <sup>24</sup>Aru maje jabocu Jesús ũi uru, yũ máre maumena jácũnũiyũvũ muje yebai.

<sup>25</sup>Ji dápiaru jaroivũ javũvũ yũre muje yebai majecu Epafroditore, muje daroimũ mácure ji yebai, ũi cadatequiyepẽ aivũ yũre. ũ memeiimi yũque ñuje memecaiyede Jesucristore, apevu ne maucũvaedeca ñujare. <sup>26</sup>ũ jácũnũiyũbi caivũ mujare pare. ũrarõ cãrijimi ũi ũmei ũi jápiarĩburu yóboi muje jápiaie báquede ũi borore ijimũre. <sup>27</sup>Jãve ijimũ mateáme. Pare ñãjiame pũ ũi yainĩduiyeta. ũbenita Jũmenijicu cõmaje ãroje jáquemavũ ũre, quénora ũ matũiyeda ãmevũ, yũre máre. Que baru Jũmenijicu ũmedavaquemavũ ũre, ji chĩomequiyepẽ ayũ pũeno baju. <sup>28</sup>Que baru pũeno baju jaroivũvũ yũ

êre mûje yebai, mûje torojurâjiyepê ayu mûje ùmei cojedeca, mûje jáiyede êre bediôva, ji chîoiye cûiquíyepê ayu.  
<sup>29</sup>Que baru torojurivû copu etajarã êre me, yópe Jesúre ju aipôeva ne copu etaiye jauépe apevu névure. Puedajará caivû êpe paivure. <sup>30</sup>Ûrecabe yainíduyû bâcu, ùi memecaiye boje Jesucristore. Jidubeteame ùi baju yaijuroede, cadatecuyû yure, mûje cadateivû buojabe boje yure.

**Pôeva ne boropateiye cubeno ne daiyeque**

(Hch 8.3, 9.1-2, 22.4, 23.6, 26.5, 9-11; Ro 2.28-29, 6.11-13, 8.29, 11.1; 2 Co 3.18; Gá 4.19, 6.14-15; Col 2.11-13)

**3** <sup>1</sup>Mûja, jívu, cujarã torojurí maje jabocu Jesucristoque cûinávure. Ûtubevû toivaicôjeivû yu apecure bediôva cojedeca iye majié jauéde mujare, mûje curâjiyepê ayu me Jesucristoque. <sup>2</sup>Me jájara ina apevu pôeva ne âmeina jáimarare, aru âmeina ðaivure, aru ùmûva ne baju ne cajede buraicôjeivure máre. Ne cajede buraicôjeiye boje, “¿Jûmenijicûi pôeva márica maja?” arí dápiaríduyama. Que teni nácapûravû napini coreniduivûbu Jûmenijicûi meadaquiyede náre, ne nôpe ðaiye boje. <sup>3</sup>Ûbenita majacapûravû jáve Jûmenijicûi pôevatamu. Que baru majarecabu mearore jívu Jûmenijicûre jáve, Espíritu Santoi buojare ðaiye boje majare. Aru majarecabu torojurí curivû Jesucristoque cûinávure. Aru majarecabu “¿Jûmenijicûi meadaquidica majare maje ðaiye boje?” arí dápiabevû.

<sup>4</sup>Ácu pôecûi napini coreni buojaru Jûmenijicûi meadaquiyede êre ùi ðaiye boje, yávacari ùi pûeno napini coreyû buojajebu diede. <sup>5</sup>Yurecabu ne buraimû mácu ji cajede ocho pajíjaravûa ji pôeteniburu yóboi, yópe ne ðaiyepê caivû ùmûva judíovare. Aru yurecabu Israecacu, aru pôeyajubo Benjamín âmicuríyajubocacu. Jipacu aru jipaco máre judíovabu. Judíovai yávaicamuare yávaivû yu. Aru yávacari, fariseo bâcu, ðarí cômajidejacacu Jûmenijicûi

ðaicôjeiyede ùi coyuiye báquede Moisés bâcure yópe apevu fariseovape. <sup>6</sup>Ûraró ji memecaiyuríduiyede Jûmenijicûre, yávacari nájine ðarejacacu ina Jesúre ju aipôevare. Aru ùraró ji ðaiyuríduiyede yópe caiye iye ðaicôjeiyepê meacu bacuyú, pôecu cubedejame âmeina yávarí buojayu yure.

<sup>7</sup>Jipocamia caiye diede corevarí durejacacu bojecûepe yure. Ûbenita caride corevayûbu caiye diede ye bojecubede yure, Jesucristoi mearo ðacaiye boje yure. <sup>8-9</sup>Aru pûeno bajutamu caijie ji cuvajúroe. Corevayûbu bojecubede yure. Bojecûvû yure caiye pûeno ji coreóvaiye ji jabocu Jesucristore. Que baru dajocavû caiye iye ji ðaiye báquede, aru ji cuvæe báquede, aru ji napini coreiye báquede máre, memecacuyû Cristore. Caiye iye báquede ji coreóvaiyede jarûvaiyepê paiyebu caride, Cristo jicu bacuyúre aru cucuyure êque cûinávure. Que baru caride yu ðabevû yópe Jûmenijicûi ðaicôjeiyepê, ùi jáquiyepê aríduyû yure meacupe yópe ji ðaríduiye báquedepedeca. Quénora caride Jûmenijicûi jáimi yure meacupe, ji ju aiye boje Cristore. Que teni Jûmenijicûrecabe meacu ðayu yure ùi jáinoi ji ju aiyede Cristore.

<sup>10</sup>Que baru cûinároratamu ji uró caride. Coreóvayivû yu Cristore me, coreóvacuyû iye parúede nacovaiye báquede êre yainore jarûvarí, nájicuyû ùi nájíye báquedepedeca, aru árojacuyû êpe ùi yaiye báquede. <sup>11</sup>Que baru napini coreivû yu Jûmenijicûi nacovaiyepê ayu yure máre yainore jarûvarí, ji cucuyíyepê ayu járavû cûiméjâravû baquinóre.

**Jûmenijicû ùi pôevare bojedaquino**

(1 Co 4.16, 11.1)

<sup>12</sup>Yópe arí, abevû yu: “Jave buojavû yu caiye iye yure ðaiye jauéde, meacu bacuyú yópe Jûmenijicûi uróre”, abevû yu. Javû yure cãreja ji meacu baquiyépe yópe Jûmenijicûi uróre. Javede Jesucristo beorí ñejaquemavû yure ù jicûva, ji cucuyíyepê ayu êque

cavarō mearoi meacu baju yópe Jūmenijicui urōpe. Aru cainamua memecaivū yū Jesucristore caiye ji majiéque aru caiye ji paruéque máre, eacuyū ji cūquinore úque cavarō mearo Jūmenijicui curōi. <sup>13</sup>Muja, jívu, yácarūravū corevabevū jave eayū bácure diede. Que baru cūinároramu ji ðaino: Ārūmevū yū iye ji ðaiye báquede; quénora ārūvū yū iye ji ðaquiye, yūre jauquiye. <sup>14</sup>Yópe yajuipeocui cúyaiyepe nurié, pū cúyaima turūvaita, nopedece yávacari nūñūmu nurié pū buojayuta ji memecaiye de Jesucristore, cūcuyū úque cavarō mearoi jāravū cūiméjāravū baquinóre, yópe Jūmenijicui urōpe ūi cutuiye de ina curājivure Jesucristoque cūinávūpe.

<sup>15</sup>Nópe dápaiye javū caivū majare, coreóvaivure aipe maje jū aiye de Jesúre. Que baru cūináturu maje ūme dápiarājavū maja. Ūbenita apevū mujacavū “Jave meara matūivūbu maja yópe Jūmenijicui urōpe”, ūbenina ne arí dápiaru, Jūmenijicū coreóvare ðacuyūme ne que dápaiye jave āmene. <sup>16</sup>Cūinároramu ji coyūino mujare caride. Maje dápaiye aru maje eaiye máre ðaiye javū majare coapa, yópe iye Jūmenijicui yávaiye de jāvene, maje coreóvaiyepe.

<sup>17</sup>Muja, jívu, ðare nūjara yópe ji ðaiyepe. Yóvajarā apevūre ina ðaivure ji ðaiyepedece. Aru me jájara ina curivure nūje cūepedece. <sup>18</sup>Obedijāravūa javede yū coyūcacu mujare iye coyūiye, chíore ðaiye de yūre. Aru coyūquijivū caride bedióva cojedeca ji orique, ji urarō chíoiye boje. Obedivū pōeva cuma maucūvarivū iye yávaiye méne Cristoi yaiye báquede jocūcūjaravēna. Ne cūede ijāravūi jádovavūbu, “Ye baju āmevū Cristoi yaino mácarō jocūcūjaravēna”, ne arí dápaiyede. <sup>19</sup>Nárecabu bíjaroimara márajivū Jūmenijicūre jocarí. Que ðaimara, nūrajarama na toabo cūiméboi. Nárecabu mearore jíbevū Jūmenijicūre. Ūbenita jíyama mearore ne baju urōpe. Que teni ne āiye ne jūmenijicūpe paiyebu. Cūyoje

tebenama ne āmeina ðaiyede. Quénora, “¿Meara márica maja?” adama ūbenina. Nárecabu dápiabevū cavarō mearo Jūmenijicui curōquede. Quénora dápiadama ijāravūquede. <sup>20</sup>Ūbenita majacarpūravū ijāravūcavū āmevū. Quénora cavarō mearo Jūmenijicui curōcavūtamū maja. Que baru torojurí maje ūmei napini coreivūbu, urarō jáiyūrivū majare meadaipōecūre, maje jabocū Jesucristore, ūi ðaquiye de ijāravūi cojedeca, cūarō mearo ūi curōre jocarí. <sup>21</sup>Ūi ðaquiye, oatūvacuyūme maje bajuá parūbejajua yainájibajuare, maje cūvarājiyepe ayū maje bajuá cūimébjajua majare coapa ūi baju cūimébjajupe. Nópe ðacuyūme ūi majié paruéque. Iye ūi majiéque purūcūvabi caiye ijāravūquede aru caivū ijāravūcavūre máre. Que teni caiye vaiquiyebu yópe ūi urōpe.

#### Torojurarā mūje ūmei mūje cūe boje

##### Jesucristoque cūinávūpe

(Col 4.2-7; 1 Ts 5.16-18)

**4** <sup>1</sup>Muja, jívu, ji ūmara, pare jáiyūvū mujare. Torojurí ārūvū mujare. Mūje jū aiye boje ji bueiye de, yū cūvacuyūmu mearore cavarō mearo Jūmenijicui curōi. Paredeca jū are nūjara Jesús ūi yávaiye méne. Jarūvabejarā diede. Quénora cūjarā cūinávūpe Jesucristoque, yópe mūje cūepe caride.

<sup>2</sup>Parūrōreca jēniavū ico Evodiare aru ico Síntiquede máre. Ne Jesúre jū aiye boje, curivūbu úque cūinávūpe. Que baru cūináturu dápiarārī na ne ūmei. <sup>3</sup>Aru jēniavū mure, ji yóvaimūre, jāve caðateyūre yūre. Caðatejacū ina purarōmiva nomivare, ne cārījimene ðarājiyepe ayū ne bajure. Nárecabu memēivū bācavū paredeca yúque, pōeva ne jū arājiyepe aivū Jesús ūi yávaiye méne. Que baru mi caðateiye javū náre caride. Memēðama Clementeque aru apevū Jesucristore memecaivūque máre. Aru ne āmiá cūvū toivaiye curōita, Jūmenijicui paperatucubo, caivū ina jāravū cūiméjāravū baquinóre cūvarivū úque ne āmiáre toivaitucubo jívūi.

<sup>4</sup> Cujarā torojurī mūje ūmei cainumua mūje cuede maje jabocu Jesucristoque cūinávure. Que baru coyuvu mujare cojedeca: Torojjarā mūje ūmei.

<sup>5</sup> Caivu pōeva coreóvajarāri mujare cadateiyurivure apevu pōevare. Maje jabocu Jesucristo ūi copaidaquino maquinó joabenotamu. Que baru cadatejarā caivure. <sup>6</sup> Aru caiye iye mujare vaiyede, cārijimejara mūja. Ūbenita caiye iye mujare vaiyede, torojuede jīni Jūmenijicure, coyujarā ūre mujare jauéde. Aru jēniajara ūre mūje jēniayede máre.

<sup>7</sup> Que teni mūja curājaramu me cārijimevūva Jesucristoque cūinávure. Jūmenijicurecabe cārijimene dayu mujare nópe, jári corecayū mūje ūmene aru mūje dápiayede máre. Aru yo cārijimeno Jūmenijicui jíyede ye jápiari eaiyu buojabenama na, pōeva ūre ju abevu.

#### Dápijarā mūja mearore

<sup>8</sup> Mūja, jívu, caride buojaivu yu iye ji toivaicōjeiyede apecure mujare. Yópe dápijarā mūja: Arujara caiye iye yávaiyede jāvene, aru caiye iye pōeva ne pueđaiyede máre. Arujara caiye iye méne, aru caiye iye me Jūmenijicui jāinore máre. Arujara caiye iye pōevare ure đaiyede. Aru arujara caiye iye pōeva ne me yávaiyede máre. Dápijarā caiye iye pueno baju méne aru caiye iye pōeva ne mearore jíyede máre. <sup>9</sup> Đajarā mūja yópe ji coyuiye báquepe mujare, aru yópe ji đaicōjeiye báquepe mujare. Đajarā yópe mūje jápiayie báquepe ji coyuiyede, aru yópe mūje jáiye báquepe ji đaiyede máre. Que đaru, űai Jūmenijicuvacari, cārijimenoque cure dayu majare, cuscayume mūjaque.

#### Filipocavu ne cadateino Pablore

(Hch 17.1; 2 Co 11.9)

<sup>10</sup> Pare torojvu yu ji ūmei ji cuede cūinávure maje jabocu Jesucristoque, mūje cadateivu buojaiye boje yure. Mūje coreniburu yóbo joe baju, cadateivabu yure caride. Coreóvaivu yu dinumureca

mūje coreiyede, cadatenajivu yure cojedeca. Arumetebetevu mūja yure. Quénora cadateni majibeteavū mūja.

<sup>11</sup> Yávacari torojvu ji ūmei, ji majiéde cūvae boje. Que baru űájimevu mūje cadatebede yure. <sup>12</sup> Yurecabu coreóvayū cūcure ji cūvae ureque, aru cūcure yure jauéque máre. Que baru cainumua aru ári ji curōi máre torojvu yu ji ūmei. Yu ji āquiyede cūvacu baru aru ji āquiyede cūvabecu baru máre, torojurī majivu yu ji ūmei. Aru pueno ure ji cūvae baru aru pueno yure jaué baru máre, torojurī majivu yu ji ūmei.

<sup>13</sup> Cristoi cue boje yúque cūinávure, parure đaibi ji ūmei. Que baru caijīe vaiyede yure, đaiye majivu yure jauéde yópe ūi urópe. <sup>14</sup> Ūbenita meateavū mūje cadateiyede yure ji űájiyedeca.

<sup>15</sup> Mūja, Filipocavu, mūjavacari coreóvaivubu me ji etaiye báquede Macedonia āmicuróre jocarī, apenao ĩmaroacavu Jesúre ju aipōeva cójijivaivu cadatebevū bācavure yure. Dinumui ji buiye báquede bueyu Jesús űi yávaiye méne mujare, mūja quévura, Jesúre ju aivu cójijivaivu Filipoi, javū yure tātuturare, bojedarájivu ji bueiye báquede mujare. Que teni jīni aru jacopurī máre buavū maja maje baju. <sup>16</sup> Ji cue báquede Tesalónica āmicurīmaroi cūinárumu aru apenumua máre mūja jaroávū yure tātuturare, yure jaué boje. <sup>17</sup> Torojvu yu ji ūmei mūje jíyede yure. Ūbenita pueno baju torojvu yu ji ūmei, Jūmenijicui me jáiye boje mujare mūje yópe đaiye boje, mūje cadateiye boje yure. <sup>18</sup> Jacopvu yu caiye mūje daroiye báquede yure Erafroditoque. Ūre cūvaede davacube yure, mūje jíye báquede. Que baru caride pueno baju cūvavu yu. Aru ye jaubevū yure. Yure mūje jíye báque cojvu Jūmenijicure yópe pōeva ne juaiye mumijuede ne jíye cojuépe ūre. Nopedeca mūje jíye báque máre me cojvu ūre. <sup>19</sup> Aru majepacu Jūmenijicu, ji memecaimu, ure cūve cūvabi. Que baru jícyume caiye mujare jauéde, mūje ju aiye boje Jesucristore.

<sup>20</sup>Jínajarevũ maja mearore majepacu Jũmenijicũre cainũtũũ. Quédecabu.

**Pablo ãi meaicõjeino Filipocavũre**

<sup>21</sup>Meajarari na, caivũ ina Jũmenijicũi põeva, ina cũrivũ Jesucristoque cũinãvũre. Ina Jesũre jũ aipõeva yáque cũrivũ caride meaicõjedama mũjare.

<sup>22</sup>Caivũ ina Jũmenijicũi põeva yõcavũ meaicõjedama mũjare. Caivũ pũeno meaicõjedama mũjare ina Jũmenijicũi põeva ñai jabocu ijãravũcacu pũeno baju parũcũi cũramicavũ. <sup>23</sup>Maje jabocu Jesucristo mearo ñacajacũĩ mũjare bojecũbeda ãi me boje. Quénoramu.

# Colosenses

Mamabuinore coyuiyebu Pablo bácu ùi toivaicõjeiye báquede paperayocare Colosas ãmicuriiमारocavũ Jesũre ju aipõevare. Pablo bácu judíovacacu bácvvacari, Jesús ùi yávaiye méne beorĩ coyucõjeimũ marejaquémavũ, coyucũyũ ùi yávaiye méne judíova ãnevũre, judíova ne ju abe boje ùi coyuiyede. Lucas bácu coyũrejaquemavũ Pablo bácu borore Hch 7:57-8:1, 9:1-31, 13:1-28:31. Ùbenita Pablo bácu aipiyede nũmecũvacari Colosas ãmicuriiमारoi, toivaicõjeiyrejaquemavũ ùre toivacaiõcesu bácvre náre, ùi ue boje náre (2:1-5) aru Épafra bácu coyuiye báque boje Pablo bácvre Colosacavũ ne borore (1:7-8). Javede toivaicõjeneaquemavũ pũcayoca ùi paperayocare Tesalónica ãmicuriiमारocavũre, aru pũcayoca ùi paperayocare Corinto ãmicuriiमारocavũre, ùi paperayocare Galacia ãmicurijoborõcavũre, aru ùi paperayocare Roma ãmicuriiमारocavũre máre. Apevũ ne dápiayepe, javede toivaicõjeneaquemavũ ùi paperayocare Filipos ãmicuriiमारocavũre. Toivaicõjeneaquemavũ yõbecuruyoca ùi paperayocare ãniũju bácarõre 60 d.C., ùi cuede ãmeina teivũre jēni jacoĩnami Roma ãmicuriiमारoi, cũináyocare Éfeso ãmicuriiमारocavũre, apeyocare Colosas ãmicuriiमारocavũre, aru apeyocare Filemón mácvre. Tíquico bácu ñvarejaquemavũ iyoca yõbecuruyocare cũináturũ ùi ñuiyede Roma ãmicuriiमारore pũ Asia ãmicurijoborõi. Pablo bácu coyũrejaquemavũ ùre toivacaiõcesu bácvre aipe ùi toivacaquiyi báquede diyocare.

Diyocaque Pablo bácu ãaicõjeneaquemavũ Jesũre ju aipõevare yõpe náre jauéde ne cũe boje Jesucristoque cũinávũpe (3:1-4:6). Coyũrejaquemavũ náre Cristorã, caiyede cuedayũ bácvre aru cũre ãayũre máre, que baru paũcvre caivũ pũeno (1:15-23) aru cũinácũra meãdaiye majicũre ùre ju aivũre ãbevũva yõpe bueipõeva borocurivũ ne ãaicõjeniduiyepẽ (2:6-23).

## Pablo ùi meaicõjeino Colosacavũre

**1** <sup>1-2</sup> Ùũ, Pablo, aru majecu Timoteo máre ùi ju aiyẽ boje Jesucristore meaicõjeivũbu mũjare, Colosas ãmicuriiमारocavũ Jũmenijicũi põevare. Yábu Jesucristoi yávaiye méne beorĩ coyucõjeimaracacu. Ùũ toivaicõjeivũ apescũre iyoca paperayocare mũjare, ñũjevũre, Jesucristore ju aivũre, ùi urõpe ãivũre, aru cũrivũre ùique ãajocabevũva cũinávũpe. Majepacu Jũmenijicũ, mearo ãacajacũrĩ mũjare bojecũbeda ùi me boje. Aru torojũrĩ cũre ãajacũrĩ mũjare cãrijimevũva.

## Pablo ùi jēniaino Jũmenijicũque Jesũre ju aipõevare

(Ef 1.7, 6.12; Col 4.12; Flm 23)

<sup>3</sup> Torojuede jívũbu ñũja Jũmenijicũre, ñai maje jabocu Jesucristoi pacũre,

cainũtũna ñũje jēniayẽ coapa Jũmenijicũque mũjare boje. <sup>4</sup> Jápiavũbu ñũja mũje ju aiyede Jesucristore aru urivũre máre caivũ ina Jũmenijicũi põevare. Que baru torojuede jívũbu Jũmenijicũre mũjare boje. <sup>5</sup> Javede mũja jápiarejaquemavũ iye yávaiyede jávene, Jesús ùi yávaiye méne. Mũje jápiayede diede, jápiarejaquemavũ iye borore Jũmenijicũi mearo ãacaquiyede mũjare cavarõ mearo ùi cũrõi. Mũje napini coreiyẽ boje iye Jũmenijicũi mearo ãacaquiyede mũjare, mũja ju aivũbu Jesucristore aru urivũbu caivũ ina Jũmenijicũi põevare. <sup>6</sup> Yõpe mũje jápiayepẽ iye Jesús ùi yávaiye méne, nopedeca obedivũ põeva apenoa joborõcavũ máre jápiãdama diede. Que baru caijãrvũva apẽvũ põeva ju adama diede. Aru pũeno baju mearo ããdama, ne ju aiyẽ boje diede. Aru quédeca vaidéjaquemavũ mũjare. Mamacũtũre

mũje jápiaiyede iye Jesús ùi yávaiyede jávene pũ caride máre, coreóvaivũbu mũja jáve Jũmenijicũ mearo ðacayũre bojecũbeda, ùi pũeno meacũ baju boje. Que baru caijãravũa arevũ mũjacavũ jũ adama diede. <sup>7</sup>Diede bueibi ñũje umũ Épafras. Ñai Épafrarecabe, memecayũ Jesucristore ñũjaque, coreóvare ðayũ bácũ mũjare iye Jũmenijicũ mearo ðacaiyede pðevare bojecũbeda. Que teni caðateyũ ñũjare memecaibi Jesucristore. <sup>8</sup>Û coyũibi ñũjare aipe ñai Espĩritu Santo ure ðayũre mũjare caivũ Jũmenijicũ pðevare.

<sup>9</sup>Que baru ñũje jápiaiye boje mũje borore, coyũivũbu mũjare Jũmenijicũque máre. Ñũje jápiaiyede mũje borore coyũĩ búcarã mũjare Jũmenijicũque. Aru caride máre coyũre nuivũbu mũjare Jũmenijicũque. Jẽniaivũbu úque ùi coreóvare ðaiyede mũjare jáve caino yo ùi urðre, mũje ðarãjiyere aivũ yóre ùi urðre. Que baru jẽniaivũbu Jũmenijicũque, mũje cũvarãjiyere aivũ majié caiyede aru coreóvaiye méne mũje úmeque. <sup>10</sup>Jẽniaivũbu diede, mũje ðarãjiyere aivũ yóre ina Jũmenijicũ jina ne ðaiyere, Jũmenijicũ torojũquiyere aivũ mũjaque cainũmũa. Pũeno baju jẽniaivũbu Jũmenijicũque mũje mearo ðarãjiyere aivũ yóre ùi urðre aru mũje coreóvarãnũrajyere aivũ Jũmenijicũre pũeno baju caijãravũa. <sup>11</sup>Aru pũeno baju jẽniaivũbu Jũmenijicũque, ùi parũre ðaquiyere aivũ mũjare mũje úmei ùi majié pũeno baju parúeque ùi jáðovaiyede pðevare, mũje napinajyere aivũ mũje ñãjinajyede cainũmũa torojũvũ mũje úmei. <sup>12</sup>Aru pũeno baju jẽniaivũbu Jũmenijicũque, mũje torojũede jĩnajiye aivũ majeracũ Jũmenijicũre, ùi cũvare ðaiye boje mũjare iye mũje cũvarð coapa, ùi mearo ðacaquiyede ùi pðevare cavarð mearo ùi cũrð miadãroi.

**Maje cœ cãrijimevũva Jũmenijicũque  
Jesúĩ yaiye báque boje**

*(Jn 1.1-3.18; Hch 26.23; Ef 1.22-23,  
2.16, 4.15, 6.12; He 1.2-3; Ap 1.5)*

<sup>13</sup>Jũmenijicũ meadãibi majare ñai abujuvai jabocũi jaboteino ñeminore

jocarĩ. Que baru epei bi majare maje jabocũva mamacũre, ùi umũre. <sup>14</sup>Ñai mamacũre bojedare ðaibi majare, ùi jina marajiyépe ayũ. Que baru ãrũmeteibi maje ãmeina teiyede. <sup>15</sup>Ñai mamacũ cũinátũrube jípacũ Jũmenijicũque. Aru pðeva jári bũojarejaquemavũ Jesucristore. Ûbenita jári bũojabenama Jũmenijicũre. Ñai mamacũ parũcu caivũ pũeno cũrejaquemavũ jípacũque caiyede cũedaquiyere jipocare. <sup>16</sup>Ûrecabe Jũmenijicũ caiyede cũedare daimũ mácu. Ûrecabe cũedayũ bácũ caijiene cavarð mearo ùi cũrðquede, aru joborðquede máre, aru caijiene maje jáiyede aru maje jámene máre. Que baru cũedarejaquemavũ caivũ ina jabovare, aru parũcũvarivũre, cõjeivũre, aru parũrivũre máre cavarð mearo ùi cũrðcavũre. Que teni Jũmenijicũ úre cũedare ðarejaquemavũ caiyede. Aru cũedare ðacarejaquemavũ caiyede úre boje, ñai mamacũ caivũ ne mearore jĩmũ maquiyépe ayũ. <sup>17</sup>Cristorecabe caivũ ne jipocacacũ. Ûrecabe cũcu caiyede cũedaquiyere jipocare. Aru úrecabe Jũmenijicũ caiyede mautede ðare daimũ, caiye cũquiyere ayũ me. <sup>18</sup>Maja úre jũ aivũ caiyãjũboa pðeyãjũboacavũ ùi bajure paivũbu. Aru úvacari, maje jipobũpe páyũ, maje jabocũbe, majare ðaicõjeũ. Ûrecabe cũre ðayũ jáve caivũ ina úre jũ aivũre ne bajure aru ne úmene máre, ùi nacajaiye báque boje yainore jarũvarĩ caivũ jipocai, jabotecũyũ parũcu caivũ arevũ pũeno cainũmũa.

<sup>19</sup>Jũmenijicũvacari beorejaquemavũ cũcũre mamacũque yóre ùi baju urðre. Que baru Cristorecabe jáðovaũ jáve aipe ãrojacũre jípacũ Jũmenijicũre. Aru Jũmenijicũre páyũ matũiyere coyũvũ jípacũre. <sup>20</sup>Jũmenijicũ cãrijimene ðaiyũrejaquemavũ caivũre úque. Aru ména cũre ðaiyũrejaquemavũ caiyede máre. Ðaiyũrejaquemavũ diede mamacũque, caivũ ne mearore jĩmũ maquiyépe ayũ. Que baru mamacũi jive meiyere báque boje ùi yaiye báquede jocũcũjaravena, Jũmenijicũ



cārijimene ðarejaquemavṁ caivṁre úque, caivṁ ijāravṁcavṁre aru caivṁ cavarō mearocavṁre máre. Aru caiye ijāravṁcavede aru caiye cavarō mearoquede máre ména cṁre ðarejaquemavṁ Jūmenijicṁ.

<sup>21</sup>Aru mṁjacapūravṁ javede āmeina dápiaivṁ barejaquémavṁ aru āmenore ðaivṁ barejaquémavṁ. Que baru Jūmenijicṁre coreóvabevṁva maucṁvarivṁ barejaquémavṁ mṁja. <sup>22</sup>Ḑbenita caride Jūmenijicṁ cārijimene ðarī yóvare ðaibi mṁjare úque. Nópe ðarejaquemavṁ mamacṁi yaiye báquede úi baju. Nópe ðacarejaquemavṁ mṁjare, ðacṁyṁ meara yópe úi ṁrópe, ye āmeno cṁbequino mṁjare, aru pōeva ne boro coyurī adarī bṁojabenajino mṁje borore, úi ecovaquiyede mṁjare úi yebai. <sup>23</sup>Nópe vaiquiyebu mṁje ðaiye boje yópe ðaiye jauépe. Jauvṁ mṁjare mṁje jṁ are nṁiye Jesús úi yávaiye méne, “¿Jāve márica?” arī dápiabevṁva. Aru jauvṁ mṁjare mṁje napini corede nṁiye maje cṁrājīyede Jūmenijicṁque caipṁmṁa yópe mṁje napini coreni buiye báquepe mṁje mamarṁmṁ jápiaiyede iye Jesús úi yávaiye méne. Iye yávaiye méne obedivṁ pōeva cainoa joborōacavṁ jápiaḁama. Aru yávacari, Pablo, Jūmenijicṁre memecayṁ, coyṁvṁbu diede.

**Pablo Jesús úi memecaicōjeimṁ úre jṁ aipōevare**

(Ef 3.2; Ap 3.14-22)

<sup>24</sup>Caride torojvṁ yṁ ji ũmei ji ṁájīyede mṁjare boje. Que teni bṁojaiṁ yṁ ji ṁájīquiyē jauróre yṁre ji baju, caḁatecṁyṁ ina caiyajuboa pōeyajuboaacavṁ Jesúre jṁ aivṁre. Ji ṁájīyebu yópe Cristoi ṁájīye báquepe ina caiyajuboaacavṁ úre jṁ aivṁre boje. Jesucristoi bajupe paivṁbu na. <sup>25</sup>Yṁrecabu Jūmenijicṁi epeimṁ, coresṁyṁ aru caḁatecṁyṁ mṁjare. Que baru memecayṁrecabu ina caiyajuboa pōeyajuboaacavṁ Jesúre jṁ aivṁre, coreóvare ðacṁyṁ mṁjare caiye iye Jūmenijicṁi yávaiye méne. <sup>26</sup>Javede Jūmenijicṁi jáðovamenejaquemavṁ iye

yávaiye méne, caivṁ ina pōeva javecavṁ bácvṁ ne majibenajiyere ayṁ. Ḑbenita caride jáðovaimi diede úi pōevare, ne majinajiyere ayṁ. <sup>27</sup>Jūmenijicṁi ũbi mṁje majinajiyere ayṁ mṁja judíoṁva āmevṁ úi pṁeno baju mearo ðacaimara márajivṁre ṁrarō úi pṁeno baju mearo ðaiyeque. Que baru jáðovaimi diede. Iyebu yávaiye jáðovame máque pōevare jipocamia: Cristo cṁbi cūinávṁpe mṁjaque. Que baru torojṁrī maje ũmei napini coreivṁbu maja yo mearo maje cṁvarājīnore cavarō mearo Jūmenijicṁi cṁrōi.

<sup>28</sup>Que baru ṁṁja coyṁivṁbu Cristoi borore caivṁre. Coyṁivṁbu caivṁre parṁróreca aipe ðaiye jauróre náre. Aru caivṁre majicaivṁbu úi majiéque. Nópe ðacavṁbu ṁṁja caivṁ cṁrivṁre Jesucristoque cūinávṁpe, ne cṁrājīyere aivṁ meara baju jaubeda yópe Jūmenijicṁi ṁrópe, ṁṁje eare darājīyere aivṁ náre Jūmenijicṁi yebai. <sup>29</sup>Que baru yṁ pṁeno baju memeiṁmṁ pṁ ṁetṁyṁvacari. Que ðare ðaibi yṁre Cristo úi majié paruéque.

**2** <sup>1</sup>Coreóvare ðaiyvṁ mṁjare pṁeno baju ji memeyede pṁ ṁetṁyṁvacari, caḁatecṁyṁ mṁjare aru ina Jesúre jṁ aivṁ Laodicea āmicṁrīmarocavṁre, aru arevṁ Jesúre jṁ aivṁre máre, yṁre jámevṁ bácvṁre. <sup>2</sup>Yópe memeiṁ, parṁre ðacṁyṁ caivṁ mṁjare mṁje ũmei, mṁje cṁe boje cūinávṁpe mṁje ṁede mṁje bajumia. Aru yópe memeiṁ, mṁje járiarī coreóvarājīyere ayṁ jāve caiye iye Jūmenijicṁi majiéde úi meadaiyede mṁjare. Que teni jāve coreóvarājaramu mṁja Cristoi borore. Ḑrecabe Jūmenijicṁi jáðovamemṁ mácu cāreja javede. <sup>3</sup>Cristo cūinávṁrabe majicṁ pṁeno baju caiye iye pōeva ne majibede aru ne coreóvabede máre. Majibi caiyede. Aru úi majiébu pṁeno baju me, yópe pōescṁi bojesṁede yaveiyere paiye. <sup>4</sup>Caiye diede toivaicōjeivṁ apescṁre mṁjare, arevṁ ne jṁjovabenajiyere ayṁ mṁjare borocṁeque. <sup>5</sup>Ji cuedeca joai mṁjare jocarī āṁvṁ yṁ mṁjare caipṁmṁa. Coreóvaivṁ yṁ mṁjare

curivare Jesucristoque cūinávure aru ju aivure úre parurõeca. Que baru torojvnu yu ji úmei.

**Apué mamae jauõ majare, Jesúre ju aipõevare**

(Ro 6.4; Gá 4.3, 9; Ef 2.1-5, 15)

<sup>6</sup>Muje ju aye báque boje iye maje jabocu Jesucristoi yávaiyede, ðajarã mja cainumna yópe ne ðaiye jauõpe ina curivare Jesucristoque cūinávure. <sup>7</sup>Que teni ju are nujara Jesucristore, aru ðare nujara yópe ñje bueiyepe mujare úi yávaiye méne mamarumure. Caijãrvana rueno baju ðare nujara yópe úi urõpe. Aru, “Jesucristoi yávaiye me jãvetamu”, are nujara. Nopedeca buedejaquemavu mujare mamarumure. Aru pare torojvede jíde nujara majepacu Jūmenijicure cainumna.

<sup>8</sup>Me jãjara mja. Mje bajumia apenvare jujoaicõjemejara ne bueiye bojecubeque aru borocueque máre, ne ðabenajiyere aiv mujare ne buemarare. Iye ne bueiye pøeva néneucua mácavu ne ðarí cõmajiyebu. Iye ne bueiye pøeva ne majiébu. Aru iye ne bueyedecabu Cristoi yávaiyede, “Jãve ãmevu” aye. Que baru jãve ãmevu aru bojecubevu iye ne bueiye.

<sup>9</sup>Jūmenijicvacari cūbi Cristoque. Úi bajurecabe ári Jūmenijicu cūc jãðovañu jãve aipe ãrojacure. Que baru maje jãiyede Cristore, majivu aipe ãrojacu bajure Jūmenijicure. <sup>10</sup>Jūmenijicu jãve cure ðaibi mujare mje úmei, mje cūc boje cūinávure Cristoque, ñai jaboteyu caivu jabovare aru cõjeivare máre. Que baru ye jaubevnu mujare mje úmei.

<sup>11</sup>Yópe umava ne buraicõjeiyere ne cajede, arurajivnu ne baju Jūmenijicu jinava, nopedeca Cristo ðaibi mujare Jūmenijicu jinare, mje cūc boje úque cūinávure. Ubenita ú burarí ñni jaruvabebi mje cajede. Quénora ðaiyubede ðaibi mujare ãmeina teiyede, mje ãmeina teiye ðaiyue cõjeimara ãmenajiyere ayu.

<sup>12</sup>Muje jãðovaiye báquede Jūmenijicure ocoque yaivu bácvure

tedejaquemavu mja Cristoque, aru ne pøe jaruvainoi epeiye báquepe mujare úque, aru Jūmenijicūi nacovaiye báquepe mujare úque máre yainore jaruvarí. Que ðacarejaquemavu Jūmenijicu mujare úi majié parúeque mje ju aiyede úre, “Jãve Jūmenijicu nacovarejaquemavu Cristore yainore jaruvarí”, mje aiyede. <sup>13</sup>Mja yaivu bácvure mje úme coatede ðaimara marejaquemavu Jūmenijicure jaruvarí, mje vainí tuiye boje aru mje ðaicõjeiye boje mje ãmeina ðaiyueque. Dinumare Cristo epebedejaquemavu mujare cãreja Jūmenijicu jinava.

Ubenita caride Jūmenijicu apure ðaibi mujare apué mamaeque Cristoque. Que teni arumeteibi caiye maje ãmeina teiyede. <sup>14</sup>Jūmenijicūi toivaicõjeiye báque boje úi ðaicõjeiyede, ðaiye jauvejaquemavu majare. Ubenita maje ðabe boje diede, bojecube ðaiye curvarejaquemavu Jūmenijicque. Mja ðabevnu bácvureca iye ðaicõjeiyede, ye boropateivure jãmenorejaquemavu majare Jūmenijicu. Quénora Cristoi yaive báqueque jocucjaravena jaruvarejaquemavu maje bojecube ðaiye báquede úre. <sup>15</sup>Que ðayu Jūmenijicu rueno baju vainí turejaquemavu caivu ina jabovare aru cõjeivare úi cãchinoi. Náre cõyoje tede ðarí, jãðovaimi parucure caivu apenv rueno Cristo úi ðaiyeque. Que ðaibi Jūmenijicu caivu pøeva ne jãiyede.

**Ijãrvuque buobevnu Jesúre ju aipõeva**

(Mt 15.9, 22.44; Ro 6.4-11, 14.1-6; Gá 2.19-20; Ef 1.22, 4.15-16; Fil 1.21; Col 2.21; He 1.3)

<sup>16</sup>Que baru jãpiarí adabejarã mja ácu pøecu ãmeina yávayure mujare, mje ãiye boje aru mje ucuiye boje máre, aru mje torojve tebe boje úpe úi torojve teijãrvare caijua coapa, caivu aviáva coapa, aru sãbadore máre caisumana coapa. <sup>17</sup>Iye javeque ðaicõjeiyeque ãiyeda coyiyede, aru torojve teiyeda coyiyede, aru apejiena coyiyede máre Jūmenijicu epebedejaquemavu, buescyu

ñujare. Iye ðaicõjeiyeque Jūmenijicū jādovañū marejaquémavū aipe ũi ðaquiyede yóbore. Cristo cūcuyurā máre jādovañū marejaquémavū ũ. “Yópe ũre vaiquíyebu”, arí jādovañū marejaquémavū. Que baridurejaquemavū iye ðaicõjeiye. <sup>18</sup> Aru jápiarí adabejarā mūja ácu pōescu āmeina yávayure mūjare, mūje mearore jíye boje Jūmenijicūre ũre āmevū. Que teni apescu ũi cāchinocavūpe tebejarā mūja. Aru mearore jíbejarā ángelevare máre, yópe ũi ðaiyere. Ũrecabe aríduyū ũbenina “Jāvemū jí coyuiye, jí jáiye báque boje apescu yópe decoboainope”. Ũbenita jámemi iyede, ũi coyuiye borore. Aru, “¿Meacu bária arevū pūeno?” ũbenina aríduibi. Nópe aríduibi ũi ðaicõjeiye boje ũi dápianore ũi āmeina ðaiyueque. <sup>19</sup> Ũrecabe ðajocayū bācu ũi cuede Cristoque cūinávūpe. Que baru majibebi iye bueiye jāvene Cristoí borore. Cristo maje jabocube. Que baru ðaicõjeimi caivū ina caiyajuboa pōeyajubocavū ũre jū aivūre, ne pūeno baju ðare nūrajiiyere ayū yópe Jūmenijicūi ũrōpe. Que baru caijārvavū pūeno baju majide nūñama na, ũre jū aivū caivū, me cūrājivū ne ũmei yópe Jūmenijicūi ũrōpe.

<sup>20-21</sup> Mūje cūe boje Cristoque cūinávūpe, yaivū bācavūpe paivūbu ũque. Aru jaubevū ina yaivū bācavūre ne jū aiye ðaicõjeiyede. Que baru jaubevū mūjare mūje jū aiye iye ðaicõjeiyede pōeva ne majiéque coyuiyede. Que barureca arevūre ðaicõjeiye jaubevū mūjare. Jaubevū mūjare cāreja mūje jū aiye pōeva ne ðaicõjeiyede, yópe ne aiyede: “Jēmejara apejīene. Aru āmejara apejīene. Aru tūobejarā apejīene máre”, ne aiyede. <sup>22</sup> Quénora iye ijārvavūque cūiquíyede coyuyama pōeva ne ðaicõjeiyede coyuiyeque. Aru diedecabu pōevavacari ne ðaicõjeiye aru ne bueiye máre. <sup>23</sup> Pōeva iye ðaicõjeiyede ðaivū Jūmenijicūre pueðaivūpe ārojariduivūbu. Aru jáðovariduivūbu ne baju arevū ne cāchinocavūre. Nájine ðarí ne bajure,

Jūmenijicūre pueðaivūpe teniduivūbu na. Iye ne ðaiyede yópe ne ðaicõjeiyepe majidivūpe teniduivūbu. Ũbenita iye ðaicõjeiyede ðaivūvacari, ye ðajocabema ne baju āmeina ðaiyuede. Que baru iye ðaicõjeiye ne cūvae bojecubevū náre.

**3** <sup>1</sup> Mūjarecabu yópe Jūmenijicūi nacovaimara māvavūpe Cristoque yainore jarūvarí. Que baru Cristo jinatamu mūja. Que baru mūje āmeina teiyede mūje javeque ðaiyede ðajocarí, oatuvadavū mūja, mearo ðarājivū. Oatuvaimara māvavū mūja, cainūmūa ũre nūjara yo cavarō mearo Jūmenijicūi cūrōcarōre. No cavarō mearotamu Cristo ũi cūrō, dobacu ũi dobarō mearo Jūmenijicūi mearūrvavū yebai, ũi parúe cūvae boje.

<sup>2-3</sup> Caride mūja ðabevū yópe mūje ðaiye báquepe, mūje yaivū bācavūpe paíye boje Cristoque. Que baru coatede ðaimaratamu mūja mūje cūe báquede jarūvarí. Quénora cūrivūbu mūja mūje ũmei Cristoque cūinávūpe Jūmenijicūi jāinore. Ũbenita arevū pōeva jámema cāreja iye mūje jāve cuede Cristoque. Quénora Jūmenijicūi yaveimarapebu mūja caride. Que baru cainūmūa dápíare nūjara yo cavarō mearo Jūmenijicūi cūrōcarōre. Dápíabejarā iye āmene ijārvavūquede ijārvavūcavū ne ðaiyede. <sup>4</sup> Cristorecabe jāve cūre ðayū mūjare mūje ũmei. Ũi copaidaquiyede ijārvavūi cojedeca caivū ne jáiyede, mūja máre cūrājaramu ũque. Dinūmūa maquinóre meara marajáramu mūja ye jaubeda yópe Jūmenijicūi ũrōpe.

**Aipe ðaiye jauř Jesúre jū aipōevare**  
(Ef 2.3, 10, 4.2, 22, 24, 32, 5.19-20)

<sup>5</sup> Coatejarā mūje baju mūje āmeina ðaiyuede jarūvarí. Āmeina ðabejarā arevūque mūjemarebucava āmevūque, aru āmeina ðabejarā ũmūva nomivaque aru nomiva ũmūvaque máre. Caiye iye āmene ðaiyūbejarā mūja. Mūje baju āmeina ðaiyūere ðabejarā mūja. Ũbejarā pūeno baju mūje cūvae. Que ðaivū baru, ðajebu mūje cūvae ðe yópe jūmenijinape. <sup>6</sup> Aru Jūmenijicū

jorojīni jári ina úre jápiabevure, nájine ðacuyume náre, ámene ne ðaiye boje. <sup>7</sup>Muja máre javede ámenore ðarejaquemavũ napedeca muje jápiabede cáreja Jūmenijicure. <sup>8</sup>Ūbenita caride mujacapuravũ dajocajarā caiye ámene. Que baru jarabejarā apévure. Aru jorojīmejara náre máre. Ámeina dápíabejarā apévure. Aru coyubejarā ámenore caivũ ne jápiaiyede apévũ borore. Ámeina yávabejarā apévure ne jápiaiyede máre. <sup>9</sup>Que baru borodabejarā muje bajumia. Muja aipe árojarivũ bávavure muje ámeina ðaiyueque aru muje ðare nūiye báquede ámenore dajocadavũ muja.

<sup>10</sup>Caride mearape árojarivũbu muja. Aru caijāravua Jūmenijicũ pũeno baju meara nũre ðaibi mujare, muje árojarajiyere ayũ úre, ñai mujare cuedayũ bávure mamaũmeque, muje coreóvarájiyere ayũ úre jáve. <sup>11</sup>Que baru caride ye baju ámevũ pōescu judío o judío ámesu, aru buraiçōjeñũ ũi cajede o buraiçōjemescu diede, aru yávayũ griego ámicricamua yávaicamuare o yávabescu diede, aru ímarocacu o ũbeni curijicũ, aru apescũ yebacacu o apescũ yebacacu ámesu máre. Quénora Cristorecabe cūinácura parũcu caivũ apenvũ pũeno cainũmua. Aru caivũ ũ jinaque cubi ũ.

<sup>12</sup>Muja Jūmenijicũ ũi beoimaramu, ũ jinatamu, aru ũi ũmaramu máre. Que baru yópe paivũ bájara muja. Cōmaje ároje jájara mujevũre. Aru caðatejarā náre. Dápíabejarā muje baju mearape apenvũ pũeno. Puedajarā mujevũre meara pōevare. Aru napijara náre. <sup>13</sup>Jarabejarā muje bajumia. Aru apescu mujescu ũi ámeina yávaru o ámeina ðaru mujare, árumetejarā ũi ámeina ðaiyede. Yópe maje jabocu Jesucristo ũi árumeteiye báquere muje ámeina teiyede, muja máre árumetejarā mujevũ ne ámeina teiyede. <sup>14</sup>Aru paruébu caiye die pũeno muje ũe muje baju. Muje ũede apévure, curájaramu cūinávure yópe Jūmenijicũi urópe. Que baru újarā apévure.

<sup>15</sup>Cristo cārijimene ðaibi mujare. Aru Jūmenijicũ caturĩ epeibi mujare, muje

curájiyere ayũ cūinávure cārijimevũva. Que baru cārijimena cure mujara muja. Aru cainũmua torojuede jíde mujara Jūmenijicure. <sup>16</sup>Coreóvare mujara caiye iye yávaiye méne Cristoi borore. Yópe ðajarā muje bueiyyede aru muje coyuiyyede parurōreca mujevũre máre ũre majiéque. Majicajarā aru coyujarā parurōreca Salmos ámicueque, aru mearore jíjarā Jūmenijicure yũriainoque, aru ũi Espiritu jino yũriainoque máre. Que teni yũriajarā Jūmenijicure, torojuede jínajivũ úre muje ũmeque.

<sup>17</sup>Que baru caiye muje coyuiyyede aru caiye muje ðaiyyede máre, ðajarā yópe ina Jesucristore ju aivũre jauépe, ina jēniaivũ ũi paruéque. Aru cainũmua Cristoi caðateiyyeque torojuede jíjarā majepacu Jūmenijicure.

**Mearo ðaiye jauũ cūramicavũque aru memevũque máre**

*(Ef 5.16, 22, 25, 6.1, 4-9, 18-20; Fil 4.6; 1 P 3.1, 7)*

<sup>18</sup>Muja, ũmũcurivũ, ju ajarā mujemarepacure ũi coyuiyyede mujare. Ju aiyे jauvũ mujare úre, muje cue boje maje jabocu Cristoque cūinávure. <sup>19</sup>Muja, nomicurivũ, jecujarā mujemarepacore. Jarabejarā óre.

<sup>20</sup>Muja, jueðova, cainũmua ju ajarā me mujebũcavare ne coyuiyyede mujare. Jūmenijicũ torojurĩ jáimi muje ju aiyede náre. <sup>21</sup>Muja, nébucvua, jorojīne ðabejarā mujemare, ne chīomenajiyere aivũ.

<sup>22</sup>Muja, memecaivũ, cainũmua ju ajarā me muje jabova ijāravũcavure ne coyuiyyede mujare. Cainũmua ju ajarā náre me muje ũmeque. Ju aivũ ámejara náre quénora ne jáiyyede mujare, “Mearo ðaivũbu” ne arájiyere aivũ mujare. Ju ajarā náre, muje pueðaiye boje maje jabocu Cristore. <sup>23</sup>Torojurivũ memecajarā muja.

Yópe muje pōevare memecajũroepre ámevũ. Quénora yópe maje jabocu Cristore muje memecajũroepre ðajarā muja. <sup>24</sup>Cristorecabe muje jabocu jáve. Úrecabe muje memecaivũ jáve.

Que baru coreóvaivubu mɔja maje jabocavacari Cristo bojedacɔvure mɔjare yópe Jūmenijicui aiye báquepedeca, ũi mearo đacaquiyede mɔjare. <sup>25</sup>Ūbenita ácu mɔjacacu ũi ámeina đare nuru, Jūmenijicu, jáñu caivu pòevare cūináturara, ñájine đacɔvume úre ũi ámeina đaiye báquepedeca. Que teni Jūmenijicurecabe bojedayɔ caivu pòevare yópe ne đaiye báquepedeca.

**4** <sup>1</sup>Mɔja, ne jabova, đajarā me mɔjare memecavure yópe mɔjare jauépe Jūmenijicui jáinore, mɔje coreóvaive boje mɔje jabocu cavarò mearocacu cɔvure, mɔje coyrājimure aipe mɔje đaiye báquede.

<sup>2</sup>Ūtɔbevɔva coyrarā Jūmenijicɔque. Mɔje coyiyede úque, me dápiajarā mɔje coyiyede aru torojuede jíjarā úre. <sup>3-4</sup>Aru mɔje coyiyede jēniajara Jūmenijicɔque yure boje máre, cɔvure ámeina teivure jēni jacoñami jívni, ji coyiyede báque boje iye yávaiye méne, Cristoi borore, jáđovameno mácaróre jipocamia ũbenita jáđovainore caride. Jēniajara Jūmenijicɔque ũi yávayɔ buojare đaquiyere yure, ji coyrquiyere aivu diede caivu ne járiaiyede yópe yure jauépe.

<sup>5</sup>Coyrarā mɔja Jesús ũi yávaiye méne ina úre ju abevure. Cainɔmua mɔje cuede náque me majiéque đajarā náre.

<sup>6</sup>Coyrarā náre, me coyrquiyere aivu náre aipe árojarore mɔje coyrinore. Que teni coreóvarājaramu mɔja aipe árojae jauóre mɔjare mɔje coyiyede náre ne jēniari jáiyede mɔjaque.

**Pablo ũi meaicójeino Colosacavure**  
(Hch 12.12, 25, 13.13, 15.37-39, 19.29, 20.4, 27.2; Ef 6.21-22; Col 1.7; 2 Ti 4.10-12; Flm 2, 10-12, 23-24; Ap 3.14-22)

<sup>7</sup>Caiye iye vaiyede yure ñai Tíquico coyrɔvume mɔjare. Úrecabe majecu, maje mɔ, yure cadateyɔ dajocabecɔva, aru maje jabocu Cristore memecayɔ yúque máre. <sup>8</sup>Darocɔvume úre mɔje yebai, ũi coreóvare đaquiyere ayɔ aipe vaiyede ñjare, ũi torojure đaquiyere ayɔ mɔjare mɔje ũmei. <sup>9</sup>Aru

ñɔvɔvume ñai Onésimore úque, majecu dajocabecure, maje mɔ, mɔje imarocacure. Na pɔsarā coyrarājarama mɔjare caiye vaiyede ñjare yebare.

<sup>10</sup>Ñai Aristarco, ámeina teivure jēni jacoñami cɔcu yúque, meaicójeimi mɔjare. Aru ñai Marcos máre, Bernabé ũi chimacu, meaicójeimi mɔjare. Javede coyrɔcacu mɔjare ũi borore. Que baru ũi earu mɔje yebai, me coyr etajarā úre. <sup>11</sup>Aru ñai Jesús máre, arepɔmɔ ne aimɔ Justo, meaicójeimi mɔjare. Ina yóbecurá quévura judíovacavɔ Jesucristore ju aivurecabu memeyɔ yúque caride, pòeva ne jaboteicójenajiyere aivu Jūmenijicure náre. Na cadateivɔ yure me torojure đadama ji ũmei. <sup>12</sup>Aru ñai Épafrafrás máre, mɔje imarocacu, aru Cristore memecayɔ, meaicójeimi mɔjare. Úrecabe cainɔmua pɔeno baju jēniañu mɔjare Jūmenijicɔque. Jēniañume mɔje meara marajiyépe ayɔ mɔje ũmei ye jaubeda yópe Jūmenijicui uróre aru mɔje coreóvarājiyere ayɔ aipe caino Jūmenijicui uróre, “¿Jáve márica?” arí dápiabevɔva. <sup>13</sup>Pɔeno baju ũbi mɔje curājiyere ayɔ me Jūmenijicui jáinore, aru náre máre, ina Jesucristore ju aivure Laodicea ámicuríimarocavure aru Hierápolis ámicuríimarocavure máre. Que baru paruróreca jēniaimi Jūmenijicɔque mɔjare boje. Yúvacari coreóvaivɔ die jávene. <sup>14</sup>Aru ñai Lucas, majare juoiróecu, maje mɔ, aru Demas máre, meaicójedama mɔjare.

<sup>15</sup>Meajarari na Jesús ju aipòeva Laodiceacavɔ. Aru meajarari Ninfa aru ina Jesús ju aipòeva cójijivaiivɔ òi cūrami jívni. <sup>16</sup>Jári boroteicójejara iyoca paperaoyocare mɔje cójijinoi caivɔ ne járiaiyede. Aru mɔje járiaríburu yóboi, jári boroteicójejara diyocare ina Laodiceacavɔ Jesús ju aipòeva ne cójijinoi caivɔ ne járiaiyede máre. Aru areyoca paperaoyocare máre, ji toivaino mácaróre, Laodiceacavure mɔja máre jári boroteicójejara diyocare mɔje cójijinoi caivɔ ne járiaiyede. <sup>17</sup>Yópe arí, coyrarā ñai Arquipore: “Me jájacu mɔ, buojacayɔ yo mi memeyore maje jabocu

Jesucristo ñi epeiye báquede mure mi  
cæ boje cūinávure úque”. Que ajará úre.

<sup>18</sup>Yúvacari, Pablo, toivaivæ jì pæruque  
caride. Meaicõjeivæ caivæ mæjare.

Åræjara yære ne bnoimære tåumeaque,  
åmeina teivære jeni jacoĩñami sæsure.  
Jūmenijicæ mearo ðacajacæĩ mæjare  
bojecæbeda ñi me boje. Quénoramu.

# 1 Tesalonicenses

Mamabuinore coyuiyebu Pablo bácu ũi toivaicōjeiye báquede mamayoca paperayocare Tesalónica āmicurīimarocavū Jesúre ju aipōevare. Pablo bácu judíovacacū bácuvacari, Jesús ũi yávaiye méne beorī coyucōjeimū marejaquémavū, coyucuyū ũi yávaiye méne judíova ānevure, judíova ne ju abe boje ũi coyuiyede. Lucas bácu coyurejaquemavū Pablo bácu borore Hch 7:57-8:1, 9:1-31, 13:1-28:31, aru ũi cuede Tesalónica āmicurīimaroi Hch 17:1-10, 20:1-5. Caiye iyoca, Pablo bácu toivaicōjeiyoca báque curiyoca Majeracu Jūmenijicūi yávaiye mamaene coyuitucubo jívuī, mamarūmure ũre toivacaipōescu bácuire toivaicōjeneaquemavū iyoca paperayocare ũi toivaicōjeiquiye jipocare apeyocare. Pablo bácu coyurejaquemavū ũre toivacaipōescu bácuire aipe ũi toivacaquiyē báquede diyocare. Toivaicōjeneaquemavū diyocare āniujūa báquede 50-51 d.C. puque ũi cucunuiyede, coyucuyū Jesús ũi yávaiye méne, ũi cuede Corinto āmicurīimaroi.

Pablo bácu toivaicōjeneaquemavū diyocare ũi cucunuiye eabe boje Tesalónicacavū ne yebai aru Timoteo bácu coyuiye boje ne borore ũi mácuire (2:17-3:6). Coyurejaquemavū náre méne ne parure nuiye boje Jesucristoque, dajocabevūva ne ju aiyede aru ne ñaiye boje yóre ũi ũrōpe (1:2-10, 3:7-9). Coyurejaquemavū náre aipe ñare nuiye jaurōre náre yóre Jūmenijicūi ũrōpe (4:1-12, 5:12-22), aru ne majibeno mácarōre Jesucristoi copaidaquino maquinóra aru ũre ju aivure ne yainíburu nacajarajiyeda (4:13-5:11). Aru ārure ñarejaquemavū ina Tesalónicacavūre aipe ũi ñaiye báquede ne jēneboi, ne ju abenajiyepē ayū apevū borocuede coyurīduivure Pablōjā ne borore (2:1-16).

## Pablo ũi meaicōjeino Tesalónicacavūre (Hch 17.1)

**1** <sup>1</sup>Yū, Pablo, toivaicōjeivū apēcure iyoca paperayocare. Silvano aru Timoteoque yū meaicōjeivū mujare, Tesalónica āmicurīimarocavū Jesucristore ju aipōeva cójijivavūre. Mūja majeracu Jūmenijicū aru maje jabocū Jesucristo jinatamu mūja. Majeracu Jūmenijicū, maje jabocū Jesucristomaque, mearo ñacajacurī mujare bojecūbeda ũi me boje. Aru torojurivū cure ñajacurī mujare cārijimevūva.

## Tesalónicacavū ju aipōevape ne jádovaino (Hch 17.5-9)

<sup>2</sup>Torojūede jívūbu ñūja Jūmenijicūre cainūmua jēniaiye coapa caivū mujare, mūje ju aiyē boje Jesúre. <sup>3</sup>Ñūje

coyuiyede majeracu Jūmenijicūque, ñūja ārurivūbu mūje memēinore, mūje ju aiyē boje Jesúre. Ñūja dáriaivūbu mūje memecainore apēvure, mūje ne boje Jesúre aru náre máre. Ñūja ārurivūbu mūje napini ñājiyede, mūje coreiye boje maje jabocū Jesucristoi copaidaquijāravūre. <sup>4</sup>Mūja, ñūjevū, coreóvaivūbu ñūja mujare Jūmenijicūi umarare. Ñūja majivū mujare Jūmenijicūi beoimarare, ũ jivū bárājivūre. <sup>5</sup>Jesús ũi yávaiye méne coyucarā mujare. Ūbenita buebetecarā mujare diede quénora yávaiyeque. Quénora jádovacarā ñai Espiritu Santo ũi paruéde pōeva ne ñarī majibede ñaiyeque. Jádovacarā ñūje majiéde máre yavebeda Jesús ũi yávaiye méne jāvене. Ārūjara ñavūre me ñūje cuede mūje jēneboi, aru ñūje cadateiyede mujare.

<sup>6</sup>Mujacapuravū ñavū me ñūjape aru maje jabocū Jesucristope máre. Yóre ñūje ñaiyepē me ñājivūreca, nopedeca

mujá máre ñájivavacari ðaðavũ me. Mujé ju aye boje Jesús ùi yávaiye méne, apevu ñájine ðaíma mujare urarõreca. Ûbenita ñájiye cuedeca jacopuvavũ mujá Jesús ùi yávaiye méne torojurí. Aru ñai Espíritu Santorecabe torojure ðayu mujare iye torojueque. <sup>7</sup>Que baru caivu ina Jesúre ju aipõeva Macedonia aru Acaya âmicurijoborõacavu, jápiaivu mujé borore, ðaivubu me mujare. <sup>8</sup>Mujavacari majide ðaivubu põevare maje jabocu Jesucristo ùi yávaiye méne. Que baru nora jápiaðama mujé borore ina Macedoniacavu aru ina Acayacavu máre. Ûbenita obedivu apenoacavu máre majidivubu mujá ju aivure Jūmenijicure caride. Que baru coyuiye jaubevu ñujare apevure mujé borore, jave ne majié boje. <sup>9</sup>Quénora caivu ina põeva coyuyama mujé jacopuiyede ñujare me, ñuje eaiyede mujé ïmaroi. Coyuyama mujé dajocaiyede mujé pēpeimarare, memecarājivu ñai Jūmenijicu apucure aru javene máre. <sup>10</sup>Coyuyama mujé napini coreiyede máre uetubevuva Jūmenijicui mácure, copaidacuyure ijāravui cavarõ mearo Jūmenijicui curõre jocarí. Ñai Jesúrecabe Jūmenijicui mácu. Òi yainíburu yóboi, Jūmenijicu nacovarejaquemavu ùre yainore jaruvári. Ñai Jesús meadayu majare, maje ñájiemenajiyeye ayu Jūmenijicui ñájiovaquijāravu baquinóre põevare, ne ãmeina teiye boje.

**Pablo Tesalónicai ùi memecaino**

(Hch 9.23, 29, 13.45, 50, 14.2, 5, 19, 16.19-24, 17.1-9, 13, 18.3, 12; Gá 1.10; 2 Ts 3.8)

**2** <sup>1</sup>Mujá, ñujevu, mujavacari coreóvaivubu ñuje daiyede mujé ïmaroi, me jápiaivure ñuje coyuiyede. Que baru ñuje daiye mujé yebai bojecube ãmeteavũ. <sup>2</sup>Aru mujavacari coreóvaivubu javede ñuje cuede Filipos âmicuriïmaroi, nócvu ne jabova ne ðaiyede ñujare. Nájine ðaíma ñujare. Aru ãmeina yávaíma ñujare máre. No yóboi, ñuje eaiyede mujé ïmaroi,

obedivu põeva maucuvateima ñujare. Ûbenita Jūmenijicu coyucõjeame ñujare jidubevuva. Aru ne maucuvaede ñujare, coyucarã mujare ùi yávaiye méne, Jesús meadayure põevare. <sup>3</sup>Ñuja buebevũ mujare jáve ãmene. Aru buebevũ ãmeũmeque máre. Aru jujovabevũ põevare ñuje bueiyeque. <sup>4</sup>Quénora Jūmenijicui me jáiye boje ñujare, ù beoibi ñujare, ñuje buenajiyeye ayu põevare Jesús ùi yávaiye méne. Que baru cainũma bueivubu yópe Jūmenijicui bueicõjeiyeye. Buebvũ ñuja, põeva ne me járajiyeye aivu ñujare. Quénora bueivubu ñuja, Jūmenijicui me jáquiyepe aivu ñujare. Jūmenijicurecabe majicu maje dápiayede. Que baru Jūmenijicu jáimi põeva ne ðaiyede aru ne dápiayede máre.

<sup>5</sup>Mujavacari coreóvaivubu ñuje ðaiye báquede mujé jēneboi. Cainũma yávabecarã, jujovarājivu mujare, mujé ðarājiyeye aivu yópe ñuje urõpe. Buebetecarã mujare quédata ïnajivu mujé ãtuturare. Jūmenijicuvacari majibi ñuje ðaiye báquede mujé jēneboi. <sup>6</sup>Põevare pueðaicõjemetecarã ñujare. Vobetecarã ñuja mujare aru apevure máre, mearore jíyede ñujare. <sup>7</sup>Ñujamu Jesús ùi yávaiye méne beorí coyucõjeimara. Que baru ñuja ðaicõjeni buoiaivubu apevure. Ûbenita ðaicõjemetecarã mujare. Quénora meara põevape cūtecarã mujé jēneboi. Yópe népacoí meðaiyeye mamarare meadacarã mujare. <sup>8</sup>Ñuje urarõ jecué boje mujare, torojurí buecarã Jūmenijicui yávaiye méne. Aru caiyede ðaiyutecarã, caðatenajivu mujare pu ñuje yainũmuita. Que baru ñuje pare jecumaramu mujá. <sup>9</sup>Mujá, ñujevu, mujavacari ãrurivubu ñuje pare memeni voinore ñujare jauéde. Ñuje cuede mujé jēneboi memecarã ñuja jāravure aru ñamine máre, mujé ñájiemenajiyeye aivu, bojeðaivu ñujare jauéde ñuje bueiyede Jūmenijicui yávaiye méne mujare. <sup>10</sup>Mujavacari jáivubu, aru Jūmenijicu máre majibi ñuje ðaiye báquede mujá Jesúre ju aipõevaque. Caiye ñuje ðaiye



báquede mujare đacarã mearoque yópe Jūmenijicure memecaivupe. Aru caiye ñuje đaiye báquede mujare meatevu Jūmenijicui jáinore. Que baru ñame buojabema boropađaivu ñujare ñuje đaiye báquede muje jēneboi. <sup>11</sup>Mujavacari coreóvaivubu ñuje đaiye báquede mujare coapa yópe népacu ñi đaiyepe mamarare. Bueivu batecárã mujare, muje torojure đarājiyepe aivu. Cadateivu batecárã mujare, muje chīomenajiyepa aivu. <sup>12</sup>Aru đaicójeivu batecárã mujare yópe ina Jūmenijicu jina ne đaiye jaurópe, Jūmenijicui torojūquiyepa aivu mujaque. Jūmenijicurecabe cutuyū mujare meara márajivure aru ñi jaboteinocavū bārājivure máre.

<sup>13</sup>Ñuja jívubu torojuede Jūmenijicure cainumua muje jápaiye báque boje ñujaque Jūmenijicui yávaiye méne. Dápiabeteavū muja pōeva ne yávaiyepe iye yávaiyede ñuje bueiye. Quéhora ju ávū muja diede Jūmenijicui yávaiyepe. Aru jāvetamu ñuje bueiye Jūmenijicui yávaiyede. Que baru Jūmenijicu oatuvayūbe mujare me, muje ju aiyede ñi yávaiye méne.

<sup>14</sup>Muja, ñujevu, muje ímarocavū ñájine đávū mujare nópe ina judíova ñájine đaiye báquepedeca ina Jesúre ju aivure Judea ámicarijborócavure. Cūináturu vaivu mujare máre. <sup>15</sup>Ina judíova, nárecabu boarí jaruvaivu bácavū maje jabocu Jesucristore. Javede ina judíovavacari boarí jaruvarejaquemavu ina Jūmenijicui yávaiyede coycaipōeva mácavure máre. Aru caride máre ina judíovavacari ñájine đarí jaetovađama ñujare máre. Ne que đaiyeque jorojīne đaiivubu na Jūmenijicure. Aru maucavarivubu caivu apevu pōevare máre. <sup>16</sup>Ina judíovavacari ñujare coyicójemenuivubu Jūmenijicui yávaiye méne ina judíova ámevure, ne meatebenajiyepa aivu. Que teni buojavivubu caiye ne ámeina teiyede. Que baru caride űetuii Jūmenijicu jáñu đavure ámeno. Que baru ñájine đacuyūme náre.

**Pablo ñi jácunuiyurō  
Tesalónicacavure cojedeca**  
(Hch 17.5, 18.5)

<sup>17</sup>Muja, jívū, ñujare coatede đaima ñuje mauva mujare jaruvarí. Cūicójemeteima ñujare mujaque. Ŭbenita áruicójemeni buojabema na ñujare. Que baru cainumua áruvivubu mujare. Maje coateniburu yójiíboi, ñuja chīori árutecarã mujare. Járadaiyuríducarã mujare. <sup>18</sup>Ñuja copainuiyuríducarã muje yebai, járajivu mujare cojedeca. Cainumua yávacari, Pablo, mujare jácucopaiyuríducacu. Ŭbenita ñai abujuvai jabocu, Satanás, ñicójemetequemavu ñujare. <sup>19</sup>Ŭbenita ñuja torojurājaramu mujare boje maje jabocu Jesucristo ñi copaidaquiyede. Mujarecabu napini corede đaiivu, ñuje cuvarājiyepe aivu mearore. Mujarecabu torojure đaiivu ñujare. Aru mujarecabu ñuje jáđovaimara mearore ñuje bueinore, ñuje bueiye boje muje jēneboi. <sup>20</sup>Jāve mujarecabu ñuje mearore jímara aru ñuje torojumara máre.

**3** <sup>1</sup>Ŭbenita ñuja napini buojabetecarã jámevu mujare. Que baru cūináturu ñuje űme majitecarã ñuje đarājiyede. Ñuja pucarã mauteclarã Atenas ámicarímaroi. <sup>2-3</sup>Aru jarocarã ñai majecu Timoteore muje yebai. Ŭ yóvaibi ñujare memecayū Jūmenijicure, coyuyū Jesús ñi yávaiye méne. Que baru jarocarã űre cadatecuyure mujare, aru parure đacuyure mujare máre muje űmei, muje ju ainore Jesúre pueno baju parurō nure đacuyure, muje dajocabenajiyepa aivu muje ju aiyede Jesúre, pōeva ne ñájine đaiye boje mujare. Mujavacari coreóvaivubu me majare ñájīye jauróre. <sup>4</sup>Javede ñuje cuede mujaque, coyucarã maje ñájinajiyede. Aru mujavacari coreóvaivubu me jave vaivu majare yópe ñuje aiye báquepedeca. <sup>5</sup>Que baru yácapūravū napini buojabetecacu coreni majibecu cāreja muje borore. Que baru jarocacu ñai Timoteore, coreóvacuyū aipe curivure muja yópe iye yávaiye

méne coyuiyepe muje ju aiyede. “Ñai abujuvai jabocu jujovaiyucubebu náre. Aru ñuje bueiye báque náre bojecubejebu”, arí dápiacacu yu.

<sup>6</sup>Caride Timoteo copaidaibi mujare jocarí. Ñi coyuiyede ñujare muje borore torojure ñai ñujare pare. Coyuibi aipe ju aivure Jesúre aru aipe urivure muje bajumia máre. Coyuibi aipe torojurí arurivure ñujare cainumua aru aipe jáiyurivure ñujare máre, quédeca ñija máre járanuyuvu muje yebai. <sup>7</sup>Que baru muja, ñujevu, iye ñi coyuiyede muje borore parure ñai ñujare ñuje ñmei, caiye iye ñáine ñaiye cuedeca yui ñuje jéneboi. <sup>8</sup>Caride ñija coreóvaivubu jáve ju aivure muja Jesúre. Muja dajocabenajivubu maje jabocu Jesucristore. Que baru me curí torojurivubu ñija. <sup>9</sup>Uraró torojuede jívubu ñija Jümenijicure mujare boje. Ñuje coyuiyede Jümenijicure püeno baju torojurivubu, muje ju aipe boje Jesúre paruróreca. <sup>10</sup>Jaravure aru ñamine máre paruró jéniaivubu ñija Jümenijicure, mujare ñi járanure ñaiyuepe ayu ñujare, buenajivu cojedeca mujare iye muje coreóvabede cáreja. Jéniaivubu diede, muje me majinajiyupe aivu aipe ñaiye jauróre muje cuede yópe Jümenijicui uróre.

<sup>11</sup>Jéniaivubu majepacu Jümenijicure aru maje jabocu Jesúque máre, ne nure ñaiyuepe aivu ñujare muje yebai. <sup>12</sup>Aru maje jabocu Jesús püeno baju uraró nure ñajacurí mujare muje uede muje bajumia aru apevure máre, muje uburí apevure me yópe ñuje uere mujare. <sup>13</sup>Que teni parure ñajacurí mujare muje ñmei, ñame ne buojabenajiyupe aivu boropadaivu mujare muje meara mae boje majepacu Jümenijicui ñi jáinoi maje jabocu Jesús ñi copaidaquijaravu baquinói ñi jivu mearaque. Quédecabu.

**Pablo “Jümenijicure torojure ñaiyurivu, yópe ñajará” arí, ñi coyüino**

**4** <sup>1</sup>Muja, ñujevu, maje jabocu Jesús ñujare bueicójeimi mujare

cojedeca yópe ñuje bueiyepe mujare javede. Coyuivubu mujare, muje me majinajiyupe aivu aipe jauróre muje ñaiyede, Jümenijicui me jáquiyupe aivu mujare. Caride ñadavü muja yópe Jümenijicui uróre. Que baru paruróreca jéniaivubu ñija mujare, muje ñarajiyupe aivu yópe Jümenijicui uróre püeno baju cainumua. <sup>2</sup>Mujavacari coreóvaivubu bueivure ñija mujare yópe maje jabocu Jesús ñi bueicójeiyupe. <sup>3</sup>Yópe ñi ñai Jümenijicui: Muja coapa ñajará mearore cainumua. Meara májara muja, ñi jina muje teiye boje. Que baru cubejará muja apevunque mujemarebucava ámevunque. <sup>4</sup>Me curará muja coapa mujemarepacoque Jümenijicui jánore aru póeva ne jáiyede máre. Puedajará muja coapa mujemarepacore. <sup>5</sup>Ñabejará nápe ina Jümenijicure coreóvabevure. Ñadama na ámenore, Jümenijicui ubenore, ne puedaiye majibe boje nomivare. Ñadama ámenore náque. <sup>6</sup>Que baru jujovabejará muja apecu mujecure, ámeno ñaiyu jímarepacoque. Javeita ñija coyucará mujare paruróreca aipe maje jabocu Jümenijicui ñáine ñaiyure caivu ina nópe ámeno ñaiyure. <sup>7</sup>Jümenijicui cutuibi majare ñi jina márajivuva. Que baru buojabevu maja curivu ámeümeque. Quéhora maje meara mae javuvu majare, maje curajiyupe aivu me Jümenijicui jánore, ñi jina mae boje. <sup>8</sup>Aru ácu póecu ju abecu baru iye ñuje bueiyepe, ju abenidui ñi apecu póecu bueiyepe. Quéhora ju abebi ñi Jümenijicui yáviyede, ñai daroyu mujare ñai Espiritu Santore. <sup>9</sup>Iye muje uede muje bajumia toivabenajivubu ñija. Muja me urivubu muje bajumia. Que baru diede toivaiye javuvu ñujare. Javede Jümenijicuvacari majicaibi mujare, Jesúre ju aipóevare, jauróre muje bajumia uede. <sup>10</sup>Nopedeca mujacapuravu cainumua urivubu ina Jesúre ju aipóevare, caino Macedonia ámicurijoborócvure. Paruróreca jéniaivubu ñija mujare, muje urajiyupe aivu yópe Jümenijicui uróre püeno baju cainumua. <sup>11-12</sup>Caiye muje ñaiyuepe

püeno ðajarã, cãrijimevüva curãjivü apevüque. Ðaicõjemejara apevüre aipe ðaiye jaurõre náre ne ðaiyede. Memejara müja coapa, cuvãrãjivü müje ãiyede, müje curiñamiare, aru caiye apede müjare jauéde máre. Yópe iye ñuje ðaicõjeiyere müjare caride, nopedeca ðaicõjekarã müjare jipocamia, ina Jesúre ju abevü ne pueðarãjiiyere aivü müjare me, müje corebe boje apevü ne jíyede müjare jauéde, aru ye jaubequiyere aivü müjare.

**Maje jabocu Jesús ñi copaidaquino**

(Mt 24.30-31, 43; Mr 13.26-27; Lc 12.39; Ro 13.12; 1 Co 15.51-52; Ef 6.13-17; 2 P 3.10)

<sup>13</sup>Müja, ñujevü, vüvü ñuja müje majinajiyede jáve aipe vaivüre ina Jesúre ju aipõeva yaivü bávavüre. Chïomejara müja müjevü ju aipõeva yaivü bávavü boje yópe ina ju abevü ne chïoiyere, ne napini corebe boje jãravü cüiméjãravü baquinóre. <sup>14</sup>Coreóvaivübu maja yaivü bávüre Jesús, aru nacajañü mácvüre yainore jarvãri. Que baru coreóvaivü jaivü majare nacovacvüre Jümenijicvüre ina Jesúre ju aipõeva yaivü bávavüre Jesús ñi copaidaiquiyede ijãravü.

<sup>15</sup>Que baru caride ñuja covüiyüvübu müjare me iye Jesús ñi bueiye báquepe ñujare. Jesúre ju aipõeva arvüvü ijãravüi maje jabocu Jesúi copaidaiquijãravü baquinóre covü nunenajaramu ñre ne jipocamia ina Jesúre ju aipõeva yaivü bávavüre jocarí.

<sup>16</sup>Põeva jápiarãjarama covobobori cõjeiyede; aru ángelevai jabocui yávainore; aru Jümenijicui japuiyore, trompeta ámicvüiyore, japuiye pare bujiéde máre. Dinümüiareca maje jabocu Jesúvacari êmecvüvüme cavarõ mearo Jümenijicui curõre jocarí. Aru ina Jesúre ju aipõeva yaivü bávavü nacajarajarama yainore jarvãri.

<sup>17</sup>No yóboi, maumena Jümenijicü cõjjiovacvüvüme ina Jesúre ju aipõeva arvüvüvüre cãreja ina ñi nacovaimara mácvüque. Aru cüinátvüvü caivü maja

covü nuri jacovurãjaramu maje jabocu Jesúre ñmüi oopeniboa yebai. Que teni curãjaramu maja maje jabocu Jesúque cainümüa. <sup>18</sup>Que baru chïomejara müja. Covüjarã iye borore, torojvüre ðarãjivü müje bajumia.

**5** <sup>1</sup>Müja, ñujevü, põescu cubebi majicü aipijãravüa jaurõre aru aipe vaiquiyede maje jabocu Jesús ñi daiquiyere jipocare. Que baru toivaivü jaubevü ñujare diede. <sup>2</sup>Müjavacari coreóvaivübu me maje jabocu Jesús copaidacvüre ijãravüi põeva ne corebede, ñi copaidaiquinvüre majibedeca yópe ñavaipõescu daiyere ñamine põeva ne corebedeca. <sup>3</sup>Põeva, yópe arí, covüridurãjarama ne bajumia: “Caino cãrijimene ðaivü. Yéde jidubevü maja”, aridurãjarama. Aru ne nópe covüriduiyedeca, cüinã bíjarãjarama na. Ñájini búrãjarama maumejiena. Aru dupini majibenajarama na diede jocarí. Ñájinajarama na yópe ico juedocovacodo maumejiena ãmei ijíede ñájiyere põedare ðacodo mamajicvüre.

<sup>4</sup>Ubenita müja, ñujevü, müjacarvüvü Jümenijicvüre coreóvabevü ãmevü müja. Aru ãmeina teivü ãmevü müja nápe, Jesúre ju abevü, ñeminoi curivüre. Que baru müje coreóvaivü boje maje jabocu Jesús dacvüre, ñ cuavabecvüvüme müjare ñi copaidaiyede ijãravüi, yópe ñavaipõescu ñi cuavaivüere cãramicavüre. <sup>5</sup>Caivü müja Jesúre ju aivü majidivüre ðaivübu cainümüa põeva ne jáinoi müje ðaiyede, müje coreóvaivü boje Jümenijicvüre. Que baru caivü müja miadãroi curivü jãravücvüvüpebu. Maja Jesúre ju aivü ðabevü cainümüa majibeivüre, ne coreóvabe boje Jümenijicvüre põeva ne jáiyede maje ðaiyede. Que baru ñamicavü aru ñeminocavü máre ãmevü maja. <sup>6</sup>Que baru dápiabenajarevü maja nápe, Jesúre ju abevüre. Cãivüpebu na. Quénora dápiarãjarevü maja me arvüvüvüre, me oaburí coreivü maje bajure. <sup>7</sup>Naminocabu ina caivü ne cãiyede. Aru ñaminocabu ina pacoteivü ne pacoteiyede. <sup>8</sup>Ubenita majacarpvüvü

coateivubu ina ñamicavure jaruvãrĩ. Aru ñeminoi cubevu maja. Quénora járavucavutamu maja. Aru miadároi cuivubu maja.

Que baru me ñaicõjeiye javvu maje bajure. Maje ju aye Jūmenijicure javvu majare aru maje ue apevure máre. Yópe ñarĩ taoivubu maja nópe churarava ne taoiyepe ne bajure járariçaje doicajeque. Aru javvu majare maje napini coreiye Jūmenijicui meadaquiyede. Nópe ñarĩ taoivubu maja yópe churarava ne taoiyepe ne jipobure járaribo moiboque. <sup>9</sup>Que baru Jūmenijicu epebebi majare ñájine ñacuyu. Quénora epeibi majare maje jabocu Jesucristoi meadaquiyeye ayu, ñájimemuri ámenaque. <sup>10</sup>Jesús yaidéjamedã majare boje, maje curãjiyepe ayu úque cainumua. Ina apurivũ cãreja aru ina yaivũ bãcavu máre ñi copaidaquiyede caivũ maja cūináturu curãjaramu úque cainumua. <sup>11</sup>Que baru parure ñajarã muja pũeno baju cainumua, muje baju ju aiyede Jesúre parurõ nure ñaquiyepe aivũ. Aru cañatejarã cainumua muje bajumia, nopedecca muje ñare ñuiyepe caride.

**Pablo ñi majicaino Jesúre ju aipõevare aipe ñaiye javurõre náre**  
(Fil 4.4, 6; Col 4.2-7)

<sup>12</sup>Muja, ñujevu, ñuja jēniaivubu parurõrecca mujare, muje pueñarãjiyepe aivũ ina memecaivure maje jabocu Jesúre muje jēneboi. Nárecabu maje jabocu Jesúi epeimara, jabetenajivũ aru majicarãjivũ máre. Aru buenajivubu mujare aipe ñaiye javurõre, muje ñarãjiyepe aivũ mearo maje jabocu Jesús ñi jáinoi. <sup>13</sup>Que baru pueñarã náre. Aru pare urã náre, ne cañateiye boje mujare. Cujarã muja cãrijimevũva mujevũque.

<sup>14</sup>Muja, ñujevu, ñuja jēniaivubu parurõrecca, muje ñarãjiyepe aivũ yópe mujare javéde. Majicajarã ina memeiubevure, ne memenajiyeye

aivũ. Torojure ñajarã ina jidubevure, ne jidubenajiyeye aivũ. Cañatejarã ina chõivure, ne torojure ñarãjiyepe aivũ ne ũmei. Aru napijara caivure.

<sup>15</sup>Аресу ñi ámeno ñaru cūinácũ mujacacure, ñabejacurĩ ámeno úre copũ. Quénora cainumua napini dápijarã muje ñarãjiyede mearore muje bajumia aru caivũ põevaque máre.

<sup>16</sup>Torojjarã muja muje ũmei. <sup>17</sup>Aru uetubevũva coyujarã Jūmenijicũque.

<sup>18</sup>Aipe vaiye vajjarõri mujare.

Cainumua torojuede jjarã Jūmenijicure. Jūmenijicu ũbi maje nópe ñaiyede, maje ju aye boje úre.

<sup>19</sup>Ñai Espiritu Santore maucvabejarã muja ñi ñaiyurõre mujaque.

<sup>20</sup>Jūmenijicui yáviyede coyucayiedeca jãpiayubevure tebejarã muja. <sup>21</sup>Caiyede me jãri coreõvajarã muja. Aru coreõvarĩburu yóboi, ñajarã caiye méne. <sup>22</sup>Ubenita ñabejarã caiye ámene.

<sup>23</sup>Jūmenijicvavari, cãrijimenoque cure ñayu põevare, cure ñajacurĩ mujare caivũ meara baju. Aru corejacurĩ mujare coapa caivũ, muje decocure, muje ũmene, aru muje bajure máre, muje boropatebenajiyeye aivũ maje jabocu Jesucristoi copaidaquijaravũ baquinói. <sup>24</sup>Jūmenijicu cutuibi mujare ũ jina mãrajivũva. Aru cainumua ñayube yópe ñi aye báquepedeca. Que baru úvacari mearo ñacacuyume mujare.

**Pablo ñi meaicõjeino Tesalónicavure**

<sup>25</sup>Muja, ñujevu, jēniajara Jūmenijicũque ñujare. <sup>26</sup>Meaicõjeivubu ñuja caivũ muja Jesúre ju aipõevare. Me jacoyjarã muja mujevure, muje jivare nuri, muje Jūmenijicu jina mae boje. <sup>27</sup>Maje jabocu Jesús ñi jáinoi yu jãri boroteicõjeivũ mujare iyoca paperayocare caivũ mujevũ Jesúre ju aipõevare. <sup>28</sup>Me cujarã muja maje jabocu Jesucristo ñi mearo ñacaiye bojecubeda ñi me boje. Quénoram.

## 2 Tesalonicenses

Mamabuinore coyuiyebu Pablo bácu ùi toivaicõjeiye báquede yóbocayoca paperayocare Tesalónica ãmicuriiमारocavũ Jesúre ju aipõevare. Pablo bácu judíovacasũ bácvacari, Jesús ùi yávaiye méne beorí coyucõjeimũ marejaquémavũ, coyucũyũ ùi yávaiye méne judíova ãnevure, judíova ne ju abe boje ùi coyuiyede. Lucas bácu coyurejaquemavũ Pablo bácu borore Hch 7:57-8:1, 9:1-31, 13:1-28:31, aru ùi cuede Tesalónica ãmicuriiमारoi Hch 17:1-10, 20:1-5. Javede Pablo bácvre toivacaipõescu bácvre toivaicõjenejaquemavũ ùi mamayoca paperayocare Tesalónica ãmicuriiमारocavũre, aru obebeaviava yóbore toivaicõjenejaquemavũ diyocare, ãniũjua báquede 50-51 d.C. máre, pũque ùi cuscũniyede, coyucũyũ Jesús ùi yávaiye méne, ùi cuede Corinto ãmicuriiमारoi. Pablo bácu coyurejaquemavũ ùre toivacaipõescu bácvre aipe ùi toivacaquiye báquede diyocare.

Pablo bácu toivaicõjenejaquemavũ diyocare napicõjescũyũ ina Tesalónicacavũre ne ñájiyede ne ju aipe boje Jesúre (1:3-12, 2:13-3:5), aru coyucũyũ nuríe Jesucristoi copaidaquino maquinóra, ne dápiabenájiyere ayũ javede copaidayũ bácvre yópe apevũ borocũrivũ ne ùbenina arí coyuiye báquere (2:1-12), aru memecõjescũyũ Jesúre ju aipõevare (3:6-15).

### **Pablo ùi meaicõjeino Tesalónicacavũre** (Hch 17:1; 1 Ts 1.1)

**1** <sup>1</sup>Yu, Pablo, toivaicõjeivũ iyoca paperayocare. Silvano aru Timoteoque yũ meaicõjeivũ mũjare, Tesalónica ãmicuriiमारocavũ Jesucristore ju aipõevare. Mũja majeracu Jũmenijicu aru maje jabocu Jesucristo jinatamu mũja. <sup>2</sup>Majeracu Jũmenijicu maje jabocu Jesucristomaque mearo ñacajacũrĩ mũjare bojecũbeda ùi me boje. Aru torojũrĩ cure ñajacũrĩ mũjare cãrijimevũva.

### **Jũmenijicu ùi ñájine ñaquino ãmeina teivũre Cristoi copaidaiyede**

<sup>3</sup>Mũja, ñũjevũ, torojũede jivũbu ñũja Jũmenijicure mũjare cainũmũ. Ñũje nópe ñaiye jaũvũ ñũjare. Aru mearomu. Mũja coreóvaivũbu aipe ñaiye jaũrõre mũjare mũje cuede yópe Jũmenijicui ùrõpe, caride jave báque pũeno. Aru caivũ mũja coapa ùrivũbu mũjevũre caride jave báque pũeno. <sup>4</sup>Que baru ñũjacapũravũ torojũrĩ coyũivũbu

mũje borore apeno ñmaroacavũ Jesúre ju aipõevare. Coyũivũbu mũje pare napiyede aru mũje ju aiyede Jesúre, apevũ ne maucũvaede mũjare aru ne ñájine ñaiyede máre mũjare.

<sup>5</sup>Mũja ñájivũbu mũje ju aipe boje Jesúre. Aru mũje ñajocabe boje mũje ju aiyede ùre ùetũbevũva, Jũmenijicu cure ñacũyũme mũjare ùi jaboteinoi. Yópe acũyũme mũjare coapa: “Bojedacũyũme mũre mi ñájiyede, mi ju aipe boje Jesúre”, acũyũme Jũmenijicu. Que teni jãðovacũyũme meacũre ùi ñacaiyede põevare yópe ùre jaũépe. <sup>6</sup>Que baru Jũmenijicu ñacũyũme yópe jaũépe. Ñájine ñacũyũme ina caride ñájine ñaivũre mũjare. <sup>7</sup>Aru mũja caride ñájivũre, aru ñũjare máre, Jũmenijicu ñajocare ñacũyũme maje ñájiyede. Nópe ñacũyũme Jũmenijicu maje jabocu Jesús ùi copaidaquijãravũ baquinóre. Ëmecũyũme cavarõ mearo Jũmenijicui curõre jocarĩ ùi ñngeleva ùi parũede cũvarivũque. Aru darãjarama toa uruiye jẽneboi. <sup>8</sup>Ñájine ñacũdacũyũme ina Jũmenijicure coreóvabevũre aru ina ju abevũre máre maje jabocu

Jesús ùi yávaei méne. <sup>9</sup>Nácapūravu ñájinajarama ñájinu cūiménoi. Maje jabocu Jesús, meacu baju, jaruvacuyume náre úre jocarí, ne jámenajiyepa ayu ùi urarō paruéde. <sup>10</sup>Caiye iye vaiquíyebu ñinjāravu, maje jabocu Jesú copaidaquijāravu baquinóre. Copaidacuyume ijāravui, ù jina meara ne jínajiyepa ayu mearore úre. Que baru caivu ina ju aivu me pueðarājarama úre dijāravu baquinói. Aru muja máre náque curājaramu, muje ju aye báque boje ñuje coyúye báquede mujare Jesús ùi yávaei méne.

<sup>11</sup>Que baru jēniavaivubu ñuja mujare ñuje coyúiyede Jūmenijicuque cainumua, “Muja, Tesalónicacavu Jesúre ju airōeva, bojedacuyumu yu mujare muje curājino mearoque, ji cutuiye báque boje mujare”, ùi aquíyepa aivu. Jūmenijicu mujare ðare ðajacurí caiye méne yóre muje ðaiyūepa ùi paruéque. Aru mujare buojare ðajacurí caiye muje mearo ðacaiyede, muje ju aye boje Jesúre ùi paruéque. <sup>12</sup>Que teni pōeva pueðarājarama maje jabocu Jesúre, ùi mearo ðacaiye báque boje mujare. Aru mujare máre pueðacuyume majepacu Jūmenijicu maje jabocu Jesucristomaque bojecubeda ùi me boje.

**Pablo ùi coyurí meadaino Jesú  
daquinore**

(Mt 24.24; 1 Ts 4.15-17)

**2** <sup>1-2</sup>Muja, ñujevu, coyurājivubu mujare maje jabocu Jesucristo ùi copaidaquiyede aru maje cójijnajiyede úque. Jēniavubu ñuja mujare, apesu ùi coyuru mujare, yóre arí: “Ñai Espiritu Santo aibi: ‘Maje jabocu Jesucristoi copaidaijāravu eaivu jave’”, o “Pablojā aima: ‘Maje jabocu Jesucristoi copaidaijāravu eaivu jave’”, o muja jacopuivu baru paperayoca toivaiyede ñuja Pablojā ñujapeda teivu: “Maje jabocu Jesucristoi copaidaijāravu eaivu jave” arí, ju abejarā diede. Maumejiena oatuvabegarā muje dápiayede. Aru cuavare ðabegarā muje úmene, apesu coyúiyepa boje o no paperayoca

toivaiye boje máre. <sup>3</sup>Quéda apesure jujovaicōjemejara mujare.

Dijāravu baquinói, Jesú copaidaquijāravu, eabequíyebu pu obedivu pōeva ne urarō maucūvaeta Jūmenijicu. Dinumu maquinói ñai umu amecu, bíjacuyu yóboi, cuetecuyume Jesú copaidaquiyepa jipocai. Jūmenijicu ñájinu ðacuyume úre, ñai umu amesure, toabo cūiméboi cainumua. <sup>4</sup>Ñai umu amecu maucūvacuyume caivu pōeva ne pēpeimarare, aru ne jūmenijinare, caivu apēva ne mearore jimarare, aru Jūmenijicu máre. Yóre arí, ñai umu amecu “Yūrecabu parūcu caivu apēvu pūeno”, acuyume. Que teni ecosuyume Jūmenijicu cūrami, dobacuyu yóre jabocupe. Aru, “Yūrecabu Jūmenijicu”, acuyume caivure.

<sup>5</sup>Caiye iyede jave coyure cucasu yu mujare ji cuede cāreja mujaque. ¿Arumenaru muja?

<sup>6</sup>Muja coreóvaivubu cūinācu cūcure caride, ñai umu amecu ùi járobequíyede cāreja. Ubenita yóboi, Jūmenijicu beoijāravu baquinói, ñai umu amecu cuetecuyume. <sup>7</sup>Jipocamia Jūmenijicu jáðovamenejaquemavu aipe ùi ðaquiyede pōeva ameina ðaivure. Ubenita caride jáðovacuyume aipe ùi ðaquiyede náre. Cūinācu mauyaibi ñai umu amesure. Ubenita Jūmenijicu ícuyume ñai mauyayure úre jocarí.

<sup>8</sup>Dinumu maquinóre cuetecuyume ñai umu amecu. Ubenita maje jabocu Jesucristo ùi copaidaiyede boarí jaruvacuyume úre ùi yávaei paruéque. Que baru copaidayu pūeno meacu baju bíjarocuyume úre.

<sup>9</sup>Ñai umu amecu cuvacuyume ñai abujuvai jabocu, Satanás, ùi paruéde. Jáðovacuyume ùi urarō paruéde ùi ðaquiyede caijēne pōeva ne jámene aru ne ðarí majibede máre, “¿Jūmenijicu bárica ù?” pōeva ne arājiyepa ayu ubenina. <sup>10</sup>U jujovacuyume caiye ùi ameina ðaiyeque ina bíjarājivure Jūmenijicu jocarí. U jujovarí buojacuyume náre, ne jacopūbeni ube boje Jūmenijicu yávaeiyede

jāvene. Aru ne jarāvaiye boje ũi yāvaiyede, Jūmenijicu meadabecuyume náre. <sup>11</sup> Que baru Jūmenijicuvacari jujovaiçöjecuyume náre, ne ju arājiiyepa ayu borocuede. <sup>12</sup> Que baru nājine ðacuyume caivu ina urivure ne āmeina teiyede aru ũi yāvaiyede jāvene ju abevure máre.

**Pablo ũi aino “Jūmenijicu beoibi meadacuyu mujare”**

<sup>13</sup> Muja, ñujevu, Jūmenijicure jíye jauvu ñujare torojuede cainmua, muja Jūmenijicui umarare boje. Javede ũi cuedaquiye jípoçai caiyede, Jūmenijicu beorejaquemavu meadacuyu mujare, ñai Espiritu Santoi ðaiye báque boje mujare Jūmenijicu jinava, aru muje ju aiye báque boje Jūmenijicui yāvaiyede jāvene. <sup>14</sup> Ñuje bueiye báquede mujare iye Jūmenijicui yāvaiye méne, ũi cuturejaquemavu mujare, muje jabotenajiiyepa ayu maje jabocu Jesucristoque ũi jabotequiyede.

<sup>15</sup> Que baru, ñujevu, parurõreca ju ajarā cainmua iye ñuje bueiye jāvene, ñuje coyuiye báquede mujare aru ñuje toivaiye báquede paperayocaque máre. Aru cainmua dajocabegarā diede.

<sup>16</sup> Jēniaivubu ñuja maje jabocu Jesucristore majepacu Jūmenijicumaque, majare ucure. Majare caateyube, ũi me boje dajocabecuva. Aru majare napini corede ðayube ũi mearo ðacaquiyede majare. <sup>17</sup> Ðajacurī mujare parurivū muje ũmei aru jidubevū muje coyuiyepa aru muje ðaiyeque máre, me maquiyépe cainmua.

**Pablo ũi aino “Jēniajara ñujare Jūmenijicunque”**

**3** <sup>1</sup> Muja, ñujevu, jēniajara ñujare Jūmenijicunque, arevū obedivū pōeva ne jápiarājiiyepa aivu maje jabocu Jesucristoi yāvaiye méne maumena, ne ju arājiiyepa aivu diede, aru ne jínajiiyepa aivu mearore Jūmenijicure, nópe vaiye báquepedeca mujaque. <sup>2</sup> Aru jēniajara ñujare Jūmenijicunque, ũi meadaquiyepe aivu ñujare ina pōeva āmena, ne

āmeno ðabenajiiyepa aivu ñujare. Pōeva obebevū ju aivubu Jūmenijicui yāvaiye méne. Que baru ina āmeina ðaivu aru arevure máre āmeno ðare ðaivu āmeno ðaiyurivubu ñujare.

<sup>3</sup> Ūbenita maje jabocu Jesucristo cainmua ðayube yópe ũi aiye báquepedeca. Que baru jāve parure ðacuyume mujare muje ũmene. Aru jári corecuyume mujare ñai abujuvai jabocu, ũi āmeno ðabequiyepa ayu.

<sup>4</sup> Ñuja coreóvaivubu maje jabocu Jesucristo caateyure mujare, muje ju aiye boje ũre. Que baru coreóvaivubu muja ðaivure yópe ñuje bueiye báquepe mujare, aru ðarājivure máre yópe ñuje bueiyepe iyocaque caride. <sup>5</sup> Ñuja jēniaivubu maje jabocu Jesucristoque, ũi napine ðaquiyepe aivu mujare parurõreca yópe ũi baju napino mácarõpe, aru muje urājiiyepa aivu pōevare yópe majepacu Jūmenijicu ũi ñepe majare.

**Memeiye jaurõ**

(Hch 18.3; Gá 6.9; 1 Ts 2.9)

<sup>6</sup> Muja, ñujevu, yóvaicõjemevū ñuja mujare, maje jabocu Jesucristoi paruréque, ina mujacavu jūracurivure aru ðabevure máre yópe ñuje bueiye báquepe. <sup>7</sup> Mujavacari coreóvaivubu aipe ðaiye jaurõre mujare, ðarājivu nópe ñuje ðarī cõmajiiye báquepe muje jēneboi curivū cāreja. Memeiyubevū āmetecarā ñuja. Quénora jūracubevūva urarõ memecarā. <sup>8</sup> Jacopubecarā ñuje āiyede mujaque bojecubeda. Quénora cainmua bojedacarā mujare muje jíye báquede ñujare. Ūrarõ memeivu batecarā jāravure aru ñamine máre, muje ñájimenajiiyepa aivu ñujare jaué boje. <sup>9</sup> Ñuja jēniari buojajebu ñujare jauéde, ñuje bueiye boje Jesús ũi yāvaiye méne. Ūbenita quéda jēniametecarā mujare. Jáðovacarā mujare ñuje ðaiyeque aipe ðaiye jaurõre mujare. Que baru ðajarā muja yópe ñuje jáðovaiye báquepe. <sup>10</sup> Javede ñuje cúvaquede muje jēneboi, yópe arī, “Ñai memeiyubecure jíbejarā āiyede”, ðaicõjeivu batecarā mujare.

<sup>11</sup> Nópe arí, soyuivubu ñija mujare, ñije jápiaie boje ne borore, apevu mujacavu jíracuivure. Nácapūravu mememema, bojedarájivu náre jauéde. Quédata cārijovadama náre ina memeivure ména.

<sup>12</sup> Que baru, ina mujevu memeyubevure soyuivubu ñija caride. Maje jabocu Jesucristo ũi paruéque memecōjeivubu náre. Aru parurōreca jēniaivubu náre, ne memenajiyepa aivu cārijovamevūva apevure, ne cuvarājiyepa aivu ne āiyeva.

<sup>13</sup> Ūbenita mija, ñujevu, uetubejarā mearo ñaivu.

<sup>14</sup> Apecu mujacacu ũi ju abedu ñije soyuivude yo paperayocaque, ũre coreóvarí caivu mija yóvabejarā ũre, ũi cayoje tequiyepa aivu. <sup>15</sup> Ūbenita jámejara ũre yópe mije jáiyepa mije

maucure. Quéhora soyujarā aipe ñaie jaurōre ũre yópe mije majicaiyepa mujeyocure.

**Pablo ũi meaicōjeino  
Tesalónicacavure**

<sup>16</sup> Maje jabocu Jesucristovacari cārijimenoque cure ñayu pōevare, cure ñajacurí mujare cārijimevūva cainūma. Maje jabocu Jesucristo cujacurí caivu mijaque. <sup>17</sup> Yávacari, Pablo, toivaivu ji puruque caride. Meaicōjeivu caivu mujare. Caiyoca ji paperayocare toivaivu yu yópe, jádovacuyu mujare jáve ji toivaicōjeiye báquede. Que toivaivu yu. <sup>18</sup> Ūrarō mearo ñacajacurí mujare maje jabocu Jesucristo bojecubeda ũi me boje. Quénoramu.



# 1 Timoteo

Mamabuinore coyuiyebu Pablo bácu ùi toivaicōjeiye báquede mamayoca paperayocare Timoteo bácu. Pablo bácu judíovacacu bácuvacari, Jesús ùi yávaiye méne beorí coyucōjeimu marejaquemavu, coyucuy ùi yávaiye méne judíova ánevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Pablo bácu toivaicōjeiyede ùre toivacaipōecu bácu diyocare, javede toivaicōjeneaquemavu apeyoca caipucapucupe paiyoca ùi paperayoca curiyocare Majepacu Jūmenijicui yávaiye mamaene coyutucubo jívui. Diyocare toivaicōjeniburu yóji'boi, toivaicōjeneaquemavu Tito bácu, aru no yóbove yoca buojaiyocare yóbocayocare Timoteo bácu. Pablo bácu coyurejaquemavu ùre toivacaipōecu bácu aipe ùi toivacauiye báquede diyocare. Toivaicōjeneaquemavu diyocare añiñju bácarōre 63 d.C., ùi cuede Macedonia ámicurijoborōi.

Pablo bácu toivaicōjeneaquemavu diyocare parure ñacuy Timoteo bácu ùi ùmei (1:12-19, 4:1-16, 6:11-21), aru ñajocare ñaicōjecuy ùi mácu Éfesocavare ne bueino jáve ámene (1:3-11, 6:3-10), aru coyucuy ùi mácu aipe ñaiye jaurore Jesúsre ju aivare coreipōevare aru náre cañateipōevare máre (3:1-16, 5:1-6:2), aru aipe ñaiye jaurore Jesúsre ju aipōevare ne mearore jývede Jūmenijicure (2:1-15).

## Pablo ùi meaicōjeino Timoteore

(Hch 16.1-3)

**1** <sup>1</sup>Yu, Pablo, toivaicōjeivu apecure iyoca paperayocare. Yábu Jesús ùi yávaiye méne beorí coyucōjeimaracacu. Jūmenijicui meadaibi majare. Aru Jesucristo napini corede ñaibi majare caiye iye ùi mearo ñacauiyede. Ne coyucōjeimumu yu Jesús ùi yávaiye méne. <sup>2</sup>Mu, Timoteo, yu meaicōjeivu mure. Jáve jímacupe páyubu mu, mi ju aipe boje Jesúsre. Majepacu Jūmenijicui, maje jabocu Jesucristomaque, mearo ñacajacurí mure bojecubeda ùi me boje. Aru cōmaje ñroje jájacurí mure. Aru torojurí cure ñajacurí mure cārijimecava.

## Pablo ùi bueicōjemeno boro ámene

<sup>3</sup>Ñajacu mu yópe ji coyuiye bácupe mure ji nuiyede Macedonia ámicurijoborōi. Yu mauteicōjecacu mure Éfeso ámicurímaroi, mi ñajocare ñacuiyere ayu apevu nócavare ne bueiyede jáve ámene maje bueiyede jocarí. <sup>4</sup>Coyucōjemejacu náre ne

coyuiño mácarōre aru ne áruuidiyede néñecuva mácavu ne ámiá coapa. Ne nópe ñaiyede, jēniari jádama ne bajumia ye majibevva cainmua. Ne nópe ñaiyede, coreóvaivu buojabema na Jūmenijicui urōre náre ne ñarājiyede, yópe jaurore náre ju aivu baru Jesúsre.

<sup>5</sup>Ñaicōjecacu náre ji coyuiyere, ne urājiyere ayu apevare me ne dápiayequé “Boropatebevva yu”, ne arí dápiayequé aru jáve ne ju aiyequé Jesúsre. <sup>6</sup>Ubenita ina pōeva yópe ñabema na. Quéhora coyuvabu ubenita. <sup>7</sup>Bueiyurivabu na Jūmenijicui ñaicōjeiyede ùi coyuiye báquede Moisés bácu. Ubenita coreóvabema ne baju ne coyuiyede aru aipe aiyuede ne bueniduyede máre majidivupe.

<sup>8</sup>Coreóvaivabu maja méne Jūmenijicui ñaicōjeiyede ùi coyuiye báquede Moisés bácu, pōeva ne coreóvaru aipe teni Jūmenijicui coreóvare ñaiye báquede diede. <sup>9</sup>Coreóvaiye jaavu pōevare aipe teni Jūmenijicui coreóvare ñaiye báquede iye ñaicōjeiyede. Jūmenijicui coyurejaquemavu iye ñaicōjeiyede

Moisés báceure, jáđovacuyu dieque pöeva ne ámeina teiyede. Que baru ina pöeva boropatebevure Jümenijicui jáínore, ne ju aipe boje Jesúre, jaubevu náre iye đaicöjeiye. Quéhora ina ámeina teivure iye đaicöjeiyeque Jümenijicu jáđovaimi ne ámeina teiyede.

Ámeina teivu ne đaiye nópe paiye bu. Námu Jümenijicui đaicöjeiyede ju abeni đabevu. Puedabevubu Jümenijicure, ámeina đai vu. Námu Jümenijicui ubemara aru yurivu Jümenijicure máre. Námu boarı jaruvai vu népacure, aru népacore, aru apevure máre. 10 Námu curivu apevuque némarebucvu ámevuque, aru úmva ámeina đai vu ne baju apevu úmvaque. Námu návai vu pöevare, jínavivu náre yebacavure. Námu borocurivu aru “Coyucuyumu jáve”, ne arıburu yóbore borocurivu. Jümenijicu jáđovaimi úi đaicöjeiyeque caiye iye đare đaiyede copu ámenore iye buעיye méne jocarı.

11 Aru buevinu yu iyede jávene, coyucu Jümenijicui yávaiye me püeno baju méne, pöeva ne majınajiyere ayu aipe Jümenijicu meadıyure náre. Nai Jümenijicu meacu baju jári coreicöjeimi yure aru buEICöjeimi yure úi yávaiye méne.

**Pablo úi torojuede jıno Jümenijicure úi cömaje ároje jáiye boje**  
(Hch 8.3, 9.4-5)

12 Yu torojuede jíyubu maje jabocu Jesucristore, úi jáiye boje yure yópe úi úróre đayure. Que baru epeibi yure, ji memecacuyiye ayu úre. Aru parure đabi yure, ji buequiyere ayu úi yávaiye méne.

13 Yópe mearo đacaibi yure javede, ámeina úre yávayı báceureca, cujuıı nájine đayı báceureca úre ju aıvuıre, aru maucuvacu báceureca úre. Ubenita Jümenijicu cömaje ároje járejaquemavu yure, ji que đaiye boje caiye iyede coreóvabecupe, ji ju abe boje Jesúre cäreja. 14 Aru Jümenijicu püeno urarö mearo baju đacarejaquemavu yure. Úi mearo đacaiye boje yure bojecubeda, caride yu ju ayubu Jesucristore aru unu yu úre.

15 Jávetamu iye. Que baru ju aipe javuı caıvure iyede. Jesucristo darejaquemavu ijárvanı, meadıacuı ámeina teıvure. Aru yurecabu ámeina teıvucacu báce ámeıu baju caıvu püeno. 16 Ubenita Jümenijicu cömaje ároje járejaquemavu yure, Jesucristo úi jáđovaquiyere ayu aipe úi napıno urarö pöevare. Napınejaquemavu yure, ámeıu bajure caıvu apevu ámeina teıvu püeno, ji ju aquiye ayu úre. Que tenı jáđovaimi úi urarö napınore ina ji yóbocavu úre ju aıvu, ne cuvărájıye ayu járvanı cüımejáravu baquinóre, ne jáiyeđe úi meadıaiye báquede yure, ámeıu bajure.

17 Nai maje jabocu, cainımuı jaboteyure caıvure, pueđarájarevu úre aru mearore jínavarevu úre máre. Úrecabe arucu cainımuı. Úrecabe maje jámemu. Aru úrecabe Jümenijicu cüınácıra. Quédecabu.

18 Mu, Timoteo, jímacupe páyubu mu. Mure coyucöjeıvu yu pöevare ji bueiyeđe mure. Arıjacu apevu ne coyucaiye báquede mıra aipe vaiquíyede mure. Arucu dıede, parure đajacu mi úmene, memecacuı Jümenijicure yópe úi uröpe, apevu ne maucuvadedca mure, nopedca nai churara úi me áđamateıyepe boainoi. 19 Cainımuı ju ajacu Jesús úi yávaiyede méne jávene. Aru, “Boropatebevı yu”, arı dápiarı, cujacu mu. Apevu pöeva meateıyubema ne boropateiyede. Quéhora ju adama apeno bueno jáve ámenore. Aru đajocadama ne ju aipe báquede Jesúre. 20 Pıcará úmva cıma nópe đai vu, ne ámiá Himeneo aru Alejandro. Jave jícacu náre nai abıjuvai jabocu Satanáre, ne coreóvarájıyepe ayu ámeina yávaiye jaubede náre Jümenijicure.

**Pablo úi bueno aipe jėniainore Jümenijicuque**  
(Mt 20.28; Mr 10.45; Gá 1.4; 2 Ti 1.11; Tit 2.14; 1 P 3.3)

2 1 Mamarımıre yu coyııııvuı mure iyede. Caıvu Jesúre ju aıpöeva coyıjararı Jümenijicure náre javéde, aru apevure javéde máre. Yópe đarı

jíjarāri torojuede máre Jūmenijicure aru jēniajarari na Jūmenijicuque caivũ pōevare boje máre. <sup>2</sup>Jēniajarari Jūmenijicuque jabovare aru caivũ ina cōjeipōevare máre, maje curājiyepe aivũ me, maucuvabevũva aru carijimevũva máre. Que teni mearore jīni Jūmenijicure aru pueđarī ajevũ pōevare curājaramu maja me. <sup>3</sup>Maje jēniaiye Jūmenijicuque meavũ ajevũre, aru cojuvũ Jūmenijicure, majare meadayure. <sup>4</sup>Ūre cojuvũ ũi ne boje caivũ pōeva ũi meadaimara mārājivũre aru coreóvarājivũre máre ũi yávaiyede jāvene.

<sup>5</sup>Cūinácũrabe ñai Jūmenijicu. Aru cūinácũrabe ñai pōevare meara cure đayũ Jūmenijicui jāinore. Ñai meadāipōescu ũrecabe Jesucristo. Ūvacaribe ũmũ. <sup>6</sup>Boarī jarũvaicōjenejaquemavũ ũi bajure, pōeva ne āmeina teiye boje, bojedacacũyũ caivũre, Jūmenijicu jina marājiyépe ayũ. Ūi que đaiye báque boje Jūmenijicui beoijāravũ bācarōi, jáđovarejaquemavũ Jūmenijicu meadāiyũcure caivũ pōevare.

<sup>7</sup>Aru Jesús epedejame yũre ũre coyũcaipōescũva aru ũi yávaiye méne beorī coyũicōjeimũva máre, jī coyũquiyepe ayũ ũi yávaiye méne. Ūi bueicōjenejame yũre ina judíova ānevũre iye yávaiyede jāvene, ne ju arājiyepe ayũ ũre. Coyũivũ mũre jāve. Yũ borocubevũ.

<sup>8</sup>Yũ ũvũ ũmũva ne jēniarājiyepe ayũ Jūmenijicure cainoa ne cōjijinoai, jāmũóri ne purũáre āmenore đabevũva. Quénora memecajarāri Jūmenijicure. Jarabejarāri ajevũre. Aru jāve napini corejarāri Jūmenijicui ju aquinore ne jēniaiyede.

<sup>9</sup>Aru yũ ũvũ nomiva ne dorājiyepe ayũ ne doiyede yópe nomiva meara ne doiyepere. Dobejarāri yópe āmenape, ajevũ ne jārājiyepe aivũ náre. Quénora doarāri ne cuitótecajearre yópe Jūmenijicure cojuépe. Que teni đabejarāri ne pođaque cāoidũ āmeno baju. Aru adabejarāri cámuca

yuyuyeyede aru āmuyo adaitarabuarre máre cūrājiboa bojecurijiboaque aru úruque máre. Dobejarāri cuitótecajearre bojecuricajearre máre, ajevũ ne jārājiyepe aivũ náre. <sup>10</sup>Ūbenita đajarāri yópe nomiva Jūmenijicure urivũre, ajevũ ne jārājiyepe aivũ náre ne cadateiye boje me ajevũre.

<sup>11</sup>Jūmenijicui yávaiyede bueiyedeca, caivũ nomiva me jāpiarī, majijarāri iye bueiyede bídeca coyũbevũva. Aru pueđajarāri caivũ náre cōjeivũre máre. <sup>12</sup>Yũ nomivare bueicōjemevũ ũmũvare. Aru yũ nomivare máre jaboteicōjemevũ ũmũvare. Quénora bi ajarāri na, nomiva. <sup>13</sup>Yũ đaicōjeivũ náre nópe, Jūmenijicui cuedāiye báque boje Adán mácure mamarũmũre aru Eva bácore ũi yóboi. <sup>14</sup>Aru yũ máre đaicōjeivũ náre nópe, Adán mácure abujuvai jabocui jujovabe báque boje. Ūbenita Eva báco abujuvai jabocui jujovaimo máco barejaquemavũ ō. Que baru ico nomió vainí tũrejaquemavũ Jūmenijicui đaicōjeiye báquede. <sup>15</sup>Ūbenita nomiva meadaimara mārājivũbu, me ne bucúováiyepere boje némarare yópe Jūmenijicui urópe, na cainũmua ju aivũ baru Jūmenijicui yávaiye méne, aru urivũ baru ajevũre máre, aru memecaivũ baru Jūmenijicure me.

### Aipe đaiye jaũrō Jesúre ju aivũre coreipōevare

(Tit 1.6-9)

**3** <sup>1</sup>Jāvetamu iye. Ñai pōescu coreiyũcũ baru Jesúre ju aipōevare, ũ memecaiyũbi me Jūmenijicure. Que baru mearomu ũi đaiyũrō. <sup>2</sup>Ñai coreiyũcũ Jesúre ju aipōevare đaiye jaũvũ ũre cainũmua yópe pōeva “Āmecube ñai”, ne boro coyũrī adāivũ bũojabenājiyepe aiyepere ũi borore. Aru đaiye jaũvũ ũre cainũmua yópe pōeva ne jáđovamenājiyepe aiyepere ũi āmeina teiyede. Jaũvũ ũre máre ũi cũvaquiyepe jĩmarepaco cūinácũra. Coreiye jaũvũ ũre me ũi đaiyede. Aru đaiye jaũvũ ũre majiéque. Đaiye jaũvũ ũre yópe pōeva ne pueđaimũre. Me corũ etarī

jacoñiye jañvu ére ina curádaivure. Aru me bueiye jañvu ére ùi coreimarare máre. <sup>3</sup>Úcumejacurí pacotede ðaiyede. Aru ádamateiyubejacurí. Quéñora meacu pōescu bajacurí. Aru jarabecurí. Tātuturare jecubeni, diede pare urí vore ñmejacurí. Aru áujimejacurí apevu ne cūvaede. <sup>4-5</sup>Ñai ùmu buojabecu baru jaboteyu ùi cūramicavure, jāve buojabecube coreyu Jūmenijicui cūramicavure, Jesúre ju aipōevare. Que baru jañvu ére ùi jaboteiye me ùi cūramicavure, mamara ne ju arājiyepe aipe ére aru ne pueðarājiyepe aipe máre cainūma. <sup>6</sup>Cūinācu ùmu mama ju ayu Jesúre corebejacurí apevu Jesúre ju aipōevare, “¿Meacu bārica yu apevu pñeno?” arí dápiabescu. Ùi que aru, Jūmenijicu “Ñájicuyumu mu”, ajebu ére nópe “Ñájicuyumu mu”, ùi aipe báquepedeca ñai abujuvai jabocure. <sup>7</sup>Aru ñai Jesúre ju aivure coreipōescure ðaiye jañvu cainūma yópe ina Jesúre ju abevu ne me yávarājiyepe aipe úra. Ùi ména ðabedu ina ju abevu ámeina yávarājarama úra. Que teni vainí tucuyume ére ñai abujuvai jabocu ùi jujovaiyeque. Ñai abujuvai jabocu jēcuyume ére popedeca doriñu jēiyepe moacure.

**Aipe ðaiye jañvō Jesúre ju aivure caðateipōevare**

<sup>8</sup>Quédeca ina Jesúre ju aivure caðateipōeva máre, jañvu náre ne mearo ðaiye cainūma. Jañvu náre ne ðaiye yópe pōeva ne pueðaimarape, aru ne yávaiye máre jāve caivure jujovabevu. Úrarō úcuiyede úcumejararí na pu ne pacotede ðaiyeta. Aru vorí eabejararí na tātuturare ámei dápiaiyeque. <sup>9</sup>Jañvu náre ne ju aipe jāve “Boropatebevu yu”, ne arí dápiaiyeque iye bueiyeðe jāvene, Jūmenijicui jáðovameno mácarōre jipocamia ubenita jáðovainore caride. <sup>10</sup>Apevu járarama ne cuede. Aru náre ámeina teiyede jámenu, memecajararí na Jesúre ju aivure caðateipōevape. <sup>11</sup>Quédeca ina nomiva Jesúre ju aipōevare caðateinomiva

máre, jañvu náre ne mearo ðaiye cainūma, yópe pōeva ne pueðaimarape. Yávabejararí borocuede apevu borore. Corejararí me ne ðaiyede máre. Jañvu náre máre ne buojaiye me caiye ne memeiyeðe. <sup>12</sup>Jañvu ina Jesúre ju aivure caðateipōevare ne cuvarājiyepe némarepacova cūinācora. Aru jañvu náre ne jaboteiye me némarare aru caivu ne cūramicavure máre. <sup>13</sup>Que teni ina Jesúre ju aivure caðateipōeva ne memecaru me, pōeva pueðarājarama náre. Que baru nácapūravu buojarājarama coyuivu jidubevu aipe ne ju aiyede maje jabocu Jesucristore.

**Jūmenijicu ùi jáðovameno mácarōre jipocamia coyuino**

<sup>14-15</sup>Jáscññiyuvu yu mure maumena. Ubenita caride toivaicōjeivu apesure mure yo paperayocare, ji járobedu mi majiquiyepe ayu aipe ðaiye jañvōre ne bajumia Jūmenijicui pōevare, Jesúre ju aipōevare, ñai Jūmenijicu apucu jinare. Nácapūravu coyuuyama Jūmenijicui yávaiyede ùi toivaicōjeiye báquede ne bajumia. Aru buedama apevure parurōreca diede máre. <sup>16</sup>Jāve pñeno métamu iye bueiye jāve, Jūmenijicui jáðovameno mácarō jipocamia ubenita jáðovaino caride, maje majinaijiyepe aipe aipe ðarí carājivu meara Jūmenijicui jáinore. Yópe arí, coyuivubu maja:

Cristo jároreraquemavu ijāravni pōescure. Aru ñai Espiritu Santo jáðovarejaquemavu úre pñeno meacu bajure. Ina ángeleva járejaquemavu ére. Pōeva coyurejaquemavu ùi borore caivu joborōcavure. Ijāravucavu ju arejaquemavu ére. Aru Jūmenijicu muvarejaquemavu ére cavarō mearo ùi curōi, arí coyuivubu maja.

**Ina dajocaiyu ne ju aipe báquede Jesúre**

**4** <sup>1</sup>Ñai Espiritu Santo jāve coyuibi buojaijāravu apevu Jesúre ju aipōeva mácavu ðajocarājivure ne ju

aiye báquede. Que teni jápiarājarama na abujuvare ne bueiye, ina jujovaiyurivure pōevare ne bueiye jāve āmeque. <sup>2</sup>Buede đarājarama pōeva borocurivure. Que teni jujovarājarama pōevare ne bueiye jāve āmeque. Ina buei pōeva coreóvarājarama ne bueiye jāve āmene. Ūbenita ye chīomenajarama ne jujovaiyede, “Boropatebevu yu”, ne arī dápíabe boje. <sup>3</sup>Yópe arī, buenajarama na: “Purubnobejarā mja” aru “Āmejara mja apejīe āiyede”. Ne nópe bueiye meamevu. Caiye maje āiyede cuedarejaquemavu Jūmenijicu, Jesúre ju aipōeva, ūi yávaiyede jāvene majidivu, torojuede jíni ūre, ne ārajipe ayu diede. <sup>4</sup>Que baru caiye iye Jūmenijicui cuedaiye báquede maje āru, mearotamu. Maje torojuede jídu ūre maje jacopuiyede ūi cuedacaiyede majare, jaruvaiye jaubevu diede majare cainmua. <sup>5</sup>Jūmenijicui yávaiyede ūi toivaicōjeiye báque boje aru maje jēniaiye boje ūque máre, jívubu mearore ūre. Jūmenijicu me jáñme diede.

#### Aipe đarí Jesucristore memecayu me

<sup>6</sup>Mu coyuy baru yópe ji toivaicōjeiye apecure ina Jesúre ju aipōevare, mi baju máre bueiye deca iye yávaiye méne mi ju aríburu yóboi Jesúre aru caride máre, meacu memecapōecu bacuyumu mu Jesucristore. <sup>7</sup>Ūbenita jápiabejacu iye ijāravuque coyuiyede pue dabe de Jūmenijicure aru ārumene máre. Qué nora buejacu mi baju, pue dacyu Jūmenijicure pueno baju mi đaiye que cainmua. <sup>8</sup>Pōecu ūi parure đaru ūi bajure, qujino mearomu ūre. Ūbenita pōecu ūi parure đaru ūi ūmene, urarō mearomu ūre. Ūi bajui paruru, mearomu ūre ijāravumiata. Ūbenita ūi ūmei paruru, urarō mearomu ūre ijāravure aru daquijāravu baquinóre máre. <sup>9</sup>Jāvetamu iye. Que baru ju aiye javvu diede caivure. <sup>10</sup>Que baru memeivubu maja pu ūetivuvacari, maje napini coreiye boje Jūmenijicui cađatequiyede majare. Yópe coreivubu Jūmenijicui apue boje aru ūi buojaiye

boje meadayu caivu pōevare máre. Que baru Jūmenijicu meadacyume caivu ina ju aivure Jesúre. <sup>11</sup>Iye ji coyuiyede mure, nopedeca buejacu aru đaicōjejacu.

<sup>12</sup>Pōevare pue dabe de đabejacu mi bojué boje. Qué nora yávajacu me. Mearo đajacu máre. Aru ūjacu arevure. Ju ajacu Jesúre máre. Aru āmeno đabejacu. Que teni pōevare pue dabe de đajacu mure, mi jáđovaiye boje náre aipe đaiye jaurore caivu Jesúre ju aipōevare. <sup>13</sup>Caride aru pu ji eaiyeta ūetubecvu jári borotejacu pōevare Jūmenijicui yávaiyede ūi toivaicōjeiye báquede. Coyujacu aipe đaiye jaurore náre. Aru buejacu náre máre. <sup>14</sup>Ārujacu Jūmenijicui majiéde, ūi jíye báquede bojecubeda mure javede, ina Jesúre ju aivure coreipōeva ne coyucaiye báquede mura aipe vaiquiyede mure, aru ne tuiyede báquede mi jipoburā ne puruáque. Āruri dajocabejacu đayu yópe mi majiéque Jūmenijicui jíye báquede mure.

<sup>15</sup>Me dápíajacu caiye iye ji coyuiyede mure. Caijāravu pueno đajacu yópe ji coyuiyede, pōeva mure jári ne majinajipe ayu đayure yópe mi coyuiyede. <sup>16</sup>Me jájacu mi đaiyede. Aru buejacu yávaiyede jāvene máre. Nópe đajacu cainmua. Que teyu mi baju meadacyumu mu. Aru meadacyumu mu ina jápiaivure mi bueiye de máre.

#### Aipe đaiye jauro Jesúre ju aipōeva que

(Mt 10.10, 18.16; Lc 10.7; 1 Co 9.9)

**5** <sup>1</sup>Jarabejacu mu ina ūmva bucuvare. Qué nora coyujacu me aipe đaiye jaurore náre, nopedeca mipacure mi coyuiyede. Ina ūmva bojvure máre, coyujacu nopedeca míyovare mi coyuiyede. <sup>2</sup>Ina nomiva bucuvare máre, coyujacu nopedeca mipacore mi coyuiyede. Ina nomiva bojvure máre, coyujacu nopedeca míyorovare mi coyuiyede. Aru cainmua āmeno đabejacu náque.

<sup>3</sup>Pue dajacu ina nomípeva cūinacova curivure némara aru népāramena máre cubevure. Jáve cōmaje ārojarivubu na. Que baru cađatejacu náre javéde.

<sup>4</sup>Ûbenita ico nomiópecoi mamara curivü baru o jípāramena máre curivü baru, jaüvü náre ne cadateiye óre. Que baru napini corebejarāri ina Jesúre jü aipõevare ne cadatenajiyeye aivü népacore o néñecore máre. Quénora jíjarāri na óre jauéde. Oi me jári coreiye boje náre jueðovare cāreja, ò bucúco caride, óre jári coreiye jaüvü náre. Que teni Jümenijicu me jáññume ina pøeva jári coreivüre me nébucüvare. <sup>5</sup>Ûbenita ico nomiópeco cüináxico cucó, óre jári coreipõecu cuvabeco, napini coreibico ò Jümenijicu cadatecüyure óre. Que baru jēniadome úre cainumua, üi cadatequiyeye ado óre jārāvüre aru ñamine máre. <sup>6</sup>Ûbenita ico nomiópeco torojüve teiyede vodore, cadatebejacu óre. Que teni ò arüibico òi baju. Ûbenita yayíó bácope páðobe òi ümene Jümenijicui jáinore. <sup>7</sup>Ðaicõjejacu mü ina Jesúre jü aipõevare yópe ji coyüiyeye. Que teni apevü buojabenama ámeina yávaivü ne borore. <sup>8</sup>Ina jü abevüvacari júna ne bucüvare jauéde. Que baru cüinácu Jesúre jü aipõecu jíbecu baru ü jivüre aru üi cüramicavüre máre náre jauéde, úcapüravü ámecü bajube jü abevü püeno.

<sup>9</sup>Mi toivarí cüvarõre ne ámiäre ina nomiópevare, toivajacu ico nomiópeco sesenta paijúna püeno cüvacore jári baju, aru cüinácura ümücúco bácore ðajocabecova úre, Jesúre jü aipõeva ne cadatenajiyeye ayü. <sup>10</sup>Pøeva ne pueðaimo majacóri ò. Coyüjarāri na òi borore, “Ico nomiópeco mearo ðaibico ò”. Jaüvü óre òi bucúóvayie báque me mamarare, aru òi copü etaiye báque curádaivüre, òi joaiye báque Jümenijicui pøevai cübobare, aru òi cadateiye báque cõmaje árojarivüre máre. Que teni jaüvü óre òi mearo ðacaiye apevüre cainumua.

<sup>11</sup>Ûbenita toivabejacu ne ámiäre, Jesúre jü aipõeva ne cadatebenajiyeye ayü ina nomiópeva bojurõmivare. Ina pürübñoiyürivü baru apecüque, ðajocarājarama ne memecaiyede Jesucristore. <sup>12</sup>Que teni ðabenajarama yópe “Yü bácojivü memecado”, ne

aiye báquepe Jesucristore. <sup>13</sup>Aru ina nomiópeva bojurõmiva júracurivü, cüre cuyama cüramia coapa. Borore coyürí jioðama na. Cārijovaðama pøevare. Aru borotedama boroteiye jaubede máre. <sup>14</sup>Que baru yü üvü ina nomiópeva bojurõmivare ne pürübñoiü jüedocüvarājiyeye ayü jári coreivüva ne cüramiare. Que teiyede maje maucü buojabecübe ámeina yávayü Jesúre jü aipõeva ne borore. <sup>15</sup>Javede apevü nomiópeva ðajocaquemavü ne jü aiye báquede Jesúre. Que teni memecadama ñai abujuvai jabocü Satanáre. Que baru que aivü yü müre.

<sup>16</sup>Cüináco nomió Jesúre jü ado cüvaco baru nomiópevare ò jivü jēneboi, cadateiye jaüvü óre, ina Jesúre jü aipõevare cadateiye jaubequiyeye aiye náre. Nópe ðaiyede ina Jesúre jü aipõeva jáve cadatenajarama ina nomiópevare, ñame ne cadatebemarare jáve cõmaje árojarivüre.

<sup>17</sup>Ina Jesúre jü aipõeva urarõ pueðajarāri náre ina coreipõevare, ne jaboteiye boje náre. Aru ina Jesúre jü aivüre coreipõeva bueivüre aru coyüivüre máre Jümenijicui yávaiye méne püeno baju pueðajarāri aru bojedajarāri náre ména.

<sup>18</sup>Que baru yópe arí Jümenijicu toivaicõjeneaquemavü üi yávaiyede: “Ñai oteiáimacu uracu memecayüre müjare, buobekarā úre üi jijecamure, üi ámequiyeye aivü úre üi cüocaiyedeca müjare müje oteiyaabeare, üi curaiyede diede”. Que baru üi áiye memeiye bojepebu. Aru, “Memecaipõecüre bojedaiye jaüvü üi memeinore”, arí toivaicõjeneaquemavü. Que baru me bojedajarā müja ina müjare bueivüre.

<sup>19</sup>Cüinácu pøecu üi boro coyürí adaru cüinácu Jesúre jü aivüre coreipõecüre, jápiarí adabejacu mü üi coyüiyede. Ûbenita pücarā o yóbecurā majidivü bácvü üi ámeina teiye báqueda ne boro coyürí adaru úre, jápiarí adajacu mü ne boro coyüiyede. <sup>20</sup>Aru jarajacu úre caivü apevü Jesúre jü aipõeva ne jáinoi, ne jidurājiyeye ayü ðarājivü ámeno

úpe. <sup>21</sup>Iye ji toivaicōjeiyede apesure mure Jūmenijicu, aru Jesucristo, aru ina ángeleva meara baju máre majima. Que baru ne jáinoi ju aicōjeivū mure ji ðaicōjeiyede. Que baru arī dápiajebacu mi baju apesu ámeina ðayure ũi coyūquiye jipocai. Aru jámejacu ũbenina apesu measure apesu pueno.

<sup>22</sup>Dápiabescuva, mi puruáque tñorī, epebejacu apesure Jesucristore memecaipōescure. Mu que ðayū baru, aru ũi ámeina tedu, múvacari ju ajebu ũi ámeina teiyede. Que baru apévare ámeno ðare ðabejacu mu. Aru múvacari ámenore ðabejacu cainnuma.

<sup>23</sup>Apennuma mure yapibu ijié boje, ũcumejacu oco matuiyeda. Quénora ũcujacu apesoro vino úyaicorore, juocuyū mi bajure.

<sup>24</sup>Apevu pōevare, ne nájinajiye jipocamia, caivu javede jádama ne ámeina teiyede. ũbenita apévū pōeva ámeina tedama yavenina. Que teni pu ne nájinajijāravū baquinó eaiyeta apévū jámenama ne ámeina teiyede. <sup>25</sup>Quédeca apévū pōeva mearo ðadama caivu ne jáiyede. Aru caivu coreóvadama aipe ne mearo ðaiyede. ũbenita apévū pōeva mearo ðadama yavenina. ũbenita yaveni ðaivu buojabenama na cainnuma. Quénora cūinájāravū baquinóī apévū coreóvarājarama aipe ne mearo ðaiyede.

**6** <sup>1</sup>Caivu Jesúre ju aipōeva memecaivure pueðaiye javū ne jabocūre cainnuma, apévū ne ámeina yāvabenajiyere aivu Jūmenijicure aru maje bueiyede máre. <sup>2</sup>Aru apévū memecaivu baru Jesúre ju aipōevare, ðajocabejarāri ne pueðaiyede náre, ne ju aipe boje nápe. Quénora pueno mearo baju memecajarāri náre, ne ju aipe boje Jesúre aru Jūmenijicūi ũe boje náre.

**Maje bojecue jáve**  
(He 13.5)

<sup>3</sup>Maje jabocū Jesucristo bueibi majare jáve, maje majinajiyere ayū aipe ðaiye javrōre majare, maje curājiyere ayū yópe Jūmenijicūi urōpe.

ũbenita apévū curivūbu, ju abevū Jesús ũi bueiyede. Quénora bueivūbu na ape bueiyede jáve ámene. <sup>4</sup>Ina pōeva dápiaivūbu ne baju mearape apévū pueno. ũbenita ye majibema na. Jēniari jáiyurivūbu ũbenina ne bajumia. Aru jaraivūbu ne bajumia aipe aiyurōre ne yávaicamuaque. Ne que ðaiye boje, pōeva jorojivūbu, aru jaraivūbu, yávaivūbu borocuede apévūi borore, aru “Ámeina ðaiyūbi yure”, arī dápiaivūbu apévūi borore. <sup>5</sup>Que teni ina ne dápiaino ámenoque cārijovaiyūbu ne bajumia aru ðajocabevū ne jaraiyede ne bajumia, ne jaruvaiye boje iye bueiyede jávene. Ina pōeva bueiyurivūbu Jūmenijicūi yāvaiyede, inajivū urarō ne bojeva. Coatejacu náre jaruvārī. <sup>6</sup>Jāve Jūmenijicūi yāvaiyede bueiyere pare bojecuebu pōevare, ũbenita ina torojurivure ne cuvaequeda. <sup>7</sup>Davabedejaquemavū maja maje cūveva ijāravure. Aru buojabenamu nūvaivū maje cūveva ijāravure jocarī. <sup>8</sup>Que baru maje cūvaru maje áiyeva aru maje cuitótecajeva máre, meaquiye bu majare. <sup>9</sup>ũbenita apévū urivūbu ne cūveva. Que baru nāi abujuvai jabocū jujovayūbe náre, ne ámeina tenajiyere ayū, cūvarājivū cūvede. Que teni ũ jēñume náre yópe nñoibo jēiyere áimacure. Árumevure vore cuivūbu cūvede. Que teni ámeno ðaivūbu ne baju aru apévure máre. Bjárre ðaivūbu ne baju Jūmenijicure jocarī. Aru nájinajivūbu na. <sup>10</sup>Pōeva ne ũe boje tātuturare, ðadama caiye ámenoquede, cūvarājivū diede. Apévū pōeva cuma, ne ju aipe báquede Jesúre jaruvaiyū bācavū, cūvarājivū tātuturare. Aru caride chīori nájina na.

**Jūmenijicu jiede ðajarā ámene**  
**ðabevūva**  
(Jn 18.37)

<sup>11</sup>Mu Jūmenijicūi pōescūbu. ũre memecayūbu mu. Que baru ðabejacu caiye iye ámeina teiyede yópe ji coyūiyere. Pueno baju ðajacu cainnuma, mearo ðacuyū Jūmenijicūi jáinoi, pueðacuyū ũre, ju acuyū Jesús ũi

yávaiye méne, ucuyu pōevare, napiscuyu mi ñájiyede, aru meacu pōescupe scucuyu apenvue. <sup>12</sup>Jūmenijicu cutuquemavü müre, mi scūquiyere ayü me ñi urōpe aru mi cūvaquiyere ayü jāravü cūiméjāravü baquinóre. Dijāravü bācarō, Jūmenijicui müre cutuijāravü bācarōi, mávacari úre ju ávü obedivü ne jáiyede. Que baru pueno baju ñajacu, scucuyu yópe mi ju aiyepe Jesúre, aru scūvacuyu jāravü cūiméjāravü baquinóre máre.

<sup>13</sup>Caride yu ñaicōjeivü müre Jūmenijicu, cure ñayü caivüre, aru Jesucristo máre, coyuyü bácu Jūmenijicui yávaiye méne Poncio Pilato bácu, ne jápaiyede.

<sup>14</sup>Ju aicōjeivü müre iye ji ñaicōjeiyede. Ñaiye javü müre caiyede yópe ji coyuiyere. Apeñiene árumetebejacu mü. Aru oatvabejacu mü iye ji ñaicōjeiyede müre. Que teni ñame buojabecube ámeina yávayü müre mi ñaiyede. Nópe ñajacu mü cainüma pü maje jabocu Jesucristoi copaidaiyeta. <sup>15</sup>Jūmenijicu járore ñacuyüme Cristore meajāravü ñi beojāravü baquinóre. Ú parucu pueno baju cūinácüra jaboteyübe caivüre aru caiyede máre. Que baru meacu bajube Jūmenijicu. Úrecabe jaboteyü caivü apenvü jbovare. Aru úrecabe çōjeñü caivü apenvü cōjeivüre máre. <sup>16</sup>Úrecabe cūinácüra yaibécu ñi baju. Ú scucu miadáro mearoi, noi pōeva joabenoí nuri buojabema. Úrecabe pōevai jámemü javede aru caride máre. Ñame buojabecube jáñü úre cainüma. Caivü pueðajarári Jūmenijicure aru jabotejacurí ü cainüma. Quédecabu.

<sup>17</sup>Aru ina cuve scūvarivü ijāravüquede yópe arí, coyüjacu náre: “Dápiabejará müja mearape apenvü pueno”, ajacu náre. Aru, “Ñüje cuve scūvae boje, napini coreivübu ñüja”, arí dápiabejarári na. Que baru ijāravüquede cuve cūiquiyebu. Aru ñame buojabebi majicu aipino joe scūquiyede diede. Quénora náre napini coreicōjejacu Jūmenijicure. Úrecabe jíyü majare urarō baju caiyede, maje torojurájiyere ayü. <sup>18</sup>Ina cuve scūvarivüre ñaicōjejacu me apenvüre. Jecübevüna jícōjejacu náre ne scūvaequede, ne coapavarájiyere ayü cōmaje árojarivüre, caðatenajivü náre. <sup>19</sup>Nópe ne caðateiye boje apenvüre, scūvarájarama na coapa ne bojedarájiyede daquijāravü baquinóre cavarō mearo Jūmenijicui curōi. Jáve torojurivü ne úmei scūvarájarama na jāravü cūiméjāravü baquinóre.

**Pablo üi cōjeino Timoteore  
yóbocarō baju**

<sup>20</sup>Mü, Timoteo, Jūmenijicu epeibi müre, mi coyūquiyere ayü iye Jesús üi yávaiye méne. Jápiabejacu iye coyuiyede pueðabenore Jūmenijicure aru árumenore máre. Jápiabejacu iye bueiyede jáve ámene. Ina pōeva borocurivü bueniduyama majidivüre. “Me majivü ñüja. Ñüje bueiyé javemu”, aríduyama. Úbenita majibema na. <sup>21</sup>Aru apenvü yópe bueivü, javede ñajocadama ne ju aiye báquede Jesúre. Jūmenijicu mearo ñajajacurí caivü müjare bojecubeda üi me boje. Quénoramü.



## 2 Timoteo

Mamabuinore coyuiyebu Pablo bácu ùi toivaicōjeiye báquede yóbocayoca paperayocare Timoteo bácu. Pablo bácu judíovacacu bácuvacari, Jesús ùi yávaiye méne beorí coyucōjeimu marejaquémavu, соуусуу ùi yávaiye méne judíova ãnevare, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Caiye apoyoca doce paiyoca Pablo bácu toivaicōjeiyoca ùre toivacaipōecu bácu ùi paperayoca curiyocare Majepacu Jūmenijicui yávaiye mamaene coyuitucubo jívui javede toivaicōjenejaquemavu ùi toivaicōjeiquyede jipocare diyoca ùi buojaiyocare. Pablo bácu coyurejaquemavu ùre toivacaipōecu bácu aipe ùi toivacaquiyé báquede diyocare. Toivaicōjenejaquemavu diyocare ãniñju bácarōre 64 d.C., ùi cuede ãmeina teivure jēni jacoñami Roma ãmicuriimaroi, ùi yaiquíye jipojicai. Dinumure Lucas bácu quécu dajocabedejaquemavu Pablo bácu (4:11).

Pablo bácu toivaicōjenejaquemavu diyocare ùi coreóvayede maume jabova ne boarí jaruvaquimure. Parure ñaiyurejaquemavu Timoteo bácu ùi ùmei aru ñaicōjenejaquemavu aipe ñaiye jaurōre ù mácu (1:3-14, 2:1-13, 3:14-4:2, 5). Jári coreicōjenejaquemavu ù mácu apavu ne bueiye jáve ãmene (1:15-18, 2:14-3:9, 4:3-4). Coyurejaquemavu aipe vaiye báquede ù mácu (3:10-13, 4:6-8, 14-18). Aru ñaicōjenejaquemavu Timoteo bácu Marcos bácu ùi yebai ùi cuveque (4:9-13, 21).

### Pablo ùi meaicōjeino Timoteore

(Hch 16.1; 1 Ti 1.2)

**1** <sup>1</sup>Yu, Pablo, toivaicōjeivu apecure iyoca paperayocare. Yábu Jesús ùi yávaiye méne beorí coyucōjeimaracacu. Jūmenijicu ùbi ji coyuiyede pōevare, ne majinajiyepa ayu ù cure ñacuyure caivu ina Jesúre ju aipōevare Jesucristoque járavu cūiméjáravu baquinóre. <sup>2</sup>Mu, Timoteo, yu meaicōjeivu mure, ji umure, jímacu páyure. Majepacu Jūmenijicu, maje jabocu Jesucristomaque, mearo ñacajacurí mure bojecubeda ùi me boje. Aru cōmaje ñroje jájacurí mure. Aru torojurí cure ñajacurí mure cārijimecava.

### Pablo ùi coyuíno pōevare Cristorã

(Hch 16.1; 1 Ti 2.7)

<sup>3</sup>Yu torojuede jívu Jūmenijicure, ji memecaimure, “Boropatebevu yu”, ji arí ñápaiyeque, nópe jíñecuva mácavu máre ne ùre memecaiye báquedepeda. Ji jēnaiyedeca Jūmenijicure járavure aru ñamine máre ãgvu mure caipumna.

<sup>4</sup>Ágvu mi oiye báquede. Que baru uraró jáiyvu mure cojedeca, torojucuyu ji baju. <sup>5</sup>Ágvucu yu mi ju aiye báquede Jesúre jáve. Mamarumure míñeco Loida aru mipaco Eunice máre ju arejaima Jesúre. Aru jáve majivu yu mure máre ju ayure ùre.

<sup>6</sup>Que baru ñaicōjeivu mure Jūmenijicui jíye báquede bojecubeda ji tuoiyede mure ji puruáque mi jipoburã, mi ñaiyepa ayu yópe Jūmenijicui urópe. <sup>7</sup>Aru Jūmenijicu daroibi majare ñai Espiritu Santore. Ù jidure ñabecube majare. Quénora parure ñaibi majare, maje ùmei memecarãjiyepa ayu me Jūmenijicure. Ùre ñaibi majare Jūmenijicure aru pōevare máre. Aru majide ñaibi majare maje oaburí coreivu maje bajure coreóvaivava me.

<sup>8</sup>Que baru cuyebajacu mu iye maje coyuiyede maje jabocu Jesucristorã. Aru cuyebajacu yure máre, buoimu cucureca ùre boje. Quénora yávacari ñájiyubecu ãmevu ji coyuiye boje Jesús ùi yávaiye méne, mu máre ñájiyubecu cūbejacu

mi coyuiye boje Jesús ùi yávaiye méne. Napijacu mi ñájiyede Jūmenijicui paruéque. <sup>9</sup>Jūmenijicui meadaibi majare aru cutuibi majare máre, maje meara baju barájiyépe ayu. Òbenita die boje maja memecabevu úre. Quénora Jūmenijicui mearo ðacaibi majare bojecubeda nópe ùi ðaiyue boje. Javede ijáravu báquiye jipocai, Jūmenijicui majidejaquemavu meadacuyure majare Jesucristoi ðacaquiye boje. <sup>10</sup>Aru ñai meadaipóescu Jesucristo ùi daiye báquede ijáravui, Jūmenijicui jádovaimi ùi mearo ðacaiye bojecubeda majare. Jesucristo ámei vaibéde ðaibi majare maje yaijuroede. Que baru yaidé ðainore jidué jaubevu majare. Aru Jūmenijicui jádovaimi maje ju aiyede Jesús ùi yávaiye méne cūvarájiyure járavu cūiméjāravu baquinóre aru apebaju pojebebajure máre.

<sup>11</sup>Yúvacari Jūmenijicui epeimumu, soyucuyu Jesús ùi yávaiye méne aru buescuyu pōevare diede máre. Que baru Jesús ùi yávaiye méne beorí soyucōjeimumu yu. <sup>12</sup>Que baru ñájiyu yu caride buoimure. Òbenita cūyojarō cūbevu yure. Que baru coreóvaivu yu ñai Jesucristore, ji ju aimure. Aru jáve bíjaroicōjemescuyume ù iye ji memecaiye báquede úre cainumna. Que majivu yu jáve.

<sup>13</sup>Cainumna soyujacu mu iye yávaiyede jávene cūináturu ji soyuiyere mi jápaiye báquede. Ju ajacu Jesúsre. Aru újacu Jūmenijicure, pōevare máre, mi cūe boje Jesucristo que cūinávure. <sup>14</sup>Jūmenijicui soyucōjeimi mure iye yávaiye méne, apevu ne oatavabenajiyere ayu diede. Ñai Espiritu Santo múque cūcu cadatecuyume mure, me mi soyuquiye ayu Jūmenijicui yávaiye méne.

<sup>15</sup>Mu coreóvaivu caivu ina Jesúsre ju aipōeva Asia ámicurijoborōcavu javede ðajocavure yure, aru pūcarā nácavu ne ámiá Figelo aru Hermógenes máre. <sup>16-17</sup>Òbenita Onesíforocapūravu ùi edaiyede Roma ámicuríimaroí, cūiná vore cuquemavu ñetubescuva pu yure

earíta. Aru obedijāravua torojure ðáme yure, cūyojarō cure ðabecu ji cuede ne buoimure. Que baru cōmaje āroje jájacurí maje jabocu Jesucristo Onesíforo jivure. <sup>18</sup>Múvacari coreóvaivu me aipe Onesíforo ùi cadateye báquede urarō majare, cūrivu bācavure Éfeso ámicuríimaroí. Que baru ánijāravu, Jūmenijicui ñájiyoaquiijāravu baquinóre pōevare, ne ámeina teiye boje, cōmaje āroje jájacurí Onesíforore máre.

#### Jesucristoi churara meacu

(Mt 10.33; Lc 12.9; 1 P 5.1)

**2** <sup>1</sup>Mu, jímacureca páyu, parure ðajacu mi baju mi úmei Jesucristoi mearo ðacaiye boje mure bojecubeda. <sup>2</sup>Aru iye ji coyuiyede mi jápaiinoi obedivu pōeva ne jápaiyede bueicōjejacu mu úmava mearare, mi majimarare aru buení majidivure máre, ne buenajiyere ayu apevu pōevare máre.

<sup>3</sup>Napijacu yúpe ñuje ñájiyede Jesucristore boje yópe churara meacu ùi ñájiyede napiyere. <sup>4</sup>Ðajacu yópe churape. Ñai churara ðaibi yópe ùi jabocu, úre órejayu bācu, ùi urōpe. Que baru ù memecayūvacari ùi jabocure memecayurídubebi churara ámecure. Quédeca mu Jesúsre memecayūvacari memecabejacu apescure mi jabocure. <sup>5</sup>Aru ðajacu yópe cūyayure. Nopedeca ñai yajuipóescu máre eabebi yo ùi yajuino bojede ména, ðabecu baru yópe yajuipōevare ne cōjeiyere. Quédeca mu ðayu baru yópe Jesucristoi ðaicōjeiyere, cūvacuyumu no bojede. <sup>6</sup>Aru ðajacu yópe jiore máre memeyure. Ñai memeyuresure íye jaavu caivu jipocamia die ùi oteiye báque jéinumure ù jie baquiye, ùi urarō memeyiye báque boje. Quédeca mu memecayū baru Jesucristore ñetubescuva, cūvacuyumu mi bojede. <sup>7</sup>Me dápijacu mu caiye ji coyuiyede. Mi me dápiaru diede, maje jabocu Jesús jápiarí eare ðacuyume mure caiyede.

<sup>8</sup>Arujacu mu ñai Jesucristore, Jūmenijicui nacovaimu mácure yainore jaruvarí aru ñai jabocu David

bácuí pāramecure máre. Ëi yávaiye méne coyuyubu yu pōevare. <sup>9</sup>Aru iye yávaiyede ji coyuiye boje nájivu yu. Carita arevu maucunarivubu yure buoiyeta tāumeaque yui āmeina teivure jēni jacoñami jívui āmeina dayure. Ëbenita ñame buojabecube buoyure dayu Jūmenijicui yávaiye méne. <sup>10</sup>Que baru napivu yu caiye iye nájiyede náre boje, ina Jūmenijicui beoimarare, Jesucristo ñi meadaquiyepe ayu náre máre, ne curājiyepe ayu éque ñi curō pueno mearo cavarōi cainmua.

<sup>11</sup>Jāvetamu iye.

Dabevu maja yópe maje ðaiye báquepe maje ju arājiye jipocare Jesúre. Que teni yaivu bácanvpebu maja Cristoque. Que baru curājaramu maja éque. <sup>12</sup>Aru napivubu maja maje nájiyede. Que baru jabotenajaramu maja éque. Ëbenita maje ju abedu ére, ñi máre ju abecuyume majare coapa. <sup>13</sup>Aru maje ju abedu ére, écapüravu ðacuyume majare yópe ñi aiye báquepedeca, ðacuyu ina ére ju abevure. Que baru ñi baju, “Que āmevu”, arī buojabebi ñi.

Jāvetamu die.

#### **Метеірбесц меасц**

*(Jn 10.14; 1 Co 8.3)*

<sup>14</sup>Ārure ðare ðajacu mu ina bueipōevare iye ji coyuiyede mure. Coreóvare ðajacu náre Jūmenijicui jáinoi, ne jarabenajiyepere ayu ne baju aipe aiyurōre ne yávaicamuaque. Bueipōeva ne jaraiye boje, cūbejebu die. Quénora ne jaraiyeque āmedaðama ina jápiaivure náre. <sup>15</sup>Méneca ðarī jájacu, cūcuyu Jūmenijicui jáinore ére memecayu ñi ju aimure. Que teni cūyebecubu mu mi bueieye boje me Jūmenijicui yávaiyede. Aru buejacu pōevare yávaiyede jāvene.

<sup>16</sup>Ëbenita buebejacu iye ijāravuque coyuiyede pueðabede Jūmenijicure aru ārūmene máre. Ina nópe buevu pueno

āmenape baju nuivubu na. <sup>17</sup>Aru ne bueieyeque āmeina ðaivubu apevure nópe ñai ijimu pojeieyeque pueno āmecu baju ñi nuieyepere. Pucarā nópe buedama, ne āmiá Himeneo aru Fileto máre.

<sup>18</sup>Ina ðajocadama ne ju aiye báquede iye yávaiyede jāvene. Borocurī, yópe arī, “Javeta Jūmenijicui nacovaquemavu pōevare yainore jarvvarī”, ñbenina arī coyuvubu na. Que teni cārijovaiyubu apevure, ne arājiyepere aivu, “Majibevu ñija aipe jaurōre ñuje ju aiye”.

<sup>19</sup>Ëbenita ñame buojabema oatvvaivu iye Jūmenijicui yávaiyede jāvene. Que baru ñame buojabema bíjare ðaivu Jūmenijicui ðaiyede. Jūmenijicui parure ðaibi ñi pōevare ne ũmei. Aru jáðovaimi diede ñi toivaicōjeieye báquede ñi yávaiyede, yópe arī: “Maje jabocu Jesús majibi ñi jinare. Que baru caivu ina aivu, ‘Jesucristobe ji jabocu’, ðajocajarāri na ne āmeina teiyede”, arejaquemavu Jūmenijicui.

<sup>20</sup>Cūrami uradāmi jívure jororua ure cūvu. Apeðua úruque ðaidua aru plataque ðaidua máre, ñbenita apeðua jocuque ðaidua aru joboque ðaidua máre cūvu. Diduáre úruque, plataque máre, ðaidua bojecuridua, ñai cūrami upacu epeicōjeñume ñi yebai curāðavure. Ëbenita diduáre jocuque aru joboque máre, ðaidua bojecubedua, epeicōjeñume cūramicavure. <sup>21</sup>Que baru ñai pōecu ðajocayu baru ñi āmeina teiyede, memecacuyume me maje jabocure. Ëi mearo ðaiye boje, pōeva pueðarājarama maje jabocure, nopedeca diduá bojecuriduaque ñai cūrami upacu pueðaiyepere ñai ére jácūdayure. Que teni ñai Jūmenijicure memecayu me, coreibi ðacuyu caino memecaino mearore cainmua. <sup>22</sup>Que baru ðabejacu mu āmenore yópe arevu bojvu ne ðaiyepere ne baju urōpe. Quénora mearo ðarī jájacu, ðacuyu mearore Jūmenijicui jáinoi cainmua, aru ju acuyu Jesús ñi yávaiye méne, ucuyu Jūmenijicure aru pōevare máre, aru cārijimecuyu náque, ina jēniaivu maje jabocure, ñi caðatequiyepe ayu náre aru curivure ne dāpiaino mearoque máre.

<sup>23</sup> Jápíarí adabejacu mu apevu ne coyuiyede bojecubede aru arumene máre. Nácapūravu me coreóvabevubu. Ëbenita múcapūravu coreóvaivu pøeva yópe coyuvure, jararí búrãjívure.

<sup>24</sup> Ëbenita ñai memecayu Jümenijicure jaraiye jaubevu ùre apevuque. Quénora caivuque pøecu meacupe bajacári. Aru buejacurí me. Napijacurí jarabecuva pøevaque máre. <sup>25</sup> Que teni buejacurí ðuibareca pøecu meacupe ina maucvarivure Jümenijicu yávaiye méne. Que ðaru, Jümenijicu náre oatvare ðacuyume ne dápiainore, ne ju arãjiyepere ayu ùi yávaiyede jávene. <sup>26</sup> Que teni nácapūravu dupini nujebu ñai abujuvai jabocure jocarí. Ëme náre jèñu mácu yópe doriñu jèiyepere moare. Ëi jujovaiye báque boje, cuvabi náre ámeina teivupe, náre ðare ðacuyu ùi urõpe.

**Aipe pøeva ne ðarãjino  
buojaquijãravua baquiyéde**

**3** <sup>1</sup> Coreóvajacu mu iyede. Ñijãravua buojaquijãravua baquiyéde, Cristoi copaidaquijãravu baquinó jipocai, pøeva ámena maiyójare ðarãjarama apevure. <sup>2</sup> Yópe ðarãjarama na, ina ámena. Ne baju urãjarama. Aru jecurãjarama tãuturare. Dápiarãjarama ne baju mearape apevu püeno. Arãjarama, “Mearamu ñuja apevu püeno”. Aru ámeina yávarãjarama. Juedova ju abenajarama nébucuvai coyuiyede. Jíbenajarama torojuede. Aru pueðabenajarama Jümenijicure máre. <sup>3</sup> Jecubenajarama névure. Aru cõmaje ãroje jámenajarama apevure. Yávarãjarama borocuede apevui borore. Oarí corebenajarama ne baju ðaiyuede. Jijecurãjarama. Aru ùbenajarama caino mearore máre. <sup>4</sup> Jèni jínajarama pøevare ne mavare. Aru ðarãjarama arumevure. Dápiarãjarama ne baju majidivure caiyede apevu püeno. Jümenijicui urõpe ðabenajarama na. Aru cojubenajarama ùre. Quénora ðarãjarama cojurãjivu ne baju yópe ne baju urõpe. <sup>5</sup> Apevu pøeva ne jáiyede náre ðarãjarama

yópe ina mearore jívü Jümenijicure ðaiyepere. Ëbenita Jümenijicure parure ðaicõjemenajarama ne ùmene ðarãjivu yópe ùi urõpe.

Dupini nujacu mu nápe paivure jocarí. <sup>6</sup> Apevu nácvu ðuibajieneca ecoicõjene ðaivubu náre apevu ne cüramiaí, jujovarãjivu nomiva arumevure. Ina nomiva, ne dápiaye ámeque ðaiye boje, ðaiyurivubu ámenore urarõ. <sup>7</sup> Cainumua jápiaivubu obedivu pøeva ne bueiye mamaene. Ëbenita ye buojabema coreóvaivu áde yávaiyede jávene. <sup>8</sup> Yópe ina yaviva bácvu ne ámiá Janes aru Jambres ne maucvãe báquepe Moisés bácvure, nopedeca na máre, ina jujovaiyu nomivare, maucvarivubu iye yávaiyede jávene. Dápiavubu ámenore cainumua. Aru Jümenijicui jaruvaimaramu na, ne ju abe boje iye yávaiyede jávene. <sup>9</sup> Ëbenita obedivu pøeva coreóvarãjarama aipe arõjarivure náre. Jãrajarama náre arumevure, yópe ne jáiyepere ina pucarã Moisés bácvu mauva mácvure paivure.

**Pablo ùi cõjeino yóvocarõ baju  
Timoteore**

*(Hch 13.14-52, 14.1-20)*

<sup>10-11</sup> Ëbenita múcapūravu coreóvaivu aipe ji bueiye báquede, aru ji ðaiye báquede, ji ðaiyue báquede, ji ju aiye báquede Jümenijicure, ji napiye báquede, ji ue báquede pøevare, aru ji ñãjiye báquede máre. Mu coreóvaivu aipe ina Antioquía, Iconio, aru Listra ámicuríimaroacavu ne ñãjine ðaiye báquede yure. Ne ñãjine ðaiyedeca yure, cainumua napinejacacu yu. Aru maje jabocu Jesucristovacari meadarejame yure cainumua. <sup>12</sup> Jáve caivu ina meara maiyurivü Jümenijicui jáinoi curivu Jesucristoque cüinávure ñãjinajarama na. <sup>13</sup> Ëbenita ina pøeva ámena aru ina jujovaiyu máre püeno ámena nurajarama na. Jujovarãjarama apevure. Aru náre máre jujovarãjarama püeno baju.

<sup>14</sup> Ëbenita múcapūravu ðajocabejacu mi ju aiyede caiye iye mi bueiye

báquede. Majivu mũ jáve diede. Que baru mũ coreóvaivu ina mũre bueivu b́acavure iye ýavaiyede jávene. <sup>15</sup>Aru mũ coreóvaivu juedocu ćareja, caride máre, majicure iye J́umenijicui toivaicójeiye báquede ùi ýavaiyede, mi majiquiyepe ayu J́umenijicu meadacuyure mũre, mi ju aiye boje Jesucristore. <sup>16</sup>Caiye iye J́umenijicui ýavaiyede évacari toivare ðarejaquemavu ina ére toivacavũ b́acavure. Que baru ùi ýavaiye bojecavũ majare, maje buenajiyeye aiye iye ýavaiyede jávene, aru maje coreóvarájiiyepe aiye maje ámeina teiyede, aru maje oatvarájiiyepe aiye maje ðaiyede, aru maje majinajiyeye aiye aipe ðaiye jauřore, curájivu meara J́umenijicui jáinore. <sup>17</sup>Ñai J́umenijicure memecayube nópe ðarĩ me majini, napini coreyu, ðacuyũ caiye méne.

**4** <sup>1</sup>Caride majepacu J́umenijicu, maje jabocu Jesucristomaque, jápiaibi iye ji coyuiyede mũre. Jesucristo copaidacuyũme ij́aravũ. Nájine ðacuyũme ṕeva apurivure aru yaivu b́acavure máre, ne ámeina teiye boje. Aru jabotecuyũme caivu ṕevare. Que baru parurórecu ðaicójeivu yũ mũre yópe ji coyuiyere. <sup>2</sup>Coyujacu Jesús ùi ýavaiye méne ṕevare. Me jári coreni buejacu náre cainũna, ne jápiaiyuru aru ne jápiaiyubedu máre. Coyujacu mũ ṕevare aipe ne ámeina teiyede. Aru dajocaicójejacu náre diede. Buejacu aipe ðaiye jauřore náre máre. Aru buejacu napiyeque. <sup>3</sup>Eaquiyebe arejáravua ámej́aravua. Ánj́aravua baquiyéde ṕeva jápiabenajarama bueiye méne. Quénora ne baju urópe vorájarama obedivu bueiṕevare, ne buenajiyeye aivu náre yópe ne baju jápiaiyere, ne ðarájiiyepe aivu ámeina teiyede yópe ne baju urópe. <sup>4</sup>Que teni jápiabenajarama iye bueiyede jávene. Ubenita jápiarájarama néñecuva mácvũ coyuiye báquede. <sup>5</sup>Aru parurórecu ðaicójeivu yũ mũre cojedeca. Mácapuravu ðaicójejacu me mi baju, coreóvayure cainũna. Napijacu mi

ñájiiyede. Aru coyujacu Jesús ùi ýavaiye méne ṕevare máre. Que teni mi memecaiyede maje jabocu Jesucristore ðajacu caiyede yópe mũre ðaiye jauřore.

<sup>6</sup>Aru ýacapuravu joabej́inotamu ji yaiquino. Maumena yure boarĩ jaruv́arájarama, ji memecaiye boje Jesucristore. <sup>7</sup>Iye Jesús ùi ýavaiye méne coyuiyede coyuvũ yũ oabecv́acari. Que teni ðaivu yũ yópe ñai cúyayũ arevũque ùi cúyaiyere oabecv́acari. Aru iye J́umenijicui urópe ðaiyede ðaivu yũ oabecv́acari. Que baru buojaivu yũ yópe ñai cúyayũ arevũque ùi cúyarĩ buojaiyere turv́aita. Aru iye maje ju aiyede Jesucristore dajocabevũ yũ. Quénora ju aivu yũ ére cainũna. <sup>8</sup>Que baru yópe ñai cúyayũ ùi jacoruiyepedeca ùi cúyaiye bojede eayũ arevũ jipocai, yure máre jícuyũme maje jabocu Jesucristo ùi daquij́aravu baquinóre, ji mearo ðaiye báque boje. Aru yũ cúnácura ámevũ, quénora jícuyũme caivu ina ére urivu napini coreivure ùi daquij́aravu baquinóre.

**Pablo ùi ðaicójeino Timoteore**

(Hch 12.12, 25, 13.13, 15.37-39, 20.4, 6; Ro 2.6; 2 Co 8.23; Gđ 2.3; Ef 6.21-22; Col 4.7-8, 10, 14; Tit 1.4, 20; Flm 24)

<sup>9</sup>Caride meatejacu, jácdacuyũ maumena ji yebai. <sup>10</sup>Áñũ Demas dajocame yure ùi ne boje ij́aravũquede aru nuamedu Tesalónica ámicurĩmaroi. Crescente nuamedu Galacia ámicurijoborói. Aru Tito máre nuamedu Dalmacia ámicurijoborói. <sup>11</sup>Ñai Lucas quécũrabe cũc yáque caride. Vorĩ davajacu mũque Marcure, ùi coreóvaiye boje cadateiyede ji memeinore. <sup>12</sup>Jarocacu yũ Tíquicore Éfeso ámicurĩmaroi. <sup>13</sup>Mũ dayũ, davacajacu yure ji puenocacaje cuitótecajede, ji dajocaino mácaróre Troas ámicurĩmaroi, Carpoi cũrami. Aru davacajacu ji paperatucuboare aru ji toivaiyocare máre. Uvũ yũ iye toivaiyocare pueno baju.

<sup>14</sup>Ñai Alejandro, táure memepóescu, ðarejame uraró ámeno yure. Maje

jabocu Jesucristo ñájjine ðacuyume ére ñi nópe ðaiye báque boje. <sup>15</sup>Que teni mávacari máre me jájacu ére, ñi maucuvae boje parurõreca maje yávaiye méne.

<sup>16</sup>Mamarumure ji nuiye báquede jabova ne ámeina teivure jëniari jáiñami, coyucuy ji ðaiye báquede ne boro coyurí adaiye báque boje yure, põescu cubeteame yóvayü yure. Quénora caivü dajocaima yure. Jëniaivü Jümenijicuque ñi árumetequiyere ayü yo ne ámeno ðaino mácarõre yure. <sup>17</sup>Ûbenita maje jabocu Jesucristo caðateame yure aru parure ðáme yure, ji coyüquiyere ayü caiye iye ñi yávaiye méne. Aru cainoa joborõacavü nore curivü bácvü jápiaima diede. Que teni maje jabocu Jesucristo meaðame yure urarõ ámenore jaruvã, yópe jëni íyere põescure yavide jocarí. <sup>18</sup>Que baru jáve coreóvaivü yu maje jabocu Jesucristo meaðacuyure yure cainumua. Aru cure

ðacuyume yure ñi meaðaimure ñi jaboteinumure cavarõ mearo ñi curõi. Que baru mearore jínajarevü éreca cainumua, jáðovarajivü ére meacu bajure. Quédecabu.

**Pablo ñi meaicõjeino Timoteojäre**

*(Hch 18.2, 18, 19.22, 20.4, 21, 29; Ro 16.23; 2 Ti 1.16-17)*

<sup>19</sup>Meajarari Prisca, aru Aquila, aru caivü ina Onesíforo ñi cüramicavü máre. <sup>20</sup>Ñai Erasto mauteameda Corinto ámicuríimaroí. Aru ñai Trófimo ijimure dajocacacu Mileto ámicuríimaroí. <sup>21</sup>Me ðarí jájacu, dacuyü ji yebai uracoro jipocamia. Eubulo, Pudente, Lino, Claudia, aru caivü apevü Jesúre ju aipõeva meaicõjeðama mure.

<sup>22</sup>Maje jabocu Jesucristovacari cüjacurí máque. Aru Jümenijicu mearo ðacajacurí caivü mujare bojecubeda ñi me boje. Quénoramü.

# Tito

Mamabuinore coyuiyebu Pablo bácu ñi toivaicōjeiye báquede paperayocare Tito bácu. Pablo bácu judíovacacu bácuvacari, Jesús ñi yávaiye méne beorí coyucōjeimū marejaquémavu, соуцнун ñi yávaiye méne judíova ánevure, judíova ne ju abe boje ñi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31. Pablo bácu coyurejaquemavu Tito bácu borore ñi paperayocaque ñi toivaicōjeiye báquede ñre toivacaipōescu bácu Galacia ámicurijoborōcavure aru yóbocayocaque Corinto ámicurímarocavure, aru yóbocayocaque Timoteo bácu máre. Javede toivaicōjenejaquemavu areyoca once paiyoca ñi paperayoca curiyocare Majeracu Jūmenijicui yávaiye mamaene coyuitucubo jívu. Diyocare toivaicōjeiquiye jipojicai toivaicōjenejaquemavu mamayoca ñi paperayocare Timoteo bácu. Pablo bácu coyurejaquemavu ñre toivacaipōescu bácu aipe ñi toivacaquiyi báquede diyocare. Toivaicōjenejaquemavu diyocare ániñju bácarōre 63 d.C. Majidivū ne dápaiyere, curejaquemavu Macedonia ámicurijoborōi ñi toivaicōjeiyede diyocare. Diyocaque Pablo bácu coyurejaquemavu Tito bácu aipe ñaiye jañōre Jesúre ju aivure coreipōevare (1:5-9). Majide ñarejaquemavu ñi mácu aipe bueiye jañōre Creta ámicurijivavure (2:1-15, 3:8) aru aipe ñaiye jañōre Jesúre ju aipōevare (1:10-16, 3:1-2, 9-11, 14). Āvure ñarejaquemavu ñi mácu Jesús ñi yávaiye méne (1:1-3, 3:3-7). Ē mácu arevure cadateicōjeni, daicōjenejaquemavu ñi yebai (3:12-13).

## **Pablo ñi meaicōjeino Titore** (2 Co 8.23; Gá 2.3; 2 Ti 4.10)

**1** <sup>1</sup>Yu, Pablo, toivaicōjeivū apesure iyoca paperayocare mure. Jūmenijicure memecayubu yu. Aru Jesucristo ñi yávaiye méne beorí coyucōjeimaracacubu yu máre. Nōpe ñayubu, Jūmenijicui beoimara mácu ne ju arājiyere ayu Jesús ñi yávaiye méne aru ne majinajiyere ayu caiye iye bueiye ñavene aipe ñari Jūmenijicu ucure pōeva ne ñaiyede. <sup>2</sup>Maja Jesúre ju aipōeva napini coreivubu Jūmenijicu jícyure jāravu cūiméjāravu baquinóre majare. Javede, ijāravu búquiye jipocai, Jūmenijicu arejaquemavu jícyu pōevare jāravu cūiméjāravu baquinóre. Aru Jūmenijicu borocubecube cainmua. Que baru ñacuyume yóre ñi aipe báquepedeca. <sup>3</sup>Aru Jūmenijicui beoijāravu bácarōre coyucōjenejaquemavu ñi yávaiye méne, coreóvare ñacuyū diede majare. Aru yávacari Jūmenijicui epeimūmu,

coyucnyn ñi yávaiye méne. Que baru Jūmenijicu, majare meadapōescu, yure coyucōjenejaquemavu pōevare diede. <sup>4</sup>Mu, Tito, yu toivaicōjeivū diyoca paperayocare mure. Jáve jímacupe ráyubu mu, maje ju aipe boje Jesúre cūináturra. Majeracu Jūmenijicu, maje jabocu Jesucristomaque, mearo ñacajacurí mure bojecubeda ñi me boje. Aru torojurí cure ñajacurí mure cārijimecva.

## **Tito ñi memecaino Cretacavure** (1 Ti 3.2-7)

<sup>5</sup>Yu ñajocacacu mure nore, Creta ámicurijivū, mi ñaquiyere ayu caiye iye ñaiye buojabede cāreja ina pōcavu Jesúre ju aipōevare. Que baru ímaroa coara epejacu mu ina Jesúre ju aivure coreipōevare yóre ji cōjeiye báquepe mure. <sup>6</sup>Ácu pōescu mi epeimū macuyére, corecuyure Jesúre ju aipōevare, ñaiye jañvū ñre cainmua yóre pōeva “Ámecube ñai”, ne boro coyurí adaivu buojabenajiyere aipe ñi borore. Aru

ðaiye jaunv ùre cainmua yópe pøeva ne jáðovamenajiyeye aye ùi ãmeina teiyede. Jaunv ùre máre ùi cunvaquiyeye jímarepaco cūinácora. Jaunv mamarare máre ne ju aye Jesúre. Aru jaunv ne ðaiye cainmua yópe pøeva “Ámenamu na”, aru “Ne bucuvare ju abema na”, ne boro coyurí adaivu buojabenajiyeye aye ne borore. <sup>7</sup>Ñai Jesúre ju aipøevare coreipøecu Jūmenijicure memecayube. Que baru pøeva boro coyurí adaivu buojabejarári ùre. Jaboteiyubejacurí jápiabecua aprevure. Aru jijecubejacurí. Ūcumejacurí pacotede ðaiyede.

Áðamateiyubejacurí. Aru vorí eabejacurí tãuturare ãmei dápiayequé máre.

<sup>8</sup>Quénora jaunv ùre ùi copu etarí jacyuyiye me ina curádivure. Aru mearo ðacaiyue jaunv ùre aprevure cainmua. Ðaiye jaunv ùre majiéque. Mearo ðaiye jaunv ùre Jūmenijicui jáinoi. Jūmenijicure cūinácura memecaiye jaunv ùre. Aru ùi bajure curí majié jaunv ùre máre. <sup>9</sup>Jaunv ùre ùi ju aye jáve iye Jūmenijicui yáviyede jávene, ne bueiye báquede ùre, ùi cadateni buojaquiyeye aye aprevure ne buenajiyede iye bueiye jávene, ne jáðovari buojarájiyeye aye ina Jūmenijicui yáviye méne maucunarivure ne ãmeina ðaiyede.

<sup>10</sup>Que baru obediv pøeva curiv, ye jápiabema. Quénora ðaivubu yópe ne baju urøpe. Coyuvubu ũbenina. Que baru ne coyūino bojecubev cuiv jápiavure náre. Aru jujoavivubu pøevare máre. Judíova obediv náre paiva cūma. Buede cuivubu, yópe arí: “Ūmva Jesúre ju aipøevacav ne cajede buraicøjeiye jaunv náre coapa”, are cuivubu na. <sup>11</sup>Bueivubu na yópe bueiye jaubepe náre, ãmei dápiayequé vorí earájiyv pøeva ne tãuturare. Que ðarí cãrijovavubu apedãmia cūramiacavure, ne dajocarãjiyeye aiv Jūmenijicui yáviye méne. Que baru bi aicøjejacu mu náre. <sup>12</sup>Cūinácū cãcoé namúipøecu Creta ãmicuríjiavucacu bácu arejaquemav ùi joborøcavurã: “Cretacav borocurivubu cainmua.

Áimara jijecurivure paivubu. Múivubu. Aru juracurivubu máre”. Que arejaquemav ù mácu.

<sup>13-14</sup>Aru ne borore coyurejaquemav jávene. Que baru majicajacu paredeca ina bueivure yáviyede jáve ãmene, jáðovacuy náre ne ãmeina ðaiyede, ne coreóvarájiyeye ayu bueiye jávene, aru ne jápiarí adabenajiyeye ayu ina judíovai coyuiye báquede, aru ne jápiarí adabenajiyeye ayu ina pøeva dajocaviv bácvu yáviyede jávene ne ðaicøjeiyede máre. <sup>15</sup>Pøeva “Boropatebev yu”, ne arí dápiaru, caino ne ðaino máre mearotamu. Ūbenita pøeva “Boropateiv yu”, ne arí dápiaru, aru ne ju abedu Jesúre máre, caino ne ðaino máre ãmenotamu. Quénora dápiadama na ãmeno matuiye. Que baru “Boropateiv yu”, aye jaunv náre cainmua. Que teni ne ãmeina ðaiyede chīomenama na. <sup>16</sup>Yópe arí, “Jūmenijicure coreóvavubu ñuja”, ũbenina aivubu na. Ūbenita ne ðaiyeque jáðovavubu coreóvabevure Jūmenijicure. Ámena bajubu na Jūmenijicui jáinore. Aru jápiabeni ju abevubu ùre. Que baru ye mearo ðaiye majibema na.

**Pablo ùi coyūino Titore bueiye méne**

(Mt 20.28; Mr 10.45; Gá 1.4;  
1 Tí 2.6; 1 P 2.9; 2 P 1.1)

**2** <sup>1</sup>Ūbenita múcapūrav coyujacu pøevare iye bueiye jávene. <sup>2</sup>Ina ũmva bucva corejarári me ne ðaiyede. Aru ðajarári yópe pøeva ne puedaimarape. Ðajarári majiéque. Ju ajarári parurøreca iye bueiye jávene. Jūmenijicure ũjarári aru pøevare máre. Aru napijarari ne ñájiyede máre. <sup>3</sup>Quédecā ina nomiva bucūrómiva ðajarári yópe nomiva Jūmenijicure ju aivure. Yávabejarári borocuede aprevi borore. Aru ũcumejarari na pu ne pacotede ðaiyeta. Quénora jáðovajarari aprevure mearo ðaiyede ne baju ðaiyeque. <sup>4</sup>Que teni majide ðajarári ina nomiva bojurómivare aipe ðaiye jaurøre, ne urájiyeye aiv némarapacva aru némarare máre. <sup>5</sup>Majide ðajarári



náre aipe ðaiye jaurõre, ne ðarãjiyepe aivũ majiéque, aru ne ðabenajiyepe aivũ ámenore, ne memenajiyepe aivũ me ne cûramiai, ne cadatenajiyepe aivũ apevũre, aru ne ju arãjiyepe aivũ torojurivũ némarepacure. Que ðaiye jaurũ náre põeva ne ámeina yávabenajiyepe aivũ Jesús ùi yávaiye méne.

<sup>6</sup>Quédeca coyũjacũ parurõreca ina ùmũva bojũvũre, ne ðarãjiyepe ayũ majiéque máre. <sup>7</sup>Jáðovajacu náre cainũmua mi baju mearo ðaiyeque aipe ðaiye jaurõre náre. Mi bueiyede náre buejacũ caiye iye yávaiyede jávene. Árumetebejacũ aru oatuvabejacu apejiene. Que baru mi bueiye bajadéni nurié cainũmua. Aru buejacũ ina mure járiaivũ ne pueðarãjiyepe ayũ mure aru mi bueiyede máre. <sup>8</sup>Coyũjacũ náre iye yávaiyede jávene, põeva “Ámecube ñai”, aru “Ámene buebi ù”, ne arĩ buojabenajiyepe ayũ. Que teni apevũ maucũvarivũ baru maje bueiyede, cũyoje tenajarama, ne boro coyũrĩ aðarĩ buojabe boje majare.

<sup>9</sup>Quédeca coyũjacũ ina memecaipõevare, ne ju arãjiyepe ayũ ne jabovare cainũmua. Ðajarãri ina memecaipõeva yópe ne jabovai urõpe, cojũquiyepe náre. Aru ámeina yávabejarãri ne jabovare. Quéñora pueðajarãri náre cainũmua. <sup>10</sup>Aru ñavamejarari ne jabovai cũavede. Quéñora jáðovajarari ne jabovare ne mearo ðacaiyede cainũmua. Que teni ina memecaipõeva me járe ðarãjarama apevũ põevare iye Jũmenijicui yávaiyede, majare meadayũ, ùi bueicõjeiyede majare.

<sup>11</sup>Que baru Jũmenijicũ meacũ baju jáðovaimi ùi mearo ðacaiye bojecubeda majare. Que teni Jũmenijicũ buojare ðayube caivũ põevare ùi meaðaiyũrĩduimara márãjivũre. <sup>12</sup>Que baru majidivũbu maja majare jaurõre maje ðajocaiye maje ámeina teiyede iye Jũmenijicui ubede, aru maje ðajocaiye maje ðaiyũede yópe Jesús ju abevũ ne ðaiyepe máre. Quéñora

maje cuede ijãravũi jaurũ majare maje ðaiye majiéque, maje mearo ðaiye Jũmenijicui jáinoi, aru maje memecaiye máre Jũmenijicure ùi urõpe. <sup>13</sup>Que ðaiye jaurũ majare maje napini coreiyede torojurivũ iye jáve vaiquíyede: Jesucristo, majare meadayũ, maje ju aimũ pũeno meacũ baju, copaidacuyũme ijãravũi. <sup>14</sup>Jesucristo boarĩ jarũvaicõjenejaquemavũ ùi bajure ùi mauvare, meaðacuyũ majare maje ámeina teiyede jarũvarĩ. Que ðaicõjenejaquemavũ, meara ðacuyũ majare, maje torojurĩ memecarãjiyepe ayũ ùre me ù jinape.

<sup>15</sup>Que baru buejacũ mũ caiye iyede. Coyũjacũ parurõreca ina Jesús ju aipõevare, ne ðarãjiyepe ayũ caiye iyede. Jáðovajacu ina põeva nópe ðabevũ cãreja aipe ðaiye jaurõre náre. Aru buejacũ náre paruéque. Que teni ámeina jáicõjemejacũ põevare mure.

**Aipe ðaiye jaurõre Jesús ju  
aipõevare  
(Ef 5.26)**

**3** <sup>1</sup>Árure ðajacu mũ ina Jesús ju aipõevare jaurõre náre ne ju aipe ina jabovare aru cõjeipõevare máre. Ðajarãri yópe ina jabova ne ðaicõjeiyepe. Aru napini corejarãri, mearo ðarãjivũ cainũmua. <sup>2</sup>Ámeina yávabejarãri apevũ borore. Jarabevũva cãrijimene ðajarãri põevare. Aru ðuibareca meara põevape pueðajarãri caivũ põevare cainũmua.

<sup>3</sup>Javede maja máre árumevũ dápiabevũ barejávũ. Aru ju abevũ barejávũ Jũmenijicure. Pũeno ámeno nũivũ barejávũ, ina bueivũ yávaiyede jáve ámene ne jujovaiye boje majare. Buojabedejavũ ðajocavũ maje ámeina ðaiyũede, cojũquiyepe majare. Dápiare cuivũ barejávũ ámeina ðaiyede cainũmua. Aru jorojivũ barejávũ. Apevũ ubedejaima majare. Aru majavacari ubedejavũ majevũre máre. <sup>4</sup>Ûbenita Jũmenijicũvacari, majare meaðaipõecũ, jáðovaimi ùi baju meacure aru ucure põevare máre. <sup>5</sup>Que baru meaðaibi majare. Ûbenita meaðabebi majare,

maje mearo ðarĩdúiye boje. Quénora meadaibi majare ũi baju cõmaje ãroje jáiye boje. Maje ãmeina teiyede jaruvaiibi, meadacuyũ majare. Que teni ñai Espĩritu Santo apũre ðaibi majare, maje apurãjiyepe ayũ apué mamaeque. <sup>6</sup>Jesucristo, majare meadaipõecu, cure ðaibi ñai Espĩritu Santore maje ũmei. Que baru Jũmenijicu daroibi ñai Espĩritu Santore maje ũmei, ũi caatequiyepe ayũ majare urarõreca. <sup>7</sup>Que teni Jũmenijicu meadaibi majare, ũi coavaiyede majare maje ãmeno ðaiyede jaruvari. Ũi mearo ðacaiye bojecubeda ũi me boje, “Boropatebevu muja ji jáinoi”, arĩ coyũibi majare. Que baru caride maja Jũmenijicui maramu. Aru jáve cuvarãjaramu jãravu cũiméjãravu baquinõre. Que baru napini coreivũbu diede.

<sup>8</sup>Jãvetamu die. Que baru uvũ yũ mi coyũquiyede caiye iyede parurõreca, ina Jũmenijicure ju aipõeva ne mearo ðarãjiyepe ayũ cainumua. Iye bueiye jáve métamu. Aru bojecuetamu máre. Que baru caivu põeva majima aipe ðaiye jaurõre náre, iye bueiye jáveque. <sup>9</sup>Ũbenita jarabejacu ũbenina apenvũque. Aru ãrũre ðabejacu põevare néñecuva mácavũ ne ãmiá coapa. Coyũbejacu náque, ina aivũre, “Mũ coreóvabevu aipe aiyurõre Jũmenijicui ðaicõjeiyede ũi coyũiye báquede Moisés bácare”. Náque jarabejacu mu. Caiye iye bojecubevũ aru caatebevu máre. <sup>10</sup>Ácu põecu Jesúre ju ayũ ũi maucũvarĩduru apenvũ Jesúre ju

aipõevare, ðajocacõjejacu ũre ũi que ðaiyede. Ũi ðajocabedu, ðajocacõjejacu ũre cojedeca, ũi ðabequiyepe ayũ diede. Aru ũi ðajocabedu cãreja, ye yóvabejacu ũre. <sup>11</sup>Ũi que ðaiye boje, coreóvaivu mu ñai ũmu ãmecu bajure. Ũvacari majide ðaibi apenvũre, ũi ãmeina teiye ðajocabe boje. Ũrecabe ñãjicuyũ.

**Pablo ũi ðaicõjeino Titore**  
(Hch 18.24, 20.4; 1 Co 16.12; Ef 6.21-22; Col 4.7-8; 2 Ti 4.12)

<sup>12</sup>Yũcapũravu cuquijivu Nicópolis ãmicurĩimaroĩ uracorore. Que baru jaroquijivu mi yebai Ártemare o Tĩquicore. Ñai ũmu ũi eaquiyede nore, meatejacu jácũncũyũ Nicópoli, yũre corũcũyũ noi. <sup>13</sup>Aru meatejacu caatecũyũ ñai ðaicõjeiyede bueipõecure ũi ãmiá Zenas aru Apolore máre. Jĩjacu náre caiye náre jauéde, ne buõjarãjiyepe ayũ ne curãnuiyede. Ye apejĩe jaubejadeni náre. <sup>14</sup>Aru caivu apenvũ ina Jesúre ju aipõeva quédeca buejarãri, na máre mearo ðarãjivu aru caãatenajivu ina cõmaje ãrojarivũre náre jauéde. Que teni mearo ðarãjarama ne cuede ijãravui.

**Pablo ũi meaicõjeino Titojãre**

<sup>15</sup>Caivu ina Jesúre ju aipõeva yãque curivũ meaicõjedama mure. Meajarari caivu ñũjevũ, Jesúre ju aipõeva nócavũ, ñũjare urivũ. Aru Jũmenijicu mearo ðacajacurĩ caivu mujare bojecubeda ũi me boje. Quénoramu.

# Filemón

Mamabuinore coyuiyebu Pablo bácu ùi toivaicõjeiye báquede paperayocare Filemón mácuere, Colosas ámicuríimarocacure. Pablo bácu judíovacacu bácuvacari, Jesús ùi yávaiye méne beorí coyucõjeimã marejaquemavu, соучастуи ùi yávaiye méne judíova ámevure, judíova ne ju abe boje ùi coyuiyede. Lucas bácu coyurejaquemavu Pablo bácu borore Hch 7:57-8:1, 9:1-31, 13:1-28:31. Javede toivaicõjenejaquemavu pucayoca ùi paperayocare Tesalónica ámicuríimarocavure, aru pucayoca ùi paperayocare Corinto ámicuríimarocavure, ùi paperayocare Galacia ámicurijoborõcavure, aru ùi paperayocare Roma ámicuríimarocavure máre. Apevu ne dápiayepe, javede toivaicõjenejaquemavu ùi paperayocare Filipos ámicuríimarocavure. Toivaicõjenejaquemavu yóbecuriyoca ùi paperayocare ániãju bácarõre 60 d.C., ùi cuede ámeina teivure jëni jacoiñami Roma ámicuríimaroi, cüináyocare Éfeso ámicuríimarocavure, apeyocare Colosas ámicuríimarocavure, aru apeyocare Filemón mácuere. Tíquico bácu nuvarejaquemavu iyoca yóbecuriyocare cüináuru ùi nu iyede Roma ámicuríimarore pu Asia ámicurijoborõi. Pablo bácu coyurejaquemavu ùre toivacaipõecu bácuere aipe ùi toivacaquie báquede diyocare.

Onésimo mácu, Filemón mácu yebacacu, dupini nuñu mácu ùi jabocure jocarí, earejaquemavu Roma ámicuríimaroi. Nore ùi jápiayede Pablo bácu coyuiyede Jesús ùi yávaiye méne, ju arejaquemavu diede. Pablo bácu ùre toivacaipõecu bácuere toivaicõjenejaquemavu diyocare, jëniacuyu Filemón mácuere ùi copu etaquiyepere ayu Onésimo mácuere yõpe ùi copu etajuroepe Pablo bácu bajure.

## Pablo ùi meaicõjeino Filemóre

(Col 4.17)

<sup>1</sup> Yu, Pablo, buoimu ji coyuiye báque boje Jesucristoi yávaiye méne, toivaicõjeivu apecure iyoca paperayocare mure, Filemóre. Yu aru Timoteo, majecu ùi ju aipe boje Jesús, meaicõjeivubu mure, ñuje umure ñujape memeuere. <sup>2</sup> Meajarari ina Jesús ju aipõeva cójjivaivu mi cūrami. Aru Apia máre, ñujeco õi ju aipe boje Jesús meajacorí õ. Aru Arquipo máre meajacorí ù. Ñujape coyuii Jesús ùi yávaiye méne apevu ne maucuvaedeca ñujare. <sup>3</sup> Majepacu Jūmenijicu, maje jabocu Jesucristomaque, mearo ñacajacorí mujare bojecubeda ùi me boje. Aru torojurí cure ñacajacorí mujare carijimevava.

## Filemón ùi urõ põevare aru ùi ju aino Jesucristore

<sup>4-5</sup> Mu, jicu, Filemón, ji coyuiyede jipacu Jūmenijicuque torojuede jívaivu

mure boje cainumã. Jápiavu mi borore mi uede Jesús ju aipõevare aru mi ju aiyede maje jabocu Jesús. Que baru jívaivu mearore Jūmenijicure. <sup>6</sup> Aru ina põevare, mi ju are ñaimara Jesús, mi coyuiye boje náre ùi yávaiye méne, yu Jūmenijicuque náre máre jëniavaivu, ne coreóvarãjiyepere ayu me caiye iye Jūmenijicui mearo ñacacuyede majare, maje cue boje Jesucristoque cüinávupe. <sup>7</sup> Mu, jicu, caride torojavu yu. Mu torojure ñaivu yure mi me caateiyede ina Jesús ju aipõevare, mi ue boje náre.

## Pablo ùi jëniaino Filemóre ùi caatequiyepere ayu ñai yebacacure, Onésimore

(Col 4.9)

<sup>8</sup> Que baru jëniavu mure mi caatequiyepere ayu. Yu caateicõjeiyubevu mure ji paruéque, Cristoi parure ñaive báquede yure. <sup>9</sup> Quénora jëniavu mure, mi

cađatequiyepre maje ue boje, Cristoi cure đaiye báquede majare. Bwucucubu yu. Aru ji bueiye boje Jesús ũi yávaiye méne bwoimumu caride.

<sup>10</sup>Jēniaivn mure mi cōmaje āroje jáquiyepre ayu ũai Onésimore. Ũi jápaiaye báquede ji coyuiye báquede Jesús ũi yávaiye méne ji cuedeca yui āmeina teivure jēni jacoĩnami, ju áme Jesúre. Que baru jímacupe páyube ũ. <sup>11</sup>Javede ũi yebacacue báquede mure, ũai Onésimo cađatebetequemavn mure. Ũbenita caride cađateibi mure aru yure máre. <sup>12</sup>Jacopaiyovaquijivn ũre mi yebai cojedeca. Copu etajacu ũre yópe mi copu íjuroepedeca yure. <sup>13</sup>Yúcapūravn bwoimumu caride ji coyuiye báque boje Jesús ũi yávaiye méne. Aru yu coreóvaivn iyede: Mu cucu baru yui, cađatejebu yure. Ũbenita mu cubevu yui. Que baru mautede đaiyurídunv Onésimore, ũi cuquiyepre ayu yore ji yebai, ũi cađatequiyepre ayu yure yópe mi baju cađatejuroepe yure.

<sup>14</sup>Ũbenita yu mautede đabevu ũre ji yebai, mi ju aye jaué boje yure cāreja. Que baru ubevu yu cađatecyure yure ji cōjeiye boje mure. Quénora unv yu cađatecyure yure mi baju ue boje. <sup>15</sup>Ũai mi yebacacu Onésimo apenumu coateyu bācu bateichuame mure jaruvari, mi cvaquiyepre ayu ũre bedióva cojedeca aru cainnuma. <sup>16</sup>Caride yebacacu bacuyú amemi ũ. Ũ máre, majape, ju aibi Jesúre. Que baru majecupe, maje umme ũ. Ũ pare cađateibi yure. Ũbenita pueno baju cađatecyume mure.

<sup>17</sup>Que baru mu coreóvaun baru majare curivure Jesucristoque cūinávure, copu

etajacu Onésimore nopedeca mi copu íjuroepe yure. <sup>18</sup>Ũi cue báquede máque, mure ámedaru, meadacuyumu yu mure ũre boje. Aru ũi cue báquede máque, mure bojecube đaru, bojedacuyumu yu mure ũre boje. <sup>19</sup>Yávacari toivaivn ji pnuque. Jáve bojedacuyumu mure. Ũbenita ārure đaiyubevu mure mi baju bojecube đayure yure, ji coyuiye báque boje Jesús ũi yávaiye méne mure. Que baru múvacari bojecube đaiunv yure mi cvaquiyede jāravn cūiméjāravn baquinóre. <sup>20</sup>Mu, júcu, maje ju aye boje cūináturu maje jabocu Jesucristore, cađateni, torojure đajacu yure.

<sup>21</sup>Yu toivaicōjeivn apesure iyoca paperayocare mure, ji majié boje đacuyure jáve yópe ji jēniainope, aru ji jēniainore máque pueno baju máre. <sup>22</sup>Aru meadacajacu yure cūinátucubure, ji cuquitucubva ji jácunquiyede mi yebai. Muja jēniadavn Jūmenijicuque, ũi etavaquiyepre aivn yure ámeina teivure jēni jacoĩnamine jocarī. Que baru mujare jácunuiyurī, napini coreyubu yu.

**Pablo ũi meaicōjeino Jesúre ju aipōevare**

(Hch 12.12, 25, 13.13, 15.37-39, 19.29, 27.2; Col 1.7, 4.10, 12, 14; 2 Ti 4.10-11)

<sup>23</sup>Épafas meaicōjeimi mure. Ũ máre bwoimume yúque, ũi coyuiye boje Jesús ũi yávaiye méne. <sup>24</sup>Ina apenv máre, Marcos, Aristarco, Demas, aru Lucas máre meaicōjedama mure. Caivn ina yúque memecaivabu Jesúre. <sup>25</sup>Maje jabocu Jesucristo mearo đacajacurī mujare bojecubeda ũi me boje. Quénoramu.

# Hebreos

Mamabuinore coyuiebu iyoca paperayocare cūinácu pōescu ũi toivacaino mácarō ina judíoiva Jesúre ju aivu Hebreos āmicurivu bācavure. Caivu majibevu ũamene toivacayu bācure diyocare. Ũbenita iyede majivu: Nai toivacayu bācu diyocare jápiabedejaquemavu Jesúre, quénora jápiarejaquemavu Jesús ũi yávaiye méne coyupōeva mácavure (2:3). Ũi toivacaimara ne cójijinocacu āmenejaquemavu (13:7). Copaiyurejaquemavu ũi toivacaimara ne yebai (13:19). Pablo bācuí yóvaimaracacu bācu barejaquémavu (13:23). Italia āmicurijoborōcavu Jesúre ju aipōeva mácavu ne yóvaimu marejaquémavu (13:24). Obedivu majidivu ne dápiayeye, Apolos bācu toivacarejaquemavu diyocare (Hch 18:24-28). Apevu ne dápiayeye, Lucas bācu toivacarejaquemavu diyocare, diyoca ārojariyoca boje apeyoca pucayoca Lucas bācuí toivacaiye báquepe. Apevu ne dápiayeye, Bernabé bācu toivacarejaquemavu diyocare (Hch 11:22-26, Gá 2:11-21). Áimarocavu bācavure mamarumure eaiyoca bācarō diyocare máre, aru āimaro ũai toivacayu bācu ũi curiimaro ũi toivacaiyede diyocare máre caivu majibevu. Apevu “Jerusalén āmicuriimarocavure” arí, aru apevu “Antioquia āmicuriimarocavure” arí, apevu “Roma āmicuriimarocavure” arí, aru apevu “Alejandría āmicuriimarocavure”, arí dápiavubu. Toivacarejaquemavu Jūmenijicui cūrami Jerusalén āmicuriimarocadāmi mácarōre churarava ne tuvarí jaruvarājiye jipocai, que baru āniuju bācarōre 70 d.C. jipocare. Majidivu ne dápiayeye, toivacarejaquemavu āniuju bācarōre 66 d.C.

Nai toivacayu bācu diyocare toivacarejaquemavu ina judíoiva Jesúre ju aivu bācavure, ne dajocabenajiyeye ayu ne ju aiyede. Dápiaridivuvu barejaquémavu oatvarājivu, mearore jínajivu Jūmenijicure yópe ne jíye báquepedeca ne Jesúre ju arājiye jipocare. Toivacarejaquemavu coyuyu na mácavure yópe ne oatvayeye majibeve, Jūmenijicui bojecubede đaiye báque boje javede, Jesúí yainfburu nacajaiye báquede, āniñami javecadāmi ũre mearore jíñami mácarōre, aru ānina ũre jícaiye jipōeva, sacerdoteva bācavure, aru ānina āimara ũre jícaimara mácavure máre. Aru ũi bojecubede đaiyede caiye iyede epedejaquemavu Jesúre cūinácura majare jícaiye jiyure, aru epedejaquemavu Jesúí jivede cūinárora ũre jícaiye, aru epedejaquemavu cavarō mearore cūinárora maje ũre mearore jíñamine. Que baru ũai toivacayu bācu jádovarejaquemavu Jūmenijicu “Que đarājare”, ũi aino pōevare Jesúque mearore ũi aino mácarō Moisés bācuque pūeno, aru Jesúvacari meacu bajure caivu Jūmenijicure coyucapōeva mácavu pūeno.

## Jūmenijicu ũi coyūino mamacūque pōevare

(Mt 22.44; Jn 1.1-3; Col 1.15-17)

**1** <sup>1</sup>Javede Jūmenijicu ũi yávaiyede coyucapōeva mácavure coyucōjenejaquemavu. Majeñescuva mácavure coyurejaquemavu. Obedinūma yávarejaquemavu. Apecu Jūmenijicui yávaiyede coyucapōescu apede coyurí aru apecu máre apede, obedivu coyurejaquemavu. Que teni Jūmenijicu pōevare jádovari búrejaquemavu aipe ārojacure. <sup>2</sup>Ũbenita

caride, ijāravu buojaijārvavure, maje curijārvavure, Jesucristoi darīburu yóbore, Jūmenijicu yávarí jebeibi majare mamacūque. Ũrecabe Jūmenijicui cuedaicōjeimū mácu ijārvavure aru caiye ijārvavūquede. Ũrecabe Jūmenijicu pūrucuvaicōjeimū mácu caiyede, ũi cuedaquie jipocamia. <sup>3</sup>Ũrecabe jádovañu Jūmenijicu meacu bajure. Coreóvaivubu aipe ārojacure Jūmenijicure mamacūi đaiyeque aru ũi coyuiyeque máre. Ũrecabe cūináturu jípacu Jūmenijicūque. Ũrecabe caiyede cure đayū, ũi cōjeiyeque, ũi yávaiye

paruéque, caiye n̄quiyere ayu yópe Jūmenijicui n̄rōpe. Ērecabe jaruvayu bácu maje āmeina teiyede, Jūmenijicui ārumetequiyere ayu diede, maje curājiyere ayu yópe docucubevure maje ūmei. Que teniburu yóboi, ěrecabe dobacu bácu jípacu Jūmenijicu parucu caivu p̄eno ūi meap̄uravui cavarō mearoi, ūi c̄vae boje caiye jípacui paruéde ěpe, jabotecuyu caiyede. Aru nore cubi caride. <sup>4</sup>Jūmenijicu mamacure parure ðarejaquemavu caivu ángeleva p̄eno, ūi jaboteicōjeiyede ěre caiyede. Aru quédeca Jūmenijicu āmidorejaquemavu mamacure “jímacu”, jáðovacuyu ěre parucure ina ángeleva p̄eno.

**Jūmenijicui mácu parucu caivu ángeleva p̄eno**

(Mt 22.44; Mr 12:36; Lc 20:42-43)

<sup>5</sup>Ácu ángele cubebi ěre, yópe arĭ, Jūmenijicui toivaicōjeino mácarōre:

Jímacurecabu m̄. Caride caivu ne jápiainoi yávacari jaboteicōjeiv̄u mure, arejaquemavu Jūmenijicu mamacure.

Quédeca ácu ángele cubebi ěra, yópe arĭ, bedióna apeno Jūmenijicui toivaicōjeino mácarōre:

Ȳu bacuyámu ūi pacu. Aru ū macuyáme jímacu, arejaquemavu Jūmenijicu, ūi daroquiyede mamacure.

<sup>6</sup>Aru Jūmenijicu ūi daroquiyere jírocamiareca mamacu parucure, caivu ne p̄edarājimure, bedióna ij̄aravui, yópe arĭ, coyucuyume:

Caivu ina ji ángeleva mearore jíjarāri ěre, Jūmenijicu mamacurā acuyume.

<sup>7</sup>Que baru ángelevacarp̄ravu ne borore yópe arĭ, toivaicōjenejaquemavu Jūmenijicu:

Jūmenijicu ūi daroimara ángeleva ūmevure paivure ðaibi náre. Náre, ěre memecaiivure, toa uruinope paivure ðaibi ū, ne n̄raiyere boje ne memecaiyede ěre, arĭ coyurejaquemavu.

Que arĭ, jáðovarejaquemavu ángeleva oatuvaiivure aru dajocaiivure ne memecaiyede ěre. <sup>8</sup>Ūbenita mamacucarp̄ravure yópe arĭ, toivaicōjenejaquemavu Jūmenijicu:

M̄u, Jūmenijicu baju, cain̄mua p̄evare jabotecuyumu m̄. Mútamu meacu baju. Que baru cain̄mua p̄evare jabotecuyumu m̄ ména. Aru náre mearore ðare ðacuyumu yópe mi n̄rōpe. <sup>9</sup>Mearo ðaiyede ðaiyuvu m̄. Cain̄mua ðaivu m̄ yópe ji ðaicōjeiyere. Aru āmeno ðaiyede ðaiyubevu m̄. Cain̄mua ðabevu m̄ yópe ji ðaicōjemere. Que baru ȳu, Jūmenijicu, mi mearore jímu, beoiv̄u mure, caivu ne p̄edaimu macuyáre, mi jaboteiyede náre. Ȳu epeiv̄u mure parucure caivu mi yóvaimara, ina ángeleva p̄eno. Aru mure ne p̄edarājimu mae boje pare torojure ðaivu ȳu mure aru ina ángeleva mi yóvaimarare máre, Jūmenijicu arĭ coyurejaquemavu mamacure.

<sup>10</sup>Bedióna cojedeca Jūmenijicu, yópe arĭ, coyurejaquemavu mamacure:

M̄u, caivu ne jabocu yáque, mamarumure múvacari c̄edarejav̄u yo p̄evai curijoborōre. Aru múvacari c̄edarejav̄u cavarōre máre. <sup>11</sup>Caiye iye mi c̄edaiye báque c̄iiquiyebu. Ūbenita múcap̄ravu cain̄mua c̄imécubu. Quéhora sc̄uyumu cain̄mua. Caiye iye mi c̄edaiye báque yópe cuitótcaje javecacajere pojequiyebu. <sup>12</sup>Yópe p̄eva ne p̄epeiyepedeca ne cuitótcaje javecacajede, ne doiyede mamacaje cuitótcajede, nopedeca múvacari p̄epejene ðacuyumu caiye mi c̄edaiye báquede, mi epeiyede joborō mamarore aru cavarō mamarore máre. Yópe p̄eva ne oatuvaiyere ne cuitótcajede, nopedeca múvacari oatvacuyumu

caíye mi cuédaiye báquede.  
 Ûbenita mácapûravu  
 oatuvabecubu cainumua.  
 Bucutebecubu. Aru yaibécubu  
 mu, arí toivaicõjeneaquemavu  
 Jûmenijicu.

<sup>13</sup>Aru ácu ángele cubebi úre, yópe arí,  
 Jûmenijicui toivaicõjeino mácarõre:

Dobajacu ji meapûravui, mi cavae  
 boje paruéde yûpedeca. Aru  
 yu epecuyumu mi mauvare mi  
 cuboba cáchini. Que teni mure  
 vainí jaruvare ðacuyumu yu náre,  
 mi jabotequiyepa ayu náre, arí  
 coyurejaquemavu Jûmenijicu  
 mamacure.

<sup>14</sup>Ûbenita caivu ina ángelevacapûravu  
 torojurivu memecaivubu Jûmenijicure  
 aru mearore jívubu úre. Námu  
 Jûmenijicui daroimara, põeva ne  
 jámemara, cadatenajivu maja ñi  
 meadaimara márajivure, cavarãjivure  
 caiye iye méne Jûmenijicui ðacaquiyede  
 majare.

**Jûmenijicu ñi meadaino majare me  
 baju**

(Hch 2.22; 2 Co 12.12)

**2** <sup>1</sup>Caride coreóvaivubu maja  
 Jûmenijicui mácu parucure caivu  
 ina ángeleva pueno. Que baru pueno  
 baju me jápiarí adaiye javvu majare  
 iye ñi yáva iyede javene maje jápiaiye  
 báquede, maje ñájimenajiyepa aiyepa  
 maje jápiarí adabe boje. Diede ju arí,  
 ðaiye javvu majare yópe maje jápiaiye  
 báquedepedeca. Que ðaivu baru, ju are  
 nuri, árûmetebenajivubu aipe ðaiye  
 javrõre majare, maje bíjabenajiyepa aivu  
 maje ñmene. Ûbenita maje ju aiyede  
 dajocarí buivu baru, bíjare nurajivubu  
 maja maje ñmene.

<sup>2</sup>Javede Jûmenijicu ñi ángelevare  
 coyicõjeneaquemavu ñi ðaicõjeiyede  
 Moisés bácu, ñi toivarí epequiyepa  
 ayu diede majeñecuva mácvare, ne  
 majinajiyepa ayu diede. Iye ángeleva  
 ne coyuiye báque Jûmenijicui  
 yáva iye javne marejaquémavu. Que  
 baru caivu vainí tuivu bácvu diede

ñájinejaquemavu ne vainí tuíye báque  
 boje, yópe Jûmenijicu “Ina vainí tuívu  
 ji ðaicõjeiyede ñájinajarama”, ñi aiyepa  
 báquedepedeca. Aru caivu diede ju abevu  
 bácvu máre ñájinejaquemavu ne ju  
 abe báque boje, yópe Jûmenijicu “Ina  
 ju abevu yure ñájinajarama”, ñi aiyepa  
 báquedepedeca. <sup>3</sup>Que baru coreóvaivubu  
 maja javne ñájivu bácvure ina jápiarí  
 adabevu bácvu ángeleva yáva iyede.  
 Pueno baju coreóvaivubu maja javne  
 ñájinjivure majare, jápiarí adabevu  
 baru Jûmenijicui yáva iye mamaene,  
 ñi coyuyede caiye iye ñi mearo  
 ðacaquiyede majare, ñi meadaiyede  
 majare me.

Yópe epedajaquemavu majare  
 ñi yáva iye mamaene. Maje jabocu  
 Cristovacari mamatumcacu  
 coyurejamede Jûmenijicui meadaiyede  
 põevare me baju. Aru ina úre jápiaiye  
 bácvu coreóvare ðarejaima majare  
 Cristoi yáva iyede javene ne coyuyede  
 diede majare. <sup>4</sup>Aru Jûmenijicu  
 máre coreóvare ðaibi majare Cristoi  
 yáva iyede javene ñi ðare ðaiyeque  
 diede coyupõevare caije põeva ne  
 ðarí majibede, ne jámene, aru ñi ðaiye  
 paruéde máre, aru ñi jini coavaiyeque ñi  
 Espiritu Santoi majiécãrõre ñi põevare  
 yópe ñi urõpe, ne cadatenajiyepa ayu  
 apevure.

**Jesucristo põevare meadapõecu**

(Fil 2.6-11; He 12.2)

<sup>5</sup>Jápiarí adaiye javvu majare iye  
 Jûmenijicui yáva iye mamaene, ñi  
 coyucõjeiyepa báquede Cristore, maje  
 jabotenajiyepa boje Cristoque. Ángeleva  
 ñmenejaquemavu Jûmenijicui  
 jaboteicõjeimara ñi jaboteinocavure  
 mamajãravu edaquijãravu baquinóre,  
 ijãravu ji mujare yávajãravure. <sup>6</sup>Quénora  
 maja põeva marejaquémavu Jûmenijicui  
 jaboteicõjeimara ñi jaboteinocavure  
 mamajãravu edaquijãravu baquinóre.  
 Yópe arí, toivaicõjeneaquemavu  
 Jûmenijicu ñi yáva iyede:

Mu, Jûmenijicu, põeva  
 parubevureca mi jáinoi aru

ãrué jaubenovacari mure náre, ãruri dápiayubu mu náre. Põeva parubevureca mi jáinoi aru coreiye jaubenovacari mure náre, coreyubu mu náre. <sup>7</sup>Obebenumua epeivũ mu põevare quíjino parucu ángeleva cáchijinomía. Ëbenita que ñayuvacari, epeivũ mu ina põevare meara baju caivũ ne jáinoi. Aru caivũ pueðaðama náre. <sup>8</sup>Que teni jabotede ðaivũ mu ina põevare caiye mi cuedaiye báquede, arí toivaicõjenejaquemavũ Jũmenijicu.

Que arí, Jũmenijicu põevare jaboteicõjenejaquemavũ caiyede. Ye jaboteino cubeno aiyurõtamu no. Ëbenita caride jámevũ maja põevare caiyede jaboteivure. <sup>9</sup>Quénora coreóvaivubu maja Jesúrã. Obebenumua Jũmenijicu epedejaquemavũ ùre quíjino parucu ángeleva cáchijinomía. Nópe ðarejaquemavũ Jũmenijicu ùi ue boje caivũ põevare, Jesús ùi yaicáquiyepe ayũ majare boje. Ëbenita caride coreóvaivubu maja Jesúre Jũmenijicui epeimure meacu bajure aru maje pueðaimure máre, ùi ñájiye báque boje ùi yayiede.

<sup>10</sup>Jũmenijicu ye jaurõ cubecu ðarejaquemavũ Jesúre, ùi ñájiyede earí buojare ðacuyũ obedivũ põevare Jũmenijicui mára máravivũva, maje curãjiyepe ayũ meara baju Jũmenijicucue cavarõ mearo ùi curõi. Meavũ Jũmenijicu, ñai cuedayũ bácu caiyede ùi cuvaiyue boje diede, ùi eavare ðaiye majare ùi yebai ùi mára máravivũva. Aru Jesúrecabe yópe ùi jipocateni nuvaiyepe ùi mái, majare meðarí eare ðayũ caiye iye Jũmenijicui mearo ðacaquiyede majare. <sup>11</sup>Majare meðarí, Jũmenijicu jina tede ðaibi Jesús. Ñai jipocateyũ põevare Jũmenijicu yebai aru maja ùi jipocateimara máre cūináturu cvarivũbu majepacu Jũmenijicure. Que baru Jesúvacari “mujã, jívũ” ayũ majare,

cuyebebi ù. <sup>12</sup>Yóbesue ùi couyiyede, Jesús “jívũ”, arí couyrejaquemavũ maje borore, ùre ju aipõevare. Apenũmu yópe arejaquemavũ jípacu Jũmenijicure:

Couyũuyũmu mi borore jívure.

Ne cójjiyede, mearore jínajivũ mure, yuríacuyũmu yũ, mearore jícyũ mure, arejaquemavũ jípacu Jũmenijicure.

<sup>13</sup>Yópe máre arejaquemavũ:

Yúvacari ju acuyũmu jípacu

Jũmenijicure jáve, yópe ina jívũ ne ju aiyepe ùre, arejaquemavũ ù.

Aru cojedeca yópe máre arejaquemavũ:

Yui cuvũ yũ jívũque, ina põeva Jũmenijicui jímara mácavũque, arejaquemavũ ù, couyũ maje borore, ùi eavarãjimarare Jũmenijicu yebai.

<sup>14</sup>Maja põevatamu. Que baru Jesúvacari “Põecu tecuyũmu” aríburu, majape páyureca tedejaquemavũ ù. Põevape ãrojarejaquemavũ ù. Que tedejaquemavũ parubede ðacuyũ ñai abujuvai jabocure, ñai cuvacu ùi cõjeimarape caivũ põeva jidurivũ ne yainájiyede, ne boropateiyede, ne ãmeina teiye boje. Jesús ùi yayiede parubede ðarejaquemavũ ñai abujuvai jabocure. <sup>15</sup>Que teni meaðaibi põevare. Javede maje cœe báquede abujuvai jabocui cõjeimara curejavũ maja, maje jidúe boje yainore. Ëbenita yópe ne jodeiyepe cõjeimarare, nopedeca Jesús ñejaquemavũ majare abujuvai jabocui paruéde jocarí, maje jidubenajiyepes ayũ yainore. Ëi bojedaiye báque boje caiye maje ãmeina teiyede ùi jiveque, boropatebevũbu maja caride. Que baru jidubevũbu maje yainájinore.

<sup>16</sup>Me coreóvaivubu maja iyede: Jesús põetebedejaquemavũ, caðatecacuyũ ángelevare. Quénora põetedejaquemavũ, caðatecacuyũ maja põevare, Abraham mácu pãramenare, maje ju aiye boje Jũmenijicure. <sup>17</sup>Nópe ðacuyũ baru, cūináturu teiye jaurejaquemavũ Jesúre yópe ù jivũ Jũmenijicure ju aivure. Cūináturu majapedeca tebecu baru, sacerdotevare jaboteipõecu teni



buojabejebu ñ, Jūmenijicui cōjeiyepe ñacayū pōevare boje, ñi me jāquiyeye ayū majare. Cūináturureca majape páyū teni, cōmaje āroje jāri, aru dajocabecūva ñari ũre ñaiye jauéde, sacerdotevare jaboteipōescu teni buojarejaquemavū ñai Jesús. Memecarejaquemavū Jūmenijicure, ñi ārumetequiyepe ayū maje āmeina teiyede aru ñi me jāquiyeye ayū majare, Jesúi jācaiye báque boje ñi bajure Jūmenijicure. <sup>18</sup>Jesúvacari abujuvai jabocui jujovaiyūmū maridurejaquemavū. Aru ñājinejaquemavū diede. Que baru caride ũrecabe cadateni buojayū majare, abujuvai jabocui jujovaiyūmarare.

#### Jesús parucu Moisés bácu pueno

**3** <sup>1</sup>Caiye iye ji coyūiye mujare jāvetamu. Que baru muja, jivū, Jesúre ju aivū aru Jūmenijicu jina, yápe paivūbu muja máre Jūmenijicui cutuimara mácavū ñ jina mārājivū, cūvarājivū caiye iye Jūmenijicui mearo ñacaquiyede majare. Me ārūjara muja Jesúre, coreóvarājivū me aipe ārojacure aru aipe ñayure. ũrecabe Jūmenijicui daroimū mácu, ũre coyūcaipōescu, majide ñacayū majare Jūmenijicu “Que ñarājare” ñi aino mácarōre majare. Aru sacerdotevare jaboteipōescube ñ, cadatecayū majare, maje ñarājiyepe ayū yópe maje aiyepepedeca, maje ju aiye boje Jūmenijicure. <sup>2</sup>Jūmenijicu beorejaquemavū Jesúre ũre memecaipōescu.

Aru Jesús memecaibi Jūmenijicure dajocabecūva yópe ũre ñaiye jauōre, yópe Moisés bácu memecaiye báquepe Jūmenijicure dajocabecūva, ñi jaboteiyede Jūmenijicui pōeva Israecavū bácvare. <sup>3</sup>Ūbenita Jesúre pueñaiye javū Moisés bácvare pueñaiye pueno. Moisés bácu cūinácū Jūmenijicui pōevacacu barejaquemavū. Ūbenita Jesús, caiyede cuedayū bácu, Jūmenijicui pōevare máre ñarejaquemavū. Nopedeca pōescu cūramine ñarīburu yóboi, pueno baju, “Ñai pōescu cūramine ñaiyede majibi

me”, pōeva adama. Ūbenita majiéda, “Cūrami meadānimu”, adama na. Que baru, ñai ñayū bácu ne pueñaimūme ñi ñaiye báque pueno. Aru ñai cuedayū ne pueñaimūme ñi cuedaimara pueno. <sup>4</sup>Cūrami cubevū pōescu ñinamine ñayū cubedu. Ūbenita Jūmenijicurecabe caiye ijāravūquede cuedayū bácu.

<sup>5</sup>Moisés bácu, Jūmenijicui pōevacacu. Jūmenijicure memecarejaquemavū, coreyū ñi pōevare. ũre memecaiyūrejaquemavū. Que baru dajocabecūva ñarejaquemavū yópe ũre ñaiye jauōre. Moisés bácvapūravū ñi coyūiyeque aipe ñaiye jauōre Jūmenijicui pōevare, coreóvare ñarejaquemavū náre jāvene iye Jūmenijicui coyūquiyede aipe ñaiye jauōre obedijūna yóboi Jesucristoque. <sup>6</sup>Ūbenita Cristocapūravū Jūmenijicui mácube. Aru jabocui mácube parucu ũre memecaipōescu pueno. Que baru Cristobe parucu Moisés bácu pueno. Caride Cristorecabe dajocabecūva coreyū Jūmenijicui pōevare, yópe ũre ñaiye jauōre. Aru majamu Jūmenijicui pōeva, jidubevūva aru torojurī dajocabecūva napini corede nuivū baru iye ñi mearo ñacaquiyede majare.

#### Jūmenijicui pōeva ne cārijimequino (Ef 6.17)

<sup>7-8</sup>Mujamu Jūmenijicui pōeva. Que baru me jājara muja, yópe Jūmenijicui coyūcaicōjeiye báquepe ñai Espiritu Santore:

Caride muje jāpaiyede Jūmenijicui coyūiyede, jāpaiyūbevūpe tebejarā muja, yópe mujeñecūva mácavū ne teiye báquepe. Na mácvapūravū ju abedejaquemavū Jūmenijicure ne cuede pōescubeno. ũre ju abeni, ñi urōre majidivū bácvavacari ñabedejaquemavū na mácavū. “Ñājine ñabecube Jūmenijicu majare, ũre maje ju abedu”, arī dāpiaridurejaquemavū ūbenina na mácavū, arejaquemavū ñai Espiritu Santo.

<sup>9</sup>Jūmenijicu, yópe arī,  
toivaicōjenejaquemavu ũi soyuiye  
báquede:

No pōescubenoí m̄jeñecuva mácavu  
yure ju abeni, ji űrōre majidivũ  
bácavũvacari đabedejaquemavu.  
Pare maucũvarejaima yure,  
járividivũ bácavũvacari caiye ji  
đaiyede pōeva ne đarī majibede  
cuarenta paiçjua baju. <sup>10</sup>Que  
baru jorojīni járejacacu na  
mácavũre. Yópe arī dápíarejacacu  
nára: “Cainũma ina pōeva  
jápíaiyubema yure. Que  
baru ji űrōre aru ji đaiyede  
coreóvabenama na”, arī  
dápíarejacacu yũ. <sup>11</sup>Que baru  
pare baju jorojīni jáñũ, yópe  
arī dápíarejacacu yũ: “Yábu  
Jūmenijicu. Que baru yópe  
soyuyubu jáve. No joborō ji náre  
cārijimene đájũrorijoborōre ye  
eabenama na”, arī dápíarejacacu  
yũ, na mácavũre jarayũ, arī  
soyũrejaquemavu Jūmenijicu.

<sup>12</sup>Que baru m̄ja, jívũ, Jesúre ju  
aivũ, me đajarā, m̄jacacu cūinácu ũi  
ãmeina dápíabequiyepe aivũ ũi ũmei,  
đajocaiyũcu ũi ju aiyede ñai Jūmenijicu  
arũcure. <sup>13</sup>Quénora parure đajarā m̄ja,  
cađatenajivũ m̄jacavũre, parũrō nure  
đarājivũ m̄je ju aiyede Jūmenijicure.  
Nópe đajarā m̄ja, “Jesúre ju are  
nũivũ bájara”, caijãrvua m̄je cuede  
cãreja “caride”, Jūmenijicui yávaiyede  
soyuiye báquere. M̄jacacu cūinácu  
yávaiyede jávene jápiayubecure  
tebejacurī, abujuvai jabocui jujovaiye  
báque boje ũre ũi borocuede  
soyuiyeque Jūmenijicurã. Nópe đayũ  
baru, ãmeina tejebu. Aru ãmeina teyũ  
baru, đajocajebu ũi ju aiyede Jesúre.

<sup>14</sup>Cainũma maje cuede cãreja ijãravũ  
đajocabevũva ju are nũiye jaũvũ  
majare Jesúre parũéque, yópe maje  
mamarũmure ju aiyede báqueredeca  
ũre. Nópe đaiye jaũvũ caivũ majare,  
yóvarãjivure Cristore, memenajivure  
ijãravũ ũíque, aru curãjivure cavarō  
mearo Jūmenijicui curōi. <sup>15</sup>Que baru

yópe arī, toivaicōjenejaquemavu  
Jūmenijicu:

Caride m̄je jápiayede Jūmenijicui  
soyuiyede, jápiayubevũre  
tebejarā m̄ja, yópe m̄jeñecuva  
mácavu ne teiye báquere. Na  
mácavũcapũravũ Jūmenijicure ju  
abedejaquemavu, arejaquemavu ũi.

<sup>16</sup>Caivũ ina majeñecuva mácavu,  
Moisés bácui jipocateimara  
mácavu Egipto ãmicũrijoborōre  
jocarī, Jūmenijicui soyuiye  
jápíaiyvũ bácavũvacari ju abeni  
maucũvarejaquemavu ũre. <sup>17-18</sup>Aru  
caivũ ina ju abevũ bácavũre ũi  
cōjeiyede yópe pare baju arejaquemavu  
Jūmenijicu: “Yábu Jūmenijicu. Que baru  
yópe soyuyubu jáve. No joborō ji náre  
cārijimene đájũrorijoborōre ye  
eabenama na”, arejaquemavu. Aru Jūmenijicu  
ãmeina jorojīnejaquemavu na mácavũque  
ne ãmeina teiye boje cuarenta paiçjua  
baju. Que baru yaidé đarejaquemavu  
na mácavũre no pōescubenoí. <sup>19</sup>Que  
baru coreóvaivũbu maja aipe vaiye  
báquede na mácavũre. No joborō ne  
cārijimejũrorijoborōre eabedejaquemavu  
na mácavu, ne jápiayubeni ju abe báque  
boje Jūmenijicure.

**4** <sup>1</sup>Aru Jūmenijicu “Que đacacũyũtu  
yũ jáve” arī, cārijimene đaiyubi  
majare máre ũíque, yópe ũi cārijimene  
đaiyũrĩdiyede báquere majeñecuva  
mácavũre. Que baru me jáiye jaũvũ  
majare Jūmenijicu ũi eaicōjemequiyepe  
aiye cūinácu m̄jacacure ũi cārijimene  
đaiyede yópe “Jãve đacacũyũtu”, ũi  
aiye báqueredeca. <sup>2</sup>Yópe majeñecuva  
mácavu ne jápiayede báquere iye yávaiye  
méne Jūmenijicui cārijimene đaiyuede  
pōevare, nopedeca maja máre jápiayvũ  
bácavũbu iye yávaiye méne. Ŭbenita  
na mácavu diede jápiarĩdivũvacari, ju  
abedejaquemavu diede. Que baru na  
mácavu barejaquémavu Jūmenijicui  
cađatebemara. <sup>3</sup>Ŭbenita maja Jesúre  
ju aivũrecabu Jūmenijicui cārijimene  
đaimara. Jūmenijicurecabe cārijimene  
đaiye majicu. No cārijimene đaiyede  
Jūmenijicu, yópe arī, soyũrejaquemavu:

Jorojini jáññ pare baju, yópe arí dápiarejacacu: “Yábu Jūmenijicu. Que baru yópe coyuyubu jáve. No joborō ji náre cārijimene đájurorijoborōre ye eabenama na”, arí dápiarejacacu yñ, na mácvure jarayñ, arí coyurejaquemavñ Jūmenijicu.

Nópe arejaquemavñ Jūmenijicu, majicu bācu ñi caiyede cuedaquíye jipocamia, caiyede ñi đaquíyede, cārijimene đacuyñ majare úque. Aru cuedarí buojarí, ñi memeinore buojarejaquemavñ Jūmenijicu. <sup>4</sup>Jūmenijicui yávaiyede, yópe arí, toivaicōjeneaquemavñ no jāravñ ñi cuedarí buojajāravñ bācarōra.

Seis pajāravñva vaiyede, cuedarí dajocarí buojarejaquemavñ Jūmenijicu, cārijimescñ, arí toivaicōjeneaquemavñ ñ.

<sup>5</sup>Yópe ji coyúiye báquepe mujare jipocamia, iye ñi cārijimene đaiyede, yópe arí, toivaicōjeneaquemavñ Jūmenijicu:

“No joborō ji náre cārijimene đájurorijoborōre ye eabenama na”, arí toivaicōjeneaquemavñ ñ, Jūmenijicu.

<sup>6</sup>Ina majeñecuva mácvñ, mamarumñ jápiaivñ bācvñ iye yávaiye méne Jūmenijicui cārijimene đaiyede pōevare, cārijimene đaimara āmenejaquemavñ na mácvñ, ne diede jápiarídurí jñ abe báque boje. Æbenita apevñ pōeva cūma caride, Jūmenijicui cārijimene đaimara.

<sup>7</sup>Diede coreóvaivubñ maja Jūmenijicui beojāravñre, “carí jāravñ” ñi aijāravñre. Que baru obediñjñva vainñburu yóbore, yópe ji coyúiye báquepe mujare jipocamia, yópe arí, David bācvñre toivaicōjeneaquemavñ Jūmenijicu cūináro yñriainore:

Caride mñje jápiaiye de Jūmenijicui coyúiyede, jápiaiyubevñre tebejarā mñja, arí coyurejaquemavñ David bācvñ.

<sup>8</sup>Æi que aye báque boje, coreóvaivubñ maja Jūmenijicu cārijimene đaiyucñre apenñmucavñre, Josué bācvñ

yóbocavñre. Josué bācvñ jaboteiyede majeñecuva mácvñre, ne mauva mácvñre boarí, vainí turejaquemavñ. Aru dinñmñre yópe Jūmenijicu “Jāve đacacuyumñ”, ñi aye báquepedeca, cārijimene đarejaquemavñ na mácvñre. Æbenita Jūmenijicu ñi coyúicōjeiyede David bācvñre bedióva apejāravñrā, “caride” arí, maje cārijimenajiyede coyurejaquemavñ.

<sup>9</sup>Caiye iye jāvetamu. Que baru Jūmenijicui pōeva eavvubu curivñ ijāravñi cārijimenoque maje ũmei. Yópe Jūmenijicui cuedarí dajocaiye báquepedeca cuedayñ bācvñ seis pajāravñvai, nopedeca maja ñi pōeva máre dajocavvubu maje āmeina teni đaiyñede, maje jñ aiyede Jesúre.

<sup>10</sup>Caivñ maja dajocavñ bācvñ maje đaiye báquede cārijimenoque maje ũmei curivvubu caride, đarājivñ yópe Jūmenijicui urōpe, yópe Jūmenijicu cārijimescñ ñi cñere ñi cuedaríburu yóbore caiye ijāravñquede, die ññquiyepe aivñ yópe ñi urōpe.

<sup>11</sup>Que baru caino maje oainope đaiye javññvñ majare, earājivñvñ maje cñede Jūmenijicucñe cārijimenoque. Nópe đaiye javññvñ majare, majacacñ cūinácvñ ñi cubequiyepe aivñ eabecñ ñi cñede Jūmenijicucñe cārijimenoque, ñi dajocaiye boje ñi jñ aiyede Jesúre, yópe majeñecuva mácvñ ne eabe báquepe ne cñede Jūmenijicucñe cārijimenoque, ne jápiabeni jñ abe báque boje ñi yávaiyede. <sup>12</sup>Jūmenijicu ñi yávaiyeque coyuyube pōevare ñi dápiainore. Que baru ñi yávaiyebu apñépe. Aru ñ majidive đayube pōevare ñi urōre ñi yávaiyeque. Que baru ñi yávaiyebu parué. Yópe carove urñjidive cairñcapūravñva burarí coavaiyepe me, nopedeca aru pñeno baju me coavaiyebu Jūmenijicui yávaiye. Yópe carove cotñvaiyepe pōescñ bajure, nopedeca Jūmenijicui yávaiye cotñvaiyebu pōescñ jívñi pñ ñi ũmeita aru pñ ñi decocñita máre. Que baru maje bueiye de Jūmenijicui yávaiyede coreóvarí eavvubu méne o āmene maje urōre aru maje dápiainore máre.

<sup>13</sup>Põescu cubebi apejēne yaveiye majicu Jūmenijicure jocarī. Caiye iye maje dāpiaiyede jāri majibi Jūmenijicu. Aru ūrecabe maje coyurājimu caiye maje đaiyede ijāravui.

**Jesús sacerdotevare jaboteipõescu paruscu caivn pueno majare boje**  
(Mt 26.36-46; Mr 14.32-42; Lc 22.39-46; Jn 10.18; Fil 2.8; He 1.5)

<sup>14</sup>Caride coyurajivn mujare bediõva cojedeca Jesucristo Jūmenijicu mácure, sacerdotevare jaboteipõescu paruscure caivn pueno. Nai sacerdotevare jaboteipõescu coyusaiibi Jūmenijicure majare boje. Jesucristorecabe ecoyũ bācu cavarõ mearo Jūmenijicu curõ bajui. Que baru majare parure nuiye jaũvũ maje ũmei, đarājivn yõpe maje aiypedeca maje ju aiye boje Jūmenijicure. <sup>15</sup>Nai sacerdotevare jaboteipõescu majare boje jāve cõmaje āroje jāñme majare maje ñājiyede, maje parube boje maje ũmei. Nai abujuvai jabocu ũi jujovaiyede majare, ñājīñavũ maja. Jesũre mãre, majapedeca, jujovarĩdurejaquemavn ñai abujuvai jabocu. Que baru Jesús me coreõvaibi maje ñājiyede. Caino ũi oainope ñai abujuvai jabocu jujovarĩdurejaquemavn Jesũre. Ūbenita ye jujovarĩ obedejaquemavn ũre. Aru Jesũcapũravũ ye āmeina tebedejaquemavn cainũma. <sup>16</sup>Que baru, yõpe maje joabejĩnoi nuiyepẽ ũi yebai, jēniarajarevũ jidubevũva Jūmenijicu paruscũ bajure. Nõpe đarājarevũ, ũi cõmaje āroje jāquiyepẽ aivũ majare, ũi ārucmetequiyepẽ aivũ maje āmeina teiyede, aru ũi jíquiyepẽ aivũ bojecubeda majare jauéde, ũi cadatequiyepẽ aivũ majare.

**5** <sup>1</sup>Caride ārũre đaquijivn mujare aipe ārojarivũre ina sacerdotevare jaboteipõeva mácavũre. Jūmenijicu beorejaquemavn caivn sacerdotevare jaboteipõeva mácavũre nácavn ne jēneboi. Aru epedejaquemavn na mácavũre, ne memecarājiyepẽ ayũ ũre põevare boje. Ūre memecarejaquemavn

jícaivn Jūmenijicure āimara ne boaĩmara mácavũre juaiyede, nácavn aru ne baju mãre ne āmeina teiye boje, ũi ñājine đabequiyepẽ aivũ nãre die boje, aru ape jícaiyede mãre, pueđarĩ Jūmenijicure, torojuede jĩnajivn, ũi cadateiye bāque boje nãre.

<sup>2</sup>Sacerdotevare jaboteipõescũvacari parubedejaquemavn ũi ũmei, yõpe apẽvũ põevape. Que baru cõmaje āroje jāñũ coreõvarejaquemavn ina āmeina teivũre coreõvabevũva, ne majibe boje yéde āmeina teiyede. <sup>3</sup>Aru ũvacari ũi parube boje ũi ũmei, Jūmenijicure jícaiyẽ jaurejaquemavn ũre āimara boaĩmara mácavũre juaiyede, põeva ne āmeina teiye boje aru ũi baju āmeina teiye boje mãre.

<sup>4</sup>Sacerdotevare jaboteipõescu bācu barejaquémavn põeva ne pueđaimũ, ũi memecaiye boje Jūmenijicure parũéque. Aru põescu cubebi ũi bajure beorĩ epẽvũ sacerdotevare jaboteipõescũva. Quénora Jūmenijicurecabe cũinácũra beorĩ, cuturĩ, epẽvũ sacerdotevare jaboteipõescũva. Quédeca barejaquémavn Aarón mácũ, põeva ne pueđaimũ mácũ, Jūmenijicu beorĩ, cuturĩ, epẽiye bāque boje ũ mácure sacerdotevare jaboteipõescũva.

<sup>5</sup>Aru nopedeca vaidéjaquemavn Cristore. Ūvacari ũi bajure beorĩ epebedejaquemavn sacerdotevare jaboteipõescũva. Quénora Jūmenijicũvacari ũre beorĩ, epẽni, yõpe arejaquemavn ũre:

Jĩmacurecabu mũ. Caride caivn ne járiainoi yũvacari jaboteicõjeivn mũre, arejaquemavn Jūmenijicu matascũre.

<sup>6</sup>Aru apeno Jūmenijicu soyũno mácārõre Cristore, yõpe arĩ, toivaicõjeneaquemavn:

Cainũma sacerdotẽ tecũũmu mũ dajocabescũva, yõpe Melquisedec ũi sacerdotẽ teiye bāquepedeca dajocabescũva, arejaquemavn Jūmenijicu.

<sup>7</sup>Cristo ũi cuede cãreja ijāravui coyũvarejamedã Jūmenijicũque, aru

jēniarejamedā úque, ũi cadatequiyepe ayu. Orique codoboborī jēniavarejamedā Jūmenijicure, ñai meadaíye majicure úre ũi yaijurorōre jocarī. Aru Cristoi pueđarī ju aíye boje, ũi jēniayede Jūmenijicure, “Mi urōpe đajacu mu” arī, Jūmenijiccapūravu Cristoi jēniayede jápiarī ju arejaquemavu, ũi cadateiyede Cristoi đaquíyepē ayu yópe ũi urōpe. <sup>8</sup>Cristo, Jūmenijicui mácu, jípacure ju aíye majicūvacari, ñájiñu majini jebedejaquemavu aipe ārojaene Jūmenijicure jápiarī ju aiyede aru ũi urōpe đaiyede. <sup>9</sup>Cristoi đaiye báquede caiye iye úre jauéde yópe Jūmenijicui urōpe, pōevare meadaipōescu tedejaquemavu. Que baru caivu maja úre jápiarī ju arī đaívure yópe ũi urōpe meadayube ũ, maje cūvarājiyepē ayu caiye iye Jūmenijicui mearo đacaquíyede majare, aru maje jabotenajiyepē ayu Cristoque cainumua. <sup>10</sup>Aru Jūmenijicu epedejaquemavu úre sacerdotevare jaboteipōescūva cainumua, yópe ũi epeiye báquepedeca Melquisedede sacerdotevare jaboteipōescūva.

**Dajocabearā muje ju aiyede Cristore**  
(1 Co 3.2)

<sup>11</sup>Toivacaiyurīduivu mujare urarō iye Cristoi sacerdotevare jaboteiyede. Ūbenita mujacapūravu júracurivu tedavū. Que baru ji coyuru mujare Cristoi sacerdotevare jaboteiyede, jápiabejebu muja. Que baru maiyójavu yure diede ji coyuyurīduiyede mujare. <sup>12</sup>Javede majivu muja iye yávaiye méne Cristorā. Aru úre ju aivubu obediuare. Que baru parurivu baru muje ũmei, mujavacari buejebu apévure, ne jápiarī ju arājiyepē aivu diede. Ūbenita quénora pu caride máre mujavacari me jápiarī eabevu. Jauvu mujare apévū ne bueiye bediōva cojedeca no bueino maiyójabenore, yópe mamarumu muje bueino mácarōpe Jūmenijicui yávaiyequede.

Mujavacari juedojinape paivu tedavū. Juedojinā opeco matuiyeda úcuñaima. Ūbenita bucūva āiyede āiye

majima. Quédeca pōeva juedojinape paivu ne ũmei quénora Jūmenijicui yávaiye maiyójabede jápiarī eadama na. Ūbenita pōeva bucūvape paivu ne ũmei Jūmenijicui yávaiye maiyójaede máre jápiarī eadama na. <sup>13</sup>Caivu ina āri majibevu aru opeco matuiyeda ũcuivu juedojinatamu. Bucūva āmevatamu cāreja. Pōeva majibevu yéde đaiye méne aru āmene máre juedojinape paivubu ne ũmei. Dápiarī majibevu cāreja iye maiyójaede Jūmenijicui yávaiyequede. <sup>14</sup>Ūbenita ina āri majidivu bucūvatamu. Pōeva majidivu aipe đaiye méne aru āmene máre bucūvape paivubu ne ũmei, ne dápiarī cōmajiyepē boje caiye ne đaiyede mearo maru o āmeno maru. Dápiarī majidivubu iye maiyójaede Jūmenijicui yávaiyequede.

**6** <sup>1</sup>Que baru bueiye jauvu majare Jūmenijicui yávaiye maiyójaede ũi yávaiye méne Cristorā, yópe ina bucūvape ne ũmei ne bueiypedeca, maje đarājiyepē aipe járavua coapa yópe Jūmenijicui urōpe Cristoi parúeque. Buebenajaramu bediōva cojedeca Jūmenijicui yávaiye maiyójabede ũi yávaiye méne Cristorā, yópe maje mamarumu bueiye báquepe, yópe ina juedojinape ne ũmei ne bueiypedeca. Que baru mujare buebequijivu cojedeca iye muje mamarumu bueiye báquede. Maja buebenajaramu pōeva ne chíoiyede ne āmeina teiyede aru ne đajocaiyede diede, oatvarājivu ne đaiyede, Jūmenijicui jaruvaiyepē aivu diede, náre coavajuroede úre jaruvarī. Aru pōeva ne ju aiyede Jūmenijicure buebenajaramu maja. <sup>2</sup>Mujare buebequijivu cojedeca iye bueiyede pōeva ne Jūmenijicūque jádovaiyede ocoque aru ne apévure tuoiyede ne pūruáque, Jūmenijicui mearo đacaquíyepē ayu ina tuoimarare. Mujare buebequijivu cojedeca iye bueiyede pōeva ne nacajarajiyede yainore jaruvarī, cūrājivu cainumua mamabaju cūimébajuque, aru Jūmenijicui jaroquíyede caivu pōevare ne cūrājinoi járavu cūiméjáravu baquinóre, apévure

cavarō mearo ũi curōi aru apεvure toabo cūiméboi, na coapa ne đaiye báque boje ne cuede ijāravui. <sup>3</sup>Quénora bueiye javuv majare Jūmenijicui yávaiye maiyójaede ũi yávaiye méne Cristorā bucuvape tenajivu maja maje ũmei ye jaubeda. Bucuvape teiyuru maje ũmei, Jūmenijicu buiecōjecuyume majare ũi yávaiye maiyójaede. Aru Jūmenijicui nópe buiecōjenu majare, coreóvarājivubu Cristore ye jaubeda.

<sup>4-6</sup>Ūbenita nópe bueni buojabevu apεvu pōeva. Pōecu ūbenina bueyu bácu Jūmenijicui yávaiyede aru ju arīduyu bácu Cristore, ũi ju abeni dajocarū ũi ju arīduiye báquede Cristore, pōecu cubebi majicu chíore đayū, ũi dajocaquiyepε ayū ũi ámeina teiyede aru ũi oatvaquiyepε ayū ũi đaiyede. Pōeva úpe paivurecabu cūinára coreóvaivu bácvu Jūmenijicui yávaiye méne jāvene Cristorā, aru cvarivuv bácvu Jūmenijicui mearo đacaiyede náre ũi meadaiye báquede náre aru ũi cure đaquiyede náre jāravv cūiméjāravv baquinóre úque, aru cvarivuv bácvu Jūmenijicui Espírítu Santoi majícaróre, aru majidivv bácvu Jūmenijicu đayure cainumua yópe ũi aiyε báquepedeca ũi yávaiyeque, aru jáivu bácvu Jesúre ju aipōeva ne đaiyede Jūmenijicui parúeque, yópe Jūmenijicu đacuyure ũi jaroquiyede apεvu pōevare ũi curōi aru apεvu pōevare toabo cūiméboi. Caiye diede majidivv bácvuvacari, nárecabu dajocavv bácvu ne ju aiyε báquede Cristore. Que đarī yópe pēvaiyepε Jūmenijicui mácvε cojedeca jocusjaravena, ne ũbe boje úre, pōeva ne yurinajiyepε aivu, đadama na.

<sup>7</sup>Que baru jēvari coyurī, pōevamu yópe joborópe. Jūmenijicu ocare đaibi joborōi. Nore ne jiore pōeva ne memeniburu yóbore aru ne oteiyε báque pīarīburu yóbore, ure jēiyε méne ĩñama ina memepōeva. Que baru Jūmenijicu mearo đacaibi no joboróre, pōeva ne memeiye boje. <sup>8</sup>Ūbenita no joboróre pōeva ne mememenu, miumenejaiye aru ámecōriámenejaiye máre quéda pīaiyavv

nore jiorojai. No joborō bojecube boje, jēiyε cube boje nore, pōeva ne juarīburu yóbore caiye iye miumenejaiyede aru iye ámecōriámenejaiyede máre dajocadama no jiorojare jocarī. Que baru Jūmenijicu ámedaibi no joboróre, pōeva ne mememe boje. Quédeca Jūmenijicu mearo đacaibi úre ju aivure aru ĩájine đaibi úre ju abεvure.

**Maja dajocabevu maje ju aiyede Cristore maje napini coreiye boje Jūmenijicui me đacaquiyede majare**

<sup>9</sup>Muja, jívu, ji umara, yu toivacayuvacari nópe parúeque ji coyuiyede, majicacuyv mujare, ūbenita cārijimevv yu mujare boje. Quénora coreóvaivu yu đare nuivure yópe javépe mujare, Jūmenijicui pōevare, ũi meadaiye báque boje mujare. Đadavū yópe mujare javépe muje memecaiyede Jūmenijicure aru muje cadateiyede apεvu pōevare. <sup>10</sup>Cainumua Jūmenijicu mearo đaibi, yópe úre javépe. Que baru jāve árucuyume muje memecaiyede úre. Muja cadateđavū apεvu majevv Jesúre ju aipōevare javede aru caride máre. Que teni muje uede Jūmenijicure jáđovadavv. Diede Jūmenijicu árumetebecuyume cainumua.

<sup>11</sup>Ūraróreca vvv yu mujare coapa muje memecare nurajiyepε ayū Jūmenijicure torojurivv, muje cadateiyequε apεvure cainumua muje cuede ijāravui. Que đavv baru, caiye iye Jūmenijicui mearo đacaquiyede mujare, muje napini coreiyede, earājaramu muja. <sup>12</sup>Ūbevū yu mujare júracurivv tede nuivure muje jápiayede Jūmenijicui yávaiyede. Quénora ina ũi yávaiyede jápiarī ju aivure tejarā muja. Ina dajocabevure ne ju aiyede Jūmenijicure aru napivure ne ĩájiyede tejarā muja. Náre paivurecabu earājivv caiye iye Jūmenijicui mearo đacaquiyede náre yópe ũi aiyε báquepedeca.

<sup>13-14</sup>Nápe páyurecabe majeñecu mácu Abraham mácu. Javede yópe arejaquemavv Jūmenijicu ũi mácvε: “Yūbu Jūmenijicu. Que baru yópe

coyuyubu mure jāve. Mure mearo baju đacacuyumu yu. Aru mipāramena mārājivū obedivū baju tenajarama ina mārājivū”, arejaquemavū Jūmenijicu. Jūmenijicūi nōpe aīye bāquede Abraham mácure, “Jāve baju đacuyumu yu nōpe ji aīye bāquepedeca”, arejaquemavū. Apesu ũi cube boje parucu Jūmenijicu pñeno, “Yúvacari jáđovacuyumu jāvene ‘Jāve baju đacuyumu’, ji aīye bāquepedeca”, arejaquemavū ũ. <sup>15</sup> Abraham mácucapūravū napini corede nūrejaquemavū Jūmenijicūi đacaquiyede yōpe ũi aīye bāquepedeca. Aru Jūmenijicu vaidé đarejaquemavū ũi mácure yōpe ũi aīye bāquepedeca.

<sup>16</sup> Pōeva “Jāve đacuyumu yu” ne aiyede, ne baju pñeno baju parucure cainmua jēniavaivubu, ũi jáđovaquiyepē aivū jāvene ne aīye bāquede. Apesu cubebi yāvare nūri majicu, pōesu que aru. Quénora caivū “¿Đacuyū bārica yōpe ũi aīyepē?” abevūva, coreóvaivubu jāve đacuyure caino ũi oainope. <sup>17</sup> Aru quédeca “Jāve đacuyumu”, arejaquemavū Jūmenijicu, jáđovacuyū parūrōre ũi coyūino mácarōre. Jūmenijicucapūravū ye oatuvabebi ũi dāpiainore ũi đaiyuede. Diede coreóvare đaiyurejaquemavū ina ũi mearo đacaímara mārājivūre yōpe ũi aīye bāquepe. Que baru, “Yúvacari jáđovacuyumu jāvene ‘Jāve baju đacuyumu’, ji aīye bāquepedeca”, arejaquemavū Jūmenijicu.

<sup>18</sup> Jūmenijicu “Jāve đacuyumu yu”, ũi aīye ye oatuvaiye buojabevū cainmua. Aru, “Yúvacari jáđovacuyumu jāvene ‘Jāve baju đacuyumu’, ji aīye bāquepedeca”, ũi aīye máre ye oatuvaiye buojabevū cainmua. Diena ye borocurī buojabebi Jūmenijicu. Que baru maja Jūmenijicūi pōevatamu, cūinā đajocaiivū bācavū caiye maje āmeina teni đaiyuede aru ũi meadaimara curivū maje āmeina teiyede jarūvarī. Aru torojueque napini corede nuivubu, earājivū Jūmenijicūi mearo đacaquiyē jāve bajure majare. <sup>19</sup> Maja napini coreivū diede, parurivubu maje ũmei aru ye đajocabevū maje

ju aiyede Jūmenijicure. Que baru āmedaimara tebevū maje ũmei. Yōpe sacerdotevare jaboteipōesu bācūi ecoīye bāquepe no Jūmenijicūi cūramicacaje ũracaje bācarō aperūravure, nopedeca ũai maje napini corenajimū ecorejaquemavū cavarō mearo Jūmenijicūi curōita. <sup>20</sup> Ūrecabe Jesús. Cadatecuyū majare, ecorejaquemavū Jūmenijicūi curō mearoi maje jipoca. Aru sacerdotevare jaboteipōesu teibi yōpe Melquisedei sacerdote teīye bāquepedeca.

**Jesús ũi sacerdotevare jaboteino  
Melquisedec ũi sacerdote teino  
mácarōpe  
(He 5.6)**

**7** <sup>1</sup> Ārure đaquijivū mūjare ũai Melquisedede, ũamene aru aīpe ũi đaiye bāquede. ũai Melquisedec Salem āmicurīmarocavū bācavū ne jabocu barejaquémavū. Aru Jūmenijicu caivū pñeno parucure memecarejaquemavū sacerdotēpe. Majeñecu Abraham mácūi copaiyede ũi jivū bācavūque ne boarī, vainī turīburu yóbore apēvū jabovacavūjā mácavūre, Abraham mácure copū nūri, jēniarejaquemavū Jūmenijicure, ũi mearo đacaquiyepē ayū Abraham mácure. <sup>2</sup> Aru caiye iye cūvede ũi íye bāquede ũi boarī, vainī tūimara mácavūre jocarī, caipurcapurūape paiyede coavarīburu yóbore, cūináro iye coavaiye bāquecarōre jídejaquemavū Melquisedede Abraham mácū. Nōpe đarejaquemavū Melquisedec ũi sacerdote teīye bāque boje. No āmiá Melquisedec “jabocu méne đayū” aiyūrōtamu. Aru no āmiá Salem “cārijimeno” aiyūrōtamu. Que baru jabocu méne đayū aru cārijimene đayū barejaquémavū ũai Melquisedec. <sup>3</sup> Pōesu cubebi yéde coreóvayū Melquisedei pacū bācūi borore, aru ũi paco bācoi borore, aru ũi ñecuva mácavū ne borore máre. ũame majibema ũi pōeteino mácarōra aru ũi yaino mácarōra máre. Que baru Jūmenijicūi mácupe páyū sacerdotēbe cainmua, ũai Melquisedec.

<sup>4</sup>Me majivũ maja ñai Melquisedec maje puedaimure majeñecu Abraham mácu pueno. Abraham mácu barejaquémavũ majeñecu mamacu bácu, maja Israecavũ maje pøeyajuboare báyu bácu. Que baru ù mácu maje puedaimũme. Ûbenita ù mácuvacari Melquisedede jídejaquemavũ no cüináro iye coavaiye báquecarõ mearo bajure, ùi íye báquede caipũcarũgũape paiye coavaiye báquede ùi boarí, vainí tuimara mácvure jocarí, ùi jíquiyepe ayũ diede Jũmenijicu.

<sup>5</sup>Aru me majivũ maja apevũ ina Abraham mácuĩ pãramesu bácu Leví ãmicucu bácuĩ pãramenacavũ Jũmenijicure memecaipõeva mácvure sacerdotevape. Na mácvurecabu Jũmenijicui jacorpõcõjeimara mácvũ caivũ apevũ Israecavũ bácvũ, majeñecuva mácvure cüináro iye caipũcarũgũape paiye ne cũvae coavaiyecarõre, yõpe Jũmenijicui ñaicõjeiyepe ùi coyũie báquede Moisés bácvure. Ina Israecavũ bácvũ névũ bácvũvacari, Abraham mácuĩ pãramena mácvũvacari, ina sacerdoteva bácvũ cũvaede jacorpũrejaquemavũ na mácvure.

<sup>6</sup>Ûbenita Melquisedecapũravũ Leví bácuĩ pãramesu ãmescuvacari, Abraham mácvure, ñai Jũmenijicu “Jãve mearo ñacacũyũtu yũ mure”, ùi aimũ mácvure, jacorpũrejaquemavũ no cüináro iye caipũcarũgũape paiye ùi cũvae coavaiye báquecarõre, Abraham mácuĩ jíye báquede Melquisedede. Aru Melquisedec jẽniarejaquemavũ Jũmenijicure, ùi mearo ñacacũiyepe ayũ Abraham mácvure. <sup>7</sup>Caivũ põeva coreóvaivũbu iyede: Puedaimũtame ñai jẽniañũ Jũmenijicui mearo ñacacũiyepe ayũ apesure ùi jẽniacaimũ pueno.

<sup>8</sup>Apede máre me majivũ maja. Caivũ ina sacerdoteva Leví bácuĩ pãramenacavũ bácvũ barejaquémavũ yainájivũ. Ne cũede ijãravũ Jũmenijicure memecarí jacorpũrejaquemavũ névũ bácvũ jíye coapa na mácvure cüináro

iye caipũcarũgũape paiye ne cũvae coavaiyecarõre. Ûbenita caivũ ina sacerdoteva bácvure dajocaiye jaũrejaquemavũ ne memecaiyede, ne yaiye boje. Caivũ ina sacerdoteva bácvũ ne bucuteni yainíburu yóbore, apevũta ne memecaino mácarõre memecarejaquemavũ. Ûbenita Jũmenijicu ùi yãvaiyede toivaicõjemenejaquemavũ Melquisedei yaiye báque borore. Que baru Melquisedecapũravũ yaibécupe páyũbe. <sup>9</sup>Ina sacerdoteva bácvũ Leví bácuĩ pãramenacavũ bácvũ jacorpũrejaquemavũ névũ bácvũ jíye coapa na mácvure cüináro iye caipũcarũgũape paiye ne cũvae coavaiyecarõre. Aru Leví bácu Abraham mácuĩ pãramesu barejaquémavũ. Que baru Abraham mácuĩ jíye báquede no cüináro coavaiye báquecarõre iye caipũcarũgũape paiye iye cũve ùi íye báquede ùi boarí, vainí tuimara mácvure jocarí, yõpe barejaquémavũ Leví bácu máre ùi jíye báquepe.

<sup>10</sup>Melquisedei copũ nuíye báquede Abraham mácvure, Leví bácu Abraham mácuĩ pãramesu bacũyũ boje, yõpe barejaquémavũ Leví bácu põtebecu bácvũvacari cãreja, aru caivũ apevũ Abraham mácuĩ pãramena márajivũ máre, ne cũepe néñecu mácvure Jũmenijicui jáinoi.

<sup>11</sup>Jũmenijicu coyũrejaquemavũ ùi ñaicõjeiyede Moisés bácvure, Israecavũ bácvũ ne majinajiyepẽ ayũ aipe ñaiye jaũrõre na mácvure, boropatebenajivure Jũmenijicui jáinoi. Que teni Jũmenijicu epedejaquemavũ Aarón mácvure aru ùi pãramena mácvure, Leví bácuĩ pãramenacavũ bácvure, ne jínajiyepẽ ayũ úre põeva ne jícaiyede ne ãmeina teiye boje. Ûbenita ina sacerdoteva bácvũ, Aarón mácvũ, ñamene ye boropatebevũ teni jebeni oabedejaquemavũ. Que baru caiye iye Jũmenijicui mearo ñacacũyũede põevare ye ñabedejaquemavũ Jũmenijicu ina sacerdoteva bácvũ, Aarón mácvũjãque. Ne boropatebevũ teni jebedu põevare,



apescu sacerdote ñi daiye jaubejebu. Ñbenita apescu sacerdote, Aarón mácsupe páyũ ãmescu quénora Melquisedepe páyũ, ñi daiye jaurejaquemavũ, ñi boropatebevũ teni jebequiyepe aiye pöevare.

<sup>12</sup> Aru apescu sacerdote ñi daiye jaué báque boje, oatuvaiye máre jaurejaquemavũ iye ñaicöjeiyede, iyeque pöeva ne majinajiyepe aiye aipe ñaiye jaure ñáre, boropatebenajivure Jümenijicu jáinoi. <sup>13</sup> Ñai apescu sacerdote ñi bororã toivaicöjenejaquemavũ Jümenijicu ñi yáviyede. Ñrecabe maje jabocu. Leví bácuĩ pãramecu ãmemi. Quénora apējajubo pöējajubocacube ñ. Aru ye pöescu cubebi diyajubocacu sacerdotep Jümenijicure memecayũ. <sup>14</sup> Me majivũ maja maje jabocu Jesucristore Judá bácuĩ pãramecure. Que baru Judá ãmicuriyajubocacu pöetedejaquemavũ ñ. Ñbenita Moisés bácu, ñi coyuiyede sacerdotevãrã, ye coyubedejaquemavũ diyajubocavũ Judá ãmicuriyajubocavãrã.

<sup>15</sup> Me majivũ maja iye ñaicöjeiyede oatuvaiye jauéde apescu sacerdote ñai Melquisedepe páyũ ñi daiye báque boje. <sup>16</sup> Jümenijicu ñre sacerdoteva epedejaquemavũ. Ñbenita nópe ñabedejaquemavũ no ñaicöjeino mácarõ parúeque, Aarón mácsure aru ñi pãramena mácsavure memecaicöjeino mácarõ parúeque. Quénora ñi cainũmua sne parúeque, ñi yaibé boje, Jümenijicu ñre sacerdoteva epedejaquemavũ. <sup>17</sup> Que baru Jümenijicu ñi yáviyede, yópe arĩ, toivaicöjenejaquemavũ:

Cainũmua sacerdote tecũyũtu mũ dajocabecũva, yópe Melquisedec ñi sacerdote teiye báquepedeca dajocabecũva, arejaquemavũ Jümenijicu.

<sup>18</sup> Que teni Jümenijicu oatuvarejaquemavũ “Yópe ñarãjare”, ñi aino mácarõre pöevare. Iye ñaicöjeiyequẽ ñi coyuiye báquede Moisés bácsure pöeva boropatebeni buojabenama na. Diedecabu parube aru bojecube máre. Que baru

iye javeque ñaicöjeiyede dajocarĩ jaruvarejaquemavũ Jümenijicu. <sup>19</sup> Pöeva ne cuede Jümenijicueque yópe náre jauépe eabenama na iye ñaicöjeiyequẽ. Ñrarõ jauvũ náre, ne ñaiye majibe boje caiye diede. Ñbenita iye napini coreniduiye báquede iye mearore maje cuvajuroede Jümenijicueque dajocarĩ, caride pũeno baju napini coreivũbu maja iye mearore maje cuvãrãjiyede Jümenijicueque. Jümenijicu napini corede ñaibi majare, maje curãjiyepẽ ayũ ñque yópe majare jauépe. Que baru yópe maje joabejinoi nuiyepẽ ñi yebai, ñre jëniari eaivũbu maja jidũbevũva.

<sup>20</sup> Aru Jümenijicuĩ epeiye báquede ñai apescu sacerdoteva, “Jãve ayũbu. Ji aiye báquepedeca dacũyũtu”, arejaquemavũ ñ. Ñbenita ñi epeiye báquede apenvũ sacerdotevava Leví bácuĩ pãramenacavũ bácsavure “Jãve ayũbu”, abedejaquemavũ ñ. <sup>21</sup> Jesucristorecabe Jümenijicuĩ epeimũ mács sacerdoteva, “Jãve ayũbu”, ñi arĩ coyuiye báqueque. Yópe arĩ, toivaicöjenejaquemavũ:

Maje jabocu Jümenijicu “Jãve baju dacũyũtu yũ yópe ji aiye báquepedeca”, aibi ñ. Aru ye oatuvabecube ñ, “Dacũyũtu”, ñi arĩ dápiayede. Yópe arĩ, coyuiibi: “Cainũmua sacerdote tecũyũtu mũ”, arejaquemavũ Jümenijicu Jesucristore.

<sup>22</sup> Jümenijicu “Jãve ayũbu”, ñi aiye báque boje ñi epeiye báquede Jesúre maje sacerdoteva, mearo bajubu yo ñi “Yópe ñarãjare”, ñi aino mácarõ yóbocarõ no ñi “Yópe ñarãjare”, ñi aino mácarõ javacarõ pũeno. Que baru Jesúrecabe jãve ñayũ caiyede yópe ñre jauépe, maje curãjiyepẽ ayũ me Jümenijicueque.

<sup>23</sup> Aru ñi javacarõ aino mácarõque, ina sacerdoteva bácsavũ Leví bácuĩ pãramenacavũ bácsavũ obedivũ barejaquémavũ, ne yayiye boje. Caivũ ina sacerdoteva bácsavũ ne bucuteni yainĩburu yóbore, apenvũta ne memecaino mácarõre memecarejaquemavũ. Ne yayiye boje, ye

memecare nuivü buojabedejaquemavu na mácvü caivü. <sup>24</sup>Übenita Jesúcapüravu cubi cainumua, üi yaibé boje bedióva cojedeca. Apecu ye memecabecube üi memecaiyede üi baju memecare nuive boje cainumua. <sup>25</sup>Que baru cainumua jaubecüva meadayu buojaibi caivü maja vorí eaiyürivüre maje curäjiyede me Jümenijicüque yópe majare jauépe, Jesú cadateiye boje majare, maje cüvaräjiyepe ayu caiye iye Jümenijicüi mearo ðacaqiyede majare. Jesús cubi cainumua, jëniacacüyu Jümenijicüque majare boje.

<sup>26</sup>Que baru Jesúrecabe ñai sacerdotevare jaboteipöescu majare jaumü baju. Ürecabe ðayu caiye üre jauéde, cadatecüyü majare. Ürecabe meacu baju Jümenijicüi jáinoi aru ye ðabecu ámenore, Jümenijicüi übenore. Ürecabe ye ámeno cubecu aru cücu bácvüvacari ijárvüi ámeina teipöevaque ye ámeina tebecü cainumua. Ürecabe Jümenijicüi jánuóimü mácu pu cavaró mearoi üi curóita aru üi parüre ðaimü caivü püeno. <sup>27</sup>Apevu sacerdotevare jaboteipöevape páyu ámemi ü. Üi ámeina tebe boje, jícaiyé jaubevü üre jícaiyede Jümenijicüre üi baju ámeina teiye boje járvüa coapa yópe apevü sacerdotevare jaboteipöeva bácvü ne ðaiye báquepe. Na mácvücapüravu, apenüma jícarí aru apenüma jícaicöjени apevü sacerdoteva bácvüre, jícarejaquemavu ne jícaiyede Jümenijicüre járvüa coapa. Mamarümüre ne baju ámeina teiye boje aru no yóbore caivü pöeva névü bácvü ne ámeina teiye boje, áimara ne boaimara mácvüre juarí jícarejaquemavu na mácvü. Übenita Jesúcapüravu cüinára jícarejaquemavu üi jícaiyede Jümenijicüre caivü pöeva maje ámeina teiye boje. Üi bajure jícarejaquemavu ü, üi yaiye báquede majare boje.

<sup>28</sup>Ümüva parübevü bácvürecabu ne ümei, ne ðaiye majibe boje yópe Jümenijicüi uröpe, Jümenijicüi epeimara mácvü sacerdotevare jaboteipöevava üi

ðaicöjeiyeque üi coyüiye báquede Moisés bácvüre. Na mácvüre jaurejaquemavu cáreja, ne ðaräjiyepe aye yópe na mácvüre jauépe. Übenita obediüjua yóbore iye ðaicöjeiyede dajocarí jarüvacüyü, Jümenijicu “Jáve baju ðacüyümu yu yópe ji aye báquepedeca”, üi aino mácaröque, epedejaquemavu mamacüre sacerdotevare jaboteipöescüva. Aru ñai mamacüre ye jaubevü, üi ðaquiyepe aye yópe üre jauépe. Que baru ürecabe cücu yópe üre jauépe, aru ðayu caiyede yópe Jümenijicüi uröpe cainumua.

**Jümenijicu “Que ðaräjare”, üi aino pöevare Jesúque püeno mearo üi que aino mácaröre Moisés bácvüque**  
(He 1.13)

**8** <sup>1</sup>Caiye iye ji toivacaiye mujare yópe aiyürótamu: Maje sacerdotevare jaboteipöescu cubi, nópe ji coyüiye báquepedeca javede. Ürecabe dobacu bácu, jabotecüyü cavaró mearo Jümenijicüi curói, jípacu Jümenijicu parücu caivü püeno üi dobaró mearo meapüravüi. Que baru maje sacerdotevare jaboteipöescu Jesús máre jaboteibi Jümenijicüque.

<sup>2</sup>Majeñecüva mácvü ne cuede pöescubenoí cüvarejaquemavu náque ðiñami cürami ne áimacajeaque ne ðaiñami mácaró, iveá cüravea báque Jümenijicüi ðaicöjeiye üi coyüiye báquede Moisés bácu toivainoque ne curiñami mácaró, ne Jümenijicüre mearore jíñami mácaröre. Übenita Jesúcapüravu Jümenijicüre memecabebi ðiñami, pöeva ne ðaiñami mácaró jívüi. Quénora ürecabe sacerdotevare jaboteipöescu Jümenijicüre memecayü cavaró mearo Jümenijicüi curói. Nore cüvu Jümenijicüre mearore jíñami baju, Jümenijicüvacari üi ðaiñami. Diñami jívüita Jümenijicüre memecaibi Jesucristo.

<sup>3</sup>Jümenijicu epedejaquemavu caivü sacerdotevare jaboteipöeva bácvüre, ne memecaräjiyepe ayu üre pöevare boje. Üre memecarejaquemavu jícaivü

Jūmenijicure āimara ne boaimara māvavure juaiyede, nācavu aru ne baju märe āmeina teiye boje, ũi nājiye đabequiyepa aivū na māvavure die boje, aru ape jīcayede märe, pueđarī Jūmenijicure torojuede jīnājivū, ũi cađateiye bāque boje na māvavure. Que baru Jesucristore märe, maje sacerdotevare jaboteipōecure, jīcayē jauvu Jūmenijicure ũi jīcayede. <sup>4</sup>Ūi cue boje cavarō mearo Jūmenijicui curōi, nore memecaibi Jūmenijicure majare boje. Ūbenita ũ cūcū baru ijāravui, ye sacerdote āmejebu, Jūmenijicui epeiye bāque boje apevu ijāravūcavu sacerdotevare, ne jīcarājiyepa ayū caiye iye jīcayede, yōpe Jūmenijicui đaicōjeiyepa Levī bācui pāramenacavu bācavure, ũi coyūiye bāquede Moisés bācure.

<sup>5</sup>Nācapūravu Jūmenijicure memecarejaquemavu ijāravūcađāmi, Jūmenijicure mearore jīnāmi mācarō jīvui. Ūbenita ne memecaiye bāquebu quénora majiēda ārojaepe pāriđuiye Jesūi memecaiyepa cavarō mearo Jūmenijicui curōi. Cūināturu āmevu. Yōpe bótaiyede pōescui decocū jāve āmepe, nopedeca ijāravūcađāmi Jūmenijicure mearore jīnāmi mācarō jāve āmenejaquemavu. Coreóvaivūbu maja caiye cavarō mearo Jūmenijicui curōque jāvene aru ye jaubede, ũbenita caiye ijāravūque jāve āmene aru jauéde, Jūmenijicui yōpe coyūiye bāque boje Moisés bācure. Moisés bācu barejaquemavu đīnāmi Jūmenijicure mearore jīnāmi mācarōre đaicōjecūyū. Aru ũi đaicōjequiyē jipocamia, Jūmenijicu, yōpe arī, coyūrejaquemavu ũ māvure: “Me đajacu mū. Caiye mi đaicōjequiyede memepōevare yure mearore jīnāmine đaicōjējacu yōpe ārojaepe pa iyede iye ji jāđovaiye bāquede mure no cūrācū Sinai āmicuricū pūenoī”, arejaquemavu Jūmenijicu.

<sup>6</sup>Ūbenita caride Jesúcapūravu, Jūmenijicui epeimū māvū sacerdoteva, me baju memecaibi apevu sacerdoteva

bācavu ne memecaiye bāque pūeno. Ūi memecaiyebu parué baju ne memecaiye bāque pūeno. Quédeca iye Jūmenijicu “Que đarājare” arī, ũi yóboque coyūiye bāquebu pōevare Jesúque, me baju ānié “Que đarājare” arī, ũi mamarūmūque coyūiye bāque pūeno Moisés bācūque. Jūmenijicu “Que đarājare” arī, ũi coyūiye bāquede Jesúque “Yōpe đacacūyūmu yū mūjare”, ũi aiyē bāquebu me baju “Yōpe đacacūyūmu yū mūjare”, ũi aiyē bāque pūeno ānié “Que đarājare”, ũi coyūiye bāquede Moisés bācūque. Moisés bācūque “Mūje āmeina teiyede jarūvācūyūmu yū, mūje đaru yōpe ji đaicōjeiyepa”, arejaquemavu. Ūbenita Jesúque “Mūje āmeina teiyede jarūvarīburu yóboi, ye ārūmecūbu yū die, mūje ju aru Jesucristoi đacaiye bāquede mūjare boje”, arejaquemavu. Que baru ũi yóboque coyūiye bāque me bajutamu ũi mamarūmūque coyūiye bāque pūeno.

<sup>7</sup>Ānié Jūmenijicui mamarūmūque coyūiye bāque Moisés bācūque jaubedu, ape ũi yóboque coyūiye bāque Jesúque jaubejebu. <sup>8</sup>Ūbenita Jūmenijicu jārejaquemavu Israecavu bācavure boropateivūpe ne đabe boje yōpe “Que đarājare” arī, ũi mamarūmūque coyūiye bāquere na māvavure. Que baru na māvavure, yōpe arī, toivaicōjēnejaquemavu Jūmenijicu:

Yōpe aibi maje jabocu Jūmenijicu:

“Jápijarā. Apejāravua edaquijāravua baquiyéde bediōva cojedeca ‘Que đarājare’, acūyūmu yū ape coyūiye mamae coyūiyede caivū ji pōevare, Judá āmicurijabocavure aru apevu Israel bācui pāramena ne yajuboacavure märe. <sup>9</sup>Nēnecuva māvavure ‘Que đarājare’ arī, coyūrejacacu yū no jāravū bācarōre ji nūvaiye bāquede na māvavure Egipto āmicurijaborōre jocarī. Yōpe népascui nūvaiyepa mamarare đuibāje, ne pūuáre jēni, nopedeca na māvavure nūvarejacacu yū no ocofenibo bācarōque. Ūbenita ye đabedejaima na māvavu yōpe ‘Que

darājare’ arī, ji aiyē báquepe. Que baru ne mácavure ámeina jári dajocarejacacu yu. Iye ji yóboque coyuīye ‘Que darājare’ arī, ánié ji mamarumque coyuīye báquepe cūináturu ámequiyebu. Nópe ayubu yu, Jūmenijicu. <sup>10</sup>Que baru yópe ‘Que darājare’ arī, coycuyumu yu caivu Israel báci pāramena márājivu ne yajuboacavure”, aibi Jūmenijicu. Aru yópe are nuimi maje jabocu Jūmenijicu: “Apejáravua edaquijāravua baquiyéde na márājivure dápiare đacuyumu ji đaicōjeiyeda yópe ji epejuroepedeca diede ne ūmei. Aru me coreóvare đacuyumu diede máre yópe ji toivajuroepedeca diede ne ūmedurā, torojueque ne darājīyepē ayu diede. Yurecabu ne jabocu bacuyú. Aru nárecabu ji jaboteimara márājivu. <sup>11</sup>Dinumu maquinóre caivu pōeva me majinajarama yure ne jabocuva. Ina parubevu aru ina parūrivu máre majinajarama yure ne jabocuva. Que baru űnamene bueiye ye jaubequiyebu űi ĩmarocavure aru ű jinare máre, ne coreóvarājīyepē ayu yure ne jabocuva. Pōecu cubecube yure coreóvabecu yu cāreja. <sup>12</sup>Náre cōmaje āroje jári, jarūvacuyumu yu ne ámeno đaiyede apēvure. Aru ye dāpiabecubu diede cojedeca. Aru ārumetecuyumu yu caiye ne ámeina teiyede máre”, aibi Jūmenijicu.

<sup>13</sup>Jūmenijicu “Ape coyuīye mamae coyuīyede coyūyubu mūjare” ayu, aiyurejaquemavu űi jipocaque coyuīye báque javeque bajure aru bojecubede máre. Aru apejīe javeque tedu aru bojecubedu máre, maumejiena oatvaquiyebu.

**Jūmenijicure mearore jīnami cavarō mearoi meadami űre mearore jīnami mácārō pueno ijāravui**  
(Mt 26.28, 27.45)

**9** <sup>1</sup>Mamarumure Jūmenijicu “Que darājare”, űi coyuīye báquede majeñecuva mácavure Moisés bácque

đaicōjenejaquemavu na mácavure, ne coreóvarājīyepē ayu aipe đaiye jaūrōre, ne jīnājiyepē ayu mearore Jūmenijicure yópe űi űrōpe. Aru đarejaquemavu ne Jūmenijicure mearore jīnami mácārōre ijāravui, jīnājivu mearore űre nore, yópe űi đaicōjeiye báquepe. <sup>2</sup>Mūja coreóvaivubu aipe ārojariñami đīnami cūrami mácārōre. Đīnami cūrami ne đaiñami mácārō áimacajeaque aru cuitótecajeaque đaiñami mácārō marejaquémavu. Pucatucubua curiñami mácārō marejaquémavu. Đīnami cūrami mácārōre japoporī dabūborī jocuyoaque taitōri núvarejaquemavu majeñecuva mácavu. Cūinátucubu, űratucubu, ne mamarum eoitucubu, “meatucubu sacerdoteva ne Jūmenijicure memecaitucubu” āmicuriticubu bácārō marejaquémavu. Ditucubu bácārō jīvui ānijarabo cūinājarabo pēoibua tūoijarabo bácārō curejaquemavu. Aru cūináva tūoiva bácārōra āniboa pāuboa doce paiboa báque Jūmenijicure ne jīye báque sacerdoteva bācavu ne ārajīye curejaquemavu. <sup>3</sup>Ditucubua pucatucubua coricōpavaitucubua báque barejaquémavu cuitótecaje bácārōque. Dicaje bácārō ānipūravui apetucubu quījiticubu bácārō curejaquemavu. “pūeno baju meatucubu sacerdotevare jaboteipōecu Jūmenijicure memecaitucubu” āmicuriticubu bácārō marejaquémavu.

<sup>4</sup>Ānitōcu mumijuede juaitōcu úruque cūmaitōcu mácārō curejaquemavu, meatucubu ne aitucubu bácārō jīvui. Ūbenita pūeno meatucubu bácārōcatōcu mácārō marejaquémavu. Ānitōcu adaitōcu jocutōcu úruque cūmaitōcu mácārō jīvure aru pūenore máre, Jūmenijicu “Que darājare”, űi coyuīye báquede majeñecuva mácavure ne ārūritōcu mácārō curejaquemavu ditucubu quījiticubu pūeno baju meatucubu ne aitucubu bácārō jīvui. Ditōcu mácārō jīvui ānibu jorobu úruque cūmaibu bácārō curejaquemavu. Ānié āiye báque, maná āmicue, Jūmenijicui jīye báque majeñecuva

mácvure ne cve báquede pōecubenoí ne ārajīye cūribu bācarō curejaquemavū. Aru āniyo abojīyo, Aarón mácvū tuturiteiyo bācarō, Jūmenijicūi pīaré đaiyo bācarō, curejaquemavū ditōcu mácarō jívūi. Aru ānivea pūcavea cūravea Jūmenijicūi đaicōjeiyeque toivaivea báque máre curejaquemavū ditōcu mácarō jívūi. <sup>5</sup>Ditōcu mácarō pūenora pūcarā pēpeimara mácvū querubín āmicūrivū ārojarivū, pōeva ne úruque đaimara mácvū curejaquemavū. Ina querubín āmicūrivū caveá curivū bācvū, Jūmenijicūque cūrivū cainūmū. Caurūcaturūvai ditōcu moaino mácarō pūenora curejaquemavū na coapa, ne āruajīyepē aīye Jūmenijicūi miadáro mearo cūrōre. Ne caveáque taorejaquemavū ditōcu moaino mácarōre, sacerdotevare jaboteipōescu bācvū bojedacaino Jūmenijicūre pōeva ne āmeina teiye boje. Ditōcu moaino mácarō pūenora sacerdotevare jaboteipōescu bācvū ēi epeino mácarō curejaquemavū āimara ūi boaimara mácvū ne jive báquede, bojedacacūyū Jūmenijicūre pōeva ne āmeina teiyede. Ūbenita caride mūjare coyūiye jaubevū yūre apejīene diñamique báquede.

<sup>6</sup>Diñami cūrami mácarō nōpe barejaquémavū. Que baru caijāravūna coapa ditucubū űratucubū ne mamagūmū ecoitucubū bācarōre ecovarejaquemavū ina sacerdoteva bācvū, memecarājivū Jūmenijicūre yōpe jauépe na mácvure. <sup>7</sup>Ūbenita ditucubū quījītucubū jivūcātucubū bācarō jívūi ecorejaquemavū űai sacerdotevare jaboteipōescu bācvū quécūra. Aru űjūá coapa cūinājāravū quénora ecorejaquemavū ū mácvū. Aru ūi ecoiyede nore, pūvarejaquemavū jivede, āimara ūi boaimara mácvū ne jive báquede, jīcūyū Jūmenijicūre. Ūre jídejaquemavū iye jive báquede ūi baju āmeina teiye boje aru pōevare boje máre, ne āmeno đaiye báquede, majibevūva ne baju āmeina teivūre.

<sup>8</sup>Caiye dieque űai Espírītu Santo coreóvare đarejaquemavū pōevare

iye: Ānitucubūa pūcātucubūa cve báquede Jūmenijicūre mearore jíñami mácarō jívūi, apevū pōeva sacerdotevare jaboteipōescu āmevū būojabedejaquemavū ecoivū ditucubū pūeno baju meatucubū bācarō jívūi. <sup>9</sup>Caiye dieque, yōpe jáđovainope, coreóvaivūbu maja aīpe vaiyede caride. Sacerdoteva bācvū caiye iye ne jícaīye báqueque Jūmenijicūre āimara ne boaimara mácvure ne juaiye báquede aru apejīe ne jícaīye báquede máre, ye jāve baju cađatebedejaquemavū pōevare. Caiye dieque ye “Boropatebevū yū”, arī đápiarī būojabedejaquemavū ina Jūmenijicūre mearore jívū bācvū. <sup>10</sup>Na mácvūcapūravū quénora ju arejaquemavū iye đaicōjeiyede, Jūmenijicūi coyūiye báquede Moisés bācvūre, pōeva ne jári būojaiyede, aīpe ne āiyede, aīpe ne ūcuiyede, aīpe ne joaiyede ne cūvede, aru aīpe ne cuyaiyede ne bajure máre. Dieque curejaquemavū pōeva Jūmenijicūque pū “Que đarājare” arī, ūi yóboque coyūiyeta.

<sup>11</sup>Ūbenita javede Cristo darejaquemavū. Maje sacerdotevare jaboteipōescube ū, maje cūvarājīyepē ayū caiye iye Jūmenijicūi mearo đacaiye jāvene. Yōpe ijāravūcacu sacerdotevare jaboteipōescu bācvū ūi vaiye báquepe no meatucubū sacerdoteva bācvū ne Jūmenijicūre memecaitucubū bācarōre, ecosūyū no pūeno baju meatucubū sacerdotevare jaboteipōescu bācvū Jūmenijicūre memecaitucubū bācarōre, nopedeca vaidējaquemavū Cristo apetucubū meatucubū baji. Ūbenita ditucubūbu parūritucubū ijāravūcātucubū pūeno baju meatucubū bācarō pūeno. Aru jaubetucubūbu ijāravūcātucubū pūeno baju meatucubū bācarō pūeno. Ditucubū, Cristoi memecaitucubū, pōeva ne đaitucubū āmevū. Aru cūeđaitucubū, ijāravūcātucubū máre āmevū. <sup>12</sup>Cristo ecorejaquemavū no tucubū pūeno baju meatucubūre. Ūbenita cabrava bācvū ne jive báqueque aru oteivesū mamajina mácvū ne jive báqueque

máre ecobedejaquemavũ ã. Quénora ecorejaquemavũ ãi jive bajuque, jícasũyũ diede Jũmenijicũre pœvare boje. Que teni cũinára quénora ecorejaquemavũ. Aru yópe pœcũ bojedacarĩ jodeni meadaiyepe buoimara mácavũre, nopedeca Cristo bojedacarĩ jodeni meadarejaquemavũ majare, maje ãmeina teiyeque buoimarape tede ðaiye báquede jocarĩ ãi jiveque.

<sup>13</sup> Majeñecua mácavũ ne jēni jáiye báquede yaiyú bácuĩ baju b́acarõre aru apede ne ðaiye báquede máre Jũmenijicũi ubede, na mácavũ ecoicõjememara marejaquémavũ Jũmenijicũre mearore jíñami mácarõ jívũi. Ne que ðarĩburu yóboi, sacerdoteva bácvũ jajiédejaquemavũ na mácavũre cabrava bácvũ ne jive báquede apenũmũa, aru oteivecũva bácvũ ne jive báquede apenũmũa, aru apenũmũa oteivecũco ne boarĩ juaimo mácoi ũapena máquede ocoque. Que teni ina sacerdoteva bácvũ majeñecua mácavũre buojare ðarejaquemavũ jívũ mearore Jũmenijicũre bediõva cojedeca. Ne baju pũenomía boropatebevũ barejaquémavũ Jũmenijicũi jáinore. Ŭbenita ne ũmei boropateivũ barejaquémavũ cãreja. <sup>14</sup> Ŭbenita Cristoi jive meiyē báque boje ãi yainũmũ mácarõre majare boje, pũeno baju caðateibi majare Jũmenijicũi jáinore. Me jáñũme majare Jũmenijicũ Jesúi jiveque ãi jáiye báque pũeno majare ãimara ne boaimara mácavũ ne jive báqueque. Ñai Espĩritu Santo cainũmũa cũcũ parũre ðarejaquemavũ Cristore, ãi boarĩ jarũvaicõjequiyepe ayũ ãi mavvare ãi bajure. Que baru Jũmenijicũre jícaiyepe tedejaquemavũ ã. Ye ãmeno cubecũva aru jaubecũva ãi baju jícarejaquemavũ Jũmenijicũre majare boje. Yópe joaiyepe docũcuede ocoque, nopedeca Cristo joaiyepe ðaibi maje ãmeũmene aru maje dápiaino ãmenore maje ãmeina teiye boje, “Boropatebevũ yũ” maje arĩ dápiarĩ buojarãjiyepe ayũ. Iye maje ãmeina teiye boje maja coavajũromaramu Jũmenijicũre jarũvarĩ.

Nópe ðacarejaquemavũ Cristo majare boje, maje mearore jíni memecarãjiyepe ayũ ñai Jũmenijicũ arũcũre.

<sup>15</sup> Cristoi yaicáiye báque boje pœvare, Jũmenijicũ coyũrejaquemavũ “Que ðarãjare” arĩ, ãi yóboque coyũiye báquede Cristoque. Que baru Jũmenijicũ mearo ðacacũyũme caivũ maja ãi cutuimara mácavũre ã jina márajivũva. Ina yaivũ bácvũre Cristoi yaiquĩye jípcacai máre mearo ðacacũyũme ã. Na mácavũ ãi mearo ðacaimara marajárama cainũmũa yópe “Jãve mearo ðacacũyũme yũ mũjare”, ãi aiye báquepedeca na mácavũre. Pœva ne cũe báquede Jũmenijicũ “Que ðarãjare” arĩ, ãi mamarũmũque coyũiye báqueque, boropateivũ barejaquémavũ Jũmenijicũi jáinore ne ãmeina teiye boje. Ŭbenita Cristoi yaiye báquede, yópe bojedacarĩ jodeni meadaiyepe tedejaquemavũ pœvare maje ãmeina teiyeque buoimarape tede ðaiye báquede jarũvarĩ, Jũmenijicũi ãrumetequiyepe ayũ diede.

<sup>16</sup> Yópebu apenũ pœva ne ðaiye: Cũinácũ pœcũ pœva ne jáipaiyede coyũru ne ãmiáre ina cũvarãjivũre ãi cũvaede ãi yainĩburu yóbore, náre jáðovaiye javũvũ yaiyú bácvũre, ne cũvarãjiye jípcacai ãi cũvaede. <sup>17</sup> Ñai coyũyũ bácvũ yaibécũ cãreja, ãi coyũiye báque bojecũbevũ ina ne ãmiáre coyũimara mácavũre. Quénora ãi yainĩburu yóboita náre bojecũvũ ãi coyũiye báque die.

<sup>18</sup> Quédecabu Jũmenijicũ “Que ðarãjare” arĩ, ãi coyũiyeque. Que baru ãnié “Que ðarãjare” arĩ, ãi mamarũmũque coyũiye báquede pœvare Moisés bácvũque máre, ãimara ne boaimara mácavũ ne jive báqueque búrejaquemavũ. Aru iye jive cũbe báque baru, búbejebu die báque.

<sup>19</sup> Mamarũmũre Moisés bácvũ coyũrejaquemavũ majeñecua mácavũre caiye iye ðaicõjeiyede Jũmenijicũi toivaquino mácarõ diveá cũravea báqueda. No yóbore oteivecũva bácvũ ne jive báquede ãni, aru cabrava bácvũ ne jive báquede máre ãni ocoque jõmeni jívarĩ buojarĩ jajiédejaquemavũ ãniyoca paperayoca ãmũjũriyoca cãriáiyoca iye

ðaicõjeiyeque toivacaiyoca bácarõra aru põvara máre. Hisopo ãmicuricu jocujicu cavabua báquede puyorí buojari, cuitótemea jūarimea lana ãmicurimea máqueque buorí, ãnié jive báque ocoque jõmeni jivaiye báquede jajiédejaquemavu ù mácu. <sup>20</sup> Aru yópe arejaquemavu: “Jūmenijicu mujare ju aicõjeimi ‘Que ðarājare’ arí, ùi coyuiye báquede, muje ðarājiiyepe ayu caiye iye ðaicõjeiyede. Iye jiveque jádovañumu yu yópe ùi coyuiye báquepedeca ðaiye jaurõre caivu mujare. Aru ù máre ùi coyuiye báquepedeca ðacuyume ù”, arejaquemavu Moisés bácu. <sup>21</sup> Quédeca diñami cūrami ne Jūmenijicure mearore jíñami mácarõra aru caiye ãnié diñamique ne mearore jíyeque báqueda máre ãimara ne boaimara mácavu ne jive báquede jajiédejaquemavu Moisés bácu. <sup>22</sup> Jāvetamu yópe coyuiye Jūmenijicui ðaicõjeiye ùi coyuiye báque Moisés bácu. Ûre cuve ne Jūmenijicure mearore jíyeque báquede ina sacerdoteva bácavu mearore ðarejaquemavu Jūmenijicui jáinore ne jive báquede jajiéiye báqueque, Jūmenijicure jínajivu mearore dieque bediõva cojedeca. Aru pñeno baju jive meiyé javvu. Jive memenu, Jūmenijicu ye jaruvabeni ãrumetebecube põeva ne ãmeina teiyede.

**Jūmenijicu ùi jaruvari ãrumeteino põevai ãmeina teiyede Cristoi yaiye báque boje**  
(He 1.13)

<sup>23</sup> Die ijāravuque Jūmenijicure mearore jíñami mácarõque cuve báquede mearore ðare ðaiye jaurējaquemavu majeñecuva mácavu ne ecorí buojarājiiyepe aiye no mácarõre, nópe ji jave coyuiye báquepe. Diedecabu quénora majiéda ãrojaepe párdiuiye iye cavarõ mearo Jūmenijicui curõque ùre mearore jíñamique. Cūináturu ãmevu. Que baru pñeno baju me jícaiye javvu die cavarõ mearo Jūmenijicui curõque cuvede, mearore ðaquiiyepe aiye, põeva maje ecorí buojarājiiyepe

aiye nore. <sup>24</sup> Ûbenita Cristocapūravu ecobedejaquemavu diñami cūrami Jūmenijicure mearore jíñami põeva ne ðaiñami mácarõ. Diñami cūrami mácarõ jāve baju ãmenejaquemavu. Quénora majiéda ãrojaepe párdiuiye báquebu ãniñami cūrami Jūmenijicure mearore jíñami jāve baju cavarõ mearo curiñamiye. Quénora ecorejaquemavu cavarõ mearo Jūmenijicui curõ baju. No Jūmenijicu yebai caride cubi, jēniacacuyu Jūmenijicupe maje boje, ùi cadatequiiyepe ayu majare. <sup>25</sup> Caiñua coapa maja judfova maje sacerdotevare jaboteipõecu bácu ecorejaquemavu ditucubu pñeno baju meatucubu ùi Jūmenijicure memecaitucubu bácarõ jívu ãimara ùi boaimara mácavu ne jive báqueque, ùbenita ùi baju jive báque ãmeque. Ûbenita Cristocapūravu ecovabedejaquemavu pñeno baju meatucubure obedinmua jícuu ùi bajure. <sup>26</sup> Que teyu bácu baru, Cristo yaijébu obedinmua Jūmenijicui ijāravure cuéðaiye báquemiata. Quénora caride, ijāravure buojaijāravuare, maje curijāravuare, Cristo darejaquemavu ijāravui cūinára, jaruvacuyu ãmeina teiyede, Jūmenijicui ãrumetequiiyepe ayu diede, Cristo ùi bajure ùi boarí jaruvaicõjeiye báquede ùi mauvare.

<sup>27</sup> Jāve caivu põeva yainjaramu cūinára. Aru jāve maje yainfburu yóboi, Jūmenijicu coyucuyume ãrore maje curājínore jāravu cūiméjāravu baquinóre majare coapa, maje ðaiye boje maje cuede ijāravui. Apevu curājaramu cavarõ mearo Jūmenijicui curõ aru apevu curājarama toabo cūiméboi.

<sup>28</sup> Aru quédeca jāve ñai Cristo máre yaidéjaquemavu cūinára. Ûi bajure boarí jaruvaicõjēnejaquemavu cūinára, jaruvacuyu obedivu põeva, caivu Jūmenijicure ju aivu, maje ãmeina teiyede, Jūmenijicui ãrumetequiiyepe ayu diede. Aru jāve dacuyume ù ijāravui bediõva cojedeca. Ûbenita maje ãmeina teiyede jaruvacudabecuyume, diede ùi jaruvacudaiye báque boje javede. Quénora meadacudacuyume caivu

majare, úre napini coreivure, úi cuvare ðaiyede majare caiye iye Jümenijicüi mearo ðacaquiye ðe úi pöevare.

**10** <sup>1</sup>Coуққийивү мўјаре аpede, мўје мајинајийеpe ауу айе teni јауé бáқuede Jesucristoi yaiye бáқuede. Jümenijicüi ðaicöjeiye úi coyuiye бáқue Moisés бáçure ye јáve baju ámevu. Que baru iye јáve bajupe cüináтуру ámevu. Quénora yópe бóтайе pöescüi decocu јáve ámepe, nopedeca iye ðaicöjeiye máre јáve ámevu. Majiéda árojaepe páriđuiyebu caiye iye Jümenijicüi mearo ðacaquiye јáve, iye maje cуvaquiye. Cüináтуруrecabu sacerdoteva бáçavu ne јíçaiye бáқue Jümenijicüre áimara ne boaimara máçavüre ne ámeina teiye boje јáравуа coapa, çуá coapa, çainмта. Ubenita majeñecuva máçavu ne Jümenijicüre јíçaiye бáқuede yópe úi ðaicöjeiyepe, yópe нури earí buojabepe Jümenijicu yebai, ye boropatebevүpe teni buojabedejaquemavү, na máçavüre jaubede tebe бáқue boje.

<sup>2</sup>Ina pöeva Jümenijicüre mearore јívu бáçavu boropatebevү бáçavu baru Jümenijicüi јáinore cüináра, cüináро iye јíçaiyecaró máçaróque, boropatebejebu na máçavu. Aru caiye iye ne јíçaiye бáқuede Jümenijicüre dajocajebu na máçavu. <sup>3</sup>Ubenita quénora árure ðaimara máçavu barejaquémavu ne ámeina teiyede iye јíçaiye бáқueque çуá coapa. <sup>4</sup>Oteiveçuva бáçavu ne jiveque aru cabrava бáçavu ne jiveque máre Jümenijicu ye jaruvabeni árümetebecube pöeva ne ámeina teiyede. Que baru diepe paiye јíçaiyeque, pöeva boropateivү çuma çáreja.

<sup>5</sup>Que baru Cristore úi daiye бáқue ijáравүi јaurejaquemavү, úi јíçaquiyepe айе úi bajure pöeva ne ámeina teiye boje. Aru mamarүmu úi ðaquiye јipocare ijáравүi, yópe arejaquemavu јípacу Jümenijicüre:

Pöeva áimara ne boaimara máçavüre ne јíçaiyede мүре aru ape ne јíçaiyede мүре úbevү му. Ubenita yüre pöescüi bajuque pöetede ðaқийивү му, јi

јíçaquiyepe ауу јi bajure мүре.

<sup>6</sup>Caride pöeva мүре ye torojүre ðabema ne јíçaiyede мүре áimara ne boaimara máçavu јuarí jaruvaimara máçavüre, pueðaräjivү мүре, aru ape ne јíçaiyede máre, ne ámeina teiye boje. <sup>7</sup>Aru que aríburu yóboi, arejacacу уу: “Му, јipacу, Jümenijicu, јájacу. Yui çuvү уу, ðacacууу yópe mi urópe. Javede nópe arí, toivaicöjenejavü му јi borore ániyoca paperayoca úmјuriyoca çáriáiyoca mi yávaiyeque toivacaiyoca бáçaróque”, arejaquemavү Cristo.

Nópe arí, toivaicöjenejaquemavү Jümenijicu.

<sup>8</sup>Mamarүmүre Cristo arejaquemavү јípacу Jümenijicu úbecure pöeva ne јíçaiyede úre áimara ne boaimara máçavüre, aru ape ne јíçaiyede úre, aru ne јíçaiyede úre áimara ne boaimara máçavu јuarí jaruvaimara máçavüre, ne pueðaräjipe ауу úre, aru ne јíçaiyede úre ne ámeina teiye boje máre. Caiye dieque pöeva ye torojүre ðabema úre. Que arejaquemavү Cristo Jümenijicүrá, Jümenijicu јíçaicöjeñү máçureca caiye iye јíçaiyede úre úi ðaicöjeiyeque úi coyuiye бáқuede Moisés бáçure.

<sup>9</sup>Que aríburu yóboi, yópe arí, Cristo arejaquemavү јípacу Jümenijicüre: “Jájacу. Yui çuvү уу, ðacacууу yópe mi urópe”, arejaquemavү. Que baru Cristo úi yaiye бáқue boje caiye ape јíçaiyede Jümenijicüre parubepe jaure ðarí, bojecubede ðarejaquemavu. Quénora Cristo úi yaiye бáқueмиата, Jümenijicüre јíçaino cüinároratamu parүró bojecүró Jümenijicüi јáinore. <sup>10</sup>Jesucristoi yaiye бáқue boje yópe Jümenijicüi urópe, çaivү maja úre јu айвү, boropatebevү Jümenijicüi јáinore, yópe нури eaiyepe buojaivүbu maja Jümenijicu yebai ye jaubede ðaimara. Yópe joaiyepe docүçuede ocoque, nopedeca Cristo jaruvarejaquemavү maje ámeina teiyede, úi bajure úi boarí jaruvaicöjeiye бáқuede úi mavure cüináра.



<sup>11</sup> Maja judíova maje sacerdoteva bácvacapuravú coapa núrvú bácvú ðarejaquemavú ne memecaiye báquede Jūmenijicure járavua coapa. Aru ye buojabedejaquemavú memeivú cainumua. Obedinumua cūináturua ne jícaiye báquede Jūmenijicure jícarejaquemavú na mácvú coapa bedióva cojedeca. Ūbenita caiye iye ne jícaiye báqueque Jūmenijicú ye jaruvabeni ārūmetebedejaquemavú pōeva ne āmeina teiyede. <sup>12</sup> Ūbenita Cristocapuravú cūinára ūi bajure jícarejaquemavú Jūmenijicure, maje āmeina teiye boje. No ūi jícaino mácarō cūinároque, Jūmenijicú cainumua jaruvarī ārūmetecuyume maje āmeina teiyede. Aru ūi bajure jícarīburu yóboi, ūi buojaiyede caino ūi memeno mácarōre, Cristocapuravú dobarejaquemavú jípacú Jūmenijicú meapuravú, ūi cvae boje caiye jípacú parúede ūre, jabotecuyú caiyede. <sup>13</sup> Caride noi napini coreibi, pú jípacú Jūmenijicú epeiyea ūi mauvare ūi cuboba cāchinoi, náre vainí turī jabotecuyú. <sup>14</sup> Que baru cūinára ūi bajure jícaino mácarōque cainumua ye jaubede ðarejaquemavú caivú maja ūi boropatebede ðaimarare Jūmenijicú jáinore, ūi jipocateimarare Jūmenijicú yebai.

<sup>15</sup> Aru ñai Espíritu Santo máre, yópe arī, diede ju arī, toivaicōjenejaquemavú:

<sup>16</sup> Yópe aibi maje jabocú Jūmenijicú: “ ‘Que ðarājare’, arī coucuyútu yú Israel bácvú pāramena márjavú ne yajuboacavure apejáravua edaquijáravua baquiyéde. Na márjavure me coreóvare ðacuyútu yú ji ðaicōjeiyede yópe ji epejuropedeca diede ne ūmedurā. Aru na márjavure ðápiare ðacuyútu diede yópe ji toivajuropedeca diede ne ūmei”, aibi Jūmenijicú.

<sup>17</sup> Aru que arīburu yóboi, yópe are nurejaquemavú maje jabocú Jūmenijicú: Jáve ārūmetecuyútu yú caiye ne āmeina teiyede. Aru

jaruvacuyútu yú ne āmeno ðaiyede arevure. Aru ye ðápiabecubu diede cojedeca, aibi Jūmenijicú, arejaquemavú ñai Espíritu Santo.

<sup>18</sup> Que baru Jūmenijicú ūi ārūmeteiye boje maje āmeina teiyede aru maje āmeno ðaiyede arevure, ye jaubevú bedióva cojedeca sacerdotevare ne jícaiye ūre. Āimara ne boaimara mácvure o apejiene máre ye jaubebu caride, maje āmeina teiye boje.

**Jūmenijicú yebai yópe nuri eaiyepe  
maje napini coreiyede maje baju  
parure ðarī maje ūmei nure nrajare**  
(Mt 27.51; Mr 15.38; Lc 23.45;  
Ro 12.19; He 13.20)

<sup>19</sup> Jesucristo jáve memecaibi Jūmenijicure cavarō mearoí majare boje. Que baru mūja, jívu, Jesúre ju aivú caride jidubevúva buojaivúbu boroteivú maja Jūmenijicú bajuque, yópe maje ecoiyepe no curō pūeno mearo, cavarō mearo Jūmenijicú curōí. Nópe buojaivúbu Jesúí jaruvaiye báque boje caiye maje āmeina teiyede ūi jive meiyé báque boje ūi yainumú mácarōre. <sup>20</sup> Yópe ñai sacerdotevare jaboteipōescu bácvú ūi ecoiye báquepe no pūeno baju meatucubú bácarō jívuí ānicaje coricōpavaicaje bácarōre ūi vaiye báque boje, nopedeca Jesúí yaiye báque boje ecoivure teivúbu maja Jūmenijicú yebai. Que baru dicaje bácarō corica bají jaðeni nurejavúya Jesúí yainumú mácarōre. Que teni Jesucristo nuimape tedejaquemavú, yópe maje nuri earī buojarājiyepe ayú Jūmenijicú yebai. Jipocare ūi yebai ye nuri eaiyepe buojabedejavú maja. Ūbenita caride Jesucristo yópe nuri earī buojare ðaibi majare Jūmenijicú yebai. Que baru, “¿Nuri earī buojarājídica?” abevúva, jáve majivú maja boroteni buojaivure Jūmenijicú bajuque. <sup>21</sup> Aru Jesucristorecabe maja Jūmenijicú pōeva maje sacerdotevare jaboteipōescu, majare jári coreyú yópe cūrami upacú jári coreiyepe ūi cūramicavure. <sup>22</sup> Ūi

yaiye báque boje majare boje, yópe joaiyepe docucuede ocoque, nopedeca maje ámeũmene, maje dápiaino ámenore, aru maje ðaiye ámene máre joaimara mácavure paivubu maja, boropatebevu Jũmenijicui jáinore. Que baru Jũmenijicueque borotenaquarevu pucaũmea cubevuva aru maje ju aiyede úre dajocabevuva.

<sup>23</sup>Coreóvaivubu maja Jũmenijicu jáve ðayure yópe úi aiyepedepedeca cainũna. Que baru parúeque Jesúre ju are nũrajarevu yópe maje ju aiyepedepedeca mamarũmure. Aru ye “Jũmenijicu ðabecube yópe úi aiyepedepedeca” abevuva, napini corenajaquarevu Jũmenijicui ðacaquiyede caiye iye mearore yópe “Jáve mearo ðacacũyumu yũ mujare”, úi aiyepedepedeca.

<sup>24</sup>Torojarivũ ðaiyurájarevu yópe majare jauũore pueno méne nũre ðare nũrajivu maje baju maje úmei, caðatenajivu majacavure, aru urájivu majacavure, mearo ðarájivu náre máre. <sup>25</sup>Apevu mujacavu dajocadama ne cójijivaiye báquede apevu Jesúre ju aipóvaque. Ubenita nópe ðaiye meamevu náre. Quéno ra cójijinaquarevu maja, parure ðarájivu majacavu ne ju aiyede Jesucristore. Joabejĩnotamu añijaravu baquinó maje jabocu Jesucristoi coyũquiyede árore maje curájinore jaravu cũiméjaravu baquinóre, cavaró mearoi o toabo cũiméboi, maje ðaiye boje maje cuede ijárvuvi. Que baru pueno baju parure ðarájarevu majacavu ne úmene.

<sup>26</sup>Parure ðabevu baru majacavu ne úmene, bediõva cojedeca ámeina tévarãnuvajebu maja. Ámeina tede nuivũ baru, coreóvaivũvacari Jũmenijicui yáviyede jávene, ye Jũmenijicure jícaiyede cuvabejebu maja, maje ámeina teiye boje. <sup>27</sup>Quéno ra coreiye jaujebu majacavu ámeina tede nuivure Jũmenijicui ñájine ðaquiyede náre. Jũmenijicu ñájine ðacũyume caivũ úi mauvare, ina náre jaboteicõjemevu úre, ne bĩjarájipeye ayũ úre jocarĩ no toabo urabo ámebo cũiméboque. <sup>28</sup>Ácu

põecu Jũmenijicure pueðabecuva ju abecu bácu úi ðaicõjeiyede úi coyũiyepedepedeca Moisés bácu jáve ñájinejaquemavu. Pũcarã o yóbecurã majidivũ bácvũ apesui ju abe báquede Jũmenijicui ðaicõjeiyede ne boro coyurĩ adaiyede úre, cómaje ároje jámevũva boarĩ jarũvarejaquemavu ñai ju abecu bácu. <sup>29</sup>Que baru pueno uraró baju ñájicũyume ñai ámeina jáũ Jũmenijicui mácu.

Úre pueðabecuva ju abedu, “Jũmenijicui mácu ámemi” ayũ, põeva ne jápiaiyepe, yópevu jarũvayepede úre. Pueno uraró baju ñájicũyume ñai “Ye baju ámevu. Ye bojecubevũ” ayũ, Jũmenijicui mácu jive meiyede úi yaiyepedepedeca, Jũmenijicui coyũquiyepede ayũ põevare apeno “Que ðarájare”, úi coyũiyepede yóboquede. Jesucristoi jiveque joaimara mácavure paivubu caivũ úre ju aivũ boropatebevu Jũmenijicui jáinore. Ubenita ñai “Úi jivebu caivũ apevu ne jivepe” ayũ, joaimure ámemi aru boropateyuce. Que baru pueno uraró baju ñájicũyume. Aru pueno uraró baju ñájicũyume ñai ámeina yávyũ ñai Espĩritu Santore, “Abujucu parúeque põeva ne ðarĩ majibede ðarejaquemavu Jesús” ayũ, Jũmenijicui mearo ðacare ðaimure bojecubeda ú jinare, úi ue boje náre.

<sup>30</sup>Coreóvaivubu maja jáve ñájicũyure maje jabocu Jũmenijicu úi yópe aiyepedepedeca boje: “Yurecavu ñájine ðacũyũ ina ámeina ðaivũ bácvure apevure. Yávacari bojedare ðacũyumu náre no boje yo ámeno ne ðaino mácarõre”, arejaquemavu. Aru yópe arĩ, toivaicõjinejaquemavu: “Maje jabocu Jũmenijicu coyũcũyume úi põevare ñájipe jauũore o ñájipe jaubede náre coapa ne ðaiye báque boje ijárvuvi”, arĩ toivaicõjinejaquemavu ú. <sup>31</sup>Ñai Jũmenijicu apucu “Ñájicũyumu mu”, úi coyũimũ mácu curu, jidojaró baju bájebu úre. Que baru pueno baju parure ðarájarevu majacavu ne úmene.

<sup>32</sup>Arũmetebejarã muja aipe muje cuede báquede javede muje coreóvarĩburu

yóji boi Jūmenijicui yávaiye méne jāvene Cristorā, ūi meadaiyede majare. Dinumu mácarōre ūrārō nājīnōre napini nūavūya mūja. Ūbenita dajocabevūva ye vainí tūrī nūmeteavūya mūja. <sup>33</sup> Apenūmua mūjacavūque nūri yóvanūya mūja náre, pōeva Jesúre jū abevū ne āmeina yávaiyede náre caivū ne jápiayede aru ne āmeno đaiyede náre caivū ne jáiyede máre. Aru apenūmua mūjare máre āmeina yávavūya caivū ne jápiayede aru āmeno đávūya caivū ne jáiyede máre. <sup>34</sup> Mūjacavū jabova ne buoimarare cōmaje āroje jári, cadateivu bateávūya mūja, mūje jíyede náre jauéde. Náque nājīvū bateávūya mūja. Mūje jū aiye boje Jesúre, ina mūje mauva jēni nūvari mūje cūvaede, mūja ne ĩcaimaravacari napivū bateávūya chīomevūva. Quénora torojure nūivū bateávūya, mūje coreóvayie boje cūvarivūre caiye iye mearore Jūmenijicui jíquiyede mūjare cavarō mearo ūi cūrōi, yópe ūi aiye báquepedeca. Aru iye Jūmenijicui mearo đacaiye bojecue bajubu ijāravūque pūeno aru cūimétamu máre.

<sup>35</sup> Que baru yópe mūje jū aiye báquepedeca Jesúre jū are nūjara mūja jidūbevūva. Aru ūrārō mearo bojedainore earājaramu mūja. <sup>36</sup> Mūje nājīyede, napiye jauédecabu mūjare, mūje jū arājīyepē aiye Jesúre yópe Jūmenijicui ūrōpe. Que teni earājaramu iye mearore ūi đacaquiyede mūjare yópe ūi aiye báquepedeca. <sup>37</sup> Yópe arī, Jūmenijicui toivaicōjēnejacquemavū Cristorā:

Maumejiena nāi dacūyū dacūyūme. Joe corebecube ū. <sup>38</sup> Aru ina jī boropatebede đaimara mácvū ne jū aiye boje yūre, apurājīvūbu cainūmua. Que baru coatede đabemara mārājivūbu na yūre jarūvarī. Ūbenita apescu nácacu ūi dajocarū ūi jū aiye báquede yūre, ye torojūbecūbu yū ūque, arejaquemavū Jūmenijicui.

<sup>39</sup> Ūbenita majarecabu ye dajocavū āmevū maje jū aiyede. Que baru coatede đaimarape bījabenamū Jūmenijicure

jocarī. Quénora Jūmenijicure jū are nūri ūi meadaimaratamū maja, cūvarājīvū caiye iye mearore ūi đacaquiyede majare.

#### Pōeva ne jū aiye Jūmenijicure

(Ro 4.17-22; He 13.14)

**11** <sup>1</sup> Jūmenijicure jū aivūrecabu jāve majīdivū eare đaimara mārājivūre iye maje napini coreiyede, maje cūvarājīyede méne Jūmenijicūque, cūvabevūvacari cāreja diede. Me majīdivūbu iye maje jāmeve cāreja jāve bajure, aru vaiquiyede jāmevūvacari cāreja diede. <sup>2</sup> Jūmenijicui me járejaquemavū majeñecūva mácvūre ne jū aiye báque boje ūre. Aru cadatedejacquemavū na mácvūre ūi đaiye báquede pōeva ne đarī majībede.

<sup>3</sup> Maje jū aiye boje Jūmenijicure, coreóvavūbu cūedayū bācvūre ijāravūre aru caiye ijāravūquede ūi yávaiye parūéque. Que baru caiye iye maje jári buojaiyede cuedarejaquemavū ū maje jári buojabeque.

<sup>4</sup> Abel bācu ūi jū aiye báque boje Jūmenijicure, jídejaquemavū ānié jícaiye mearore Jūmenijicui jáinore Caín mácvū jícaiye pūeno. Mearore jídejaquemavū Jūmenijicure Caín mácvū yópe ūi ūrōpe. Ūbenita mearore jídejaquemavū Jūmenijicure Abel bācu yópe Jūmenijicui ūrōpe. Que baru Jūmenijicui “Boropatebecūbu mū jī jáinore”, arejaquemavū Abel bācvūre. Aru jacopurejaquemavū ūi jícaiye de ūre. Abel bācu yayí bācvūvacari, majare coreóvare đaiibi caride aipe đaiye jauōre majare maje mearore jíyede Jūmenijicure, ūi jū aiye báque boje ūre.

<sup>5</sup> Enoc ūi jū aiye báque boje Jūmenijicure, yaibédejaquemavū ū. Quénora apūscūreca ūre nūvarejaquemavū Jūmenijicui Paraíso āmicūrōi. Que baru Enoc cūbedejacquemavū cojedeca ijāravūi. Aru Jūmenijicui ūi nūvaquiyē jípocai Enore, yópe arejaquemavū ūi borore: “Yūre torojure đayūbe ū” arejaquemavū Jūmenijicui, yópe

Moisés b́acui toiwaquiye báquepedeca obediujua yóbore. <sup>6</sup>Põescu ju abecu baru Jūmenijicure, ye buojabebi torojure ðayū ũre. Ácu põescu yópe nuri eaiyuere Jūmenijicu yebai, cuiyucu me ũque, borotecuyū ũre, ñai põescure ju aiye jauvu Jūmenijicu cūcure aru me bojedayure caivu ina ũre voivure, ũi caðatequiyepe aiye náre ne jēniayede ũque.

<sup>7</sup>Noé mácu ũi ju aiye báque boje Jūmenijicure, jiadocū uracū cūrami curicūre ðarejaquemavu yópe Jūmenijicui coyuiye báquepedeca ũ mácure, meadacuyū ũ jina mácavure muiváibore jocarī. Jūmenijicu coreóvare ðarejaquemavu ũ mácure ānié āmene vaiquíye báquede, ānié jáme máquede cāreja. Aru Noé máscapūravu jápiarī adarī ju arejaquemavu ũre. Ũbenita ijāravucavu Jūmenijicure ju abevu b́acavu Noé mácure jápiarī adabeni ju abedejaquemavu ũ mácure. Que baru Jūmenijicui ñájine ðarājimara marejaquémavu na mácavu. Ũbenita Noé mácure “Boropatebecubu mu ji jáinore”, arejaquemavu Jūmenijicu, ũi ju aiye báque boje ũre.

<sup>8</sup>Abraham mácu ũi ju aiye báque boje Jūmenijicure, etarejaquemavu ũi joborõre jocarī, nucuyū apejoborõita, yópe Jūmenijicui coyuiye báquepedeca ũ mácure. Jūmenijicu ũ mácure cuturī ũ jicu bacuyáva, “Mi apeno curõ mi cūquinore mure jáðovacuyūmu yu”, ũi aiye báquede ũ mácure, ārore ũi nuquinore majibecuvacari, ju arī etarī nurejaquemavu ũ, Abraham mácu.

<sup>9</sup>Ũi ju aiye báque boje Jūmenijicure, curejaquemavu no joborõ Jūmenijicui jíquijoborõi ũi pāramena mārājivure, yópe dijaborõcavu āmevu ne cūepe. Abraham mácu ũ jinaque, cuivu b́acavu, ũi mácu, Isaac b́acu, aru ũi pāramecu, Jacob b́acu máre, curejaquemavu āniñamia cūramia āimapodaque ðaiñamia máque jívui. Aru na mácavu máre, Isaac b́acu aru Jacob b́acu, Jūmenijicu “Mearo ðacacuyūmu yu mure”, ũi coyūimara marejaquémavu na

mácavu coapa. <sup>10</sup>Abraham mácu napini coredejaquemavu ũi cūquiyede no ĩmaro cūiméno Jūmenijicui cainumua curiĩmaroi. Jūmenijicurecabe dápiayū b́acu aipe ārojaro maquinóre diĩmarore aru ðayū b́acu máre diĩmarore.

<sup>11</sup>Abraham mácu ju aiye báque boje Jūmenijicure, parure ðarejaquemavu Jūmenijicu ũ mácure ũi jueðocuvayuiyepe ayū. Bucucu baju b́acuvacari ũ mácu aru jímarepaco Sara b́aco jueðoeabeco b́acovacari õ máco, na mácavure jueðocuvare ðarejaquemavu Jūmenijicu. Abraham máscapūravu “Jāve Jūmenijicu ðacuyūme yópe ũi aiye báquepedeca”, arī dápiarejaquemavu ũi ju ayede Jūmenijicure ðajocabecuva.

<sup>12</sup>Que baru ũi jueðocuvajurorore jueðocuvari buojabecu b́acu yayú b́acui bajupe cuvacu b́acuvacari, obediuvu baju ũi pāramena cuma caride. Abiáovape obediuvu teni, ēpayabeape obediuvu máre tedama na, Abraham mácu pāramena.

<sup>13</sup>Caivu ina põeva mácavu ju arejaquemavu Jūmenijicure, pu ne yayieta ðajocabevuva. Eabedejaquemavu cāreja ānié Jūmenijicui jíquiye báquede yópe ũi aiye báquepedeca na mácavure. Obediujua Jūmenijicui mearore jíquiye jipocai, coreóvarejaquemavu na mácavu Jūmenijicu jāve jícyure. Que baru torojurejaquemavu iye vaiquíye boje yópe Jūmenijicui aiye báquepedeca. Coreóvarejaquemavu aipe paiye na mácavu ne cuede.

“Apenoacavu curivubu maja. Maje joborõre jocarī ðajocavubu maja”, are nuivu barejaquémavu na mácavu.

<sup>14</sup>Põeva ðeiepe paiyede aivu jāve vore nuivubu, earājivū apeno curõre, ne curājínore. <sup>15</sup>Na mácavu ārurivū baru ne curõ mácarõre, copainuivu buojajebu na mácavu nore. <sup>16</sup>Ũbenita quénora apeno curõ pueno mearo curõ cavarõ mearo Jūmenijicui curõre, ne pueno torojurājiye boje nore, urī, vorī, napini coredejaquemavu na mácavu. Jūmenijicu no ĩmaro mearore meadacarejaquemavu na mácavure. Que teni jáðovarejaquemavu cūyebecuva

jaboteyũ na mácavũre. Aru ne mearore jímu cuyebedejaquemavũ ñ.

<sup>17-18</sup> Abraham mácũ ñi ju aiyẽ báque boje Jũmenijicũre, ñvarejaquemavũ mamacu Isaac bácũre juarĩ jícarĩducuyũ ñ mácũre Jũmenijicũre. Jũmenijicu Abraham mácũre juarĩ jícaicõjenejaquemavũ ñi mácũ baju cũinácũre, Jũmenijicũi majiyũre boje aipe ãrojaene Abraham mácũi ju aiyede ñre. Abraham mácũi jádovaquiyepe ayũ aipe ãrojaene ñi ju aiyede Jũmenijicũre, “Quévũra ina Isaai pãramena marajãrama mipãramena baju”, Jũmenijicu ayũ bácũvacari, Abraham mácũ Isaac bácũre juarĩ jícasuyũ barĩdurejaquemavũ Jũmenijicũre. <sup>19</sup>Yópe arĩ, “Ímacũre ji boarĩ jarũvarũ, Jũmenijicu nacovañũ buoiaibi ñre yainore jarũvarĩ”, arĩ dápiarejaquemavũ Abraham mácũ. Isaac bácũ jípacũ bácũi boarĩ jarũvajuromũ mácũ barejaquémavũ. Que baru yópe nacovaimũpe páyu barejaquémavũ yainore jarũvarĩ. Aru caiye dieque coreóvare ñaibi majare Jũmenijicu nacovañũre yaijũrorivũre yainore jarũvarĩ.

<sup>20</sup>Isaac bácũ ñi ju aiyẽ báque boje Jũmenijicũre, ñi yaiquíye jipocamia jẽniarejaquemavũ Jũmenijicũi mearo ñacaquiyede mamara pũcarãre, Jacob bácũre aru Esaú bácũre máre.

<sup>21</sup>Jacob bácũ ñi ju aiyẽ báque boje Jũmenijicũre, ñi yaiquíye jipojĩcai, jẽniarejaquemavũ Jũmenijicũi mearo ñacaquiyede mamacu José bácũi mára pũcarãre. No jipocai tutayu bácũvacari ñi tuturiteiyorã ñi parũbe boje, mearore jícsuyũ Jũmenijicũre, parũéque jẽniarejaquemavũ iye mearo ñacaquiyede ímacũ bácũre jíbcũ bácũ pũeno, José bácũ oatũvaiyũrĩduyũ bácũvacari ñi nópe ñaiye báquede.

<sup>22</sup>José bácũ ñi ju aiyẽ báque boje Jũmenijicũre, coyũrejaquemavũ Israel bácũi pãramena marajivũ ne etarãjiyede Egipto ñamicurijoborõre jocarĩ. Aru ñvavaicõjenejaquemavũ ñi cũa máquede, ne jarũvarãjiyepẽ ayũ diede

cũracobei ne copainũrajijede Canaán ñamicurijoborõi.

<sup>23</sup>Moisés bácũi bucũva bácavũ ne ju aiyẽ báque boje Jũmenijicũre, yavedejaquemavũ ñ mácũre ne cũrami jívuĩ yóbecurã aviávare ñi põeteniburu yóboi. Nópe ñarejaquemavũ ñai juedocũ meajicu baju boje aru na mácavũ ne jidũbe boje Egipto ñamicurijoborõcavũ ne jabocũ bácũ Faraón mácũre. Jidũbedejaquemavũ ñi ñãjine ñajũroede na mácavũre, ne ñabe báque boje yópe ñi boarĩ jarũvaicõjeiye báquede jipocare Israel bácũi pãramena ne juedova ñmũvare.

<sup>24</sup>Moisés bácũ ñi ju aiyẽ báque boje Jũmenijicũre, bucũcũ teyũre ubedejaquemavũ põeva “Ñai jabocũ Faraón ñi mácoi bucũóvaimũme ñ, Moisés”, ne aiyede ñra. <sup>25</sup>Quénora ina Egiptocavũ ne yebacavũ, ñi põeva, Jũmenijicũi põeva, ina judíovaque, ñãjijũrejaquemavũ Moisés bácũ. Egiptocavũ ne jẽneboi torojucũ me cucũ bácũ baru ijãrvavũque ureque, Jũmenijicũi urõpe ñabejebu. Quénora coateni Jũmenijicũre jarũvarĩ, ñeina tejebu. Aru obebenũmuara torojũjebu ñ mácũ. <sup>26</sup>Ëi dápiainope pũeno baju bojecurõ marejaquémavũ ñãjicũyũre põeva ne ñeina yávaiyede ñ mácũre, ñi coreóvaiye boje Jũmenijicũi daroquimũre, Cristore, ñi põeva, ina yebacavũcavũ ne pãramecũ bacũyũre. Que baru ina yebacavũ bácavũque ñãjini, cadateni, meadaiyũrejaquemavũ Moisés bácũ. Aru caiye ñnié cavaede, Egiptoque me bajure, ubeni jarũvarejaquemavũ. Nópe ñarejaquemavũ ñi napini coreiye boje caiye iye mearore Jũmenijicu jícsuyũre ñ mácũre.

<sup>27</sup>Moisés bácũ ñi ju aiyẽ báque boje Jũmenijicũre, etarejaquemavũ Egipto ñamicurijoborõre jocarĩ. Ñai jabocũ bácũ Faraón mácũi jaraimũ mácũvacarita etarĩ ñurejaquemavũ Moisés bácũ, jidũbecũva. Ë mácũ yópe jãñũpe barejaquémavũ ñai Jũmenijicũre, põeva ne jãmẽmure. Que baru ñi ju aiyede ñre ñajocabecũva, etarĩ ñurejaquemavũ.

<sup>28</sup> Ți ju aiye báque boje Jūmenijicure, ina Israel bácu pāramena mácvure jajiécōjēnejaquemavū ovejava mamajina ne boaimara mácvū jivede ne jedevacobeá pñenora aru caipñcapñravuai, ángele boarí jarvabequiyēpe ayū diñamia cūramiacavure. Nāi ángele Jūmenijicūi daroimū mácvū barejaquémavū, boarí jarvavacvū caivū ūmva ina mamarvū pōteivū curivure Egipto, jivede cuvabevva ne jedevacobeá yebai. Ūbenita ina Israel bácu pāramena mácvū ye ámedabemara marejaquémavū. Aru Moisés bácu ju aiye báque boje Jūmenijicure, Pascua ámicurō torojvū teinore búrī, oveja jiarvare búcure đaiye cube páuque āri torojvū teicōjēnejaquemavū ina Israel bácu pāramenare ūjá coapa cainvū.

<sup>29</sup> Ina Israel bácu pāramena mácvū etavū bácvū Egiptore jocarí Moisés bácvū ne ju aiye báque boje Jūmenijicure, joborōi vaivārī jaterejaquemavū no Jūariya ámicuriya jia vradá curō mácarō coricare. Ūbenita ne yóbore ina Egiptocavū jatayuríduivū bácvū nápe, ina Israecavū bácvūpe, corí nūri yaidéjaquemavū na mácvū.

<sup>30</sup> Israel bácu pāramena mácvū ecoivū bácvū Canaán ámicurijoborōi ne ju aiye báque boje Jūmenijicure, Jūmenijicū ture đarejaquemavū Jericó ámicurīimaro biaido parurido bácarōre. Siete pajjārvavū baju na mácvū ne tarabuteni jacoturíburu yóbore diimaro jedevare turejaquemavū no biaido parurido bácarō.

<sup>31</sup> Rahab bácu, nomió ōi baju bojedado ūmvare āmenore đado bácu náque, ōi ju aiye báque boje Jūmenijicure, yaibédejaquemavū ina Israecavū bácvū ne boarí jarvaviyede arevū ōi curōcavū bácvū Jūmenijicure ju abevure. Ne meadaimo mácu barejaquémavū ōi torojvū me jacyurí cađateiye báque boje ina Israecavū bácvū pñcarā ne jabocūi daroimara mácvū jārī coreóvarājivure yavenina aipe ārojarore diimaro mácarōre.

<sup>32</sup> Coynrī buojajebū yū arevū obedivū Jūmenijicure ju aipōeva mácvure. Apejārvavū yñre curí cojióru, na mácvū ne borore coyñjebū mñjare. Coyñjebū Gedeón mácu đaiye báquede, Barac bácu đaiye báquede, Sansón mácu đaiye báquede, aru Jefté bácu đaiye báquede; aru David bácu Samuel mácvū ne đaiye báquede; aru arevū ānina Jūmenijicūi yāvaiyede coyñcaipōeva mácvū ne đaiye báquede máre, ne ju aiye báque boje Jūmenijicure. <sup>33</sup> Nācvū bácvū aru arevū Jūmenijicure ju aivū bácvū máre pōeva ure ne đarí majibede đarejaquemavū, ne ju aiye báque boje Jūmenijicure. Nācvū bácvū boarí, vainí turejaquemavū apenoa joborōacavū, áđamatenanvū bácvū na mácvūque. Nācvū bácvū me jabotedejaquemavū pōevare, ne đarājiyēpe aivū mearo ne baju. Nācvū bácvū jēniarejaquemavū Jūmenijicūque, ūi cađatequiyēpe aivū na mácvūre. Aru ū cađatejaquemavū caivū ina mácvūre, yópe ūi aiye báquepedeca. Nācvū bácvū biede đarejaquemavū āimara jījecurivū, león ámicurivū, yavipe paivū ne jījecamure, ne āmenajiyēpe aivū na mácvūre. <sup>34</sup> Nācvū bácvū jabova ne jarvvaicōjeimara mácvūvacari toabo vrbabo āmebo jívūi, éimara āmenejaquemavū. Dupini nūrejaquemavū, arevū ne totarí boarí jarvabenajiyēpe aivū nácvū bácvūre boaicaroveque. Nācvū bácvū parvbevū bácvūre parure đarejaquemavū Jūmenijicū. Churavva parurivū tedejaquemavū nácvū bácvū. Aru nácvū bácvū apenoa joborōacavū bácvū ne ñavaranviyede ne oteiye báquede jēiyede aru ne oteiāimarare máre, ina ñavaivū bácvūre cuvurí copaide đarejaquemavū ne joborōita. Nópe đarejaquemavū na mácvū ne ju aiye báque boje Jūmenijicure. <sup>35</sup> Aru nácvū nomiva mácvū máre jacopñrejaquemavū arurivūre cojedeca névū yavivū bácvū

Jūmenijicui nacovaimarare. Apevu nácavu bácavu jabova ne buoimara mácavu barejaquémavu, ne ju aiye báque boje Jūmenijicure. Ina jabova bácavu churarava bécavure pare jara popeicōjenejaquemavu na mácavure. Que teni, “Muje ju abedu Jūmenijicure, jaetovarājaramu mujare”, aridurejaquemavu na mácavure ina jabova bécavu. Ūbenita ina Jūmenijicure ju aivu bécavu ye ju abevuva tedejaquemavu cainumua. Quéhora ina jabova bécavure boarí jaruvaicōjenejaquemavu na mácavure, nacajarajivu yainore jaruvarí arurivu cojedeca aru curājivu pueno baju me cavarō mearo Jūmenijicui curōi. <sup>36</sup>Apevu nácavu bécavure yurini, jara popedejaquemavu. Aru apevu bécavu pueno baju nājivure tāumeaque buorí nūvarejaquemavu āmeina teivure jēni jacoīñami. <sup>37</sup>Apevu bécavure cūraboaque dūvarí boarí jaruvarejaquemavu. Apevu bécavure jocuburaiveque coriburarí boarí jaruvarejaquemavu. Aru apevu bécavure boaicaroveque totarí boarí jaruvarejaquemavu. Nópe darejaquemavu, na mácavure ju abevuva teni daridurājivu Jūmenijicure. Nácavu bécavu cuitótecajea cubevuva dorejaquemavu oveja pođaque đaicajede o cabra pođaque đaicajede. Aru na mácavu cūramia cuvabevuva vaivárejaquemavu apenoita apenore jocarí, ne curijoborōre cuvabevuva. Cūve cuvabevu baju, āiyede ye cuvabedejaquemavu. Pare nājivu baju barejaquémavu. Aru apevu ne āmeno đaimara marejaquémavu. <sup>38</sup>Caivu na mácavu, Jūmenijicure ju aivu, meara baju barejaquémavu apevu ijārvucavu pueno. Nácavu bécavu ne curō cuvabedejaquemavu. Que baru vaivárejaquemavu pōecubenoí aru cūracūai máre. Cārejaquemavu cūracobeá jívui aru jobocobeá jívui máre.

<sup>39</sup>Jūmenijicu me járejaquemavu caivu na mácavure ne ju aiye báque

boje úre. Ūbenita me jáñu mácuvacari na mácavure, ne yainájiye jipoca nácavu cūinácu ye eabedejaquemavu caiye iye mearore yópe Jūmenijicu “Jāve đacacuyumu mujare”, ūi aiye báquepedeca. <sup>40</sup>Jūmenijicui dápiaiye boje majare máre, pueno baju métamu ūi dápiaií đacaiyue majare, ūi yóboque “Que đarājare” ūi coyuiye báqueque, ūi yópe nuri earí buojare đaiyepe ūi yebai majare aru na mácavure máre. Que baru na mácavure ye jaubede đacuyume ū majaque. Aru jaubede đabecuyume na mácavure maje cubeda.

**Đaiye jauřō majare Jesúi đaiyepe yópe Jūmenijicui urōpe maje napinajiyeye aye**

(1 Co 11.31-32; Fil 2.6-11; He 1.13, 2.9)

**12** <sup>1</sup>Maje cūebu ijārvuvi yópe cūyavuvu ne cūyaiyepe. Obedivu pōeva jáđama ne cūyaiyede. Aru ina cūyavuvu cuitótecajeare dođama obebecajea ūmujubede, aru ducuéde jocarí nūvamenama, cūyarājivu maumejiena. Quédecabu majare máre. Majare jáđama ina obedivu pōeva napivu bécavu nājiyede pu ne yaiyeta, ne ju aiye báque boje Jūmenijicui yávaiyede jāvene. Que baru napedeca napinajarevu maja maje nājiyede dajocabevuva. Dajocarājarevu majare jocarí caiye iye đaicōjemene majare yópe Jūmenijicui urōpe aru caiye maje āmeina teiyede, maje đaiye cōmajiyede. Maje āmeina teiyebu yópe cuitótecaje ūmujuricaje āradoare buojmoricaje ina cūyavuvu ne dajocarí jaruvaiye báquepe ne cūyarājiye jipocare. Aru iye đaicōjememu majare yópe Jūmenijicui urōpe yópe ducué ina cūyavuvu ne dajocarí jaruvaiye báquepe ne cūyarājiye jipocare.

<sup>2</sup>Cainumua dápiaiřarevu Jesúre yópe maje jáimupe. Ūrecabe majare ju are đayv Jūmenijicure aru jaubede đayv maje ju aiyede Jūmenijicure máre, majare meadarí eare đayv caiye iye Jūmenijicui mearo đacaquiyede majare. Jesúvacari ūi nājiyede

napini dajocabedejaquemavũ, yaiyú bácuvacarita jocsucjaravena. Põescu yaiye jocsucjaravena urarõ âmeno cuyojarõtamu, põeva ne dápaiayede. Quénora Jesúcápũravũ ùi dápaiaye boje iye urarõ mearo torojuede cuvacyure ùi yainĩburu yóbore, âmeina jámenejaquemavũ ùi yaiquíyede jocsucjaravena. Que baru ye baju âmenejaquemavũ ùre iye cuyoje tede ðaiye. Aru caride dobacube, jabotecuyũ, jípacu Jũmenijicu ùi dobarõ mearo meapũravũ. <sup>3</sup> Que baru me ārũjara mũja Jesúre, coreóvarãjivũ me aipe ñãjiĩũ mácure. Põeva âmeina teivũ ùre ubeni maucũvarivũ “ ‘Jũmenijicui daroimũmu yũ’, borocurĩ aibi Jesús”, ne aipe báquede, ne ure ñãjine ðaiye báquede ùre jáve napinejaquemavũ ù. Ùre ārũri chĩori parubetebejarã mũja mũje ùmei. Dajocarĩ jaruvabejarã mũje jũ aiyede Jũmenijicure.

<sup>4</sup> Põeva âmeina teivũ mũjare boarĩ jaruvabenama cãreja, mũje napiyedeca ne ñãjine ðaiyede mũjare, mũje âmenore ðabe boje yópe ne ðaiyepe. <sup>5</sup> ¿Aru ārũmetenaru mũja iye Jũmenijicui majicaiyede majare yópe mamarape? Yópe arĩ, toivaicõjenejaquemavũ:

Mũ, bucũ, me jápiarĩ adajacu maje jabocu Jũmenijicu majicayure mũre aipe ðaiye jaũrõre. Chĩori parubetebejacu mi ùmei ù coreóvare ðayure mi âmeina teiyede. <sup>6</sup> Que teni maje jabocu Jũmenijicu caivũ ùi umarare majicaibi. Aru caivũ ùi jacopuimara mamarape ñãjine ðaibi ù, arĩ toivaicõjenejaquemavũ.

<sup>7</sup> Napijara mũje ñãjiyede ijãravũ yópe juedova ne napiyepe ne ñãjiyede népacu majicaiyede náre. Mũja ñãjivũ baru, coreóvaivũbu Jũmenijicu ðayure mũjare mamarape, mũje ðarãjiyepe ayũ yópe ùi urõpe. Caivũ majivũ mamacu cubecure jípacu ñãjine ðabemũ, majicacuyũ ùre. <sup>8</sup> Aru Jũmenijicu majicayube caivũ ina mamarare. Que baru mũja ùi ñãjine ðabemara maru ùi majicaiyede

mũjare, mamara baju âmevũtamũ mũja. Quénora eaimarape paivũbu mũja. <sup>9</sup> Coreóvaivũbu maja majebũcũva ùmũvare coapa, majare urivure, ne ðaiye cõmajiyede majare. Nácapũravũ ñãjine ðaivũ barejáima maja juedovare cãreja, majicarãjivũ majare. Aru náre, põevareca, jũ arĩ puedãivũ barejãvũ maja. Que baru pũeno baju jũ arĩ puedãiyẽ jaũvũ majare ñai majepacu cavarõ mearocacũre, Jũmenijicu bajure, maje curãjiyepe aivũ me ùqe jãravũ cũiméjãravũ baquinóre. <sup>10</sup> Majebugũva ùmũva coapa ijãravũcavũcapũravũ majare ñãjine ðarejaima, majicarãjivũ majare yópe náre me jaũépe ne dápiarũ obebejuare maje cuede juedova cãreja. Ubenita majepacu Jũmenijicucapũravũ majare ñãjine ðaibi majicacuyũ majare, cadatecuyũ majare maje pũeno meara baju barãjiyẽpe ayũ yópe ù bajupe. <sup>11</sup> Jáve põescu cubebi ñãjiyũcũ. Que baru maje ñãjinũmure ye torojubevũbu maja. Quénora chĩoivũbu maja ñãjivũ. Ubenita ñãjivũcapũravũ Jũmenijicui majide ðaimaramu, maje ñãjiye báque boje. Que baru maje ñãjiniburu yóbore, cãrijimenoque curivũbu mearore ðarĩ yópe Jũmenijicui urõpe majare jaũépe.

<sup>12</sup> Que baru yópe cúyaivũ ne parure ðaiyepe ne âmuvede aru ne ñũaboare máre, parure ðajarã mũja mũje ùmei. <sup>13</sup> Yópe ne voyepe cúyaima nurinimare nácacũ ijinoque cúyayũ ùi meadaquiyepe aivũ aru nácacũ cuiye majibecũ ùi cúyarĩ majiquiyepe aivũ máre, nopedeca mearore ðajarã mũja yópe Jũmenijicui urõpe mũjare jaũépe, mũje dajocabenajiyẽpe aivũ mũje jũ aiyede Jesúre aru mũje cadateni parure ðarãjiyepe aivũ ne ùmei mũjacavũ parubevure cãreja ne ùmei, na máre ne dajocabenajiyẽpe aivũ ne jũ aiyede Jesúre.

**Me bajure maje ðaru yópe  
Jũmenijicui urõpe ubenita âme  
bajure maje ðabedu yópe ùi urõpe  
(Mt 3.12; 2 Ts 1.7-8)**

<sup>14</sup> Caino mũje oainope cadatejarã mũjevure, ne curãjiyepe aivũ



cārijimevva. Aru caino mñje oainope cadatejarā mñjevure, ne curājīyepē aivñ mearore ðaivñ yópe Jūmenijicui űrōpe cainumua. Nópe ðabecu baru, pōecu cubebi cuscuyñ maje jabocu Jesucristoque. <sup>15</sup> Caino mñje oainope me ðajarā mñja. Mñjacacu cūinácū ye ðajocarī jarñvabecarī iye Jūmenijicui jījuroede mearore bojecubeda, űi ju abeque Jesúre, ñai Jūmenijicui ðaroimñ mácure, űi meadaquiyepe ayñ pōevare. Mñjacacu cūinácū ye āmedabecarī yópe ijede āmene oteiyepē oteiyē me máquede. Cūinácū mñjacacu bueyñ baru jāve āmene aru que teni coateyñ baru Jūmenijicure jarñvarī, apevñ mñjacavñre máre coatede ðacuyñme ű, Jūmenijicure ðajocarī jarñvayñ básū. <sup>16</sup> Mñjacacu cūinácū ye āmeina ðabecarī, űmñ nomióque aru nomió máre űmñque. Aru ye Jūmenijicure űbeni yñribejarī űre máre. Nópe ðarejaquemavñ Esaú básū. ű mácu cñvayñ cūinárñ jororñ āiyeque jororñre imacu básure bojedarejaquemavñ mamarñmñ pōeteyñ űi cñvajuroe báquede, Jūmenijicui mearo ðacajuroe báquede ű mácure. <sup>17</sup> Mñja coreóvaivñbu aipe vaiye báquede ű mácure. űi bojedarīburu yóbo diede, űrīdurejaquemavñ jīpacū básūi jēniacaiye báquede Jūmenijicūque, űi mearo ðacaquiyepe ayñ ű mácure. űbenita ű mácu űi űrīduiyede ye eabedejaquemavñ. Pare oyñ básñvacari, ye buojabedejaquemavñ oatvayñ iye űi ðaiye báquede.

<sup>18</sup> Majacarpūravñ nñmenamñ Jūmenijicū yebai yópe ānina Israecavñ básavñ ne nñiye báquepe űi yebai. Na mácavñcapūravñ jārī jēni majidejaquemavñ no curō, ne Jūmenijicure vorāññinore, űi coyñiye báquede na mácavñre “Que ðarājare”, űi aino mácarōre Moisés básūque. No curō, Sinaí āmicuricū cñracū, toabo uruinoque éñejaquemavñ. Nemitedejaquemavñ. Oopenibo ðicūre taorejaquemavñ. Aru āmei űmevñ parurō jarurejaquemavñ dicū

cñracūre. <sup>19</sup> Na mácavñcapūravñ jārīarejaquemavñ jaruiyo, trompeta āmicuriyo, bujīé báquede aru Jūmenijicui yávaino mácarōre máre. űi yávaiyede jārīarī, cñcumaivñ jēniarejaquemavñ Jūmenijicui yávabequiyepe aivñ na mácavñre ne jīdué boje. <sup>20</sup> Cñcumarejaquemavñ na mácavñ Jūmenijicū, yópe arī, űi coyñiye báque boje na mácavñre: “Ñai jārī curayñ bajurōcñre icū cñracū turñvare, boarī jarñvajarā mñja. Pōecu baru u oteñāimacu baru, cñraboaque o tñyoyque ðvarī boarī jarñvajarā mñja űre”, arejaquemavñ Jūmenijicū. űi nópe coyñiye báquede ye jārīarī napimenejaquemavñ na mácavñ. <sup>21</sup> Caiye ānié nópe vaiye báque pare jīdojae boje, Moisés básñvacari, “Jīdñcñ bidini jāiyabevñ yñ”, arejaquemavñ. Que baru majeñecvñ mácavñ ye nñri eabedejaquemavñ Jūmenijicū yebai.

<sup>22</sup> űbenita majacarpūravñ maje jēniayede Jūmenijicūque yópe nñri earī buojadavñ apēcū cñracū, Jūmenijicui cñracū, Siññ āmicuricū cñracūi. No curō Jūmenijicū apñcñ űi imaro, Jerusalén āmicurīimaro, cavarō mearoi, yópe nñri earī buojadavñ maja, maje jēniayede Jūmenijicūque. Diimaro ángeleva obedimillones baju ne imaro yópe nñri earī buojadavñ maja, maje jēniayede Jūmenijicūque. Ina ángeleva torojurivñ cójijidama mearore jīnajivñ Jūmenijicure.

<sup>23</sup> Aru caivñ ina Jūmenijicui mára űi mamarñmñ pōeteivñre paivñ, na máre torojurivñ cójijidama, mearore jīnajivñ Jūmenijicure. Nárecabu ina ne āmiá toivaino mácarōre cñvarivñ cavarō mearo Jūmenijicui curōi, jādovaquiyepe aivñ ne curājīnore. Na torojurivñ baju ne cójijinoi yópe nñri earī buojadavñ maja, maje jēniayede Jūmenijicūque. Jūmenijicñvacari, ñai coyñcuyñ caivñ pōevare árore maje cñrājīno coapa, cavarō mearore o toabo cñimébore, maje ðaiye báque boje maje cñede ijāravñi, űi yebai yópe nñri earī buojadavñ maja, maje jēniayede

Jūmenijicuque. Ina pōeva meara mácavu Jūmenijicui jáinore, ina ũi jaubede ðaimara mácavu ne ũmene, ne yebai yópe nuri earī buojadavū maja, maje jēniaiyede úque. <sup>24</sup>Aru Jesúvacari, úque Jūmenijicu ayu bācu “Que ðarājare” arī, ũi yóboque coyūiye báquede, ũi yebai yópe nuri earī buojadavū maja, maje jēniaiyede Jūmenijicuque. Jesúi jive meiyē báque boje, boropatebede ðaibi majare Jūmenijicui jáinore. Nai Abel bācu ũi jive meiyē báque boje jībucu bācu boarī jaruvaiye báquede ũ mácure, Jūmenijicu nājine ðarejaquemavu úre boarī jaruvayu bācure. Ũbenita Jesúi jive meiyē báque boje, Jūmenijicu meadayube pōevare. Que baru Jesúi jivebu bojecue baju Abel bācu jive pñeno.

<sup>25</sup>Que baru me ðajarā muja. Me jápiarī aðajarā Jūmenijicui yāvaiyede mujare. Úre jápiaiyubeni ju abevu tebejarā muja. Jūmenijicui coyucaicōjeiye báquede ijāravucacu Moisés bācure Israecavu bācavure, ina jápiabeni ju abevu bācavu ye dupivu majibedejaquemavu Jūmenijicui nājine ðaiyede jocarī, ne ju abe boje. Que baru jāve pñeno baju dupivu majibenajivubu maja, jápiabeni ju abevu baru Jūmenijicu ũi coyucaicōjeiyede majare cavarō mearocacu Jesúre. <sup>26</sup>Dinumu mácarōre Jūmenijicui coyucaicōjeiye báquede Moisés bācure ina Israecavu bācavure, cújiovarejaquemavu caino joborōre. Ũbenita caride yópe aibi Jūmenijicu: “Cúináro bedióva cojedeca caino joborōre cújiovacuyumu yu urarō baju. Aru caino cavarōre máre cújiovacuyumu yu urarō baju. Jáve ðacuyumu”, aibi Jūmenijicu. <sup>27</sup>“Cúináro bedióva cojedeca” ũi aiyē báque boje, coreóvare ðaibi majare caiye iye ũi cuedaiye báquede cújiovarī bíjarocuyume Jūmenijicu. Que teniburu yóboi, quéda iye ũi cújiovabeno, ũi jaboteinoque, cūquiyebu.

<sup>28</sup>Cújiovaino buojabenotamu no curō Jūmenijicui jaboteino. Majarecabu ũi epeimara, jabotenajivu úque nore.

Que baru maje curājiye boje úque cainumua ũi imaro cavarō mearoi úre memecarājarevu ũi mearore jíyeque majare bojecubeda. Aru, “Jūmenijicure ye jarare ðabenajarevu nūjaque”, arī dápiarī cücumari, aru úre pueðaivu máre ũi parué boje, mearore jínajarevu úre, torojure ðarājivu úre. <sup>29</sup>Ũbenita yópe toa bíjaroiyepē cüvede, nopedeca Jūmenijicu, maje mearore jímū, bíjarocuyume ina ũi yāvaiyede jápiaiyubeni ju abevure. Que baru iye ũi yāvaiyede me jápiarī ju arājarevu maja.

**Torojure ðarājiyepē aiyē Jūmenijicure maje ðaiye maje ue boje**

*(Mt 25.35-46; Lc 15.4-5; Jn 10.1-16; Ro 12.13; Fil 4.11-13; 1 Ti 6.6-10; He 10.29; 1 P 4.9)*

**13** <sup>1</sup>Úre nujara apevu Jesúre ju aivure dajocabevuva, yópe jauépe ũ jinare. <sup>2</sup>Cainumua torojurivu me copu etarī jacyujarā muja ina curāðavure muje cūramia coapa. Nópe ðaiyede dajocabejarā muja. Apevu majeñecuva mácavu ne nópe ðaiyede, coreóvabevuva copu etarejaquemavu Jūmenijicui daroimara ángelevare.

<sup>3</sup>Dápiare nujara muja náre, ámeina teivure jēni jacoñami jívui curivure, cadatenajivu náre yópe muje újuroepe apevu ne cadateiyede mujare, jabova ne buoimara maru. Dápiare nujara muja ina nājivure, cadatenajivu náre máre yópe muje újuroepe apevu ne cadateiyede mujare, nājivu baru.

<sup>4</sup>Caivu pōeva pñubuoivu ne pñubuoiyede, ne cuede yópe cúinávure, pueðajarāri ne baju. Que teni ũmva nomicurivu cubejarāri apocoque aru nomiva ũmucurivu máre cubejarāri apocoque, némarebucavare jaruvarī. Caivu ina pñubuoivu apevuque curivu baru, némarebucavare jaruvarī, Jūmenijicui nājine ðaimara máravivubu na. Aru caivu ina nomicubevu nomíoque curivu baru aru ũmucubevu máre ũmuque curivu baru, Jūmenijicui nājine ðaimara máravivubu na máre.

<sup>5</sup>Täuturare jecubeni, diede pare urĩ, vore nũmejara mũja. Quénora torojurivũ cũjarã mũja quéda mũje cũvaeque, Jũmenijicũi yópe aipe báque boje: “Cainũmũa jíscũyũmu mũre jauéde. Aru cainũmũa dajocabescũyũmu mũre”, arejaquemavũ Jũmenijicũ. <sup>6</sup>Que baru jidũbevũva yópe arãjarevũ:

Maje jabocu Jũmenijicũrecabe yũre cađateyũ. Que baru jidũbecũbu yũ. Põescu cubebi ãmedarĩ buojayũ ji ùmene, arãjarevũ maja.

<sup>7</sup>Arũjara mũja ina mũje jabova bácvũre, Jũmenijicũi yávaiye méne yávacaĩmara mácvũre mũjare. Dápijarã aipe ne ñaiye báquede yópe Jũmenijicũi urõpe pũ ne yayieta. Na mácvũ Jesúre ju aivũ bácvũre paivũ bájarã mũja. Aru ne ñaiye báquepedeca ñajarã mũja. <sup>8</sup>Que baru Jesucristorecabe oatũvabescu cainũmũa. Ë cũináturũrecabe põevare meadayũ bácu javede, aru põevare meadayũ caride, aru põevare meadayũ bacũyũ cainũmũa máre. <sup>9</sup>Jũjovaicõjemejara apenvũ põevare ne ape bueiyeque, Jũmenijicũi yávaiye méne jáve ãmeque mũjare. Iyepẽ paiye bueiye de jápiarĩ ju abejarã. Métamu parũre ñaru mũje ùmei Jũmenijicũi mearo ñacaiyeque mũjare bojecubeda. Bojecubeda Jũmenijicũ cađateibi majare ùi mearo ñacaiyeque. Ëbenita põeva ju aivũ baru apenvũ ne ñaicõjeiye de, “Apede ãjara. Ëbenita apede ye ãmejara mũja” arĩ, ye cađatebematamũ na. Que baru maje ju aipeque iyepẽ paiye ñaicõjeiye de maje ùmei parũre ñarĩduiye jaubevũ majare.

<sup>10-11</sup>Maja judío va maje sacerdoteva bácvũ ãivũ barejaquémavũ jiarũare ãimara ne boaimara mácvũquede, majeñescuva mácvũ ne jícaiye báquede, ne ãmeina teiye boje járavũa coapa. Ëbenita ãnijãravũ cũinãjãravũ bácarõ ùjuá coapa, ñai sacerdotevare jaboteipõescu bácvũ nũvaiye de ãimara ùi boaimara mácvũ jivede ditucubũ pũeno baju meatucubũ bácarõ jívuĩ, jíscũyũ diede Jũmenijicũre põevai ãmeina teiye boje, ye ãmenejaquemavũ

sacerdoteva bácvũ jiarũare, ina ãimara ùi boaimara mácvũquede. Que baru ye mearore ãmenejaquemavũ ina sacerdoteva bácvũ ina ãimara ne boaimara mácvũre. Quédeca caivũ ina põeva mearore jíyũrĩduivũ Jũmenijicũre yópe “Que ñarãjare” ùi aino mácarõpe Moisés bácuque, ye mearore ãmeni, meadabemaramũ na. Ëbenita maja mearore jívu Jũmenijicũre yópe “Que ñarãjare” ùi aino mácarõpe Jesúque, ùi meadaimaramũ maja. Jesú yaiye báquebu jocscũjaravena põeva ne ãmeina teiye boje yópe ne jícaiye báquepe ãimara ne boaimara mácvũre põeva ne ãmeina teiye boje. Ëbenita Jesú yainĩburũ yóbore cũináro, Jũmenijicũ ye ubebi caiye ape jícaiye de. Aru ñai sacerdotevare jaboteipõescu bácu juarĩ jarũvaicõjenejaquemavũ ina ãimara ùi boaimara mácvũre ne ãmaro jedevai, põeva ne ube boje na, ãimara mácvũre. <sup>12</sup>Quédeca Jesú máre ñãjini yaidéjaquemavũ ãmaro jedevai, põeva ne ube boje ùre. Yópe joaiyepe docscũede ocoque, nopedeca Cristo joaiyepe ñaibi põevare maje ãmeina teiye de jarũvarĩ, ùi jive meiyẽ báque boje, maje cũrãjiyepe ayũ yópe Jũmenijicũi urõpe. <sup>13</sup>Que baru yópe Jesú yaiye báquepe põeva ne cũyõjeda ñaimũ mácu ùi yayiye báque boje ãmaro jedevai, nopedeca maja máre dajocarãjarevũ maje mearore jíyede Jũmenijicũre yópe “Que ñarãjare” ùi aino mácarõpe Moisés bácuque, judío vai mearore jíyepẽ. Aru põevare cũyoje teicõjenajarevũ majare máre yópe ne ñaiyepe Jesúre. Maje dajocaiye judío vai bueiye de, yópebu Jesú etaiye báque judío vai ãmaro urarõre jocarĩ, yaicũyũ.

<sup>14</sup>Ye ãmaro cubevũ majare ijãravũ, ãmaro cainũmũa cũrĩmaro. Quénora vore nũvũbu, earãjivũ apeno ãmarore, maje cũrãjinore. <sup>15</sup>Que baru cainũmũa mearore jíñajarevũ Jũmenijicũre. Maje mearore jíyede cabũ ùre maje jícaiye ùre. Aru Jũmenijicũre mearore jíni buojavũbu maja, Jesú yaiye báque boje ùi jarũvaquiyepe aivũ maje

ãmeina teiyede aru ñi jëniacaiye boje Jümenijicuque majare boje cainumua. Maje torojuede jíyebu, yópe arí, “Ñujepacu, Jümenijicu, meacu bajubu mi daroiye báque boje Jesúre, ñi meadaquiyepe ayu ñujare”, maje jícaiye úre. <sup>16</sup>Aru maje mearore ðaiyebu maje jícaiye máre Jümenijicure. Que baru maje cadateiyebu apévure maje jíyede náre maje cuvaequede, ne cuvarájiyepe aivu náre jauéde, maje jícaiye úre. Caiye dieque úre me torojure ðaivubu maja. Que baru árumetebejará mña mearore ðaiyede aru pöevare cadateiyede máre.

<sup>17</sup>Me jápiajará mña, Jesúre ju aipöeva, mñjare coreipöevare. Náre pueðarí, ne coyuiyede ju arí, ðajará yópe ne ðaicöjeiyere. Cainumua mñjare urí, jári coreðama ye jabuóvabevuva. Aru nópe ðaðama, ne coreóvaiye boje coyurájiyvure Jümenijicure aipe ne ðaiyede iye ñi náre coreicöjeiyede mñjare. Mña ne coyuiyede ju arí, diepe mñje ðaru, torojarivu coyurájarama Jümenijicure mñje ju aiyede. Ubenita mña ne coyuiyede ju abeni, diepe mñje ðabedu, chíoivu coyurájarama Jümenijicure mñje ju abede. Aru chíoivu coyuru, ye meamejebu mñjare. Jümenijicu ñájine ðajebu mñjare, mñje ju abe boje náre.

<sup>18</sup>Cainumua ðaiyurivubu ñña caiyede yópe mearope Jümenijicui jáinore ñi cadateiyequede. Que baru, “Boropatebevü yu”, arí ðápiarí buojaiivubu ñña. Que baru jëniacare ññjara mña Jümenijicuque ññjare boje, ñi cadatede nuquiyepe aivu ññjare. <sup>19</sup>Paredeca jëniaivu yu mñjare, mñje jëniacarájiyepe ayu Jümenijicuque ñi copaini nuicöjequiyepe ayu yure, cucunñjivari mñje yebai püeno maumejiena.

<sup>20</sup>Jümenijicurecabe cãrijimenoque cure ðaiye majicu pöevare. Úrecabe

nacovañu mácu maje jabocu Jesúre yaivu bácvu ne curöre jocarí. Maje jabocu Jesús caivu maja úre ju aivüre jári coreyube me baju apévü majare coreivu püeno. Yópe ovejavare coreipöecui jári coreiyere, nopedece maje jabocu Jesús jári coreyube majare. Úi jive meiyede báque boje ñi yaiye báquede, Jümenijicu “Que ðarãjare” arí, ñi yóboque coyuiye báque pöevare jáve jaubedejaquemavu. <sup>21</sup>Mñjare mearore ðarí jaubede ðajacurí majepacu Jümenijicu, ñai cãrijimene ðayu, mñje ðaiye majinajiyere ayu caiyede mearo bajure yópe ñi uröpe. Aru majepacu Jümenijicu Jesucristore mearore ðare ðajacurí majare, maje torojure ðarãjiyepe ayu úre. Que baru mearore jínajarevu Cristore cainumua, jáðovarajivu úre meacu bajure. Quédecabu.

#### Meaicöjeino

<sup>22</sup>Mña, jívu, Jesúre ju aivu, paredeca jëniaivu mñjare, mñje napinajiyere ayu iye ji toivaiye báquede aipe ðaiye jauöre mñjare. Urarö ji toivacajuroede yu toivabecuvacari, toivacaivu mñjare parure ðacuyü mñje úmei, cadatecuyü mñjare. <sup>23</sup>Majecu Timoteoi borore jaroivu mñjare. Ñai jabova ne buoimü mácu, ne jodeimüme caride. Maumejiena ji yebai ñi earu, cünáturu nurajaramu ñña mñje yebai. <sup>24</sup>Meajarari caivu mñjevü, Jesúre ju aivüre coreipöeva, aru caivu apévü Jümenijicui pöeva máre. Italia ãmicuríjoröcavu ññjaque curivu meaicöjeðama mñjare. <sup>25</sup>Aru Jümenijicu mearo ðacajacurí caivu mñjare bojecubeda ñi me boje. Quédecabu. Quénoramu.

# Santiago

Mamabuinore coyuiyebu Santiago bácu ñi toivacaiye báquede paperayocare doce paiyajuboacavu Israecavu Jesúre ju aipõevare, ne joborõare jocarí dajocaivu b́acavure, curájiyvure apenoa joborõai. Santiago bácu judfovacacu barejaquémavu. Jesucristoi yócu barejaquémavu. Majidivú ne dápiayepe, toivacarejaquemavu diyocare ñniujua báquede 40-60 d.C. Aru apevú ne dápiayepe Santiago bácu toivacarejaquemavu diyocare caiyoca areyoca Majepacu J́umenijicui ýavaiye mamaene coyuitucubo j́ivni curiyoca jipocai ñniujua báquede 40-50 d.C.

Diyocaque napicõjenejaquemavu ina judfova Jesúre ju aipõevare ne ñájiyede (1:2-4, 12-18). Aru coyurejaquemavu Jesúre ju aipõevare aipe ñaiye jaurore (1:5-11, 19-27, 2:14-26, 3:13-18, 5:7-20) aru aipe ñaiye jaubenore (2:1-13, 3:1-12, 4:1-17, 5:1-6).

## Santiago ñi meaicõjeino Jesúre ju aipõevare

(Mt 13.55; Mr 6.3; Hch 15.13; Gá 1.19; 1 P 1.1)

**1** <sup>1</sup>Yú, Santiago, toivacaivu mujare. Majepacu J́umenijicure aru maje jabocu Jesucristore máre memecayubu yu. Meaicõjeivu mujare, j́ivvure, doce paiyajuboacavu Israecavure, muje joborõare jocarí dajocaivu b́acavure, curájiyvure apenoa joborõai.

## Põevare J́umenijicu majiède ñi j́ino

(Mt 7.7-11; Jn 16.23-24; Stg 3.13-17; 1 P 1.24-25)

<sup>2</sup>Muja, j́ivú, torojujarã muja muje ñmei muje ñájiyede apej́e ñmeque. <sup>3</sup>Que baru coreóvaivubu muja ñájiyvú baru dajocabevava muje ju aiyede Jesucristore, pueno baju napinajivvure muje ñájiyede. Que teni j́ari corevaivubu muja muje ju aiyede. <sup>4</sup>Me napijara muje ñájiyede, curájiyvú meara matuiye yópe J́umenijicui urópe aru ye jaubequiyepe aivú mujare J́umenijicui j́ainore.

<sup>5</sup>Apecu majacacu majibecu baru aipe ñaiye jaurore úre, j́eniajacurí J́umenijicunque ñi cadatequiyepe ayu úre. Aru J́umenijicu majide dacuyume úre aipe ñaiye jaurore. Que baru

cadateiyubi põevare jecubecava aru jarabecava náre, ne j́eniaiye boje úre.

<sup>6</sup>Ubenita ñai j́eniañure, “J́ave yure cadatecuyume J́umenijicu. Dacacuyume ji j́eniainore úque”, arí dápiayepa javvú, ñi ju aipe boje J́umenijicure, “J́umenijicu cadatequijichubi yure”, abecava.

Yópe pãcaiboa náruiyepa ñmevunque, nopedeca ñai põecube arí dápiayú apenunua “Majivu yu J́umenijicu cadatecuyure yure”, aru apenunua “Majibevú yu J́umenijicu ñi cadatedu yure”, arí dápiayú. U nópe dápiayú cúináro ñi dápiaino, J́umenijicu úre majide dacuyure, ye dápiabebi ñ. Que baru pãcaiboapebu ñi dápiayepa. <sup>7</sup>Ñai põecu nópe dápiayú ñi j́eniaiyede J́umenijicunque, maje jabocu J́umenijicu ñacabecube úre yópe ñi j́eniainope. <sup>8</sup>Ñai põecu nópe dápiayú pucáumea cubi. Que baru coreóvaino ñmevú aipe ñaiye jaurore úre cainunua.

<sup>9</sup>Jesúre ju ayu cãve cãvabecu, apevú ne coyuinu, “cõmaje ñrojacu aru bojecubecu”, bojecubi J́umenijicui j́ainore. Que baru torojujacurí ñ ñi ñmei. <sup>10</sup>Ubenita Jesúre ju aipõecu cãve cãvacu torojujacurí ñi ñmei coreóvayú ñi cãve bojecubede J́umenijicui j́ainore. Uí baju cúiquiyebu yópe cõvua cúiyepa.

<sup>11</sup>Aviá ñi cõari, bóri, popovaibi cõriáre.

Que teni cóvua poporí, turí yaiye bu. Nopedeca ñai cève cavacu bíjacuyume, ñi vorí earíduiyepedeca pñeno baju cavede. Que baru yópe cóvua bíjaiyepe cōriáre, nopedeca ñi cève bíjaquiyebu cève cavacure.

**Maje ñájiye aru ámeno ñaiyue**

(1 P 1.23)

<sup>12</sup>Torojúbi ñi úmei ñai pōecu napiñu caiye iye ñi ñájiyede. Ñi ñájiniburu yóboi dajocabecuva ñi ju aiye de Jesucristore, Jūmenijicu bojedacuyume úre me. Cūvare ñacuyume úre járavu cūiméjáravu baquinóre. Que ñacuyume yópe “Ñacacuyumu yu mujare”, ñi aiye báquepedeca ina urívure úre. <sup>13</sup>Ácu pōecu ámeno ñaiyede dápiayu bácu, yópe aridurí, “Jūmenijicu ñujovaibi yure”, abejacurí. Jūmenijicu ñujovaimu ámemi, ñacuyu ámenore. Aru Jūmenijicu ye ñujovabebi pōecure, ñi ñaquiyere ayu ámenore. <sup>14</sup>Quénora ácu pōecu ñujovaimu ñacuyu ámenore, ñi baju ñujovaibi. Ñi baju ámeina ñaiyede ñainomu úre yópe moacu ñi jáiyere cū piaváinore, aru no yóboi nore ñi vorí ñuiyere, pōecu ñi jajovarí boaquiyere aiye úre. <sup>15</sup>Aru yópe ñuedoearíburu yóboi ñuedocure pōteiyere jauépe, aru ñi bucúríburu yóboi úre yaiye jauépe, nopedeca pōecu ñi dápiaríburu yóboi ámenore ámeina teibi, aru ámeina teniburu yóboi coatecuyume ñi baju Jūmenijicure jarovarí.

<sup>16</sup>Muja, jívu, ji umara, jápijará. Muje bajumia apēcure ñujovaicōjemejara. Dápiabejará ubenina Jūmenijicu ñayure muje ámeno ñaiyede. <sup>17</sup>Quénora me matuiyede ñayube Jūmenijicu. Caiye méne aru jaubede máre maje cūvaede jacopuivubu maja cavarō mearo Jūmenijicui cūrōre jocarí, majepacu Jūmenijicui jíyede majare. Jūmenijicu cuedarejaquemavu ina cavarōcavu miadáre ñaiyure. Aru nácapūravu oatvavavu bujadama aru bótainore ñadama. Ubenita Jūmenijicupūravu ye oatvabebi ñi. Cainumua cūináturu cubi. Aru ñi yávaiyede máre oatvabebi

cainumua. <sup>18</sup>Jūmenijicurecabe cure ñayu majare apué mamaeva yópe ñi urōpe ñi yávaiye jáveque. Que teni yópe jéidua mama jūaidua pñeno mearūape, nopedeca maja máre Jūmenijicui pōeva mama cūrivubu aru mearamu máre caivu ñi cuedaimara pñeno.

**Ju aiye Jūmenijicure jáve**

<sup>19</sup>Muja, jívu, ji umara, coreóvajará iyede: Caivu pōeva yaué jápijararí me. Ubenita duibareca yavarí bájararí me dápiarí adaivu ne yávaiyede. Aru duibareca jarajararí. <sup>20</sup>Pōecu jarayu baru, mearore ñayu buojabebi yópe Jūmenijicui urōpe. <sup>21</sup>Que baru dajocajará caiye ámeina teiyede mujare jarovarí. Aru ñabejará ámenore. Meara pōevape ju ajará iye yávaiyede jávene, iye coiye báquede muje úmei yópe oteiyere coiyepe joboró. Iye yávaiye parué boje, meadaimara marajáramu muja.

<sup>22</sup>Ubenita ñujovabejará muje baju. Ina jápiaivu iye yávaiyede jávene quéda, ñabevuva yópe iye ne bueiyere báquepe, ñujovadama ne baju. Que baru ñabejará muja yópe muje bueiyere báquepe iye yávaiyede jávene. <sup>23</sup>Ñai jápiayu diede quéda, ñabecuva yópe ñi bueiyere báquepe, úrecabe ñai pōecu jáñupe páyu ñi jivare jivarūque. <sup>24</sup>Aru ñi járíburu yóboi, cūiná copedini nurí jivarure jocarí árumetecuyume ñi jáino mácarōre. Nopedeca cūinácu jáñume ñabecuva aru apescu jápiayube ñabecuva. Ne ñabe boje, árumetedama cūinácu ñi jáino mácarōre aru apescu ñi jápiaino mácarō bojecubevu náre. <sup>25</sup>Ubenita ñai me dápiarí buede ñuñu Jūmenijicui ñaicōjeiyede aru árumetebecu ñi jápiaino mácarōre diede, quénora ñayu yópe ñi bueiyere báquepe, úrecabe torojucu bacuyú ñi úmei ñi ju aiyeque diede. Aru Jūmenijicui ñaicōjeiyere métamu aru jaubebu. Que baru ñai pōecu ñi ñaiyere boje diede cōjeimure ámemi.

<sup>26</sup>Ácu pōecu dápiayu baru ñi baju ju ayu Jūmenijicure me, ubenita ámeina

yávaicōjeñu maru ñi baju, úrecabe jujovayu ñi baju. Úrecabe ubenina ju arĩduyu Jūmenijicure. <sup>27</sup>Ubenita ñai ju ayu Jūmenijicure jāve, aru meacu, aru āmeina tebecu majepacu Jūmenijicu ñi jáinore, úrecabe cadateyu ina tēumarare aru ina nomiópeware máre. Aru úvacari đabebi āmenore yópe ijāravucavu Jūmenijicure ju abevu ne đaiyepe.

**Jámejara apevu pōevare me apevu pueno**

(Mt 5.21, 27, 19.19)

**2** <sup>1</sup>Muja, jívũ, maje jabocu meacu baju Jesucristore ju aivu, jámejara apevu pōevare me apevu pueno. <sup>2-3</sup>Ecoyu baru muje cójijiñami cūinácũ ũmu cve cuvacu, āmuyo adaitarabua úruque aru meacaje cuitótecajede máre doyu, aru ecoyu baru muje cójijiñami apesu ũmu máre, cve cuvabecu, cōmaje ārojacu, aru meamecaje javecacaje cuitótecajede doyu, ne ecoiyede, muja me jári ñai cve cuvare aivu baru úre, “Dobajacu mu yo dobarō mearore”, ubenita āme jári ñai cve cuvabecure aivu baru úre, “Nújacu mu nore o dobajacu joborōi ji cuboba yebai”, muje nópe đaru, meamejebu no. <sup>4</sup>Que đaivu baru, mujavacari pũcaũmea cuvũ. Apevũre jáivũ baru me baju apevu pueno, beoivũbu apevu bojecũrivũre muje járu aru jarũvaivũbu apevu bojecũbevũre muje járu. Que dápíaru, āmenotamu.

<sup>5</sup>Muja, jívũ, ji umara, jápijarā. Javede Jūmenijicu beorejaquemavu ina ijāravucavu cōmaje ārojariyvũ cve cuvabevũre, ne ju arājiiyepere ayu úre cve cvarivũre bārājivũ ne Jūmenijicui jaboteinocavu bae boje yópe ñi aive báquepedeca. Jūmenijicu “Mearo đacacũyũtu yũ mujare”, arejaquemavu ina urivũre úre jāve. <sup>6</sup>Ubenita mujacarpũravũ cũyoje đaiivũbu ina cve cuvabevũre. Ina cve cvarivũrecabu ñájine đaiivũ mujare. Nárecabu jabuboivũ mujare jabova ne āmeina teivũre jēniari jáiñami. <sup>7</sup>Mujavacari “Jesucristo jinamu maja”, aivũbu, muje ju

aive báque boje úre. Ubenita nárecabu āmeina yávaivũ Jesucristore, muje pueďaimure.

<sup>8</sup>Jūmenijicu toivaicōjenejaquemavu ñi yávaiyede ñi đaicōjeino mácarō pueno parurō cōjeinore, yópe arĩ: “Ujacu mícure yópe mi ñepe mi baju”, arĩ toivaicōjenejaquemavu. Muja đaiivũ baru jāve yópe yo cōjeinope, mearo đaiivũbu muja. <sup>9</sup>Ubenita muja jáivũ baru apevu pōevare me apevu pueno, ye jecubevũ caivure cūináturura. Que teni āmeno đaiivũbu muja, muje ju abe boje Jūmenijicui đaicōjeiye báquede aru muje vaini tuiye boje diede. <sup>10</sup>Pōecu ju arĩ đaiyũrĩduyu baru Jūmenijicui đaicōjeiye matuiyede, ubenita quéno cūinájino cōjeinore đabecu baru, boropateibi ũ Jūmenijicui jáinore ñi ju abeni, vaini tũjuroepe caiye diede. <sup>11</sup>Jūmenijicũvacari “Cũbejarā apevũque mujemarebũcũvare jarũvarĩ”, arejaquemavu. Aru ũ máre “Boarĩ jarũvabejarā pōevare”, arejaquemavu. Que baru muja cubevũ baru apevũque mujemarebũcũvare jarũvarĩ, ubenita boarĩ jarũvaivũ baru pōevare, mujarecabu ju abeni, vaini tuiivũ Jūmenijicui đaicōjeiyede. <sup>12</sup>Muja coreóvaivũbu Jūmenijicu jári coyũcũyũre méne o āmene muje đaiyede. Jácsũyũme aipe ārojaene diede, yópe ñi đaicōjeiye me, aru ye jaũbe, aru bũoimarare đabepe máre. Que baru me yávajarā aru me đajarā máre yópe Jūmenijicui urōpe. <sup>13</sup>Jūmenijicu cōmaje āroje jámecũ ñájine đacũyũme ñai pōecu cōmaje āroje jámecure ũ jicure. Ubenita jidué jaũbequiyebu ina cōmaje āroje jáivũre apevũre Jūmenijicui ñájiovaquijāravũ baquinói pōevare, ne āmeina teiye boje.

**Pōeva ne đaiye me bojecũrō ne yávaive pueno**

(Ro 4.3)

<sup>14</sup>Muja, jívũ, jápijarā. Ñai pōecu coyũyũ “Ju aivu yũ Jesucristore”, ubenita mearore đabecũvacari, ubenina coyũrĩduibi ũ ju ayũre. Ye baju

ãmevũ no ju aino jãve ãmeno. Põescu ãi ju aino nõpe painoque meadãimũ macuýú buojabebi. <sup>15-16</sup>Cũinãcu mujacacu o cũinãcu mujacaco cuvabedu cuitótcejade aru ãiyede máre, aru náre “Me nujara mũa. Cũmajara mũa me aru me javatejarã máre” mũa aru, ubenita mujavacari ye jíbedu náre ne doiyeva aru ne ãiyeva máre, meamejebu no. Ye baju ãmevũ mũa que ðaiye. <sup>17</sup>Quédecabu ñai põescu ayũ “Ju aivũ yũ Jesucristore”, ubenita mearore ðabecũva. Ñai ju ayũ jãve ãmemei.

<sup>18</sup>Aru apescu ãi aru: “Mũ ju ayũbu Jesucristore aru yũ mearore ðayũbu”, yópe arĩ, coyũjebu yũ: “Jãðovajacu yũre mi ju aiyede Jesucristore mearore ðaiye cuvabecũva. Aru yúcapũravũ jãðovaquijivũ mũre ji ju aiyede úre ji mearore ðaiyeque”. Que ajebu yũ. <sup>19</sup>Mũ coreóvayũbu Jũmenijicu cũinãcura cũcũre. Mearotamu no mi coreóvaino. Abujuva máre coreóvadama Jũmenijicu cũinãcura cũcũre. Aru úre jidũrivũ bidiyama na. Ubenita ne coreóvaiyede úre cadatebevũ náre.

<sup>20</sup>Mũ, ãrũmescu, jãðovaquijivũ mũre põescu ãi ju aiyede mearore ðabecũva ju aiyे jãve ãmene aru cadatebede úre. <sup>21</sup>Jũmenijicu járejaquemavũ majeñecu mácũre, Abraham mácũre, boropatebecũre, ãi buoiye báquede mamacũre, Isaac bÁCũre, ãi boarĩ, juarĩ jĩcaquiyepе ayũ úre Jũmenijicũre, yópe Jũmenijicũi ðaicõjeino mácarõpedeca úre. <sup>22</sup>Que teni coreóvayũbu mũ Abraham mácũi jãðovaiye báquede ãi ju aiyе báque Jũmenijicũre jãvене ãi ðaiye báqueque. Aru ãi ðaiye báqueque jãðovarejaquemavũ ãi ju aiyе báque ye jaũbede. <sup>23</sup>Que teni vaidéjaquemavũ yópe Jũmenijicũi aiyе báquepedeca. Abraham mácũrã Jũmenijicu toivaicõjeneaquemavũ ãi yãvaiyede, yópe arĩ: “Abraham ju arejaquemavũ Jũmenijicu ‘Yópe ðacũyũmũ’, ãi aiyе báquede úre. Que baru Jũmenijicu coyũrejaquemavũ úre, ‘Boropatebecũbu mũ ji jáinore’”, arĩ toivaicõjeneaquemavũ. Aru Abraham

mácũ, “Jũmenijicũi yóvaimũme”, ne aimũ marejaquémavũ.

<sup>24</sup>Que baru coreóvayũbu mũa Jũmenijicu coyũyũre, “Boropatebevũ mũa ji jáinore”, ina põeva mearore ðaivũre. Ubenita põescu quénora coyũyũ baru “Ju aivũ yũ Jũmenijicũre”, jaũvũ úre Jũmenijicũi jáinova. <sup>25</sup>Quédecabe ico nomió máco, õi baju bojedãdo ãmũvare ãmenore ðãdo báco náque, õi ãmiã Rahab. Jũmenijicu járejaquemavũ õ mácøre boropatebeco õi ðaiye báqueque. O máco copũ etarejaquemavũ ina Josué bácuĩ jaroimara mácavũre. Aru cadatedejaquemavũ na mácavũre máre, ne dupini nurajiyepе ado õi jãðovaiye báquede na mácavũre apema, ne dupini nuima mácarõre. <sup>26</sup>Que baru yópe põescu úme cubecu, yaiyũ bácupe, nopedeca ñai põescu mearo ðabecu ju ayũ Jũmenijicũre jãve ãmemei. Cadatebebi ã. Aru ãi ju aiyе bojecũbevũ.

#### Maje jemedo yãvaino

**3** <sup>1</sup>Mũa, jívu, jápijarã. Maja, bueipõeva, buevũ apevũre Jũmenijicũi yãvaiyede ãi toivaicõjeiye báquede maje buedu jãve ãmene, Jũmenijicu ñãjine ðacũyũme majare apevũ pũeno baju. Que baru obedivũ mujacavũre bueiye jaũbevũ apevũre. <sup>2</sup>Caivũ maja vainĩ turĩ ãmeno ðaivũbu obedinũmũ. Põescu cũcu baru vainĩ turĩ ãmeno ðabecu cainũmũ ãi yãvaiyeque, ñai põescu meacu baju bájebu. Úi baju me matuiyeda ðaicõjejebu. <sup>3</sup>Quijjiyo cõjeiyo táyore epeivũbu maja caballore ãi jijecamui, nuicõjenajivũ úre cõjeimeaque ári maje nuivũrõi. Que teni ju are ðaivũbu úre aru ãi baju me matuiyeda ðaicõjeivũbu maja. <sup>4</sup>Quédecabu jiadocũ uracũque. Uracũ bajubu. Aru úmevũ parũrõ copũ japuivũ. Ubenita jipocateipõescu nuicõjeimi dicũre quijjiye japuvaiveque ári ãi nuivũrõi. <sup>5</sup>Quédecabu maje jemedoque. Quijjinomu maje jemedo. Ubenita maje quijji yãvaiyeque urarõ ðaivũbu maja. Nopedeca quijjiño toaque macarõ urarõ éiyavũ. <sup>6</sup>Aru



maje jemedo toapebu. Yópe toa éiyepe caino macarõre, nopedeca maje jemedo ãmedaivũ maje baju matuiyede. Aru ñai abujuvai jabocuvacari iye ãmeina ðaiye ðare ðayube. Maje yávaiyeque ãmeina ðaivubu aru ñájine ðaivubu máre yópe abujuvai curõ, toabo cüimébo, ãmeina ðaiyepe aru ñájine ðaiyepe máre.

<sup>7</sup>Maja, pøeva, ðaicõjeni buojavubu caiyajuboa ãimayajuboacavure: macarõcavũ ijecurivure, aru mǎjinarẽ, papeivure, aru jiacavure máre. <sup>8</sup>Ûbenita pøecu cubebi ðaicõjeni buojayũ ñi jemedore. ãmeina yávaiyede dajocarĩ majibevũ maja. Yópe ãða jĩmaque ñi ijetede ðaiyepe ñi cüiyede, nopedeca maja máre ijie ðaivubu maje yávaiyeque. <sup>9</sup>Maje jemedoque mearore jívubu majeracũ Jũmenijicure. Aru no jemedomiareca ãmeina yávaivubu maja pøevare, ina Jũmenijicui cuedaimara mácavure épe paivure. <sup>10</sup>Cüinácamu ijecamuque yávaivubu méne aru ãmene máre. Maja, jívũ, que ðaru meamevũ. <sup>11</sup>Macajia cubevũ oco me aru oco jũme máre piapóri cüináturara. <sup>12</sup>Aru mja, jívũ, higueracure olivoruã jéiye buojabevũ. Aru úyaimure máre higueraruã jéiye buojabevũ. Quédeca oco yuquiraque aru oco me etarĩ buojabevũ cüináro oco piapóinore jocarĩ.

**Majie jãve**  
(Stg 1.5)

<sup>13</sup>Mujacacũ apesũ cuscũ baru majicũ aru járiarĩ eayũ, jádovajacurĩ ñi majiéde aru ñi járiarĩ eaiyede ñi mearo ðaiyeque, “¿Meacũ bárica yũ apevũ pũeno?” arĩ dápiabecuvã. <sup>14</sup>Ûbenita mujacacũ apesũ cuscũ baru ãmei jorojĩñũ ñi ñmei aru cadateiyuscũ ñi baju apevũ pũeno, “Me majivũ yũ”, borocueque arĩ dápiabecurĩ. Épe páyube ñbenina ayũ, jávene majibecũ. <sup>15</sup>Ûi majie jãve ãnevũ. Jũmenijicui jíye ãnevũ. Quéñora iye majie ijãravũquebu. Aru pøeva ne urõpe yópe ãimara dápiabevũpebu. Aru abujuvai dápiaiyequebu máre. <sup>16</sup>Pøeva jorojivũ baru aru cadateiyurivũ baru ne baju apevũ pũeno, cãrijovãdama ne

bajumia aru ðãdama caino ãmenore máre. <sup>17</sup>Ûbenita Jũmenijicũ majide ðayube pøevare majie jãveque. Mamarumure ina pøeva majidivũ me Jũmenijicũ jiede caino mearo ðaivubu. Aru cãrijimene ðaivubu. Cadateivubu apevure. Jijecubevũva curivubu apevure. Cõmaje ãroje jáivubu apevure. Puedaivubu apevure. Jáivubu caivure cüináturara, jámevũva apevure me apevũ pũeno. Pũcaũmea cubevũbu. Aru mearore ðaivubu. Québu ina pøeva majidivũ Jũmenijicui majiéque. <sup>18</sup>Na cãrijimene ðaivubu caivũ apevure, curãjivũ ðaivũ me.

**Maje yóvãiye ijãravũcavũque jaubevũ majare**

(Mt 6.24, 23.12; Lc 16.13; 1 P 5.5-6)

**4** <sup>1</sup>¿Aipe teni boaivũba mja mje baju? Aru, ¿aipe teni ãdamateivũba mja mje baju? Mje ãmeina ðaiye yópe maucvãepebu mje dápiaiyeque. <sup>2</sup>Mja urivũ baru apejĩene aru eabevũ baru diede, boarĩ jarãvaiyurivubu pøevare, cvãaridurãjivũ diede. Aru mja ãujivũ baru apejĩene aru cvãarivũ buojabevũ baru diede, maucvãarĩ boaivũbu, cvãaridurãjivũ diede. Mja cvãabevũtamũ, mje jẽniame boje Jũmenijicũque. <sup>3</sup>Mje jẽniariduiyede Jũmenijicũque, jẽniariduivubu yópe jaubenope mujare mje dápiãiye ãmeque. Quéða jẽniariduivubu Jũmenijicũque, cojqũiyepẽ aivũ mje ãmeina ðaiyede. Que baru mja jacorubenamũ mje jẽniariduiye báquede. <sup>4</sup>ãmena bajutamũ mja. Jũmenijicure jarãvarĩ dajocaiyurivubu mja yópe nomio ãmecoi dajocaiyepẽ jĩmarepacure jarãvarĩ. Ina yóvaivũ ijãravũcavure ne ãmeina teiyeque yópe ne baju urõpe maucvãarivubu Jũmenijicure. ¿Coreóvabenaru mja diede? Jáve mja me coreóvaivubu diede. Que baru ácu pøecu yóvaivũcũ ijãravũcavure ne ãmeina teiyeque yópe ne baju urõpe, úrecabe maucvãcũ Jũmenijicure. <sup>5</sup>¿Dãpiaivũrũ mja Jũmenijicui toivaicõjeyẽ báquede ñi yávaiyede

ubenina? ¡Que ãmevu! Yópe arí, toivaicõjeneaquemavu ñi: “Jũmenijicu cuedabedejaquemavu põeva jorojĩnãjivũre. Maje ũmene Jũmenijicui epeiye báquede majare, maucuvare ðabevũ arevũre”, arí toivaicõjeneaquemavu. <sup>6</sup> Aru Jũmenijicu pũeno baju caðateibi majare ñi me boje. Que baru yópe arí, Jũmenijicu toivaicõjeneaquemavu ñi yávaiyede: “Jũmenijicu maucũvaibi ina ‘¿Meara márica apevu pũeno?’ aivũre. Ûbenita ñi me boje caðateibi ina ‘Apevu cãchinotamu maja’, aivũre”, arí toivaicõjeneaquemavu.

<sup>7</sup> Ju ajarã mũa Jũmenijicure, mũje ðarãjiyepẽ aivũ yópe ñi ñrõpe. Maucũvajarã ñai abujuvai jabocure, mũje ðabenajiyepẽ aivũ yópe ñi ñrõpe. Aru que ðaru, ñi dupini nucũyũme mũjare jocarí. <sup>8</sup> Pũeno baju coreóvayũjarã Jũmenijicure. Aru que ðaru, Jũmenijicu mũjare coreóvare ðacũyũme úre. Mũa, ãmeina teivũ, ðajocajarã mũa ãmeina teiyede. Mũa, pũcaũmea cũrivũ, oatũvajarã mũa ðãpiaiyede, mũa eede cũinãrora Jũmenijicure aru ijãravũquede máre. <sup>9</sup> Mũa que ðãpiaie boje, ñãjjijara, ojarã, aru chõjara mũa. Yũrivũ baru, ðajocajarã mũa yũriyede aru ojarã. Aru torojũrivũ baru, ðajocajarã mũa torojũede aru chõjara. <sup>10</sup> Que baru, “Apevu cãchinotamu yũ”, ajarã mũa Jũmenijicure, ñi caðatequiyepẽ aivũ mũa ñi pãrũéque. Que teni Jũmenijicu mearore jĩcũyũme mũa.

**Coũyũie jaũbevũ majare  
apevũre ne ðaiyede**

<sup>11</sup> Mũa, jĩvũ, yávabejarã ãmenore caivũ ne jãpiaiyede apevũ borore. Ñai coũyũ ãmenore ñi jicui borore aru “Ãmeina teivũ mũ” ayũ úre, úrecabe yávayũ ãmenore Jũmenijicui ðaicõjeiyede. Ñai que ayũ, “Ãmetamu Jũmenijicui ðaicõjeie”, ayũbe. Mũa yávavũ baru ãmenore Jũmenijicui ðaicõjeiyede, mũa ju abevũ diede. Quẽnora mũa ðaivũbu yópe mũa

baju ñrõpe. <sup>12</sup> Ûbenita Jũmenijicu cũinãcũrabe ðaicõjeũ majare. Aru Jũmenijicu cũinãcũrabe coũyũ maje ðaiye méne o ãmene máre. Que baru úrecabe cũinãcũra meadãyũ bũojaibi põevare, ne ñãjimenajiyepẽ ayũ ne ãmeina teiye boje. Aru úrecabe cũinãcũra jarũvayũ bũojaibi põevare, ne ñãjinajiyepẽ ayũ ne ãmeina teiye boje. Ûbenita mũacapũravũ ye ãmenore coũyũ bũojabevũ apevũ borore.

**Põeva aipe vaiquýyede  
javenare ne majibeno**

<sup>13</sup> Caride me jãpiajarã mũa yópe arí ðãpiaivũ: “Caride o javenare nũrajarevũ maja apeno ñmaroi. Mautenajarevũ nore cũinãyũ memeni, bojedari, earãjivũ ure tãutũrare aru cũvede máre”, aivũbu. <sup>14</sup> Mũa ye coreóvabevũ aipe vaiquýyede javenare. Coreóvabevũ aipiyede mũa yainãjjijãravũ baquinóre. Mũa apũrõ yópe painomu abobicope. Yópe abobico jãrorí, maumena bĩjaiyepẽ, nopedecabu maje apũrõ máre maumena cũino. <sup>15</sup> Que baru yópe arí ðãpiaie javũ mũa: “Jũmenijicui ñru, cũrĩ, memeni, ðarãjarevũ apejĩene”. Que aie javũ. <sup>16</sup> Ûbenita mũacapũravũ boroteivũbu mũa baju majiéque, Jũmenijicui majiéde jarũvarí. Ûbenina “Jũmenijicu jaũbebi majare”, arí ðãpiarĩdivũbu mũa. Que ðaru ãmenomu. <sup>17</sup> Ñai coreóvayũ ðayũ méne, ðabecu baru méne yópe ñi coreóvayepẽ, ãmeina ðayũbe ñi, ñi ðabe boje yo mearore ðayũ majicupe.

**Majicaino cũve cũvarivũre  
(Mt 6.19)**

**5** <sup>1</sup> Caride jãpiajarã mũa, cũve cũvarivũ. Codoboborí ojarã mũa mũa ñãjinajinore. <sup>2</sup> Mũa cũve pojeiyebu. Aru mũa doiye bocomiva ne ãiyebu. <sup>3</sup> Aru mũa tãutũratũrava, úru aru plata máre, cũra etaiyebu. Iye cũra etaiye jãðovavũ mũa caðatebe báquede ina cõmaje ãrojarivũre mũa cũveque. Que baru mũa ñãjinajivũbu yópe põecui ñãjiyepẽ toa éiyede ñi bajure. Mũa jẽivũbu mũaeva ñrarõ

cavede ijāravua, buojaijāravuare, Jūmenijicui nājiovaquijāravu baquinó jipocai pōevare, ne āmeina teiye boje. <sup>4</sup>Jārijide apa. Ina memecaivu mujare muje jioai chíovū cođoboboivūbu, muje jíbe boje iye bojedaiye jauéde náre, ne memecaiye báque boje. Ina muje mujovaimara, muje bojedabemara, ne boro coyurí adaiyede jápiaibi nai Jūmenijicu, caivu ijāravucavu ne jabocu. <sup>5</sup>Ijāravui torojurí curivūbu muja muje ure cveque. Urabucuvabu muje āiye boje méne. Que baru yópe oteiāimacu coreóvabecu pōevai jíyede úre urarō ānore, đarājivu jiacucure ne boarājiye jipocai úre, nopedeca muje nājinajijāravu baquinó edaquiyebu mujare, corebevure. <sup>6</sup>Mujacapuravu āmenore coyurí nājicōjeivūbu aru boarí jaruvaivūbu máre ina cōmaje ārojarivū mearare. Ubenita nácapūravu maucuvabema mujare.

**Pōeva ne napiyeque ne jēniaino**

**Jūmenijicūque**

(Mt 5.34-37; Mr 6.13; Lc 10.34)

<sup>7</sup>Muja, jívu, caride napini corejarā muja maje jabocu Jesucristoi copaidaquiyede. Dápijarā nai oteyure. Napini coreibi ícuyū iye jēiye bojecuede. Napini coreibi mama ocainore aru ocaino yóboçarōre máre. Aru no yóboi, jēiyede íñu buojaibi. <sup>8</sup>Quédeca muja máre napini corejarā. Parure đajarā muje ūmene. Caijāravua vainūburu yóboi, Cristoi copaidaquino pueno joabenotamu.

<sup>9</sup>Muja, jívu, boro coyurí adabejarā mujevure muje nājiye boje. Que đaru, mujavacari nājine đaimara mārājivūbu. Jūmenijicurecabe nājine đayū pōevare ne āmeina teiye boje. Aru ūi náre nājine đaquino joabenotamu. <sup>10</sup>Muja, jívu, dápijarā ina Jūmenijicui yávaiyede coyucaipōeva mácvure. Ne nājiye báquede napini coredejaquemavu na mácvū. Napedeca napini corejarā muja. <sup>11</sup>Torojurivutamu maje jáinoi ina napivū caiye iye ne nājiyede. Javede jápiadavū muja Job bácu borore. Coreóvadavū

muja urarō nājiye báquede napiñu mácvure Job bácvure. Aru Jūmenijicui cōmaje āroje jáiye boje aru ūi mearo đacaiyue boje pōevare Job bácu nājiniburu yóboi, Jūmenijicu mearo đacarí buojarejaquemavu ū mácvure.

<sup>12</sup>Muja, jívu, caiye mujare jaué pueno yo cūináro jaurótamu. Muje yávaiyede jēniamejara cavarō mearo Jūmenijicui curōcavure aru ijāravucavure máre, ne đare đarājiyere aivū mujare yópe muje jēniaiyepedeca. Quénora cainūma borocubevūva coyujarā yávaiyede jávene, jaubequiyere aiyē mujare cavarō mearocacui āmiáque aru ijāravucacui āmiáque máre, pōeva ne majinajiyere aivū muja yávaiyede jávene coyūivure. Muje yávaiyede, nurié ju aiyurivū baru, ju ajarā, aru bi aiyurivū baru, bi ajarā quénora, Jūmenijicui nājine đabequiyere aivū mujare.

<sup>13</sup>Apecu mujacacu nājiñu maru, jēniajacurí ū Jūmenijicūque. Aru apecu mujacacu torojucu baru, yuriajacurí, jícyū mearore Jūmenijicūre. <sup>14</sup>Aru apecu mujacacu ijimū maru, cutujacurí ina Jesúre ju aivure coreipōevare, ne jēniarajiyere ayū úre maje jabocu Jesucristoque ne yuayiyede úra olivo āmicuricu jēidua córoque. <sup>15</sup>Aru ne jēniaiyede “Jesucristo meadarí majicutame”, ne arí dápiaru, nai ijimū meadaimū macuyūme. Maje jabocu Jesucristo meadacuyūme úre. Aru ijimū mácu baru ūi āmeina teiye báque boje, Jūmenijicu ārumetecuyūme diede. <sup>16</sup>Que baru coyujarā mujevure muje āmeina teiyede. Aru jēniajara Jūmenijicūque mujevure, ūi meadaquiyere aivū mujare. Nai pōecu meacu Jūmenijicui jáinoi, ūi jēniaiyede Jūmenijicūque, jáve Jūmenijicu jápiaibi aru cadateibi úre yópe ūi jēniaiyere. <sup>17</sup>Nai Jūmenijicui yávaiyede coyucaipōecu Elías majape páyū barejaquémavu. Paruéque jēniarejaquemavu ū Jūmenijicūque, ocabequiyere ayū. Que baru ocabedejaquemavu ūi joboró yóbecurijua coricai. <sup>18</sup>Aru bediōva cojedeca jēniarejaquemavu

Jūmenijicūque, ocaquiyere ayu. Que baru ocarejaquemavu. Aru pōeva ne oteye báque bucurejaquemavu.

<sup>19-20</sup> Mūja, jívū, jápiajarā. Apesu mūjacacu ũi dajocarū ũi ju aiyede iye yávaiyede jāvene, aru apesu ju are dayu baru ũre diede cojedeca, ũai oatūvare dayu apesure ũi dápiainore, ũi dajocaquiyere

ayu ũi āmeina teiyede jaruvarī, ũi ju aquiyere ayu iye yávaiyede jāvene cojedeca, meadaibi ũre, ũi ũájimequiyere ayu ũi āmeina teiye boje. Que baru Jūmenijicu jaruvacuyme caiye ũi āmeina teiye báquede. Aru arumetecuyume diede máre. Coreóvajarā mūja diede. Quénoramu.

# 1 San Pedro

Mamabuinore coyuiyebu Pedro bácu ùi toivacaiye báquede paperayocare judíova Jesúre ju aipðevare, ne joborðare jocarí dajocaivu b́acavure, curájivure apenoa joborðai, die ámiá Ponto, aru Galacia, Capadocia, Asia, aru Bitinia máre (1:1). Pedro bácu judíovacacu barejaquémavu. Jesús ùi yávaiye méne beorí coyucójeimu marejaquémavu. Lucas bácu toivarejaquemavu Pedro bácu borore Hch 1:12-5:42 aru 9:32-12:19 aru cap. 15. Majidivu ne dápiayepe, toivacarejaquemavu diyocare ániujua báquede 63-64 d.C. ùi cue báquede Babilonia ámicurímaroi (5:13).

Toivacarejaquemavu árure ðacuyu ina judíova Jesúre ju aipðevare napini coreivure J́umenijicui mearo ðacaquiyede náre ne ju aiyे boje Jesucristore (1:2-12), aru Jesucristoi ńájyie báquede náre boje (2:18-25), aru Esṕritu Santoi oatvayiyede náre (4:1-11). Coyurejaquemavu Jesúre ju aivure ne ńájyiyede ij́aravui (3:8-22, 4:12-19). Aru coyurejaquemavu máre aipe ðaiye jauðore náre meara bajupe (1:13-2:3), ne memecaiyede úre (2:11-17), purubuoivure (3:1-7), aru Jesúre ju aivure coreipðevare (5:1-11). J́evari coyurejaquemavu Jesúi jaboteiyede ùi pðevare yópe ćarava apurivape paiyede (2:4-10).

## Pedro ùi meaicójeino Jesúre ju aipðevare (Stg 1.1)

**1** <sup>1</sup>Yábu Pedro, Jesucristoi yávaiye méne beorí coyucójeimaracacu. Toivacaiyu mujare, m\_je joborðare jocarí dajocaivu b́acavure, curivure caride apenoa joborðai die ámiá Ponto aru Galacia, Capadocia, Asia, aru Bitinia máre. <sup>2</sup>Majepacu J́umenijicu beorejaquemavu mujare, ùi majié boje aipe vaiquiyede. Aru ńai Esṕritu Santo epede ðarejaquemavu mujare J́umenijicui pðevare, m\_je ju arájyiyepe ayu Jesucristore aru m\_je meadaimara marájyíepe ayu m\_je ámeina teiyede jaruvarí, ùi jive meiyе báque boje, ùi yaiye báquede majare boje. J́umenijicu mearo ðacajacurí mujare bojecubeda ùi me boje. Aru torojurí me cure ðajacurí mujare caríjimevava p\_ueno baju.

**Jáve maje napini coreino**  
(Jn 3.3-7, 20.29; Ro 6.4-13; 1 P 1.22)

<sup>3</sup>Jínajarevu J́umenijicure mearore, maje jabocu Jesucristoi mearore jímure,

jíracure máre. Úi ćomaje ároje jáiye boje, cure ðaibi majare apué mamaeque ùi nacovaiye báquede Jesucristore yainore jaruvarí. Que baru torojurí napini coreivubu maja J́umenijicui ðacaquiyede majare, maje coreóvayie boje J́umenijicui jáve mearo ðacacuyure. <sup>4</sup>Iye J́umenijicui cuvare ðaquiye majare yaidébu. Que baru pojebequiyebu. Ámedabequiyebu. Aru javecarópe tebeni b́jabequiyebu máre. Caiye iye mearore J́umenijicui ðacaquiyede napini coreivubu maja. J́umenijicuvacari corecayube diede mujare nore, cavaró mearo ùi curói. <sup>5</sup>M\_je ju aiyede J́umenijicure, meadaibi mujare ij́aravui ùi paruéque. Aru buojaquij́aravu baquinóre jáðovacuyume mujare meara baju yópe ùi urópe. Que teni buojacuyume meadacaym mujare, m\_je cvarájyiyepe ayu caiye iye ùi mearo ðacaquiyede mujare.

<sup>6</sup>Caride torojurá m\_ja m\_je úmei caiye iye J́umenijicui mearo ðacaquiyede mujare. Apenumua ch́iorajaramu m\_ja, m\_je ńájinajiye boje ure ńájyiyede. <sup>7</sup>M\_ja ńájinajaramu, J́umenijicui jáðovaquiyepe aivu m\_je ju

aiyede Jesucristore jāvene. Yópe pōeva ne juaiyepē úrure, ne majinaiyepē aivū jāve maru, nopedeca Jūmenijicu ñájine ñayube mujare, jáðovacuyū mujē jū aiyede Jesucristore jāvene. Aru yo úru me bojecurōvacari buojari bíjaivū. Ëbenita mujē jū aiyē Jesucristore pueno bojecavū Jūmenijicui jáinore aru cūiméquiyebe. Que baru Jūmenijicu me jácuyūme mujare, mearape ñacuyūme mujare, aru puedacuyūme mujare máre añijāravū Jesucristoi jáðovaquijāravū baquinóre. <sup>8</sup>Ñai Jesúrcabe mujē umū jámevūva úre cāreja. Aru úrecabe mujē jū aimū jámevūva úre caride. Que baru torojurivūbu mujā urarō torojue méque. Pōeva ne yāvaiyeque coyūñi majibema die torojuede, pueno baju me boje. <sup>9</sup>Torojurivūbu mujā Jūmenijicui meadaiyē boje mujare. Aru mujā jū aivūbu Jesucristore, Jūmenijicui meadaquiyepē aivū mujare.

<sup>10</sup>Iye Jūmenijicui meadaiyede pōeva úre jū aivūre, ina Jūmenijicui yāvaiyede coyūcaipōeva mácavū me majiyurejaquemavū, coreóvarājivū caiye iye yāvaiyede pōevare meadaiyena. Coyūcarejaquemavū Jūmenijicui ñacaquiyede mujare bojecubeda ñi me boje. <sup>11</sup>Ne bueiyeque iye Jūmenijicui yāvaiyede coyūcaiyede majinidurejaquemavū ñame cūcuyū Jūmenijicui meadaipōecūre aru aipiyede dacuyūre máre. Ñai Espiritu Santo jáðovañū marejaquemavū añijāravū baquinóre ñi Jūmenijicui yāvaiyede coyūcare ñaiye báquede ina Jūmenijicui yāvaiyede coyūcaipōeva mácavūre. Jūmenijicui yāvaiyede coyūcarejaquemavū iye napiye jauquinore ñi ñájiqiyede Jesucristore aru yo urarō mearore Jūmenijicu ñacacuyūre úre ñi ñájiniburu yóboi. Jesucristovacari darorejaquemavū ñai Espiritu Santore, ñi Jūmenijicui yāvaiyede coyūcare ñaquiyepe ayū na mácavūre. <sup>12</sup>Jūmenijicu coreóvare ñarejaquemavū ina ñi yāvaiyede coyūcaipōeva mácavūre ne coyūiye caðatebequiyede náre. Ëbenita mujare

caðateiye baquiyébu. Ne coyūiyede coreóvabevūva, diedecabu iye Jesús ñi yāvaiye méne mujē jápaiye caride. Ñai Espiritu Santo, Jūmenijicui ñaroimū mácu cavarō mearo ñi cūrōre jocarī parure ñaibi ne úmei ina Jesús ñi yāvaiye méne coyūipōevare, ne coyūrājiyepē ayū diede paruéque. Aru ángeleva máre coreóvaivūñidivū caiye iyede.

### Maje memecaino Jūmenijicūre jaurōre

(Jn 3.3-7; Stg 1.10-11, 18; 1 P 1.3)

<sup>13</sup>Caiye iye méne Jūmenijicui ñacaibi mujare boje. Que baru me dápijarā mujē ñarājiyede aru me ñajarā caiye mujē ñaiyede majidivūpe. Que teni napini corejarā cūinārora caiye iye Jūmenijicui mearo ñacaquiyede mujare, ñi jáðovaquiyede Jesucristore.

<sup>14</sup>Jū ajarā Jūmenijicūre yópe mamara meara ne jū aiyepē nébucūvare. Aru ñabejarā yópe mujē ámeina ñaiyēpe, yópe mujē ñaiye báquepe coreóvabevūva cāreja Jūmenijicui yāvaiye méne. Que baru ñabejarā yópe mujē ñaiye báquepe javede, mujē jū arājiye jipocare Jesucristore. <sup>15</sup>Ëbenita méne ñajarā mujācapūravū caiye mujē ñaiyede, Jūmenijicu, mujare cutuyū bácu ñi jina márājivūva, ñi me boje caivū pueno. <sup>16</sup>Yópe arī, toivaicōjēnejāquemavū Jūmenijicu ñi yāvaiyede: “Meara baju bájarā mujā. Yúbu meacu baju caivū pueno. Que baru mujā máre, ji pōeva, meara baju bájarā mujā”, arejaquemavū Jūmenijicu.

<sup>17</sup>Mujē jēñaiyede Jūmenijicūque, “mū, jipacu” aivūbu úre. Aru Jūmenijicūrecabe ñai jáñū caivū pōevare cūináturu, coyūyū majare coapa, mearo ñayūre o ámeno ñayūre máre, maje ñaiye báque boje ijāravūre. Que baru puedajarā úre mujē cuedeca yore ijāravūi. <sup>18</sup>Me majidivūbu mujā ñajocare ñaimara mácavūre mujē cūe báquede jocarī yópe apesu ñmūi bojeñaiyepē ñi yebacavūre. Die cūe báquebu yopedeca mujēñecūva mácavū

ne cœe báquepe. Ne majicaiye báquede aru ne jádovaiye báquede mujare ye cadatebedejaquemavu mujare. Que teni mũa mearore ðaríðurejaquemavu aru torojuríðurejaquemavu máre. Æbenita mũa buoimarape paivu barejaqué mavu ðie cœe báque boje. Mujare bojedaiye báque bñabequiyebu aru pojebequiyebu máre, yópe bojedaiyepe úrure aru platare máre. <sup>19</sup>Æbenita mũa bojedaimara mácvubu Jesucristoi jive bojecœeque, ñi yaino mácaróque, yópe uraró bojecœróre jícaiyepe Jñmenijicœre. Que teni ñai Jesucristo ovejajícœpe barejáme ye ãmeno cubecœva, jaubecœva, quénora pœeno meacu baju, ne jínajiyepe aivu ùre ne juaimœpe Jñmenijicœre.

<sup>20</sup>Jñmenijicui cuedaquiye jipocamia ijãravure majidejaquemavu darocœyũ mamacœre, ñi yaicãquiyepe ayũ majare, jarœvacœyũ maje ãmeina teiyede. Que teni Jñmenijicu beorejaquemavu Jesucristore meaðaipóescu bacœyúre javede. Aru jáðovarejame ùre ijãravui buojaquijãravuai. <sup>21</sup>Muje coreóvaiye boje Jesucristore caride, ju aivubu Jñmenijicœre nacovañũ mácvœre Jesúre yainore jarœvarí aru epeyũ bácvœre ùre meacu baju caivu pœeno. Que baru mũa ju aivubu Jñmenijicœre aru napini coreivubu iye ñi mearo ðacaquiyede mujare yópe ñi aiyे báquepedeca.

<sup>22</sup>Muje ju aiyे báque boje iye yávaiyede jávene muje jápaiye báquede diede, dajocavubu mũa muje ãmeina teiye báquede caride. Yópe teni jáve buojaivubu mũa arivu apevure Jesúre ju aipóevare. Que baru pare ùjarã mũa muje baju caiye muje ùme méque. <sup>23</sup>Mũa curivubu caride yópe mamarœmũ póeteivœpe cojedeca jueðovape népacu yaibécu quénora arœcu cainœmũ. Jñmenijicui yávaiye arœœpe paiyebu aru oatœvabebu máre. Aru ðieque Jñmenijicu cœvare ðaibi mujare mamañmene. <sup>24</sup>Yópe arí, Jñmenijicu toivaicójenejaquemavu ñi yávaiyede:

Caivu póeva cœriápe paivubu.

Que baru ne majié cóvœape

paiyebu. Iye cœriá popoiyavũ.

<sup>25</sup>Aru iye cóvœa tuiyavũ.

Æbenita Jñmenijicui yávaiye cœquiyebu cainœmũ, arí toivaicójenejaquemavu.

Iye Jñmenijicui yávaiye mému.

Diedecabu Jñmenijicui yávaiye méne coyœipóeva ne coyœiye báque mujare.

**2** <sup>1</sup>Caride dajocajarã mũa caiye muje ãmeina teiyede. Aru borocœbejarã mũa. Mujovabejarã apevure, jorojímeara apevure, aru ãmeina yávabejarã apevure máre. <sup>2</sup>Yópe mamajina mamarœmũ póeteivũ pare nuivœpe népacoi opecore, nopedeca mũa máre pare buejarã Jñmenijicui yávaiyede jávene. Que teni yópe mamajina ne opecore nuivœ boje me bucœiyepe, nopedeca mũa máre, muje pœeno baju me jápiarí aru ju arí nuivœ boje Jñmenijicui yávaiyede, me jápiarí earãjaramu mũa diede. Que teni muje ùmene me parœre ðarí, meaðaimara márãjivubu mũa. <sup>3</sup>Nópe ðajarã, muje coreóvaiye boje aipe Jñmenijicu uraró mearore ðacayœre mujare.

**Jesucristo cœrava arœrivape páyũ**

(Mt 21.42; Ro 9.25-26, 33, Tit 2.14)

<sup>4</sup>Pueno baju majinadajarã Jesucristore. Ærecabe jaboteyũ ñi póevare. Ñai Espiritu Santoi ðacaiye boje, náre cójjivoabi, ne curãjiiyepe ayũ ùque cœinãvœpe. Jesucristorecabe yópe cœrava arœriva Jñmenijicui mamarœmũ epeivape ñi ðainore yópe cœramipe. Apevœcapũravũ jarœvarejaquemavu ðiva cœravare. Æbenita Jñmenijicœvacari beorejaquemavu ðiva cœrava meava bajure, epecœyũ ñi ðaiñamine. <sup>5</sup>Aru mujacarpũravũ yópe bájarã cœrava arœrivape, Jñmenijicui ðaquiyepe mujaque ñi ðaiñamine yópe cœramine ðaipóescu ñi ðaiyepe cœramine cœravaque. Aru Jñmenijicui ðaiñami ñi Espiritu Santoi cœquino maquiyébu. Noi mũa memecarãjaramu nápe, sacerdotevape, jínajivũ Jñmenijicœre jícaiye muje ùmequede aru méne ñi jáinoi. Aru Jesucristo cadateibi mujare,

mujje jínajiyepere ayu mujje ùmeque aru Jūmenijicui jáquiyepere ayu me. <sup>6</sup>Jāvemu no Jūmenijicui toivaicōjeiye báque boje ùi yávaiyede, yópe arí:

Beoivū yu cūináva cūrava bojecuriva bajure. Divare epeivū yu ji ímaroi, Jerusalén āmicuríimaroí, yópe cūramitōbui cūravape ji ðaquíñami. Ácu pōescu ju ayu baru maje jabocure, ñai divape páyure, cainumua chīomecube ùi ju aye boje ñai jabocure. Quénora cainumua torojucuyame ùi ju aiyeye úre, arejaquemavu Jūmenijicu.

<sup>7</sup>Aru muja ju aivubu Jesucristore. Que baru úrecabe meacu baju mujjare. Ūbenita ina ju abevure úre, yópe arí Jūmenijicu toivaicōjenejaquemavu ne borore:

Iva cūrava ina cūrami ðaipōeva ne jaruvaiva bácarō apeva cūrava bojecuriva cubevū diva pueno. Quénora diva Jūmenijicui epeivabu cūramitōbui yebai. Que baru parurivabu apeva cūrava pueno, arejaquemavu Jūmenijicu.

<sup>8</sup>Aru arenumu Jūmenijicu, yópe arí, toivaicōjenejaquemavu ùi yávaiyede:

Iva cūrava boje, pōeva torí turídurājarama. Aru iva cūrava boje, pōeva turājarama máre, arí toivaicōjenejaquemavu.

Que baru pōeva ne ju abede Jūmenijicui yávaiyede jāvene vaivu náre yópe pōescui torí turíduiyepere. Que teni ina pōeva ðaivubu yópe Jūmenijicui majié báquepedeca ina pōeva ne ðarājiyede.

<sup>9</sup>Ūbenita mujjacapūravu Jūmenijicu jinava, ùi beoimaramu. Mujjarecabu ñai jabocure memecaivu ùi sacerdotevape. Mujjama pōeyajubocavu Jūmenijicui coatete ðaimara āmenore jaruvarí ù jina mārājivu. Mujjama Jūmenijicui pōeva ùi beoimara, mujje coyurājiyepere ayu iye yávaiye méne Jūmenijicui pueno mearore ðacaiyede pōevare. Ūvacarí cuturejaquemavu mujjare, mujje ðajocarājiyepere ayu āmeina teiyede jaruvarí yópe etaiyepere ñeminore

jocarí, mujje cue báquede Jūmenijicure coreóvabevū cāreja. Jūmenijicu cuturejaquemavu mujjare, mujje ðarājiyepere ayu meatede ðaiyede yópe ecoiyepere ùi pueno mearo miadároi. Que baru muja coreóvaivubu Jūmenijicure caride. Aru āmeina tebevubu. <sup>10</sup>Javede Jūmenijicui pōeva āmenejaquemavu muja. Ūbenita caride ùi pōevatamu muja. Javede Jūmenijicui cōmaje āroje jáiyede majibedejaquemavu muja. Ūbenita caride cōmaje āroje jáimi mujjare. Que baru majidivubu úre pare cōmaje āroje jáñure.

#### Maje memecaino Jūmenijicure

<sup>11</sup>Muja, ji umara, parurōreca jēniaivu mujjare. Muja ijāravucavure paivu āmevu. Quénora cavarō mearo Jūmenijicui curōcavu barājáramu muja. Muja curivubu ijāravui obebejiēna. Mujje āmeina ðaiyue yópe maucuvaerebu mujje ùmeque. Que baru ðabejarā yópe mujje āmeina ðaiyuepe. ðaicōjemejara muja mujje dāpiaino āmenore meje bajure. <sup>12</sup>Quénora mearo ðarí me cūjarā muja ina Jesucristore ju abevū ne jēneboi. Que teni ne āmeina yávaiyede mujjare āmeina teivure, návacari, mujje mearo ðaiyede jári, yópe arí, “Ámeina teivu āmema na. Me ðadama na”, arí coyurājarama mujjara. Que baru mearore jínajarama na Jūmenijicure ùi ðaquijāravu baquinóre, ñájine ðacuyu pōevare, ne āmeina teiye boje.

<sup>13</sup>Muja ðaiyurivu baru yópe Jūmenijicui urōpe, ju ajarā caivu mujje jabovare. Ju ajarā ñai jabocu ijāravucascu pueno baju parucure. <sup>14</sup>Aru ju ajarā caivu apevu jabovare ùi cāchino parurivure. Námu ùi daroimara, ñájine ðarājivu ina āmeno ðaivure aru jínajivu mearore ina mearo ðaivure. <sup>15</sup>Que baru Jūmenijicu ubi mujje bi are ðarājiyepere ayu ina pōeva ārumevure ne āmeina yávaiyede mujjare, ne coreóvabe boje. Mujje mearo ðaiyeque ðarājivubu muja diede. <sup>16</sup>Caride jaubevū mujjare mujje ðaiye yópe caiye iye Jūmenijicui ðaicōjeiye



báquepe pöevare Cristoi daquiye jipocai. Que baru mña yebacavupe paivu ãmevutamu. Ubenita dápiabegarã mña ãmeina teni buoiaivure, mñe cue boje yebacavu ãmevupe. Quénora javvu mñjare mñe ðaiyede yópe Jñmenijicure memecaivupe. <sup>17</sup>Puedajarã caivu pöevare. Ujarã apevu Jesucristore ju aipöevare. Jñmenijicure puedarĩ, mearore jíjarã úre. Aru puedajarã ñai jabocu ijãravucacu pñeno baju parucure.

**Cristoi ñájiye báquede coreóvare ðaino majare aipe ðaiye jauröre**

<sup>18</sup>Mña, memecaipöeva, ju ajarã mñe jabovare aru puedajarã me náre. Nópe ðajarã ina jabova jjecubevure aru ina jjecurivure máre. <sup>19</sup>Jñmenijicu me jáimi aru mearo ðacaibi mñjare mñe napiyede ñájiyede ãmeina ðabevuva. Mñe coreóvaiye boje Jñmenijicui uröre, mña napivubu ãmeina ðabevuva. <sup>20</sup>Mñe napinu ne jara popeiyede mñjare, mñe ãmenore ðaiye báque boje, meamejebu mñjare. Ubenita mñe napinu ñájiyede mñe mearore ðaiyede, Jñmenijicu me jáicuyume aru mearo ðacacuyume mñjare. <sup>21</sup>Que baru mña Jñmenijicui cutuimaramu, ñájinajivu. Cristovacari ñájicarejame mñjare boje, cadatecuyu mñjare. Que teni jáðovarejame mñjare úi ðaiye báqueque aipe ðaiye jauröre mñjare, mñe majinajiyepu ayu aipe ðarĩ ñájinajivure úi ñájiye báquepe. <sup>22</sup>Ye ãmenore ðabedejame ú. Aru ye borocurĩ jujovabedejame ú. <sup>23</sup>Pöeva ne ãmeina yávaiye báquede úre, úcapüravu ãmeina yávabedejame náre copu. Aru pöeva ne ñájiye ðaiye báquede úre, úcapüravu “Ñájiye ðaquiivu mñjare”, abedejame náre. Quénora yópe arejaquemavu Jñmenijicure: “Mu, jipacu, cadatejacu yure. Napini coreivu mure”, arejaquemavu Jesús. Que teni napini coredejaquemavu Jñmenijicure, ñai meacu bajure, bojedacuyure caivu pöevare yópe ne ðaiye báque javépe náre.

<sup>24</sup>Jesucristovacari ne pëvaimu mácu jocusujaravenu yaicárejame maja

ãmeina teivure boje. Yópe sacerdotei navaiyepu úi jícaiyede juainoi, nopedeca Jesucristo nuvarejaquemavu maje boropateiyede maje ãmeina teiye boje úque úi yayiye báquede. Que teni jaruvarejaquemavu maje ãmeina teiyede. Que baru majarecabu coatede ðaimara caride maje ãmeina ðaiyuede jaruvarĩ. Aru curivubu, ðarãjivu mearore. Mñjarecabu meaðaimara caride Jesucristoi churiá boje. <sup>25</sup>Javede coatedejaquemavu mña Jñmenijicure jaruvarĩ yópe ovejava mamateivupe nmevu náre coreipöecuque. Ubenita caride mña oatuvarĩ curivubu yópe Jñmenijicui uröre, yópe ovejavare vorĩ earĩburu yóboi ne jacopaiyovaiyepu náre coreipöecu yebai. Que baru Jñmenijicu jári coreyube mñjare aru meaðayube mñe úmene.

**Aipe ðaiye javró purubuoivure**  
(Ef 5.22, 25; Col 3.18-19; 1 Ti 2.9)

**3** <sup>1</sup>Mña úmucurivu máre, ju ajarã mñjemarepacure nopedeca ina memecaivu ne ju aiyepu ne jabovare. Que teni apevu nácvu ne ju abedu Jñmenijicui yávaiyede, mña yávabevuva ju are ðarãjaramu náre, mñe mearo ðaiye boje. Jaubequiyebu mñe coyurãjiye náre, ne ju arãjiyepu aivu Cristore. <sup>2</sup>Quénora ne jáiyede mñjare mearo ðaivure pñcaúmea cubevuvu aru puedaivure máre, ju arãjarama Cristore. <sup>3</sup>Mñe meaðaiyede mñe bajure, ðabegarã jáicöjenajivu apevure mñjare. Que baru mñe vaivéiyequu mñe poðare, aru mñe aðaiyequu códeimeare máre, aru mñe doiyeque cuitótecajere máre, jáicöjemejara apevure. <sup>4</sup>Quénora meara májara mña, mñe meaúme boje. No mearo oatvabenotamu aru cúiménotamu, mñe úme jjecubeque aru cãrijimeque máre. No mearo bojecuvu me Jñmenijicui jáinore. <sup>5</sup>Quédecabu ina nomiva mácvu javede Jñmenijicure mearore jívu bácvu. Napini coredejaquemavu na mácvu Jñmenijicure, úi mearo ðacaquiyepe aivu náre. Aru ju arejaquemavu

némarebucava b́acavure. Que teni meara đarejaquemavu ne bajure.

<sup>6</sup>Quédecabe cūináco nácaco, Sara báco. Ō máco ju arejaquemavu jímarepacu Abraham mácure. “m̄, ji jabocu”, ado barejaquemavu. Aru mujavacari ópe paivubu buoiaivu, mearore đaiivu baru jidubevava.

<sup>7</sup>Aru muja nomicurivu máre, me coreóvarā aipe đaiye jaurore mujare mujemarebucavare. Na muje cāchino parurivubu. Que baru pueđarā náre. Aru na cvarājarama j́aravu cūiméjaravu baquinóre cūináturu mujaque. Que baru pueđarā náre. Me cvarā náque, muje j́eniari buojarájiyepe aivu J́umenijicque yópe mujare jauépe.

**Jesúre ju aivu ne mearo đaiye boje  
nájijede coyúno  
(Mt 5.10)**

<sup>8</sup>Quénora coyuyubu mujare die borore. Dápijarā caivu muja muje ūmei cūináturu. Apevu ne chíoru, chíojara náque. Aru apevu ne torojuru, torojjarā náque. Ujarā mujevure yópe muje uepe mujeyovare. Cadatejarā ina cōmaje ārojarivure. “¿Meara márica apevu p̄eno?” arí dápiabejarā. <sup>9</sup>Apevu ne āmeno đaru mujare, copu āmeno đabejarā náre. Apevu ne āmeina yávaru mujare, copu āmeno yávabejarā náre. Quénora j́eniajara J́umenijicque, ūi mearo đacaquiepe aivu caivu náre, muje coreóvaye boje J́umenijicu cutuyu b́acure mujare, muje mearo đarájiyepe ayu yópe ūi mearo đacaquiepe mujare. <sup>10</sup>Yópe arí, J́umenijicu toivaicōjenejaquemavu ūi yávaiyede:

Ácu p̄ocu torojuiyucu baru aru cuiyucu baru me ij́aravui, āmeina yávabejacurí, aru dajocajacurí ūi bogocuede máre. <sup>11</sup>Dajocajacurí ūi āmeno đaiyede. Aru đajacurí mearo. Uetubecava p̄eno baju vorí eajacurí ūi ūmeque cārijimene đacuyu apevure.

<sup>12</sup>Maje jabocu j́ari coreyube ina mearo đavure. Jápiayube ne j́eniaiyede. Ubenita maucavacube

ina āmeno đavure, arí toivaicōjenejaquemavu.

<sup>13</sup>Ñame āmeno dabename majidivu mujare muje ūmei, muje torojurí đaru mearo. <sup>14</sup>Ubenita muja nájivu baru, muje mearo đaiye boje, uraró torojurájaramu muja. Jidubejarā ina nájine đavure mujare. Aru cuecumamejara. <sup>15</sup>Quénora mearore jíjarā Cristore muje ūmei. Aru pueđarā ūre, muje jabocure. Ñame ne j́eniari mujare, muje coyurájiyepe aivu iye muje napini coreiyede Cristoque, maumena coyurí majjarā me iye borore muje napini coreimure. <sup>16</sup>Aru coyjarā náre jijecubevava aru pueđaivu náre. Cainm̄ua mearo đajarā, yópe muje majiépe, “Boropatebev̄u yu”, muje arí dápiainoque. Que teni apevu āmeina yávaivu baru mujare, mearo đavureca muje ju aiye boje Jesucristore, návacari cuyoje tenajivubu ne āmeina yávaiye báquede muje borore. <sup>17</sup>Que baru J́umenijicu nájicōjenu mujare, yópe ūi urópe, muje nájije meavu, muje mearo đaiye boje. Ubenita meamevu, muje āmeno đaiye boje.

<sup>18</sup>Cristocap̄uravu nájini yaidéjame cūinára, p̄evare maje āmeina teiye boje, maje boropatebenajiyep̄e ayu diede. Nai meacu nájinejame āmeina teivure boje, meara đacuyu majare J́umenijicu j́ainoi aru cūiné đacuyu maje coateiye báquede J́umenijicure jaravarí, maje J́umenijicu jina tenajiyep̄e ayu. Cristobe p̄eva ne boarí jaruvaimu mácu ūi bajure, ubenita J́umenijicu ūmedavaimu mácu ūi ūmene.

<sup>19</sup>Aru decocupe ūi baju cubecava, coyucunrejaquemavu ina yáivu b́acavu buoimarape paivure. <sup>20</sup>Na mácavu arurivu cāreja ju abedejaquemavu J́umenijicu yávaiyede añijaravua báquei, Noé mácu ūi đaiye báquede jiađocū uracure. Dinumure J́umenijicu napini coreyu barejaquemavu, na mácavu ne ju arájiyepe aríduyu ūre. Ubenita obebejina baju, ocho paivu quévura, na mácavu meadaimara marejaquemavu dicūque muiváibore

jocarí. Ocoi jorí, ocoque meadaimara marejaquémavu. <sup>21</sup> Quédecabu iye mije jáđovaiye Jūmenijicure ocoi. Yópe Jūmenijicui meadaiye báquepe Noéja mácavure ocoque, nopedeca caride Jūmenijicu meadaibi mujare máre ocoque mije jáđovaiyede úre Jesucristoi nacajaiye báque boje yainore jaravari. Aru maja jáđovamevu Jūmenijicure ocoi, joarājivu maje docure. Quénora jáđovaiyabu Jūmenijicure ocoi, jēniarajivu úre, “Boropatebevu yu” ūi arí dápiare đaquiyepa aivu majare. Aru boropatebevu maja, ūi ārūmeteyē báque boje maje āmeina teiyede. <sup>22</sup> Javede űai Jesucristo nūrejaquemavu cavarō mearo Jūmenijicui curōi. Caride cubi Jūmenijicui meapūravui, ūi paruéde cūvae boje. Jaboteyube caivu ina ángelevare, aru cavarōcavu jabovare aru parurivure máre.

**Maje memecaino Jūmenijicure  
Espíritu Santoi majide đainoque  
majare coapa**  
(Ro 12.13; 1 Co 13.7)

**4** <sup>1</sup> Jesucristo űájinejame ūi baju ūi cuede ijāravui. Que baru mija máre, dápiarí ūi dápiayē báquepedeca, jidubejarā mije űájinajiyede. Ácu pōecu űájiűu, āmeina teiyede đajocaibi. <sup>2</sup> Que baru caride mije cuede ijāravui đaicōjemejara mije bajure yópe mije baju urōpe. Quénora đaicōjeara Jūmenijicure mije bajure yópe ūi urōpe. <sup>3</sup> Ina Jūmenijicure ju abevu đavū ne baju urōpe. Javede mija máre nápe đavū barejaquémavu obedijūa. Que teni mija āmeno đavū barejaquémavu. Mije āmeina đaiyuepe đavū barejaquémavu. Pacoteivu barejaquémavu. Bujiéque ūcuri torojūve teivū barejaquémavu. Ūcuri upaivu barejaquémavu. Aru āmeno đavū barejaquémavu mearore jivu pēpeimarare Jūmenijicure ūbevūva. <sup>4</sup> Aru caride coreóvabema na mije náre yóvabe boje ne urarō āmeno đaiyede. Que baru arí dápiarí, “¿Aipe teivū bārica yóvabevū majare?” arí, āmeina

yávadama mujare ne bajumia. <sup>5</sup> Ūbenita návacari nūrajarama, coyurājivu ne baju ne borore caiye ne đaiye báquede, aru ne yávaiye báquede, aru ne dápiayē báquede máre Jūmenijicui jivateinoi, ūi űájine đaquiyede caivu pōevare ne āmeina teiyē boje, yaivu bācavure aru apurivure máre. <sup>6</sup> Ne majinajiyepa ayu diede, javede iye Jūmenijicui yávaiye méne coyurejaquemavu ina yaivu bācavure caride. Que baru űájine đaimara mácavūvacari ne yaive báquede yópe caivu pōevape ne bajure, apurivū curivū bujarājarama ne ūmene yópe Jūmenijicure.

<sup>7</sup> Caijāravū vaivu, pūeno joabenotamu ijāravū cūiquino. Que baru me đaicōjeara mije dápiayede aru mije đaiyede máre, me jēniamuri Jūmenijicūque yópe ūi urōpe. <sup>8</sup> Caiye mujare jauē pūeno, yo cūináro jauřótamu: Ūjarā apevure parurōreca. Ūrivū baru apevure, ārūmeteyurājivūbu ne āmeina teiyede. <sup>9</sup> Torojurivū copū etajarā mjevure me. Jecubejarā ne āiyede, “Ūbevū yu náre copū etarí”, abevūva. <sup>10</sup> Jūmenijicui Espiritu Santo majide đaiibi mujare coapa, mije đarājiyepa ayu apeno memeinova, cadatenajivu apevu mjevure. Me đajarā iye ūi majide đaiyede yópe coreipōecui me đaiyepa iye ūi jabocui cūvae ūi coreicōjeiyē báquede úre. <sup>11</sup> űai coyūyū, coyūiyē jauvū úre Jūmenijicui yávaiyede jāvene. Aru űai memecayū, memecaiyē jauvū úre iye paruéque Jūmenijicui jiyede úre. Que baru caiye mije đaiyepa Jesucristo mearore jide đaiibi Jūmenijicure, mearore aru paruéde máre cūvacu cainūmūa. Quédecabu.

**Jesucristore ju aivu ne űájinajino**  
(Ro 8.17; 1 P 4.1)

<sup>12</sup> Mija, ji ūmara, cuicumamejara ne űájine đaiyede mujare. Mije űájiyepa jáđovarajivūbu mije ju aiyede Jūmenijicure jāve, yópe ne jáđovaiyepa tāure jāve toaque. Que baru caivu Jesucristore ju aivu űájinajaramu. <sup>13</sup> Que baru cuicumamejara. Quénora

torojujarā muxe ũmei muxe nájijede yópe Jesucristo ũi nájije báquepe. Que baru pueno baju torojurājaramu caivu ne járarijyede Cristo meacu bajure.

<sup>14</sup>Pōeva ne āmeina yávaru mujare, muxe ju aipe boje Cristore, torojujarā muxe muxe ũmei. Caivu muxe ne āmeina yávaimara Cristore boje, mujarecabu cuvarivu Jūmenijicui Espiritu Santore, nái Espiritu pueno baju meacure. Aru ũ cubi muxeque. <sup>15</sup>Muxe nájivu baru, nájimejara yópe pōevare boarí jaruvavivure, aru navaipōevare, aru apevu āmeno daipōevare máre. Aru nájimejara yópe ina “Yópe ji soyuiyepere daie javvu mujare”, soyuvure apevure. <sup>16</sup>Ūbenita muxe nájivu baru muxe ju aipe boje Cristore, cuyoje tebejarā muxe ju aiyede ũre. Quénora mearore jfjarā Jūmenijicure muxe Cristo jina mae boje.

<sup>17</sup>Joabejinoi Jūmenijicu bācuymē ũi nájine daquiyede pōevare, ne āmeina teie boje. Mamarumure Jūmenijicu nájine daquymē ũ jinare. Aru Jūmenijicui nájine daie boje ũ jinare, ina ju aivure ũi yávaiye méne, jāve pueno urarō nájine daquymē ina ju abevure ũi yávaiye méne. <sup>18</sup>Yópe arí Jūmenijicu toivaicōjenejaquemavu ũi yávaiyede: “Ina pōeva meara meadaríduimara maru, pueno baju meadaríduimaramu ina pōeva āmena, āmeina teivu”, arí toivaicōjenejaquemavu. <sup>19</sup>Iye ji soyuiyede yópe aiyurōtamu: Ina pōeva nájivu Jūmenijicui urōpe mearore dare cuiye javvu náre cainumua. Aru ju aipe javvu náre Jūmenijicure, náre cuedayu bācure aru cainumua dayure yópe ũi aipe báquipedeca, ũi meadaquiyepere aivu ne ũmene.

#### Jesucristore ju aivure majicaino

(Mt 6.25-34, 23.12; Lc 14.11; Jn 21.15-17; He 13.20; Stg 4.6, 10)

**5** <sup>1</sup>Caride soyuiyvuvu yu mujevure, Jesúre ju aivure coreipōevare. Yu máre Jesúre ju aipōevare coreyubu. Yúvacari járejacasu Jesúí nájije báquede.

Aru Jūmenijicui jáđovaquiyede Jesús meacu bajure, yu máre meacu baju cuscuyumu.

<sup>2</sup>Yu jēniaivu mujare, coreipōevare, muxe corenariyepere ayu me ina Jesúre ju aipōevare cōjijivavure muxe yebai, yópe ovejavare coreipōeva ne me coreiepe ne ovejavare. Corebejarā náre parurōque. Quénora corejarā náre muxe ũe boje. Aru memecabejarā Jūmenijicure ne jíye boje táuturare mujare. Quénora memecajarā ũre muxe cadateiyue boje apevure. <sup>3</sup>Aru jabova paruvivu ne cōjeiepe cōjimejara muxe ina muxe coreimarare. Quénora cūjarā me ne jáiyede, jáđovarajivu náre aipe daie javurōre ne curājiyede me Jūmenijicui jáinoi. <sup>4</sup>Que teni nái Cristo, caivu maja coreipōevare maje jabocu, majare coreyu, jícuymē mujare bojedaino pueno baju mearore cūiménore ũi jáđovaquiyede.

<sup>5</sup>Aru muxe, bojvuvu, ju ajarā ina Jesúre ju aivure coreipōevare. Aru caivu muxe dápiabejarā muxe baju meara apevu pueno. Quénora memecajarā muxe bajumia yebacavure, jabocupe tebevava. Yópe arí Jūmenijicu toivaicōjenejaquemavu ũi yávaiyede:

Jūmenijicu maucvavibi ina dápiavure ne baju pueno meara apevu pueno. Ūbenita ũi pueno meacu baju boje, cadateyube ina “¿Meara márica?” abevure, arí toivaicōjenejaquemavu.

<sup>6</sup>Que baru yebacavure tejarā muxe, Jūmenijicu ũi cadatequiyepere aivu mujare ũi paruéque. Que teni ũi beoijaravu baquinóre Jūmenijicu mearare epecuymē mujare.

<sup>7</sup>Jūmenijicu mujare pare ũcu coreibi me. Que baru cārijimejara muxe. Quénora soyujarā Jūmenijicure caiye iye cārijovaiyede mujare. Aru yópe pōeva ne epeiyepe náre dācuéde, nopedeca epejarā muxe iye cārijovaiyede mujare Jūmenijicurā.

<sup>8</sup>Me jájara. Apurivure, coreivure, me daicōjejarā muxe dápiayede.

Yópe yavi jijesucu ouy bujiléque  
 ñi vorí ãre cuiyere ñi ãquimure,  
 nopedeca muxe maucu, ñai abujuvai  
 jabocu, vorí bįjaroıyucu cuibi  
 pōevare, ne dajocarãjiyere ayu  
 ne ju aiyede Cristore. <sup>9</sup>Ûbenita  
 dajocabejarã muxe ju aiyede  
 úre. Quénora maucuvajarã ñai  
 abujuvai jabocure, muxe coreóvaiye  
 boje caino joborōacavu ijāravni  
 Jesúre ju aıvı, na máre ñájiñama  
 muxe ñájiyere. <sup>10</sup>Obebejāravna  
 ñájinajaramu muja. Muxe ñájinıburu  
 yóboi, Jūmenıjıcvacarı ye jaubede  
 darı, nurié dāpiare darı, parure  
 darı, bįjabede đacuyıme mujare.  
 Ñai Jūmenıjıcvı pıeno meacı baju,  
 úrecabe cutuyı básı mujare, muxe  
 cvıvarãjiyere ayu mearo cūiménore,  
 muxe cıe boje Jesucristoque  
 cūınávıpe. <sup>11</sup>Parúéde cvıvacıbe  
 Jūmenıjıcvı cainııma. Quédecabu.

**Pedro ñi meaicōjeino Jesúre ju  
 aipōevare**

*(Hch 12.12, 25, 13.13, 15.22,  
 37-40; Col 4.10; Flm 24)*

<sup>12</sup>Toıvacavı mujare iyoca paperayoca  
 quıjıyocare Silvanoı cadateıyeque.  
 Ûrecabe Jesúre ju ayu dajocabecıva  
 ji jáınoı. Parure đaiyvıvı mujare muxe  
 ũmeı. Aru majide đaiyvıvı mujare jáve  
 iye ji toıvacaiyede Jūmenıjıcvı mearo  
 đacaiyede mujare ñi pıeno me boje. Que  
 baru dajocabejarã muxe ju aiyede úre.

<sup>13</sup>Ina Babilonia ãmicrıımarocavı  
 Jesúre ju aipōeva, Jūmenıjıcvı beoimara  
 mujape pavı, meaicōjedama mujare.  
 Aru Marcos máre, jímacıpe páyvı,  
 meaicōjeımi mujare. <sup>14</sup>Me jacyıjarã  
 muja mjevıre, muxe jıvare nuri, muxe  
 Jūmenıjıcvı jına mae boje. Cavı muja  
 cvrıvı Jesucristoque cūınávıpe me  
 cvjarã cārıjımevıva. Quénoramı.

## 2 San Pedro

Mamabuinore coyuiyebu Pedro bácu ùi toivacaiye báquede yóbocayoca paperayocare. Apevu ne dápiayeye, toivacarejaquemavu judíova Jesúre ju aipòevare, ne joborðare jocarí dajocaivu bácvure, curájiyure apenoa joborðai, die ámiá Ponto, aru Galacia, Capadocia, Asia, aru Bitinia máre (1 P 1:1). Ùbenita obedivu ne dápiayeye, toivacarejaquemavu caivu Jesúre ju aipòevare. Pedro bácu judíovacacu barejaquémavu. Jesús ùi yávaiye méne beorí coyucòjeimu marejaquémavu. Lucas bácu toivarejaquemavu Pedro bácu borore Hch 1:12-5:42 aru 9:32-12:19 aru cap. 15. Majidivu ne dápiayeye, toivacarejaquemavu diyocare ániyu bácarðre 64 d.C. Ùbenita áimaro Pedro bácu ùi curiimaro ùi toivacaiyede diyocare caivu majibevu. Apevu “Babilonia ámicuriimaro curejaquemavu” arí, aru apevu “Roma ámicuriimaro curejaquemavu”, arí dápiavubu.

Toivacarejaquemavu Jesúre ju aipòeva, ne me járajyeye ayu Jūmenijicure ju abevu ne jujobabenajiyeye ayu náre ne bueiye jáve ámeque, ne vainí turí bíjabenajiyeye ayu ne ju aiyede jaruvarí (3:17). Coyurejaquemavu aipe árojae jauðre Jesúre ju aipòevare (1:1-15), aru aipe árojae máquede Jesúí jáðovaiye báquede meacu bajure aru Jūmenijicure coyucaipòeva mácvu ne yávaiye jávene (1:16-21), aipe árojaene borocuede bueivu ne coyuiyede (cap. 2), aru aipe árojaene Jesucristoi copaidaiyuede (cap. 3).

### Pedro ùi meaicòjeino Jesúre ju aipòevare (Tit 2.13)

**1** <sup>1</sup>Yúbu Simón Pedro, Jesucristore memecayu aru ùi yávaiye méne beorí coyucòjeimaracacu. Toivacaiyu yu mujare, ju aivure cúináturu ñujaque Jūmenijicure, majare meadaiðecu pueno meacu baju Jesucristore.

<sup>2</sup>Jūmenijicu mearo ðacajacurí mujare bojecubeda ùi me boje. Aru torojurí me cure ðajacurí mujare cārijimevva pueno baju muje majiéque maje jabocure.

### Jesúre ju aipòeva ne mearo ðaino (Jn 21.18-19)

<sup>3</sup>Jūmenijicu coreóvare ðaibi majare Jesucristore, ñai cutuyu bácvure majare, maje ù jina marajiyépe ayu. Cutuibi majare, maje cuvarájiyeye ayu me úpe aru maje ðarájiyeye ayu mearore ùi ðaiyeye. Caride maje coreóvaiye boje Jesucristore, Jūmenijicu cuvare ðaibi majare caiye jauéde majare,

maje curájiyeye ayu me ùi jáinoi, úre memecaiyu ùi paruéque. <sup>4</sup>Ijáravucavu ámena ámeina dápiadama aru ámedadama ne ámeina ðaiyuepe. Que teni bíjare nuñama na. Ùbenita Jūmenijicu pueno meacu baju me dápialbi aru me ðaibi máre. Que teni cubi me cainumua. Aru Jūmenijicu “Mearo ðacacuyumu yu mujare”, ùi uraró mearo aino mácarðque, bíjabede ðaibi mujare, yópe ne buoimarare dupini nure ðaiyeye, muje curájiyeye ayu me úpe. Que baru muja meara, me dápiavv, me ðavv máre buojarájiyavu. <sup>5</sup>Que baru jauvu mujare muje memenajiyeye, muje curájiyeye aivu me Jūmenijicui jáinoi. Javede ju adavv Jesucristore. Ju arí, meara tejará muja. Meara teni, coreóvajará mearore aru ámenore máre. <sup>6</sup>Mearore aru ámenore máre coreóvarí, ðaicòjejara me muje dápiayede aru muje ðaiyede máre. ðaicòjenu muje baju me, napijara muja. Napini, me cujará muja yópe Jūmenijicui urðpe úre memecaiyu. <sup>7</sup>Me curí yópe Jūmenijicui urðpe úre memecarí, ujará muja apevu

Jesúre ju aivure yópe mñje ñepe mñjeyovare. Aru urí apevu Jesúre ju aivure, ñjarã mñja caivure máre.

<sup>8</sup>Mñja ñaivu baru diede, aru caijãravna pñeno baju ñaivu baru diede, jũracubenamu mñja. Aru mñje ñaive bojecube ñemequiyebu. Quénora ñetubevva memecarãjivubu mñja, mñje coreóvaive boje me maje jabocu Jesucristore. <sup>9</sup>Ûbenita ñai ñabecu baru diede aru die jaũru ñre, yópe pñecupe joarõ jãri eabecu mimini quĩjino jãñu joabenoĩ, nopedeca jãpiarĩ eabecu cavarõ mearoquede, Jũmenijicu jinore coreóvabebi. Quénora jãpiarĩ eayũ ijãravuquede, coreóvaibi diede. Ñrecabe ñrũmeteyũ Jũmenijicui ñrũmeteyi bãquede ñi ñeina teiye bãquede aru Jũmenijicui jarũvaive bãquede ñi boropatejuroe bãquede. <sup>10</sup>Mñja, jĩvu, que baru mñje memecaiye méque, mñje ñaive mearoque máre, coreóvare ñajarã jãve Jũmenijicui beoiye bãquede mñjare, ñi cutuiye bãquede máre. Que ñaivu baru, mñja ye vainĩ turĩ bñjabenamũ Jũmenijicure jocarĩ. <sup>11</sup>Que baru torojũrĩ copũ etaimara mãrajivubu mñja maje jabocu Jesucristo, majare meadayũ, ñi jaboteino cũiménoi.

<sup>12</sup>Que baru ñrũre cure ñaiyvũ yũ mñjare cainũmũ iye yãvaive ji coyuiyede. Javede mñja coreóvarejaquemavũ diede aru ju arejaquemavũ iye yãvaivede jãvene ne bueiye bãquede mñjare. <sup>13</sup>Meavũ ñrũre ñayũ mñjare ji cuede cãreja ijãravui iye yãvaive méne ji coyuiyede, mñje ñãpiare nũrajiiyepẽ ayũ diede. <sup>14</sup>Maumejie yaicãyvũ yũ yópe maje jabocu Jesucristo ñi majide ñaive bãquepe yũre. <sup>15</sup>Que baru ñaquijivũ yũ caiyede ji oainope, mñje ñrũri buojarãjiiyepẽ ayũ caiye iye yãvaive méne ji yainĩburu yóbore máre.

**Ina Jesucristo meacũ bajure jãivu bãcavũ ne coyũino**

(Mt 17.1-5; Mr 9.2-7; Lc 9.28-35)

<sup>16</sup>Borocũbedejacará mñjare ññje bueiye bãquede maje jabocu Jesucristoi

paruède. Aru borocũbedejacará mñjare ññje bueiye bãquede dacũyũre cojedeca ijãravui. Ññje bueiye bãque ññje baju ñãpiayie ñmevũ. Quénora ññjavacari jãrejacará ññje baju ññje yacorũaque Cristoi nrarõ paruède. <sup>17</sup>Majepacu Jũmenijicũvacari pũedarejame Jesúre aru mearore jidejame ñre ñi aive bãquede ñi yãvaino mearoque: “Ñaime jĩmacũ, ji umũ. Torojvũ yũ ñre”, arejame. <sup>18</sup>Aru ññjavacari jãpiarejacará ññje baju ññje cá mucobeaque iye yãvaino mãcarõre cavarõ mearore jocarĩ ññje cue bãquede Jesucristoquẽ dicũ cũracũ meacũ bajui, Jũmenijicui cue bãque boje nore.

<sup>19</sup>Ññje jãino mãcarõ aru ññje jãpiaino mãcarõ máre nopedecabu iye Jũmenijicui yãvaivede coyũcaive bãquepe javede. Que baru iye Jũmenijicui yãvaivede coyũcaive bãqueque ñ jãðovaimi jãvene ññje coyuiyede iye vaive bãquede ññjare. Jãpiarĩ ñãjarã mñja iye Jũmenijicui yãvaivede coyũcaive bãquede. Yópe pñoibuquerque pñeva ne quĩjino jãri eaiyepẽ ñeminõ pũ miadãe tuiyeta aru avia ñi boiyeta ne jãrajiiyepẽ aivũ me, nopedeca iye Jũmenijicui yãvaivede coyũcaive bãqueque ñ coreóvare ñaibi mñjare quĩjino pũ Jesucristoi copaidaiyeta, ñi coreóvare ñaquiyede mñjare me caiyede mñje ñmei. <sup>20</sup>Mamarũmũ coreóvajarã mñja iyede: Pñecu cũbebi ñi baju coyũrĩ buojayũ aipe aiyũrõre Jũmenijicui yãvaivede coyũcaino mãcarõre ñi yãvaivede. <sup>21</sup>Que baru ñi yãvaivede coyũcayũ bãcu cũbedejaquemavũ coyũyũ bãcu ñi baju ñãpiainore yópe ñi baju nrõre. Quénora caivũ ina Jũmenijicui yãvaivede coyũcaivũ bãcavũ memecarejaquemavũ ñre. Aru coyũrejaquemavũ ñi ñãpiayivede yópe ñi nrõre. Jũmenijicui Espĩritu Santo coyũicõjenejaquemavũ na mãcavũre.

**Ina borocũede bueivũre coyũino**

(Mt 12.45; Lc 11.26; Jn 8.34;

Ro 6.6, 16; Jud 4-13)

**2** <sup>1</sup>Javede Israecavũ bãcavũ ne jñeboi cãrejaquemavũ Jũmenijicui

yávaiyede coyucaipõeva ubenina. “Jūmenijicui yávaiyede jāveneca yávaivubu ñña”, borocurī arejaquemavu na mácavu. Nopedeca bueipõeva ubenina curājivubu muje jēneboi. “Jūmenijicui yávaiyede jāveneca bueivubu ñña”, borocurī arājivubu na. Ubenita yavenina bueni bārājivubu ne yávaiyede jāve āmene. Aru ju abevvacari maje jabocu Jesucristore, ñai meadayu bācure náre, “Maje jabocu āmemi ũ”, arājivubu na. Yópe pōecu ũi bojedaiyepē ũi urōre bojedainoi ũ jino maquiyépe ayu, nopedeca Jesucristo ũ jinare ðaibi náre ũi meiyē bāque boje ũi jivede. Aru ne yávaiyede jāve āmene bueiyē boje, maumejiena bījare ðarājarama ne baju. <sup>2</sup>Obedivu pōeva náre ju arī, yóvarī nurī, napedeca urarō āmeno ðarājivubu. Ne ðaiye boje nópe, āmeina yávarājarama ina ju aivure Jesucristore. <sup>3</sup>Āujinajivubu na apenvi cūvede, tāuturare máre. Que teni jujovarājivubu mujare ne bueiyē borocueque, ñajivu muje cuvaede. Ubenita javede Jūmenijicu “Ina borocuede bueivū ñājinajarama”, arejaquemavu. Que teni bījarājarama na Jūmenijicure jocarī.

<sup>4</sup>Ina ángeleva āmeina teivū bācavure Jūmenijicu ārumetebedejaquemavu ne āmeina teiyē bāquede. Quénora darorī jaruvarejaquemavu náre ñeminitucubui, ina ñājinajivure ne coreinoi. Nore nárecabu buoimara tāumeaque coreivū pu Jūmenijicui ñājiovaquijāravū baquinóita.

<sup>5</sup>Quédecā ina ijāravucavu javecavu bācavure máre, Jūmenijicu ārumetebedejaquemavu ne āmeina teiyē bāquede. Quénora ocare ðarī, muivári yaidé ðarejaquemavu caivu ina āmeina ðaivu bācavure. Ubenita meaðarejaquemavu Noé mácure, ñai coyure curiduyū bācure pōevare ne mearore ðaiye jauquiyepē ariduyū bācure. Aru apenvi siete paivū bācavure quévura Noé mácuque Jūmenijicu meaðarejaquemavu muiváibore jocarī.

<sup>6</sup>Quédecā Sodoma aru Gomorra máre āmicurīmaroacavu bācavure

Jūmenijicu ārumetebedejaquemavu ne āmeina teiyē bāquede. Quénora cūraboā uruiboa darorī ocainopedeca, éni bījare ðarejaquemavu caivu diimaroacavu bācavure. Que teni diimaroā quédāta ũapena teni cūinéjaquemavu. Que ðarī, Jūmenijicu coreóvare ðaibi caivu ijāravucavu curājivure āmeina ðaivu bārājivure ũ ñājine ðacuyure na márāvivure ne āmeina teiyē baquiyé boje. <sup>7</sup>Ubenita meaðarejaquemavu Lot bācure, ñai meacu bācure. Utrarō chíõñū marejaquemavu Lot bācu ũi ũmei ina Jūmenijicu ju abevū bācavure ne āmeina teiyē bāquede. <sup>8</sup>Ñai ũmu meacu cūcu barejaquemavu ne jēneboi. Aru ñājiñū marejaquemavu ũi ũmei ũi jáiyede aru ũi jápiaiyede máre ne vainí tuiyede jāravūa coapa.

<sup>9</sup>Maje jabocu Jūmenijicu majibi meadayu ina ũre ju arī mearo ðaivure yópe ũi urōpe, jujovavure jaruvarī. Aru ũ majibi coreyū ina ũre ju abeni āmeno ðaivure, ñājinajivure pu ũi ñājiovaquijāravū baquinóita. <sup>10</sup>Jūmenijicu ñājine ðacuyure ina torojurī ðaivure āmeina ne baju urōpe aru ju abeni āmeina jáivure ũre apenvi pūeno.

Puedabenama ina borocuede bueivū. Ðaðama yópe ne baju urōpe. Aru jidubevūva āmeina yávaðama ina pūeno paruvure. <sup>11</sup>Que teivureca ina ángelevacapūravū, ne pūeno paruvivū aru ne pūeno cōjevū máre, pueðarī āmeina yávabenama ina pūeno paruvivure Jūmenijicui jāinoi ñājine ðarāvivū náre. <sup>12</sup>Ubenita ina borocuede bueivū coreóvabenama ina pūeno paruvivure ne āmeina yávaimarare. Que baru āimara ārumevure dápiabevūva ðaðama yópe ne baju urōpe. Yópe pōeva ne jēiyepē āimarare boarāvivū náre, nopedeca na máre bījaroimara márāvivū, ne bījare ðaiye boje apenvure. <sup>13</sup>Āmeina ñājinajivubu na yópe ne baju āmeina ñājine ðaiyepē apenvure, ne ñājiye ðaiye boje apenvure. Torojuve teðama ubenina jāravure aru ñamine máre. Que teni ðaðama yo āmenore,



cuyoje tenajivũ ne baju pœva ne cuyorjeda jãiyede. Aru ne yóvarãnuiyede muxe torojũve teinoi cuyoje tede ðaðama mujare ne torojurĩ jujovaiyede mujare. <sup>14</sup>Áco nomió ne jáimore ãmenore ðaiyurĩ dápiaivũbu óque. Uetubevũa ãmeina ðarĩ ne ãmeina teiyede ðajocaiye majibema na. Vainĩ tũre ðaðama ina ju aivũre Jesucristore parubevũa cãreja ne ju aiyede úre. Náre jujovaðama yópe moa boaipõecu ùi jajovaiyepe moacũre cúvaque. Cainũua dápiadama ne cũvaiyede caiye ne jáiyede. Que baru uraró ãujiñama na. Nárecabu Jũmenijicui ñájine ðaimara márajivũ. Que baru ùi coavaimara márajivũbu úre jarũvarĩ. <sup>15</sup>Dajovaðama ne ju aiyede Jũmenijicui yávaiyede jávene. Que tenĩ mamateðama ne baju yópe põecu mái nurĩ macaró ùi mamateiyere ùi ðajocaiyede ðimare jocarĩ. Ðaðama yópe Balaam mácũpe. Ñai Balaam mácu Beor bácu mácu barejaquémavũ. Jũmenijicui yávaiyede coyũcaipõecu bácvacari, borocũcu barejaquémavũ. Úi ãmeina teiye báque boje, bojede vorĩ eaiyurĩdurejaquemavũ ùi mácu. <sup>16</sup>Ubenita ùi tubamũ, ãimacũ yávabecu bácu, jararejaquemavũ ùi mácũre. Yávarejaquemavũ úre ape yávaiyeque yópe põecui yávaiyepe, ðajocare ðacũyũ ñai Jũmenijicui yávaiyede coyũcaipõecu bácu ùi ðaiye báquede ãrumecũpe.

<sup>17</sup>Yópe pœva ocore earĩ corenidivũ ne chíoiyepe ococobe pĩapóri popoiye boje, nopedeca pœva chíodama ina bueiõeva borocũrivũ ne bueiyeque, ne jujovaiye boje. Aru yópe oopenibo ùmevũque japurĩ jaroiyepe pœva majibevũa, nopedeca ina bueiõeva borocũrivũ ne bueiyede majibenama, ne jujovaiye boje. Que tenĩ ne bueiye báque bojecũbevũ. Que baru Jũmenijicui meadaibi náre ne cũrãjino pũeno baju ñeminore, ne ñájinajinore. <sup>18</sup>Yávaðama paruéque yópe majidivũ ne yávaiyepe. Ubenita quéda ubenina yávaðama na. Apevũ pœva ðajovaðama ne bueiye jáve ãmene jarũvarĩ, yópe buoimũ ùi dupini nuiyepe. Ðaicõjeivũbu náre, ne

ðarãjiyepe aivũ cojedeca no ãmenore yópe ne ðajocarĩduino mácarõpe. <sup>19</sup>Yópe arĩ, coyũivũbu náre: “Muxa yebacavũ ãmevũ. Que baru ðajarã caiyede yópe muxe baju urõpe”, adama na. Ubenita ne que aiyedeca, nárecabu yebacavũpe paivũ. Ne ãmeina ðaiyuede ðaicõjeiye boje náre, bíjarãjarama na. Ñai ðaicõjeñũ aprevũre, úrecabe ne jabocu. Aru apevũ ùi yebacavũbu. Nopedeca põecu apejiene ðaicõjeimũ maru, úrecabe yebacavũpe páyũ. <sup>20</sup>Ina pœva jarũvaivũ bácvũ ijãravũcavũ ne ãmeno ðaiyede, ne coreóvaiye boje maje jabocu Jesucristore, majare meadaipõecũre, oatũvaivũ baru ne ùmene, ãmeina tenajivũ cojedeca, buojarãjarama na ãmena ne mamarũmũre ãmeno ðaino mácarõ pũeno. <sup>21</sup>Ne jarũvaru Jũmenijicui ðaicõjeiye méne ùi coyũiye báquede náre, pũeno baju meajebu náre, ne majibedu iye bueiyede aipe ðarĩ pœva cũrĩ buojarãjivũ mearare Jũmenijicui jáinoi. <sup>22</sup>Ðaðama na yópe majidivũ ne coyũno mácarõpe: “Yavimi copedini ãñũme ùi baju bijoiye báquede. Aru várico ne cuyavaimo máco copainuri paraðobe yaoburã”, adama na.

#### Maje jabocu ùi copaidaquinore coyũno

(Mt 24.43; Lc 12.39; 1 Ts 5.2; 2 Ti 3.1-5; Jud 18; Ap 16.15, 21.1)

**3** <sup>1</sup>Muxa, ji umara, caride toivacavũ mujare cojedeca. Javede toivacacũ mujare apeyoca paperayocare. Diyoca pũcayocaque ãrũre ðaiyũvũ mujare iye bueiyede jávene muxe járiaiye báquede, muxe ðapiarãjiyepe ayũ nurie. <sup>2</sup>Árũjara ina Jũmenijicui yávaiyede coyũcaipõeva mácvũ, Jũmenijicũre memecaivũ bácvũ, ne bueiye báquede mamarũmũre. Árũjara maje jabocu Jesucristo, majare meadaipõecu, ùi ðaicõjeiye báquede máre ùi yávaiye méne beorĩ coyũicõjeimara ñuxe bueiye báquede mujare.

<sup>3</sup>Mamarũmũre coreóvajarã muxa iyede: Ánijãravũ buojarãjãravũ baquiyéde, Cristoi copaidaijãravũ

jipocare, darājarama pōeva Jūmenijicure ju abevu, yurivū, aru ne āmeina daiyuepe ðaivū. Yurinajarama Jūmenijicure aru Jesucristore ju aipōevare máre. <sup>4</sup>Yūrini, yópe arājarama na: “Mūja aivū, ‘Copaidacuyūmu yū ijāravū’, arejamedā Cristo, aivūbu mūja. Jāve maru no, ¿Ári curi ū? Obediūja vaivū majeñecuva mácavū ne yainiburu yóbore. Aru ne curinūmure, caride máre, caiye vaivū cūináturu iye vaiye báquedeca Jūmenijicui ijāravūre cuedainūmu yóbore”, arī yurinajarama na. <sup>5</sup>Ūbenita nácapūravū coreóvayūbenama Jūmenijicui cuedaiye báque caijīene. Mamarūmure Jūmenijicu cuedarejaquemavū cavarōre aru joborōre máre ūi yāvaiyeque. Cuedarejaquemavū ijāravūre ocoque aru oco jēneboi. <sup>6</sup>Aru ocoque máre jarūvarī bījare ðarejaquemavū ānijāravūcavū bācavūre muiváiboque. <sup>7</sup>Aru caride máre meadayūbe ijāravūre, cavarōre aru joborōre máre, ūi yāvaiyeque. Meadayūbe ijāravūre pū ūi nājiovaquijāravū baquinóita, ūi nājine ðaquiye de caivū āmenare, ne coatenajiyepē ayū ūre jarūvarī. Dinūmu maquinóre cūiné ðacuyūme ijāravūre toaque.

<sup>8</sup>Mūja, ji ūmara, ārumetebejarā iyede: Jūmenijicu jāñūme cūinājāravū vainore yópe maje jāiyepē mil paiūja vainore. Aru Jūmenijicu jāñūme mil paiūja vainore yópe maje jāiyepē cūinājāravū vainore. <sup>9</sup>Maje jabocu Jesucristo “Copaidacuyūmu yū” arejame. Ūbenita apevu pōeva ne majiēpe, ne jāravūare corevaiyepē, ðuibajīemu ūi daiyūrīduino. “Dabebi cāreja. Que baru dabecuyūme”, arī dápiadama ūbenina. Ūbenita daiyūbecū āmemi. Quénora napīñūme mūjare. Jūmenijicu ūbi caivū pōevare meadaimara marajiyēpe ayū. Que baru ūbebi ū cūinácū ūi coateiyede ūre jarūvarī toabo cūiméboi.

<sup>10</sup>Yópe nāvairopēcui daiyepē ñamine, pōeva ne majibede, nopedeca ðacuyūme Jesucristo, pōeva ūre ne corebede. Dinūmu maquinóre yo cavarō

cūiquíyebu ūrarō jidojarō bujinoque. Aru caiye iye ijāravūi cūe báque me éni cūiquíyebu toaque pū ne bījarī cūiyeta. Aru maje curijoborō máre, caiye ijāravūque máre, Jūmenijicui cuedaiye báque, pōeva ne ðaiye báque máre, me éni cūiquíyebu.

<sup>11</sup>Que teni caiye bījarī cūiquíyebu. Que baru me curjarā mūja meara teni Jūmenijicui jāinoi ūre memecaivū. <sup>12</sup>Napini corejarā maje jabocu Jesucristoi copaidaquiye de. Aru ðajarā mūja caiye iye jauéde mūjare cāreja ūi ðaquiye jipocare. Que teni ðaicōjenajivūbu mūja ūre maumena. Dijāravū ūi copaidaquijāravū baquinóre, yo cavarō me éni cūiquíyebu toaque pū bījarī cūiyeta. Aru caiye iye ijāravūi cūe báquede toaijiquiyebu toaque pū ēnuricoro teni cūiyeta. <sup>13</sup>Ūbenita cūquiyebu cavarō mamaro aru joborō mamaro máre. Jūmenijicu aibi majare, “Apejāravū mamajāravū meajāravū baquinó cūquiyebu jāve”. Aru caivū ðinūmu maquinócavū meara curājarama cainūmūa Jūmenijicui jāinoi.

<sup>14</sup>Mūja, ji ūmara, mūje napini coreiyedeca diede ðajarā caiyede mūje oainope, maje jabocui eaquiyepe aivū mūjare āmeno cubevūre. Quénora eajacurī mūjare pūeno baju mearare aru me curivūre cārijimevūva.

<sup>15-16</sup>Coreóvajarā iyede: Maje jabocu Jesucristo napini coreibi pōevare, ne meadārājiyepē ayū. Quédeca caiyoca ūi paperayocaque toivaicōjequemavū diede majecu, maje ūmū, Pablo. Apeyoca ūi paperayocare apevu pōeva jāpiarīduyama. Ina majibevū aru ina ju aivū Jesucristore parūbevūva cāreja coyūrīduyama aipe aiyūrōre iye ūi toivaicōjeiye báquede aru ape toivaiye báquede máre, Jūmenijicui toivaicōjeiye báquede ūi yāvaiyede. Ūbenita ūbenina coyuyama na. Que baru ne baju coatedama Jūmenijicure jarūvarī.

<sup>17</sup>Mūja, ji ūmara, javede majivū mūja diede. Que baru me jājara ina pōeva Jūmenijicure ju abevūre, ne jūjovabenajiyepē aivū mūjare ne

bueiye jāve āmeque, mʉje vainí turí  
 bʉjabenajiyepɛ aivʉ mʉje ju aiyede  
 jarʉvarí. <sup>18</sup>Quénora pʉeno baju nʉjara  
 mʉja, Jūmenijicui mearo ɔacaimara  
 bojecʉbeda ũi me boje. Aru pʉeno baju

coreóvajarā maje jabocʉ Jesucristore,  
 majare meadaipōecure. Mearore  
 jínajarevʉ ũreca caride aru cainʉmʉa,  
 jáɔovarajivʉ ũre meacʉ bajure.  
 Quédecabu. Quénoramu.

# 1 San Juan

Mamabuinore coyuiyebu Juan mácu ùi toivacaiye báquede iyoca mamayoca ùi paperayocare. Juan mácu barejaquémavu judíovacacu, Galilea ámicurijoborócacu, aru Jesús ùi yávaiye méne beorí coyucójeimaracacu. Ùi mamicu Santiago bácuque moa boaipóescu bácu barejaquémavu, Jesúí órejaquiye jípcare ùi mácu. Lucas bácu coyurejaquemavu Juan mácuí borore Hch 3:1-4:22. Majidivú ne dápiayepe, toivacarejaquemavu diyocare ùi mácu cücü bácu Éfeso ámicuríimari, ne coreóvayie boje ùi mácu Éfesocavu Jesúre ju aipóevare coreipóescu bácu. Apevu ne dápiayepe, toivacarejaquemavu Partia ámicurijoborócavu bácvure. Póescu cubebi majicu ye ujú ùi toivacaiju bácaróre diyocare, ùbenita obedivú ne dápiayepe ániujua báquede 87-90 d.C. baji, ùi toivaquiye jípcare ùi coyuiyede Jesucristorá aru Jesucristoi jádovaiye báquede ùi mácu.

Bueipóeva borocurivú bácvu “Jesús ámemi Jūmenijicúí mácu” arí, buenidurejaquemavu Juan mácuí toivacaimara mácvure. Que baru ùi mácu toivacarejaquemavu na mácvure, Jesúre ju aipóevare, ne majinajiyepe ayu jáveneca Jesúre Jūmenijicúí mácu, aru ne torojuráiyepe ayu ne ju aiyequé úre, aru ne majinajiyepe ayu caivú úre ju aivure jáveneca meadaimara mácvu aru járavú cūiméjáravu baquinóre cuvavure úque (1:1-4, 2:18-3:3, 4:1-6, 5:1-15). Na mácvure buedejaquemavu diyocaque caiye pueno jauróre ne uede Jūmenijicure aru Jesúre ju aivure máre (2:9-17, 3:11-24, 4:7-21), aru aipe ðaiye jauróre Jesúre ju aipóevare ne ámeina teniburu yóbore (1:5-2:8, 3:4-10, 5:16-21).

## Nai Jūmenijicúí dápiainore coyucudayú

(Jn 1.1, 4, 14, 18, 6.68; 1 Jn 2.13-14)

**1** <sup>1</sup>Toivacavú mujare Jesucristorá. Ñai cücü bácu caiyede ùi cuedaquiye jípcamia, aru caride máre ùi cubi. Ùvacari apure ðayube póevare apué mamaeque. Majide ðayube apué jávene. Que baru ùi majare Jūmenijicúí dápiainore coyucudayube. Ùi cuede ijáravú, ñjavacari jápiarejacadá ùi coyuiyede aru járejacadá úre. Aru úre jáve jári coreóvarí jēnejacadá ñja. <sup>2</sup>Ñai apure ðayú póevare apué mamaeque cuetedejame ijáravú. Aru ñja járejacadá úre. Que baru coyuvubu ñje jári majié boje. Coyuvubu mujare ùi borore, ñai apucure cainuma. Ùi curejaquemavu majepacu Jūmenijicúque cavaró mearoi. Ùbenita darejaquemavu nore jocarí pu ijáravú, cuetecuyú yui. <sup>3</sup>Ùrivubu ñja muje yóvaráiyepe aivú ñjaque cūinávure cūináturu maje úmei,

majepacu Jūmenijicúque aru mamacu Jesucristoque máre. Que baru ñja coyuvubu mujare ñje jáiye báquede úre, aru ùi bueiye báquede máre. <sup>4</sup>Que baru toivacavú yu mujare iye coyuiyede, maje mearo torojuráiyepe aivú maje úmei.

## Jūmenijicú ámeina ðaiyue cubecu

<sup>5</sup>Iye yávaiyede Jesucristo coyurejame ñjare. Aru caride ñja coyuvubu iye yávaiyede mujare máre. Jūmenijicú miadórope páyube. Que baru meacube ù. Jūmenijicure ñeminijino cubevú. Que baru ámeno cubecube ù. Miadóroque póeva jáivubu aipe árojarore ijárvure. Nopedeca Jūmenijicú jádovaiyubi póevare ne majinajiyepe ayu ù meacure. <sup>6</sup>Maja ámenore ðaivúvacari, “Majepacu Jūmenijicúque yóvaivubu maja cūinávure cūináturu maje úmei” aivú baru, ðabevúvacari mearore, borocurivubu maja. Ùbenita jáve ñeminoi curivupe ðaivubu maja ámenore. <sup>7</sup>Ùbenita maja ðaivú baru

mearore Jūmenijicupe, aru yópe miadároi curivupe baru, jáve maja curājaramu cūinávupe cūináturu maje ūmei. Aru Jūmenijicui mácu Jesús bojedarejame maje yóvayede Jūmenijicuque ūi jiveque, ūi yaicáiyē báquede majare maje ámeina teiye boje. Que baru Jūmenijicu árumeteibi maje ámeina teiyede, Jesúi đacaiye báque boje majare.

<sup>8</sup>Maja aivū baru “Ámeno cubevu majare”, jujovaiuvu maje bajuma. Que aru, maje aiyē jáve ámevu aru Jūmenijicui jáve coyuiye cubevu majare. <sup>9</sup>Ūbenita maje coyuru Jūmenijicure aipe maje ámeina teiyede, Jūmenijicucapūravu árumeteni jaruvacuyume diede. Nópe đacuyume ūi đaiye boje cainumua yópe “Đacacuyumu yu mujare”, ūi aiyē báquepe, ūi đaiye boje mearore quéda. <sup>10</sup>“Ámenore đabevu maja” aivū baru, Jūmenijicure borocucupe dápaiuvu maja aru jáve ju abevu maja ūi yávaiyede.

#### **Cristo majare me coyucayu**

(Jn 14.15, 21, 23; Ro 6.11-14; 1 Jn 4.10)

**2** <sup>1</sup>Muja, jímajinape paivū, toivacaivū mujare diede, muje đabenajiyepē ayū ámenore. Ūbenita ácu pōescu ámenore đarīburu yóbore, apecu cubi majare coyurī cadateni coyucacuyū me majeracu Jūmenijicuque maje borore. Aru ñai majare cadatecuyū, úrecabe Jesucristo, ñai meacu baju Jūmenijicui jáinore. <sup>2</sup>Aru ñai Jesucristovacari yaidéjame majare boje. Ūi yaiye boje, Jūmenijicu árumeteibi maje ámeina teiyede. Que baru maje meateimūme ū majeracu Jūmenijicuque, maja aru caivū ijāravucavū máre.

<sup>3</sup>Maja đaivu baru yópe Jūmenijicui đaicōjeiyepē buođavū maja coreóvaivū Jūmenijicure. <sup>4</sup>Ūbenita ñai pōescu “Yu coreóvaivū Jūmenijicure” ayū baru, đabecuvacari yópe Jūmenijicui đaicōjeiyepē, borocucube ū. Que teni Jūmenijicui jáve coyuiye cubevu úre. <sup>5</sup>Ūbenita ñai đayū yópe Jūmenijicui đaicōjeiyepē, úrecabe jáve coreóvayū me

aipe đarī uscū Jūmenijicure. Que teivū maja coreóvaivū curivū Jūmenijicuque cūinávupe, cūináturu maje ūmei. <sup>6</sup>Aru ácu pōescu “Yu yóvaivū Jūmenijicure cūinávupe” ūi aru, úre cue javū yópe Jesucristovacari ūi cue báquepedeca.

#### **Đaicōjeino mamaro**

(Jn 13.34, 15.12; Ro 13.12-14; Stg 1.27)

<sup>7</sup>Muja, jívu, ji umara, yo đaicōjeino, ji toivacaino mujare caride, đaicōjeino mamaro ámevu. Quénora cūináturū no đaicōjeino yo muje ju aino mácarō mamarumure ju aivu Jesúre. Que baru javede muja jápiarejaquemavu yo đaicōjeino javecarōre. <sup>8</sup>Ūbenita yo ji toivacaino mujare đaicōjeino mamarotamu máre. Aru yo mamaro jávemu. Cristo ūi đaiye jáđovaiū nore jáve, aru muje đaiye máre. Pōeva ne Jūmenijicui yávaiye méne majibede, ñeminoi curivupe paivūbu. Aru ne majiéde diede, miadároi curivupe paivūbu. Que baru Cristo daiyede yópe miadáre đaiyepē ijāravūi yo ñemino mácarō bíjare nuivu caride. <sup>9</sup>Ñai pōescu “Cuvū yu miadároi, đayū mearore yópe Jūmenijicui cōjeiyepē” ayūvacari ūbecu baru ū jicure, ñeminoi cubi ū cāreja. Que baru đabebi ū mearore. <sup>10</sup>Ñai uscū ū jicure cubi ū yópe miadároi cucupe. Que baru đaiibi mearore. Aru ye ámei vainí turī đare đabecube apecure ámenore. <sup>11</sup>Ūbenita ñai ūbecu ū jicure cubi ū yópe ñeminoi cucupe. Que baru đaiibi ámenore. Que teni ye coreóvabebi aipe đaiye jaurōre úre. Ūi ámeno đaiye boje, buojabebi dápaiyū coreóvayupe. Que baru ūi dápaiino ñeminomu yópe pōescu jári eabecu ñeminoi coreóvabepē ári ūi nuinore.

<sup>12</sup>Muja, jímajinape paivū, yu toivacaivū mujare Cristo ūi yaicáiyē báque boje mujare, bojedacuyū muje ámeina teiyede. Que baru Jūmenijicu árumeteibi muje ámeina teiyede. <sup>13</sup>Aru muja, jíbcuvape paivū, yu toivacaivū mujare muje coreóvaiye boje ñai cucupe caiyede ūi cuedaquiye jipocamia. Aru muja, vojūvu, yu toivacaivū mujare máre muje vainí tuiye boje ñai abujuvai jabocure.

Aru m̄ja, j́m̄ajinape paiv̄u, yu toivacaiv̄u m̄jare m̄je coreóv̄aiye boje majepacu J́menijicure. <sup>14</sup> Aru m̄ja, j́buc̄vape paiv̄u, yu toivacaiv̄u m̄jare m̄je coreóv̄aiye boje ñai c̄uc̄re caiyede ñi cuedaquiye jipocamia. Aru m̄ja, boj̄v̄u, yu toivacaiv̄u m̄jare máre m̄je c̄v̄ae boje J́menijicui yávaei méne m̄je ūmei, aru m̄je ju aiyē boje diede par̄r̄oque, aru m̄je vainí tuiye boje ñai abjuvai jaboc̄re.

<sup>15</sup> Ūbejarā m̄ja iyede, ij̄arav̄ucav̄u J́menijicure ju abev̄u ne uede. Aru ūbejarā yo ij̄arav̄ucarō cūiquinore máre. Ñai ūc̄u baru ij̄arav̄ure aru ij̄arav̄uquede máre, ñai b̄ujobebi ūc̄u majepacu J́menijicure. <sup>16</sup> Que baru ina ij̄arav̄ucav̄u ne dápiaino, ne ur̄o, aru ne c̄varō máre J́menijic̄u jino ānev̄u. Quénora ij̄arav̄ucav̄uvar̄i jinomu no. Aru ñai abjuvai jaboc̄u jinomu no. Ðaiȳuriv̄u yópe ne āmeina Ðaiȳere. Aru c̄vaiȳuriv̄u caiye iye āmene ne jáiyede. Aru, “¿Meara márica caiv̄u arev̄u p̄eno?” arí cuiȳuriv̄u. <sup>17</sup> Ūbenita ij̄arav̄ucav̄u b́jare nuiv̄u ne āmeina Ðaiȳere. Quénora ñai Ðaȳu yópe J́menijicui ūr̄ope c̄vac̄ȳume j̄arav̄u cūiméj̄arav̄u baquinóre.

**Jāve aiyē aru boroc̄e**  
(1 Co 2.10-16)

<sup>18</sup> M̄ja, j́m̄ajinape paiv̄u, joabenomu ij̄arav̄u cūiquino. Javede jápiadav̄u m̄ja cūinác̄u dac̄ȳure, ñai Cristoi mauc̄u bac̄ȳare. Aru caride obediv̄u mauc̄variv̄u Cristore. Que baru coreóv̄aiv̄u maja joabenore ij̄arav̄u cūiquinore. <sup>19</sup> Ina Cristore mauc̄variv̄u maje j̄eneboi c̄teima. Ūbenita majev̄u āmema. Que baru etadama na majare jocarí. Majev̄u baru, c̄jebu na majaque. Ūbenita ne etaiye báque boje majare jocarí, majidiv̄u maja majev̄u ānev̄ure.

<sup>20</sup> M̄jareca Cristo daroibi Esp̄ritu Santore. Que teni ñai Esp̄ritu Santo majide Ðaibi m̄jare yávaeiye j̄avene aru jāve āmene máre. Que baru caiv̄u majidiv̄utam̄u m̄ja. <sup>21</sup> Yu toivacabev̄u

m̄jare m̄je majibe boje iye yávaeiye j̄avene. Quénora yu toivacaiv̄u m̄jare m̄je majié boje diede, aru m̄je majié boje iye boroc̄bede, iye jāve coȳuiye.

<sup>22</sup> Ácu p̄oc̄u “Jesús J́menijicui mácu Cristo āmemei” ayu baru, ūrecabe boroc̄uc̄u. Ñai nópe ayu mauc̄vaibi Cristore. Que teni ju abebi J́menijicure aru Cristore máre. <sup>23</sup> Ácu p̄oc̄u “Jesús J́menijicui mácu Cristo āmemei” ayu baru, yóvabec̄ube majepacu J́menijicure. Ūbenita ñai “Jesús J́menijicui mácu Cristobe” ayu baru, ūrecabe yóvaȳu majepacu J́menijicure máre.

<sup>24</sup> Que baru ār̄ujara iye J́menijicui yávaeiye méne m̄je jápiaiyē báquede m̄je ju aiyē báquede Jesúre mamarum̄re. Me dápiajarā iye yávaeiyede j̄avene m̄je ūmei. M̄ja me dápiaiv̄u baru iye m̄je jápiaiyē báquede, m̄jacap̄urav̄u yóvar̄ajaramu J́menijicui mácu Jesucristore, aru J́menijicure máre cūináv̄upe, cūináturu m̄je ūmei. <sup>25</sup> Aru yorecabu Jesús “Yu c̄vare Ðac̄ȳumu m̄jare j̄arav̄u cūiméj̄arav̄u baquinóre”, ñi aino mácarō.

<sup>26</sup> Yu toivacaiv̄u m̄jare m̄je majinajiyēpe ayu arev̄u ne borore, ina m̄jare juovaiȳuriv̄ure. <sup>27</sup> Ūbenita m̄jacap̄urav̄u javede jacor̄quemav̄u ñai Esp̄ritu Santore, c̄uc̄re m̄jaque, Jesucristo ñi daroim̄u mácure m̄jare. Aru ñai Esp̄ritu Santo bueibi m̄jare caiyede. Aru ñi bueiye m̄jare j̄avetamu. Boroc̄betamu die. Que baru apec̄u jaubebi m̄jare majicac̄ȳu iye yávaeiyede j̄avene. Que baru yóvajarā m̄ja Jesucristore cūináv̄upe cain̄m̄a, cūináturu m̄je ūmei.

<sup>28</sup> Aru m̄ja, j́m̄ajinape paiv̄u, quédata yóvajarā m̄ja Jesucristore cūináv̄upe, cūináturu m̄je ūmei caride aru p̄u ñi copaidaquij̄arav̄uita, maja númuri aiv̄u ñi jipocai j̄ubev̄v̄a aru c̄yojarō máre c̄beda. <sup>29</sup> Coreóv̄aiv̄u m̄ja Jesucristore meacu bajure J́menijicui jáinore. Que baru coreóv̄aiye jav̄u m̄jare iyede máre: Caiv̄u Ðaiv̄u mearore, nárecabu J́menijicui mára.

### Jūmenijicui mára

(Jn 1.12, 29; He 2.14-15)

**3** <sup>1</sup>“Jímaratamu mŭja”, aibi majepacu Jūmenijicu majare. Que baru coreóvaivubu maja aipe Jūmenijicu urarō ucure majare. Aru jāve ũi mǎratamu maja. Ũbenita apevu pōeva ijārvacavu coreóvabema majare. Jūmenijicure aru Jesucristore máre coreóvabema na. Que baru majare máre coreóvabema na.

<sup>2</sup>Mŭja, jívu, ji ũmara, caride Jūmenijicui mǎratamu maja. Ũbenita coreóvabevu maja cǎreja aipe ārojarajivu bǎrǎjivure yóbore. Quédata coreóvaivubu maja Jesucristoi daquiyede ũpe tenajivu, maje jári majinajije boje ũre aipe ārojacure.

<sup>3</sup>Aru caivu maja napini coreívubu Jūmenijicui oatvaquiyede majare maje Cristope barǎjijyéde, ċare numemuri āmeina teiyede. Quéhora mearore ċaiyurivubu yópe Cristovacari mearore ċaiyepe cainumua, ũi me boje.

<sup>4</sup>Caivu ina āmeina teivu ju abema Jūmenijicui ċaicōjeiye báquede. Que teni maucvadamama Jūmenijicure. Que baru āmeina teiye cūináturubu ju abepedeca Jūmenijicui ċaicōjeiye báquede. <sup>5</sup>Jesucristo cūetedejame ijārvai jaruvacuvu āmeina teiyede. Aru ũcapūravu meacu bajube. Que baru ye āmeina teiye cubevu ũre.

Javede coreóvaivubu mŭja diede. <sup>6</sup>Que baru caivu maja yóvaivu Jesucristore cūinávpe, cūináturu maje ũmei, āmeina tévabevu. Ũbenita caivu ina āmeina tévaivu ye jápiarí eabema Jesucristore aru coreóvabema ũre.

<sup>7</sup>Mŭja, jímajinape paivu, jápiabejará ina jujovaiyurivure mŭjare. ũai ċayu mearore cainumua ċaibi mearore yópe Jesucristovacari ũi ċaiyepe mearore cainumua. <sup>8</sup>Ũbenita ũai ċayu āmeina teiyede, ũai abujuvai jabocu jicube. Mamarumure ũai abujuvai jabocu maucvarejaquemavu Jūmenijicure. Que teni mamarumure aru pu caride máre, cainumua āmeina teiyede ċaibi ũ. Que barureca darejame Jūmenijicui mácu, jaruvacuvu ũai abujuvai jabocui

ċaiyede. <sup>9</sup>Caivu maja Jūmenijicui mára Jūmenijicui apure ċaiyede mamaene cuvavu maja. Que baru cūinácu cubebi Jūmenijicui mǎracacu cōmajije ċayu āmeina teiyede cainumua. Aru āmeina tévayu buojabebi ũ. <sup>10</sup>Ácu pōecu mearore ċaiyubecu baru, Jūmenijicu jicu āmemi ũ. Aru ácu pōecu ũ jicure máre ubecu baru, Jūmenijicu jicu āmemi ũ. Que baru coreóvaivubu maja ũamene Jūmenijicui mǎrare aru ũamene abujuvai jabocui mǎrare máre.

### Ũrǎjarevu maja majevure

(Jn 5.24, 13.34, 15.12-13)

<sup>11</sup>Jápiavubu mŭja iye yávaiyede mŭje ju aiye báquede Jesúre mamarumure aru caride máre. Ũe javvu majare majevure. <sup>12</sup>ċaiye javbevū majare yópe Caín mácu ũi ċaiye báquepe. Ũ mácu ũai abujuvai jabocu jicu barejaquemavu, aru boarí jaruvarejaquemavu ímacu bǎcure. ċAipe teni boarí jaruvarejaquemari ũ mácure? Caín mácu ċare nurejaquemavu āmenore Jūmenijicui jáinore. Ũbenita ímacu bácu ċare nurejaquemavu mearore Jūmenijicui jáinore. Que baru Caín mácu boarí jaruvarejaquemavu ímacu bǎcure ũi baju jorojínina.

<sup>13</sup>Mŭja, jívu, cūcumamejara mŭja ina ijārvacavure Jūmenijicure ubevu ne ubede mŭjare máre.

<sup>14</sup>Jipocamia maja yaivu bǎcavupe paivvacari, apurivupe barejávū. Ũbenita caride apué mamaene cvarivubu maja. Aru coreóvaivubu maja apurivure jāve caride, maje ũe boje majevure. Ũbenita ũai ubecu ũ jivure apucvacari caride, jāve yaivú bǎcure páyube ũ. <sup>15</sup>Ácu pōecu ubecu ũ jicure, boaipōecure páyube ũ. Aru coreóvaivubu mŭja boaipōecu cubecure apué mamaeque. Que baru cuvabecube ũ jǎravu cūiméjǎravu baquinóre.

<sup>16</sup>Jesucristo jáđovarejame majare aipe ċarí maje urǎjínore majecure, yaicávu majare boje. Quédecá ċaiye javvu majare máre, jívu maje bajure yaicáivu majevure boje. <sup>17</sup>Ácu pōecu cūve cuvacu baru aru jáñu maru ũ jicure cūve cuvabecure ũre javéde, ũbenita yéde

jíbecu ñai cõmaje ãrojacure cadatebebi úre. Jáve “Yũ uvu Jũmenijicure ji úmeque”, arí buojabebi ũ. Quénora ñai cõmaje ãroje jámecu ubebi Jũmenijicure jáve. <sup>18</sup>Mũja, jímajinare paivu, quéda “Úvu yu jícare” abenajarevu. Quénora jádovarajarevu urivu majevure maje ðaiyeque. Que baru cadatenajarevu náre.

**Jidubevuva Jũmenijicui jáinore**  
(Jn 13.34, 15.12, 17)

<sup>19</sup>Maja urivu baru majevure jáve, coreóvaivubu maja ðaivure yópe Jũmenijicui yávaiye jávepe. Que teni cãrijimevva maje úmei jidubevu maja Jũmenijicui jáinore. <sup>20</sup>Úbenita maja jidurivu baru maje dápiaiye bojedabevu yópe Jũmenijicui yávaiye jávepe, cãrijiyi jaubevu majare. Que baru maja ñájine ðabenajaramu maje bajure maje dápiaiye boje. Quénora Jũmenijicu ñájine ðacuyume majare ũi majié boje caiyede. <sup>21</sup>Mũja, jívu, ji umara, maja jidubevu baru maje dápiaiyeque, ména curivubu maja Jũmenijicui jáinore, jëniarajivu úre maje uede. <sup>22</sup>Aru Jũmenijicu ðacacuyume majare caiyede yópe maje jëniaiyepe úre, maje ju aiye boje ũi ðaicõjeiye báquede aru maje ðaiye boje yópe ũi urõpe. <sup>23</sup>Jũmenijicu ðaicõjeimi majare, maje ju arãjiyepe ayu mamacu Jesucristore, aru maje urãjiyepe ayu majevure, yópe Jesúi ðaicõjeiyepe. <sup>24</sup>Caivu maja ju aivu Jũmenijicui ðaicõjeiye báquede yóvaivubu Jũmenijicure cüinávure, cüináturu maje úmei. Coreóvaivubu maja Jũmenijicui cuede majaque, maje cuvae boje ñai Espiritu Santore, Jũmenijicui daroimu mácure majare.

**Jũmenijicui Espiritu Santo aru ñai Cristore maucuvacu**  
(Mt 7.15; Jn 8.47, 15.19; 2 Jn 7)

**4** <sup>1</sup>Mũja, jívu, ji umara, ju abejarã mũja caivu ina “Jũmenijicui Espiritu coyucõjeimi yure” aivure. Úbenita cainumua cüinácu põecu “Que aibi Jũmenijicu” ũi arí coyuru, jári coreóvajarã mũja ũi coyuiyede, majinajivu jáve Jũmenijicui Espiritu

dápiaicõjeñure úre. Que ðajarã mũja, obedivu Jũmenijicui yávaiyede coyucõpõevape teniduvu ne ðaiye boje. Coyure cuivubu “Jũmenijicui yávaiyede coyucõpõecubu yu” aríduivu. Úbenita borocurivubu na. <sup>2</sup>Coyucõjivuvu mũjare aipe ðarí coreóvarí buojarãjivure cüinácu põecu dápiaiyure yópe Jũmenijicui Espiritu ũi cõjeiyepe. Caivu ina aivu “Jesucristo, Jũmenijicui mácu, jáve daibi põecupe ijãravui”, dápiaivubu na yópe Jũmenijicui Espiritu ũi dápiaicõjeiyepe. <sup>3</sup>Úbenita ñai jáve dápiaibecu yópe Jũmenijicui Espiritu ũi dápiaicõjeiyepe, dápiaibi yópe Cristoi maucu ũi dápiaiyepe. Javede jápiaidavũ mũja ñai Cristoi maucu dacuyure. Aru caride curivubu ijãravui ina Jũmenijicui yávaiyede coyucõpõevape teniduvu, úbenita borocurí. Yópe Cristoi maucu ũi dápiaiyepe dápiaivubu. Que baru borocueque coyuvubu na.

<sup>4</sup>Mũja, jímajinare paivu, mũjacapũravu Jũmenijicu jinatamu. Que baru Jũmenijicui Espiritu Santo dápiaicõjeimi mũjare. Ijãravucavu Jesúre ju abevu ñai abujuvai jabocu jinatamu. Aru ñai abujuvai jabocu dápiaicõjeimi náre. Úbenita parucube ñai dápiaicõjeñu mũjare, ñai náre dápiaicõjeñu pueno. Que baru mũja vainí tuivubu ina Jũmenijicui yávaiyede coyucõpõevape teniduvu borocurivure. <sup>5</sup>Nãcapũravu ijãravucavu Jesúre ju abevu névutamu. Que baru cainumua coyuvubu na ijãravuquede. Aru ina jápiaivu náre máre ijãravucavu Jesúre ju abevutamu na. <sup>6</sup>Úbenita majacapũravu Jũmenijicu jinatamu. Ñai coreóvayu Jũmenijicure torojucu jápiaibi maje bueiyede. Úbenita ñai coreóvabecu Jũmenijicure jápiaibebi maje bueiyede. Que ðarí coreóvaivubu maja ñamene coyuyure yávaiyede jávene aru ñamene yávaiye borocuede.

**Jũmenijicu ubi põevare**  
(Mt 5.44-45; Mr 12.29-31; Jn 1.18, 3.16-17; Ro 8.9; 1 Jn 3.24)

<sup>7</sup>Mũja, jívu, ji umara, Jũmenijicu ure ðaibi majare majevure. Que baru ue



jaunu majare majevure. Caivu urivu arevure Jūmenijicui maramu maja. Aru coreóvaivubu maja Jūmenijicure máre. <sup>8</sup>Jūmenijicu ubi caivu pōevare. Que baru ñai ubecu ũ jivure, Jūmenijicure coreóvabebi ũ. <sup>9</sup>Jūmenijicu jáđovarejaquemavu ũi urōre majare daroyu bācu mamacure cūinácura yui ijāravui, maje cūvarājiyepe ayu jāravu cūimējāravu baquinóre, mamacui yaiye báque boje majare. <sup>10</sup>Maja buojari urivubu Jūmenijicure quíjinora. Ūbenita Jūmenijicu buojari ubi majare pñeno urarō baju. Yópebu Jūmenijicui ue jāve: Jūmenijicu darorejaquemavu mamacure ijāravui, jícuy ũre ũi yaicáquiyepe ayu majare boje, Jūmenijicui ārumetequiyepe ayu maje āmeina teiyede.

<sup>11</sup>Maja, jívu, jí ũmara, nópe urarō baju ubi Jūmenijicu majare. Que baru nopedeca ue jaunu majare máre maje baju. <sup>12</sup>Ácu pōecu Jūmenijicure jáñu mácu cubebi ũ. Ūbenita maje uru majevure, Jūmenijicu yóvaibi majare cūinávure, cūináturu maje ũmei. Que teni coreóvaivubu me aipe đarí buojari urivu Jūmenijicure jāve. <sup>13</sup>Jūmenijicu darorejaquemavu ñai Espiritu Santore, ũi cuquiyepe ayu majaque, maje majinajiyepa ayu jāve Jūmenijicui yóvaiyede majare aru maje cūvaede ũre máre cūinávure, cūináturu maje ũmei. <sup>14</sup>Aru ñu javacari járejcarā Jūmenijicui mácure. Que baru coyivubu majepacu Jūmenijicui daroie báquede mamacure ijāravui. Pōevare coyivubu majepacu daroie báquede mamacure, ũi meadaquiyepe ayu ijāravucavure abujuvai jabocui paruéde jaruvari. <sup>15</sup>Ácu pōecu “Jesucristo Jūmenijicui mácube” ayu, ũ jāve yóvaibi Jūmenijicure aru Jūmenijicu máre yóvaibi ũre cūinávure, cūináturu ne ũmei.

<sup>16</sup>Que baru maja coreóvaivubu Jūmenijicu ucure majare. Aru ju aivubu maja diede jāve. Jūmenijicu ubi caivu pōevare. Ñai ucu Jūmenijicure aru arevure máre cainmua, ũrecabe yóvaYu Jūmenijicure aru Jūmenijicu

máre yóvaibi ũre cūinávure, cūináturu ne ũmei. <sup>17</sup>Coreóvaie jaunu majare aipe đarí maje urōre Jūmenijicure jāve, jidubenajivu ũi ñájiovaquijāravu baquinóre āmeina teivure. Jesucristoi pacu Jūmenijicube. Aru maja máre, ijāravu cūrivui pacube ũ. <sup>18</sup>Ñai ucu Jūmenijicure jāve jidubecube ũre ũi ñájiovaquijāravu baquinóre. Ū majibi Jūmenijicu ñájine đabecuyure náre, ina urivure ũre jāve, ne āmeina teie boje. Que baru jidubecube ũ. Ūbenita ácu pōecu jiducu baru, buojabebi ucu Jūmenijicure jāve cāreja.

<sup>19</sup>Jūmenijicucapūravu urejaquemavu majare mamarumure. Que baru maja máre uvu Jūmenijicure caride. <sup>20</sup>Ñai “Jūmenijicure uvu yu” ayu baru, aru que ayuvacari ubecu baru ũ jicure, ñai pōecu borocubi ũ. Ñai ubecu baru ũ jicure, ũi jáimure, jāve buojabebi ucu Jūmenijicure, ũi jámemure. <sup>21</sup>Que baru đaicōjeimaramu maja. Ñai ucu Jūmenijicure, ujacurí ũ jicure máre.

**Maje vainí tuino ijāravucarō āmenore**  
(Mt 11.30; Jn 14.15; 2 Jn 6)

**5** <sup>1</sup>Caivu “Jesúrecabe Jūmenijicui mácu Cristo” aivu, Jūmenijicui maramu maja. Cūinácu ucu baru apecui pacure, mamacure máre ubi ũ. <sup>2</sup>Que baru maja urivu baru Jūmenijicure aru đaivu baru yópe ũi đaicōjeie báquepe, coreóvaivubu urivu Jūmenijicui mārare máre. <sup>3</sup>Ñai ucu Jūmenijicure đayube caiyede yópe ũi đaicōjeie báquepe. Aru caiye iye Jūmenijicui đaicōjeie báque maiyójabevu ñai pōecure ũi đaiyede. <sup>4</sup>Caivu ina Jūmenijicui mára vainí tuivubu caino no ijāravucarō āmenore. Jesucristo javede vainí turejaquemavu ijāravucarō āmenore. Que baru maje ju aie boje ũre maja máre vainí tuivubu nore. <sup>5</sup>Ñai ju ayu Jesucristore, Jūmenijicui mácure, ũrecabe vainí tuyu ijāravucarō āmenore.

**Jūmenijicui mácurā jāve coyūino**  
(Jn 3.36, 5.32-37, 8.18)

<sup>6</sup>Ñai Jesucristorecabe dayu bácu ijāravui. ũrecabe jáđovaimu mácu

Jūmenijicui mácu ocoque, Juan Bautista bácu ũi jáđovaiye báquede úre Jūmenijicūque ocoque. Ūbenita quéda ocoque jáđovaimū mácu Jūmenijicūque āmeme ũ. Quénora úrecabe jáđovaimū mácu Jūmenijicui mácu jiveque máre, ũi yaiye báquede jocusjaravena aru ũi nacajaiye báquede yainore jaruvarí. Nāi Espírítu Santovacari cainumua borocubecu ju aibi diede jāve. <sup>7-8</sup>Maja coreóvaivubu Jesucristore Jūmenijicui mácure jāve bajure yóbecue jáđovaiye cue boje. Mamarumure nāi Espírítu Santo coreóvare đayube diede. Aru maja coreóvaivubu diede Jesús ũi jáđovaiye báque boje Jūmenijicūque ocoque. Aru coreóvaivubu diede máre, Jesús ũi jive meiyé báque boje ũi yaiyede. Caiye iyeque coreóvaivubu maja Jesucristore Jūmenijicui mácure jāve bajure. <sup>9</sup>Pōeva “Jāvemū no” ne aiyede, maja ju aivubu náre. Ūbenita apenumua pōeva borocuma na. Ūbenita Jūmenijicucapūravu borocubecube cainumua. Que baru pueno baju jāvūvū majare maje ju aiyé úre. Aru Jūmenijicuvacari “nāi jímacu”, arí coyūibi Jesucristorā. <sup>10</sup>Nāi ju ayū Jūmenijicui mácu Jesúre, majibi ũi ũmei Jūmenijicui coyūiye báquede jāvene. Ūbenita nāi ju abecu Jūmenijicui mácu Jesúre, yópe borocucupe dápiaibi Jūmenijicure, ũi ju abe boje Jūmenijicui coyūiye báquede mamacurā. <sup>11</sup>Iye Jūmenijicui coyūiye báquebu ũi cūvare đaiye majare jāravū cūiméjāravū baquinóre. Aru Jūmenijicu cūvare đaiibi majare diede maje ju aiyede mamacure. <sup>12</sup>Nāi yóvayū Jūmenijicui mácure cūvabi jāravū cūiméjāravū baquinóre úque máre. Ūbenita nāi yóvabecu Jūmenijicui mácure cūvabebi jāravū cūiméjāravū baquinóre úque.

**Toivarí buojarí majicaino**

(Mt 7.7-11; Lc 11.9-13; Jn 15.7, 16, 16.23-24, 17.3, 20.31; 1 Jn 3.21-22)

<sup>13</sup>Caiye iyede yū toivacaiyū mujare, Jūmenijicui mácure ju aivure, mūje

majinaiyere ayū cūvarivure jāravū cūiméjāravū baquinóre úque.

<sup>14</sup>Coreóvaivubu maja maje jēniaiyede Jūmenijicūque yópe ũi ũrōpe járiayure majare. Que baru jēniaivubu úre jidubevūva. <sup>15</sup>Aru yópe maje majiépedeca járiayure maje jēniaiyede, quédeca majivū maja maje jēniaiyede Jūmenijicūque jacorūivure diede.

<sup>16</sup>Cūinácu pōecu jāñū maru ũ jicure āmeina teyure aru majicu baru Jūmenijicu ārumeteni buojayure no āmeina đainore, jēniacaiye jāvū nāi pōecure ũ jicure boje, ũi cūvaquiyere ayū jāravū cūiméjāravū baquinóre. Aru Jūmenijicu ārumeteni majicu baru, cūvare đacūyume úre jāravū cūiméjāravū baquinóre úque. Ūbenita cūinácu pōecu āmeina đayū baru Jūmenijicui ārumeteni buojabede, nāi pōecu nājicūyume, coateyū Jūmenijicure jaruvarí. Yū coyūbevū mujare mūje jēniacaiyede Jūmenijicūque nāine. <sup>17</sup>Caiye pōeva ne āmeina đaiye, diedecabu āmeina teiye. Ūbenita ape āmeina teiye coatede đabevū pōevare Jūmenijicure jaruvarí. Quénora Jūmenijicu ārumeteibi diede.

<sup>18</sup>Majidivubu maja caiyū ina Jūmenijicui mārare đare numevure āmeina teiyede caride. Jūmenijicui mácu coreibi náre, abujuvai jacobū ũi ĩmequiyere ayū náre. Que baru āmeina đare numema na. <sup>19</sup>Coreóvaivubu maja Jūmenijicui mārare. Ūbenita caiyū apēvū ijāravūcavū cūma abujuvai jacobūi đaicōjeimara. <sup>20</sup>Aru majidivubu maja Jūmenijicui mácure đayū bācure ijāravūi, ũi coreóvare đaquiyere aivū majare nāi Jūmenijicure jāve. Maja curivubu úque, Jūmenijicu jāveque. Aru curivubu maja Jūmenijicui mácu Jesucristoque máre. Jesucristo Jūmenijicutame. Aru cūvare đaiibi majare jāravū cūiméjāravū baquinóre úque. <sup>21</sup>Mūja, jímajinape paivū, jíbejarā mūja mearore pēpeimarare. Quénoramū.

## 2 San Juan

Mamabuinore coyuiyebu Juan mácu ñi toivacaiye báquede iyoca mamayoca yóbocayoca ñi paperayocare. Juan mácu barejaquemavu judíovacacu, Galilea ámicurijoborócacu, aru Jesús ñi yávaiye méne beorí coyucójeimaracacu. Ñi mamicu Santiago bácuque moa boaipóecu bácu barejaquemavu, Jesús órejaquiye jipocare ñi mácu. Lucas bácu coyurejaquemavu Juan mácu borore Hch 3:1-4:22. Majidivú ne dápiayepe, toivacarejaquemavu diyocare ñi mácu cücü bácu Éfeso ámicuríimaroí, ne coreóvayipe boje ñi mácu Éfesocavu Jesúre ju aipóevare coreipóecu bácu. Apevu ne dápiayepe, ico ju aipóeco báco aru ói mára mácavu, ñi toivacaimara mácavu, Partia ámicurijoborócacu barejaquemavu. Póecu cubebi majicu ye uju ñi toivacaiju bácaróre diyocare, ñbenita obedivú ne dápiayepe ániuju báquede 87-90 d.C. baji, ñi toivacaiye jipocare ñi coyuiyede Jesucristorá aru Jesucristoi jádovaiye báquede ñi mácu, ñbenita ñi toivacaríburu yóbore ñi mamayoca paperayocare.

Toivacarejaquemavu Jesúre ju aipóevare, ne urájiyepere ayu Jümenijicure aru apevu Jesúre ju aipóevare máre, aru ne majinajiyepere ayu aipe ñaiye jauróre jujovaiñuque, ina Jesúre ju aivupe tenidivñuque.

### **Bueiye jáve aru jáve ñe máre**

*(Jn 13.34, 14.15, 23-24, 15.12, 17; 1 Jn 5.3; 3 Jn 3)*

<sup>1</sup>Yú, bucucu, Jesucristore ju aivure coreipóecu, toivacaiñu mure, jíco, Jümenijicui beoimore aru mímarare máre. Meaicójeivú mujare. Yávacari jáve ñvu mujare, maje coreóvayipe boje Jümenijicui yávaiyede jávene. Aru yu cüinácura ámevu ñcu mujare. Ñbenita caiñu ina coreóvaiñu Jümenijicui yávaiyede jávene, na máre ñrivubu mujare. <sup>2</sup>Ñuja ñrivubu mujare, ñuje majié boje Jümenijicui yávaiyede jávene. Que baru caiñu maja curivubu majidivú iye yávaiyede jávene caride. Aru cainñmua curájaramu maja dieque.

<sup>3</sup>Maje cuede ijárvai curájaramu maja me, coreóvaiñu Jümenijicui yávaiyede jávene aru ñrivú majevure. Majepacu Jümenijicu, mamacu Jesucristomaque, mearo ñacacuyume majare bojecubeda ñi me boje, ñi cõmaje ároje jáiyede aru ñi cárijimene cure ñaiyede máre.

<sup>4</sup>Majivú yu apevu mímaracavure curivure ju arí Jümenijicui yávaiyede

jávene yópe majepacu Jümenijicu ñi ñaicójeiyepere majare. Que baru pare torojvú yu ji úmei. <sup>5</sup>Aru mu, jíco, ji mo, caride yu jéniaivú mure. Urájevavú majevure, caiñu maja Jesúre ju aivú.

Yu toivacabevú mure apeno ñaicójeino mamarore. Quénora ji toivacaiye mure cüináturubu no ñaicójeino mácaró, maje ju aipe báque Jesúre mamarñmure.

<sup>6</sup>Aru maja ñrivú baru Jümenijicure, ñarájivubu caiyede yópe ñi ñaicójeiye báquepe. Ñaicójeimi ñi majare apevure arí curivure. Muja járiaivubu no ñaicójeino mácaróre, muje ju aipe báquede Jesúre mamarñmure. Aru caride máre ju aivubu nopedeca.

### **Ina jujovaiñu pòevare**

*(Mt 7.15; 1 Jn 2.18, 22-23, 4.1-3, 15)*

<sup>7</sup>Obedivú jujovaiñu cuivubu yore ijárvai. Nárecabu ju abevú Jesucristore jáve dayu bácu pòecupe ijárvai. Ácu pòecu que ayu baru, úrecabe jujovayú pòevare aru maucñvacu Cristore máre.

<sup>8</sup>Me jájara muja, muje bíjabenajiyepere aivu yo bojedaino jauróre mujare, muje memecaiye boje. Quénora me ñajará

m̄ja, c̄varājiv̄ caino no bojedaino  
jaur̄ore m̄jare.

<sup>9</sup>Aru ácu p̄oc̄u buebec̄u yópe  
Jesucristo ñi bueiye báquepedeca  
quénora bueȳu baru ape bueiyede  
Jesúí bueiye báquede jar̄var̄í, úrecabe  
yónabec̄u J̄menijic̄ure. Ëbenita ácu  
p̄oc̄u bueȳu baru yópe Jesucristo ñi  
bueiye báquepedeca, úrecabe yónaȳu  
J̄menijic̄ure aru J̄menijic̄uí mácuere  
máre. <sup>10</sup>Ácu p̄oc̄u bues̄daȳu baru  
m̄je yebai ape bueiyede Jesúí bueiye  
báquede jar̄var̄í, ñaine cop̄u etabejar̄á  
m̄je c̄ramiai aru jacoýbejar̄á úre.

<sup>11</sup>Que teni úre jacoýiv̄u baru, j̄u aiv̄u  
ñi bueiye boroc̄ede, yónaiv̄ubu úque  
ámeina ðaiv̄u.

#### Meaic̄ojeino

(3 Jn 13-14)

<sup>12</sup>Apeno urar̄o coȳinore coȳiȳuv̄u  
m̄jare. Ëbenita yore toivaiȳubev̄u ȳu.  
Quénora napini coreiv̄u ȳu jác̄dac̄uȳu  
m̄je yebai, yávac̄uȳu ji bajumiareca,  
maje buojar̄ajiyere aȳu toroj̄ariv̄u maje  
úmei. <sup>13</sup>Mimamicoi mára, J̄menijic̄uí  
beoimo mácoi mára, meaic̄ojeidama  
m̄re. Quénoram̄u.

## 3 San Juan

Mamabuinore coyuiyebu Juan mácu ñi toivacaiye báquede iyoca ñi buojaiyoca paperayocare. Juan mácu barejaquemavu judíovacacu, Galilea ámicurijoborócacu, aru Jesús ñi yávaiye méne beorí coyucójeimaracacu. Ñi mamicu Santiago bácuque moa boaipóecu bácu barejaquemavu, Jesúí órejaquiye jipocare ñi mácure. Lucas bácu coyurejaquemavu Juan mácuí borore Hch 3:1-4:22. Majidivú ne dápiayepe, toivacarejaquemavu diyocare ñi mácu cucu bácu Éfeso ámicuríimaroí, ne coreóvaiye boje ñi mácu Éfesocavu Jesúre ju aipóevare coreipóecu bácu. Apevu ne dápiayepe, ñai Gayo bácu, Jesúre ju aipóecu bácu, ñi toivacaimu mácu, Partia ámicurijoborócacu barejaquemavu. Póecu cubebi majicu ye ujú ñi toivacaijü bácaróre diyocare, ñbenita obedivu ne dápiayepe ániujua báquede 87-90 d.C. baji, ñi toivaquiye jipocare ñi coyuiyede Jesucristorá aru Jesucristoi jádovaiye báquede ñi mácure, ñbenita ñi toivacaríburu yóbore apanyoca pucayoca ñi paperayocare.

Toivacarejaquemavu “Torojvú yu mñjaque”, coyucuy ñai Gayo bácu aru Demetrio bácu máre, ne ñaiye boje yópe jaurope Jesúre ju aipóevare. Ñbenita coyurejaquemavu ñi ñbede ñai Diótréfes bácu ñaiyede.

### Gayo mearore jímu

(Hch 19.29; Ro 16.23; 1 Co 1.14; 2 Jn 4)

<sup>1</sup>Yú, bucucu, Jesucristore ju aivure coreipóecu, toivacaivu mure, ji yóvaimu, ji umu, Gayo. Yúvacari jáve unu mure, maje coreóvaiye boje Jümenijicui yávaiyede jávene.

<sup>2</sup>Mu, ji yóvaimu, ji umu, yu Jümenijicucque jénicaivu mure, ñi cadatequiyepe ayu mure caiye mi ñaiyede, aru ñi me cure ñaiyepere ayu mi bajure duica ijiéde jarvarí yópe mi úme cüpe me ámeina teiyede jarvarí.

<sup>3</sup>Pare torojvú yu ji úmei apevu majevú Jesúre ju aipóeva ne coyuiyede, ne járiburu yóboi mure, aipe mi cüede Jümenijicui yávaiyede jávene ju ayu.

<sup>4</sup>Yúcapúravu püeno baju torojvú majicu mñje borore jímajinape paivure, curivure ju arí Jümenijicui yávaiyede jávene, yópe ñi urópe. Ye apejé cubevú torojure ñaiye yure die püeno.

<sup>5</sup>Mu, ji yóvaimu, ji umu, cainumua mearo ñaivu mu yópe ñaiye jaúepe mure mi cadatevaiyede majevure Jesúre ju aipóevare mi majibemara

mácvureca. <sup>6</sup>Ina copaivu bácvu mure jocarí coyuyama mi borore yui Jesúre ju aipóeva ne jápiayede. Coyuyama aipe mi cadateiyede náre mi ñe boje.

Aru ne copaiyede mi yebai, cadatejacu náre cojedeca náre jaúéde. Que teni mu me buojare ñaiquijivú náre yópe Jümenijicui urópe, ne curánuiyede. <sup>7</sup>Na etaima coyurájivú Jesús ñi yávaiye méne ina Jesúre ju abevure cáreja. Aru náque yéde jacopübetimada apejéne.

<sup>8</sup>Que baru cadateiye javu majare máre ina Jesúre ju aivure ina coyivure iye yávaiyede jávene, ne memecarájiyepere aivu Jümenijicure jáve.

### Diótréfes ñi ámeno ñaino aru

Demetrio ñi mearo ñaino

(1 Jn 2.29, 3.6, 9-10)

<sup>9</sup>Apanyoca paperayocare toivacavu yu caivu Jesúre ju aipóevare mi yebai. Ñbenita Diótréfes, ñai caivure jaboteiyucu, jápaiyübebiya ji coyuiye báquede aru ju abebiya yure. <sup>10</sup>Que baru ji ñaiyede mi yebai coreóvare ñaiquijivú yu caivure aipe ñi ñaiye báquede.

Borocucu ámeina yávaibiya ñujare. Aru

pueno ameno dai biya. Évacari copu etabebiya majevure curānuivure. Pueno ameno dayu, náre copu etaicōjememiya ina curānuivure Jesúre ju airōevacavu copu etaiyurivure náre. Pueno ameno dayu, ina curānuivure copu etaiyurivureca ecoicōjememiya Jesúre ju airōeva ne cójjiñami jivui. Que dai biya ñai Diótfes.

<sup>11</sup> Mu, ji yóvaimu, ji umu, dabecacu mu náre, ameina dai vure. Qué nora dajacu mu náre, ména dai vure. Ñai pōecu ména dayu Jūmenijicu jicube ũ. Ubenita ñai pōecu ameina dayu coreóvabebí Jūmenijicure. <sup>12</sup> Demetriocapūravu caivu ne me yóvaimume. Évacari cubi me ũi

majié boje Jūmenijicui yávaiyede jāvene. Ñuja máre coyuvubu ñuje jáiye báque boje aipe ũi mearo daiyede. Aru majivu mu ñuje yávaiyede jāvene.

#### Meaicōjeino

(2 Jn 12)

<sup>13</sup> Apeno urarō coyūnōre coyūyuvu mure. Ubenita yore toivaiyubevu yu.

<sup>14</sup> Qué nora napini coreivu yu jácudacuyu mi yebai maumejiena, yávaburí maje baju ména. <sup>15</sup> Cārijimenoque cūjacu mu. Caivu mi yóvaimara yócvu meaicōjedama mure. Meajarari na, caivu ñuje yóvaimara coapa pócvu. Qué noramu.

# San Judas

Mamabuinore coyuiyebu Judas bácu ùi toivacaiye báquede paperayocare Jesúre ju aipõevare (1-3). Ùbenita árocavú ùi toivacaimara mácvure aru ári ùi cuede ùi toivacaiyede diyocare máre caivú majibevú. Judas bácu judíovacacu barejaquémavú. Jesucristoi yócu barejaquémavú. Majidivú ne dápiayepe, toivacarejaquemavú diyocare ániñjua báquede 66-90 d.C.

Toivacarejaquemavú Jesúre ju aipõeva, ne me járajipeye ayú, Jümenijicure ju abevú ne jujovabenajipeye ayú náre ne bueiye jáve ámeque, ne vainí turí bíjabenajipeye ayú ne ju aiyede jarúvarí (4-16). Coyurejaquemavú náre aipe ðaiye jaúrõre Jesúre ju aipõevare (17-23). Aru ùi toivacarí buojaiyede, jídejaquemavú mearore Jümenijicure, majare meadáyure Jesucristoi ðaiye báque boje (24-25).

## Judas ùi meaicõjeino Jesúre ju aipõevare

(Mt 13.55; Mr 6.3)

<sup>1</sup>Yúbu Judas, Santiagoi yócu, Jesucristore memecayú. Toivacaivú yú mujare, Jümenijicuí cutuimara mácvure. Majepacu Jümenijicuí jecumaramu muja. Aru Jesucristoi coreimaramu muja máre. <sup>2</sup>Jümenijicu püeno baju cõmaje ároje jájacurí mujare, me cure ðajacurí mujare cárijimevúva, aru jecújacurí mujare.

## Ina borocuede bueivure coyüino

(He 11.4; 2 P 2.1-7; 1 Jn 3.12; Ap 2.14, 12.7)

<sup>3</sup>Muja, ji umara, yu toivacarídivú mujare iye ména maje cvuade caride, Jümenijicuí meadaiye báque boje majare maje ámeina teiyede jarúvarí. Ùbenita jauvú yure ji jëniayepa paréque mujare, muje corenajipeye ayú iye yávaiye méne maje ju aiyede, Jümenijicu cüinára ùi jíye báquede ùi põevare. Que baru apevú ne ámeina yávaru diede aru apevú ne oatuvaiyuru diede, parúrõreca coyújará muja iye yávaiyede jávene. <sup>4</sup>Apevú jujovaiyú curivúbu maje jëneboi, yavenina ecoivú bácvú maje cójijíñamia jívú. Ina yópe

teivú ùbenina dápiare ðaiyuríduyama mujare. Ùbenita Jümenijicure ju abevú, ámeno ðadama. Jümenijicuí mearo ðacaiyedeca ina põevare bojecubeda ùi me boje, urarõ ámenore ðaiyú, “Jümenijicu árumetecuyame caiye iyede”, arí dápiaríduyama na. Aru ju abenama Jesucristore, majare upacure aru maje jabocure cüinácura. Que baru yópe arí, “Jesucristo jabocu cüinácura ámemi”, borocurí adama na. Javede Jümenijicu toivaicõjenejaquemavú ùi yávaiyede, põeva nópe aivú ñájinajivure, ne ámeina teiye boje.

<sup>5</sup>Iye ji coyuiyede mujare caride jave majivú muja. Ùbenita árúre ðaiyuvú mujare Jümenijicu ñájine ðayure ámeina teivure, ne ámeina teiye boje. Ina Israecavú bácvure, maje jabocu Jümenijicu ùi etavaríburu yóboi meadacuyú na mácvure Egipto ámicuríjoborõre jocarí, bíjare ðarejaquemavú nácvú bácvú ju abevú bácvure úre. <sup>6</sup>Aru ina ángelevare máre, ðabevure iye ne memeiye Jümenijicuí ðaicõjeiye báquede náre, Jümenijicure ne ùbení jarúvaríburu yóboi aru ne curó mearore jocarí etaríburu yóbore máre, Jümenijicu buorí epedejaquemavú náre ñeminitucubú. Noi buoimara mautenajarama táumeaque cainumú pü

dijaravũ Jũmenijicũ ñájiovaquijãravũ baquinõita. <sup>7</sup> Aru quédeca ina Sodoma aru Gomorra ãmicurĩĩmaroacavũ bãcavũre, aru apenoa ĩmaroa joabenoacavũ bãcavũre mãre, Jũmenijicu ñájine ðarejaquemavũ na mãcavũre toabo cũimẽboque, ne urarõ ãmeno ðaiye bãque boje ne bajumia. Dajocarejaquemavũ na mãcavũ ne ðaiye bãquede ne baju yõpe Jũmenijicũ cuedãiye bãquepedeca põevare ñi urõpe, ne ðarãjiyepe ayũ urarõ cuyõjarõ ne ðaiye bãquede ne baju ñũnuva matũivũ bãcavũ. Jũmenijicu ãicõjenejaquemavũ na mãcavũre, apenvũ ne majĩnãjiyepe ayũ aipe vaiquĩyede põeva nõpe ãmeno ðãivũre.

<sup>8</sup> Aru napedeca ina jujovãivũ, borocuede bueivũ, maje jẽneboi jujovãdamã ne baju. “Jãvemũ nõ” aru “Mearomũ yo”, arĩ ðãpiarĩduyama na. ðbenita ãmeina ðãdamã ne bajumia. Ju abenama jabovare. Aru ãmeina yãvadama ina pũeno parurivũre mãre. <sup>9</sup> ðbenita Miguevacari, ñai ángelevã jabocũ, ñi jaraiye bãquede ñai abujuvã jabocure ne jĩjateiye bãquede ñi ĩye bãqueda Moisés bãcũi baju bãcarõre pueðayũ ãmeina yãvabedejaquemavũ ãre. “Nãjicuyũmũ mũ”, abedejaquemavũ, ñi pueðãiye boje ãre. Quẽnora “Jũmenijicu ñájine ðajacurĩ mũre”, arejaquemavũ Miguecapũravũ. <sup>10</sup> Ina jujovãivũ, borocuede bueivũ, ãmeina yãvadama iye ne coreóvabede. Aru iye ne coreóvãiyede coreóvabenama ne majiẽque yõpe põeva ðãpiãivũre. Quẽnora coreóvãdamã diede ne ðãpiãiyequẽ jĩcua yõpe ãimara ðãpiãbevũre. Aru bĩjarãjaramã na nõ boje.

<sup>11</sup> iChĩorãjaramã na! ðãdamã yõpe Caĩn mãcure, ñai ĩmacũ bãcure boarĩ jarũvayũ bãcure. Aru ãmeina teðamã, earãjivũ tãuturãre yõpe Balaam mãcure. ðbenita bĩjarãjaramã, ne ju abe boje jabovare yõpe Coré bãcure. <sup>12</sup> Yõpe cuitótecajede mũje docũ jacorĩ ãmeðãiyepe, nopedeca ina jujovãivũ, borocuede bueivũ, ãmetede ðãdamã

mãjacavũre, ne cuyõje tede ðaiye boje pueðãbevũva apenvũre mũje ãranũiyede torõjuve teinoãi. Yõpe ovejavare coreipõeva ne baju me ãiyepe ðbenita jĩbevũva ãiyede ovejavare, nopedeca ina jujovãivũ ãri ũcuñamã apenvũ pũeno. Aru yõpe ocopenĩboa ũmevũque japuino ðbenita ocabenĩ cadatebenõpe põevare ne ocainõre coreniduiyede, nopedeca ina borocuede bueivũ, cadatebenamã põevãĩ ũmene ne bueiyeque. Aru yõpe jocũcũ jẽĩdua cubeca jẽĩjaravũre meamecure, nopedeca ina jujovãiyede bueivũ yãvũ bãcavũre paivũbu na, ne meame boje. Aru yõpe pũeno baju meamecure ðicure ĩnĩburũ yõbore cainõ nũoque jobore jarũvarĩ, nopedeca pũeno baju meamemã na. <sup>13</sup> Aru yõpe pãcaĩboa urãboa jã urãðãĩ jarũvaĩboape ãcarũ caivũ ne jãĩnoĩ yaore aru pojeĩyede mãre, ãme ũrojuede, nopedeca ina jãicõjẽdamã caivũre ne ðaiye cuyõjeda. Aru yõpe abĩãcova tũivũ bãcavũre ne nũimãre jocarĩ pũ ñeminitucubũ, nopedeca ina jujovãivũ curãjaramã caĩnũmã ñeminitucubũ pũeno baju ñeminoĩ, nõ Jũmenijicũ nãre ðacainõ mãcarõĩ.

<sup>14</sup> Ina jujovãivũre, borocuede bueivũre, Enoc Jũmenijicũ yãvãiyede coyũcarejaquemavũ javede nãpe paivũ ne borore. Ñai Enoc yaibẽcũ, Jũmenijicũ nũvãimũ mãcũ arũcũra ĩjarãvũre jocarĩ, Adãn mãcũĩ pãramecũ bãcũĩ pãramecũ bãcũĩ pãramecũ barejaquẽmãvũ ñi, Enoc. Yõpe arĩ, Jũmenijicũ yãvãiyede coyũcarejaquemavũ ñi: “Me jãjara. Maje jabocũ Jũmenijicũ ðacuyũme. Aru obedivũ baju ñi ángelevã mearã baju ðarãjaramã ĩque. <sup>15</sup> Bojedãcuyũme caivũ põevare, ne ðaiye bãque boje ĩjarãvũ. Ñájine ðacuyũme caivũ ina ãmeno ðãivũre ne ãmeina teiye bãque boje ne ju abe bãquede ãre, aru ne ãmeina yãvãiyẽ bãque boje copũ ãre”, arejaquemavũ Enoc. <sup>16</sup> Ina jujovãivũ, borocuede bueivũ, ãmeina yãvadãmã caiyede. Ye apeno ne jãĩno ye baquinõ ãmevũ nãre. Aru ãmecorõdamã caivũ apenvũre mãre. Ne ãmeina ðãiyũrepe ðãdamã na. Ne baju



“Ñija apa mearo ðaivubu apevu pñeno”,  
 ðbenina arĩ coyuyama. Aru “Muja  
 máre mearo ðaivubu apevu pñeno”,  
 borocurĩ coyuyama apevure. Que arĩ,  
 mamagumure vorĩ eadama náva méne  
 apevu pñeno.

**Judas ði majicaino Jesúre ju  
 aipõevare**

(2 Ti 3.1-5; 2 P 3.3)

<sup>17</sup>Muja, ji umara, arujara iyede  
 Jesucristoi yávaiye méne beorĩ  
 coyucõjeimara ne coyuiye báquede  
 mujare jipocamia. <sup>18</sup>Coyuivu  
 barejaquémavu mujare, yópe arĩ:  
 “Ñijárvava buojaquijárvava baquiyéde,  
 Cristoi copaidaquijárvavu jipocare,  
 darájarama põeva Jñmenijicure ju  
 abevu, yurivu, aru ne ãmeina ðaiyere  
 ðaivu”, arĩ coyurejaquemavu na. <sup>19</sup>Ina  
 jujovavivu, borocuede bueivu, nárecabu  
 coatede ðaiyurivu mujacavure muje  
 baju. ðaivubu ne ãmeina ðaiyere yópe  
 ãimara dápiabevure. Aru curivubu ñai  
 Espiritu Santore cuvabevuva.

<sup>20</sup>Ûbenita muja, jivu, ji umara, parure  
 ðajarã muje ðmei muje Jesucristore ju  
 aiyequé me, Jñmenijicui majide ðaiye  
 báquede majare ði yávaiye méne, maje  
 meara marajiyépe ayu jaubevuva ði  
 jãinoi. Aru jëniajara Jñmenijicure  
 ñai Espiritu Santoi caðateinoque.

<sup>21</sup>Cainumua ðajarã muja yópe  
 Jñmenijicui urõpe ði ue boje mujare,  
 muje napini coreiyedeca Jesucristoi  
 cuvare ðaquiyede járavu cñiméjáravu  
 baquinóre, ði cõmaje ãroje jáiye boje.

<sup>22</sup>Cõmaje ãroje jájara muja ina  
 ju abevure cãreja yávaiyede jãvene.  
<sup>23</sup>Apevure meadajarã maumena yópe  
 muje ðyepé põecure toabore jocarĩ.  
 Corebevuvu coyujarã náre Cristoi  
 yávaiye méne. Aru apevure cõmaje ãroje  
 jájara, ne ãmeina teiye boje. Coyujarã  
 náre máre Cristoi yávaiye méne.  
 Ûbenita me ðajarã, muje ðabenajiyepé  
 aivu ãmenore nápe. Nácapuravu ne  
 pare ãmeina teiye boje cuitótecaje  
 docucricajede doivure paivubu na.  
 Que baru ubejarã ne ãmeina teiyede  
 yópe muje ubepe dicajede.

**Mearore jini buojaino**

<sup>24-25</sup>Jñmenijicu cñinacurabe majicu  
 aru parucu meadacuyu mujare, muje  
 vainí tubenajiyepé ayu ye ãmeno  
 cubevuva. Ûvacari núre ðaibi mujare  
 ði jáinoi torojurivure muje ðmei.  
 Jñmenijicu meacu baju meadaibi majare,  
 Jesucristoi ðaiye báque boje. Mearore  
 jínajarevu ðre. ðtame meacu baju,  
 majicu urarõ, pñeno parucu, aru caivu  
 pñeno jabocu járavu jipocare aru caride  
 aru cainumua. Quédecabu. Quénoramu.

# Jesucristoi jáđovaiye báque

## Apocalipsis

Mamabuinore coyuiyebu Juan mácu ũi toivacaiye báquede Jesucristoi jáđovaiye báquede ũi mácure. Juan mácu barejaquémavu judíovacacu, Galilea ámicurijoborócacu, aru Jesús ũi yávaiye méne beorí coyucójeimaracacu. Ũi mamicu Santiago bácuque moa boaipóecu bácu barejaquémavu, Jesús órejaquiye jipocare ũi mácure. Lucas bácu coyurejaquemavu Juan mácu borore Hch 3:1-4:22. Éfeso ámicurímarocavu Jesúre ju aivure coreipóecu barejaquémavu. Iye jáđovaiye báquede járejaquemavu ũi cue báquede jabova ne buoimu Patmos ámicurijivavi (1:9). Apevu ne dápaiyepe, toivacarejaquemavu iyoca paperayocare ũi cuede nore. Ũbenita apevu ne dápaiyepe, toivacarejaquemavu diyocare ũi cuede Éfeso ámicurímaroi o apeno ímaroi, ũi mácure ne jaetovaríburu yóbore no jivavure jocarí. Toivacarejaquemavu Jesúre ju aipóeva cójijivavure siete paiñamia cójijíñamiai Asia ámicurijoborói (1:4). Póecu cubebi majicu ye uju ũi toivacaiuju bácaróre diyocare, ũbenita obedivu ne dápaiyepe ániujua báquede 94-98 d.C. baji. Caiye ape toivaiye Majepacu Jümenijicui yávaiye mamaene coyuitucuboque toivaiye báquede ne toivaríburu yóbore, Juan mácu toivacarejaquemavu diyocare.

Juan mácu coyurejaquemavu diyocaque ũi jáino mácaróre Jesucristo meacu bajure, ñai toivaicójeñu mácu ũi mácure caiye iye ũi jáđovaiye baquiyéde ũi mácure (cap. 1). Ina coreipóeva mácavure Jesúre ju aipóevare siete painoa ímaroacavu bácvavure toivacarejaquemavu paperayocare (caps. 2-3). No yóboi, toivacarejaquemavu parure dacuy Jesúre ju aipóeva ñájivure ne ju aiyé boje, ne majinajiyépe ayu aipe vaiquíyede ijárvavi buojaijávavure, Jesucristoi vainí taquiyede abujuvai jabocure jaruvarí aru mamajárvavu báquiyede máre.

### Juan ũi coyurí buino

**1** <sup>1</sup>Iye coyuiyebu Jesucristoi coreóvare ðaiyue póevare. Jümenijicu coreóvare ðaicójequemavu Jesucristore iyede úre memecaivure, ne coreóvarájiyepe ayu iye vaiquíyede maumena. Que baru ũi daroquemavu cüinácu ũi ángelede ji yebai, ũi jáđovaiyepe ayu yure, Jüare, úre memecayure, aipe tequinore ijárvavi. <sup>2</sup>Yu coyucuijivü mujare caiye ji jáiye báquede, Jesucristo ũi coyüino mácaró jáve bajure yure Jümenijicui yávaiyede.

<sup>3</sup>Torojucuyume ñai jári boroteyu ji toivaiye báquede iye Jümenijicui yávaiyede coyucuiyede apévure. Aru torojurájarama ina jápiaivü diede aru ju arí ðaivü yópe iye toivaiye ðaicójeiyepe. Maumena vaiquíyebu caiye iye.

### Juan ũi meaicójeino ina Jesúre ju aipóeva cójijivavure

(Mt 24.30; Mr 13.26; Lc 21.27; Jn 19.34, 37; Hch 26.23; Col 1.18; 1 Ts 4.17; Ap 1.17, 4.5, 5.10, 20.6, 22.13)

<sup>4</sup>Yu, Juan, toivacaiivü iyoca paperayocare mujare, siete paiyajuboare Jesúre ju aipóevare Asia ámicurijoborói. Jümenijicu mearo ðacajacurí mujare bojecubeda ũi me boje aru torojurivü mije úmei me cure ðajacurí mujare úque cárijimevüva. Que ðacajacurí mujare Jümenijicu, ñai cücü caride, aru cücü bácu javede, aru dacuy apejávavure. Aru que ðacajarári mujare ina siete paivü decova curivü Jümenijicu jabocui dobaró mearo jipocai. <sup>5</sup>Que ðacajacurí mujare Jesucristo, ñai coyuyü

bácu yávaiyede jävene Jümenijicurã pũ ne yaváiyeta úre, aru mamarũmũ nacajañũ mácu yainore jarũvarĩ, aru cõjeñũ caivu ina ijãravucavũ jabovare. Ñai Jesucristorecabe ucũ majare. Majarecabu ñajijurorivũ maje ãmeina teiye boje. Ubenita ñi ue boje majare, úrecabe boarĩ jaruvaicõjeñũ mácu ñi bajure, bojedacuyũ majare ñi jiveque, maje ãmeina teiyede jarũvarĩ. <sup>6</sup>Úrecabe epeyũ majare ñi jaboteimara marájivũva aru sacerdoteva bárãjivũva máre, maje memecarãjiyepe ayũ ñi mearore jímure, jípacure. Mearore jíjarãri caivu Jesucristore, ñai parucũ caivũ pũeno cainũmũa. Quédecabu.

<sup>7</sup>Jájara. Cristo dacuyũme ocopeniboaque. Caivũ põeva jãrajarama úre, ina úre pẽvaivũ bácvũ jocucũjaravena. Aru caiyajuboa põeyajubocavũ Jesúre jũ abevũ chĩori orãjarama ne jidúe boje, ne jáiyede úre ãmeñũre cavarõre jocarĩ. Quédecabu.

<sup>8</sup>Maje jabocũ Jümenijicu, yõpe arĩ, coyuyũbe, “Yürecabu býũ bácu aru yõbocacũ máre. Que baru cũvũ yũ cainũmũa”, arĩ coyuyũbe Jümenijicu, ñai parucũ caivũ pũeno. Que baru ñi cubi caride, aru currejaquemavũ javede, aru dacuyũme apejãravũ baquinõre máre.

**Juan ñi jáino Cristo meacũ bajure**  
(Ap 1.8, 2.8, 22.13)

<sup>9</sup>Yũ, Juan, mujecubũ, maje jũ aiye boje Jesucristore. Cũrivũbu maja úque cüinãvũpe. Yũ máre ñãjivũ mujapedeca. Aru Jesucristo parure ñaibi yure máre yõpe ñi parure ñaiyepe mujare, maje napinajiyepere ayũ maje ñãjiyede. Aru jabotede ñacuyũme majare úque. Cútecacũ yũ jabova ne bũoimũ Patmos ãmicurijjavũ, ji coyuiye báque boje Jümenijicui yávaiyede Jesucristorã.

<sup>10</sup>Nore ji cuede ñai Espiritu Santo dápiacõjeame yure. Aru jápiacacũ ji yõboi yávaino bũjinore, yõpe trompeta ãmicuriyo japuiyore japuiyepere. <sup>11</sup>Ñai yávayũ yure coyúame, yõpe arĩ:

—Toivajacũ caiye mi jáiyede caride pãpãrayoca ñimujuriyoca cãriáiyocaque.

Aru toivarĩburu yõboi jarojacũ diyocare diyajuboa siete paiyajuboa Jesúre jũ aipõevare Asia ãmicurijoborõi. Diyajuboa põeva cãrivũbu Éfeso, Esmirna, Pérgamo, Tiatira, Sardis, Filadelfia, aru Laodicea ãmicurĩmaroai.

Nõpe arĩ, toivaicõjeame yure.

<sup>12</sup>Copedicacũ, jácuyũ úre, ñai yávayure yure. Copedini jácacũ siete paijaraboa pẽoibũa tuoijaraboa úruque ñaijaraboare. <sup>13</sup>Aru dijaraboa coricai cúteame cüinãcu ñmũ. Maja, põevape páyũ bateáme ñ. Doame ñmujuricaje cuitótecaje ñi cubobaita eaicajede aru bũoáme úruque ñaicãvare ñi ñareba cüinãturu baji. <sup>14-15</sup>Ûi podã boe matuiye bateãvũ yõpe oveja podã lana ãmicuripodape, aru abobico jujurõpe máre. Ûi yacorũa cojiteavũ yõpe toa uruiyepere, aru ñi cuboba cojidiba bateãvũ yõpe tãure toaijide ñarĩburu yõbope. Aru ñi yávaino jápurateavũ yõpe cüratãcuve uratãcuve bũjinore. <sup>16</sup>Cuvateame ñi pũrũ meapũravũcapũrũi siete paivũ abiãcovare. Ûi jijecamure jocarĩ etavũ cüinãve boaicarove caipũcapũravũa upũjidivepe. Aru ñi jiva pẽoãvũ yõpe aviã pẽoiyepere jãravũ coricare.

<sup>17</sup>Ji jáiyede úre, tucacũ yũ ñi cuboba yebai yõpe yaiyã bácupe.

Quénora tuoáme yure ñi pũrũ meapũravũcapũrũque. Aru áme yure:

—Jidubejacũ mũ. Yürecabu býũ bácu aru yõbocacũ máre. Que baru cũvũ yũ cainũmũa. <sup>18</sup>Yürecabu apucũ cainũmũa. Yãvacari yaidéjacacũ. Ubenita apũvũ yũ cojedeca. Aru apũcũyũmũ cainũmũa. Quédecabu. Yürecabu llavede cãvãcũ yaivũ bácvũ ne cürõre máre. Que baru yürecabu bũojayũ nũicõjeñũ põevare toabo cüiméboi. <sup>19</sup>Que baru toivajacũ caride mi jáiyede aru aipe vaiquíyede yõbore máre. <sup>20</sup>Que baru coyũquijivũ mure caride aipe aiyurõre ina siete paivũ abiãcovare, mi jáimara cãrivũre ji pũrũ meapũravũcapũrũi, aru ijaraboa siete paijaraboa pẽoibũa tuoijaraboa úruque ñaijaraboare máre. Diebu aru námu Jümenijicui jáðovameno

jipocamia ũbenita jáđovaino caride. Jēvari coyũivũ ina siete paivũ abiacovape paivũre. Nárecabu yópe ina siete paivũ coreipõevape, Jesúre jũ aipõeva cójjivaiivũ diĩmaroai siete paiĩmaroacavũ ne coreipõevape.

Aru jēvari coyũivũ ijaraboa siete paijaraboare. Dijaraboarecabu yópe siete paiyajuboape Jesúre jũ aipõeva ne yajuboa cójjivaiivũ diĩmaroa, siete paiĩmaroai.

Que arĩ, coyũáme yure.

**Juan ũi toivacaino Éfesocavũ Jesúre jũ aipõevare**

(Ap 22.2)

**2** <sup>1</sup>Que arĩ, toivaicõjeame yure.

—Toivajacu ũre, ñai

coreipõecũre Jesúre jũ aipõeva cójjivaiivũre Éfeso āmicũriĩmaroi. Yópe arĩ, toivajacu mũ: “Yópe arĩ, coyũibi ñai cũvacũ ina siete paivũ abiacovape ũi pũũ mearpũravũcapũũ, ñai cũcũ ijaraboa siete paijaraboa pẽoibua tũoijaraboa jẽneboi. <sup>2</sup>Coreóvaivũ yũ mi memẽinore, memecayũre ũetũyũreca, aru mi napini ñájijyede máre. Coreóvaivũ yũ ye buojabecũre napiñũ põeva āmenare, aru jári coreóvayũre ina, ‘Ñũjamu Jesúre jũ aivũre ne daroimara coyũrãjivũ Jesús ũi yávaive méne’, mi majiquiyepẽ aivũre ũbenina jáve maru ne coyũino. Que teniburu, coreóvaivũ mũ Jesúre jũ aivũre ne daroimara ānevũre. Quénora borocũrivũ na. <sup>3</sup>Coreóvaivũ yũ ũetũbecũva napiñũre mi ñájijyede yũre boje dajocabecũva.

<sup>4</sup>Ūbenita cũináro mi ñainore āmeina jáivũ yũ. Quĩjino bajuta ũvũ mũ yure caride. Mamarũmũre ũteavũ mũ yure pare mi ũmei. Ūbenita caride dajocaiivũ mũ mi ũede yure. <sup>5</sup>Caride ārũjacũ yũre javede mi pare ũe báquepe. Chĩori jarũvajacu mi āmeina teiyede. Aru oatũvajacu mi ñaiyede, ñacũyũ yópe mi ñaiye báquepe mamarũmũre mi coreóvaivũre yure. Pare ũteavũ mũ. Ūbenita que ñaiyũbecũ baru, ũbecũ bacũyũmũ mũ yure. Que baru mi

yebai darĩ, mi pẽoibua tũoijarabore ñi, nũvacũyũmũ dijarabore mure jocari.

<sup>6</sup>Ūbenita cũináro mi ñainore me jáivũ yũ, mi āmeina jáiyede ina nicolaíta āmicũriyajubocavũ ne ñaiyede. Yũ máre āmeina jáivũ ne ñaiyede.

<sup>7</sup>Caivũ me jápiajarã ñai Espĩritu Santoi coyũiyede Jesúre jũ aipõeva cójjivaiivũre: ‘Ina mũjacavũ vainĩ tũivũre āmenore jarũvarĩ āicõjecũyũmũ yũ Jũmenijicũ jioba coricacacũ jocũcũ jẽidũare, apũre ñaijocũcũ dicũ āmiá’, arĩ coyũyũbe ñai Espĩritu Santo’, arĩ toivaicõjeame yure.

**Juan ũi toivacaino Esmirnacavũ**

**Jesúre jũ aipõevare**

(Ap 1.17, 20.14, 21.8, 22.13)

<sup>8</sup>Bedióva cojedeca yópe āme yure.

—Toivajacu ũre, ñai coreipõecũre Jesúre jũ aipõeva cójjivaiivũre Esmirna āmicũriĩmaroi. Yópe arĩ, toivajacu mũ: “Yópe arĩ, coyũibi ñai búyũ bácu aru yóbocacũ máre, ñai yaiyá bácu nacajañũ mácu apũcũ cojedeca. Que baru cũvũ yũ cainũmũ. <sup>9</sup>Coreóvaivũ yũ mi ñájijyede yure boje. Coreóvaivũ mure cũve cũvabecũre máre. Ūbenita jáve ũre cũve cũvavũ mũ Jũmenijicũ cũve méne. Aru coreóvaivũ yũ caiye iye ne āmeina yávaivũre mi borore ina ‘Judĩovabu ñũja’ ũbenina aivũre. Ūbenita judĩova baju āmema na. Quénora nárecabu Satanás jina. Aru cójjivaiivũbu, memecarãjivũ ũre.

<sup>10</sup>Jidũbejacũ mi ñajiquinore. Jájacũ. Ñai abujuvai jacobũ buore ñacũyũme apẽvũ mũjacavũre āmeina teivũre jẽni jacoĩñami, jári coreóvacũyũ mũje jũ aiyede yure. Cairũcapũũre paijãravũba baquiyéde ñájinajaramu mũja. Jũ ajacu yure pũ mi yaiyeta. Que teyũre, yũ bojedacũyũmũ mure me. Mure cũre ñacũyũmũ jãravũ cũiméjãravũ baquinóre yũque.

<sup>11</sup>Caivũ me jápiajarã ñai Espĩritu Santoi coyũiyede Jesúre jũ aipõeva cójjivaiivũre: ‘Ina mũjacavũ vainĩ tũivũre āmenore jarũvarĩ numenajarama toaboi cũiméboi’, arĩ

coyuyube ñai Espíritu Santo”, arí toivaicōjeame yure.

**Juan ñi toivacaino Pérgamocavu  
Jesúre ju aipōevare  
(Jn 6.48-50)**

<sup>12</sup>Bedióva cojedeca yópe áme yure.

—Toivajacu ére, ñai coreipōecure Jesúre ju aipōeva cójijivaivure Pérgamo ámicuríimaroí. Yópe arí, toivajacu mu: “Yópe arí, coyuyibi ñai cuvacu ive boaicarove cairucapūravua upujidivede.

<sup>13</sup>Coreóvaivu yu mi curōre. Mu cuvu nore Satanás ñi jaboteinore, ñi jaboteimara jēneboi. Ūbenita nore cucuvacari, me ju ayubu mu yure. Ānijāravu bácarō Satanás jina ne boarí jaruvaiye báquede Ántipas bácare, ðajocabeteavū mi ju aiyede yure. (Ñai Ántipas bácu coyuyu barejáme yáviyede jávene yurā pu ne boarí jaruvaiyeta ére.) Boarí jaruvaima ũ mácure no mi ímaro, Satanái curōí.

<sup>14</sup>Ūbenita apejie mi ðaiyede ámeina jáivu yu. Apevu mujacavu curívu ðaivubu yópe Balaam mácu ñi bueiye báquepe. Javede ñai Balaam mácu majicarejaquemavu Balac bácare ñi ámeina ðare ðaquiyepe ayu ina Israecavu bácare.

Áicōjenejaquemavu na mácare áiyede pépeimarare ne jíye báquede. Aru ámeina ðaicōjenejaquemavu na mácare apevuque némarebucava ámevuque máre. Nópe Balac bácare ðaicōjenejaquemavu Balaam mácu.

<sup>15</sup>Quédeca apevu mujacavu ðaivubu yópe ina nicolaíta ámicuríyajubocavu ne bueiyepe.

<sup>16</sup>Que barureca chíori jaruvajacu mi ámeina teiyede. Aru oatuvajacu mi ðaiyede. Ūbenita mi que ðaiyubedu, maumena dacuyumu yu mi yebai, ádamatecuyu náre, ina Balaam mácu ðaiyepe ðaivure aru ina nicolaítava ne ðaiyepe ðaivure máre, ive boaicarove etaiyeque ji jijecamure jocarí.

<sup>17</sup>Caivu me jápiajarā ñai Espíritu Santoi coyuyiede Jesúre ju aipōeva cójijivaivure: ‘Ina mujacavu vainí

tuivure ámenore jaruvarí áicōjecuyumu yu áiye me cavarō mearo Jūmenijicui curōquede, iye áiye yaveiyede ijāravucavure jocarí. Aru jícuymu náre coapa cūináibo curajibo borijibore. Dijiborā toivaino cuvū cūináro ámiá mamaro ámiáre. Aru ina jacopurājivu quévura coreóvarājarama no ámiáre. Apecu cubecube coreóvayu no ámiáre’, arí coyuyibi ñai Espíritu Santo”, arí toivaicōjeame yure.

**Juan ñi toivacaino Tiatiracavu Jesúre  
ju aipōevare  
(Mt 16.27)**

<sup>18</sup>Bedióva cojedeca yópe áme yure.

—Toivajacu ére, ñai coreipōecure Jesúre ju aipōeva cójijivaivure Tiatira ámicuríimaroí. Yópe arí, toivajacu mu: “Yópe arí, coyuyibi Jūmenijicui mácu, ñai yacorua cojididua cucu aru ñi cuboba máre cojidiba yópe táure toaijide ðaríburu yóbope. <sup>19</sup>Coreóvaivu yu mi ðainore. Aru majivu ucure yure aru apevure máre, ju ayure yure, memecayure Jūmenijicure, aru napiñure mi ñájiyede máre. Coreóvaivu mi ðaino mearore. Mearo ðaivu mu caride mamarumu ju ayu yure mi ðaino mácarō pueno.

<sup>20</sup>Ūbenita cūináro mi ðainore ámeina jáivu yu. Mu jaetovabevu nomióre ōi ámiá Jezabel. Ō muje jēneboi ‘Jūmenijicui yáviyede coyucaipōecobu yu’, ūbenina aibico ō. Ōi bueiyeque jujovaibico ina yure memecavure. Que baru ámeina ðare ðaibico náre apevuque némarebucava ámevuque. Aru áre ðaibico náre áiyede pépeimarare ne jíye báquede máre. <sup>21</sup>Joe coreniduivu yu ōi chíori oatuvacojiyepe ayu ōi ðaiyede, ōi jaruvacojiyepe ayu náre ōi ámeina tede ðaiyede jaruvarí. Ūbenita oatuvaiyubebico ō. <sup>22</sup>Que baru ñájine ðacuyumu óre pare. Aru ijimo macoðome ō, paraðo ōi parainoi. Aru ina óque ámeina ðaivu bácare ne chíori oatuvabedu ne ámeina ðaiyede ópe, paraicōjecuyumu náre máre ópedeca, pare ne ñájinajiyepa ayu. <sup>23</sup>Aru boarí

jaruvacuyumu caivu ina òi jajovaimara mácavure, mamara majarórivure paivure.

<sup>1</sup>Que ñariburú caivu Jesúre ju aipóeva cójjivaivu coreóvarājarama. Yurecabu coreóvayú caivu pōevare caiye ne dápiayede aru caiye ne uede máre. Que baru bojedacuyumu mujare coapa yópe mujé ñaiye báquepedeca. <sup>24</sup>Ubenita mujacapuravú Tiatiracavú ñabevú yópe òi bueiyepe. Coreóvayúbevu muja iye Satanái majié yaveiyede apevu ne ñaiyepe. Cúbevu apeno ji ñaicójeino mujare copu. <sup>25</sup>Quénora ñajará yópe ji coyuiyepe ji yávaiye méne pu ji copaidaiyeta.

<sup>26-27</sup>‘Ina mujacavú vainí tuivure ámenore jaruvarí aru ñaiyure yópe ji urópe pu ne yayieta, jabotede ñacuyumu náre cainoa joboróacavure iye paruéque yópe jipacuí jabotede ñaiye báquepe yure. Jabotenjarama náre paruéque. Que baru cainoa joboróacavú ne ju abedu, ñarājarama náre yópe jobojorure boarí yavaiyepe abodo táuque ñaiyure. <sup>28</sup>Aru cuvare ñacuyumu náre ñai abíacorú pēoñú miadare ñaiyede.

<sup>29</sup>‘Caivu me japiajará ñai Espiritu Santoi coyuiyede Jesúre ju aipóeva cójjivaivure”, arí toivaicójeame yure.

**Juan ñi toivacaino Sardicavú Jesúre ju aipóevare**

(Mt 10.32, 24.43-44; Lc 12.8, 39-40; Ap 16.15, 20.12)

**3** <sup>1</sup>Bedióna cojedeca yópe áme yure. —Toivajacú ñre, ñai coreipóecure Jesúre ju aipóeva cójjivaivure Sardis ámicuríimaroí. Yópe arí, toivajacú mu: “Yópe arí, coyuíbi ñai daroyú Espiritu Santore Jesúre ju aivu ne cójjiñamiai siete paíimaroái aru cuvacu ina siete paivu abíacovare máre. Coreóvayú yu aipe ñayure mure. Ubenina arí, ‘Ñayube Jūmenijicú urópe ñi paruéque’, coyúvubu mura. Ubenita coateyú bajubu mu Jūmenijicure jaruvarí. <sup>2</sup>Jūracucu, jabónvayú buojabevú mu mi memecaiyede jocarí Jūmenijicure.

Que baru Jūmenijicú ámeina jáimi mure. Que baru cāñure ámejacú mu. Pueno parure ñarí ju are nure ñajacú mívure ne ũmei, ina coatebevure cāreja Jūmenijicure jaruvarí, ne coateni bñjabenajiyepere ayú ñre jaruvarí. <sup>3</sup>Que baru áñure ñajacú caiye iye Jūmenijicú yávaiye méne ne bueiyede mi japiaiye báquede. Diede japiarí, ju arí, chíori oatuvajacú mi ñaiyede, jaruvacuyú mi ámeina teiyede. Ubenita nópe mi ñabedu, dacuyumu yu mi yebai yópe ñavaipevu ñi ñaiyepe. Aru ji daquinumure ye majibecuyumu mu.

<sup>4</sup>Ubenita obebeñina curivubu no Sardis ámicuríimaroí ámene ñabevú, yópe pōeva docutede ñabepe ne cuitótecajeare, ne ñaiye boje yópe Jūmenijicú urópe. Nárecabu dorājivú cuitótecajea boricajeare aru curājivú yúque. Que ñarājarama me, ne napini coreiye boje Jūmenijicú jíye báquede náre.

<sup>5</sup>Ina mujacavú vainí tuivú ámenore jaruvarí nápe paivu cuitótecajea boricajeare dorājarama. Ne ámiá toivaino mácaróre ánitucubo Jūmenijicú paperatucubo, caivu ina jaravú cúiméjaravú baquinóre cuvajarívú yúque ne ámiáre toivaitucubore túreni jaruvabecuyumu yu ne ámiáre. Quénora, ‘Ji pōevatamu na’, arí coyucuyumu jipacuí jáinore aru ñi ángeleva máre ne jáiyede.

<sup>6</sup>‘Caivu me japiajará ñai Espiritu Santoi coyuiyede Jesúre ju aipóeva cójjivaivure”, arí toivaicójeame yure.

**Juan ñi toivacaino Filadelfiacavú Jesúre ju aipóevare**

(Ap 21.2)

<sup>7</sup>Bedióna cojedeca yópe áme yure. —Toivajacú ñre, ñai coreipóecure Jesúre ju aipóeva cójjivaivure Filadelfia ámicuríimaroí. Yópe arí, toivajacú mu: “Yópe arí, coyuíbi ñai meacu baju, memecayú Jūmenijicure, aru javene bueyú máre. Urecabe cuvacu llavede, ñai jabocu David bácu jino mácaróre. Yópe pōecuí voaiyepe

bieivede aru bieicōjemepe apevure dive, nopedeca ũi ðaicōjeiyede pōevare apepe, ñame buojabenama ðaicōjemevu náre diede. Aru yópe pōescu bieniburu yóbore dive máre, voaicōjemepe apevure dive, nopedeca ũi ðaicōjemene pōevare apepe, ñame buojabenama ðaicōjeivu náre diede.

<sup>8</sup>Coreóvaivu yu aipe ðayure mure. Coreóvaivu yu obebejina mívu curivure memecarājivure yure. Ju aivu mu ji yávaiyede. Aru 'Jesucristobe' ji jabocu', ju arí soyuivu mu. Que baru jēvari soyurí, yópe pōescu apescure ecoicōjeiyepede jedevacobe bieivede voarí aru apescure bieicōjemepe dive, nopedeca mure memecaicōjeivu yure. Aru pōescu cubebi mure memecaicōjemeni majicu.

<sup>9</sup>Soyuivu mure ne borore ina 'Judíovabu ñuja' aivure, ũbenita judíova baju amema na. Quénora Satanás jinatamu cójijivaivu memecarājivure ũre. Náreca ñuatutare ðacuyumu yu mi cuboba yebai, ne coreóvarājiyepede ayu ji baju ucure mure. <sup>10</sup>Napivu mu mi ñájiyede yópe ji ðaicōjeiyepede báquepe mure. Que baru jári coresuyumu yu mure mi ñájine ðaiyede. Caivu ijárvacavu Jesucristore ju abevu ne ñájinajiyepede javvu náre. ũbenita mure cadatecuyumu yu, mi ñájimequiyepede ayu iye ñájiovaiyeque. <sup>11</sup>Maumena ðacuyumu yu. Ðajacu yópe mi bueiyepede ji yávaiyepede méne apescu ũi ímequiyepede ayu mi bojede mure.

<sup>12</sup>Ina mujacavu vainí tuivure amenore jaruvarí epescuyumu jabova parurivuna Jūmenijicuí cūrami jívui yópe bucporarua parure ðaiyepede cūramine. Aru etabenajarama na nore jocarí cainumua. Aru toivacuyumu yu nára Jūmenijicuí amíare, aru Jūmenijicuí ímaro amíare máre. No mamaro ímaro Jerusalén amicūrōtamu. Ēmequiyepede cavarō mearo Jūmenijicuí curōre jocarí. Aru toivacuyumu nára ji amía mamarore máre.

<sup>13</sup>'Caivu me jápiajará ñai Espíritu Santoi soyuivude Jesúre ju aipōeva cójijivaivure', arí toivaicōjeame yure.

### Juan ũi toivacaino Laodiceavnu

#### Jesúre ju aipōevare

(Jn 1.3, 16.33; Col 1.15, 18;

He 12.6; Ap 5.5)

<sup>14</sup>Bedíova cojedeca yópe áme yure.

—Toivajacu ũre, ñai coreipōescure Jesúre ju aipōeva cójijivaivure Laodicea amicūrīmaroi. Yópe arí, toivajacu mu: "Yópe arí, soyuibi ðajocabescuva, ñai soyuyu yávaiyede javene Jūmenijicūrā pu ne boarí jaruvaiyeta ũre. Ũrecabe Jūmenijicuí caiyede cuedare ðaimu mácu. <sup>15</sup>Coreóvaivu yu aipe ðayure mure. Coreóvaivu yu maucuvabescure yure yópe jujuteyure. Aru coreóvaivu yu memecabescure mi ũmei yópe toaijiteyure. Mu ju ayuvacari yure, majiéda quénora ju ayubu. Yópe oco avia ũi boiyequede toaijide ðaiocore ũcuiyubepe maja, nopedeca mi majiéda ju aiyede yure ũbevnu yu. Mi me ju arí memecaru yure, yópe toaijiteyure meajebu. Mi ju abeni maucuvaru yure, yópe jujuteyure, meamejebu. ũbenita mi ju aipe boje yure majiéda quénora, pueno baju meamevnu. Que baru coavajacu mi baju yure jaruvarí o memecajacu yure mi ũmei. <sup>16</sup>ũbenita mi ðabe boje yópe ji urōre majiéda toaijicupebu mu. Que baru jaruvacuyumu mure yure jocarí yópe ji jēcutuivude oco majiéda toaijiede ji jijecamure jocarí.

<sup>17</sup>'Múcapūravnu 'Ũre cūve cūvavnu yu', aríduivnu mu. Aru 'Apejīe ye jaubevnu yure', aríduivnu mu. Aru 'Caiye cūinátarū me naivu yure ji majié boje', aríduivnu mu. ũbenita ye coreóvabescubu mu mi baju chíõñure, yópe cōmaje ārojacupe, cūve cūvabescupe, jári eabescupe, aru cuitótecaje cūvabescupe máre. Yópe jári eabecu ũi jári eabepe ijárvavquede, nopedeca majide eabevnu mu Jūmenijicuí jiede. Aru yópe cuitótecaje cūvabecu ũi cūyepede, nopedeca cūyevnu mu mi amaina teiye boje Jūmenijicuí jáinore.

<sup>18</sup>Que baru majicayubu mure aipe ðaiyepede jarūre mure. Yópe pōescu bojedaiyepede úrure mearo baju toaijide ðaino

mácaröre, mü jäve cüve cüvaiyücsü baru, ijácsü yure iye méne ji cüvaede. Dinümü maquinóre jäve cüvacüyütmü mü ıgarõ méne Jümenijicü jiede. Aru yóre pöcsüi ini bojedaiyere cuitótecaje boricajede üi doquiyepe üi bajure cüyoje tebecüyü, yóre ämeina teiyede joaimü mácsüpe bájacü mü ji yaiye boje, cüyoje tebecüyü mi ämeina teiye boje. Aru yóre pöcsüi ini bojedaiyere yaco taiyóiyede, üi me jári eaquiyepe ayü üi erequiyepe, me jápiarí adajacu iye bueiyepe Jümenijicü yávaiyede, me majicüyü diede. <sup>19</sup>Yürecabu coreóvare ðayü caivu ji ımarare ne ämeina teiyede aru ñájine ðayü náre die boje máre. Que baru püeno baju ðaiyüjacü Jümenijicü ıgõpe. Chiori jarüvajacü mi ämeina teiyede. Aru oatüvajacü mi ðaiyede.

<sup>20</sup>Jájacü. Yóre pöcsü núcsü cürami bieñamine jedevai ecoiyücsüpe, mautescüyü diñamicavüque, nopedeca yü mauteiyüvü müque. Yóre üi órejaiyere diñamicavüre, ne majinajiyere ayü cücsüre, aru ne voaräjiyere ayü bieivede, nopedeca mi coreóvayiede yü mauteiyücsüre müque, mauteicójejacü yüre. Dinümümica jícsü bájacü mü. Mi mauteicójeiyede yüre müque, mautescüyütmü müque. Aru yóre pöeva ne torojüere cójjini äivü, nopedeca me cüräjaramü maja. Yü mi yóvaimü macüyütmü. Aru mü ji yóvaimü macüyütmü.

<sup>21</sup>Ina müjacavü vainí tüivüre ämenore jarüvarí dobaicójescüyütmü yúque jabocü ji dobarõ mearoi, mi jabotenajiyere ayü yúque. Quédeca vainí türejacacü yü ämenore jarüvarí. Aru caride dohavü yü jipacüque jabocü üi dobarõ mearoi, jaboteyü úque.

<sup>22</sup>'Caivü me jápiarjá ñai Espiritu Santoi coyüiyede Jesüre jü airöeva cójjivaivüre", arí toivaicójeame yüre.

**Juan üi coyüino cavarõ mearocavü ne mearore jíyede Jümenijicüre**  
(Ap 1.4, 8.5, 11.19, 16.18)

**4** <sup>1</sup>No yóboi jácsacü yü cojedeca jedevacobe bieivede voaicobe

bácaröre cavarõ mearo Jümenijicü cüröi ecoicobede. Jápiacacü cojedeca iye yávainore, ji mamarümü jápaiye báquede büjiépe yóre trompeta ämicüriyo japuiyore japuiyere. Ñai yávayü yüre coyüáme, yóre arí:

—Dajacü yo cavarõ mearoi. Mure jáðovacüyübu iye vaiquíye jané yóbore, arí coyüáme yüre.

<sup>2</sup>Dinümümiareca ñai Espiritu Santo dápiacójeame yüre. Jácsacü cüináro jabocü dobarõ mearore no cavarõ mearo Jümenijicü cüröi. Aru jácsacü cüinácu dobacüre noi. <sup>3</sup>Ñai dobacü noi yóre cürajiboa pare bojecurijíbo cojidijíboape ärojacü cojiteame. Jaspe ämicurijíbo pare cojidijíbope aru cornalina ämicurijíbo jüarijibope ärojacü cojiteame ü. Aru jabocü dobarõ mearo tarabuteni náme cüteame. Ñai náme cojiteame yóre apebo cürajibope pare bojecurijíbo esmeralda ämicurijíbope. <sup>4</sup>Jabocü dobarõ mearo yebai apenoa jabovai dobarõa mearoa veinticuatro painoa yóre meatarabu dobarí jápurino mateävü. Aru die coapa dobateima veinticuatro paivü bucüva, doivü cuitótecajea boricajeare aru ne jipobü cüvateima úruque ðaitarabüare máre. <sup>5</sup>No jabocü dobarõ mearo coricacaröre jocarí yaroino, yávaino büjino, aru öpo tüino máre etavü. No jabocü dobarõ mearo coricacarõ jipocai cüteavü siete paivea cámovea pëoivea cojiéque. Diedecabu ina siete paivü Jümenijicü decova. <sup>6</sup>Aru no jabocü dobarõ mearo coricacarõ jipocai cüteavü apeða yóre jia urada jivarüpe paiya, übenita me jári javaiyoiya bateävü diya.

No jabocü dobarõ mearo coricacarõ tarabuteni yóvaicüvaitöbuacapuravüai cüteima yóvaicüvaivü arürivü. Aru ina arürivü cüteima yacorüa caipurapuravüa jipocare aru yóbore máre. <sup>7</sup>Cüinácu nácsacü yavi jüacsüpe ärojateame. Apescü yóre oteivescüpe ärojateame. Apescü arücsü ütmüpe ärojateame üi jiva. Aru apescü yóre míyavipe, águila ämicücsü vüyüre, ärojateame. <sup>8</sup>Ina yóvaicüvaivü arürivü



cuvavivũ seis paicavea ne caveá náre coapa. Aru cuvateima yacorua caino ne caveái, pñenocapũravni aru cãchinocapũravni máre. Jãravure aru ñamine máre dajocabevũva yópe aivũ bateima:

Meacube, meacube, meacube maje jabocu Jũmenijicu. Êrecabe parucu caivũ pñeno. Êrecabe cucu bácu javede, cucu caride, aru dascũy aprejãravũ baquinóre, aivũ bateima na.

<sup>9</sup>Ina arũrivũ mearore jivũ, pueðaivũ aru torojuede jivũ bateima ñai dobacure no jabocui dobarõ mearo coricacarõi, ñai cuscure cainũmua.

<sup>10</sup>Ne nópe ðaiyedeca, ina veinticuatro paivũ bucũva pueðarĩ ñuatutaima úre dobacure no jabocui dobarõ mearo coricacarõi ñi jipocai. Mearore jĩma úre, cuscure cainũmua. Duvaima ne jipobũ adaitarabũare jabocui dobarõ mearo jipocai. Aru yópe aima úre:

<sup>11</sup>Mũ, ñũje jabocu Jũmenijicu, mũrecabu caiyede cuedayũ bácu. Caiye iye mi cuedaiye báque cuvũ yópe mi urõpe. Que baru mi meacu baju boje, ñũje mearore jíye aru ñũje pueðaiye máre javũvũ mure aru ñũje coreóvarãjijye mi paruéde máre, arĩ coyũima na.

**Juan ñi coyũino iyoca paperayoca ñmũjũriyoca cãriáiycarã aru Cristorã, ovejajicure ne aimura, máre**  
(*Jn 1.29, 16.33; 1 Co 5.7; Ap 1.6, 3.21, 8.3, 20.6*)

**5** <sup>1</sup>Jãcacũ ñai dobacure jabocui dobarõ mearo coricacarõra ñi pũrũ meapũravũcapũrũ cũináyoca paperayoca ñmũjũriyoca cãriáiycare. Caipũcapũravũva toivaiyoca bateávũ. Aru diyoca jedeva turũvai bieino mãcarõ mateávũ yópe jũturijoboyabea jãjariyabea siete paiyabeaque. <sup>2</sup>Aru jãcacũ yũ cũinácũ ángele parucure jẽniari jãñure yávaino bujinoque, yópe arĩ:

—¿Namema meacu baju burarĩ majicu iyabea siete paiyabea jãjariyabeare,

voascũy iyoca cãriáiycare? arĩ jẽniari jáme.

<sup>3</sup>Ûbenita cũinácũ cubeteame buõjarĩ voayũ diyabeare. Cavarõ mearocacu cubeteame. Ijãravũcacũ cubeteame. Aru yaivũ bácvũ ne cũrõcacũ máre cubeteame. Cũinácũ cubeteame buõjarĩ voayũ diyabeare, jácũyũ diyocare.

<sup>4</sup>Que baru yũcapũravũ ocacu pare, ne eabe boje cũinácũ meacu bajure, ñi voaquiyepe ayũ diyabeare, jácũyũ diyocare. <sup>5</sup>Ûbenita cũinácũ ina veinticuatro paivũ bucũvacacu, yópe arĩ, coyũame yure:

—Obejacũ mũ. Ñai parucu Judã ãmicũriyãjubocacu león ãmicũcũ yavipe páyũ daibi. Ñai jabocu David bácuĩ pãramecũ meacu bajube ñi. Êrecabe javede vainĩ tuyũ bácu ãmenore jarũvarĩ. Que baru ñi macũyũme burarĩ buõjayũ iyabea siete paiyabea jãjariyabeare aru voarĩ buõjayũ diyoca cãriáiycare, arĩ coyũame yure.

<sup>6</sup>Dinũmũ jácacũ cũinácũ ovejajicure no jabocui dobarõ mearo coricacarõ yebai ina yóvaicũvaivũ arũrivũ aru ina veinticuatro paivũ bucũva ne jẽneboi. Boarĩ jarũvaimũ mácũpe ãrojãcũvacari núteame ñi nore. Cũteame siete pajjavaroa aru siete paidũa ñi yacorua. Diedecabu ina siete paivũ Jũmenijicui decova ñi darioimara mácvũ cainoa jorborõai. <sup>7</sup>Ñai ovejajicũ nrũĩ íame diyoca cãriáiycare ñai dobacure ñi pũrũ meapũravũcapũrũre jocarĩ. <sup>8</sup>Ûi nore íyedeca, ina yóvaicũvaivũ arũrivũ aru ina veinticuatro bucũva máre pueðarĩ ñuatutaima ñai ovejajicui jipocai. Cuvateima biabeiboare arpa ãmicũriboare ne pũrũĩ náre coapa. Aru cuvateima jororua úruque ðaidũare mumijue buididũare máre náre coapa. Jẽvari coyũrĩ diedecabu yópe Jũmenijicui põeva ne boroteiyepe paiye úque. <sup>9</sup>Aru yópe arĩ, yũriaima cũináro yũriaino mamarore:

Mũrecabu meacu baju. Que baru iyoca cãriáiycare ñi, jãjariyabeare burarĩ buõjaivũ mũ. Meacu bajubũ, mure ne

boarí jaruvaiye báque boje. Murecabu bojedayu bácu pōevare mi jiveque ne vainí turí ãmeina teiyede jaruvarí, Jūmenijicui pōeva marajiyépe ayu. Bojedarejaquemavu mū náre, caiyajuboa pōeyajuboacavure, aru caicamu yávaicamuacavure, cainoa ñmaroacavure, aru caijaborōacavure máre. <sup>10</sup>Epeivū mū náre, ne jabotenajiyere ayu máque aru ne memecarājiyere ayu majeracu Jūmenijicure sacerdotevape. Aru nárecabu jabotenajivū ijāravucavure, arí yūriaima na.

<sup>11</sup>Bedióva cojedeca jácacu. Aru jápiacacu obedivū ángeleva ne yávaivede. Jabocui dobarō mearo coricacarō tarabuteni ina yóvaicuvaiivū apurivure aru ina veinticuatro paivu bucūvare máre ne dobarōa yóbore cūteima ina ángeleva, tarabuteni. Obedimillones baju bateima na. <sup>12</sup>Aru yópe arí, cođoboboima:

Ñai ovejajicu, ne boarí jaruvaimū mácūvacari, meacu bajube. Que baru caivure mearore jíye javuvū úre. Yópe arí, coyujarāri na: “Úrecabe caiye parúede cuvacu, aru caiye cue upacu, caiyede coreóvayū, aru caiyede ñaiye majicū máre”. Que baru caivū pueđajarāri úre, mearore jíjarāri úre, aru torojuede jíjarāri úre máre, aima na.

<sup>13</sup>Aru jápiacacu yū obedivū yūriavure. Caivu cavarō mearo Jūmenijicui curōcavū, aru caivū ijāravucavū, caivū yaivū bácvū ne curōcavū, aru caivū jia urāđacavū máre, caivū Jūmenijicui cuedaimara yūriaima, yópe arí:

—Ñai dobacure jabocui dobarō mearo coricacarōra aru ñai ovejajicure máre, caivū mearore jínajarevū, aru náre pueđarājarevū cainūmua. Nárecabu pūeno meara baju aru parurivū baju caivū pūeno cainūmua, arí yūriaima na.

<sup>14</sup>Ina yóvaicuvaiivū apurivū, “Quēdecabu”, aima na. Aru ina

veinticuatro paivu bucūva ñuatutaima, mearore jínajivū ñai cūcure cainūmua.

**Juan ũi coyūino iye siete paiyabea jājariyabearā**

(Mt 24.29; Mr 13.24-25; Lc 21.25, 23.30; Ap 11.13, 16.18, 20)

**6** <sup>1</sup>No yóbore, jácacu Cristore, ovejajicu ne aimure, burayure cūináyabede iye siete paiyabea jājariyabeaque. Aru jápiacacu cūinácu ina apurivucacure ayure ũi yávaino bujinoque yópe oño tūinope. Yópe arí, “Dajacu”, áme ũ. <sup>2</sup>Jácacu cūinácu caballo bocure. Ñai tubacu úra cuvacu ũi témutarabure ũi purui. Jímū mateáme cūinátarabū jipobū adaitarabure yópe ne jíyere ñai vainí tuyure. Etame vainí tuyū apevure jocarí, aru vainí tucūyū máre.

<sup>3</sup>Ñai ovejajicu ũi buraiyede apreyabe jājariyabede, jápiacacu apescu ina apurivucacure, “Dajacu” ayure. <sup>4</sup>Que aiyeda, etame apescu caballo, júacu. Ñai tubacu úra adamatēde ñaicōjeimū mateáme ijāravucavure, ne boarí jaruvarājiyere ayu ne baju. Que teni cārijimenore cūiné ñaicōjeimū mateáme. Cuvateame cūináve boaicarove ũmujurivede.

<sup>5</sup>No yóboi, ñai ovejajicu ũi buraiyede apreyabe jājariyabede, jápiacacu apescu ina apurivucacure, “Dajacu” ayure. Jácacu cūinácu caballo ñemicure. Ñai tubacu úra cuvateame cūináro ducúede corevainore ũi purui. <sup>6</sup>Jápiacacu apeno yávainore yópe. Jápurateavū ina yóvaicuvaiivū apurivū jēnebore. Yópe arí, coyuávū:

—Cūiná kilo quénora trigo ámicue páu ñaiye bojedarí eaino mávū pōescu cūinájaravure ũi memeiye báque bojeque. Aru yóbecurikilos quénora cebada ámicue páu ñaiye bojedarí eaino mávū pōescu cūinájaravure ũi memeiye báque bojeque. Ubenita ámedabejacu olivo ámicuricu jēidua córore aru vino úyaicorore máre, arí coyuávū.

<sup>7</sup>No yóboi, ñai ovejajicu ũi buraiyede apreyabe jājariyabede, jápiacacu apescu

ina arurivucacure, “Dajacu” ayure.

<sup>8</sup>Jácacu cūinácu caballo cūrajumecure. Ñai tubacu éra Yaino ámicucu. Aru ñi yóbore dáme cūinácu, Toabo cūimébo ámicucu. Boarí jaruvaicōjeimara mateima ina obedivu pōeva ijāravucavu. Caivu ijāravucavu yópe yóvaicuvaiavu yajuboa teni, yópe cūináyajubocavu boarí jaruvaicōjeimara mateima na boainoque, aru ávnéque, duica ijéque, aru áimara jjesurivunque máre.

<sup>9</sup>No yóboi, ñai ovejājicu ñi buraiyede areyabe jājariyabede, jácacu apevu yaivu bācavu ne ūmene. Caivu ina boarí jaruvaimara mácavure ne coyuiye báque boje Jūmenijicui yāvaiyede, ne ūmene jácacu yu Jūmenijicure jícaiyede juaiva cāchinoi. Dajocabevuva “Jāvemu” arí coyurejaquemavu Jesucristoi yāvaiye méne. <sup>10</sup>Bujíe cođoboborí, yópe aima:

—Mu, ñuje jabocu, caivure cōjeñu, meacu baju, aru jāveque coyuyubu.

¿Joe baju corede đacuyurū mu ñujare “Boropateivubu muja”, mi aiyeta ijāravucavure Jesucristore ju abevure? ¿Aru joe baju corede đacuyurū mu ñujare mi ñájine đaiyeta náre ne boarí jaruvaiye báque boje ñujare? cođoboborí aima na.

<sup>11</sup>Ina yaivu bācavu jímara mateima ne cuitótecajea boricajeare. Aru coyuímara mateima iye yāvaiyede:

—Jabuóvarā cāreja pu ne boarí jaruvaiyeta caivu ina mujevu memecaivure Jūmenijicure. Boarí jaruvaimara marajárama mujape, Jūmenijicui yāvaiyede coyuiye boje, jápiaima na.

<sup>12</sup>No yóboi, jácacu ñai ovejājicu ñi buraiyede areyabe jājariyabede. Pare cújivavū caino joborō. Avia ñemiteame yópe pōeva ne doiyepe ñeminicajede, orājivu yaivu bācavure. Aru avia ñamicacu jūacu bajura bateáme yópe jivepe. <sup>13</sup>Ina abiacova tuima cavarōre jocarí, yópe jocucu jēidua tuiyepe jocucure jocarí ūmevu pare japuiyede. <sup>14</sup>No cavarō bjavū, yópe toivaiye báque bñaiyepere paperayocare cāriáriburu yóboi. Aru caicúa cūracúa, caiye

javua máre jaruvavū die curōre jocarí. <sup>15</sup>Dinūmure caivu jabova, aru cōjeivu, churaravai jabova, cūve cūvarivu, parurivu, yebacavu, aru yebacavu ámevu máre dupinanūima cūracobeá jívui aru cūracúa uracúa cūraboá jēneboi máre. <sup>16</sup>Cođoboborí órejaima cūracúa uracúare aru cūraboare máre, yópe arí:

—Tujacūari ñujare. Yavejacūari ñujare ére jocarí, ñai dobacure jabocui dobarō mearo coricacarōra, ñi jāmequiyepe aino ñujare. Yavejacūari ñujare ére jocarí, ñai ovejājicu jorojīni jāñure. <sup>17</sup>Jave eavū ijāravu parurijāravu, caivu Jūmenijicure ju abevu ne ñájijāravu. Ñame buojarí númenama náre copu, ñai jabocui dobarō mearo coricacarōi dobacure aru ñai ovejājicure máre, arí cođoboboima na, jidurivu.

#### Juan ñi coyuíno ina ciento cuarenta y cuatro mil paivu Israecavurá

**7** <sup>1</sup>No yóboi, jácacu yóvaicuvaiavu ángelevare nūrivure maje curijoborō turuvai yóvaicuvaiturava yebai na coapa. Japucōjemeteima náre coapa iye yóvaicuvaiye ūmevure ijāravuquede. Que teni japucōjemeteima joborōre copu, jia uradare copu, aru apecu jocucure copu máre. <sup>2</sup>Aru jácacu apecu ángelede muri dayure avia dainocapūravure jocarí. Cuvateame ñi purui ñai Jūmenijicu apucu ñi jáđovare đainore ū jinare. Ñai ángele codoboboame, majicacuyu apevu yóvaicuvaiavu ángelevare, ina Jūmenijicui paruéde jímara mácavure, ne ámedare đarājyepere ayu joborōre aru jia uradare máre. <sup>3</sup>Yópe arí, cođoboboame:

—Ámedabejarā cāreja yo joborōre, jia uradare, aru jocucure máre. Yéde ámedabejarā pu ñuje jáđovaiye baquiyéta ina maje jabocu Jūmenijicure memecaivure ne tūtvarā náre coapa, jáđovarajivu náre ū jinare, cođoboborí áme ñai ángele.

<sup>4</sup>Aru jápiacacu aipivu ina obedivu jáđovaimara mácavure ne tūtvarā

Jūmenijicu jinape. Caiyajuboa doce paiyajuboa Israecavure jocarī ciento cuarenta y cuatro mil paivu baju cúteimada. <sup>5</sup>Judá bācui pāramenacavu doce mil paivu jáđovaimara mateimada. Aru Rubén mácui pāramenacavu doce mil paivu jáđovaimara mateimada. Gad bācui pāramenacavu doce mil paivu jáđovaimara mateimada. <sup>6</sup>Aser bācui pāramenacavu doce mil paivu jáđovaimara mateimada. Neftalí bācui pāramenacavu doce mil paivu jáđovaimara mateimada. Aru Manasés bācui pāramenacavu doce mil paivu jáđovaimara mateimada. <sup>7</sup>Simeón mácui pāramenacavu doce mil paivu jáđovaimara mateimada. Leví bācui pāramenacavu doce mil paivu jáđovaimara mateimada. Isacar bācui pāramenacavu doce mil paivu jáđovaimara mateimada. <sup>8</sup>Aru Zabolón mácui pāramenacavu doce mil paivu jáđovaimara mateimada. José bācui pāramenacavu doce mil paivu jáđovaimara mateimada. Aru Benjamín mácui pāramenacavu doce mil paivu jáđovaimara mateimada máre. Caivu ina jáđovaimara Jūmenijicu jinape ciento cuarenta y cuatro mil paivu baju bateimada na.

**Juan ũi coyūino ina obedivu  
Jūmenijicu jina boricajeare doivurā**  
(Mt 24.1; Mr 13.19; Jn 1.29, 4.10,  
7.37, 10.1-16; 1 Jn 1.7; Ap 21.4)

<sup>9</sup>No yóboi, jácasu obedivu baju pōevare. Ne obedivu cue boje, ñame buojarī corevabejebu náre. Caijaborōacavu, aru caiyajuboa pōeyajuboacavu, caicamua yávaicamuacavu, aru caiimaroacavu máre cúteima na. Núteima no jabocui dobarō mearo coricacarō jipocai aru Cristo, ovejajicu ne aimu, ũi jipocai máre. Caivu ina doima ne cuitótecajea boricajeare. Aru ũjumedua paiyede cūvateima náre coapa ne pūruái. <sup>10</sup>Yópe arī, bujiié codoboboima:

Maje jabocu Jūmenijicu, ñai  
dobacu jabocui dobarō mearo

coricacarōra, meadayube  
majare. Aru ñai ovejajicu máre  
meadayube majare, aima na.

<sup>11</sup>Caivu ina ángeleva núrivu ina veinticuatro paivu bucava ne yóboi, ina yóvaicuvaivu arurivu ne yóboi, no jabocui dobarō mearo coricacarō yebai, mori tuima ne jivare, mearore jínajivu Jūmenijicure. No jabocui dobarō mearo coricacarō jipocai mearore jima Jūmenijicure. <sup>12</sup>Yópe arī, mearore jima ũre:

Quédecabu. Maje jabocu  
Jūmenijicurecabe caivu ne  
mearore jímū, aru ne torojure  
đaimu máre. ũrecabe caiyede  
coreóvayu. Caivu torojuede  
jǵjarāri ũre aru puedajarāri ũre.  
ũrecabe caiye paruéde cūvacu  
aru caiye méne đaiye majicu  
máre cainmua. Quédecabu,  
aima na.

<sup>13</sup>Aru cūinācu nácasu, ina veinticuatro paivu bucavacacu, yópe arī, jēniari jáme yure:

—¿Ñamema ina pōeva doivu ne cuitótecajea boricajeare? ¿Árocavuba na? jēniari jáme yure.

<sup>14</sup>Yópe arī, coyucacu ũre:

—Mū, ji jabocu, majibevu yu.  
Murecabu coreóvayū náre, acacu yu.  
Aru coyúame yure:

—Nárecabu napivu bācavu ne ñájijye báquede pueno urarō baju. Joquemavu ne cuitótecajeare, bore đarājivu dicajeare ñai ovejajicui jiveque. <sup>15</sup>Que baru núrivu bu Jūmenijicu jabocui dobarō mearo jipocai. Memecavubu ũre ũi cūrami jívui jāravure aru ñamine máre. Ñai dobacu jabocui dobarō mearo coricacarōra jári coresuyume náre ũi cue boje náque. <sup>16</sup>Aipinumu ñájimenama na ávúena. Aru aipinumu cūñómebu náre máre. Aipinumu aviá bóri émecube náre. Aru aipinumu toaijino máre cārijovamebu náre. <sup>17</sup>Nópe baquiyébu ñai ovejajicu cūcu jabocui dobarō mearo coricacarō yebai dobacu ũi jári coreiye boje náre. Jipocatecuyume náre oco arure đaioco piaróino cūrōi.

Tĩrecuyme caiye oride ne yacorware.  
Aru torojure ñacuyame náre cainumua,  
arĩ coyúame ñai bucucu yure.

**Juan ñi coyũino piniducayabe  
jãjariyabena**

(Ap 5.8, 11.19, 16.18)

**8** <sup>1</sup>No yóboi Cristo, ovejãicu ne aimu,  
burame apeyabe piniducayabe  
jãjariyabede diyoca cãriáiyocare jocarĩ.  
Ëi buraiyede diyabede, ye yávaino  
jãpurabeni, caivu bi aimo no cavarõ  
mearo Jãmenijicui curõ coricaorare.  
<sup>2</sup>Aru jãcacu ina siete paivu ángeleva  
núrvure Jãmenijicui jipocai. Jímara  
mateima siete paiyoa japuiyoare  
trompeta ãmicuriyoare náre coapa.  
<sup>3</sup>Apecu ángele dáme. Cuvateame ñi  
pũrui cūinãru jororu úruque ñaidure  
mumijuede adaidure. Darĩ, núteame  
Jãmenijicure jãcayede juaiva jipocai.  
Jímu mateáme ñi ure mumijuede, ñi  
jãcaquiyepa ayu caivu Jãmenijicui põeva  
ne boroteiyede úque. Que teni jiame  
diede Jãmenijicure iva juaiva úruque  
ñavarã Jãmenijicu jabocui dobarõ  
mearo jipocai. <sup>4</sup>Iye mumijue éiyede, bico  
muavu Jãmenijicu jipocai ñai ángelei  
pũrure jocarĩ. Muavu Jãmenijicui põeva  
ne boroteiyede úque. <sup>5</sup>Aru ñai ángele  
nũvari buiváme idu jororure toatũchia,  
ñi ñno mãcarõre Jãmenijicure jãcayede  
juaivare jocarĩ. Buivãrĩburu yóboi,  
dũvame didure joborõi. Ëi dũvayede  
didure õpo tuavũ, yávaino bujino  
jãpurateavũ, yaroino cojiteavũ, aru  
joborõ máre cújãvũ.

**Juan ñi coyũino iye siete paiyoa  
japuiyoa trompeta ãmicuriyoarã**

<sup>6</sup>Dinũmure ina siete paivu ángeleva  
cũvarivu siete paiyoa japuiyoare  
trompeta ãmicuriyoare meadãima,  
japurãjivu diyóare.

<sup>7</sup>Cūinãcu ángele nãcacu  
mamãrũmũcacu japuáme mamãrũmu  
ñi japuiyore. Ëi japuiyede, ocavũ jãjaro  
yópe cãrajiboape, aru toabo jiveque  
ocainope tuavũ joborõi. Yópe yóbecue  
coavaiyepa caino joborõre, cūinãro

iye yóbecuecarõ éni bĩjavũ. Caiye  
yóbecuricua jocucua curĩ, cūinãcu éni  
bĩjavũ. Aru yópe yóbecue coavaiyepa  
caiye cõriá jũmenicõria máre, cūinãro  
iye yóbecuecarõ, éni bĩjavũ.

<sup>8</sup>Aru cūinãcui yóbocacu ángele  
japuáme ñi japuiyore. Ëi japuiyede,  
cūinãcũ cũracũ uracũpe paicũ, éicũ  
toaque dũvaicũ mateávũ jia urãðai.  
Yópe yóbecue coavaiyepa caiya jia  
urãðare, cūinãro iye yóbecuecarõ  
jiveteavũ. <sup>9</sup>Caivu yóbecurã apurivu jia  
urãðacavu curĩvu, cūinãcu yaiáme. Aru  
caiye yóbecuricua jiaðocũ uracũa cœ,  
cūinãcũ bĩjavũ.

<sup>10</sup>Aru pũcarãi yóbocacu ángele  
japuáme ñi japuiyore. Ëi japuiyede,  
cūinãcu abiacoru uracu uruyũ tuame  
yópe cãmavepe cavarõre jocarĩ. Caiye  
yóbecuriya jia curiyare, cūinãdare tuame  
ñai abiacoru uracu. Aru cainoa yóbecurã  
oco pãpõino curõare máre, cūinãrore  
tuame ñi. <sup>11</sup>Jũmecu ãmicũteame ñai  
abiacoru. Yópe yóbecue coavaiyepa caiye  
oco ùcuicore, cūinãro iye yóbecuecarõ  
jũmeteavũ. Obedivu põeva yaima, ina  
ũcuivu bãcavu die oco jũmene.

<sup>12</sup>Aru yóbecurãi yóbocacu ángele  
japuáme ñi japuiyore. Ëi japuiyede ñai  
aviã yóbecue coavaiyepa úre, cūinãra  
iye yóbecuecarõ ãmedaino mateávũ.  
Quédeca vaiávũ ñai aviã ñamicacure  
aru ina abiacovare máre. Cūinãro  
ne yóbecuecarõ ãmedaino mateávũ  
náre coapa. Que baru caivu ina yópe  
yóbecue coavaiyepa náre, cūinãro  
iye yóbecuecarõ ñemiteavũ náre  
coapa. Yóvaicũvaiora jãrvure ñai aviã  
bóbeteame. Aru yóvaicũvaiora ñamine  
ina ñamicavu máre pẽometeima.

<sup>13</sup>Aru jãcacu cūinãcu mĩyavipe páyure,  
águila ãmicũcure. Vuyũ bateáme pare  
ũmũ, cavarõ corica bajui, aviã ñi curõi  
jãravũ corica baji. Jãpiacacu ñi yópe  
ainore yávaino bujinoque:

— ãmeno bajutamũ. Ina apenvũ  
yóbecurã ángeleva ne japurãjiyede  
ne japuiyoare ãmeno baju vaiquĩyebu  
ijãravũcavu Jesũre jũ abevũre, arĩ  
coðoboboame ñi.

9 <sup>1</sup>Aru yóvaicuvavui yóbocacu ángele japuáme ñi japuiyore. Ñi japuiyede, jácacu cūinácu ángele abiacórupe árojacu tuyu bácure cavarõre jocarí pu joborõita. Jímu mateáme llavede, voacuy ecoinore ñimujuricobede abujuva ne napini coreinoi ecoinore. <sup>2</sup>Ñai abiacoru voame no ñimujuricobe ecoinore. Ñi voaiyede nore, toabico etavũ dicobede jocarí. Yópe toabo urarõ uruiyede bico urarõ etaiyepete bateávũ die toabico. Aru die toabico ñemié ture dávu avía ñi boiyede aru ñimevure máre. <sup>3</sup>Aru no toabico jocarí mujuñuva darí ñemeima joborõita. Ina mujuñuva paruéde jímara mateima, dorenajivũ yópe muriva joborõcavure. <sup>4</sup>Ámedaicõjememara mateima caiye cõriáre, caicua jocucure, aru caiye ape píaiyede máre. Quénora ina jádovamemara mácvure ne tütuvará Jūmenijicu jinape quévura ñájjine ñaicõjeimara mateima ina mujuñuva. <sup>5</sup>Ñbenita boarí jaruvaicõjememara mateima ina ne dorenajimarare. Quénora ñájjine ñaicõjeimara mateima náre cūinárupe paiaviava baju. Ina ne doreimara ñájjima yópe pōescu ñájjiyepete muri doreiyede. <sup>6</sup>Ina ne doreimara ñájjinajarama pare añijāravua baquiyéde. Ne ñamei ñájjie boje, yayurājarama na. Ñbenita yaino jēmequiyebu náre. <sup>7</sup>Ina mujuñuva árojateima yópe caballova meadaimara mácvu boarānrajivupe. Ne jipobũ cūvateima náre coapa apede yópe jipobũ adaitarabua úruque ñaitarabua. Aru ne jiva náre coapa ñimvai jivape árojateavũ. <sup>8</sup>Ne podā náre coapa nomivai podape árojateavũ. Aru ne cõpiá máre león ámicucu áimacu yavipe páyui cõpiápe árojateavũ. <sup>9</sup>Ne ñarebare cūvateima náre coapa apede yópe cūmaicajea táucajeape paiyede. Ne caveá máre bujiteavũ yópe pōeva boarānũvũ jāturuicūa caballovaque cūyavũ bujitépe. <sup>10</sup>Ne pícomua náre coapa muri pícomupe árojateavũ. Aru doreima yópe muri ñi doreiyepete. Ne pícomuaque ñájjine ñarí majiteima

pōevare cūinárupe paiaviava baju.

<sup>11</sup>Ina mujuñuva ne jabocu cūteame.

Ñ mateáme ñai ángele jári coreyu dicobe ñimujuricobede. Hebreovai yávaicamuaque Abadón ámicubi. Aru griegovai yávaicamuaque Apolión ámicubi. Que aino pōevare, ñájjine ñayũ aiyrõtamu.

<sup>12</sup>Que teiyede, cūináro ñájjiovaino vaiávũ. Ñbenita pucarõa javũ cāreja.

<sup>13</sup>No yóboi, cūinárupe paivui yóbocacu ángele japuáme ñi japuiyore. Ñi japuiyede, jápiacacu yu cūinácu ñi yávainore. No yávaino etavũ Jūmenijicure jícaiyede juaiva úruque ñaivare jocarí. Diva Jūmenijicu jipocai curivai yóvaicuvaitõbuare jocarí etavũ no yávaino. <sup>14</sup>Yópe arí, coyuvávu no yávaino ñai ángele ñi japuiyore cūvacure:

—Jodejacu ina yóvaicuvavui ángelevare buoimara mácvure jia urada Éufrates ámicuriya yebai, arí coyuvávu.

<sup>15</sup>Que baru ina yóvaicuvavui ángeleva jodeimara mateima. Meadaimara mácvu batequémavu, boarí jaruvārājivũ obedivũ pōeva ijāravucavure. Caivũ yajubo curivupe yóbecurāque cūinácu boarí jaruvārājivũ bateima na. Meadaimara mácvu batequémavu nópe ñarājivũva cūináora beoiorare, cūinájavũ beoijāravure, cūinácu avía beoiviare, aru cūináju beoijure máre. <sup>16</sup>Jápiacacu yu aipivũ churarava caballovarā tubarivũ ñaivure. Caivũ ne obeno doscientos millones paivũ cūteimaña na.

<sup>17</sup>Yópe decoboinope jácacu ina caballova aru nára tubarivure máre. Ne ñarebare cūvateima náre coapa cūmaicajea táucajeare. Jūaro baju toape, jūmeno cavarõre, aru cūrajūmeno azufrepe máre jácacu yu ne cūmaicajeare. Ina caballova ne jipobũ yópe león ámicucu áimacu yavipe páyui jipobupe bateávũ. Aru ne jijecamuare jocarí etavũ toa, bico, aru azufrede máre. <sup>18</sup>Iye toa, bico, aru azufreque

máre boarí jaruvaima na obedivü pöeva ijárvavcavüre. Caivü yóbecurá curivü, cüinácu nácacure boarí jaruvaima ina caballova. <sup>19</sup>Ne boarí jaruvaiye parué cúteavü ne jijecamui aru ne pícomui máre. Ne pícomua yópe ádavape bateávü. Ne pícomuaque cüima pöevare yópe ádavaí cüiyepe, ijide daráživü náre.

<sup>20</sup>Caiye iye vainíburu yóbore, ina pöeva ijárvavcavü yaibévu bácvü cäreja ye jaruvaiyubeteima na ne pèpeimara mácvure. Quénora dajocabeteima ne mearore jíyede abujuvare. Aru dajocabeteima ne mearore jíyede pèpeimara mácvure. Ina pèpeimara mácvü pöeva ne ðaimara mácvübu úruque, aru plataque, bronzeque, cüraboaque, aru jocscuaque máre. Nárecabu yéde jári majibevü aru jápiarí majibevü. Aru cuivü máre buojabema. <sup>21</sup>Aru chíomevü, ne ámeina teiyede jaruvaiyubevü, oatuvabeteima ne ðaiyede. Dajocabeteima ne boarí jaruvaiyede pöevare, ne yavié teiyede, ne ámeina ðaiyede apévüque némarebücava ánevüque, aru ne ñavaiyede máre.

**Juan ñi coyüino ángelena ñai  
cuvacurá quíjyoca paperayoca  
cáriáiycare**  
(Hch 4.24)

**10** <sup>1</sup>No yóboi, jácasu apescu ángele paruscure, émeñure cavarō mearo Jūmenijicui curōre jocarī. Cūinábo oopenibo cūmavü úre. Cūinácu náme cūteame ñi jírobü pñenoī. Ūi jiva peóávü yópe aviaí pñoiyepe. Aru ñi áraðoa yópe edivea uruiyepe toaque árojæ mateávü. <sup>2</sup>Cuvateame ñi pñrūi cūináyoca quíjyoca paperayoca cáriáiycare. Diyoca voaiyoca bácarō mateávü. Núteame ñi cuboba mearpūravcascubobaque jia uraðai aru ñi cuboba cācorpūravcascubobaque jaborōi. <sup>3</sup>Coðoboboame yávaino bujinoque yópe león ámicscu áimacu yavipe páyui codoboiyepe. Ūi coðoboborīburu yóbore, jápiacacu siete painoa ðo tuinoare. <sup>4</sup>Ōpo

turīburu yóboi, toivajurocu batecácu ne yávainore. Ūbenita jápiacacu apeno yávaino cavarō mearo Jūmenijicui curōre jocarī. Yópe arī, coyúávü yure:

—No yávainore, siete painoa ðo tuinoa coyüino mácarōre mure toivabejacu mü. Yavejacu caivüre jocarī ne coyüino mácarōre, arī coyúávü yure.

<sup>5</sup>Dinumure ñai ángele, ji jáimü mácu núcure jia uraðai aru jaborōi máre, jámuóame ñi pñrū mearpūravcscurūre cavarō mearo Jūmenijicui curōi. Aru yópe arī, coyúáme:

<sup>6</sup>—Jūmenijicurecabe apscu cainmua. Ūrecabe cuedayü bácu cavarōre aru caivü cavarōcavüre aru caiye cavarōquede máre, aru jaborōre aru caivü jaborōcavüre aru caiye jaborōquede máre, aru jia uraðare aru caivü jia uraðacavüre aru caiye jia uraðaquede máre. Ñai Jūmenijicu ðare ðajacurī yópe ji aiyepe: Napini corequiye cūbejaðeni. Járavü cūiquíyebu.

<sup>7</sup>Quénora apescu ángele, ina siete paivü piniducacu, ñi japurí buiyede ñi japuiyore, Jūmenijicu ðacuyume yópe ñi dápaiye báquepedeca. Ðacuyume yópe ñi jáðovameno mácarōre jírocamia ñi coyüiye báquede ina ñi yávaiyede coyucaipöeva mácvü úre memecaivü bácvüre, arī coyúáme ñai ángele.

<sup>8</sup>Dinumure jápiacacu bediöva cojedeca no yávainore, ji jápaiye báquede cavarō mearo Jūmenijicui curōre jocarī. Yópe arī, coyúávü yure:

—Ícññajacu diyoca quíjyoca paperayoca cáriáiycoca voaiycare ñai ángele núcu jia uraðai aru jaborōi máre ñi pñrūre jocarī, arī coyúávü yure.

<sup>9</sup>Que baru ñai ángele yebai nñri jēniacacu, ñi jíquiyepe ayü yure diyoca quíjyocare. Aru úcapūravü áme yure:

—Iycare ñni ájacu. Jūmetequiyebu mi yapibui. Ūbenita mi jijecamure mumícorope émiñyuyeyebu, áme yure.

<sup>10</sup>Diyoca quíjyocare ícscu ñi pñrūre jocarī. Aru ácasu yü. Mumícoro émiñyere dápurateavü ji jijecamure. Ūbenita járvóriburu yóboi jámeteavü ji yapibure.

<sup>11</sup>Dinumure coyüima yure, yópe arī:

—Jaunv mure mi Jūmenijicui yávaiyede soyucaquiyepe cojedeca ina obedivn ĩmaroacavurã, aru pōeyajuboacavurã, yávaicamuacavurã, aru jabovarã máre, arĩ soyuima yure.

**Juan ũi soyuino ina pucarã soyucaipōvara**

(Lc 21.24; Ap 6.12, 8.5, 13.5-7, 16.18-21, 17.8)

**11** <sup>1</sup>Maje jabocu jiame yure cūinádo corevaiyore yópe abojíoyope paiyore. Aru soyuáme yure, yópe arĩ: —Corevacunujacu mu Jūmenijicui cūramine, aru ũre jícaiyede juaivare aru ina mearore jívure ũre nore máre. <sup>2</sup>Ūbenita corevabejacu táibure Jūmenijicui cūrami jedevare, judíova ámevure jíno mácaróre. Ina judíova ámevu bíjarorãjarama no ĩmaro Jūmenijicu jinore cuarenta y dos paiaviava baju. <sup>3</sup>Aru yu jarocuyumu pucarã ũmuvare, ne soyucarãjiyepe ayu yurã arevure mil doscientos sesenta paijaravna baju pu arevu náre boarĩ jaruvaiyeta. Ina pucarã dorãjarama cuitótecajearo yópe pōeva ne doiyeye orãjivn yaivu bávavure, arĩ soyuáme yure.

<sup>4</sup>Ina pucarã soyucaivn ũra, jēvari soyurĩ nárecabu icuá pucasna jocusna olivo ámicuricua ijāravncavni jabocu jipocarã curicuarpe paivn. Aru jēvari soyurĩ nárecabu ijaraboa pucararaboa pēoibna tuojaraboa ijāravncavni jabocu jipocarã curijaraboape paivn máre. <sup>5</sup>Ácu pōecu ũi nãjine ðaiyurĩduru náre, toa etarĩ ne jijecamure jocarĩ éni bíjaroquiye bu ne mavure. Que baru nópe yainãjarama ñame nãjine ðaiyurĩduivn ina pucarãre. <sup>6</sup>Ina pucarã parué cvarivnbu ocabede ðarĩ bujarãjivn ne soyuiyedeca cãreja Jūmenijicurã. Aru parué cvarivnbu jivetede ðaivn bujarãjivn oco pãaróinoare. Aru duica ijie cure ðaivn bujarãjivnbu máre ijāravncavure aipino ne uróre. <sup>7</sup>Ina pucarã ne buojaiyede ne soyuiyede, ñai áimacu jijecucu ámesu muñ ũmujuricobede jocarĩ

ádamatecuyume náre. Ádamateni, vaini turĩ, boarĩ jaruvacuyume náre.

<sup>8</sup>Yaivu bávavn ne bajuá báque cuquiye bu uraró ĩmarocamara, ne Jesucristore boarĩ jaruvaiĩmaroi, ne pēvaiye báquede ũre jocusujaravena. Diĩmarore pōeva adama “Sodoma” aru “Egipto” máre, ne jádovarajiyepe aivn aipe ámeno árojarore no ĩmarore. <sup>9</sup>Cainoa ĩmaroacavn, aru caiyajuboa pōeyajuboacavn, caicamua yávaicamuacavn, aru caijaborðacavn máre járarama ina yaivu bávavn ne bajuá báquede yóbecurijāravna corica bajureca. Yuarĩ jaruvaiçōjemenajarama na ne bajuá báquede. <sup>10</sup>Ijāravncavn Jesucristore ju abevn torojurãjarama ina pucarã ne yaiye boje. Ina pucarã Jūmenijicui yávaiyede soyucaipōeva mávavn ne nãjine ðaiye báque boje pare ijāravncavn pōevare, nácupūravn torojuve teni jınajarama ne bojecubeda jíyuede ne baju.

<sup>11</sup>Ūbenita yóbecurijāravna corica bajureca cãreja nore curĩburu yóboi, Jūmenijicu náre nacovari yainore jaruvarĩ, arure ðaquemavn náre cojedeca. Que baru nacajaima ina pucarã. Aru caivn ina jáivn bávavn nacajavure cuscumaima pare.

<sup>12</sup>Dinũmure ina pucarã Jūmenijicui yávaiyede soyucaipōeva járiaima apeno yávainore bujinoque, yópe ainore cavaró mearo Jūmenijicui curóre jocarĩ:

—Muri dajarã yui, ávũ náre.

Ne mavai jáiyedeca náre, muri nuima ina pucarã ocopeniboque pu cavaró mearo Jūmenijicui curóita. <sup>13</sup>Aru dinũmũmiareca joboró cújivn pare. Yópe caipucarũuarpe paiye covaiyeye caino no ĩmarore, cūináro iye caipucarũuarpe paiyecaró bíjavũ. Aru siete mil baju pōeva yaima no joboró cújiye boje. Caivn arevn diĩmarocavn aruvivn cãreja cuscumaima pare aru mearore jíma ñai Jūmenijicu cavaró mearocacure.

<sup>14</sup>Que teniburu yóbore, pucarõa nãjiovainoa vaiávũ caride. Ūbenita cūináro jaunv cãreja. Maumejiena vaiquiye bu no.



**Juan ñi coyũino siete ángeleva  
piniducacui japuiyena ñi japuiyo  
trompeta ámicuriyore**

<sup>15</sup>No yóboi, apesu ángele, ina siete paivu piniducacu, japuáme ñi japuiyore. Ñi japuiyede, yópe arí, coyũima obedivu cavarō mearo Jũmenijicui curōcavu bujiéque:

Caride maje jabocu Cristoque jaboteivubu caivu ijāravucavure. Aru úrecabe jabotecuycu cainũna, arí coyũima na.

<sup>16</sup>Dinũmure ina veinticuatro paivu bucava dobarivu jabovai dobarōa mearoai Jũmenijicui jipocai joborōita mori turí mearore jíma úre. <sup>17</sup>Que teni yópe arí, coyũima:

Mũ, ñuje jabocu Jũmenijicu, parucu caivu pueno, cucu caride aru cucu bácu javede, torojuede jívubu mure. Murecabu jaboteni báyu caivu pōevare mi parué ureque. Que baru torojuede jívubu mure.

<sup>18</sup>Eaivu yo jāravu mi jáđovaijāravu mi jorojini jáiyede pōeva ne ãmeina teiye boje. Eaivu yo jāravu mi jári corevaijāravu caivu ina yaivu bácvure ne ñaiye báquede. Que baru caivu ijāravucavu mure ju abevũ jijateima pare. Caride eaivu yo jāravu mi bojedaijāravu pōevare ne ñaiye báque bojede. Me bojedacuñmu mu caivu mure memecaivure, ina mi yáva iyede coyucaipōevare aru mi pōevare, ina mure pueđavure máre, quíjinare aru bucavare máre. Aru bíjaroquijivu mu caivu ina ijāravucavu apévure ñájine ñavure, arí coyũima na.

<sup>19</sup>No yóboi, Jũmenijicui cũrami, cavarō mearo ñi curōi curiñami voavũ. Nore jáino mateávũ ãnitōcu ina judfovai adaitōcure iveá cũravea Jũmenijicu “Yópe ñacacuyũmu yu mujare”, ñi arí toivaiye báque curitōcure. Aru yaroino cojiteavũ, yávaino bujino jápurateavũ, oyo tuavũ, joborō cújivavũ, aru ocaino jájaro yópe cũrajiboape tuavũ máre.

**Juan ñi coyũino nomióra aru  
ãijuacurã máre  
(Lc 10.18; Jud 9)**

**12** <sup>1</sup>No yóboi, cũináro jáđovaino urarō jároteavũ cavarōi. Jároteaco cũináco nomió cũmaimo máco aviáque yópe cuitótcajede cũmaiyepe. Núteaco aviá ñamicacu puenora. Ñi jipobui cúteavũ jipobu adaitarabu doce paivu abiacovaque. <sup>2</sup>Micaco, juedocuvacodo bateáco maumejiena. Que baru pare odo bateáco, óre ijíe boje. <sup>3</sup>Aru jácacu. Apeno jáđovaino urarō jároteavũ cavarōi. Jároteame cũinácu ãijuacu uracu baju. Siete paibua jipobua cucu bateáme caipucapũruape pajavaroaque. Cúteavũ ñi jipobua coapa cũinátarabu jipobu adaitarabu. <sup>4</sup>Ñi pícomuque jabuboame obedivu abiacovare cavarōre jocarí pu joborōita. Caivu yóbecurã abiacova curivu, cũinácuere jabuborí ture dáme ñ joborōita. Ñai ãijuacu mauteame ico nomió jipocai, acucu ñi juedocuvacojimure mama pōteyũra. <sup>5</sup>Ico nomió juedocuvateaco mamacu ñmujicure, jabotecuyure caivu pōevare paruéque, yópe ñi cuvajuroepe abođo táuque ñaiyore. Que baru ñame ñabejebu yópe ñi cōjeiyepe. Ubenita ñai juedocu ñni nuvaimu mateáme pu Jũmenijicu yebaita, jabocui dobarō mearoita. <sup>6</sup>Aru ico nomió dupini nuaco pōecubenoí, Jũmenijicui óre meadacaino mácarōi. Nore ñiye jímo macodóme o mil doscientos sesenta pajjáravu baju.

<sup>7</sup>No yóboi, áđamateino mateávũ cavarō mearo Jũmenijicui curōi. Ángelevai jabocu ñi ãmiá Miguel ñi ángelevaque áđamateame ñai ãijuacure. Aru ñai ãijuacu máre ñi ángelevaque áđamateniduame Miguejäre copũ.

<sup>8</sup>Ubenita ãijuacujácupũravu ye vainí tubeteima na, Miguejácupũravure. Que baru ãijuacujäre cavarō mearo Jũmenijicui curōre mauteicōjememara mateima na cãreja. <sup>9</sup>Que baru ñai ãijuacu uracu ne jaetovaimu mateáme cavarō mearo Jũmenijicui curōre jocarí.

Érecabe añu ãijuacu javecaçu ñi ãmiá Satanás, abujuvai jabocu. Érecabe jujovayu caivu ijáravucavure. Ë ñi ángelevaque, nárecabu ñi jaetovaimara mácavu cavarõ mearo Jñmenijicui curõre jocarí pñ joborõita.

<sup>10</sup>Dinũmure jápiacacu apeno yávainore bujinoque, yópe ainore cavarõ mearo Jñmenijicui curõre jocarí:

—Caride jave eavũ Jñmenijicui meadaijáravũ põevare. Jñmenijicu jádovaimi ñi paruéque ñi jaboteiyede. Cristo máre jádovaimi ñi paruéde. Caride jaetovaimume cavarõ mearo Jñmenijicui curõre jocarí abujuvai jabocu, ñai boro coyurí adaipõescu bácu majevũ Jesucristore ju aipõevare. Jipocamia ñai núcu bateáme Jñmenijicu jipocai, boro coyurí adacuyũ náre járavure aru ñamine máre. <sup>11</sup>Cristo, ñai ovejájicu ne aimũ, ñi jive meiyebáqueque bojedarejaquemavũ majevũ Jesucristore ju aipõevare ne ãmeina teiyede. Ne ju aiyequo vainí tuyama ñai abujuvai jabocure. Aru coyũima Jñmenijicui yáviayede dajocabevũva “Jávemu” ne aiyede Jesucristo yáviaye méne. Aru iye ne yáviaye méne coyũiyequo máre vainí tuyama ñai abujuvai jabocure. Boarí jarũvarájimaravacari ne nópe bueiyebõje Cristo jiede, nácapũravũ buede nuivũ bateima ñ jiede dajocabevũva. Que baru jecubeni ne baju apuéde ijáravũ, jidũbevũva napini coreima ne yainájínore. Que baru boro coyurí adaino cubevũ náre corũ caride. <sup>12</sup>Que baru torojue cuquiyebu cavarõ mearo Jñmenijicui curõi. Torojujarã muja cavarõ mearo Jñmenijicui curõcavũ. Ëbenita pare chiorajarama ijáravucavũ, ina joborõi curivũ aru ina jia uradaí curivũ máre. Ñai abujuvai jabocu ãmeimi muje yebai jarayũ baju, ñi coreóvaiye boje maumejiena ñájicuyure.

Nópe jápiacacu yu.

<sup>13</sup>Ñai ãijuacu ñi coreóvayede ñi baju ne jaetovaimũ márcure joborõita, cujuáme ico nomióre, mamacure juecõcuvaco bácore. <sup>14</sup>Ëbenita

ócapũravũ jĩmo mateáco pũcacavea, míyavipe águila ãmicũcui caveáre, vũcõdo põescubeno, Jñmenijicui óre jĩno mácarõre õi curõita ãijuacure jocarí joaita. Nore ãiye jĩye jauquiye bateávũ óre yõbecuriujua aru arejũ corica bají. <sup>15</sup>Dinũmure ñai ãijuacũcapũravũ jęcuturi japurí jaroáme urarõ ocure ñi jijecamure jocarí yópe jiape, õi mũicojiiyere arĩduyũ óre, õi bíjacojiiyere arĩduyũ. <sup>16</sup>Ëbenita yo joborõ cadateavũ óre. Yo joborõ járũõiyere dávũ iye urarõ ocure, ñai ãijuacu jęcuturi japurí jaroíye báquede. <sup>17</sup>Que baru ñai ãijuacu pare jijateyũ óre, ãdamatecũũname caivũ arevũ õi páramenaque corũ. Nárecabu caivũ ina ju aivũ Jñmenijicui ãaicõjeiyede aru dajocabevũva coyũivũ Jesús ñi yáviayede jávene pñ arevũ náre boarí jaruvaiyeta. <sup>18</sup>Aru ñai ãijuacu núscũũname ëpacũra jia urada écarui.

**Juan ñi coyũino ina pũcarã ãimara jijecurivũrã**

(Mt 24.24; 2 Ts 2.9-10; Ap 3.5, 17.3, 7-12)

**13** <sup>1</sup>Dinũmure jácacu cũinácu ãme ãimacu jijecũcure mũri dayure jia uradare jocarí. Siete paibua jipobua cũcu bateáme caipũcapũũre paijavaroaque. Cáteavũ ñi javaroa coapa cũinátarabũ jipobũ adaitarabũ aru ñi jipobua coapa ãmiá ãmeãmiare toivaino mácarõ. No ãmiá cojubeteavũ Jñmenijicure. <sup>2</sup>Ñai ji jáimũ yópe ãrojateame: Yavipe páyũ bateáme ñi baju. Ëi cuboba miei cubobape bateávũ. Aru ñi jijecamu ãimacu jijecũcũ leõn ãmicũcui jijecamure bateávũ. Ñai ãijuacu jiame ñi paruéde ñai ãimacure. Dobaicõjeame jabocui dobarõ mearora. Aru jaboteicõjeame ãre obedivũ põevare. <sup>3</sup>Ñai ãimacure, cũinábu ñi jipobuacabu yaivájũrorichuri bácarõ curõ ãrojateavũ. Ëbenita no churi bácarõvacarí paparí meateavũ. No churi meateinore jáivũvata, caivũ ijáravucavũ Jesúre ju abevũ pare cuesumaima. Aru mũima na ñai ãimacu yóboi, ne ju aiyebõje ñi bueiyede. <sup>4</sup>Coreóvaima na ñai ãijuacu jĩyũ bárcure ñi paruéde ñai ãimacure.

Que baru mearore jíma ñai ãijuacure.  
Aru mearore jíma ñai ãimacure máre.  
Yópe arí, mearore jíma na:

—Apecu cubebi parucu ñai ãimacupe páyu. Ñame maucubarí, ãdamateni vainí tuiyu buojabenama úre, aima na.

<sup>5</sup>Ñai ãimacu coyuicójeimũ mateáme, “¿Meacu bária yu apecu pueno?” acuyu aru ãmeina yávacyu Jūmenijicure máre. Aru jaboteicójeimũ mateáme cuarenta y dos paiaviaba baju. <sup>6</sup>Que baru ãmeina yávame Jūmenijicurã, aru ãi cūramina, aru caivu ina cavarõ mearo Jūmenijicui curõi curivurã máre. <sup>7</sup>Ãdamateicójeimũ mateáme Jūmenijicui pōevare copu ãi vainí tuiyeta. Aru jaboteicójeimũ mateáme caiyajuboa pōeyajubocavure, aru caĩmaroacavure, caicamua yávaicamuacavure, aru caijaborōacavure máre. <sup>8</sup>Ñai ãimacure mearore jínajarama caivu ijāravucavu Jesúre ju abevu. Námu ne ãmiáre toivabemara mácavu ãnitucubo paperatucuboi, caivu ina jāravu cūiméjāravu baquinóre cvarājivure ne ãmiáre toivaitucuboi. Ditucubo Cristo, ovejajicu ne aimu, ãi tucubobu. Ñai ovejajicu ne boarí jaruvaimu macuyúre Jūmenijicu majidejaquemavu ãi cuedaquiye jipocai ijāravure.

<sup>9</sup>Caivu me jápiajarã. <sup>10</sup>Ina buoimara marajivu, jāve buoimara marajárama na. Aru ina boarí jaruvaimara marajivu, jāve boarí jaruvaimara marajárama na.

Que baru caivu Jūmenijicui pōevare jāve ne napiye jauquiyebu caiye ne ñájiyede. Aru jāve ne ju aiyé jauquiyebu náre dajocabevuva Jūmenijicui coyuie báquede ãi mearo ñacaquiye náre.

<sup>11</sup>No yóboi, jácacu apecu ãme ãimacu jijecucure muri dayure joborõre jocarí. Pucarõa javaroa cūvateame yópe ovejai javaroape. Ubenita yávame yópe ãijuacui yávaiyepe. <sup>12</sup>Ñai ãimacu jia uradare jocarí dayu bācu cūvateame ure paruéde. Caiye ãi paruéde cūvateame ñai ãimacu joborõre jocarí dayu bācu. Ñai jia uradare dayu bācu jáiinoi ñai joborõre dayu bācu jaboteame ure

paruéque. Caivu ijāravucavu Jesúre ju abevure mearore jíde ñame ñai jia uradare dayu bācure, ñai churi meateino mácarõre cūvacure. <sup>13</sup>Aru ure pōeva ne ñarí majibede máre ñame ã. Toabore jōdaicójeame cavarõre jocarí pu joborõita caivu pōeva ne jáiinoi. <sup>14</sup>Pōeva ne ñarí majibede ñaicójeimũ mateáme ã ñai jia uradare dayu bācu jáiinoi. Yópe ñarí jujovame caivu ijāravucavu Jesúre ju abevure. Ñaicójeame náre, ne pēpeimure ne puedarājiyepe ayu ñai ãimacu apucure cāreja, buraimu mácureca boaicaroveque. <sup>15</sup>Ne pēpeimure ñariburu yóboi, ñai joborõre dayu bācu ãmene japuicójeimũ mateáme pēpeimure, yávayu ãi buojaquiyepe ayu aru boarí jaruvaicójeñu ãi buojaquiyepe ayu caivu ina mearore jiyubevure úre.

<sup>16</sup>Toivaicójeame caivu pōevare ne puru meapūravurã o ne tūtavarã. Quíjinare aru bucūvare máre, cūve cūvarivure aru cūve cūvabevure máre, yebacavure aru yebacavu ãnevure máre, caivure toivaicójeame ã. <sup>17</sup>Acu pōecu cūvabecu baru no toivainore, bojedarí ñnu aru jini bojedayu máre buojabeteame. No toivaino mateávũ ñai jia uradare dayu bācu ãmiá o yo número ãi ãmiáque curõ. <sup>18</sup>Majie javu ãre coreóvayucure nore. Ñai coreóvayu corevajacurí ñai ãme ãimacu jijecucui número. Yo númerobu pōecu número. Yo númerobu seiscientos sesenta y seis.

**Juan ãi coyuino ina ciento cuarenta y cuatro mil paivu baju yuriaivurã**  
(Stg 1.18; Ap 7.3)

**14** <sup>1</sup>No yóboi, jácacu cojedeca. Jácacu Cristore, ovejajicu ne aimu, núcure Sión ãmicuricú cūracú. Aru úque cūteima obedivu pōeva, ciento cuarenta y cuatro mil paivu baju. Nárecabu cūvarivu ãi ãmiáre aru jipacui ãmiáre máre toivaino mácarõre ne tūtavarã náre coapa. <sup>2</sup>Que teni jápiaacacu cūináro bujinore cavarõ mearo Jūmenijicui curõre jocarí. Jápurateavũ yópe cūratācūve uratācūve bujinope aru yópe õpo tuino pueno baju

bujinope. Yópe obedivü biabeiboare arpa ámicuriboare ne upaiye bujiépe jápurateavü no bujino. <sup>3</sup>Ina ciento cuarenta y cuatro mil paivü baju pöeva yúriaima yo yúriaino mamarore no jabocü dobarö mearo coricacaré jipocai, ina yóvaicüvaivü arüvü aru ina veinticuatro paivü bucüva ne jáinoi. Ina ciento cuarenta y cuatro mil paivü baju ijárvücvü Cristoi meadaimara mácvü quévüra yúriarí majiteima no yúriaino mamarore. Apescu cubebi yúriarí buojayü nore. <sup>4</sup>Inarecabu ámetebevü bácvü nomivaque. Nomivaque cubeteima na. Nárecabu nüvü ñai ovejajücvü yóboi ári üi nüinoi. Nárecabu bojedaimara mácvü caivü ijárvücvü jéneboi, jínajimara márajivü Jümenijicü aru ñai ovejajicü máre yópe jéidua mamarücvü bucüidua püeno mearüa jíyere. <sup>5</sup>Nárecabu ye borocübevu aru ye ámeno cubevü máre cainüma.

**Juan üi coyüino yóbecurá ángeleva ne coyüiyena**

(Ap 10.6, 16.19, 18.2)

<sup>6</sup>No yóboi, jácacu apescu ángele, vüvüre pare ümüi, cavarö coricai aviá üi curöi járvü corica baji. Coyüáme iye coyüiye cüiméne cainüma caivü ijárvücvü ne járiaiyede. Coyüáme caijaboröacavüre, aru caiyajuboa pöeyajuboacavüre, caicamua yávaicamuacavüre, aru caímaroacavüre máre. <sup>7</sup>Yópe arí, coyüáme yávaino bujinoque:

—Puedajará Jümenijicü. Mearore jíjará ére üi püeno majié boje. Eaiüvü iora pöevare üi ñájiovaquiora ne ámeina teiye boje. Que baru mearore jíjará ñai dayü bácvüre cavaröre, aru joboröre, jia uradare, aru oco píaróinoare máre, arí coyüáme ñai ángele.

<sup>8</sup>Apescu ángele dáme üi yóboi, yópe arí coyüvü:

—Jave bíjaivü no ímaro urarö Babilonia ámicurö. No ímarocavü ne pare ámeina ñaiye báque boje aru ne pare ámeina ñaiye báque boje

caivü ijárvücvü Jesucristore ju abevüre caijaboröai, bíjare dáimaramu na, arí coyüáme ñai ángele.

<sup>9-10</sup>Apescu ángele dáme ina pücará yóboi, yópe arí, yávaino bujinoque coyüáme:

—Pare ñájinajarama caivü ina mearore jívü ñai áme áimacü jijecücvü jia uradare dayü bácvüre aru üi pépeimüre máre, aru ina toivare ñaicöjeivü ne tütüvará náre coapa aru ne pürurá máre üi ámiáque o üi númeroque máre. Ne que ñaiye boje, Jümenijicü pare jorojüni jáñü náre, ñájine ñaicüvü máre pare yópe üi aiyé báquepedeca. Que tení éocüvü máre azufre ámicü täu uruino jívüi, üi ángeleva meara baju aru Cristo, ovejajicü ne aimü, máre ne jáiyede. <sup>11</sup>Ibo toabo náre ñájiovaibore jocarí bico porí müvü cainüma. Que baru cüiméquiyebo ne ñájíye. Quénora jabüóvabevü ñájinajarama járvüre aru ñamine máre caivü ina mearore jívü ñai jia uradare dayü bácvüre aru üi pépeimüre máre, aru ina toivare ñaicöjeivü ne bajure üi ámiáque, arí coyüáme ñai ángele.

<sup>12</sup>Que baru Jümenijicü pöeva, ina ju aivüre üi ñaicöjeiyede aru ju aivü Jesúre máre dajocabevüna ne ju aiyede ére cainüma, nácapüravüre jáve ne napiye jauquiyebo ure ne ñájíyede.

<sup>13</sup>Dinüvüre jápiacü cüináro yávainore cavarö mearo Jümenijicü curöre jocarí. Yópe arí, coyüávü yure:

—Yópe arí, toivajacü mü: “Caride aru cainüma torojurájarama caivü yainájivü curivü Jesucristoque cüinávüpe”, toivaicöjeame yure.

Aru ñai Espíritu Santo ju arí coyüáme:

—Jävemu. Cüivü ne ñájíye. Quénora jabüóvarájarama. Dajocarájarama ne pare memecaiyede. Aru cüvarájarama ne memecaino mácarö boje méne, arí coyüáme ñai Espíritu Santo.

**Juan üi coyüino Jümenijicü ñaicüinora ijárvücvüre yópe pöeva ne ñaiye inajivü ne oteiye báquede**

(Ap 19.15)

<sup>14</sup>Dinüvüre jácacü cojedeca. Cúteavü cüinábo ocopenibo boribo. Aru díborá

dobateame cūinácū. Maja, pōevape ārojacu bateáme ũ. Cuvateame cūinátarabū jipobū adaitarabū úruque đaitarabure ũi jipobūi. Aru đuruáme cūináve táuve oteiyede buraive jevucurivede ũi pūruí. <sup>15</sup>Dinumure apescu ángele etame Jūmenijicui cūramine jocarí. Yópe arí, yávaino bujinoque coyuáme ñai dobacure ocopeniborā:

—Jave eaivū iye oteie jējīaravū. Iye oteie ijāravūi bucuiyebu. Que baru burarí ijacu mū iye oteie bucuiyede, arí coyuáme ñai ángele.

<sup>16</sup>Ūi que aiyeda, ñai dobacu bácu ocopeniborā burarí íame caiye iye oteie bucuiyede ijāravure jocarí.

<sup>17</sup>No yóboi, apescu ángele etame Jūmenijicui cūramine jocarí no cavarō mearo ũi curōi. Ū máre cuvateame cūináve táuve jēidure buraive jevucurivede ũi pūruí. <sup>18</sup>Dinumure apescu ángele, ñai toare jārí coreyū, etame Jūmenijicure jícaiyede juaivare jocarí. Yópe arí, yávaino bujinoque coyuáme ñai ángele ive táuve oteiyede buraive jevucurivede cuvacure:

—Iboá vino úyaiboa ijāravucaboa ñemiboabu caride. Que baru burarí ijacu mū iboá vino úyaiboa ñemiboare, arí coyuáme ñai ángele.

<sup>19</sup>Ūi que aiyeda, ñai ángele ive táuve oteiyede buraive jevucurivede cuvacu burarí íame caiboa iboáre nēmure vino úyaimure jocarí. Burarí ĩniburu yóboi, đuvame iboáre pipoino jívuí. Yópe đarí Jūmenijicu, pare jorojīnī jāñū, ñájine đacuyume obedivū pōevare, ne ámeina teiye boje. Que aiyurōtamū no. <sup>20</sup>Yópe vino úyaiboare pipoicorore yuaiyepē, nopedeca Jūmenijicui ñájine đaimara ñájima ĩmaro jedevai. Aru ne jive etaiyede yuarí yabovaiyepē ñuavū pū trescientos paikilometros joaita aru eavū caballovare cōjeimeita.

Juan ũi coyuino iye siete paiye ñájiovaiye yóboquede

**15** <sup>1</sup>Dinumure jácacu apeno jáđovaino urarōre cavarōi.

Cuecumacacu ji jáiye de nore. Cáteima siete paivū ángeleva cuvavivū náre coapa siete paiye ñájiovaiye yóboquede. Iye siete paiye ñájiovaiye vainíburu yóboi, Jūmenijicu ye ñájine đabecūbe pōevare cojedeca. Iye siete paiye ñájiovaiyeque Jūmenijicu buojacuyume ũi jáđovaiyede ũi jorojīnī jáiyede.

<sup>2</sup>Aru jácacu apedare yópe jia urada jivarupe ũbenita me jārí javaiyoiya bateávū. Aru toaque jívainope ārojateavū diya jívuí. Diya écarūi núteima ina vainí tuiyvū bācavū ñai áme áimacu jíjecucu jia uradare dayū bācure. Vainí tuima úre ne mearore jíbe báque boje úre aru ũi pēpeimure máre. Vainí tuima úre ne toivaicōjeme máque boje ne bajurā yo número ũi ámiáque curōre. Ina vainí tuiyvū bācavū cuvateima biabeiboare arpa ámicuriboare, Jūmenijicui jíboare, ne pūruí cuvavivū náre coapa. <sup>3</sup>Yūriaima na yo yūriaino Moisés bácu Jūmenijicure memecayū bácu yūriaino mácarōre aru Cristo, ovejajīcu ne aimū, ũi yūriainore máre. Yópe arí, yūriaima na:

Mū, ñuje jabocu Jūmenijicu, parucu caivū pūeno, caiye mi đaiye ũrebu aru cuavaiyebu máre. Mū jaboteyūbu caivū pōevare, caijaborōacavure. Caiye mi đaiye mému aru javemu máre. <sup>4</sup>Mū, ñuje jabocu, caivū pōeva pueđarājaramū ñuja mure jáve. Caivū pōeva mearore jínajaramū ñuja mure jáve. Mū cūinácurabu meacu. Caivū pōeva caijaborōacavū mure mearore jínadarājarama ne jáiye boje mi đaiye méne, arí yūriaima na.

<sup>5</sup>No yóboi, jácacu Jūmenijicui cūramine, cavarō mearo ũi curōi curiñamine voaiñamine. Diñamimū iveá cāravea Jūmenijicui đaicōjeiyeque epeiñami. <sup>6</sup>Dinumure ina siete paivū ángeleva cuvavivū náre coapa iye siete paiye ñájiovaiyede etaima diñamine jocarí. Doima ne cuitótecajea docucubecajea, cojídicajeare, boricajea lino ámicuricajeare. Aru buoima

jārióicāva úruque ðaicāvare ne ñareba cūináturu baji. <sup>7</sup>Aru cūinácu ina yóvaicvvaivv arurivvucacu jiame ina siete paivv ángelevare siete paidva jororua úruque ðaiduare náre coapa. Diduá jívui cúteavv iye Jūmenijicui ñájiovaquiyē pōevare, ũi jorojini jáiye boje ne āmeina teiyede. Nai Jūmenijicu cūbi cainmua. <sup>8</sup>Aru Jūmenijicu meacu ũi cve boje, aru ũi parué cvvae boje máre, bico porí mūri buiávū diñami ũi cūramine. Que baru ñame buojabeteima ecoivv diñami Jūmenijicui cūramine pu ne buojaiyeta iye siete paive ñájioviyede ina siete paivv ángeleva ne davarājiyede.

**Juan ũi coyvino iduá jororuarā ñájioviyēque**

(Mt 24.43-44; Lc 12.39-40; Ap 3.3, 6.14, 8.5, 11.13, 19, 14.10)

**16** <sup>1</sup>Dinmure jápiacacu apeno yávaino bujino etaiyede Jūmenijicui cūramine jocarí. Bujiéque yópe arí, coyvávū ina siete paivv ángelevare.

—Iduá siete paidva jororua muje cvvariduaquede jayuarí jebenanujara muja ijāravui. Jūmenijicu ñájine ðacuyume ijāravucavv Jesucristore ju abevure iye siete paive ñájioviyede ũi jorojini jáiye boje ne āmeina teiyede, arí coyvávū.

<sup>2</sup>Que aríburu yóboi, cūinácu ángele, nácacu mamarumucacu, jayuarí jebecvnuame ũi jororui cve báquede joborói. ũi que ðaiyede, obedivv pōevare etavū churiá āmechuria. Caivv ina toivaicōjeivv bácvvure ne bajurā ñai āme āimacu jijecvvcu jia uradare jocarí ðayv bácvui toivaiyēquede aru mearore jívui bácvvure ũi pēpeimure máre etavū náre churiá āmechuria aru āmeina ijié máre.

<sup>3</sup>Aru cūinácu yóbocacu ángele jayuarí jebeáme ũi jororvquede jia uradaí. ũi que ðaiyede, caiye oco jia uradare jiveteavv yópe yayivú bácvui jivepe. Aru caivv ina arurivv cvrivv jia uradaí yaima na.

<sup>4</sup>Aru pucarāi yóbocacu ángele jayuarí jebeáme ũi jororvquede caiye jiare aru cainoa oco piapóinoare máre. ũi que ðaiyede caiye iye oco máre jiveteavv. <sup>5</sup>Dinmure jápiacacu apescu ángelede, ñai ocore jári coreyvure, yópe arí coyvayure:

—Mu, Jūmenijicu meacu baju, cvcu caride aru cvcu bácvu javede, mi yópe ñájine ðaiye báque pōevare métamu caride. <sup>6</sup>Ne boarí jaruvaiye báque boje mi pōeva mácvvure aru mi yáviyede coyvcaipōeva mácvvure máre, ne jivede mene ðaiye báque boje ne ñájiye métamu. Que baru caride murecabu bojedayv náre, ne nópe ðaiye báque boje. Murecabu ũcure ðayv náre jivede yópe náre jauépe, arí coyváme ñai ángele.

<sup>7</sup>Dinmure jápiacacu cojedeca apeno yávaino jápuraede Jūmenijicure jicaiyede juavare jocarí. Yópe arí, coyvávū:

—Mu, ñu je jabocu Jūmenijicu, parvcu caivv pveno, mi ñájine ðaiye pōevare mému aru jávemv máre, arí coyvávū.

<sup>8</sup>Aru yóbecurāi yóbocacu ángele jayuarí jebeáme ũi jororvquede aviárā. ũi que ðaiyede, ñai avia bórí, éni, juaicōjeimv mateáme pōevare yópe toa éiyepē. <sup>9</sup>ũi urarō éiye boje, caivv pōeva ijāravucavv Jesucristore ju abevv juaimara mateima na. ũbenita juaimara mácvvvacari, chíomevū ne āmeina teiyede oatvabeteima na ne ðaiyede. Aru ye mearore jíbeteima na Jūmenijicure máre. Quénona pveno baju āmeina yávare ñuima Jūmenijicure, ñai parvéde cvvcu ðayv iye ñájioviyede.

<sup>10</sup>Aru yóvaicvvaivv yóbocacu ángele jayuarí jebeáme ũi jororvquede ñai āme āimacu jijecvvcu jia uradare jocarí ðayv bácvui jabocui dobarō mearora. ũi que ðaiyede ñemié tvavū caino ñai āimacu ũi jaboteinore. Aru caivv ũi jaboteimara cūivv bateima ne baju ne jemedoare, pare ne ñájiye boje. <sup>11</sup>ũbenita ñájivvvacari aru āmechuriare cvvarivvvacari, dajocabeteima ne āmeina ðaiyede. Quénona ne ñájiye boje aru ne churiáre cvvae boje máre pveno

baju ámeina yávere nuima Jūmenijicure, cavarō mearocacure.

<sup>12</sup>Aru cūinápurupe paivni yóbocacu ángele jayuárī jebeáme ũi jororūquede iya Éufrates ámicuriya jia uradarā. Ũi que daiyede, diya jia popoávū, ina aviá dainocavū jabova ne jatarājiyepa aino diyare. <sup>13</sup>Dinumure jácacu yóbecurā abujuvare yópe momavape ārojarivure. Cūinácū abujucu etame ũai āijuacu ũi jijecamure jocarī. Apescu etame ũai áme áimacu jijecucu jia uradarā jocarī dayu bācu ũi jijecamure jocarī. Aru apescu etame ũai Jūmenijicui yávaiyede coyūcaipōescupe teyū, borocuede coyūyū, ũi jijecamure jocarī. <sup>14</sup>Ina abujuva pōeva ne đarī majibede đaiye majiteima na. Etaivū bateima cójijovarānurajivū caivū ijāravucavū jabovare, ne áđmatenajiyepa aivū Jūmenijicūque, ũai parūcure caivū pueno, ānijāravū, ũi pōevare pueno baju ũājiovere buojaquijāravū baquinóre, ne ámeina teiye báque boje. <sup>15</sup>Yópe arī, coyúáme Jesucristo:

—Muje yebai dacuyūmu muje majibedeca yópe ũavaipōescui daiyepa cūrami upacui majibedeca. Torojuycuyūme ũai apucu jári coreyū yure. Aru yópe pōescui meadaiyepa ũi cuitótecajeda cūyoje tebecuyū ũi cuitótecaje cube boje, nopedeca torojuycuyūme ũai meadayū ũi daiyede cūyoje tebecuyū ji daiyede, áme Jesucristo.

<sup>16</sup>Ina jabova, abujuva ne cójijovaimara, cójijima na apeno curōi, hebreovai yávaicamuaque Armagedón ámicurōi.

<sup>17</sup>Aru apescu ángele, ina siete paivū piniducacu, jayuárī jebeáme ũi jororūquede ũimevurā. Ũi que daiyede etavū apeno yávaino bujinoque no jabocui dobarō mearo coricacarō yebai Jūmenijicui cūramine jocarī. Yópe arī, coyúávū:

—Quénoramū, arī coyúávū.

<sup>18</sup>Dinumumia yaroino cojiteavū, yávaino bujinoque jápurateavū, ōpo tnavū, aru urarō joborō cújivū máre. No joborō cújino ámeno

mateávū cainoa apenoa joborō cújinoa pueno, Jūmenijicui pōevare cuedainumū mácarōmiata. <sup>19</sup>Que teni no uraīmaro mácarōre bururī, bururī yóbecurōcarōape mauteavū no mácarō. Caiye ĩmaroa ijāravūque bújainoa mateávū. Aru Jūmenijicū áruतेquemavū no ĩmaro urarō Babilonia ámicurōre. Que baru bojedame nócavure ne ámeina đaiye boje. Pare jorojīñū, ũājine đáme náre pare. <sup>20</sup>Caiye jiaavū aru caicūa cūracūa máre bújavū. <sup>21</sup>Aru cavarōre jocarī tnavū ocaino jájaro urarō baju yópe cūraboape. Diboá coapa cuarenta paikilos ducurīboa bateávū. Tnavū pōevara, ijāravucavū Jesucristore ju abevure. Ũbenita nácapūravū, ũājivūvacari diboá tuiye boje, pueno ámeina yávere nuima na Jūmenijicure, iye ũājiovaiye pare ũājine đaiye boje náre.

**Juan ũi coyūino ico nomió ámece  
baju ōi ũājiyena**

(Ap 3.5, 11.7, 13.1, 8, 19.16)

**17** <sup>1</sup>No yóboi, cūinácū ina siete paivū ángeleva iduá siete paidua jororūare cūvarivū bācavucacu coyūcudame yure. Yópe arī, coyúáme:

—Dajacu. Jáđovacuyūbu mure aipe ũājicođore ico nomió ōi bajure bojedado ũmūvare urarō ámenore đacođo náque. Órecabe dobaco obediya jia puenora.

<sup>2</sup>Caivū ina jabova ijāravucavū ōi đaiyepedeca đaiyurivū bateima, yópe ne ámeina đájuroepe óque. Jūmenijicū jiede ubeteima. Yópe ōi pacotede đájuroepe ijāravucavū Jesucristore ju abevure aru yópe ōi ámeina đare đájuroepe náre máre, nopedeca náre pare baju ámeina đaiyure đáco ō. Que baru náre ámeina đare đáco ō, áme ũai ángele.

<sup>3</sup>Dinumure ũai Espiritu Santo jáicōjeame yure. Que teiyede ũai ángele nūvame yure pōescubenoī. Noi jácacū cūináco nomióre. Ō tubaco bateáco áme áimacu jijecucu júacurā. Ũi baju caibaju toivaino mateávū ámiá ámeina yávaiámiaque Jūmenijicure copū. Siete

paibua jipobua cúteame caipucapucupe  
pajavaroaque. <sup>4</sup>Ico nomió doaco  
bateáco òi cuitótecaje jūaricaje aru  
ñemijuaricajede. Òi bajure meatedo báco  
bateáco úruque, aru quíjiboa cūrajiboa  
cojidijiboa bojecurijiboaque aru perla  
amicurijiboaque máre. Cuvateaco òi  
purui cūináru jororu úruque ðaidure.  
Didu jívure buiávū caiye ámeina  
ðaiye, aru caiye òi bajuque pueno  
ámene ðaiye báque máre. <sup>5</sup>Òi tūtvarā  
toivaino cúteavū cūináro ámiá: “No  
uraro ímaro ámiá Babilonia aino, yópe  
aiyurō mateávū no. Caivu ina ne bajure  
bojedaivu ámeina ðarājivū apevuque  
népacope páðobe. Caivu ijāravucavu  
Jesucristore ju abevure cainoa joborōai  
uraro ámeina ðare ðadobe”, ainore  
toivaino mateávū òi tūtvarā.

<sup>6</sup>Dinumure coreóvacacu ico nomió  
boarí jaruvaðo bácore obedivu ina  
Jūmenijicui pōevacavure. Yópe òi  
torojujuroepe pacoco baru, nopedeca  
torojuteaco ò òi mene ðaiyede ne  
jivede òi boarí jaruvaiyede náre. Náre  
boarí jaruvaco, ne coyuiye báque boje  
Jūmenijicui yávaiyede ðajocabevva  
ne “Jāvemū” aiyede Jesucristoi yávaiye  
méne. Que baru pare cuicumacacu yū.

<sup>7</sup>Dinumure ñai ángele, yópe arí,  
jēniari jáme yure:

—¿Aipe teni cuicumañuru mu?

Coyuquijivū mure aipe aiyuede mi  
jáiyede. Coyuquijivū ne borore, ico  
nomióre aru ñai áimacu òi tubamu  
cuvacure siete paibua jipobuare  
caipucapucupe pajavaroaque.

<sup>8</sup>Ñai áme áimacu jijecucu mi jáimū  
mácu cúteame javede. Aru cubebi  
caride. Ubenita mūri dacuyume  
icobe umujuricobede jocarí ũi  
bījacunuquiyē jipocai. Aru caivu  
ijāravucavu Jesucristore ju abevū pare  
cuicumarajarama, ne jáiye boje ñai  
áimacu cucu bácuve javede, cubecu  
caride, ũbenita dacuyure cojedeca.  
Ina cuicumarajivurecabu ne ámiáre  
toivabemara mácvu ánitucubo  
Jūmenijicui paperatucuboi, caivu  
ina jaravu cūiméjaravu baquinóre

cūvarājivū ne ámiáre toivaitucuboi.  
Ditucubo toivaino marejaquémavu  
Jūmenijicui cuedaquiyē jipocai ijāravure.

<sup>9</sup>Majíe javvu ũre coreóvayucure nore.  
Jēvari coyurí ibuá siete paibua jipobua,  
diedecabu siete paicūa cūracūa ico  
nomió ámeço òi dobae. Aru jēvari coyurí  
ibuá siete paibua jipobua diedecabu,  
siete paivu jabova. <sup>10</sup>Cūinápuve  
paivu nácvu yaiquémavu javede.  
Cūinácu nácvu jaboteyube caride.  
Aru apecu ðabecube cāreja. Ubenita  
ũi jabotecudaquiyede obebejaravva  
jabotecuyume ũ. <sup>11</sup>Ñai áme áimacu  
jijecucu cucu bácu javede aru cubecu  
caride, ũ macuyūme apecu jabocu,  
ina siete paivu ne yóbocacu. Ubenita  
cūinácu ina siete paivucacuvacaribe  
máre. Urecabe bījacuyū baju bījaiye baji.

<sup>12</sup>Caipucapucupe pajavaroa  
mi jáiye báque, jēvari coyurí  
diedecabu caipucapucupe paivu  
jabova bárājivū, jaboteni búbevū  
cāreja. Ubenita cūináora baju  
jaboteicōjeimara marajárama ñai  
áme áimacu jijecucu. <sup>13</sup>Caivu ina  
caipucapucupe paivu jabova ne ũme  
cūináturubu. Que baru cūinárotamu  
ne ðaiyurō. Caðatenajarama ñai áme  
áimacu jijecucure ne paruéque aru ne  
cōjeiyeque máre. <sup>14</sup>Adamatenajarama  
na Cristore, ovejajicu ne aimure  
copu. Ubenita ũcapūravu jaboteyube  
caivu apevu jabovare aru cōjeñume  
caivu apevu cōjeivure. Que baru vaini  
tucuyume ina ũre maucūvarivure. ũi  
ádamatecūdiyede yóvarājarama ina  
Jūmenijicui beorí cutuimara mácvu  
ðajocabevū cainumva ne ju aiyede ũre,  
áme yure ñai ángele.

<sup>15</sup>Aru ñai ángele, yópe arí, coyure  
nuame yure:

—Jēvari coyurí iya obediya jia ico  
nomió ámeço òi dobae, diedecabu  
ímaroacavu, aru pōeyajubocavu,  
obedivu yávaicamuacavu, aru  
jaborōacavu máre. <sup>16</sup>Ñai áme áimacu  
jijecucu aru ina caipucapucupe paivu  
jabova, jēvari coyurí yópe ũi javaroape,  
mi jáimara mácvu jáiyūbenajarama



ico nomió ãmecore. Caiye õi cõvadee ñajarama õre jocarĩ, ñajocarãjivũ õre cuitõtecaje cubecore. Ñajarama õi bajure. Aru bñjare ñarãjarama õre toaboi. <sup>17</sup>Jũmenijicũvacari ñápiacõjecũyũme ina caipũcarũyũape paivũ jabovare. Que baru cũinãturũ baquiyẽbu ne ùme. Cadatenajarama ñai ãme ãmacũ jjesũcũre, ñarãjivũ yõpe Jũmenijicũ ãrõpe pũ ne ñaiyede bũojaiyeta caiye iye ùi ñaiyũe báquede yõpe ùi aiyẽe báquedepedeca. <sup>18</sup>Aru jẽvari coyũrĩ ico nomió ãmeco mi jãimo máco, õrecabe yõpe no ñmaro ñaicõjeĩmarope caivũ ina ñjarãvũcãvũ jabovare, ãme yũre ñai ãngele.

**Juan ùi coyũino Babilonia  
ãmicũriĩmaro bñjainora**

(Mt 22.2-3; Ef 5.23-32; Ap 7.14, 14.8)

**18** <sup>1</sup>No yõboi, jãcacũ apescu ãngele ãmeñũre cavarõ mearo Jũmenijicũ cũrõre jocarĩ. Parũéque cõjeãme. Aru ùi mearoque miãdãre ñame cainore. <sup>2</sup>Bũjiéque yõpe arĩ, coðoboboame ù:

—Jave bñjaivũ no ñmaro urarõ Babilonia ãmicũrõ. Diĩmaro mácarõ abujuva ne cũrõ teivũ. Obediyajuboa ãimara vũivũ põeva ne ubemara máre ne cũrõ teivũ no ñmaro mácarõ. <sup>3</sup>No ñmaro mácarõcãvũ urarõ ãmeina ñare ñaima caivũ ñjarãvũcãvũ Jesucristore ju abevũre cainoa joborõai. Aru caivũ ina jabova ñjarãvũcãvũ ãmeina ñaima diĩmaro mácarõcãvũque. Aru caivũ ñjarãvũcãvũ bojeãipõeva cũve cũvarivũ bateima diĩmarocãvũ ne urarõ ãmeina ñaiye boje. Que baru bñjaivũ no ñmaro mácarõ, ãme ñai ãngele.

<sup>4</sup>Aru jãpiacãcũ apeno yãvãinore cavarõ mearo Jũmenijicũ cũrõre jocarĩ. Yõpe arĩ, coyũãvũ:

—Mũja, jĩ põeva, etajarã diĩmarore jocarĩ, mũja ãmene ñabenãjivũ nõcãvũque, mũje ñãjimenãjiyẽpe aivũ náque. <sup>5</sup>Diĩmarocãvũ ãmene ñare ñũivũ bateima, yõpe cainiyutubope teni ne ãmenoque pũ cavarõ mearo Jũmenijicũ cũrõita. Ñrarõ baju ãmene ñaima na.

Que baru Jũmenijicũ ãrũmi caiye iye ne ãmeina ñaiyede. <sup>6</sup>Nõcãvũre ñajarã yõpe ne ñaiyẽpe apevũre. Yõpe ne apevũre ñãjine ñaiyẽpe, ñãjine ñajarã náre pũquedeca. Aru yõpe ne apevũre ãmeno ñaiyẽpe, ãmeno ñajarã náre pũque. <sup>7</sup>Yõpe urarõ mearore aru ùre cũve bojecũede máre ne ùye báquepe ne baju, nopedeca ñcãvãjarã náre ñãjiyede ùre aru chõioyede máre ùre cũinãturũra. Yõpe arĩ ñápiarĩduyama na ne ùmei: “Yui jabotenãjivũ dobarivũbu ñũja. Apejĩe ye jaubevũ ñũjare. Cõmãje ñrojarãvũ ãmenãjaramu ñũja cainũmũa. Aru chõio menãjaramu, ñãjimenãjaramu máre cainũmũa”, arĩ ñápiarĩduyama nõcãvũ, “¿Meara márica apevũ pũeno?” aivũ. <sup>8</sup>Que baru cũinãjarãvũ baquinõmiãreca urarõ ãmeno ñaquiyẽbu diĩmarocãvũre. Maumejiena nõcãvũ chõiori, ãvũé ñãjini, yainãjarama na. Aru ne ñmarore juarĩ bñjaino maquiyẽbu. Yõpe vaiquiyẽbu, maje jabocu Jũmenijicũ parũcũ baju “Ñãjijara” ùi aiyẽ boje.

Nõpe jãpiacãcũ apeno yãvãinore cavarõ mearo Jũmenijicũ cũrõre jocarĩ.

<sup>9</sup>Caivũ ina jabova ñjarãvũcãvũ ãmeina ñaiyẽe bácvũ diĩmaro mácarõcãvũque bũjiéque coðoboborĩ, ñarebare totarĩ orãjarama na, ne jãiyede toabico porĩ mũnõre no ñmaro mácarõre éiyede.

<sup>10</sup>Jidũrivũ ne ñãjiyũbe boje diĩmarocãvũ bácvũpe, joai mautenãjarama. Aru yõpe arĩ, orãjarama na:

—¡Ayu, ayu, mũjare pare meamevũ Babilonia ãmicũriĩmarocãvũre! Pare chõioivũbu mũja. Maumejiena no ñmaro urarõ, parũé cũrõ mácarõ bñjaivũ, orĩ coðoboborãjarama.

<sup>11</sup>Caivũ ñjarãvũcãvũ bojeãipõeva máre bũjiéque coðoboborĩ, ñarebare totarĩ orãjarama diĩmarocãvũ bácvũre boje. Que baru ñame cũbenama caride ne cũvede bojeãarĩ ùvũ. <sup>12</sup>Põescu cubecũbe bojeãarĩ ñũũ náre ne ùrũre, ne platare, ne cũrajiboa bojecũrijĩboare, ne perla ãmicũrijĩboare bojecũrijĩboare máre, ne cuitõtecajea meacãjea lino aru seda ãmicũricãjeare, aru ne

cuitótecajea bojecuricajea jūaricajeare aru ñemijuaricajeare máre. Põecu cubecube bojedari ññ náre caiye jocucua me mumijuricare, ne cūve bojecuricūvede āimacūi javaro marfil āmicurijavaroque ðaiyede, aru jocucua bojecuricuaque ðaiyede, bronce āmicue tūque ðaiyede, hierro āmicue tūque ðaiyede, aru cūrabo boribo mármol āmicuriboque ðaiyede máre. <sup>13</sup>Põecu cubecube bojedari ññ náre ne canela āmicue mumijuede aru ape mumijuede máre, ne juarājinore mumijūrõre ðaquiyepa aivū, aru ape mumijuede mirra āmicue aru olfbano āmicuede máre. Põecu cubecube bojedari ññ náre ne vino úyaicorore, ne neo carorājiyepa aivū neore, ne pāure ðaiyede harina āmicue, aru ne trigo āmicue oteiyede máre. Põecu cubecube bojedari ññ náre ne oteiāimarare ducūede ūmaivure, ne ovejavare, ne caballovere, ne jāturucūare, aru ne yebacavure máre, ina dāpiaivure. <sup>14</sup>Ina bojedaiivū bācavū, yópe arī, coyurājarama diimaro mācarōcavure:

—iAyu, ayu, jave cūivú mujare iduá jocucu jēidua mearua pare cojūteavū mujare! Jave bījaiivū mujare jocarī caiye mūje cūve bojecuede aru mūje tauturare máre. Que baru diede ye cūvabenajaramu mūja bediōva cojedeca, arī coyurājarama na, chíoiivū.

<sup>15-16</sup>Ina caiye iyede bojedaiivū bācavū cūve cūvateima ne bojedaiye báque boje diimaro mācarōcavū bācavūque. Ina bojedaiivū bācavū joai mautenajarama, ne jāiyube boje diimaro mācarōcavū ne ñājiyede. Aru bujiéque coðoborī, ñarebare totarī orājarama, yópe arī:

—iAyu, ayu, pare meamevū no imaro urarō mācarō! Nomió cūve cūvcope paino mateávū no imaro mācarō. Diimarcavū bācavū cuitótecajea meacajea lino āmicuricajeare, jūaricajeare aru ñemijuaricajeare máre doivū bateima na. Aru úrure, aru perla āmicurijīboa bojecurijīboare, aru apejīboa cūrajīboa cojidijīboa bojecurijīboare máre adaiivū bateima na.

<sup>17</sup>Maumejiena caiye iye ure cūve báque me cūivú, arājarama ina bojedaiivū bācavū, chíoiivū.

Caivū ina jiadocūa uracūare jarūvairpõeva aru caivū ina curānūivū jiadocūa uracūaque, caivū ina jiadocūa uracūa memeipõeva aru caivū jia uraðai memeipõeva máre joai mautenajarama na. <sup>18</sup>Ne jāiyede toabico porī muri no imaro mācarō éiyede, yópe arī, coðoborājarama:

—Apeno imaro urarō, ári nópe paino cubteavū cainūmua, arājarama na.

<sup>19</sup>Que arī, dūvarājarama jobore ne baju jipoburā ne chíoiye boje. Bujiéque coðoborī, ñarebare totarī orājarama na, yópe arī:

—iAyu, ayu, pare meamevū no imaro urarō mācarō! Caivū ina cūvarivū bācavū jiadocūa uracūare jia uraðai cūve cūvarivū bateima diimarcavū bācavū ne bojedaiye báque boje na mācavure ure cūvede. Maumejiena caiye iye me bījarī cūivú. <sup>20</sup>Mūja, cavarō mearo Jūmenijicūi cūrōcavū, torojujarā mūja no imaro mācarōcavū bācavū ne ñājiye boje. Mūja, Jūmenijicūi põeva, Jesucristoi yāvaiye méne beorī coyucōjeimara aru Jūmenijicūi yāvaiyede coyucapõeva máre torojujarā mūja Jūmenijicūi ñājine ðaiye boje nócavū bācavure. Ū ñājine ðaiyede, bojedaii na mācavure yópe ne āmeno ðaiye báquepedeca mujare, arājarama na.

<sup>21</sup>Dinūmure cūinācu ángele parucu cūinābo cūrabo urabore, oteiyabeare cūoibope paibore, ñni dūvarī jarūvame jia uraðai. Yópe arī, coyūame:

—Yópe bījaino maquiyébu no imaro urarō Babilonia āmicurō. Vnojarī jāmenamu cojedeca cainūmua. <sup>22</sup>Ye jāpurabequiyebu cojedeca no imaro mācarōre ne yūriaiye báque arpaque, flautaque, aru trompetaque máre. Ye cūbenama cojedeca memeipõeva no imaro mācarōre. Ye jāpurabequiyebu cojedeca no imaro mācarōre ne cūoiye oteiyabeare cūoiboque, ne pāure ðarājivū. <sup>23</sup>Ye pēoibū cojibequiyebu

cojedeca no ĩmaro m acar ore. Que baru ĩemiq uyiebu nore. Ye p r ubuo enama cojedeca no ĩmaro m acar ore. Que baru j purabeq uyiebu cojedeca nore ne toroj ve teiye b aque p eva ne p r ubuoiyede. N pe vaiq uyiebu di maro m acar ocav re ne bojed ip eva par riv  b cav  caiv  arev  ij rav cav  bojed ip eva p eno. N pe vaiq uyiebu di marocav re j jovai v  b cav re caiv  ij rav cav  Jesucristore j  abev re ne yavi  daiye b aqueque,  me  nai  ngele.

<sup>24</sup>Ina Babilonia  micr i maro m acar ocav  b cav  n j jima ne boar  jar vaiye b aque boje caiv  ina J menijic i y vaiyede soy caip eva m cav re, ina J menijic i p eva m cav re, aru caiv  ij rav cav  boar  jar vaimara m cav re m re.

**19** <sup>1</sup>No y boi, j piacacu y  bujino  rar re y pe c in yajubo obediv  p eva ne y vaiye buj epe. Cavar  mearo J menijic i c r re jocar  j piacacu n re, y pe ar  co oboboiyede:

iAlel ya! Mearore j najarev  J menijic re.  vacari j ve me daibi p evare. Aru j ve meacu bajube. P eno par c be m re. J ve majepacu J menijic be  . <sup>2</sup>Caiye  i daiye m tamu. Aru caiye  i soy iye j vetamu m re. N j ne  aibi ico nomi   i baju bojed ado b core  m vare  rar   menore  acodo n que.    meina  are n no mate co caiv  ij rav cav que, caino jobor ai Jesucristore j  abev re  i  rar   meina  aiyeque. J menijic  n j ne  aibi bojed ay  re,  i boar  jar vaiye b aque boje  re memecaiv re. Que baru mearore j najarev  J menijic re, aima na.

<sup>3</sup>Bedi va cojedeca co obobor i aima:

—iAlel ya! Mearore j najarev  J menijic re. No ĩmaro  rar   ni dajocabev  cain m a. Que baru toabico por  m iv  nore jocar  cain m a, aima na, mearore j v  J menijic re.

<sup>4</sup>Ina veinticuatro paiv  b c va aru ina y vaic vaiv  ar riv  mor  tuima

jobor ita mearore j najiv  J menijic re,  nai dobacure jaboc i dobar  mearo coricacar ra, y pe ar :

—Qu decabu. iAlel ya!

Mearore j najarev  J menijic re. J menijic recabe maje mearore j m , aima na.

<sup>5</sup>Dinum re j purateav i apeno y vaino no dobar  mearo coricacar  yebare jocar . Y pe ar , soy  v :

Mearore j jar  majepacu J menijic re. Caiv   re memecaiv  aru caiv  arev  p eva m re, ina qu j na aru b c va m re, caiv   re p edaiv , mearore j jar ri  re, ar  soy  v .

**Juan  i soy ino ne toroj ve teinora Cristo, ovej ic  ne aima,  i p r ubuoiyede**

<sup>6</sup>No y boi, j piacacu y  bujino  rar re y pe c in yajubo obediv  p eva ne y vaiyepe y pe c rat c ve  rat c ve bujinope aru y pe  po tuino p eno baju bujinope. J piacacu n re, y pe ar  co oboboiyede:

iAlel ya! Mearore j najarev  J menijic re. Maje jaboc  J menijic  par c  caiv  p eno jaboteni b y be caride. Que baru mearore j najarev   re. <sup>7-8</sup>Eaiv  caride Cristo, ovej ic  ne aima,  i p r uboij rav . J marepaco baco o me daibico  i baju. Maje jaboc  doic jeimi  re meacaje lino  micuricaje docucubeni cojidicajede. Aru j vari soy ri dicajedecabu y pe J menijic i p eva ne  aiye m pe. Que baru toroj r jarev  maja. Toroj riv  maje  mei mearore j najarev  maja J menijic re, aima na.

<sup>9</sup>Dinum re  nai  ngele, y pe ar , toivaic jeame y re:

—Toivajacu m  iyede: “Toroj r jarama caiv  ina cutuimara m cav  ne  raj yepe ay   nai ovej ic i p r uboiyede toroj ve teinoi”,  me  nai  ngele.

Aru y pe ar , cutur  jaro me:

—Iye ji coyuiye mure caride  
Jūmenijicui yávaiye jāvetamu, áme ũ.

<sup>10</sup>Ji jápiaiyede ũi nópe aiyede,  
ñnatutacacu yu ũi cuboba yebai,  
mearore jíyuríduyu úre. Ŭbenita yópe  
arí, mearore jícōjemeteame ũ yure:

—Que ðabejacu mu. Yu máre  
memecayubu Jūmenijicure mupedeca  
aru mívure páyu máre, ina coyivũ  
Jesús ũi yávaiyede jāvene ðajocabevũva  
pu arevũ náre boarí jarũvaiyeta. Que  
baru mearore jíjacu mu maje jabocu  
Jūmenijicure cūinácureta, áme yure.

Ñai Espiritu Santo majide ðaibi  
caivũ ina Jūmenijicui yávaiyede  
coyũcaipōevare, ne coyurājiyere ayu  
Jesús ũi yávaiyede jāvene.

**Juan ũi coyũino ñai caballo bocurã  
tubacurã**

(Jn 1.1, 14; Ap 13.1-18, 14.20, 17.14)

<sup>11</sup>Dinũmure jácacu yu cavarō mearo  
Jūmenijicui curō voainore. Aru nore  
járóteame cūinácu caballo bocu. Ñai  
tubacu ũra bojeðabi pōevare méque.  
Aru ádamateibi méque ũi mauvare máre.  
Que baru útame jāve yávayũ aru méne  
ðayũ máre cainũma. <sup>12</sup>Ŭi yacorũa  
cojíteavũ yópe toa uruiyere. Cũvateame  
obeditarabua jipobũ adaitarabua  
ũi jipoburã, ũi jaboteiye boje  
obediyajuboacavure. Aru cūináro amíá  
toivaino mácarōre cũvateame. Ŭbenita  
ũ cūinácuva majibi nore. <sup>13</sup>Doame  
ũi cuitótecaje puenocacajede jiveque  
ēnuicaje bácarōre. Ŭrecabe “Jūmenijicui  
ðápiainore coyũcuedacuyũ” ne aimũ.  
<sup>14</sup>Ŭi yóboi daima ina cavarō mearo  
Jūmenijicui curōcavũ ádamateipōeva  
tubarivũ caballova borivurã na coapa.  
Aru doaima meacajea lino amicũricajea  
cuitótecajeare. <sup>15</sup>Ñai ne jabocure  
etavũ ũi jijecamure jocarí cūináve  
boaicarove ũpũjidivepe. Diveque boarí  
vainí tũcuyũme caivũ ijārvũcavũ  
Jesucristore ju abevure. Ŭrecabe  
jabotecuyũ náre parúeque. Aru ũvareca  
ñájine ðacuyũme náre yópe pōeva ne  
vino úyaboare piporí córore yuuiyere  
Jūmenijicui jorojĩni jáiye boje náre, ne

ámeina teiye boje. <sup>16</sup>Ñai ne jabocu ũi  
cuitótecajena aru ũi toarurã máre yópe  
arí toivaino mateávũ: “Jaboteyũbe caivũ  
arevũ jabovare aru cōjeñũme caivũ  
arevũ cōjeipōevare máre”, arí toivaino  
cúteavũ.

<sup>17</sup>Aru jácacu cūinácu ángele núcure  
aviarã. Yópe arí, coðoboboame  
parúeque caivũ ina cavavape paivure,  
ina vũivũ cavarō coricai, aviá ũi curōi  
jāravũ corica baji:

—Áradajarã. Cójijjarã amuri  
yo javateino urarō Jūmenijicui  
meaðacaquinore mũjare. <sup>18</sup>Ina jabovare,  
aru churaravai jabovare, ũmũva  
parũrivure, caballovare, aru caballovã  
tubarivure, yebacavure, yebacavũ  
ãmevure, quíjinare, aru bũcũvare máre,  
caivũ ne jiarũare áradajarã, áme ñai  
ángle.

<sup>19</sup>Aru jácacu ñai áme aimacu  
jijecũcure aru caivũ ina jabovare  
ijārvũcavũ boaipōevaque cójijivure  
ne boarídurājiyere aivũ ñai caballo  
bocurã tubacure aru ina ũque curivure  
máre. <sup>20</sup>Ŭbenita ñai áme aimacu  
jijecũcu ne jēimũ mateáme. Aru ñai  
Jūmenijicui yávaiyede coyũcaipōescure  
teyũ, borocũede coyũyu, máre ne  
jēimũ mateáme. Ŭrecabe pōeva ne  
ðarí majibede ðayũ bácu jipocamia  
ñai áme aimacu jijecũcui jáinoi. Iye  
pōeva ne ðarí majibede ũi ðaiyeque  
jujovame obedivũ pōevare jipocamia.  
Ina cũvarivũ bácvure ñai áme aimacu  
jijecũcui toivaino mácarōre aru ina  
mearore jivũ bácvure ñai áme aimacu  
jijecũcui pēpeimure máre jujovame ũ.  
Ina pũcarãre jēni, jarũvaimara mateima  
arũrivũra cãreja toabo azufreque  
cũiméboi. Noi ñai áme aimacu  
jijecũcu aru ñai Jūmenijicui yávaiyede  
coyũcaipōescure teyũ, borocũede  
coyũyu, énajarama cainũma. <sup>21</sup>Aru  
caivũ arevũ náque nũivũrecabu ũi boarí  
jarũvaimara mácvũ ñai caballo bocurã  
tubacu ive boaicaroveque cũvacu ũi  
jijecamui. Aru caivũ ina cavavape paivũ  
javateni yapima na mácvũ ne jiarũa  
báquede.

**Juan ñi coyüino mil paiüjua baju  
Cristo ñi jaboteiyena**

(Mt 19.28; Lc 22.30; Ap 1.6,  
5.10, 6.9, 13.16-17, 14.9)

**20** <sup>1</sup>Jácacu cüinácu ángele  
emeñure cavarō mearo  
Jñmenijicui curōre jocarī. Cuvateame  
ñi purui no llavede, ñi voaquinore  
aru biequinore máre no ñmujuricobe  
ecoinore. Aru cüináme täume  
ducirimene máre cuvateame ñ. <sup>2</sup>Jéame  
ñai ñijuacu cücre mamarumre pu  
caride máre. Ñai ñijuacube abujuvai  
jabocu. Diablo ámicubi ñ. Aru Satanás  
máre ámicubi ñ. Ñai ñijuacure  
jñni buóáme ñre mil paiüjua baju.  
<sup>3</sup>Ñre buriburu yóbore, ñai ángele  
jaruvame ñre no ñmujuricobe jívui.  
Ñre jaruváriburu yóbore nore, dicobe  
ecoinore bieáme llaveque. Jájaro  
dáme dicobe ecoinore ñai ángele.  
Nópe dáme ñai abujuvai jabocure, ñi  
jujovabequiyere ayu ijárvucavure  
bediöva cojedeca pu mil paiüjua  
vainíburu yóboita. Dinumu maquinóre  
jodeimu macuyéme obebejáravua bajura.  
<sup>4</sup>Aru jácacu jabovai dobarōa mearoare.  
Ina dobarivu iye dobarōara maje jabocui  
ñájine ñaicójeimara mateima pōevare,  
ne ámeina teiye boje. Aru ina yaivu  
bácavu ne coyuiye báque boje Jesús ñi  
yávaiye méne aru Jñmenijicui yávaiyede  
máre dajocabevuva ne ñmene jácacu  
yu. Na mácavurecabu mearore jíbevü  
bácavu ñai áme áimacu jijecücre, aru  
ñi pépeimure máre. Aru ñi toivaino  
mácarōre máre cuvabeteima na mácavu  
ne tütuvará aru ne puruárá máre.  
Nacajari yainore jaruváři, apurivu teni  
jaboteima na Cristoque mil paiüjua  
bajureca. <sup>5</sup>Nómu pōeva ne mamarumu  
nacajaiye yainore jaruváři. Ubenita  
apevu ina yaivu bácavu nacajameteima  
cáreja pu diüjua mil paiüjua  
vainíburu yóboita. <sup>6</sup>Torojurarjarama  
ina Jñmenijicui nacovaimara yo  
mamarumu nacovaino yainore jaruváři.  
Námu Jñmenijicui pōeva. Sacerdoteva  
barájarama na, memecarájivu ñre

aru Cristore máre. Jabotenajarama na  
Cristoque mil paiüjuaareca. Que baru  
numenajarama na toabo cüiméboi.

**Juan ñi coyüino Cristo ñi vainí  
tuiyena abujuvai jabocure**

<sup>7</sup>Que baru mil paiüjua vainíburu  
yóboi, ñai Satanás jodeimu macuyéme.  
<sup>8</sup>Etacuyéme dicobe ñmujuricobede  
jocarī, jujovacünucuyü pōevare, cainoa  
joborōacavure. Jujovacünucuyéme  
ina Gog ámicurōcavure aru ina Magog  
ámicurōcavure máre. Ina pōeva obedivu  
barájarama yóre épayabea cüere jia  
uraða écarurá. Náre cójjiovacuyéme  
Satanás, ne ádamatenajiyere ayu. <sup>9</sup>Ina  
pōeva obedivu cainoa joborōare jocarī  
darī, cójjijini, nuri jacoturájarama  
Jñmenijicui pōevare, ina boacáivure,  
aru Jñmenijicui imarore, ñi jecurōre.  
Ubenita toa ocainope turī cavarō  
mearo Jñmenijicui curōre jocarī éni  
bájaroquiyebu náre. <sup>10</sup>Aru ñai abujuvai  
jabocu, náre jujovayu bácu, jaruvaimu  
macuyé toabo azufreque cüiméboi  
máre. Que teni vainí tuquiyebu ñre  
yóre ñai áme áimacu jijecücre ñi  
vainí tuiye báquepedeca aru ñai  
Jñmenijicui yávaiyede coyucáipōescure  
teyu, borocuede coyuyure, máre. Noi  
ñájinajarama na jaravure aru ñamine  
máre cainumua.

**Juan ñi coyüino Jñmenijicui  
bojedaiyena yaivu bácavure ne ñaiye  
báque bojede**

(Mt 25.41; Ap 2.11, 3.5, 21.8)

<sup>11</sup>Dinumure jácacu jabocui dobarō  
mearo cüináro, urarō borō dobarōre  
aru ñai dobacure nora. Joborō aru  
cavarō máre bíjavü. Járobeteavü  
cojedeca. <sup>12</sup>Aru jácacu ina yaivu bácavu  
caivure, quíjinare aru bucüvare máre,  
núrivure no jabocui dobarō mearo  
urarō jipocai. Paperatucuboa voaino  
mateávü. Aru apetucubo paperatucubo  
máre, Jñmenijicui paperatucubo caivu  
ina jaravu cüiméjaravu baquinóre  
cuvarájivu ñque ne ámiáre toivaitucubo  
voaino mateávü. Aru ina yaivu bácavu

ñájiçõjeimara mateima yópe ne ðaiye báquepedeca aru iye toivaiye cøpedeca ditucuboa paperatucuboi. <sup>13</sup>Caivũ ina yaivũ bÁCavũ jia uraðai cúteima no jabocũ dobarõ mearo urarõ jipocai. Aru caivũ ina yaivũ bÁCavũ coreivũ bÁCavũ ne curõĩ máre cúteima no jabocũ dobarõ mearo urarõ jipocai. Que baru caivũ ina yaivũ bÁCavũ cúteima nore. Aru caivũ ina ñájiçõjeimara mateima yópe ne ðaiye báquepedeca. <sup>14</sup>Caride ina yaivũ bÁCavũ yainájarama cojedeca. Na mácvũre coreino mácarõ jarũvaino mateávũ toabo cūiméboi. Ina yaivũ bÁCavũ yainájarama pũque, mamarũmu ne bajuque ijárvũni aru no yóboi ne ũmeque toabo cūiméboi. No toabobu yópe jia uraða uruĩnope urarõ baju. Nore ñájinajarama cainũmũa. <sup>15</sup>Caivũ ina ne ãmiá toivaino cøvabevũ bÁCavũ ditucuboi, Jũmenijicũi paperatucubo caivũ ina jÁrvũ cūiméjÁrvũ baquinóre cøvarájivũ ũque ne ãmiáre toivaitucuboi, nárecabu jarũvaimara mácvũ dibo toabo cūiméboi.

**Juan ũi coyũino cavarõ mamarora  
aru joborõ mamarora**

(Mt 25.41; Jn 4.10, 14, 7.37; Gá 4.26; 2 P 3.13; Ap 2.11, 3.12, 7.17, 19.7-8, 20.14)

**21** <sup>1</sup>No yóboi, jácacu cavarõ mamarore aru joborõ mamarore máre. No cavarõ javecarõ mácarõ aru no joborõ javecarõ mácarõ máre bíjaiye bateávũ. Aru diya jia uraða máre bíjaiya bateávũ. <sup>2</sup>Aru jácacu no ĩmaro pũeno mearo Jũmenijicũi ĩmarore, mamaro Jerusalén ãmicũriĩmarore. No ĩmaro ĩmene dÁvũ Jũmenijicũi jivateino cavarõ mearo ũi curõre jocarĩ. Yópe nomiõ pũrũbũocodo õi meaðaiyepe torojure ðacodo jímarepacu bacũyũre, popedeca no ĩmaro meaðaino mateávũ torojure ðaquiepe aino Cristore. <sup>3</sup>Aru jápiacacu apeno yÁvaino bũjino etaiyede no jabocũ dobarõ mearo coricacarõre jocarĩ. Bũjiéque yópe arĩ, coyáavũ:

—Caride Jũmenijicũ cubi pøevaque. Cøcũyũme náque. Aru nácapũravũ ũi pøeva marajárama. Jũmenijicũvacari

cøcũyũme náque. Ne mearore jímu macũyũme ũ. <sup>4</sup>Tũrecũyũme caiye oride ne yacoruare. Torojure ðacũyũme náre cainũmũa. Caiye javede cøe báque jave bíjavũ cari. Que baru pøeva ye yaibénajarama. Chĩomenajarama. Obenajarama. Aru ijibequieyebu náre máre, arĩ coyáavũ.

<sup>5</sup>Dinũmũre ñai dobacu jabocũ dobarõ mearora, yópe arĩ, coyáame:

—Caride caiyede mamae ðayũbu yũ, áme.

Aru yópe arĩ, toivaicõjeame yũre cojedeca:

—Iye yÁvaiye métamu aru jávetamu máre. Que baru toivajacu mũ iye ji yÁvaiyede, áme yũre.

<sup>6</sup>Aru ñai dobacu jabocũ dobarõ mearora, yópe arĩ, coyáame:

—Quénoramu. Yũrecabu mamarũmũcacu aru yóbocacu máre.

Yũrecabu býyũ bÁcu, bubayũ máre. Que baru cøvũ yũ cainũmũa. Ácu pøesa ũi ũcũiyũru, ũre jícũyũtu yũ oco bojesũbede no oco píarõpino arũre ðaiocore jocarĩ. <sup>7</sup>Yópe mearo ðacacũyũtu yũ ñai vainĩ tũyũre ámenore jarũvarĩ. ũi mearore jímu macũyũtu yũ. Aru jímacu bacũyũme ũ. <sup>8</sup>Ŭbenita caivũ ina ñájiyũbevũ yure boje ne jídué boje, aru ina dajocavũ ne jũ aiyede yũre, ina caijĩe ámene ðaivũ, ina pøevare boarĩ jarũvavũ, ina ámeina ðaivũ apenvũque némarebũcũva ámevũque, ina yaviéde ðaivũ, ina mearore jívũ pøeĩmarare, aru ina borocurivũ máre, caivũ ina nũrajarama ne curájinoi, no toabo azufreque cūiméboi. Que baru jēvari coyũĩ yópe ne yaiepe pũque nũrajarama na.

**Juan ũi coyũino mamaro Jerusalén  
ãmicũrõra**

(Mt 5.8; Jn 8.12; Ef 2.20; 1 Jn 3.2; Ap 16.1, 21.23)

<sup>9</sup>No yóboi, cūinÁcu ina siete paivũ ángeleva iduá siete paidua jororũa ñájiõvaiye buidídua jororũare iye siete paie ñájiõvaiyeque cøvarivũ bÁCavũcacu coyũcudame yũre. Yópe arĩ, coyáame:

—Dajacu. Jáđovacuyubu mre ico nomió parubucodore Cristo, ovejajicu ne aimque, áme yure ñai ángele, áme.

<sup>10</sup>Aru ñai Espíritu Santo dápiacōjeame yure. Que teni ñai ángele n̄vame yure cūracu ũmujaricū puenoita. Noi curivuta, jáđovame yure no ĩmaro mearo baju, Jūmenijicū ĩmaro Jerusalén āmicurīĩmarore. No ĩmaro ěmene daino mateávũ Jūmenijicū jivateino cavarō mearo ũi curōre jocarī. <sup>11</sup>Jūmenijicū cue boje pore, urarō p̄oávũ no ĩmaro. Yópe cūrabo cojidibo pare bojecuribore jári javaiyoibo jaspe āmicuribope p̄oávũ no ĩmaro. <sup>12</sup>Pare ũmujarido biaido cūteavũ no ĩmaro yóbore. Dido biaido cuvateavũ doce paicobeá jedevacobeá. Dicobeá jedevacobearā toivaino mateávũ ne āmiá ina doce paiyajuboa Israecavũ ne yajuboa āmiá coapa. Aru doce paivũ ángeleva jári coreivũ bateima dicobeá jedevacobeá coapa. <sup>13</sup>Yóbecuricobeá jedevacobeá cūteavũ caiyovaicuvair̄p̄ravuai coapa. Avíá dainocap̄ravui yóbecuricobeá jedevacobeá cūteavũ. Avíá daino meap̄ravui yóbecuricobeá jedevacobeá cūteavũ. Avíá daino cācop̄ravui yóbecuricobeá jedevacobeá cūteavũ. Avíá doinocap̄ravui máre yóbecuricobeá jedevacobeá cūteavũ. <sup>14</sup>No biaido me jājaro núvari đaido bateávũ cūrava urava parurivarā. Doce paiva cūrava cūteavũ. Diva cūravarā toivaino mateávũ ñuje āmiá ñuja doce paivũ ñai ovejajicū yávaiye méne beorī coyucōjeimara ñuje āmiá coapa.

<sup>15</sup>Ñai ángele yávayũ yure cuvateame cūinádo corevaiyo úruque đaiyore, corevacuyũ no ĩmarore, dicobeá jedevacobeare, aru biaidore máre. <sup>16</sup>No ĩmaro yóvaicuvaitōbua cūteavũ. Caiye yóvaicuvaitōbua cūináturu bateávũ. Ũmujurō vaibóque cūináturu bateávũ. Ũi corevaiyede corevame no ĩmarore p̄camil doscientos paikilometros baju ũmujurōre, p̄camil doscientos paikilometros baju joarōre, aru p̄camil doscientos paikilometros baju urarōre

máre. <sup>17</sup>No yóboi, corevame no biaidore máre. Yópe p̄vea ne corevaiyepe sesenta y cinco paimetros baju corevame no biaidore.

<sup>18</sup>No biaido đaino mateávũ jaspe āmicuriva cūrava bojecurivaque. Aru no ĩmaro đaino mateávũ úru me baju docucubeque. Que baru jivarupe paino ũbenita jári javaiyoino mateávũ. <sup>19</sup>No ĩmaro jājaro núvari đaino mateávũ cūrava urava parurivarā. Aru divarā cūteavũ apeva bojecuriva meava baju. Doce paiva cūrava bojecuriva cūteavũ. Diva mamarumucava ĩmaro núrivarā jaspe āmicuriva bateávũ. Apeva cutuiva ĩmaro núrivarā zafiro āmicuriva bateávũ. Apeva cutuiva ágata āmicuriva bateávũ. Apeva cutuiva esmeralda āmicuriva bateávũ. <sup>20</sup>Apeva cutuiva ónice āmicuriva bateávũ. Apeva cutuiva cornalina āmicuriva bateávũ. Apeva cutuiva crisólito āmicuriva bateávũ. Apeva cutuiva berilo āmicuriva bateávũ. Apeva cutuiva topacio āmicuriva bateávũ. Apeva cutuiva crisoprasa āmicuriva bateávũ. Apeva cutuiva jacinto āmicuriva bateávũ. Aru diva piniducava ĩmaro núrivarā amatista āmicuriva bateávũ. <sup>21</sup>Dicobeá doce paicobeá jedevacobeá đaino mateávũ perla āmicuriva bojecuriva cūravaque. Caicobeá jedevacobeá coapa cūináva perla āmicurivaque đaino mateávũ. Aru đima no ĩmaro urama đaino mateávũ úru me baju docucubeque. Que baru jivarupe paima, ũbenita jári javaiyoima, mateávũ.

<sup>22</sup>No ĩmaroi jámetecacu Jūmenijicū cūramine. Caino no ĩmarore Jūmenijicū cūrami cubeteavũ. Maje jabocu Jūmenijicū parucu caivũ p̄eno cubi caino no ĩmaroi. Aru Cristo, ñai ovejajicu, máre cubi caino no ĩmaroi. Que baru Jūmenijicū cūrami jaubevu nore. <sup>23</sup>Aru jaubevu avíá aru avíá ñamicacũ máre ne p̄oiye nore. Jūmenijicū cue boje nore, urarō p̄oávũ no ĩmarore. Aru ñai ovejajicu p̄oibupe p̄oñume nore. Que baru avíá aru avíá

ñamicacu máre jaubema na nore.  
 24 Caivu pøeva cainoa joborðacavu  
 vaivárãjarama no ïmaro miadáeque.  
 Aru caivu jabova davarãjarama caiye  
 ne cavaede, ne tãuturare máre no  
 ïmaroita. 25 Caijãravua no ïmaro  
 jedevacobeá voaicobeá baquiyébu. Aru  
 ñami cubequiyebu nore. Que baru  
 no ïmaro jedevacobeá ye biebecobeá  
 baquiyébu cainuma. 26 Caivu pøeva  
 cainoa joborðacavu davarãjarama  
 caiye ne cavaede, ne tãuturare  
 máre no ïmaroita. 27 Òbenita ye  
 ámeno cubequiyebu nore. Ye pøeva  
 cuyojeda teivu aru borocurivu máre  
 ecobenajarama nore. Quénora caivu  
 ina cavarãjivu jãravu cãméjãravu  
 baquinóre Jũmenijicuque ne ámiãre  
 toivaiye báque boje ánitucubo, ñai  
 ovejãicui paperatucuboi, ecorãjarama  
 nore.

**22** 1 No yóboi, cojedeca ñai ángele  
 jádovame yure cünáda jiare.  
 Diya jia meada cojidiya etaivu no  
 jabocui dobarõ mearore, Jũmenijicui  
 dobarõre aru ñai ovejãicu máre ñi  
 dobarõre jocarí. Diya jia apure ðaivu  
 pøevare mamaũmeque. 2 Diya jia  
 bejaivu ma urama coricai no ïmaro  
 Jũmenijicui ïmaroi. Aru diya écaruai  
 caiprcarũrvuai jocucua apure ðaicua  
 cuvũ. Caaviava jẽjãravua eaivu. Que  
 baru doce paitvaboa caijua coapa  
 jẽidũare jivu dicuá jocucua. Aru  
 dicuá jocucua yoca meadaivu caivu  
 pøevare cainoa joborðacavure. 3 No  
 ïmaroi ye cubequiyebu caiye iye  
 jorojini járe ðaiye Jũmenijicure. Que  
 baru ye ámeno ñãjine ðaino pøevare  
 cubequiyebu nore. No jabocui dobarõ  
 mearo, Jũmenijicui dobarõ aru ñai  
 ovejãicui dobarõ máre, cuquiyebu  
 no ïmarore. Aru Jũmenijicure  
 memecaipøeva mearore jínajarama  
 úre. 4 Òi jivare járajarama na. Aru  
 ñi ámiãre toivaino maquiyébu ne  
 tãtvãrã. 5 Ñami cubequiyebu nore.  
 Maje jabocu Jũmenijicu miadáre  
 ðacacuyume nócavure. Que baru  
 jaubequiyebu náre pøoibua aru aviã

máre. Aru nócavu jabotenajarama  
 jãravu cãméjãravu baquinóre.

**Juan ñi coyũno Jesucristo  
 copaidacuyure ijãravui bediõva  
 cojedeca**

(Jn 4.10, 14, 7.37; Ap 1.8, 17, 2.8)

6 Dinũmure ñai ángele, yóre arí,  
 coyũáme yure:

—Iye ji yãvaiye métamu aru jávetamu  
 máre. Maje jabocu Jũmenijicu, ñai  
 majide ðayu bácu ina ñi yãvaiyede  
 coyũcaipøevare, daroáme yure ñi  
 ángelede, ñi jádovayuiyere ayu úre  
 memecaivure iye vaiquíye jauéde  
 maumejiena, áme ñai ángele yure.

7 Aru Jesúvacari yóre aibi:

—Jãjacu. Maumejiena dacuyumu  
 yũ. Torojurãjarama caivu me jápiarí jũ  
 aivu caiye iye Jũmenijicui yãvaiyede  
 coyũcaiyede toivaiye báquede itucubo  
 paperatucuboi, aibi Jesús.

8 Yũ, Juan, jápiacacu aru jácacu caiye  
 iye ji toivaiye báquede. Diede jápiarí  
 aru járiburu yóboi, ñatutacacu yũ ñai  
 ángele ñi cuboba yebai, ñai jádovauũ  
 mácu yure caiye iyede, mearore  
 jíyurĩduyu úre. 9 Òbenita yóre arí, yure  
 mearore jícojemeteame úre:

—Que ðabejacu mũ. Yũ máre  
 memecayũbu Jũmenijicure mupedeca  
 aru mívũpe páyu máre, ina Jũmenijicui  
 yãvaiyede coyũcaipøeva, aru nápe  
 paivu máre, caivu ina me jápiarí jũ  
 aivu caiye iye toivaiye báquede itucubo  
 paperatucuboi. Que baru maje jabocu  
 Jũmenijicure cünácũra mearore jíjacu  
 mũ, áme yure.

10 Aru yóre arí, coyũáme yure  
 cojedeca:

—Joabejĩnotamu vaiquino yóre  
 iye toivaiye báquedepedeca ditucubo  
 paperatucuboi. Que baru yavebejacu  
 pøevare jocarí caiye iye Jũmenijicui  
 yãvaiyede coyũcaiyede toivaiye báquede  
 itucubo paperatucuboi. 11 Dinũmure caiye  
 iye nópe vaiquĩnũmũre, ácu pøescu ámesu  
 baru, ámenore ðare nuíye javũ úre. Aru  
 ácu pøescu ámesu baju baru, ámeno bajure  
 ðare nuíye javũ úre. Ácu pøescu meacu



baru, mearore ðare nuiye jāvuv ĩre. Aru ácu pōescu meacu baju baru Jūmenijicure ũi memecaiye boje, mearo bajure ðare nuiye jāvuv ĩre, áme yure ñai ángele.

<sup>12</sup>Bediōva cojedeca Jesús, yópe arĭ, соуѳáме:

—Jájacu. Маумеjiена дасчүмү ун. Davacчүмү caivv pōevare ne bojede, bojedacчү caivvure yópe ne ðaiye báquepe náre coapa. <sup>13</sup>Yñrecabu mamarчүмсacu aru yóbocacu máre. Yñrecabu cсcу bácu caiyede cuedaquiye jipocai aru cсcүу caiyе cūinfburu yóbore. Aru yñrecabu býу bácu, bubayu máre. Que baru cсvч yч cainчmua.

<sup>14</sup>Torojurājarama caivv ji meaðaimara ne ámene jarчvaiye báque boje yópe ne jarчvaiyеpe docure ne joaiyede ne cuitōtecajеare. Nárecabu áicōjeimara márájivу dicу jocсcу apure ðaicу jēiduarе. Aru nárecabu eicoiōjeimara márájivу no ĩmaro jedevacobeai. <sup>15</sup>Ūbenita no ĩmaro jedevai mautenajarama caivv ina ámena baju, ina yaviéde ðaivv, ina ámeina ðaivv apenvque némarebucчva ánevчque, ina pōevare boarĭ jarчvaiв, ina mearore jĭvч pēpeimarare, aru ina borocurĭ jĭjovaiyчrivу apenvure máre, áme Jesús.

<sup>16</sup>Aru yópe arĭ, соуѳáме Jesús cojedeca:

—Yч, Jesús, darocacu ñai ángelede, ũi соучquiyеpe ayч caiye iyede mujare, yчre ju aivvure, mujе cōjjinoai. Yñrecabu ñai jabocу David bácuĭ pāramecu. Aru yñrecabu ñai abiacorч pēoñч miadáre dayч, áme Jesús.

<sup>17</sup>Ñai Espírиту Santo “Dajacu”, ayube Jesúre. Aru ico ovejajicui máreparo

“Dajacu”, adobe Jesúre. Aru caivv ina jápiaivv diede “Dajacu”, ajarári na máre. Yópe cūinōimara ne pare ũcuiyчpere ocore, nopedeca mұja nuiyчrivv baru Jūmenijicui cчrōi, pare ұjarā Jesúre. Ūtame yópe oco apure ðaiocope. Caivv ĩre vчrivv Jūmenijicui cчre ðaimara marajárama ũi cчrō mearoi cainчmua bojecubeda.

<sup>18</sup>Yч, Juan, mearo ðaicōjeivv paredeca caivv ina jápiaivvure caiye iye Jūmenijicui yávaiyede соучcaiyede toivaiye báquede itucubo paperatucuboi. Pōescu ũi toivaru arejĭene ересчүу iyeque, Jūmenijicу рчeno baju ñájine ðacчүмe ĩre iye ñájiovaiyеque, соуиye báquede ditucubo paperatucuboi. <sup>19</sup>Aru pōescu ũi tčreni jarчvarу arejĭene itucubo paperatucuboquede, iye Jūmenijicui yávaiyede соучcaiyede toivaiye báquede, Jūmenijicу ĩre áicōjemecчүмe apure ðajjocсcу jēiduarе. Que baru me cчrĭ byojabecчүмe Jūmenijicүque cainчmua. Aru Jūmenijicу cчicōjemecчүмe ĩre no ĩmaro mearo bajure. Dicу jocсcурā aru diĭmarora máre соучino mateávč itucubo paperatucuboi.

<sup>20</sup>Ñai caiye diede соуччч aibi:

—Maumena dасчүмү, aibi.

Que bajaróri. Mч, maje jabocу Jesús, dajacu.

<sup>21</sup>Maje jabocу Jesucristo mearo ðacajacurĭ mujare bojecubeda ũi me boje. Quédecabu. Quénoramu.

# Aipe aiye apesamua ñaradaviva yávaicamua Majerasu Jūmenijicui yávaiye mamaene coyuitucuboque cámuu

**ágata** Cūináva cūravabu no ĩmaro mamaro Jerusalén āmicurĩĩmaro jājaro núvari ðaiva, boriva aru ñeminiva máre, yópe mevamevarivape. (Ap 21.19)

**águila** Míyavipe páyube, ũbenita p̄eno uracu. Pare jjesucube ũ. (Ap 4.7, 8.13, 12.14)

**amatista** Cūináva cūravabu no ĩmaro mamaro Jerusalén āmicurĩĩmaro jājaro núvari ðaiva, ñemijuariva. (Ap 21.20)

**Areópago** Cūracū Atenas āmicurĩĩmaro coricacacūmu, 115 paimetros ũmujuricū, Atenacavu b́acavu ne cójijino mácarō, borotenaživ̄. (Hch 17.19, 22)

**Armagedón** Joborō āmiá ũbenita p̄eva ne majibeno nore coyuiyebu Apocalipsis 16.16. Nore cójijinajarama caiv̄ ina jabova ij̄arav̄cavu āðmatenaživ̄ copu Jesucristoque.

**arpa** P̄eva aru ángeleva toroj̄uve teiv̄u ne biabeibobu, cuarenta y seis paimea biabeimea c̄uv̄, yóbecurivea joc̄uvea jív̄ui. (Ap 5.8, 14.2, 15.2)

**Artemisa** P̄epeimo máco nomiópe ārojaco Éfesocavu b́acavu aru ap̄ev̄u Asia āmicurijoborōcavu b́acavu máre ne mearore j́imo marejaquémav̄. Ne dápaiyepe

ō aviá ñamicac̄re cōjeip̄eco barejácoða. Aru nomiva micava j̄uedoc̄varāživ̄re cadatedo barejácoða. Que baru óre mearore jídejaquemav̄. (Hch 19.23-41)

**azufre** Tāu cūraj̄umemu. P̄eva ne éiyede diede, ēnuricoro teiyav̄ ũ yópe jia uruiyape. (Ap 9.17-18, 14.9, 19.19-20, 20.10, 21.8)

**Baal** Cananeo āmicurij̄ubocavu b́acavu Jūmenijic̄re j̄u abev̄u ne mearore j́im̄me. (Ro 11.4)

**Babilonia** ĩmaro urarō mácarō marejaquémav̄ jia Éufrates āmicur̄iya écarui. Ap̄ev̄u Israel b́acui p̄aramena mácavu ne eaiĩmaro mácarō marejaquémav̄ ne mauva mácavu ne b̄or̄i ñuvaiye báquede na mácav̄re. (Mt 1.11, 17; Hch 7.43; 1 P 5.13) Aru ĩmaro urarō maquinó maquiyebu ij̄arav̄ cūiquíye jipoj̄icai, āmeina teip̄eva Jesucristore j̄u abev̄u ne c̄ur̄aj̄iĩmaro. (Ap 14.8, 16.19, 17.5, 18.2, 10, 21)

**Beelzebú** Cūináro āmiá abujuvai jabocui āmiámu. Ape ũi āmiámu Diablo aru Satanás. (Mt 10.25, 12.24; Mr 3.22, Lc 11.15)

**berilo** Cūináva cūravabu no ĩmaro mamaro Jerusalén āmicurĩĩmaro jājaro núvari ðaiva, ap̄ev̄m̄ua jūmeniva yópe córiápe, aru

- apenũma jũmeniva yópe cavarõpe, aru apenũma boriva. (Ap 21.20)
- bronce** Tãu joborõ jívni cãvũ, ne íye úrupe ãrojae, ũbenita majiéda cãrajũme, aru jũae maque ãrojae. Diemareca Israecavũ bãcavũ ðarejaquemavũ ne Jũmenijicũre mearore jíñamiqũe cãvede. (Jn 3.14; Ap 9.20, 18.12)
- burra, burro** Põeva ne tubamũme aru ne cãvede ũmañũme. Oteiãimacũbe caballope ãrojacũ, ũbenita quíjicũ. (Mt 21.2-7; Mr 11.2-7; Lc 13.15, 19.29-34; Jn 12.14-16)
- camello** Põeva ne tubamũme aru ne cãvede ũmañũme. Oteiãimacũbe caballope ãrojacũ, ũbenita pũeno ũracũ aru yapitũma cainidũ cũcũ. (Mt 3.4, 19.24, 23.24; Mr 1.6, 10.25; Lc 18.25)
- canela** Jocũcũ curiãjĩe jũaricuriãjĩemu. Ũbenita ěmijũebu. Apevũ põeva ne ãiyede ěmijũe ne ðaiye bu. (Ap 18.13)
- Cástor aru Pólux** Griego ãmicũriyajubocavũ bãcavũ aru Roma ãmicũrõ jaboteinocavũ bãcavũ pũcarã ne obedivũ jũmenijinacavũ bãcavũ barejãimãða. Pẽjava marejãimãða. Jia ũradai nũicũa jiaðocũa ũracũa máquena memepõeva mãcavũ ne mearore jímarã marejãimãða. (Hch 28.11)
- cebada** Cainijicũa jẽiyebu quíjichĩajiboa. Judíova aru apenvũ põeva mãre cũve cãvabenvũ ne pãu ðaiye. Apenũma judíova bãcavũ jícarejaquemavũ Jũmenijicũre ne pãu cebadaque ðaiye báquede. Aru caballova, camellova mãre ne ãiyebu. Octubre baji, ocorũmu yóboi otedaimã diede, aru jẽiyede ñnaima abril baji. (Jn 6.9, 13; Ap 6.6)
- celote** Põecũ cũinãcũ ina judío ãmicũriyajubocacũbe. Celote ãmicũriyajubo oatũvaiyũrejaquemavũ ina Romacavũre ne jaboteiyede. Ũbedejaquemavũ César bãcũ ũi
- jaboteiyede judíovare. Quénora nãcavũvareca ne jaboteiyede ũrejaquemavũ ina celote ãmicũriyajubocavũ. (Mt 10.4; Mr 3.18; Lc 6.15; Hch 1.12)
- cobre** Tãu jãjãe joborõ jívni ne íye jũae ãrojae aru mecarĩjĩepe paiye bu. (Mt 10.9)
- cornalina** Cũinãva cũravabu no ĩmaro mamaro Jerusalén ãmicũriĩmaro jãjaro núvari ðaiva, jũariva. (Ap 4.3, 21.20)
- crisolito** Cũinãva cũravabu no ĩmaro mamaro Jerusalén ãmicũriĩmaro jãjaro núvari ðaiva, cũrajũmeniva. (Ap 21.20)
- crisoprasa** Cũinãva cũravabu no ĩmaro mamaro Jerusalén ãmicũriĩmaro jãjaro núvari ðaiva, jũmeniva yópe cõriãpe. (Ap 21.20)
- Cristo** Griego ãmicũricamua yávaicamuaque aiyũrõmu Jũmenijicũi daroimũ mãcũ.
- Diablo** Cũinãro ãmiã abujuvai jabocũi ãmiãmu, Borocũcũ aiyũrõmu griego ãmicũricamua yávaicamuaque. Ape ũi ãmiãmu Beelzebú aru Satanás. (Ap 20.2)
- epicúreo** Põecũ bueyũbe cũinãcũ bueipõecũ bãcũi bueiye báquede, ũi ãmiã Epicúreo (341-271 a.C.). Ũ mãcũ buedejaquemavũ põeva ne torojũe jaũrõre náre caiye pũeno. (Hch 17.18)
- esmeralda** Cũinãva cũravabu no ĩmaro mamaro Jerusalén ãmicũriĩmaro jãjaro núvari ðaiva, jũmeniva yópe cõriãpe. (Ap 4.3, 21.19)
- estoico** Põecũ bueyũ cũinãcũ bueipõecũ bãcũi bueiye báquede, ũi ãmiã Zenón (335-263 a.C.). Ũ mãcũ buedejaquemavũ põevare ye baju ãmene ne torojũe aru ne chĩoiye aru ne ñãjiye mãre. (Hch 17.18)
- eunuco** Põecũ parũcũ jabocũre o jabocore cadateipõecũ barejaquémavũ. Jaborõcarõre cãvede o tãutũrare coreipõecũ barejaquémavũ. Aru ũi baju

nomicubecu barejaquémavu. (Hch 8.27)

**fariseo** Judíovacacu Moisés bácu ñi toivaiye ðaicõjeiye báquede bueivucacu barejaquémavu. Aru ape ðaicõjeiyede máre, ne baju ðarí cõmajiyede, bueivucacu barejaquémavu. Fariseova ãmicurivũ Moisés bácu ñi toivaiye báquede bueivũ barejaquémavu aru jũ aivũ barejaquémavu nópe die ðaicõjeiyepe.

**flauta** Tãraiyoju japuiyo. (Ap 18.22)

**Genesaret** Apeãmiamu Galilea ãmicurijitabũ macajitabũ urabũ. (Mt 14.34; Mr 6.53; Lc 5.1)

**Gog** Gog ãmicurõcavũ maucũvarãjarama Jesucristore ñi copaidaquiyede ijãravũ. (Ap 20.8)

**griego** Grecia ãmicurijoborõcacube aru dijoborõcavũ ne yávaicamuamu. (Hch 6.1, 9.29, 36, 13.8, 21.37; Col 3.10)

**hebreo** Israel bácuĩ pãramenacacube aru ñi mácuĩ pãramena ne yávaicamuamu. (Jn 20.16; Hch 6.1; 2 Co 11.22)

**Hermes** Cũináyajubo põeyajubo griego ãmicurijajubocavũ obedivũ pẽpeimara mácvũre cũvarejaimaða. Ne pẽpeimaracacũ bácu Zeus ãmicucũi mácu Hermes ãmicũrejameða. Ne ðãpiaiyepe ñi, Hermes, cõjenejameða põeva ne yajuiyede, ne bojeðaiyede ne mágoare, aru arevũ pẽpeimara mácvũre boro ñvacaipõecu barejãmeða. (Hch 14.12)

**higuera** Cũinácu jocucũbu 4 pũ 7 paimetros ãmũjũricũ. Jẽidũa mearũa cũricũbu aru bótaicũbu. (Mt 21.17-21, 24.32; Mr 11.11, 13, 19-20, 13.28; Lc 13.5-9, 21.29; Jn 1.48; Stg 3.12)

**higo** Higuercacu ãmicuricũ jocucũ jẽidũabu. Pũque ñjũá coapa jẽiyebu. Ocorũmũre jẽidũabu quĩjĩdũa aru jãjaridũa. Ubenita mearũa jẽiyebu ñjũgũmũre. (Mt 7.16; Mr 11.13; Lc 6.44)

**hisopo** Jocũjĩcũ pare jãjariyoca cũrijĩcũbu. Que baru icũ jocũjĩcũ cavabũaque judíova sacerdoteva bácvũ ne ðarí cõmajiyede ne memecaiyede Jũmenijicũre jajiédejaquemavu ãimara ne boaimara mácvũ ne jivede. (Jn 19.29; He 9.19)

**Israel** Apeãmiamu Jacob bácuĩ ãmiá, Isaac bácuĩ mácu bácuĩ ãmiá. Que baru ñi mácuĩ pãramena “Israecavũ” o “israeva” ãmicũma arepũmũa. Aru arepũmũa ãmicũma “judíova”, aru arepũmũa “hebreova”.

**italiano** Italia ãmicurijoborõcacube. (Hch 10.1)

**jacinto** Cũináva cũravabu no ñmaro mamaro Jerusalén ãmicurĩĩmaro jãjaro núvari ðaiva, jũmeniva yópe cavarõpe. (Ap 21.20)

**Janes aru Jambres** Pũcarã yaviéde ðaipõeva mácvũ barejaquémavu, ina maucũvarivũ bácvũ Moisés bácvũre aru Aarón mácvũre dijãravũ, ne oatuvaijãravũ bácarõ ne tuturiteiyoa báquede ãðava arũrivũ ðarí. (2 Ti 3.8)

**jaspe** Cũináva cũravabu no ñmaro mamaro Jerusalén ãmicurĩĩmaro jãjaro núvari ðaiva, jũmeniva yópe cõriápe. (Ap 4.3, 21.11, 18-19)

**Jerusalén** Judíova ne ñmaro urarõmu, ne cũrijoborõcarõ. Aru mamaro ñmaro maquinó máre, Jũmenijicũi põeva ne cũrãjino maquiýebu.

**judío** Cũináyajubo põeyajubocacũbu, Israel bácuĩ pãramenacacũ. Ina judíovare arepũmũa “Israecavũ” o “israeva” adama náre, aru arepũmũa “hebreova”.

**lana** Oveja o cabra ãmicurivũ oteiãimara poðaque ne ðaime cuitótemepebu. (He 9.19; Ap 1.14)

**laurel** Jocucũbu. Dicũ yocaque ðarejaquemavu jipobũ aðaitarabũare, yajuipe ðeva ne yajuiye me boje. (1 Co 9.25)

**león** Macarõcacu yavi jũacũpe páyũbe, ubenita pũeno uracu aru pũeno jijecũcũ. (He 11.33; Ap 5.5, 9.8, 17, 10.3, 13.2)

**levita** Jacob b́acni mácsu barejaquémavũ Leví b́acũ. Leví b́acni ṕaramena levita ámicurejaquemavũ. Na mácavũ barejaquémavũ J́umenijicui ćuramine memei ṕoẽva, oeivũ b́acavũ aru joaivũ b́acavũ diñamine aru diñamiquede. (Lc 10.32; Jn 1.19; Hch 4.36)

**lino** Cónva ćurichíabobu. Yobedoque yoca ćurichíabobu. Yobedoque n̄omuare ñni, cuitótemea cuitótécajea ñameare ñaiye bu. (Mt 27.59; Mr 14.51, 15.46; Lc 23.53, 24.12; Jn 19.40; Ap 15.6, 18.12, 16, 19.7-8, 14)

**lobo** Macayavimipe árojacube. Ubenita p̄eno uracũ, pare jijecũcũbe. Joborõ j̄ajurõi curiáimacube. Que baru poða urarõ cũcũbe. (Mt 7.15; Jn 10.12)

**Magog** Magog ámicurõcavũ mauc̄varájarama Jesucristore ñi copaidaquiyede ijaravũ. (Ap 20.8)

**maná** Áiye barejaquémavũ J́umenijicu ñi jíye báque israeva b́acavũre ne cuiyede p̄ocũbenoi cuarenta paic̄jua baju. Maná ámicue quíjiyabea boriyabea étayabeape, ubenita em̄ijue mumipe barejaquémavũ. (Jn 6.31, 49; He 9.4)

**marfil** Elefante ámicũcũ áimacũ miepe árojacube ubenita p̄eno uracũ p̄ucajavaroa cũcũ. Dijaravoa borijavaroa marfil ámicũvũ. Pare j̄ajarijavaroa aru pare bojecũvũ. (Ap 18.12)

**mármol** C̄ravapebu pare j̄ajariva, aru boriva, aru bojec̄riva. (Ap 18.12)

**Mesías** Hebreo ámicuricamua yávaicamuaque aiyurõmu J́umenijicui daroimũ mácsu. (Jn 1.41, 4.25)

**mirra** Jocũjĩcũ yoca p̄oẽva ne mumijue ne ñaiye bu. P̄oẽva yaivũ b́acavũre judíova ne jarũvarájiye bu. Aru juoie ñaiye bu máre. Die p̄oẽvare ijinore dápiabede ñaiye bu.

(Mt 2.11, 27.34; Mr 15.23; Jn 19.39; Ap 18.13)

**Moloc** C̄ináyajubo p̄oẽyajubo amonita ámicuriyajubocavũ b́acavũ ne mearore jímu marejaquémavũ. J́umenijicure ne mearore jíyere aimũ marejaquémavũ, ubenita J́umenijicu ámecureca. Uí p̄eimeũ mácsu p̄ocẽpe árojurejaquemavũ ubenita jipobũque yópe otevecũ jipobũpe. (Hch 7.43)

**mostaza** Cainicu quíjiyabe biapemepe paityabeque oteicũbu. Ubenita buc̄urĩ muc̄ũbu yóbecurimetros baju. Dicũ j̄eiyabeabu yópe betacajídoape c̄rajũme árojae. Aru majíeda ijiébu bia c̄chijino. Israeva aru arevũ p̄oẽva ne ánore j̄ivari áiyebu. (Mt 13.30-31, 17.20; Mr 4.31; Lc 13.17, 19, 17.6)

**nardo** Cainichíabobu yoca curĩ, miu curĩ, aru cónva boricovũabu. Cainiñũ aru n̄omuare mumijue ne ñaiye bu. Ubenita pare bojecũebu, dichíabobu p̄aiye boje p̄ocũbenoi, c̄racũa um̄juricũa p̄eno. Me mumijebu. (Mt 26.6; Mr 14.3; Jn 12.3)

**nazareno** P̄ocẽ jũ ayũ barejaquémavũ Jesús Nazarecacũ ñi buieyede arep̄m̄ua p̄oẽva ne aimũ nazareno. (Hch 24.5)

**nicolaíta** P̄ocẽ p̄eimarare mearore jíyũ barejaquémavũ aru ámeina ñayũ barejaquémavũ nomivaque jímarepacõ ámevũque. (Ap 2.6, 15, 16)

**olíbano** Jocũjĩcũ mumijue curijĩcũbu. Jocũjĩcũ Asia ámicurijoborõcascũbu. Boe cuidõ jutué curicũ me mumijebu. (Mt 2.11; Ap 18.13)

**olivo** C̄inácũ jocũcũbu j̄eidua curicũ dicũ j̄eidua ámiámu olivorũa. Ure cavabũa curicũbu. Aru quíjie yoca curicũbu. Pare j̄ajaricũ, ubenita judíova pare bojec̄urivũbu. (Mt 21.1, 24.3, 26.30; Mr 6.13, 11.1, 13.3, 14.26; Lc 10.34, 16.6, 19.29, 37, 21.37, 22.39; Jn 8.1; Hch 1.5, 11; Ro 11.17; Stg 3.12, 5.14; Ap 11.4)

**ónice** C̄ináva c̄ravabũ no ímaro mamaro Jerusalén ámicuríimaro

jājaro núvari ðaiva, arenumña ñeminiva aru arenumña boriva. (Ap 21.20)

**ovejá** Oteiáimacu cámuca yuyuica cuscú, ñi poða mecaríjie cuscú, aru ye jijecubecube. Obedivú ovejavare boarí juarí jídejaquemavú judíova bávavú Jūmenijicure, ne ámeina teiye báque boje.

**Paraíso** Pðeva Jūmenijicure jū aivú bávavú yaivú bávavú Jesucristoi daquiye jipocai ijāravú ne coreino mácarōmu pū Jesucristoi nūvajāravú bācarōita cavarō mearoi ñi yainíburu yóbore. (Lc 4.25, 23.43; 2 Co 12.4; He 11.5)

**Pascua** Aiyurō ángele ñi vaino mácarō aiyurōmu ina israeva bávavú ne cuede Egipto ámicurijoboroi. Ángele vaidéjaquemavú israeva bávavú ne cūramia pñenora, boacáyú caivú mama juedova ñmūvare. Nópe ðarejaquemavú Jūmenijicú Faraón mácu ñi jaetovaquiyepe ayú ina israeva bávavure Egipto ámicurijoborore jocarí, ne yebacavure ne curō mácarōre jarūvarí. Pascua judíoiva ne torojūve teinomu, dijāravú bācarōre ānuri, torojuede jívu Jūmenijicure. (Lc 2.41, Jn 2.13, 23, 6.4, 11.55, 12.1, 12, 13.1; Hch 12.4; 1 Co 5.7; He 11.28; Mt 26; Mr 14; Lc 22; Jn 18-19)

**Pentecostés** Cūináro torojūve teinomu, judíoiva ne yóbecue parúe baju torojūve teiye űjñá coara. Yo torojūve teinomu siete paisumana o cincuenta pajāravú Pascua torojūve teijāravú yóboi, ne oteiye de jēijāravūare. Que baru torojuede jíyaima Jūmenijicure aru jícaðaima űre ne páure, mamarumú ne ðaiye de mamañū jēiyeque. (Hch 2.1, 20.16; 1 Co 16.8)

**perla** Cūrajibo quíjibobu pare bojecurijíbo, cavarūpe páyú ñi jēcuque ðajíbo borijíbo. (Mt 7.6, 13.45-46; Ap 17.4; 18.12, 16, 21.21)

**querubín** Cavarō mearocacú Jūmenijicure memecarí aru mearore

jíni majibi caivú pñeno. Pñcarā pēpeimara mácvavú nápe ārojarivú curējaquemavú ānitōcu judíoiva bávavú ne cūve meacūvede adaitōcu mácarō pñenora. (He 9.5)

**Ramá** Cūináimaro Benjamín ámicurijayubocavú bávavú ne ímaro mácarō ocho paikilometros Jerusalén ámicuríimaro joarōi aviá daino meapūravú. Díimaro mácarō joabenoí cūracobe jívu jarūvarejaquemavú Raquel bácore, Jacob bású márepaço bácore. (Mt 2.18)

**Refán** Apevú ne pēpeimaracacú bású ámiá ne mearore jímu marejaquémavú ű, Refán. Apevú Israecavú mearore jídejaquemavú űre ne Egipto ámicurijoboroi cuede, ne jū abe boje Jūmenijicú cōjeiyede. (Hch 7.43)

**sacerdote** Jacob bású mácu Leví bású pāramena levita ámicurejaquemavú. Cūinácu nácacú bású, Aarón ámicuscú, aru caivú űmūva ñi pāramena mácvavú sacerdoteva barejaquémavú. Áimara ne boaimara mácvavure aru ape jícaiyede máre jícarejaquemavú Jūmenijicure judíoiva pðeva ne ámeina teiye boje.

**saduceo** Judíovacacú quénora buedejaquemavú Moisés bású ñi toivaiye báquede. Ape de buebedejaquemavú. Que baru cūináturú āmenejaquemavú ne dápiaino fariseova aru saduceovaque. Saduceovacarūravú jū abedejaquemavú yainore jarūvarí nacajainore aru ángeleva ne cuede, aru decova máre ne cuede.

**Satanás** Cūináro ámiá abujuvai jabocú ámiámu, Maucú aiyurōmu hebreo ámicuricamua yávaicamuaque. Ape ñi ámiámu Beelzebú aru Diabolo. (Mt 4.3, 10, 16.23; Mr 1.13, 8.33; Lc 4.2, 10.18, 22.3, 31; Jn 13.27; Hch 26.18; Ro 16.20; 1 Co 5.5, 7.5; 2 Co 2.11, 4.4, 11.14-15, 12.7; 1 Ts 2.18; 2 Ts 2.9;

1 Ti 1.20, 5.15; Ap 2.9, 13, 24. 3.9, 12.9, 20.2, 7-8)

**seda** Cuitótecaje meacaje bajubu, ãcuriova o júva ne jécumeaque ne ðaicaje. (Ap 18.12)

**sicómoro** Cūinácu jocucubu higeracape paicũ. ðre yoca curicubu. (Lc 19.14)

**Sión** Cãracũmu Jerusalén ãmicuriĩmarocacũ. Jesucristo ñi copaidaquiyede ijãravũ níucuyũme dicũ. (He 12.22, Ap 14.1)

**Tiberias** Apeãmiamu Galilea ãmicurijitabu macajitabu urabu. (Jn 6.1, 23, 21.1)

**topacio** Cūináva cãravabu no ĩmaro mamaro Jerusalén ãmicuriĩmaro jãjaro núvari ðaiva, cãrajũmeniva. (Ap 21.20)

**trigo** Cainijicũa jẽiyebu quĩjichĩajiboa. Judíova aru arevũ pœva máre ne páu ðaiye. Octubre baji, ocorũmu yóboi otedaima diede, aru jẽiyede ññaima junio baji. (Mt 13.24, 30, 38; Lc 16.7; Hch 27.38; 1 Co 15.37; Ap 6.6, 18.13)

**trompeta** Japuiyobu tãuque ðaiyo, japuru bujidiyo. (Mt 24.31; 1 Ts 4.16; He 12.19; Ap 1.10, 4.1, 8.2, 6, 18.22)

**vino** ðyaimu jẽidũare ne córo ðaiyebu. (Mt 9.17, 26.28, 27.34, 47; Mr 2.20, 14.25, 15.23, 35; Lc 1.15, 5.37-38, 10.34, 22.18; Jn 2.3, 9, 19.29; 1 Ti 5.23; Ap 6.6, 14.17-19, 18.13, 19.4)

**zafiro** Cūináva cãravabu no ĩmaro mamaro Jerusalén ãmicuriĩmaro jãjaro núvari ðaiva, jũmeniva yópe cavarõpe. (Ap 21.19)

**Zeus** Cūináyajubo pœyajubo griego ãmicuriyajibocavũ obedivũ pœpeimara mácavũre cãvarejaimaða. Cūinácu ne pœpeimaracacũ bácu Cronos ãmicucũ ní mácu Zeus ãmicurejameða. Ne dápiayepe ñ, Zeus, purucãvarejameða caivũ cavarõcavũre aru cavarõquede máre. Nópe dápiarejaquemavũ na mácavũ Jũmenijicu jãve arucũre aru cũcũre máre ne majibe boje. (Hch 14.12-13)